




უიანადო

(კონდრაძე თათაროვილი)

თსხულებათა სრული კრებული

ორ ტომად



საბჭოთა მწერალი




უიანკალო

..

ეოთხნობები

ნაკვეთები
და წერილები



..

1 9 თბილისი 5 7

ტომი შეადგინა, შესავალი წერილი წაუმძღვარა და
შენიშვნები დაურთო სოლომონ ცაიშვილმა-

✱

რედაქტორი
გრიგოლ ჩიქოვანი



უიარაღო (კონსერვატიუმი თათარიზმში)

• • •

„უიარაღო“ — ეს უცნაური ფსევდონიმი ორი ათეული წლის განმავლობაში პეტერბურგით დაქროდა ქართული პრესის ფურცლებზე და იმდროინდელი მკითხველისათვის თითქმის უჩვეულო თემატიკას დასტრიალებდა თავს. მისი მოთხრობების შედეგის — „მამელუკის“ გამოქვეყნებიდან შემჩნეულმა პაუზამ გულსტიკივლით ათქმევინა გაზეთ „სახალხო ფურცლის“ საახალწლო (1916 წ.) ჰიმომხილველს, რომ საკმაო ხანია, რაც უიარაღოს არაფერი გამოუქვეყნებია; „მამელუკის“ ავტორისაგან კიდევ უნდა მოველოდეთ საგულისხმო მოთხრობებსა და რომანებსაო.

ცხადია, მიმომხილველი უნებლიეთ ცდებოდა. მან არ იცოდა, რომ „მამელუკის“ ავტორს ჯერ კიდევ „ივერიაში“, „მომამბეში“, „კვალში“, „ჩეჩილსა“ და „დროებაში“, სხვადასხვა ფსევდონიმი * გამოქვეყნებული ჰქონდა მთელი სერია მოთხრობებისა და ნოველებისა და დიდი რომანის გაშლასაქვეყნებლადც ემზადებოდა. ამ მოთხრობების შესახებ ქართულ პრესაშიც მოიპოვებოდა ცალკეული შეფასება და გარკვეული აზრიც, თემცა მწერლის ვინაობა უცნობი იყო.

უიარაღო ერთი იმათგანი იყო, რომლისაგან გაღებულ წელიწადს ახალი ქართული ლიტერატურის ისტორია ვერ დაივიწყებს. სხვაზე რომ არაფერი ვთქვათ, მარტო „მამელუკი“, „მამიებელნი“ და ბიბლიურ მოტივებზე დაწერილი ნოველები დიდი შენაძენია მეოცე საუკუნის 20-იანი წლების ქართული ლიტერატურისათვის. ამიტომ უიარაღოს ქართული მწერლობის დიდი კორიფეების გვერდით თავისი მყარი ადგილი უპყრია, რადგან, ილია ჭავჭავაძის თქმისა არ იყოს, დიდსა და პატარას თავისი საკუთარი სათქმელი აქვს, რომელშიც მშობლიური ქვეყნისა და ხალხის სიყვარულია ჩასახული და განვითარებული.

მკითხველს გაახსენდება ალბათ ილია ჭავჭავაძის სიტყვები, ი. დავითაშვილზე თქმული. დიდმა ილიამ გლეხ პოეტ ი. დავითაშვილს „ერთი ჩვენთაგანი“, „მოქმელი“, „რჩეული“ და „მადლით გაბრწყინებული“ უწოდა. ამავე დროს იქვე ისიც აღნიშნა, რომ „ერთნაირის უხვებით არ არის ყველა ამ მადლით მიმადლებული. ამაშიც არის დიდი და პატარაობა. მაგრამ დიდი თუ პატარა, რაიც ცოტად თუ ბევრად ამ მადლის მქონეა, იგი რჩეულია მრავალთა შორის და ეს რჩეულობა არის სამართლიანი მიზეზი და საბუთი, რომლის ძალითაც ერს შეუძლიან თავმოწონებით თქვას: „ეს კაცი ჩვენთაგანია“... უიარაღოზეც უნდა გავრცელდეს ეს სიტყვები. ის ხომ მთელი თავისი მომადლებული ნიჭითა და შესაძლებლობით ემსახურა თავის მშობელ ხალხს და ამით შესაფერი ძეგლიც დაიდგა ხალხის გულში.

* თ-ლი, კ. თ-ლი, კოდრა პატრია, მისანი, -ო.

I

„უიარაღო“ ლიტერატურული ფსევდონიმი კონდრატე დავითის ძე თათარი-შვილისა. ეს გვარი ზუგდიდისა და ხობის რაიონებში გვხვდება და დიდი ხნიდან ადგილობრივ მკვიდრად ითვლება. საოჯახო საბუთებისა და გადმოცემების მიხედვით, მათი შორეული წინაპარი კახეთის მეფის ალექსანდრეს (1574-1605) ასულ ნესტან-დარეჯანს გამოჰყოლია მზითევეში, როცა ეს უკანასკნელი სამეგრელოს მთავარ მანუჩარ დადიანზე (1590-1611) გაუთხოვებიათ. დედოფლის მზითევეში მონაყოლი ქაბუჯი სასახლის კარზე დარჩენილა და მისი შთამომავლობაც, ვიდრე ბატონყმობა არსებობდა, სამთავრო გლეხებად ითვლებოდნენ. ამ გადმოცემას ზურგს უმაგრებს ის გარემოება, რომ სიტყვა „თათარი“ მეგრული ენისათვის უცნობია. მის შესატყვისად მას გააჩნია „თურქი“. და მართლაც ამ სიტყვიდან წარმოებული გვარი „თურქია“ ამ მხარეში ბევრია. აღმოსავლეთ საქართველოსა და, კერძოდ კახეთში, დღესაც გვხვდება გვარები: თათრიშვილი, თათარაშვილი, ცინთათრიშვილი და ნათათარაშვილიც. მეგრული თათარიშვილები კი თათრი-შვილიდან უნდა მომდინარეობდნენ, რომელსაც ადგილობრივი კოლორიტის მისაცემად თათარისკუას ეძახიან.

პირველი თათარიშვილი, რომელიც საზოგადო სარბიელზე გამოჩნდა, იყო მარკოზი. იმდროინდელი პირობების კვალობაზე მარკოზ თათარიშვილს იმდენი უმეცადინია, რომ მღვდელი გამხდარა და ისიც — სამხედრო. 1855-56 წ. წ., სამეგრელოში თურქეთის სარდლის ომარ-ფაშის ცნობილი ოპერაციების დროს, მარკოზი მუდმივად თან ახლდა ივანე ბაგრატიონ-მუხრანბატონს, რომელიც მაშინ რუს და ქართველ ჯარს სარდლობდა.

მარკოზის სამსახურს ამოდ არ ჩაუვლია. იგი სამთავრო კარის მღვდლად ჩაურციხავთ და ომის დამთავრების შემდეგ აბასთუმნის საზაფხულო სასახლესთან არსებულ ეკლესიაში გაუმწესებიათ.

ამგვარად, მარკოზ მღვდელი თავის სახლისკაცებს ძველ დროიდანვე ეკის მიდამოებსა და ხობში მცხოვრებ თათარიშვილებს გამოჰყოფია; სასულიერო წოდებაში შესულა და მთელი თავისი ოჯახით სოფელ აბასთუმანში დამკვიდრებულია (აბასთუმანი ზუგდიდის სამხრეთ-აღმოსავლეთით 10-12 კილომეტრის მანძილზე მდებარეობს).

მარკოზი ხალხში საკმაო პოპულარობითა და ავტორიტეტით სარგებლობდა. უიარაღოს უმცროსი ძმის, დამსახურებული პედაგოგის კალისტრატე თათარი-შვილის ცნობით „მამელუკში“ გამოყვანილი მღვდელი მარკოზ დაბაძისა და მისი მეუღლის პროტორიანებმა პაპა მარკოზი და დიდდა მირიკა ესებუას ქალი ყოფილან. ყველა ის დაღუპილი ხასიათი, რაც მოთხრობის ამ ეპიზოდურ გმირს გააჩნია, პაპა მარკოზიდან ყოფილა აღებული.

მღვდელ მარკოზ თათარიშვილსა და მის მეუღლეს მარიკა ესებუას შვიდი ვაჟი და სამი ქალი გამოუზრდიათ. ვაჟთაგან: იესე *, ივანე და ტიმოთე ერის-

* ეს იესე ქაბუჯობისას თურქების. „ყურსალებს“ გაუტაცნიათ და სტამბოლის ბაზარზე გაუყიდიან, მაგრამ იმდენი უმარჯვინია, რომ პატრონს გაქცევია. მაშინ სტამბოლში მყოფ რუსეთის საკონსულოში მისულა. საკონსულოც დახმარებია და სამშობლოში დაბრუნებულა. ასე რომ „მამელუკის“ ავტორის ოჯახს თვითონვე განუცდია ეს ტრაგედია (ცნობა მომაწოდა ზინა თათარიშვილი-ნადარაიამ).

კაცებად დარჩენილან, ხოლო ეგნატე, ანდრია და დავითი სასულიერო პირები ყოფილან. დავითი ჭერ კიდევ მთავარდიაკვნად ყოფილა აბაშაში, როცა მის მეუღლეს, ალათი ჩიტაიას ასულს, 1872 წლის 2 სექტემბერს (ძვ. სტ.) სოფელ აბასთუმანში შესძენია პირველი ვაჟი, რომლისთვისაც კონდრატე დაურქმევიათ და სამეგრელოს დედოფალ ეკატერინე დადიანისათვის მოუნათვლინებიათ.

1879 წელს მამამ 7 წლის კონდრატე სამეგრელოს სასულიერო სასწავლებელში მიიბარა. ეს სასწავლებელი მაშინ მარტვილში იყო, ხოლო 1881-82 სასწავლო წლიდან დაბა ახალსენაკში გადაიტანეს, სადაც კონდრატემ 7-8 წელიწადი დაჰყო თუ რას წარმოადგენდა სასულიერო სასწავლებელი მაშინ, რას ასწავლიდნენ იქ, როგორ ასწავლიდნენ და ვინ იყვნენ ეს მასწავლებლები, ამაზე აქ სიტყვას არ გავაგრძელებთ. სასულიერო სასწავლებლის მასწავლებელთაგან ზოგიერთი უსულგულო მოხელე იყო და რუსიფიკატორულ პოლიტიკას ატარებდა. მაგრამ მათ შორის იყვნენ აგრეთვე ნათელი პიროვნებანი, როგორც ვასილ ბარნოვი, — ჩვენი გამოჩენილი ბელეტრისტი, მაშინ ამ სასწავლებლის ზედამხედველად მყოფი, სტეფანე ძიმისტარიშვილი (მწერლობაში „კორტოხა“). ნიკო ჭარაია, — ძმა ცნობილი მწერლისა და პედაგოგის პეტრე ჭარაიასი და თვითონაც სახელოვანი პედაგოგი, ევგ. მამფორია, კაბ. გაწერელია, ნ. თუთბერიძე, ვიკული, ბოგოლიუბოვი და სხვა. დიდი ამ მასწავლებლების ღვაწლი.

ბ. ვართავა ვადმოვეცემს, რომ კონდრატე იყო პატარა ტანისა, დაუღვროველი, მაგრამ არა აბეზარი, თვალჭრელა თეთრი ბიჭი, რომელიც განსაკუთრებულ ბეჭითობასა და ნიქს არც ერთ საგანში არ იჩენდაო არც რაიმე სახის სპორტით ყოფილა დაინტერესებული, თუმცა ბავშვური ხასიათი და ჩვევები ღიბნანს შერჩენია და უკვე ბუნებრივად მიღწეული, ყაბალხით თავშეკრული, მესტებით და უძიროთი, ის ზანდახან იმასაც არ თაკილობდა, რომ ჯონზე გადამჭდარიყო და მთრახნის ცემით თავის „ტაიოს“ ეჭირთნა. ამავე შემუდარისტის ცნობით, სასწავლებლის ადმინისტრაცია, როცა მთელ რიგ შევირდებზე ღირ იმედებს ამყარებდა, სემინარიაში თავისი ბეჭითობითა და კარგი სწავლით გვესახელებენო, კონდრატეს მათ რიცხვში არასოდეს არ გულისხმობდა თურმე. მაგრამ ეს საშუალო ნიქის კონდრატე თათარიშვილი ბოლო წლებში იმუენად ბეჭითად სწავლობს, რომ სასწავლებელს პირველი ხარისხით ამთავრებს და თბილისის სასულიერო სემინარიაში უგამოდოდ შედის. ეს იყო 1887 წელს, მაშინ კონდრატე 15 წლისა იყო.

მომავალ ბელეტრისტს სემინარიაში არც ისე დამწვიდებული და მყუდრო ვითარება დახვედრია. სემინარიის რექტორი დეკანოზი ჩუდუკი ჭერ გაულახვით * და შემდეგ მოსწავლე. ი. ლალიაშვილმა ხომ ხანჭლით აკუნწა, რამაც გამოიწვია მრისხანე ქარიშხალი და რეაქცია. კ. თათარიშვილის სემინარიაში ჩარიცხვის პერიოდში ეს ამბები თითქმის ვავილილი იყო, მაგრამ „სანატრელი ხმა ხალხთა ბორკილის მტკრევისა“ მთლად მაინც ვერ ჩაეხშოთ. ქართულთა მოძულე ეგზარქოს პავლეს მიერ ქართველი ხალხის დაწყევლა და მის წინააღმდეგ გალაშქრებულ დიშ. ყიფიანის გადასახლება სტავროპოლში და მისი იქ საიდუმლო მკვლელობა — სემინარიაში კვლავ მღელვარებას იწვევდა. სტავროპოლის ტრაგედიაში „მეორე დიმიტრი თავდადებული“ წარმოშვა, რასაც ეს მოძრაობა ახალ და უფრო მაღალ

* 1885 წ. სიემა მოსწავ. ს. ჭიბლაძემ, თმა და წვერი დააგლოჯა. კონვერტში ჩადო და ეგზარქოსს გაუგზავნა წარწერით: „შენი შენთაგან შენდა შემწირველო, ყოველთა და ყოველისათვის...“

საფეხურზე აყავდა. ცხადია, ასეთი წარსულის მქონე სასწავლებელი ამ ფერხულის გარეშე ვერ დარჩებოდა. სემინარიაში ჩამოყალიბებული იყო მრავალი წრე. წრეები ხელნაწერ ეურნალებს უშვებდნენ. ეს ეურნალები არალეგალური იყო და მათ ფურცლებზე მოთავსებული სტატიები და მხატვრული თხზულებებიც პირველი რიგში სასწავლებლის ადმინისტრაციისა და მეფის ხელისუფლების მოქმედების წინააღმდეგ იყო მიმართული. როგორც ია ეკალაძე მოგვითხრობს, სემინარიელები მარტო ამას როდი სჯერდებოდნენ, ისინი ფიზიკურადაც იბრძოდნენ, სცემდნენ და თავდასხმას უწყობდნენ სემინარიას და მის ბურსაში შემოიხენილ ქაშუშებს და ამგვარად, ეს სასწავლებელი, თითქოს ვულკანზე დგასო, მუდამ ერთგვარ რყევასა და მღელვარებას განიცდიდა და განსაკუთრებით კი 1886-87 წლებში.

„სწორედ ამ დროს შევედით სასულიერო სემინარიაში მე და კონდრატე და მას შემდეგ ერთმანეთის დიდი მეგობრები ვიყავით,“ — წერს ერთ თავის სტატიაში ია ეკალაძე. მისივე თქმით, მაშინ კონდრატე იყო ასე 15-16 წლისა, ტანწერილი, კობტა, მოხდენილი, ქოჩორა, მშვენიერი ცისფერი თვალები და მაღალი შუბლი ჰქონდა. ისეთი კისკისი იცოდა, რომ მკვდარსაც კი ფეხებს აადგმევინებდა, რისთვისაც ამხანაგებს ძლიერ უყვარდათ. ყოველთვის უბრალოდ, ქამარშემოკირებული ხალათ ჩაცმული, ფეხზე მეგრულ უძირაობს ატარებდა და ფრინველივით დაჰქროდა სემინარიის ფართო დერეფნებში.

იგი ამავე დროს მეტად შრომისმოყვარე ყოფილა, უსაქმოდ ვერ დადგებოდა, მუდამ მეტადინებოდა, განუწყვეტლივ ფუსფუსებდა, კითხულობდა, უფრო კი წერდა. „რალაცას ჩხიკყედლაობდა“, მაგრამ არავინ იცოდა რას აკეთებდა. იგი ძლიერ მორცხვი, მორადებული და თავმდაბალი იყო და თავის გამოჩენას ყოველთვის ერიდებოდა. რამდენიმე წლის შემდეგ სემინარიის დასრულებისას, როცა კონდრატეს თავის პირველი მოთხრობა „მშვიდობით“ ეურნალ „მოამბეში“ გამოუქვეყნებია, იაკობ ცინცაძისათვის (ია ეკალაძე) პირველი შეხვედრისთანავე უთქვაშს: გახსოვს, რომ მეკითხებოდი ხოლმე რასა სწერო, აი ეს მოთხრობა იყო. ასე რომ, წერა კონდრატეს ჭერ კიდევ სემინარიაში დაუწყია.

მოუსვენარ კონდრატეს შრომისმოყვარეობა და ინიციატივა სასწავლებლის ფარგლებსაც სცილდებოდა. საზაფხულო არდადეგების დროს შინ დაბრუნებული გატაცებით მუშაობდა ყანაში, ბოსტანში, მაღიოდა ტყეში შემის მოსაჭრელად, ეზმარებოდა მრავალრიცხოვან ოჯახს.

მხიარული, ენერგიული და მშობლების ერთგული კონდრატე მარტო მინდვრის სამუშაოებითაც არ კმაყოფილდებოდა. მით უფრო, ამგვარი შრომა გარკვეულ პერიოდში ხდებოდა და თავისუფალი დროც საკმაოდ რჩებოდა სამშობლოს სიყვარულით გატაცებულ მისწავლეს. კონდრატეს ჭერ კიდევ სასულიერო სასწავლებელიც არ ჰქონდა დამთავრებული, რომ პედაგოგიურ საქმიანობას შეუდგა. ბავშვებს ამეცადინებდა. ეს იყო მამის ბოსელში და შემდეგ ეკლესიის პატარა სასენაკოში. მაშინ ამ სოფელში და არც სადმე ახლომახლო კონდრატეს „საზაფხულო სკოლის“ გარდა სკოლა არ იყო.

კმაყოფილი კონდრატეს ეს პედაგოგიური საქმიანობა დაწვრილებით და მხატვრული სახეებით აღწერილია მისივე ვრცელ რომანში „ამაძიებელი“. ამგვარად, საზოგადოებრივ საქმიანობაში ნაადრევად ჩაბმული, სემინარიელთათვის აკრძალული ლიტერატურის კითხვითა და მწერლობით გატაცებული კონდრატე თათარშვილი, როგორც მისი მეგობრები გადმოგვცემენ, ვერ იყო მიინცდამაინც „თვალსაჩინო სემინარიელი“, მათემატიკურ საგნებში იქამდე მოისუსტებდა კიდევ, რომ ხანდახან განმეორებითი გამოცდაც კი გამოჰყვებოდა. მაღალი ნიშნების მიღებით არ ყოფილა

დინტერესებული, ხუთი მხოლოდ ყოფაქცევაში ჰქონდა და ისიც იმიტომ, რომ სემინარიელთათვის დადგენილ შინაგანაწესს გაერგნულად არ არღვევდა. საუწყებო ბიულეტენი „Духовный Вестник Грузинского Мазархата“, რომელშიც თავსდებოდა თბილისის სასულიერო სემინარიის კლასიდან კლასში გადაყვანისა და სხვა საბუთები, 1891 წლის № 8 იუწყება, რომ სემინარიის მესამე კლასიდან მეოთხე კლასში პირველი თანრიგით გადაუყვანათ: იპოლიტე ვართაგავა, კონსტ. ინგოროყვა, ვარ. მახარაძე და სხვა. ხოლო მეორე თანრიგით: ივანე ახალშენიშვილი, დომ. პარკაია, დავ. სუნიშვილი, პრ. ჭულელი, ს. ალადაშვილი, გ. ჩიქოვანი, კონდრატე თათარიშვილი და სხვ...

მეორე თანრიგიდან პირველში გადანაცვლებისათვის გ. თათარიშვილს არც შემდეგ წლებში შეუწუხებია თავი.

1893 წლის 1-4 დეკემბერს, მაშინ გ. თათარიშვილი მე-5 კლასში იყო სემინარიელები გაიფიტენენ, გაფიცვის მიზეზებსა და ისტორიაზე ჩვენ აქ არ შეეჩერდებით, რაღვან ის სპეციალურ ლიტერატურაში საკმაოდ ვრცლად არის გაშუქებული, აქ მხოლოდ იმას აღვნიშნავთ, რომ მწერალმა სემინარიაში გამეფებული რეაქციული რეჟიმი კარგად დაგვიხატა ერთ ნოველაში, რომელსაც ჰქვია „წესდება“.

ამ ნაწარმოებში დაუნდობელი და ღრმა სარკაცებით არის მხილებული სემინარიის რექტორის მიერ შედგენილი შინაგანაწესი, რომელიც გულისხმობდა მოსწავლეთა სასტიკად დასჯას, უმთავრესად აკრძალული წიგნების კითხვისა და მარხვის გატეხისათვის. სემინარიის ინსპექტორის თანაშემწე, ბართლომე ივანიჩი, ღიდ გასაქირშია ჩაყარდნილი. მან იცის, რომ მოსწავლეები ამ წესდებას არ ასრულებენ და გულამოსკენილი ჩივის: „შარშან რა მშენერგი თხზულება გამოვიდა ჩემი ნარექტორალის, ყოვლად სამღვდელო ისილორგისი. თხზულებაში ნათლად არის დამტკიცებული, რომ მოსმენ მართლა გააპო ზღვა და მშრალად გაიყვანა ისრაელი, რომ იქ ზღვის ტალღების არავითარ მოქცევასა და უკუქცევას აღგილი არა ჰქონია. რამდენს მივაწოდე წასაკითხად, მაგრამ არც ერთმა არ წაიკითხა. აბა ერთი კარლ შარქსის ან ენგელსის თხზულება გვეჩვენებინა, ერთმანეთს ცხვირ-პირს ჩამტყვევდნენ“... ცხადია, ჩვენი ავტორი ამგვარი წიგნების კითხვით გატაცებულ მოსწავლეთა ჭგუფს ეკუთვნოდა. ეს დასახელებული ნოველიდან გარკვევით ჩანს.

სასწავლებლის ადმინისტრაციის მიერ გაფიცების მიზეზთა „ღრმად და საუკუქლიანად“ შესწავლისა და მის ნამდვილ მოთავეთა და ორგანიზატორთა გამოკვინების შემდეგ სრულიად რუსეთის უწმინდეს სინოდს 1894 წლის 31 იანვარს გამოუცია ახალი, სპეციალური ბრძანებულება. ამ ბრძანებულების თანახმად თბილისის სასულიერო სემინარიაში სწავლა მთლიანად, ყველა კლასში შეწყვეტილა ახალ სასწავლო წლამდე, ე. ი. 1894-95 სასწავლო წლის დაწყებამდე. ის მოსწავლეები, რომელთაც „უწესობაში“ აქტიური და მორგანიზებელი მონაწილეობა მიუღიათ (ლადო კეცხოველი, ილ. აგლაძე, ივ. ახალშენიშვილი, იაკობ ცინცაძე, კირ. არველაძე, ლუკა ხუნდაძე, ვასო აღშიბაია, იასონ კაპანაძე, ს. ჭულელი და პარმენ რურუა), საეგებით გაურიცხავთ სასწავლებლიდან ყოველგვარი უფლების წართმევით და თბილისში ცხოვრების აკრძალვით. დანარჩენთათვის ნება მიუციათ სწავლა განეგრძოთ ერთი წლის შემდეგ „განახლებულ“ თბილისის სემინარიაში თავისი განცხადების საფუძველზე, ზოგისთვისაც — სხვა ქალაქების სემინარიებში, როგორც იყო მაშინ კიევის, სტავროპოლის, დონის, ოდესის და სხვ. კონდრატეს, ღრო რომ არ გაეცნოდა, თავისი საბუთები გაუტანია თბილისის სემინარიიდან და კიევში გადაუგზავნია. ნათესავთა და კეთილ აღამიანთა დახმარებით მალე

თვითონაც გამგზავრებულა და ამგვარად, კიევის დროებითი მცხოვრები და სემინარიის უკანასკნელი კლასის მოსწავლე გამხდარა.

კიევის სასულიერო სემინარიის კურსი კ. თათარიშვილს ამავე 1894 წლის იანვრის დაუსრულებია, როგორც ბიულეტენი *Духовный Вестник*, № 15 გვამცნებს, II თანრიგით, რაც სასულიერო აკადემიაში სწავლის გაგრძელების უფლებას არ აძლევდა. საერო უმაღლეს სასწავლებლებში კი მაშინ სასულიერო სემინარიის კურსდამთავრებულებს არ ღებულობდნენ. ამის პირველი მიზეზი ის იყო, რომ სასულიერო უწყებებს სურდა ადგილებზე ჰყოლოდა საუკეთესო კადრები, სემინარიაში სწავლამიღებული მღვდლები. ამ გარემოებამ კონდრატეს უმაღლეს სასწავლებლისაკენ გზა გადაუღობა, იძულებული შეიქნა. ჭერხნობით მაინც ბედს დამორჩილებოდა და შინ დაბრუნებულყო.

სამშობლოში დაბრუნებული კ. თათარიშვილი პირველ რიგში თავის სოფელსა და მშობლების ოჯახს მიაშურებს. ახლა კი მას საშუალება აქვს თავისი „საზაფხული სკოლა“ ნამდვილ სამრევლო სკოლად აქციოს და თვითონაც მისი შტატის მასწავლებელი და გამგეც იყოს. ამ ინიციატივას სოფლის მოსახლეობა სიხარულით მიეგება, დროებით დაიჭირავეს შესაფერი ბინა და სამრევლო სკოლაც გაიმართა. კონდრატეს ორი წლის ენერგიული მუშაობის შედეგად სკოლამ საკმაო ავტორიტეტი და ყურადღება მოიხვეჭა მოსახლეობაში, ისე რომ სკოლისთვის საკუთარი შენობის აგებისათვისაც გადამწყვეტი ნაბიჯი გადაიდგა. ამით კონდრატემ თავის ერთი სასუქარი ოცნება განახორციელა. თავის მშობლიურ სოფელს დაწყებითი სკოლა გაუხსნა. ახლა ის ოცნებობდა მეორე, უფრო ფართო სარბიელისათვის, რომელზედაც ფეხი უკვე შედგმული ჰქონდა, მაგრამ ნივთიერი პირობები და ოჯახური მდგომარეობა ხელს არ უწყობდა ამიერიდან მომარტყბულიყო, მეტი ნაყოფიერება გამოეჩინა. ამისათვის 1894 წლის 27 აგვისტოს მშობლიურ სოფელ აბასთუმნიდან იგი ვრცელ წერილსა სწერდა სოფრომ მგალობლიშვილს, რომელიც მაშინ ფოთში ღურია-სამეგრელოს ეპარქიის ეპისკოპოსის კანცელარიის მმართველი იყო. ამ წერილში კ. თათარიშვილი თავის ადრესატსა სთხოვდა, თუ სადმე ვაკანტური ადგილი გამოჩნდეს, მე დამნიშნეთო. არც ის დაუმალავს სოფრომ მგალობლიშვილისთვის, რომ მღვდლობა მისთვის ცხოვრების სახსარს წარმოადგენდა, საშუალებას მისცემდა მონაწილეობა მიეღო მშობლიურ ლიტერატურაში. წერა ხომ იმ ხანებში მას უკვე დაწყებული ჰქონდა და პირველი ნაწარმოების—„მშვიდობით“—გამოსაქვეყნებლად ემზადებოდა. წერილის ბოლოს ის დასძენდა: მინდა ამ ჩემი მცირე ცოდნით წერა-კითხვა მაინც დავასწავლო რამდენიმე ათეულ ახალგაზრდასო. კონდრატეს ამ კერძო წერილში გამოთქმული აზრის ცოცხალი დასაბუთებაა უთუოდ მისი მეგობრის—ია ეკალაძის მოგონების ეს ადგილი: „კონდრატე არ იყო მორწმუნე მღვდელი, თავისთავს „დაჭირავებულ მონას“ ეძახდა და თუ მაინც მსახურობდა მხოლოდ იმითომ, რომ წერილშვილი ერჩინა“.

კონდრატეს ლოდინი დიდხანს არ დასჭირვებია. მაშინ სემინარიელი მღვდლები სოფლად იშვიათი იყო და ასეთ კადრს ეპარქია უყურადღებოდ როგორ დატოვებდა. მაგრამ ამისათვის საეკლესიო კანონის კარნახით აუცილებელი იყო ერთი, არც ისე ძნელად შესასრულებელი პირობა. ჭვარდაუწერელი კაცის მღვდლად ხელდასმა არ შეიძლებოდა. ამიტომ კონდრატეს კვლავ მოუხდა გამგზავრება კიევიში, სადაც მას ეგულებოდა თავისი სატრფო, უკვე საცოლედ დანიშნული უკრაინელი ქალი ანა კოტლიარეას ასული. 1895 წ. ზაფხულს კიევიში ისინი დაქორწინდნენ. ამასობაში ეკანსიაიც დაიწინა. ზუგდიდის მაზრის სოფ. კირცხში მღვდელი პილაია გარდაცვლილიყო... ს. მგალობლიშვილის თუ სხვათა დახმარებით 1896 წ.

25 ივნისს ამ ადგილზე აკურთხეს 24 წლის კ. თათარიშვილი. სამსახურში გამოცხადებისა და მრევლის ჩაბარებისთანავე კონდრატეს პირველი და მთავარი საზრუნავი იყო სოფელში სამრევლო სკოლის გახსნა, რაც მან მალე განახორციელა. ამგვარად იგი სარბიელზე გამოვიდა როგორც მოქმედი მოღვაწე, მღვდელი და პედაგოგი, რომლის არსებაში ღრმად იყო გამჭდარი მწერლის სტიქია, ხალხის სამსახური სიტყვაკაზმული მწერლობით.

II

უკვე სამწერლო სარბიელზე გამოსული, მოწინავე იღებოდა აღსრულებილი კონდრატე თათარიშვილი ცხოვრებამ და სხვა ეწერო ოჯახურმა გარემოებებმა აიძულა სიკვამლეშივე ჩაეცვა ხუცესის ანაფორა. მაგრამ თავისი მოქმედებით და პრაქტიკული საქმიანობით კონდრატე ჩვეულებრივი სოფლის მოძღვარი — სიცრუსა, სიბნელისა და მშრომელთა ძარცვა-გლეჯის მოციქული არ იყო. იგი ყოველ ნაბიჯზე არღვევდა „ღვთისა და ერის“ დადგენილ წესებს. თავისი მრევლის ჩაბარებისთანავე, იმდენი იმეცადინა, რომ სოფელ კირცხში სამრევლო სკოლა გაახსნევინა და სანაშ მტატის მასწავლებლებს გამოუგზავნიდნენ, თვითონვე იყო ამ სკოლის გამგეცა და ყველა საგნის მასწავლებელიც. ღარიბ მოსწავლეებს წიგნებსა და რვეულებს თვითონ აძლევდა უფასოდ. აქასთანავე სულ მუდამ მოსაზღვრების უღარიბებს ნაწილში ტრიალებდა. ყოველ გაკვირებაში მათი დამხმარე, მრჩეველი და გზის მაჩვენებელი იყო, რაც მთავარია, კ. თათარიშვილმა ზელი აილო ე. წ. დრამის ფულზე, რომელსაც მხოლოდ გლეხობა იხდიდა მღვდლის შესანახად. მთავრობის მიერ დანიშნული ჯამაგირიც მეყოფაო, — განაცხადა თურმე. ამ საქციელმა სოფლის ბობოლა ხუცეები აამზეღრა „მეტჩიარა სოციალისტის“ წინააღმდეგ.

ხმამ კონდრატეს „საქციელის“ შესახებ მშობლიურ სოფელ აბასთუმანამდე და ხეთამდე მიიღწია. საქმაოდ გავლენიანი მღვდელი — ბესარიონ შუშანია შეხვედრით თუ არა სასულიერო აკადემიაში ახალ კურსდამთავრებულ თავის მეზობელ იპოლიტე ვართაგავას, პირველ რიგში, კონდრატეს სამწუხარო და შემარცხენალ-საქციელი უამბუნია მისთვის: რომ კონდრატემ კურთხევის შემდეგაც არ დაიშალა თავისი უცნაურობანი; კვირა დღეებში სოფელელებთან ერთად მღერის და ფერხულში ჩაბმული ცეკვავსო, სოფლის ახალგაზრდებთანაც ბურთაობს, სიმინჯის გათოხნის დროს თავის ნაღთან თოხით ხელში დილიდან საღამომდის პერანგის აჭარა, როგორც ყოველი გლეხი, ყანაში მუშაობს, სახალხო დღეობებში დადის, ცრუმორწმუნე სოფელელებთან ღამის თევასაც არ თაკილობს, ნაცვლად იმისა, რომ ხალხს აუხსნას წარმართობის გადაწმობების შევნებლური ხასიათი და მისი გადადგება მოუწოდოს, ხალხს ეუბნება: საკურთხი, ქვლეხი, აღაპი და სხვა ამგვარება მავნე ჩვეულებაა, ხალხს აქვეითებს ეკონომიურად, მღვდლებს ამღიღრებს და მიცვალებულს არაფერს არგაია უფრო მეტი: მიცვალებულის წესის აგებისათვის, საორმოცო წირვისათვის და სხვა სახის მღვდელმსახურების შესრულებისათვის გასამრჯელოს არავისაგან არ იღებს, თუ ჭვარიწერასა და ნათლობისათვის მაჩუქეს რაიმე, ისიც საკმარისიაო. „ერთი სიტყვით, ეს თქვენნი ნაქებნი კონდრატე, უკაცრავად პასუხია, თავს იგდებს და სამღვდლოებასაც სახელს გვიტებსო“ (ივ. ვართაგავა, სილუეტები, 128).

ამ სიტყვების მოქმელი აბა რას დაგიდევდა იმას, რომ კონდრატე ბელეტრისტ-

იყო მისთვის აუცილებელი იყო ხალხში ყოფნა ხალხურად, ისე, როგორც ალ. ყაზბეგისათვის — მწყემსობა და მწყემსური ცხოვრება — გარკვეულ პერიოდში ძაინც. გაბლინძელ ბობოლა ხუცებს და ბლალოჩინებს ის აწუხებდათ, რომ ახალ-გაზრდა კონდრატეს გათვითცნობიერება შეჰქონდა მოსახლეობაში. ბლალოჩინ თომა გომუას მოთხოვნით უდისციპლინო და ხალხში არეუ-დარევის შემტანი კ. თათარიშვილი სოფ. კირცხიდან გააძევეს. მთიანი სამეგრელოს სოფ. ლიაში ვადაიყვანეს, ცხადია, მთელი რიგი უფლებების შეზღუდვით.

კონდრატემ რაკი დაინახა, რომ მშრომელი მასები მის მხარეზე იყო, ამ უსამართლო დატუქსვას და დამარცხებას არც შეუშინდა და ვერც შეურიგდა. საქმე საეგზარქოსოში გადაიტანა, ამხილა სრულიად გაუნათლებელი ბლალოჩინის უმეტრება, უხამსი საქციელი, მეჭრათამეობა, ინტრიგანობა და სხვა. ეგზარქოსმა ავითონვე გამოკადა ბლალოჩინი და რაკი წაყენებული ბრალდებანი დადასტურდა, იგი მაშინათვე მოხსნა თანამდებობიდან, ხოლო გამართლებული კ. თათარიშვილი კვლავ თავის ძველ მრევლსა და სკოლაში დაუბრუნებია. ამას კი გამოუწევია ნაბლალოჩინარ გომუას ნათესაეებისა და სხვა ადგილობრივ თავად-აზნაურთა განრისხება კ. თათარიშვილის მიმართ. ამიტომ 1901 წელს ის ვადაიყვანეს მასწავლებლად სოფ. ხეთაში ე. წ. „Второкласное церковно-учительское“ სასწავლებელში.

უპარაღოს დაწერილი აქვს ერთი შესანიშნავი მოთხრობა. ამ მოთხრობაში აღწერილია სწორედ ის ამბები, რაც ავტორს სოფ. კირცხში გადახდა. ნაწარმოებში ავტორის შეხედულებასა და თავგადასავალს გადმოგვცემს ახალგაზრდა მღვდელი ალექსანდრე ნოზაძე. ხოლო მის მოწინააღმდეგეთა ბანაკის სულისკვეთების გადმომცემია მისივე დიაკონი, მოხუცი დათაია, რომელიც ნოზაძის წინამოადგილეს, აწ განსვენებულ ივანე მღვდელს ასე უხასიათებს თავის ახალ მოძღვარს: „იშვიათი კაცი იყო სწორედ, კაცი კი არა, მამალი მგელი იყო სულგანათლებული, სოფლელულების ხერხი იცოდა, მაგრამ იმასაც კბილით ეჭირა მრევლი. ცხვირით მიწას ახეწებინებდა, ვინც უნდა ყოფილიყო და თავის მართებულ უკანასკნელ მარჩილამდე გადაახდებინებდა, საწყალი და მაგისტანები იმან არ იცოდა“.

ახალგაზრდა მღვდელ ნოზაძეს ბარემ არ მოსწონს ყველაფერი ეს, რასაც დათაია უყვება, მაგრამ მაინც გულდასმით უსმენს თავის მასპინძელს, დაწვრილებით იგებს და ეცნობა თავისი წინამოადგილისა და სხვა მეზობელი სოფლის ხუცესთა ანგარებთან მოქმედებასა და საქციელს, სოფლის ჭირ-ვარამსა და მოსახლეობაში დამკვიდრებულ სიდუხჭირეს, განუკითხავ ძარცვა-გლეჯასა და მშრომელ მოსახლეობაში გამეფებულ სილატაკეს, რასაც მან პირისპირ შეხედა სოფელში გამოვლისას და განსაკუთრებით კი ბევრი რამ-ნათელი გახდა მისთვის იმ გლეხთან საუბარში, რომელთანაც გზაზე შეისვენა. ამ გლეხთან და შემდეგ დათაიასთან გამართულ დიალოგში ავტორს გამოვლინებული აქვს იმ პერიოდის ეკონომიურად და კულტურულად ჩამორჩენილი სოფლის ცხოვრების შემადარწუნებელი სურათები. ამ შემთხვევაში ჩვენი ავტორი ქართველი ხალხოსანი მწერლების ტრადიციების გამგრძელებელია.

1902 წელს ს. მგალობლიშვილისა და სხვა ვავლენიან ქართველ საზოგადო მოღვაწეთა დახმარებით, კ. თათარიშვილი თბილისში გადადის, მაგრამ იმ პირობით, რომ ანაფორა არ გაეხდა. ასეთი იყო მოთხოვნილება ოჯახისა. ისიც, ხუცობაზე კულაერებულ, ოჯახშიც ვერ მალავდა, რომ ამ პროფესიისათვის არ იყო გაჩენილი. ეს აღიარება დიდი უსიამოვნებას იწვევდა მის ღრმად მორწმუნე მეუღლესა

და ნათესავეებში. მეტი გზა არ იყო რაკი ლიტერატურული შრომით იმ ხანებში მწერალს, რაც უნდა ნიჭიერი და პროდუქტიული ყოფილიყო, თავის შენახვა ან შეეძლო, თათარიშვილი მღვდლობას თავს არ ანებებს. თბილისში იოანე ნათლისმცემლის რუსულ პატარა ეკლესიაში ეწყობა მღვდლად. მაგრამ რაკი ეკლესიას ძლიერ მცირე მრეველი ჰყავდა და კონდრატე არ იყო დატვირთული მათი მომსახურებით; მასწავლებლობასაც განაგრძობდა კუქის სამისიონერო სკოლაში. მუდამ ინიციატივიანმა კონდრატემ იმდენი იმეცადინა, რომ თავის ეკლესიასთანაც გახსნა ე. წ. **второклассное** ქალთა სკოლა, რომლის გამგე თვითონვე იყო.

კონდრატე არც ამით დაკმაყოფილებულა. 1902 წ. საქართველოს საეპარქიო სასწავლო საბუღალთოს უთხოვია კუქის სამისიონერო სკოლასთან მოსწავლეებისათვის გაეხსნა წიგნის სამკაზმარო სახელოსნო, რომლის მოწყობა-მომარაგება სათანადო ხელსაწყო იარაღებით თვითონვე უყისრია. აღნიშნულ საბუღალთოს ეს თხოვნა დაუკმაყოფილებია იმ პირობით, თუ მთელ პასუხისმგებლობას სახელოსნოს მუშაობაზე პირადად კონდრატე აიღებდა თავის თავზე. სამკაზმარო უნდა დამორჩილებოდა იმ საერთო წესებს, რაც მაშინ მთავრობის მიერ იყო დაწესებული თბილისის სტამბებში, სა და წიგნით მოვაჭრეებისათვის (საქ. ლიტ. მუზეუმში, №—10684). ეს პასუხისმგებლობა პირველ რიგში გულისხმობდა იმას, რომ სამკაზმაროში, მით უფრო, სადაც მოსწავლეებს უნდა ემუშავნათ, არ შესულიყო რაიმე აკრძალული და „მაენე“ ლიტერატურა. კონდრატე კი ამგვარ ლიტერატურიდან, როგორც ამას ქვევითაც დავინახავთ, შორს არ იდგა და ეს მისი სახელოსნოც, ცხადია, ყოველთვის საფრთხის წინაშე იყო.

ამგვარად, დედაქალაქში დაბინავებულმა კონდრატემ საგრძნობად გაიმძინდგრა თავისი ბუნებრივი მოწოდებისაკენ. უფრო მეტად სამწერლო-პედაგოგიური და საზოგადოებრივი ხასიათის საქმიანობით დაიტვირთა. სამოქმედო სარბიელი გაიფართოვა; თავის ძველ მეგობრებთან (იო ეკალაძე, ილ. აგლაძე, ივ. ახალშენიშვილი, გ. და ალ. ყიფშიძეები და სხვ.) და თანამეკალმეებთან ერთად ჩაება მშობლიური მწერლობის სამსახურში. აქვე უნდა აღვნიშნოთ, რომ კ. თათარიშვილი ხელცარიელი არ სტუმრებია თბილისსა და ქართულ მწერლობას. „მოამბეს“, „ჩეჩილსა“ და „კვალს“ მას უკვე გამოქვეყნებული ჰქონდა ოთხი მოთხრობა („მშვიდობით“, „ჩემი რა ბრალისა“; „მე და ბიძაჩემი“ და „ჩაიზე“), ხოლო დასრულებული ჰქონდა ვერცელი რომანი „მადიებელი“, რომლის ცალკე წიგნად გამოცემა უსახსრობის გამო ვერ მოხერხებია.

უკვე დაწერილშვილებული კონდრატე თბილისში არც მორალურად და არც ეკონომიურად მაინცდამაინც თავს შევიწროებულად არ გრძნობდა. თავისი პედაგოგიური შრომით და ძირითადი სამსახურით ოჯახს ინახავდა, ხოლო ლიტერატურული მოღვაწეობა ნივთიერად თუ ბევრს ვერაფერს იძლეოდა, სამაგიეროდ მწერალი სულთერ კმაყოფილებას განიცდიდა, შემოქმედებითად იზრდებოდა, მისი ბელეტრისტული ნიჭი თანდათან ვითარდებოდა.

კონდრატემ თავისთავი თვითონვე გამოქვეყნდა დაუცხრომელი შრომით, ყმაწვილობიდანვე სანუკვარ ოცნებას ეწია, მწერალი შეიქნა, მშობლიური ბეჭდვითი სიტყვის ერთ-ერთი მონაწილე, მოწინავე პრესის აქტიური თანამშრომელი — ბელეტრისტი და პუბლიცისტი — ამას ევალტებოდა მისი მეორე მხარე, თვითმპყრობელობის წინააღმდეგ მიმართული რევოლუციური განწყობილება, რამაც ის მაშინდელ რევოლუციურ და არალეგალურ მოღვაწეებთანაც დაახლოვა, მათი სანდო პირი გახდა.

დაიწყო 1905 წლის რევოლუცია. თბილისში მდგარ მესამე მსროლელთა ბატალიონის ჭარისკაცთა შორის ჩამოყალიბებულ რევოლუციურ ჯგუფში აღმოჩნდა

პროვოკატორი ვინმე ლარიონოვი, რომელმაც გასცა ჭგუფის აქტივისტები და ხელმძღვანელი. ჭგუფისავე დადგენილებით ჟარისკაცმა X-მა ჭაბუში მოჰკლა. ამ ტერორისტული აქტისათვის მას დახვრეტა მოელოდა, თუ კი თავს ვერ უშველიდა გაპარვით. ამ საპასუხისმგებლო საქმის შესრულება ჭგუფის ხელმძღვანელ მ. კვარაცხელიას მიუხდებოდა ჭგუფთან დაახლოვებულ ვასილ გადელიასათვის: მასაც უკისრია ეს მძიმე საქმე კონდრატე თათარიშვილის გამბედაობაზე დამყარებით. ეს ვასო გადელია, რომელიც ამჟამადაც ცოცხალია, მაშინ არალეგალური და რევოლუციური ლიტერატურის გამავრცელებელი და გამომცემელიც იყო. ის იყო აგრეთვე რედაქტორ-გამომცემელი რევოლუციური გაზეთისა „ჩვენს ცხოვრება“. დიდი მეგობარი იყო კ. თათარიშვილისა, რომელსაც მიჰგვარა დასახელებული ტერორისტი. დასამალავად. კ. თათარიშვილმა მოხერხებულად ისარგებლა ეკლესიის ხელუხლებლობით, სახიფათო სტუმარი თავის პატარა ეკლესიის საკურთხეველში ამყოფა სამი დღე-ღამის განმავლობაში. მესამე დღეს კი ჭიბეში პასპორტით და სამოქალაქლო გამოწყობილი ტერორისტი ბაქოსაყენ გაამგზავრეს (საქ. ლიტ. მუზეუმი. ხ — 10708).

მარტო ამგვარი ფათერაკიანი ნაბიჯით როდი ამოწურება კ. თათარიშვილის მონაწილეობა რევოლუციაში. მას, როგორც პრესის მუშაკს, საკმაოდ გაბედული და მახვილი კალამი ეჭირა ხელთ მშრომელთა მტრების სამხილებლად. იგი „ნაცობის სურათების“ საერთო სათაურით გაზეთ „სიტყვაში“ სისტემატურად ათავსებდა ცარიზმისა და მისი დამკავშების წინააღმდეგ მიმართულ სტატიებსა და ფელეტონებს და მზის სინათლეზე გამოჰქონდა რეაქციული ძალების ბნელი საქმიანობა.

„ერთა საპყრობისი“ მაშინდელი მესვეურების სტოლიპინისა და ტრეპოვის განკარგულებებით შეკირცებული ქართული ხალხი ისე, როგორც მისი თანაპყრობილები, მედგარ წინააღმდეგობას უწყევდა შავრაზმელთა შემოტევას. შავრაზმელებიც, რა თქმა უნდა, დიდ ერთგულებას იჩენდნენ თავიანთი მაკურთხებლის — ცარიზმისადმი, რომელიც „განაბირა მხარეებში განზრახ ნერგავდა პატრიარქალურ-ფეოდალურ ჩაგვრას იმისათვის, რომ მასები მონობასა და უმეცრებაში ჰყოლოდა“ (ი. ბ. სტალინი, ტ. 4, გვ. 388). თვითმპყრობელობის ეს ეროვნული და სოციალური ჩაგვრა, შავრაზმელთა აშკარა რუსიფიკატორული პოლიტიკანობა უარყოფსად გამწვავდა, მაგრამ მოწინავე ქართველი ინტელისგენცია, რომლის სათავეში ჭერ კიდევ იდგნენ ილია, აკაკი, იაკ. გოგებაშვილი, ნ. ნიკოლაძე და სხვ., ერთმანეთისაგან არჩევდნენ ორ რუსეთს, ებრძოდნენ ცარისტულ რუსეთს, ხოლო ახალი რუსეთის წარმომადგენლებს მეგობრობდნენ და მათთან ერთად იბრძოდნენ საერთო მტრის წინააღმდეგ. კ. თათარიშვილის საგზნეთო სტატიების სერია ამგვარი ვითარების აშკარა გამოვლინებაა.

1906 წლის გაზეთ „სიტყვაში“ (№ 5) იგი ენერგიულად ილაშქრებს თვითმპყრობელობის და მისი ჩინოსანი და არაჩინოსანი ავაზაკების წინააღმდეგ, რომელნიც ძარცვავდნენ, გლეჯდნენ, ცხრა ტყავს აძრობდნენ ხალხს და შემდეგ კიდევ სცემდნენ, რატომ მეთუე ტყავი არ გვზრდებოდა ავტორის აზრით ხალხს მოთმინება გამოეღია, იგრილა და 17 ოქტომბერს თვითმპყრობელობა გააუქმა... მაგრამ, როგორც თვითონვე აღნიშნავს, ეს გაუქმება რეალური არ გამოდგა, ტახტი და მისი კანონები არ დაეშო, პირიქით, უფრო გააგიჟა თვითმპყრობელობა და მისი დამკავშები და რადგანაც „გვიეს კანონი არ უწერია“, დასძენს ავტორი, — „დღევანდელი თვითმპყრობელობა სრული გიყური თვითნებობაა, რომელმაც არც კანონი იცის, არც მოქალაქეობრივი ვრძნობა და არც უზარალო სირცხვილი“.

კ. თათარიშვილი იქვე იძლევა მაშინდელი რუსეთის იმპერიაში და კერძოდ სა-

ქართველოში გამეფებული სააღყო წესებისა და რეპრესიების აღწერას, ახასიათებს მეფისა და „ქრისტეს მოყვარე“ გენერლების თავგასულობას: „ვთქვათ, გენერალ-გუბერნატორს ცოლმა გული მოაყვანია, მისი აღმატებულება, როგორც დიდი გვამი, ნაზი გრძობისაა და, როგორც სამხედრო პირი, ზრდილობიანია. ცოლს ვერა სცემს, მაგრამ ვინმეზე კი უნდა იყაროს ჭაერი. „ესროლეთ, ვინც ქუჩაში გაივლის, არ დაზოგოთ პატრონები!“ — შეუძლიან ბრძანოს მის აღმატებულებას, ბრძანება დაუყოვნებლივ აღსრულებული იქნება და მის აღმატებულებას ამისათვის პასუხს ვერაფერს მოსთხოვს. ან კიდევ, ვთქვათ, მის აღმატებულებას როიალი და პრიმადონები მოყირკდა, როგორც სამხედროს, ზარბაზნების გრილის გაგონება მოუნდა. ბრძოლის ველი შორსაც არის და საშიშიც და ან რა საქირია, როცა შეუძლია ბრძანოს: დაუშინეთ ამა და ამ სახლს ზარბაზნები — და ნამდვილი ბრძოლის ველი გადაეშლება თვალწინ“. ავტორის აზრით მეტიც არის შესაძლებელი, რადგანაც სულით ავადმყოფი ბიუროკრატია განაგებს ქვეყანას და მოჰყავს ზოგიერთი ასეთი ფაქტიც: „ამას წინეთ ერთმა სალდათმა თავისი ამხანაგი მოჰკლა ვითომდა მეფის ცუდად ხსენებისათვის. მკვლელი ირამც თუ არ დასაჩვენს, ოთი მანეთი კი იჩუქეს „სიყოჩაღისათვის“, ფერეიტორის ხარისხი უბოძეს და მეფის მადლობა გამოუცხადეს“.

ამგვარი ფაქტების საკმაო ილუსტრირების შემდეგ ავტორი კვლავ სვამს ასეთ კითხვას: „სად ვეხვორბოთ, მკითხველო, საგიყეთში თუ გონიერი ადამიანების საზოგადოებაში?“.

კ. თათარიშვილის პუბლიცისტური კალამი მწვევე მათრახად გადაწვდა ბიუროკრატული მთავრობის შინაგან საქმეთა მინისტრს, რომელსაც ერთ-ერთ სხდომაზე გულისამაჩუყებელი სიტყვა უთქვამს. ამ სიტყვაში ის თურმე ცრემლს აფრქვევდა იმის გამო, რომ რევოლუციონერებთან შეჭახებისას დახოცილ პოლიციელებს უპატრონოდ და უმწუოდ დარჩათ ოჯახები. მაგრამ „ბატონ მინისტრს დავიწყებია, რომ ის შეჭახება, რომლის დროსაც დაიხოცნენ ეს პოლიციელები, შედეგია ბიუროკრატის ველური თვითნებობისა. და თუ რევოლუციამ რაღდენიმე ასი პოლიციელი შეიწირა, სამაგიეროდ იმავე რევოლუციის თავიდან, ისაცილებლად პოლიციურმა ბიუროკრატამ რუსეთის ასი ათასი საუკეთესო, ძალღონით სავსე მოქალაქეთა სისხლი მანჭურიის ველებზე დაღვარა“.

ავტორი ილაშქრება აგრეთვე მეფის ოხრანკის მიერ გაჩაღებულ ებრაელთა რბევასა და სომეხ-თათართა უღერის წინააღმდეგ. საუერუნებით დაკავშირებული მეზობლები სომხები და თათრები ერთმანეთს დაერივნენ, ერთმანეთის სისხლთმორწყვის კავკასიის მთა და ბარი, მაგრამ მიზანი და მიზეზი ამ მხეცური ხოცვისა ორივე ერის წარმომადგენლების შეერთებულმა კომისიამაც ვერ გამოარკვეაო... ავტორის მართებული მტკიცებით, ყველა ამ უბედურების მიზეზი და წყარო ბიუროკრატული მთავრობის ბობოლა მოხელებებისაგან მოხერხებულად მოქსოვილი პროვოკაციული ქსელი იყო.

კ. თათარიშვილის ამგვარი ხასიათის სტატიების მიმოხილვა ძლიერ შორს წაგვიყვანდა. ჩვენ აქ ვერც კი ჩამოვთვლით ყველა ამ საკითხს, რასაც მისი კალამი შეხებია 1905-7 წლების განმავლობაში, მისი მსოფლმხედველობისა და საერთო საზოგადოებრივი აზროვნების გასაცნობად მოყვანილიც კი საქმარისია.

კ. თათარიშვილი მთელი თავისი არსებით რევოლუციის მხარეზე იდგა. რევოლუციის ის სპიროს ეძახდა, რომელიც თავისუფლად განაგრძობდა გზას და ვერც კი ამჩნევდა, თუ როგორი საყოლაგი ყვეფით და წმუტუნით მისდევდნენ უკან ჯოშიები — თვითმპყრობელობის სატრაპები და დამცველები.

„დიდებულია რევოლუცია და რევოლუციური ხანა, — წერდა ის, — თუნდა იმითაც, რომ ცნებანი და წარმოდგენანი ქვემოთ იბადება, მაღლა ადის და საზოგადო კანონად ხდება“. მწერალი დიდი მოტრფიალედ პატივისმცემელი იყო სიტყვისა და წერის თავისუფლებისა და ბექდვითი სიტყვის ზრდილობიანი კილოსი, რომელიც, — აღნიშნავდა ის, — ბოლო დროს ძლიერ ხშირად ილახება ჩვენში, და იქვე მოჰყავდა მაგალითი თელავის 21 მუშის წერილისა გაზეთ „შრომიდან“ (№ 63, 1906): „ჩვენ, მუშებს, გვესმის სხვადასხვა პარტიათა შორის გაჩაღებული იდეური ბრძოლა, მხოლოდ ქუჩური ლანძღვა-გინებისა და მუშტი-კრივისა არაფერი გვწამს და არც არავის ნებას არ მივცემთ, ისიც ჩვენი სახელით, ასე უტიფრად და საზიზღრად ილანძღვობდეს“... ვაჟა იმ ჯგუფს, რომელსაც ის წერილი ეკუთვნის ოქროს ასოებით დასაწერი სიტყვებიო. — დასძენდა იგი („სიტყვა“, 1906 წ. № 6).

კონდრატე თათარიშვილის ხელნაწერებში არის ერთი ავტოგრაფული საგაზეთო სტატია, რომლის მინაწერიდან ჩანს, რომ იგი გაზეთ „ისარში“ უნდა დაბეჭდილიყო, მაგრამ ცენზურას დაუკავებია, თუმცა რედაქტორ ილ. აგლაძეს. და ავტორსაც ამ სტატიის დასაბეჭდად ცდა არ დაუკლიათ. წერილში მხილებულია 1907 წ. სასულიერო სემინარიაში მომხდარი მცირე ექსცესები და მისი მიზეზები, რასაც მეტად აღუშფოთებია სემინარიის ხელმძღვანელობა და მისი პედაგოგიური საბჭო. პედაგოგიური საბჭოს დადგენილებით ათიოდე შეგირდი უნდა გაერიცხათ სემინარიიდან.

ავტორი, რომელსაც თავად განუცდია სასწავლებლის მკაცრი რეჟიმი, წერს: „ვისთვისაც მუხანათ ბედს ურგუნებია სემინარიის ადმინისტრაციისა და აღმზრდელ-მასწავლებლების უმრავლესობის გაცნობა, ეს ამბავი სრულებით ბრ გაუკვირდება, რადგან სემინარიის ხელმძღვანელობას, როგორც ბიუროკრატიული რეჟიმის ზორცს-ზორცთაგანს და ძვალს-ძვალთაგანს რეპრესისა, დასჯა-წამების მეტი სხვა არავითარი საშუალება არ სწამს მოზარდი თაობის აღსაზრდელად. თუმცა მრავალ წელია ცდის ამ ღონისძიებას და ანგარიშში ყოველთვის ტყუუდება, მაგრამ მაინც მტკიცედ სწამს თავისი დახავსებული ტიბიკონის ძლევამოსილება...“

შემდეგ ავტორი განმარტავს მოსწავლეთა მღელვარების მიზეზებს, ეხება რიგ მტკივნეულ საკითხებს და ასკენის, რომ 7 და 10 შეგირდის გარიცხვით საქმე არ გარიგდება, მდგომარეობას არა ეშველება რაო. „რომ შევლებოდა, — განაგრძობს იქვე, — ჩვენი ბედნიერი თვალების წინ რამდენი ახალგაზრდა გაირიცხა, რამდენჯერ სულაც დაკეტეს სემინარია, რამდენი და რა სახის რეპრესიები არ იხმარეს, მაგრამ ოღონდ მაინც გამოსწორდა საქმე?.. არც გასწორდება, სანამ უკმაყოფილების მიზეზი დედაბუდიანად არ იქნება აღმოფხვრილი. ეს მიზეზი კი გახლავთ ცხოვრების მიმდინარეობისა და სემინარიაში არსებული მერალი ტრადიციის შეურიგებლობა. ცხოვრება წინ მიდის, მუდამ დღე ახლდება, სემინარიის ტრადიცია კი ამშორებული კაობივით დაგუბებულია, ერთ ადგილას დგას და განძრევის ეშინია...“

როგორც ზევითაც გვქონდა აღნიშნული, კონდრატე თათარიშვილი პრაქტიკულად მონაწილეობდა რევოლუციურ მოძრაობაში. ამ მხრით აქ დასახელების ღირსია ერთი ეპიზოდი, რომელიც ჩვენი მწერლის პრინციპულობას, შეუპოვრობასა და ხასიათის სიმტკიცეს გვიხატავს. სხვათა შორის ამ ეპიზოდმა დიდი გავლენა მოახდინა მის მომავალ ცხოვრებაზე.

1906 წლის ზაფხულზე, თბილისის სასულიერო სემინარიის ძველ შენობაში

(ამჟამად ხელოვნების მუზეუმი) ეგზარქოსის ნებადურთველად შეკრებილან საქართველოს სამღვდლოების დელეგატები. ასეთი ნებათა რაიმე ეთხოვათ, ვერ მიიღებდნენ, რადგანაც შეკრების მთავარი საკითხი იყო საქართველოს ეკლესიის გამოყოფა, მისი ავტოკეფალურობისა და დამოუკიდებლობის აღდგენა, რაც ეგზარქატის გაუქმებას გულისხმობდა. ამ კრებაზე კ. თათარიშვილსაც აქტიური მონაწილეობა მიუღია და მეორე, იმ დღეებში მეტად გამწვავებული საკითხი წამოუყენებია. ეს საკითხი ეხებოდა მინგრელსკის პოლკის იმ 27 ჭარისკაცს, რომელთაც რევოლუციონერთა მხარეზე გადასვლისათვის მეფის სასამართლომ სიკვდილით დასჯა გადაწყვიტა. კონდრატე სთხოვდა სამღვდლოების კრებას, გამოჩინოს გამბედაობა, ჰუმანიურობა და კაცთმოყვარეობა და კავკასიის მეფისნაცვალ გრაფ ი. ვორონცოვ-დაშკოვს პეტიციით სთხოვს, რათა ამ უქანასკნელმა შეცვალოს სასამართლოს გადაწყვეტილება და 27 ჭარისკაცს სიცოცხლე შეუნარჩუნოს. კრების წევრთაგან მხოლოდ 18 კაცს მოუწერია ხელი კონდრატეს მიერ შედგენილ არხაზე, მეცხრამეტეც ხომ თვითონ იყო თათარიშვილს არხა დანიშნულებისამებრ წარუდგენია.

მეფისნაცვლის კანცლარიას ეს ამბავი ეგზარქოსისათვის უცნობებია. ამ უქანასკნელს მისგან ნებადურთველად მოწვეული კრება უქანონოდ, არალეგალურად და მთავრობის საწინააღმდეგო გამოსვლად გამოუცხადებია და მოუთხოვია კრების მონაწილეთა დასჯა, მაგრამ რა საშუალებით და ღონისძიებით უნდა მიეკვლია მათთვის. ხელში შეჩაბთ მხოლოდ ის 19 კაცი, რომელნიც ხელს აწერდნენ მეფისნაცვლისადმი მიერთებულ პეტიციას. მთელი რისხვა ისედაც მრისხანე ეგზარქოსის ნიკონისა ამ 19-ისაკენ მიიმართა. ყველანი მასთან დაიბარეს და მოსთხოვეს მის წინაშე მონანიება და მუხლმოდრეკით ეთხოვათ პატიება, ხოლო ხელმოწერა ოფიციალურადვე უარეყოთ და უქანვე წაელოთ, წინააღმდეგ შემთხვევაში გაკრეპა, ეკლესიიდან განკვეთა, ციხე და ციხიბირი მზად იყო როგორც სხვადასხვე დოკუმენტებიდან ჩანს, ყველას მოუწინებია გარდა ერთისა. ეს ერთი იყო კონდრატე თათარიშვილი, მან ქელი არ მოახარა ეგზარქოსის წინაშე, არც გამოცხადდა მასთან, არ მიიღო მისგან „ბოძებული“ უსიტყვო კაპიტულაცია და „პატიება“, თავი დამნაშავედ არ ცნო პირიქით, თავი ამაყად დაიჭირა და საბრძოლველად მოემზადა.

კ. თათარიშვილის ასეთი საქციელისათვის ეგზარქოსს და მის სინოდალურ კანტორას შესაფერი კვალიფიკაცია მიუცია და დაუყენებიათ საკითხი თათარიშვილის ეკლესიიდან განკვეთის, სკოლიდან მოხსნისა და პასუხისმგებამი მიცემის შესახებ, და ეს მისთვისაც ოფიციალურადაც უცნობებიათ. კონდრატე ამ მუქარამ არ შეუშინებია, ვრტყელი აპელაციით მიუმართავს რუსეთის უწყმინდეს სინოდისათვის, მისთვის უცნობებია საქმის გარემოება, ცდილა დაემტკიცებინა თავისი უდანაშაულობა. პირიქით, იმასაც ასაბუთებდა, რომ ნამდვილად ასეც უნდა მოქცეულიყო, უნდა დაეცვა ქრისტიანთა სიცოცხლე, ამ შემთხვევაში კი „უდანაშაულო“ 27 რუსი ჭარისკაცისა. თავის აპელაციის ერთ ადგილას ის მოხერხებულად წერდა:

„Но разве требование отменить смертную казнь и ходатайство священников Христовой церкви людей не предавать смерти, противно догматам церкви и духу христового учения? Разве этим нашим действием, „без воли епископа“, последнему грозит опасность, что он воздаст ответ о душах их?..“ (საქ. ლიტ მუზეუმი, ხ—10697)... მაგრამ უწყმინდეს სინოდს, რო-

მელმაც ერთ-ერთი მაშინდელი გაზეთის ცნობით სწორედ მაშინ მიითვისა „უწმინდესობა“, როცა მეტიწმეტი ხრწნილებისაგან სუნი აუეხდა, — აპელაციის ამ სიტყვებმა და სიმართლის ღალადმა გული არ აუჩუყა. საქართველოს ეგზარქისა და მთ უფრო კავკასიის მეფისნაცვლის ეთომდა შეუვალობა ვერ დაარღვია და საქმე კვლავ უკან დააბრუნა შესასწავლად და გადასაწყვეტად.

ამ ორომტრიალს თათარიშვილმა მეტად ორიგინალური დასასრული მოუძებნა. ერთ-ერთ საპარიკმახეროში შეიარა, თმა და წვერი გაიპარსა, უღვაშები კი, როგორც პატიოსნებისა და ვეაკაცობის სიმბოლო, დაიტოვა, ანაფორა გაიხადა და თმ-წვერი სათანადო წარწერით ეგზარქოს ნიკონს გაუგზავნა ნობათად! * კონდრატეს ამგვარი „კადნიერი“ საქციელი კიდევ უფრო აღმაშფოთებლად მოეჩვენა სულიერ მამათა იერარქს და „უშმაკეულს“ მოხსნა, დაწყველა და ეკლესიიდან განკვეთა არ აკმარა. კ. თათარიშვილი „ეთიარცა მწვალბებელი“, „ღმერთის უარყოფელი“ და, რაც მთავარი იყო, მტერი მეფისა და მისი მთავრობისა, მეფის ობრანკის სათანადო ორგანოებს ეცნობა და აბგეარად, სულიერ მამათაგან მოშხამულ ატმოსფეროდან განთავისუფლებული თათარიშვილი ეანდარმერის დაწვერებს ყურადღებაში მოეკცა და თითქმის არალეგალურ მდგომარეობაში აღმოჩნდა. ყოველ წუთში დაპატიმრება და გადასახლება მოელოდა. (ლიტ. მუზეუმი, №—10695, 10697).

აღნიშნულ გარემოებას კ. თათარიშვილი არ შეუშინებია. პირიქით, უფრო ენერგიულად და ნაყოფიერად განაგრძო თანამშრომლობა ქართულ პერიოდულ პრესაში. „სიტყვა“, „მეგობარი“, „ამირანი“, „ისარი“, „დროება“, „სახალხო გაზეთი“ „გრდემლი“ და სხვ. სიამოვნებით ათავსებდნენ თავიანთ ფურცლებზე კ. თათარიშვილის მოთხრობებსა, ესკიზებსა და ნარკვევებს ფსევდონიმით — „უიარაღო“. ეს ფსევდონიმი სწორედ მას შემდეგ დაიბადა, როცა კონდრატემ ეგზარქოსთან ბრძოლა დაასრულა, ეკლესიიდან და საერთოდ სასულიერო წოდებიდან თავი ამოირიცხა და ასე, რელიგიური ატრიბუტებიდან სრულად განწმენდილ-განთარალებული გარეგნულადაც ნამდვილ ერისკაცობას დაუბრუნდა. როცა მისი ბიბლიურ მოტივზე დაწერილი ნოველების სერიიდან — „პირველი, „რაბი იიშუ“ გამოაქვეყნა 1906 წ., ამის შემდეგ ქართველი მკითხველისათვის უიარაღო გახდა ერთი საყვარელი ავტორთაგანი, რომელიც ნამდვილად განთარალებული და უიარაღო კი არ იყო, არამედ სულ სხვა ახალი საქურველით, მეტად მახვილი იარაღით, ბელეტრისტის ბასრი და მრავალმეტყველი კალმით შეიარაღდა.

ამის შემდეგ უიარაღო — კ. თათარიშვილი მწერალი და რედაქციის მუშაკი ნ წელიწადი თანამშრომლობდა ქართულ ეურნალ-გაზეთებში და ქართული ენისა და ლიტერატურის გაკვეთილებიც ჰქონდა თბილისის ერთ-ერთ სკოლაში, რომელიც ქართველთა შორის წერა-კითხვის გამავრცელებელ საზოგადოებას ეკუთვნოდა. ერთ დროს რკინიგზაზეც უმუშავებდა, სადაც თურმე ძლიერ დაუახლოვდა მუშებს და ახლო გაეცნო მათ ცხოვრებას. მაგრამ, როგორც თვითონ აღნიშნავს ერთ თავის კერძო წერილში, ეანდარმერამ და საიდუმლო პოლიციამ არ მოასვენა. საიდუმლო პოლიცია და ეანდარმერია ზედმიწევნით ერკვეოდნენ, თუ როგორი გამოძახილი და პოლიტიკური მნიშვნელობა ჰქონდა საზოგადოებაში კ. თათარიშვილის მიერ ჩადენილ „დანაშაულს“, რომელსაც ემატებოდა ამ თითქმის არალეგალურ მდგომარეობაში მყოფი კაცის მოწინავე პრესაში თანამშრომლობა.

* იხ. სოხუმის „ლიტერატურული აღმანახი“, № 8, პლატონ ბებიას ნარკვევი „გამოჩენილი მწერალი“, გვ. 202.

რამდენად რეაქცია ძლიერდებოდა და ფრთებს ისხამდა, იქენად კონდრატეს მდგომარეობა უარესდებოდა და მის სურვილებს ფრთები ეკვეციებოდა. ჩხრეკა და ზეერვა თავს აბეზრებდა. მშობლიური ქვეყნის, ცოლ-შვილისა და ნათესავ-მეგობრების მოყვარელი თათარიშვილი იძულებული შეიქნა სამშობლოდან წასვლაზე ეზრუნა, მეუღლე და თავისი საყვარელი სამი გოგონა დროებით დაეტოვებინა, ან. როგორც თვითონ წერს ერთ კერძო ბარათში, „თავისთავისათვის ემსყიდნა“ და საზღვარგარეთ ბელგიაში გამგზავრებულიყო.

III

საარქივო დოკუმენტები ადასტურებენ, რომ უიარაღო ბელგიის დედაქალაქ ბრიუსელში ჩასულა 1912 წლის 15 ივნისს. ამ ჩასვლის მიზანი, ცხადია, უმალესი განათლების მიღება იყო, რაზედაც ის დიდი ხნიდანვე ოცნებობდა. ბრიუსელის უნივერსიტეტის არჩევაც წინასწარი განზრახვის შედეგი იყო მას უთუოდ ჰქონდა მიმოწერა იმ ხანებში ბრიუსელში მყოფ ქართველ სტუდენტებთან, რომელთა შორის, როგორც ჰქვევით დავინახავთ, მეგობრებიც ეგულებოდა.

ამ ქართველთა შორის, გარდა სტუდენტებისა, თვითმპყრობელური მთავრობისაგან დევნილი რევოლუციური მოღვაწეებიც (თედო სახოკია) ყოფილან, რომელთა შესახებ ცნობებს თვითონ უიარაღოს დღიურები იძლევა.

ბრიუსელში ჩასულ კ. თათარიშვილს დღიურების წარმოება 1912 წლის 20 აგვისტოდან (ახ. სტ.) დაუწყია და იმავე წლის 17 ოქტომბრამდე გაუგრძელებია. ამ დღიურებიდან ირკვევა, რომ ეს ორი თვე მან უნივერსიტეტში შესასვლელად მომზადებას მოანდომა. ყოველდღიური და ინტენსიური მუშაობის შედეგად, კერძო მასწავლებლის ქ-ნ დელაის გელისხმიერი დახმარებით, იმდენად დაუფლებია ფრანგულ ენას, რომ მოსმენილი ლექციებისა და გაზეთში წაითხულის გაგება თავისუფლად შეძლებია. ამავე დროს მოუხერხებია კ. ბრიუსელის მნიშვნელოვან ადგილებსა და სამეცნიერო დაწესებულებებსაც გაეცნობოდა. ამ მხრივ მას აღნიშნული აქვს დღიურში: საბუნებისმეტყველო მუზეუმში, ეთნოგრაფიული მუზეუმში, კოლონიის მუზეუმში, ინტერნაციონალური მუზეუმში, მეფის სასახლეები და პარკები, ქალაქის გარეუბნები და განსაკუთრებით კი სოფელ ტეროვიფრენის განთქმული ტყე, წიგნის მაღაზიები, ბიბლიოთეკები და სხვ. ბრიუსელშივე დაუმეგობრდა იგი თედო სახოკიას, რომელმაც დახმარების ხელი გაუწოდა კ. თათარიშვილს. ხვდებოდა აგრეთვე ბრიუსელში მყოფ სხვა ქართველებს: დავ. კასრაძეს, სანდრო ორგონიჭიძეს და გერონტი ქიქოძეს, რომლის აზრით კ. თათარიშვილი „თავისი ოპტიმიზმით და სიკოცხლის სიყვარულით საუკეთესო წარმოდგენას იძლეოდა ქართველი ხალხის ენერგიაზე“ (გ. ქიქოძე, მოგონებანი, გვ. 146).

თედო სახოკიას მეშვეობით კ. თათარიშვილი იმავე ხანებში გაეცნო და დაუასლოვდა პროფ. იორტიკოს, რომელიც იყო მეგობარი ნიკ. დიმ-ძე ყიფიანისა, ის უმეგობრდება აგრეთვე თვით ნ. ყიფიანის ასულ ნინოს და მამინ ბრიუსელში მცხოვრებ ჩვენს ლიტერატორს და მთარგმნელს პალიკო ყიფიანს. ყველა ისინი კ. თათარიშვილს გულთადად ეხმარებან, რომ იგი, რადაც უნდა დაუქდეს, ჩაერიცხოს ბრიუსელის უნივერსიტეტის ბუნებისმეტყველების ფაკულტეტზე გეოლოგიურ განყოფილებაში. დაბრკოლება არცთუ მცირე იყო ერთ-ერთ პროფე-

სორ ვუის განუცხადებია, რაჟი მისი ატესტატი სემინარიისა გიმნაზიის პროგრამას არ ედრება, უნივერსიტეტში ჩარიცხვა არ შეიძლება, თუ თქვენს საკონსულოდან არ მოიტანთ სათანადო მოწმობას. აქაც თედო სახოკიასა და პალიკო ყიფიანის დახმარებით საქმე გაჩარხულა, საკონსულოს ასეთი მოწმობა გაუტია და ჩვენი 40 წლის აბიტურიენტიც ნამდვილი სტუდენტი ხდება ბრიუსელის უნივერსიტეტის საბუნებისმეტყველო ფაკულტეტისა — გეოლოგიის განყოფილებაში და, როგორც თვითონვე წერს უკანასკნელ დღიურში, სტუდენტის ქუდიც დაუხურავს ამის შემდეგ დღიურები მას არ უწერია. მხოლოდ 7 წლის შემდეგ, 1919 წლის 11 ნოემბერს მოუქმებნია დღიურის ეს რვეული, რომ ამ ხნის განმავლობაში განცდილი ასე ლაკონურად მიეწერა: „თითქმის 7 წელიწადია, რაც დღიური არ დამიწერია. სადღიუროდ ვის ეცალა, ცეცხლი მადგა. 1914 წლის 18 ივლისს ჩავაბარე პირველი საკანდიდატო გამოცდა. ორი კვირაც არ გასულა, რომ ომი ატყდა... ბელგია გერმანელებმა დაიპყრეს. უნივერსიტეტი დაიკეტა და მთელი ოთხნახევარი წლის განმავლობაში დაკეტილი იყო. ჩვენს ქვეყანასთან მიწერ-მოწერა შეწყდა. ნიუთიერ შევიწროებებს და ზნეობრივ ტანჯვას საზღვარი არ ჰქონდა... მაგრამ ტირილიდანაც არა გამოდიოდა რა. ბევრი მწუხარება გამოვიარე, მაგრამ სულით არ დავემუღვა. კიმეცადინე რაც შემეძლო საბედნიეროდ უნივერსიტეტის წიგნთსაცავის სარგებლობის უფლება მქონდა და კარგადაც ვისარგებლე. მხოლოდ წელს, 1919 წ. იანვრის დამლევს, გაიხსნა უნივერსიტეტი. მარტის დამლევს მივედი მეორე საკანდიდატო გამოცდაზე და მშვიდობით გადავჩინე. გაეჩაღე ხელახლა მუშაობა და აი მდგომარე 9 გიორგობისთვის ჩავაბარე პირველი სადოქტორო გამოცდა. შეიდი წლის ჩემი საშინელი შრომა და მწუხარება, ამ ბელზე, მაინც დაგვირგვინდა. სწორედ ახლა მომივიდა პირველად ამბავი შინიდან, რომ ჩემიანები ცოცხალნი ყოფილან“ (ლიტ. მუზეუმი, ხ — 10723).

გადის კიდევ ორი წელიწადი, კ. თათარიშვილი აღწევს დასახულ მიზანს, ასრულებს უნივერსიტეტის სრულ კურსს და იმავე დღეს, 1921 წლის 12 ივლისს, დღით სამშაბათს, კვლავ მონახავს თავისი დღიურების ძველ რვეულს და უკანასკნელად მიაწერს: „დღეს ჩავაბარე მეორე სადოქტორო გამოცდა. 9 წლის ტანჯვა-წვალება ძვირად დაჯდა, მაგრამ საქმე მაინც ბოლომდე მივიდა“.

ეს ამონაწერები ცხადად ამტკიცებენ, რა დიდ გაჭირვებას განიცდიდა კ. თათარიშვილი უცხოეთში. მიუხედავად ამ გაჭირვებისა, უიარაღოს სულიერი სიმტკიცე ბოლომდე შეუნარჩუნებია. ინტენსიურ საუნივერსიტეტო მეცადინეობასთან ერთად ცდილა, თავისი შემოქმედებითი სტიქია არ ჩაეჭრო, შიგადაშიგ მოთხრობები და ნარკვევები ეწერა და მშობლიური პრესისათვის მიეწოდებინა. კავშირი არ გაუწყვეტა მშობლიურ ქვეყანასთან, მწერლობასთან, ნათესაებებთან და მეგობრებთან. ჭერ კიდევ 1913 წლის 14 ივლისს, როცა ის მეორე კურსზე გადადიოდა, თავის მეგობარს ვასო გადელიას ერთ-ერთ წერილში სწერდა: „...ვაი ჩემი ცოდვა, როგორ შეუტყპივართ უმეტრებას, არა თუ ცოდნა, რამე გამოსადეგი საქმის წარმოადგენაც არა მქონია. მაგ ჩემი ცოდვით დატვირთულებმა 14 წელიწადი აბრაამის და ისააკის ზღაპრები მაზეპირებინეს და ის კი არ დამასწავლეს, თუ წყალი რისგან შედგებოდა. მაგრამ არა უშავს რა. თუმცა გვიან, მაგრამ მაინც წინ, წინ და წინ. ერთადერთი ჩემი ნუგეში ისაა, რომ ესერგია და სწავლის ხალისი კარგი მაქვს“ (ლიტ. მუზ. ხ — 10587).

ამ სტრიქონებიდან ნათლად ჩანს დიდი ოპტიმიზმი, ენთუზიაზმი და დაუცხრომელი ენერჯია აღამიანისა, რომელსაც გადაუწყვეტია, რათაც უნდა დაუჭდეს,

აღიქურავს ცოდნით და მთელი თავისი ძალ-ღონით ეს ცოდნა და შესაძლებლობა მშობლიურ ხალხს მოახმაროს.

როგორც აღვნიშნეთ, მიუხედავად ხელმოკლეობისა და დატვირთვისა, უიარაღოს ქართულ მწერლობასთან კავშირი არ გაუწყვეტია. ბრიუსელში ყოფნის დროინდელ მის თხზულებათაგან აღსანიშნავია მოთხრობები: „მღვდელი და დიაკვანი“, „მოხუცებულები და დეკამერონი“ და ნარკვევები „მსოფლიო გამოფენა ქ. განში“, „შემიღილა სამეფოში“ და სხვა, რომელნიც იმ პერიოდის ქართულმა ჟურნალ-გაზეთებმა თავიანთ ფურცლებზე გამოაქვეყნეს. ომისა და რევოლუციების შემდეგ კონდრატეს დიდად გაუჭირდა ბრიუსელში ცხოვრება. სამშობლოსთან კავშირის აღდგენა ვერ მოხერხდა. ცალკე ნივთიერი სიფიჭროვე, ცალკე თავისიანების მდგომარეობის უცნობლობა, ისედაც მძიმე პირობებს კიდევ უფრო ამძიმებდა. იგი იძულებული იყო ყოველგვარი გზისა და საშუალებისათვის მიემართა, ოღონდ „თავისათვის ეშველა“. ამ მხრივ საყურადღებოა და ბევრი საინტერესო ცნობების შემცველი მისი მიმოწყება მაშინ პარიზში მყოფ ქართველებთან.

1921 წლის 12 ივლისს ის უკანასკნელ გამოცდას აბარებს. მიიღებს გეოლოგიის დოქტორის დიპლომს და წამოსასვლელად შეუდგება მზადებას. მაგრამ კვლავ უსახსრობა და სხვა სახის დაბრკოლებები წამოეპყრებოდა წინ. ამ ხნის განმავლობაში დიდი პოლიტიკური ცვლილებებიც მოხდა. მენშევიკების ბატონობას ბოლო მოეღო და საქართველოში საბჭოთა წესწყობილება დამყარდა.

მიუხედავად იმისა, რომ საბჭოთა ხელისუფლების შესახებ მისი მტრები ათასნაირ კორს ავრცელებდნენ, კ. თათარიშვილი წუთითაც არ შეეყოყმანებულა. მტკიცედ გადაწყვიტა სამშობლოში დაბრუნება და მიღებული ცოდნით მშრომელი ხალხის სამსახური.

ამ გადაწყვეტილების სისრულეში მოსაყვანად საჭირო სახსრებისათვის კ. თათარიშვილი იძულებული გამხდარა პროფესორ ექვთიმე თაყაიშვილისათვის მიემართა. ჩვენი გამოჩენილი ისტორიკოსი და არქეოლოგი იმ ხანებში პარიზში ცხოვრობდა და ისედად მენშევიკური მთავრობის მიერ საქართველოდან გატაცებულ ისტორიულ განძეულობას და თანაც ღარიბ სტუდენტთა დამხმარე კომიტეტშიც მუშაობდა. ე. თაყაიშვილს უსახსრობის გამო დახმარება ვერ აღმოუჩენია უიარაღოსათვის, მაგრამ პასუხი არ დაუყოვნებია და ისეთი რჩევა-დარიგება მიუცია და გზაც უჩვენებია, რომ სასურველი შედეგი მოჰყოლია. რადგან თაყაიშვილის ეს პასუხი მეტად დამახასიათებელია და საჭირო ცნობების შემცველი, იგი ღირსია მთლიანად აქვე მოვიყვანოთ: „პარიზი. 15 მარტი. 1922 წ. ბ-ნ კონდრატე! თქვენი წერილი 6 მარტის თარიღით ამა წლისა სტუდენტთა დამხმარე კომიტეტმა მიიღო, ძალიან სასიამოვნოა, რომ კურსი დაგისრულებიათ და საქართველოში დაბრუნება დაგისახავთ მიზნად. და ამის გამო თხოულობთ კომიტეტისაგან დახმარებას სამშობლოში დაბრუნებისათვის. სამწუხაროდ, კომიტეტი მოკლებული ყოველგვარ ღონისძიებას, რომ თქვენ რაიმე მატერიალური დახმარება აღმოგიჩინოს. ამდენ ხანს სტიპენდიანტებს ეძლეოდათ მცირეოდენი დახმარება, უმეტესად ისი ფრანკი თვეში, მაგრამ ჩერაც არ ვიცით, აპრილდან მიეცემათ თუ არა, ვინაიდან მთავრობას სახსარი სრულიად არ მოუპოვება. რომ რაიმე იღონონ სულ ორ-სამ თვეს თუ გააგრძელებს, ისიც დიდი საქმე იქნება. მერმე კი არავითარი იმედი, არავითარი პერსპექტივა არ არის დახმარებისა. ასეთია მდგომარეობა და ჩვენ აქლიერ ვწუხვართ, რომ თქვენს თხოვნას ვერ ვაკმაყოფილებთ.

თუმცა ეს ჩვენ არ შეგვეხება, მაგრამ მეტი არ იქნება, რომ მიმართოთ თსოგ-
ნით „ჩემოს“ საზოგადოებას გაავაში, პოლანდიაში. და მათ თხოვით საგზაო ფუ-
ლი, თუნდ იმ პირობით, რომ თქვენ პირადი სამსახურით აუნაზღაურებთ მათ სა-
ქართველოში. მე მგონია, მათთვის გეოლოგი უაღრესად საჭიროა და სახსარიც
აქვთ ხელი გაგიმართონ. ღრმა პატივისცემით ექვთიმე თაყაიშვილი“ (ლიტ.
მუზეუმი, ხ—10561).

ამ გზით თუ სხვა საშუალებით, კონდრატეს სამგზავრო თანხა მოუგროვებია
და 1922 წლის 24 აპრილს ბრიუსელიდან წამოსულა.

კონდრატემ გადასერა დასავლეთი ევროპის მთელი რიგი სახელმწიფოები
(გერმანია, ავსტრია, იუგოსლავია, ბულგარეთი და სხვ.) და კონსტანტინოპოლს
ჩავიდა. მოინახულა იქაური ქართველები, ზოგი ნაცნობ-მეგობრები და ამიერკავკა-
სის საბჭოთა რესპუბლიკების წარმომადგენლობაში სამშობლოში წამოსასვლელი
ჯგოროვანი ვიზა ითხოვა. წარმომადგენლობა, როგორც ჩანს, კონდრატეს განზრახ-
ვას პატივისცემით და თანაგრძნობით მოკიდებია და 1922 წლის 16 მაისს მის-
თვის ამგვარი შინაარსის მოწმობა მიუცია: „Дано сие гражданину Кондрату
Татаршвили, Грузинскому подданному в том, что он отправляется в Гру-
зию и везет с собой книги и геологические инструменты, необходимые
ему для научных целей. Просим все Советские власти оказывать К. Тата-
ршвили всяческое явное содействие“... (საქ. ლიტ. მუზეუმი, ხ—10684).

რამდენიმე დღის შემდეგ კონდრატე თავის განახლებულ სამშობლოს ეს-
ტუმრა. მოინახულა სოფელი, ქალაქი, ცოლ-შვილი, მშობლიური ოჯახი, თავისი
სახუთები განათლების სახალხო კომისარიატს წარუდგინა და თვითონ კვლავ სო-
ფელში დაბრუნდა, რომ ზაფხული ძველებურად ყანაში და ბაღ-ვენახში მუშაო-
ბით გაეტარებინა. ზოგიერთის ცნობით, სოფელში საკუთარი მეურნეობის აღდ-
გენა და გაჩაღებაც განზრახავს, მაგრამ ჩვენი ქვეყნის იმდროინდელი პირობე-
ბი, როცა ისახებოდა დიდი გეგმები სოფლის მეურნეობის რეკონსტრუქციისა და
ქალაქის ინდუსტრიალიზაციისა, როცა ფართოდ იშლებოდა სოციალისტური მშე-
ნებლობა და კულტურული რევოლუცია, როცა თითზე ჩამოითვლებოდა ასეთი
დარგის სპეციალისტები და ისიც დოქტორი, კონდრატეს სოფლის იდილიური
ცხოვრებისათვის ვინ გაიმეტებდა. ის იმავე წელს გამოწვეულ იქნა საქართვე-
ლოს სახელმწიფო მუზეუმში, სადაც ჩააბარეს გეოლოგიური განყოფილება, ხო-
ლო მეორე წელს მიიწვიეს (შეთავსებით) თბილისის სახელმწიფო უნივერსიტეტ-
ში გეოლოგიის კათედრაზე. ამის შემდეგ კ. თათარიშვილს — გეოლოგსა და წია-
ლისეული სიმღერის დაუცხრომელ მკვლევარსა და მაძიებელს — ვხედავთ ჩვე-
ნი ქვეყნის თითქმის ყველა კუთხეში. მის ქალაქებში დაცული უბის წიგნები, დაბეკ-
ილი და დაუბეკდავი ნაშრომები, გეგმები, და ნახაზები წარმოადგენენ საოცარი
ენერჯისა და თავისი საქმის დიდი ენთუზიასტი მუშაის სახეს, რომელსაც მტკიცედ
განზრახავს დაუცხრომელი და უანგარო შრომით სულ მოკლე ხანში შეეცნოს ის.
ხარვეზი, რაც ამ დარგში გააჩნდა ჩვენს სამეცნიერო ლიტერატურას.

გეოლოგი კ. თათარიშვილი ზედინედ იკვლევს და სწავლობს შიდა ქართ-
ლის, კახეთის, ქვემო ქართლს, სამეგრელოს, ზემო და ქვემო იმერეთის, გური-
ის, აფხაზეთის, განსაკუთრებით კი თბილისის მიდამოებს. ამ ძიების შედეგად
„უნივერსიტეტის მოამბეში“ აქვეყნებს ნაშრომთა მთელ სერიას, რომელთაც
დღემდე არ დაუკარგავთ მეცნიერული მნიშვნელობა და პრაქტიკული ღირებულებ-

ზა. ალაზნის ველის, კოლხუის ველის დასავლეთი ნაწილის, გობნარის მიდამოების ჰიდროგეოლოგიური მიმოხილვები და თბილისის მიდამოების მოკლე გეოლოგიური და ჰიდროგრაფიული მიმოხილვა გეოლოგიურ მეცნიერებათა თანამედროვე ეტაპზე მოქმედ შრომებად ითვლება.

გამოჩენილი ქართველი გეოლოგი აკად. აღ. ჭანელიძე კ. თათარიშვილის გარდაცვალების გამო წარმოთქმულ სიტყვაში აღნიშნავდა, რომ იმ დროს, როცა განსვენებული უნივერსიტეტში იქნა მიწვეული, გეოლოგიის კათედრა ჩვენს უნივერსიტეტში ჯერ კიდევ ჩანსახს წარმოადგენდა, გეოლოგიის ლაბორატორია ერთიანად შესაქნელი იყო, სწავლება ჩამოსაყალიბებელი და ამ საორგანიზაციო მუშაობაში კ. თათარიშვილს მეტად საპატიო და პასუხსაგები როლი ზედა.

კონდრატე თათარიშვილის მეცნიერებისადმი გულმზურვალეობისა და უანგარობის სამაგალითო შტრიხია პროფ. გ. ჩიტაიას მოგონება, რომელშიც ის კონკრეტულ მუშაობაზე მგონებრივად უბნებისა და საქმის სიყვარულით გატაცებულ ადამიანად სახავს. „ერთხელ, — იგონებს გ. ჩიტაია, — არქეოლოგებს, გეოგრაფებსა და გეოლოგებს ერთად მოგვიხდა ექსპედიციაში გამგზავრება. ექსპედიციაში უიარაღოდ იღებდა მონაწილეობას. უნდა გენახათ მისი ალტაცება, როცა მან ახალი ქანი აღმოაჩინა. თითქოს დაკარგული შვილი იპოვნაო, მივარდა და კოცნა დაუწყო ქანს, თან იძახდა: შენ გეძებდი, ჩემო ძვირფასო, შენ გეძებდიო მაშინ დაწერა მან მოთხრობა „მოაზროვნე ტრილობიტი“.“ *

მოთხრობების წერა, მიუხედავად სამეცნიერო კვლევა-ძიებით გატაცებისა, პედაგოგიური მუშაობით დატვირთვისა და ყოველ პაპანაქება ზაფხულში სავსე ექსპედიციებში ყოფნისა, კ. თათარიშვილს არ შეუწყვეტია. ეს მისი სტიქია იყო საზღვარგარეთიდან დაბრუნებულ და სამეცნიერო-პედაგოგიური მუშაობით დატვირთულ უიარაღო კალამს ეკუთვნის შემდეგი მოთხრობები და ნარკვევები: „ბედნიერება“, „მოაზროვნე ტრილობიტი“, „ჩემი მომზივლეული“, „ქვის ნაამბობა“, „აღსარება“, კინოსცენარი „მამელუკი“, „ბრიუსელიდან საქართველომდე“, „ქართული ენისათვის“, „კრიტიკული შენიშვნები“ და სხვ.

კ. თათარიშვილი დროს პოულობდა აგრეთვე იმისათვისაც. რომ თვითონვე შეედგინა პედაგოგიის ისტორია, ეთარგმნა პედაგოგიის კლასიკოსები და ამით შეეცაო ის ხარვეზი, რომელიც მაშინ გვექონდა ჩვენს უმაღლეს სასწავლებლებს სახელმძღვანელოების უქონლობის გამო. კ. თათარიშვილის ხელნაწერებში თქვენ ნახავთ მისგან გარჩეულ ბეკონის, დეკარტის, კომენსკის, ჟონ ლოკის, ყან-ჯაქ რუსოს, პესტალოცის და სხვათა პედაგოგიურ იდეებს, მათ შეხედულებებს ადამიანის აღზრდაზე და განათლებაზე, ან კიდევ მათ პედაგოგიურ ტრაქტატებსა და უმთავრეს თხზულებათა თარგმანებს ქართულ ენაზე. 1927 წელს პერნის პესტალოცის გარდაცვალების 100 წლისთავის აღსანიშნავად დაწერილ მონოგრაფიულ ნარკვევში იგი დიდი სიყვარულით წერდა გამოჩენილ შვეიცარიელ პედაგოგზე, რომ „მისი სახელი მუდამ იქნება სათაყვანებელი ყველა ქვეყნის პედაგოგისათვის, მაგრამ განსაკუთრებით — საბჭოთა სკოლის პედაგოგისათვის. პესტალოცი თავისი ცხოვრება და მოღვაწეობით სიმბოლოა იმ დიდი პრინციპებისა, რომლის განხორციელებისაკენ მისწრაფის საბჭოთა სკოლა“ (ლიტ. მუზეუმი, ხ — 10723). კ. თათარიშვილი ამ ნაშრომში იძლევა პესტალოცის აღზრდის თეორიის ანალიზს, შეფასებას და მის მნიშვნელობას თანამედროვეობისათვის, საბჭოთა სინამდვილისათვის.

* იხ. „ლიტერატ. აღმახანი“, № 8, პლ. ბუბიას ნარკვევი, გვ. 208.

დობით, მტაცებლობით და ავაზაკობით ცხოვრება, რომელიც საბოლოოდ განწირულია დასაძლუნავად, როგორც კანა და ბუხუ. უთუოდ დიდი ხელოვნებით, საგნის ცოდნით და მხატვრული სიმართლით აქვს ავტორის დამუშავებული ყანის სცენა, გზაზე გასული გლეხების საუბარი, ღამით ცხენის მოსაპარავად მისულ აზრებთან გლეხი უტუნას ბრძოლის სცენა, წირვის შემდეგ ეკლესიის ეზოში მღვარი დიდი ცაცხვის ძირას შეკრებილ გლეხთა ბჭობა ცხენის ქურდობის მოსაპოვებლად, სცენა სასოფლო „სასამართლოში“ — მამასახლისის კანცელარიაში, საქეგრელოში, ყველ დროიდანვე გავრცელებული ჩვეულების — ძიძა-გაზრდილობის დახასიათება და სხვ. ამ მხატვრობას ამდიდრებს, აცოცხლებს და დამაჭერებელს ხდის დიდი ცოდნა სამეგრელოს ეთნოგრაფიისა, ყოფა-ცხოვრებისა და ადამიანური ჩვეულებისა.

ცხოვრებისაგან გაძარცველ-გაძვალტყავებული ახალგაზრდა გლეხის ტრაგიკული მდგომარეობა უთუოდ მეტად მძაფრი და შემამჩრუნებელი ფერებითაა გაღმოცემული პატარა მოთხრობაში „ჩემი რა ბრალია?“. კ. თათარიშვილი ნამდვილი გულის მესაიდუმლე და ხმალომწედილი ქომაგია „ყოველი მხრიდან“ დაჩაგრული და აბუნად ავდნებული გლეხისა, რომელსაც მთელი სახელმწიფო სისტემისა და მისი ავანაჟანის შეინახვა დასწოლია კისერზე.

1900-1913 წლებში კ. თათარიშვილი ზედიზედ აქვეყნებს მეტად საგულისხმო და თავის დროისათვის უეჭველად აქტუალურ მოთხრობებს: „მე და ბიძაჩემი“, „ჩაიზე“, „უსიამოვნო შეხვედრა“, „დრუნჩას სიზმარი“, „რეაქცია“, „პირუთენელი დაფასება“, „წესდება“, „მღვდელი და დიაკვანი“ და მთელი ციკლი ბიბლიურ სიუჟეტებზე აგებული ნოველებისა. მის კალამს ეკუთვნის აგრეთვე თავის დროზე აქტუალური ხასიათისა და თანამედროვე ეტაპზე საგულისხმო ნარკვევები, დოკუმენტური პროზის რამდენიმე ნიმუში „თბილისიდან ჯულფამდე“, „შემოღობა სამეფოში“ და სხვ.

ამ მოთხრობებში ასახულია მეტად საინტერესო პერიოდის ცხოვრება, (1905-1907 წ. წ.). საკმაოდ მკვეთრად მხილებული და გაიცხვულია ბურჟუაზიული საზოგადოების ამორალურობა. იქ, სადაც ქადაგებენ უმანკოებს — ყელამდე მანკიერებაში არიან ჩაფლული, იქ, სადაც დიდი პათოსით მსჯელობენ მეგობრობაზე — მხოლოდ დაღატა ერთიმეორისა. ოჯახის შერყვნა და შურთაცხუფა. ამ მხრივ აღსანიშნავია მოთხრობა „ჩაიზე“. მხილებულია სასტიკად გამათრახებულია: უსულგულო მოხელეები, მათი სიყალბე, მეჭორეობა, თვალთმაქცობა, პროტექციონიზმი („პირუთენელი დაფასება“), რაზედაც დამყარებული იყო მათი მოღვაწეობა, ცხოვრება და იმდროინდელ მშრომელ აღამიანთა ბედი („პროტექცია“). ასევე დაუნდობლად აქვს მხილებული მშიშარა, კარიერისტი მღვდლები, მათი ქამელეონური სახე, გაუმადლობა („რეაქცია“), ხალხის მოტყუება, მშრომელთა ძარცვა-ყელეფა („მღვდელი და დიაკვანი“), გონების დაბნელებისათვის ზრუნვა და მეფის მთავრობისადმი ერთგული, თითქმის მონური სამსახური. ყველაფერ ამისათვის ავტორს შერჩეული აქვს შესაფერი მხატვრული ფორმა, ბელეტრისტული ხერხები და მოხდენილი დიალოგები.

რაც შეეხება თათარიშვილის ალგორითული ხასიათის ნოველებს, რომლებსაც ის აქვეყნებდა საერთო სათაურის ქვეშ „ბიბლიურ პანაზე“, მეტად საყურადღებო ლტერატურული დამუშავების მხრივ. ნოველებში აღწერილი მოქმედება ხდება პალესტინაში, რომელიც რომის იმპერიის ეროვნული და სოციალური ჩაგვრისა და დამონების ობიექტია. რომის სარდლებისა და ცენტრიონთა განუკითხავი თარეში სულს უხუთავს გაძვალტყავებულ ურიასტანს, რომელსაც თა-

ესი ხსნის იმედი იელოვასაგან მოვლენილ მესიასათვის მიეძღვია. ხალხი, ამ რწმენით დაიმედებული, მესიის მოლოდინში დატყუება, ფიზიკურად და მორალურადაც ეცემა, ბრძოლის უნარიანობას ჰკარგავს, მესია კი არსაიდან ჩანს. სამაგიეროდ ხალხის წიაღიდან გამოდინან ახალ-ახალი მასწავლებლები, ხალხის ხელმძღვანელები, რომელნიც მოუწოდებენ ერს ერთიანობისაკენ, საერთო მტერთან ბრძოლისაკენ. უცხოელთა ბატონობის დამბობისაკენ. მაგრამ ხალხის სულიერად დაქვეითებას, მის ეროვნული შეგნების ჩახშობასა და დაშლას ხელს უწყობს მთავრობის ერთგული ადგილობრივი მოხელეები და სამღვდელთა. რომელიც დიდი გავლენით სარგებლობს ფანტიკურად განწყობილ ხალხში. სამღვდელთა, რომლის სათავეში დგას სპეციალურად მოყვანილი უცხო ტომის პლედელმთავარი, როგორც საქართველოში ეგზარქოსები, ყოველგვარი ღონისძიებით ცდილობს ერთგულება გამოიჩინოს მჩაგვრელის წინაშე და თვითონაც ხელი მოითბოს ერის საშსვერპლოზე გამართულ კოცონზე. ამ ნოველების მიხედვით ხალხის მტერი მისივე სამღვდელთა და ეკლესიაა.

ყოველი ნოველა გარკვეულ და დასრულებულ ამბავს გადმოგვცემს. საქმე ისაა, რომ მათი საერთო და მთავარი მოქმედი პირია რაბი იოშუ (მასწავლებელი იესო), რაც ქრისტეს ნამდვილ სახელად არის მიჩნეული. ამ შემთხვევაში მწერალი მიმდევრია გამოჩენილი ფრანგი მეცნიერის ერნესტ რენანისა (1823-1892), რომელსაც ეკუთვნის ცნობილი ნაშრომი „ცხოვრება იესოსი“. ამ ნაშრომში უარყოფილია ქრისტეს ღვთაებრივი ბუნება, მისი ღმერთაკაცობა და სასწაულომოქმედება, რაც მის შემდეგ პერიოდში ჩამოყალიბებულმა რელიგიურმა დოგმატიზმმა მიაკეთვნა. აქ იგი აღიარებულია ჩვეულებრივ ადამიანად, რომელიც ღერგალი იყო. ამ ხელობის წყალობით მას უხდებოდა ქალაქიდან ქალაქში და სხვადასხვა მხარეში სიარული, ეცნობოდა მშობლიური ხალხის ცხოვრების სიდუხჭირეს და ამავე დროს როგორც ნაკითხსა და განვითარებულ კაცს, გულს უქლავდა თავისი ქვეყნისა და საერთოდ მშრომელთა ჩაგვრა და ექსპლოატაცია. ამ გარემოებამ იოშუ მიიყვანა იმ დასკვნამდე, რომ გამხდარიყო რაბი (მასწავლებელი), გამოეფხიზლებია რელიგიური ბანგით დაძინებული, ფარისევლების და მღვდელ-ღვთაეტელთაგან დაბრეყებული და რომელთაგან დამონებული მშობლიური ისრაელი ერი.

ამგვარი წიგნის დაწერისათვის მისი ავტორი, როგორც „მწვალებელი“ და „ღვთის მგობელი“ კათოლიკურმა ეკლესიამ გარიცხა და შეაჩვენა. 900-იან წლებში ამ წიგნის ქართულად მთარგმნელმა ია ეკალაქემაც საკმაო რეპრესიები, სამღვდელთების რისხვა და ღვენა განიცადა. უიარაღოს ბიბლიურ მოტივებზე დაწერილ ნოველებსაც ე. რენანის ეს შეხედულება უძევს საფუძვლად. მაშინ, როცა მთელ ქრისტიანულ სამყაროში იესო ქრისტე „ძე ღვთისად“ და „ღმერთად“ იყო აღიარებული, მის გარშემო შექმნილ რელიგიას ფანტიკურად მისდევდა ხალხი და, რაც მთავარია, ამ რელიგიის დოგმატებზე იყო აგებული სახელმწიფო სისტემა, რომელსაც ცეცხლითა და მახვილით იცავდა მისი თეთრი და შავი ჯანდარმე-რია, ამგვარი ნოველების წერასა და გამოქვეყნებას, სადაც იესო (იოშუ) ჩვეულებრივ კაცად და ისიც მხოლოდ ღარიბ-ღატაკთა მოსარჩელედ იყო აღიარებული, უეჭველია, ერთგვარი რისკი და გამბედაობა უნდა ზღებოდა.

ასეთ გამბედაობას, როგორც ეს ზევით დავინახეთ, უიარაღო მოკლებული არ იყო. მაშინ ჯერ კიდევ არ იყო საკითხი დასმული ქრისტეს, როგორც რეალური ბიროვნების არ არსებობის შესახებ, მისი მითითრობის შესახებ და ამდენად მწერალს გაბედულად წინგადადგმულ ნაბიჯად უნდა ჩაეთვალოს ღმერთად აღი-

რებელი იესოს ჩვეულებრივ და უბრალო ადამიანად დახატვა ქართველი მკითხველისათვის. ამავე დროს მთელი ამ ნოველების მანძილზე ავტორი გვევლინება ეროვნულ-გამათავისუფლებელი მოძრაობის გაჩაღების მქადაგებლად, რომელიც მთელი თავისი შეგნებით დგას რევოლუციურ და დემოკრატიულ პრინციპებზე.

ნოველებში ნაჩვენებია: რომაელების თარეში ურისსტანში, მათ მიერ სოლომონის ტაძრის შერყვნა, სამღვდლოების მიერ ტაძარში გაჩაღებული საეკლესიო, უცხო ტომიდან მოსული მღვდელმთავრის ანნას განუსაზღვრელი თარეში, იროდი მეფის უზურპატორობა, სამეფო კარზე დამკვიდრებული გარყვნილება. ჭამუშობის გავრცელება, შრომელი ხალხის შეშინება, მათი ძარცვა, გონების დაბნელება, ეკლესიის როლი ხალხის დამონებაში. შეგნების დაბალი დონე ხალხისა, რომელსაც რაბი ასეთი სიტყვებით მიმართავს: „ლატაკო და მშვიერო ხალხო! განა შენ უნდა იყო ლატაკი?... განა შენი ოფლით არ აშენდა დიდებული ტაძარი იერუსალიმისა, სადაც ამჟამად თავის გემოზე ნებივრობს ურწმუნო, უცხოეთიდან მოსული ანნა მღვდელმთავარი?... დროა, ძმანო, შეისმინოთ რამე... ჯადისაგან ქედმოხრილნი და ხელბეგატყავებულნი, უთქვენოდ არც იროდი იმეფებდა... არც ანნა მღვდელმთავარი ინებივრებდა და ვერც ლევიტელნი განცხრებოდნენ. მაგრამ თქვენ, თქვე უბედურნო, გაკლიათ შეგნება, არ გაქვთ ერთი პირი, არ იცით ერთმანეთის გატანა. სანამ ამას არ შეიცნობთ“, — განაგრძობს იგი, — ძნელია ერთზე გამარჯვება, რომლის შემდეგ „საერთო ოფლით მოაპყებულნი თანასწორად განაწილდება და მაშინ შიმშილისაგან ასეთი დაუძლეურებული არ იქნებით“... („რაბი იოშუ“).

ამ სიტყვებიდან აშკარად ჩანს ავტორის შეხედულება და თვალსაზრისი საზოგადოებრივ ცხოვრებაზე. ის ჩაგრული და ექსპლოატირებული კლასის მხარეზეა, მათ მოუწოდებს ერთიანობისაკენ, რადგან ერთობა მთავარი პირობაა გამარჯვებისა. ამ ერთობის შექმნაში ხალხს ხელს უშლის ეკლესია და მისი მუქთახორა მსახურნი, ვაჰარნი და სხვა მრავალი სახის ანგარნი („შოლტი“). ერთ-ერთ ნოველაში მეფე გამოყვანილია როგორც სისხლის მსმელი და ხალხის ჯალათი, რომელიც ცდილობს ყოველგვარი კეთილი აზრის ჩაქრობას, მაგრამ „ერის გულში ანთებული ცეცხლის ჩაქრობა სრულებით უკანასკნელ ნაპერწკლამდე შეუძლებელია. ეს ნაპერწკალი კი ხშირად გრიგალად იქცევა ხოლმე“... („მეფე“). ამავე ნოველაში ასახულია, თუ როგორ ამხნეებენ ხალხის რისხვისაგან შეშინებულ მეფეს მისი დამქაშები და პირველ რიგში რელიგიის მსახური. „აქ არა ვართ, — ეუბნება მეფეს მღვდელმთავარი, — შენი ერთგული სამღვდლოება! ჩვენს ხელთ არ არის საღმრთო წერილი? საღმრთო წერილი კი ისეთია, როგორც წყალში ნავი. საითაც გინდა, იქითვე მიიბრუნებ. სულ წმინდა მოშეს და მისი წინასწარმეტყველების სიტყვებით დაუმტკიცებთ მთელ ქვეყანას, რომ მეფეს უფლება აქვს, თუ არსებული წყობილების საწინააღმდეგო აღმოაჩინა, მის მოსასობად ძალა იხმაროს!“

ეს სტრიქონები იწერებოდა ჩვენს ქვეყანაში რეაქციის მძვინვარების პირობებში და მაშინდელი მკითხველი მასებისათვის ყველაფერი აშკარა და გასაგები იყო ავტორის განსაკუთრებით მიზანში ამოღებული ჰქონდა რელიგიისა და მის მსახურთა მხილება, ნიღაბი აეხადა ღმერთის სახელით მოქმედ ეკლესიისათვის, როგორც თვითმპყრობელობის ერთი მძლავრი და საიმედო დასაყრდენისათვის. ერთ-ერთი გმირის პირით იგი ხალხს ეუბნებოდა:

„მღვდელმთავარი და მღვდლები ხომ იცივენ ქურუმები არიან, ხალხის გონების დაშლელნი, ხალხის მიერ მიტანილი მსხვერპლით ჩასუქებულნი, კისერმო-

ღერებულნი ხალხსავე რომ დასცინიან, მათს გულუბრყვილობას მასხარად იღვებენ“.. („უდაბნოში“). ავტორისავე აზრით ერების შეკავშირება არ შეუძლია „ხელით შეითთხნილ ქვათა გროვას — ტაძრად წოდებულს... ადამიანებს შეაკავშირებს, თუმცა პატარა, მაგრამ მუდამ მტოკავი, გრძნობით აღსავსე მხურვალე გული. მხოლოდ წრფელი სიყვარულით აღსავსე გულს შეუძლია კაცთა ნათესავი მიიყვანოს ერთ ტაძრად, რომლის სიგრძე-სიგანე განუზომელია“ (იქვე).

ამ განუზომელი სიგრძის ტაძარში, რომელიც უთუოდ სიმბოლოა თავისუფლებისა და ერთა თანამეგობრობისა, ავტორს გათვალისწინებული აქვს სოციალური უთანასწორობის მოწესრიგებაც. მისი აზრით ქვეყნად „დამყარებული შესაძლებელი ბედნიერებით ყველანი უნდა ტკებობდეს და არა ერთი და ორი“.

1912 წელს უიარაღომ თავის მოთხრობებსა და ნოველებს ბრწყინვალე გემბათი დაადგა. ეს იყო ისტორიული მოთხრობა „მამელუკი“, რომელსაც თავის დროზე რევოლუციამდელი ქართული პროზის პატარა შედეგრი ეწოდა. აქ შეიძლება ისიც ითქვას: რომ „მამელუკი“ ის ნაწარმოებია, რამელმაც თავისი ავტორი დროთა ვითარებისაგან ჩაძირვას გადაარჩინა. ეს მოხდა ცოტა დაგვიანებით, როცა „მამელუკი“ ცალკე გამოცემად მიეცა მკითხველს.

სხვადასხვა ისტორიული წყაროები და საბუთები გარკვეულად მოგვითხრობენ, რომ ამ კაცთა მოღვმის შემარტყვენელმა „აღებ-მიცემობამ“ საქართველოში ფეხი მოიკიდა მე-16 საუკუნის მეორე ნახევრიდან. ეს ბოროტება მძვინვარებდა თითქმის მე-19 საუკუნის პირველ ნახევრამდე. ამ საუკუნეთა განმავლობაში ვინ მოსთვლის, თუ რამდენი ასეული ათასი ახალგაზრდა ქალ-ვაჟი, სყიდვით თუ ხალხით მოტაცებული, გაუყვანიათ სხვადასხვა ბაზარზე.

ათი და ასიათასობით გაყიდულ ტყვეთაგან ხდებოდა შერჩევა იმ ჯანსაღი და ჩაუქი ქაბუკებისა, რომელთაც მეომრებად ზრდიდნენ და წვრთნიდნენ. ყველაზე მეტ უპირატესობას ამ მხრივ კავკასიელებს და მათ შორის ქართველებს, აფხაზებს და ჩერქეზებს აძლევდნენ. სამშობლოსა და მშობლიურ გრძნობას მოწყვეტილნი, თავისი ერისა და ქვეყნისათვის ცოცხლად დამარტყლნი, გამოიტირებდნენ რა თავისთავსა და ნათესავეებს, სამშობლოს სიყვარულსა და აღურსს, დარწმუნებულნი, რომ მათთვის უკვე აღარ არსებობდა „მშობლიური, ტკბილი, მოწყალე, ცა წყალობისა მთოველი (რუსთაველი), „მრისხანე მამელუკებად“ იქცეოდნენ. მამელუკების საოცარმა გმირობამ და შემმართველობამ თავად მრისხანე ნაპოლეონ ბონაპარტეს თავის დღიურში ასეთი სტრიქონები ჩააწერია: „მრისხანე მამელუკები მთელ აღმოსავლეთს შიშის ზარსა სცემდნენ და ამავე დროს სიყვარულსა და პატივისცემას იმსახურებდნენ. ჩვენს დრომდე მათი ცხენოსანი რაზმები უძლეველად ითვლებოდნენ“... ამ უძლეველთა ქართველი სარდლებიდან სახელგანთქმული მხედართმთავრები იყვნენ 1770 წ. ეგვიპტის სულთანად აღიარებული ალი-ბეი, მამელუკთა ბელადები იბრაჰიმ-ბეი, ისმაილ-ბეი, მურად-ბეი, ოსმან-ბეი. ელფი-ბეი, აბულ ლილაჰი და სხვ., რომელთა საარაკო გმირობაზე და ზღაპრულ თავგადასავალზე მოგვითხრობენ გამოჩენილი ისტორიკოსები და ევროპელი სარდლები.

აქვე უნდა გავიხსენოთ „ბაბილოვანის ბედნიერი ხელმწიფე“ დაუთფაშა—თბილისის გარეუბნელი ბიჭი, ორბელიანთა ყმა დათიკო ბოჩოლაშვილი, რომლის ლეგენდარულ თავგადასავალზე პოეტმა გიორგი ლეონიძემ შესანიშნავი დოკუმენტები გამოაქვეყნა (ეურნალი „დროშა“ 1954 წ., № 3). აქვე გასახსენებელია მ. ხუხუნის მიერ იმავე ეურნალში (1955 წ., № 3) გამოქვეყნებული მეტად ხაინტყ-

რესო მასალები ნაპოლენ პირველის ერთგული მკვლელის — მამულეკ როსტომის შესახებ. იგი ტომით თბილისელი ქართველი ყოფილა, რომელიც 6 წლისა მოუტაცნათ და თავისი გვარი დაეწივებია.

სამეგრელოს 1857 წლის გლეხთა ამბოხების ერთ-ერთი მეთაური უტუ მიქავა თავის სიტყვაში ამბობდა: „სამშობლოში თავი ვერ შეგვიფარებია, ჩვენზე ნადირობენ, გარეული ნადირივით დაგვედვენ“. ამგვარადვე ჩივის „მამულეკის“ ერთ-ერთი გმირი ტაია: „რა ცხოვრებაა. ბატონო, ჩვენი ცხოვრება, ქათმებივით გვიკეცენ და ოსმალებში გვეყიდიან“. აი ფონი და უდანაშაულო ადამიანთა უმანკო სისხლით გააზიარებული ნიადაგი, საიდანაც აღმოცენდა უიარაღო სოციალური შინაარსითა და ეროვნული შეგრძნებით გაელენილი მოთხრობა „მამულეკი“. ეს მოთხრობა ეკუთვნის იმ მხატვრულ ქმნილებათა რიცხვს, რომელიც მუდამ იზიდავენ მკითხველის ყურადღებას და თავიანთი მოტივებითა და მხატვრულ შესრულებით დაუბერებელნი არიან.

„მამულეკის“ ავტორი შეუდარებელი მხატვრული სურათებით გვიჩვენებს იმ ხანას, როცა მეგრელი გლეხი დღედაღამ იმის ნატვრაში იყო, რომ ისე არ ჩასულაყო საფლავში და მოსწრებოდა იმ დღეს, როცა ყანაში უთოფოდ შეძლებოდა წასვლა, დედაკაცს საღილი მარტომმარტო მიეტანა და არაფრის შიში არა ჰქონოდა. მაგრამ ვიდრე ფოთის ციხეს ოსმალების ფაშა ფლობდა და ირგვლივ მდებარე შიდაპოვებს უთვალთვალებდა, გლეხის ამგვარი ნატვრა ამო იყო. იმდროინდელ დასავლეთ საქართველოში არ იყო ძალა, რომელსაც შეძლებოდა, ავტორის სიტყვით რომ ვთქვათ, „შინაური წუწყების“ ალაგმვა.

ეს „შინაური წუწყები“ — თურქეთის აგენტები იყვნენ, დამპყრობთა მიერ ვაჟუნბილი და სინდისზე ხელაღებული ყეოდალები და მათი დამქაშები, რომელთაც შენოსავლის წყაროდ ადამიანებზე ნადირობა გაეხადათ. ეს ყველაფერი იცის „მამულეკის“ გმირმა — ავაზაკთაგან გატაცებულ პატარა ხეიჩას მამა ტაგუია აბელიამ. ისიც კი იცის, რომ ერეკლე მეორესა და სოლომონ პირველს ბრძანება გაუციათ ტყვეების გამყიდველთა წინააღმდეგ და დიდად გახარებულა, ეგებ რაიმე დაეშელოს და ნორმალური ცხოვრება დაგვიდგესო, მაგრამ კვლავ გულის ტკივილი შეიპყრობს, როცა გაახსენდება ლ. აბაშიძე და მისი მსგავსი ურჩი ფეოდალები, რომელნიც ამტუტებენ ჩვენს ქვეყანას და ამ აღრეულობით პირადი ანგარებით სარგებლობენ. მან ისიც იცის, რომ განხეთქილებისა და შფოთის მიზეზია „ისევე დადია, მისი კარისკაცები, თავადები, ჰყოინდარი და მაგისტანები, თორემ. — ფიცით განაგრძობს ის, — თარ-ანგელოზს გეფიცები, მე და ოკრიბელი, ჩემსავით მხენელ-მთესველი, თავის დღეში არ ავიშალოთ და ერთმანეთის მოსაკლავად არ მივიწიოთ...“

ამავე დროს ტაგუიას ეროვნული შეგნება საკმაოდ მაღალია. იგი ყოველთვის მზად არის საერთო მტრის წინააღმდეგ ბრძოლის ველზე გავიდეს. იგი არ არის პარტიკულარულად განწყობილი. მაგრამ არც დიდი პროტესტანტია. მას აწუხებს საქართველოს დაყოფადქსაქსვა სამთავროებად და სამეფოებად და ერთმანეთთან მტრობა-შური, ერთიანობის მომხრეა, ქვეყნის გაძლიერებისა და საერთო მტრისაგან თავის დაცვისა. ბატონყმობა მის შეგნებაში კანონზომიერი მოვლენაა, მხოლოდ ის აწუხებს და აელევენს, რომ ამ ბატონყმობის ფარგლებში გლეხთათვის ირსებულ კანონებსაც არღვევენ, საუკეთესო ახალგაზრდებს, ქალებსა და ვაჟებს სამშობლოს გულიდან წყვეტენ და უცხოეთში მწყიდნიან, ამით ჩვენი ქვეყნის ძლიერებასა და ერის გამრავლებას ძირს უთხრიან.

უიარაღოს ამ დიდი ოსტატობით შესრულებულ მოთხრობაში მამულეკად გვე-

ვლინება მეგრელი გლეხის ტაგეია აბელიას უმცროსი შვილი ხეჩა, რომელიც ადგილობრივმა „წუწყებმა“ მოიტაცეს, როცა მამა და ძმები ყანაში იყვნენ და ყმაწვილი იქვე მახლობელ სერებზე თხებს მწყემსავლა. შემდეგ იგი ეკვიპტეში გაჰყიდეს მამულუკთა რიგებში ჩასარიცხავად.

მათლაც, ხეჩა, რომელსაც მახშუტი დაარქვეს. ჩინებული მამულუკი და შემდეგ ერთი უნიკიერესი სარდალი გამოდგა. რამდენიმე ათეული წლის განმავლობაში ბრძოლებში გამარჯვებებით წარმატებულს თანდათან დააიწყდა ყოველივე მშობლიური და შეიქნა ერთი უერთგულესი მამულუკი, რომლის ხმალს ვერავითარი მოწინააღმდეგე წინ ვერ დაუდგებოდა, და ამა, ნაპოლეონის ძღვეამოსილი არტილერია პირისპირ შეება ეკვიპტის სახელგანთქმულ მამულუკთა არმიას, რომლის უბაღლო სარდალს მახშუტს გულდაგულ მიეტევება ვიღაც ვენეციელი, მაგრამ ბრძოლებში გამოწრთობილი მახშუტი ხმლის ერთი მოქნევით ძირს დასცემს განგმირულ ვენეციელს, რომელსაც გულიდან აღმოხდება კიდევ უფრო გულგამგირავი ხმა „ვაი, ნანა“. ამ სიტყვების გაგონებაზე მახშუტი ქანდაკებასავით გაშენდება. მის გონებაში გროვავივით გაიჩნენს მივიწყებული სამშობლო, თავისი მოგზაურობა ქართველ ტყვეებთან და უცებ შისგან მოკლულ ვენეციელში შეიცნობს მასავით გაყიდულ სალომეს და რეზოს შეიღს და თვითონაც ამ შეცნობის მსხვერპლი ხდება. „საზარელ ბრძოლას ველზე, ურიცხვ გვამთა შორის, ორი ერთმანეთს გადაქცობილი გვამიც ეგდო. ერთს ძვირფასი არაბული ხალათი ეცვა, მეორეს ვენეციელი გვარდიელის მუნდირი.

ღმერთმა ხომ იცოდა, რომ არც ერთი იყო არაბი და არც მეორე ვენეციელი ორივენი ბედკრული საქართველოს შვილები იყვნენ“.

აქვე სვამს ავტორი წერტილს და მკითხველი გრძნობს, რომ ასე მარტყვად ნათქვამ სიტყვებში რაოდენი შინაარსია ჩადებული, რა სულიერი ღრამბარბხით გაღმორეპული, რა მონუშენტური შინაგანი მღელვარებაა ეროვნული თვითშემეცნებისა. აქვე უნდა აღინიშნოს ისიც, რომ ავტორის მეტყველება ყოველთვის სადა, მოხდენილი, გასაგები, მაღალფარდოვანებას მოკლებული, მუდამ გაშვირვალე, ნაკადულივით მდინარი, რაც მკითხველს ადვილად იტაცებს და მხატვრული სურათების ტევრში აგრძნობინებს თავს.

უიარაღოს ლიტერატურულ მეკვიდრებაში ყველაზე დიდი მხატვრული ტილოა რომანი „მამიებელი“, რომელიც მეორე ტომში დაიბეჭდება. ამ სატირულ რომანში მკვეთრი მხატვრული სახეებით მოცემულია იმდროინდელი სამეგრელოს საზოგადოებრივი ცხოვრების დასრულებული სურათები. მწერლის პალატრა ამ მხრივ მეტად მდიდარი და მრავალფეროვანია. იგი მოიცავს ამ მხარის მაშინდელი საზოგადოებრივი ურთიერთობის ყველა სოციალურ ფენას, სადაც მეტად რელიეფურად არის გამოკვეთილი ბატონყმობის შემდეგ დეგრადაციის გზით მიმავალი თავად-აზნაურთა ყოფა და გლეხთა ეკონომიურად გაძლიერების პროცესი. ამ პროცესში ავტორს შენიშნული აქვს გლეხური წრიდან გამოსული წერილბურჟუაზიული ელემენტი, რომელიც ახალი ტიპის ექსპლოატატორად ევლინება მშრომელ გლეხობას. ასე რომ, მწერალი ცდილობს გაუზვიადებელი მხატვრული სახეებით, მკვეთრი ფერებითა და ცოცხალი სურათების ექსპონირების საშუალებებით მკითხველს დაანახოს ფეოდალურ-მემამულური საზოგადოებრივი წყობილებიდან ბურჟუაზიული ურთიერთობაზე გადასვლის პერიოდში მომხდარი პროცესები საქართველოს ამ ურთხეში, სადაც ისტორიულად ყველაზე გვიან გაუქმდა ფეოდალური სამთავრო.

საპარტიო ანუ გვიან გაუქმებას დაჰყვა ერთი შესამჩნევი მომენტი. ადგილობრივი თავდაზნაურობის რევისტრაციის დაგვიანება რუსეთის იმპერიის შესაბამ აქტებში და ამის გამო მათი თავის წოდებაში გვიანამდე დაუმტკიცებლობა. ვასილი საუკუნის 80-90 წლებში ამ საკითხმა რამდენადმე მახინჯი ფორმა მიიღო. გამოჩნდნენ ისეთი ყალბი მქნელებიც, რომლებსაც აზნაურის წოდებაში შეჰყავდა ის, ვისაც საქმოდ მოზრდილი თანხის გადახდა შეეძლო, და ის კი, ვისაც ეს წოდება წინაპრებიდან ჰქონდა ვადმოცემული, ჰკარგავდა მას ჭეროვანი საბუთის წარუდგენლობის გამო. ეს საბუთი ზოგს დაჰკარგვია, ზოგისათვის მოუპარავთ და ამის გამო საუკუნეებით მონადეაწვე წოდებას უნდა გამოთხოვებოდნენ.

უიარაღოს რომანის სიუჟეტის მთავარი ღერძი ამ „კეთილშობილთა წოდებაში“ დამამტკიცებელი საბუთის ძიებაა. მე-19 საუკუნის 80-იან წლებში ისედაც გადტაკეზული აზნაურების მდგომარეობა რადიკალურად შეიცვალა. უდარდელმა ცხოვრებამ ეს პრივილეგიური წოდება შრომას გადააჩვია. ეკონომიურად დაქვეითებული, თითქმის არაფრის მქონე აზნაურობა თავისი ძველი წოდების შენარჩუნებას მაინც ჩაებლაუკა, რადგან იგი ერთგვარი კომპენსაცია იყო მონარქისტულ წყობილებაში. სამეგრელოში „ხმა გავრცელდა: თავდაზნაურობას საბუთი უნდა მოეთხოვოს და ამით მათი ღირსება უნდა დამტკიცდესო. ცალკე კომისიებს აღგენ და ვისაც სურს დამტკიცოს ეს წოდება, საბუთები იქ უნდა წარმოადგინოს“ რომანში თავისი ძველი წოდების დამამტკიცებელი საბუთების მაძიებლები არიან აზნაური ხასილ მძებრაძე და მისი მოგვარენი, რომელთაც ოდესღაც დადიანისაგან მიცემული სიგელი დაჰკარგოდათ და ვერც ერთი თანამოგვარის ოჯახში ვერ აღმოაჩინეს.

თავდაზნაურთა ეს უკანასკნელი გაბრძოლება მწერალმა უარესად რეალისტური სურათებით გვიჩვენა. სამეგრელოს ამ წოდების ბედი უიარაღოს რომანის მიხედვით ძლიერ მოგვაგონებს ზემო იმერეთის „შემოდგომის აზნაურების“ ბედს, რომელიც ასე მონუმენტური ხასიათებით, უკვდავი ტიპებითა და გაუხუნარი საღებავებით დაგვიხატა დავით კლდიაშვილმა. დ. კლდიაშვილის მოთხრობების გაკლენა და მათთან სიუჟეტური ნათესაობა ამ ნაწარმოებში შესამჩნევად იგრძნობა. აღსანიშნავია ის მომენტიც, რომ 1893-94 წლებში, როცა დ. კლდიაშვილის საღებავით მოთხრობები ზედიზედ ქვეყნდებოდა და ამ ნიჭიერი მწერლის გარშემო საზოგადოებრივი აზრი იქმნებოდა, ბურსაში მყოფი კ. თათარიშვილი სამწერლო კალამს იღებდა და „მშვიდობითისა“ და „მაძიებელის“ სიუჟეტებს ამუშავებდა. პირველი, როგორც ზევით გვქონდა აღნიშნული, თავის დროზე იყო გამოქვეყნებული, მეორე, მეტად ვრცელი, სამკარიანი რომანი, რომელიც 1902 წელს ჰქონდა დამთავრებული, რაც ხელისშემშლელ მიზეზთა გამო, თავის სიცოცხლეში ვერ გამოუქვეყნებია. ასე, რომ თავის დროზე ნათქვამი სიტყვა, თავის დროზე მოხდენილად ჩანათქი და შექმნილი მრავალმეტყველი სურათები მეტად დაგვიანებით გაიცნო ქართველმა მკითხველმა.

„მაძიებელი“ ერთი უტყუარი მხატვრული მათიანეა ჩვენს ქვეყანაში, კერძოდ სამეგრელოში, შექმნილი მდგომარეობის გარკვეული პერიოდის ფარგლებში. ამ ნაწარმოების იტორი დიდი მცოდნეა გლეხის ცხოვრებისა, მისი სულსკვეთებისა და ბუნებისა. ვისაც პირველ რევოლუციამდელ სამეგრელოში უცხოვრია, ან ეინც აქ დაბადებულა და გაზრდილა, მისთვის საოცარ შთაბეჭდილებას ახდენს რომანში დახატული სურათების სიზუსტე, მხატვრის დაკვირვებული თვალი, განცილის აღქმისა და ვადმოცემის უნარი, მისი ბელეტრისტული ხერხები და

დაუნდობელი სატირა გარდასული დროისა და წოდების მიმართ. ამ მხრივ „მაი-ებელი“ ერთი საუკეთესო ნიმუშია კრიტიკული რეალიზმის თვალსაზრისით შესრულებულ მხატვრულ თხზულებათა შორის, ამავე დროს ის თავისი მხატვრული შესრულებით ნამდვილი გაგრძელებაა ქართული კლასიკური მწერლობის მიერ შექმნილი ტრადიციისა.

ამ თავისებურების წყაროა მწერლის განკარგულებაში არსებული მასალა და თვით ის ეპოქა, რომელიც ნაწარმოებშია ასახული. ივტორი მოხერხებულად ხატავს როგორც თავად-აზნაურთა ეკონომიურად დაცემასა და ზნეობრივად დაკნინებას, ისე გლეხთა მასებში დაწყებულ დიფერენციაციას და ახალი ბურჟუაზიული კლასის წარმოშობის პროცესებს. თუ ერთი მხრივ აზნაური მძებრაძეები და სხვა ამ წოდების წარმომადგენლები ყოველმხრივ ქვეითდებიან და დღითი დღე უფსკრულისაკენ მიექანებიან, მეორე მხრივ გლეხი ნიკოია თოხიტარია და მისი შვილები და მათი მსგავსი გამრჩელი გლეხობა დღითი დღე ახალ-ახალ წარმატებას ეძლევიან, სიმდიდრესა და ქონებას იხვეპენ და მთელ სოფელში ავტორიტეტული და გავლენიანი ხდებიან. საქმე იქამდისაც კი მიდის, რომ ნიკოია თოხიტარიას შვილები გლეხურ წრეებს გამოეთიშებიან, ფოთში სახელგანთქმელი ნიკიერი ვაჭრები და მოიჭარადრეები ხდებიან და მშრომელ გლეხობას მოველინებან როგორც ახალი ტიპის ექსპლოატატორები. უფრო მეტი, „ქუსლმოკეული“ ნიკოია თოხიტარიას შვილს ფარნას იმდენი გამბედაობაც აღმოაჩნდება, რომ ცოლად შეირთოს მისი ნაბატონარის ბასილ მძებრაძის ქალი და ამით საუკუნეებით განმტკიცებული ოჯახური და წოდებრივი ტრადიცია დაარღვიოს, რაც ბასილ მძებრაძისა და მისი მეუღლისათვის მორალურად დაცემის მიზეზად და სულიერ ტრაგედიად იქცევა. ნაწარმოებში მოხდენილად არის შენიშნული აზნაურული წოდებისა და მათი ტრადიციული ოჯახების დაშლის მომენტი. მძებრაძის ქალი ტასია მიღებული განათლებისა და პროგრესულად განწყობილი მასწავლებლის ჯვალენის შედეგად იმდენად მალა ღვას თავისი შეგნებით, რომ საესებით უარყოფს და სასაცილოდ ივლებს წოდებრივ უთანასწორობას. პირიქით, იგი ტუქსავს ფარნას თოხიტარიას, რომელსაც უყვარს იგი, მაგრამ მშობლებისა და სხვა მძებრაძეების შიშით ვერ გაუბედნია თავისი ამ წმინდა გრძნობის გამომვლენება.

საბოლოოდ, რომანის მიხვევით ორთაბრძოლაში გამარჯვებული გამოდის გლეხობა, მაგრამ ეს გამარჯვება-დამარცხება, ცხადია, უმტკივნეულოდ არ ხდება და არც ისე, რომ დრომოქმელი პრივილეგიური წოდების წარმომადგენელნი სრულიად გაჰქრნენ ფიზიკურად და მოედანნი მარტო გლეხობას დარჩეს, ან გლეხობის კლასი სრულიად ჩანსალი და უქანკო იყოს. მწერალი ამჩნევს, რომ შექმნილმა ახალმა ეკონომიურმა პირობებმა თუ როგორ გამოათხიზლა და ახალ შეგნებამდე მიიყვანა აზნაურული წრიდან გამოსული ახალი თაობის ერთი ნაწილი და ხელი წესიერი შრომისათვის მოაქიღნა. ამ მხრივ აღსანიშნავია რომანის ერთ-ერთი გმირის ტომბაშვილის შემოყვანა ნაწარმოებში. ამავე დროს მწერალი იმასაც ამჩნევს, რომ ყველა გლეხი ისეთი ლატაკი და დაბეჩაებული არაა, როგორც თვმა ბოკოკია; ზოგი მათგანი ავაზაკი, მატყუარა და გაუსწორებელი ქურდიც არის (მაძინია რულაია), ზოგიც ტულღუტი, ზარმაცი და უქნარა, თავზე ხელადებული აზნაურის ხელისშემწყობი და დამქაში (კულა) და ზოგიც კეთილსინდისიერი შრომით გამდიდრებული, მაგრამ ბოლოს გაყოფილებული, გაეპკრებული, მოიჭარადრეებად ქცეული და თავისივე მოძმეების ყველფაში დახელოვებული.


„ამაძიებელი“ მეტად რთული და საინტერესო პერიოდის რეალისტური სი-

მართლით ამსახველი გრცელი მხატვრული ტილოა. ამ ნაწარმოებზე ქართულ საბჭოთა კრიტიკას განსაკუთრებული ყურადღებით მართებს შეჩერება.


უიარაღო თვითონ ამბობდა თავმდაბლურად, რომ დიდი მხატვარი არ იყო, მაგრამ უტყუროდა რა ცხოვრების ისეთ სურათებს, რომელთა თვალის არიდება და მივიწყება გულდასაწყვეტი იყო, რა უნდა ექნა? ხატავდა მათ ისე, როგორც შეეძლო მისი კალამი და წერის მანერა მარტივია, მაგრამ მოხდენილია, ხშირად კი მომხიბლავი და მონუმენტურობამდე მიღწეული. მისი გამოთქმა უბრალოა, მაგრამ შთამბეჭდავია. მისი ფუნჯი მყვირალა ფერებს არ გამოსცემს, მაგრამ სიმჭრქალესაც არ უახლოვდება, იგი ძალზე ზომიერია, მართალია, მხატვრული სიმართლე მისი ცალმის ძირითადი თვისებაა.. და ვფიქრობ, ამიტომაც გაიხსენა, აღადგინა და გამოაწინაურა ქართველ ბელეტრისტთა რიგებში ჩააყენა იგი თანამედროვე საზოგადოებრივობამ, საბჭოთა მკითხველმა. უიარაღოს ლიტერატურული მემკვიდრეობა, მისი მხატვრული სიტყვა საპატიო ადგილს დაიკავებს უახლესი ქართული ლიტერატურის ისტორიაში.


სოლომონ ცაიშვილი.





მოდისკოვები





მ უ ვ ი ღ ო ბ ი თ!

(სურათები სამეგრელოს ცხოვრებიდან)

ნ ა წ ი ლ ი პ ი რ ჯ ო ლ ი

I

ხვალ კვირაა. ჩქარა დაკვირებადდება კიდეც. გაუზომელი ცის ქვაბი შავი ღრუბლებით არის სავსე. ეს ღრუბელნი აქეთ-იქით პიისწრაფიან, გროვდებიან ზოგან ბლომად, ზოგან იმდენად თხლად, რომ ცის მწვანე ცილაც კი მოჩანს. ეტყობა, ღრუბლებსაც სკირთ ერთმანეთის ჟინი, რის გამოც ერთიერთმანეთს თავს ატეხენ, ერთიერთმანეთს თავს აჯდებიან, რომ დედამიწას დაანახონ თავიანთი აღმატებულება. განსაკუთრებით ცის შუაგულ ბევრი მოგროვდა ღრუბელი. თანდათან კიდეც უფრო მატულობს, დიდდება და უახლოვდება დედამიწას. აი ცოტა კიდეც და მეტი ამპარტავნობითა და სიხარულით ლამის ტირილი დაიწყო, ცრემლად იქცნენ და დედამიწისკენ წამოვიდნენ. მაგრამ ამ დროს სიომ დაიწყო ნელი სისინი და შეეთამაშა ღრუბლებს. თავისი ფლიდური ქცევა სულ მათ წინ გამოიჩინა; უამბო სხვა ქვეყნის სიმდიდრე, უთხრა, როგორ არის იქ ცა მუდამ ვარსკვლავებით მოქედელი და უმეტესი ნაწილი ღრუბლებისა გადაიბირა. გაუძღვა წინ და თოვლიან მთებისკენ გააქცივნა. ერთი ნაწილი ღრუბლებისა გაექანა სიომ წინამძღოლობით. აქაც ჯიბრობენ, უნდათ ერთმანეთს გაუსწრონ, რის გამო დათხელდნენ. მაინც მირბიან. ზოგი უკან ჩამორჩა და ისევ უკან დაბრუნდა. ზოგმა, რა დაინახა ამხანაგის სისუსტე, თითქო ფრთები შეისხა, გაალმანდა და სიარულს ერთიორად უმა-

ტა. ამასობაში ღრუბლები აირია. ზოგი იქით მიდის, ზოგი აქეთ, ზოგი დგას და თითქო გაკვირვებულთა თავისი ამხანაგის ქცევით. ირგვლივ ცის კამარამდის გაიფანტნენ, ათასნაირად ტრიალებენ, ასე გეგონება, ზღვა ღელავსო და ვაითუ დედამიწას დაეცნენ და ხელმეორედ წარღვნა გააჩინონო. მაგრამ დედამიწა ყურსაც არ იბერტყავს. ბევრჯერ უნახავს მათი არევა. ძირსაც რომ დაეშვნენ, მაშინაც არ შეუშინდება, გაუხარდება კიდევ, რადგან, კარგა ხანია, რაც არ უნახავს მათი ცრემლების გემო. იცის, რომ არ ესტუმრებიან და იმიტომ არ აქცევენ ყურადღებას. დედამიწა გულმოსულია ღრუბლებზე, იმიტომ რომ სიო ირჩიეს და მის ქარულ ჰკუას აჰყვინენ. მზესაც სცხვენია დედამიწაზე გამოჩენისა და ღრუბლებს ეფარება. სცხვენია, არ უნდა, რომ გამოჩნდეს და ღრუბლებისაგან გაწბილებულ დედამიწას არ დასცინოს მაღლიდან და მით უფრო არ გააჯავროს. დაგვიღონდა დედამიწა, რკინისფერი დაედო. ყველგან ბინდი სუფევს. ტყე-ველი გაჩუმებულია, თითქო სამწუხარო ამბავი შეატყობინეს და გაქვავდაო. ფრინველებსაც უკვირთ ამგვარი უხატრობა ბუნებისა. ზოგნი გაჩუმდნენ, ზოგნი კი ხანდაზმით კაკ, კუპ-ს გაჰკვივიან, რომ მოწყენილი ბუნება სულ სასოწარკვეთილებებაში არ ჩააგდონ. სიხარულით მოჩანჩქარე მდინარე ახლა ზღა-ზნით მიდის, თითქო მხიარულებას მოუწყინდაო. მისი ნაპირები, სამარგლავ სიმიინდით გადამწვანებული, ერთადერთი ადგილია, სადაც კიდევ დარჩენილა სიხარულის ნაპერწკალი. თუმცა ნორჩი სიმიინდის ყანებიც არ მხიარულობს, მაგრამ თავისი ახალგაზრდული სილამაზით სამი წლის ბავშვივით ძალაუნებურად იქცევენ არემარის ყურადღებას. გაჯავრებულ ბორცვებს თვალი ყანებში რჩებათ, რომ მათი ჰერეტიტ ღრუბლებზე გულის მოსვლა დაივიწყონ. არის ერთი არსებაც, რომელსაც ბორცვებზე მეტად უყვარს ყანები, რადგან ყანა მისი გაზრდილია. ეს არსებაა ადამიანი. ადამიანი გამზრდელია ამ ამწვანებული ყანებისა. ის უვლის, უმღერის, რომ ბოლოს გაეზარდოს და მისმა ნაკადულივით მდინარმა ოფლმა უქმად არ ჩაიაროს. დიად, ადამიანი არ შორდება მწვანე ყანებს. აი გაიხედეთ, პერანგის ამარა როგორ თავგანწირვით ებრძვის სიმიინდის მავნებელ სენს—ბალახს. ცდილობს ჩქარა მოაშოროს თავის გაზრდილს და მერე გამზრდელს და მით არ დაამახინჯოს მისი ლამაზი ტანადობა. შეხე! როგორ მანქანასავით სწრაფად სცემს თოხის ტარს. უნდა ბალახის სახსენებელიც ამოაგდოს და მარტო სიმიინდი გახადოს მთელი ჰალის მეფედ.

ბინდმა იმატა. საღამოც მოახლოვდა. ბევრმა დაანება მუშაო-

ბას თავი. მუშამ პირვეარი დაიწერა, თოხი მხარზე გადაიდო და შუაგულ ყანაში, ხშირფოთლებიან ხისკენ გაეშურა. იქ ტანისამოსი ჩაიცივა და შინ წასვლა დააპირა. ზოგი ვერ გაძლა საყვარელი ყანის ყურებით. თავს ვერ ანებებს გაუმარჯლავად დარჩენილ ყანას, რომელიც, თითქო უსჯულოსაგან გატაცებული შვილიაო, ტირის და მამას შეელას თხოვს. „ვერ ხედავ? როგორ დამიმონავე ამ უნაყოფო ბალახმა, უნდა — არ გავიზარდო, ტარო არ ამოვილო და მარტო ცხენის საკმელი ჩალა გავხდე“. პატრონს თითქო ესმის ეს და აღშფოთებულს თვალწინ მხოლოდ ერთი აზრი და ფიქრი უდგას. ხედავს ყანას და, რაც ძალი და ღონე აქვს, მუშაობს, უნდა როგორმე ჩქარა მოაშოროს ურგები ღვარძლი თავის მასაზრდობელს. აღარაფერი აღარ ახსოვს. არ ახსოვს, რომ ხვალ კვირაა და დღეს ჩვეულებრივზე ცოტა აღრე უნდა დაანებოს თავი მუშაობას. არ ხედავს, რომ საღამო მოახლოებულია, არ ესმის ხმაურობა მეზობლებისა, რომელთაც მუშაობისათვის თავი დაუნებებიათ და სათემო გზით შინ მიდიან. ოპო, ჰო, ჰო... შენი გამჩენის ჰირიმე, შეხედეთ იმ შუა ხნის კაცს, რომელიც ფალაგესთან * თავისი თორმეტი წლის შვილით მარდად თოხს იქნევს. აი დაგელოცა მარჯვენა! შეხედეთ პირისახეზე, როგორი ანკარა წყარო გადმოსდის; მით უნდა იყიდოს წლიური საზრდო. შეხედეთ პატარა ძურგუსაც, რა ჩქარა-ჩქარა სცემს გამხმარ ბელტებზე თავის პატარა თოხს. მამას მხარს უმშვენებს და ანუგეშებს. მამაც ნუგეშცემული მისი ქცევით უზომოდ ისვრის წინ ფართო თოხის პირს და იმ სიმწარით ჰკვეთს მიწას, თითქო მის დაქცევას ლამობსო. ემაგრე, ჩემო უტუნა! არ დაიღალე, დღეს მეტი მოგივიდა. უტუნამ ფალაგესთან ერთი მოზრდილი სუა (ფრთა) გაათავა, მობრუნდა უკან და მაშინ მოვიდა გონს.

— ხედავ, შვილო ძურგუ, დაუქმებაც არის, ხვალ უქმია და ახლა გვეყოფა, შინ წავიდეთ. ოპ! ჩემო ყანავ, ნუ გეშინია, იმ კვირია ისე გაგხდი, რომ წამლადაც არ იშოვებოდეს შენში ერთი ღერი დოლო-კეტისა. ** ღმერთმა თუ გვაჩუქა, შვილო, საოცარი სიმინდი მოგვივა. შეხე ღერობებს. ჯერ ოცი დღის არ არის, ასე გგონია. მუხის ტოტი არისო. ჰე-ჰე მარჯა, რა დრო იქნება ამათი წყრთაზე უგრძეს ტარობებს მოვესწრო!

— მერე, ბაბა, შენი ჰირიმე, ამ სიახლოვეს ამისთანა შავი სიმინდი ჯერ არ მინახავს.

* ფალაგე—მდინარის ან ღელის ნაპირი. ** დოლო-კეტი—ღვარძლა ბალახი.

— ეს იმიტომ არის, შვილო, რომ ჯერ ღმერთი გვწყალობს, ჩვენც თავგადადებით ვმუშაობთ. შენ რომ გაიზრდები, ეცადე სულ მუშაობაში და გამრჩელობაში ატარო დრო და ამაზე უკეთესი ყანა გექნება. ახლა, შვილო, ნაძილახიდან ჯიჯგვა მოიყვანე, დღეს უკეთეს საბალახოზე დავაბით, კარგადაც გაძლებოდა ალბათ. თოკი პირში გაუყარე და ფრთხილად შეკეცი; წკნელი არ მოუქნო, თორემ შეიძლება უეცრად გავარდეს და ჩამოგაგდოს.

— არა, ბაბა, მე ის ვერ ჩამომავდებს, — მხიარულად წაიბუტბუტა ყმაწვილმა და ხტუნვით და სიმღერით წავიდა ცხენის მოსაყვანად. უტუნა ფალაგესთან მივიდა, სადაც მისი ტანისამოსი ეწყო, და ჩაცმა დაიწყო. როცა ჩაცმა გაათავა, ყალიონს მოუკიდა, ცალი ფეხი მოიდრიკა და ყანას თვალიერება დაუწყო. მისი მაღალი და მაგარი აგებულება, გრძელი შავი წვერით სავსე პირისახე და ვეებერთელა მოღუნული ცხვირი ზორბა თვალებით, ძველი დროის კერპს მოგაგონებდათ. მის თვალწინ გადაშლილიყო ნორჩი სიმინდი, ეს ერთადერთი მისი ფიქრი და საგონებელი. უტუნა კარგახანს იღგა დაფიქრებული და თვალეზი უაზროდ ჰქონდა გაშტერებული. შრ, შრ, კტვაფ, კტვაფ! — მოესმა უკანიდან. უტუნა უცბად მობრუნდა და დაინახა თავისი შვილი ცხენით.

— თ! შვილო, მოიყვანე! ეტყობა გამაძლარა დღეს, მუცელი იმნაირად დამსხვილებია. ფეიტი! ფეიტი! ჯიჯგვა! — მუჟის გაშლით მიელერსა პატრონი. ცხენი პატრონის ალერსს მიხვდა, ყურები გაიბერტყა, თავის ქნევა დაიწყო და წინა ფლოქვს ბელტებსა სცემდა. პატრონი მიუახლოვდა და თავსა და ფაფარზე რამდენსამეხანს ღიმილით ხელს უსვამდა.

— უჰ! შენი გულისა, რა ცხენია. მტრებს ამის ყურებით ლამის თვალეზი დასცვინდეთ, ან რა ფეხები აქვს, გეგონება ახალი მოჭრილი ლერწამით, სირბილი ხომ იმის ხელშია. მკერდის შეჯახება ხომ ახლომახლო ცხენებს ჯერ არ გაუბედნიათ მისთვის, მაგრამ ძალიან კი მეშინია, ეშმაკს თვალი არ უჩანს. ქვეყანა ქურდებითა და ყაჩაღებით სავსეა. დამდება კიდევ. შენ, შვილო, წადი და კაკლის ხესთან მომიცადე, მე აქ თოხებს ფალაგეში შევიანახავ და დღევანდელ მოჭრილ სიმინდსაც მოვაგროვებ ამაღამ ცხენისათვის.

ძურგუმ თოკის აღვირს მოსწია, პატარა ქუსლები წაუცაცუნა ცხენს ფერდებზე და ცხენი ამაყად კისერმოღერებული გაექანა.

— რა ლამაზი ხარ! — გააყოლა თვალი პატრონმა, — როგორ მოთამაშე გოგოსავით ნაზად აცანცარებ გავა-კულს! მაშინ დაუ-

ზნელდეს იმას მზე, ვინც შენი მოტაცება განიზრახოს ჩემი ხელიდან.

უტუნამ თოხები საჩქაროდ შეინახა და მოკრილი სიმინდის გროვებას მიჰყო ხელი. ცხენის სიყვარულით იმდენი მოაგროვა, რომ წალბაც გაუქირდა მის ხარის ტოლა ბექებს. გადაიდვა ძლივს ევებერთელა კონა მწვანე სიმინდისა, ჯოხიც მოიშველა და გასწია შეილის კვალზე. გაიარა რამდენიმე ფალაგე, ერთი-ორი ქაობიც, სადაც ბაყაყების მხიარული სიმღერა არემარეს აყრუებდა და გამოვიდა სათემო გზაზე. გზის პირად იდგა ერთი კაკლის ხე, რომელიც დაქანცული მუშების მოსასვენებელი ადგილი იყო. იქ რამდენსამე თოხიან და უთოხო გლეხს მოეყარა თავი. რამდენიმე ცხენი და ძროხა-ხარიც იქვე ბალახს წიწკნიდა.

— გამარჯვება, ძმებო! — მისვლისთანავე თქვა უტუნამ და კონა სიმინდისა მიწაზე დააგდო.

— ღმერთმა გაგიმარჯოს! რაა, მხარით მოგაქვს ღერი? ღეთის იმედით, ბელაური გყავს და განა თავის საზრდოს თვითონ ვერ წამოიღებს? — ჰკითხა რამდენიმემ ერთად.

— ბალანა ზის, მეშინია, სადმე არ დაფრთხეს. აქ არ გინახავთ ცხენით ჩემი ბიჭი?

— როგორ არა, სხვა ცხენიანი ბიჭებიც ნახა და იმათ ზათრისათვის აღარ მოიცადა. ახლა ფართო ღელეს გასულნი იქნებიან.

— რად არ მომიცადა იმ ოხერმა, ბავშვის გულია, ცხენმა რომ ჩამოაგდოს, რა ვქნა.

— არა უშავს რა, შე კაცო, კინტირიაც იმათთან მიდის და ეშმაკობას როგორ გააბედვინებს. დაჯექი, შე კაცო, ცოტა მოისვენე, არ დაიღალე ამდენი თოხის ქაჩვით? თუთუნს გიქებენ, ერთი მოგვაწვევინე, როგორია.

უტუნა ბალახზე დაჯდა, ქისა მოიხსნა თუთუნით სავსე და მეზობელს მიაწოდა.

— ქუთულა! მგონი შენ კარგი აბედი გაქვს, ჩემი დასველებულა და არ ეკიდება, — დაუძახა ერთმა მეორეს.

— შენისთანა გაცნობილ კაცს ასანთი უნდა გქონდეს. ქვეყანა შენ მოგივლია და ასანთი რომ გქონდეს, რა საკვირველია!

— ოი! მას დაელუბოს მომგონი, — დინჯად შენიშნა მეორემ. — ის ჩვენი საქმე არ არის. ჩინოლიკების საქმეა. შარშან ხობალას *

* დაბა ხობში ყოველი წლის თხუთმეტ აგვისტოს იმართებოდა ბაზრობა, რასაც ხობალას ეძახდნენ.—ს. ც.

ვიყიდე ერთი კოლოფი და ერთ ყალიონის მოკიდებაში გავათავე-
უსიკეთო რამ არის წასაგებელი!

— მართალს ამბობ, დღევანდელი დღის მადლმა, — დაუმატა
მესამემ. — კონსტანტინე დადიანს თავის დღეში არ უხმარია ასან-
თი, სულ ვეებერთელა ტალკვესი დააქ. შვილო, ჩვენ ეგ არ მო-
გვიხდება, ეგ რუსების საქმეაო, — მითხრა ერთხელ.

— დაანებეთ მაგისტანეებს თავი. ის არა სჯობია, რამე საქმეზე
ილაპარაკოთ, — წარმოთქვა სიმინდის კონაზე წამოწოლილმა ქა-
ბუკმა. — აი, ხედავთ, ღმერთმა როგორ გაგვწირა. სულ განმა
ქვეყანა.

— საკვირველია, მე და ჩემმა ღმერთმა! — დამტკიცა უტუ-
ნამ. — ერთ თვეზე მეტია, რაც წვიმა არ გვინახავს. მერე ისეთ
უბედურ ადგილზე ვდგევარ, სამჯერ მაინც უნდა დაჰკრა, თითო
ბელტი რომ დაამსხვრიო.

— მე სწორედ მეგონა, დღეს წვიმა მოვიდოდა; — შენიშნა
ერთმა. — აი ესლა წამოვა-მეთქი. ტანისამოსისკენ გავექანე კიდევ
ეუყურებ, მაგრამ ნუ გაგიწყრეს ღმერთი!

— სულ მთებისკენ მიაქ ღრუბლები, უბედურება იქნება, თუ
წყალი გადავიდა, ერთობ გააფუჭებს სიმინდს.

— აველაფერი ღვთის ნებაა, — ქშენით წარმოთქვა ერთმა
ყველაზე უხნიერესმა. — ახლა დროა შინ წასვლისა, დაღამდა.

ყველანი წამოიშალნენ. უტუნამ ისევ მხარზე გადიდო კონა.
ცხენებისა და ძროხების პატრონებმა თავიანთი საქონელი ხელში
თოკით დაიკირეს და სახლისაკენ გასწიეს.

ოღიშში, როგორც მოგეხსენებათ, არ არის განსაკუთრებული
ადგილი, მიჩენილი მთელი სოფლის საყანედ. ვისაც, როგორც
უნდა, ისე შემოლობავს თავის მიწას და ამუშავებს. რადგან სოფ-
ლებში მკიდროდ არ სახლობენ, ეზოები არეულია და ყანებიც
აქა-იქა მოჩანან ხშირი ტყის გულიდან. მაგრამ არის მდინარე,
რომელსაც ჭანისწყალს ეძახიან. ეს მდინარე რამდენსამე სოფელს
ჩამოუდის და მშვენიერ ვაკეებს აჩენს. სიგანით რამდენიმე ვერ-
სის მანძილი, გაღმა-გამოღმა მდინარისა, ხელისგულივით სწორია.
შემდეგ იწყება მაღალი, ტყით დაბურული ბორცვები. ეს ვაკე
ყოველ წელს სიმინდის ყანებს უჭირავს, მაგრამ სინოცივრე არა
თუ ელევა, ემატება კიდევ. ამის მიზეზია ყოველ წლივ მდინარის
მოდიდება და ნაპირიდან გადმოსვლა. მდინარეს თან მოაქვს შავი
მიწა და უხვად სტოვებს ნაპირად.

მშვენიერი სანახავია ქალა შუა აგვისტოში, როცა სიმაღლით

ორ საყენზე მეტი სიმინდი ტაროებით მშვენდება. არა სჯობია რა მის გადახედვას მაღალი ბორცვიდან. ათასობით დღიურ მიწას, მწვანე ფერის სიმინდით დაბურულს, ქარი აღელვებს და აშრიანებს. მის ხმას ვერცხლისფრად ბჭყვიალა და გველივით დაკლავილი ქანისწყლის შხუილი ემატება. ამ ქალის სილამაზით გაკვირვებული მტრედისფერი ცა, რომელზედაც ცხრათვალა მზე ბრწყინავს, ზევით-ზევით მიდის და იკარგება.

კეთილთან ცუდი ჩვეულებაცა აქვს ამ ხალხის ძიძა მდინარეს. ხანდახან ხშირი წვიმებისა გამო აღიღდება მაშინ, როცა სიმინდს ტაროები ამოაქვს; თან ვეებერთელა კუნძებს მოათრევს ნაპირებიდან გადმოსვლის დროს და ყანას აფუჭებს. რას უზამ? მიეტყვება. ხან ერთ მოსახლეს აკეთებს, ხან მეორეს. ქვეყანაც აგრე ცხოვრობს: დღეს ერთია, ხვალ მეორე. ერთი მეორის ხარჯით ცხოვრობს, საზრდოობს და ჯიბესაც კი ისჭელებს. მაინც ისეთი უბედური წელიწადი არ იქნება, ამ ქალიდან მილიონი ფუთი სიმინდი არ გაიტანონ.

ამ ქალაში მუშაობდნენ დღეს ჩვენი უტუნა თავისი შვილით და ურიცხვი სხვა სოფელნიც, რომელთა შორისაც ზოგნი უკვე შინ წავიდნენ და მხიარულად ვახშამს შეექცევიან, ხოლო ზოგნი ახლა მიდიან. ყანების პირად დატოვებულ ნაღარში მშვენიერი მაღალი ბალახი ამოდის, სადაც პატრონები აბამენ თავიანთ საქონლებს და აძოვებენ.

II

გზაზე უტუნა გამოემშვიდობა მეყანე მეზობლებს და შინისაკენ გასწია. აი პატარა გორაკზე მოჩანს მისი სახლი, რომელიც უფრო დაჩრდილულ ზვინსა ჰგავს, რადგან შიგ სანთელი არ ანთია. აგერ მეორე სახლიც, სამზადე, საიდანაც საძირკვლის ქვრიტიმალადან ცეცხლის შუქი გამოდის. აგერ უტუნა მიუახლოვდა ეზოს. ეზო მცირე ტყით არის დაბურული, სადაც აქა-იქ მოჩანს თვალაუწყედნელი მუხები. უტუნა ჩქარა მიდის ვიწრო გზაზე. კონა ღეროებისა ფოთლებსა ხვდება და შრიალი გააქვს. შრიალი ძაღლებს ესმით და ყუფით მორბიან მისკენ.

— პუ, პუ, პუ! განა ვერ მიცანით? — ეუბნება უტუნა. ძაღლებმა იცნეს; ჯერ კულის ქნევით ეთამაშებიან და მერე კბილების კრეკით და ღრენით შინ მირბიან, რომ ახარონ შინაურებს პატრონის მოსვლა. რამდენიმე წუთიც და უტუნა შინ მივიდა. კონა სამზარე-

ულოს ყურთან მიაყუდა და სახლობას მიესალმა. ღეროების შრი-
ალზე იქვე ახლო პალოზე მიბმულმა ჩიჯვამ ხვიხვინი ასტეხა.

— ნუ გეშინია, ცოტა მოითმინე, შენთვის მინდა, — დაუძახა პატრონმა და სამზადეს წინ მდგომ გრძელ სკამზე ჩამოჯდა. კარგა დაღამებული იყო. ცა არეული ღრუბლებით იყო მოცული. გობის-
ტოლა მთვარეს ამოეყო თავი და დამხრჩვალავით ღრუბლებში ფართხალებდა. აქა-იქ, სადაც ტყე ხშირი არ იყო, მოჩანდა მეზობ-
ლის სახლიდან მოკამკამე ცეცხლი. ფრინველები ტკბილ ძილს მის-
ცემოდნენ; ტყე-ველად ხმაურობდა კალია და რწომი. *

— უჰ! ძლიერ დავიღალე სწორედ. ვახშამი ჩქარა გექნებათ თუ არა, ადრე მინდა დავიძინო. ცივი წყალი არა გაქვთ, მწყურია, — დაღლილი კაცის კილოთი ჩაილაპარაკა უტუნამ.

— როგორ არა, — მოსძახა უტუნას ქალიშვილმა და მამას პა-
ტარა ლამაზი დოქით ცივი წყალი მიაწოდა. — წყურგილიდან ** მოვიტანე ახლა.

უტუნამ მოიყუდა დოქი და ნახევარზე მეტი უსვენებლივ და-
ლია. — ოჰ! დაგელოცა გამჩენი, რა ცივი ხარ! ძლივს მომიყვანა ამ წყალმა გონს. ეს წყალი რომ არ გექონდეს, რა გვეშველებოდა. მართალი გითხრა, ასეთი ცივი წყალი მთელ დუნიაზე ძვირია.

— ვახშამი მზად არის, — დაიძახა სამზადი სახლიდან ძურგუმ, რომელიც ყანიდან დაბრუნებისთანავე ქათმის შესაწვავად დასვეს კერასთან.

— აჰა, ჰაიტ! — დაიძახა უტუნამ, სახლში შევიდა და ტახტზე დაჯდა. მისი ქალიშვილი თუჯის ქვაბიდან ჩოგანით ღომს იღებდა და გაშლილ ხის ფართო ტაბლაზე აგებდა. მისი ორთქლი შემოე-
ხვია უტუნას. მეორე მხრივ ტახტზე იჯდა უტუნას მეუღლე მათა და ქათამს არიგებდა. ძურგუ დედის ახლო ფეხზე იდგა და შემ-
წვარ ქათამს თვალს არ აშორებდა.

— აქ მოდი, შვილო, შენს თიას *** აქ მოგიტანებენ, — ალერსით უთხრა მამამ ძურგუს, — დღეს დაიღალა, რომ იცოდე, თოლი, რარიგად მეხმარება თავის პატარა თოხით. თუ ღმერთმა გვაჩუქა, ძალიან მუშა იქნება. აი ღმერთი მოგვეცემს, შვილო, სიმინდი ბევრი მოგვივა. როცა გავეციდი, ნახე, როგორი სირმით აჭრელებული შესტები, კრელი ახალუხი და სირმიანი ბაშლიყი გიყიდო.

ძურგუმ ქების გამო თავი ჩაღუნა, სალოკი თითი პირში ჩაი-
ღო. წამოვიდა და მამას გვერდით მოუჯდა. უტუნას გოგომ, თებ-

* რწომი—ბუ. ** წყურგილე—წყარო. *** თია—კერძი.

რომ ღომის დაგება გაათავა, დოქი ხელში აიღო, კრაქს მოუკიდა და ღვინის მოსატანად წავიდა მარანში. მის დაბრუნებამდის მიაიმ ქათამი გაარიგა და ვახშმობა დაიწყეს. მამა-შვილს ბოლოში მიაი მოუკდა, თებრო კი კარებთან იდგა ფეხზე და ხელზე ემსახურებოდა.

უტუნა ღონივრად მიაძღა შემწვარ ქათამს და პილპილიან წაწის. * რამდენიმე ჩოგანი ღომიც დაანელა... რა გემრიელია მუშის ლუკმა... ნავახშმევს პატარა კალათით გემრიელი მაქერე ** მსხალიც მიაართვეს, ესეც ზედ დააყოლა და გავიდა სამზარეულოდან.

— ჰუ, ცხელა, ალბათ წვიმას აპირობს, მაგრამ ღრუბლები თანდათან იფანტება, — გარეთ გამოსვლისთანავე წაილაპარაკა უტუნამ.

— ურთის *** ძირი თუ მოღრუბლულია, სხვაგან თუგინდ ხელისგულივით იყოს მოწმენდილი, მაინც მოვა წვიმა, — გამოსძახა სახლიდან მიაიმ.

— ის კი არა, ურთის ძირი სარკეს ჰგავს. დახეთ ამ ქალს, როგორ შეუმჩნევია. სწორედ მართალია, წმინდა გიორგის მადლმა. თუ ურთის ძირი მოიღრუბლა, წვიმა ტარშია.

უტუნა სამზარეულოს წინ იდგა და ცას ათვალეირებდა.

— ხვიიი... — დაბლა დაიხვიხვინა ცხენმა.

— ფთვი, ფთვი, ჯიჯგვა! ახლავე მოგიტან საქმელს, — უტუნამ გახსნა კონა, აიღო ერთი მოზრდილი გროვა და ცხენს დაუყარა, — დროა ძილისა, — მისძახა სახლობას, — მიალაგეთ სახლი და დაიძინეთ. ზაფხულია, ღამე პატარაა. მე კი ნაბადი გამომიტანე, ამ სკამზე დავიძინებ გარეთ. ცხენს ამალამ ყური უნდა ვათხოვო.

— მოითმინე, რა დროის ჩვენი ძილია. შენ თუ გინდა, გაგიგებთ. ჩვენ კი ბევრი მისალაგებელ-მოსალაგებელი გვაქვს. აგერ ყველი უნდა ამოვიღოთ, სამაწვენე რძე უნდა ავადულოთ, — ცოტა ხმამაღლა მიუგო მიაიმ. — ის კი არ მახსოვდა, ძღაბო, ხვალ კვირაა, ქანურით **** ახლავე წყალი ჩამოკიდე და გაათბე. თიხაც თბილ წყალში ჩაყარე. შენც წადი, შვილო ძურგუ, ოდაში დაიძინე, თებრო დაგიგებს, დღეს ნამუშევარი ხარ, ვერ ხედავ, როგორ გერევა ძილი?

მაიას აზრით, ყოველივე გათავდა და რამდენსამე ხნის შემდეგ დედა-შვილი კერასთან ისხდნენ და ქანურით ჩამოკიდებულ წყლის

* წაწი-წვენი, საწებელი. **-მაქერე-საადრით მსხალი. *** ურთა შთის სახელია. **** სპილენძის ქვაბს ეძახიან.—რედ.

გათბობას ელოდნენ. თუმცა მუდამ ერთად იყვნენ, მაგრამ სამუსაიფოდ ძვირად ეცალათ ხოლმე, განსაკუთრებით ზაფხულში. დილას ადგები, ქათმები უნდა დააძლო, მობრუნდები — პირუტყვი უნდა გაუშვა საბალახოდ, გაიხედავ — ერთი წვეთი წყალი არ არის კოკებში; შეხედავ, მზეც ამოსულა, სირცხვილია, სტუმარი მოვიდეს, ლოგინი უნდა აალაგო, სახლი გაასუფთაო. მზემ თუ აიწია — სადილის კეთებას უნდა შეუდგე. გაკეთებისთანავე ყანაში უნდა წაიღო. ჩვენი ნაცნობი ყანა უტუნას სახლიდან ოთხი-ხუთი ვერსის მანძილზე იყო. იქიდან დაბრუნდები, ოჯახში ათასი საქმეა. ორსაც ვერ გააკეთებ, ვახშმისთვის უნდა იზრუნო. თუმცა ლაპარაკი ყოველთვის შეიძლება, მაგრამ ლაპარაკს გემო მაშინა აქვს, როცა მუსაიფის დროს არაფერი გვაწუხებს მისი ყურის გდებისა და სიტყვა-პასუხის მეტი. ქალებს განსაკუთრებით უყვართ მუსაიფი. დასვი ორი ნაცნობი ქალი, მიეცი ნება და დილიდან საღამომდე არ მობეზრდებათ ლაპარაკი. რამდენჯერ მოხდება ხოლმე, დედაკაცი სტუმარ-ამხანაგს აცილებს და კარებთან მუსაიფში რამდენსამე საათს კიდევ აყოვნებს. მაიას და თებროს ახლა მუსაიფის მეტი აღარა დარჩენოდათ, ცოტა ხანს მაინც, წყლის გათბობამდის. მაია ტანტზე ჩამოჯდა. დაწული წაბლისფერი თმა გაიხსნა და ჩამოშლა დაიწყო, რომ დაბანის დროს არ ასწეწოდა. თებრომ ცეცხლის შეკეთებას და წყლის ჩქარა გათბობას მიჰყო ხელი.

— ხვალ წირვაზე მე წავალ, თუ შენ წახვალ? — ჰკითხა თებროს მაიამ, რომელმაც ხშირი თმის გროვაზე ხელი გადაისვა, ყურებს უკან გადაისწორა და თმისგან დამალული სახე გამოაჩინა.

— როგორც შენ გინდა. სულ ერთია, შენ წადი. ხვალ უბრალო კვირაა, წირვაზე ხალხი ცოტა იქნება, გამოწყობად არა ღირს.

— რატომ არ იქნება ხალხი, კაკაჩიას პატარძალს მოიყვანენ ხვალ წირვაზე და, ალბათ, ბევრი კაცი წამოყვება. ხომ იცი, რა მდიდარი ნათესავები ყავთ ფოთში. იქიდან სტუმრად მოსულან და ახლა იმათ სახლში არიანო.

— მაშ კარგი, ნანა, შენი ქირიმე, მე წავალ. იქ ხვალ თემურაზიც იქნება, დიდი მასხარა რამ არის, ყველას თავს მოაბეზრებს.

— რა მარტო თემურაზი გაგახსენდა, გოგო, მოგწონს? — ხუმრობით უთხრა დედამ.

— მომწონს კი არა, ბუკს მიუგავს თავი. იმიტომ ვახსენე, რომ უადგილოდ იცის პრანქვა და თავის მოწონება, თუ ქალები ნახა, თვალები აერევა, მასრებზე მალ-მალ გადაიხედავს ხოლმე. ხანჯალ-

ზე ხელს დაიდებს და მოყვება ლაპარაკს. ვინ იცის, რას არ წამო-
როტავს, რა მასხარობას არ ჩაიდენს.

— იმისი ძმა ხახუ იყო კაი ბიჭი, როგორ არის ნეტავ ახლა
მისი საქმე. სულ უბრალოდ კი შესწამეს საწყალს ქურდობა.

— მართლა, ნანა, იცი ახალი ამბავი?

— რა? მე არაფერი გამიგია.

— ნინომ მითხრა, ყანიდან რომ მოვდიოდით.

— რაა, რა ამბავია? — დაიდო სავარცხელი თმაზე და გაკვირ-
ვებული ხმით დაეკითხა დედა.

— ქვალონში * აბრაგები მოსულან და თორმეტი ცხენი წაუყ-
ვანიათო.

— დაილოცა შენი სახელი! როგორ გაძლიერდა ეს ქურდობა!
განა ორი-სამი არ ეყოფოდათ, რომ თორმეტი ერთად არ წაეყვა-
ნათ. მერე დარჩა რამე ქვალონში?

— იქნება ჩვენსკენ გამოიარონ, ღმერთმა კი დაგვიფაროს, —
ენის კვნეტითა და წარბების აწევით შენიშნა თებრომ.

— ნუ ახსენებ! ეშმაკს თვალი დაეხუქოს. მიქამგარიო, ** შენ
უყურებ ჩვენს ოჯახს! შენი იმედი გვაქვს ჩვენ საწყლებს. შენ
დაიფარე ჩემი ქმარ-შვილი უბედურებისაგან.

— რაო, რაო? ქურდებიო თუ რაო! — მიაძახა გარეთ მწოლმა
უტუნამ.

— დი! ბაბა, შენ გეძინა, გვეგონა და მღვიძარე ყოფილხარ?

— არა, მეძინება, მაგრამ რალაც ქურდიო რომ თქვით. გამომღვიძა.

— ისა, რომ ეს გოგო ამბობს: ქვალონში თორმეტი ცხენი მოუ-
პარავთო.

— ქვალონშიო?! — ბოხი ხმით შეეკითხა უტუნა.

— ჰო, ქვალონში.

— ვეი პაჩი! ეს კარგს არ მოასწავებს, საშიშია, ჩვენსკენ არ
გამოიარონ. — მიუგო უტუნამ.

— იმდენი თვალი მაგათ დაუდგებათ.

— თვალი დაუდგებათ კი არა, ფხიზლად უნდა იყო. უბედურე-
ბა ისაა, თოფ-წამალიც არა მაქვს. ქურაში *** არ არის სრულებით?

— ქურა რა ხანია საკუჭნაოში გორავს ცარიელი.

— ჰოუ! წადი, ძღაბო, ხმალი მაინც გამომიტანე. მზად ვაყო
ყოველთვის, ჯობია, ვინ იცის...

* სოფელია. ** მიქამგარი—მიქელ-გაბრიელი. ***ქურა—ამოხაპული და გამ-
ხმარი მწარე გოგრა.

თებრომ მამას ხმალი გამოუტანა ოდიდან. უტუნამ ხმალი მუთაქას ქვეშ ამოიღო და ისევ წამოწვა. ამ ქურდების ამბავმა უტუნას ძილი გაუკრთო, სულ ქურდები ელანდებოდა. დედა-შვილი თავიანთ საქმეს მორჩინენ. სამზარეულოს კარი დაკეტეს და წავიდნენ ოღაში დასაძინებლად.

დიდხანს იწვა უტუნა და შამფურივით ტრიალებდა, მაგრამ ძილი არ ეკარებოდა. ძილდამფრთხალმა ისევ ყალიონს მიმართა და ისეთი მისწრაფებით სწევდა, რომ ტარის მიღს ხრუპ-ხრუპი გაჰქონდა. ჯიჯგვა, ეტყობოდა, მაღაზე იყო, სულ ხრამიხრუმი გაჰქონდა იმის პირში სიძინდის ღეროს. ხანდახან კი ჰამას თავს დაანებებდა, ყურებს გაიბღერტავდა და თავს მაღლა აიღებდა, თითქო რაღაც ხიფათი მოახლოებულა და ყურს უგდებდსო. მაგრამ მას აშინებდა მხოლოდ ბუს ნელი გადაფრენა ტყეში, ტოტიდან ტოტზე.

— ეს ჩემი უძილობა ამაღამ კარგს არ მოასწავებს, — თქვა უტუნამ და წამოდგა, მივიდა ცხენთან შტვინვით, გავაზე ხელი გადაუსვა, მიიხედ-მოიხედა, ორჯერ-სამჯერ დიკივლა, დაბრუნდა და ისევ ნაბადზე დაჯდა.

შუალამე გადასულია. მთვარე ღრუბლებში დაიძალა და დედამიწას სიბნელე დაეცა. თითს თვალებამდე ვერ მიიტანო, რომ იტყვიან, სწორედ ისეთი სიბნელე ჩამოვარდა. უტუნა ბურანში შევიდა, ყალიონს კბილები დააჭირა და ძალაუნებურად მიეძინა, ეს ის დრო იყო, როცა ადამიანი ძილში შედის. ამ დროს გამოუთქმელ ნეტარებას გრძნობს სხეული. თავი რაღაც ცუცუნს დაიწყებს, ისრებზე რომ იწვე, მაინც ასე გგონია, ბამბაზე ვწევარო, ძილი ნელ-ნელა გეპარება. მაგრამ იმავე დროს ცხადად ნანახიც გელანდება, მათი ხსოვნა სრულიად არ გეკარგება. თითქმის ხედავ. რაც ამბავია გარშემო და იმავე დროს თითქო სიზმარშიც ხარ. ამნაირ მდგომარეობაში იყო უტუნა, როცა ფოთლების გახშირებული შრიალი და ცხენის ფეხის ბრაგაბრუგი მოესმა. ამ ხმაზე უტუნამ ოდნავ დახუჭული თვალები გააჭყიტა.

— ფუ, ეს ოხერი, დამძინებია! — წაიბუტბუტა და პირჯვარი გადაიწერა. — შრიალებდა რამე, თუ სიზმარში ვიყავი.

თვალები მოიწმინდა და აქეთ-იქით ყურება დაიწყო. ჯიჯგვამ ამ დროს ცოტა ხმამაღლა დაიხვიხვინა და უკანა ფეხებით მიწას დაუწყო ცემა.

— ნწ, ნწ, ნწ! ჯიჯგვა! ფთ, ფთ, ფთ! რა არის, რა დაგემართა? — მიაძახა პატრონმა.

ფოთლებმა შრიალი ისევ დაიწყო იმნაირად, რომ ცხადი იყო ვიღაც კაცი ან პირუტყვი მოდიოდა.

— ეი! ვინა ხარ, მანდ რომ ფაჩუნობ? — მიაძახა უტუნამ.

— სუ! ნელა ილაპარაკე, რას ყვირი? — მოესმა ხმა თხმელის ხეებს შუა. უტუნა ამ ხმამ გააკვირვა. „ალბათ, ესენი კეთილი სულისანი არ არიანო!“ — იფიქრა. აიღო ხმალი და ზეზე წამოდგა.

— ვინ ხართ-მეთქი? რა გინდათ ამ შუალამეს მაგ ტყეში? თუ სტუმრები ხართ, კიშკარი ვერ მოსძებნეთ, რომ უადგილო ადგილას ხმაურობთ?

— შეხედეთ ამ სულელს, ჩვენ „სუს“ ვეუბნებით და ეს კოლაპარაკში გაება. სტუმარიო! რას როტავს! — თავდაჭერილი სიცილით მოისმა რამდენსამე კაცის ხმა.

— რა გინდათ-მეთქი ამ შუალამეში? — თამამად გაიმეორა უტუნამ.

— არაფერი, ცხენს გიჭებენ და იმიტომ მოვედით. ვნახოთ, აბა, როგორი გამოდგება, როგორი სირბილი ეცოდინება. თუ ერთ თვეს გაგვიძლო, სწორედ ტყუილად რომ გეჩუქებოდს, ისე დაგიმადლებთ.

— რაო, ცხენი გინდათ? მე გასაყიდი ცხენი არა მყავს, მაგრამ ეს მიკვირს, რაღაც სხვანაირად ლაპარაკობთ. — მიუგო, ცოტა არ იყოს, გაბრაზებით უტუნამ.

— გასაყიდი კი არა, გათლილი კიტრი არ გინდა! ხმა არ ამოიღო, თორემ! ამავე წუთს ტყვიით გაგხვრეტთ. შეხედე, როგორ შემოგვაჩვია პირი! შენი მეზობელი გგონივარ თუ? — თქვეს ესა და თანაც ცხენს მიუახლოვდნენ.

ცხენმა ფრტვინვას და ფეხის ცემას მოუხშირა. სიბნელეში უტუნა ოდნავ არჩევდა კაცის ტანს, რომელიც პალოზე მიბმულ თოკს ებლაუქებოდა.

— თო! როგორ თუ გაჩუმდით, გიცნობთ ვინცა ხართ, უსიკვდილოდ ღმერთმა ნუ გადამარჩინა ამ ამბავსა! — გულმაგრად დასძახა უტუნამ და ერთი ფეხი წინ წასდგა.

— გაჩუმდი, თორემ აი ერთი წუთიც და მიწაზე გაგორდები. სანამ ერთი ვერსით არ მოგშორდეთ, ყვირილიც არ დაიწყო, თორემ... რა დღეს, რა ხვალ, შენს ეზოს ტიტველ მინდვრად გადავაქცევთ.

უტუნა მეტად აღელდა. ხელებმა კანკალი დაუწყეს. პირისახეზე აღმური აუვიდა. არ გასულა ერთი წუთი, რომ ათასმა სხვადასხვა ფიქრმა გაუელვა თავში. — „როგორ თუ ჩემ თვალწინ ცხენს მპარავენ, — ამბობდა გულში, — მერე როგორ ცხენს?“

შვილივით გაზრდილს. მაშ, მე რა კაცი ვარ? დეე, მომკლან, ერთსა და ერთს მაინც როგორ ვერ დავაჩნევ დაღს. ერთ დღეს დაიბადება კაცი და ერთ დღესვე მოკვდება. ქენდურ მის საქმეს! — მაგრამ ამავე დროს მეორე ფიქრმა გაუელვა: „კარგი, მოკვდები, მაგრამ ვის ტოვებ შინ? თორმეტი წლის ბაღანას? იმას რა შეუძლიან? ცოლ-შვილს რას ეუბნები? იმათ ვინ არჩენს?“ მოაგონდა აგრეთვე თავისი ნორჩი ყანა, რომელსაც ამ მოკლე ხანში ღვარძლისაგან განთავისუფლება აღუთქვა. „ყანას ვინ გამარგლავს, ვინ უპატრონებს? უნდა გაყვითლდეს, ბალახი მოერიოს და ჩემი ცოლ-შვილი შიმშილით დაიხოცოს. რას მერჩიან! ვისთვის რა დამიშავებია! დეე, წაიყვანონ, ცხენს ვერ ვიშოვნე? მე რომ მოკვდე, უარესია“. — ამ ფიქრზე ცოტა უკან დაიწია, მაგრამ მალე ისევ წინ წადგა. „კარგი, წაიყვანონ, მაგრამ ამოდენა კაცმა თავი სად გამოგვო, დედაკაცისა მაინც არ უნდა შემრცხვეს? რა ვუამბო დილაზე: „აბრაგებმა ცხენი წამართვეს, მე მეღვიძა, მაგრამ ხმა არ გავეცი-მეთქი?! არა! არ შეიძლება, მომკლან“.

— ეი! — დაიყვირა უტუნამ. — მე არავისთვის არაფერი დამიშავებია. ჩემი ცოლ-შვილის ცოდოში ნუ ჩავარდებით. გაიხსენეთ ღმერთი, თორემ ასე ადვილად თავს ვერ დავანებებთ!

— ხმა გაკმინდე-მეთქი! რა ურჯულოდ მიუსკვნია ეს თოკი, ვერ გავხსენი.

— შე კაცო, ამოიღე ხანჯალი და გასკერი. რალა დროს ჯანჯალია.

— არაფერს ვხედავ! — წამოიძახა უტუნამ და გაექანა ცხენისაკენ. პალოს ახლო ხმალი მოიქნია და რალასაც მოარტყა. ამ დროს გავარდა დამბაჩა, მეორეც თან მოჰყვა და ოდაში მწოლმა მაიამაც მიაკივლა.

მაია თმაგაწეწილი გამოვარდა გარეთ და კივილი მორთო:

— მიშველეთ, მიშველეთ! ვინ ხართ ქრისტიანები, აბრაგებმა მოგვკლეს, მიშველეთ, მიშველეთ!... ა...ვაი!.. ა...

ატყდა ერთი ალიაქოთი. მეზობლები ყვირილით და ხმაურობით გამოექანენ უტუნას ეზოსკენ. თან ძაღლებმა უშველებელი ყეფა ასტეხეს.

— რა მოხდა, რა ამბავია? — ისმოდა აქეთ-იქიდან, მაგრამ საზოგადო არეულობის გამო ვერავინ ვერაფერს იგებდა. საჩქაროდ ჰრაქს მოუყიდეს, გაიხედეს და საშინელი სურათი წარმოუდგათ თვალწინ. მიწაზე პირადმა ეგდო სისხლით გათხუპნული უტუნა, ცალი ხელი თავისთვის მოეკიდნა და ცალ ხელში ოდნავ სისხლში

გასვრილი ხმალი ეკირა. გრძნობა სრულებით დაეკარგა. იქვე ახლო ჩოხის კალთის პატარა ნაჭერიც ნახეს. ცხენი გაქვავებული იდგა ერთ ადგილას, ასე გეგონებოდათ, თუჯისაგან არის ჩამოსხმულიო. დაჭრილს ირგვლივ შემოეხვივნენ. მაია მივარდა და ქმრის ახლო ლოყებდაკაწრული და დასისხლიანებული დაეცა. თებრო და ძურგუ ყვირილითა და ტირილით დედას მისცივიდნენ.

— წყალი, წყალი! რას გაჩერებულხართ, ეს ოხერი! — დაიძახა ერთმა ყმაწვილმა, საჩქაროდ კოკა მოიტანა და უტუნას მოსულიერება დაუწყო. წყლის მიკარებაზე უტუნამ თვალეზი გაახილა, ერთი გაიზმორა და ისევ თვალეზი დახუჭა.

— არა უშავს რა, მაია! ყვირილით რა გამოვა, მოითმინე! — ეუბნებოდნენ მეზობლები და ცდილობდნენ ნუგეში ეცათ.

უტუნა სახლში შეიყვანეს, სისხლი გადაბანეს, ტანისამოსი გახადეს და ჭრილობა გაუსინჯეს. აღმოჩნდა, რომ ერთი ტყვია ყურში მოხვედროდა, ყური გაეხვრიტა და ცოტაოდნავ კიდევ თავის კანი გადაეყვლიდა. მეორე ტყვია მაჯაში მოხვედროდა და ძვალი სულ დაეყევა. საჩქაროდ არტაშანი გაუკეთეს. დამწვარი ნაბადი და სხვადასხვა სოფლური წამლები დაადეს და ლოგინზე დააწვივნეს. რამდენსამე ხნის შემდეგ უტუნამ თვალეზი გაახილა და მეზობლებს უამბო, რაც თავს გადახდა. ტკივილს ჭერჭერობით ვერა გრძნობდა.

— ჩემი თვალი დასაბნელებელი! მე მეძინა, — ტირილითა თქვა მაიამ, — სიზმარში ვიყავი. სადღაც ჯარი იყო. ვნახოთ, ჩხუბი ატყდა. გავარდა დამბაჩა. შემეშინდა და გამომელევიძა. პირჯვარი დავიწერე და ჯერ კიდევ პირისახე შემკრთალი მქონდა, რომ ყურის ძირში ზედიზედ დამბაჩის ხმა მომესმა. ჩემი ცოდვა, ჩემი ცოდვა! კინალამ დავიღუპე! — დაუმატა ათრთოლებითა და ჭვითინით მაიამ.

— შენ კი არა, სულ ყველანი ვიღუპებით, თუ ამ ქურდებს რამე არ მოუხერხეს. მაინც ახლა სულ თმის სიხშირე დაიარებიან გასაწყვეტები. სწორედ თუ რამე არ მოუხერხეს, ცუდად არის ჩვენი საქმე, — ამბობდნენ მეზობლები და ოთახს მაგარი თამბაქოს ბოლით ავსებდნენ.

III

უტუნას ამბავი იმავე ღამეს გაიგო მთელმა სოფელმა. ქურდები ბევრი ეძებეს. სად შეერთებული გზა არ შეკრეს, სად ბილიკები, მაგრამ რა ყაჩაღი იქნებოდა, თუ შარავნით წავიდოდა საზოგადო ალიაქოთის დროს! მეორე დღეს წირვის წინა და წირვის შემდეგ

დიდს თუ პატარას სალაპარაკოდ უტუნას ამბავი ჰქონდა. ნაწირვებს ხალხი ცაცხვის ჩრდილისაკენ წამოვიდა, იქ ჩამორიგდა უმცროს-უფროსობისამებრ როგორც ხნით, ისე გამოჩენით. ამ დღეს ღრუბლები საკმაოდ გაიფანტა და მზე დროგამომშვებით მწარედ აცხუნებდა ქვეყანას. ხალხი წირვაზე საკმაოდ დაესწრო. კაკაჩიას პატარძალიც მოიყვანეს დიდი ამბითა და მხლებლებით. ყველანი საუკეთესო ტანისამოსით იყვნენ, თავიდან ფეხებამდე ოქროთ დაფერილ იარაღში ბრწყინავდნენ. თამბაქოს გადაქარბებული თავმოწონებით ეწეოდნენ, მათრახს ბუზმენტებით აკრელებულ მესტებს უფაჩუნებდნენ ნელ-ნელა და მრავალ სხვადასხვა თავსაჩენ საქმეებში იყვნენ, რომ საზოგადოების ყურადღება მიექციათ. საზოგადოების უმეტეს ნაწილს დღეს პატარძლისა და მის მხლებლების დასაფასებლად არ ეცალა, მხოლოდ ზოგიერთი ცნობისმოყვარე ორისავე სქესისა ერთმანეთს ეჩხუბებოდნენ, ცალი თვალით სტუმრებს შესცქეროდნენ.

ცაცხვის ძირში უშველებელი ხმაურობა ატყდა. ყველა უთავბოლოდ ყვიროდა, ქურდობას ჰკიცხავდა, ამხანაგს იწვევდა, რომ ამ სამარცხვინო საქმისათვის ჯეროვანი ზღუდე აეგოთ, მაგრამ ხალხი ყვირილით გულს იგდებინებდა, ნაყოფი კი არა რჩებოდა რა.

— მომითმინეთ, მომითმინეთ, თქვენი ჰირომე, რა ამბავია! თუ ასე ვიხანჩალებთ, ვერაფერს გავარიგებთ. ერთმანეთს ყური უნდა ვათხოვოთ, თორემ, თუ მე ჩემთვის ვიყვირე, შენ შენთვის, მან თავისთვის, მაშინ ათასი წელიწადი აქ იხმაურო, არაფერი არ გამოვა, — თქვა ერთმა ხანში შესულმა გლეხმა, რომელსაც გიორგის ეძახდნენ, და გაცეცხლებულს ხალხს ხელით ანიშნებდა, გაჩერებულიყო.

— მართალს ამბობს, წმინდა გიორგის მადლმა. ყურთა სმენა არ არის! — დაუმატა ცაცხვის ხის ძირას წამოწოლილმა გლეხმა.

— გაჩუმდით, გეთაყვანეთ, ცოტა ხანს დამაცალეთ, დრიმინტი, რაა, შე კაცო, კოდარას ენა ხომ არ გიქამია! ჯათუ, ჯათუ! კარგი, კარგი გეყოფა, თუ ღმერთი გწამს, ლაპარაკი მაცალე.

ხალხი ცოტ-ცოტათი დაწყნარდა.

— რაც წუხელ ამბავი მოხდა, პირველი არ არის და, იმედია, ჩვენი მხნეობის შემწეობით უკანასკნელიც არ იქნას, — დაიწყო გიორგიმ. — მე ბევრი ლაპარაკით არ შეგაწუხებთ. ყოველი უბედურების თავი და თავი მიზეზი ჩვენა ვართ. სად იყო წუხელ ან ზვისთავების მეუფროსე, ან ზვისთავები?

— თვითონ ქურდია! თვითონ ხეისთავეების მეუფროსე აქცევს ქვეყანას, იმან დააქცია ჩემი ოჯახი წმინდად! — ახმაურდა ერთი ახალგაზრდა ბიჭი და გაწითლებული წინ წადგა.

— ცოტა ფრთხილად ილაპარაკე, — წასჩურჩულა ამხანაგმა. — რა გაყვირებს, ვინმემ რომ მიუტანოს ამბავი, ხომ იცი, რას გიზამს.

— რას მიზამს? კიდევ გამქურდავს! სხვა რა იქნება? ხომ არ გამყიდის? ბატონყმობა ახლა აღარ არის. ის აზნაურია, მაგრამ დადიანის კაცი იყო და მეც მისი ვიყავი. ლევან დადიანს ჩემი პაპა ძმასავით ყვარებია.

— ეხლა ლევან დადიანი ვერ აღგება, ხომ იცი, და ვერ გავველის. მარტოხელი კაცი ხარ, არ ვარგა იმისთანა კაცის გადამტერება.

— მომითმინეთ, მომითმინეთ, — კვლავ დაიწყო გიორგიმ, — იმას მოგახსენებდით, სულ ჩვენი ბრალია, რაცა გვკირს. სულ მართალია, რაც ნესტორამ თქვა. სულ ჩვენგან მცველად დაყენებული კაცები გვლუპავენ.

— მართალია! ისე შემეწევა მიქამგაბრიო, რომ მართალს ვამბობ.

— კარგი, ცოტა ხანს მომითმინე. მათი ამორჩევა მაინც ჩვენს ბელშია და ისიც ვერ მოგვიხერხებია, რომ რიგიანი კაცები ავარჩიოთ. მეუფროსეს ვინ იტყვის, ხეისთავეები ნახევარზე მეტი ქურდები არიან, რატომ დღეს აქ ერთიც არ მოვიდა. რისთვის მოვა, არ იცი? განა არ იციან, რომ მოსულიყვნენ, რას ვეტყოდით! ან ის ყაჩაღები უმასპინძლოდ არიან გგონიათ თუ? სრულიადაც არა. მათი მასპინძელი ისევ ჩვენი მეზობელია და ღაბე, ჩვენი მეზობელი, რამდენიმე კომლი, მთელ სოფელს, შვიდას კომლს ვერ გაგვისწორებია. სირცხვილი ამაზე მეტი აღარ იქნება, თუ დამიჯერებთ.

— სულ მართალია, სულ სიმართლეა! — თქვა ყველამ ერთად.

— მერე რა წამალი უნდა დავნაყოთ ამ კრილობის მოსარჩენად? დღესვე სასამართლოში შევიკრიბოთ და მოვთხოვოთ ხეისთავეებს: ან ის ავაზაკები მოსძებნონ, ანდა ავადმყოფი თავიანთი ხარჯით მოარჩინონ და, რაც უტუნას ავადმყოფობით დააკლდება, უზღონ.

— სწორი სიტყვაა! დღესვე, დღესვე სასამართლოში! გესმით? ნასადილევს უსათუოდ სულ ყველა სასამართლოში უნდა მივიდეთ. დროა თავი ვიცნათ. დღეს ერთს დაემართა, ხვალ მეორეს უარესს

უზამენ, — წამოიძახეს ერთბაშად და ხმაურობა-ლაპარაკით ეკლესიის ეზოდან გამოვიდნენ და თავიანთ სახლებსაკენ გაეშურნენ.

— ნეტავი ვინ უნდა იყოს იქიდან ცხენით მომავალი, — დაეკითხა ერთმანეთს ორი ახალგაზრდა კაცი, როცა გზას დაადგნენ და მომავალი ცხენოსნისკენ ყურება დაიწყეს.

— ვინ იქნება, ჩვენი სოფლელი არ უნდა იყოს, — დაფიქრებით თქვა ერთმა.

— ჩვენი სოფლელი კი არ არის, მაგრამ მაინც მეცნობილება, ე... ეს... უთუოდ კერანდუხუ ჟვანიაა, უტუნას ცოლისძმა. მაგრამ არა, იმას თეთრი ცხენი რომ არა ჰყავდა. არა, სწორედ კერანდუხუა, წვერზე ვიცანი.

ამასობაში მგზავრიც მოახლოვდა.

— კინალამ ვერ გიცანით, ალბათ რამე შეგემატება. კერანდუხუს გაუმარჯოს! — მისცა სალამი ერთმა.

— პაეღეს ღმერთმა გაუმარჯოს, მაგრამ სული ძლივს მომაქვს. რა ამბავია უტუნას სახლში? — ძლივს იკითხა მგზავრმა.

— ჰი, ჰი, ჰი, ასე ჩქარა დარჩელში შეიტყვეთ? ამბავი ცუდი იქნებოდა, მაგრამ ღმერთმა უშველა საბრალო უტუნას.

— როგორ? უტუნა არ მომკვდარა? — თითქმის ტირილით დაეკითხა კერანდუხუ.

— არა. თუმცა ორი ტყვია მოხვდა, საშიში არც ერთი არ არის.

— ჰე, დაილოცა შენი სამართალი! რას არ იტყვიან.

— რაო, თქვენში სხვანაირად გააგდეს ხმა?

— ხმა კი არა, უტუნა გაბეჩავას სახლი გადაწვეს აბრაგებმა და თვითონ მოკლესო, გაისმა ჩვენში და ერთი უშველებელი ამბავია, — კერანდუხუს ცრემლები მოერიდა. ამოილო ცხვირსახოცი და თვალები მოიწმინდა.

— მერე შენ როდის გაიგე?

— ამ დილას, წირვაზე რო მივდიოდი.

— ჩქარა კი მოსულა ამბავი, შენ არ მომიკვდე.

— მოკვალი საწყალი ცხენის! შენ თვითონ არ გინახავს ჯერე უტუნა?

— მე თვითონ შევუხვიე ჭრილობა. ამ დილას ვიყავი და ახლაც იქ მივდივარ.

— მაშ ჩემთან წამოდი, შენი ჰირი შემეყაროს, — აღტაცებით შეეხვეწა კერანდუხუ, — ჯერ კი არა, მგონი ჩემი გული ერთ თვესაც ვერ დაწყნარდეს. წავიდეთ, გენაცვალე, მაგრამ მე ცხენით და თქვენ ფეხით?

— რა გვიჭირს. შენ შორიდან მოდიხარ, ჩვენ კი ჩვენ სახლში ვართ.

— არა, მაინც არ არის კარგი, მე მარტო ცხენით მივდიოდე, — ჩაილაპარაკა კერანდუხუმ. ფიცხლავ ცხენიდან ჩამოხდა, თუმცა ბევრი ეხვეწეს, ნუ იზამ მაგასო. აღვირი ხელში დაიჭირა და გასწიეს უტუნას სახლისაკენ.

კერანდუხუ იყო ახალგაზრდა, ესე ოცდაათი წლის ვაჟკაცი, მაღალ-მაღალი ტანისა. პირისახეს უმშვენებდა გრძელი შავი წვერი, რომელსაც ყბის ძირში ყურის ახლო რამდენიმე ჰალარა გამოჩნდოდა ნიშანივით. ამ საათში მისი სახე აღელვებისა გამო ფერმკრთალი იყო; თანდათან ჩვეულებრივი ფერი ეძლეოდა ყმაწვილკაცს. რაც შეეხება ტანისამოსს, თუმცა საზოგადოდ კარგ ტანისამოსს იცვამდა, მაგრამ დღეს სიჩქარისა გამო სადად იყო გამოწყობილი. ჩითის ახალახი, ცოტა მოძველო შალის ჩოხა, შავი რქის მასრები, თივთიყის ყაბალახი, წულამესტი და უბრალო რკინის ხანჯალი, — აი ეს იყო მისი გარეგნობა. განსაკუთრებით ყურადღებას მიიქცევდა მისი ტანადობა. მკერდთან შედარებით წელში იმდენად წვრილი იყო, რომ კაცი შეშინდებოდა, არ გადაწყდესო. უტუნას სახლში მშვიდობამ კერანდუხუ, ცოტად თუ ბევრად, დაამშვიდა. როცა კაცი საშიშს, ანუ ხიფათს რასმე აუცილებლად მოეღის, მისი გული ათასნაირად იცვლება, ათასნაირად ღელავს. უბედურების პირველ გაგონებაზე გონება და აზრი საშინლად ერევა, ათასნაირი მწუხარება და რაღაც სიმძიმე აწვება გულს. თვალწინ ელანდება ყოველივე უბედურება და თანდათან შიშში ვარდება; მთელი სხეული უთრთოლავს. რაც დრო გადის, იმდენად მშვიდდება გული და ბოლოს გულგრილად დაუწყებს ლოდინს ამ დროს. თუ ასცდნ უბედურება, რომელსაც მოელოდა, ანუ გაგონილი სამწუხარო ამბავი ტყული გამოდგა, კაცი ხელმოკრედ ღელდება, გული ცემას უწყებს და განუზომელ სიხარულთან სახე ათასნაირად ეცვლება. კერანდუხუსაც ასე დაემართა. საშინელი ამბის პირველ გაგონებაზე არ იცოდა, რა ექნა. წირვაზე მიდიოდა და შუა გზაზე შეიტყო. ამ მოულოდნელმა ამბავმა ისე აურია გონება, რომ სიარულსაც ვერ ახერხებდა. იდგა ერთ ადგილას და აქეთ-იქით იყურებოდა. ბოლოს გონს მოვიდა და ტირილი დაიწყო, მაგრამ დამშვიდებულმა იმით, რომ იქნება მგზავრმა სხვისგან გაგონილი ჭორი მითხრაო, ამბის კარგად გამოკითხვაც ვერ მოახერხა. შინ დაბრუნდა, გული შეიმაგრა და გამოსწია, რომ ყოველივე თავისი თვალთ ენახა. ნაცნობებისაგან სასიხარულო ამბის გაგო-

ნებამ და მათთან მუსაიდმა სრულიად გამოიყვანა იმ ბურუსიდან, რომელშიაც იყო ამ რამდენსამე საათის წინათ. ბოლოს იმდენად დამშვიდდა, რომ სიცილი და ხუმრობა დაიწყო.

— რა ამბავია, კაცო პავლე, ცოლს რომ არ ირთავ, რას უყურებ, ძალიან მიკვირს! — გაეხუმრა კერანდუხუ გზა-გზა.

— მე რომ მეუბნები, შენ რას უყურებ? არ ხედავ, ქალარაც გამოგრევი, — სიცილით მიუგო პავლემ.

— მე დავებრდი, ჩემთვის არც კია საჭირო ცოლი, ან ვინ მომცემს ქალს, მოხუცებული ხარო, მეტყვიან.

— ვიცი, რაც მოხუცებული ხარ. შენ არ იყავი, ნობოდენში რომ ქალებს ეარშიებოდი?!

— ჰა-ჰა-ჰა! შენც იქ იყავი მაშინ? მე რომ ვერა გნახე!

— ისეთი საქმე მქონდა, ვერ მოვიცალე, შენთან მოვსულიყავი. მეორე კიდეც, ჩიჩიე ლაფშაზე ვიჯექი და, ცოტა არ იყოს, მრცხვე-ნოდა.

— ჩიჩიე ლაფშა რა, ცოლს ხომ არ ნიშნავდი? მე შენი ვყოფილიყავი, არ დავერიდებოდი და მივიდოდა ნაცნობთან, — ჩაერიხა საუბარში მესამე მგზავრი, რომელიც პავლეს მოჰყვებოდა ეკლესიიდან.

— ეს ჩემი მამიდაშვილია, ბეჟა ინავარდია, ფაცალა ინავარდიას შვილი, სტუმრად მოვიდა ჩემთან ამ დღეებში.

— ამის მამას ვიცნობ! მაგრამ, თუ ამხელა შვილი ჰყავდა, არ მეგონა. შესანიშნავი ზეინკალია ამისი მამა. მისი გაკეთებული ხმალი ყარამან ზვანბაიამ, მარტო პირი, ათ თუმნად იყიდა ზუგდიდში.

— ბეჟა შინ პატარაობიდან არ ყოფილა. ქუთაისში მამამისმა ადრე წაიყვანა და იქ პოვრობა დაუსწავლია. პირველად ახლა მოვიდა. მაგრამ ძლივს ლაპარაკობს, სულ გარუსებულა. იცოცხლე, ამან რუსული იცოდეს. გუშინწინ ზუგდიდში ერთ რუსს ჩხირივით მიაყარა.

— რასაკვირველია, დაისწავლიდა, თუ ქუთაისში იყო. მე ღმერთი გამიწყრა, არც გამზღელი გამომიჩნდა, არც ნათლია, არც კულუხჩის კონკა, რომ სადმე წავეყვანე, პოვრობას ვინ დაექებს, ხელის მოწერა რომ ვიცოდე.

ბეჟას ამ სიტყვებმა თავმოყვარეობა აღუძრა. რუსული ქუდი თავზე გაისწორა, შარვლის ჯიბეებში ხელები ჩაიწყო, წარბი შეიკუმხნა, თავი ძირს დაჰკიდა და ნელ ხმაზე რალაც სიმღერა დაიწყო.

— შენი კანჯარი რა უყავი, კერანდუხუ, ის კარგი ცხენი იყო.

— ამაზე გავცვალე, ეს უნაგირიც დამითავეს. ესეც კარგია. ისეთი სირბილი იცის, რომ ჩიტი ვერ მოეწევა. ახლა ძლიერ გალაზულია. ხუთი თვეა ზედიზედ უნაგირი არ მომიხსნია, თორემ უწინ რომ გენახა, კვერცხი არ გადაგორდებოდა გავაზე. მერე! სულ ახალია, შარშანდელი დაკოდილია.

— მოგიგია, შენ არ მომიკვდე. უნაგირი მშვენიერება რამეა. ტას ამბობ, სულ ზანიშია აბეანდიანად. სანძო-სამკერდეც ლამაზადა აქვს. კეთილი, კეთილი, მოგიგია, ღმერთმანი.

— მაკვირვებს ამ უტუნას ამბავი. მისგან განაწყენებული კაცი, არ ვიცი, თუ ქვეყანაზე მოიძებნება. რაც აქვს, სულ თავისი ხელის ნაშოვარი აქვს და რა ჯინი ჭირდა იმ კაცს, რომ დაეცა, — ცოტა ფიქრის შემდეგ დაიწყო კერანდუხუმ და მათრახი მესტებს დაუპარტყუნა.

— განა იმაზეა, შენი ჭირიმე, კერანდუხუ! სოფელს ძალიან უყვარს უტუნა მარტოხელი კაციაო, თორემ შარშან კინალამ კეთილსინდისიერად ამოირჩიეს. სოფელს არ უნდა ცუდი მისთვის. მაგრამ მაინც სოფლის ბრალია, რაც იმას დაემართა. კარგი ცხენი ყავს, კარგი ცხენი ყავსო! — გაუგდეს ხმა ქვეყანაზე. არ იცი განა, რა ამბავია ჩვენში? აბრაგები ბატონობენ, ქვეყანა აიკლეს. მიქაბერია * დაბერდა, პრისტავები სულ თავადები არიან და, რასაკვირველია, თავიანთ ხორცს ძალღს არ აქმევენ. აბრაგები კარგ ცხენებს დაეძებენ. როცა დამეცენ, ცხენს კარგს გიქებენ, მითხრესო, თქვა უტუნამ, — და იმიტომ მოვედი თო.

— რა! გაიმბოთ, როგორ დაეცნენ? ერთი თქვი, თუ ღმერთი გწამს?

პავლემ ყოველივე დაწვრილებით უამბო.

— დაილოცა შენი სამართალი, ბედი არ არისო, იტყვიან; როგორ არ არის, შენი ჭირიმე. ყველაფერ ბედით არის ქვეყანაზე. მაღლობა ღმერთს, რომ გადაჩა. როგორ ატყობ, ვითომ ხელი გაუფუჭდება? ისიც მარჯვენა, თუ გაუფუჭდა, შენი მტერი, დაილუპება.

— თუმცა საშიში ადგილია, მაგრამ მორჩენილი ბევრი მინახავს ამისთანა დაშავებისაგან.

ამნაირი ლაპარაკით ისინი მიუახლოვდნენ კიდეც უტუნას ნახლს. კოპშია ოთხთვალისანი, თალიან-ფანჯარებიანი ოდის დერე-

* ხუგდიდის მაშინდელი მახრის უფროსი იოსებ მიქაბერიძე.—ს. ც.

ფანი კაცით და ქალით გაქედდელი იყო. ყველამ თვალები მომავალ-
მგზავრებისაკენ მიიქცია.

— დია, ნანა, კერა, — წამოიძახა ძურგუმ და გამოექანა. გადა-
კოცნის შემდეგ აღვირი ჩამოართვა და ცხენი საბალახოდ წაიყვანა.

კერანდუხუ, პავლე და ბეჟა სტუმრებს თავმდაბლად მიესალმ-
ნენ. მაია და თებრო სიხარულით ფეხზე აღარ იდგნენ.

— შენი ჭირიმე! შენ გენაცვალე, განა გულმა იგრძნო ჩვენი
უბედურება, რომ წამოსულხარ?

კერანდუხუმ უამბო როგორ შეიტყო მომხდარი გარემოები.
ყველანი პირლია და თვლებგამტერებულები ყურს უგდებდნენ.

— სასწაული თუ გინდა ეს არის! ასე ჩქარა დარჩელშია
მისულა ამბავი, — ისმოდა სტუმრებში.

წინა პატარა ოთახში, ხალდაგებულ ტახტზე, პირადმა იწვა
უტუნა, კბილს კბილზე აცემინებდა ტკივილისაგან, მაგრამ მაინც
საკვირველად იმაგრებდა თავს.

— ყოჩაღად გხედები სწორედ სიძე! აი სიძე ასე უნდა, ზეზე-
დაც არ წამოგიდექი, — გაჭირვებული ხუმრობით შესძახა უტუნამ
ახალ შემოსულ კერანდუხუს.

— მადლობა ღმერთს; მშვიდობით გხედავ, რა ამბავია, ბეჩა, რა
დაგემართა?

— ყოჩაღობა დავიწყე, აბრაგებს ვიჭერდი, მაგრამ ვერ დავიჭი-
რე, კიდევ კარგი, რომ ვერ მომკლეს. ჯიჯგვა უნდოდათ წაეყვანათ,
მაგრამ ვერ მივართვით შაურიანი პური.

— ბედი, თუ ძალიან არ გტკივა. მერე ამ ივლისში ჯოჯობეთი-
სწორედ ჭრილობა.

— როგორ არ გტკივა. სული მიმდის, მაგრამ ქალი არა ვარ.
რომ ვიტყვი. ვაჟკაცი ვარ, უნდა მოვითმინო. ამათი ჭირი შემეყარა:
დღეს ბევრმა მნახა; იცინიან, მუსაიტობენ და თავს იმით ვიქცევი,
თორემ ესენი რომ არ მოდიოდნენ, შენი მტერი! რა იქნებოდა კაცი,
მეზობლობა-ამხანაგობა რომ არ ყოფილიყო. ახლა, მაგალითად,
მეზობლები რომ არ მყოლოდა, ამდენ ხანს მკვდარი ვეგდებოდი.

კერანდუხუს სკამი მოუტანეს. სხვებიც ახლომახლო მოუჯდნენ
და დაიწყეს ლაპარაკი.

— მამასახლისს არ შეატყობინე ჯერე ეს ამბავი? — იკითხა
კერანდუხუმ.

— რას ამბობ, მთელი სოფელი ფეხზე დგას, დღეს სახამართ-
ლოში მოლაპარაკება იქნება. ქალაღს ნაჩაღნიკს გაუგზავნიან. —
წარბების აწევით მიუგო უტუნამ.

თან ყოველივე კავშირი მოუსპონ. სოფელ ა-ს საგლეხო სასამართლოს განიერი, მაღალი და სუფთად თეთრი კირით გალესილი ხის სახლი, ერთ სერის წვერზე ამართული, ბატონურად გადმოყურებს მიდამოს. მის ახლომახლო ათასნაირ ვაზებით შეხვეული ხეები, თითქო ჩინ-ლენტებ-ორდენებით დაჭილდოებული, მხარს უმშვენებს სოფლის სასამართლოს. სასამართლოს ფერადად შეღებილი მოაჯირი ჯერ ცარიელია. ფანჯრები გაღებულია, რომ ოთახის ჰაერი გაიწმინდოს.

აი, დაიწყო ხალხმა მოგროვება. ზოგი მოდის გაჩქარებით და ოფლში იწურება. ცდილობს მოემზადოს და, როცა დაუძახებენ, რიგიანი პასუხი მისცეს. ზოგი მიდის სეირის საყურებლად, რადგან ჩვეულებად აქვს გადაქცეული, რომ ყოველ კვირა ნასადილევს სასამართლოში წავიდეს და იქ დარჩეს საღამომდე. ესენი ბეჭებზე ჯონწამოდებულები წყნარად მიდიან. მომეტებული ნაწილი კი წუხელ მომზადარი ამბის გასარჩევად მიემურება სასამართლოსაკენ. აი აივსო სასამართლო ხალხით. მოვიდნენ მამასახლისი და მოსამართლენი. აგრეთვე მწერალიც გვერდით ახლავთ. ხალხი ზოგი მინდორში ჩამორიგდა ჯგუფ-ჯგუფად და იქ ჩიბუნის წევით მუსაიფს მიეცა. ზოგიც, ვისაც საქმე აქვს, სასამართლოს ოთახს არა შორდება, გულის კანკალით მოელის თავისი საქმის გარჩევას. ზოგიერთი მოპირდაპირენი მინდორშივე ეჩხუბებიან ერთმანეთს და გაცხარებით ლაპარაკობენ.

— სუთ, სუდიები გიბარებენ, — გაისმა ხმა და ასტყდა კიბეზე ამსვლელ-ჩამომსვლელთა ბრაგაბრუგი. ხალხი ჯგუფად შედის სასამართლოში და ოთახის გარშემო ტახტზე მწკრივდება. მოსამართლეები მწვანე მაუღგადაფარებულ მაგიდას მოუსხდებიან და ჩიბუნებს აბოლებენ. აქვე მწერალი ზის და ქალაღებს არჩევს.

— რამდენი საქმე გვაქვს დღეს? — ჰკითხა ერთმა მოსამართლემ მწერალს. — თუ ღმერთი გწამს, ჩქარა გავათავოთ. მოსალაპარაკებელი გვაქვს უტუნას თაობაზე.

— რამდენი საქმე გვაქვს და — ასი! — გაჯავრებით მიუგო მწერალმა. — რა ვიცი, ეს ოხერი ქალაღები სულ ამრევია! კაცო, რა საშინელი ბოლი მოდის მაგ შენი ყალიონიდან, ლამის წამაქციოს. რამდენჯერ მითქვამს, საქმის გარჩევის დროს თუთუნის წევა არ შეიძლება-მეთქი. მიროვი პოსრედნიკიდან ამის გულისათვის ორჯელ მოვიდა მოწერილობა, ანდა ყაბალახით ჯდობა. როგორ შეიძლება, ვერ ხედავ, რომ ხელმწიფის სურათი ჰკიდია!..

— უკაცრაოდ, შენი ჭირიმე, დამავიწყდა. ეგ ოხერი კაი თუთუ-

ნი იყო, ბიჭიამ მომცა! თქვენ მითომ რაო. — გადახედა მოსამართლემ გლახაკებს, რომელნიც თამბაქოს ბოლისაგან ძლიეს ჩანდნენ, — რად ეწვევით, დააგდეთ ახლავე.

— კარგი, კარგი, რა დროს ჯავრობაა, საქმეს შევუდგეთ, — ჩასჩურჩულა მოსამართლეს ამხანაგმა.

საქმე დაიწყო, მაგრამ მაშინვე არეულობა მოჰყვა და შეიქნა ყვირილი მომჩივან-მოპასუხეთა შორის. ყველა თავის სიმართლეს ამტკიცებდა, საბუთები მოჰყავდა, ღმერთსა ჰფიცავდა, თავს იწყევლიდა, მოწმეებს ასახელებდა და სხვა. მოსამართლეები და განსაკუთრებით მწერალი, ძალზე იღლებოდა ხმამაღლა ლაპარაკით, თუმცა ბევრი ლაპარაკი საჭირო არ იყო, რადგან ყველა საქმე ერთგვარად თავდებოდა: „ამან ამას დაუფიცოს, თუ დაუფიცა, თავისუფალია, თუ არა და — გარდაუხადოს“.

— კმარა, კმარა! დანარჩენები პარასკევს მობრძანდით. ახლა კი ჭადით აქედან, ქალაღები შეაფში უნდა შევალავო, — თქვა მწერალმა და მილაგ-მოლაგება დაიწყო იქაურობისა.

— მართალს ამბობს, გვეყოფა, — წაილაპარაკა ერთმა მოსამართლემ, — უთუთუნობით ლამის სული ამომძვრეს, მეტი აღარ შემიძლიან.

სასამართლო დაცარიელდა. ხალხმა სასამართლოს გვერდით მოიყარა თავი, ხეებქვეშ ჩრდილოში, სადაც მათი ხმამაღალი ლაპარაკი და ყაყანი ტყე-ველს აყრუებდა. შუაში ფეხმოკეციტ იჭდა მამასახლისი და გაცხარებული ყვიროდა.

— აგერ სულიებიც მოდიან, — თქვა მან დამშვიდებით, — კარგად მოვილაპარაკოთ, თუ ღმერთი გწამთ. ხეისთვების მეუფროსე არ მოვიდა. ხომ დაიბარე? — ჰკითხა მამასახლისმა იქვე მდგომარე პომოშნიკს.

— ვუთხარი, ბატონო, მაგრამ კინაღამ გამარტყა, წადი შე ასეთისეთო. დღეს სადა მცალია. სენაკში უნდა წავიდეთ.

— მაშე ეს უღვაშები არა ყოფილა! — წამოჭარხლდა მამასახლისი და ზეზე წამოდგა.

იგი იყო მაღალი ტანის წარმოსადეგი კაცი. თვალებს ისეც საშინლად აბრიალებდა და ახლოს ხომ სულ ნაპერწკლებსა ჰყრიდა. ტანზე ლამაზად შეკერილი ჩოხა-ახალუხი ეცვა, რომელიც ძლიერ შევნოდა. მხარზე გადაკიდებული ჰქონდა ოქროში დაფერილი ვერცხლის ხმალი.

— ხომ გესმით, ხალხო, ხეისთავების მეუფროსემ რაც შემომითვალა? — ეს სიტყვები ისეთი დაბეჭითებითა თქვა მამასახლისმა.

რომ ნახევარარშინის სიგრძე წვერმა ძალზე ცანცარი დაიწყო. — მე ვიბარებ საქმისათვის, კინალამ სოფელი დაიქცა, ისეთი ამბავი მოხდა, ასი ვერსის სიშორეზე გაიგეს და ის კი, ხეისთავების მეუფროსე, თითქო არაფერი ამბავიაო, საეპროდ მიდის! მაშ მე ოხერი ვიქნები, თუ მაგრა არ გავაბი ამ საქმეში არ ვიცი, გგონია, რა ჭაციც ხარ? ყველაფერს გამოვუჩინე კუღს.

— აბა, როგორ შეეუდგეთ საქმეს, მამასახლისო? — დაეკითხა მწერალი, როცა ცოტაოდნად დამშვიდდა.

— წინანდელი განჩინება მომიტანე, წავიკითხოთ, როგორ შევეკარით პირობით ხეისთავებს. ჯერე ის უნდა წავიკითხოთ და მოვთხოვოთ ხეისთავებს მიზეზი, რისთვის დაარღვიეს განჩინება და ერთად აბრაგებს არ გამოედევნენ.

მწერალმა განჩინება საჩქაროდ გამოიტანა და მამასახლისს გადასცა.

— ახლა აქ მობრძანდით სუყველა ხეისთავები, აქ მოგროვდით, — ხმამალა დაუძახა მამასახლისმა. — ან იქნება თქვენც იმალებით? შეხედეთ, ამათაც ნახევარი აკლია.

— სუთ, სუთ, რა ხმაურობაა! — აჩუმებდა ერთმანეთს საზოგადოება, მაგრამ ამით უფრო ემატებოდა ხმაურობას. სუყველა თავდარიგის მიმცემი იყო და, აბა, ვინ გაჩუმდებოდა. ხეისთავები მამასახლისის წინ წარდგნენ და განჩინების კითხვას ყურისგდება დაუწყეს.

— რისთვის არ ასრულებთ, რაც აქ წერია, რისთვის არ გამოედევნეთ აბრაგებს, როცა მთელი სოფელი ფეხზე იდგა?

— როგორ თუ არ დავედვენეთ? თავდავიწყებული სიბრბილით ფეხები ახლაც მტკივა. — გაჯავრებით მიუგო ერთმა წითელწვერა ხეისთავმა.

— ეგ როდის, როცა გათენდა? როცა აბრაგები ენგურს ჰავიდნენ, მაშინ? კარგი ფხიზელი ყოფილხართ, თქვენმა მზემ!

— რას ჰქვია გათენდა! იალონი სად იყო, როცა ჩვენ ჰვილორია გავედით და სიბრბილით და ყვირილით კვალს ვარკვევდით?

— შეხედეთ, რა ტყუილს ამბობს, — ჩაერია ერთი მოსამართლეთაგანი ლაპარაკში. — ჰვილორია გავედითო, შენ არ იყავი ამ დილას მეზობელს ეკითხებოდრი, რა ამბავი მოხდა წუხელიო. მე მაშინ თემშარაზე მივდიოდი.

— რა ვუყოთ მერე, ჩემი ამხანაგები მისდევდნენ, — მიუგო შერცხვენილმა ხეისთავმა, — მეც წავიდოდი, ღმერთმანი, მაგრამ თავი მტკიოდა საშინლად.

— ეს რომ ყოფილიყო, ჩვენზე მეტს რას გაარიგებდა, — ერთხმად აყაყანდნენ დანარჩენი ხეისთავეები. — ჩვენ ხალხი არ ვიყავით, რომ კუჭი გავიბერეთ?

— შენი ამხანაგები თუ მისდევდნენ, მე მივსდევდიო — რას ლაპარაკობ? — ჩააცივდა ხეისთავს მამასახლისი.

— სულ ერთი არ არის? რა მე და ტა ჩემი ამხანაგები! ჩვენ გაყოფილი რა გვაქვს?

— კვალი სანამდი მივიდა მერე?

— კვალი რა! ათასი ადგილით მიდის, ენწერს დასცილდა და მე-ბე აირია.

— რაო, რაო, — ველარ მოითმინა ერთმა ქალარა გლახმა. — ენწერში კვალს რა უნდოდა? დამწყევლოს ღმერთმა, თუ ამათ უური დაუბერტყავთ აბრაგების დასაქერად. მე, თიბარმა და უტუნას ახლო მეზობლებმა კვალი ბეგამდი მიუკვლიეთ და იქ დაიკარგა.

— დაილოცა შენი სახელი! სად ბეგი და სად ქვილორია, სად იღმოსავლეთი და სად დასავლეთი! აბრაგები თუ ბეგით მირბოდნენ, ქვილორიაში თქვენ ბუზებს ზომ არ მისდევდით. აქ რალაც სხვა ამბავია! — თქვა მამასახლისმა.

— რა ამბავია? — ახმაურდნენ ხეისთავეები. — ჩვენ რა ვიცოდით, სით მირბოდნენ აბრაგები, ჩვენ იქით მირბოდნენ გვეგონა, და იქით მივსდევდით.

— კვალზე მაშ რას ლაპარაკობ, თუ არ იცი სწორედ? ზომ ბედავთ, ძმებო, როგორ არეულ-დარეულია ხეისთავეების ჩვენება. აბრაგები აფხაზეთში მირბიან და ესენი სვანეთისკენ მისდევენ. ბეგნი ლაპარაკი არ არის საჭირო, ან მოძებნეთ ქურდები, ან ავადმყოფი თქვენი ხარჯით არჩინეთ.

— სწორედ, უთუოდ, — ერთხმად დაიგრიალა საზოგადოებამ.

— მე ამასაც არ დავჭერდები, — განაგრძო მამასახლისმა, — დღესვე ლაპორტი უნდა გავუგზავნო ნაჩალიკს და თქვენი ქცევაც უნდა შევაყოლო.

— ჩვენ რა ბრალი გვაქვს?

— თქვენ არაფერი! ყველაფერი თქვენს მეუფროსეს მოეკითხება. აბა, ვნახოთ, მაშინ, ვინ არის მტყუანი!

ხეისთავეებს ფერი თანდათან ეცვლებოდათ, მაგრამ ისინი მაინც არაფრად აგდებდნენ თავიანთ პირის გამტყუნებას და ცდილობდნენ, მათი პირისახის ცვლილება არავის შეემჩნია. ხალხი იბრია. ან ჩვენა და ან ხეისთავებიო! — გაისმოდა დაუსრულებელი

ყვირილი საზოგადოებაში. ამ არეულობასა და ხმაურობაში იღროვეს სირცხვილით დამწვარმა ხეისთავეებმა და სათითაოდ გაიპარნენ.

— მე მაშინათვე ვთქვი, ამათ ნუ ავირჩევთ-მეთქი, მაგრამ თქვენ არ დამიჯერეთ, — დამშვიდებით უთხრა მამასახლისმა საზოგადოებას. — ან რა სახეისთავეო კაცია ეს უთუთია მახინჯაია. რა ვუყოთ, რომ აზნაურში ვიყავი. ამ სოფელში ქურდების უფროსია და არა ხეისთავეებისა. ერთი მითხარით, ქურდმა ქურდი როგორ უნდა დაიჭიროს?

ხალხი თანდათან იშლებოდა, მამასახლისი და დანარჩენი საზოგადოება მინდორში გავიდნენ, მწვანეზე ჩამორიგდნენ და სხვადასხვა მუსაიფი გააბეს.

ამ დროს სასამართლოს მოუახლოვდა ერთი პატარა მეთხეოციოდე თხითა. ხალხი რომ დაინახა სასამართლოსთან, თხებს თავი დაანება, წამოვიდა და იმათ ლაპარაკს ყურისგდება დაუწყო. თხებიც შორს არ წავიდნენ. იქვე ახლო ფერდობზე ანწლის ბუჩქნარი იყო და იქითკენ გაეშურნენ, რომ საღამოს უამს პირი გაეგემრიელებინათ. პატარა მწყემსი იქნებოდა ათი-თორმეტის წლისა; ფეხშიშველა იყო და ტანზე მარტო ცოტა მოძველო ახალუხი ეცვა; შალის კაბალახი კისერზე ჰქონდა მოხვეული. მხარზე ბლის ქერქისაგან დაწნული ჩანთა ეკიდა. ხელში პატარა დანა ეჭირა და თხმელის ტოტის სათამაშოს აკეთებდა. პატარა ბიჭი ყოველ აქ მყოფთა სიტყვას ყურს უგდებდა და ცდილობდა კარგად დაეხსომებინა.

— ვითომ რაო, ის უთუთია სენაკში რომ წავიდა? ამით რა უნდა დაამტკიცოს? რით უნდა გაიმართლოს თავი? — თქვა მამასახლისმა.

უთუთიას სახელის გაგონებაზე პატარამ ყურები აცქვიტა და მამასახლისის შიგ თვალებში დაუწყო ყურება. ბავშვს თვალები გაუდიდდა, ტუჩები აუკანკალდა. ეტყობოდა, თქმა უნდოდა რილაცისა და თანაც ვერა ბედავდა. ბოლოს მაინც ვეღარ მოითმინა:

— ხო, ხო, ხო, შენი ჭირამე! გუშინ თხებს რომ ვერეკებოდი უთუთიას ეზოსთან, უკან ბახჩა რომაა, იქ ისეთი ლაფშები ძოვდნენ, რომ რა გინდა. იმისთანა ცხენები ჭერედ არ მინახავს. თავადიშვალეები მოუვიდნენ სტუმრად და იმათი, მითხრა უთუთიას მოჯამაგირემ.

— როგორ, როგორ, ჯიჯი? * — დაეკითხა ალერსიანად მამასახლისი და ბავშვისკენ მიიწია.

* ჯიჯი—ბიძი.

სხვებმაც ამის გაგონებაზე ყურები ცქციტეს და სმენად გადაიქცნენ. ბავშვმა არ იცოდა, რა დაემართა და ცოტა შეშინდა, მაგრამ მამასახლისმა უფრო ალერსიანად დაუწყო ლაპარაკი და დაამშვიდა.

— შენ, ჭიჭი, ვისი შვილი ხარ?

— მე კომოთია ვახარიასი ვარ, ბატონო.

— მერე, რა ნახე უთუთიას ეზოში? ცხენებია, რა იყო, რომ ამბობდი?

— ცხენები ვნახე, როცა თხები გავრეკე, იმის ეზოსკენ. მერე დედჩემმა რძე გაუგზავნა უთუთიას ცოლს და იქ მოჯამაგირემ მითხრა, ოდაში რომ სხედან, თავადიშვილები არიანო.

— შენ არ გინახავს ის თავადიშვილები?

— როგორ არა, ხელები მე დავაბანინე ვახშმის წინათ.

— ოო! შენ კაი ბიჭი ყოფილხარ. ვერ დაათვალიერე, როგორი კაცები იყვნენ შესახედავად?

— ერთი პო, პო, პო, რა მაღალი იყო! ეიყლილს მიუგავდა ცხვირ-პირი. მერე, როცა შეეხვდე, შემეშინდა, არ შემქამოს-მეთქი, ისე აბრიალებდა თვალებს.

— რა ერქვა, ვერ გაიგონე, იმ კაცს?

— ბატონო, ბატონო, სულ უძახდნენ და ნამდვილი სახელი კი არ ვიცი.

— ეს კარგი, სხვები როგორი იყვნენ?

— უი, ჭიჭა, თხები გამექცევიან, შინ გამიჯავრდებიან, — წაიბუტბუტა ყმაწვილმა და წასვლა დააპირა.

— ნუ გეშინია, — უთხრა მამასახლისმა. — შენ ის მიაშე და თხებთან კაცს გავგზავნი, არ დაიკარგებიან. ნოჩო! — დაუძახა მამასახლისმა სასამართლოს ყარაულს. — სად არიან შენი თხები?

— რობუსკენ * იქნებიან.

— წადი, ბიჭო, თხები მოძებნე და ცოტა ხანს იქ იყავი, არსად გაგექცნენ. ნუ გეშინია, — მიუბრუნდა ისევ ბიჭს, — არსად გაიქცევიან. გვიამბე, აბა იმ ბატონის გარდა, სხვები როგორი იყვნენ!

— სხვებიც კაი შესახედავები იყვნენ, მაგრამ იმ ბატონისთანა-არავინ არ იყო.

— სხვებს რას უძახდნენ, ვერ გაიგონე?

* რობუ-ხევი.

ბიჭმა ტუჩებზე ხელი მიიღო და ცოტა ხანს გაჩერდა. მერე ჩუმად ჩაილაპარაკა:

— ერთს კაუნაო და მეორეს რას იყო რომ ეძახდნენ. ო... უი! დამავიწყდა, ო... ჰო! კოსთა, კოსთა...

— რას ლაპარაკობდნენ, ყური ვერ მოკარი? — გაკვირვებით ჩაეკითხა მამასახლისი.

— უთუთია სულ იმათთან იჯდა და სულ ლაპარაკობდნენ. ქალბატონიც იქვე იჯდა. სუფრას უსხდნენ და ვახშობდნენ. ყოველ ჩემს შესვლაზე, როცა ხან წყალი შემქონდა, ხან ვახშამი, ის ბატონი სულ მათვალეირებდა.

— ვერაფერს მოკარი მაინც ყური?

— მე გარეთ გამაგდეს, გული მომივიდა, რატომ მაგდებენ-ნეთქი და იქვე გარეთ კარებთან მივიმალე. — შენ ფიქრი ნუ გაქვხო, რაღაც გაურია უთუთიამ. ხეისთავეები ჩემ ხელში არიანო. საითაც მინდა, იქითკენ გადაქცუნებო. მერე ბევრი იცინეს და სხვა ლაპარაკი კარგად ვერ გავიგონე. მგონია აფხაზურად დაიწყეს ლაპარაკი.

— კარგი, ჯიჯი, ახლა შინ წადი.

— სხვა რა გინდა, ჩემო ძმაო, — ნაღვლიანად მიუბრუნდა მამასახლისი იქ მყოფთ, რომელნიც გაქვავებულუბივით იდგნენ. ერთს ყალიონი პირში შერჩენოდა და გადავიწყებოდა, რომ ყალიონსა ვწევო. რილაცის თქმა დააპირა, ყალიონი გავარდა და ქვაზე დაიმსხვრა. — რად გინდა ყრილობა, განჩინება, საქმე საარკესავით ცხადია. სულ ერთი არ არის ჩვენთვის? ვის რას შესჩივლებ. აბრაგები ხეისთავის უფროსს ესტუმრნენ. უფროსმა შემწეობა მისცა. გლებს დაეცნენ და, როცა ქვეყანა ფეხზე დადგა, სოფლის თვალის ასახვევად, ვითომდა მღვერად ხეისთავეები გამოუყენა აბრაგებს. ვისი ეშინია? ნაჩალიკიდან მოყოლებული იასაულამდე ყველა იცნობს. გამიგზავნია, თუ გინდა, ლაპორტი, მხოლოდ ვამბობ და ჯინს ვიკლავ, თორემ რა გამოვა? არაფერი! ქალაღდს კუთხეში მიაგდებენ ჩვეულებრივ და მორჩა. როდის უნდა ეღირსობ ჩვენს ქვეყანას სამართალი. ჩვენც რომ მოსაკლავები ვართ! ყველაფერი გვხვდება, რაც რომ გვჭირს. მივიღეთ, დავეცნეთ, გადავწვით მისი სახლ-კარი და გათავდა? ზომ ვიცით, რომ ქურდია, ქვეყანას აწუხებს; მაგრამ დახეთ ჩვენს უჭკუობას, ხეისთავეების უფროსად ვნიშნავთ?! ისე გვეშინია მისი, რომ საკვირველია სწორედ. — მამასახლისმა მხრები შეიშმუშნა და ტუჩების შეკუმშვით თავი დააქნია. — დღეს აქ ვინც ენას ალავაშებდა და უთუთიას

კიცხავდა, ხვალ გზაზე რომ შეხვდეს, მიწამლი თაყვანს სცემს. მოდი ახლა და არიგე საქმე. ღმერთს გეფიცებით, სამი თვე ნაობანთში დავჯდები, თუ ამ თანამდებობას მომამორებენ. მეტი არა ვარ, ღმერთმანი, ისეთ ამბავს ვხედავ, ჩვენი დაუღვერობისა და ლაჩრობის გამო. თუ გინდ ნაჩალიკმაც მოინდომოს, თუ გინდ შეიტყოს, ვინც იყვნენ, მერე ბევრ რასმე გააკეთებს? ის ბატონო, რომ თქვა ბალანამ, უთუოდ ბუხუ იქნებოდა. ბუხუ და კაენა აბრაგები არიან, ერთად დადიან. გაგზავნე პრისთავი. ხვალ დაგიქერს, აუშენდება ოჯახი. ბათალიონი რომ გამოუღვევო, ფრჩხილით ვერ მიეკარები. ჰ! რა შეილი ხარ, რას უზამ.

— მადლობა ღმერთს, ჩვენი საქმე უკუღმა ყოფილა ყოველ მხრივ! — წაიღუღუნეს ნაღვლიანად გლეხებმა და დაიშალნენ.

სალამო მოახლოვდა. კიმოთია ვახარიას ოჯახში სალამოთი მილაგ-მოლაგება დაიწყო. მისი ცოლი ცირა ციბრუტივით ტრიალებდა. ქათმები საქათმეში თვლით შესხა. ქვაბი გარეცხა და ღომი ჩამოჰკიდა. ცეცხლი გააჩალა. ძროხა-ხარები აგვარაში* შერეკა. ამ დროს მისმა გოგომ კოკით წყალი მოიტანა. კიმოთია დაბრუნდა თავის უმცროსი ძმით. ცირას რაღაც უსიამოვნობა ეტყობოდა სახეზე.

— რაა, ქალო, რამ მოგაწყინა? — ჰკითხა ქმარმა.

— სად არის ის ბიჭი, თხები უნდა მოვწველო. რად დაიგვიანა, მიკვირს. რა ვიცი, ბალანას დაემართებოდა რამე? აბა, თოლი, ერთი გაიარე სადმე.

— დაუძახოთ, ალბათ ამხანაგებთან დარჩა, — წაილაპარაკა კიმოთიას ძმამ და ბიქს ძახილი დაუწყო. — ვო... ლევა უი!..

— უ, უი!

— ე, ეგერ მოდის, რა დაკარგავდა, მაჰაჯირობა ხომ არ არის.

ლევამ ღიმილით თხები მორეკა. ცირა ნიგით** დახვდა და ახლებს წველა დაუწყო.

— სად იყავი, ბიჭო, ამდენი ხანი? — ჰკითხა მამამ შეილბ.

— აღრე მოვიდოდი, მაგრამ სასამართლოში დავრჩი.

— ჰ, ჰ, ჰ, სასამართლოში; რა მოხელე კაცი იყავი?

— რა ვიცი, მამასახლისმა მკითხა.

— რაო!

— უთუთიას სახლში ვინ იყვენო, რა ერქვათ, რას ლაპარაკობდნენო.

* აგვარა — საქონლისათვის შემოკავებული ადგილია. ** ნიგი — რძის ჩასაწველი ზის მაღალი სათილი.

— მერე, შენ რა უთხარი?

— რაც ვნახე!

— უიტ! შე, გლახა, შენა ვინ გეხვეწებოდა, უთხარიო? შენ ვისი მოლაპარაკე იყავი? სულს ამოგართმევ ახლავე. ღმერთი არ გაგიწყრეს, ხელმეორედ რამე არ გაბედო, თორემ ვაი შენი ბრალი, როგორ კვახივით დაგახეთქებ მიწაზე. უბედურება არ არის ახლა, თუ ღმერთი გწამს, თუ საქმეზე გადავიდა, ხომ დავილუბეთ.

— გადასცენ, რაა მერე? — ანუგეშა ძმამ. — უთუთიას ნაჩალიკი ხელის გულზე ყავს.

— ჰო, არაფერი, ჩვენ უარს ვიტყვით, თავს გავიმართლებთ. ბაღანას ნათქვამს ვინ დაუჯერებს და ბუხუს თუ უნდა, გამოედევნონ თუნუქის ხმლიანი ყაზახებით. ბევრს რასმე არ დააკლებენ! ნაჩალიკს ბუხუ მამასახლისზე უკეთესად იცნობს. ის კი არა, შეილივით უყვარს.

— რა იქნება, კაცო, ჩვენ, ხეისთავეებს თავის დღეში ვერ გავამტყუნებენ. მე რა ვიცი, საით წავიდა აბრაგი. მთელი სოფელი ყვირის. მეც ახალი გაღვიძებული მივრბივარ. საით მოვახერხო აბრაგის დაქერა-მეთქი, ვიტყვი, როცა დროი იქნება და რა უნდა მიყონ.

— მაინც მე უთუთიას სახლში წავალ. იქაც მოვილაპარაკებ, როგორ მოვიქცეთ. თუ ვახშმობამდი არ მოვედი, ნუ დამიციდით. კიმოთია წავიდა. შინ ვახშამი დაამზადეს. ნავახშმევსაც საკმაოდ უცადეს, მაგრამ კიმოთია არ მოვიდა. ალბათ, რამე საქმეს შეხვდებოდაო, — იფიქრეს და ტკბილ ძილს მიეცნენ.

V

სოფელ ქ. მაზლობლად, საკმაოდ მაღლობ ადგილზე იდგა. ვეებერთელა ფიცრის სახლი, ყავრით დახურული. ამ სახლში სულ ცოტა ათამდე თვალი ოთახი იქნებოდა. სახლს საძირკველი ქვიტკირისა ჰქონდა და ამ ქვიტკირზე დაწყობილი იყო მუხის მსხვილი სარტყელები, რომელზედაც ამოეყვანათ კედლები. შუა ადგილას ამოშენებული იყო დიდი ბუხარი, თუმცა უშნო, უხერხული, მაგრამ იმ დროს ახლომახლო მცხოვრებთათვის დიდად სანატრელი. კედლებში აქა-იქ გამოქრილი იყო სხვადასხვა ზომის ფანჯრები, რადგან პატრონს ფიცრები დანანებოდა და ფანჯრებისათვის დიდი ადგილი არ გამოეჭრევიანებინა. სახლი არ იყო მაინცდა-

მანც მაღალი, მაგრამ ერთი რომ აშენებული იყო მაღლობზე, მეორე ახლომახლო მისი მსგავსი არ მოიძებნებოდა; შორიდან ხომ ისე ჩანდა, რომ კაცს თვალს მოსტაცებდა.

— ე, ბიჭო! ვისი სახლია, იქ რომ მოჩანს? — ეკითხებოდნენ ერთმანეთს რამდენიმე ვერსის სიშორეზე მიმავალ-მომავალნი, რადგან, რაც უნდა შორს ყოფილიყავ, მანც კარგად მოჩანდა, უთუოდ მგზავრის თვალს იტაცებდა.

— ეგ თავად აღმასხანის სასახლეა, ახალ პლანზე დაიდგა.

— კარგი საქონელი გაუკეთებია, შენმა მზემ! ამისთანა სახლი ჯერ არ მინახავს სწორედ, მშვენიერება რამე არის.

თავად აღმასხანის ეზოს ეჭირა ასამდე ქცევა მიწა. ოცამდე ქცევა ტყით იყო დაბურული, სადაც უზარმაზარი მუხები, ცაცხვებში და სხვადასხვა ხეები ბატონკაცურად გამოჰიმულიყო და არემარეს თავმომწონედ დაჰყურებდა. დანარჩენი ადგილი ეჭირა ეზოს, სადაც მოთავსებული იყო ვენახი, ბალი, მაღალი ბჟაბი (ყოინდარი) და სხვა. დიდი სასახლის ახლო იდგა მეორე, ძველებური სახლი, რომელიც სიდიდით პირველს არ ჩამოუვარდებოდა, მაგრამ ეს უფრო დაბალი იყო, უბუნრო. უქერიატაკო და უფრო მოკლე ფიცრებითაც იყო გაკეთებული. ეს სახლი რამდენსამე ნაწილად იყო გაყოფილი და შიგა თავსდებოდნენ მოსამსახურენი, მოჯამაგირენი, ცხენები და სხვა შინაური პირუტყვი. ამ სახლზე ცოტა მოშორებით იდგა სხვადასხვა ზომის სახლები: მარანი, ხულა, საქათმე, სალორე, საკამეჩე და სხვა. ეზო შემოზღუდული იყო მუხის მსხვილი მესრით, რომელზედაც, როგორც იტყვიან, ჩიტიც ვერ გადაფრინდებოდა.

ეს ის დრო იყო, როცა 1866 წელს უმაღლესი მანიფესტით მოცპო ბატონყმობა და გლეხები, როგორც სხვაგან, ოდიშშიც განთავისუფლდნენ. თავ. აღმასხანს, როგორც თავადს, ბევრი ყმა ჰყავდა. მის სასახლეში დარბოდნენ უანგარიშო გადიები, დოღმახორები*, მეჭინიბენი. ზოგს ვალად ედო ხელით სიმინდის ფქვეა. ზოგს მზარეულობა (გაგესქუა) და სხვა უანგარიშო წვრილმანი სამსახური. ერთი ნაწილი ყმებისა ბეგარას იხდიდა, მეორე პირადად ემსახურებოდა. ეს პირადი მომსახურენი დროგამოშვებით უსათუოდ სასახლეში უნდა ყოფილიყვნენ, თუნდა მამაც რომ მოჰკვდომოდათ. რიგის დროს შინ წასვლას ვერ შესძლებდნენ.

ბატონი და ქალბატონი კი განცხრომაში იყვნენ და იმას ჩიო-

* დოღმახორე—მოჯალაბე გლეხი.

დნენ, რომ ღამე როგორღაც ტკბილად არ გვეძინაო, რწყილები პრავლდებაო, თუმცა ყოველ დღე ასუფთავებინებდნენ საწოლს. ან იმის საუბარში იყვნენ, თუ რა შესანიშნავი კაცები იყვნენ მათ განსვენებულნი მამა-პაპანი და წინაპარნი.

ღრობა გამოიცივალა, ბატონყმობის გადავარდნა გამოაცხადეს. თ. ალმასხანს კაცის თავზე ოცდახუთხუთი მანეთი მისცეს და ყმები ყველა ჩამოაცალეს. არ ვიცი, ეს წითელი ქალღლები სჯობდა, თუ ის კაცებიო, ამბობდა გულში ალმასხანი, როცა ფულები დაუთვალეს. კაცის ფასი არ იქნებო, გამიგონია. არა, რისთვის არ იქნება. არ ყოფილიყო, არც კი მომცემდნენ კაცის ფასს. თურმე ოცდახუთი მანეთი ყოფილა კაცის ფასი. მაგრამ ამდენად ხონ გლები ღირს. რასაკვირველია, თავად-აზნაური მეტ ფასად ეღირება, იმათი ფასი თითქმის არ ითქმის. ის ოჯახდაქცეული თურქები მეტს კი იძლეოდნენ კაცის სულზე. სულგანათლებული პაპა ჩემი იტყოდა, როცა რამდენსამე ქალს დავიჭერდით და მიეუყვანდით, ჯერ მტკავლით დაზომავდნენო და თითო მტკაველზე ასას მანეთს მაძლევდნენო. ისე რომ მოეცათ, ახლა ხომ სულ ავშენდებოდი, მაგრამ ესეც უნდა ვთქვათ, იმათ მხოლოდ თავისუფლება მიიღეს, თორემ მიწა ისევე ჩემი აქვთ, ნახევრად ყმები მაინც არიან ჩემი.

კენინა მაკა, მეუღლე ალმასხანისა, ფულებმა კინალამ გადარია. თათნაირი საყიდელი დაუსახელა ქმარს. კარგი სახლის აშენება ურჩია. ალმასხანსაც მოეწონა მეუღლის რჩევა და არ გასულა ორი წელიწადი, რომ ასიგნაციების უმეტესი ნაწილი ყობოსა და ელოს ხელში გადავიდა. კიდევ გაიარა დრომ; ასიგნაციები თითო-თითოდ გაიპარა. „ეს რა უბედურებაა, — ფიქრობდა ალმასხანი, — ფულები სულ დამელია, გლებები გამედიდურდნენ. ის კაცი, რომელიც დღედაღამ ჩემ „საგაგესქოში“ იჯდა და შეშას ეზიდებოდა, დღეს გამარჯვების თქმასაც არ კადრულობს. ღვთის წყრომაა, აბა სხვა რა უბედურებაა! ეს გლების ქალებიც რომ გაამპარტავდნენ. ჩემთვის სიმინდის ღერღვას კი არა, თავისთვისაც მინდის წისკვილებში მიაქვთ საფქვავი“. ფულიც გაუთავდა, ყმებიც ჩამოეცალნენ თ. ალმასხანს და იძულებული შეიქნა ქირით დაეჭირა თავისი ძველი ნაყმეები. ფული კი ხელში შემოადნა, მაგრამ ერთი გულის დამამშვიდებელი კიდევ დარჩა ალმასხანს. ეს გახლდათ ჯინჯილები მხარზედა.

— რა უჭირს, შენი ქირიმე, — გაიძახოდნენ ახლომახლო წვრილი აზნაურშვილები, — ფული ბევრი აიღო, მშვენიერი ქარვასლა

ვაიკეთა, რა და რა ავეჩეულობა არ იყიდა, ტრაპორჩიკობაც იმას მიაკრეს, სხვა რაღა უნდა. კიდეც რას ნაღვლობს.

კარგა ხანია, რაც აღმასხანმა ქალბატონი მაკა შეერთო, მაგრამ ერთი ვაჟის მეტი არ გასჩენოდათ ჯერ. ვაჟი კი, სწორედ ზღაპარში რომ იტყვიან, ნახევარი ოქრო იყო და ნახევარი ვერცხლი. აღმასხანიც კარგი თვალტანადი კაცი იყო: მალაღ-მალაღი, მკერდმაგარი, პირმსუქანი, მოკლე წვერ-ულვაშიანი. იმის პირისახეს სულ წითლად გაჰქონდა ეინედილი. თვალები დიდრონი ჰქონდა გარშემო ლურჯი სალტაშემოვლებული, რის გამოც პირველ დანახვაზე კაცი ვერ იტყოდა, რომ მრისხანეაო. პატარა ბავშვი, ჩვეულებისამებრ, ერთმა შორეულ სოფლის გლეხმა აიყვანა გასაზრდელად.

— მოგვილოცავს, ძმაო უტა, — ულოცავდნენ მეზობლები, — შენ არ მომიკვდე ბედნიერი კაცი ყოფილხარ. კურთხეული ოჯახის შვილი ყოფილა შენი მეუღლე, სადაც რომ ამისთანა ბედი ერგო. რას ამბობს აღმასხანის შვილი? ნწ, ნწ, ნწ! მართალი გითხრა...

ბატონყმობის გადავარდნამ და ყმების ჩამოცლამ, აღმასხანი ცოტა უკან წასწია ხალხის ფიქრით, ზოლო ამის გამო უტას ბედნიერება მიიჩრდილა მცირეოდნად, თუმცა ეს შეცდომა ისევ ჩქარა სირმის აპელატებმა და ურიის ყანთარივით ხმაღზე ჩამოკიდებულმა ბუშთმა გაასწორა.

— უტას ახლა უფრო ერგება, — გაიძახოდნენ მეზობლები: — თუმცა ძველებური ბატონი აღარ არის, მაგრამ, სამაგიეროდ, თუ უნდა პირდაპირ ზელმწიფესთან მივა და თავის გამზრდელი ბთვის რას არ იზამს. ჩილენია, * შენი კირიმე, აღმასხანი, ტრაპორჩიკია, ბედნიერია, ვისაც ისეთი ვაჟიცა ყავს.

თუმცა ჩინ-აპელატები იმდენად მოსწონდა ხალხს, მაგრამ აღმასხანმა ოთხი-ხუთი წლის შემდეგ თავი მიანება რილასთვისაც და ძვირად თუ როდისმე გაიკეთებდა.

ძიძა-გამზრდელის ოჯახი და თითქმის ყველა ახლომახლო მეზობლები პატარა თავადს ძვირფას ჩიტივით ინახავდნენ და ეპყრობოდნენ. ხან ჰკოცნიდნენ და გულში იკრავდნენ, ხან მეტი სიყვარულით კბენდნენ კიდეც, რის გამოც ბავშვი საშინელ ღრიალს ასტეხდა ზოლმე. რაც დრო გადიოდა, პატარა თავადსაც თანდათან შეუყვარდა თავისი ძიძა-გამზრდელი და მათი ნათესავეები. პატარა თავადი ძიძას ნანას ეძახდა და გამზრდელს — ბაბას, მისთვის სხვა მეზობლები მაშინ არ არსებობდნენ. საკვირველია ეს ჩვეულება და

* ჩილენია — ჩინიანია.

საკვირველია ის სიყვარულიც, რომელიც ძიძა-გაზრდილს შუა არსებობს. საცა მზად იყო, თუ საჭიროება მოითხოვდა, თავისი თავი პატარა ბუხუს სანაცვლოდ გაეწირა. ბუხუც აფასებდა ძიძის სიყვარულს და იმგვარისავე გრძნობით იყო გამსჭვალული.

დიდი მოყვრობა გაიმართა უტასა და თ. აღმასხანს შუა. ყოველ შობას უტა ვეებერთელა ღვექელით და წყვილ ოქროსფერ ბიბილოვან ყვერულებით მოიკითხავდა ბატონ აღმასხანს და აღდგომას — ლამაზად შეღებილ წითელ კვერცხ-პასქით და ახალ სულგუნებით. სხვა დიდ ღღესასწაულებსაც არ გამოსტოვებდა ისე, რომ მცირე ძღვენი რამ მაინც არ მიეტანა აღმასხანისათვის სასახლეში.

აღმასხანიც ხელცარიელს არ ისტუმრებდა თავის ერთადერთი შვილის გამზრდელს. პირველ შემთხვევაში, როცა ჩვილი ბავშვად აიყვანა უტამ, ძიძას ერთი ლისტინის და ერთიც ჩითის კაბა შეუკერა და უტას თავისი ნაბადი აჩუქა. არ გასულა სამი თვე, რომ ერთი ხბოიანი ფური გაუგზავნა, რომელიც შვიდი წლის განმავლობაში თორმეტ სულად იქცა. აღმასხანმა გაიგო, რომ უტა უცხენობასა ჩივისო და ამისათვის ერთი თოხარიკი ჭაკი ცხენი უბოძა, რომელიც, საუბედუროდ, ნაქურდული გამოდგა. პატრონმა თავისი ცხენი ხობის იარმუკაში იცნო და საბრალო უტა კინაღამ სისხლის სამართალში არ ჩააბა. აღმასხანი ამ გაქირვებაშიაც განს არ გაუდგა. მაზრის უფროსს თვითონ მოელაპარაკა და საქმე მშვიდობიანად გაათავა, ცხენის პატრონს ცხენიც დაუბრუნდა და ქრთამიც მიეცა, ხოლო უტას აღმასხანმა მეორე კვირას უკეთესი ცხენი გაუგზავნა. უტა დადიოდა აღმასხანის სასახლეში და მიჰქონდა ძღვენი და მოსაკითხები, ხოლო აღმასხანი და მისი მეუღლე დროგამოშვებით წავიდოდნენ ბავშვის სანახავად და თან მიუტანდნენ ხოლმე საჩუქრებს როგორც პატარა თავადს, ისე უტას ოჯახობას. დიდიდან დაწყებული პატარამდე.

ასე ცხოვრობდნენ ამ ორი ოჯახის შვილნი და ერთი ერთმანეთის განუსაზღვრელი ნდობა-სიყვარული ჰქონდათ. თუმცა უტას აღმასხანი ძლიერ უყვარდა და იმის სასახლეში ხშირად დადიოდა, მაგრამ ყოველთვის ერიდებოდა იმისთანა საქმეებს, რასაც თავადის სასახლეში ადგნენ. და როცა კი თხოვდნენ, შენც ჩვენი თანამოზიარე იყავო, უტა მუდამ უარს აცხადებდა თავმდაბლობითა და მოწიწებით.

ბატონყმობის გადავარდნამ მალე გამოუღია სიჩხინტე თავად აღმასხანს. გლეხებში აღებული ფული ხელიდან მალე გამოეცალა. გლეხები უფასოდ ნაბიჯს არა დგამდნენ მისთვის. თვითონ,

როგორც უქმობას მიჩვეულმა, მუშაობა ვერ მოახერხა და ვერც თადარიგიანი სარიცხა გამოიჩინა, რომ მამული დაემუშაებინა და ესარგებლა. გრამატა დარიგებული გლეხები ფლიდობაში გაიჩაღნენ. ოდესმე მეხვიით საშიში ბატონის მოტყუება ახლა დიდ გმირობად აღარ მიაჩნდათ. შევიწროვდა თავადი აღმასხანი... დასკირდა ფული. „ეს რა სირცხვილია, — იფიქრა თავადმა, — როგორ თუ დაწვეა დამაჩნდეს. თვალი სად გავალო, რას მეტყვიან მეზობლები? არა, რამე წამალი უნდა მოვძებნო, რამე მადანი უნდა აღმოვაჩინო ფულის შოვნისა“. ამ აზრის თანამოზიარე ბევრი იშოვნა მოძმეთა შორის, რადგანაც უფულობის სენი ბევრს სკირდა. მთელი დასი იყო ასეთი თავად-აზნაურებისა. მაგრამ იყო მეორე დასიც. ამ მეორე დასმა, როცა დაინახა, რომ უქმობას ვადა გაუვიდაო, ყოველნაირ სირცხვილსა და დაძრახვა-დაცინვას ყური არ უგდო, თვითონ დაადგა თავის მამულის წესისამებრ შემუშავებას და უფრო გემრიელისა და მსუქანი ლუკმის ჭამა დაიწყო, ვიდრე მაშინ სკამდა, როცა უანგარიშო ყმები დაფუსფუსობდნენ მის ეზოში და მხოლოდ მზის ჩასვლა-ამოსვლას ყარაულობდნენ. პირველმა დასმა კი, რომელსაც აღმასხანიც ეკუთვნოდა, სულ სხვანაირად დაიწყო საქმე, აზრად გაიხადა ცხოვრება ისე, რომ არც მუშაობით შეეწუხებინა თავი და ფულიც მუდამ ჰქონოდა, თუ პატიოსნად ცხოვრება გინდა, ფულს, ბევრიც რომ იშრომო, გადამეტებით ვერ იშოვნი და, თუ უმუშაოდ და გაუსჯელად ფულის შოვნა დააპირე, სინიღისსა და პატიოსნებაზე ხელი უნდა აიღო. სხვა გზა არ იყო, ამნაირად უნდა მოქცეულიყო თ. აღმასხანიც, რომ თავისი აზრი შეესრულებინა. მართლაც, დაჯდა მთავრად, გაიჩინა შეგირდები, განსაკუთრებით მარჯვე გლეხნი და დაიწყო მარგამა, ცხენების ყიდვა-გაყიდვა. გაჩაღდა ქურლობა, თუმცა ცოტ-ცოტათი მუდამ იყო, მაგრამ ახლა კი წრეს გადავიდა. ყოველლამ სოფლებში იყო ერთი ვაი-უი, „დავიღუპეთ“, მაგრამ ყურს ვინ იბერტყავდა? ყურადღებაც რომ მიექცია ვისმე, ვინ რას გახდებოდა. დაიქვერდი ქურდ გლეხს, შეგირდს, გაასამართლებდი, თუგინდ დაჰკარგავდი, წიწილები მაინც დარჩებოდნენ და კრუხი მაინც ახლა იმას აღზრდიდა. საქმე კრუხის დაქერა იყო, მაგრამ სად იყო პატრონი? გაიარა ღრო და ხანმა და აღმასხანი ისე მიეჩვია თავის ხელობას, რომ თითქმის უსინიღისობად არც კი მიაჩნდა ნაქურდალი ცხენების ყიდვა-გაყიდვა.

VI

ქალბატონი მაკა იყო ასული აფხაზეთის ერთ-ერთი თავადისა. მისი მშობლები და ნათესავეები წარჩინებულ გვარისანი იყვნენ. თუმცა აღმასხანიც გვარიშვილობით დასაწუნი სასიძო არ იყო, მაგრამ მაინც უარი განუცხადეს, მაკას ვერ მივითხოვებთო. სხვა-ღონე არ იყო, უნდა ხერხი რამ მოეგონებინა. აღმასხანმა მოაგროვა მარჯვე და გამოცდილი ბიჭები, იღროვა და ქალი მოიტაცა. ჯერ დიდი შური ჩამოვარდა არა თუ თავადებს შორის, არამედ მათ ყმებს შორისაც კი. ორი დიდი გვარი ერთმანეთს აეშალა და გაჩნდა ორი ბანაკი ერთმანეთის გადამტერებულთა. აღმასხანის ნათესავს, თუგინდ თანამეგვარეს, ან ყმას დიდი სიფრთხილე მართებდა ინგურს გაღმა, აგრეთვე მოპირდაპირე ჩავარდებოდა საფთხეში, თუ გამოღმა გამოვიდოდა. ბევრი უდანაშაულო ადამიანი დაიჩეხა და კიდეც გამოეთხოვა წუთისოფელს ამ ორ მტერ-მოყვარის დავიდარაბის დროს. ბოლოს საქმე გარიგდა. თ. ხალიბი და აღმასხანი შუაქაცთა შემწეობით მორიგდნენ. გაიმართა დაუსრულებელი დიარა (ლხინი). ბევრი მსუქანი ხარის თავი გაგორდა მწვანე მდელოზე. გააკეთეს ვეებერთელა წკნელის სეფა, სადაც ათასამდე მოლხინე ძლივს ეტეოდა. გაუშვეს ოცამდე მარულე და რამდენსამე ასობით ცხენებს ერთმანეთს აჯიბრებდნენ, აბა რომელი რომელს გაასწრებსო. რამდენიმე მხედარი გახდა სიჩქარისა და საზოგადო ალიაქოთის მსხვერპლი. ჩვეულებრივ გაჯიბრებულ სმაში ბევრი დაიჭრა, მაგრამ ყოველივე უსიამოვნება არა რა იყო იმ სიხარულთან შედარებით, რომელსაც მიეცა შერიგების გამო ორი მტრად გადაკიდებული გვარი.

ქეიფი და ლხინი თითქმის ერთ კვირას არ შეწყვეტილა.

— არ მოკვდეთ, ბიჭებო, აბუუებმა არ გვაჯობონ, თორე რას გვეტყვიან, ენგურს რომ გასცილდებიან. მთელ აფხაზეთს მოსდებენ ჩვენი ლაჩრობის ამბავს. აგრეები * აბა როგორ გაგვიძლებდნენო, იტყვიან. მერე ხომ თავს ველარ გამოვეყოფთ კარში. — აქეზებდნენ მეგრელი მოხუცი და გამოცდილი თავადიშვილები: ახალგაზრდებს, რომელნიც ხმალზე ხელდაბჯენილები სუფრის ახლო იდგნენ და ბექებში ნელ-ნელა ირხეოდნენ, თითქო ლერწამთ გროვას ქარმა შემოუბერა და შეარხიაო.

* აგრე—აფხაზურად მეგრელს ნიშნავს.

— აჰა-ჰაიტ მარჯა, — თავისის მხრივ ამხნევებდნენ ერთმანეთს აფხაზნიცა. — უცხო არ იქნება, რომ აგრეებმა დაგვათრონ. ვალ-ლაჰა! ბილლაჰა! ისინი კაი ბიჭები არიან. მაგრამ არც ჩვენ ვართ მათზე უარესები.

ბევრი სიმღერა, სმა-თამაშობის შემდეგ მაყრები ერთმანეთს ცხენების მკერდთა შეჯახებითაც შეეჭიბრნენ, ერთმანეთი დალოცეს და თავთავიანთ გზას გაუდგნენ.

ამნაირად შერიგდნენ ორი მოწინააღმდეგე მტერ-მოყვარენი და ორი დასის მტრობა მოყვრობად გადაიქცა. დიდ მოყვრობასა და ლხინს დიდი ხარჯიც მოსდევდა და სახსარი კი არსად იყო. ბატონყმობის გადავარდნის შემდეგ ერთნაირად გაუჭირდათ ჩვენ თავადებს. ამ ჭირს წამალიც ერთნაირი მოუხერხეს. მეტადრე აღმასხანისათვის იყო საჭირო, ერთგული მეგობარი ჰყოლოდა ენგურს გაღმა. ოდიშსა და იმერეთში მობოჭილ ცხენების მოსარეკად და მოსაფანიერებლად აფხაზეთისთანა ქვეყანა მეორე არ მოიძებნებოდა. ამისათვის აღმასხანის საქონლის საწყობად ხალიბის არემარე შეიქნა. სამაგიეროდ, ხალიბიც თავის საქონელს შესანახავად ან გასასყიდად აღმასხანს უგზავნიდა. ამნაირად მიჰყვეს ხელი ორივემ ცხოვრებისათვის საჭირო ღონისძიების მოპოებას.

როგორც გავიხსენეთ, თავად აღმასხანის შვილი უტამ აიყვანა გასაზრდელად. დღეს დროებით ვალდებული გლეხი, ოდესმე ვინმე ჯუმური აზნაურის ყმა, უტა გაბეჩაა, იყო შვილი ერთი დიდი ძველებური ოჯახისა, რომლის მსგავსი, ჩვენდა სამარცხვინოდ, თანდათან ჩიბუხის ბოლივით ქრება: ახლა იშვიათად შეხვდება კაცი ასეთ ოჯახს, სადაც მისი წევრნი ჯარივით ცხოვრობენ. ამისთანა ოჯახი ჭირსაცა და ლხინსაც აღვილად უძღვებოდა. ზამთრის გრძელ ღამეებში რძალ-მულნი თითო საჩოხე შალს დაართავდნენ, ვაჟკაცი კიდევ ორაგვარ ხის იარაღს აკეთებდნენ. ასევე იყო ზაფხულის დიდ დღეებში, როცა კაცმა უნდა სარჩო იზრუნოს ზამთრისათვის. აი ასეთი ოჯახის შვილი იყო უტა. მისი მამა ბერუკა, თუმცა აზნაურის ყმა იყო, მაინც თავისი სიმართლითა და ჭკუიანობით საქმე ისე მიჰყავდა და ისე ლამაზად ცხოვრობდა, რომ დადიანსაც კი შურდა მისი თავი აზნაურისათვის. ბევრჯერ კიდევ მოინდომა ბატონმა ამ ცოცხალი საქონლის მისაკუთრება, მაგრამ სინიღისმა თუ კაცთმოყვარეობამ დაუშალა, თუ მსუქანმა უშობელმა და მსხვილდუმიანმა ცხვარმა, რომელიც მის უგანათლებულესობას მიუვიდა მისი კეთილშობილებისაგან, ისევ თავი დაანება და ბერუკა ბოლომდე აზნაურის ყმად დარჩა.

ბერუკას ჰყავდა ხუთი ვაჟიშვილი, ყველა ცოლშვილიანი და შვილი გათხოვილი ქალიშვილი. უტა ყველაზე უმცროსი იყო. ცოლი დიდი ხანი არ იყო, რაც შეირთო. ამხანად ერთი გოგოს მეტი ჯერ არა ჰყავს, რომელიც გამზრდელს მისცა და სამაგიეროდ აღმასხანის შვილი აიყვანა, უტას უფროს ძმას ქაქუჩას აგერ რამდენიმე გასათხოვარი ქალი და საცოლო ვაჟი ჰყავს. ბერუკას მეუღლე მარუკა, კარგა ხანია, რაც გამოეთხოვა წუთისოფელს. მისი სიკვდილის შემდეგ ბერუკა ხეირიანად ვერა ცხოვრობს, ხშირად ჩხუბი მოსდის რძალ-შვილებთან. მათი ნაკერი არ მოსწონს. საცვლებს დროზე არ მიმზადებენო, ჩივის. საქმელიც როგორღაც მარუკას გაკეთებულივით გემრიელი არ ეჩვენება. მიუხედავად ამისა, ყველანი იმას უჯერებენ, ბატონს ეძახიან. ხშირად რჩევას აძლევს შვილებს და როცა მისი რჩევით იქცევიან, ძვირად თუ წააგებენ ხოლმე ქუთას. სიბერემ ცოტა წელში მოხარა, თმა-წვერი გაუთეთრა და თანდათან აგრძნობინა, რომ შენი სიცოცხლის ზამთარი ახლოვდებაო, მაგრამ მაინც ყოჩაღად მუშაობს. დილით თითქმის ყველაზე ადრე დგება და შვილებს სამუშაოდ იწვევს. ახალი დროებისა მადლობელი არ არის მაინცადამაინც, თუმცა ბატონყმობის გადავარდნის გახსენებაზე ყაბალახს მოიხდის, პირჯვარს იწერს და ხელმწიფეს ლოცავს. ახლანდელი უღვინობა ყველაზე მეტად აწუხებს; ყოველ მდარე ღვინის დაღვევაზე „აჰა. პა, ია“-ს გაიძახის მწუხარებით. საყვარელი მეუღლის სიკვდილია თავი მიზეზი ბერუკას ბუზღუნისა და ცხოვრების უკმაყოფილებისა. მუდამ მის სამსახურს ჩვეულს, სხვისი სამსახური თვალში არ მოსდის, უიმისოდაც მოხუცებულობით გაწვრილებული გული უფრო უწვირდებდა.

ბერუკა პატარაობითვე სიმართლის მიმდევარი იყო. მუდამ ერთს და იმავე დართვებას აძლევდა თავის ჩამომავლობას: ღმერთი გიყვარდეთ, სხვისი ნურაფერი გინდათ და თავმდაბალი იყავით, შრომის მოყვარეო. კვირა-უქმე დღეებში ბერუკა გათენებისთანავე ცაცხვის ძირშია. პატარა თავადი ძლიერ უყვარს. როცა ახალგაზრდა ძიძას სხვა რამ საქმე აქვს, აკვანს თვითონ არწევს; პატარას ეთამაშება, უმღერის და ისიც პასუხად შესცინის, უღიმის, აჩენს მარგალიტით პატარა კბილებს. ხანდახან კი, როცა ძიძა, ჩვილის სიყვარულით გაგიჟებული, თავდავიწყებით ჰკოცნის ვარდისფერ პატარა ტუჩებსა და ლოყებზე, ბერუკა სიცილით ეუბნება:

— რას ევლები თავს, რასა, ამ უკუღმართის შვილს. არ იცი განა,

ვისი შვილია? სამი წლის შემდეგ, გზაზე რომ შეგხვდეს, თავს არ დაგიკრავს. უიტ, შე ქურდის შვილო, — ხუმრობით შეუტევს ბავშვს, რომელიც ხელების ცემით ძიძის კალთაში და „ამუ, ბაბუ“-ს ძახილით აგრეთვე ხუმრობაში ატარებს მოხუცის შეტევა-ჯავრობას.

— უცხო არ იქნება, იმ მამალმა მგლებმა ამასაც ასწავლონ! — ტყოლა ხანდახან ბერუკა და დაიწყებდა გაჯავრებით ფურთხებას.

ბავშვი წამოიზარდა. აგერ.ორი თვეც არის, რაც პატარა ბუხუმ ნელ-ნელა ფეხის ადგმაც დაიწყო. გახარებულმა სადამ ყველით სავსე რამდენიმე ხაჭაპური გამოუტეხა. ერთი მსუქანი ჩიხუ * და-აკვლევინა, ერთი გულა უკეთესი ღვინო და სხვადასხვა წვრილმანი ზედ დაუმატა, ხურჯინში ჩააწყო და ქმრის ხელით ბატონ აღმას-ხანის სასახლეში გაგზავნა ბუხუს ფეხადგმის სახარებლად.

უტა გამოეწყო, ხანჯალი დაიკიდა, დამბაჩა სარტყელს უკან ჩაირკო, მას წელზე ძველი, პაპისაგან დანატოვარი, ბუზმენტი ება, რომელსაც, როგორც საგვარეულო ძვირფას სამკაულს, თვალის ჩინივით ინახავდა. ყაბალახი, როგორც ადათია, ისე შემოიკრა თავზე, მათრახის ყურს გაუყარა სამი თითი და ცხენს მოაჯდა. ხურჯინის თან წაღება, ცოტა არ იყო, არ ესიამოვნებოდა ახალ-გაზრდობაში თავისუფლად ცხენზე ჯდომას მიჩვეულს.

— როგორ შეიძლება, — წაიბუტბუტა მან, როცა ცხენზე შეჯდა და ჩოხა-ახალუხის კალთების შემოსწორება დაიწყო. — წმინდად მეფართლე ურიას ვგავარ, მზის მადლმა, ან ეს ბალაგარი ღორის ფეხები რა უშნოდ აშვერილა ამ ხურჯინიდან. უფრო დიდი ხურჯინი არ იყო? ან კარგად ვერ მოუკრავდით თავს, რომ არ ამოჩენილიყო? ოხრობა ამისა, სად ვინ შემხვდება, რა ვიცი.

— ჰო, ვითომ რაო! — ხმამალლა უპასუხა ბერუკამ. — შენ არ მომიკვდე, გიორგი დადიანის შვილი ხარ! შეგრცხვება, ერთი მუჟა ხურჯინი ცხენით რომ მიგქონდეს. სირცხვილი ქურდობაა, თორემ მოყვარესთან მოსაკითხი მიგქონდეს, ვინ რას გეტყვის, ან ვინ გაგცინებს. თუ გაგცინა ვინმემ, ისიც შენისთანა სულელი ვინმე იქნება, თორემ პატიოსანი კაცი თავის დღეში არ იკადრებს. რალა ღროის შენი მეტიჩრობა! არ ხედავ. ცოლ-შვილი გყავს? ღმერთს ის თხოვე, არა თუ ცხენით, მხრით წასაღები საქმელი მოგცეს და შენც მაგრა მოუჭირე ტორი. ორი დღეა, რაც ქვეყანა განათლდა, თორემ უწინ ბატონს ცხენზე მჯდომი რომ ენახე, ტყავს გაგაძრობდა.

უტამ იცოდა ბერუკას ამბავი, რომ მისი ქადაგება საზოგადოდ

* ჩიხუ — ბურჯაგი.

დაუსრულებელი იყო და ამისათვის აღარ მოიცადა, ვიდრე მოხუცი თავის სიტყვას ანუ, უკეთ ვთქვით, ლანძღვას გაათავებდა, და გაუდგა გზასა. ბერუკას მოუცდა ხმამაღლა ლაპარაკი და სამაგიეროდ ქალებს მიუბრუნდა და იმათ დაუწყო დაბალი ხმით ლაპარაკი. ისინი ჭგუფად დამდგარიყვნენ სახლის წინ მწვანეზე და მიმავალს უტას უყურებდნენ.

— თქვენ ვითომ რაო? არ გინახავთ დღემდი ცხენიანი კაცი? ჰინკა ხომ არ არის, გამოსულხართ და შეჰყურებთ.

ქალები დაიშალნენ და თავთავის საქმეს შეუდგნენ. რასაკვირველია, დიდებმა საქმეს მიაშურეს და ბავშვები სათამაშოდ გაიქცნენ. სადას ეტყობოდა მალამოსავით ხვდებოდა გულზე მამამთილის სიტყვები, ისეთი ღიმილით გაეშურა სამზარეულოსაკენ და მარჯვედ დაიწყო კეთება სადილისა. ბერუკა სამუშაოდ წავიდა. ქალები სამზარეულოში ისხდნენ. ზოგი სადილს ამზადებდა, ზოგი სასაბნე ფერად-ფერადად შეღებილ აბრეშუმს ქსოვდა, ზოგი საჩოხე შალს ქსოვდა და ამნაირად ყველას თითო რამ საქმე ეჭირა ხელში.

— არც კი მახსოვს როგორ გავისტუმრე ის კაცი დღეს, მოკითხვაც არ შემითვლია ქალბატონისათვის, — წაილაპარაკა სადამ, ღომი ჩამოხსნა ჯაპვიდან, ჩართზე * დადგა და სუთით ზელა დაუწყო.

— საიდან გაგახსენდებოდა ბეჩა, ბაბა უბრალოზე გაჯავრდა. ვეც მქონდა რამდენიმე ლანდი ** აბრეშუმი გასაგზავნი ქალბატონთან, მაგრამ ავირიე დია! ახლა ძლიეს გამახსენდა, — მიუგო უფროსმა რძალმა ფეიქარმა.

— ბაბა სრულებით მტყუანი არ იყო, ბუხუ არ მომიკვდეს. იმან სულ ასე იცის, უბრალო ბოხჩა მისცე, მაინც ეჯავრება წაღება. იქ თუ წაღება ეზარება, სხვა ვის სახლში უნდა წაიღოს?

ბუხუ ამ დროს სამზარეულოს წინა კარის ახლო ხბოს კვანჩაზე *** იჯდა, წითელი ჩითის განიერ საყელოიანი პერანგით, ხელში პატარა ჯოხი ეჭირა, კვანჩაზე სცემდა და „ალი, ტატი, ალი, დი, დი“ ბურღულულობდა, ხან დაწევებოდა, ასადგომად წამოიწევდა და ისევ დაეცემოდა. სადამ ვერ მოითმინა ყრმის ტიქტიკი და ქცევა, რომელსაც ეტყობოდა, რომ იმასთან უნდოდა მიახლოვება. საჩქაროდ ღომი ჩამოჰკიდა, ზუთხის სიგრძე დაწნული თმები გადის-

* ჩართი—საეციალურად საღომე ქვაბის დასადგმელად ღვეჭკისაგან დაგზავნილი რგოლი. ** ლანდი—დახვევა, ამოღების დროს ერთ სამუხელზე დახვეული

*** კვანჩა—გამზმარი ტყვი.

წორა, ჩვილი ბამბასავით ჰაერში აიტაცა და გულში ჩაიკრა. ჩვილსაც ეს უნდოდა. გახარებულმა ბურღულუს და ღიმილს მოუხშირა, ფეხებსა და ტანს ტანტალი დაუწყო და პაწია ხელებით ძიძის ძუძუებსა სცემდა. ძიძა ჩვილს ძალზე ჰკოცნიდა, გულში იკრავდა, ლოყაზე კბენდა და თანაც დასძახოდა: შენ გენაც...ვა...ლო...ს შენი ძიძა უ...უ... — და ბურთივით ისროდა მაღლა და ისევ იპერდა.

— შენ, ქალო, მეტი სიყვარულით დრომდი შემოგაკვდება ბავშვი, — სიცილით ეუბნებოდნენ რძლები.

— მეც ის მინდა! მაინც ხომ უნდა სხვამ წაიყვანოს ჩემი ადენი ხნის ნაშრომ-ნადაგი. არავის არ მივეცემ ამის თავს. სწორედ ალა, ალა, ალ მივეცემ პაწია ბუხუს, ეს ჩემია, ჩემთან უნდა დარჩეს მუდამ. უი! მე სულელი, იქნება ისეთი დროებაც გნახო, არც კი შემომხედოს ამ გორდოყუა * ბალანამ, რომლის სიცოცხლეც ახლა ამ ჩემ ძუძუებშია.

ბუხუ მეტი თამაშობით მოიღალა და თვლელა დაიწყო. ხადამ აკვანში გაშალა ბავშვის ლოგინი, ბუხუ ჩააწვინა, მაგრა ჩააკრა და მღერა დაუწყო:

— ლოლოლოია... სისა ტურა, ბლოლოლოლო სისა ტურა, იხუტუნე, ჩქიმი ბუხუ, ბღუა, ბღუა!

ცოტა ხნის შემდეგ ბუხუს მიეძინა და სადა სხვა საქმეს შეუდგა.

უტას მისვლა აღმასხანის სახლში ძალიან იამათ. თავადმა რამდენჯერმე აკოცა კიდევ თავის ერთადერთი შვილის გამზრდელს. ქალბატონიც გაახარა უტას მისვლამ. სიხარულით თავის შვილზე უფრო ხშირად უტას შინაურების ამბავს კითხულობდა. უტას ადენი რამ ჰკითხეს ზედიზედ და ისეთი დაეინებით თხოვდნენ ყველაფრის პასუხს, რომ იძულებული შეიქნა მორიდება დაევიწყებინა და თავისი ნიჭი მეტყველებისა სავსებით გამოეჩინა. თავადის მოჯამაგირეებიც ალტაცებაში მოდიოდნენ უტას სტუმრობით და ღიმილით შესცქეროდნენ თვალეებში.

— ცოტად ფეხი მოიდგა, ა! ნეტავი მაჩვენა მისი ბანცალი, — მალ-მალ იმეორებდა ქალბატონი მაკა და სიამოვნების ნიშნად ხელს თმებზე მალ-მალ ისვამდა, ან თვალეებგაბრწყინებული მარჯვედ და სიხარულით უამბობდა სხვადასხვა ამბავს, თუმცა ბევრი მათ შორის უსაგნო იყო და უადგილოც.

* გორდოყუა—გომბიო.

ყველანი სახლის აივანზე ისხდნენ. აღმასხანი წითელი ქიშმიჩის ახალუხით, უქამროდ, შავი ყარამანდულის კოხტად შეკერილ მეგრული შარვლით და ჩაკეცილი წუღით სელზე იჯდა. ცალი ხელი იქვე პატარა მრგვალ მაგიდაზე დაედო, თითებს ათამაშებდა და თანაც დაბლა აბხაზურად გუშაგეს მღეროდა. იმის ახლო იჯდა მაკა, თავშიშველი, ქოშით და ალანურად შეკერილი თალხი ჩითის კაბით. მათი მოშორებით მორიდებით იჯდა სელზე უტა და კრძალვით ბატონს შეჰყურებდა.

უტა თანდათან მიეჩვია თავის დაქერას და რამდენსამე ხნის შემდეგ თვითონ დაუწყო კითხვა ბატონებს ხან რისა და ხან რისა. უწინ ბატონები კითხულობდნენ ამბებს და უტა უგებდა პასუხს, ახლა კი უტამ დაუწყო ბატონებს სხვადასხვა ამბის გამოკითხვა. ბოლოს იმდენად მიეჩვია, რომ აივანზე სიარულიც დაიწყო. ამასაც არ დასჯერდა. ბატონებს დროებით თავი დაანება, რადგან თ. აღმასხანი რაღაც ფიქრებში გაერთო, თავი ჩალუნა და ხელის თამაშობას მოუხშირა მაგიდაზე. ქალბატონსაც ეტყობოდა დაღლა, ბუქავდა თვალებს და მოაჯირის მრგვალ სვეტს ეკონებოდა. უტა წავიდა სამზარეულოსაკენ მოსამსახურებთან. ბატონები ფიქრში იყვნენ გართულნი და ხან დადიოდნენ კიდევაც. გაჩნდა აივანზე ერთი ლამაზად გამოწყობილი, შუატანის, ჩასქელებული, სახე გაეჩინედილებული, ახალ წვერ ამწვანებული ახალგაზრდა ყმაწვილი. ცალი ხელი ხანჯალზე ედო და ისე მისცა სალამი მასპინძლებს. მისმა მოსვლამ თავადი თითქო ღრმა ძილიდან გამოიყვანა.

— აა! კაენა, — მხიარულად მიაძახა ცოლ-ქმარმა. ფიცხლავ წამოხტნენ და ხელი გაუწოდეს. კაენამ ორივეს ხელი ჩამოართვა, ის სელი, რომელზედაც უტა იჯდა ბატონებისაკენ ახლო მიიწია და ჩამოჯდა.

ახლომოსულს ეტყობოდა ჩქარა ევლო, რადგანაც ძლივს ითქვამდა სულს და ოფლიც საკმაოდ ჩამოსდიოდა პირისახეზე. კაენამ ცხვირსახოცით ოფლი მოიწმინდა, უღვაშები გადაიგრიხა, წვერებზე ხელი გადაისვ-გადმოისვა და ელოდა, აბა რასა მკითხვენ მასპინძლებით.

თ. აღმასხანი კაენას მოსვლამ წელში გაასწორა; მან კაენას ყურადღებით თვალღერება დაუწყო.

— სად ყოფილხარ, ბიჭო? — ჰკითხა მან. — როგორ დაგმტკერვია წულები, ოფლიც მოგდის. სად იყავი, მართლა, ასეთ გასარჩელადგილში.

— ჰ! არსად! როსთოს სახლში ვიყავი.

— მერე იქიდან ფეხით მოდიხარ?

— დიად, გიკვირს?

— საკვირველი არ არის? ოთხი ვერსი ფეხით წამოსულხარ ამ ხიცხეში. ცხენები სად იყვნენ?

— ცხენები სხვას ვათხოვე. უცბად მომივიდა როსთოსგან კაცი, უსათუოდ მნახეო. რა უნდა მექნა, წავედი.

— რაო! რაზე მიგიხმო? — აქ აღმასხანმა ყურები აცქვიტა, ტუჩები გამოაწინაურა და შიგ თვალებში დაუწყო კაენას ყურება.

— რა არისო და, — დიმილით და თავის დახრით მიუგო კაენამ, — იმალამვე წადითო ქვეითკენ, მითხრა, თორემ საშიშია, თუ დაგვიგვიანდა. იქნება ამ მოკლე დროში ცხენები მთაში წაასხანო, მერე კი დამჩხებით ხელცარიელებიო. მე კი ვერ წამოვალო, საქმე მაქვსო.

— წავიდეთ, რა გვიშავს, მერე ბევრიაო ვითომ?

— სულ გამორჩეული ლაფშებიიაო, აგერ თორმეტამდე.

— თორმეტით! ვის ყოლია ნეტავი!

— ერთს კი არა ყოლია, მაგრამ ახლო-ახლო კი არიანო, ცოტა მოუხერხებელი ადგილი კი არისო, ჩიოდა როსთო. მეზობლები ერთი ერთმანეთზე ძლიერ ახლო სახლობენო, უმეტეს მხრივ მინდვრები და სოფლებიაო და ცხენებიც, რაც შეიძლება, მაგრა უჭირავთო.

— ე! ეს არაფერი, ფიქრი არ არის. შენ იმას ნუ კი ამბობ, ხაქმე ისაა, ყავდეთ მხოლოდ და სხვა რა გინდა.

— თუ მართლა კარგი გამოერია, მე მინდა, — სიცილით შენიშნა ქალბატონმა.

— ფეშქაში, ბატონო! — მიუგო კაენამ და ზეზე ადგა, — რომ გვიცნონ და ბანძლი * გაგვაბან!

— რისთვის, განა დაღს ვერ გამოვაცვლევინებ! აი დაუძახებ ხაბა მჭედელს და ისე გადაასხვაფერებს, რომ სულ არა ჰგავდეს.

— ეს კი, ბატონო, მაგრამ მარტო დალი ვერ გვიშველის.

— რას ლაპარაკობთ, კაცო, — ჩაერია აღმასხანი, — ჯერ მოვიყვანოთ და მერე ყველაფერს მოვასწრებთ.

— როცა როსთოს სახლიდან მოვდიოდი, გზაზე, დიდ შუკასთან, ერთი უშობელი შემხვდა. მართალი ვითხრა, ცხენი ცხენია, მაგრამ იხიც არ ვიცი, — ტანზე გადაწვეით წაიბუტბუტა კაენამ.

— კარგი იყო? — დაეკითხა ქალბატონი.

* ბანძლი — აყალმაყალი, დავიდარაბა.

— იმისთანა მსუქანი უშობელი ამ არემარეში არ მინახავს.

— ოჰ! რო მოიყვანდე ნეტავი, ვისი იყო ვითომ!

— ვისიც გინდა იყოს, იქაური ყაზახის იქნებოდა, არაფერია, *ს მოიძებნება, შენ ისა თქვი შერე, რომ დაგვიგვიანდეს.

— რალა დროის დაგვიანებაა, იმისთანა შორს სად მივდივართ, რომ გათენებამ მოგვისწროს? — მიუგო ალმასხანმა.

— მეხილება ოხერი ახალი ხო... მა, სუთ! რა ამბავია?..

— წივილია თუ? — სახეშეცვლით შენიშნა ქალბატონმა და ყური იქითკენ აცქვიტა, საიდანაც ხმაურობა მოისმოდა. სამივენი ლაპარაკი შესწყვიტეს და სმენად გადაიქცნენ. ხმაურობა უფრო გაძლიერდა. მოისმოდა არეული ხმამალლა ლაპარაკი, მანაკაცების კიყინი და ვაი-ვაგლახი. აღმოჩნდა, რომ ცოფიანი ძაღლი შემოვარდნილიყო სოფელში. ხმაურობა ალმასხანის ეზოს უფრო უახლოვდებოდა. ალმასხანმა საჩქაროდ თოფი გამოარბენინა და კაეშურა. იმას მიჰყვა კაენაც და ქალბატონმაც კი გოგოებს ძახილი დაუწყო. ოდის კარების ყურს არ იყო მოშორებული ალმასხანი, რომ ეზოში დიდი მუხის ახლო თოფი გავარდა. ორივემ სიარულს უმატეს. დიდი მუხის ახლო ჯგუფ-ჯგუფად იდგნენ ოცამდე ხოფლელები და მათ შორის ალმასხანის მოსამსახურეები. იმათ ცოტა მოშორებით უტას დამბაჩა ეჭირა და მჩვრით ჩახმახს უწყენდლა...

— რა ამბავია, რა იყო, ბიჭებო! — შესძახა ალმასხანმა ხალხის გროვას.

— ცოფიანი ძაღლი იყო, ბატონო, თქვენმა მორდუმ * მოკლა, — მიუგეს გლეხებმა.

— ჩემმა მორდუმმა მა, რა გგონიათ თქვენ ჩემი მორდუ?

— კინალამ შეჭამა ერთი პატარა გოგო მარკოზის წიფელასთან. იქიდან გამოვედევნეთ, მაგრამ ვერ მოვასწარით, აქ კი თქვენს მორდუმს დახვდა მარჯვედ; შიგ შუბლში მოახვედრა ტყვია და სულიც ფიცხლავ გაათრთხობინა.

ალმასხანი და კაენა მკვდარ ძაღლს მიუახლოვდნენ. მოჯამაგირეებმა ბატონი რომ დაინახეს, თითო-თითოდ გაიპარნენ და თავიანთ საქმეს დაადგნენ.

— უჰ, რჯულძაღლი, რა პარეხი ყოფილა, ან რამდენი სისხლი წამოსულა. საშიშია, არავის მიეცხოს, კარგს იზამთ, თუ ამ ხახხლიან მიწას წაათლავთ.

* მორდუ — გამზრდელი.

— ბატონი ბრძანდებით, — მიუგო ყველამ.

— ჰო, თქვენი ქირიმე, არ შეგაწუხებდით, მაგრამ ამდენი კაცო უსაქმოდ ღგებხართ მაინც, სამ-სამ წუთი მუშაობა არ შეგხვდებათ.

— ნიჩბები რომ არა გვაქვს, ბატონო!

— ნიჩბებს მე გათხოვებთ! ბიჭო, ან ბიჭი რად გვინდა; სოსრან, ბეჟუკია, თქვენ წადით, გეთაყვათ, და მოიტანეთ.

ამასობაში უტამ დამბაჩა ისევ ჩაირქო ქამარში და შინისკენ მამავალ ბატონებს გამოჰყვა.

— კარგი კი იყო, ბატონო, რომ მეც მივშველებოდი იმათ თხრაში, თორემ, ვინ ცცის, თუ დაიზარეს და სადმე სისხლიანი მიწა დაარჩინეს, შენი მტერი.

— არა უშავს რა, თვითონ მოთხრიან. შენ ის არ გეყოფა, რომ მოკალი? თხრაც შენ უნდა დაგამადლონ? — ღიმილით უპასუხებდა ალმასხანმა. — აბა, ბიჭებო, ძალიან დაუკვირდით, სადმე სისხლიანი მიწა არ დაარჩინოთ.

— იმ წყეულმა კინალამ თქვენი აფანი * ძროხას უკბინა. ღროზე კი მივასწარი. საგაგესქუოს კარებთან ვისხედით, როცა ყვირილი მოგვესმა. გამოვიხედე, მორბის. იმ შეჩვენებულს რამსიფართე ენა გადმოეშვირა, საპნის წყალივით მოდიოდა ქაფი პირიდან. მე რომ წინ შევეჩჩეხე, თითქო ფრთები შეისხა. პირი საშინლად გაალო, თვალები გააშტერა და ბედაურივთ კიშმიშზე დადგა, მაგრამ მოუსწრო ტუცერის ტყვიამ.

— ბედზე მოსულხარ, თორემ ის ძროხა იმ ძაღლის იქნებოდა, ამიტომ, როგორც შენი ბედი, შინ წაიყვანე.

უტამ მძიმედ თავი დაუკრა წყალობისათვის.

— რამდენი ცოფიანი ძაღლი მომიკლავს, ბატონო, — მხიარულად მისძახა უტამ, — ჩემთვის თითო ძროხა რომ მოეცათ, ცხუცხუტამდე ** აშენებული ვიქნებოდი.

— ეს სწორედ ივარგებს, — ჩუმად ჩასჩურჩულა ყურში კაჟნამ ალმასხანს, რომელიც ლაპარაკის დროს უტას განუწყვეტლივ თვალბში უყურებდა და ყოველ მის მიხვრა-მოხვრას აკვირდებოდა.

— ოჰ, კაი ბიჭია სწორედ!

— გამოდგები აი შენ! ჰო, როგორ აშენდები, თუ ჰკუა იხმარე.

— ჰკუა რომ მომცა, ბატონო, რა მიკირს. უბედურობა იხაა,

* როცა მხოლოდ პირისახე თეთრი აქვს ძროხას, მაშინ ეძახიან აფანის

** ე. ი. თავამდე.

ჰკუა რომ არა მაქვს, მაგრამ მე ხომ მართო არა ვარ, ბატონო, უკულო, ჰკუიანი ქვეყანაზე სამი ვერ მოიძებნება.

— ჩვენს საქმეს, შენ რომ ჰტიქრობ, იმდენი ბევრი არაფერი უნდა. ჰკუა ეს არის, ჩვენ დაგვყვევი, როგორც გიჩვენოთ, ისე მოიქეცი და საქმე უზურს იქნება.

უტას ვერ გაეგო კაენას სიტყვების მნიშვნელობა. გაკვირვებულს სახით შეჰყურებდა ხან კაენას და ხან ალმასხანს.

— რა! ვერ მიხვდი, რას გეუბნება კაენა? — ღიმილით გამოელაპარაკა ალმასხანი.

— ოფლში რომ იწურები, — განაგრძო კაენამ, — ხელისგული აბედს რომ მიგიგავს, მაგას ის არა სჯობს, მოსვენებულად იცხოვრო? კარგი სვა, კარგი ჰამო, კაი ცხენი გყავდეს, კაი უნაგირი გელგას და კაი კაცებთანა გქონდეს ამხანაგობა?!

— თქვენს პირს შაქარი, მაგრამ ამაებს მე ვინ მომაშავებს. თქვენ რომ გაქვთ, თქვენი ჰირიმე, ბატონის ჩამომავლობანი ხართ და მე კი, ჰ! მამაჩემი გუშინწინამდინ უკან ხეარჩინით * აზნაურის საგაგესქუოში, თვალეზი ბოლისაგან გამსქვეალული, ღომს ზელაუდა.

— შენ რას დაეძებ, ჩვენ გაგხდით ისე, — უთხრა გულდამშვიდებით კაენამ, — შენი სიმარჯვე მომწონს და სახეც ცქვიტი გაქვს, თორემ კაცების მეტი რა არის, ერთი რომ დაუიანო, ათასი შემოგვეხვეწება. აზლა ოცამდე ცხენს რომ გავიყვანთ გაღმა, თუ დარი დაგვიდგა, სწორედ მოვიგებთ, ანუ შეიძლება უკეთეს ცხენებზე გადაცვალოთ, მერე იმერეთში, ხომ იცი, რა ხეავიანად გავყიდით. ისინი ცხენის სილამაზეს დაეძებენ და მოყვანილობას, თორემ რად უნდათ, როგორი სირბილი იცის, ან შეჯახება. იმათ უნდათ მხოლოდ ცხენი ძიგძიგით წავიდეს, კურტანი დატვირთონ და აღი-დაღით წაილოს საქონელი.

ცხენების გახსენებისთანავე მიხვდა უტა რისთვისაც ელაპარაკებოდნენ ასე ტკბილად. ჰერ მისი მამის შვილისათვის ასეთი სიტყვა კაცს არ ეთქვა და, ცოტა არ იყოს, შეკრთა.

„როგორ თუ? — ამბობდა უტა გულში. — ჩემს ცალას ** უნდა ჰურდობა მასწავლოს! ეს ჩემი მამის სახლში ჰორადაც არავის გაუგონია. რა მიჰირს ისეთი, რომ სხვის მზამზარეული არ ვიტაცო? ღვთის იმედით, ჩემი ნაოფლარი საკმაო მაქვს, ცხენი მყავს, ძროხა, კამეჩი, სახლი გეარჩინი მიდგია, სიმინდი და ღომი ყოველ

* ხეარჩინი—ღომის ამოსარიგებელი ჩოგანი. ** ცალა—გაზრდილის მამა.

წელიწადს უღეველი აქვს, ოჯახობაში აყალმაყალი არაფერი მომდის. მაშ, რომელი გაქირვებისათვის ჩავიდგო თავი იმისთანა საცოდაობაში, რომელიც სხვისთვის მიზრახავს. მამიჩემის სახლს კადრეს ასეთი შეურაცხყოფა? რისთვის? რა ნახა იმ კაცმა ჩემში ისეთი, რომ ამისთანა საუცხოვოზე მიმიპატიუა?*

უტას გულმა ვერ მოუთმინა და უკანასკნელი სიტყვები კინალამ ხმამაღლა წარმოთქვა, მაგრამ ენას დროზე დააჭირა კბილები.

— თქვენი წყალობა ვინ უნდა დაიწუნოს, ბატონო, მაგრამ რა ვიცი, მე მარტოხელი კაცი არა ვარ, დედ-მამა მყავს, ცოლ-შვილი. დეთის იმედით, საესე ოჯახი მაქვს და ახლა, რა ვიცი, როგორ მომიხდება.

— ბებრებს რა ხელი აქვთ შენთან, იმათ თუ ყური უჯდე, ფიუ!! რას არ გეტყვიან. ცოლ-შვილი რა, უფრო ბედნიერი არ იქნება, როცა ყველაფერი მუქთად და ბლომად გექნება.

ამასობაში ისინი სახლს მიუახლოვდნენ. ქალბატონი მოცინარი სახით მოეგება და დიდი მადლობა გადაუხადა უტას ცოფიანი ძალის მოკვლისათვის.

— ხედავთ, მზეს სამი-ოთხი ორჯის * მეტი არც კი უკლია. რა კარგი იქნებოდა, რომ ახლა ის აქა გვყავდეს. საღამომდე გავაკეთებინებდი კიდევ და მერე, გზას რამდენიც ადრე გაუღებოდით, იმდენად უკეთესი იქნებოდა, — დამშვიდებით თქვა კაენამ, როცა აივანზე ავიდნენ და სელებზე ჩამოსხდნენ.

— კარგი კი იყო, მაგრამ, აბა როგორ იქნება, შუა დღეს მინდორში საქონელი დაიჭირო... ჰო! რისთვის არა, თუ ტყის ახლო ძოვს, შეიყვან ტყეში და მერე ტყედატყე აღვილია ეზომლი მოპარება. ძალიან სიფრთხილე კია საქირო, თორემ სირცხვილია, თუ ვინმემ გნახა, ჯერ ამისთანა უბრალო საქმეში ხელი არ გაგვისვრია, ვინმე გაღმელი თავადიშვილის, ან ზემომხარელის იყოს, კიდევ სხვა საქმეა, და აქ კი, ყურძირში, გლეხის საქონლის წართმევა რა ვაქაცობაა?! ბედაური რომ იყოს, კიდევ რასმე ვიფიქრებდი. ნეტავ სულაც დავანებებდეთ თავს, სირცხვილად არა ღირს.

კნეინას სახე ცოტათი შეეცვალა.

— როგორ თუ თავი დავანებო, — ცოტა არ იყოს, მონანხლებით შეუტია ქმარს. — აგერ ხუთი დღეა, რაც ქათმის და სულგუნის მეტი არა მიჭამია რა. თუ რჩენა არ შეგეძლო ჩემი, თავს რად მატეხდი. ამ მდგომარეობაში ვყავდი განა მამაჩემს?

* ორჯია—შხარი.

— ხმა გაკმინდ-მეთქი! ბევრი ლაპარაკი რა დიაცის საქმეა. აუშენდება ოჯახი მამაშენს, ყოველდღე უშობლებსა კლავს, აა! — დაიყვირა თავადმა. — სახელი ჰქონდა ბიძია, თორემ თორმეტი ბიჭვით დამაგრებულ ფაცხაში ცხოვრობდა. როგორ ჯობია, მე უკეთ არ ვიცი?

კნენინას სახე უფრო შეეცვალა. ჯერ გაუწითლდა, მერე გაუთეთრდა, ტუჩი ტუჩს მიაწყო, ცალი თვალის დახუჭვას ლამობდა და თითქმის სატირლად იყო მომზადებული. აქ უცბად თავი შეიმაგრა, უცბად წამოვარდა და თავის ოთახისაკენ გაექანა. აღმასხანიც გაჯავრდა და გაბუტული დაეშვა სელზე. კაენამ არ იცოდა რა ექნა. ხან წითლდებოდა, რადგან მიზეზი ამ აყალმაყალისა თვითონ იყო, ხან ყვითლდებოდა... ვაითუ აღმასხანმა ამ ამბავს გული გადააყოლოს, ამელამ არ წამოვიდეს და გემრიელი ლუქმა დავკარგოთო. უტამ იდროვა, სამზარეულოში წავიდა, იქ მზარეულმა დედაკაცმა ლამაზად ასადილა, გულა-ხურჯინი გაუძალიერა. ჰამის გათავებისთანავე უტამ ცხენი მოიყვანა და საჩქაროდ მზადება დაიწყო. „ღმერთო, ამ ჰირს გადამარჩინე საჩქაროდ! — ამბობდა გულში. — ამალამ აქ რომ დავრჩე, შეიძლება შემაცდინონ და რამე უბედურებაში ხელი გამარევიონ. აპა-პა, ღმერთმა დამიფაროს!“ — გადაწყვიტა გულში და ხელში მათრახით აღმასხანის წინ წარსდგა გამოსამშვიდობებლად.

— რა არი, მორდუ! ამალამ მიდიხარ? რა გეჩქარება, შე კაცო.

— ისეთი საქმე მაქვს, ბატონო, უნდა წავიდე.

— რა საქმე გაქვს ისეთი?

— მაქვს ისე, — თავჩალუნვით უბასუხა უტამ.

— ნება შენია, მაგრამ მე მერჩივნა ამალამ აქ დარჩენილიყავი, მგონი სადილიც არ გიჰამია. სად არიან ისინი? — აღმასხანმა მიიხედა სამზარეულოსაკენ.

— გიახელით თქვენი წყალობა ბევრი.

— მაშ, ძროხა თან წაიყვანე. ბუხუს ჩემ მაგიერ უანგარიშო აკოცე. ერთი კვირის განმავლობაში ლამაზ ახალუხს და მესტებს გამოუგზავნი... შენ იცი და შენმა...

ამ დროს გოგო მოვიდა ქალბატონისაგან, რომელიც უტას თავისთან იხმობდა. უტა საჩქაროდ წავიდა. კნენინა თავის ოთახში ფეხმოკეცით იჯდა ძვირფას ხალდაგებულ ტახტზე, საკმაოდ სახე-შემკრთალი. ხელში ეჭირა ცხვირსახოცის ბოხჩა და ეტყობოდა ვიღაცას ელოდა. უტას შესვლისთანავე ეს ბოხჩა მიაწოდა და ცეცხლივით აენთო პირისახე. ბოხჩაში ბავშვისთვის ტკბილე-

ულობა იყო გამოხვეული. ქალბატონმა შეუთვალა მოკითხვა ძიძას და ყველას სათითაოდ მის სახლობაში. ერთი თავისი მდარე კაბათაგანი გაუგზავნა ძიძას და გაისტუმრა მორღუ. უტაც გრძნობდა ქალბატონის სულიერ მდგომარეობას და ამისათვის ცდილობდა როგორმე ჩქარა გასცლოდა ამ ადგილს. ცოტა ხნის შემდეგ მძიმედ თავი დაუკრა ქალბატონს და გავიდა ოთახიდან. იქ ერთხელ კიდევ გამოემშვიდობა ალმასხანსა და კაენას და გაუდგა გზას. კაენამ თვალეზი დააბრიალა და უტას ნაღვლიანად დაუწყო ყურება. რამდენიმე წუთი კიდევ და უტა მოშორდა თავადის ეზოს.

VII

თავად ალმასხანისა და მისი მეუღლის გაგულისებამ რამდენსამე ხანს გასტანა. ბოლოს კაენამ მზეს შეხედა და აჩქარებით უთხრა ალმასხანს:

— ბატონო, შეხედეთ მზეს, ცოტა ღროლა დაგვეჩენია, საქმეს დავადგეთ, თუ გიყვარდეს. რაა! უბრალო საქმეზე როგორ შეგმვენის ჯავრობა. ჯერ ცოტა მობნელდეს და ქვიშის თოკად რომ გახდეს, მაინც აქ მოგვევრით ნახევარ საათის განმავლობაში.

ალმასხანმა ერთი ლაზათიანად გაიზმორა, თვალეზზე ხელი მოისვა და თანხმობის ნიშნად კაენას თავი დაუქნია.

— აბა, მე ახლა წავალ და შენ, იცოდე, მზად დამიხვდი.

ამ სიტყვების თქმის უმალ კაენა სამზარეულოსაკენ გაიქცა. ბიქს უბრძანა ცხენი შეეკაზმა საჩქაროდ, ზედ მოაჯდა და ბტუნვა-ბტუნვით ეზო გაითამაშა. თავადმა მარტო ყოფნა ვერ მოითმინა აივანზე, გაიხედა აქეთ-იქით და მერე ქალბატონის ოთახისაკენ წავიდა ნელი ნაბიჯით. ქალბატონი თავჩალუნული ტახტზე იჯდა და აბრეშუმის ქისას ქსოვდა ყაისნადით.

— ქისას მიქსოვ? ემაგრე, შენი ჭირიმე, სხვამ ვინ უნდა მომიქსოვოს, თუ არ შენ, — მივალერსა ალმასხანი.

— იქით, იქით, კიდევ მელაპარაკები, — თან გაჯავრებითა და თან სიცილით მიუგო კნენიანამ.

— რაა, გენაცვალე, ცოტა რამეზე არ უნდა გაჯავრდეს. ტყუილად არ არის ნათქვამი: ქალს მოკლე ქკუა აქვსო, ბაბუაჩემი იტყოდა ხოლმე, ცხონებული. აბა, შენ თითონ იფიქრე, შუა დღეს მეზობლის საქონელი შემოგვეყვანა და დაგვეკლა და ვისმე ვენახეთ, ზომ სირცხვილით თვალს ქვეყანაზე ვერ გავახელდით?

ქალბატონი ცოტად დაფიქრდა. საქსოვი ტახტზე დააგდო და აღმასხანს დაუწყო ყურება შიგ თვალეზში.

— მე ის როდი მითქვამს, უსათუოდ ახლავე მოიყვანეთ-მეთქი, — გულუბრყვილობით მიუგო კნენინამ.

— არ გითქვამს, მაგრამ ღამე უფრო შეგხედება კაცი, ვინემ დღისით, ახლაც უარი მინდოდა მეთქვა კაენასათვის, მაგრამ კიდევ თავი დავანებე, რომ რამე აყალმაყალი ისევ არ ამეტეხა, რადგან ამალამ გვარიანი კაი საშოვარზე ვაპირებდით წასვლას.

ქალბატონს თან სუკები ენატრებოდა, მაგრამ თან ქმრის შენიშვნა, რომ გვნახონ, სირცხვილიაო, ძლიერ აშფოთებდა. „ნეტავ არ წასულიყო“ — იფიქრა, მარცხენა წარბი მოიფხანა, თავიც საექვორდ დაიქნია და ისევ ქისა აიღო ხელში.

— ახლა ხომ შევრიგდით. თუ კაცი ვარ, უკეთესი ცხენი, ახლა რომ მოვიყვანო, შენთვის მინდა. ახალი ადათის უნაგირიც შემოულიათ ქალისათვის, სედლოს * ეძახიან, იმასაც გიყიდი, თუ თავადიშვილი ვარ.

— ჰო, კარგი! — ღიმილით უთხრა ქალბატონმა და ზეზე ადგომას აპირებდა. ამ დროს გოგო შემოვიდა და მოახსენა: ვილაც სასთაული გამოწყობილი კაცი მოვიდაო, ცალი ხელი სულ არა აქვსო და რალაცას ქართულად გვეუბნებაო. აღმასხანმა ბრძანა შემოეყვანათ. რამდენსამე წამის შემდეგ აღმასხანის წინ იდგამათხოვარი: წვერდაუვარცხნელი, გულგადაღელილი, უხელო, ადამის დროინდებურად შეკერილი ქალამნებით. თავადმა მათხოვარს მისვლისთანავე თეთრი აბაჯიანი მისცა.

— უი საწყალი! — ნაღვლიანად წარმოთქვა ქალბატონმა და მოსამსახურეს უბრძანა თავადის ძველი ტანისამოსი მოეძებნა მათხოვარისათვის.

— სად დაკარგე, ბეჩავ, ეს ხელი? — შებრალებით შეეკითხა აღმასხანი.

— ომიანობაში, შენი ჭირიმე. ახლა მუშაობა არ შემიძლია, მამისაგან არაფერი დამრჩენია და დავდივარ ღვთის ანაბარაზე, სანამ ძალღურად სადმე არ მოვკვდები.

— შე კაცო, მერე ომში თუ დაგჭრეს, პოლკონიკს ვერა თხოვე, რომ პენსია დაენიშნათ, ან სადაურ ომში დაგემართა ეს?

— ეს, ბატონო, ლეკებთან რომ ომობდა ხელმწიფე, მაშინ დაემართა. ჩემი თხოვნა რად უნდოდა, თვითონ არ მხედავდა, რაც

* სედლოს ქალის უნაგირს ეძახდნენ.

დამემართა, მაგრამ ხომ იცი, ვისაც აქვს იმას მიემატოსო, ნათქვამია. იმდენი იცოცხლე შენ და შენმა ოჯახმა, რამდენიც კარავში არხეინად იწვა და იქ იშოვა ჩინი და რამდენი ჩემსავით დაჭრილ-დამახინჯებული დაეთრევა ულუკმაპუროდ.

ცოლსაც და ქმარსაც ეწყინათ მათხოვარას გაკირვების გაგონება და თანაგრძნობით შეჰყურებდნენ უბედურს, რომელიც ზრალდებულივით მათ წინ იდგა და თითქო კანონიერად გასამართლებას თხოულობდა.

მათხოვარმა საჩუქარი მიიღო და გზას გაუდგა. ბატონები ისევ აივანზე გამოვიდნენ. მზე ჩასულიყო და დედამიწას მობნელო ჩრდილი გადაფენოდა. ზღვის ქარი სიამოვნებით დასისინებდა ტყე-ველს და სიცხისაგან შეწუხებულთ გულს უგრილებდა.

— უჰ! უჰ! რა კარგია ეს ზღვაური საღამ-საღამოობით! ეს რომ არ ქროდეს, კაცი ცოცხალი მოიხარშებოდა. — შენიშნა ბატონმა და პირი და მკერდი ქარს მიუშვირა.

— საწყალი ის მათხოვარი, ვინ იცის, სად მოკვდება. ვინ უნდა იტიროს, ღვთის გულისათვის უნდა გაუთხარონ სადმე საფლავი. აჰა, ჰაი! რამდენი გაკირვებული დადის ქვეყანაზე! — შებრალებითა და გულმტკივნეულობით ჩაილაპარაკა კნენა მაკამ.

— აბა, საწყალი! პირის სახეზე ეტყობოდა, ოდესმე კაი ვაჟკაცი ყოფილა, მაგრამ ახლა გრომად აღარა ღირს. მაინც ამ ზოგიერთებმა სასწაული იციან, თუ დამახინჯდა, მაშინათვე სოფელ-სოფელ დაიწყებენ სიარულს.

— უჰ! ის კი არა, ნეტავ კაენა მალე მოვიდოდეს.

— მოვა რა, მზამზარეულის მოსატანად კი არ წასულა, ვინ იცის, ეგებ ხელცარიელიც დაგვიბრუნდეს.

ამნაირად, ადამიანის ბუნების რალაც გაუკუღმართების გამო, ამ უცნაურ ცოლ-ქმარს ხორცილ დამახინჯებული კი ებრალებოდათ და თავისი სულის სიმახინჯეს კი ვერ ხედავდნენ, თავის უკუღმართობას ვერ გრძნობდნენ. გლახა საპყარი შეეცოდათ და იმათი საცოდობა კი არა ჰქონდათ, ვისაც ან ძალით ართმევდნენ, ან ჩუმად პარავდნენ თავის ნაოფლსა და ნაამაგარს...

დაბნელდა და კაენაც გაჩნდა სამი წლის უშობელით. სასახლეში ჩურჩული დაიწყეს; მოსამსახურეებმა ჩვეულებისამებრ ყურება დაიწყეს ეზოს აქეთ-იქით, რომ ვისმე არ მოესწრო. ყოველი ფრინველის გადაფრენა შტოდან შტოზე, ან სიოს შემობერვა საქონლის პატრონად მიაჩნდათ და ტანში აზრიალებდათ. სამზარეუ-

ლოში უშველებელი ცეცხლი გაჩაღდა და ნახევარი საათის შემდეგ პირუტყვის ხორცი ზედ შიშინებდა.

— ხომ არავის უნახავხარ, ძალიან ჩქარა კი მოდი, — ჰკითხა ალმასხანმა კაენას ისე, თითქო აქ არაფერი ამბავიაო, როცა ხორცი საჩქაროდ მოსახარშავად ჩააწყვეს. მაშინვე მოსამსახურეები დაარიგეს და ოდაში შევიდნენ. ქალბატონი დარბაზში იჯდა და კვლავ ქისას დაუწყო ქსოვა. ლამაზად გაკეთებულ კაკლის ხის მაგიდაზე ვერცხლის შანდალი იდგა კართოფილის სანთელით და დარბაზს საკმაოდ ანათებდა. კედელზე ეკიდა მდიდრულად შევერცხლილ-შეჭედილი სხვადასხვა იარაღი: დამბაჩები ოქროს და სპილოს ძვლის დუმა-კონდახიანი, ოქრო-ვერცხლში დაფერილი ყირიმ-სტამბოლის თოფები, ძვირფასი ხმლები, ძვირფასი თუ პირით, თუ ქარქაშის შემკულობით. იქვე ეკიდა სხვადასხვა ტანისამოსი მამაკაცისა. ფართო ტახტები გადაფენილი იყო ძვირფასი ხალიჩებით. მაგიდის გარშემო ჩამორიგებული იყო სელები. ერთი ტახტის თავზე იდგა ვეებერთელა ყუთი, რომელსაც ედო რამდენიმე ბოქლომი. ეს გარემოება ცხადად ამტკიცებდა, რომ შიგ ძვირფასი განძეულობა და ოქრო-ვერცხლი უნდა ყოფილიყო.

ალმასხანის კითხვაზე კაენამ სალოკი თითი დაისველა, უღვაშები გადაიგრისა და თავმომწონედ უპასუხა:

— რაო მერე, რომ ვენახეთ, ვინ რას გაიტანდა. საკვირველია, კაცო! ისეთ ადგილას ჯერ არ წავსულვარ, რომ ვინმე არ შემხვედროდეს. შენ როგორც თქვი ისე, ტყის პირად ვნახე. გავქუსლე ცხენი, გამოვეკიდე დასაქერად. ღმერთი ნუ გაგიწყრეს, არ გაჩერდა ახლოს. იმდენი ვიტრიალე, რომ გზა არ ჰქონდა არ გაჩერებულისო, რადგან სამ მხრივ ბარდი ეხვია და მეოთხე მხრივ მე ვიდექ ხმალაპოლებული, აბა სად გამექცეოდა? საქმე იქამდი მივიყვანე, რომ მხოლოდ ხელის გაწვდენა იყო საჭირო, მაგრამ ამ დროს ცოტა მოშორებით „ეი!“ — მომესმა. — ეი! — მიუგე მეც. ვინა ხარ მანდ, ძროხას რომ დასდევო? — შენ ვინა ხარ-მეთქი? — მე ესა და ესა ვარო. არ მიცნოს დაღუპულმა-მეთქი და რაც შეიძლებოდა ხმა გამოვიცვალე. — შენ ვინა ხარო? — მკითხა. — თენგიზ დგებუაძე ვარ, ჯანსუბ ანჩაბაძის სასახლეში მივდივარ-მეთქი. — რა უზრდელი საქონელი გყოლიათ ამ სოფელში. ეს ძროხა გზაზე შემხვდა და ისეთი ჩამბლავლა, კინალამ გული შემიღონდა. რა ვიცი, თუ ღმერთი გრწამს. მკითხავს ათასჯერ უთქვამს, საყოლის ჩამლავლა გვენებსო და იმიტომ ბანლის მოსაგლეჯად გამოვედევნე. შინაყმებიც წინ გამცილდნენ-მეთქი, თამამად მიუგე. არ ვიცი, რაბ

შეაშინა ჩემი დამხვდური და იმ წამსვე კი სადღაც დაიკარგა. ცოტა ხანი უყურე, არაფერი ამბავი მომესმა. მივიწიე საქონლისაკენ, რომელიც დაღლილობისაგან ძლივს სუნთქავდა. ერთი თვალის დახამხამებაში თოკი რქაზე გადავაგდე და, ეს არის, აქ მოვედი.

— ხა, ხა, ხა! რა სასთაულად მოგიხერხებია, ღმერთმანი, ჩემი ბატონი რომ ყოფილიყო, ვერ მოახერხებდა ასე. ძალიან ჩქარა გაიჩარხე შენ, კაენა! ძალიან მიკვირს სწორედ, — შენიშნა ქალბატონმა.

— ის წყეული უტა რომ დარჩენილიყო, საქმეს სულ სხვანაირად მოვახერხებდი. ერთი მხრივ ის დახვდებოდა, მეორე მხრივ მე და ერთ წუთს დავიკერდით.

— რაა! უტა მორღუ? არც კი მახსოვს, როგორ წავიდა დღეს, — გაწითლებით თქვა ქალბატონმა.

— რა და ისაა, რომ ბევრი ვეხვეწეთ, მაგრამ არ დაგვეთანხმა. მარჯვე ბიკია, მასეთი ყოველთვის საკიროა.

— შეაჩვენა ღმერთმა; ღმერთო შეგცოდე, გამზრდელია, ამაღამაც დიდი საფერი იყო ჩვენთვის.

— მერე მე რატომ არ მითხარით, როგორ შეეძლო ძალისშვილს უარი ეთქვა! გაგიგონია? ურიას ქრისტიანობას აძლევდნენ და ნეკით უარს ამბობდაო. — კნენა მაკამ ეს სიტყვები კი თქვა, მაგრამ ეტყობოდა დიდ სინანულში იყო, ეს რა წამოვროშეო.

— მიკვირს, ვინ გაგირიგათ ისა. კაცი ვერ მოსძებნეთ? თქვენ შვილს ვინ არ აიყვანდა. ვის გაუგონია კუბაკს * თავადმა შვილი მისცეს გასაზრდელად.

— რა ექნათ! — მიუგო ქალბატონმა. — კარგი ოჯახიო, გვიქვს.

— კარგი ოჯახიო? ნახავ, თუ შინ ყველაფერი არა თქვას, რაც ჩვენ უთხარით. მერე იმის მამას უყურე სასამართლოში, ყალიონს რომ ააბოლებს და ქვეყანას მოსდებს: აღმასხანს ქურდობა უნდოდა დაესწავლებინა ჩემი შვილისათვის, მაგრამ ბელზე გადარჩაო.

— ვაი უბედურს, რას უზამ მერე! მეორე დღესვე წავართმევ ბოვშს, — თვალის ბრიალით შეყვირა აღმასხანმა.

— აჰ, ეგ თავის დღეში არა თქვა, გენაცვალე! ძუძუებზე ფეხების დადგმა როგორ შეიძლება, რას გვეტყვის ან ღმერთი, ან კაცი?

— აი, ვნახოთ, ბატონო, — სიცილით ჩაილაპარაკა კაენამ და მუთაქაზე წამოწვა. ხორცის მოხარშვისთანავე ივაზშემს, თუმცა

* ყველაზე დაბალი წოდების გლეხს, მოჯალაბეს ასე ეძახდნენ.

არავის არ ეგემა ვახშამი. მალე ცხენები მოამზადეს, ბაწრები, ტყვია, წაპალი, ტალკევის გაიხვიეს, იარაღით აღიჭურვნენ და გასწიეს საშოვარზე.

VIII

ორი საათის ჩქარი მოგზაურობის შემდეგ ისინი მიუახლოვდნენ იმ ეზოს, სადაც ცხენები ეგულებოდათ. ჯერ კიდევ გზაზე გაუარეს ერთ მარჯვე და ამისთანა საქმეში დახელოვნებულ გლეხს, რომელიც, — გაუხსენეს თუ არა, ასე და ასე გვწადიანო, — მაშინვე გამოეწყო და იმათ შეუერთდა. სოფელ უ-ს საზღვარზე სამხრეთით შესანიშნავი მუხისა და წაბლის ტყეა. ამ ტყის ბოლოში, ერთ პაწაწინა გორაკზე, რომელზედაც სწორი ადგილი ორმოცამდე დღიური იქნება, მჭიდროდ ესახლა რამდენიმე მეკომური. მჭიდროდ იმიტონ დაესახლნენ, რომ მათი წინაპარი, პაპის მამა, განსვენებული კუჭუთა სოლემორთია ამ ბორცვზე დასახლა მთავარმა. კუჭუთას დიდი ოჯახი ჰყავდა. არა თუ შვილიშვილები, ძმისწულები და ბიძაშვილებიც იმასთან ცხოვრობდნენ კუჭუთას ოჯახში მუდამ ოცდაათამდე სული სადილობდა. კირსა და ლხინს საერთოდ უძღვებოდნენ და მშვენივრადაც ცხოვრობდნენ. კუჭუთას დამარხვის მესამე დღესვე პირველად წაიხზუნენ უფროსი რძლები. იმათ წაგულისებას მამაკაცების აყალმაყალი მოჰყვა და ორი წლის შემდეგ ერთი მოსახლე კუჭუთას ადგილას რვა მოსახლე მოჩანდა. კუჭუთა დიდი შეძლების პატრონი არ იყო და აბა სად უნდა წასულიყვნენ მისგან მოშენებულნი! ადგნენ ყველანი და იქვე ახლომახლო დასახლდნენ. ძველი დარბაზი გაჰყიდეს და იმ ადგილას კუჭუთას უფროსი შვილი დასახლდა, როგორც სალოცავების უფროსი. გაიყარნენ, თითქმის მაინც უყვარდათ ერთმანეთი, თუმცა ეს სიყვარული მარტო გარეგნული იყო, მოსაჩვენებელი. სალოცავებზე ჯერ გაყოფილი არ ჰქონდათ. ყოველ ადღგომას, საღმრთოს ლოცვაზე და ყოველ მაისს სამიქელ-გაბრიელოს ლოცვაზე ყველანი საერთო ჭურთან იკრიბებოდნენ და იქ თავანდელი სავსე ჭურის წინ, ქუდმოხდილნი და მუხლმოდრეკილნი კუჭუთას უფროსი შვილიშვილის ბახუთას წინამძღოლობით ღმერთს სიავის მოშორებასა და სიკეთის მოცემასა თხოვდნენ.

კუჭუთას შვილები კარგად სახლობდნენ. იმ დროს, რომელსაც შეეხება ჩვენი ამბავი, იმათ, თითქმის სულ ყველას, ყავრით დახურული სახლები ედგათ, თუმცა უფანჯრო და უბუხრო. ამ უფანჯრობისა და უბუხრობის მიზეზად აი რა მოჰქონდათ. რა მოგებააო,

ამბობდნენ, გამორჩეული წაბლის ფიცრები შუა-შუა გავხერხოთ ფანჯრებისათვის და გავაფუჭოთო, ან ბუნარი რა საჭიროა, ტყუილად ბავშვები გაფხაჭნიანო. ახალგაზრდები კარგი ცხენებისათვის გიჟდებოდნენ. მუდამ კარგი ცხენების ყიდვაში და გამოზრდაში იყვნენ და შესანიშნავი ცხენებიც ჰყავდათ. განსაკუთრებით ბახუიას შვილს თადას საუცხოვო რამ მოჭირითე, მაგარმეკრდიანი, ფეხებწერილი და ლამაზი ცხენი ჰყავდა. თადა სულ იმის მოვლასა და ფარეზობაში იყო. ყოველ ზაფხულს მთაში ჰგზავნიდა და ჩამოყვანამდე გული უსკდებოდა: ვაითუ ან ახრაში * გადამივარდეს, ან რამ სხვა უბედურება შეემთხვას და მაშინ ხომ თავს მოვიკლავო, — ფიქრობდა ხშირად თადა, საყვარელ ცხენს დროებით მოშორებულს. სადმე მთის ამბის მოლაპარაკეს თუ შეხვდებოდა, ფიცით გამოჰკითხავდა თავის საღარის ამბავს. ერთი სიტყვით, ციმბირში გაგზავნილ შვილზე რომ დედა სწუხს, იმაზე ნაკლებ არა სწუხდა. ერთხელ ხმა გავარდა, მთაში ორმოცამდე ცხენს ნისლი დასცემია და ახრაში გადაუყრიაო.

— ვაითუ ჩემი საღარიაც გადაჰყვა! — გულში მუშტის ცემით ჩაილაპარაკა თადამ ამ ამბის პირველ გაგონებაზე. რომელ მთაში მოხდა ეს ამბავი, ის ვერ გაიგო. მისი ცხენი ხობის ** სათავეში იყო. „უსათუოდ იქ მოხდებოდა. იქნება სადმე სწვან მოხდა, ან ახრაში, ან თეთრ მთაში. შეიძლება ხობის სათავეში დაეცა ის წყეული ნისლი... შეიძლება ჩემი ცხენი გადარჩა... თუ გადაჰყვა?! ვაი, ვაი, საღარია, აჰა, ჰა!“ — ქვითინებდა თადა. დღისით ხომ ინაღვლა და ღამეც სულ არ დაეძინა, როცა ჩაეძინა, მაშინაც სულ ახრა, მთა, ცხენები, ნისლი, სისხლი და ამისთანები ესიზმრებოდა.

ბედზე თადას ცხენი დაბრუნდა. გახარებული თადა მივარდა და გაგიჟებით დაუწყო კოცნა საღარის თვალებში ორ-სამ კვირას არც დღისით და არც ღამით თვალიდან არ იშორებდა. ღამე საბალახოში თოკით ება და თვითონაც იქვე პალოსთან ეძინა ნაბადში ვახვეულს. ზამთარში შინა ჰყავდა თბილ სადგომში, სადაც ყოველ დილა-სალამოს წმენდდა, წყალს ასმევდა, სიმინდს აჰმევდა და ჩალას დილით წვრილად უჭრიდა. ახლაც მოვიდა ცხენების მთაში გარეკვის დრო. თადა უკვე მოელაპარაკა ერთს ცხენების მთაში წაყვანას. ფასს გაურიგდა და ბეც მისცა. აი, ის-ის იყო იმ კვირასივე უნდა წაეყვანათ მთაში საღარია და სხვა მეზობლების ცხე-

* ახრა—ხრამი. ** ხობი, ხობის წყალი—მდინარეა.

ნებიც, რომ აღმასხანი და კაენა მიადგნენ მის ეზოს. ბახუიას ეზოს ერთის მხრივ ხშირი ტყე ეკრა, მეორეს მხრივ გრძელი ორლოზე, რომლის მარჯვნივ და მარცხნივ მისი ძმები და ნათესავები სახლობდნენ. ცხენი საღამოს თაღამ წყალში გაბანა და ტყის ახლო შემოღობილ ძველ ნაბოსტნარში გაუშვა, სადაც ცხენი თავისუფლად ნება-ნებაზე ბალახობდა. ექვი თაღას ყოველთვის ჰქონდა და ამისათვის მალ-მალ ინახულებდა ხოლმე.

— აბა, ახლა როგორ ვქნათ, გური-კოჩი? — ჰკითხა აღმასხანმა თანამგზავრ გლეხს, როცა ბახუიას სახლს მიუახლოვდნენ და ტყის პირად გაჩერდნენ.

— თქვენ უკეთესად არ იცით, ბატონო? მაგრამ, ჩემი ფიქრით, ჯერ ცხენები აქ მურყნარში დავაბათ, ჯობია, თორემ ამ შუა სათემო გზაში ვინმემ რომ გაიაროს, ცხადია, ექვს აიღებს. აი აქვე ტყეში ვაფაროთ ცხენები და მერე მოვილაპარაკოთ.

— კარგად ამბობს, დღევანდელი დღის მადლმა, — შენიშნა კაენამ. ცხენები დამალეს და თვითონ სამივენი ცხენების ახლო გაჩერდნენ ჩუმად და თათბირი დაიწყეს.

— რომელ ცხენს მოვიკიდოთ ხელი? — დაიწყო კაენამ და მუხის ძირში ჩამოჯდა. აღმასხანიც დაჯდა, ხოლო გური-კოჩიმ ზრდილობისა, ანუ უკეთ ვთქვათ, მორჩილების ნიშნად ფეხზე დგომამ ირჩია.

— მე, ბატონო, ამ კაცის ცხენს ჯერ არ გირჩევთ ხელი ვახლოთ, რადგანაც სულ მუდამ თვალყურს ადევნებენ. ჯერ მეზობლების ცხენები ვიგდოთ ხელში და მერე ამას ვუღარაჯოთ. როცა დაათვალიერებენ და წავლენ, უცბად მოვიტაცოთ და მერე ფჰვიტი!!

— ესეც კანონიერად თქვა. ყოჩაღია ეს გური-კოჩი, სწორედ.

— ვაი, ბატონო, ყოჩაღობა სად არის, მაგრამ თქვენისთანებთან სამსახური თუ მელირსება, მეტი რა მინდა.

— სავალალო ისაა, — განაგრძო აღმასხანმა, — ძაღლებიც კიყინა ეყოლებათ.

— ფიქრი არ არის, ბატონო, ძაღლებს, თუ გინდა, ამ წუთში ფეხებს გავაჭიმინებ.

— რაა, ჯირჩე * გაქვს?

— მერე როგორი! ერთი დღე ვაკეთებდი. გამოსაცდელად შინ ერთ ავადმყოფ ლეკვს ვაქამე და იქვე სული გააფრთხობინა.

* საგანგებოდ ძაღლების საწამლავი, ცხენის ქურდები იყენებდნენ.

— მაშ ჩვენ ცხენებისაკენ წავალთ და შენ ძაღლებს გაუსწორდი როგორმე.

— წაბრძანდით, ბატონო, და მე და გური-კოჩი ვიზამთ ყველაფერს. მართლაც, თქვენ რომ ხელი არ გაგასვრევენოთ, არ იქნება? — მედიდურად თქვა კაენამ.

— შენ, შენი ქირიმე, მხოლოდ გვიბრძანე, როგორ მოვიქცეთ და სხვა ჩვენ ვიცით.

აღმასხანი ცხენებთან დაბრუნდა, ნაბადი დაიგო, რცხილის ძირში წამოწვა და პაპიროსს დაუწყო წევა.

კაენა და გური-კოჩი, მარტო ახალუხიანი, კალთებამოკეცილები, თავზე ყაბალახშემოხვეულები, ხელში ღომის ნატეხით, რომელშიაც ჭირჩე იყო გამოხვეული, სახლს მიუახლოვდნენ, სახლი დაკეტილი იყო. ცეცხლი სამზარეულოში ოდნავ ბუუტავდა და ეს ამტკიცებდა, რომ სახლის პატრონებს ის-ის იყო ჩასძინებოდათ.

— სად უნდა ჰყავდეთ ცხენი? — წასჩურჩულა კაენამ ამხანაგს.

— შემოღობილში ეყოლებათ. ჯერ როგორმე ძაღლები გადავიბიროთ. მე ამ ხის შტოს დავაქნევ, შენც ისე ჰქენი. ძაღლებს ალბათ ახლა მიეძინათ, აქ სახლის გვერდით ეყრებიან. თუ გამოვღვიძათ, ყეფას ასტეხენ. ჩვენ ფოთლები კიდევ ფრთხილად დავარხიოთ და გავიქცეთ. ძაღლები გამოგვედევნებიან. ღობეს რომ გავცილდებით, ფეხების ბრახუნიც დავიწყოთ, მაშინ უფრო გამოგვეკიდებიან. თუ ხშირ ტყეში ჩავითრიეთ, იქ მივეფეროთ, ღომი გადაუგდოთ და ეს იქნება...

გური-კოჩის სიტყვამ გასჭრა. სამზარეულოს მარჯვენა კედელს მიუახლოვდნენ. იქ ახლო ერთი ნორჩი თხმელა იდგა. გური-კოჩიმ მახლობელი შტო დააშრიალა, კაენაც ასევე მოიქცა. ძაღლები იქვე წოლილიყვნენ. შრიალზე მოისმა ღრენა ახალგაღვიძებული ძაღლისა. შრიალს უმატეს, ძაღლებსაც გამოვღვიძათ და ყეფა დაიწყეს. კაენა და გური-კოჩი ოსტატურად მოიქცნენ. უცბად რომ გაქცეულიყვნენ, ძაღლები აჩქარებული ყეფით და სირბილით დაედევნებოდნენ უკან. ვინიცობაა, გაეღვიძებოდა ვისმე, ძაღლების ყეფაზე ექვს აიღებდა. ჩვენი ოსტატები კი არც დაემალნენ ძაღლებს და არც გაიქცნენ, ისე ნელ-ნელა უკან-უკან დაიწიეს, თანაც ფოთლებიც აშრიალეს, სანამ ღობეს არ მიუახლოვდნენ. ღობე სახლიდან კარგა შორს იყო ღობეს იქით იწებოდა ფერღობი მაღალი გვიპრით, ეკლებითა და თხილის ხით დაბურული. ეზოს რომ გასცილ-

დნენ, ორივემ ფეხების ბრაგუნი დაიწყეს და მიიქცნენ; ძაღლები გაბრაზდნენ და ერთი უშველებელი ლავლით უკან დაედევნენ. ქურდები გაიქცნენ და ორი წუთის განმავლობაში ძაღლები დიდ ტყეში ჩაითრიეს. აქ გაჩერდნენ იმ რცხილის ახლო, სადაც ალმასხანი ნაბაღზე იწვა. კაენა და გური-კოჩი პატარა ღელეს პირად იყვნენ ამ დროს მწვანეზე. ძაღლებიც აქ დაიბადნენ კბილების კრაქუნით და გაგულისებული ყეფით. გაისმა, ფვიტ, ფვიტ! და გადავარდა ღომი. მოჰყვა მეორე, მეორეს მესამე და რამდენსამე წუთის შემდეგ ხმაურობა შესწყდა.

— ეს კარგად მოგვივიდა, შენ არ მომიკვდე, — წაილაპარაკა კაენამ, როცა ძაღლებმა ფეხები გასკიპეს. ალმასხანიც წამოდგა და სამთავენი მკვდარ ძაღლებს დაჰყურებდნენ. ბნელოდა ისე, რომ ერთ ნაბიჯზე აღარა ჩანდა რა.

— ღამემაც შეგვიწყო ხელი. სწორედ საჩვენო ღამეა. სწავლულები, ადვოკატები და ჩილენები შედებილ იატაკზე და მაგიდასთან, თბილ ტანისამოსში გამოწყობილნი გემრიელ საქმელს რომ მოუსხდებიან, მაშინ არიან კარგი კაცები, თორემ აბა დედის შვილია ამისთანა ბნელ ღამეში გამობრძანდნენ ამ ეკლიან და უდაბურ ტყეში. ჰინკა არ არის, ტყის მეფე არ არის, ხატის ბრალი არ არის, ქუხილი მტვერიაო, ამბობენ, მაგრამ თვითონ კი უფრო ეშინიათ, — ქადილით შენიშნა ალმასხანმა.

— იმათი ოჯახი ამოადგოს ღმერთმა, ტყის მეფე თუ არ არის, ნეტავ ერთი ორი შეუგდო სახლში, მაშინ კი ნახავენ!..

— საქმეს შეუდგეთ, ჯობია, — თქვა კაენამ.

— კი, ბატონო, — წამოიძახა გური-კოჩიმ, რომელმაც ყალიონი ხელისგულზე დაიბერტყა და ქამარში ჩაირჭო.

კაენა და გური-კოჩი ბახუიას მეზობლებისაკენ გაექანენ. შევიდნენ ერთი კაცის ეზოში. იქ ძაღლების დახოცვა საჭირო არ იყო, რადგან ცხენები სახლზე კარგა მოშორებით შემოღობილნი ბალახობდნენ. კაენამ თვალის დახამხამებაში დაიჭირა ერთი ცხენი. დანარჩენი ორიც იმასთან მივიდა. გური-კოჩიმ იმათაც სტაცა ხელი, ცხენები მახლობელ ტყეში დააბეს და ეცნენ სხვა ეზოებს, მაგრამ სხვაგან ვერაფერი ნახეს. ერთ ოჯახში კინალამ უბედურებაც შეემთხვათ.

— იქნება, კაცო, სახლის წინ იყოს დაბმული ცხენი, — თქვა კაენამ, როცა ერთი ეზოს კუთხეში დაქანცულები გაჩერდნენ და ოფლი მოიწმინდეს.

— შეიძლება სრულიად არა ჰყავს, — მიუგო გური-კოჩიმ.

— რას ამბობ! თადას ცხენის მერე იმის ცხენი სულ ყველას ჯობიაო, მანიშნეს.

— მაშ ან ათხოვებდა ვისმე, ან სადმე სახლს ახლო ეყოლებათ დაბმული.

— წავიდეთ, ვნახოთ, მაგრამ ძაღლები?

— რას უზამ, რამეფრად არ უნდა გავალვიძოთ. ესეც არ გიკვირს, ამაღამ ძაღლებს როგორ ძინავთ! ძვირად მინახავს ასეთი სიჩუმე. ალბათ, ღრუბლების ბრალია, წვიმაა მოახლოებული.

— აბა, რაც შეიძლება ფრთხილად, შენი ქირიშე, გური-კოჩი, — წახურჩულა კაენამ და გასწიეს. ორივენი ისეთნაირად დგამდნენ ფეხებს, რომ არც თვითონ ესმოდათ თავიანთი ფეხების ხმა. წელში მოხრილები, თვალებდაჰყუტილები, ტუჩებმოკუმულები ხელის ნელი ქნევით მიიპარებოდნენ სახლისაკენ. აი მშვიდობით გასცილდნენ სახლის ერთ კედელს, მოუარეს დერეფნისაკენ. სიჩუმე სუფევდა ყველგან. გაიხედეს წინ: იქნება რამ შევამჩნიოთო, მაგრამ ვერაფერი გააჩიეს, „ალბათ, მეორე მხრივ ეყოლებათ დაბმული“, იფიქრა კაენამ და იქითკენ გასწია. ორივენი ხელი-ხელ გაყრილნი მიდიოდნენ, ხმას არ იღებდნენ, კაენა წინ მიდიოდა და გური-კოჩიც იმას მისდევდა უკან, გული ორივეს საშინლად უტემდათ. „რაც იქნება — იქნება“, — იმეორებდა მალ-მალ გულში კაენა და ცალ ხელს ხანჯალზე იღებდა. „დერეფანს ჩქარა გავივლი“, — იფიქრა კაენამ და სიარულს უმატა. სახლის მეორე კუთხის მოსახვევთან სიჩქარით, სრულიად შეუმჩნევლად მოკალათებულ ძაღლს ორივემ ფეხი დაადგა. ძაღლს გამოედვიდა და საშინელი ყეფა-წკმუტუნის მორთო. სახლის პატრონი თურმე გარეთ მოაჯირზე წოლილიყო. ძაღლის ყეფაზე იმანაც გააზილა თვალი და წამოვარდა „აიტ! რა ამბავიას“ ძახილით. ორივემ მოკურცხლა, მაგრამ საით უნდა წასულიყვნენ? ამ გაჭირვებულს ყოფაში ათასნაირმა ფიქრმა გაურბინათ თავში. ისევ დერეფანში გაეარნათ, მაშინ სახლის პატრონს, რომელიც ამდგარიყო და ეზოში მოდიოდა, ზედ შეეჩახებოდნენ. განეგრძოთ გზა კიდევ და რა იცოდნენ სად ჩაიხეჩებოდნენ. გუშინ არ ყოფილიყვნენ აქ და გუშინ წინ. სავალალო მათთვის კიდევ ის იყო, რომ სხვადასხვა ზომის შენობანი სახლის გარშემო არევიან იდგა. რაც იყო, იყო; წუთის დაკარგვა არ შეიძლებოდა. კაენა გაიქცა, რაც ძალი და ღონე ჰქონდა. იმას მიჰყვა გური-კოჩიც, მაგრამ აი მეორე გაჭირვებაც: სახლსა და სახლს შუა მოზვერი წოლილიყო. სირბილის დროს გუ-დი-კოჩი ცოტა განზე დარჩა და კაენა კი მოზვერს გადააწყდა ზედ.

მოზვერი შეფრთხა. კაენამ ათრთოლებული ტანი ველარ დაიმაგრა, გური-კოჩის ხელი გაუშვა და იქვე გაგორდა. თვალის ერთ დახამხამებაში ისევ წამოხტა და განაგრძო სირბილი. აქ კიდევ ერთი უსაპოვნებაც შეემთხვა, რომელიც პირველზე უარესი იყო. სამზარეულოს უკან თხმელის ხეზე ვაზი იყო გამოშვერილი. გაჩქარებულმა კაენამ ამასაც ატაკა ცხვირი, საშინლად იტკინა, თან სისხლიც თქრიალით წამოუფიდა. კაენას საბედნიეროდ ეს უკანასკნელი განსაცდელი იყო. მან განაგრძო სირბილი ტყისაკენ. ბედზე გური-კოჩიც შეხვდა, რომელიც მოზვრის დატაკების შემდეგ უგზო-უყვლოდ გარბოდა. ვაზს კი ასცდა, როგორც იყო. ამ სახით ეზო გადაირბინეს და ტყეში შევიდნენ.

— ავაი, ვავაია, ღობღური, ღობღური! * — ჩურჩულით ამბობდა ცხვირის ტკივილით გამწარებული კაენა და მალ-მალ იწმენდდა სისხლს ცხვირიდან.

— ფუი ეშმაკს! — იძახდა გური-კოჩიც, — რა ცუდ იღბალებზე გადასული ვყოფილვართ, შენი ქირიმე. ძალიან გტკივა, ბატონო კაენა, ა? უიმე, უბედური, ის ოხერი, ის მოზვერიც რომ წაგვეფეთა, თითქო უიმისოდ არა რა მოგვსლოდეს.

— მტკივა კი არა, მეტიცაა, კაცო, აბა რა იქნება, არ ჰხედავ, ცხვირი მოვიტეხე. მე მოტეხილი მგონია ნამდვილად. უჰ! მართლა დაწყევლა ღმერთმა ეშმაკი! ეს ბნელი ღამე ერთი მხრივ კარგია ჩვენთვის, მაგრამ მეორე მხრივ კი ცუდია, ძმაო, როგორც გინდა, ისე თქვი. უბედურება კიდევ ისაა, თუ ახლა იმ სახლში ექვი აიღეს. მეზობლებს შეატყობინეს, ძებნა დაგვიწყეს და ნაშოვნე კი არა, საკუთარიც თუ წაგვართვის.

ისინი ეზოს ისევე დაუახლოვდნენ და ყურება დაიწყეს სახლისაკენ, სადაც მართლა ლაპარაკი იყო ატეხილი.

— ალბათ ქურდი იქნებოდა! — ამბობდა გამოცდილი სახლის პატრონი.

— რას ამბობ, ქურდი კი არა, არ ხედავ, მოზვერი ყოფილა. იქიდან წამოვიდოდა, აი სადა დგას, — მიუგო ცოლმა. სახლის პატრონმა თავი დააქნია. აქეთ-იქით მიიხედ-მოიხედა დაფიქრებით, მერე ერთი-ორი გადაიყვირა ფერღობზე და ისევ დასაძინებლად წავიდა.

— მადლობა ღმერთს, ეს ამბავი მშვიდობით გათავდა, — თქვა

* მოკვდი, მოკვდი.

აღტაცებით კაენამ, როცა დაინახა, რომ სახლის პატრონი ისევ დასაძინებლად მიდის. ცხვირის ტკივილმაც უკლო.

— აბა, ახლა დროს დაკარგვა არ ვარგა, როგორმე ის ცხენიც ვიგდოთ ხელში. მოუტყუებინარ იმ მამაწაწყმედილს, თორმეტც ცხენიანო, მაგრამ რა გაეწყობა, ესეც გვეყოფა. — ნაღვლიანად შენიშნა გური-კოჩიმ.

ჩქარა გამობრუნდნენ. მოპარული ცხენები წამოიყვანეს და აღმასხანთან წამოვიდნენ. აღმასხანი სიცილს ვერ იმაგრებდა, როცა ცხვირის გატეხის ამბავი უთხრეს.

— გათენებამდე დიდი ხანი აღარ დარჩენილა და თან საშიშიც არის, არავინ მოგვასწროს. აი ის ცხენიც, როგორმე!.. — ჩაიბუტბუტა აღმასხანმა სიცილის შემდეგ.

— კი, ბატონო, — მიუგო გური-კოჩიმ და ორივენი საჩქაროდ წავიდნენ. დაუგდეს ყური იქით-აქეთ, ჩქამი არსაიდან ისმოდა.

— ფიქრი არ არის! — თამამადა თქვა კაენამ, — მაგრამ ვაითუ დაქერა გაგვიჭირდეს.

ფრთხილად გადახტნენ წკნელის ღობეზე, დაათვალიერეს ნაბოსტნარი და ცხენიც დაიპირეს. საღარიას ფეხებზე აბლანი* ჰქონდა.

— ვაი, ამას რა ვუყოთ, კაენა! — თქვა ჩუმად გური-კოჩიმ, როცა ჯაქვს ხელი მოავლო.

— ნუ გეშინია, — მიუგო კაენამ, ამოიღო ქლიბი და ერთ წუთს გაქლიბა ჯაქვი. ჰკრა ფეხი ღობეს, წააქცია. ცხენი გადაიყვანა და გასწია.

ყოველივე ეს ისეთი სისწრაფით გაათავა, რომ წარმოდგენაც კი ძნელია. ამ დროს კაენას თავისი თავი სწორედ გადადებული ჰქონდა. მისთვის სულ ერთი იყო, ან გამარჯვება უნდა ენახა, ან დამარცხებულიყო. აღარც ქლიბის ფხაქუნს უფრთხილდებოდა, არც ღობის წაქცევის ტაკატკუსა. აღმასხანს მოეწონა მათი სიმაჯვე და ორივეს დიდი მადლობა გადაუხადა. მერე მოახტნენ ცხენებს, ჯერ ტყე-ტყე იარეს, მერე ლელე-ლელე, მერე ისევ ტყეში შევიდნენ. ახლა ისევ უკან წამოვიდნენ, სათემო გზაზე გამოვიდნენ. ჯერ თითოეული სხვადასხვა გზას დაადგა, მერე ისევ ერთდნენ და ამნაირად კვალი არიეს.

— ჰაააიტ! ჰაააიტ! ჩქარა, ჩქარა, — ხანდაზმით შეეხმინებოდნენ აღმასხანი და ამხანაგებითურთ ცხენებს მიარბენინებდა.

* აბლანი — ცხენის ბორკილი.

— რომელი გზით სვობია? — დაეკითხა კაენა.

— ზემოთ ვითომ? როგორ იტყვი?

— იქ ცუდი ფონია. საყარაულოც არის.

— ქვემოთ უარესია, პირდაპირ ნაჩალიკისგან დაყენებულ კაცები ღვანან.

— მაშ ისევ ზევით?

— მე ასე ვფიქრობ, უკე...

— ბატონო, — ჩაერია გური-კოჩი, — მერე რაა, რომ ნაჩალიკ-მა დააყენა, ისინი რამეს ყარაულობენ გგონიათ? იქ თუ მეტყვით, ძილის ყარაულობაა. ერთი თვე არ იქნება გაღმიდან ცხენი მომყავდა. მაგიუბდნენ, უმოწმობით არ გაგიშვებენო, გავიარე საყარაულოები, სიმსიმი არ არის. ძინავთ და ძინავთ.

— ეგ არაფერია, — დინჯად თქვა კაენამ, — ორ-სამ ლივერს წინ ვისერი და, თუ გინდ მღვიძარეც იყოს, დაიმალება. განა არ შეგვხვედრია მაგისტანები? ყარაულად ბუგები * და ჩანჩალაკები არიან, განა ვაჟკაცი ყარაულად დადგება? ვაჟკაცი ახლანდელ დროში ყველა ჩვენს ხელობაშია. რისთვის არ დადგება, ჩემო ძმაო, აი სასმელი, აი საკმელი, აი ფული და ყველაფერი მუქთად. მართალია, ხანდახან შიშს ვხედავთ, მაგრამ სიხარული უშიშოთ უპილო წვენი. სიყოჩაღე! გამბედაობა! რა უნდა დაიტრაბახო მე-ზობელთან, თუ ლაპარაკი შეგხვდა: ქათმების და კვერცხების ყიდვა იაფად და მამასისხლად გაყიდვა ვიცით, ეტყვი? ან მეჩალანდრობა! ჰა, ჰა, ჰა, წავიდეთ, წავიდეთ, ქვეითური ფონი ჯობია. ეჰ-ჰე ჰეიტ! — ამ სიტყვებთან ერთად მოისმა ორჯერ-სამჯერ მაგრაჯ შემოკრული მათრახის ტკაცუნი და ცხენების თქარათქურის ხმა.

— ნელა, ბიჭო — მისძახა ალმასხანმა. — ჯერ ხელში რა გვაქვს. ახლა უფრო მეტი სიფრთხილე გვმართებს, სანამ ენგურა წინ გვიძევს გასასვლელი.

რამდენსამე ხანს კიდევ იარეს ეკლიან გზაზე და ტალახებში და შემდეგ მოესმათ ენგურის გაჯავრებული შუილი და ხმაურობა.

— ის რა უნდა იყოს, ბატონო, იქ რომ ბზინავს? — იკითხა გური-კოჩიმ და თითი წინ გაიშვირა.

— აბა, სადა? — დაეკითხა კაენა. გური-კოჩიმ ხშირ ფოთლებისკენ გაიწოდა ხელი და ოდნავ ბეუტავი სინათლე ანიშნა.

— ეს უთუოდ საყარაულოა, — წამოიძახა კაენამ და ცხენს შემოჰკრა კიდევ. ნაშოვნი ცხენები გური-კოჩის მიჰყავდა. ალმასხანა

* ბუგები—ყვავილები.

•მ ბოლო დროს არაფერს ამბობდა გური-კოჩის გაკვირვებაზე — ეს რა არისო! აღმასხანმა თავი მალლა აიღო და დაფიქრებულმა შეხედა ამხანაგებს. მერე განზე გადაიწია, დაამტენარა, ფეხებით აბჯანდებს მაგრა ჩასწია ძირს, უნაგირზე მაგრად დაჯდა და ცხენს მათრახი შემოკრა.

— კაცო, ძლიერ არ აცივდა! — თითქმის ჩურჩულითა თქვა: აღმასხანმა.

— რას ამბობ, კაცო, სიცივე კი არა, ქვეყანას ეკიდება. როგორ ამტენარებ, ავად ხომ არა ხარ?

— ეს, ბატონო, ტყეში სულ მაგრე იცის, ალბათ, ნაჩვევი არ იქნებით. არ ხედავ, შენი ჭირიმი, უბრალო გზაზე მტვერია და აქ კი ტალახია.

— დიახ, ამის ბრალია. გური-კოჩიმ მართალი თქვა, — დაამტყიცა კაენამ.

— ორ ვიცი სწორედ, ლამის ამაკანკალოს. ალბათ, რამე სიკეთე ამ მომელის, — ძალდატანებული სიცილით თქვა აღმასხანმა.

— რას ამბობ! შენგან მესმის ესა! ჯერ სიბერე ხომ არ შეგბარვია. რა დროის ხუმრობაა.

— მეც მივირის, რად მცივა, სად არ გადავსულვარ, რა გაჭირვება არ შემხვედრია, მაგრამ ასე ცუდად ჯერ არ ვყოფილვარ. რაღაც გულზე მაწევს, მაგრამ ვერ გამიგია, რა მაწევს.

ასე ჩუმად მილაპარაკობდნენ. მალე სათემო გზაზე გავიდნენ. იქ უცბად კერაში ცეცხლგაჩაღებულ საყარაულოს წააწყდნენ. აღმასხანი ახლა თითქო გაცოცხლდა, შემოკრა ცხენს მათრახი და გაჩხვია წინ. იმას დანარჩენებიც უკან მიჰყვნენ.

— ეი! — მოისმა ყარაულის ხმა.

ხამივემ ცხენები გააჩერა. ცეცხლის სინათლეზე დაინახეს საყარაულო ფაცხის წინ ყარაული. ტანმალალი კაცი იყო, გრძელი და შავი წვერი ჰქონდა. თავზე მოძველო შალის ყაბალაზი ჰქონდა წაქრული და გრძელ, ინძგილის * ტარიან ლამაზ ყალიონს სწევდა. ყარაულს ტანთ ეცვა ჩითფს ახალუხი უქამროდ. ხელში ეჭირა მაგარი გათლილი ჯოხი. მისი პირისახე მის აღუშფოთებლობას ამტყიცებდა. ეტყობოდა, სრულებითაც არ მოელოდა აქ ვინმე საშიშ კაცს, რომ იმის გულისთვის თოფით ხელში წამდაუწუმ მზად კარებში მდგარიყო. თუმცა ყარაულს გატენილი თოფიც ჰქონდა, მაგრამ ფაცხის კუთხეში იყო მიყუდებული. თითქო თავის სახლში

* ინძგილი—შინდის მსგავსი ჯიშის ხეა.

არისო, ცხენების თქარათქურის ხმაზე ნელა ადგა, ყალიონი გაბოლა და კარებთან აიტუზა მღევივით.

— ეი — დაიძახა მან და მოსწია თან ყალიონი. ყარაულს ხმ. ძალიან ბოხი ჰქონდა და ახლა კი მისი ძახილი მკაფიოდ გაისმო.

— ეი და ეი — დაუძახა აღმასხანმა.

— ტა კაცები ხართ თქვენ? — დინჯად იკითხა ყარაულმა.

— შენ ვინ გეკითხება? — გააწყვეტინა სიტყვა კაქნამ და წინ წაიწია.

— ზოგორ? — აქ ყარაულს გაახსენდა თავისი თანამღებობა. — ზოგორ თუ ვინ მეკითხება? მაშ მე ვირის მკოდავი ვყოფილვარა აქა?

— იქნება უარესიც იყო, ჩვენ რაში გვეკითხება, — მიუგო აღმასხანმა.

— აბა, ვნახოთ, თუ უარესი ვარ. ბიჭო, მოიტა აქ თოფი — გასძანა ფაცხაში მყოფ მეზობლის შვილს, რომელიც შიშით ქუქრუტანიდან იყურებოდა. ბიჭმა თოფი კანკალით მიაწოდა. ყარაულმა ჯოხი გადააგდო. თოფი მომართა, ფალია უნახა და ჩახმახს მოსწია. ერთი წუთის განმავლობაში რამდენჯერმე დაათვალიერა ჭურღები და მათი ცხენები.

— აქ დროს კარგვა არ შეიძლება, — წაიჩურჩულა აღმასხანმა. — ეტყობა, ამხანაგები ბევრი არა ჰყავს და... ერთი კაცის გულსთვის... ბევრ... ხანს... გაჩერება...

— მაშ, გაეწიოთ წინ! — დაიძახა კაქნამ. — შენ, გური-კოჩი, ჩვენ მოგვეფარე და ეცადე, ცხენები არ გაგეჭკეს. — თქვა ესა და გაეარდნენ წინ. ყარაულს ტვინი ათასნაირად აერია.

— გაჩურჩოთ, თორემ ღმერთმანი გესვრით! — დაუყვირა ყარაულმა უტხო სტუმრებს, როცა საყარაულოს წინ ძალით გავლა დააბრკეს.

— შე, მამა ძ... შენ კიდეც ვის უბედავ, სუ!

— მე არ ვხუმრობ, — გაცეცხლებით დაიყვირა ყარაულმა.

— სალაბარაკოდ სადა გვცალია, ჩემო კაქნა, — გაუსწრო აღმასხანმა, ამოიღო დამბაჩა, დაუმიზნა ყარაულს და ჩახმახის ფეხს მოსწია. ჩახმახი დაეცა, მაგრამ დამბაჩა კი არ გავარდა. იგრილა თოფმაც და მის ხმასთან შეერთდა ცხენების თქარათქურის ხმა. ყარაულმა თოფი დააგდო და მორთო ყვირილი: — არიქა, მიწველეთ, ქურღები აუ... უ...ი!

ამის ხმაზე საჩქაროდ წამოვარდნენ ახლომახლო მოსახლენი

და ყარაულის მიერ ნაჩვენები გზით ერთი კვირითა და ვაი-ვაგ-ლაბით დაედევნენ ქურდებს.

ალმასხანი მიაჰქენებდა ცხენს, რაც ძალი და ღონე ჰქონდა. შაბ უკან მისდევდნენ კაენა და გური-კოჩი:

— არიქა, გური-კოჩი, შენი ჰირიმე, ცხენებს ხელი არ გაუშვა! — უძახდა კაენა და უბელო ცხენებს მათრახს სცემდა, რომ ფეხი აეჩქარებინათ. მღევარნიც ყვირილით მისდევდნენ ქურდებს, ამიტომ მიუახლოვდნენ თუ არა ენგურს, აღარც ფონი არჩიეს, აღარც ვზა, ეცნენ და შევარდნენ შიგ. ალმასხანის ცხენი გმირულად მიაპობდა ადიდებულ ენგურის მრისხანე ტალღებს. კაენა ცალი ხელით გური-კოჩის ცხენებს ეზიდებოდა. როცა შუა მდინარეში შევიდნენ და ცხენები გაგიჟებული ცურვით შეებრძოლნენ გაონავრებულ აქაფებულ წყალს, გური-კოჩიმ თავი ვერ დაიშავა, ზადგან წყალი მკერდამდე მოადგა.

— ვაიმე! — დაიყვირა გური-კოჩიმ და გადავარდა. თვალის დაზამხამების უმაღლ მობრუნდა ალმასხანი, სტაცა ხელი გური-კოჩს და თავის ცხენზე შემოისვა.

— აჰა-ჰაი, ძაბუ! ამისთანა ადგილას უნდა გამოიჩინო თავი, თორემ მინდორში კიანჭველაც დალოდავს. აი, შენი ჰირიმე კაენა, ცხენები.

კაენაც მზად ყოფილიყო და როცა გური-კოჩი გადავარდა, მარდად ეცა თოკებს და გასწია.

ბეერი წვალეების შემდეგ გაღმა გავიდნენ. შემოკრეს ცხენებს მათრახები და მიეცნენ უგზო-უკვლო გაუვალ ტყეს. კარგა ხნის შემდეგ შევიდნენ ისეთ ადგილას, სადაც მათი მოძებნა შეუძლებელი იყო, ტყის სიხშირისა და მცხოვრებლების სიშორის გამო. დათენებაც მოახლოვდა, ცას მოთეთრო ფერი გადაეკრა, ღრუბლები გაიფანტნენ. ვარსკვლავებს თითქო შერცხვათო, მიიმალ-მოიმალნენ. აღმოსავლეთისაკენ ცის კამარას ცეცხლი მოეკიდა, ჰაერში რაღაც გამაცოცხლებელი სუნა იდგა. გმირები ჩამოსხდნენ მუხის დამპალ როკზე, დასასვენებლად მოემზადნენ. ალმასხანი გამხმარ ტოტზე ჩამოჯდა და გაოფლიანებული პირისახის მოსაწმენდად გულის ჯიბეში ცხვირსახოცს ეძებდა, რომ უეცრად ძირს ვადმოვარდა და დედამიწაზე გაიშხლართა.

— ვაიმე, მოგვკლი! — დაიძახა მან, კაენა და გური-კოჩი მისცვივდნენ.

— რა დაგემართა, კაცო? — ეკითხებოდა კაენა და სინჯავდა

აღმასხანის ტანს. გადასწია ჩოხა, ჩოხა გასისხლიანებული იყო. მიიხედა აქეთ-იქით, მინდორზე სისხლის კვალი ჩანდა.

— ეს რა დაგემართა? ვაი ჩემ თავს, ყარაულის ტყვია მოგბედა? — ათრთოლებით ეკითხებოდა კაენა. — აბა გური-კოჩი, ნახე უნავიერი.

აღმასხანის ცხენი გასინჯეს და ისიც უნავიერიანად გასისხლიანებული იყო. კაენამ ფიცხლავ გახადა აღმასხანს ტანისამოსი და კრილობას სინჯვა დაუწყო. კრილობა მძიმე აღმოჩნდა. ტყვია მკერდში ჩარჩენილიყო. აღმასხანს გრძნობა წამდაუწყებ ეკარგებოდა.

— ბეჩა, გური-კოჩი, მიშველე, სადმე წყალი! — თვალკრემლმორეული მიუბრუნდა კაენა, — ანდა, შენ აქ იყავი და მე ერთ წუთას მოვარბენინებ.

კაენამ გაიხადა მესტები და გაიქცა წყლის მოსატანად. გური-კოჩი იმის სირბილს თვალყურს ადევნებდა. კაენა თანდათან იმალებოდა ტყეში და ბოლოს ფოთლების შრიალიც შესწყდა.

აღმასხანი იწვა პირადმა, თვალებს ხანდახან ახელდა და მერე ისევ ხუჭავდა. ტუჩებსაც მომაკვდავ თევზივით ოღნავ აღებდა: სახე თანდათან უფითრდებოდა. გური-კოჩიმ გაიხედა აქეთ-იქით, თეთრი ფერი გადაედო, მერე გაწითლდა, გულმა ძგერა დაუწყო. ერთი ფეხი წინ წასდგა, ისევ უკან დაიხია. მერე ისევ წინ წაიწია, ეცა მოპარულ ცხენებს, თოკები ხელში დაიჭირა, თვითონ თავი ცხენზე შეჯდა და მოკურცხლა. რამდენსამე ხნის შემდეგ წელამდე ლაფში ამოსვრილი, წყლით სავსე მესტით ხელში დაბრუნდა კაენაც.

— აბა, გური-კოჩი! — დაიძახა, როცა მოუახლოვდა მუხახ, მაგრამ სად იყო გური-კოჩი, ან ცხენები, ორს გარდა. კაენა იმავე წამს ყოველსავე მიხედა.

— ჰაიტ, გიაური, მართლა უსისხლო კუბაკი! ეს მიქნა ახლა ამ უსინდისომ? ეთქვა და, თუ უნდოდა, ჩემ ცხენებსაც ვაჩუქებდი, მართლა უჯიშო ყოფილა სწორედ! — კაენა საშინლად გაბრაზდა. ჭერ დაქრილის თავის დანებება და გური-კოჩის დადევნება იფიქრა. მაგრამ რაღა დროის ეს იყო, აღმასხანი სისხლში ცურავდა. კაენამ დაქრილი სუფთა ადგილზე გადაათრია, სისხლი გადაუბანა. ახალუბს კალთა მოხია და იმით შეუხვია. მერე დაქრილს წყალმპირისახეზე ასხურა. აღმასხანმა თვალები გაახილა.

— კაენა, — წასჩურჩულა ნელი ხმით.

— ბა არი, შენი ჭირიმე?

— გური-კოჩი სად არის?

— თავსლათი დაისხა. მე ომ წყლის მოსატანად წავედი, ცხენიანად წასულიყო.

— უპ, პ, ხომ ხედავ, კაენა, ვკვდები; ბევრი-ბევრი კიდევ რამდენსამე წუთს ვიცოცხლო. გური-კოჩს რომ არ ელაღატა, კარგი იყო, გიშველიდა, მაგრამ რა უყოთ, ღმერთმა მშვიდობა მისცეს. ვაი ჩემი ცოდვა, როგორ ვკვდები, უზიაროდ, უმოწყალოდ. ყველაფერი მხედება! აი! ეპ, უ... ეცადე როგორმე, ჩქარა წამილე აქედან, თორემ მოგასწრებენ, რადგან სისხლი, ალბათ, ბევრი ხანია, რაც მდის, თუმცა ვერა შეამჩნიეთ რა. ეცადე როგორმე შინ მიმიტანო. უბედური მაკაი იმას რა უშავს, საწყალი პატარა ბუხუ, ისიც გამოიზრდება. მე დავიკარგე, მე უბე...დუ...რი! მშვიდობით, კაენა. აბა, შენ იცი...

კაენა ნუგეშს აპირებდა, მაგრამ თვალეზე ცრემლი მოერია და ქვითინი დაიწყო, როცა დაჩუმუნდა, ეს არის მოუახლოვდა აღმასხანს უკანასკნელი წამით. აღმასხანმა ფეხები გაქიმა, ხელები გულზე დაიწყო, თვალეები დახუჭა, ერთი რაღაც გაუგებრად ჩაიბუტბუტა და გაშეშდა. კაენა გაქვევებული დაჰყურებდა მიცვალებულს. თვალეებიდან ცრემლი მოსდიოდა შეუყენებლივ.

— უაპ! ეს რა ქალობაა! — თქვა იმან, — ტირილით რას გავაკეთებ. ეს კი არა, წამი ას მანეთად მიღირს.

კაენამ თვალეები მოიწმინდა, დატრიალდა, მკვდარი ტანისამოსი გაახვია. პატარა ბაწრებით შეჰკრა და ცხენზე გადაჰკიდა. მეორე ცხენზე თვითონ შეჯდა და გასწია. ბევრი ეცადა, თუ ვინიცობაა, ვინმე გამოედევნებოდა, კვალი აერია, მაგრამ ტყის ქაობიან ნიადაგზე ცხენის ფეხები კოჭებამდის იფლებოდა.

„არა, ასე არ ვარგა“, — იფიქრა კაენამ. ერთ პატარა ღელეს პირად ტყეში მოსძებნა მშრალი ადგილი და ჩამოხდა. ცხენიდან ჰკვდაბი ჩამოიღო, გახსნა, გასჰკრა ხმლით შუაზე და ისევ ცხენს უკან ცალ-ცალკე შემოაქრა საქონელივით. აღმასხანის ცხენს უნაჯირი მოხადა, კარგად გარეცხა, თვითონაც, სადმე თუ სისხლბ წვეთები მიეკარა, გაიწმინდა. ყოველივე დაითვალეირა, რომ სადმე ზისხლი არ დარჩენილიყო. მერე ისევ ცხენზე შეჯდა და სათემო ჯზაზე გამოვიდა.

მზე უკვე ამოსული იყო და ქვეყანას პირველ სხივებისაგან ბრწყინვალე ფერი დასდებოდა. გაიხედა იქით-აქეთ, ბედზე არავინ შოდიოდა ირსაიდან. შემოჰკრა ცხენს მათარაბი და გასწია წინ.

გაიარა რამდენიმე ვერსი კიდევ, არავინ შეხვდა. მერე ისევ ტყეში შევიდა, აქ ბედზე იმდენი ტალახი არ იყო. მოსძებნა დაბურულად ადგილი და იქ ჩამოხდა. მიცვალებული ცხენიდან ჩამოიღო დაცხენები საბალახოდ გაუშვა. სიმშილისაგან გამწარებული ცხენები ეცნენ ბალახს და ხრამიხრამი დააწყებინეს. კაენასაც გამოუთქმელი სიმშილი აწუხებდა და დალაღვაც დაეტყო. თავი უნაგირზე მიღო და იმავე წუთს მიეძინა. როცა გამოეღვიძა, მზე უკვე ჩასულიყო. ცხენები შორს არ წასულიყვნენ. „ხალიბის სახლში წავალო, — იფიქრა. — მაგრამ, არა, კირზე კირს არ გადავიკიდებ, ვინ იცის, ვინ შემხვდება“, — დაუმატა მან საჩქაროდვე. მალე ისევე გამოეწყო და იმავე ღამეს შინ მივიდა.

ყარაულის ხმაზე მოგროვებულები მარჯვედ გამოედევნენ ქურდებს, მაგრამ მანამ ისინი ენგურს მიუახლოვდებოდნენ, მინამ ქურდები გაღმა გავიდნენ და ტყეში მიიმაღნენ. მღევარმა მერე ველარა მოახერხა რა და ყველანი თავიანთ სახლებში დაბრუნდნენ.

— რა იცი, რომ ქურდები იყვნენ? — ჰკითხა ერთმა ბოხხმეიანმა გლეხმა ყარაულს. —

— როგორ არ ვიცი, უბელო ცხენები მიჰყავდათ.

— სუ, სუ, ჩემო ძმაო, — ჩასძახა მეორემ. — შენ იქნება დაგესიზმრა რამე. ცხენები კი არა, არ გინდა სქელი მქადი?!

ყარაულმა სული განაბა, ან რას იტყოდა, როცა ყველა მიბი ჩვენების წინააღმდეგი იყო. იმ ღამეს არაფერი, დაიშალნენ, მაგრამ მეორე დღეს გამოცხადდნენ. სისხლის პირველი წვეთებიც ნახეს. ნახეს ადგილიც, სადაც მოკვდა აღმასხანი. შეიტყეს აღმასხანის უეცარი სიკვდილიც, მისი წინა ღამის სამგზავროდ მზადება, მაგრამ გაიარა დღემ, დღეს დღე მოჰყვა, კვირას—კვირა. გური-კოჩს ცხენები შერჩა. იმავე დღეს გაჰყიდა არგამად* ოქუმში. აღმასხანს გულში ტყვია ჩარჩა საჩუქრად, კაენას შრომამ მუქთად ჩაუარა, მხოლოდ თავი გადაირჩინა. ყოველივე მიჩუმდა, ყოველივე მიყუჩდა. დაზარალებული ტიროდა. გამარჯვებული იცინოდა. თაღა ცხენის დაკარგვამ კინაღამ დააქლეჭა. კაენას უკვირდა თავისი გადარჩენა... მიჩუმდა, მიჩუმდა ყოველივე. კნენა, თუმცა ქმრის სიკვდილის პირველ დღეებში თავს იკლავდა, მაგრამ ბოლოს ისიც მიეჩვიო ჩვეულებრივ ცხოვრებას. ასეთია წუთისოფელი. — რაც ყოფილა, ის იქნება.

* არგამად—საჯაროდ, აშკარად.

ნ ა წ ი ლ ი მ ე ო რ :

IX

თ. აღმასხანის სიკვდილის შემდეგ მისმა ოჯახმა რამდენსამე ხნით გამოიცვალა ცხოვრება. რამდენიმე წელი გავიდა და ქურდობა აღარ უკადრნია მის ოჯახს. ან ვის უნდა ექუროდნა? არა თუ ქურდობისათვის ზრუნვის თავი არა ჰქონდა კნენა მაკას, პირობით, დიდი მეცადინეობა დასჭირდა, რომ თავი გაეთავისუფლებინა როგორმე იმ ხათბალისაგან, რომელშიაც ქმრის სიკვდილის შემდეგ ჯავარდა. უკვე ნაცნობი თადა თავის ცხენის ქურდობას განსვენებულ აღმასხანს და კაენას აბრალებდა და დღედაღამ ზუგდილის ქაზრის უფროსის კარწინ იყო. არზას არზაზე აწერიებდა და მის მირთმევაში იყო. მოწმენიც ჩნდებოდნენ, რომელნიც ცხადად ამტკიცებდნენ ენგურის პირად ტყეში გამოღმა ყარაულის ტყვიით აღმასხანის სიკვდილს. ეს უფრო საშიში იმეტომ იყო, რომ გური-კოჩისაგან გაღმა გაყიდული საღარია პატრონმა ბევრსა ქებნის შემდეგ იპოვა სოხუმში. აფხაზს, რომლის ხელშიაც ნახა. მაგრად ჩაპკიდა ხელი. სამართალში მიცემას დაემუქრა, თუ გამყიდველს არ მაჩვენებო. აფხაზმა ერთი მეზობელი თავადიშვილი დაასახელა, მან კიდევ სხვაზე გაუშვირა ხელი და ასე, რამდენსამე ჩვენების შემდეგ, გური-კოჩზე შედგნენ. გური-კოჩის საქმე ცუდად იყო. მან უკანასკნელად გადაირეცხა სინიდისი და აღმასხანს გადააბრალა ყოველივე. მაზრის უფროსმა ჯეროვანი განკარგულება მოახდინა. ბოქაულს გაუგზავნა ბრძანება, კაენა შეიპყარი და გამოძიებელს გადაეცო. თუმცა აღმასხანს საფლავიდან ვერ ამოიღებდნენ და, შეიძლება, მაკას არაფერი დამართნოდა, მაინც მან თავისი ოჯახის პატიოსნების დასაცავად ყოველივე ღონე იღონა. შეუჩინა მაზრის უფროსს თავადიშვილები, გავლენიანი კაცები და ერთ დღესასწაულ დღეს დაპატიოა კიდევ. გაიმართა უშველებელი ღზინი. ღვინის ძალამ და მაკას წერწეტა წელმა, ტანში გამაზრიანლებელმა ტანადობამ და მომხიბლავმა შავ თვალწარბმა მოხუცებულ მაზრის უფროსს თავრეტი დაასხა. საცოდავ ბებერ არშიეს სულ გადაავიწყდა თავისი მოვალეობა და ვერ შესძლო გაწბილება ამდენ კეთილშობილთა, რადგან თითქმის ყველანი მათ შორის მისი მეგობრები და დაახლოვებულები იყვნენ. არზები და ოქმები დიდხანს ეწყო შეათებში. მერე მათი შტა-

ტი იქაც გაუქმდა და საქმე არქივში მოექცა... საქმე ამით გათავდა. მაზრის უფროსმა ამ დაპატიჟების შემდეგ კნ. მაკასთან ნათესაობაც აღმოაჩინა თავისი.

— აკი გამახსენდა, ქალბატონო, — უთხრა ერთხელ მაზრის უფროსმა კნენიას, როცა საღამოთი ზღვის სიოს ნელი სისინიე გულდამტკბარნი ქადრის ძირში სამხარს შეექცეოდნენ:— არ იცოხ განა, ქალბატონო, რომ განსვენებული ჩემი დედის დის მახლე უჩანა თქვენს მამიდაშვილს შვილს უნათლავდა?

— როგორ არა, ბატონო. აბა რას ჰქვია სისხლი და ხორცი. ძერე რა პატიოსანი კაცი იყო ის უჩანა. ჩვენი სიძის სახლში რომ მოვიდოდა, უჩემოდ ერთ წუთს ვერ გასძლებდა. მაკა შინ ან არისო? იკითხავდა ცხენიდან ჩამოსვლის უმაღ და, თუ ჩემს შორს ყოფნას შეიტყობდა, ეწყინებოდა, ასე რომ, ძვირად თუ მერე დამე იქ ყოფნას დააპირებდა.

ახალი ნათესავნი ხშირად იყვნენ ხოლმე ასეთ სასიამოვნო მუსაიფში და ბოლოს ისე დაუახლოვდნენ ერთმანეთს, რომ კაცს ეგონებოდა, ღვიძლი ნათესავები არიანო. უფროსი ხანდახან, როცა მაკას ესტუმრებოდა, კეთილ რჩევასაც აძლევდა. ხშირად ურჩევდა მაკას, შვილი გამოართვი ძიძასა და ქუთაისში გაგზავნეო.

— ახლანდელ დროებაში, თუ კაცი უსწავლელია, გროშად არა ღირს, — ეუბნებოდა უფროსი. — ჯობია ახლავე შეუდგე საქმეს, თორემ თუ დრო გადასცილდა, იცოდე, სიცოცხლეს გაგიძლიებს შენთან რა უნდა ისწავლოს? რაც მამას უსწავლია? ა! ხო იცი, მამას რა ღაქმართა.

ამის თქმაზე მაკას თვალები გაუწითლდებოდა, სახე გაუფითრდებოდა და თან ღრმად ამოიოხრებდა ხოლმე.

— ვიცი, შენი ჰირიმე, ვიცი, — მიუგებდა დამშვიდებინს შემდეგ, — მაგრამ რა ვქნა, ჯერ ბავშვი ძიძას რომ გამოვართვა, ხომ იცი, საუკუნოდ დამეკარგება მათი ოჯახი და, რომ იცოდე, რა პატიოსანი ოჯახია, ან რა პატივისმცემელი და მოყვარულია ჩვენი ოჯახისა! ჩვენმა უბედურებამ ჩვენზე უფრო შეაწუხა ისინი; დღემდი თვალებიდან ცრემლი არ შემშრობიათ უბედურებს.

— ეს არაფერია, ბატონო. იმათ უფრო არ გაუხარდებათ, თუ თვითონ პატიოსანნი არიან, პატიოსანი და ნასწავლი გაზრდილი ნახონ? ხუთი-ექვსი წლის რომ შეიქნება, მერე რა ძიძის საქმეა ბავშვი! ჯობია ამ თავიდანვე შინ გყავდეს და შენს სიყვარულს შეაჩვიო. თორემ თუ ქურდი გამოვიდა, აბა, პა, პა!... რა ვქნა, განა მე ქურდები მიყვარს? ამდენი ქურდობაა და ერთიც არ გამისამართ-

ლებია რიგიანად. მეც არ მინდა, ქრისტეს ვფიცავ, ცუდკაცობა იყოს. ყველანი, როგორც თქვენ, ნათესავეები და მეგობრები არიან ზოგი ჩემი მამისა, ზოგი ჩემი, ზოგი ნათელ-მირონია, ყველანი თაყვანს მცემენ, ცაში აყვავართ და რა ვქნა, ვერ ვუღალატებ. ხომ იცი, კნენია, ჩემი გვარი არაფერი შესანიშნავი გვარი ყოფილა ძველად. ახლა ოდიშის გამორჩეული თავადიშვილები ქედს იხრიან ჩემ წინა და იძულებული ვარ დავემორჩილო. კარგი არ არის? ზომ არაფინ. ქურდობდეს, მაშინ მეც მოსვენებული ვიქნები და საზოგადოებაც.

— კეთილი, ჩემო ბატონო, — მიუგებდა ხოლმე კნენია მკა, — ვეცდებო, თქვენი რჩევა ავასრულო, იმედი მაქვს თქვენც შენწყოვას მომცემთ, ღარწმუნებული, რომ დიდად გეწვით გული ჩემ დაობლებული ოჯახისათვის.

ექვსი წლის ბუბუ დიდი ტირილითა და ვაებით მოაშორებ ახალგაზრდა ძიძას და მორღუს. მაკამ ყოველი ღონე მიიღო, რომ ხზვაგან გაზრდილ შვილს დედა შეეყვარებინა. პირველად ყოველივე ცდა ამაო შეიქნა. ბავშვი სულ ტიროდა, ჯინიანობდა, საკმელს იწუნებდა და ტანისამოსს იგლეჯდა. ბოლოს ესეც მოეწყინა, წამოიზარდა, შეეჩვია დედის საყვარულს, თუმცა გამზრდელის სიყვარულიც მუდამ დიდი ჰქონდა. დედა ყოველ სადღესასწაულოდ ხზვადანხვა ფერად აბრეშუმის ახალუხს უკერავდა შვილს. გამორჩეულ საკმელებს ამზადებინებდა მისთვის. ბავშვის გასაბალისებლად მეორე წელსვე მშვენიერი ტანადი კვიცი უყიდა და ლამაზი, ბატარა, ვერცხლით შექედილი უნაგირი შეუტყვეთა. პატარაობისას ყმაწვილს ნიჭი, პატიოსნება და ღვთისმოყვარეობა ეტყობოდა. კვირა-უქმე დღეებში დედას მოსვენებას არ მისცემდა, ეკლესიაში რომ არ წაყვანა. იქ ნახულსა და გაგონილს საუცხოვოდ ასუბათებდა მერე შინ. მის ქორფა ტვინს შეუძლებელ საქმედ მიაჩნდა, რომ ერთს კარგად ეცვა და მეორეს კონკები ძლივს უფარავდა შიშველ ტანს. ვერ წარმოედგინა, რა იყო მიზეზი, რომ ზოგიერთ მის ტოლ და მეზობელ-გლეხის შვილებს პერანგის მეტი არაფერი ეცვათ, როცა თვითონ ყოველ კვირა ახალ-ახალ ახალუხსა და წულა-მესტებს იცვამდა.

— რატომ არის, დედა, გენაცვალე, იმ საბაიას მაჟარიას ხულ დახეული რომ აცვია და მე კი კარგი? — დაეკითხა ერთხელ დედას ბუბუ.

— შენ ბატონის შვილი ხარ, შვილო, — სიცილით უთხრა დე-

დამ, დაუქირა ვარდისფერი ლოყები და დაუწყო გაგიჟებით
კოცნა.

— მერე რატომ იმათაც არ აცვიათ ასეთი, შენი ქირიმე? —
თვალეზგაბრწყინვებით ჩააცვიდა შვილი, — თუ გიყვარდე, იმათაც
ჩემისთანა ქრელი ახალუხი შეუქერე, — ეხვეწებოდა ყელზე ორი
თითის მიღებით და ტუჩების წინ წაშვერით, თითქო იბუტებო.

ცხენი და უნაგირი ძლიერ ადრე შეუყვარდა პატარა ბუხუს.
როცა პირველად შესვა კაენამ ცხენზე, ბავშვი აღტაცებაში მო-
ვიდა. „აუტ, აჩუს!“ — იძახდა ყმაწვილი და ფეხებს, რაც ძალა
და ღონე ჰქონდა, უცაცუნებდა ფერდებზე. შვიდი წელიწადი
რომ შეუსრულდა, ბუხუ მაზრის უფროსმა წაიყვანა ზუგდიდში
ღედითურთ, რადგან ბავშვი უღედობას ვერ მოითმენდა, და იქ
სწავლა დააწყებინა. ბუხუს პირველად წიგნის სწავლა არ ექაშნი-
კა, ასე რომ დაწერილი ანბანი სამზარეულოს ბუხარში შეაგლო.
უფროსთან რამდენსამე თვეს იყო და გვარიანი წერა-კითხვა ის-
წავლა. შემდეგ უფროსისავე რჩევით კნენია მაკამ ბუხუ ქუთაის-
ში გაგზავნა. იმის სწავლის საქმე ორ წელიწადს კარგა მიდიოდა,
მაგრამ ბოლოს ყმაწვილმა უკლო და მალე მთლად დაანება თავი
სწავლას. რა იყო მიზეზი ბუხუსაგან ასე სწავლაზე გულის აცრუ-
ებისა? სხვადასხვა მისი მახლობელი სხვადასხვანაირად განმარ-
ტავდნენ. საზოგადოდ კი ამ აზრს ადგენენ, მიზეზი ცხენი, უნა-
გირი, ხმალი და ჩოხა იყო. ბუხუ ხედავდა, რომ მისი ტოლ-ამბა-
ნაგნი, თავადიშვილების ყმაწვილები იცვამდნენ კობტად შეკე-
რილ ჩოხა-ახალუხს, ირტყამდნენ ვერცხლის ქამრებს და აბრე-
შუმეს ყაბალახით, ბუზმენტით მორთულ მესტებით ისხდნენ ცხენ-
ზე და თავისუფლად დანავარდობდნენ. ბუხუსაც გული შეექნა,
ველარ მოითმინა მათი ყურება და თვითონაც მოინდომა ტოლ-
ამხანაგებში გარევა.

ღებდურმა ღედამ ბევრი ინალვლა, ბევრს ეფერა შვილს, რომ
სწავლისათვის თავი არ დაენებებინა. რა არ აღუთქვა, ოლონდ ხან
წელიწადს კიდევ დარჩი სკოლაშიო, მაგრამ ვერაფერი ეშველა.
მაზრის უფროსს ძალიან ეწყინა თურმე ეს ამბავი და ამბობენ.
მიიხმო კიდევ ბუხუ, მაგრამ ის იმასთან არ წავიდაო. მას უკან
ახალმა ნათესავებმა, კნენია მაკამ და მაზრის უფროსმაც, რალაც მიზე-
ზით, გული აიცრუეს ერთმანეთზე და იშვიათად ნახულობდნენ
ერთმანეთს.

იტყვიან, დაჩვეულს დადებული სჯობიაო, და სწორედ ახე
მოუვიდა კაენას. აღმასხანის სიკვდილის შემდეგ ფიცი-სალავათი

თავი სამარეში ჩაიწვინა, შემდეგ ქურდობას გულში აღარ გავიღ-
ლებო. დასამტკიცებლად კინაღამ უფროსის იასაულად დადგა.

— ისე როგორ გამიწყურება, ბატონო, ღმერთი, რომ ქურდობა
დავიწყო! არც უწინ მიქურდნია ბევრი და მხოლოდ იმ უკანასკ-
ნელ დროს უბედურმა გადამიბირა, — ეფიცებოდა კაენა უფროსს.

მაგრამ გაიარა დრომ, კაენა თანდათან ისევ დაუახლოვდა თა-
ვის ძველ ნაცნობებს. ჯერ ძალიან ფრთხილად მოეკიდა საქმეს.
ერთხელ ერთმა ნაცნობმა აფხაზმა ერთი ოქროთი დაფერილი ვერ-
ცხლის ხმალი მოუტანა და ერთ თუმნად აძლია. კაენამ ხმალი
დაათვალიერა, პირი გაუსინჯა, მშვენიერება რამ იყო, წკნელივით
აგრიხებოდა. კაენას გულმა ველარ მოუთმინა. „ნუთუ ვიყიდო, —
ამბობდა გულში. — ვიცი, რომ ნამდვილად ნაქურდალია, თორენ
თუმნად როგორ მომცემს, ამისი ფასი უკანასკნელი თბუცებტა
თუმანია“. ბოლოს გაბედა და იყიდა. გული კი ასე დაიმშვიდა:
„რაო მერე! მე ხომ არ მომიპარავს? სხვამ მომიტანა. ქვეყანას მე
ვერ გავასწორებ!“. მეორედ კიდეც მეორე ნაცნობმა გამყარებუ-
ლი * ლაფშა ცხენი მოუყვანა და ხუთ მანეთად აძლია. კაენა მეო-
რედაც შესცდა. ოთხჯერ-ხუთჯერ რომ ასე ივარჯიშა, მერე, პიბ-
იქით, თხოვნა დაუწყო ნაცნობებს, თუ სადმე იშოვნოთ რამე,
მე მომიყვანეთ, ვიყიდო. ბოლოს კაენას ფულის ხანჯვაც მოე-
წყინა და გააჩაღა ძველი ხელობა.

ბუხუს თვალტანადობას რომ უყურებდა, გულში ამბობდა, აჰ
სწორედ ეს გამოდგება ამ ხელობისათვისო.

— შეხედე, მაკა, თუ ღმერთი გრწამს! — ეტყოდა ხოლმე ხან-
დახან მაკას, — სულ მამამისს არ მიუგავს აგებულობა? რა მიზე-
საქმეა წიგნის კითხვა! სულ სწავლულები აქცევენ ქვეყანას. სწვა-
ლა კოკლისა და დიაკონის საქმეა, თორემ ამისთანა აღმასიფთა-
ყმაწვილი აჩუხე უნდა იჯდეს და მათარახს ამრიალებდეს.

— სუ, სუ, თუ ღმერთი გრწამს, კაენა! ჩემთან მაინც ნუ იტყვო
ამისთანებს! — მიუგებდა მაკა, — ჯერე შენ შეგრჩეს. შენი პირის
და სალავათის გატეხა, თორემ მეც გინდა დამლუპო? — მაკას ში-
შისაგან გული უძაგდაგებდა, ვაითუ ბაღანა გადამიბიროს ამ ოხედ-
შაო, რადგან ატყობდა, რომ ბუხუს კაენას რჩევა უფრო ქუთაში
უჯდებოდა, ვიდრე დედის დარიგება.

ბუხუ, დაანება თუ არა სწავლას თავი, მშვენიერად გამოეწყო.
ხაბრალო დედა, შვილის სიყვარულით გატაცებული, ვერაფერს

* გამყარებული — გაწვრთნილი და საბოლოოდ ჩამოყალიბებული.

აბიგებდა. ბოლოს იმანაც ამით დაიმშვიდა გული: მართალია, სწავლას თავი დაანება, მაგრამ ადგილ-მამული გვარიანად მაქვს, გვაძიშვილობა არ მაკლია, ქურდობას და ცუდკაცობას არ დავაწყებინებ და გემოზე ვიცხოვრებო. მაკამ კარგად იცოდა ვინ იყო მისი შვილის გადამბირებელი, მაგრამ რა ექნა, მისი მოძულეობაც და სახლში შემოღებულობაც არ შეიძლებოდა, რადგანაც კაენა, ღოგორც უწინ, ახლაც თავს დასდებდა მაკას ოჯახისათვის. კაენა აღმასხანის ღვიძლი ძმისწული იყო. მამა ადრე მოუყვდა და პატარაობიდანვე აღმასხანმა გაზარდა. ჰირსა და ლხინში მუდამ ერთად იყვნენ და, რასაკვირველია, აღმასხანის სიკვდილის შემდეგ ის შეიქნა უპირატესი მფარველი ობოლი ოჯახისა.

მეტად კობტა შესახედავი იყო ბუხუ, როცა ჩოხა ჩაიცვა, მშვენიერი იადალი აისხა და რჩეულ ცხენზე დაიწყო ჯდომა. ღოცა ამნაერად გამოწყობილი პირველად გაჩნდა დღეობაში, თათქმის ეველა იმას შეაჩერდა, დიდი და პატარა.

— ვინ არის, ვინ, ის ლამაზ-ლამაზი უწყვერო ბიჭი, კარგი ცხენით რომ მოდის? — ეკითხებოდნენ ერთმანეთს ქალები და კაცები, ღოცა ბუხუ, კაენა და სხვა თავადიშვილები ერთად შევიდნენ ჯარში შეიარაღებულნი ცხენდაცხენ.

— არ ვიცი სწორედ, ვინ არის, — ამბობდა ზოგიერთი, — კახი ბიჭი კი არის!

— იმ ერთს კი ვიცნობ. ის კაენა არ არის, ნააბრაგი? — იკითხავდნენ.

— ის ყმაწვილი? ის აღმასხანის შვილი უნდა იყოს.

— ჰაი! აღმასხანის შვილი? უტას გაზრდილი? ჰაი, დაილოცა ღებოთო შენი სახელი! ასე ის ჯერ რამ გახადა, — უკვირდა ზოგიერთს. — აკი ამ სამი წლის წინათ სანაჩალიკოში პატარა მინახავს, ღოცა სუნთას ხარის დაკარგვის თაობაზე ვიყავით იქ.

— შეხედეთ მერე, როგორ მიმინოსავით ალებს თვალებს და გადაკრულ-გადმოკრულად გადმოჰყურებს ლამაზ გოგოებს, ეტყობა აბშიყია, აი! — შენიშნა ერთმა ხუმარა ქაბუკმა, როცა ბუხუ დამისი ამხანაგები ცხენებიდან ჩამოხდნენ და საზოგადოებას მფხელმნენ. დღეობაში, ან, როგორც აქ ამბობენ, ჯარში ქალებისა, კაცებისა და ცხენების ტევა არ იყო.

მუშაობით დაღლილი და გაჭერებული გლეხი ჯარში ივსებდა თათქმის იმ სულისა და ხორცის ზარალს, რომელიც მოსდის სახლში გამუდმებული ოფლის ღვრითა და ჯაფით. ამ დღეს იხდებოდა გლეხი მოკლე სამუშაო ჩოხა-ახალუხს და, შეძლებისადაგვანად,

«ცვამს უკეთესს, საგარეო ტანისამოსს. ამ დღისთვის ცდილობს ცოტადნად მაინც მოლამაზდეს, იბანს ხელ-პირს, წვერ-ულვაშს ივარცხნის, ფეხთ სუფთა წულებს იცვამს და მიდის ჯარში. იქ ლაპარაკობს ნაცნობებთან, ხუმრობს, იცინის, მღერის, თუ იცის ზიმღერა, და ასე დროს გატარებით ნასიამოვნები, ჯან-ლონე მოკრებილი ბრუნდება შინ. ჰაბუკი და ახალგაზრდა გლეხი ერთი თვით წინათ იწყებს მზადებას ამ დღისთვის. ყოველ თოხის დატყმაზე ან სხვა რამ მუშაობაში ჯარი ახსენდება. თუ ცბენი ჰყავს, ერთი კვირით წინ ახამებს, უვლის, რომ იმ დღეს კარგი სიარბილითა და ჭირითით ასახელოს. ახალგაზრდა ქალების კობტაობას ხოცსაზღვარი არა აქვს იმ დღეს. ყველანი, შეძლებისდაგვარად გამოწყობილნი, მიეშურებიან ჯარში, უმეტესობა სედლოთი და კავალჩებით. ზოგს მამაპაპური ლეჩაქი დაუწუნებია და ფრანგულა შლიაპა დაუხურავს, ხელქმნილი ვარდებით მორთული, იქნება ვისზე თვალი დაუბნელდეს და ანკესივით მომებასო; ზოგს ჩითის კახისათვის აქა-იქ ფერადი ზოლი ჩაუყოლებია, რადგან ჭრელი ტანისამოსი უფრო ეჩხირება ადამიანს თვალებში და მალე მომაქცევენ ყურადღებასო; ზოგს კიდევ ღილები ზედატანისა უკან გადაუყოლებია; ზოგის კარსეტზე კი რა მოგახსენოთ, ისე გაკანკლულა შიგა, რომ გეგონებათ, ცერის სისხლ წელი აქვს და საცაა ლერწაშივით გადაიმტერევაო.

ვაჟებიც არ ჩამოუვარდებიან ქალებს გამოწყობაში. ზოგი გაშოსაჩენად სამასროებს და მკერდის პირებს ბუზმენტებით ირთავს. ყველა ცდილობს, რომ ისეთი რამ ან მოირტყას, ან ჩაიცვას, ან დაიხუროს, როგორც სხვას არა ჰქონდეს. ჯარი აჭრელებულ და სასიამოვნო სურათს წარმოადგენდა. ქალნი და კაცნი ერთმანეთის ზავალიერებასა და დაფასებაში იყვნენ გართულნი. რამდენსამე ადგილას მოისმოდა შეწყობილი ფეხის ხმა, სადაც ოცი, ორმოცი კაცი ვოხოხოიას* აწყრიალებდა. ზოგან ფერხული დაიშლებოდა და სათამაშო სიმღერას იწყებდნენ. გაიმართებოდა სიმღერა, ტამისკვრა და დაირის გრიალი; უცბად გამოვარდებოდა ისარივით ხხარტი ბიჭი, წელის ნელ-ნელა რხევით და იწყებდა თამაშობას. ბიჭს გოგოც გამოჰყვებოდა და ორიენი ეტლის თვალივითა ტრიალებდნენ. თავდალუნულ გოგოს თვალები ბიჭის ფეხებისაკენ იყო მიქცეული, აგრეთვე ვაჟის გაბრწყინებული თვალები გოგოს აბ შორდებოდა და იმის მიხრა-მოხრას შეჰყურებდა. გოგოს ბრო-

* ვოხოხოია—საფერხლო სიმღერაა.

ლივით თეთრი და ისარივით სწორი მოგრძო თითები ჰაერში იყო გაწვდილი და ზედ მზის სხივი თამაშობდა. როცა ერთნი მოიღლებოდნენ ცეკვითა, ახლა სხვები გამოვიდოდნენ და ასე ამგვარად. ზოგს მღერა-თამაშობა მოსწყენოდა და ისევ თავის საყვარელ ცხენისათვის მიემართნა. იყო ერთი უშველებელი თარჩიობა გამართული; თარჩიობა ის არის, რომ ერთი ცხენოსანი დაიჭერს ხელით ან კბილით ცხვირსახოცს და გაიქცევა, სხვები უკან დაედევნებიან დასაჭერად და ვინც მოეწევა და დაიჭერს, იმისია, მერე წინ ის გაიქცევა და ასე ამნაირად. მეთარჩიეს დიდი გამოცდილება, ცოდნა და ხერხი უნდა ჰქონდეს, რომ არ დაიჭირონ. უცბად უნდა მოაბრუნო ცხენი, რომ მოულოდნელ გადახვევით მღევარი აიცილინო. უნდა მიუხვ-მოუხვიო, სწრაფად გაირბინო ხეებ შუა, ხან თხრილიც უნდა გადალახო, დაღმართი ჩაირბინო, აღმართზე შეაგლო ცხენი და იმავე დროს მალ-მალ უკან უნდა იყურო, ახლო ზომ არ მოვდევენ დასაჭერად.

ჩვენმა ბუხუმაც ბევრი აქენა თავისი ცხენი და სახელიც მოიხვეჭა მარდი ცხენოსნისა. შეჯახებაშიაც ბევრ ცხენს დაახვეწინებდა. კარგი ის იყო იმ დღეს, რომ ჩხუბი არ მომხდარა, რაიც ძალიან ხშირია ხოლმე ოდიშის ქარიანობაში. ვისაც ვისთვის უწყევანებია რამ, ამ დღეს გაახსენდება. დაამარაგებს ძმა-ბიჭებს, თვითონაც კარგად დამარაგდება. რასაკვირველია, მოწინააღმდეგე დასიც შეუტყობს და თვითონაც ფრთხილად დაიჭერს თავს. ჯერ მცირე აყალმაყალი ატყდება, მერე უფრო მომეტებული ხმაურობა. ხმაურობას გინება მოჰყვება, გინებას მათრახი ან ჯოხი, ჯოხს ხმალ-ზანჯალი და დაიწყებს სისხლი დენას.

— ჩვენი ხატი, აბა, რა გეგონათ, შენი ქირიმე, ჩხუბს მის წინ ვინ გაბედავს? — ხარხარით ეუბნებოდა ერთი სედლოიანი ქალი თავის სტუმარ კავალერს, როცა ჯარი დაიშალა და შინ მათრახებმს ტყაცუნით დაბრუნდნენ. სტუმარი მეორე სოფლიდან იყო მოსული და უკვირდა, მადლობა დმერთს, დღეს ჩხუბი არ მოხდაო.

— როგორ, ბატონო, თქვენი ხატი გამოცვალებთ? თუ ისევ ისაა, რომელიც ამ შვიდი წლის წინათ იყო?

— რას ამბობ, გენაცვალე, შვიდი წელი კი არა, ლევან დადიანის უწინაც ყოფილა ეს ხატი ჩვენში.

— მამ იმისი ბრალი თუ არის უჩხუბობა, რატომ მაშინ არ დაამოშმინა ხალხი, როცა აქ... არ გახსოვს? ერთ წელიწადს კაცი მოჰკლეს და ორი გვარეულობა კინალამ ამოწყდა, ისე ამოხოცეს ერთმანეთი.

— კმ... მაშინ, ალბათ, გაჯავრებული იქნებოდა ჩვენზე. დაილოცა მისი სახელი! — და ქალმა პირჯვარი დაიწერა. ამ დროს უკან მათრახების შუილი მოისმა. ცხენოსნები იყვნენ ბუხუ და მისე ამხანაგები. წინ მიმავალთ ბუხუს გზა დაუთმეს. ყმაწვილი იხარავით იჯდა ცხენზე. აღვირი დაეკრიფა და ცხენის თავი მხედრის თავს უსწორდებოდა თითქმის. მისი ოქროთი დაფერილი ზმლის ტარი ამ საღამო ჟამზე საამურად ბრწყინავდა. მისი ამხანაგებიც რჩეულ ცხენებზე ისდნენ. გაუტიეს ცხენებს და რამდენსამე წუთის განმავლობაში კარგა მოშორდნენ დანარჩენ მგზავრთა. ამ დღემ დიდად ასიამოვნა ბუხუ. მასუკან უფრო შეუყვარდა ცხენი და ჭირითი და თავისი მასწავლებელი კაენა. კაენა იმდენად შეუყვარდა ბუხუს, რომ უიმისოდ ერთ წუთსაც ვერ გასძლებდა. რადგან კაენა ხშირად დადიოდა საშოვარზე, უნდა ვიფიქროთ, ბუხუსაც თან ატარებდა. დიად, საუბედუროდ, ბუხუმაც ისწავლა კაენას ხელობა, სისხლმა თავისი გაიტანა და შვილიც მამის გზას დაადგა. გაცრუვდა საბრალო დედის მოლოდინი. ეგონა შვილი ჩინოვნარი გამოძივად და ის კი არა, მან სხვა მოხელეობას შიამუტა.

X

ქაბუე ბუხუს თუმცა ძლიერ უყვარდა თავისი საყვარელი დედა, მაგრამ მაინც ყოველი მისი რჩევა, ხვეწნა და მუდარა, საუბედუროდ, ამოდ დარჩა, რა ღონე არ იხმარა კნეინა მაკამ, რომ შვილი ამ სამარცხენოდ საქმისათვის მოეშორებინა, მაგრამ ვერაფერს გახდა. კაენას საუკუნოდ გამოესალმა, სახლში მოსვლა მოუსპო და გუბერნატორთანაც დასმენას უპირებდა. ამ დროს კაენამ მეზობლის პირით ისეთი მუქარა შეუთვალა კნეინას, რომ იძულებული შეიქნა ხელი აეღო თავის განზრახვაზე. კაენა სხვათა შორის უთვლიდა, რომ თუ ინებებთ დასმენას, მეც მზადა ვარ შენი ქმრის ხაქციელი გამოვამჟღავნოვ; ვუამბობ მთავრობას, რომ შენი სახლი დღესაც სავსეა სხვადასხვა განძეულობით, რომელიც დამალული გაქვს და რომელიც შენმა ქმარმა იშოვა ხელმრუდობითაო. თუმცა მაკას ბევრი არაფერი განძეულობა ჰქონდა, მაგრამ მაინც ქადილი გულს მოხვდა. ქმრისგან დატოვებული ოჯახის გაუპატიურებას ისევ შვილის გაუბედურება ირჩია. მეტი ღონე არ იყო,

მწუხარება გულში უნდა ჩაეკლა და ბუხუს ბედი კაჟნას ამაძაღ დაეტოვებინა.

ბუხუ ხანდახან მთელი კვირაობით შინ არ მოვიდოდა. თუ მოვიდოდა, ისიც რამდენიმე საათით და ძვირად თუ ღამე შინ დარჩებოდა. ყოველ მის წასვლა-მოსვლას უბედური დედა ტირილით ეგებებოდა. ბუხუს გული თითქო ქვააო, დედის გლოვა-გოდებას გულგრილად ეკიდებოდა. წარბშეკმუხვნით შეხედავდა ხოლმე დედას, როცა მაკა ცრემლმორთეული ქვითინით მოთქვამდა თავის უბედურ ბედს, თავის ქმრის უბედურ ბოლოს და უკანასკნელად თავისი ერთადერთი შვილის საფათურაკო გზაზე დადგომას. ევედრებოდა შვილს, დანებე თავი ამნაირ უაზრო და სამარცხვინო ცხოვრებასაო; ნუ მიკლავ გულს, ნუ გამიმწარებ უიმისოდაც გამწარებულს სიცოცხლესაო.

ნუთუ ბუხუს მართლა გულს არა ზედებოდა დედის ტირილი? ნუთუ მისი გული მართლა ქვა იყო? არა. ბუხუს უყვარდა დედა, უყვარდა იმდენად, რომ მეტი სიყვარული ძნელიც იყო. დედის ბიტყვები სწამლავდა მის გულს, აწუხებდა ჭაბუკს, მაგრამ ის მაინც თავისას არ იშლიდა, ისევ კაჟნასთან დადიოდა. რა არის კაცის გული! ბუხუ ნათლად გრძნობდა, რომ ყოველი მისი მოქმედება წინააღმდეგი იყო როგორც ბუნებრივი კანონებისა და სინიდისისა, ისე დედის სურვილისა და ნებისა. ნათლად გრძნობდა თავის დანაშაულს დედის წინაშე, წუხდა, რომ დედას სიცოცხლეს უშხამავდა, მაგრამ გასწორებას ვერ ახერხებდა, უფრო ეტანებოდა ცუდკაცობას, თითქო იმ სამარცხვინო საქმეში უნდა მისცეს თავი დავიწყებასაო. უნდოდა დავარდნილიყო დედის წინაშე, ეთხოვა შენდობა, მოხვეოდა მის მუხლებს, დაედვარა მის წინაშე ცრემლი სინანულისა, გაეწყვიტა სამუდამოდ კავშირი თავის ამხანაგებთან, მაგრამ ყოველივე ეს იმდენად აშფოთებდა, იმდენად ურევდა აზრებს, რომ თითქო თავის თავს უწევს ჯიბრსაო, უფრო და უფრო უმატებდა ცუდკაცობას. გარეგნობით კაცი ძვირად თუ შეამჩნევდა ამ სულის მდგომარეობას. მღეროდა კიდევ ამხანაგებთან, იცინოდა, მასხარაობდა, მხოლოდ დროგამოშვებით მოულოდნელად სახე ეცვლებოდა, გული ცახცახს უწყებდა და ძალაუნებურად ამოიოხრებდა ხოლმე. ეს წუთი იმდენად უაზრო და ბუნდოვანი იყო მისთვის, რომ თვალწინ რა ედგა, იმასაც ველარ არჩევდა. ერთხელ, დიდი ხნის წოწილის შემდეგ, ერთ სამიკიტნოში ღვინო-ხა სვამდა თავის ამხანაგებითურთ. ბუხუმ პაპიროსი გააკეთა და

ასანთის მაგივრად ღვინის ქიქით უნდოდა მოეკიდებინა. ღვინო დაიქცა. ჰა, ჰა, ჰა! ატყდა ხარხარი ამხანაგებში.

— ბიჭო, ხომ არ გეძინება? — ეკითხება ერთი.

— საკვირველია, ილორის მადლმა! — უკვირდა მეორეს.

ბუზუ ცოტა ხნის შემდეგ გონს მოვიდა, კვლავ სიცილი დაიწყო და მოჰყვა უდარდელ ლაპარაკს.

კაენასა და ბუზუს სიმდიდრე ცხენები იყო. ცხენებს, თუ უნდოდათ, დღეში რამდენჯერმე გამოიცვლიდნენ. კაენას სხვადასხვა ჟერის ცხენი უყვარდა. ამიტომ დღეს თეთრ ცხენზე იჯდა, ხვალ შავზე, ზეგ ღვინის ფერზე და ასე... ბუზუს კი უფრო შავი ცხენი მოსდიოდა თვალში და არც ხშირ-ხშირად ცვლა უყვარდა. ხელობის დაწყების შემდეგ ორი წელიწადი ისე გავიდა, ხუთი ცხენი არ გამოუცვლია, როცა კაენამ იმავე დროის განმავლობაში ასზე მეტი გამოიცვალა.

კნენა მაკამ ვერ გაუძლო ამდენ სევდას და თანთადან ავად-ჰყოფოდა დაიწყო. ვარდისფერი ლოყები დაუქკნა, სახე გაუყვითლდა, დიდრონი თვალები თითქო დაუპატარავდა და ჩაუქრა, თვალების გარშემო ღვინისფერი კანი გამოუჩნდა. ამასთანავე ნაცნობებმაცა და ნათესავებმაც თითქო დაივიწყეს. უფრო იმითომ, რომ ხელმოკლედ იყო და სტუმრებისათვის ძველებური პატივისცემა არ შეეძლო. ხელმოკლეობას გარდა მისი მუღმივი სევდიანობაც იყო მიზეზი, რომ ნაცნობნი ერიდებოდნენ, რადგან კნენა სულ ასე ნალელობდა და არაფერს ყურადღებას არ აქცევდა, მისი ქონებაც ნელ-ნელა შეშვირდა, გაიბნა. მოსამსახურეებმა დრო იპოვნეს. ყველა თავისთვის ზრუნავდა და, რაც შეეძლო, გაჰქონდა ბატონის სახლიდან. როცა ასე თუ ისე გაივსნენ, ნელ-ნელა სულ მოშორდნენ სასახლეს. ბოლოს ერთი პატარა გოგოლა შერჩა, რომელიც კნენას ნათლული იყო და კნენასაც ძლიერ უყვარდა, რადგან პატარაობიდანვე მის ხელში იყო გაზრდილი. უფროსმაც ხომ სულ ამოიკვეთა თითქმის ფეხი მაკას სახლიდან. ვიზიტებს თავი დაანება და ბოდის იხდიდა, საქმეები ბევრი შემეგროვდა და ველარ ვიცილიო.

ბუზუ და მისი ამხანაგები გაჩაღებულ ვაჭრობაში იყვნენ გართულნი. ოდიშიდან აფხაზეთში და იქიდან უკან ერთი კვიცი არ გადავიდ-გადმოვიდოდა ისე, რომ მათ არ სცოდნოდათ. ხან ისეთი დღე გამოერეოდა, რომ ათობით გაჰყიდდნენ ცხენებს სამ-სამ, ოთხ-ოთხ მანეთად, ხშირად გზაზე გაუვლიდნენ ტყის ახლო მოსახლე გლეხს, ისადილებდნენ და ნასადილევს ბედაურ ცხენს აჩუ-

ქებდნენ ორიოდ ლაფერა ღომისა და ქათმისათვის. მათი ამბავ-
ქვეყანამ შეიტყო. არზა არზაზე მიდიოდა სადაც ჯერ იყო. იყო
ქებნა, დადიოდნენ ბოქაულები ყაზახ რუსებით და კიდევაც ბევ-
რი დაიჭირეს, მაგრამ უფრო უდანაშაულონი. რჩეული აძხანაგებ-
თანდათან შემოეცალნენ კაჟნასა და ბუხუს. ზოგმა თავი დაანება
თავის საქციელს, ზოგმა ცალკე დაიწყო მოქმედება. ყველაზე
უფრო ერთგულად აკეთებდნენ თავიანთ საქმეს, რასაკვირველია.
კაჟნა და ბუხუ. ბოქაულები თავგადადებული იყვნენ, რომ დაეჭ-
ნათ როგორმე, მაგრამ ყოველივე მათი შრომა ამაო იყო. ასე ან-
ბობდნენ თვითონ, თორემ ძალიანაც თავს არ იცხებლებდნენ იმათი
დაჭერისათვის. ან ვინ იყო მართლა მათ შორის ისეთი, რომ თავ-
გაეწირა და მოენდომებინა მათი დაჭერა? ბოქაულები მხოლოდ
ოქმებსა წერდნენ, მართავდნენ სოფლებში ყრილობას ყრილობაზე,
არჩევდნენ ხეისთავების მეუფროსეებს—ზნირად ისევე ქურდებს.
ემით ქურდობა არამეტუ ისპობოდა, პირიქით, უფრო ძლიერდ-
ბოდა.

კნენა მაკამ ბოლოს ყველაფერს თავი დაანება, შავები ჩაიცი-
და ხშირ-ხშირად დაიწყო ეკლესიაში სიარული. იყო დრო, როცა
მაკა რამდენსამე ცხენოსნით გარშემორტყმული, აბრეშუმის ტან-
ხამოსით, სურნელოვანი ნელსაცხებელშეფრქვეული, შრიალით
მიდიოდა ეკლესიის კარზე. მის დანახვაზე ერთი ალიაქოთი შეიჭ-
ნებოდა ხოლმე. გზას უთმობდნენ და მაკა ანგელოზივით გამოწყო-
ბილი ყველა ქალებზე წინ დადგებოდა ხოლმე ეკლესიაში. მის
ვარდისფერი ლოყები მაშინ თითქოს სინათლეს ჰფენდა არემარეს

ხულ სხვა იყო ახლა. მაკა შავებში ჩაცმული, პატარა გოგონ
ანაბარა, ფეხით, ჯოხზე ხელდაბჯენილი, ნელ-ნელა მიდიოდა საყ-
დრისაკენ. ძალიან ძვირად შევიდოდა ხოლმე შიგ, თუმცა ახლაც
პატივსა სცემდნენ. უფრო ხშირად გარეთ დადგებოდა, დერეფანში
და იქ ხშირ-ხშირი მეტანიით და პირჯვრის წერით ანუგეშებდა
თავის მოშხამულ გულს. ნაწირვებს, როცა სხეები სიმღერითა და
სიცილით სახლებისაკენ ეშურებოდნენ, მაკა აღმასხანის საფლავე-
საკენ მიდიოდა და იქ აფრქვევდა ცრემლებს.

ერთ კვირა დღეს კნენა მაკა ჩვეულებრივ ეკლესიაში წავიდ-
ნაწირვებს აღმასხანის საფლავეზე არ უტირნია, მხოლოდ მოწყენით
გაიხედა იქითკენ, თავი დაიქნია მწუხარედ და შინ წავიდა. ხბვა
დროს ერთ-ორ სიტყვას მაინც ეტყოდა ქალებს, ახლა ხმა არავის-
თვის არ გაუცია და არც არავისთვის შეუხედავს. ყველაზე ადრე
წამოვიდა. გზაშიაც ხმა არ ამოიღო და მხლებელ გოგოსაც კი არა-

ფერი უთხრა. მოვიდა თუ არა, მაშინათვე ლოგინში ჩაწვა და რამდენსამე ხნის შემდეგ თვალების ბრიალი და არეული ლაპარაკი დაიწყო. გოგო მაშინათვე მოჯამაგირესთან გაიქცა, რომელიც ის ყო წასვლას აპირებდა და წამდაუწუმ კნეინას ანგარიშის გასწოებას თხოვდა. მოჯამაგირე მეზობლებისაყენ გაფრინდა და რამდენსამე ხნის შემდეგ მოგროვდა ქალი და კაცი.

კნეინა იწვა დარბაზში, რომლის ერთ კუთხეში დაკებული იყო ლელის* ბუმბული. ავადმყოფი საშინლად მოუსვენრობდა. გარშემო მდგომნი ხელს აწვდიდნენ, ეკითხებოდნენ, ანუგეშებდნენ, მაგრამ ეს პასუხს არავის აძლევდა. ამ დღიდან დაწყებული კნეინას არც უსვამს, არც უჭამია და არც არავისთვის ანათერი უთქვამს. ხან ჩუქად იწვა, ხან წამოვარდებოდა და ბოდავდა. მეზობლები და ნათესავები აღარა შორდებოდნენ. ამნაირად გაატადა კნეინამ რამდენიმე დღე. ერთ საღამოს, თითქო რაღაცა მოაგონდაო, ლოგინზე წამოჯდა და იატაკს გაუშტერა თვალები.

— ბა, გენაცვა, ქალბატონო? — დაეკითხა ახლო მდგომი მეზობლის ცოლი. კნეინამ იმისკენ მიიხედა, იმასაც თვალი გაუშტედა და მერე ისევ აპირდა თვალები.

— უ! უ!... — კრიჭაშეკრულმა დაილაპარაკა კნეინა მაკამ, — დაი...ქე...რეთ. არ გა...უ...შვათ...ა...ა...

— არაფერი, შენი კირიძე! — ეალერსებოდნენ ქალები, მაგრამ ეს არავის ყურადღებას არ აქცევდა. ამნაირად გაატარა მთელი ღამე. ხან წამოვარდებოდა, თვალებს სხვადასხვა საგანს უშტერებდა, ხან არეულ ლაპარაკს დაიწყებდა, ხან ფეხზე წამოდგომას და გაქცევასაც დაპირებდა. გათენებისას ავადმყოფმა ცოტაოდნად მოისვენა. — ყველას იმედი მიეცა და დალაღვისა გამო აქეთიქეთ მიწვნენ. შუა აპრილი იყო და ამიტომ ბევრს გარეთ ეძინა. დილით კნეინა ცოცხალი აღარ დახვდათ. საწყალი იმ ღამეს გარდაცვლილიყო. რასაკვირველია, იტირეს მეზობლებმა და ნათესავებმა, თუქცა კანონიერი ტირილი არა ყოფილა, ჩვეულების მსგავსად. გაგზავნეს კაცი აქეთ-იქით. ბუხუს საძებნელად, მაგრამ ვერაეითარი ამბავი ვერ შეატყვა; მხოლოდ ერთ მგზავრს ეთქვა, რომ ზუგდიდში ამბობდნენ, ვითომ ბუხუ და კენა წებელდისკენ გამგზავრნენო. ყოველივე ქონება ჯერჯერობით ხელუხლებელი იყო. ქონებას მცველად დროებით ერთი სინილისიერი კეთილშობილ

* ლელი—რბილი ბურტყლი.

კაცი დაუყენეს და დაავალეს, რომ შეძლებისდაგვარად ჯეროვან-
ყურადღება მიექცია ყოველ უძრავ-მოძრავისთვის.

კენინის დასაფლავების მეორე თვეს ბუხუ და კაენა დაბრუნ-
დნენ თავიანთი მგზავრობიდან, თითქმის ხელცარიელები. თავადი-
შვილი, რომელიც დაპირდა დიდ საშოვარს, სამხედრო უფროსს
დაექირა და დაეპატიმრებინა. რა უნდა ექნათ? ამდგარიყვნენ და
ხელცარიელები ისევ უკან წამოსულიყვნენ. გზაზე კი გასტეხეს
მაინც ორიოდღე ღუქანი, მოიპარეს რამდენიმე ცხენი, მაგრამ სამ-
სამ მანეთზე ზევით არავინ მისცა იმ ცხენებში.

— დაწყევლა ღმერთმა, ეს მოგზაურობა ცუდი შეგვექნა! —
ნაღვლიანად ამბობდა კაენა, როცა ენგურს მოატანეს.

— რა ვუყოთ, მოსავალია! — მიუგო ბუხუმ. — სამაგიეროთ.
იმერეთისაკენ რომ წავალთ, მოვიგებთ.

— როცა იქნება მოვიგებთ, მაგრამ ამ მოკლე დროში კი საქმე
ცუდად გვქაეს. იცი? ყოველდღე ჩვენზე სანაჩაღნიკოში ათზე მე-
ტი თხოვნა შედის თურმე. ბედი, რომ ნაჩაღიკი ცოტა სხვანაირად
გვიყურებს.

— გვიყურებს კი არა, მისი თავი არ მომიკვდება! — აღმურ-
მოკიდებით მიუგო ბუხუმ. — იმას ჩვენგან სიკვდილისა არ ეში-
ნოდეს, ჩვენი პატივისცემა ბევრი ხანია დავიწყებული აქვს. პა-
ტივისცემის მიზეზით?.. ამდენ ხანს, ჩვენ რომ ცუდი ჩავვიდენია,
ხუთჯერ დაგვეკარგავდა კატორღაში.

— არა! არ იფიქრო, ბუხუ! არ შეიძლება დედიშენის პატივის-
ცემა დაივიწყოს.

ბუხუ ამის თქმაზე გაწითლდა, გული აუქანკალდა და კინაღამ
თვალეზიდან ცრემლები არ წამოუვიდა. უცბად გული მოუვიდა,
მერე ისევ ლმობიერი სახე შეექნა. კაენამ შეატყო ეს ცვლილება
და ხმა გაკმინდა. კარგა ხნის სიჩუმის შემდეგ ბუხუმ შემოკრა
ცხენს მათრახი, დაკრიფა აღვირი და დაბალი ხმით ჩაილაპარაკა:

— უჰ! რა ხანია შინ არა ვყოფილვარ; ნეტავ თუ მშვიდობაა.

— რა ეკირვებათ? — მიუგო კაენამ, ცოტა არ იყოს, მხიარულ-
ლად. შინაურების ამბების ლაპარაკი ბუხუს არ უყვარდა, თუმცა
სულ დედა აგონდებოდა და გულში წუხდა მისთვის. კაენა კი, რა-
კი მაკასთან შემომწყრალი იყო, მის ამბის ჩამოგდებას ძალიან
უფრთხობდა.

შუაღლე იყო. ბიძაშვილები მიდიოდნენ ვიწრო გზითა და ბი-
ლიკ-ბილიკ, რადგან ფართო გზაზე გამოსვლისა ეშინოდათ. უფრო
ტყე-ტყე რჩეობდნენ სიარულს. კარგა ხნის სიარულის შემდეგ

იმათაცა და ცხენებსაც შიმშილი და დაღლილობა დაეტყოთ, ამიტომ ერთი მუხის ძირას ჩამოსხდნენ. ცხენებს აღვირი წახსნეს პირიდან და საბალახოდ გაუშვეს. თვითონ კი ჩრდილში წამოწვენენ.

— ცხენებს კი უშოვეთ ცოტა რამ, მაგრამ ჩვენ რაღაი, — ნაღვლიანად თქვა ბუხუმ.

— მოითმინე, აქ ახლოს თაფლი ვიცი, — მიუგო კაენამ.

მართლაც, ნახევარ საათის განმავლობაში კაენამ მშვენიერო ჭარაჭები მოიტანა. ჩვენი მგზავრები მაღიანად მიაძღნენ, მერე ძილი მოუნდათ და ორივემ იქვე ჩრდილში ხვრინვა ამოუშვეს.

ბუხუს საზოგადოდ პირალმა უყვარდა წოლა და ამიტომ სწორი და მწვანე ბალახით აბიბინებული ადგილი ამოირჩია. კაენამ ნაბადი დაკეცა, მუხის ერთ ამოწეულ ფესვზე დასდო და ცალ გვერდზე დაწვა. ბუხუსაც ჰქონდა ნაბადი, მაგრამ არ გახსნა. თავქვეშ მხოლოდ დაკეცილი ყაბალახი დაიდო. ტანთ არც ერთს არ გაუხდია, თუმცა ცხელოდა, არც იარაღი აუხსნიათ, მხოლოდ ბუხუმ დამბახა ამოიღო ქამრიდან, რადგან პირალმა წოლის დროს შეაწუხებდა. მუხას ჩრდილი საკმაო ჰქონდა. მუხის გარშემო კი რამდენსამე საქენის სიახლოვეზე არც ერთი ხე არ იდგა. ცა მოწყენილი იყო, მხოლოდ სვანეთის მთის წვერზე, რომელიც აქედან საუცხოოდ ჩანდა, ერთი ბეწო, თანდათან გამომქრალი ლურჯი ღრუბელი დარჩენილიყო. მზემ თითქო იდროვა, უღრუბლოაო და საშინლად დაუწყო წვა ქვეყანას. ყველა ფრინველი მიჩუმებულიყო. თითქო ყველას მაგიერობის გაწევა უნდაო, კალია დაუღალავად კრიალებდა და არემარეს აყრუებდა. მზე თანდათან გადაიწია დასავლეთისაკენ და მოეფარა მუხას. ჩრდილმა იმატა, ხოლო მძინარე მგზავრებს მზემ დაუწყო ცხუნება. ბევრნაირად ეთამაშა მზე, მაგრამ ძალზე დაღლილნი მაინც ვერ გააღვიძა. ძინავს პირალმა ბუხუს, თვალები დაუხუჭავს, სახე შესცვლია და მშვიდობიანად ხვრინავს. ისე შეხედვით თითქო არაფერი არ აწუხებს, მაგრამ მისი სულიერი არსება კი ამ დროს ათასნაირად ღელავს. პირალმა მწოლ ბუხუს ცოტ-ცოტათი დაავიწყდა ცხადი საგნები და ამბები. ჯერ მხედველობა დაეკარგა, მოეფარა თვალთაგან მუხა, დანარჩენი ხეები, მოწმენდილი ცა და სხვა. შემდეგ მშუშვნა დაიწყო, მერე ამასაც თავი დაანება. ტანს არ არხევდა, თვალთ არაფერს ხედავდა, მაგრამ ყურში მაინც რაღაც არეული შუილი

ჩაესმოდა. ბოლოს ბუხუ გუნებიერ ძილში ჩავარდა. სიზმრები მანც თავს არ ანებებდა. აი ვითომ სულ სხვა ადგილას არის, თვალეზახილული, ჩაცვული. ბუხუმ ნახა, ვითომ შეკაზმული ცხენით მიუახლოვდა თავის ეზოს. ეზოში მთლად სიმიინდი დაეთესათ და გიმერავით შავი სამარგლავი სიმიინდი სიოს სისინისაგან გშვენივრად ბიბინებდა. სახლის სახურავი მთლად დაძველებულიყო. რომ ყავარზე მწვანე ხავსი ამოსულიყო. სახლის ერთ გვერდით მშვენიერი ბოსტანი იყო. რომელშიაც მაკა შავებჩაცმული, შემკრთალი და გამხდარი მწვანის თოხით მარგლავდა. იმავე დროს სახლის მეორე მხარეს თითქო ქუთაისის ქალაქი იყო და ერთი ქუჩის თავში მოჩანდა სწორედ ის სახლი, სადაც ბუხუ იდგა. ქუთაისში ყოფნის დროს. აი იქვე იმ სახლიდან რამდენიმე საკენის მანძილზე მოზრდილი შენობა, რომელსედაც ეწერა მსხვილის ასოებით „Октябрьский суд“. აი ის დუქანიც, სადაც ბუხუ რამდენჯერმე უყიდნია ქალაღი, ხილი და სხვ. გაარჩია აგრეთვე; ქუჩის იქით თავზე ვეებერთელა საყდარი, რომლის ახლო იდგა ერთი ნაბღიანი ცხენოსანი, მისკენ მომავალი.

„ეს რა ამბავია? — იფიქრა ბუხუმ, — ეს რა ამბავია, ლეღჩემი რომ თავის ხელით თოხნის, განა ბიჭები არ არიან? ან როგორ გამხდარა! ეს სულ ჩემი ბრალია, თითქო უჯავრდებით, იხუყურებ. ის კი არ იცის, რომ იმის გულისთვის ახლავე თავს მოვიკლავ, თუ საჭიროება მოითხოვს“.

ახლა შეხედა ქუთაისს, მაგრამ არ გაკვირვებია თავის სახლთან ქუთაისი, მხოლოდ გაუხარდა თავისი ძველი ბინისა და ნაცნობ არემარის დანახვა. ქალაქი თითქო ისევე გაჰქრა და მის მაგივრად ფართო მინდორი გამოჩნდა, რომლის ბოლო სქელი ნისლით დაიბურა. ამ ნისლში ოღნავ მოჩანდა ის ცხენოსანი, რომელიც უწინ ქუჩის თავზე გაარჩია. ნისლი თანდათან მატულობდა და მინდორი კი კლებულობდა. ბუხუს ეს არ ექაშნიკა. „ვაითუ ნისლმა ამატოს და დედა დამალოსო“. მოუქირა ცხენს ბაყვები, დაამოკლავიერი და მოუქნია მათარახი; ცხენი თითქო ცდილობდა გავლას, მაგრამ ნაბიჯი წინ ვერ წარდგა. ბუხუს გული შეუწუხდა, თითქო მთელ სხეულში გახურებული რკინის მავთული გაუყარესო, ისე დაეწვა ტანი, ხელმეორედ სინჯა წინ წასვლა, მაგრამ ამაოდ. ან გაკირვებულ მდგომარეობაში კნეინა მაკამაც მოიხედა. ჯერ თითქო პირი აარიდა, მერე უცბად ისევ მისკენ მოიხედა. თმა გაწეწილმა, გაყვირებულმა, ნახევრობით კბილებჩაცვენილმა, რაიც ერთობ საშიშს სახეს აძლევდა, თოხი დააგდო, მალლა აიწია, თითქო რამ-

ღენსამე საყენით დედამიწას მოშორდაო, ხელები გაშალა და ბუხუსაყენ წავიდა ყვირილით:

— მამაშენი, შეილო ბუხუ! მამაშენი, აი, აი, შეხედე! — თან თავს ატრიალებდა და თან უთითებდა იმ ცხენოსანზე, რომელიც სახლს უკვე დაახლოვებოდა. ამ დროს ნისლი უცბად ცეცხლივალად გადაიქცა და მთლად მოედო მინდორს, მიაწია მაკამდის. განათლდა მის გარშემო ჰაერიც და იმისი შავი ტანისამოსიც. აი ერთი წუთიც და მაკაც ცეცხლში ჩავარდება. ბუხუს სული შეუკლებდა. „ნუთუ დედა იწვის და ვერ უნდა მივეშველოვო!“ — ფიქრა მან. ძალზე მოუქნია ცხენს მათრახი, გადაიწია უნაგირიდან. დაღზრიალა ტანმა და თვალებიც გაახილა..

რამდენსამე წუთს თვალებგახელილი უძრავად იწვა. მთელს ამის ტანს ცახცახი გაჰქონდა და აურაცხელი სევდა და ნაღველი ბოსწოლოდა გულზე. ჰერ კიდევ ვერ წარმოედგინა, რა მდგომარეობაში იყო. ნუთუ მეძინაო, დაეკითხა თავს და თავისი აწმყო ჰდგომარეობის თითო-თითოდ გამოკვლევას შეუდგა. „სადა ვარ? ჰო, მიუხის ძირს მოვისვენეთ მე და კაენამ. ფუი ეშმაქს!“ — ბირვრის წერით წაიბუტბუტა და ზეზე წამოდგა, თვალები მოიწმინდა, დაამთქნარა, წელზე გადაიწია, დამბაჩა ქამარში ჩაირქო და აქით-იქით გაიხედა. მზე დასავლეთს მიახლოვებოდა. ქვეყანას რაოც მოწყენილი საბე დასდებოდა. ზღვიდან ნელი სიო მოჰქროდა. გაიხედა, კაენას ნაბადი დაკეცილი იდო, თვითონ კი ცხენებითურთ: აა ჩანდა. ცოტა ხანს შემდეგ გამოჩნდა კაენაც ცხენებიანად.

— ამ მგლის გასატყავებლებმა ეს რა შემოიღეს?! — გაჯავრებით მოლაპარაკობდა კაენა.

— საით წასულან, კაცო? — დაუძახა ბუხუმ.

— ამათი გატყავება! წასულიყვენ ტყეში აი ამ ბილიკით.

— ბედი კიდევ, რომ შორს არ წავიდნენ.

— იმდენი ხანი არ დამიცალეზია. ჩქარა გამომეღვიძა. შე კაცო. რამ მოგაწყინა? — ათვალერებით დაეკითხა კაენა. — ნამძინარევი კი ხარ, მაგრამ მაინც... რა კარგად გეძინა, მე რომ ავდექი. ძილში ცხენის ჭიხვინი მომესმა და გამომეღვიძა. გავიხედე. ცხენები არ იყვნენ. ჰაიბაჩი! გამოვედევნე. ცოტა ხანი რომ დამგვიანებოდა, უნგურს მიუახლოვდებოდნენ. მართლა, რამ მოგაწყინა? — ჰკითხა ავლაგ და შიგ თვალებში ყურება დაუწყო.

— ეჰ! დასწყევლა ღმერთმა! ისეთი ცუდი სიზმარი ვნახე, რომ ჭერე კიდევ არ მოვსულვარ გონს, — ნაღელიანად მიუგო ბუხუმ და თითო-თითოდ უამბო ყოველივე.

— კარგზე, სიკეთეზე ანიშნოს ღმერთმა! — მიუგო კაენამ და ცოტა დაფიქრდა. მერე ცხენები შეკაშმეს და ისევ ტყე-ტყე დაადგნენ გზას.

— ამაღამ ჩემი ნათლიდედასთან გავიაროთ და საქმელი გავაკეთებინოთ, თორემ მეტი არა ვარ, — თქვა კაენამ, როცა კარგა მანძილი გაიარეს.

— მე კი ვერ წამოვალ, მეშინია, ვინ იცის, ვის არ შევხვდებოდა შენ კი, როგორც მოყვარე, უფრო თამამად მიხვალ და კარგა იზამ, თუ ჩემთვისაც წამოიღებ საქმელს. მე იმ ცაცხვთან მოგიცდი, — მიუთითა გორაკის წვერზე, სადაც ლამაზი ხშირტოტიანი ცაცხვი იდგა. კაენა გამოემშვიდობა ბუხუს და გასწია მოყვრის სახლისაკენ.

ბუხუ ჭერ ცხენიდან ჩამოხდა დაფიქრებული. პაპიროსი გააკეთა, ტალკვეით ცეცხლი გააჩაღა, პაპიროსს მოუკიდა, ისევ ცხენზე შეჭდა და გასწია ცაცხვისაკენ.

— ნეტავ ვიცოდე, შინ რა ამბავია? — ფიქრობდა ბუხუ. — სულ ჩემი ბრალია ყველაფერი. დედას ჰგონია, ვითომ მე ის მძულდეს, ან როგორ არ ეგონება, აგერ სამი წელიწადია, ხეირიანად ხმაც არ გამიცია. მინდა დაველაპარაკო, ბოდიში მოვითხოვო. მაგრამ ისევ რაღაც ძალა ნებას არ მძლევს, დედა ვერ შესძლება ჩემ გულს ჩახედოს, თორემ... ნწ! ჩემი ბრალია, ჩემი, მე ვარ დანაშავე“.

XI

გორაკზე, სადაც იდგა დიდი ცაცხვი, ძველისძველად თურნე ეკლესია ყოფილიყო, მაგრამ ეამთა ვითარებისაგან მხოლოდ საძირკველის ნანგრევის მეტი არაფერი მოიძებნებოდა. ძველი, კირით გათხუპნილი თლილი ქვები და ზედ გამოჩუქურთმებული ჯვრები ამტკიცებდა, რომ ამ დაბურულ ტყეშიაც ოდესმე სდულდა სიცოცხლე, რომ აქ ოდესმე ცისა და ქვეყნის შუამავალნი გამჩენს: ეკედრებოდნენ და წრფელი გულით შესთხოვდნენ ჯვარცმულს ერის ცოდვის მიტევებას. ახლა რაღა იყო აქ? დახავსებული ქვები, ჯაგები და ტყე. მხოლოდ ის ერთი ვეებერთელა კარავივით გაშლილი ცაცხვილა იყო ძველი დროების მოწმე; ამ ცაცხვს, ან ამ დახავსებულ ქვებს რომ ენა ჰქონდეთ, ვინ იცის, რამდენი რამ მოგვითხრონ საგულისხმეირო ჩვენთა ძველთა შესახებ. ვინ იცის, იქნება. ეს ტრამლად ქმნილი არემარე ოდესმე მრავლად შე-

მოიკრებდა ხოლმე გარშემო დასახლებულ მკვიდრთ სალოცავად და ქრისტიანობისა და ქვეყნის მტერთან თავგანწირული ბრძოლისათვის. შესაძლოა, რომ ვიდრე ეს ტაძარი ასე უწყალოდ დაინგრეოდა მტრის ხელით, მამულისათვის თავგანწირულნი გაშმაგებით იბრძოდნენ, დასდეს თავი მტრის ვერ მძლეველთა და ფვალნიც თვისნი აქ მიაბარეს შავს მიწას. განვლო დრომ და აღა-
 ლავის ახსოვს, რომ შესაძლოა ეს ადგილი მოწიწებით მოსაგონია ჩვენთვის და იქნება ერთიათად პატივსაცემი და ძვირფასი, ვიდრე იყო მაშინ, როცა ისევე ხელუხლები იდგა აქ ეკლესია. ახლა ამისთანა ფიქრი აზრად აღარავის მოსდის.

აჲ ჩვენი ცხენოსანი ბუხუც უახლოვდება ამ ნანგრევს, ძაგ-
 რამ მისი გონება ამჟამად სულ სხვასა ფიქრობს. იმის თვალწინ მარტო დიდი ცაცხვი დგას. არც კი იცის, რომ ის ნაეკლესიარო იდგილია. ან სადა აქვს დრო ნანგრევი ათვალეიროს? მისი გულა ათასნაირად ღელავს. ცალკე დღევანდელი სიზმარი აწუხებს. ცალკე თავისი ცხოვრება და არზები, რომელიც მის ავკაცობის გამო მრავლად მისდის მთავრობას. ეს ფიქრები ერთიმეორეს აცვლის და თნავარი ფუტკარივით ესევა მის ტვინს.

ბუხუ ავიდა მალლობზე, მაგრამ პირდაპირ ცაცხვამდე ცხენი ასვლა შეუძლებელი იყო. ამიტომ ჩამოხდა ცხენიდან, აღვირი ზელში დანიჭირა, გაუძღვა წინ ფრთხილად და ისე ავიდა ბილი-
 ბილიც.

— უჰ! რა კარგი ადგილი ყოფილა აქა! — წაიბუტბუტა ბუ-
 ხუმ. როცა დაათვალეირა იქაურობა. ცაცხვის გარშემო რამდენ-
 ხანე საყენის მანძილზე ხელისგულივით სწორი ადგილი გადაე-
 მალა თვალწინ, რომელიც შემოზღუდული იყო ჯაგებითა და სხვა-
 დასხვა ყვავილ-ბალახით. ცაცხვი შუა ადგილას იდგა. აღმოსავ-
 ლეთით, თითქმის ზედ ფერდობის კიდესთან, ჩანდა თვით ნანგრე-
 ვის საძირკველი და აქეთ-იქით ქვა ეყარა. ბუხუმ ცხენი ერთ
 ჩირგვზე მიაბა, უნაგირი მოხსნა და ცაცხვის ძირში დასდო. მერე
 ცხენს აღვირი ფეხებზე მოაბა და გაუშვა საბალახოდ, თვითონ კი
 თავი უნაგირზე მისდო და მოისვენა ფიქრებში გართულმა.

— რისთვის ვცხოვრობ ახლა მე, რომ კაცმა მკითხოს? — ამბობ-
 და გულში. — რა მკირდა გადასაკარგავი? განა მამაჩემს არ ჰქონ-
 და საკმაო მიწა, მამული, რომ თავისუფლად მეცხოვრა, გემრიელი
 და ალალი ლუკმა მეკამა? ან რად არ ვისწავლე? რა კარგად
 ვცხოვრობდი ქუთაისში! ან რა ბედნიერი ვიყავ! დღესაც დამე-
 სიზმრა ქუთაისი, სულ ერთად ვხედავდი ყველაფერს. მამაჩემიც

იქ იყო ვითომ ნაბადწამოსხმული. მამაჩემი, ამბობენ, კაი ვაყვაცო იყო. დედაჩემი თავის ხელით თოხნიდა. ეს რაღაც უბედურებას ნიშანია. მერე ცეცხლი გაჩნდა. ფუი ეშმაქს! — ბუზუმ პირჯვარა გადაიწერა. სახლ-კარის გახსენებამ ნათესავეები მოაგონა, ძიძა, ბობრე.

„საწყალი ჩემი ძიძა და მობრე! საღაც კი მინახვენ (თუმცა ძლიერ იშვიათად), ჩემი ჭკუის სწავლებაში არიან და თანაც თავბ მევლებიან. მართლა, იმათ რა რიგად სწყენიათ ჩემი ასე სიარული და წოწიალი სოფელ-სოფელ სწორედ მართალი იყო, როცა მითხრა: შვილო, დედას ნუ აწყენებ, ოჯახში მოდექი. მიწა-წყალი ბლომად გაქვს და ბატონურად იცხოვრეო. მე კი შენი არაფერი მინდა, გენაცვალეო. ჩემი ბედნიერება ის იქნება, რომ შენ კარგად იქნები, მტრების სასაცილოდ არ დავარდებიო. სწორედ, სწორედ, წრფელი გულით მეუბნებოდა იმას საწყალი ჩემი მობრე რა მივეციოთ ჩვენ იმას? ერთი ცხენი, ერთი ძროხა და რაღაცეები პიკუ-პაქუ. თავის დღეში კი არ უთხოვნია, ან ეს მონეციო, ან ისაო. ჩემმა მეზობელმა სპირიდონმა შეილი რომ გააზრდევინა ვიღაც ოხანტელ გლეხს, ყოველდღე მობრე კარებში ბუზს ამ უყვებდა: აი ეს მაკლია, აი ისაო. სპირიდონი ყოველსფერს აძლევდა თხოვნისამებრ, მაგრამ მობრე მაინც კმაყოფილი არ იყო და ამ უკმაყოფილებაში წაიჩხუბნენ კიდევ. მართლა, ბარბა-ლი კაცია ჩემი მობრე“.

ძიძა-მობრეს ფიქრს თავი დაანება ბუზუმ და ისევ თავის დედის ფიქრს მიეცა. საშინლად აწუხებდა დღევანდელი სიზმარი ყოველ მის გახსენებაზე ტანში ერთხანტელი უვლიდა. ამასობაში პზეც ჩავიდა და ქვეყანას სიბნელე ეპარებოდა. ჩრდილოეთიდან შავი ზღვის პირებს ვიწრო ზოლად ჯერ კიდევ შერჩენოდა ოქროს ფერი მოციმციმე სინათლე. განუზომელი ცა ვარსკვლავებით შოიქედა. სიო ტყეს ნელ-ნელა უბერავდა და ისიც თითქო სმაურობდა, თითქო სამძიმარს ბუტბუტებდა. ნანგრევს ახლოს ბუმ, თითქო დრო იპოვაო, თავისებური კივოლი მობრე და აურაცხელმა დამურებმა ფრთხილი დაიწყეს გუნდ-გუნდად. ბუზუ ზეზე წამოდგა, თვალები მოიწმინდა. გარშემო სიბნელე ეხვია: არჩევდა მხოლოდ თეთრ-თეთრ ქვებს და ხეებს.

— ფთ, ფთ! — დაუძახა ბუზუმ ცხენს.

— ხეჰჰჰჰ! — დაიხვიხვინა ცხენმა.

„ოოჰ, აქა ყოფილბარ? როგორ იქნება მისი გაქცევა, — განაგრძო გულში თავისი ლაპარაკი. — არ გამიკვირდა დღეს ღონ

კაენამ თქვა, ცხენები გაქცეულიყვნენო, საშიშია, არსად წავიდეთ ესეც“.

— ფო, ფოვ! — გაისმა კიდევ ბუხუს ხმა. ცხენმა კვლავ პა-
ბუხი მისცა და პატრონისაკენ წამოვიდა ნელ-ნელა. პატრონიც მი-
უგება, გავაზე ხელი გადაუსვა, შუარჩვალზე ერთი-ორჯერ ხელი
წაუცაცუნა და ისევ საბალახოდ წასვლა ანიშნა. ცხენი, თითქო მე-
ტყველიაო, ფიცხლავ დამორჩილდა პატრონის ბრძანებას. პუხუპ
პაპიროსს მოუკიდა და ერთ ადგილს გაჩერდა.

„ჯარგი იყო შინ ცხოვრება, — დაიწყო ისევ მან ფიქრი, —
მაგრამ ეს ჩემი ახლანდელი ცხოვრებაც იზიდავს კაცს. საკვირვე-
ლია, სხვის სახლს ეპარები! ზოგიერთ ადგილს ბუთი-ექვსი ბოქ-
ლომი უნდა გასტეხო. ძალი ცალკე გდარაჯობს, კაცი ცალკე,
სხე იფიქრე, ქორის გასაწყვეტი ქათმებიც. ერთი ტკრციალი შეუ-
ღვებათ, თუ კაცის ფეხის ხმა მოესმათ. ამას ყველას უნდა ასცდე.
გაეპარო და შენი საქმე გააკეთო. ერთხელ გადარჩები, გაგებარ-
დება, მეორედ მოგინდება ამნაირად თავის გამოცდა. თუ დაგი-
პირეს, ფიქრობ, ვაი ჩემს თავს. თუ გამოძვერი, აქაც ამბობ, მოღ-
ვსცადო კიდევაო და ამ იმედით გატაცებული ვეღარ ისვენებ და
ბუცდები. გეშინია ცუდკაცობისა და ამ შიშში პოულობ კმაყოფა-
ლებას. მერე კიდევ ეს კაენა თავგადადებულია ჩემთვის, თავი
თავს მე დამაკლავს. კინალამ მამაჩემისთვის დაუკვლია თავი. ზო-
გორც ამბობს. მოდი ახლა და გაუტეხე ბათრი. სწორედ კი რომ
ვთქვა, რა მოგებაა ჩვენს ამგვარ ცხოვრებაში! ამდენს ვწვალობ
და თუმანი არ არის მოგროვებული ჩვენ ჯიბაში. ას მანეთს იშოვ-
ნი, ორასი ზედ უნდა დახარჯო. თავი და თავი ის არის, რომ ეტ-
ხელ დაგჩვეულვართ და ვერ გადაგჩვეულვართ. ძალიან ცდაში კ
არის მთავრობა, რომ დაგვიპიროს. მაგ...“

ამ დროს გაისმა ხმა: — ვო, ბუხუ, უი!

— პა უი, ივაზე ვარა! არეხ ვაი! — მარჯვედ მიუგო ბუხუმ.

— რა ცუდი გზა ყოფილა, შენი კირიმე! — განიმეორა პიბ-
ველმა. ეს იყო კაენა. სიბნელისა გამო ქვიან და დაკლაკნილ ვიწ-
ხო ბილიკებს ვერ არჩევდა, თუმცა ცხენიდან ჩამომხდარიყო.
ბუხუ მიეგება, აჩვენა გზა და ამოიყვანა კაენა.

— რა ამბავი, კაენა? — მოსვლის უმაღლეს კითხვა ცნობისმოყვ-
არეობით ბუხუმ.

— მშვიდობა, შენი კირიმე! — მიუგო კაენამ, თუმცა ჩქარა
და მზიარულად, მაგრამ ძალდატანებით, რაიც ბუხუს შეუძინე-
ველი არ დარჩა.

— რაა, კაცო, როგორ ექვიანად ლაპარაკობ? ცუდი ამბავა ზომ არაფერი გაგიგია. სახლის ამბავი რა ეცოდინებოდათ?

— არაფერი, მშვიდობააო!

— არა, შენ რალაც იცი და თუ გიყვარდე, მითხარი.

— არაფერი, ბუხუ არ მოკვდეს, იმისი მეტი, რომ ჩემს ნათლედებას დაი მოკვდომია და იმან მომაწყინა.

— დაი! უჰ! საწყალი, რით? როდის? ჭალადიდელ კაცს რომ ეყვდა, ის? იქაური მძიმე ჰაერი კი მოკლავდა.

— ის, ის, ჰო, — მოკლედ დაუმატა კაენამ.

„მადლობა ღმერთს, შინ თუ მშვიდობით ყოფილან“, — იფიქრა ბუხუმ, უნდოდა ერთი კიდეც ეკითხა რამე. სიტყვა სათქმელად ენაზე უტრიალებდა და ვერ კი ბედავდა. რალაც უცნაური ძალი აჩერებდა. ამასობაში ცხენი საბალახოდ გაუშვა, ცეცხლი გააჩაღა და ორივენი გარშემო შემოუსხდნენ. კაენამ გახსნა ხელსახოცი, ამოიღო შემწვარი ქათამი, ღომი, ტიკტორით ღვინო და ბუხუს წესთავაზა.

— შენც ჰამე, კაენა, თუ ძმა ხარ!

— მე, ხომ იცი, ღლეს გავიგე სიკვდილის ამბავი და ღლესვე ბინიღისი ნებას არ მომცემს ვჰამო. ჩვეულებაა მაინც. ჩვეულება: რჯულთ უმტკიცესიაო! ხომ გაგიგონია?

— ნება შენია. მეც არ ვჰამდი, მაგრამ, რა ვქნა, სამარხო არაფერი გვაქვს, მშობა კიდეც ძლიერ. თაფლმა მომაშშობა.

— ჰამე, ღმერთმა შეგარგოს! — უპასუხა კაენამ, პაპიროსს ჰოუკადა, უნაგირზე თავი მისდო და ცეცხლაპირას წამოწვა. ბუხუ მადიანად შეექცეოდა ქათამს. ძვალს ძვალზე მტკვრიალ-მტკვრიალი გაჰქონდა.

— აჰა, კაცო, ეს ღვინო მაინც მიირთვი! — მიაწოდა ბუხუნი ტიკტორის რიკი კაენას.

— მადლობელი ვარ, იცოცხლე, გაბედნიეროს ღმერთმა!

ღვინის დალევის შემდეგ კაენა ისევ წამოწვა. „საკვირველია, — ფიქრობდა ბუხუ. — ნათლიდების დის სიკვდილმა ეს კაცი ასე როგორ დააღონა“. უნდოდა კიდეც ეკითხა კარგად ამბავი, სხვა უარესობა ხომ არა მომხდარა რაო, მაგრამ შიმშილი და ქათამის ზორცის გემო ნებას არ აძლევდა.

კაენასაც თავის მხრივ ბევრი საფიქრებელი ჰქონდა. „როგორ ვქნა, როგორ ვუთხრა? — ფიქრობდა გულში. — მოითმინოს, ჯერ ქანოს პური. უბედური მაკა! ჩემზედაც მწყრალად იყო. მეც არ მინდა, მე და ბუხუ ასე დავდიოდეთ, მაგრამ რა ვქნათ. ვერ მოვის-

ვენებთ. ვაითუ რომ ვუთხრა, ძლიერ ეწყინოს. რასაკვირველია. ეწყინება. დედა იყო. ფუ! რა არის კაცი? განსვენებული ალმასხანი მის შერთვაზე რამდენს ეწვალა! ბარე ხუთჯერ მაქამეს ხმლახ გემო მაგის გამოისობით აფხაზებმა, როგორ გაგვიბედა აგრვან. ქალი მოგეტაცაო; იმას კი არ ხედავდა მამაცხონებული მისი პატრონი, წასაქცევი ფაცხები რომ ედგა და ყოველდღე სხვის სამზარეულოსაკენ ჰქონდა თვალი. მერე რა ვიქვიფეთ, როცა ბალიზი და ალმასხანი შერიგდნენ. სად წავიდა, რა იქნა უბედურად ალმასხანი? შავს მიწაში ჩავმარხეთ ჩუმად, უარარაოდ. ხალხიცი წავიდა ამ ქვეყნით, მაკაც, თავადიშვილები ვართო, ვიძახით. არაფერი არა ვართ. როგორ დაიქცა ის დიდი ოჯახი! ჩვენ აგერ ტყუილად დავდივართ. რა დღეს, რა ხვალ! დაგვიჰკერენ და ის იქნება. ჰა ბა, ჰა! მაგრამ სანამ ეს მაზრის უფროსია, ბევრს არაფერს გაუიჭირებთ. ბევრი პატივი გვიცია მისთვის. თუკი ახალი ვინმე მოვიდა და ისიც უბედური ხასიათის კაცი, მაშინ ნახე? არც მაშინ დავანებებთ თავს ასე ახირებულად. ერთ დღეს დაიბადება კაცი და ერთ დღეს მოკვდება. თუ ბუხუ ამ მწუხარებას მშვიდობით გადაურჩა და არ მიღალატა, მინდა ხელში ვიგდო ზოგიერთი ცხენი, რომელთა მოხმარებაც გემოზე პატრონებს არა ცოდნიათ; დღედაღამ აქმევენ და ბანენ, ცხენები ლამის გასქდნენ ქონისაგან, სარჯელი კი არაფერი აქვთ. აქ ვიგდო ხელში ორი დღის განმავლობაში ისე ავაქაფო, რომ წურბელივით იგრიხებოდეს, ფულიც დაგვიკირდება ცოტა. ცოტა კი არა, თუ ბლომდაც ვიშოვნეთ, უკეთესია. ცხაკუნია ურიის შვილს აქვს ბევრი ფულებით, ამბობენ, უბედურბ თურმე ფული უშოვნია და ჰამა ვერ მოუხერხებია, შნო არ ჰქონია ფულების ჰამისა და ის არის! დადის სოფელ-სოფელ, დააქვს ფართალი. კვერცხების და მქადის მეტს ჩვენსას არაფერს ჰამს. გემო მაინც რამ დაუკარგა სახლ-კარ ამოკეტილს! ცხრაფრად დამტვრეული კეხი უდგია ერთ წოლია ცხენზე. აბჟანდების მაგივრად დამპალი თოკი ჩამოუბია. ტანზე დაფლეთილი ტანისამოსი აცვია. ჰი რად უნდა უბედურს ფული ამ წუთისოფელში? ის რომ მოკვდება, მის ფულს ვინ შექამს, ვინ იცის. თუ შემხვდა ცოტა საიდუმლო აღგილას, მე ვიცი და... მერე უცა აჭარისაკენ. მდიოს უკან. რამდენიც უნდა, ბოქაულმა. თუ ქოროხი მშვიდობით გავედით, მერე თუ გინდა ენგურმა ყარაჩისკენ იდინოს“. ამ უკანასკნელმა ფიქრმა იმდენად გაიტაცა კაენა, რომ თითქო მართლა სათათრეთში ირისო, თავი მალა აიღო და შავი ზღვისკენ დაიწყო ყურება.

— რას უყურებ, ბიჭო? ის ცის კიდის ახლო ვარსკვლავივით

რომ ჩანს, ფოთის მიაყრია, — შენიშნა ბუხუმ, რომელმაც უკანხეხელი ლუკმა დაღეჟა და სუფრას ალაგება დაუწყო.

— მე ავალაგებ, — მოუსწრო კაენამ. ნამუსრევი მოაგროვებ. ზღაპარში გაახვია და საგზაო პატარა ხურჯინში ჩაადლო.

— უჰი რა გემრიალად გიახელი! — გახმორებითა თქვა ბუხუმ და ზეზე წაპოღვა. — ნავრად * დასარჩენი დღევანდელი სიზმრის შემდეგ რაღაც შიში ჩამივარდა გულში, თავის დღეში არ დამმართა ანისი მსგავსი.

— შიში კი არა, გულის შეღონება არ გინდა გეშინია რა, ქალი რომ არა ხარ! ცხად ამბებს ვერ შეუშინებინხარ და სიზმარი გაშინებს? — ბეჯითად უთხრა კაენამ და თან ანთებული მუგუზლები დასწი-გაშოსწია. შორიდან არავინ დაგვინახოს და ეჭვი არ აღდგოს.

— იმდენად კი არ მეშინია, მაგრამ გული რაღაც სხვანაირად მიქვს.

— კიდევ თქვა რა სხვანაირად გაქვს? განა სიზმრებმა უნდა შეგაშინოს? ეს კი არა, ახლა სულ იმას ვფიქრობდი, მაინც ხომ დავესდევინ და დავესდევინ. ჩვენი სოფლისათვისაც, მგონია, ჩვენ დასაძვრად გზარები დაუყენებიათ, ვინიცობაა, მივიღეთ შინ, ბოქალს შეატყობინონ. ჰო, იმას ვფიქრობდი, როგორმე ვეცადოთ, კარგი ცხენები ვიშოვოთ, ორი-სამი მანეთიც სადმე და გაგქუსლოთ თურქოში. მერე ჩვენ კუქუსლ ველარ ნახავენ.

— მერე სათურქოში თურქობა არ უნდა მივიღოთ?

— ვინ გატანს ძალას, თუ არ მიიღებ? თუ გინდ გარეგნობა ძალი, რა უნავს. უი, ჩემო ძმაო, მე ნამდვილი მორწმუნე ბერებშიც ივარად მინახავს. იმათ, თუ მეტყვი, სულ დააქციეს ჭვეყანა. მა, ნახე სადაც დიდი ეკლესიებია, ბერები ცხოვრობენ, გარეშემოწილები გაუარია, პარმითენ და ხასიათით გაფუქებული არ არის? აუ გინდ კურკუცია აიღე, ყოველ დღე ვაი-უის ძახილია ბერებისა და გასიჩქე, შე კაცი! ერთი კაცი მაინც ვერ მოაქციეს სჯულზე? რომ გაგვიარდეს, კურკუცელი კაცი წყალს არ დაგალევიანებ? გეტყვი აწინებულ ეკლესიას, ცამდი მიუწეეს! გუმბათი, მაგრამ გეტყვამ რა გეტყვამ აწეს? გეტყვამ და სარწმუნოება კაცს უნდა ჰქონდეს დასწილებს რომ თათრებს და ურჯულოს ეძახიან; აბა მიდი, სულ ურჯულებს, ეს კადევ სხვა სჯულის კაცმა, როგორი პატივი გეცეს — გააყვამ, ჩემო ძმაო, მარტო ხელის ქნევამ პირისახეზე, გულა აუ ეწინავს არის. ხელი თუ სულ წისქვილის ბორბალივით ატრია-

* ნავრად — ნავრად.

ალო მთელი დღე, არაფერი გამოვა. შენ ის გგონია, რომ ჩვენ თუ ხათურაში დავიშალეთ და გარეგნობით თათრის სჯული მივიღოთ, ჯოჯობეთში ვიქნებით და ზოგაერთი ბერები სამოთხეში? ფიქრი ნუ გაქვს, ისინიც ჩემთან ჩამობრძანდებიან.

— სუ, კაენა, თუ ღმერთი გრწამს, რა გალაპარაკებს ამნაირება და გჯის ბერების ამბავი, ძირიანად ამოაგდოს ღმერთმა. თუკი აქული არ გამოგვაცვლევინეს, კარგი აზრია შენი აზრი სწორედ მაგრამ დედა აქ დავტოვო?

— ჰე, კაცო! დედა კი არა, თავს ვერ ვშველით. მაგრამ... — შესწყვიტა ლაპარაკი კაენამ, — ჯობია მოვისვენოთ, რადგან ხვალ დრე უნდა ავდგეთ.

მეორე დილას, რიყრაყის წინათ ორივენი ფეხზე იდგნენ. შეჯამებული ცხენები, ახლო ხეზე აღვირით მიბმულები, ფლოქვებს მიწას სცემდნენ, თითქო ჩქარა აქედან წასვლას თხოვენ პატრონებსაო. კაენას სახეზე აღელვება ეტყობოდა. სახე გაუფითოდა. რამდენჯერმე დააცვატუნა ტუჩები რაღაცას სათქმელად, მაგრამ იმეც თავი შეიმაგრა. ბუხუ შიგ თვალებში შეჰყურებდა, მიწისფერ დაედო, თითქო იმის პირისახეზე მის ფიქრებს კითხულობს.

— ახ, ძმაო ბუხუ! — ბოლოს, როგორც იყო, გაბედა კაენამ და კრჩქნა წამოუვიდა. თქმა საჭირო არ იყო. პირისახემ დაანტიკა ყოველივე.

ბუხუ, თითქო ტყვია მოხვდაო, დაკრილ ირემივით ძირს დაეცა. კაენამ სიძხნევე არ დაკარგა, ხელი მოჰკიდა და ზეზე წამოაქენა. ბუხუმ კარგა ხანს ვერაფრის თქმა ვერ შესძლო და ვერც ატირა. ბოლოს, თითქო დაგუბებული ჰქონდაო, ისე წამოსდევრუნალები და პირდაღმა ბალახზე დაეშვა. მერე რეტიანივით ზეზე წანობტა, უწყალოდ შუბლზე ცემა დაიწყო და ქვითანი მორთა.

— რას შერები, გენაცვალე: ვანმემ რომ გვნახოს, ხომ დავიდუპებით. მადლობა ღმერთს, კიდევ ვაქაცურად უნდა გავუძლო უბედურებას.

— სუ მეტყვი, ნუ მეტყვი პავას, შენი ჭირიმე. ვაი, ვაი! — ტიროდა გულანოსკენით ბუხუ და მკერდს იმტვრევდა. რამდენსაჰგზნის შემდეგ ბუხუმ უეცრად შესწყვიტა ტირილი, ცრემლები მოიწმინდა და ცხენისაკენ გაეშურა. კაენაც თან გაჰყვა, რომელიც თავჩაღუნული დადგა ამხანაგის შორიახლოს და ნელ-ნელა ტიროდა ისიც.

— წავიდეთ, გენაცვალე, კაენა, — დაღონებით შესთხოვა ბუხუმ, როცა ცხენს მიუახლოვდა. — არ ყოფილა ტყუილი სიზმარი,

ცეცხლი მომეკიდა მართლა. სულ ჩემი ბრალია, რაც დამემართა. დღესვე წავიდეთ სათათრეთში. არ მინდა არაფერი. ჩემი სოფლის სიახლოვეს ვერ გავიარ. ოხრად დარჩეს ყველაფერი. გულით მინდა ყველაფერი გკითხო, როგორ მომხდარა უბედურება, მაგრამ ან გკითხავ. დავლუპულვარ, დედა მომკვდომია, სხვა რა ამბავი მინდა?

— არ მომხდარა კარგი ამბავი, ბუხუ. ნათლიდედამ ჰიკბო..

— მერე, შე უბედურო, რატომ წაიწყმიდე სული, თუ ეს იცოდი, რატომ არ მითხარი, რომ ხორცი მაქამე. მე გულმა კარგხანია მიგრძნო. თურმე ეს ყოფილა, რომ ტანზე მაწრიალებდა, აურადლებას არ ვაქცევდი და თურმე ეს ყოფილა. — ბუხუმ ცრემლები მოიწმინდა, ალვირი დაიჭირა და ცხენს გაუძღვა. კაენაც თან გაჰყვა.

— კაცის სიცოცხლე და ჭიანჭველისა სულ ერთია, — ამერებდა გზა-გზა ბუხუ. — ფუ! ახლა რომ ისეთი კაცი მომცა, უეცრად მომკლავდეს, ღმერთმა დამწყევლოს, თუ ვინაღვლო. რა ვქნა, მეც ჩქარა მოკვდები, ალბათ. იქ მაინც ვნახავდე მე უბედურის — თქვა ესა და დიდრონი ცრემლები გადმოაფრქვია თვალებიდან.

— ოჰ, ჩემო ძმაო! მწუხარება ბევრ არაფერს გაგვიკეთებს, — ნაღვლიანად შენიშნა კაენამ, როცა სწორ გზაზე ჩამოვიდნენ და ცხენებზე შესხდნენ. — ჯობია ახლავე ჩვენ საქმეს შევეუდგეთ და დაჩქარებით გავიქცეთ აქიდან, თორემ რა დღეს და რა ხვალ... ახლა კი წავიდეთ და ვისადილოთ ჩვენი ნაცნობი გლეხის სახლში. ხომ იცი, ხობის წყლის ახლო სახლობს, ჩქარა ვიაროთ, თორემ დაგვაგვიანდება. კარგი იქნება, თუ შუადღემდის მიუხსრებთ..

ორივემ მწარედ გაქუსლეს ცხენები და გაეშურნენ გლეხის სახლისაკენ.

მართლაც, შუადღემდის მიადწიეს დანიშნულ ადგილამდის. დღე ცხელი დადგა; ცხენები აქაფდნენ. გზა-გზა ბუხუს ცოტათი მოუტრიალდა გული, თუმცა არ გამხიარულებულა, მაგრამ ოხვრას და ვაი-ვუის თავი დაანება. მხოლოდ ათასში ერთხელ ამოიოხრებდა და გულს ამოატანდა ხოლმე თან. მიუახლოვდნენ გლეხის სახლს. ეზოს ერთი მხრივ ხშირი ტყე ერტყა, ტყის პირას ბაღია იყო გაშენებული, რომელსაც გარშემო ხშირი ალვის ხე ეხვია და ალვის ხეებშუა ეკლიანი გარეული ვარდი იყო დარგული. ეს ბაღი ისეთი საიდუმლო ადგილი იყო, რომ ჩიტის მეტი უკაროდ ვერ შევიდოდა. ბუხუ და კაენა ტყესთან მივიდნენ ჩუმად. ცხენებო იქ დატოვეს და თვითონ ფეხაკრეფით ბაღის მიუახლოვდნენ. ბაღის

გვერდით მასპინძელი თხილის წყნელს სკრიდა. სტუმრების დანახვაზე საჩქაროდ წაღდი დააგლო და გამოიქცა.

— კოჩობას გაუმარჯოს ღმერთმა! — მისძახეს სტუმრებმა.

— ოჰ! თქვენი ჰირიმე, თქვენ გელოდებოდით, ეს ყოფილა, დღეს რომ ცხვირის წვერი მეფხანებოდა; მობრძანდით, ბატონო, მობრძანდით, თქვენი ჰირიმე, — გლეხი მიუახლოვდა სტუმრებს და კრძალვით ხელი ჩამოართვა ორივე ხელით.

— აბა, ახლა საით, კოჩო ჩემო? — ჰკითხა ბუხუმ.

— ცხენები სადა გყავთ, ბატონებო!

— აი იქ, რცხილის ძირში მივებით, — მიუგო კაენამ.

— ჯერ, თქვენი ჰირიმე, იმათ მოვიყვან და მერე გაგიძღვებით. — კოჩობამ ცხენები საჩქაროდ მოიყვანა, სტუმრებს გაუძღვა წინ და ბაღიაში შეიყვანა. იქ ერთ ტალავერის ქვეშ ნაბადი დაიგეს მგზავრებმა და წამოწვნენ. კოჩობა კი სახლში გაჩქცა. ჩუბად ცოლს საჩქაროდ საპარხო საკძელები გააკეთებინა (იცოდა, რომ ბუხუ სახსნილოს არ ქამდა, იმასაც გაეგო კნენიას სიკვდილი), ღოქით ღვინო ხელში აიღო და სტუმრებს მიუტანა. ყოველივე ეს ისე საიდუმლოდ მოახერხა, რომ არავის გაუგია. კაენა და ბუხუ კოჩობას კარგად იცნობდნენ. იმედიც ჰქონდათ მისი, რომ დამალავდა კიდეც და არც გასცენდა. ამიტომ ხშირად გაუვლიდნენ ხოლმე კოჩობას გზა-გზა. თავიანთ მხრეც კოჩობას პატივისმცემელნი იყვნენ. რამდენჯერმე აჩუქეს: ცხენი, ხმალი, ქამარი და სხვ. თვითონ კოჩობას ქურდობის თავი არა ჰქონდა, მაგრამ ქურდების ხელის შეწყობას კი არ იწყებდა, ჩუმ-ჩუმად. როცა მგზავრებმა გული იჭერეს საქმელ-სასმელითა, პირაღმა ნაბადზე წამოწვნენ და მიეძინათ. ცხენებს ასეთი მეხი დიდი ხანია არ დასცემოდათ. მუხლამდე ნორჩ-მწვანე ყოინდარში ნავარდობდნენ. მათ პირში სასიამოვნოდ გაჰქონდა ბალახს ხრამახრუმი.

XII

როცა ჩვენმა მგზავრებმა ძილით გული იჭერეს, კოჩომ ცივი წყალი მოუტანა, ხელ-პირი დააბანინა და სამხარი მოართვა. საქმელები ისევ სამარხო იყო.

— უი! დაეხუჭა თვალი სიკვდილს, განა ამას უნდა გიბედავდეთ, თქვენი თავი თუ ღმერთმა მალირსა ჩემ კარავში? — ნალელობდა მასპინძელი. ამის თქმაზე ბუხუს გული საშინლად აუჩუყდა და კინალამ ცრემლები არ წამოსცივინდა.

— რა ვქნათ, შენი ქირიმე, ყველაფერი ღეთის ნებაა, — ამბობდა პასუხად კაენა.

— იცი, რას გეტყვი, კოჩობა? — უთხრა ბუხუმ, როცა სამხარს მორჩინენ, თავისი მეტყველი სახე, რაც შეიძლებოდა, დაამტერა, თვალები დააბრიალა, ნორჩ უღვაშებზე ხელი გადაისვა, აქეთ-იქით გვერდებზე ხელით დაისვა და მასპინძელს შიგ თვალებში დაუწყო ყურება.

— რაა, შენი ქირიმე, ბრძანეთ?

— რაა, ჩემო კოჩობა, და ხომ იცი, რა მდგომარეობაში ვართ, ახლა ახალი უბედურებაცა მომადგა კარზე. არ შეიძლება ჩვენი ამ ქვეყანაში ცხოვრება, უნდა გადავეარღეთ საზღვარგარეთ. ამიტომ ცოტა რამე გვინდა. საით გეგულება ვითომ რამე?

— უი შენს კოჩობას! თქვენ რომ წახვალთ, მე რა გამძლებინებს უთქვენოდ.

— რა ვქნათ, შენი ქირიმე. ჩვენ განა გვიხარია თქვენისთანა ერთგულის მოშორება, მაგრამ რომ არ შეიძლება ჩვენი გაჩერება. ან ვინ დაგვაყენებს?

— ახ იბირ ხვაცი! — მუხლზე ხელის დაკვრით ჩაილაპარაკა კოჩობამ.

— აა! კოჩობა, გვითხარი, გვასწავლე რამე!

— მე რაც ვიცი, ბატონიშვილ, თქვენ არ დაგემალებათ. ხორგას ორი ცხენი ამ ღროებით ისეთები ყავთ, ხელი მოკილო, დაჩინდება, კიდევ რამდენიმე ჯალრაშიაც ვიცი. ოქროულობას რაც შეეხება, ვიცი კიდევ ერთ ადგილას, სახელდობრ, ყულისკარში. ახლა მოიყვანა იქაურმა ერთმა გლეხმა ვილაც ქორთუს ქალი. ამბობენ, აუარებელი ოქროულობა აქვსო. ერთი ისეთი სულომანი აქვსო, ერთ სოფლად ღირსო. — კოჩობამ: ასწავლა მათი სახელი, გვარი და ადგილი, სადაც ესახლნენ. აუხსნა აგრეთვე გზა, საიდან შეიძლებოდა იმათ სახლში მისვლა, სად ჰყავდათ ღამე ცხენები და სხვ. როცა მზე ჩაესვენა, ბუხუ და კაენა გამოემშვიდობნენ მასპინძელს, მადლობა გარდაუხადეს პატივისცემისათვის და გზას გაულდგნენ.

— სწორედ საჩვენო ღამეა ამაღამ, მთვარე ძალიან გვიან ამოდის, — ხუმრობით შენიშნა კაენამ, როცა გაიარეს კარგა მანძილი.

— მეც გემოწმები, — მიუგო ბუხუმ. — არც ღრო უნდა დავკარგოთ. ჯერ ჯალრაში წავიდეთ. იქ თუ რამე ვიშოვეთ, წამოვიყვანოთ და ჩვენს მეგობარს უთუთიას მოუყვანოთ. ხომ იცი რა მოხერხებულად ცხოვრობს. მერე კიდევ ხეისთავეების უფროსად

ამოურჩევიათ, არვინ აიღებს ექვს! იქიდან ხორგაში ჩავიდეთ, აქაც თუ მშვიდობა იქნა, ყულისკარში — და გაიჩარხება საქმე.

— ჯერ რა გვაქვს ხელში? ეშმაკებს ღვინო არა ჰქონდათ და გუდას ბერავდნენო, ისე გვემართება. ამალამ ჯობია, ჩემი ფიქრით, უთუთიას გაუაროთ, შევატყობინოთ როგორაა საქმე და მერე წავიდეთ, საითკენაც გვირჩიოს, — თქვა კაენამ.

მართლაც, გაუარეს უთუთიას. უთუთია შინ დახვდათ, მაგრამ მან არ ურჩია ისე მოქცევა, როგორც ჩვენს რაინდებსა ჰქონდათ ნაფიქრი. ვიდრე ოცი, ოცდახუთი დღე არ გავიდეს, იქით ნუ წახვალთო. მეტი ღონე არ იყო, ადგნენ და გაემგზავრნენ იქით, საითაც უთუთიამ ურჩია და რამდენსამე დღის შემდეგ ხუთიოდე პედაური ცხენი მის გოქოფილში* ნავარდობდა ჯაჭვმობმულები. ორი დღის შესვენების შემდეგ, ერთ საღამოს დაკაზმეს ცხენები და გაემგზავრნენ ახლა ყულისკარისაკენ. ცა ვარსკვლავებით იყო მოქედილი. ბნელით მოცულ ქვეყანას ზენა ქარი, ცოტა არ იყოს, რაღაც ეგულდიდებოდა. ისეთი შუილი გაჰქონდა ტყეში... როცა მიუახლოვდნენ მიზანში ამოღებულ სახლს, ჩვენმა მგზავრებმა, ტყეში დააბეს ცხენები და თვითონ ფეხით ფრთხილად გასწიეს სახლისაკენ. სახლის პატრონთ ჯერ არ ეძინათ. სახლიდან ხმაურობა მოისმოდა. უფრო ქალების სიცილი და ხარხარი ამხიარულებდა არემარეს.

— როგორ ვქნათ, ბიჭო, როგორ შევიტყუოთ თავი? — ჰკითხა ბუხუმ კაენას, — ხედავ, ხალხით სავსეა.

— რა ვიცი, უნდა მოვახერხოთ რამე.

— რა უნდა მოვახერხოთ!..

ამ დროს იმათ ბედზე კატამ დაიქნავლა მათ ახლოს.

— ე ბიჭო! არ გაუშვა ისა! — აჩქარებით წამოიძახა კაენამ და მასწინე ბუხუმ დასტაცა ხელი და აიყვანა.

— ახლა კი ნუ გეშინია, — ანუგეშა კაენამ. — ამას საქათმეში შევავლებ, ქათმები კრიახს ატეხენ. ეს რა ამბავიაო! ყველანი გამოცვინდებიან. მაშინ ჩვენ ვიდროვოთ, შინ შევიდეთ და ტახტს ქვეშ გავიშალოთ. ხვალ უქმია და, ამალამ ხმაურობა რომ არის, მეზობლები იქნებიან და ალბათ ისევ ჩქარა თავთავიანთ სახლში წავლენ. როცა მასპინძლები დაიძინებენ, გამოვიდეთ და თუ რამე ვაპოვოთ, წავიღოთ. თუ დამიჭერებ, ჯობია, ყუთი, რომელიც კაენობამ გვითხრა, არ გავტეხოთ, ისე წავიღოთ, თუ კარი ხერხიანად

* გოქოფილი — შემოკავებულნი.

ჩამოვხსენით. კარგა რომ მოვშორდებით აქაურობას, მერე გავტეხოთ; რაც კარგი ვნახოთ, წავიღოთ და რაც არა, იქვე დავტოვოთ.

სახლი დაბალ ადგილას იდგა, ერთ მოზრდილ ღელის პირად. სამ მხრივ ეზოს ეს ღელე ესაზღვრებოდა, ერთ მხრივ კი ვაზ-ხენილით იყო დაბურული. წინ სახლს ღერეფანი ჰქონდა, ლამაზად დახერხილი ფიცრებისა, უკან ერთი პატარა ოთახი, სადაც ინახებოდა პატარძლის მზითვეი. ყუთი კი სახლში იდგა ტახტზე. რადგან გაქურდვისა ეშინოდათ. სახლს იატაკი და ქერი არა ჰქონდა, მაგრამ ქვეშ მიწას იმნაირი სწორი და მაგარი პირი დაექირა. რომ ასე გეგონებოდათ, ცემენტმოსხმულიაო.

სახლის პატრონი ჯამლეთ აფხაზავა ერთი ღარიბი ღედ-მამის შვილი იყო. შობილები ადრევე დაეხოცა. თუ რამ დარჩა ღედ-მამას, მალე გაინაწილეს მოყვარე-ნათესაეებმა და ჯამლეთი დარჩა ღვთის ანაბარა. ხან ერთი ნათესავის სახლში შევიდოდა და ატარებდა რამდენსამე დღეს, ხან მეორეში. არსად არ აყრიდნენ ხეირს. ზოგან წყალს ეზიდებოდა, ზოგან შეშას და ზოგან წისქვილში სიმინდი მიჰქონდა. ბოლოს, როცა კარგა მოიზარდა, მოსძულდა სიცოცხლე და ფოთში გაიქცა. იქ ჯერ რამდენიმე წელიწადი ერთ მიკიტანს ემსახურა. მერე მესანდლესთან დადგა და ჩინებულად ისწავლა მატროსობა. მესანდლეს იმდენად მოეწონა მისი სიმარჯვე, რომ რამდენსამე წლის შემდეგ ამხანაგად გაიხალდა. ჯამლეთმა ფულს გვარიანად მოუყარა თავი, ტანისამოსიც კარგი შეიკერა და ქალებსაც ყურება დაუწყო. მეანკესეს თუ მოთმინებამ არ უღალატა, თევზს დაიჭერს. ჯამლეთმაც ითმინა, აარჩია ქალები და ბოლოს ერთ იმერელ ვაქარ კაცს ქალი თხოვა ცოლად. ვაქარი დათანხმდა, ფულიც მისცა კარგა, მზითვეიც, ოქროულობაც და წარჩინებულ ზნე-ხასიათის ქალიც. შემდეგ ჯამლეთმა ფოთში ცხოვრება რაღაც ვერ მოახერხა და წამოვიდა სოფელში. აქ ჯერ ერთი სახლი ააშენა და კარგი ოღის შენების მოსაზრებაშიც იყო. ნათესავ-მოყვარეებმა ახლა, პირიქით, ჯამლეთთან დაიწყეს სიარული. ყველანი იმას ცდილობდნენ, რომ დაემტკიცებინათ, წინათ ჩვენ უფრო მეტი პატივისცემა გაგიწიეთო. თუმცა პატივი მიანთვის არც ერთს არ უცია. თვით ისინიც, რომელნიც პატარაობისას ყველაზე უდიერად ეკიდებოდნენ, ახლა აღტაცებით ეგებებოდნენ და თითქმის სულში ისვამდნენ. ჯამლეთი კეთილი გულის კაცი იყო, სუყველას უცინოდა და მადლობას სწირავდა, თუმცა კი ყოველივე წარსული ამბავი კარგად ახსოვდა. ახსოვდა ის დღეც, როცა იანგ-

რის ყინვიანსა და თოვლიან დღეში ყველასაგან და ყოველთაგან უპატრონოდ დატოვებული ფეხშიშველა გაიქცა ფოთში.

მის სახლში თითქმის ყოველ ღამე გროვდებოდნენ. მეზობლების ქალ-ვაჟნი, მღეროდნენ, ჩონგურს უკრავდნენ, ლაზღანდარაობდნენ კარგა ხანი და მერე ისევ დაიშლებოდნენ. ხსენებულ ღამეს მეორე დღის უქმისა გამო ორჯერ მეტნი მოგროვდნენ.

კაენამ დაათვალიერა ფრთხილად სახლი. ყველანი შინ იყვნენ. გაიქცა საქათმისაკენ, რომელიც ღელეს პირად იდგა, კარი გააღო, კატა შიგ შესვა და თვითონ საჩქაროდ ბუხუსთან დაიბადა, რომელიც იქვე მდგომ სამზარეულოს გვერდით დამალულიყო. ქათმებმა ერთი უშველებელი კრიახი ასტეხეს. განსაკუთრებით მამალი გაფიცდა მეტად ამ უადგილო და უღროვო ხუმრობას მიზეზით. ძაღლები, რომლებიც ადამიანთა მხიარულებას თანაუგრძნობდნენ და სახლის კარებთან კუდის ქნევით და ღრეკით თავიანთ სიხარულს აცხადებდნენ, თითქო მღვევებად გადაიქცნენო, საშინელი ყეფით გამოაქცნენ საქათმისაკენ. ქათმების მოულოდნელ კრიახზე ყველანი გამოცვივდნენ სახლიდან. რაინდებმა იღროვეს მოხერხებულა წუთი, შინ შევარდნენ ქარივით და ტახტქვეშ შეძვრნენ. სტუმარმასპინძელმა ზოგმა მუგუზალი დაიქირა ხელში. ზოგმა სანთელი და დაუწყეს თვალიერება, რა ამბავი იყოო. საბრალო ციცა თვითონაც გაკვირვებული იყო. აქ სად გავჩნდიო. ქათმები გარეთ გამოცვინულიყვნენ და ჰქონდათ ერთი ზრიალი. პატარა ხანს შემდეგ ყველანი სიცილით ბრუნდებოდნენ შინ.

— სასაცილო კი არა, საკვირველია! — ამბობდა სახლის პატრონი. — ჩვენი კატა თუ ქათმებს დაეჩვია, ხუმრობა არ არის. შეხედეთ წყეულს. როგორ კაცივით გაუღია კარი. თვითონ კი თითქო სულაც ბრალი არ ჰქონდესო, ტუჩებს ილოკავს.

— ხა. ხა, ხა! გამკვირდა, კაცო. სანამ ასანთს არ მოუსვამდი. ბელა, ტურა ან მანვი მეგონა! — იცინოდა ერთი.

— მე კი. — დაიწყო მეორემ. — ქათმებს ქორის წიწილის სიკვდილი შეატყობინეს და ის შეიწამეს მეგონა.

— კარგი! თუ ღმერთი გწამდეს, თავთავის ადგილას დავსხდეთ და ჩონგურის კვრა გვაგარბელოთ, კატამ ისე იცის, მამა ნუ წამიწყდება! — ეფიცებოდა ყველას ერთი ახალგაზრდა ბიჭი, რომელსაც პირში ყალიონი ჰქონდა და ტანზე წითელი ჩოხა ეცვა.

ქალები ტახტზე ჩამორიგდნენ, ბიჭები ახლო მოუსხდნენ. წითელჩოხიანი უკანა კარებს ქვევით კამარაზე ჩამოჭდა და არხე-

ნად თამბაქოს შეექცეოდა. პატარძალი წესისამებრ ფეხზე იდგა, კარებს ახლო. მაგიდასთან. კაენასა და ბუხუს ქალებით დატვირთულ ტახტქვეშ ერგოთ ყოფნა. ცუდი ადგილი კი იყო. ჯერ მტვერი და შეკუმშული ჰაერი, მერე წყეული რწყილი საშინლად აწუხებდა უბედურებს.

— აბა, დაუკარ, მაკრინე, თუ ღმერთი გწამს, — შეევედრა ერთ თეთრკაბიან და გრძელთმიან გოგოს მასპინძელს.

— ჯერ სხვამ დაუკრას, ბატონო.

— სხვამ რა! ერთხელ ხო დაუკრა ბარბალებმ, ბეგარა არავინ არ აძევს იმისი.

— შენ თუ შეგეხვეწე! შენ დაუკარი, — გაეხუმრა წითელჩოხიანი, რომელმაც ის იყო ჩიბუხი ხელზე დაიბერტყა და უკან წაიღო ხელი ქამრისაკენ.

გოგო ცოტად გაწითლდა.

— ბატონი ბრძანდებით! — მორცხვად ჩაილაპარაკა. ლამაზი ტუჩები სასიამოვნოდ დააცმაცუნა. — ბატონი ბრძანდებით, თუ კი შეეძლებ თქვენს გამხიარულებას ჩემი უხერხული „დარდლავით“.

ჩონგური ხელში აიღო და მომართვა დაუწყყო. ტმ, ტმ, ტმ, ბმ, ბმ, ტმ, ტმ... მოისმა ჯერ და მერე შეწყობილი ბაიათურიც. მისი ხელის თითები სისწრაფით დანავარდობდა სიმებსა და სიმებს შუა. დროგამოშვებით მგოსანი რამდენსამე წამით ხელს მოაშორებდა სიმს და მერე ისევ ნაზად შეეხებოდა ლერწამივით სწორი და ბროლივით თეთრი თითებით. ჯერ გაისმა ჰაერში ხმა ჩონგურისა და შემდეგ ხმა ზედ დამლერებისაც:

ვო დონწყვირი ობიშხას
ვადიფშვიდიო წყარს,
წყარიმ შქვიდა ყოფე ვარი.
ჩქიმცალ ვალოლამუ შხვას..
ჩქიმ თოფი დო იარალი
მეურე შქათაბანი ზღვას,
წიარი დო მეძებარე
მენჩურუდენს ემერ ძვას.
ჩექმაქ მილალატუ ვარა
ქვწოფჩურუნდი მათ ძვას..
ძელი ჩხომქ ოქკომედლო
ძვალი ევობორგუ ძვას,
ევარია ყვიანს, ყვიანს დო
ქაჯი ურაგადუ ხარს.

მეში მუმაქ შიიტყვას
ჩხოშიშ ხორცი ვაქკომას,
— მეში დიდაქ შიიტყვას
ლვაშა ხეე მიისვას,
შეში ჩილქ შიიტყვას
საკუმელი გუედვას,
ეი ბორიაქ დიირქუას
სამოთხეშა მეულას.*

მგოსანი გაჩუმდა და მარტო სიმთა ხმაღა ისმრდა. გოგომ რანდენიმე სხვადასხვა სიმღერა კიდეც დაუკრა, დაამღერა და მერე სხვას გადასცა ჩონგური.

— კარგი ბედი მოგცეს ღმერთმა ჩვენი გამხიარულებისათვის! — სიცილით უთხრა წითელჩოხიანმა მაკრინეს, როცა უკანასკნელმა ამხანაგს მიაწოდა ჩონგური.

— დალოცოს ღმერთმა, კარგად უკრავს, — განიმეორეს სხვებმაც.

ჩონგურის დაკვრა ახლა სხვებმა დაიწყეს რიგ-რიგით. კაცის გულს ერთი და იგივე მალე მოსწყინდება. მართალია, პირველად ყველას ესიამონა, მაგრამ ახლა მოსწყინდათ და ჩონგური კუთხეში შეინახეს. დაიწყეს სხვადასხვა შესაქცევი თამაშობა ახალგაზრდებმა; უფრო ხნიერები, მათ შორის სახლის პატრონიც, მუსაიფში გაებნენ. რადგან მუსაიფის დროს თამბაქო კარგია. თითქმის ყველამ ჩიბუბის წვეა დაიწყო. ერთ შუახნის ცოტა ქოსა კაცს სველი თამბაქო ჰქონდა. გააჭირა საკმე მისმა ყალიონმა. არ იქნა მისი ცეცხლის მოკიდება. ჯერ რამდენიმე ღერი ასანთი დახარჯა, მერე, რომ ვერა ეშველა რა, მუგუზალი მოუტანეს სამზარეულოდან. არც იმან უშველა. არ იქნა, არ მოეკიდა ხეირიანად. ჯერ

* იმ დასაქცევე პარასკევს წყალში არ დავიხრჩვი!
რა ყოფილა ეს დახრჩობა, ასეთი არ დამართნია სხვას.
ჩემი თოფი-იარაღი შუა ხლდაში დაცურავს.
მწვეარი და მეძებარი ნაპირისკენ შიკურავს.
ნექვამ მილალატა თორემ, გავცურავდი ნაპირად...
რბილი თევზმა შემიკამა, ძვლები დახვავებულა კიდესთან.
ყვავი ჩხავის, ყრანტალეებს, ქაჯი ეუბნება ზარს:
მისმა მამამ შეიტყოს—თევზის ხორცი არ კიბოს;
მისმა დედამ შეიტყოს—ხელით ღაწვი იკაწროს;
მისმა ცოლმა თუ შეიტყო—საკმეველი უკმიოს,
თუ კი ქარმა დაუბერა, სამოთხეში მიუტანს.

თითქო მოეკიდაო, გლენი მუგუზალს ჩიბუხს მოაშორებდა, მაგრამ რაკი გაერთობოდა მუსაიფში, ცეცხლი ისევ გაუქრებოდა.

— აბა, რას ამბობთ, თქვენი ქირიმე! — წამოიძახა მან და მუგუზალი ახლო დაიდო. — ნაჩალიკი? იმისთანა ნაჩალიკი გინდ იყო და გინდ არა. თუ გინდ თავი დაატეხო მისი სადგომის წინ, საიდან მოდიხარო, კაცი არ გეტყვის. კაენა და ბუხუ ვითომ შენა გგონია ნაჩალიკის უდასტუროდ ჩადიან რასმე? ის კი არა, ლაპარაკობდნენ, თვითონ ნაჩალიკი ლებულობს მათგან ფულებს და ქურდობის ნებას აძლევსო. როგორც დღევანდელი დღე, ისე ვიცი, ჩემი ძმის ცხენი კაენამ მოიპარა, სანაჩალიკოში მივედიო, მამასახლისის ატკი მივიტანეთ, დაუწყეთ ვედრება, გვიშველეთ, მოგვეხმარეთ რამე; დავიღუპეთ-მეთქი. თვითონ ნაჩალიკი არ გამობრძანებულა. შე მამაძაღლოვო. — მწერალმა გვითხრა, — რა იცი, რომ იმან მოიპარაო!

— ა, ბატონო, ატკი-მეთქი.

— იმდენი ღმერთი ააშენებს თქვენ მამასახლისს, იმან რომ რანე ნამდვილი იცისო. აიტ. თქვე ცუდლუტებო. თვითონ თქვენ იპარავთ და ტყუილად პატიოსან ხალხს აწუხებთო. ჩვენ სადა გვცალია, რამდენი მყრალი გდია სოფელში, მისი ცხენები ვძებნითო. აგერ სურდო მკირს, არ მაყენებს, თბილად უნდა ვიწვეო და თქვენი სულელური მოქმედების წყალობით აქ მტვერი უნდა ვვლავოვო. ავარდა და დავარდა, შენი ქირიმე! — თქვენ კი გულს ნუ გაიხეთქთ, ბატონო, და იმას თქვენი ქირი წაუღია-მეთქი. მიუგე მე და აქეთ წამოვედი. მოდი და გაარიგე ახლა საქმე. თვითონ პოლიცია ქურდია და ვ-ს თხოვ სამართალს. ტყუილი არ იყო, ცხონებული მამაჩემი იტყოდა, მეფემ ცოლი წაგართვას, ვის შესჩივლებო?

— მართალია! — მოწმობდნენ სხვები და დასამტკიცებლად ნოჰყვდათ თითოეულს თითო-ოროლა მაგალითი მთავრობის დაუდევრობასა. ბევრი ილაპარაკეს, მაგრამ ცარიელი ენის ტრიალით არათფერი გარიგდა და დაღლილები ლაპარაკით და სიამოვნებით დაიშალნენ.

შუა ღამეა. რა ხანია სანთელი გაჰქრა ჩამლეთის სახლში. ცოლ-ქმარს ტკბილად მიეძინა. სახლში სიბნელეა. ძაღლები რგოლოვ-თ მოიკუნძნენ სახლის გვერდით და ტკბილ ძილს მიეცნენ. ყველგან სიჩუმეა, მხოლოდ ტახტს ქვეშ არ ძინავთ კაენასა და ბუხუს.

— ე, ბიჭო! — ჩასჩურჩულეს ჩუმად ერთმანეთს ამხანაგებმა. — ახლა ახალი მიძინებულები არიან და ვერას გაიგებენ.

ორივენი ნელა გამოძვრნენ ტახტქვეშიდან და ჩუმად გასწიეს ყუთისაკენ.

— ოჰ! როგორ დავმტვრეულვარ ეს რჯულძალი, ძლივს ვდგევარ ფეხზე! — დაიჩურჩულა ბუხუმ.

— აბა, რა დროის ეგენია, დამბაჩა მარჯვედ გქონდეს! მე ერთი კარი ჩამოვხსნა ჯერე და შენ ძალიან ყური უგდე, თუ ვინმემ გაღვიძება გააპიროს...ს...უ...! — კაენა მივიდა კარებთან, შიგნიდან ურდული ნელა ამოიტანა რკინის რგოლიდან, მერე ორივე ხელით ასწია კარი, ნელა ჩამოხსნა და იქვე შიგნით მიაყუდა. დაბერებულ მთვარე ამოსულიყო და მკრთალად შემოიყურებოდა სახლში. მთვარის სხივები პირდაპირ ეცემოდა მძინარე ცოლ-ქმარს პირისახეზე. — ამას რაღა ეშველება, ბიჭო, — ჩასჩურჩულა კაენამ, — სინათლემ რომ გააღვიძოს ეს ხალხი, მერე?

— მოითმინე, მოითმინე! — აუჩქარა ბუხუმ, იქვე ახლო სახლის პატრონის ნაბადი მოსძებნა და კარს ფარდასავით ჩამოაფარა, სახლი ისევ დაბნელდა. მერე ორივემ ყუთი აიღო, ნაბადი ფრთხილად ასწიეს და გარეთ გაიტანეს.

— აბა, ახლა კარი! — თქვა ბუხუმ.

— იყოს, სულ ერთია.

— რას ამბობ! რომ გაიღვიძონ, ყვირილს ატეხენ, გზებს შეკრავენ და საფრთხილოა. ნაბადი მხოლოდ მათ პირისახეს ფარავს კარგად, თორემ ქვევითი ნაწილი კარისა ღიაა.

— მაშ კარგი, ჩამოვკიდოთ კარი და ნაბადაც წავიღოთ, დაგვეკირდება.

— აბა, ჩქარა.

კაენამ საჩქაროდ ნაბადი ჩამოხსნა და კარი ისევ ჩამოჰკცდა. დაავლეს ორივემ ხელი ყუთს, ჯერ ნელა იარეს, მერე უფრო ჩქარა და განშორდნენ ეზოს, თითქმის სირბილით გასწიეს ცხენებამდე და ყუთი გასტეხეს, თუ რამ იყო ოქროულობა. ამოიღეს, თუმცა იმდენი არაფერი ყოფილიყო, რამდენადაც აზვიადებდნენ. სულომანი ტყუილი გამოდგა. კარგად იქნებოდნენ გაცილებული სახლს, რომ ჯამლეთს გამოელვია. რაღაც უაზრო სიზმარი ნახა, ქახუნი მოესმა და შეშინებულმა გააჰყიტა თვალები. ადგა ლოგინიდან, დაახველა, გარეთ გამოვიდა, მთვარეს შეხედა, როგორ დაპატარავებულხარო, მიანადვლა და ისევ დაწვა.

გათენებისას ბუხუმა და კაენამ მიიღწიეს უთუთიას სახლამდე.

გზაზე ერთ ახალგაზრდა ნაცნობს, მარჯვე ბიჭს გაუარეს და თან წაიყვანეს, რომ მიშველებოდა ცხენების გაღმა გაყვანის დროს. მისვლისთანავე უთუთიამ სტუმრებს კარგი ბურვაკი დაუქლა, მოახრაკინა ინდაურები, ქათმები, დააპრევენა სქელ-სქელი ნედლი სულგუნები, მოხადა ოჯალეშის ღვინოს თავი, რომელიც, როგორც საუცხოოვო რამ. ისე ჰქონდა შენახული უცხო სტუმრებისათვის. დასხდნენ სადილად. სადღეგრძელო სადღეგრძელოზე ილეოდა. ისე ჩუმად კი იყვნენ, რომ უთუთიას ახლო მეზობელმაც არ იცოდა, რა ამბავი იყო მის სახლში.

ეზოს ერთი ნაწილი უთუთიას დაბეჯითებით გამაგრებულა და ხაიდუმლოდ დაცული ჰქონდა. ჯერ გარშემო თითქმის საყენი სიღრმე თხრილი ერთყა. ზევით, თხრილის პირად, ისევ გარშემოვე სქლად დარგული იყო ეკალი და ალვის ხე, ასე რომ გარედან კაცისათვის ძნელი დასანახი იყო, რა ამბავი ხდებოდა ზღუდეს შიგნით. თვით ამ შემოზღუდულ არემარეს გარშემო უდაბური ტყე ერთყა, რომელიც უთუთიასივე იყო. შიგ შესვლისა და რისამე მოჭრის ნებას არავის აძლევდა. მოპარვაც ხეებისა არავის შეეძლო, რადგან ტყე დიდი არ იყო და ხის მოჭრას უთუთიას სახლში გაიგებდნენ. გარდა ამისა, უთუთიას ბაღნები, პატარა-პატარა წაღლებით ხელში, დღისით სულ ამ ტყეში დადიოდნენ და ძველ დამპალ მუხის კუნძებს უკაკუნებდნენ, მეზობლებმა იცოდნენ უთუთიას ხასიათი, რა მოუსვენარი კაციც იყო, რარიგად უყვარდა სასამართლოში სიარული და იქ ჩალიჩობა. რამეფრად შაირი არ მოგვდევასო, ამბობდნენ და მის საკუთრებას სიახლოვეზედაც არ ეკარებოდნენ ხოლმე. თვითონ უთუთიასაც ენანებოდა ხეების ჭრა. ხანდახან, როცა დასჭირდებოდა რამე, შევიდოდა ტყეში ნაჯახით ხელში: არჩევდა ხეებს, არჩევდა და ისევ ხელცარიელი დაბრუნდებოდა შინ. მისი სიფრთხილის შემწეობით ტყე, თუმცა პატარა იყო, მაგრამ მშვენივრად ჰქონდა დაცული. ზაფხულის პაპანაქების დროს სიცოცხლე იქ იყო. ამ ტყის შემწეობით უთუთიას მყუდრო შემოღობილი არემარე მიუვალ და თითქო გაღავანშემორტყმულ ციხე-დარბაზსა ჰგავდა. ძვირად თუ როდისმე გაივლიდა აქ ვინმე; მხოლოდ თხები, ეს მოუსვენარი ოთხფეხნი გზა-ტყეს არ არჩევდნენ და მეთხეებსაც მათი დევნის გამო ხშირად უხდებოდათ იქ შესვლა, რადგან კვიმატი თხა აღარ იხვენებდა და შიგ უთუთიას ეზოში ხშირად გადაეშვებოდა ხოლმე.

უთუთია იყო შეძლებული აზნაურიშვილი. მამამისი, ცხონებუ-

ლი ხახუ, მთავრის დადიანის მსლებელი ყოფილიყო და საბუთიც ქჷონდა აზნაურობისა, რომელსაც სჯულის ათ მცნებასავით ინახავდა. ვინ იცის, ეგებ დამჭირდესო! — ამბობდა ეს ჭკვიანი კაცი. ხახუ მოხერხებული და მარჯვე კაცი იყო, რის გამოც მთავარს ძლიერ უყვარდა. მიწა-მამული ბლომად მისცა. ხახუ უფრო წინდახედული იყო, ვიდრე ზოგიერთი თავად-აზნაური. როცა ზოგჯერ მთავარი ჰკითხავდა: რა მოგცე ჩემი პატივისცემისათვისაო. — არ ეტყოდა, შენი კეთილი გული, ბატონო, სხვა რა მინდაო. — არა, ის სხვაფრივ მოახერხებდა ხოლმე პასუხს: თქვენგან მოწყალება ურიცხვი მაქვს, ბატონო! — ეტყოდა ცბიერებით: — თქვენი იმედი რომ არა მქონდეს, ამდენ ხანს ცხრაჯერ დავიღუპებოდი. თქვენ რომ არ მყავდეთ, რა გვეშველებათ! თქვენ ყველასათვის თათლი ბართ, ჩემო ზელმწიფეო, მაგრამ ზოგიერთები კი ცუდად გეპყრობიან, შენი თავი ნუ მოუკვდება ხახუს! — კრძალვით დაუმატებდა ხოლმე. მთავარს ცნობისმოყვარეობა გაეღვიძებოდა. დაუწყებდა კითხვას და ამოიკითხავდა, ვის როგორი გული ქჷონდა იმაზე. ხახუ დროს არ ჰკარგავდა და, თუ ვისიმე ჯავრი სჭირდა. ფლასით შემოსავდა და გამოიყვანდა მთავრის წინ ბრალდებულად. მისი ჩაგონებით დარწმუნებული მთავარი უთხოვნელად აღუთქვამდა ან მიწას, ან იარაღს, ან ცხენს და სხვ. ამნაირად, ხახუმ გვარიანი ქონება დაუტოვა თავის ერთადერთ შვილს უთუთიას. უთუთიაც უანგარიშო კაცი არ გამოდგა. მამის დანატოვარი არათუ არ გაფანტა, პირიქით, გააბევრა კიდევ. ცალკე მეზობლებს ერჩხება საზოგრის თაობაზე, ცალკე ნაბატონარს, იმ ნაბატონარს, რომლის მამა-პაპისაგან ქჷონდა რაც ქჷონდა. ცალკე საჩივართ, ცალკე ძალით თავისი მამული გაათართოვა. უთუთია მუქთად რისამე შოვნასაც არ თაკილობდა. ოდიშის ყველა „რაინდნი“ დაახლოვებული და დამეგობრებული ჰყავდა. განსაკუთრებით დაახლოვებული. ჰყავდა ბუხუ და კაენა. ისინი უთუთიას დაუკითხავად ერთ თვალსაჩინო ნადირობასაც არ გაივლებდნენ გულში. უთუთიას საიღუმლო ბაღჩა მათი ცხენების უთმეყდროესი თავშესაფარი იყო.

უთუთიას სასამართლოც ძლიერ უყვარდა. დღე ისე ძვირად გავიდოდა, რომ მომრიგებელ მოსამართლესთან საქმე არ ქჷონოდა. მომრიგებელ მსაჯულს მისი ნახვა ეამივით ეჯავრებოდა. სულ იმის ცდაში იყო, როგორმე „ამ მოუსვენარ კაცის“ საქმეები ჩქარა გაეთავებინა, მაგრამ არ მიეცა ბოლო უთუთიას საჩივრებს. მოთმინებადაკარგულმა მოსამართლემ, სხვა რომ ვერა მოახერხა რა, გადადებდა დაუწყო უთუთიას საქმეებს. ახლა უთუთიამ ერთიორად

უმბატა ცრუ მოწმეების შოვნას, რომლებიც უწინაც არ ჰყავდა ნაკლებად და დღედაღამ სასამართლოს წინ დახეტიალობდა. საკუთარი საქმე თუ ჩამოელეოდა, ვეჭილობას მიჰყოფდა ხელს. ბევრი ბუშტარიც უჩნდებოდა გამოცდილ ადვოკატს, როგორც ემახდნენ სოფლელები. მართლაც, ხშირი სიარულით სასამართლოში, იქ საქმეების ჩხრეკითა და ყურისგდებით ადვოკატობა ისწავლა. ფრავი და დიპლომი აკლდა, თორემ სხვაფრივ ძვირად თუ გაზრდილი იურისტიც მოუგებდა საქმეში. ამ ხელობის შემწეობით მან დიდი სახელი მოახვეჭა სოფელში. ყველა ძალაუნებურად თავს უკრავდა. სიბნელეში ჩავარდნილ და ამის გამო ყოველთვის და ყველასაგან სამართალს მოკლებულ გლეხს საშველად ერთადერთი სასამართლო მიაჩნდა და, რასაკვირველია, ვინც ამ საქმეში გამოადგება, თაყვანსაცემადაც ის ეგულება. ამას შემდეგ საკვირველი არ არის, რომ უთუთია სოფლის ყრილობაზე ხეისთავეების უფროსად ამოირჩიეს. ამ უფროსობის დროს ქურდობამ არათუ იკლო. იმატა საშინლად. უთუთია კი ამ უბედურებას სოფელს აბრალებდა. საწინდარიც მიჰქონდა ხშირ-ხშირად მშვიდობისმოყვარე გლეხებისაგან, რატომ ქურდს არ გამოედევნეთ, წუხელ რომ კივილი იყო. ხალხი აღელვებაში იყო, მაგრამ ვის რას შესჩივლებდა. ყოველ შეკრებულობაში თუ უთუთია არ იყო, ათასი თავი აყაყანდებოდა. ქადილი ქადილზე იხარჯებოდა მის წინააღმდეგ, მაგრამ როცა პირისპირ შეხვდებოდნენ, ყველა უღიმოდა, თავს უკრავდნენ მას და სიკვდილამდე ერთგულებას ეფიცებოდნენ. აბა! ასეთია შიში, მეტადრე მაშინ, როცა შველას არავისაგან მოელის კაცი.

ღვინთ გამხიარულებულმა მასპინძელმა აღმასხანიც გაიხსენა. საესე ჭიქას გადასწია და თავი წაუქცია ოდნავ.

— ვაი სიკვდილს! განა ასე უდროვოდ დასაკარგი კაცი იყო? ამის ზიარებას გეფიცები, იმისთანა გამბედავი და მაგარი კაცი მთელ ოდიშში მეორე არ იყო! რარიგად უყვარდა ცხონებულს მამაჩემი და მერე მე. არაფერ საქმეს უჩემოდ არ იზამდა. ცოლის შერთვა პირველად მე და კაენას დაგვეკითხა. ასე არ იყო, თუ ღმერთი გწამს? შენ მაშინ უწვერულვამო იყავი, მამათქვენი თავადი ოტია ახალგარდაცვლილი იყო. აღმასხანს მშის სიკვდილი მეტად ეწყინა და იმის ჯავრის გადასაქარვებლად შეირთო ცოლი. ასე არ იყო. — წარბების აწევით და კაკაბის შეკუმშვით შეეკითხა კაენას. კაენა წელში გასწორდა და ალტაცებით დაამტკიცა მასპინძლის სიტყვა. — ეს ხომ, — შეხედა უთუთიამ ბუხუს, — მამის კალაპო-

ტია. აი, ჯერ მხარ-ბეჭებს შეხედეთ, დაილოცა ღმერთო შენი სახელი, აღმასხანი წინ მიდგას, მგონია.

ბუხუ გაწითლდა, თავი დაღუნა და ცალი თვალთ შეხედა დარცხვენით დიასახლისს, რომელიც ქმარსა თხოვდა, დაეთხოვე ლაპარაკს და სტუმრებს მოსვენება მიეცია.

— მოითმინე, მოითმინე, ქალო! რა დაგემატა? ჯერ ხეირიანად არ დაღამებულა, ძილს ვერ მოესწრებიან? — შეუტია ცოლს.

— ვერ მოესწრებიან კი არა, ერთი წუთთაა ახლანდელი ღამე. ყველგან ეძინებათ ახლა მეზობლებში.

უთუთია წამოდგა და ყურება დაიწყო გარეთ. მიიხედ-მოიხედა, თითქო ცოლის გამტყუნება უნდაო. უკანა კარებთან პატარა ბიჭი შეამჩნია.

— ეს ბიჭი ვისია? — ჰკითხა ცოლს.

— აი, ღმერთო. თუ დაბრმავდი, კომოთიას ბიჭი ვერ იცანი. რძე მოგვიტანა.

— მერე შინ ვერ წავიდა?

— აქ გვემსახურებოდა, შე კაცო. აქამდე არ შეგინიშნევია?

— ბავშვი ქვეიანზე უფრო საფრთხილოა. სიტყვის მიტანა ხომ არ იცის? — ლმობიერად დაეკითხა ბუხუ დიასახლისს.

— არა, შენი კირიმე. ჩვენი საიმედო მეზობლის შვილია. საშიში არ არის.

— ჰო, კარგი, ახლა, თუ ღმერთი გწამდეს, — ცოტა დამწვადებით ჩაილაპარაკა უთუთიამ. — ამ ქალმა ხანდახან სიმართლის თქმა იცის. დროა მოვისვენოთ, მაგრამ აქ ერთი ცხენიც ვიცოდო სათქვენო. წრეულს ხუთჯერ ვთხოვე და არ მათხოვა. ცხენი ჰუმბუს ჰგავს. მერე რა სირბილი. ან რა მაგარი მკერდი აქვს. არ მათხოვა, არ მათხოვა, ამას თავი შენც დაანებე. უთუთიამ რომ გვუუპავს, კიი მაგას, იმას ხვდება საჩივარიო, უთქვამს სოფლის ყრილობაში და ბევრიც მიუშნობია, როგორც გადმომცეს საიმედო პირებმა. არ ვიყავი იმ დღეს, გაუწყრა ღმერთი, თორემ ვნახავდი, როგორი მებუნტე იყო.

— სად სახლობს ნეტავი? — იკითხა კაენამ.

— აი, ფართო ღელეს გაღმა. სუკზე ოღა რომ დგას, იმისია.

— რა ჰქვია ნეტავი სახელი?

— უტუნა, გოგოც ყავს ლამაზი.

— გოგო თვითონ ყავდეს, რა დროის გოგოა.

— რატომ, ბიჭო, — სიცილით შენიშნა ბუხუმ.

— ყველაფერი კარგი, მაგრამ ამ უცხო სტუმარს ამაღამ, არც

დღეს, ორი ლუკმა არ უქამია, ღმერთო მომკალი. თქვენი სახელი? შეხედეთ, სახელიც არ გვიკითხავს! — თქვა ქალბატონმა.

— მე, ბატონო, კოსთა, — მორცხვად მიუგო მესამე სტუმარმა.

— მე უბედური, რად არ კამე რამე, იქნება არ მოგეწონა.

— არა, არა, ბატონო, როგორ გეკადრებათ, ყველაფერი მშვენიერება იყო, მხოლოდ მე მაძლარი ვიყავი და არ მინდოდა.

— აბა, მართლა, თუ გინდათ, დროს ნუ დაკარგავთ. — გაიშეობდა უთუმე, ცოტა სიჩუმის შემდეგ.

— წავიდეთ, ბიჭო, მაგრამ აქაური ამბავი ბევრი არ ვიცი და მეშინია, — უთხრა ბუხუმ კაენას.

— ე! რას ამბობ, კაცო, — მიუგო მასპინძელმა. — ხეისთავები ჩემ ხელში არ არის, რის გეშინიათ? თქვენ თუ გინდათ, აქეთ წადით, — გაიშვირა თან ხელი ერთი მხრისაკენ, — ხეისთავებს აქეთ გავაქცუნებ. ცხენი მას ახლა შინ ეყოლება, გარეთ პალოზე მიბმული.

სამივენი მოემზადნენ და გასწიეს; რის შემდეგაც მოხდა ის, რაც უკვე ვიცით და რაც ამ მოთხრობის დასაწყისშივე გიამბოთ. ძალიან ფრთხილად მიეპარნენ, მაგრამ უტუნამ მაინც გაიგო. ჩუმად რომ ვერა მოახერხეს რა, ძალა ინმარეს და რევოლვერი ესროლეს. ამისთანა მოუაზრებლობა თავის დღეში არ მოსვლიათ იმათ: ბუხუმაც იგრძნო ეს, მაგრამ წამხდარ საქმეს რაღას არგებდა ბოლოსლა თითზე კბენანი.

XIII

ამნაირად საქმის დატრიალებამ უთუთია და მისი ოჯახი მეტად შეაწუხა. უთუთია თავს კიდევ არ იმტყუნებდა და კაენას აბრალებდა ყველაფერს.

— როგორ დავიჭერო, კაცო, — ხელის ქნევით ეუბნებოდა კაენას, — როგორ დავიჭერო, რომ თქვენ იქიდან ცხენის გამოყვანა ვერ შესძელით, თუკი მოიქეცით, როგორც რიგი და წესი იყო?

— რას ამბობ, — მიუგო ცოტა გულმოსულმა კაენამ, — ახლა მასწავლი იმ ოხერს? დავბერდი კიდევ ამ საქმეში! იმნაირ ფხიზელს და გულმაგარ კაცს ჯერ არ შევხვედრივარ. ასე იფიქრეთ, ხმალიც მოგვიქნია და კოსთას უკანა კალთა მოაქრა ჩოხისა.

ბუხუ არაფერს ამბობდა; გაწითლებული ოთახში იქით-აქეთ დადიოდა და პაპიროსს ეწეოდა გაცხარებით. კაენა სელზე იჯდა ხმალზე დაყუდებული და აღშფოთებული სახით მასპინძელს ება-

ასებოდა. კოსთა კი კუთხეში იდგა, ქამრის ენა ძირს დაეწია ხელით და თავდაღუნული უღვაშებს იგრეხდა.

— შენი ქირიმე, უთუ, ხმაურობა არაფერს მოგვიტანს, ერთი წუთი ჩვენი გაჩერება აქ არ შეიძლება. რაც გვყავს, იმით თუ მშვიდობით გავედით აქედან, სხვას ვინ მამაძალი დაეძებს. ნეტავი შენი სიმართლით, სულ არ ჩამოგვეგდო სიტყვა იმ ტიელ ცხენზე. უბედურება კიდევ ისაა, თუ ის ყაზახი მოკვალი ამალამ! — ჩაერია კაჟნას და უთუთიას ლაპარაკში ბუხუ.

— როგორ ატყობთ, მოკალით ვითომ? — შუბლზე ხელის გადასმით იკითხა მასპინძელმა.

— რა ვიცი! მოხვდა კი ვიცი და რამდენად საშიშია ქრილობა. დაბეჯითებით რა მოგახსენო.

— მომიტევეთ, ჩავარდი უბრალო კაცის ცოდვაში, შენ მართალს ამბობ, ახლავე წახვიდეთ ჯობია. უყურეთ, რა ყვირილი და კივილია ამალამ? ხეისთავეებს არევენ, გზებს შეკრავენ. მეც ახლავე უნდა წავიდე და ჩუმად ხეისთავეები სხვა გზას გაუყუენო და აქვენი აგაცდინოთ. ოჰ! ის ოჯახდაქცეული! ნეტავ არ მოკვდებოდეს, ცოლ-შვილის პატრონია მერე!

დამალული ცხენები საჩქაროდ მოიყვანეს და სამივენი გაუდგნენ გზას გულის ფანქალით. გათენებისას ენგურს მიუახლოვდნენ, მაგრამ ყარაულები დახვდათ. კაჟნამ, რა დაინახა შორიდან ცეცხლი, მაშინათვე ენაზე იკბინა, გაახსენდა ამნაირივე შემთხვევა ალმასხანის დროისა და არჩია უკან დაბრუნებულიყვნენ. ბუხუც დათანხმდა. შევიდნენ უდაბურ ტყეში. დღე იქ გაატარეს. დაღამებისთანავე მიადგნენ მეორე ფონს, მაგრამ აქაც ყარაულები იდგნენ. რანაირ არ ეხვეწა ბუხუ, მაგრამ კაჟნამ მაინც თავისი გაიტანა. ახლაც დაბრუნდნენ და პირდაპირ კოჩობას სახლისაკენ გაემგზავრნენ. აქ, ნაცნობ ბაღჩაში, დაჰყვეს რამდენიმე დღე. ბუნებამაც ხელი შეუწყო. დაუშვა წვიმა. თითქმის ჩაშრობილი ღელეები ნავთსავლელ მდინარეებად გადაიქცა. ენგური კი, უიმისოდაც აშფოთებული, ახლა სულ გადაირია.

— აბა, ბიჭო, დროს ნუ დავკარგავთ, მოხერხებული. დროა. მამა ნუ წამიწყდება, — ურჩია კაჟნამ ბუხუს და ერთ წვიმიან. მეზიან, ქარიან ღამეს გაემგზავრნენ ცხენებით ენგურისაკენ.

— სად ჯობია გასვლა? — იკითხა ბუხუმ, როცა მიუახლოვდნენ ლომივით გაონავრებულ მდინარეს.

— რასაკვირველია, ჩელტის ხიდზე, — მიუგო კოსთამ.

— კარგი, მაგრამ, თუ წყალმა იმდენი იმატა, რომ ზედ გადავიდა?

— არშინზე მეტი თუ არის გადასული, რა მოგახსენო, და თუ ნაკლებია, თვალდაბუქული გავალ, — თქვა კოსტამ.

— მაშინ ჩვენც გავალთ, ნუ გეშინია, — იმედი მიეცა ბუხუს. აი, მიუახლოვდნენ კიდევ ენგურს. საშინელი ღრიალი გაჰქონდა აღიდებულ მდინარეს. თითქო ესეც ზევიდან შხუილით წაშოსულ წვიმას ბანს ეუბნებო, ჰქუხდა და ვეებერთელა ქვევებს ახეთქებდა ტალღას ტალღაზე.

— სად უნდა იყოს, კაცო, ხიდის თავი? — იკითხა კაენამ.

— ნახავ, თუ იმის მოძებნა არ გაგვიკვირდეს! მე შენ გეტყვი, სანთელს მოიხმარ. მაინც რაიგ განუწყვეტლივ ამხაპუნებს ეს ბედნიერი, თითქო რაც წვიმაა ჰაერში, ამაღამ უნდა დაილიოს და ქვეყანა წარღვნასო, — თქვა ბუხუმ.

— მაინც რა ადგილას იყო პალო დასობილი? არ გახსოვს, ბიჭო? — მიუბრუნდა კაენა კოსტას.

— აი, იმ ნაძვის პირდაპირ იყო, — უპასუხა კოსტამ.

— ჩამოხდით, ჩამოხდით, რათა დროს დაგვიანებო. ყარაულებს გონიათ, ამაღამ ვინ გაბედავს ენგურში გასვლასაო. — ლაპარაკობდა კაენა და თან ფაცაფუციტ ეძებდა პალოს. დანარჩენებიც ჩამოხდნენ და ერთად დაიწყეს ძებნა.

— აი, პალო! — დაიძახა ბუხუმ. — ეტყობა წყალი დიდია. შეხედე ჭერ რიყეზე, ჩელტს ზევით, მუხლამდე მოდის წყალი.

— რაც არის, ის არის. აბა, გახდა უნდა ტანთ! — დაიძახა თამამად კაენამ და თვალის დახამხამებაში ქამრით შეკრა თავისი ტანისამოსი და იარაღი. სხვებმაც იმას მიბაძეს. ტანისამოსი თავზე დაიკრეს და გასასვლელად მოემზადნენ.

ძნელი წარმოსადგენია ეს ხიდი იმისთვის, ვისაც თვალით არ უნახავს. წარმოიდგინეთ მდინარე იმდენად სწრაფი, რომ ხუთ ფუთიან ქვევს ბუმბულივით აგორებს. მერე იმ დროს, როცა ნაპირიდან არის გადმოვარდნილი აღიდებისა გამო. ამ მდინარეზეა ვადებულები, ანუ უკეთ ვთქვათ, გაბმული ერთი ადლის სიგანით ვაზისაგან დაწნული ხიდი, რომელიც მხოლოდ კიდევებზეა მიბმული პალოთი. სხვაგან არც დანი აქვს, არც ბიჭვი. რასაკვირველია, ამისთანა ხიდი, როცა სიმძიე რამე დააწვება, ვერ გაჩერდება. ხან დაღმა დაიწვეს, ხან აღმა აიწვეს და თან ცოტაოდენი სიო როგორც უნდა ისე აქანებს. ამნაირ ხიდზე გასვლა მაშინ, როცა წყალი ზედ მიდის, ისიც წვიმიანსა, ქარიანსა და ჭოჯოხეთ ბნელა ღამეში! აი

სნეთ ხიდზე უნდა გასულიყვნენ იმ ღამეს ჩვენი თავზე ხელაღებულნი მგზავრები.

— ჯერ მე წავალ, — დაიძახა ხმამაღლა კოსთამ, რადგან ქარის გამო დაბლა ლაპარაკით ვერაფერს გააგონებდა ამხანაგებს ცხენები ვაინაწილეს, ვის რამდენი უნდა გაეყვანა.

— არა, ჯერ მე წავალ, — თქვა კაენამ.

— ბატონი ბრძანდებით.

კაენა შედგა საქანელასავით ამავალ-დამავალ ხიდზე და მოსწია ცხენებს. ერთმა წინა ფეხები გაჭიმა, თავს ასწია და წასვლას არ ნებულობდა.

— დაარტყით მაგ მგლის კერძს! — შიაცვირა კაენამ.

ბუხუმ დასცხო მათრახი. ცხენმა დააცანცარა ტანი, ცოტას შეჩერდა, თითქო ჭოქმანშიაო, და რაკი მათრახის შიშიცა ჰქონდა, ჩქაფუნით ჩავარდა წყალში.

— ეჰე, პეიტ! — გაჰკიოდა კაენა და თან ფეხით ხიდის ნერჩს * ვძებდა.

— არიქა, მაგრა თოკი, კაენა! — უკიოდა ბუხუ ნაპირიდან.

— ობა, ახლა თქვენ გამოდით, — რაც ძალი და ღონე ჰქონდა, დაუხვირა კაენამ ამხანაგებს, როცა დიდი წვალებით გავიდა გაღნა, მაგრამ მისი ხმა წვიმისა და მდინარის შუილისაგან ძლივს ისმოდა.

— ჯერ მე წავალ, — თქვა ბუხუმ.

— ბატონი ბრძანდებით. მე კი გავცურო, მირჩეენია. თოკებით ბელში.

— მერე წყალმა ქვევით რომ წაგიღოს, ან ქვა მოგხედეს, ხომ იცი, ცოტა ძირს თუ ჩავითრია, მერე შენი ნაკუჭულუს ** ვერა ვნახავთ, თუ გინდ პატრიარქიც მოგიყვანოთ.

— ფიქრი ნუ გაქვთ, მხოლოდ თქვენ მშვიდობით გაბრძანდით.

შეეძია ბუხუ მდინარეში. ხიდს ქარი რუსულ აკვანივით აქანავებდა, ცხენები გახელებულ ზვირთებს გამწარებული ზვიზვინით ებრძოდნენ. როცა ბუხუმ კარგა წაიწია, კოსთაც შეერია მდინარეში და ორივენი დიდი ტანჯვის შემდეგ გავიდნენ გაღმა.

— ძლივს გამოვედი, კინალამ ფეხი გადამიცდა, — უთხრა ბუხუს კაენამ.

— მეც, ძმაო, თმაში თეთრი გამერია, მგონია, ეს ყვაპუს *** შე-

* ნერჩი—ნიადაგი, ამ შემთხვევაში ჩელტი. ** ნაკუჭულუს—ნატამალი.
*** ყვაპუს—ერთგვარი კირია საქონლისა.

საქნელი ხორგული ცხენი სულ ქვევით იწევდა, შუა მდინარეში რომ ვიქნებოდი, ცალი ფეხი გადამივარდა ჩელტიდან. თავი ძლივს შევიმაგრე, თორემ შენი მტერი!..

რაც შემდეგ გზაში უსიამოვნება ნახეს ან წვიმისაგან, ან ტალახებისაგან და ან სხვა წვრილ მდინარეებში გასვლით, ის მათთვის სულ არაფერილა იყო.

XIV

დანიშნულ დღეს მოვიდა უტუნას ცოლისძმა კერანდუხუ. მეზობლებმაც აღთქმა აღასრულეს და მოეხმარნენ უტუნას სიმინდის მარგვლაში. ძურგუმ ამ დღეს გათენებისას გაიღვიძა. იმ ღამეს თითქმის არ ეძინა. სულ მეორე დღის ნაღობის სურათი ეხატებოდა თვალწინ. დილით ცხენი ადრე წაიყვანა და დააბა ჩინებულ საბალახოზე. აილო თავისი პატარა თოხი და პირველმა დაიწყო მუშაობა ცოტა ხნის შემდეგ კერანდუხუც მოვიდა ურმით და თან მოიტანა მუშებისათვის საჭირო სასმელ-საქმელი: ტომრით ფქვილი, გუდებით ღვინო, გასუქებული ბურვაკი, რომელიც გუშინ საღამოს მოამზადა, ქათმები, ინდაურები, ყველი და სხვ. კერანდუხუს თებროც მოჰყვა.

— შენ როგორ გამომეჭეცი ამ დილას, შე კიკო, შენა? — მიეაღერსა პატარა ძურგუს ბიძა.

ძურგუმ ჩაიციინა და თოხის ქნევას ცოტ-ცოტათი უკლო. კერანდუხუმ ურემი გააჩერა და კარგა ხანს დაკვირვებით უყურებდა დისწულის მუშაობას. მისმა მზისაგან გაშავებულმა ღამაზმა პირისახემ, რომლიდანაც ოფლი წურწურით ჩამოსდიოდა, ააგულჩვილა კერანდუხუ და თვალთაგან ძალაუნებურად ცრემლები წამოუვიდა. თითქო სულ გადაავიწყდა თავისი თავი, ერთ ადგილას იდგა და ძურგუს შესჩერებოდა.

— დია, ჯიჯი, ხარებმა სულ შექამეს სიმინდი. რანაირ ადგილს გააჩერე ურემი, ფალაგისკენ არ წავიდეთ? — მიიძახა თებრონი.

კერანდუხუ გამოაფხიზლა თებროს სიტყვებმა.

— ახლავე, ახლავე! — იყო პასუხი. — აში! — დაუძახა ხარებს და გასწია ფალაგისაკენ.

— დაანებე, შენი პირიმე, ძურგუ, მარგვლას თავი, — უთხრა მან დისწულს. — დღეს, ღვთის მადლით, მაგას კი მოერევიან, ინდენი მოვლენ. შენი საქმე დღეს მხოლოდ წუურგილიდან წყლის მოტანა იქნება. ჯერ აქ მოდი და ცეცხლის გაჩაღება მიშველე.

წვეული ნადი მოგროვდა და დაადგა მუშაობას. გაჩაღდა საქმე. თოხის პირების არეული მარჯვე ქნევა, სხაპასხუპით ბალახის კრა და ბელტების დაფხვიერება, თითქო ჰაერსაც უკვიროსო, სიოც კი არსაიდან სცემდა, ფრინველნი სიმღერ-ჰიკჩიკით აქეზებდნენ მუშაქათა. სათოხნი ახალმოსული წვიმის გამო საკმაოდ მჩატე სამუშაო იყო. მოწმენდილი ცა დაჰყურებდა ზურმუხტისფერ სიმინდს და გამხიარულებული მზე თითქო ულოცავდა სიმინდს მაგნე ბალახისაგან განთავისუფლებას.

— აჰა, აჰა-ჰაა, ბიჭებო! — შესძახებდა ხოლმე მუშებს გრძელ, თეთრწვერა, მაღალი და მხიარული სახის გლეხი, რომელიც ნადის ერთ კიდეზე იდგა, გამწარებით მუშაობდა, მალ-მალ იფურთხებოდა ხელისგულზე და იმარჯვებდა თოხის ტარს. ყველანი ბეჯითად ეკიდებოდნენ თავიანთ საქმეს. მალე ოფლი წამოადგათ შებლზე და ზოლ-ზოლებად დაიწყო დენა მათ ლოყებზე. როცა მუშები, ასე თუ ისე, მოიღალნენ, შეტეულ მუშაობას თავი დაანებეს და ნება-ნებად დაიწყო თოხმა ჩერკნა. მუსაიფი გახშირდა. ზოგმა ცოტა ხნით დაანება თავი თოხს და ყალიონს დაუწყო წევა. ●

— წვიმა რომ არ მოსულიყო ამ რამდენიმე დღის წინათ, მე შენ გეტყვი, გაფუქდებოდა პირნახული, — დინჯად შენიშნა ერთმა შაფწვერა გლეხმა, რომელსაც ჰეავის ღეროს ქუდი ეხურა ფართო კალთებიანი.

— მართალია, ძმაო, — მიუგო ერთად რამდენიმემ, — ერთი კვირა კიდევ არ მოსულიყო წვიმა, მერე აქ მოსვლა არაფრად ელირეზოდა.

— გლეხის შველა მაინც არ არის, თუგინდ ბევრიც მოგივიდეს მოსავალი. სიმინდს ფასი არა აქვს და გაჰირეება კი აი ამოტელაა, აი, — გადაისვა თმაზე ხელი ერთმა, ასე ოცდახუთი წლის პირხმელმა კაცმა.

— რა ვქნათ, ძმაო, — მიუგო. გვერდში მდგომმა პირმოპარსულმა, — ალბათ, ასეთი ყოფილა ჩვენი ბედი. ერი, ბერი — სულ ყველა ჩვენი საქირთა და ჩვენი მშველელი კი არავინ არ არის.

— როგორ თუ რა ვქნათ? განა ჩვენ სხვებივით ადამიანები არა ვართ? — შეჰყვირა პირხმელმა.

— ვისი ბრალია, ნეტავი, ამდენი გადასახადის მოგროვება? ეს სულ ხელმწიფის კარისკაცების საქმე უნდა იყოს. ეშმაკობაა, თვითონ ჰამენ და მერე ხალხს ახდევინებენ. — თქვა დინჯად პირმოპარსულმა.

— რალა შორს მიდიხარ, ოთხი წლის ფოშთა ჩვენ მამასახლისს შეუქამია და ახლა ნედრომკად უნდა დააწერონ სოფელსაო, ამბობენ, — ჩაუერთო სიტყვა ჩალისქუდიანმა.

— ჰე! — გაიკვირა ყველამ.

— გაუწყრა ღმერთი, ვინც არის, ჩვენ კი ლამის სული ამოგვაცალოს და, — თქვა გულისტკივილით ერთმა მოხუცმა.

— ჩვენი გაქირვება სულ ჩვენი ნაჩალიკის ბრალია, — წამოიძახა კილოფისქუდიანმა, — ქურდობას ვერ სპობს და იმიტომაც, რაც უბედურება გვკვირს. დაიკარგება რამე, მივრბივართ საძებნელად, ვცდებით შვიდ-რვა დღეს და გლეხისთვის საათის გაცდენა ხომ ზარალია.

— მაინც როგორ განშირდა ეს ქურდობა, შენი ქირიმე! — უკვირდა პირმოპარსულსა. — უტუნას რას ერჩოდა ის კაცი? ამბობენ, კაენა და ბუხუ იყვნენო; ხორგაში სამი ცხენი ისეთი მოუპარავთ, ჩემი სიძის ძმამ მომიტანა ამ წინა კვირას ამბავი, რომ თითო ოც-ოც თუმნად ღირდაო.

— ყულისკარშიაც სახლი გაუტეხიათო, — დაუმატა ერთმა პირტიტველა ახალგაზრდამ.

— ვისი, ნეტავი? — შეეკითხნენ აქეთ-იქიდან.

— რა ვიცი! ვილაც ახალდასახლებული ნავაქრალი კაცისააო, ამბობდენ ზუგდიდში. ის კაციც დღეს ნაჩალიკთან არისო, მე კი არ მინახავს, მართალი უნდა მოგახსენოთ.

— ალბათ რამე ძვირფასი საქონელი ექნებოდა, — ჩაილაპარაკა ზოგმა.

— ქონდაო, ამბობდენ, სულომანი და ბევრი ოქროულობაო.

— ჰააიტ! მერე არ იციან, ვინ იყვნენ? — იკითხა პირმოპარსულმა.

— არ ვიცი სწორედ, ყოყმანობდნენ, ზოგი კაენას ისახელებდა, ზოგიც სხვას.

— სულ სისხლი გამიშრო ამ უჩიტელის და კლასის ამბავმა, — გაბრაზებით გაერია ლაპარაკში ერთი ქალარამორეული გლეხი, რომელიც ამ დრომდე გაჩუმებული და ჩაფიქრებული იყო. — თუმანი მივეცი, სამი მანეთი კიდევ უნდა მოგვეცეთ, კლასი უნდა შევლებოთო. მეტი არა ვარ, ღმერთმანი! — თქვა და მარჯვლად დროებით შეაჩერა. — ნეტავი მოგება მაინც რამე გამოდიოდეს. ოთხი წელიწადია ჩემი ბიჭი სწავლობს და ჯერ არაფერი არ იცის. მე რა ვიცი ცოდნის, მაგრამ ცხენის მოწმობას ვერ დაწერს, თამასუქს ვერ წაიკითხავს, დაწერას შენც დაანებე თავი, კვიტანციახ:

ვერ დაწერს, მაშ, რად მინდა სწავლა. პრაშტი-პრუშტიო რაღაცას ამბობს. აბა რას ამბობ, ბიჭო-მეთქი? ბავშვები ყინულზე მარხილით სრიალობენო, მითხრა, თავის დღეში არ მინახავს, დამითარე, ღმერთო, მიწაში კომბოსტო ამოდისო, ესენი რად მინდა, მიწაში ამოვა კომბოსტო, მაშ ცაში ხომ არ ამოვიდოდა. ცაში ვარჯველავები ამოდიან. საწყალ კაქუიას კლასში არ უსწავლია, მაგრამ ის რომ არ ყოფილიყო, ჩვენ სოფელს შველა არა ჰქონდა, რამე საწერი რომ გვექნებოდა, სულ იმასთან მივრბოდით, აცხოვნოს ღმერთმა. მაშ რა მასალაა შენი კლასი, ფულები კიდევ იმაზე რომ ვხარჯო უბრალოდ?

— სიმართლეა, თამკოჩი, შენი სიტყვები, მაგრამ ნამეტანი კომოგვივიდა მუსაიფით. შეხედეთ, შუადღეა და ჩვენ სამი ფრთა ბეირიანად ვერ გაგვიტანია. სირცხვილია, ბიჭებო, ხედავთ, მასპინძელი როგორ ცეცხლში იწვის სადილისთვის, აბა. ბიჭებო, ჰა, — დასძახა ქილობისქუდიანმა.

ელვის უმაღლესი დატრიალდა თოხები და ისევ გაცხარდა მუშაობა.

— არიქა, ბიჭებო, არიქა! ოღოია, ჩემო ძმაო, ოღოია შემოვქახოთ, თორემ ცუდად არის საქმე! — ჩქარა ოღოიაც მოისმა. ატყდა გრიალი მუშების სიმღერისა ქალაში. მათი შეწყობილი ხმა ირემარეს ატკობდა და შორს, შორს, ბორცვების კიდეს მახლობლად წყდებოდა ხმა გუგუნისა.

— კარგი, ბიჭებო. ახლა რამე ვკამოთ. — მორიდებულად, ჩიბუხით პირში მიითავაზა ნადები კერანხულუმ, როცა მზემაც კარვა აიწია და მუშების პერანგიც გაირეცხა ალალი ოფლით.

დიდი მუხის ძირში გრძლად დაგებულ ხის ფოთლიან შტოებს მოუსხდნენ ხელდაბანილი ნადები და გემრიელად შეექნენ ცხელ ღომს და შემწვარ ბურაკს. ისე მაღიანად ილუკმებოდნენ, რომ კაცს ძალაუნებურად ჰამის მადა გაეხსნებოდა. ნასადილევს ზოგმა დაიძინა. ზოგმა მდინარეში იბანავა და მერე ისევ ახალი ძალით შეუდგნენ მუშაობას. ყანა საღამომდე გამოიყვანეს ღვარძლისაგან. კერანდუხუმ სტუმრებს ვახშამიც კარგი გაუმართა. ღვინო უფრო ორჯერ მეტი დააღვინა. ნავახშმევს შეზარხოშებულები, მხრებზე თოხდაწყობილები სიმღერით და მხიარულებით წავიდ-წამოვიდნენ თავთავიანთ სახლებში.

მაიას მეცადინეობით და მეზობლებ-მოყვარე-ნათესავების შემწეობით უტუნა ორი კვირის შემდეგ ფეხზე წამოდგა, თუმცა ჯერჯერობით ხელს ძველებურად ვერა ხმარობდა. მამასახლისმა დროზე მოახდინა ჯეროვანი განკარგულება, მესამე დღესვე ოქმი

შეადგინა, დაწვრილებით აღწერა მომხდარი გარემოება და მაზრის უფროსს გაუგზავნა. ოქმში, სხვათა შორის; მოიხსენია ხეისთავების მეუფროსის უთუთიას იმლამინდელი ქცევა და აგრეთვე პატარა ბიჭის ჩვენებაც შიგ ჩასწერა. მაზრის უფროსი ვითომღან ბეჯითად მოკიდა საქმეს. ოქმის მიღებისთანავე მიუწერა ხეისთავების მეუფროსეს, დაუყოვნებლივ გამოცხადდი ჩემთანაო, უთუთია არ ეურჩა უფროსის ბრძანებას და გამოცხადდა მაზრის სამმართველოში.

მაზრის უფროსი თავის საკუთარ ოთახში იჯდა დივანზე, როცა უთუთია შევიდა. ოთახი შესაფერად იყო მოწყობილი. კედელს ვარაყიანი შპალიერი ეკრა. კედლის ერთ კუთხის ზემო ნაწილში ეკიდა მაცხოვრის ხატი. მის ახლო ეკიდა კედლის საათი. უფროსს წინ ედგა მწვანე მაუღდადაკრული ლამაზი მაგიდა და კუთხეში იდგა ვეებერთელა შკაფი, ცალ-კარ ნახევრად გაღებული, საიდანაც წიგნები და ქაღალდები მოჩანდა. თვითონ უფროსი წვერ-ულვან გათეთრებული იყო, მომრგვალო პირისახისა. არც გამხდარი, მაგრამ მსუქანიც არ დაერქმეოდა. ტანთ ეცვა სამხედრო მუნდირი, ხელში ნახევრად მოწეული პაპიროსი ეკირა. უთუთიამ შესვლისთანავე მძიმედ თავი დაუქრა და გაჩერდა.

— უთუთიას გაუმარჯოს! დაბრძანდი, კაცო, — მიუთითა უფროსმა სელზე.

— ვიყო, ბატონო, სულ ერთია, თქვენთან ფეხზე დგომა თუ გვეღირსება, სხვა რა მინდა.

— არა, კაცო, დაბრძანდეთ. მირჩევნია.

უთუთია ფრთხილად დაეშვა სელზე.

— რა ამბავს იწერება, კაცო, თქვენი მამასახლისი? ბუხუ დე კაქუნა უთუთიას სახლში იყვნენო, უთუთიამ გლენის ცხენის მოპარვა ურჩიაო, ქურდებმა ცხენის წაყვანა რომ ვერ მოახერხეს, პატრონს რევოლვერი ესროლეს და სასიკვდილოდ დაქრესო, — მდაბიურად მოუყვა უფროსი, ისეთი კილოთი, თითქო არათერა საიმისო არა მომხდარა რაო.

— უჰ, უჰ! ბატონო! მერე როგორ მოიგონებენ ამნაირ საკვირველებას ეგ ოჯახდაქცეულები. მე რა ღმერთი მიწყრება, რომ ვერაფერს მოვიგონებ, — მუხლზე ხელის დაკვრით და თავის ქნევით მიუგო უთუთიამ. — მერე, ბატონო, ისიც ჩვენი მამასახლისი, ჰე! იმისთანა კაცი არათუ მამასახლისად, მოსამსახურედაც არ ვარგა. ვინ უთხრა ნეტავ ესენი? ჩემი მეზობლის პატარა ჩვილი მეთზე ბიჭი დაუჭერია და ჩამოკიდებია, უთუთიას სახლში რა ნახილ...

ბიქს, რასაკვირველია, შეშინებია. აბა, რა უნდა ეთქვა. თქვენი წყალობა თითო-ორი ცხენი ყოველთვინ მყავს. ცხენები ვნახეო, უთქვამს ბიქს. ისიც მიუქარავს, უთუთია სოფელში ყვირილის დროს არ ადგაო. შენ არ მომიკვდე, მაშინათვე ავდექი, შევიტყვე, რავარც იყო საქმე, და ქურდებს გამოვედევნე, დაქრილის სახლში რომ მივსულიყავი, აბა, რა ექიმი ვიყავი? მართალია, მეორე დღეს ეკლესიაში მოლაპარაკება ჰქონდათ, მერე სასამართლოში, მე არ დავსწრებივარ. ბავშვი უკანასკნელ მდგომარეობაში მყავდა და სენაკში წამლისათვის წავედი.

— რა ვიცი, შენ კი გაბრალებენ და! თუმცა პატივისმცემელი კაცი ხარ, მაგრამ საქმე გამოძძიებელს უნდა გადაეცე, — ცალი თვალთ შეხედა უფროსმა და ფლიდურად ჩაიღიმა უღვაშებში.

— ისე, შენ არ გწყევლი და ჩემმა ცოლ-შვილმა იზარა, როგორც მართალი მე იქიდან გამოვიდე, მაგრამ გაცდენა და საქმის ყიორი მეზარება, ცოლშვილიანი კაცი ვარ. არ მაყენებენ. თორემ შეჩვენებული ვიყო, თუ სუდის სადგომში თავის დღეში შევდგა. ეფხი...

უფროსი გავიდა მეორე ოთახში. უთუთია გაშეშებული წამოდგა და ფერწასული იყურებოდა აქეთ-იქით. ცოტა ხნის შემდეგ შემოვიდა უფროსის მწერალი, გრძელწვერა, ლამაზად თმაშეკრეკილი. მწერალს ყვითელი შალის ჩოხა ეცვა; მისი ფეხსაცმელები ქალზე კრიკინებდა. შემოსვლისთანავე მოცინარი სახით მისძახა უთუთიას:

— როგორ იზამ შენ საქმეზე. დღესვე გადავცეთ გამოძძიებელს? — მწერალი, თითქო რაღაცას ელისო, შიგ თვალგებში ყურებით შორიანხლო დაუდგა უთუთიას.

— რა ვქნა, კაცო, მირჩიე რამე, — ხევეწითა და ვედრებით მიპართა უთუთიამ.

მწერალს გაეცინა და თავი დააქნია. სახე ათასნაირად დაეღრიჭა და ბოლოდაღუნული უღვაშების გრეხით დადიოდა ოთახში. რამდენსამე საათის შემდეგ უთუთია სინარულით მიდიოდა შინ. მწერალი და უფროსი რაღაც წითელ ქაღალდებს ერთიერთმანეთზე აწყობდნენ.

— საქმის ასე ჰალა-ჰალად ავდებაც არ შეიძლება, — ბრძნულად შენიშნა უფროსმა, როცა ქაღალდები შეინახეს. — უნდა დავამტკიცოთ, რომ მამასახლისი მტყუანია.

— დავამტკიცოთ, მერე ვერ დავამტკიცებთ? გაგონილა! ხუთი წლის ბავშვის ნათქვამი კაცმა საბუთად მიიღო. თვითონ უთუთიას

შემოვატანივით საჩივარი, რომ მამასახლისმა უბრალოდ გალანძღა კეთილშობილი კაცი. ქურდობა და ავკაცების მასპინძლობა დააბრალო.

მართლაც ასე მოიქცნენ და ერთი კვირის შემდეგ მამასახლისი უჩაქვოდ და უთუთია მხიარულად მიდიოდნენ შინ. „დამეხარჯა კია, მაგრამ, — გულს იკეთებდა უთუთია, — კაი მაგარ საქმეს ავცდი. გამომძიებელთან რომ გადასულიყო, ტყავს გამაძრობდნენ და ვინ იცის, რას არ მიზამდნენ კიდევ“.

რა არზები არ აწერინა უტუნამ, ვის არ თხოვა სამართალი, მაგრამ ამოდ ჩაიარა ყოველმა მისმა ცდამ.

— რა გიყო, შე დაქცეულო, — შეუტია ერთხელ უფროსის მწერალმა, როცა უტუნა არ ეშვებოდა და გულსაწვავე სიტყვებით თავის თავგადასავალს უხატავდა, — კარგი, კაენა და ბუხუ იყვნენ. თუ გინდა; წადი, შენ დაიჭირე და ჩვენ ქირას მოგცემთ. რაც შეეხება უთუთიას, მან კანონის ძალით გაიმართლა თავი და ახლა როგორ ვქნათ. ჩორთონანი, ამისთანა არეულ საქმეებს!

— შე რისთვის უნდა დავიჭირო? — გულმაგრად მიუგო უტუნამ. — მე რომ ავაზაკების დაჭერა შემძლებოდა, ნაჩალიკი ვიქნებოდი. ნაჩალიკს იმიტომ აყენებენ, რომ იმან უნდა გვმწყესოს ავკაცობისაგან.

— შენ, მგონია, ბიძია, ლაპარაკის მადაზე ხარ დღეს.

— მაშ რა ვქნა, რომ არ ვილაპარაკო, ჩემი გაჭირვება მალაპარაკებს.

— გადი აქედან-მეთქი, თორემ სალდათებს დაეუძახებ ახლავე! — შეპყვირა მწერალმა.

აბა რას იზამდა საწყალი დაუსამართლებელი გლეხი, რომელიც ძლივს სუნთქავდა ავადმყოფობის გამო? გამობრუნდა და შინ წამოვიდა, უსკდებოდა გული უბედურს, მაგრამ ვის რას შესჩივლებდა! უფრო ის კლავდა, რომ ზოგიერთმა მეზობელმაც საყვედური დაუწყო.

— რა ცხენი გაგიჩნდა, შე კაცო, შენც აიშალე იმის გამოისობით. მამასახლისიც გააუბედურე, აგერ უთუთია, ხომ იცი, რა უბედური კაცია, უბრალოდ გადაიმტერე. ახლა მე ვიციო, უთქვამს, ჩემს გალანძღვას დაუჯდენ სოფელს ფასადაო. ხომ იცი, რა გავლენიანი კაცია! — ეუბნებოდნენ უიმისოდაც გულდაწყვეტილი უტუნას მეზობლები.

გაიარა სამმა-ოთხმა თვემ ამის შემდეგ და ახალი ამბავი მოეფინა მთელ მაზრას. ეს იყო გამოცვლა მაზრის უფროსისა. წარსუ-

ლით დაზარალებული, მომავლაში მოელის შევლას და სიამოვნებით ეგებება მომავალს და კალთაგაშვერილი შეყურებს: ეგებ რამე მოწყალება მოიღოსო; წარსულით მოგებულნი კი ექვეშია, ვაითუ მომავალმა მიმტყუნოს და ხიდი უდროვოდ და უალაგოდ ჩამიტყდესო.

ახალი მაზრის უფროსის დანიშენას ზოგი აღტაცებით მოელოდა, ზოგს კი არ ექაშნიკა ეს ახალი ამბავი. ვინ იცის, რა კაცია! — გაკვირვებით ამბობდა მეორე დასი. — რუსიანო, ამბობენ, ეგებ უბედური ვინმე გამოდგეს და ნემსის ყუნწში გაგვადვიროს, მაგრამ, ვინ იცის, შეიძლება ტყუილიც იყოს, ხმები დადის, თორემ ნამდვილად მოწერილობა ხომ არავის მოსვლია ჯერე, — ინუგეშებდა თავს იგივე დასი. — ღმერთო! მოგვხედე, გვიშველეო! — ლოცულობდა მომავლის იმედით მეორე დასი.

ხმა ტყუილი არ გამოდგა. მაზრის უფროსი ერთ დღეს აიბარგა, ყოველივე საქმე თანაშემწეს ჩააბარა და მოშორდა ზუგდიდს. არ გასულა ერთი კვირა, ახალი უფროსიც მოვიდა. მისი მობრძანების მეორე დღესვე სხვადასხვა ჯურის ხალხი შემოეხვეია მის სადგომს: ვაჭრები, მოხლეები, თავადაზნაურობა, დაბალი ჩინოვნიკობა და გლეხები ერთმანეთს ეჯარებოდნენ მაზრის უფროსის პატარა ეზოში. აი, გამოვიდა კიდევ აივანზე უფროსი და წარდგა საზოგადოების წინაშე. ყველანი ახლო მივიდნენ. თავადიშვილები და გამოჩენილი კაცები აივანზე ავიდნენ და თითო-თითოდ გააცნეს თავი. უფროსმა ყველას სიამოვნებით ხელი ჩამოართვა. ის იყო დაბალი ტანის კაცი, ქერა წვერულვაშიანი. მისი პატარა, მაგრამ გამჭრიახი მოთეთრო თვალები ნემსივით ებნეოდა შემჩნეულ საგანს. უფროსი ყველას თამამად მიესალმა და მოკლედ, მაგრამ მტკიცედ განმარტა თავისი მოვალეობა იმ თანამდებობაზე, რომელიც უმაღლესმა მთავრობამ ჩააბარა. გაახსენა აგრეთვე საზოგადოებას, რა ტვირთია მაზრის უფროსის ტვირთი და როგორ უნდა იქცეოდეს მისი ბელქვეითი საზოგადოება, რომ მშვიდობიანი ცხოვრება დაიმკვიდროსო. თქვენი ქვეყანაო, — დასძინა უფროსმა, — როგორც მცენარეულობა ამტკიცებს, სამოთხე უნდა იყოს. ხალხიც, რაც შეგეხებათ გარეგნობით, სწორედ ღირსია, ედემის ცხოვრება ჰქონდესო. მაგრამ, საუბედუროდ, განათლების მხრივ ძალიან უკან ყოფილხართ ჯერა; მიზეზი ის სამარცხვინო ზნეა, რომელიც შეგპარვიათ და ქურდობაში გამოცხადებულაო. ამიტომ თავს არ დაეზოგავ, რომ რამდენადაც შეიძლება, ეს ცუდი ჩვეულება მოვსპო

თქვენ შორის და მით დავიცვა თქვენი ქვეყნის მყუდროება, ხელი შევეწყუო მრეწველობას და ზნეობის ამალღებასაო.

უფროსის სიტყვებმა ზოგი ცას დასწია სიხარულით: აი გვეშველა, ეს რაღაც სხვა ამბავიაო, იფიქრეს ალაღმართლებმა. ზოგი კი მოაწყინა, მაგრამ ჯერ კიდევ მომავალს მიანდეს თავისი ბედი და უბედობა.

რა გავრცელდა სოფლებში ხმა ახალი უფროსის დანიშვნისა, პოაწყდა ხალხი ზუგდიდს, თითქმის ყველანი ქურდობისაგან იყვნენ დაზარალებულნი და უფროსსა თოხვდენ ამ უბედურებისაგან დაგვიფარეო. ახალი უფროსი, ტომით უცხოელი, სლავიანთა მოდგმისა. მოსვლისთანავე და არზების განხილვისთანავე ბეჯითად შეუდგა საქმეს. არ გასულა სამი დღე, რომ მის კანცელარიაში შეიღასამდე არზა მოგროვდა. ამ არზების განხილვამ დაარწმუნა უფროსი, რომ მათი დაკმაყოფილება ზუგდიდში ჯდომით შეუძლებელი იყო. საჭირო იყო, ყველა სოფელი დაეარა და პირად შეეტყო ხალხის გაქირვება, გამოეკვლია ყოველივე თავთავის ადგილას და მერე შეძლებისდაგვარად ღონისძიება აღმოეჩინა დაზარალებულთათვის ქვეყნის შემაწუხებელთ მოშორებით. არზებში სულ ბუხუსა და კაენას სახელი იხსენიებოდა.

— ეს რა უბედურებაა, — დაეკითხა თავის საქმისმწარმოებელს, — სულ კაენა და ბუხუზუა საჩივარი, ვინ არიან ეს კაენა და ბუხუ?

— უჰ! გავარდნილი ყაჩაღები არიან, — წარბების აწევით მიუჯგო საქმისმწარმოებელმა, — მათი დაქერა ბატალიონსაც არ შეუძლია.

— როგორ თუ ბატალიონსაც არ შეუძლია. კარგად ვერ მოგიკიდიათ ხელი საქმისათვის, თორემ ორი კაცი რა გახდა ისეთი, რომ ვერ დაიჭირეთ და ქვეყანას აწიოკებინებთ?

— რას ბრძანებ, ბატონო? რამდენჯერ დაედევნა ბოქაული. სად გზა არ შეუკრა, სად არ დახვდა ყაზახებით, მაგრამ მათი დაქერა არ იქნა. ტყვიის იმდენი ეშინიათ, რამდენიც ფოთლისა, თავს სასიკვდილოდ არა ზოგავენ და რას გახდება კაცი?!

— როგორ დავიჯერო, რომ მათი მორჯულება ვერ შესძლო აქაურმა მართებლობამ, თუკი მოიქცა ისე, როგორც რიგი და წესი იყო. მათი ამგვარად გათამამება თქვენს დაუდევრობას უნდა მივაწერო. მერე თავადიშვილებიც არიან და! — გაოცებით გადახედა უფროსმა არზებს და მხარაწევით წარმოთქვა: — უჰ! უჰ! მეცხრამეტე საუკუნეა ვითომ აქაცა?!

როცა უფროსმა გადაათვალიერა არხები, მოემზადა სოფლებში სამოგზაუროდ. სხვათა შორის, იმ სოფლებშიაც მივიდა. სადაც უტუნა და უთუთია მოსახლეობდნენ.

მამასახლისის თანაშემწემ წინაღობითვე შეატყობინა საზოგადოებას ახალი მაზრის უფროსის მობრძანება და დაავალა, რომ ყველანი საგლებო სამმართველოში მოგროვილიყვნენ. დანაწულდეს იწყო ხალხმა გროვება სასამართლოს წინ. ყველას თვალები ზუგდიდის გზისკენ ეპირა, საიდანაც უნდა მოსულიყო უფროსი. აი გამოჩნდნენ კიდევ შორიდან ცხენოსნები. ხალხი აირია. ცხენოსნები სასამართლოს შენობის ახლო ჩამოხდნენ; მათ ხალხი მიეკება ცხენის ჩამოსართმევად. უფროსი აივანზე ავიდა, ხალხი ძირს შემოეხვია იჭაურობას. ერთიერთმანეთს თავს ატეხდნენ. ვინც უკან მოხვდა, ფეხის თითებზე დგებოდა, რომ სახე მაინც დაენახა ახალი უფროსისა. უფროსს მოჰყავდა, ან უკეთ ვთქვათ, ახლდნენ თარჯიმანი, გადამწერთაგანი და რამდენიმე შეიარაღებული ყაზახი. სოფლის მამასახლისი (უთუთიასაგან დაყენებული) მოკრძალებით დადგა შორიახლოს. უფროსი მიუბრუნდა საზოგადოებას და თხოვა გაჩუმებულიყვნენ. მერე თითო-თითოდ იკითხა საზოგადოების ვაკირვება. გლებთაგან სულ ის ისმოდა, რომ კურდობისაგან დაეკითხარეთო. ახალ მირთმეულ არხებშიაც კურდობის მეტი არა იყო რა. აქაც კაენას და ბუხუს სახელი ისმოდა. უფროსი რამდენსამე ხანს შეჩერდა და თავი გააქნია აქეთ-იქით. ამ დროს მოისმა რაღაც არეულობის ხმა. ვიღაც კაცი მოიწეედა ჩუხუხად მდგომარე ხალხში და ყვიროდა: — გამიშვით, გამიშვითო.

— რა უნდა, გამოუშვით! — დაიძახა უფროსმა. ყველამ გზა დაუთმო და წარმოდგა უფროსის წინ ჯოხზე დაბჯენილ უტუნა. ერთ გვერდით ედგა ჩასქელებული მხარბეჭიანი კაცი. — ეს იყო ნამამასახლისარი, მეორე მხრივ დადგა წაბლისფერი წვერულვაშიანი ვაეკაცი, — ეს იყო კერანდუხუ. ამათ წინ წამოდგომისთანავე მოისმა ხმა მოაჯირის კიბესთან: ამათ კიდევ რა უნდათ ნეტავი. რას ეჩხირებიათო, — ეს იყო უთუთია.

— რა გნებავთ? — აღერსიანად დაეკითხა უფროსი უტუნას და თვალიერება დაუწყო, როცა წინ წამდგარებმა მძიმედ დაუკრეს თავი და ყაბალახმოხდილები უფროსის წინ გაჩერდნენ.

— მე, ბატონო, — დაიწყო უტუნამ, — ერთი მუშა. ცოლ-შვილის პატრონი კაცი ვარ. რაც გავჩენილვარ, მას აქეთ არაფერი ცუდი საქმე არ ჩამიდენია. შეიძლება თავს გაბეზრებდე ამ ჩემო-

უზრდელი ლაპარაკით, მაგრამ იმედია, თქვენი მფარველი თავი ყოველსფერს მომიტევებს.

— ნუ გეშინია, თქვი, რაც გინდოდეს! — დაკვირვებით და ოდნავ მოციინარი სახით მიუგო უფროსმა. თარჯიმანს უბრძანა, რომ ყოველი მისი ნათქვამი სიტყვასიტყვით და სწორად გადაეთარგმნა ჰისოვის. საზოგადოება სმენად გადაიქცა.

— მოგახსენებთ, ბატონო. ჩემი არ იყოს, მამაჩემიც ცუდ-კაცი არ იყო. რაც ბატონყმობა გადავარდა და განთავისუფლდა (დოღმაზორუ იყო საწყალი), მაშინათვე ცალკე დაესახლა. მას შემდეგ სასახლეში ფეხი არ შეუდგამს. მუშაობდა საქმის დღეებში, დადიოდა ეკლესიაში უქმ დღეებში. არავის არაფერს ართმევდა, უკანასკნელ ბუხსაც არ აწუხებდა. შვილები ბევრი გაუჩნდნენ. მაგრამ ღმერთმა არ ინება მათი სიცოცხლე: ჩემ გარდა ყველან თქვენი ქირი წაიღო. სანამ ცოცხალი იყო, სულ სიმართლით და პატიოსნებით ცხოვრებას მისახელებდა. თავისი შრომა-ღვაწლით გვარიანი ოჯახი დამიტოვა. ცოლი მაშინ ახალშერთული მყავდა ერთ ქარიან დღეს გამიწყრა ღმერთი, მოეკიდა ჩემ ოჯახს ცეცხლს და მტვრად იქცა. ასე გასინჯეთ, უკანასკნელი ქათამიც არ გადარჩენილა. ვიშრომეთ მე და ჩემმა საწყალმა ცოლმა და, როგორც იყო, ღვთის და კეთილი მეზობლების წყალობით, ისევ სული მოვიდგით. გარდასახადი ფულების ნედლიმკა ერთი გროში არ მემართა, გზის გასაკეთებლად ყველაზე ადრე მივდიოდი. ჩემი ერთი ბეწო ცუდი გული არავის ახსოვდა. რა ნახეს ჩემთან შესაშურებელი? ერთ ღამეს დამეცენ ავაზაკები და, აი ბატონო, რა მკაცრად, — გაიწოდა უტუნამ დაარტყმებული მკლავი, — უმარგლავი ყანა პირალმა დამირჩინეს. ჩემი წვრილი ცოლ-შვილი მაინც არ ენადვლებოდა დაქვეულს? ცხენი მომეციო! ერთი გლაზა ცხენი პატარაობიდან გაზდილი მყავს, აბა, შენი ქირიმე, რატომ მივეცემდი? ვისი რა მემართა? მესროლეს ლივერი და, ა, ბატონო. — უტუნამ თავი ველარ შეიმაგრა და ცრემლები გადმოაფრქვია თვალებიდან. მერე ისევ შეიმაგრა თავი, თვალები მოიწმინდა და აღმური მოეკიდა პირისახეზე. — რა ვქნა, ბატონო, ქვეყანაზე სამართალი ვერ მოვქებნე. ზღაპარისა არ იყოს: რომ ვთქვა, მამა მომიკვდებო, არა ვთქვა — დედა მომიკვდებო! ვთქვი რამე — უარესი დამემართა, გავჩუმდი — შემქამეს. ახლა კი არავისი არ მეშინია. რაც დამემართება, დამემართოს, მომკლა ამდენმა შიშმა. აი, შეხედეთ, ბატონო, — მიუთითა უთუთიაზე, — ის არის ჩემი დამოუბველო, ჩემი კი არა, მთელი სოფლისა. იმან შემიჩინა ავა-

ზაკები, თვითონ მის სახლში დადიან ისინი. ვის არ ვთხოვე, ვეხვეწე; მაზრის უფროსს ბუზი არ დაუყუენე კარზე, მაგრამ ყურადღება არავინ მომაქცია. ჩემი გულისათვის... აი ეს კაცი მამასახლისის იყო, როგორ გაბედე, ლაპორტი წარუდგინე ნაჩალიკსაო, გადაყენებია და ისეთივე ქურდი დააყენეს, როგორიც თვითონ არის. მე სულ სიმართლეს გეუბნებით, ბატონო, და ჩემ სიტყვას, ვისაც ვულ-ღვიძლი აქვს, ყველა გაიმეორებს, რადგან ყველასთან მიუძღვის ამას ცუდკაცობა.

უთუთიას მიწისფერი დაედო. ტუჩები ძალაუნებურად ვაზროდ აუბუტბუტდა. წვერებზე ხელი მოისვა, თვალები გააქჷციტა და აქეთ-იქით მორცხვად და გაბრაზებით დაიწყო ყურება. უნდოდა ეთქვა რაღაც, როცა უფროსმა მისკენ მიიხედა, მაგრამ ენა ზრ დაემორჩილა.

— შენ მამასახლისად იყავი? — ჰკითხა უფროსმა უტუნის გვერდით მდგომ ნამამასახლისარს.

— დიად, ბატონო, გთხოვთ, ერთი-ორი სიტყვა მათგანგვინოთ.

— თქვი.

— ჩვენ გაუნათლებელ ქვეყანას სხვა უბედურებასთან ერთად უბედურებაც დაემართა. ეს ის განსაკუთრებით, რომ თვალწინ ვხედავთ, რაც არის ჩვენი მავნებელი, შეგვიძლია მოვიშოროთ და ვერ მოგვიშორებია, რაღაც შიშისა გამო. ნეტა ვისი გვეშინია? ისევ ჩვენი თავისა. ჩვენში, მოგესხენებათ, ქურდობაა. მისგან თავის დასაცავად საზოგადოება ხელისთავებს ირჩევს და მათ მეუფროსებს. თუ უნდათ იმათ დაიფარონ საზოგადოება ქურდობისაგან, თვითონ მართალი და პატიოსანი ხალხი უნდა იყვნენ. ნამდვილად კი ასე არ არის. ეს მაინც საზოგადოების სრული ნებაა, და ქურდობისაგან მფარველობის მაგივრად ხელისთავებად და მათ უფროსებად ისევ ქურდებს ირჩევენ. მაგალითად, აი ის აზნაურიშვილი, რომელიც ახლა ამან დაასახელა, სულ ყველამ იცის, როგორც დღევანდელი დღე, რომ მართალი კაცი არ არის და მაინც იმას აყენებენ ხელისთავების უფროსად და ხელისთავებად იმის შეგირდებს. რასაკვირველია, საითაც ის ხელს დაუქნევს, ყველანი იქითკენ მიდიან, ამით არათუ არ ისპობა ეს საძაგელი ჩვეულება, თანდათან მატულობს კიდევცა. ლამის ქვეყანა გადატაკდეს. ამის სახლს რომ დაეცენ ის ავაზაკები, ცხადად შევიტყვეთ, რომ უთუთიას სახლში იყვნენ. მე, რასაკვირველია, ოქმი შევადგინე და მაზრის უფროსს გავუზავნე. ეს რომ გაეგო, წასულიყო, თავი გაემართ-

ლებინა ქრთამით, მე დავებეზლებინე; მამასახლისობა ჩამომართვეს, ან კი ვის უნდოდა?! ახლა კიდევე ყველგან იქადის, დამაცათ ჭერე, პე თქვენ გიჩვენებთო.

ხალხში გრიალი გაისმა, უმეტესობა მამასახლისის სიტყვებს ამოწმებდა.

— კარგი, ახლა თქვენ ჩუმაღ იყავით, — უთხრა უფროსმა უტუნას და ნამამასახლისსარს, რომელსაც გუსარიას ეძახდნენ. — მობრძანდით ახლა თქვენ, — მიუბრუნდა უფროსი უთუთიას.

უთუთია წარდგა უფროსის წინაშე და რაღაცის თქმა დააპირა.

— არა, მომითმინე, — დაიძახა აქარხლებულმა უფროსმა: — ამ კაცის სახე ამტკიცებს მის სიმართლეს და თქვენი სახე თქვენს სიმტყუნეს. აი საზოგადოებაც. თქვენგან არავითარს თავის გამართლებას არ მივიღებ. მე სხვადასხვა არა ვარ, თუ სხვასთან გითამაშნია, ის გეყოფა და ჩემთან თამაშობისა რა მოგახსენო. მოკლედ გეუბნები და მტკიცედ: თუ ამ ორი კვირის განმავლობაში ის ორ ავაზაკს, რომელთაც მთელი ქვეყანა შეუწუხებიათ, არ მომიყვან, იცოდე, როგორც პატიოსანი კაცი, ისე გეუბნები, სამშობლოს საუკუნოდ გამოგასალმებ.

— მომითმინეთ, ბატონო! — ხვეწნით და გულზე ხელის დარღებით შეევედრა უთუთია.

— ავა-ვა, სუ! რაც ვთქვი, ვთქვი, ან შენვე გაასწორე შენი შეცდომა, ან მიბრძანდი, სადაც შენისთანების ადგილია. აბა, თუ სინიღისი შეგრჩენია, შეხედე ამ ფერპიხილ და ხელაქრულ კაცს. ამას ჭამა არ უნდა? ცხოვრება არ უნდა? ცოლ-შვილის რჩენა არ უნდა? შენ ხომ გესიამოვნება უღარდელი ცხოვრება? განა ისიც შენისთანა კაცი არ არის? შენისთანა გული და სული არა აქვს? შენ კი, — მიუბრუნდა უფროსი უტუნას, — ამის შემდეგ თუ ვინმემ შეგაწუხოს, პირდაპირ ჩემთან მოდი. არზა არავის დააწერიწო, როგორც დღეს, ისე პირად მელაპარაკე, რაც გინდოდეს. ახლა შენ მოდი აქ, — მიუბრუნდა უფროსი გუსარიას, — გასურთ ეს ისევე მამასახლისად? — დაეკითხა ხალხს.

საზოგადოებამ ერთბაშად თანხმობა გამოუცხადა. უფროსმა ჯანჯი თავის ხელით გადაჰკიდა გუსარიას. მერე მიუბრუნდა საზოგადოებას, ბევრი უქადაგა, განსაკუთრებით ქურდობის წინააღმდეგ, განიხილა სხვა საქმეებიც და დაბრუნდა უკან.

XV

ცოცხალ-მკვდარი დაბრუნდა უთუთია შინ. ცოლი შეეკითხა: — რა მიზეზია, რომ აგრე აღმფოთებული ხარო. იმას ეგონა დღეს უფროსი მობრძანდება, ჩემი ქმარი ხეისთაფების მეუფროსეა, ქებას მიიღებს და გახარებული დამიბრუნდებაო. უთუთიამ პასუხის მაგივრად დაღრეჯით დაუქნია ხელი. მაშინათვე ცხენი გამოიყვანა. მოადგა უნაგირი და უძრახად გავიდა ეზოდან. რანაირ არ ეხვეწა ცოლი, ხმა ამოიღეო, მაგრამ უთუთიამ ყურადღება არ მიაქცია.

დაღამდა კიდეც, უთუთია მიდიოდა უგზო-უკვლოდ. „ვამ დასწყევლა ღმერთმა, — ფიქრობდა, — როგორ გვიმტყუნა ბედმა. როცა შევიტყვე ამ ძაღლის დანიშვნის ამბავი, მაშინათვე ეკალივით მეცა გულში. ტანმა მიგრძნო, რაც იქნებოდა მისგან. იმნაირად მითხრა, ტყუილი და პირის გამტყუნება არ იქნება, არც სხვა რამე ხერხი გამივა. ნამღვილად გამომასალმებს აქაურ არე-მარეს, თუ არ აფასრულე, რაც მითხრა. ეს მუდრეგი ვინმე იქნება ვადმოვარდნილი. სხვა გზა არ არის, უნდა ვუღალატო ბიჭებს. ძნელი კია. მერე ვის? აღმასხანის შვილს. ვამ უბედურებავ, დაიღუპა ჩვენი ქვეყანა. დაგვეკარგა პატივისცემა. თავად-აზნაუჯრი გლახს გაუსწორეს. უტუნა ნაღოლმასორუ ამას მიშობა, სხვა რას მიზამს. ჯანი გავარდეს, მეც კაენა და ბუხუს შევეურთდები და წავალ სათათრეთში, მაგრამ ცოლ-შვილი? რა ცუდ მდგომარეობაში ვარ! ქემანც მერე არაფერს მიზამდეს ოჯახდაქცეული!“

ამნაირი ფიქრები ესეოდა უთუთიას გონებას. დროგამოშვებით: როცა გონს მოვიდოდა, ჯავრს ალალმართალ ცხენზე ჰყრილობდა: მწარე მათრახის ცემით. უგზო-უკვლოდ ტყეში სიარულით ცხენი ქაფში ცურავდა. უთუთიამ თითქო გამოიღვიძა. ცხენიდან ჩამოხდა, დააბა და თვითონ ხის ძირში ჩამოჯდა. დაღლილი ცხენი მწარედ ჯიჯგნიდა ხის ტოტებს. უთუთიამ პაპიროსს მოუყიდა, თავი ხეზე მისდვა და მიეძინა. როცა თვალეზი გააჰყიტა, გათენებულიყო კიდეცა. ხის ფოთლები ანკარა ნამს გადაერეცხა. ნისლი ალაგ-ალაგ სქლად მოგროვილიყო. ცხენს აღვირისთვის მოეშვა და შორე-ახლო გვიმრას ჰამდა ხარბად. უთუთიამ საჩქაროდ თვალეზი მოიწმინდა, თავზე ხელი გადაისვა და ცხენისაკენ გაექანა. დაადგა გზას. ცოტა თავის ტკივილიც იგრძნო. თავის ტკივილმა თანდათან უმატა. ალბათ, წუხელ გავცივდი და ეს არის მიზეზი თავის ტკივილისაო. — ფიქრობდა უთუთია გზადაგზა. — მაგრამ ხად

მივდივარ ახლა.. თუ გინდა გამიფუქებია სინდისი და მილალატნი: ბიკებისათვის, როგორ უნდა მოვახერხო საქმე, განა ისინი თავიანთი ნებით წამომყვებიან ნაჩალიკთან?“ ბევრი იფიქრა უთუთიამ და ბოლოს შემდეგი დაასკვნა: „ჯობია ისევე უფროსთან მივიღე დავთხოვო, რომ ბოქაული მაინც დამიმარაგოს ჩუმაღ, რომელიმე ღელეს პირად, რომ ისინი იქ გავიყვანო და ხელში მივცე“. მცირე სადილობას რომ იტყვიან, სწორედ ის დრო იქნებოდა, როცა უთუთია ზუგდიდს მიუახლოვდა. პარასკევი დღე იყო. ამიტომ მრავალი ქალი და კაცი მოდიოდა ზუგდიდში სავაქროდ. ზოგს სხვადასხვა ხელნაქსოვი შალისა და აბრეშუმისა მოჰქონდა გასაყიდად, ზოგს სხვადასხვა სანოვაგე, ზოგს ხილი და სხვ. ზოგი ამაყად ცხენზე შემჯდარიყო და თავმომწონედ მოათხოხარიკებდა. უთუთია შევიდა შუა ბაზარში, ანუ, როგორც ეძახიან, საბერალოში. საბერალო ხალხით იყო სავსე. ფოთლებით დაბურული, მწკრივად დარგული ქადრის და აკაციის ხეები და მათი მოლიანდაგე მოჩანჩქარე ანკარა წყარო და იქვე მოვაქრე ქალ-ვაყების გროვა, მოწმენდილ ცასთან შეერთებით, მშვენიერ სურათს წარმოადგენდა. ფხკ, ფხკ, ფხკ, გაჰქონდა ფხაკუნი თიხის ქურჭელს, რომელსაც მეჭურჭლე წკნელს სცემდა, რომ ქურჭლის სიმაგრე ეჩვენებინა მუშტრისათვის. „რა ღირს, დაია, შენი ყველი?“ — ეკითხებოდნენ სხვადასხვანი ლამაზად ჩაცმულ გოგოებს, რომლებიც ბამბასავით თეთრსულგუნებს, წმინდა ხელსახოცზე დაწყობილს, გვერდით უსხდნენ.

— აბაზი, ბატონო!

— ო! ძვირია.

— ბიჭო, მსხალი და კიტრი რომ მოგიტანია, ქინაქინა მოგაქვს თუ არა? — ეხუმრებოდნენ დაბელი ბიჭები სოფლელ ბიჭებს.

— აბა, ბატკანი, ბატკანი იაფად! გაიყიდა, აღარ დარჩა! — გაისმოდა ერთ მხრივ.

— სიმინდი აქეთ, ძმობილო, მოყვარევ, გამზრდელიო, ძმაო! ძმაო, აქეთ სიმინდი, მართალი სასწორი მაქვს! — უძახდა მეორე ხიმინდით დატვირთულ ცხენიან გლეხს.

— არა, გატყუებს, მაზანდა ჩემთან მეტია ორი კაპეიკით.

— არა, ძმობილო, არ დაუჭერო.

მაგრამ გლეხი არც ერთს არ აქცევდა ყურადღებას, იმისი ფიქრი მხოლოდ ის იყო, რომ ცხენი დაფრთხა ხალხის დანახვით და სიარულს უკლო, გლეხი აღვირს ძალად ეზიდებოდა და ცხენს უჯავრდებოდა. რაც შეეხება სიმინდის გაყიდვას, მან იქაური ამბავი კარგად იცოდა. ადრევე იყო გარიგებული ნაცნობ მესიმიან..

დესთან, რომელიც დარწმუნებული იყო, რომ არ მოატყუებდა. შლიაბა-ტურნურებსაც არ იყო მოკლებული ეს ბედნიერი დღე. ვრილ საამო შუქიან ბულვარზე კრელ-კრელ ახალ მოდის ქოლგებით მოჩანდნენ განათლებული კაცების შვილები. იქვე ნახავდით სერთუკიან კავალრებს, გახამებული პერანგებით და ლამაზი კოსებით ხელში.

მედუქნეების, განსაკუთრებით მეფართლების ბენეფისი იყო იმ დღეს. ისეთ მეფართლეს ვერ ნახავდი, რომ რამდენიმე მოვაჟრე ქალი არ გაგერჩია მის დუქანში.

— დმერთი, რჯული! ნაკლებად არ მოვა, მოსკოვიდან მოგვიტანია! — კბილის ღრეკით და თავის დახრით ეფიცებოდნენ კოსტა ჩოხებში გამოქიმული დახლიდრები ახალგაზრდა მუშტრებს. — ვახუნება როგორ შეიძლება, განა ურჯულოები ვართ, რომ წუნი საქონელი ვყიდოთ? სხვაგან ნაკლებათ ვერ იშოვნით. პატიოსნებას ვეფიცებით. თქვენი ხათრი, ჰა, ორი შაურიც დამიკლია. ეს შოგიკვდეს, თუ ნაკლებად გავყიდო, აქ რომ დალპეს მაინც. დადა! ჰობრძანდით. შეიდი სახარება გამიწყრეს, თუ შეიდ შაურად აქეთ არ იყოს ნაყიდი! — მოვაჟრე ქალები, დახლიდრის ამდენი ჩიჩინით გაოგნებულება, მხოლოდ ხანდახან ტუჩებს კუმავდნენ. ეტყობოდა გამოცდილნი და მიჩვეულნი იყვნენ ვაჟრების ფიცს. თუ ბევრი ვაი-ვეუს შემდეგ დაეთანხმებოდნენ ერთმანეთს, თვალებგაბრწყინვებული დახლიდრები აიღებდნენ ხელში არშინს, მშვიდობაში, ბედნიერებაშიო დასძახებდნენ და სწრაფად გაზომავდნენ რამდენსამე არშინს. „ჰა, ესეც მომიმატებია“. გადახვეის ღროს პირს ათასნაირად დაღრეჯდნენ, თითქო ძლიერ მაგარია და გავვიქირდა გადახევით.

უთუთია ისე შევიდა ბაზარში, რომ არაფერს ხედავდა და არც არაფერი ესმოდა. მხოლოდ უფროსი და იმისი კანცელარია ელანდებოდა თვალწინ. მხოლოდ უფროსის სახელი ეხატებოდა. უთუთია უფროსის ეზოში შესვლისთანავე ცხენიდან ჩამოხდა, ეზოს მესერზე გადაუგდო აღვირი და შიგ შევიდა. ბედზე, შესვლისთანავე უფროსი შეხვდა. უფროსმა იცნო უთუთია და თავის დაკვრის უმაღლ შეეკითხა: — რა ჰქენიო. უთუთია მოწიწებით დადგა უფროსის წინაშე და მოახსენა: — ბატონო, თქვენი ნების აღმსრულებელი ვარ, მაგრამ თქვენც უნდა მომცეთ რამე შემწეობა. ბოქაული უნდა გამომაყოლოთ.

უფროსს პირისახეზე ღიმილა გადაჰკრა, თვალები გაუბრწყინდა.

— მე ნურაფერს მკითხავ მაგ საქმეში. მხოლოდ ორი კვირის განმავლობაში. სწორედ ორი კვირის განმავლობაში ორივე ავაზაკი ხელში უნდა მყავდეს. წადი, თუ გინდა, ბოქაულთან და როგორც გინდათ, ისე მოიქეცით.

უთუთიამ მოწინებით თავი დაუკრა უფროსს და გასწია ბოქაულისაკენ. ბოქაულს გაეხარდა, ავაზაკების დაჭერას მე მომაწეონ და ჯილდოს მომცემენო. უთუთიამა და ბოქაულმა ბევრითაიბირეს და ბოლოს გადაწყვიტეს, რომ ბოქაული ერთ ტყიან ღელეს პირად დადარაჯებულყო ყაზახებით. უთუთია გამოატარებდა ამ გზით ავაზაკებს. თვითონ მე წინ წამოვალ და განიშნებნით. რომ ცხენს მათრახს შემოვკრავო. მისთვის ხელი არ უნდა ებლოთ. ვითომ გაგეჭვითო, და ორი დანარჩენი კი უნდა გაეთიშათ.

კაქნამ და ბუხუმ ცხენები კარგ ფასად გაყიდეს. ორი რჩეული ცხენი კი თითონ დაინარჩუნეს. მერე ნათესაეების და ნაცნობების ნახვას მიჰყვეს ხელი. არავის უცხადებდნენ თავიანთ სურვილს. მდუნად მიეჩვივნენ ნათესაებთან ლხინ-ქეიფს, რომ თავიანთი მოსაზრება თოქო გადავიწყდათო. ასე გასტანა დრომ ახალ უფროსის მოსვლამდე... რა შეიტყვეს ახალი უფროსის მოსვლა და ჯერ კიდევ ვითომ ქორები მისი სასტიკობის შესახებ, ორივენი საჩქაროდ შეუდგნენ მზადებას. საუბედუროდ, ნაშოვარი ფული დახარჯოდათ. საჭირო იყო მაგიერის მოპოება. მაგრამ როგორ? ჯერ იმ უწინდელის შოვნაზე რამდენი უბედურება გამოიარეს და ახალი ფული არავისთან ეგულებოდათ. სესხადაც აიღებდნენ, თუ ვინმე მისცემდა, მაგრამ აფხაზეთში, სადაც „ურობას“ სუსტად აქვს ვესვი გამდგარი, ფულს ვინ მისცემდა? საჭირო იყო ჩვეულებრივი ხერხი, მაგრამ იმდენი დრო არა ჰქონდათ. ახალი უფროსის ეშინოდათ. უთუთიას ბედზე მისი ამბავი არ იყო ჯერ მათ ყურანდის მისული. დიდს გაჭირებაში კი იყვნენ იმხანად. ყოველ საათს. ყოველ წუთს ანგარიშობდნენ, თათბირობდნენ, რომ როგორმე გაეღწიათ საზღვარგარეთ. ამ ჯავრით ჩანთქმულნი მიდიოდნენ ისინი უგზო-უყვლოდ და მოულოდნელად უთუთიას კი შეხვდნენ ახელი წარმოსადგენია ის სიხარული, რომელიც იგრძნეს მის დანახვაზე. ბუხუს თავისი მამა რომ ენახა, ისე არ გაუხარდებოდა უთუთიას კი მათ დანახვაზე და მათ ალერსზე სისხლი გაუშრა. გულმა ცემა დაუწყო. ყოველ მათ მიალერსებაზე თავში დაჰკრავდა ზარს და ფეხებთანვე გავიდოდა. თუმცა პირით იცინოდა, ძველებურად სიამოვნებით ხუჭრობდა, მაგრამ მაინც ამ ძალაუნა-

ბურად დაღუშულ პირმოთნეობაში ყოველივე ნათლად ჩანდა, თუ კაცი დააკვირდებოდა უთუთიას პირისახეს და მისი თვალების მეტყველებას. კაენა და ბუხუ უთუთიას ნახვით გახარებულები ვერაფერს არჩევდნენ მის პირისახეზე, გარდა სიხარულისა და მეგობრობისა, რადგან თვითონ ამნაირი გრძნობით იყვნენ გამსჭვალულნი.

კაენამ და ბუხუმ ყოველივე უამბეს უთუთიას.

— შევეცდით, უთუთია, რომ მაშინათვე არ წავვდით სათათრეთში. ვერ მოვშორდით ნათესავეებსა და მეგობრებს. შენმა ნახვამ კი ახლა გული ცოტად შეგვიმაგრა. უნდა მოგვეხმარო რამე. შევიტყვეთ, რომ უანგარიშო არზებია ჩვენზე მისული. უფროსიც მეტსასტიკიანო. ვინც გინდა იყოს, ადვილად თავს არ დაფანებებთ. მაგრამ ღალატის გვეშინია, ხომ იცი, ქვეყანაზე ნდობა არ არის.

ამის გაგონებაზე უთუთიას ერთ წუთს თვალები დაუბნელდა. ხახე გაულურჯდა. კაენამ შეამჩნია ამნაირი ცვლილება და ეცახენიდან უკვე ჩამოსავარდნად გადმოშვებულ უთუთიას.

— რაა, შენი ქირიმე, უთუ? რა დაგემართა, შე კაცო! — ბუხუნ ააჩქაროდ წყალი მოარბენინა მათართ და შეასხა პირისახეზე ბევრს ეცადნენ ორივენი და, როგორც იყო, მოაბრუნეს. უთუთიან თვალები გაახილა, თავი შეიმაგრა და ზეზე წამოდგა.

— უჰ! რა დამემართა, ეს რჯულძალდი!

— რა იყო, შე კაცო? — შეეკითხნენ ორივენი.

— კაცო, წუხელ მინდორში მეძინა, ცხენს ვმწყესავდი და იქ აღბათ გაცვივდი. დღეს დილით საშინელი თავის ტკივილი ამყვანდა თითქო ტყვია მომხვდაო, უცბად გული წამივიდა.

— აი, შეხედე, გაციებულხარ! რამდენჯერ მითქვამს, — მიეალერსა კაენა: — კაცო, ღვთით არაფერი გიშავს, მოჯამაგირე გყავს და რა ჭინია, შენ შენი ხელით არ გააკეთო ყველაფერი.

უთუთია სრულებით მოსულიერდა. მზე ჩასულიყო კიდევ.

— სოხუმში უნდა წავსულიყავი, — უთხრა უთუთიამ, — მაგრამ ჩვენმა მდგომარეობამ შემაცვლევინა აზრი. აქეთ, ანაკლიის ახლო, ერთი ბერძენი სიმინდს ჰყიდის. ფული სწორედ ექნება და არა უშავს რა, თუ იდროვებთ. მერე სათურქოში წასვლა გავადვილდებათ. ახალი უფროსი, რომ ამბობენ. იმდენი არაფერია. მაგრამ მაინც ჯობია თქვენთვის, თუ დროებით თავს დანებებთ ამათ. მერე როცა დავეიწყდება ყველას თქვენი ამბავი. როცა გული ცოტად თუ ბევრად მოურბილდებათ, შეგიძლიათ დაბრუნდეთ. ცოლი შეირთოთ და იცხოვროთ. სულ მარტოხელობა ხომ არ

იქნება... იმ ბერძნის სახლში ამაღამ არ გირჩევთ წასვლას. ამაღამ ვერ მივალთ, შინ არის, ხვალ დილით, როგორც შევიტყვე, სტამბოლში წასვლას აპირობს და შინ საშის არავის ტოვებს. თქვენ ამაღამ სადმე აქ ღამე გაათენეთ და მე ხვალ ამავე დროს, აი იმ მუხასთან მოვალ, თან უფრო კარგად შევიტყობ საქმეს.

კაენა და ბუხუ მხიარულად შევიდნენ ტყეში, უფრო საიდუმლო აღგილას და იქ დააპირეს ღამის გათენება. ვახშმად კაენა ერთი მოწვეერი მოიყვანა მინდვრიდან და მისი მსუქანი სუკები რამდენსამე ხნის შემდეგ ღამაზად შიშხინებდა გაჩაღებულ ცეცხლზე.

უთუთია ცოცხალ ტყუილებს ამბობდა და გულში დაუშრეტელ ცეცხლი უგურგურებდა. ბოლოს დაფიქრდა, შუბლზე ხელი გადაისვა, ერთი სამიოდეჯერ გადააფურთხა, თავი დაიქნია და თქვა: „მადლობა ღმერთს, ჩემი ბედი ასეთი ყოფილა“ და გაუდგა გზას იმ ღამესვე მოელაპარაკა ბოქაულს და მეორე ღამეს შინ არ წასულა, ისე წამოვიდა დანიშნულ მუხისაკენ.

დაღამდა. გობისტოლა მთვარემ ზღაზნით ამოჰყო თავი დნელ-ნელ გაჰვანტა მოცინარი სახით თავისი მკრთალი სხივები ვარსკვლავები თავიანთ მღვდელმთავარს საგარეო ტანისამოსით მიესალმნენ და თავთავის საქმეს დაადგნენ. აქა-იქ გაფანტულ ღრუბლებს თითქო შერცხვათ ცის ბრწყინვალეებისაო. მიიმალ-მოიმაღლნენ, მხოლოდ ცოტაოდენი თხელი ჭინიანი ღრუბელი უბოდიშოდ დაეცა ბრწყინვალე მთვარეს და რამდენსამე წამს სრული სინათლე დაუქარგა. დარბაისელი მთვარე არ გაფიცხდა ლირფი ღრუბელის შეურაცხყოფით. ნელ-ნელა მოიშორა ღრუბელი და ბოლოს მისი კვალიც გააქრო. მთვარემ ზევით აიწია, განათლდა მინდვრები. სამაგიეროდ, ტყისა და მთების ცალი გვერდი ჯოჯოხეთივით დაბნელდა. სოფლებში ივახშმეს კიდევ და დღისით მუშაობისაგან დაღლილები მოსვენებას მიეცნენ. მხოლოდ ოჯახის ერთგულ ყარაულ ძაღლებს არ შეუწყვეტიათ მოუსვენარი ყეფა. საწყაღ ძაღლები უბრალო ფოთლის დაშრიალებაზედაც ერთ ვაი-ვუის ასტეხენ ხოლმე და ყვირილით მირბიან უგზო-უკვლოდ. აღამიანი-სთვის თავს არა ზოგავენ. სოფლელები კი ორიოდ ნაცრიან ლუქმას გადუგდებენ ნასადილ-ნავახშმევს და შაბაშ. ასე უმასპინძლებიან სოფლელები ერთგულ დარაჯებს. ქალაქელები კი ორგულ, ზანტ და მუქთახორა ძაღლებს საპნით ბანენ და ხვერდის ბალიშებზე აწვენენ. ორივენი ცდებიან, როგორც სოფლელები, ისე ქალაქელები. პირველები გამრჩელს უპატიურად ეკიდებიან, მეორენი უქმ-მცონარეებს პატივსა სცემენ. ეს ასეა, მაგრამ სოფლელები

ადლები მაინც არ იტყვენ გულს, სულგრძელობენ. მათი სულგრძელობა ხანდახან სულგრძელობის მოღალადეთა სულგრძელობას ქარბობს. აი ამ მთვარიან ღამესაც ერთი უშველებელი ყეფა გაისმის ძაღლებისა. ძაღლების ყეფას მოჩანჩქარე ღელე ზილს ეუბნება, რომ მიძინებულ ბუნებას ტკბილი ნანა უმღეროს. მიდის დრო ამნაირად. უეცრად მოისმა არეული ფენის ხმა ცხენებისა. ჩუმი ლაპარაკი და მათრახის ნელი ტკაცუნა. ეს გახლდათ ბოქაული ყაზახებით.

— აქ სწორედ მოხერხებული ადგილია! — მოისმა ბოქაულის ხმა. — აქედან სოფელიც ახლოა. უყურეთ, ძაღლების ყეფა რარიაგად მოისმის. ვინიცობაა. გაგვექცენ, სოფელსაც მოვიშველებთ. კარგია კიდევ ეს ადგილი იმით, რომ აქ ღელეს პირად ხშირი ბზის ჩირგვებისა გამო ბნელა. მინდორში კი აქედან ნემსსაც იპოვნე. როცა ისინი მინდვრის თავში გაჩნდებიან. აქედან მაშინათვე დაფინახავთ, თითქმის სახესაც გავარჩევთ.

— სულ მართალია თქვენი ბრძანება, თქვენო მაღალკეთილშობილებავ, — მიუგეს ყაზახებმა. ყაზახების პასუხი მორიდებითა და მორჩილებით იყო სავსე, მაგრამ ბოქაულს მაინც არ ესიამოვნა ასეთი პასუხი. როგორ თუ მაღალკეთილშობილებას მიბედავენ! თუმცა ჩინით ტიტულიარნი ვარ, მაგრამ ჩამომავლობა თქვიდა! — ფიქრობდა ბოქაული. — პაპაჩემი დადიანის პირველი ვეზირი ყოფილა და ესენი კი მაღალკეთილშობილებას გაიძახიანო.

— Ну! Смирна! — დაიყვირა ცოტა გაჯავრებით ბოქაულმა.

— Как приехали. выте высококнягородие. — საფეთქელთან ზელის მიდებით დაილაპარაკეს ყაზახებმა. ბოქაულმა ცხენებიდან ჩამოხდომა ბრძანა. ყველანი ჩამოხდნენ და ცხენები მოშორებით დააბეს ბზის ბუჩქებში. თვითონ კი ყველანი ღელეს გაღმაკამოდმა ჩასაფრდნენ თოფებით ხელში.

შუა ღამეა. მინდვრის თავზე მართლაც გამოჩნდა სამი ცხენოხანი. ბოქაულმა მართალი თქვა. აქედან მათი გარჩევა ადვილი იყო. ისინი კი ჩასაფრებულთ სიბნელისა გამო ვერა ხედავდნენ. როცა უთუთია მიუახლოვდა დანიშნულ ღელეს და შემოპკრა ცხენს მათრახი, კაენა და ბუხუმაც მათრახები ვაკრეს თავიანთ ცხენებს. უთუთიამ უსწრო წინ რამდენსამე ნაბიჯით და ღელეშოშხაპუნით გადააგდო ცხენი. ამ დროს გავარდა თოფი. თოფი გასროლა თვით ბოქაულმა შესაშინებლად. უთუთია თვალის დახამბამებაში გავარდა გაღმა და გაუდგა გზას. კაენა და ბუხუ

ერთ წუთს თითქო გონს ვერ მოვიდნენ. მერე ამათაც ჰკრეს ცხენს ქუსლი და ჩააგდეს ლელეში. მოისმა რამდენიმე თოფის ხმა.

— აჰა-ჰაიტ, უთუთია! სადა ხარ? ვიცი ახლა ყველაფერი: — მიაყვირა კაენამ, იძრო დამბაჩა, შეაყენა ფეხზე და გაისროლა იქითკენ, საიდანაც თოფების ხმა ისმოდა.

— უ, უ... — მოისმა ხმა წუხილისა და ისევ მისწყდა სიბნელე. ში. ბუხუსაც უნდოდა დამბაჩა დაეცალა, მაგრამ კაენამ დაუშალა.

— მაშ როგორ ვქნათ, ბიკო? — დაეკითხა ბუხუ.

— რას იზამ? ვცადოთ გაქცევა, — ჩუმად ჩაილაპარაკა კაენამ.

ამ დროს ისევ იგრიალა თოფმა. მოუქნია მათრახები ორივემ ცხენებს, ბუხუ ლელეში გავიდა, მაგრამ კაენას ცხენმა ადგილიდან ფეხი არ დასძრა.

— რამ გაგაჩერა, ბიკო? — მოსძახა ბუხუმ.

— ცხენი წინ ნაბიჯს არ დგამს. — ამის თქმაზე ჩაწვა კიდეც ცხენი ლელეში.

— წაიქცა კიდეც ეს ყორნის კერძი. უთუ, შენ ქენი ესა, ა! — ბუხუ ისევ მობრუნდა. კაენაც სწრაფად გადაბტა წაქცეულ ცხენიდან და მიეგება. ის იყო კაენა ბუხუს ცხენზე შეჯდომას აპირებდა, ახტა კიდეც, რომ რამდენიმე ხელმა ძირს ჩამოაგდო. კაენამ იშოშვლა ხმალი. იელვა რკინამ ბნელ დამეში. ხელები მოაშორეს.

— გამაგრდი, ბიკო! — მიაძახა ბუხუმ და ჩამოხდა ცხენიდან. ამანაც ამოიწოდა ხმალი და გვერდით ამოუდგა ამხანაგს.

— აბა მობრძანდით! რას დგეხართ? — მიაძახა ბუხუმ. — გიცნობთ, ვინცა ბრძანდებით! დიდი ხანია ჩვენს დაქერას ნდომობ. ვითომ დაგიქერია ჩვენი თავი. აშენდები, ჩინს მოგცემენ!

— Ну, вперед! — მოისმა ხმა. — მე გახლავარ, მამ!

გაიმართა ბრძოლა. მებრძოლნი დაერივნენ ერთმანეთს: კაენა და ბუხუ დაუღალავად იფარავდნენ თავს და თან იმის ფიქრში იყვნენ, როგორმე ბუჩქნარებში თავი მიემალათ; ამიტომ სულ უკან-უკან იწევდნენ. გაცხარებულ ყაზახებს სრულიად არ შეუძინევიათ ეს ხერხი. ავაზაკები გაჰქრნენ. ყაზახებმა დაიწყეს ძებნა ბუჩქებში. უცბად შეკრეს გზები, ფეხზე დააყენეს სოფელი, მაგრამ ვერაფერი იპოვეს.

კაენა და ბუხუ, რაკი ერთხელ დაიმაღნენ ხშირს ბუჩქნარებში, სული განაბეს და ჩუმ-ჩუმად, ჩოქით დაიწყეს ცოცვა. პედზე, ერთი ისეთი ვეებერთელა ბზის ბუჩქნარი შეხვდათ. რომ იქ თავისუფლად დაიმაღნენ. ყაზახები თანდათან განშორდნენ ამ ბუჩქნარს

და ლანძღვა-გინებით და ერთმანეთის ბრალდებით შორს ეძებდნენ ჰიმაღლულებს. ავაზაკებმა იდროვეს და გზას გაუდგნენ. როცა ეულეში გავიდნენ, დაიწყეს სირბილი ტყისაკენ. მალე ტყეში დაიშალნენ. სირბილის განგრძობა უნდოდათ, მაგრამ ჰეტად დაიღალნენ. ამოირჩიეს ერთი მყუდრო ადგილი და იქ დაეკარგნენ ჰკედრებივით. გამოუთქმელი ნეტარება იგრძნეს. როცა მწვანე დანამულ მდელოზე გაშლართნენ. დაღლილი იყვნენ, მალე მიეძინათ. საშინელმა ტკივილმა ორივე გამოაღვიძა. გათენება მოახლოვებული იყო, როცა თვალები აუხიტეს. მდელო გააშემო შითლად იყო შეღებილი სისხლითა. მოინდომეს ადგომა. მაგრამ წუჯავიწყოს დასტოა! ვერც კი შეინძრნენ. გათენდა კიდევ. მოისინჯა ხმაურობა. სისხლზე მოაგნეს ყაზახებმა და შეიპყრეს. ყაზახებს უნდოდათ თოფის კონდაბით უიმისოდაც დაეფილ ბეჭებზე ეცემათ დაქრილთათვის, მაგრამ ბოჭაულმა დაუშალა.

— მეტი სინიღისი არც კი გაქვს! — როგორც იყო დამტკრებული რუსულით უთხრა ბუხუმ ერთ ყაზახს. რომელიც ლანძღვა-გინებით მზად იყო მათ საცემრად. — კაცმა რომ მიგრძვას. არაფერს დაზოგავ ჩვენთვის. ასეთი მამაცი თუ იყავი. წუხელ რა დაგემართათ, ოცმა კაცმა ორი რომ ვერ დაგვიპირეთ!

იმ დამეს კაენასა და ბუხუს ემსხვერპლათ ორიოდ ყაზახი. კაენას დამბაჩა ერთს შუბლში მოხვედროდა და აქვე სული გაეფრთხო. რამდენიმე კიდევ ხმლით მძიმედ დაეშაკებინათ. შეიპყრეს თუ არა, იარაღი აჰყარეს. მოიყვანეს ურემი, რადგან ფეხით სარჩული არ შეეძლოთ. დააწვიინეს ზედ და ზუგდიდში წაყვანეს. აქ ექიმმა ჰრილობა გასინჯა, მაგრამ მაინცდამაინც საშიშ არ აღმოჩნდა. ექიმმა წყალული მოჰბანა ორივეს. წამალი დაადო. მაგრად შეუხვია და შეპყრობილნი საპატიმროში გაგზავნეს. უფროსი თითქმის მთელ საათს დაკვირვებით ათვალეირებდა იმათ ახოვან მოყვანილობას და მეტყველ სახეს.

— აფსუსი არ არის! — უთხრა ვიღაც ერთ სათვალეიანს. რომელიც უფროსს გვერდით ედგა. — ამისთანა ვაჟკაცი. გაუხათლებლობის წყალობით ამნარ სპარცხინო საქმეს მისდევდნენ და ბოლოს ასეთ ყოფაში ცვივოდნენ?!

XVI

გავარდა თუ არა ხმა კაენასა და ბუხუს დაქერისა, ერთი ორად იმატა მათ შესახებმა არზებმა და საჩივრებმა. უფროსმა საქმეებამო მოძიებელს გადასცა, მთელი დაბა აალაპარაკა მათი დაქერის

ამბავმა. დიდიდან პატარამდე ყველას ენაზე კაენა და ბუხუ ეკერა
 --- პაიტ. დაუქერიით! ყოჩალი ყოფილა ის პრისტავი. აი უბე-
 ლურები. როგორ ვერ გაექცნენ, — იტყოდა ხოლმე ერთი.

--- აბა, როგორ გაიქცეოდნენ, თუ დაქრეს, — მიუგებდა მეორე.

— უღალატო უთუთიამ, თორემ მათი დაქერა ძნელი იყო, —
 დაუმატებდა მესამე და სხვ. ზოგან ლექსებიც გამოთქვეს მათი
 დაქერისა. ზოგს უხაროდა ეს ამბავი, ზოგს წყინდა, ზოგი, ცნობის-
 მოყვარეობით გატაცებული, მათი დაქერის საუბარს სიამოვნებით
 ყურს უგდებდა.

ბუხუსა და კაენას დაქერა უხაროდა, რასაკვირველია, ყველ:
 ძიხვან დაწარალებულს. ცოტაოდნად საწყენად ჰქონდათ მელუქნე-
 ებს და იმით, ვისთვისაც ყაჩაღებს ცუდი არაფერი დაუშავებიათ.
 გულს უქლავდა და სულს უხუთავდა ბუხუს დაქერა მის საბრალო
 ძიძას. ავკაცობის დაწყების შემდეგ ბუხუ ძიძის სახლში აღარ და-
 დიოდა. ბუხუს მორღუ და მისი ძმები, როგორც ვიცით, ალალმარ-
 თალი ხალხი იყო. ჯერ ბევრს ეხვეწნენ ბუხუს, რომ ამისთანა შე-
 უსაბამო საქმისათვის თავი დაენებებინა. მაგრამ როცა ვერაფერს
 გახდნენ. თხოვეს. რომ ჩვენ სახლს მაინც მოშორდით. ეს თუმცა
 ძნელი იყო საწყალი ძიძისათვის, მაგრამ რა ექნა. ბევრი მდულარე
 ცრემლი დაღვარა უბედურმა, ბევრი იტირ-იგლოვა, მაგრამ ვინ
 იყო მშველელი. თვითონაც ხედავდა სიკვდილამდე დაუვიწყარი
 გაზრდილი სიარული მის სახლში ექვს დაბადებდა მეზობლებში
 და უმანკო ოჯახს შეუფერებელ ქუქკს მოსცხებდა. სანამ ბუხუ
 თავისუფალი იყო, ძიძას კიდევ იმედი ჰქონდა: იქნება მორჯულდეს
 და მოიტეხინოსო. დღედაღამ ლოცვა-ვედრებაში იყო და ღმერთს
 იმას ეხვეწებოდა, გადამირჩინე ხიფათს ჩემი ბუხუო. როცა გავარ-
 და ხმა ბუხუს დაქერისა, საბრალო ძიძას შავი დღე გაუთენდა.
 ტირილსა და ვაებას ნულარ ვიტყვით, ყოველნაირ ოჯახის საქმეზე
 ხელი აიღო. თითქმის თავის პატარა აკენის ბავშვსაც მიანება თავი.
 შეუჩნდა ქმარს და დღე და ღამე მოსვენება არ მისცა, წავიდეთ
 ზუგდიდში და ტუსალი ვნახოთო.

აი. მოამზადა სხვადასხვა გემრიელი საქმელები, იახლა ქმარი
 და გაემგზავრა ზუგდიდისკენ. მაშინ კაენა და ბუხუ ორი კვირის
 დაქერილები იქნებოდნენ. სატუსალოს ზედამხედველმა საქმელები,
 ბეჯითად გასინჯვის შემდეგ, შეუგზავნა ტუსალებს. მათ ჩვენებაზე
 კი უფროსის ნებადაურთველად უარი უთხრა. უტამ, რასაკვირვე-
 ლია. უფროსთან მისვლა ვერ გაბედა, ვაითუ მეც ავი რამ საქმე

დამმართოს, რაკი შეიტყობს, რომ ასე გული მტკივა პატიმრები-სათვისო.

პირველი დღე ბუხუმა და კაენამ, ვითომც აქ არაფერიაო. ისე გაატარეს. მეორე-მესამესა და მეოთხე დღეს კი შეეტყოთ შეწუხება. იმდენად შეწუხდნენ, რომ არშინიან ქვიტიკირის კედელს ხელით დაუწყეს მტვრევა. დარაჯმა შენიშნა ესა და მოახსენა, ვისაც ჯერ იყო. ამას ის მოჰყვა, რომ მანამდე თავისუფლებს. ახლა ვეებერთელა ბოქლომი დაადგეს ხელებზე. ამან უფრო ააღელვა პატიმარნი. ერთი წუთი მათთვის საუკუნე იყო. კაენა. როგორც უფრო ხნიერი და უფრო გამოცდილი. კიდევ უძლებდა ასე თუ ისე, მაგრამ ახალგაზრდა ბუხუ კი მოთმინებიდან გამოდიოდა. ხანდახან გამწარებული თავის მკლავს დაუწყებდა ხოლმე კბენას. ძიძის მოსვლამა და მის უნახაობან კიდევ უფრო ააშფოთა. ყველაზე მეტად უფრო ის აწუხებდა, რომ გარეთ არ უშვებდნენ, ყოველ მათ განძრევას დაკვირვებით ათვალეერებდა მორიგი ყარაული, რომელიც მუდამ ოთახის კარებთან იდგა და პატარა ფანჯრიდან იყურებოდა. ერთადერთი ნუგეში ამ ორი პატიმარისა ის იყო, რომ ერთმანეთს არ მოაშორეს.

— კიდევ კარგი, რომ ერთად ვართ. თორემ. რომ გაგვაშორონ, შაშინ ხომ თავს მოვიკლავ, — შესჩივლებდა ბუხუ კაენას, — თავის მოსაკლავიც არაფერი გვაქვს. რომ მოინდომოს კაცმა, — მწუხარებითვე დაუმატებდა ახალგაზრდა პატიმარი.

— ოჰ. ძმაო, — ამოოხვრით ეტყოდა კაენა. — ნაღვლიანობა არაფერს გვიკეთებს. მოდი დამიწყე რამე. ერთი გულის ვასართობად დავეიკინოთ.

ბუხუც არ ეურჩებოდა და ორივენი ნაღვლიანი სიმღერით გულს იქარვებდნენ. ზოგი სიმღერა და ლექსი თვითონ გამოთქვეს. ამ ლექსებსა და სიმღერაში თავიანთ გაქირვებასა და ბედს მოთქვამდნენ.

სატუსალო ოთახი სავსე იყო ახალი და ძველი ტუსალებით. აქ ნახავდით ჰალარაშერთულს, რომელიც წამდაუწუმ თავის ალალმართლობას ფიცავდა და წყევლიდა იმ უღმერთო მტრებს, რომელთაც ჩამაგდეს ამ უბედურებაშიო. თანაც საშინელ მწარე თამბაქოს სწევდა და სწამლავდა სატუსალოს უიმისოდაც მძიმე ჰაერს. ნახავდით აგრეთვე ჩასქელებულ, სიცოცხლით სავსე ჰაბუთ, რომელნიც უფრო მხიარულობდნენ, მღეროდნენ, ვიდრე ნაღვლობდნენ, აუშუა სახეზე ეტყობოდათ, რომ მათი სიმღერა სიხარულისა კი არა, უფრო მწუხარებისა იყო. ბუხუსა და კაენას შეპყრობამ ძირი-

ენად შესცვალა ტუსალების მდგომარეობა. მათ დანახვაზე ყველაში მიჩუმდნენ. ბუხუ და კაენაც რამდენსამე დღეს ჩუმად იყვნენ, მერე სიმღერა დაიწყეს. მათ სიმღერებში ჩარევას ვერაფერს ვხედავდ. ბოლოს, დრომ თავისი გაიტანა. ტუსალნი მოეჩვივნენ ერთმანეთს. ჯერ იმღერეს ერთად, თუმცა ცოტა მორცხვად, მერე გამოვლაპარაყნენ ერთმანეთს და შემდეგ მასხრობა და ჩუმობაც დაიწყეს ურთიერთშორის.

ტუსალებში ერთი უცნაური კაციც ერიო, რომელიც ხმას არავისა სცემდა, იყო თავისთვის და რაღაც გაქონილ წიგნებში იცქირებოდა მუდამ. იმისი ვინაობა არავინ იცოდა. პირხმელი იყო და შავი წვერ-ულვაში ჰქონდა. კაენა და ბუხუ გამოვლაპარაყნენ ერთხელ, როგორც იყო. იმანაც დაუწყო მუსაიფი, წაუკითხა წიგნი და ბევრი რამ უამბო ორივეს, ზოგი წიგნებში წაკითხული და ზოგი გაგონილი. საზოგადოდ, საპატიმროში რიგიანი და ალაღმართალი კაცი, რისამე მცოდნე და გაგებულნი იშვიათად არიხ ბოლმე; ეს კაცი სწორედ ასეთი იყო. იმისმა ლაპარაკმა სულ გამოსცვალა ჩვენი ნაცნობი ყაჩაღები და შეანანია კიდევ თავიანთი ურიგო საქციელი. კაენამა და ბუხუმ სიხარულით აღარ იცოდნენ. რა ექნათ. ღმერთო, ეს რა მადლიანი კაცი მოგვევლინათ. ამისთანა რამ, რასაც ეს გვეუბნება, წინათ რომ გაგვეგონა, ხომ თავის დღეში იმ სამარცხვინო საქმეებს აღარ მოვიქმედებდით, რაც ჩვენ მოვიქმედეთ. მაგრამ ის მადლიანი კაცი მალე წაიყვანეს საპატიმროდან და კაენასა და ბუხუს ოდნავ გაშუქებული გული ისევ დაბნელდა; მისმა მუსაიფმა და ლაპარაკმა მხოლოდ ცოტა ხანს გაათბო ამ ორი ყაჩაღის გული.

XVII

გავიდა დრო და ეამი. კაენასა და ბუხუს დაპატიმრებას და მათ მომავალ გაქირვებას მათმა ნათესაებებმა გულგრილად არ შეხედეს. ცალკე აღმასხანის თვისმა და ტომმა, ცალკე მაკას ნათესაობამ თავი გადასდეს გაქირვებულების საშველად. ამისათვის წავიდნენ ქუთაისში და იქ დაიქირავეს ნათიცი ვეჭილი, რომელსაც ყოველივე უამბეს, როგორც მოძღვარს. ვეჭილმა თავზე ხელი გადაისვა. პაწია ოქროს საათი ამოიღო და დახედა. მერე გაიარ-გამოიარა და რაღაც წაიღულუნა. თავადები გაქვავებულები ისხდნენ სელებზე და ისე შეჰყურებდნენ ვეჭილს, თითქო მის ხელშია მათი დალუპვა და დარჩენაო. ბოლოს ვეჭილი გაურიგდა შრომის ფასში და აღუთქვა შეძლებისამებრ ეშველა პატიმრებისათვის.

შვიდი თვე შესრულდა ბუხუსა და კაენას დაპატიმრების შედეგ. ოლქის სასამართლოს დღე დღეზე ელოდნენ ზუგდიდში დამიტომ დიდ მზადებასა და გამოწყობაში იყო ზუგდიდის სამართრო მოწოდებელი სასამართლო.

აი დანიშნეს ბუხუსა და კაენას საქმის გარჩევაც. სბდომ დაიწყო სადამოს ექვს საათზე. დიდძალი ჩაღბი მოაწყდა დარბაზს. მოვიდა ნათიცი ვექილიც, მაღალი. წამოადგეი კაცი, დაქვევლა ვეზაკებისა. კაენა და ბუხუც მოიყვანეს დიდი სფრთხლეთ ბორცილებდადებულეები. თან ყარაულეები მოსდევდნენ. წაიკითხეს ოქმი და დაუწყეს მოწმეებს ჩვენების ჩამორთმევა. ერთნამ თბუთმეტამდე ღრმად მოხუცებული. მოიყვანა, რომელნიც შეცქვეშ ცხადად აჩუყუნებდნენ კაენასა და ბუხუს. აკრეთვე ჩამლეთმა. რომელსაც ხახლი გაუტეხეს. თადამ ოცდახუთი კაცით დაამტკიცა. რომ კაენამ და აღმასხანმა მოიპარეს მისი ცხენი, რომ ნამდვილად იმევე ღამეს სასიკვდილოდ დასქრა ყარაულმა ენგურის პირად აღმასხანი, რომ კაენამ მისი გეამი ჩუხად გააპარა. მეტე უფროსი მოისყიდეს და საქმე მიაჩუმეს. აკრეთვე სხვებმაც მრავალი მოწმენი მოიყვანეს. მოწმენი არათუ აჩვენებდნენ. რომ ესა და ეს დანაშაული მოიქმედეს ბრალდებულთაო, უმატებდნენ კიდევ. ოქმებ. მამართალი მოგვეცეს და ამოდენა მჭკიდობანი შრომისმოყვარი კლახისათვის მოეშორებანათ ეს რამდენიმე მოუსვენარი ადამიანი. რომელთაც შეაძრწუნეს მთელი მამრა. და არათუ მამრა, მთელი დღენიც.

კაენა და ბუხუ გაჩუმებულეები აღგნენ. პირისაბე ათასწარად ეცვლებოდათ. კარგად რომ დაკვირვებოდათ. თითქო ამას ამოიკითხავდათ მათ საბეზე: „ტყუილად გვოტპავთ. აბლა ჩვენ ისეთები არა ვართ, სრულეებით გადავიწათლეთ“. როცა მსაჯულებმა დაუწყეს გამოკითხვა, იმათ მოკლედ და თამამად მისცეს პასუხი. ვექილმა ბევრი ილაპარაკა. რანაირად არ ატრიალა სიტყვები. კაენები სულ ბეირივით დააყარა. მისი მჭევრმეტყველება წყალვით მომდინარეობდა. მსაჯულებმა მოისმინეს ყოველივე და მოსალაპარაკებლად და სათათბიროდ მეორე ოთახში შევიდნენ. ერთსაათის შემდეგ გამოვიდნენ და გამოაცხადეს, რომ ორსავე ბრალდებულს ღირსება აეხადოს და ათ-ათი წლით კატორღაში გააგზავრონო. ათი წლის შემდეგ ნება აქვთ დასახლებისა. ამიერკავკასიის გარდა, სადაც ისურვებენო.



მაისის დილა. ნისლი ცოტ-ცოტად გაიფანტა, გაანთავისუფლა ტყე-მინდორი თავისი ბატონობისაგან და ჩაღვა მდინარე-ღელეების ნაპირებად. მზემაც ამოაშუქა ისარივით თავისი სნივები: ჩიტებ-მაც შორთეს ყვივლ-ხივილი და ამ მხიარულებას ადამიანის ხმაურობა და პირუტყვთა ბლავილიც ზედ მიემატა. ზუგდიდში მკედლებმა გაიღვიძეს და მხნედ აათამაშეს ჩაქუჩები. საშინელი ხმაურობა... ლუქნები ზოგან გაულიათ, ზოგან აღებენ თვალების ფშვნებით მელღუნის ბიჭები. სოფლებიდან გასაყიდად სანოვავის შემოტანაც აწყეს. ბაზრის თავში საპატიმროსთან ხალხი მოგვუფდა, ორიოდ, ურებიც დგას ხაბაკუბაკით დატვირთული. შეკგუფულ ხალხის შუაგულ ოცამდე შუბიანი თოფებით დაიარაღებულნი დგანან და მათ შორის ათი-თორმეტი ტუსალია. ესენი ქუთაისში არიან წასაყვანი. კაჯნა და ბუხუც მათ შორის არიან. სრულებით არ ეტყობათ აღშფოთება. ჩანს უკვე გამოიგლოვეს საპატიმროს ქუქუციან კედლებ შორის თავიანთი თავი. დანარჩენი პატიმრებიც ბევრს არ ნაღვლობენ. მხოლოდ გაკვირვებულებივით შეკყურებდნენ არემარეს. ხალხს პოლიცია უჩავრდება: შორს დადექითო, ახლო ნუ მიეკარებთო ტუსალებსაო. ხალხი მაინც თავისას არ იშლის და უფრო და უფრო წინ იწევს.

ლაიძრენ მხედრები. გაისმა შემადრწუნებელი ჟღარუნი ჯაჭვე-ბისა. მთელი დაბა სმენად და ყურებად გადაიქცა. მკედლების ჩაქუჩთა კაკუნის ხმა შესწყდა. ტუსალების ჯაჭვებს დაუთმეს რიგი

— მშვიდობით, ძმებო! — გაისმა ხმა ტუსალებისა. ეს იყო ბუხუ. — მშვიდობით, ძმებო. შეიძლება ბევრი თქვენგანი შემეწუხებო. მაგრამ ყველაფერი უმეცრებით მომდიოდა, ახლა კი გთხოვთ: პაპატიოთ და შემინდოთ ჩემი დიდი შეცოდება. საპატიმრომ გონს მომიყვანა. იცოდეთ, რომ ჩვენი უბედურება უმეცრების ბრალია არ გეგონოთ, ღამის ყარაულებმა, ხეისთავებმა და ანგარების მოყვარე ბოქაულებმა მოსპონ ჩვენში აკვაცობა. ეცადეთ, თქვენი შეილება დაზარდოთ სკოლაში და მაშინ ყოველი აკვაცობა უბოქაულ-უხეისთაოდ თავისით მოისპობა. მე თუ გინდ დავიკარგო, დეე, თქვენი ქირი წამილია. მხოლოდ ღმერთსა ვთხოვ, რომ სხვები მაინც არ ჩავარდეთ ამნაირ განსაცდელში.

— დაბა, რა დროს ეგ ლაპარაკია! — იდაყუწაკვრით ჩაელაპარაკა ერთი ტუსალი. — არ ჯობია რამე დამიწყო, რომ ამ ქუჩებს მოწყენილი პირი არ ვაჩვენოთ? — ბუხუმ ხატრი არ გაუტეხა და

დაიწყო სიმღერა. სხვებმა მიაყოლეს და გრიალ-გრიალით გაიარებ ბულგარი.

— ნეტავ რა გემღერებათო! — ისმოდა ხმა. ზოგან ღვ-
დაკაცები მწარედ ქვითინებდნენ.

გასცილდნენ ქალაქს და დაადგნენ გზატკეცილს. გაიარეს რამ-
დენიმე ვერსი. კაენა თავჩაღუნული მიდიოდა, სახეზე ეტყობოდა,
რომ რაღაც გამოუთქმელი მწუხარება აწვა გულზე. უცებ წაპკრა:
ბუნუს ხელი და წასჩურჩულა:

— რას შობი, დაგავიწყდა?

ბუნუს თითქო გამოაღვიძესო. სახე ერთობ შეუთამაშდე.
თვალეები ცქვიტად გაახილა და შეხედა:

— არც კი მახსოვდა. ვითომ?

ორივეს ათასნაირად ეცვალათ ფერი, ერთ წუთს ათასმა ფიქრ-
მა გაიბრინა მათ გონებაში. დატრიალდნენ უცბად ორივენი და
თვალის დახამხამებაში გაუსხლტნენ ხელიდან მხედრებს. ხელ-
ფეხი ჯაჭვით ჰქონდათ დაბორკილი და წელზე შემორტყმული
ვრძელი ბაწრები, რომლის თავები უკან მხედრებს ეჭირათ ხელში
მხედრებმა მაშინ იგრძნეს ბაწრის მოშორება ხელისგულისაგან.
როცა ორივენი ეკლით დაბურულ ტყეში შეცვივდნენ. მხედრები
საშინელ მდგომარეობაში იყვნენ. გაქცეულთ. რომ გამოდევნებო-
დნენ, დანარჩენებისა ეშინოდათ. თავი დაენებებინათ — ეგ კიდეც
უარესი. სხვა რომ ვერა მოახერხეს რა, დაუშინეს თოფები. ზუგ-
დიდს ბევრი არ იყვნენ მოშორებულნი და თოფის ხმა ჩქამდევ მი-
ვიდა. უფროსმა საჩქაროდ ბოქაული დაადევნა ცხენოსანი ყაზა-
ხებით. შორსმკვრეტელი უფროსი ადრევე ყოფილიყო მზად. ბო-
ქაულმა გადაუხვია ტყეში, გავიდა დიდ მინდორზე და იქ, მინდო-
რის ბოლოს, მოპკრა თვალი ორივეს. ჯაჭვები გაეტეხათ და. რაც
ძალი და ღონე ჰქონდათ, მირბოდნენ. პატიმრობით დასუსტებულთ
ჩქარა შეეტყოთ დაღლა და თანდათან უკლეს სირბილს. ბოქაულმა
უმატა დევნას. აი დაუახლოვდა კიდეც ასიოდე საყენზე. გაციმბი-
რებულებმა მოიხედეს უკან. ნახეს, რომ საქმე ცუდად არის. იმათ:
ბელზე, იქვე მინდვრად, ბალახობდნენ ცხენები. მიუახლოვდნენ.
მაგრამ დახეთ იმათ უბედურებას! ცხენები თოკით იყვნენ დაბმუ-
ლები. სცადეს თოკის გახსნა, მაგრამ ნამის გამო უღმრთოდ მი-
პკროდა ერთმანეთს ნასკეები. აი მოახლოვდა ბოქაული ანალით.
გაქცეულებმა კვლავ ფეხის სიმარდეს მიმართეს. აგერ მიუახლოვ-
დნენ კიდეც ტყეს.

— Стрелять? — დაიძანეს ყაზახებმა.

— Нет. ბიკებო. დამნებდით, ჯობია! — დაუძახა ყაჩაღებს ბო-
ნაულნა.

— კოცხალი თავით არ დაგნებდებით. — ორივემ დაავლეს ხე-
ლი თითო-თითო პრტყელ ქვას და ესროლეს პირდაპირ ბოქაულა
ბოქაულმა აიციდინა; ერთი ქვა მოხვდა ერთ ყაზახს საფეთქელში
და ფიცხლად ჩამოეშვა ცხენიდან. კაენამა და ბუხუმ თითქო
ჯრთები შეისხეს. უმატეს სირბილს. ცოტალა უკლდათ ედაბურ
ტყენდის.

— Стрелять! — დაიყვირა გაბრაზებით ბოქაულმა. გაისმა თო-
ფების ვრიალი. ერთხელ, მეორედ, მესამედ. დაეცა ბუხუ
ტყვია მოხვდა მარცხენა კანკში, მაგრამ ისევ უცხად წამოხტა და
განაგრძო სირბილი. დაეცა ახლა კაენა: ტყვია მოხვდა მკერდში.

— აჰა. ჰა. ჰაიტ! მომკლეს ურჯულოებმა. — გაჩერდა ბუხუ
ჩონდონა ამხანაგის ზურგზე წამოკიდება, მაგრამ თვითონაც
წონემიხდილი დაეცა.

— ტყუილად წვალობ, ბუხუ, — თავაწევით თქვა კაენამ და
თვლები დახუჭა. დაიგრიალა თოფმა. კაენამ რეტიანივით გააბილა
თვლები, მოიკრიბა ძალა და ცოტათი წამოიწია, — მშვიდობით.
ბუხუ. — მიმართა ამხანაგს, მაგრამ ის უკვე გათავებულყო. მეო-
რე ტყვია შიგ გულში მოხვედროდა. კაენამ ისევ მიდგა თავი და
ჩინაც განუტევა სული.





ჩემი რა ბრალია?

ა მ ბ ა ვ ი

— მადლობა ღმერთს, გვარიანად გადავრჩი ამ დღესასწაულებს. შენი ძმა რომ მეუბნებოდა, საახალწლოდ ძმა-ბიჭებიანად მოვალო, რომ მოსულიყო. ხომ დავიღუპებოდი კაცი, — უთხრა ზურაბა დინათავამ თავის მეუღლე დარიას და ჩიბუხის ტარი მოსაწვევად პირში ჩაიდო.

— არც კი გრცხვენია მაგისტანეების ლაპარაკის. ცოლისძმა ახალწელიწადს რომ გესტუმროს, მაშინაც ვერ გაუმასპინძლებოდა ესეც სასიქადულოდ მიგაჩნია. — იყო პასუხი დარიასაგან.

— ჩემი რა ბრალია, ქალო, სიღარიბე მალაპარაკებს, თორემ რო მქონდეს რაბე, მოგეცა ღვთის წყალობა. ცოლისძმას კი არა, ზორკონიკის ძმაც კი გაუმასპინძლდუნ...

— მაშ ჩემი ბრალია შენი სიღარიბეც? შენი ოჯახისთვის არაფერი წამირთმევია, პირიქით, ბევრი შევმატე. თუ მართალს მალაპარაკებ, სრულებით არა გქონდა ოჯახი. ჩემი მზითვევის შემწეობით აინთე ცეცხლი. თორემ არ გახსოვს, როგორ ჰარიალაღვთარიალაღვს დამღეროდი ეზო-ეზო.

— ეჰ! ქალზე რასაც იტყვიან, არც ერთი არ არის ტყუილი. იდევი იმ ჰარიალაღვთარიალაღვთარს არ გადაგრია? იმან არ შეგაყვარა ჩემი თავი?

— დაიქცეს, მართლა. ის წამი და ის დღეც! მე ჩამოსახჩიობს, ახლა ხომ დამიჭდა ოთისპირზე მამიჩემის სიტყვები. ბაბაო, შეილო. ჯერ ახალგაზრდა ხარო, ცეკვა-თამაში, ლანაზი პირისახე გატყუებს. ამებებს ჩქარა გადუვლის მაზნანდაო და მერე თუ ღარიბად დარჩი, საუკუნე სატანჯველში იქნებო, ჯერ კარვად გამოვიძიოთ საქმეო.

მაშინ რომ მისი სიტყვები დაბეჭერებია, ახლა ამ ყოფაში არ ჩავარდებოდი. — წყენით მიუგო დარიამ, ადგა და თუჯის ქვაბიდან მიმხმარ ლომის ქერქს ჩლუნგი დანით მოცილება დაუწყო. დანის ფხაქუნზე ბოდორია და მურა ჩვეულებრივ კარებთან გაჩნდნენ, იქიდანაც ისკუპეს, დიასახლისს მიუახლოვდნენ და კულის ქნვეით გინაღამ ქვაბში თავი ჩააყვეს.

— ესენიც რომ მოსვენებას არ მოგცემენ! — წყენით, თითქმის მიაყვირა ზურაბამ და კაი ლაზათიანი ქუსლი უთავაზა ბოდორიას. მურასკენაც მიიწია. მგრამ ამასობაში ყეფა-წკმუილით ორივემ თავს უშველა.

— რად სცემ უიმისოდაც ღონემიხდილ ძაღლებს, ესენი რომ არა ყარაულობდნენ, შენც მოგიპარავდა ვინმე. — შენიშნა დარიამ. ქვაბში წყალი ჩაასხა, გარეთ გაიტანა, გარეცხა და ქერქიანად გადაუსხა იქვე მდგომ ფერდიფერდ მიკრულ ძაღლებს.

ძაღლები ხარბად დაეწაფნენ ქერქს, თან უღრენდნენ ერთმანეთს და თანაც სვლეპავდნენ პაწაწინა ქერქებს.

დარიამ მსხვილად დაღერდილი სიმიინდი ჩაყარა ქვაბში, წყლით გაავსო და კერის ჯაქვზე ჩამოჰკიდა. ბოდორია და მურა ახლაც გაჩნდნენ და თითქო რაღასაც მოელიან დიასახლისისაგანო, თვალებს არ აშორებდნენ. ზურაბამ ქუსლის მაგივრად იქვე მიყუდებულ ჯოხს მიმართა და დროზე რომ არ გაქცეოდნენ, ერთ-ერთს წელს მოსწყევტდა.

— ვეი, დაილოცა შენი სამართალი, — პირჯვრის წერით ჩაილაპარაკა დარიამ. — ამ კაცს დღეს სიგიყემ ხომ არ მოუარა! საწყყალ ძაღლებს რას ერჩის! წუხელ ე მაგდენი იყეფეს საწყყლებმა. იმათით გვიდგია სული.

— სული გვიდგია კი არა... მართლა მე რომ არ მომიტაცეს, ის გიკვირს! კიდევაც იმიტომ დაიჭირეს ქურდები, როცა ერთადერთ ძროხა ხბოიანად მომტაცეს და ჩემს ბაღნებს თავისი ხელით ყელგამოსჭრეს.

— შენ სად იყავი? გადახურულიც არა გედგა რა, რომ დაგებძროხა; მინდორში, რასაკვირველია, მოგვეპარავდნენ... უი! გული ყელში მებჯინება, მაგრამ რა ვქნა.

— მეც ლამის საგულედან ამომვარდეს, მაგრამ რა ვქნა, კიდევუნდა როგორმე გამოვძვრე ამ გაქირვებიდან.

ამ დროს აკვანში მწოლარე შვიდი-რვა თვის ბავშვმა შესწყვილა და არტახებისაგან ხელ-ფეხის განთავისუფლებას ნდომობდა. დედა საჩქაროდ მიეშველა ბავშვს, არტახებიდან გამოხსნა და

ხელში აიყვანა, ამასობაში ზურაბას ორი ვაჟიც მოვიდა. ორივენი თითქმის ტიტლიკანები: უფროსს, ხუთი წლისას, ხელში პატარა წნელი ეჭირა და მათრახის მაგივრად ხანდახან ჯოხსა სცემდა, რომელზედაც ცხენივით იჯდა. მეორეს, სამი წლისას, კატა დაეჭირა და ათამაშებდა.

— დას დაღინართ ამ ქარიან დღეში, აჟი გითხარით ცეცხლის პინას იჯექით-მეთქი!... როგორ აბურძგნულან სიცივისაგან. — ეოტა წყრომით მიაძახა მამამ.

— ალა, ბაბა, ჩვენ ალა გეცევა, — მიუგო უფროსმა ვაჟმა და ჯოხი ლაჭებიდან გამოიცილა. ორივენი სახლში შევიდნენ და შეხვლისთანავე დედას კალთაში ჩაეყარნენ.

— ნანა, მშია, — ეუბნებოდა ერთი.

— ნანა, მშია, — ეუბნებოდა მეორე.

— უ... უ... — ზმუღოდა ძუძუმწოვარა გოგო, რომელიც დედას ეჭირა; თან ძუძუსა სწოვდა და თანაც პაწაწა ხელს ძმებისაკენ იქნევდა, თითქო ძუძუს წართმევის ეშინიან და იგერიებსო.

— მოითმინეთ, შვილებო, აი ღომი იხარშება, გვაკეთებ და გაქმევთ, — უთხრა დედამ. — მანამღი ა იმ კველაზე* დაჭედით. თქვე უბედურებო, არ გეცოდებით, ძლივსა ვარ, თქვენი სისპო ხავშეები კალთაში როგორ დავიმაგრო?

ბავშვები, როგორც იყო, მოიშორა დარბამ. ერთმა ისევ კატა დაიჭირა და მეორემ პატარა ჩხირით კერაში ნაცარს ჩხრეკა დაეწყო.

ზურაბა დაფიქრებული ტახტზე იჯდა. რაღაც განუსაზღვრელი დარდი იხატებოდა მის პირისახეზე. იმდენად მოწყენილი იყო, რომ აგერ-აგერ იტირებსო, იტყოდით, რომ შეგეხედნათ. შეიძლება ფიქრობდა თავის ახლანდელ გაჭირვებაზე, თავის ჭაბუკობაზე, როცა იმ შეილი-რვა წლის წინათ არაფერი დარდი არ აწუხებდა; ცხოვრობდა ბიძის სახლში, რადგან დედ-მამა ადრე დაეხოცა. სვამდა, ხვამდა, ხანდახან მუშაობდა, მაგრამ უსაქმოდ კაცი ხომ პირუტყვეზე უარესია. მუშაობდა ბიძის სახლში უფრო ბიძის სასარგებლოდ (ზურაბა ერთგული კაცი იყო), მაგრამ თავისუფალი დროც ბევრი ჰქონდა. ცეკვა-თამაშობა, ჩონგურ-დაირა, მღერა-თხუნჯობა, არშიყობა მეტად უყვარდა და ამაში ბადალი არა ჰყავდა მთელ არემარეში. ქალებსაც ხომ ეს უყვართ და ზურაბაც ქალების თაიგული იყო. ყოველ დღეობა-ჯარში, ქორწილში, და ასე გასინჯეთ

* კველა—ჯორჯო.

ტირილშიაც, ხალხის გამართობი ზურაბა იყო. ქორწილ-ტირილში მერიქიფობას ზურაბა არავეს არ დაანებებდა, რაც უნდა მოსელოდა, იმ მხარეს, საითკენაც ქალები დასხდებოდნენ; ოხუნჯობდა, მასხარაობდა და იყო ერთი უშველებელი სიცილ-კისკისი ქალები-სა. გარეგნობითაც ზურაბა კაი შესახედავი იყო: მხარბეჭიანი, წელწერილი, პირისახე ლამაზი და მხიარული ჰქონდა, ტანისამოსსაც კონხად იცვამდა და ყველა ეს ზომ ბაღეა ახალგაზრდა ქალები-ს დასაქერად. ამ არშიუობა-დაირობაში გაიცნო მეორე ხოფელშინორჩი. ლამაზი დარია, ოთარის შვილი, და ძალიანაც მოეწონა. ერთხელ შეურჩია დრო და საიდუმლოდ მოელაპარაკა. პირველად როგორც რიგია, წინასიტყვაობით დაიწყო; მერე და მერე, როგორც იყო, თანდათან გამოირკვა და ბოლოს უთხრა: მიყვარხარო! ქალმაც, რასაკვირველია, თავი ძირს დახარა, სიყვარულის გაგონებაზე ცოტა წამოწითლდა და ზურაბას ცალი თვალით გამოხედა. ზურაბა კი გულხელდაკრეფილი იდგა და ერთგულებას ეფიცებოდა, სულის კლიტე უწოდა, თვალის სინათლე, გულის გული, ხიცოცხლე, მზე, მთვარე და ბევრი სხვა ამგვარი სასიყვარულო სიტყვები. შემომხედეო, ხვეწნით ემუდარებოდა, თუ ჩემს, შენ მონის ხვეწნას არ მიიღებ, უეჭველად თავს მოვიკლავ და ცოდო შენ მოგეკიდებო. ქალმა ორივე თვალეზით შემოხედა, ზურაბამაც შეხედა... თვალეზი ერთმანეთს მოელაპარაკნენ და ზურაბამ გამარჯვა.

ბამდენსამე ხნის შემდეგ დარიამ ზურაბა ერთ ჭარში ნახა და იმდენად მოეწონა მისი ცეკვა-თამაში და ოხუნჯობა, რომ კინაღამ საჯაროდ ყელზე არ მოეხვია. გავიდა რამდენიმე ხანი და ხმა გავტყელდა: ზურაბა ოთარისას დარიას ირთავსო. ეს ხმა გამართლდა და დარია ზურაბას ცოლი შეიქნა. ოთარია ჭერ უარზე იდგა, მაგრამ დახელოვნებულმა მაშვალმა დააჯერა: ბიძას რაც აქვს, ნახევარი ზურაბასიაო. ზურაბას ბიძა კი ქონებით არ დაიწუნებოდა. ოთარიამ, რაც შეიძლო, მზითვეი მისცა, კინკი-პუნკების გარდა. ერთი ცხენი, ძროხა და ერთი ღორიც გამოატანა.

გავიდა კიდევ დრო და ჟამი და ზურაბა ბიძას გაეყო, ესე ოგო ზურაბა ბიძის სახლიდან გავიდა, ანუ, უკეთ ვთქვათ, გააგდეს. ზურაბას არაფერი ხვდა მიწის მეტი. უსტავნი ღრამოტის მიწა, დოცა გაიყვეს ბიძებმა და ბიძაშვილებმა, ზურაბას ორი ქცევა შეხვდა. ზურაბა გულხელდაკრეფილი არ დარჩენილა, ბიძას პასუხი მოთხოვა, მამიჩემის ქონება სად წავიდაო.

— ჩემი რა ბრალაა, შვილო, — მიუგო ბიძამ, — მამაშენს არა-

ფერი დარჩენია; რაც დარჩა, იმის სულს მოვახმარე, — და ამით გათავდა საქმე.

ზურაბა ცალკე დასახლდა. გააკეთა თხმელის ძელებისაგან ერთი პატარა რაღაც სახლის მსგავსი, რომელიც არც ფაცხაზე უკეთესი იყო და ფიცრულ უბრალო სახლზე, რასაკვირველია, უარესი, უდერეფნო, უკერიატაკო. შიგ ერთ მხარეს ოთხი ბარჯგი დაასო, ბეები გადაადვა, ფიცრები დააწყო და ზედ ცოლის ნამზითვე: ქეჩა გადააფარა. ეს იყო ტახტი. ტახტის გარდა იმის ავეჯეულობა-მოწყობილობას შეადგენდა: ორი კველა, ესე იგი ხის უბრალო ოთხკუთხი კუნძი, ერთი სამფეხა პატარა სკამი, ერთი ტაბაკი, ერთი აუჯის ქვაბი, ქვაბის ჩამოსაკიდებელი ჯაჭვი, ერთი ჭიქა წყლის დასალევი (ხანდახან ღვინისაც), როდინი ქვით, ორი საინი, სამი ბის ჯამი, ერთი კოკა და დოქი და ერთი ძველი კალათი. ეს იყო ზურაბას ავლადიდება. მიუმატეთ ამას ცოლის მზითვენი: ერთი ზვიერი ქალის ტანისამოსით, ორი-სამი ხელი ლოგინი და მორჩა და გათავდა. ზურაბა მაინც არ უშინდებოდა ამ სიმწარეს, სანამ ცხენი და ძროხა ჰყავდა. ძროხამ ხბო მოიგო. ზურაბასაც შეილები ეყოლა და მათი ძიძა-გამზრდელი ეს ძროხა შეიქნა. მუშაობდა და მუშაობდა საბრალო ზურაბა, მაგრამ რას გახდებოდა ორი ქცევა ძიწით. რასაკვირველია, იმნაირად შემუშავებული მიწა, როგორც ზურაბა მუშაობდა, მოსავალს ბევრს არას მისცემდა; მიჰყო ხელი სხვის მიწების შემუშავებასაც სანახევროდ, მაგრამ ამ აუტანელმა ჯაფმაც ვერა უშველა რა, რადგან ერთი კაცი, ლომ-ტარიელიც რომ იყოს, იმ ადამის უამის გუთნით, რომლითაც ზურაბა მუშაობდა, ბევრს ვერას გახდება და ისიც თუ ნახევარი სხვისია; აბა გასინჯეთ, რა უნდა დარჩენოდა. ცალკე რომ დასახლდა, თითქო ახლა გაახსენდათო, მეორე დღესვე კარს მოადგა მამასახლისის პროპოზიციი, ეს ფოსტაო, ეს მღვდლის ფულიაო, ეს იანაულისაო და სხვადასხვა... მაგრამ მაინც ქედი არ მოიდრიკა საწყალმა ზურაბამ და როგორც იყო გვარიანად თავს ახწევდა...

დაუნდობელმა ქვეყანამ მაინც არ მისცა საშველი და პირზე პირი გადაჰკიდა. ერთ მშვენიერ ღამეს ცხენი მოჰპარეს, მეორეს — ძროხა და გულიც მოუშხამეს საბრალო უდროვოდ ცოლ-შვილის ზრუნვის მორევში ჩავარდნილ ახლგაზრდა კაცს. მაინც, როგორც იყო, უძლებდა გაჭირვებას წლევანდლამდე. წრეულს კი, მოგებისენებათ, რა გაჭირვებაში ჩავარდა ხალხი. სიმინდის ფასი ხომ ადარა აქვს და არა, მაგრამ ქვეყანაც კინალამ დააქცია დალოცვილია წყალდიდობამ: ხევი წყაროდ გარდაიქცა, წყარო მდინარედ, მდი-

ნარე ზღვად, მილეწ-მოლეწა ყველაფერი, წისქვილები წალეკა, სასიმიინდეებს ბევრგან სიმიინდიანად შავი ზღვა უჩვენა; არც ხე დაინდო, არც მინდორი, არც პირუტყვი, არც ადამიანი. ბევრ იმსხვერპლა, ბევრი ატირა... გაჭირვება იქნება მა რა? დღესასწაულებს როგორც იყო გაუძლო ზურაბამ; უკანასკნელი ღორი გამოასალმა წუთისოფელს, შობის წინა დღეს. ზურაბას ბავშვებ-ტერენტი და პართენი სიხარულით ფეხზე აღარ იდგნენ, როცა მათი მამა ხორცსა ხარშავდა. ნახევარი ღორი დღესასწაულებში შექამეს, ნახევარს მარილი მოაყარეს და დღესასწაულის შემდეგ ხსნილისთვის შეინახეს. ეს იყო და ეს. წრეულს ქათმები ხონ გაწყდა. ზურაბას სახლში ერთიც არ დასტოვა ულმობელმა ქირმა. დვინო ხომ, მტევანი არ უნახავს წრეულს ზურაბას. შობა დღეს ნათლიას დეიძელი და ყვერულიც ვერ გაუგზავნა, ჭაიცი თავის დღეში არ მოსვლია. ვერც ვალად აიღო სადმე ფული. ეს კიდევ არაფერი. აგერ თორმეტჯერ მოვიდა პროპოშიკი, ფოსტის ფულა უსათუოდ წარსადგენიაო. ამან ნათლიაც დაავიწყა ზურაბას და თავისი თავიც, მაგრამ რა ქნას, ვერას გახდა. სანამ დღესასწაულები იყო, ბედზე, არავინ სტუმრებია; ამაზე ღმერთს მადლობაც შესწირა. აგერ დღეს წყალკურთხევის მესამე დღეა, დღესასწაული წავიდა. მაგრამ პროპოშიკმა ახალწლის მესამე დღეს უკანასკნელ ვადა გადაუჭრა რვა იანვარი, თუ მაშინაც არ გექნა, საწინადატ გამოვიტანო. სად არის დაირა-ჩონგური, ოხუნჯობა-თამაში, არში-ყობა. ბავშვებს და თვითონაც საკმეელი უნდა, გადასახადი, მტერი, მოყვარე უნდა, მაგრამ არა აქვს რა და რა ქნას. ცოლიც, იხ ცოლი, რომელიც სიყვარულს ეფიცებოდა, ახლა წყევლის ამ სიყვარულს, იმ დღესაც და იმ წამსაც. ალბათ აგონდება ეს ყველაფერი იმ საწყალ ზურაბას და ეს არის მიზეზი, რომ იმის პირისახე დაღვრემილა და დაბეჩავებულა და ლამის თვალებიდან ცრემლები გადმოფრქვიოს.

ღარიამ დროებით ბალღი ლოგინზე დააწვინა და ქვაბს ცეცხლზე შეუქეთა, მერე ქმარს მიუბრუნდა.

— კაცო, რამ დაგაფიქრა ამ სიმწარედ. ფიქრი ადრე უნდოდა. სანამ ამ ყოფაში ჩავევარდებოდით, ჩვენ ორივენი შეეცდით. ახლა ადექ ერთი, ფიჩხი შემოიტანე, ეს ღომი როგორმე დროით გავაყეთოთ და მოვრჩეთ, შეიძლება ვინმე შემოვიდეს.

ზურაბამ ჩიბუხს ახლად ჩააყარა თუთუნის, ფიჩხის მუგუზალი აიღო, აჩქარებით ჩიბუხზე აგორებდა და თანაც სქელ ბოლბ პი-

რიდან უშვებდა, ეტყობოდა ჩქარობდა ცოლის ნათქვამი აესრულებინა. ამ დროს ძაღლებმა დაიწყეს ყეფა.

— ე, ვინ მოდის დაქცეული, — ჩაილაპარაკა დიასახლისმა.

ბავშვები კარებთან აიტუზნენ. ზურაბას თითქო ტანმა უგრძნო (ან რა ტანის გრძნობა უნდოდა), სახეზე აღმური მოეკიდა, ატულმა საშინლად ცემა დაუწყო, მაინც ჩქარა ადგა, კარი გააღო და სტუმრებს მიეგება. ამასობაში გამოჩნდნენ პროპოშიკი საკვა და „კეთილსინიდიისიერი“ საბა.

— ეხ ძაღლები თავის დღეში რომ ვერ შევიჩვიე, — ზუმრობით შიდახა საკვამ.

— ქირმა წაილო მაგათი თავი, — მოწყენით მიუგო ზურაბამ, — მობრძანდით, ბატონებო.

ღარია კველაზე იჭდა, ბავშვი ხელში ეჭირა, წამოიწია, აბა ვინ მოდისო. „ფუი, დაგეკარგა კვალი“ — ჩაიბუტბუტა და ზეზე ადგა.

— ღმერთო, სიკეთე შემოიყვანე ამ ოჯახში, — წარმოთქვეს ახალმოსულებმა და ტახტისკენ მიიწიეს.

— აქეთ, აქეთ, — ეპატუებოდა ზურაბა, — საკვა, აქეთ, კერას ახლო მობრძანდი, დღეს სიცივეა.

— არა უშავს რა, არა მცივა.

— საბა, საბა. შენ უნაბლო ხარ, აქეთ, აქეთ ცეცხლთან, შენი ქირიმე.

— დღეს არა ცივა, რაცხა ბედი; ეს ორი დღეა გადილო, თორემ წლევანდელი წელიწადი ჯერ ხომ არ გახარებულა.

— ჩვენ ბევრი ხნის გასაჩერებლად არა გვცალია, მახარია ზურაბა, აბა ხომ იცი, მეხუთეჯერ არის მოწერილობა მოსული, დღეს ხალამოს უსათუოდ უნდა ჩავაბართო ფულები მამასახლისს. თუ არ ჩამაბარეთ, ვაი თქვენი ბრალიო, დაგვემუქრა, თქვენ გაზღვევინებთო, — ცივად წარმოთქვა საკვამ.

საწყალ ზურაბას ტანში შიშის ჟრუანტელმა დაურბინა. ბავშვები ჩუმად ისხდნენ, ერთიმეორის გვერდით კველაზე, ტიტველა კანჭები ცეცხლისაგან დახალული ჰქონდათ, ტუჩი ტუჩზე მიეწებათ და ახალმოსულებს შეჰყურებდნენ. ერთის პერანგს (სხვა არაფერი ეცვა-ეხურათ), ღორის ქონისაგან გაშავებულს, ცალი სახელო სრულიად არა ჰქონდა, მეორე სახელო მაჯასთან გახეულიყო და მკლავის ძირას ცხრაფრად დაწეწილი ფარფაშობდა. მეორეს პერანგის მხოლოდ გულთან დარჩენოდა რამდენიმე დაფლეთილი ქინკი, სხვაგან კი ტიტლიკანა იყო და ცეცხლისაგან, შემწვარ გოქს ჰგავდა. ამ წუთში პატარა ბაღლიც ჩვეულებრივ დედას არ ეთამა-

შებოდა, ერთი ყური დედის მკერდზე მიედო და სულგანაბული ხტუმრებს შეპყურებდა.

— განა მეც არ ვიცი! — ძლივს მიუვო ზურაბამ, — მაგრამ რა ვქნა, სინილისი მაწუხებს, ღმერთმა უკეთ იცოდეს, რომ ამდენჯერ ვაგსარჯეთ, ხომ იცით, ღმერთი ამოაგდებს და ამ ჩემი ბაყაყების ცოდვა, (ზურაბამ მიუთითა ბალებზე), ვინც მე ცხენი და ძროხა მომპარა. თითო მუქას იწველიდა, თან ამ ბალებს მიტყუებდა და თან ერთი ორი გროშისას ვყიდდი. მე როგორ შეეკამდი, როგორ ღმერთი გამიწყურებოდა. ქათამი ამოვარდა, ამოაგდებს ჩემი გამჩენი, ცხენზე ხელი დამაბანია, ხელგაბანილმაც და ამოწყვეტილმაც მოგიძებნო, იმ კაცმა მითხრა, ხუთი მანეთი მივეცი, ის ვალი ახლაც კისერზე მაწევს. ისე აშენდა მისი ოჯახი, როგორც მე იმან მომიძებნა. რა ვქნა, მოზვერი რომ დამრჩა, ჩემმა სიმამრმა წაიყვანა, ამასაც მოგპარავენო. ცხენი რომ მყავდეს, სიმინდს მაინც წავიღებდი ან ხობში, ან სენაკში და გავყიდდი. ჩემ ბედზე ისიც ნაკლები მოვიდა წრეულს, მაგრამ სულზე მოვიკლებდი, ბატონო და თქვენ მაინც როგორმე გაგისტუმრებდით. აქაც გავყიდდი, მუშტარი რომ იყოს, მაგრამ არავის უნდა. ხუთი შაური მაძლია იმ კაცმა. ხუთ შაურად ფუთი სიმინდი, ღმერთი არ არის?

პროპოზიკმა მოისმინა ზურაბას სიტყვები — ყური მიჩვეული ჰქონდა ამგვარებზე — სახლს თვალი მოავლო და დაეკითხა:

— მაშ ვერ იზოვე ფულები, ზურაბა? კაცო, შენ რაც შეიძლება ცოტა დაგაწერეს, უნდა გეშოვნა სადმე.

— უნდა გეშოვნა, უნდა გეშოვნა, რასაკვირველია, უნდა გეშოვნა, რა თქმა უნდა, უნდა გეშოვნა დი.....ხ, — და რალაც უნდოდა ეთქვა ზურაბას, მაგრამ ყელში თითქო რალაც გაებჭინაო. სიტყვის თქმასაც ველარ ახერხებდა.

— რა არი, რა დაგემართათ, თქვე ღვთის კაცებო, ქვეყანა ხომ არ იქცევა, გვაცალეთ ცოტა ხანი, იქნება რამე ვისაშველოთ სადმე, — ჩაერია ლაპარაკში დარია.

— ამდენ ხანს რად არ ისაშველეთ, თქვე დალოცვილებო, აგეც ასჯერ კი ვიქნები თქვენთან მოსული და სულ ამით მისტუმრებთ: ვისაშველებთ, ვისაშველებთო; რად არ ისაშველეთ აქამდინ, მერნის, ვითომ, ციდან ხომ არ ჩამოჩხრიალდება ბაჯაღლოები. ჩემ ჯიბეში ხომ არ მიდის ის სატიელო. მამასახლისმა იქითა კვირას პათრახით კინაღამ ზურგი ამიჭრელა. — წყენით და ხელის ქნევით წარმოთქვა საკვამ და ზეზე წამოდგა. ისევ მოავლო თვალი სახლს, ერთ კუთხეში ოდნავ შუაზე გატეხილი პატარა გობი ეყუდა და

კედელზე ზურაბას უბრალო რკინის ხანჯალი ეკიდა. ესენი კი დაგვაფიწყდა ზურაბას ავლადიდების აწერის დროს.

საკვამ ხანჯალი ჩამოხსნა კედლიდან და ხელში დაიჭირა.

— შენი ნაშთივი სპილენძის ქვაბი და თუნგი რა უყავი? — დაეკითხა დარიას.

— იმდენი აგიშენდათ სახლ-კარი, მე რომ ის მოგცეთ, — წყენით მიუგო დარიამ, ბალლი ლოგინზე დასვა, ფიცხლავ ტანტკვეშ შეყო თავი, თუნგი და ქვაბი გამოიტანა, ცალ ხელში მაგრად დაიჭირა, მეორე ხელით ბალლი აიყვანა და გაჩერდა (ესეც მათი ავლადიდება). — უსიკვდილოდ არ შეიძლება ეს ვისმე მივცე, — ხმაპალა კაპასობდა დარია.

— რომ შეგულდიდები, შე დალოცვილო, ჩემი ცოლ-შვილისათვის ზომ არ მინდა, — დინჯად მიუგო საკვამ და გაიწია ქვაბჩამოკიდებულ ჯაჭვისაკენ. ჯაჭვის ჩამოხსნის დროს ქვაბი მოეშვა და აღუღებული ღომი კერას გადაესხა.

ბრ...ბრ...ბრრ..... დაიგრიალა ცეცხლთან ერთად შერეულმა ორთქლმა, ნაცარმა და კვამლმა. რამდენსამე წამს იქაურობა დაზნელა.

აქ კი ვერ მოითმინა საბრალო ზურაბამ, უნდოდა სცემოდა ხაკვას, მაგრამ საბამ მოუსწრო და ზურაბა გააჩერა. ამის დანახვაზე ბავშვებს შეეშინდათ, დედას მისცვივდნენ, კაბის კალთაში ჩააფლეს ხელები და ბლავილი დაიწყეს. პატარა ბალღმაც უშველებელი ჩხავილი მორთო.

ხანჯალი, თუჯის ქვაბი და ჯაჭვი ხელში დაიჭირა საკვამ და გზას გაუდგა.

— ეს კიდევ რას გიშველის, ბეჩა. ამას სამ მანეთად არავინ იყიდის ტროგზე და შენ კი ექვსი მანეთი გაწერიი, — ჩაილაპარაკა საკვამ.

— ეს ბოვშები მაინც არ გეცოდება, შე ღვთის კაცო, — ნაცოდევად მისძახა ზურაბამ.

— ჩემი რა ბრალია, ძმაო, მე ნაბრძანები მაქვს, ასე არ ვქნა, ტყავს გამაძრობენ.

ისინი წავიდნენ, ბავშვებმაც ტირილს თავი დაანებეს. ფერწახული ზურაბა ერთ ადგილას იდგა გაჩუმებული, თვალები ძირხ დაეხარა და მიწას დაჰყურებდა.

— ნანა, მშია! — გაიმეორა პართენმაც.

— უჰ, ესენიც! — გულჩათუთქულად წარმოთქვა დედამ, რომ-

მელიც ქმარს შეჰყურებდა და თითქო ეუბნებოდა: აი, ჩვენი სიყვარული.

ზურაბამ არ იცოდა სად იყო ამ წუთში. ქოჩორიდან ფეხებამდე ყველაფერი უზრიალებდა, ამ წუთში ყველაფერი არეულად ეჩვენებოდა. მოაგონდა, ერთხელ ქორწილში, დაირის დაკვრაში როგორ აწობა ყველას. მოაგონდა ბიძის ნათქვამი: — ჩემი რა ბრალია. შვილო, მამაშენს არაფერი დარჩენიაო; მოაგონდა აგრეთვე პროპოზიცი: — ჩემი რა ბრალია, ძმაო, მე ნაბრძანები მაქვსო. ..ჩემი რა ბრალია, მე რომ დარიბი ვარ?”

— მაშ ვისი ბრალია. — ხმამალლა წარმოთქვა ეს ბოლო სიტყვები და ცრემლმორეული ტახტზე დაეშვა.





მ ე რ ა ბ ი ძ ა ჩ ე მ ი

(გადმოკეთებული ფრანგულიდან)

სოფელი და სოფლის ცხოვრება ბიძია ლევანმა შემაყვარა. მან მასწავლა ბუნების სხვადასხვა მოვლენის თვალყურის დევნება და შეგნება.

ბიძია სოფლის ექიმი იყო და ერთ პატარა სოფელში ცხოვრობდა; დედ-მამა რომ მომიკვდა, ბიძიამ მიშვილა.

ბიძია ტანადი და სქელ-სქელი, შავთმიანი, შავწარბებიანი, კრელთვალა კაცი იყო; მისი კეთილი და მშვიდი სახე კაცს ხიბლავდა.

ხშირად გამიგონია ღარიბებისაგან: მისი კეთილი სახის დანახვა სწორედ რომ დიდი ნუგეშია ჩვენთვისაო.

განათლებულ კაცებს მეტად ეხალისებოდათ მასთან ბაასი, დადგან ბიძია ყოველთვის ახალ რასმე ეტყოდა მათ.

საექიმოდ ბიძია მუდამ დიდი ეტლით დადიოდა; ეს ეტლი ახლაც თვალწინ მიდგია: გრძელი და განიერი; უკანა მხარე პატარა ოთახს ჰგავდა, ორივე მხრივ თითო ლიფლიფა ჰქონდა; პირველად სწავლა მე ამ ეტლში დავიწყე.

ყოველდღე ბიძიას სოფლად მივყავდი. როცა მას ღარიბებთან მოუხდებოდა წასვლა, მზარეულს საგზალს დაამზადებინებდა თან წასაღებად და ეტყოდა ხოლმე: ისეთ ადგილს მივიღივართ, სადაც ზაქმელს ვერ ვიშოვითო, და თუ ვინიცობაა შეძლებულებთან მიდიოდა, მაშინ ეტყოდა: ჩვენი ფიქრი ნუ გექნება, ჩვენ კარგად დაგვიხვდებიანო.

ღარიბებს ბიძია უსასყიდლოდ წამლობდა, ამას გარდა ბევრ დარბ ავადმყოფს ეხმარებოდა კიდევ; საქმელ-სასმელს აძლევდა.

ხშირად დაუძღვრებულს ორიოდ ბოთლ მაგარ ღვინოსაც დაუტოვებდა ხოლმე.

ბიძია ლევანი ყოველთვის მზიარულად იყო; ყველასთან ხუმრობდა, ჩემთანაც და ავადმყოფებთანაც.

როდესაც ღვინო უნდა წაგველო ავადმყოფებისათვის, მაშინ ნეტყოდა: აბა, მეთათიქესთან გაიქეც და თხოვე, ყურძნის გამოწერი წამალი გამომიგზავნოსო.

მეთათიქე ჩვენი ბებერი მზარეული იყო, ყურძნის წამალი — ღვინო, აფთიაქი კი — მარანი.

ძალიან მეხალისებოდა ამ აფთიაქში მზარეულთან ერთად ჩახვლა, ადგანაც ამ ჩასვლაზე ყოველთვის ცოტაოდენი ნიგოზი ან ქლიავი მერგებოდა.

ჩვენი მზარეული გაიანე თავის ხელით მომცემდა და მეტყოდა: იგერ ესეც შენი გასამრჩელო.

ჩემი გარჯა, ან უკეთ რომ ვთქვათ — ჩემი სიამოვნება იყო, რომ ჯერ ბოთლების ჩასაწყობი კალათი უნდა ჩამეტანა მარანში და იქიდან რომ წამოიღებდა ბოთლებს, სანთლით გზა უნდა გამენათებინა.

ცალიერ კალათს გაიანე მე წამომალეზინებდა, მაგრამ რაკი ჩაწყობდა შიგ ბოთლებს, აღარ დამანებებდა, რადგან კალათი მეტად მძიმე შეიქნებოდა.

მაგრამ ხელცალიერი რომ არ წამოვსულიყავი, სანთელს წამომალეზინებდა და მეტყოდა: სწორე დაიკავე სანთელი, თორენ ხელზე და ტანისამოსზე დაგელვენთება და ვაშლს აღარ მოგცემო.

ჩავაწყობდით თუ არა ყველაფერს ეტლში, ბიძია წინ დაჯდებოდა და ჰიმ-ალვირს ხელში დაიკავებდა; გაიანე ეტლის უკანა კარს გამიღებდა, ეტლში ჩაჯდომას მომეხმარებოდა; მეც წიგნებქალაღებთანა შიგ ჩავჯდებოდი.

ასე რომ მოვეწყობოდით, მაშინვე თვალებს დავხუჭავდი და ვიცდიდი, სანამ ჩვენი ეტლი დაიძროდა.

ბიძია შოლტს რომ მოუქნევდა, ცხენი უცებ წაიწევდა წინ და ყველას შეგვანჯღრევდა, ამ დროს მოგზაურობის სიამოვნებას წინდაწინვე ვგრძნობდი.

ბიძია პაერში შოლტს გაატკაცუნებდა, ცხენს შეუტრევდა და ლურჯა ნელ-ნელა, აუჩქარებლივ გზას გაუდგებოდა.

მაშინ ჩემ პატარა გაკვეთილების სწავლას დავიწყებდი, რიგრიგად; დავისწავლიდი თუ არა ჩამეს, მაშინვე ბიძაჩემს მოუყვებოდი.

ბიძია ყურს მიგდებდა და თვალები ნახევრად დახუჭული ჰქონდა; როდესაც კარგა მოუყვებოდი, სიამოვნების ნიშნად თავს დამიქნევდა და არაფერს არ მეტყვოდა, მაგრამ თუ შევეჩერებოდი ხადმე, ცოტა ხანს დამაცლიდა, რომ მომეფიქრებინა და გამხსენებოდა. საზეპიროში ერთი სიტყვის მაგიერ მეორე რომ მეთქვა, ბიძია მომძახებდა: „როგორ? ჰა?“.

ამ ჰას თქმაზე ჩვენი ცხენი ყოველთვის ყურებს აცქვეტდა და ათქვოს გაჩერებას აპირებდა.

— ერთი უყურეთ ამას, — სიცილით მიძახებდა ბიძია და ცხენიც ისევე გზას გაულგებოდა.

ამასობაში დავიწყებულ სიტყვას გავიხსენებდი; თუ მივხვდებოდი და ვიტყვოდი, ბიძია მომიწონებდა; და თუ ვინიცობა ვერ მოვიგონებდი, ბიძია მომეხმარებოდა და ამიხსნიდა, რომ ყველაფერი კარგად გამეგო. ხშირად ძალიან უგულისყუროდ ვიყავი, ადვილად ვერ გავიგებდი ხოლმე, მაგრამ ბიძია თავის დღეში ამაზე არ ჭავრობდა.

ზოგჯერ ბიძია სიტყვას გამაწყვეტინებდა და მეტყვოდა: აბა ერთი ამას შეხედეო, მეც თითოს დავადებდი წიგნის იმ ადგილას, ხადაც ვკითხულობდი, რომ არ შემშლოდა. ბიძიასაკენ გადავხტებოდი; ბიძიაც მიჩვენებდა, რა ნათელი და ლამაზი სანახავია ცა მზის ამოსვლაზე და ჩასვლაზე, ანდა მეტყვოდა: — აი, უყურე, ეს რცენარე სამყურა არის, ის კი იონჯა; აბა დაიმახსოვრე. რა განსხვავებაა მათში.

გზაში გლეხები ბიძიას დიდი მოწიწებით მოესალმებოდნენ: ბიძიაც იმათ სახელებს მეტყვოდა, თანაც ამიხსნიდა, თუ რისთვის იყო საჭირო ის იარაღები, რომლებიც გლეხებს მხარზე გადებული მიჰქონდათ.

ამნაირად ბევრი ისეთი რამ შევიტყე, რასაც ვერასოდეს ვერ ვისწავლიდი ოთახში. ცოტ-ცოტად შევისწავლე ყველა, ვიცოდო რას აკეთებდნენ სოფლელები მთელი წლის განმავლობაში:

ხანდახან ბიძია დამიძახებდა:

— აბა აქ მოდი,

— რა გნებავს, ბიძია?

— რას აკეთებენ კაცები, აგერ უანაში რომ მოჩანან?

— ჰურსა მკიან.

— ამას ჰქვიან მკა?

— დიახ, ბიძია.

— რომ მომკიან პურს, მერე რას უზამენ?

— მერე გალუწენ, მარცვალს ღეროებს მოაშორებენ, ამ მარცვალს ბაზარში გაჰყიდიან; მეწისქვილე დაფქვავს და მერე მეპურე პურს გამოაცხობს. ხომ ხედავ, ბიძია, შარშან მეგონა, ვითომ გამომცხეარო პური ყანაში მოდიოდა, ახლა კი ვიცი, რომ ეს შეცდომა იყო.

ბიძიამ და მეც, ორივემ სიცილი დავიწყეთ.

— აბა, ესეც მითხარი, თუ იცი: წლის მოსავალი პური სულ დაიფქვება თუ არა?

— არა, ბიძია, ზოგი სამერმისოდ, სათესლედ შეინახება.

— ხომ არ გახსოვს, შენთვის ამაზე მითქვამს რამე თუ არა?

— ჰო, გამახსენდა, ჩემი თვალითაც მინახავს, — შარშან არ იყო, ბიძია პეტრიასთან რომ მივდიოდით, — მაშინ, „ნინოზ ვარდს“ ვსწავლობდი; ბიძიას ყანაში გიგო მიწას ხნავდა; გუთანში ორი უღელი ხარი ება. ახლო მივედით და ვნახეთ, რომ სახნისი ბროლივით ბრქვევიალებდა. გათხრილ მიწას შავი ფერი გადაჰკროდა, შიგ ქიები ირეოდენ და ჩიტები მათ დასეოდა. გოგია კი გიგოს უკან მისდევდა და დახნულ მიწაში პურის მარცვლებს პეშვით აბნევდა. აი, ხომ ხედავ, ყველაფერი დამხსომებიან!..

— მერე?

— მერე, შენ აკი მითხარი, ამ ჩიტებს დიდი სარგებლობა მოაქვთო, რადგანაც ბევრ ქიას და მწერს ქამენო. მაშინ პირობა დავდევი, ამიერიდან ამათ არაფერს ვავენებ-მეთქი და კიდეც ავასრულე ეს პირობა.

— მერე?

— მერე, რამდენსამე ხანს შემდეგ დავბრუნდით ისევ იმ ყანებში და პურის მარცვალი აღარ ჩანდა მიწაში; მეგონა, ალბათ ჩიტებმა შეჭამეს-მეთქი.

— მერე?

— მერე შენ მითხარი ცოტა ხანს მომეცადა და მართლაც რამდენსამე კვირის შემდეგ იმ ყანაში მშვენიერი ჭეჭილი ამომწვანდა. გაიზარდა. თავთავი გაიკეთა, დაპურდა და აი ახლა. მას მკიან კიდეც.

ბიძიამ კმაყოფილების ნიშნად თავზე შოლტის წვერი დამადო და მეც ჩემ გაკვეთილებს შევუღდექი.

ერთხელ კიდევ გაზაფხულის დღე იყო; ეტლში თავჩაქინდრუ-

ლი ვიჯექი და გულმოდგინედ რაღაც გაკვეთილს ვსწავლობდი უცებ ბიძიამ დამიძახა.

თვალწვდენელ მინდორზე აუარებელი ძროხა და ხაბ-კამეჩი გამოერეკათ; მწყემსად პატარა პავლია, მისი და დაკიდევ ორი ძალი იყო, — ქიცა და მურია. პავლია ხესთან ატუზული ხალამურხ ალიდა; მისი და მარო ბალახზე იჯდა და ყვავილების თაიგულს ჰკრავდა. ქიცა ამაყად შესცქეროდა ცხვრებს, მურია კი დამშვიდებული ბალახზე იწვა.

— იცი, ბიძია, — ვუთხარი მე, — ერთხელ მე და პავლია ბაყაყების დასაქერად წავედით. ბაყაყებისთანა ბრიყვი პირუტყვი ჩემს დღეში ან მენახა; თითქო განგებ თავს აქერინებს ადამიანსაო, წითელი მაუდის ნაჭერი ბაწარს უნდა მიიბა და წყალში გადაუგდო. ბაყაყები მაშინვე ერთმანეთში ჩხუბს დაიწყებენ, რა ჩემი იყოს ეს ქინკი და არა ჩემიო; ვინც უფრო მსუნაგია, იმას შერჩეხა. მაშინ უცებ უნდა გამოსწიო ბაწარს და ბაყაყი ნაპირზე გადმოგარდება, მერე კიდევ ისიც ვნახეთ, მარია ქათმებს და იხვებს სიმინდბ რომ უყრიდა. ესენიც ხომ ბაყაყებსავე მსუნაგები ყოფილან! ყველა ყვირის, ქაქანებს, ფრთებს აფართხუნებს, ერთმანეთს კორტნის, მანცვალს სიჩქარით ჰყლაპავს; ჰო, რა სანახავია! მე და პავლიამ ვუყვირეთ: „ჭურრრ... ჭურრრ... ჭურრრ“... და „კვატი, კვატი“. დიდი ყვირილი, ქაქანი და ხმაურობა ატყდა. ანტონი თივას ზედავდა იმ დროს და ყიყლიყოს ყვირილს მოჰყვა, სიმონამ ვირივით ჰიოს ყროყინი დაიწყო. ნეტავი გენახა, ბიძია. სწორედ რომ ხიცილით მოკვდებოდი!

— მართლა? — მკითხა ღიმილით ბიძიამ.

პატარა ბავშვებს ჰგონიათ, დიდებსაც მათსავე უყვირთ ყველაფერი.


შემოდგომის დამდევს ქალაქიდან ერთი ნათესავი გვეწვია, თან ხემი ხნის შვილიც ჩამოიყვანა; ერთხელ ბიძიას ზვარში ჩავედით: მთელი იყო და ყურძენი უნდა გვეჭამა. ჩემი სტუმარი ძალიან თამამად იყო, ბევრ ყურძენს შევჭამო, მე კი სოფლის ამბავი მეტყვიცოდი და ვაფრთხილებდი: ნუ ჰამ, თორემ გაწყენს-მეთქი, მაგრამ მაინც არ დამიჯერა. მართლაც ბლომად შეჭამა ყურძენი და შუადღის ჟამს შემომჩვილა: თავი დამიმძიმდაო, გული მიხურბო, მეც გავახსენე ჩემი ვაფრთხილება და ვურჩიე პური და ხორციც ცხელი წვენი ეჭამა. ამ წამალმა კარგ გუნებაზე დააყენა.

ამაში და ბევრ სხვა რამეშიც ჩემი ტოლი სტუმარი სულ შე-

ვატცხეინე, რადგანაც მან სოფლისა არაფერი არ იცოდა და მე კი ბიძისაგან ბევრი რამ მქონდა გაგონილ-ნასწავლი.

ახლა დიდი ვარ, მაგრამ ბიძიას ნალაპარაკევი სულ მახსოვს, დიდი მადლობელი ვარ მისი, რადგან მან მასწავლა პირველად, რომ ადამიანს თუ უნდა ბევრი რასმე შესწავლა, შეუძლია თავის-თავადაც შეისწავლოს, თუ დააკვირდა ყველაფერს, დაც მის გაჭმემო ხდებო.





ჩ ა ო ზ ე...

■

— კიდეც ერთი ქიქა, გრიგოლ! — ეპატიებოდა მახპინძელი.
— გმადლობთ, საკმარისია.

— ეი, კი, კიდეც ერთი, აი ამ კომშის მუტაბით. საგანგებოც
დამზადებულია, — ამბობდა დიასახლისი.

— ლაპარაკი რა საჭიროა, ანეტაჯან, დაასხი, გეთაყვა, — აღეჭ-
ხით უთხრა მასპინძელმა მეუღლეს და პაპიროსს კბილი დააქირა.

— ნება თქვენია, — დანებდა სტუმარი და თითონაც პაპიროსის
ბაძებნელად პიჯაკის ჯიბეში ხელი ჩაიყო.

დიასახლისმა ჩაი დაასხა და თავაზიანად სტუმარს გაუწოდა.

— გმადლობთ, ბატონო ანეტა, ნუ სწუხდებით, — ზრდილობი-
ანად უთხრა გრიგოლმა და პირში დაგუბებული თამბაქოც ბოლო
ერთბაშად გამოუშვა და თანაც დაუბერა, რომ ჰაერში ჩქარა გამქ-
ბალიყო.

— ჰო, იმას მოგახსენებდი, ბ-ნო ვახილი, — მიუბრუნდა
სტუმარი მასპინძელს. — მე, სწორე გითხრა, სრულებით თანავეგრ-
ძნობ გუშინწინ გაზეთში ამოკითხულ ახალ აზრს, მე... საზოგადოდ
პროგრესისტი ვარ, ან რათ არ უნდა ვიყო, რაც საუკეთესოა, იმას
უნდა მივსდიოთ. ქვეყნიერება, ჩემო ძმაო, წინ მიდის და მეც თან
მივყევარ, აღარ მინდა ჩამოვშორდე... ვერ გამიგია ზოგიერთების
ხასიათი... ხასიათი თუ... უვიცობა... თუ გაუგებრობა... თუ... ერთ-
სიტყვით, როგორც გინდა დაარქვი და საანბანო ქეშმარიტებახაც
ბშირად დამტკიცება და ახსნა რომ სკირია?... საზოგადოებაში აქ-
ხიომასაც რომ ფეხი ვერ მოუკიდნია?! ძმობას გეფიცები, მიკვირბ!

რა ხაზოგადობა გინდა... აი, თუ გინდ ავიღოთ, კაცი განათლებული, უმაღლეს სწავლა დამთავრებული, გამოცდილი, აგერ ნადვორნი სოვეტნიკი, ნათლად მოაზრე... რაც გინდა, ყოველისფერი, მაგრამ წარმოიდგინე, როცა გაზეთში წავიკითხე და ვუჩვენე... სწორედ, ამას წინათ მეც მაგ საგანზე ვფიქრობდი და როცა წავიკითხე ჩემი აზრის თანახმა, თან გამიკვირდა, თან გამიხარდა და მაშინათვე მიეუბრებინე... და წარმოიდგინეთ! არაფრად ჩააგდო, ეჰ! საქმე შემოღვევიათ, რას ბოდავენ, არ იციანო! მოდი და ჰკითხე ახლა.

— ეს რომელი ყოფილა? — ჰკითხა დიასახლისმა და ეშმაკუ-
დად ცალი წარბი აიბზიკა.

ვასილი კი ოდნავ დაფიქრებული ძირს იყურებოდა.

— აი ჩემი ამხანაგი ლუკა პართენის ძე! — მიუგო სტუმარმა, — ვერაფერი გზით ვერ დავიჯერე! მე ვეუბნები, კაცო, აი, ძმაო ლუკა, განვხაჯოთ! ქვეყნიერება, ჩემო ბატონო, ქალი და კაცისაგან შედგება. ხაცა გინდა მიხვიდე, თუ საზოგადოება არის, თუ ხალხია, უსათუოდ ქალი და კაცი იგულისხმება. მათი ინტერესები ერთმანეთთან მჭიდროდ გადახლართულია... ამიტომ ქალი და კაცი რაც შეიძლება დაახლოებით უნდა იცნობდნენ ერთმანეთს. ერთმანეთის აზრი, მისწრაფება, სული და გული... ერთი სიტყვით მთლად ერთმანეთის ღირსება-ნაკლულევეანება ნათლად უნდა ჰქონდეთ წარმოდგენილი. მაშასადამე, საჭიროა ისინი პატარაობითვე ერთად იზრდებოდნენ, ერთმანეთს მიეჩვიონ, ერთმანეთის ბუნება, ღირსება-ნაკლულევეანება ასწონ-დასწონონ და როცა გაიზრდებიან, რიგზე და წესზე დამყარებულ კანონიერ ცხოვრებას დაიწყებენ, მაშინ მათ შორის ყოველგვარ უსიამოვნებას, თუ ხულ ახ მოისპო, ნაკლები ადგილი მაინც ექნება. ეს ისეთი იშკარაა, ჭოგორც მე გრიგოლი ვარ და თქვენ ვასილი ბრძანდებით. ამაზე მე... როგორც კაცი, ისე თავისთავად ვფიქრობდი და, წარმოიდგინე, საუკეთესო პედაგოგებიც ამასვე ამბობენ და ბექდვითი ხეტყვის შემწვობით საზოგადოებას გაუზიარეს.

— რასაკვირველია... დიახ, — დინჯად მიუგო ვასილმა.

— მაგრამ რა ვიცი... მე პედაგოგიკის, მართალი გითხრა, იმდენი გამეგება, რამდენიც ღორს ფორთოხლისა... მაინც მე ვფიქრობ. რომ პატარაობისას, ე. ი. ასე შეიდი-რვა წლის ბავშვები ერთად, მესმის და თუთხმეტ-თექვსმეტი წლის ქალ-ვაჟი ერთად, თუ ერთ ხახლში მოათავსე აღსაზრდელად, ნება თქვენია და მგონი მარტო ხულის და გულის გაცნობას და ხასიათის აწონ-დაწონვას არ დახ-

ჯერდებიან, მგონია... ქალი ხომ იცით, ჯოჯოხეთის ალია... ხო, ხი, ხი, ხი, — ჩაიკისკისა მასპინძელმა და ცოლს შეხედა.

— ქალი ვითომ რა? — იწყინა დიასახლისმა, — რატომ მარტო ქალი გელანდება თვალწინ. თუ ქალი ჯოჯოხეთის ალია, მაშინ...

— მაშინ კაცი ხომ მისი საწვავი ხმელი შეშაა, — სიცილით დასძინა გრიგოლმა. — არა, нет, Василий Васильевич! ეს ახალი აზრია და იმიტომ ასე გეჩვენებათ, თორემ...

— არა, მე ის მინდოდა მეთქვა, — გააწყვეტინა დიასახლისმა. — მე ის მინდოდა მეთქვა, რომ საზოგადოდ მამაკაცებს ჩვეულება გაქვთ ხოლმე: ყოველი სიბოროტე-სიავის მიზეზად ქალი მიგაჩნიათ და სამართლიანად საქმეს თუ დაუფკვირდით, სულ წინააღმდეგი უნდა მივიდოთ, იმდენ სისაძაგლეს, რამდენსაც მამაკაცი ჩაიდენს, ქალი, რაც გინდა დაცემული იყოს იგი, ვერც კი მოიფიქრებს...

— უკაცრად, მომითმინეთ, ბატონო, — დინჯად დაიწყო სტუმარმა, ერთიც ჩაი შეხვრიბა. — სიავიარგეში თუ რომელი სჯობიან — ქალი თუ კაცი საზოგადოდ, მაგაზე გადაჭრილად რა მოგახსენო, მე მხოლოდ ერთი-ორი სიტყვა მინდა შევნიშნო ამ საგანზე. საზოგადოებას, ბატონო, ეთქვათ ხალხს, — რაც შეიძლებოდა მოუშარილა სიტყვას სტუმარმა, — სხვა მრავალ ნაკლულევანებათა შორის ერთი ნაკლულევანებაც სჭირს. რამე გაგონილ აზრს საზოგადოება ჩქარა ითვისებს და იმეორებს. რომ დაუფკვირდეს. რამდენად მართალი და ქემშარითა, კრიტიკაში გაატაროს, არ შეიძლება... მიღებულა, მაგალითად: ქალებმა დააქცია ქვეყანაო და მორჩა და გათავდა — დიდი და პატარა, მდიდარი თუ ღარიბი, უხდება თუ არ უხდება, უნდა თუ არ უნდა, აკერებს და აკერებს ლაპარაკში. აგრეთვე მამაკაცებზედაც ამბობენ: მამაკაცები საზიზღრობილი და გათავდა, ამასაც იმეორებენ და იმეორებენ.

— მე ყველა კაცზე კი არ მითქვამს, — შენიშნა დიასახლისმა.

— არა, ბატონო, თქვენზე კი არ ვამბობ. პირადად თქვენზე, ან ვასილ ვასილის ძეზე, ღმერთმა დამიფაროს. ეს საზოგადო კილოა ჩვენი, — დაბეჭითებით თქვა სტუმარმა და პაპიროსს ნეკით ნაზად ფერფლი მოაშორა და საფერფლეზე დაბერტყა. — ერთიც და მეორეც შემეცდარი აზრია, ბატონო, პატიოსანი და სინიღისიანი კაცებშიაც არის და ქალებშიაც, ჩემო ბატონო. დამერწმუნეთ, ბატონებო, რომ ეს შემეცდარი აზრი ერთმანეთზე ქალთა და კაცთა შორის მკვერმეტყველი მღალადებელია იმისა, რომ ქალი და კაცი ნაკლებად იცნობენ ერთმანეთს და საჭიროა პატარაობიდანვე შე-

ეთვისონ ერთმანეთს. მე, სწორე გითხრათ, ძლიერ მაინტერესებს ეს კითხვა და ძლიერაც ვუკვირდები ამ საგანს, — ღირსეულად ხმა აუმატა სტუმარმა და ოდნავ თავჩაქინდრულ მასპინძელს გადახედა... — ქალებს იმოდენად არ ვიცნობ და მამაკაცებზე კი გეტყვი. რომ, მათდა სასახელოდ, არა ერთი და ორი ყოვლად პატიოსანი ადამიანი ვიცი... მაგალითისათვის შორს არ წავალ, პირფერობით არ ვიტყვი და... — შეხედა სტუმარმა დიასახლისს... — აი თუგინდ ავიღოთ თქვენი მეუღლე! დიდად პატივცემული ბ. ვასილი. დიდი ხანი არ არის, რაც ვიცნობ, მაგრამ ეს მცირე დროც სრულებით საკმარისია, დაბეჯითებით ვთქვა, რომ... ერთ სიტყვით, თუ კაცი სანდოა, უნდა იყოს მისი სითავმდებლე, შრომისმოყვარეობა, პატიოსნება, ზნეობა... მეც ვხედავ და არა ერთა და ორისაგან გამიგონია. ამიტომაცაა კიდეც ისე შევეთვისე, რომ... მასპინძელმა თავი კიდევე უფრო ჩაქინდრა და მორცხვად ახედა ხან ცოლს და ხან სტუმარს.

— აი თუგინდ ავიღოთ კიდევე ჩვენი ოჯახი, — რიხიანად გააგრძელა სტუმარმა და მურაბიანი ჩაი კიდევე შეხვრიბა. — ტრახბობით არ ვიტყვი და... მამაჩემი რომ გარდაიცვალა, შვიდი სული ობლები დავრჩით დედის ხელში, სულ ერთი ერთმანეთზე მიმდევრები. უფროსი, მგონია, თერთმეტი წლისა იყო. რა გაქირვება, რა დავიდარება არ გამოვიარეთ, მაგრამ ზნეობა მაინც არ შეგვილახავს. ერთ რასმე ქორს, ან რამე ცუდს კაცი იტყვის ჩვენ ოჯახზე? არ გაგონილა, აპა, პა, პა! ერთი უბრალო ჩირქი არ მოგვცხები. ჩვენ, შვილებიც, ისეთ მაღალ ზნეობიან საფუძველზე აღგვზარდა, რომ დღე ყოველი მისი მადლობელი და მლოცველი ვარ. განა ქალაქში არა ვცხოვრობდით? საცა ყოველ ნაბიჯზე ათასგვარი საფრთხეა... მაგრამ წესიერმა აღზრდამ ყოველ ალიან-ჩალიანი-საგან დაგვიფარა. ოხ, რამდენი ვიცი ცუდი აღზრდის მეოხებით გარყვნილების მორევში გადავარდნილი! — ეს ბოლო სიტყვები ზიზღით წარმოთქვა სტუმარმა და ჩაი კიდევე რამდენჯერმე შეხვრიბა. — ნ...და... ასეა, ბატონო, დამერწმუნეთ, — ამოოხვრით დაუმატა, — მამაკაცებშიაც ურევია რიგიანი და ურიგო პირი...

— რასაკვირველია, — შენიშნა მასპინძელმა, — მეც ერთი და ორი არ ვიცი რიგიანი და პატიოსანი... აი თუგინდ გაბრიელ პეტრეს ძე! გულკეთილი და ღვთის მორწმუნე, ექვს წელიწადს ეკლესიის მნათედ იყო. ყველასაგან მადლობა და პატივი დაიმსახურა; ქების ფურცელი და ლოცვა-კურთხევაც მიიღო. ღმერთიც ეწევა; სამი სახლი ააშენა იმ კაცმა...

— დამერწმუნეთ, დამერწმუნეთ, — ხალისიანად შეხედა სტუ-
ჰარმა მასპინძელს და მარჯვენა ხელი გულზე მიიღვა, — დამერწმუ-
ნეთ, რომ თუ ახალი აზრის თანახმად გავრცელდა განათლება.
უზნეობას და უპატიოსნებას ადამიანთა შორის ადგილი არ ექნება.
ჩვენ თითო-ოროლა მაგალითი მოგვყავს პატიოსან კაცებისა და
მაშინ წინააღმდეგ, უპატიოსნო კაცები შეგვექნება. თითზე ჩამოსა-
შვლელი.

— ღმერთმა ქნას, ღმერთმა ქნას, — გაუბედავად ამბობდა:
მასპინძელი, თითქო ნაკლებად დარწმუნებულია სტუმრის სი-
ტყვების ძალაშიო.

— მერწმუნეთ, მერწმუნეთ, — უღვაშების გრეხით ამბობდა
სტუმარი...

— კი, კი, მეც თანახმა ვარ, მეც, — გულუბრყვილოდ წარმო-
თქვა დიასახლისმა.

— მეც მოტრფიალე ვარ კაცობრიობის ზნეობის განსპეტაყე-
ბისა. საჭირო კი არის სწორედ, რამე წამალი მოიძებნოს, თორემ
შენი მტერი, სულ დაეცა ნამუსი. განსაკუთრებით ამ ქალაქ ალაგას.
ხადაც მთელი მილეთის ხალხი შეგჯუფულია, რა და რა ხდება,
ღმერთო ჩემო! ქუჩაში რომ გავიხედავ ხანდახან, პატიოსნებას
გეფიცები, გული მერევა! ისეთ საზიზღარ სცენებს წავაწყდები,
ეს ქუჩაში, კედლების გარეთ და კედლების შიგნით კი ვინ იცის
რა ხდება. ალბათ, გულზე ამდენად იმიტომ მხვდებოდა, რომ, —
შეჩერდა დიასახლისი, თითქო ქმრისა რცხვენიაო და ცოტა შე-
წითლდა. — მეც, ბატონო, თქვენი არ იყოს, ცოტა სასტიკ ზნეო-
ბიან ოჯახში ვარ აღზრდილი. დედაჩემი, აცხოვნოს ღმერთმა, მამა
ნუ წამიწყდება, ისეთი მაღალი ზნეობის ქალი იყო, რომ ახლაც,
ხოცა წარმოვიდგენ, გაოცებული ვარ... ღმერთო ჩემო! ოცდა
ერთი წლისა ვიყავი, როცა გამათხოვეს და რას ერქვა გათხოვე-
ბა, ბინდბუნდად მქონდა წარმოდგენილი. ვითომ გგონიათ კარ-
ჩაკეტილად ვცხოვრობდით? სრულებით არა! თუმცა ძველი დრო-
ის ქალი იყო, მაგრამ, თქვენ რომ ბრძანეთ, იმ ახალი აზრისა იყო
ასიც. ეტყობა ბუნებით დიდი ნიქის მქონი უნდა ყოფილიყო. პა-
ტარობითვე, რაც თავი მახსოვს, სულ სტუმრები მოდიოდნენ
ჩვენსა. ვინ გინდა, ვინ გინდა, ბატონო: გიმნაზიელები, აფიცრები,
თითქმის. სემინარიელებიც. ერთი ჩვენი ნაცნობი სემინარიელი ახ-
ლა ბლალღინია, თურმე ჩემი ცოლად შერთვა უნდოდა, ხი, ხი,
ხი, — ჩაიკისკისა დიასახლისმა და ქმარს გადახედა. — მაგრამ თურმე
ხაბრალომ წინადადების მოკრება ვერ გაბედა, ახლახან შემხვდა.

გაბეცინა, რომ ვნახე. კინალამ ვერ ვიცანი, ვასოჯან, — მიუბრუნდა ქმარს. — ვზივარ კონკაში და შევხედე ვილაც მღვდელი თავს მიკრავს, შევაჩერდი, ის, ანდრო, ღმერთო, გამეცინა. სალაპარაკოდ რომ შემხვედროდა, ყავაზე მოვიწვევდი, შენ ხომ არ გეწყინებოდა, ვასოჯან! — და ქმრისაკენ გადიხარა დიასახლისი.

— ეჰ! — ზანტად ხელი დაიქნია ვასილმა და დაღლილი თვალებით სტუმარს შეხედა და უშნოდ ჩაიციხა, თითქო უნდა თქვა: რას ბოდავს ეს დედაკაცი, ჩემგან იქვიანობა ვის გაუგონიაო.

— ხა, ხა, ხა, — გულიანად ხარხარებდა სტუმარი და თან ჩაის ხვრეპავდა.

— იმას მოგახსენებდით, რამდენი უცხო პირები მოდიოდნენ ჩვენსა, — გააგრძელა დიასახლისმა, — მაგრამ ერთი ბეწო რამე ჩვენ ოჯახში? ღმერთმა დაგიფაროს. პრინცის შვილიც რომ ყოფილიყო, ვერ გაბედავდა ერთ რასმე უდიერ და უწესო სიტყვასაც კი დედაჩემთან? მაგისტანები რამე? ოი, ოი, ოი! ერთხელ, მახსოვს, ერთმა ოფიცერმა, ნასვამი უნდა ყოფილიყო, რაღაც გაიხუმრა, ცუდი რამე ეთქვას არა, ისე... და დედაჩემმა მაშინათვე სახლიდან დაითხოვა და ის იყო და ის, მას შემდეგ არ მიუღია ჩვენ კი ისე გვზრდიდა, რომ... აი ვასოსაც კითხეთ, ახლაც მარტო რომ დავრჩები მასთან, თითქო რაღაც მრცხვენია...

— რა სათქმელია, ბატონო, განა არ ვიცი, — რწმენით მიუგო სტუმარმა. — ცხადია, ბატონო! მე ერთობ მოხარული ვარ! როგორც გეტყობათ, თქვენც თანაუგრძნობთ ახალ აზრს და ცოცხალ მაგალითთადაც გვიმტკიცებთ, დროა, დროა, ბატონებო! — ალტაცებით წარმოთქვა გრიგოლმა, — დროა, რომ ვისაც ცოტა რამ განათლებამიუღია და ზნეობაც შეუღაბავი შერჩენია, დაეხმაროს ამ საზოგადო, თითქმის მსოფლიო უსაჭიროებს და კეთილ საქმეს... მიკვირს, ვასილ, — ტკბილად მიუბრუნდა მასპინძელს, — კაცო! ზოგიერთს, რა ზოგიერთი გინდა, თითქმის უმეტესობას დღემდე დაუჩემებია ის დახვედრული აზრი, ვითომ, თუ ქალი და კაცი ერთად არიან, უსათუოდ რასმე უზნეოს გაივლებენ გულშიო. დალახვრა ღმერთმა, მე ვითომ კაცი არ ვიყავი? ცოლის შერთვამდინამდენ ქალს ვიცნობდი, ანგარიშიც არ ვიცი, ზოგიერთთან მარტოც შემხვედრია დარჩენა, სეირნობა, მაგრამ, უბრალო მეგობრობის გარდა, რომ არაფერს ვგრძნობდი? მაგრამ იმედი უნდა ვიქონიოთ, ახალი განათლება გაფანტავს ველურ შეხედულებას ქალეთა დამოკიდებულებაზე და მოვა დრო, როცა უცხო ქალი და კაცი ათას ვერსსაც გაივლიან ისე, როგორც და-ძმა, მე ეს მტკიც-

უცდ მწამს, ბატონებო, მტკიცედ, მომავალი დროის ყურებაც საჭირო არაა. ნამდვილი განათლებული, მე აქ ნამდვილ განათლებულს ვგულისხმობ, ახლაც ისე იქცევა, როგორც სასურველია. მხოლოდ ცრუ სოფელი და თათრები ფიქრობენ, რომ უცხო ქალის ან კაცის გულგრილად ერთად ყოფნა შეუძლებელიაო და ამიტომაცა იგუნეულობენ და იმალებიან.

მასპინძელმა თავი ისევ ჩაქინდრა. ეტყობოდა მას თავისი კერძო საქმეები უფრო აწუხებდა, ვინემ მსჯელობა იმაზე, თუ ვინ სჯობია, ქალები თუ კაცები, ან მათი ერთად თუ განცალკევებულად აღზრდა სჯობდა. ის მაგგვარ ფიქრებით თავს არ იწუხებდა. პრაქტიკის კაცი იყო. აკეთებდა თავის საქმეს რიგიანად და გულმოდგინედ და დაუღალავადაც, თუ გნებავთ. თვეში სამი მანეთიდან დაიწყო თუთხმეტის წლისამ რკინის გზის დეპოში და ახლა, ოცდაპეცხრამეტე წელში, თუთხმეტ თუმანზე მეტს იღებდა ერთს მდიდარ კერძო ქარხანაში. ხანდისხან სმაც უყვარდა და თამაშობაც და თუ თავისუფალი დროც გადაჩებოდა, უმეტეს ნაწილად. ეძინა.

II

— ასე რამ დაგაფიქრათ, ვასილ ვასილიჩ! — დაეკითხა სტუმარი მასპინძელს.

— ო! — თითქო გამოერკვაო, მიუგო მასპინძელმა. — საფიქრებელი ბევრი მაქვს, მაგრამ ახლა ერთი რამ მიტრიალებს თავში. მგონი ამ მოკლე დროში ბაქოსკენ შემექნეს წასვლა.

— ეხ, ერთი შენცა! რალა დროის ბაქოში წასვლაა ამ დღესასწაულებში, მერე წადით იანვარში. უქმეები კი აქ გემოზე ვატაროთ. ახალ წელიწადს რალა!

— ეხ! უქმეები უქმეებია, მაგრამ საქმეც საქმეა და, არა, წასვლა კი არ მეზარება, — ცოტა-ცოტად გამოცოცხლდა მასპინძელი. — მეშინია, ვაითუ რაზედაც მგზავნიან. ის რიგიანად ვერ შევასრულო.

— მაინც რა ყოფილა ისეთი.

— საქმე იმაშია, ბატონო, რომ ახლა ჩვენს ქარხანაში ახალი მანქანა გვინდა შევიძინოთ. ჩვენ რომ გვინდა, მაგის მზგავსი აქ არსად არ არის. ბაქოში მოუტანიათ ერთ ადგილას და იმის დასათვალიერებლად და რამდენად გამოსადეგი და ხელსაყრელი იქნება ჩვენი საქმისათვის, იმის შესატყობად მგზავნიან. პატრონი,

თითქმის ინჟინერს არ ენდო და მე გამომიჩნია, და თუ ღმერთმა ინება და რიგიანად შეევასრულე, თვეში ორი თუმანი ზედმეტი თუ გინდ ახლაც ხელში მქონდეს!

— თქმა არ უნდა შეასრულებ, რა სალაპარაკოა. ნუ! შეასრულებ, შეასრულებ, — ტუჩებგაბუტვით მიუგო გრიგოლ მიხეილის ძემ. — მხოლოდ ამ დღესასწაულებში კი ნუ წახვალ. ახლა კი ერთი დარდის გასაქარვებლად ცოტა ვიბანქოთ, ვითომ რას იტყვი?

— არაფერს, — ოღნავ სიცილით მიუგო მასპინძელმა.

ბანქოს თამაშობა დაიწყეს. დიასახლისი სამზარეულოსაკენ წავიდა.

ვილაცამ კარები დააკაქუნა.

— მობრძანდით, — დაუძახა ვასილმა.

კარები გაიღო და ოთახში შემოვიდა ასე შუა ხნის კაცი. ტანი სამოსზე ეტყობოდა, რომ მოსამსახურე უნდა ყოფილიყო.

— ა... ვანო! რა ამბავია, — მიეხმაურა მასპინძელი.

— ბატონი გიბარებთ.

— ქარხანაშია?

— არა, შინაა.

— ახლავე...

— ჰერიპა, ჩემო ძმაო, შენ რა სულმოკლე კაცი ყოფილხარ, — მიუბრუნდა გრიგოლი ახალმოსულს. — მე ახლა, ძმაო, მოგების გზას ვადექი, აი ხედავ, რამდენი კოზირები მყავს და შენ კი საღვალაც ეძახი ჩემს მოპირდაპირეს.

— მე რა შუაში ვარ, ბატონო, — იმართლა თავი მოსამსახურემ.

— შენ ხარ შუაში, შენ ხარ შუაში! — გაფანტულად მიუგო გრაგოლმა.

— ალბათ, მე რომ ახლახან გეუბნებოდით, იმაზე მიბარებს, — წამოიძახა ვასილმა; ბანქო საჩქაროდ დააგდო და დაფაცურდა. პაპიროსიც პირში ჩაიდლა და ჭიბაში წუმწუმის კოლოფს ძებნა დაუწყებო. — უკაცრავად, გრიგორი მიხაილიჩ, — თან ეუბნებოდა სტუმარს. — ჩემ მოსვლამდი არ მოსწყინდე როგორმე. მე ახლავე მოვალ, დიდი, დიდი, ოცი წუთი ან ნახევარი საათი დამაგვიანდეს.

— რა ამბავია, ვასო, — გამოილაპარაკა ანეტამ.

— არაფერი, ჩემო ძვირფასო, რაღაც ქარხნის პატრონი საჩქაროდ მიბარებს. მე ახლავე მოვალ, სტუმარი ჩემ მოსვლამდი აბ მოაწყინო. მე ახლავე, მე ახლავე, — თან ამბობდა ვასილი და თან ქელს ეძებდა.

— არა, ჩემო ძმაო. — ნაღვლიანად წარმოთქვა სტუმარმა, ისე-

თი ხმით, თითქო მამის სიკვდილი შეატყობინესო, — მეც ჯობიან ჩემს გზას გავუდგე. შენ როდის მოხვალ, ღმერთმა იცის. მე ვიცი ამ ახალ მანქანაზე გექნებათ სჯა-ბაასი და ხვალ დილაში ღმერთმა მშვიდობით გაგათავებინოთ.

— არა, არა, ნუ ჩქარობ, გრიგორი მიხაილიჩ! მე ახლავე, ღმერთმანი, თამაშობა გავაგრძელოთ.

— მაშ ჩქარა თუ არ მოხვედი? — თითქო განჩინებას უცხადებდსო, მიუგო სტუმარმა, — იცოდე გავიქცევი, ქალებთან ჯდომა, მართალი გითხრა, ჩემო ძმაო, ბევრი არა მჩვევია. ჩემ ცოლთანაც მომეწყინება ხოლმე...

მასპინძელი საჩქაროდ გავიდა, სტუმარი სავარძელში აჯდა, ხელში ბანქოს გროვა ეჭირა და ურევდა. დიასახლისი გულხელდაკრეფილი კუთხეში იდგა. ის იყო ასე ოცდა ხუთი წლის, საშუალოზე ცოტა მაღალი, კარგი შეთქვირებული ლამაზი ქალი.

ორივეს სახე ეფითრებოდათ. სტუმარი ოდნავ აძაგდა და დაკვირვებით შეაჩერდა ქალს.

— ანეტა, — ჩუმად წარმოთქვა მან.

— რა იყო? — მიუგო ქალმა.

— რავა რა იყო, ყოველთვის ასახსნელია? ვერა მხედავ? კაცი ლამის დავდნე.

ქალმა იკვირანად შეძახდა. დამდნარს არაფერი მიუგავდა, კარგა შეტროცობილი, ასე, ოცდა ათის წლის მამაკაცი იყო.

— ენას ძვალი არა აქვს, — მიუგო ქალმა, — თქვენ სულ მასე იცით! ქალს აედევნებით ცოფიან ძაღლივით, გულს აუძგერებთ, სიყვარულს გაუღვიძებთ და თუ როგორმე პირუტყვეული შოთხოვნილების დაკმაყოფილება მოასწარით, უკან მოუხედავად ვაიქცევით...

— ღმერთი, რჯული...

— სუთ, სუთ, კმარა! ყურები გამომეჭედა მაგნიირი სიტყვებით, იმ დღეს რად არ მოხვედით?!

— შენ თავს ვფიცავ, ჩემო ანგელოზო, — ათრთოლებულად წარმოთქვა გრიგოლმა და ქალისაკენ გაექანა.

— სუთ-მეთქი, იქით დაიწიეთ. ფანჯარაში ვინმე შემოიხედავს.

გრიგორი მიხაილიჩმა შეშინებულ ირემივით ფანჯრები აათვალიერა. ფანჯრებზე ყველგან ფარდები იყო ჩამოფარებული და ვინიმე გარედან შემოხედვა საშიში არ იყო.

— ჩემო თვალის სინათლე, ჩემო ანგელოზო! განა ისე მიყურებ? ჩემო ძვირფასო, შენს ნახვას და შენს სიახლოვეს ყოფნას განა

რამე ბოიჩენია ამ ქვეყნად?! მაგრამ ხო იცი, შიში... შიში... და ქვეყნის შურიანი და ბოროტი თვალი. განა არ იცი, ჩემო ღვთაებავ. რომ გარეშე მაყურებლების ხარბ და შურიან თვალებს აღაჩაფერი გამოეპარება... მეშინიან... მეშინიან, ჩემო გულის კლიტევე. — ამ სიტყვებით ნელა კისერზე ხელი მოხვია ქალს: ქალი არ უწინააღმდეგა და ორივენი ერთმანეთს გადაეკონენ.

— ოჰ, ვითომ შეაღერსები, ვითომ გიყვარვარ? — მომღურავი კილოთი ეუბნებოდა ქალი. — გუშინწინ არ დაგინახე, გგონია, ვამომეპარე? ვილაც სქელ-სქელ ქალს მიყვებოდი და ისე ეკუნტრუშებოდი ამ ჩემ ფანჯრის წინ, თითქო მე მაჯავრებდი.

— აბა რაებს მეუბნები, გენაცვალე, ხომ არ მოგჩვენებია, რას აშობო!! უიმისოდაც ეს არის კაცი გადავირიო და შენ კიდევ რანაირ სიტყვებს მეუბნები. რატომ არ დაიქცა ის დღე, მე შენ როცა პირველად დაგინახე... დამე არა მძინავს, სმა-ჭამა ჩემთვის გემრიელი არაა... უბრალო კაცის შებრალებაც არა გაქვს? გულში ქვა გიძიქვს? — გულაჩვილებულად დაუმატა გრიგოლმა.

ქალმა არა მიუგო რა, მხოლოდ კაცის მკერდს მიეხუტა.

— ჩემო ოქროვ, ჩემო ალმასო, — წაბლისფერ ხშირ თმაზე ხელ გადასმით გააგრძელა სტუმარმა. — განა არ იცი, განა არ იცი ქვეყნის შურიანი და ხარბი თვალი... განა არ იცი, სულიყო? ჭერ ერთი, ჩემი ცოლი. უჰ! რა ექვიანია. რა ექვიანია, ისეთი ექვიანია! პროკურორია რაღა, პროკურორი, ყოველი ფეხის გადადგმის ანგარიშს თხოულობს... მგონი კიდევ შეეპარა ცოტა ექვი... რაღაც საეშმაკოდ. გენაცვალე, ამ დღეებში შენი, გენაცვალე, შენობით ვილაპარაკოთ!

ქალმა ამღვრეული თვალებით ახედა და ოდნავ დაუდასტურა, კაცი დაეწათა და ცხელ-ცხელი კოცნით დაუფარა ლამაზი ლოყატუჩები.

— დიახ, გენაცვალე. რაღაც საეშმაკოდ შენი ქება შემცდა, ეს რომელი ანეტა ყოფილაო, ოდნავ მაღლა ცხვირის აწევით, ცივად შენიშნა ჩემმა ცოლმა. — ჰო, ჰო, ვიცი, ვიციო, მე მაგას ვიცნობო. ცუდი არაფერი უთქვამს, მაგრამ შენი მტერი, სახეზე შევატყვე, რომ ინსტინქტმა რაღაც უსიამოვნო და საეჭვო გულში ჩასძახა. მისი ქმარი და მე გულითადი მეგობრები ვართ-მეთქი, ვუთხარი. იმან კი საორქოდოდ ამათვალიერა-ჩამათვალიერა. მეც, რა თქმა უნდა, ავიბნიე და თემცა საჩქაროდ სულის სიმხნევე მოვეკრიბე და თამაში გამომეტყველება მივიღე, მაგრამ ერთ წამს სახეზე შეცვლა და ფრთხილად აქეთ-იქით მიხედვა საკმარისი იყო, მის გულს ექვის ბურუსი

გარდაფენოდა. ბედზე, ამ დროს, ჩემმა ბიჭუნამ, ჩემმა პაწია გიგომ ოსეთი ბლავილი მორთო აკვანში, რომ, მგონია, ჩვენი მეეზოვე, გულქვა არსენაც დააფრთხო. დედა მაშინათვე შეიღისაკენ გაექანა და მე ოსე ოსტატურად გავაბი ლაპარაკი სულ სხვა საგანზე და ისე მოვეალერსე, რომ შენი ამ ქვეყნად არსებობაც დავავიწყე... საშიშია, ჩემო სულიკო... მეშინიან... აგრეთვე ვასო! ვასო! ვაიმე, რამე ექვი თუ აიღო, ხუმრობა როდია, გენაცვალე, საცოდაობა დატრიალდება. სიფრთხილეს თავი არა ტყივა, ჩემო სიცოცხლეც, სიფრთხილეს!..

— ვასოს მაგისტანებისათვის არა ცხელა. მაგი არავითარ ექვს არ აიღებს. ის ძილშიაც მანქანებით ბოდავს.

— სიფრთხილე მაინც, გენაცვალე, სიფრთხილე! — ცოტა გაკვირვებულად ამბობდა სტუმარი და ქალს გულში იკრავდა.

— ჩემო გვრიტიკო, ჩემო გვრიტიკო, — ლულულუღებდა ქალიც.

— ოხ! რომ იცოდე, გენაცვალე, რარიგად გული მიღელავს, ღოცა ამ ეზოში შემოვდივარ, როგორ მოვდივარ. არც კი ვიცი, ყელელი, ქვა, ხე სულ მე მიყურებს. მგონია თქვენმა მეეზოვემაც, ვილაც კრუამაც. დღეს რომ მოვდიოდი, რაღაც ექვენულად შემომხედდა. თუმცა თავდაბლა ქული მომიხადა და ცოცხიც ძირს დაუშვა.

— შენ, ალბათ, გელანდება, ხომ გაგიგონია: ქურდს ქული ეწვიხო, — სიცილით მიუგო ქალმა.

— შეიძლება. შეიძლება. ჩემო მტრედუნავ, ჩემო, — თქვა გრივოლმა და.

— არა, სუ! — უცბად წამოიძახა ქალმა და შეიკუმშა. — ეს არ შეიძლება... არა... არა...

— ჩემო თვალის ჩინო! ჩე...

— არა, არა!

— მაშ შენი ხელით მომკალი...

— ისე გვიყვარდეს ერთმანეთი. გრივოლ, ეს არა. აი თუ გინდა, მაკოცე!

— მე თავი ცოცხალი არ მინდა! მე... იცოდე, რომ... თავს მოვიკლავ... მე შენ გაღმერთებ... მე შენთვის ყველაფერი დავივიწყე. ღმერთო ჩემო, არ ვიცი რა ამბავია ჩემს თავზე... მე ჩემს თავს არ ვეკუთვნი... იცოდე, რომ სინიდისის წინაშე პასუხისმგებელი იქნები. მაშ კარგი, — შეწუხებული სახით თქვა სტუმარმა და ქალის ბელებისაგან განთავისუფლება მოინდომა.

— ჯერ კიდევ კარგად გავიცნოთ ერთმანეთი, გენაცვალე. —

ტკბილად ეუბნებოდა ქალი და არ უშვებდა. — მერე, მერე ჩემო ბიჭიკო, ახლა ან ვინმე მოვიდეს, ან რამე...

— თქვენი მოსამსახურე გოგო სადღაა, რომ დღეს სრულებით არ ვხედავ, — ათრთოლებით დაეკითხა გრიგოლი.

— სხვაგანაა.

— მაშ ვინ მოვა, მაშ ვინ მოვა, — თრთოლვით ამბობდა სტუმარი და ქალს გულში იკრავდა...

III

— ძლიერ მოგეწყინა? ბევრი დამაგვიანდა? — შემოილაპარაკა ვახილმა და ქუდი დივანისაკენ გაისროლა. — უპ! დავოფლიანდეს, დავოფლიანდი, მაინც რა მიყრუებულ ქუჩაზე ვცხოვრობთ, კონკა: ახლოს არ უვლის, სადმე წასვლა რომ გინდოდეს. ეტლი დაიჭირო, მაგრამ სად არის ეტლი! ერთი ვერსის სიახლოვეს იმასაც არ შეხვდები, თუ არ შემთხვევით. უპ! უპ! — ქშინაედა მასპინძელი და ცხვირსახოცით გაოფლიანებულ თმა-პირისახეს და ჩასქელებულ ცისერს იწმენდა. — ვიჩქარე, ვიჩქარე, მაგრამ, მაინც...

— ეს არის, ძმაო, რაღა, ახლა ვაპირობდი წასვლას, აი ვემზადებოდი კიდევ, ოცი წუთით და საათი კი გავიდა, — მზიარულად მიეაღერსა გრიგოლი და თვითონაც ცხვირსახოცი პირისახეზე წაისვ-წამოისვა და ერთიც ტანისამოსზე დაიხედა. — ჰო, მართლა, რა ამბავია, რაზე მოგიხმეს ასე საჩქაროდ. რას ამბობს თქვენი ქარხნის პატრონი! მთაწმინდაში ქვანახშირი ხომ არ აღმოჩენილა, ან სოლოლაკში ნავთი, — გაიოხუნჯა სტუმარმა.

მათ ლაპარაკზე ანეტაც გამოვიდა.

— რა იყო, ვასოჯან? — ტკბილად დაეკითხა ცოლი.

— ბევრი არაფერი, სულიკო, მომიმზადე რაღა სამგზავრო აბგა, ხვალვე ბაქოში უნდა წავიდე.

— ხვალ დილითა? — უსიამოვნოდ განიმეორა ქალმა და ძირს დაიხედა.

— ეხ! ბაქო კი არა, მაგათი დაქცევა... ამ დღესასწაულებში რაღად გინდათ, კაცო, მანქანა... აგერ ჩვენ თვითონ მანქანა არა ვართ?! — გულნატკენად შენიშნა სტუმარმა. — შობას მინდოდა ანეტა და ჩემი ოჯახობა ერთმანეთისათვის გამეცნო, ჩემ ცოლს ძლიერ სწყურია ანეტას გაცნობა. პატარაობის დროს იცნობდნენ თურმე ერთმანეთს... მაინც, შვილოსა, რა უბედურებაა ამ ექსპლუატატორების საქმე! სწორე გითხრა, მიკვირს; ერთი დღე მოს-

ვენებული ვინ გაიგონა, სულ მხოლოდ შეძენის სურვილი კლავთ: დღე და ღამე...

— რა ვუყოთ, — გულდამშვიდებით მიუგო ვასილმა. — საქმემ, ჩემო კეთილო, დღესასწაული არ იცის... მარტო შეძენის სურვილით ნუ სჯით! თქვენ, სამსახურის კაცებმა, ე. ი. მოხელეებმა, არ იცით რას ჰქვია დიდი მრეწველობა. თქვენ ზიხართ ღამაზად, შერხარ ჩემი ბატონი, თბილად ოთახში, ან წერთ, ან ანგარიშობთ. იღებთ გადაქრილ ჯამაგირს და გათავდა. შიში არაფრის გაქვთ. თქვენი ლუკმა უზრუნველყოფილია... მრეწველობაში კი ნამდვილი ბრძოლაა! მარტო შენ როდი ხარ; აი მეორეც შენსავით შრომობს. მენ. ვთქვათ, პროტოკოლი შეადგინე, მოსკოვში შენმა თანამოხელემ კიდევ პროტოკოლი შეადგინა. ნუ გეშინია, დავას არ გაგიწევს, ჩემი პროტოკოლი უკეთესადაა დაწერილი. ორივეს უკრავენ შკაფში თავს და მორჩა... ჩვენთან კი სასტიკი კონკურენციაა გამართული! შენ აკეთებ შენს ქარხანაში რამე საქონელს, მეორეც აკეთებს და ცდილობს შენზე უკეთესი და უფრო იაფი გამოუვიდეს. შენც უნდა ეცადო, უკან არ ჩამორჩე! თუ ცოტა უკან დაიხიე, შაბაში! დაილუპები. დღედაღამ უნდა ფაქრობდე. შენ მოპირდაპირებს წინ გაუსწრო... შობა კი არა, მგონი აღდგომაც დაგავიწყდება. აი ჩვენს პატრონს, ცოტა რამეზე, შარშანწინ, სულ უბრალო მიზეზზე კინაღამ ფირმა დასაკეტი შეექმნა. ეჰ! ჩემო მეგობარო. რომ იცოდე, რა მქისეა მილიონების საქმე, რა ბამბის ძაფზე კიდია მისი ბედ-იღბალი? თუ მოიგო, ერთად იგებს, თუ წააგო, ქვით! ეს არაფერი, — ვითომდა თავისთვის ჩუმად დაუმატა ვახომ, — მე როგორმე რიგიანად შევასრულებდე ჩემ დანიშნულებას, თორემ... იქაც ხერხი უნდა და? აშკარად რომ მიხვიდე მაგათ ქარხანაში და ეს და ეს მანქანა მინდა დავათვალიეროვო, რომ უთხრა.. პანლურის ცემით გამოგაგდებენ. ფულიანებს ერთმანეთის ეინი კლავს, ახალს რასმე ერთიმეორეს არ გაუშვლავნებენ. ხერხი უნდა: ვიხმარო და ისე მივიღე, თითქო აქ არაფერიო, წვრილფეხობასაც აქა-იქ პირი უნდა გაუტკბარუნო საახალწლოდ, ისე უნდა მოვიქცე, რომ არავითარი ეჭვი არ აიღონ. ეს უნდა ქარხნის პატრონს. შობა დღეა ნამდვილად ხელსაყრელი მაგისტანა საქმისათვის, — მხიარულად დაუმატა მასპინძელმა იმნაირ კილოთი. თითქო ახალი რაღაც აღმოაჩინაო.

— უი! როგორ იქნება, ღმერთო ჩემო, ესეც სამსახურია. უქმნი არ გააჩნია და საქმე, — ბუზღუნით წარმოთქვა ანეტამ და მტირა...

ლი სახე მიიღო. — არ მინდა, არა... შენ ხეალ წახვიდე... მინდა აქ დავიხე, არ მინდა, არა... ნუ წახვალ.

— კი, გენაცვალე, რა ვქნათ, ბეჩა აბა, ცხოვრება გვინდა, რაც შეიძლება ადრე ჩამოვალ, საახალწლოდ მაინც, უსათუოდ, — მივალვარსა ქმარი.

— შენ ეს მითხარი, კაცო, და...ო... რა უნდა მეკითხა, — თითქო ალიერ ვინტერესება ეს კითხვაო, წარმოთქვა ცოტად შეწითლებულმა სტუმარმა და ცხვირსახოცით სახე მოიწმინდა, მერე მავარი ხველა აუტყდა. — ჰო, ჰო! ეგ ოხერი, მგონია, სურათანდ; დამმართნია... ჰო... ის უნდა მეკითხა, როგორა ბრძანდება თქვენი ქარხნის პატრონი?

— მაგას რა უქირს! ჯერჯერობით სალი კვლდესავით არის საქმე...ო... მართლა, ის კი არა. ისეთი გულმოსული დამხვდა. რომ შენგეშინდა. კაცი არ გადაიროს-მეთქი.

— რა მოსვლია?

— ჰმ! საკვირველია დღეს, რაღაც მაგნიირზე ვლაპარაკობდი ჩაიხე. გიმნაზიაში სწავლობს მისი ასე ცხრა-ათი წლის გოგო. თურმე ნუ მეტყვიო. წერილების გზავნა დაუწყია ერთ ბიჭთან, მამას რაღაცნაირად ხელში ჩავარდნია ეს წერილები, მგონია, იმ ბიჭის მამას გამოუგზავნია და, შენი მტერი, ისე გაქირვებული იყო თურმე, სულ ცოფსა ჰყრიდა. მე რომ მივედი, ცოტა დამშვიდებულიყო, მაგრამ მაინც...

— ეჭვი ათი წლის ბავშვმა მიწერ-მოწერა გამართა ვაჟთან? ეჭვი? — დაფიქრდა სტუმარი.

— აბა, შე კაცო! დაიკარგოს მაგათი წერა-კითხვაც, მათმა ჭლებნამ მე ცოტა ხელი შემეშალა?... ის არა, შეიძლება მეტი ფულები მოეცა ჩემთვის სამგზავროდ...

— მერე, მერე, თქვენ გგონიათ, რომ ეს ამბავი ჩემს აზრს არ ღვევს? — საქმიანად წარმოთქვა სტუმარმა, — პირიქით, ვასილ, დაპერწმუნე. ანტიციებს!

— ჩემთვის სულ ერთია. — გულგრილად მიუგო მასპინძელი. — მე ხომ მოგახსენე, პედაგოგიკის არა გამეგება რა-მეთქი.

— არა, მაინც, არა, მაინც, — ცხარობდა სტუმარი, — ეს ისეთი საზოგადო კითხვაა, რომ გარკვევა უნდა. ხომ მოგახსენე, რიგიან აღზრდას რიგიანი საფუძველი უნდა-მეთქი, ე. ი. ზნეობრივი კანონია საჭირო, თუ შეიძლება ასე ითქვას. შენი ქარხნის პატრონზე კი, შენ რად გეწყინება, და ამბობენ, დიდი გარყვნილი ოჯახის პატრონიაო და რა გამიკვირდება, როცა... ჰა, ჰა, ჰა! — უგულოდ ჩაი-

ცინა სტუმარმა, — რა გამიკვირდება, როცა ბავშვი ეოველდღე უზნეობას ხედავს დედ-მამისაგან, რომ თვითონაც არ...ში...ყოფ: დაიწყოს, — ბოლო სიტყვები ძლივს გასაგონად წარმოთქვა სტუმარმა და მორიდებულად თვალები აქეთ-იქით დააბრია, თითქო უზინიან, დიასახლისმა უშვერი სიტყვა არ გაიგონოს. აატარაო-ბითვე მალალ ზნეობიან საფუძველზე აღზრდილ განათლებულ კაცისგანო. ტყუილად შეეშინდა! დიასახლისი ოთახში არ იყო. — სრული კეშმარიტებაა, — ზალისიანად განაგრძო სტუმარმა, — მართალია, რაც ნათქვამია: ეკლის ადგილას ეკალი ამოვარ... და... მაშ ასე, ამ შობას აქ არ იქნები? ჩაიხ, ჩაიხ. მწყენია, როგორც კაცი, ძლიერ შეგეთვისე, ერთი კაცი ძლივს გიპოვე, ვისთანაც ამ აუტანელ შრომის შემდეგ ცოტა გულს გადავყოლებ ზოლმე...

— ეხ! რომ იცოდე, მეც რამდენი ჯაფა მაწევს თავზე. დამერწიუნე, მთელი კანცელარია მე მბაბრია. ყველაფერზე თუ შენი ზელო არ მივიდა... მართლა, დაგვაფიწყდა! ბანქო? არ ვითამაშოთ? ლაპარაკს გადავყვეით.

— როგორც გენებოთ, მე წინააღმდეგი არა ვარ.

— მაშ კარგი. აბა ვნახოთ რომელი საათია! — ორივემ ხაათხ დახედა!

— ოჰო! — წამოიძახა სტუმარმა, — ეკვე ოთხი საათი ყოფილა!

— ჩემსაში კი შვიდი წუთი აკლია, ზარბაზნთან * შევასწორო დღეს.

— და წარმოიდგინე თითქმის ბნელა. რა ჩქარა დამდება ის დეკემბერში.

— ბნელა, ბნელა. — მრავალმნიშვნელოვნად გაიმეორა სტუმარმა. — მე კი ხუთ საათზე გოლოვინის პროსპექტზე უნდა ავიარო. ერთი ნაფიცო ვეჭილი უნდა ვნახო, ექსტრენი საქმე მაქვს: ერთი ნახევარი საათი მაინც წავითამაშოთ.

— მაშ კარგი.

და ორივენი სათამაშოდ მაგიდას მოუსხდენ.

— ოხ! შენ ხეალ არ მიდიოდე, ეშმაკს წაუღია მანქანაც და ჩანქანაც, — ამოიოხრა სტუმარმა. — თქვენ დაარიგებთ?

— ვისაც ნაკლები მოუვიდეს.

— მაშ კარგი. — სტუმარმა ორი თითით ნაზად აიღო ბანქოხ რამდენიმე ფურცელი. — ეხ! ექვსიანი შემხედა.

— მე კიდევ ქალი...

* ქალაქში ყოველ 12 საათზე ზარბაზნებს გაისროდნენ ზოლმე

— ქალებზე ბედი გექნება! კვი — ენა წაიკვნიტა სტუმარმა და ფრთხილად კისერი მხრებში ჩაიძვრინა, თითქო ეშინია, დიასახლისს არ გააგონოსო.

— ერთი ლამაზი, გენაცვალე, ანეტაჯან, — დაიძახა ქმარმა.

— ახლავე, გენაცვალე, სანთელსაც მოგიტან.

ბანქოს თამაშობას შეუდგნენ.

— ო!.. ჩემო სულიყო, ეს კუჩიანად ქენი, სანთელიც რომ მოგვიტანე. ახლა სრულ სინათლეზე ვილადადებთ რაღა... შობაჰკვი შენ მარტო ილადადებ არა, გეთაყვა? — ბავშვური კილოთი დაეკითხა ქმარი.

— ეი, არ მინდა, არა, — აბუზღუნდა ცოლი. — აქ დარჩი... რა... მერე ნაშობევს წადი, — და ქმარს მხარზე დაეყრდნო.

— ეი, გენაცვალე, ჩქარა ჩამოვალ, — მიეაღერსა ქმარი, ხელი დაუჭირა და ფუნთუშა და ბროლივით თეთრ ხელის ზურგზე აკოცა.

— ო... შენი კირიმე, — ნახევარი ხმით ბუტბუტებდა სტუმარი და რომ არ გადაეხარხარა, ტუჩებს იკვნეტდა და გულმოდგინედ ბანქოს ჩახეჩრებოდა... — ო... მომითმინე, შენი კირიმე, ეს კოზირი, კარგი, მაგრამ ჰო, სულ ერთია; არა, არა, რატომ? კოზირი ხელიდან არ უნდა გაუშვა... (არც ერთი კოზირი არ მოეძეგებოდა)... არა, არა, ეს... მაგრამ სულ ერთია...

— აბა მოდი, მოდი რაღა, — ეუბნებოდა უკმაყოფილო მოპირდაპირე. ეტყობოდა ქარხნის პატრონისაგან ხელცარიელი არ დაბრუნებულყო. ჯიბეში ფული, გვერდით ლამაზი ცოლი, ოხ ნეტარებავე! — მოდი, მოდი, ნუ ძუნწობ კოზირებზე... თუ ღმერთმა მშვიდობა ქნა და რიგიანად შეეასრულე მინდობილობა, მაშინ ნახე და... ექვი სამი ერთად მოხვედი? კოზირიც მოსულიყავი, არ შეგეშინდებოდი... არ მოგიკვდეს იმის მეტი ვასილი ვასილიჩი, ეს ამას, ეს ამას...

ბანქო ორმოც წუთამდე ითამაშეს.

სტუმარი ვითომდა გულმოდგინედ თამაშობდა — სულ რაღაცაებს თვლიდა, ანგარიშობდა, ბუტბუტებდა, ბჭობდა... ხდრე სჯიდა რა და რა ჩამოსულიყო. მოსული ქალაღლები როგორ გაეჭრა. ნამდვილად კი ბანქოზე სრულებით აღარ ფიქრობდა. მას ღღეს გამოვლილი წუთები ედგა თვალწინ და იმაზე ფიქრობდა. ფიქრობდა ახალგაზრდა დიასახლისზე, რომელიც ამას წინათ გულში ჩახუტებული ყავდა და იგივე ქალი ამ რამდენიმე წუთის წინათ ქმრის მხარზე ეყრდნო და იმას ეაღერებოდა, წარმოიდგინა თავისი თ-

გიც ცოლთან ალერსის დროს. — „ოი, დასწყევლა ეშმაკმა, — ფიქრობდა გულში. — რა არის კაცი, რა პირმოთნე არსებაა?! პირუტყვიო, იტყვიან. პირუტყვი ხომ პირმოთნედ არ იქცევა, ოი, ოი, ოე, რამდენი სიყალბე იმალება ამ კურთხეულ ქვეყანაზე?!.. დღეს მაინც რა მორალში ვაგები, რა ზნეობის ქადაგება დამჩემდა, საკვირველებაა... რა ანგელოზად დავსახე ჩემი თავი, მაშოს ან სოფიოს გაეგონათ დღევანდელი ჩემი ქადაგება, წარმომიდგენია, რას იტყოდნენ... ხა, ხა, ნუ? პედაგოგობაც რომ დავიწყე, ფუი ეშმაკს! ზად გაგაძვრენს გრძნობა? პედაგოგობა? რაც სიყრმიდანვე მძულდა. რას მივედ-მოვედებოდი, შენი ჭირიმე! ქალ-ვაჟის ერთად აღზრდა-მეთქი: კმი ეს მაინც რა ეშმაკმა გამახსენა, ან რა მალალი ზნეობის კაცად დავსახე ჩემი თავი? აი, აი, *Упре еро Πανερα* თორმეტი წლისა ვიყავი, ვერის ხილთან გოგო რომ გავიცანი...ე... რა ყალბია ცხოვრება! მაგრამ ასე არ მოვქცეულიყავი, არ ვარგოდა. საქმე უამისოდ არ გაკეთდებოდა. მაინც არ მოველოდი დღეს ამ ზომამდი... მოვედი რაღა, ისე, დაწყებული საქმის გასაგრძელებლად. ანკესი რომ ცოტა ქე მოხვდა, ვიცოდი, მაგრამ ასე ჩქარა... ო! ღმერთო, ამრავლე ქარხნები და მათი კონკურენცია, დიდად ხელი შემიწყვეს!.. მაინც გააჰირა საქმე, მაგრამ არა იმდენი, მე უფრო მეტ წინააღმდეგობას მოველოდი. მაინც იოლად გამოვედი. გიმნაზიაში ყოფნის დროს გაზუპირებული ფრაზების მეტი ირ დამჭირვებია... მაინც გასჭრა. ეხ, შვილო! გიცნობთ, რაცა ბრძანდებით, თუმცა ჩვენც არ ჩამოგივარდებით! რა კარგი სიტყვაა: თავს მოვიკლავ, სიცოცხლე აღარ მინდა, დამე აღარა მძინავსო. ელვასავით მოქმედებს რაღა, დენია, დენი, ელექტრონიხ დენი! დამე არა მძინავს-მეთქი და ისიც დარწმუნებულია. კი მეტყობა სახეზე უძილობა. აი ათ საათზე რომ გავგორდები, დილის რვა საათზე ზეიმით და ზარით მალვიძებენ ხოლმე... შეხედე, ახლავე ექვიანობაც დამიწყო! რა ვუყო ამდენ ექვსს! სქელ ქალს მიყვებოდიო. ვა! მაშ უჩინმაჩინის ქუდი დავიხურო?! მოიცა! ვის მიყვებოდი მაშინ? ჰოი, დასწყევლა ეშმაკმა! იმ ქვრივთან რომ გამოვიარე! წარმოიდგინეთ, ეს შიში მაშინაც ჩამესახა და აქეთკენ არ მინდოდა წამოვსულიყავით და საყასბო ღუქანთან შეუხვიე. აქეთ უფრო ახლოა-მეთქი, მაგრამ გაუხმეს თავი, დაიჟინა: აქეთ, აქეთო! დაუნახივარ წყეულს! ი... დალაზერა ღმერთმა“...

ვასილი კი იგებდა და იგებდა, რაც თვითონაც აკვირვებდა, წადგან ბევრი ვერაფერი მოთამაშე ბრძანდებოდა.

მასპინძელმა ოთხი მანეთი და ექვსი შაური მოიგო. რაც სტუ-

მარს ძლიერ უხაროდა და თვითონაც რაც შეეძლო, შევლოდა. ამიტომ ცოტათი ვითომ და სინიდისს იწმენდდა.

— ეხ! მაშინ მქონდა იმედი! — გონებით თქვა სტუმარმა, — ეშმაკებს წაუღია შენი მანქანაც და მისი პატრონიც და მისი ქოსა მოსამსახურეც. ქოსა კაცმა გიფერხოს და გაიგოს სადაურია?! ჩორთ, ჩორთ მათ საქმეს! მაგრამ დამაცა, ჯერ ერთი დაბრუნდი ბაქოდან! მე შენ გიჩვენებ, დამაცა, თუ არ გაგიცარიელო ქისა.

— ზი, ზი, ზი, — ხითხითებდა კმაყოფილი მასპინძელი და სიხარულისაგან თვალბაწყალბუთი სტუმარს შეჰყურებდა.

დარწმუნებული იყო, რომ მინდობილობას რიგიანად შეასრულებდა, ჯამაგირს მოუმატებდნენ, გზის ფულებიც საკმაო ბლომად მისცეს. ოქახი რიგიანი, მხიარულობდა, მხიარულობდა მასპინძელი, — ზი, ზი, ზი, მართალია, იმ ქოსა კაცმა შეგიშალა ხელი, იმხმოსვლამდე, მართლა შენ იგებდი, ზი, ზი, ზი...

— იმან, იმან, მაგას ორივე ფეხები მოტყდეს, — ჯავრობდა გრიგორი მიხაილიჩი.

— ზი, ზი, ზი, ზი, — ხითხითებდა მასპინძელი.

სტუმარმა საათს დახედა.

— ეხ! ჩემო ძმაო, გადავეყოლივართ... ხუთ საათზე მეტიცაა მაინც რა ხანი დავრჩი დღეს თქვენთან. მხიარულ მუსაიფში დრო მირბის... ნ...და... — ჩამღერა რაღაცა და გააზმორა — აა... ჩემი ცოდვა! მგონი ცოტა უქეიფოთაც ქე ვარ, ე... ამდენი საქმეები ვის არ გახდის ავად... პურის საქმელად რიგიანად არა მცალია. აპა, პა, თუ ავად გავხდი, შენი მტერი, ტა, ტა, ტა, — ისევ გააზმორა სტუმარმა და ჯიბეში ჩხრეკა დაიწყო. — ეჰე! ეს სულ არ ვარგა, პაპიროსიც გამომლევი?

— მე მოგართმევთ, — მიუგო მასპინძელმა.

— სულ ერთია, გავივლი და ვიყიდი!

— არა, რატომ, მე მაქვს, შენახული მაქვს, მიბრძანეთ ვის თამბაქოს უფრო ეწევით!

— სულ ერთია.

— არა მაინც!

— როგორც მომხთება „მირ“, „ბალეტ-პაიაც“, „სიმპატია“!

— აი სწორედ მეც „სიმპატია“ მაქვს. ახლავე მოგართმევთ. მე თითო შაურობით ყიდვა არ მიყვარს, ყოველ შემთხვევისათვის მომეტებული მაქვს, — დაილაპარაკა მასპინძელმა და საწოლი ოთახისაკენ გაეშურა.

— „სიმპატია“. „სიმპატია“, — გაიმეორა სტუმარმაც და ოქვს:

მდგომ დიასახლისს შეაქცერდა, ტუჩები შეუთამაშა და შორეული კოცნა გაუგზავნა. ქალი აენტო და მღელვარე თვალებით გადმოანათა.

— ხვალ საღამოს, ექვს საათზე მოვალ. მოსამსახურე გოგო კიდევ სადმე გაგზავნე, გესმის! — საჩქაროდ წასჩურჩულა სტუმარმა, საქმიანი სახე მიიღო და ზურგზე ხელები მოიწყო და ოთახში გაიარა.

— აჰა, მთელი კოლოფი, მე მიყვარს „სიმპატია“, მართლაც რაღაც თავისებური გემო აქვს.

— ამით გინდა დამწვარი გული გამომრთელო? — ბოროტი დიმილით უთხრა სტუმარმა და კოლოფი გამოართვა.

— ხი, ხი, ხი. — ხითხითებდა კმაყოფილი მასპინძელი.

სტუმარი გამოეწყო. ჯერ ზრდილობიანად დიასახლისს ხელი ჩამოართვა, მადლობა გადაუხადა. მურაბაც შეაქო. რაღაც განსაკუთრებული გემო მურაბაშიაც იპოვა, რაც დიასახლისის ხელოვნებას მიაწერა, მერე მასპინძელსაც ხელი მაგრა ჩამოართვა, საზოგადოდ თავი ორივეს დაუკრა, როგორც წესია კულტურულ წრეში, და გასწია.

— კიბეზე სანთელი მიუნათე. ვასოჯან, — დინჯად უთხრა ცოლმა.

— ჰო, მართლა. ახლავე, — დაფაცურდა ქმარი.

— ნუ სწუხდებით, ნუ სწუხდებით, ბნელაშიაც კატასავით ვხედავ. სხვა თქვი, თორემ, ე! თუმცა ძლიერ მობზეკილი კიბე კი ჰქონია ამ სახლს. ალბათ, ძველი გაკეთებული იქნება. ნუ სწუხდებით. ბატონო!

— არა, რა შეწუხებაა...


— დიდად გმადლობთ, დიდად, კეთილი მგზავრობა! — ამბობდა სტუმარი და კიბის საფეხურს თითო-თითოდ ჩადიოდა და თან ჩელთათმანებს იცვამდა.

— მადლობელი ვარ, რომ გვნახეთ, მადლობელი, შემოივლიდეთ ზოლმე, გამიხარდება. — მიაქანა მასპინძელმა.

— ჰო! გინდა კიდევ ფულები მომიგო? დამაცა მე შენა, ერთხელ ბედი ჩემსკენაც გამოაწყობებს.

— ხი, ხი, ხი, ხი. — ხითხითებდა კმაყოფილი მასპინძელი.





უსიამოვნო შეხვედრა

ამბავი

შეა ზამთარი იყო. სასტიკ ქარს თან ისეთი ხიცივე ახლდა, დომ ატათუ ტანისამოსზე, ძვლებში ლურსმანივით გადიოდა... თუნუქის სახურავებს ისე ძლიერ აწვებოდა ქარი და ისეთი ბზაგუნა მოისმოდა, რომ გეგონებოდათ, ზარბაზნებს ისვრიანო.

ამ ყოვლად საძაგელ დღეს თბილისის „უსახელო საზოგადოება“ გამოეთხიზლებინა, რადგან ტრამვაის გზაზე შუშაბანდიანთა ვაგონები გაეშვათ, რაც იშვიათად შემომჩნევია ხოლმე; თუმცა კი, ამ შემთხვევაში თავისებური ლოლიკით ეხელმძღვანელათ: ვერის ხილზე გამავალი და პროსპექტზე მიმავალი ვაგონების მომეტებული ნაწილი შუშაბანდიანი იყო და ბაზარ-რიყისაკენ მიმავალი კოათში ერთი. ალბათ, უფიქრნიათ: დაბალი ხალხი მაინც ჩვეულათა ყინვა-სიცივეს, ღია ვაგონებითაც იოლად წავა და ვიზრუნოთ, როგორმე პროსპექტისკენ მიმავალ მსუქან ბურუქებს არ შეგვიცივდესო. მე მიხეილის ქუჩაზე ვიდექი, ხელში სავსე ხურჩინი მეჭირა და ვაგონს ვუცდიდი.

მოახლოვდა ერთი უშუშაბანდო ტრამვაი, კუქიის ხედისკენ მიმავალი. — შიგ ათიოდე, მართლა უბრალო, კაცი იჯდა. ერთ ვილაცას, — არ ვიცი სომხის თუ თათრის ქალს, — შავი, უშნო ტუნთვალეები ოდნავ გამოეყო გახუნებულ, ოდესღაც შავი თავსახვევისაგან, ცხვირის წვერი შაბიამანივით გალურჯებოდა და დაგლეჯილ ფარატინებში გამოხვეული ძალზე ძაგდაგებდა.

სხვებიც არ იყვნენ უკეთეს ყოფაში. თვით კონდუქტორიც, თუმცა სქელი შალის ხელთათმანი ეცვა და თავი ყურებთან ყაბალახით მაგრა შეეხვია, მაინც მოკუზულიყო და პალტოს ვიწრო სახელოებში ხელების დამალვას ცდილობდა.

მე ვერისკენ უნდა წავსულიყავი და ეს ვაგონი გავატარე. რამდენიმე წუთიც და ვერისკენ მიმავალი შუშაბანდიანი ვაგონი გამოჩნდა. შორიდანვე შევამჩნიე, რომ შიგ მარტო ორი კაცი იჯდა.

კონდუქტორმა ერთი უკმაყოფილოდ შეხედა ჩემს ხურჩინს. უნდა გამოგიტყდეთ, ძველიც გახლდათ და ქუეყიანიც, ჩემი ძველი ნაბადიც ბევრად არ ესიამოვნა და ერთიც საორკოფოდ ამათვალეირა, თითქოს ფიქრობს, ეს ხურჩინიანი შეუშვა თუ არაო. ერთიც აქეთ-იქით გაიხედა, ალბათ, გაიფიქრა: საძაგელი დარია, ზაიმისო არავინ შემოვა, დაჯდეს, რას დავეძებო.

მე ბევრი არ დავაყოვნე და გავსწიე.

ბილეთი გამოვართვი და ვაგონის ერთ კუთხეში მივიმალე.

თანამგზავრებს ეტყობოდათ, საშუალო მოხელეები უნდა ყოფილიყვნენ. ასე, ათას-ათას, ათას-ორას მანეთიანები, ორივეს ქულზე ორ-ორი და ერთს კი მგონი სამი ღალაც სხედასხვა სახის ნაშანი ეკრა.

ერთი მათგანი ოცდათუთხმეტ-თექვსმეტის წლისა იქნებოდა, ზორბა ტანისა, შავ უღვაშებიანი, წვერმოპარსული, წინა კბილები, შგონაა, ჩასმული ჰქონდა.

მეორე ხნით პირველზე მეტი არ უნდა ყოფილიყო, თუმცა ხახვ მოტეხილი ჰქონდა. ქერა იყო, შუა ტანისა, მოკლე წვერულვაშეშაანი, აქა-იქ ქალარაც გამოკრთოდა, და ისეთი ამღვრეული თვალებით იყურებოდა, რომ ერთ წამს ვიფიქრე: გადარეული არ იყოს-მეთქი. მაგრამ, როცა კარგად დავაკვირდი, შევნიშნე, რომ კაცი სრულს ჰქუაზე იყო. მხოლოდ რაღაც მოწყენილობა და სამუდამოდ გაუმრთელებელი გულნატკენობა ეხატებოდა პირის სახეზე. მისი უდროოდ დანაოკებული, საკმაოდ განიერი შუბლი ამტკიცებდა, რომ დიდი სულისკვეთება, მწუხარება და, თუ გნებავთ, უბედურებაც უნდა გამოეგლო. სასოწარკვეთილება მაინც არ ეტყობოდა. ხანდახან ისეთი თვალებით გამოანათებდა, თითქო ვისიმე შთანთქმას ლამობსო. მგზავრები მე რაღა ყურადღებას მომაქცევდნენ. როგორც შევიტყე, ეგონათ, რომ მათი ლაპარაკი არ მესმოდა და მოურიდებლად გააგრძელეს დაწყებული საუბარი.

— მე იმთავითვე ვიცოდი, რომ ეს ასე უნდა მომზდარიყო, — აქვა ქერა კაცმა, — ძმობას გეფიცები, ვიცოდი მე მწამს წინასწარი გრძნობა, სიკეთეს იმდენად არა, — და თუ რა უბედურება ან უსიამოვნება მოახლოებულა, უსათუოდ, რამენაირად წინდაწინვე იგრძნობს ხოლმე კაცი. მე კი ამ შემთხვევაში ერთი შეცდომაც არ მომსვლია; გული წინდაწინვე მიგრძნობს ხოლმე; იმ უბე-

დურ შენათხვევაშიაც, რომელმაც ჩემი სიცოცხლე შუაზე გაკყო. ასე მომივიდა.

წვერვობარსული გულდადებით უსმენდა.

— ძობას გეფიცები, რომ გავიხსენებ ყველა წინდაწინ გამოვლილ გრძნობას, სახტად დავრჩები. საკვირველიცაა, წარმოიდგინეთ, ყმაწვილო, მაშინ მე ცოლის შერთვაზე სრულებით არც კი ვფაქრობდი. ვიყავ. ჩემთვის ერთი თავისუფალი ახალგაზრდა კაცი. ვმსახურობდი; ვალი არ მაწუხებდა და ვახში. ჯამაგირი საკმარისი, ათათქმის მეტიც მქონდა. გული და სინიღისი ჩემი, შედარებით, წმინდა იყო, საყოველთაო შურიანობას და პირვითნეობას სრულებით დაბუდებდა ჩემში ჯერ ვერ მოესწრო. ერთხელ, არ მახსოვს, აპრილი იყო თუ მაისი, — ქერა კაცმა შუბლზე ხელი მოისვა და მერე მუხლებზე დაიცაცუნა, — დაედივარ ჩემთვის რკინიგზის სადგურის წინ ქვაფენილზე და გავიხედე. ერთი კაცი წინ შემეფეთა. ერთმანეთს შევხედეთ, თვალი თვალს გაუყარეთ და, მართალი გითხრა. მთელ ტანში ყრუანტელმა დამიარა. გულმა ცემას მოუხშირა, სულაც ოდნავ შევიგუბდა, სახეზედაც წამოვწითლდი. თან მრცხვენოდა, თან მეშინოდა. მერე რაო? რისთვის? რა მიზეზით? ვერ მივხვედრილიყავი და ეს უფრო მამბრახებდა.

ამ კაცს ჩემს სიცოცხლეში პირველად ვხედავდი. არ ვიცოდით იყო, სადაური, რა ჯურის, გვარის, თანამდებობის, რაჯულის, პიმართულების. გარეგანი შეხედულება ურიგო არა მქონდა. კაცი მაღალი, ლამაზი პირისახისა, გემოვნებაზე ჩაცმულ-დახურული ჩემთან მას არავითარი კავშირი არ აერთებდა. მაინც პირველ დანახვისთანავე არ მომეწონა. ბინდბუნდად ვიგრძენ, რომ ამ კაცს ჩემთან ოდესმე უსიამოვნება მოუვიდოდა. გული მითხრობდა: დღეს ან ხვალ ერთმანეთს ანგარიში უნდა გაუსწოროთ.

ის კაცი თამამად დადიოდა. კმაყოფილად იყურებოდა. აქა-იქ ნაცნობებსაც სალამს აძლევდა ხოლმე. ერთ-ორ ქალს ხელიც ჩამოართვა. ბოლოს ერთი ნაცნობი სასამართლოს მოხელე შეხვდა, დაბალ-დაბალი, ჩასუქებული კაცი, ლურჯსათვალებიანი, მკლავი მკლავს გაუყარა და ნაზად გადახრილი, რადგან დაბალი კაცი ვერ სწვდებოდა, ქვაფენილზე სეირნობდა. თან ცოტად, განზრახ მოიკოქლებდა ხოლმე.

მეც ვსეირნობდი. ჩაცმა-დახურვით მას არ ჩამოუყარდებოდი. ზონებით და სწავლა-განათლებით, როგორც შემდეგ აღმოჩნდა, ჩემზე უკეთესი არა ყოფილიყო. მე კი რაღაც დამცირებულად და მუქრაცხყოფილად ვგრძნობდი ჩემს თავს მის დანახვაზე.

ვაგონი ვეტცელის სასტუმროს მიუახლოვდა და შეჩერდა. ერთ-მა ახალგაზრდა, უფერულმა, წვრილ-წვრილმა, გვარიან კარგად ჩაცმულმა ქალმა ვაგონის კარი შემთალო. ქერა კაცმა ერთი აღმაცერად შეხედა თავისი ამღვრეული თვალებით და ლაპარაკი შესწყვიტა.

ქალმა დაჯდომა ვერ მოასწრო, რომ კონდუქტორი ზე დაადგა.

— გადასაჯდომი რიყისკენ. — ჩემად უთხრა სიცოცხსაგან გათოშილმა ქალმა.

— ეს რიყისკენ არ მიდის, ქალბატონო, — მიუგო კონდუქტორმა და ვაგონის ჭერქვეშ გასწვრივ გაბმულ ბაწარს ხელი მოაქო. ზარმა დაიწყებია. ვაგონი შეჩერდა.

ქალმა უკმაყოფილო სახე მიიღო და საჩქაროდ გავიდა. ქერა კაცმა თვალი გააყოლა.

— ნ...და... — გაჰიანურებულად და მაგრა ამოქშენით წარმოთქვა პირმოპარსულმა.

— მერე ის იყო და ის, — გულდამშვიდებულად გააგრძელა ქერა კაცმა. — ძლიერ მაკვირვებდა, რად მომივიდა ასე იმ უცნობ კაცის დანახვაზე, მაგრამ ბევრი ყურადღება არ მიმიქცევია. მერე ხშირად არ შემხედვარია ის კაცი და, თუკი შემხედვებოდა საღმე. მისი შეხედრა ყოველთვის უსიამოვნებას მგვრიდა ხოლმე.

რამდენინე წელიწადი გავიდა და ცოლიც შევირთე. ეს კია. რომ ცოლის შერთვა აჩქარებულად მომიხდა. როგორც ხშირად ხდება ხოლმე ამნაირი საქმე. ჯვარი დავიწერე. ეკლესიიდან პირდაპირ სიმამრის, უკაცრავად, სიდედრას სახლში (სიმამრს არ მოვსწრებოვარ) წავედით. იქ ბევრი სტუმრები დაგხვდნენ. ყველანი მილოცავდნენ. ხელს მართმევდნენ. მკოცნიდნენ, მეცნაურებოდნენ. სხვათა შორის შევხედე... — აქ მწარედ ჩაიციხა ქერა კაცმა და მრისხანე თვალები გადაატრიალა. — შევხედე და წარმოიდგინეთ ჩემი გაოცება. — ის კაცი წინ არ გამომეკიმა!.. სახელი, მამის სახელი და გვარი მითხრა. დიდად სასიამოვნოა-მეთქი. მიფუგე და ხელი გავუწოდე. ნამდვილად უარესი უსიამოვნება მაშინაც არ გამომიცდია, როცა ამ კაცის მეოხებით ნამდვილი უბედურება შემემთხვა.

პირმოპარსულ კაცს პირზე ღიმი მოადგა.

— გიკვირს, ასე მშვიდად რომ ვლაპარაკობ? — სიცოლით დაეკითხა ქერა კაცი. — დრო, ეტყობა, ჩემო ძმაო, ყველაფერს გაასწორებს. მე ახლა სრულიად დამშვიდებული გახლავარ და შემოქალია ობიექტურად შევხედო საქმეს. ყველანი მხიარულობდნენ:

მეც, ისიც, სხვებიც. ამ მზიარულობა-მუსაიდში შევიტყვე, რომ ხშირი ხტუმარი ყოფილიყო ის კაცი ჩემი სიღედრის სახლში. ვითომ ენა-აქსავებოდა კიდეც. რაღაც მიზოგ-მობოგილს ჩმახავდნენ: მამის დეიდაშვილის შვილს თუ დედის მამიდაშვილის შვილს, რაღაც ამის მაგვარს. ჩემს ცოლთან იმ ღამეს თამამად ექირა თავი, მასხრობდა, ოხუნჯობდა. ჩემს ცოლისდებს შენობით და საალერსო შემოკლებული სახელებით იხსენიებდა. ერთი სიტყვით, შინაუძი კაცი ყოფილიყო...

გაბედნიერებას მილოცავდნენ. მრავალჯამიერს მიმღერდნენ. ურას ყვიროდნენ, მეც ვიცინოდი, თავს ვუქრავდი, გულში კოცეცხლი მენტებოდა. ვგრძნობდი, ალი როგორ ძლიერდებოდა და მთელ ჩემს სხეულს ედებოდა. ჩემში იმ ღამესვე ექვი დაიბადა და ამ ექვს უტყუარი საბუთი იმ ღამესვე დაედო. როგორღაც გადავხედე ჩემს მეტოქეს. იმან ჩემს ახალ ჯვარდაწერილ ცოლს შეხედა. მათი თვალები შეიყარნენ და ამ შეხედვამ მეც თვალი ამიხილა. აა, შენი გაბედნიერებაც! ამ დღიდან დაიწყო ჩემი ტანჯვა, რომელიც...

ვაგონი ვერის ხიდისაკენ მოსახვევში შეჩერდა.

ერთი მდიდრულად ჩაცმული სქელ-სქელი ქალი ქმენით შემოვიდა. კარებში ძლივს შემოეტია. უკან გრძელ ქურქში გახვეული უფერული შავ-შავი კაცი მოსდევდა და ისეთი თავმდაბალი და მორჩილი კილოთი ელაპარაკებოდა, — ქმარი უნდა ყოფილიყო.

ქალბატონი მძიმედ დაეშვა სკამზე. ვაგონი კეთილ სუნნელებით აივსო. ეტყობოდა ქალბატონი ძვირფას ნელსაცხებელს ქარბად ხმარობდა.

ერთი ზანტად ჩემსკენ მოიხედა. მერე ქერა კაცს ისეთი გლობეტყველებით დააცქერდა, რომ გეგონებოდათ დიდი ხნის ნაცნობია და უკვირს, სალამს რად არ მაძღვესო.

ქერა კაცმა მის შემოსვლისთანავე ლაპარაკი შეწყვიტა და გზინკენ დაიწყო ყურება. წვერმოპარული ძირს იყურებოდა.

ქალბატონს ორივე ხელები მშვენივრად ქუროში დაემალა და ყელზე რაღაც მოწითალო მხეცის ბეწვი ჰქონდა შემოხვეული. მარჯვენა ხელი ქუროდან გამოიღო და ბეწვიანი საყელო გაისწორა. ნეკზე და არათითზე რამდენიმე ბრილიანტის თვლებიანი ბეჭედი ჩამოეცო.

ვაგონი ერთ ადგილას შეჩერდა.

— გმადლობთ, გმადლობთ, არ გაცივდეთ, ჩქარა გასწოეთ შინ, არ შეგცივდეთ! ყველანი მომიკითხეთ... ხვალ საღამოთი შემოვფე-

ლ.ე. — მოისმა ქალის ნაზი ხმა და ვაგონის უკანა კარებში ერთი ახალგაზრდა ქალი გამოჩნდა. იმასაც ორივე ხელები ქუროში დაეძალა და კისერზე შავი ბეწვი გადაეგდო.

მის ხმაზე ქერა კაცი შეკრთა, თვალები საშინლად დააბრიალა. ხახვზე ზიზღი და შურისძიება გამოიხატა. უიმიოდ მოყვითალო ხახვ წმინდა სანთელივით გაუყვითლდა და კარებში მდგომ ლამაზ ქალს მრისხანედ შეაკქერდა. ტანი სიბრაზისაგან უცახცახებდა, საჩქაროდ ზეზე წამოვარდა. ფუო, ერთი გააფურთხა და ვაგონიდან გავარდა.

წვერმოპარსულმაც რაღაც მწყრალად წაიდუღუნა და უკან დაედევნა.

ქუჩაში თვალი გავაყოლე. ქერა კაცი უკანმოუხედავად, თითქმის გარბოდა და პირმოპარსული უხათროდ უკან მისდევდა და ხელს უქნევდა, თითქო ეუბნებოდა, მოითმინე, რას გარბიხარ, აქ მო, რა გითხრა... ღმერთმა შენც და ისიც, ორივე ერთად ამოგაგდოსო!

თავზარდაცემული ქალი კარებში იდგა. სრულად მოულოდნელი შეხვედრა იყო მისთვის. ქალი დაიბნა, არც იცოდა, რა ექნა, ზაით წასულიყო, მის გვერდით გაოცებულსავე კონდუქტორს ცალ ხელში ხაბილეთო ყუთი ექირა და მეორე ხელის ორი თითით ნახევრად მოხეული ბილეთი.

სქელმა ქალბატონმა თავი ძირს დახარა, მარჯვენა ხელი ისევ ქუროდან გამოიღო და მკერდზე ჩამოშვებულ ბეწვს წაუსვ-წაპოუსვა. ბრილიანტი საუცხოვოდ ბრწყინავდა. კარებში მდგომმა ქალმა დააპირა, წინ წაედგა ფეხი, მაგრამ ქალბატონს გადახედა, საჩქაროდ უკან გაბტუნდა და საუცხოვო სიმარჯვით ვაგონიდან გადაბტა.

— ვერ გამიგია, რა ამბავია? — ჩუმად და აუჩქარებლად წაბ-მოთქვა ქურქიანმა და გაკვირვებით ქალბატონს შეხედა, — იმ კაცმა ის ქალი რად გალანძლა, ჩვენც თავზე რად გადაგვაფურთხა! ეხ ბრულებით პატიოსნება არაა, ბატონებო, რაც უნდა იყოს. ზაზოგ...

— შენც ერთი გააბამ ახლა! — უემყოფილოდ მიუგო ქალბატონმა და შუშაბანდში ცნობისმოყვარეობით გაიხედა, მაგრამ იმ დროს ზიდზე შევსულიყავით და აბა რას დაინახავდა, — განა ვეჩ იცანი ის ქერა კაცი! — დაეკითხა ქმარს.

— ვერა, — გაკვირვებით მიუგო ქურქიანმა.

— ეს ეს მოხელეა, არ გახსოვს? სამი წლის წინათ ცოლი რომ

გაქცევა... ეს მისი ცოლია, მე ვიცნობდი ერთ დროს ორივეს. ვი-
ლაც ნაცნობს იყო, თუ ნათესავს რომ გაჰყვა, თავის დროზე ძლიერ
საინტერესო ანბავი იყო. გაზეთებშიაც ეწერა. საუცხოვო შეხვედ-
რაა. მე შენ მოგახსენებ.

--პო! -- წარმოთქვა ქურქიანმა და, ცოტა არ იყოს, შეშინე-
ბული სახით შეხედა ქალბატონს, მერე ვაგონს თვალები მიმოავ-
ლო. კონდუქტორი უკან კარებთან გარეთ იდგა და სიცივისაგან
ოქალებს ხეკავდა. მე ერთ კუთხეში მიკრუნჩხული ვიყავი.

ქალბატონმა ისევ გამოაჩინა ბრილიანტიანი ხელი და გულ-
გრილად ჩაიტეხინა: — მარია ივანოვნას ახალ ამბავს. მაინც ვეტყვი.
უსიამოვნო შეხვედრაა, უსიამოვნო!





რ ა ბ ი ი ი შ უ

I

გათენდა. ხმელთაშუა ზღვიდან დილის ნიავმა დაბერა და ზეთისხილის ბუჩქებით დაბურულ ბორცვებიდან სქელ ბურუსი გენესარეთის ტბისკენ მოაგროვა.

ქალაქ კაპერნაუმის მახლობლად, ორ სერშუა, ვაკეზე პატარა სოფელი იყო გაშენებული, რომელსაც სულ ქვ.-ტალახისაგან შეთითხნილი ორიოდე ქოხი შეადგენდა. აოფელს ჩრდილოეთით კარგა მოზრდილი, ტიტველი მთა ეფარა. რომლის აღმოსავლეთით დავაკებაზე, ბუჩქბუხა, მშენიერი ანკარა წყარო გამოჩნდებოდა. მზემაც აღმოსავლეთის მწვევე სხივები ისროლა და დღიურ შრომის შემდეგ მოსვენებას მიცემული სოფელი გაშალავდა.

განაპირას მდგომ ქოხს კარბე გაიღო და ახალგაზრდა ახოვანი ქალი, კოკით ბელში, დანჯად გამოვიდა. თუმცა წალს პერანგზე მხოლოდ დახეული ლურჯი ჩადრი ესურა და ფეხებიც შიშველი ჰქონდა, მაგრამ ტანმალა. გულკერძმურგვლებული ასული ისრაელისა ამ ღარიბულ ტანისამოსშიაც მიმზიდველ შთაბეჭდილებას ახდენდა.

ქალი წყაროსკენ გაუდგა. და ჯერ ორასიოდ ნაბიჯი კიდევ უკლდა, რომ მხიარულად შეჰკვილა და კისკისით გაექანა.

— სალომე? ჩემო ძვირფასო დობილო! განა ასე ჩქარა დაბრუნდი იერუსალიმიდან? — შორიდანვე მიანახა ქალმა დობილს, რომელსაც უკვე კოკა გაევისო და წყაროსთან იდგა.

— ელისაბედ, საყვარელო დამ! — იყო პასუხი. — გათენებულა არც კი იყო, როცა აქ მოვედი. რაღაც ოთხიოდე დღეა არ მინახავ-

ზარ და რა დაგიმალო, უშენოდ ვეღარ გავძელი. გწყალობდებ აელოვა და მადლი იერუსალიმის დიდებული ტაძრისა! მოლა, ჩქარა ერთი გაკოცო, ჩემო ძვირფასო ელისაბედ.

ქალები სიყვარულით ერთმანეთს ჩაეკონენ.

— რა ჩქარა დაბრუნებულხარ, სალომე, მე ჯერ არ მოგელოდი. — განუმეორა ელისაბედმა და კოკა ლარქვეშ მოამარჯვა.

ქალები მწვანეზე ჩამოსხდნენ.

— დიახ, ჩქარა დავბრუნდი, ან რისთვის უნდა მომეცადა, შენც ქობიძე, იერუსალიმში, — მიუგო სალომემ, — ხომ იცი, წვრილშვილის პატრონი ვარ. პასეკობა დღეს წმინდა იერუსალიმის ტაძარში წასვლა დიდი მადლია, დიდი! მაგრამ ჩვენისთანა ლატა გაქირვებულს აბა სადა აქვს თავი, რომ იმ სიშორეზე იმოგზაუროს და მთელი კვირა გააყვინოს. მე შეთქმული მქონდა ხომ, გენაცვა, შეთქმული! შარშან, ჩემი პატარა ენუქ რომ ავად გამხდდა, მაშინ შევუთქვი.

— ალბათ, დაო, მლოცველები ბლომად იქნებოდნენ, დიდ ამბებს ნახავდი!

— რა ხათქმელია, გენაცვა, ხალხი, ხალხი! თმის სისქე, საიდან გინდა, რომ ძენი ისრაილისანი არ მოსულიყვნენ... აი დიდება ხანაც მოდის, — ხიტყვა გასწყვიტა სალომემ და მხარზე კოკით ნელნელა მომავალ, დაბალ-დაბალ, გამხდარ მოხუცისაყენ ხელი გაიშვირა. ახლომახლო სოფლებიდან წყალს ამ წყაროდან ეზიდებოდნენ და ყოველ დილით ოცდაათამდე ქალი მოიყრიდა ხოლმე იქ თავს, თან კოკებს გააყვინებდნენ, თან ჭირ-ვარამს და ახალ ამბებს ერთმანეთს გაუზიარებდნენ.

სალომემ ამ დილით ბევრი ახალ-ახალი ამბები უამბო ქალებს იერუსალიმზე, დიდებული ტაძრის სიდიდე-სიმშვენიერეზე, მგალობელთა და დამკვრელთა გუნდზე, შესაწირავთა და მღვდელღვინავთა სიმრავლეზე, მღვდელმთავრის ძვირფას შესამოსელზე, მაგრამ

— უუჰ! — მწუხარედ დაუმატა მან, — ჩემი სამაჯური, ჩემო ოქროს სამაჯური. ჩემი ქალწულობის სიამაყე კი იქ დავტოვე და...

— როგორ თუ დატოვე? დაგეკარგა, განა? — დაეკითხნენ ქალები.

— რომაელთა მხედართაგანმა ხომ არ მოგტაცა? ამბობენ, სალომონის სტოვაშიაც ფარ-შუბით აღკუთვნილი ადიან ის საძაგლებიო? — მწარედ შენიშნა ერთმა მოხუცმა დედაკაცმა.

— არა, ანა, დაკარგვით არ დამიკარგია, არც არავის მოუტაცნა. შესაწირავ მტრედებზე გავცვალე.

— რას ამბობ, ქა? მტრედი აქედან ვერ წაიყვანე? — წამოიძახა მოხუცმა ხანნამ.

— განა არ წაიყვანე? მაგრამ იქ არ გამომადგა. ახლა მღვდელმთავარს ანნას ბრძანება გამოუცია: ყოველმან ქემან და ასულმან ესრელისაგან შესაწირავი მტრედი უსათუოდ ტაძარშივე უნდა ყვიდოსო, — მოწყენით მიუგო სალომემ.

— ეგ რა გვესმის! — წამოიძახეს ქალებმა.

— ვთქვათ, მტრედები ტაძარში გაყიდონ, მაგრამ სად ერთი-ორი მტრედი და სად ოქროს სამაჯური! მტრედის ფასი დიდი-დიდნახევარი ღრაკანი...

— აი, ნეტავი თქვენ, რა ადვილად ლაპარაკობთ, — ნაღვლიანად გააწყვეტინა სალომემ. — ნეტავ ერთი იქ ყოფილიყავით, რა ამბავი იყო. ნახევარი ღრაკანი კი არა, შეიდ-რვა ღრაკანზე ნაკლებ ზელსაც არ გახლებიებდნენ. განა მე მარტო ვიყავი მყიდველი? მთელი იუდეა იქ მოგროვილიყო და არც ერთის შინიდან მოყვანილ მტრედები არ მიიღეს მღვდელ-ლევიტებმა. ყველას ასე ეუხნებოდნენ. მღვდელმთავრის ბრძანებაა, მტრედი აქვე უნდა იყიდოთ...

— რა მესმის, ქა! — კვირობდა ერთი შუახნის ქალი. — ექვსე შეილის დედა ვარ და ჯერ ეს არ გამიგონია.

— ხაკვირველია! უსამართლობაა! — აყაყანდნენ ქალები.

— იქ ვითომ ამბზე არ სწუხდნენ, გგონიათ? ისეთი ამბავი იყო, რომ ქორესა და დაძნის აჯანყების დღეს მოგაგონებდა, — განაგრძო სალომემ. — დიდი აყალმაყალი ატყდა. ერთი ვიღაც, შალომო ღრისო, ამბობდნენ, ძე იეფთაისი ბეთლემიდან, ყველაზე მეტად ცხარობდა. ეს უკანონობააო, ეს ღვთის გამობააო, მტრედებზე გასასყიდი ღუქანი გაგიმართავთ ღვთის ტაძარშიო და თითო მტრედიც ოქროს ფასად გაგიზღვიან. უიმისოლაც ცალკე რომაელებზე ხარკის და ცალკე თქვენი, მღვდელ-ლევიტელთათვის გადახდით, ლამის არის, მიწასთან გავსწორდეთო და ეს კიდევ რა უკანონო, შეუსაბამო ხარკი დაგიწესებიათო; თითქმის ყვიროდა შალომო ძე იეფთაისი ბეთლემით.

— უი, მართლა ნეტავი მზე დამიბნელდეს! რაღა ამ ახალი ხატკის დამატება გვესაპირობებოდა. ვფიცავ დაკარგულ სჯულის კიდობნის ოქროთ მოქედილ ფიცრებს, გუშინწინ მატათან მეზვერეძე უკანახკნელი თიკანი მომტაცა. შესაწირავი მტრედიც თუ მამასისხ-

ლად სასყიდელი გაგვიხდა, მგონი, ეგვიპტეში მონობაზე უარესი დროები დაგვიდგეს!

— ბევრი. ძლიერ ბევრი იყვნენ აღშფოთებულნი, — ამბობდა ხალხი, — ზოგნი თითქმის მღვდელმთავარზე ძვირის თქმასაც არ ირიდებოდნენ. ისიც კი თქვეს, რომ მას სრულებით არა სწამს ეუღლეო. ის მხოლოდ მეფე იროდის იღუმეველისაგან განგებ მოყვანილია ძეთა ისრაილისათა გასატყაველად და გასაოტაყებლად. დარტყინვა ხალხში თანდათან ძლიერდებოდა. შეიძლება საქმეც გამწვავებულყო. მაგრამ მღვდელმთავარს ანნას იღემონ პილატესათვის ეთხოვნა და ტაძრის ახლო შუბებით დაიარაღებულ რომაელების მხედრები გაჩნდნენ და ხალხიც ცოტ-ცოტად დაშოშინდა. ამბობდენ, ბევრი და, მათ შორის შალომო ძე იეთაისა ბოლემიდან, დაატუსაღეს და ციხეში ჩასვესო.

— შესაწირავი მტრედის ყიდვა ტაძარში და ისიც შვიდ დრანად? ღმერთო, მშვილობა ჰყავ ისრაილისა ზედა! — კვირობდნენ ხალხი.

II

მზემ კარგა აიწია. დრო იყო, რომ ქალები შინისკენ წასულიყვნენ. მაგრამ იერუსალიმის ამბების მოსმენას რამდენიმე წუთი მეტიც შესწირეს. მაინც ზოგიერთები შინ წასასვლელად მზად იყვნენ, რომ ფერღობის ძირს მიმავალ სათემო გზაზე აღამიანთა ხმა მოისმა.

— ქა. ამ დილაადრიან ამოდენა ხალხი? ნეტავ საითყენ მიდიან? შეხედე, ქალებიც ურევია? შეხე, შეხე? ერთი დედაკაცი ძუძუმწოვარა ბავშვსაც თან მიათრევს! — შარა გზისკენ გაიხედა და გაოცებულად წარმოთქვა მოხუცმა ხანამ.

სხვებმაც ყურები აკქვიტეს. მართლაც, სათემო გზაზე მთელი გროვა ხალხისა საითყენდაც მიეჩქარებოდა.

— იაკობ. — დაუძახა ამხანაგს ერთმა მგზავრმა, — აქ მშვენიერი ანჯარა წყაროა. მოდი ერთი გულიც გავიგრილოთ და სამგზავრო დოქებიც გავაესოთ.

მგზავრმა წყაროსკენ შეუხვია. მას ზოგიერთებიც მიჰყვნენ. ძუძუმწოვარა ბავშვებიანი ქალიც მათ შეუერთდა.

— გიხაროდენ, ასულნო ისრაელისანო! — მიესალმნენ ქალებს ახალმოსულები. ქალებმაც შესაფერი პასუხი გასცეს.

— არა, ზარა, დამერწმუნე, მეგობარო, — განაგრძო დაწყებულ მუსიკაზე ერთმა მგზავრთაგანმა, — გალილიაშიაც ბევრი უსამართლობაა. თუ გინდ იროდი ანტიპა აილე. ის რომ მეფობს, იმ ქვეყანაში სიკეთე განა დაითესება? ახლა ამბობენ, თურმე თავი ძმის ფალიპესთვის ცოლი, იროდიადა, წაურთმევიანო. გაუმადლარ კაცის გული თორემ, განა ცოტა ცოლები ჰყავდა? ერთი ახალი გესლიანი გველიც აუჩენია რაღა. ამოდენა დედოფლებს ხომ რჩენუნდა. ამოდენა მუქთანხორა ძალად-დედოფლები სარჩო ხონ უიმისოდაც გაძვალტყავებული ხალხის ოფლმა უნდა ზღოს. ეს იროდი, და ახლა რომაელებს და მათ მეზვერეებს რაღას ეუბნებია. მაგათი ხარკი? ეჰ, ჩემო მეგობარო ზარა, სად არის ნეტავი იულოვ-დმერთი ისრაელისა, რომელმაც უწვიმა ზეციით მანანა მამათ. ჩვენთა უდაბნოსა შინა. ერთი ახლა გვეწვიმოს პერა ზეგარდარ ჯაკ კურთხეულმა! სადა არს იულოვა იგი, რომელმან შთანთქა ფარაო და მხედრობა მისი ზღვასა მას მეწამელსა, ერთი ახლაც შთანთქას ზღვასა სიკვდილისასა მტარვალი იროდი და მხედრობა რომაელთა.

— მეგობარო იონათან, ფრთხილად ილაპარაკე, — ჩუმად შენიშნა მეორემ.

— როდებდის გავჩუმდეთ, ძმაო, როდემდის! თუ საქმით არა შეგვიძლია რა, ვილაპარაკოთ მაინც და გული ამით მოვიჯროთ. ძეთა ისრაელისათა თავისუფალი სატყვა მუდამ ჰქონდა.

— მე მაინც ჩემსას გეტყვი. მეგობარო იონათან. — მივტოვო ერთმა ქალარა კაცმა, — რომ გალილეა იუდეასთან შედარებით სიმოთხეა. მღვდელმთავრის ანნას ბატონობას, მღვდელ-ლევიტელთა სიმსუნაგეს, მათგან აურაცხელ წართმევა-მოტყუებას, ერთი მითხარი, რომელი რომაელთა სისასტაკე შეედრება? იროდი ხომ იროდია, მაგრამ იდემონ პონტოელ პილატესთან რა შესადარებელია! იმის თავებლობა იქამდე მივიდა. რომ რამდენიმე ჩვენი გალილეელიც კი წაგ ტაძარში მოაკვლევინა. თუ თავი მოსაკვეთად მიუშვირე, რა თქმა უნდა, არ დავინდობს.

მგზავრებმა დოქები გაავსეს, ზოგიერთებმა გულიც ვაიგრაილეს. ქალმა ცოტა შეისვენა და ბავშვს ძუძუც მოაწოვა.

— ნეტავ სად მიეჩქარებდით ასე დილაადრიან. — ვერ მოითმინა ელისაბედმა, როცა მგზავრებმა წასვლა დააბიძგეს.

— ჩვენ კაპერნაუმის გორაკისაკენ მივდივართ. განა თქვენ სარ გაგიგონიათ? ამბობენ, ღოეს იქ რაბი იიშუ. ნაზარეველი, ძე იოსებისა უნდა მოვიდეს და ხალხს ასწავლოსო, — მიუტყა ზოგიერთებმა, დოქებს ხელი დაავლეს და გზას გაუდგინენ.

— მართლა, სალომე, — ტკბილად უთხრა ელისაბედმა, — ახალე რაბი იიშუ გამოჩენილა ნაზარეთიდან, საუცხოვო ვინმეაო, ამბობენ. ჩემი და სარა, შენც კი იცნობ, ბეთსაიდელ მკედლის ცოლი, ამ დღეებში ჩვენსას იყო და გაგვაკვირვა, ისეთი სასწაულები გვიამბო. მაგათ დაბაში შემოუვლია ერთხელ რაბი იიშუ ნაზარეთიდან. ჩემს დას სარას თვითონ თავის თვალით ენახა და ისეთი რამეები გვიამბო, რომ გაგვაოცა, გაგვაოცა, დაო!

— გიყვება და კეთროვანებს არჩენსო, ქა, რაბი იიშუ, დიდებო იელოვას, ღმერთსა ისრაელისასა, თუ მართალია!

— რაბი იიშუზე ცოტა რამ მეც მსმენია, დაო, — მიუგო ხალონემ, — იერუსალიმშიაც აქა-იქ ყური მოგკარი მაგაზე ლაპარაკს. ერთი ლევიტელი ჯავრობდა: ძენო ისრაილისანო, რად ხართ ახგ მჩატე ჰკუისა, რომ ყოველი მაწანწალა მქადაგებელი მაშინვე გადაგრევთ, წმინდა ტაძრის გარეშე შეუძლებელია სასწაულიო. აა თქვენი მამა-პაპათა მიერ აშენებული დიდებული ტაძარი. აი სამხვერპლო, აი დიდებული მღვდელმთავარი. შესწირეთ მსხვერპლო და ილოცეთ იელოვა ღმერთი ისრაილისა და სოფელ-სოფელ მონიარულე რაბინებს ნუ აყვებითო. მე ვფიქრობ, რომ მაწანწალა რაბინს ის იიშუ რაბინს ეძახდა. ეეჰ, დაო, რა დაგიმალო — ამოიხბრა სალომემ. — ნეტავ სულ არ წავსულიყავ იერუსალიმში. ტაც ხისაძაგლე მე იქ ვნახე! ატყავებენ წმინდად საწყალ ხალხს, ატყავებენ. არა მაქვს, ღარიბი ვარო, ვინ გაგიგონებდა მტრედის ხაყიდელი თუ არა გქონდა, წმინდა ტაძარში რისთვის მოეთრეოდო: სიცილი დამაყარეს ლევიტელებმა. რა უნდა მექნა, ჩემი ოქროს სამაჯური მივეცი. სხვა რაღა გინდა, დაო, ქალთ, თუ სულ მახინჯო არ იყო, ტაძრის სიახლოვეს ვერ გაეგლებოდა... ღმერთო ჩემო, რამდენი სისაძაგლისა და ძალმომრეობის მოწმე გავხდი.

— სულ სხვაა რაბი იიშუ, — სიტყვა ჩამოართვა ელისაბედმა, — იმის მოძღვრება მღვდელ-ლევიტელთა და ფარისეველთა მოძღვრებას სულ არა ჰგავს. ამოდენა ხალხი მიდის მის მოძღვრების მოსასმენად. მოდი, ერთი ჩვენც წავიდეთ, გენაცვა სალომე! მე წყალს შინ მივარბენინებ, ოჯახს მივალაგებ, საკმელს დღეს ჩემი რძალი ბებეკა მოამზადებს, და შენთან გამოვიქცევი, — აღტაცებით დაათავო ელისაბედმა და კოკას ზელი დაავლო.

— კარგი, — ცოტა ყოყმანის შემდეგ მიუგო სალომემ და ნახშირივით შავი თვალებით საამურად მჩქეფარე წყაროს შეაჩერდა, — დაღლილი კი ვარ მგზავრობისაგან, მაგრამ მაინც ხათრს არ გაგიტებს.

III

კაპერნაუმის გორაკზე ხალხი თანდათან გროვდებოდა. აქ იყვნენ გალილეელები, იერუსალიმელები, იორდანის გაღმა მზარელები, ათ ქალაქელები...

მოზრდილი მწვანე ბორცვი ხალხით თითქმის დაიფარა, ქილებიც და ბავშვებიც ბლომად იყვნენ. უმრავლესობა ღარიბად იყო წაყვანილი. პერანგი და სქელი შალის წამოსასხამი, აი მთელი მათი მორთულობა. ზოგს თანმიანი ქალამნები ეცვა და ზოგიც ფეხშიშველი იყო.

სახეზე ყველას მოუთმენლობა ეხატებოდა, ყველას უნდოდა ზეპირად ენახა რაბი იიშუ, მისი ახალი მოძღვრება მოესმინა და უსამართლობა, სიღატაკით მოკლული გული ცოტად მაინც ენუგეშებოდა და დაემშვიდებინა.

ზოგი ფერდობზე წამოწოლილიყო, ზოგი სწორ ადგილზე ფეხმოკეცით იჯდა, ზოგი ზეზე იდგა. სხვადასხვა საგანზე და სხვადასხვა ხმაზე ლაპარაკის რაღაც გამოურკვეველი ჟრიაბული მოახმოდა. აქა-იქ ბავშვებიც ატირდნენ.

შუადღეზე ხალხში რაღაც ჩოჩქოლი გაისმა.

— რაბი იიშუ მოვიდა, მოვიდა! — გაისმა ხმა.

— ხაიდან მოვიდა? მოსვლა ხომ არ გვინახავს? — კვიძობლა ზეორე.

— შეიძლება აქ იყო კიდევ. ისე გარეგნობით ჩვენგან არაფრით განსხვავდება, — თქვა ერთმა.

— ადვილად შესაძლებელია, — მიუგო მეორემ, — იროდი ანტიპა ხომ არ არის, რომ ტახტრევანით ამოეყვანათ!

ჩოჩქოლი თანდათან მატულობდა.

— სუთ, სუთ, დაჩუმდით, — ისმოდა აქა-იქ.

— დასხედით, დასხედით... სჯობია.

— ვისაც როგორ სურს თუ უნდა იდგეს.

— იდგეს რომელია, მეც მინდა დავინახო, ამ სიმაღლე კაცო თუ წინ გამომეკიმა, აბა რას დავინახავ! — ჯავრობდა ერთი დაბალი კაცი.

— დასხედით, დასხედით... ყველანი უკეთ მოისმენთ.

როგორც იყო წესრიგი თანდათან ჩამოვარდა. ხალხი მიჩუმდა და სერის ფერდობებზე ზოგი წამოწვა და ზოგიც ჩამოჯდა.

მაღლობზე, მწვანეზე იჯდა რაბი იიშუ, ძე იოსების ნაზარეთით.

ტანხაცმულობით დანარჩენებისაგან არაფრად განიჩეოდა: იგივე პერანგი, იგივე შალის წამოსასხამი, იგივე თასმიანი ქალამანი და სამგზავრო ჯოხი ხელში.

იქნებოდა ასე ოცდაათი-ოცდათორმეტი წლის ვაჟკაცი, ლამაზი პირისახისა. მოკლე წვერ-ულვაშზე ოდნავ მოწითალო ფერად დაჰკრავდა. დიდრონი, მუდამ დაფიქრებული თვალები დროგამოშვებით ცეცხლს ატრქევედა. საზოგადოდ, მისი აღუშფოთებელი, დიჩი და უსაზღვრო გულკეთილი გამომეტყველება ქვის გულის კაცსაც კი მიიზიდავდა. არავითარ თავმომწონეობას, არავითარ შურინანობას მის მშვიდობისმოყვარე გარეგნობასთან ადგილი არა ჰქონდა.

და ალღო ბაგე რაბი იიშუმ.

ბაღსა მიიშუმა, ბავშვებმაც ხმა გაეკინდეს და რაბი იიშუმს მიჩერდნენ, ყველა მის სიტყვაში სიმტკიცე, რწმენა და ღირსება იხატებოდა. ლაპარაკის დროს დაკვირვებით თვალებში არავის აჩერდებოდა. ბაღს-სკენ ხანჯახან მიიხედავდა, უფრო ძირს იყურებოდა და თან სამგზავრო ჯოხს ბაღასზე აცატუნებდა.

— ბედნიერია კაცი, სულით გლახაკი, — დაიწყო რაბი იიშუმ. — ბედნიერია, ვინც მშვიდია, ის ქვეყანას დაიპყრობს. ბედნიერია, ვისაც შიდა და სწყურია სიძარითლის გაგება, უსათუოდ გაიგებს და დაკმაყოფილდება. ბედნიერია კეთილისმოქმედი, კეთილი დაემართება. ვისაც გული წმინდა აქვს, ის ღმერთს დაინახავს. მშვიდობის-მყოფელი იგივე ღვთის შვილია... მაგრამ შენ, შენ რა უნდა გითხრა, შე უბედურო, ლატაკო და მშიერო ხალხო?! განა შენ უნდა იყო ლატაკი? განა შენ უნდა იყო მშიერი? განა შენი ოფლით არ ამენდა დიდებული ტაძარი იერუსალიმისა, სადაც ამჟამად თავის გემოზე ნებავრობს ურწმუნო, უცხოეთიდან მოსული ანნა მღვდელმთავარი? განა შინი შესაწირავით არა ტებებიან მღვდელ-ლევიტელნი? დროა, ძმანო, შეისმინოთ რამე! თქვენ ხართ მარილნი სოფლასანი: უკეთუ მარილი იგი განქარდეს, რითამე დაიმარილოს. როგორც უმარილო საქმელს არავითარი გემო არა აქვს, უმარილოდ საქმელი ჩქარა დაღებება და გადასაყრელი გახდება. ისე უთქვენოდ. ჯათსაგან ქედმოსრილო და ხელებგატყავებულნო. უთქვენოდ არც იროდი იმეფებდა, ასს საყვარელს კი არა, ორსაც ვერ გაიჩენდა, არც ანნა მღვდელმთავარი ინებივრებდა და ვერც ლევიტელნი განსტარებოდნენ. მაგრამ თქვენ, თქვე უბედურებო, გკლათ შეგნება, არა გაქვთ ერთი პირი, არც იცით ერთმანეთს:

გატანა. სანამ ამას არ შეიგნებთ, მუდამ ღატაკები, მუდამ მშვიერნი იქნებით, გიყვარდეთ სიმართლე, მაგრამ მართო ზიტყვით კი არა. ფარისეველ ნწიგნობარნიც სულ სიმართლეზე გაიძახიან. თუ თქვენი სიმართლე მათ სიმართლეს არ აღემატება, ტყუილია თქვენი საქმე! თქვენი ხსნა შეუძლებელია.

გიყვარდეთ ერთმანეთი. შენ თუ შენი მოძმე-ამხანაგი შენსავით გაპირვებული დაუსამართლებელი გიყვარს, ეს იმას ნიშნავს, რომ შენი თავი გიყვარს, რადგან, რაკი ურთიერთ სიყვარულია, ისიც მოვალეა შენ შეგიყვაროს. საერთო ოფლით მოპოვებული თანასწორად განაწილდება და მაშინ შიმშილისაგან ასეთი დაუძლურებულნი როდი იქნებით, როგორნიც ხართ ახლა.

გული თუ გერჩის სალოცავად, ილოცე, მაგრამ ისე კი არა. როგორც ფარისევლები ლოცულობენ ზოლმე: წამოიჯიმიებიან ქუჩის მოსახვევში, ფართოდ გაშლიან ხელებს და უშველებელ მეტანიებს გადადიან, თან მუშტებით ცხვირ-პირს იმტვრევენ, რომ სხვებმა დაინახონ და მოუწონონ. აბა თქვენით გასინჯეთ: ლოცვის ღროს რა საჭიროა ესენი! როცა ლოცვა გინდა, შედი ოთახში, კარები დაკეტე და გულწრფელად თხოვე ღმერთს, რაც გინდოდეს.

ნუ იცით ზოლმე სხვისი გაქორვა და განკითხვა, პირიქით, მუდამ შენი თავის ნაკლოვანებებზე და მის გასწორებაზე უნდა ფიქრობდე. ჭერ შენი ნაკლულოვანება გაისწორე და სხვაზე მერე მიუთითე.

მე ვლაპარაკობ და თქვენ ყურს მიგდებთ. ეს მართო არა კმარა, ძმებო! საქმე ისაა, რასაც ვლაპარაკობ, იმის შეგნებას და ცხოვრებაში გატარებას შეეცადოთ. ვინც ჩემ სიტყვებს გულში მტკიცედ შთაიბეჭდავს და ეცდება ცხოვრებაშიაც გაატაროს, ვამსგავსებ იმ კაცს, რომელმაც სახლი ააშენა კლდეზე. მოვიდა წვიმა, აღიღდა მდინარე, ეცა ზვირთებით კლდეზე აშენებულ სახლს, მაგრამ ძვრაც ვერ უყო, რადგან საძირკველი მაგარი ჰქონდა. ვინც კი ჩემ სიტყვებს ისმენს, მაგრამ გულში კი ვერ შთაიბეჭდავს, იმას ვამსგავსებ იმ კაცს, რომელმაც თავისი სახლი ქვიშაზე ააშენა. მოვიდა წვიმა, აღიღდა მდინარე, ქვიშაზე აშენებულ სახლისაკენ აბობოქრებული ზვირთი ზვირთზე გააგორა და სახლიც ლუქმა-ლუქმა აქცია.

ვისაც ყური გაქვთ, გაიგონეთ...

ქადაგება გათავდა. ხალხი ერთხანად ჩუმად იყო, მერე ერთბაშად აჩოჩქოლდა. უკანანი ფეხზე წამოდგნენ და მქადაგებლისაკენ

გაემართნენ. წინანიც წამოიშალნენ. გაისმა ყრიამული, ხმამალალი ლაპარაკი, ყველას უნდოდა მიჰკარებოდა მქადაგებელს, ხელი შეეხო, ან კიდევ გაეგონა რამ, მაგრამ მან ლმობიერი ღიმილით გაარღვია ხალხის ზღვა და ათიოდე კაცთან ერთად ტბისაკენ დაეშვა.

მზე ძალზე დახრილიყო. სალამოს გრილ სიოს სამხრეთის ბუდი გაეფანტა და საამოდ აგრილებდა არემარეს. ხალხი დიდხანს გასცქეროდა ტბისაკენ მიმავალს. ბოლოს ყრიამულით და ხმამალალი ლაპარაკით დაიშალა.





მეტი მრავალთაგანი

ესკიზი

(ეუძღენი უდროვოდ დაღუპული მეგობრის ხსოვნას).

მაისის საღამო იყო, კვირაძალი, თბილი, სურნელოვანი. ზარე-
ზი დააწყარუნეს, სემინარიელებიც საყდრისაკენ გაემართენ და თავი-
ანთ ადგილზე ჭარისკაცებივით დამწყრივდნენ.

აღსავლის კარები გაიღო და ცოტა არ იყოს, კახურით შექეო-
ფიანებული მთავარი ამბიონზე გამოვიდა და ნაძალადევი ბოხი
ზმით: „*Восстайте, владыко. слыгоахих*“-ო დაიძახა. ნუნუას არა-
ნაკლებ შეთვისებულმა ხუცესმაც საკურთხეველიდან შესაფერი
ასამაღლებელი წკრიალა ზმით გადმოსძახა, მგალობლებმაც იგრაი-
ლეს და საღამოს ლოცვაც გაჩაღდა.

ინსპექტორის თანაშემწენიც შემოვიდნენ და თავიანთი პოზი-
ციები დაიჭირეს: ერთი წინა რიგებში ჩადგა, მეორე შუა ალაგან
გამაგრდა და მესამემ გასასვლელი კარები შეკრა.

თვით მ. ინსპექტორი, შავკუნკულა, ანათორიანი, მეწამულ
გრძელწვერიანი, რომლის ქვეშ საყელოს ღილზე პატარა თეთრი
ჭვარი მორცხვად ეკონწილა, ყველაზე ბოლოს დინჯად და ღირ-
სებით შემოვიდა. ჯერ აუჩქარებლად მრავალჯერ პირჯვარი გარდა-
იწერა და შესაფერი მეტანიები მიაყოლა, კუნკულაც მოიხადა და
ზატებს სასობით ემოხვია, მერე კუნკულა ისევ დაიხურა და თა-
ნამდეობის აღსრულებას შეუდგა.

ოთხივენი სათვალისანი იყვნენ, მ. ინსპექტორს კი ლორნეტიც
ზელში ეკირა. კარებში გამაგრებულ თანაშემწეს პატარა უბის

წიგნი გაეშალა, წვერწათლილი ფანქარიც მოემარჯვა და პოლიციის ჯაშუშის ერთგულებით წამდაუწუმ შეგირდებს ათვალეირებდა. და თუ ვინმე ან უკან მოიხედავდა, ან ჩაიციინებდა, ან ამხანაგბდაელაპარაკებოდა, ან შეიძლება ხშირად პირჯვარს არ იწერდა, საჩქაროდ წიგნაკში აღნიშნავდა, რომ მერე უფრო ვრცლად და დასაბუთებით შავ წიგნაკში — კონდუიტში შეეტანა და დისციპლინის დამრღვევ შეგირდისთვის შესაფერი სასჯელი მოეხადა.

სალამოს ლოცვა ხან ხუთი, ხშირად ოთხი და ჩვეულებრივ სამსაათი მაინც გრძელდებოდა.

დაუსრულებელ ერთფეროვან და გაუგებელ საკითხავენებს და საგალობლებს ხშირად მ. რექტორის მეტად გრძელი, უსიცოცხლო, განყენებული და ფრიად მოსაწყენი, რუტინაში მოხარშული და ტენდენციით დატვირთული ქადაგებაც გადაებმოდა ხოლმე.

შეგირდები თავჩაქინდრული იდგნენ. მათ სახეზე მხოლოდ მოწყენა, უკმაყოფილება, თითქმის დრტვინვა იხატებოდა. ზოგი დაფიქრებული იატაკს დასჩერებოდა, ზოგიც პირჯვარს ხშირ-ხშირად იწერდა და თან აღელვებული ინსპექტორ-თანაშემწისაკენ დროგამოშვებით იხედებოდა: აბა მიყურებენ თუ არაო.

მ. ინსპექტორმა ლორნეტი მოიმარჯვა და გაბუტულმა და წარბ-შეკრულმა შეგირდები დაათვალეირა, თითქო სარდალია და ბრძოლის წინ პოზიციებს ათვალეირებდნო. ყველაფერი რიგზე და წესზე იყო. შეგირდები მწკრივად და სწორად იდგნენ; ბევრმა ინსპექტორის ლორნეტის დანახვაზე სასოებით პირჯვარიც გარდაი-სახა და გულში, ალბათ, მხურვალე ლოცვაც მიაყოლა: ღმერთო, დღეს კონდიუტში ჩაუწერლად გადამარჩინეო.

მ. ინსპექტორი ერთ ალაგას ბევრ ხანს არ ჩერდებოდა. ის ხან-წინ იდგა, ხან უკან, ხან გარეთ გავიდოდა და ლორნეტით აღქურ-ვილი შეგირდებისაკენ იხედებოდა.

აი კიდევ კარებთან გაჩნდა, ლორნეტი მოიმარჯვა და წინა რიგებს გადახედა. საჩქაროდ თანაშემწესთან მიიქრა და რალაც დინჯად ყურში ჩასჩურჩულა. წინა რიგის შეგირდები შეშფოთდნენ. ალბათ ჩვენ რიგში მოხდა რამე უბედურებაო, იფიქრეს, ლერწამივით გამოიჭიმენ და გულდასმით პირჯვარი გამოისახეს. მ. ინსპექტორმა ახლა უკანა რიგებისკენ მოაბრუნა ლორნეტი და კარგა ხანი ათვალეირა, რადგან იქითკენ სინათლეც ნაკლები იყო და რიგია-ნად ველარ არჩევდა. ერთ წერტილს დაკვირვებით დააჩერდა და კიდევაც იპოვა, რაც უნდოდა.

— ეს რა თავხედობაა, это просто безобразиe. это просто дерзко, нахально. ეკლესიაში ხართ თუ სადმე საცეკვაო სა-
დამოზე. ყურს აღარ უგდებ, რომ კანონს გალობენ, კანონს, და
შენ კი არხეინად სვეტს მიყრდობილხარ, — ფეტვივით მიაყარა
ერთ ახლად უღვაშამწვანებულ შეგირდს, რომელიც მართლა სვეტს
მიყრდნობოდა.

— მ. ინსპექტორო! — დაეღრია შეგირდი და ფეხზე მიუთი-
თა. — ფეხები მტკივა, თქვენც ხედავთ ცალ ფეხზე ფოსთალი მაყ-
ვია, წაღა ვერ ჩამიცვამს... თუ რასმე არ მივეყრდენ, ისე სწორედ
დგომა მეძნელება.

ინსპექტორმა უშნოდ ძირს დაიხედა და თუმცა ცოტა რბილად,
მაგრამ მაინც მკვახედ მიუგო:

— ავადმყოფი, მოწყალეო ხელმწიფეც, საავადმყოფოში უნდა
იყოს. აქ თუ ერთხელ შემოხვედით, ბოლომდე უნდა გაჩერდეთ
ისე, როგორც რიგი და წესია. უსტავს უნდა დაემორჩილოთ. ხომ
წაიკითხეთ, მეთოთხმეტე მუხლში რაც წერია. სხვა ამხანაგებს
ცულ მაგალითს აძლევთ, ბატონო! გაიგეთ თუ არა. აქ საქმე
პრინციპზეა.

— მუხლი — როგორც მუხლი. მ. ინსპექტორო, მაგრამ მე კი
ფეხი მტკივა.

— როგორ! — აენტო ბერი. — უსტავის მუხლსაც არაფრად
იგდებთ? მეც მაიძულებთ ღვთის მსახურების დროს შენთან ვილა-
პარაკო და სულიერი კმაყოფილება დავიკლო, ხომ გესმის, ახლა
კანონს გალობენ. რა მშვენიერი სძლისპირებია! თქვენებური ვე-
ლური კი არ გეგონოს, ზნამენის კილოზეა. მაგრამ ჰო, მესმის,
თქვენ შეიძლება ურწმუნოთაგანი იყვეთ. მე ეს. უკაცრაო სი-
ტყვია, ფეხებზე მკიდია. მე ინსპექტორი ვარ, რიგი და წესი უნდა
დავიცვა. დისციპლინა სავსებით უნდა დაცულ იქნას...

— მამ ნება მომეცით, მამაო, ცოტა ხნით მაინც გარეთ გავი-
დუ. — შეეხვეწა შეგირდი, — თუ არ დავისვენე. ძლიერ შეეწუხ-
დები და ამნაირი ლოცვით რაღა გამოვა.

ინსპექტორმა მრისხანედ გადახედა. უიშისოდაც წითელ
სახეზე სულ აღმური აედინა და საჩქაროდ გააწყვეტინა.

— კარგი, კარგი. ვიცი, ვიცი, თუ რის თქმა გინდათ. გიცნობთ, თუ
ბა მინდვრის ხილიც ბრძანდებით. კარგსაც იზამთ, თუ გარეთ გახ-
ვალთ. სხვებს მაინც განსაცდელში არ შეიყვანთ. სწორედ. სვეტზე
მიყრდნობით დგომას გარეთ გასვლა სჯობია. — ზიზლით ჩაი-
ლაპარაკა ღვთისმშობსავე და ლორნეტს ხელი წაავლო, რომ პოზი-

ცია დაეთვალე რებინა. შეგირდები თვალის დახამხამებაში გასწორდნენ და, როგორც ერთი კაცი, სამი თითი შუბლზე მიიდვეს.

თუმცა სძლისპირის გალობდენ და ისიც ზნამენის კილოზე, მაგრამ შეგირდები ამხანაგის და ინსპექტორის მოლაპარაკებამ უფრო დააინტერესა, ვინემ ჩინებულმა კილომ; ახლომახლო მდგომნი სმენად გადაიქცნენ და დანარჩენების ყურადღებაც სულ მათკენ იყო მოქცეული. ინსპექტორი სხვა პოზიციების დათვალე რებაში გაერთო და შეგირდი კი კარებისკენ გაემართა. გაშლილ წიგნაკით აღჭურვილმა თანამეწიემ გაოცებულმა სათვალე გაისწორა და გარეთ მიმავალ შეგირდს კაპუეტ ქორივით დააშტერდა, თითქო თავის თვალს არ უჯერებსო. მაგრამ რალაც მოსაზრებით არ შეაჩერა და შეგირდიც გარეთ გავიდა, მაგრამ ოციოდენაბიჯის გადადგმაც ვერ მოასწრო, რომ აჩქარებული ფეხის ხმა მოესმა, საჩქაროდ მოიხედა და გაოცებული შეჩერდა.

— გაჩერდით, გაჩერდით. მოითმინეთ. გარეთ გამოსვლა როგორ გაბედეთ: — ყვიროდა მ. ინსპექტორი და მისკენ მოქროდა. ბარტყულა ჰაერში ბაირალივით ფრიალებდა და ანაფორა იალქანივით იბერებოდა.

შეგირდს შეეშინდა, რადგან კკუიდან შეშლილი ეგონა. მაგრამ ინსპექტორი თამამად მიუახლოვდა და ბრძანების კილოთი გააგრძელა:

— წინადადებას გაძლევთ, ახლავე ეკლესიაში მიბრუნდეთ...

შეგირდი გამოერკვა.

— აკი თქვენ დამითხოვეთ, მ. ინსპექტორო, — გულნატკენად მიუგო შეგირდმა.

— რას მეუბნები! სძლისპირის გალობის დროს შეგირდს ეკლესიიდან გასვლის ნებას მივცემდი? გადარეული ხომ არ ვიყავი. მე მხოლოდ ჩემი გულისწყრომა გამოგიცხადეთ, რომ თავში ასეთი ცოდვილი სურვილი მოგივიდათ...

— მე კი დამითხოვეთ მეგონა, — გააწყვეტინა შეგირდმა.

— თავის ღლეშიაც არა. ეს შეუძლებელია. ახლავე უკან გაბრუნდით, საცაა მეცხრე გალობას დაიწყებენ. — მაინც იჩინებდა ინსპექტორი.

— ცოტას მოვისვენებ, წყალსაც დავლევ. ძლიერ მწყურია და მერე შევალ, — მტკიცედ მიუგო შეგირდმა და ოდნავ გაფითრდა. ინსპექტორის საქციელი საშინლად სწყინდა, მაგრამ ჯერ კიდევ თავს იმაგრებდა.

— ამ წამში, ამ ტერციაში უკან უნდა გაბრუნდეთ. ინსპექტორი

გიბრძანებს, ინსპექტორი. მე თქვენ ყველას გიცნობთ, რაც შვილები ბრძანდებით. ჩემი სიძულელი გაქვთ და მოკვლასაც მიპირებთ. მე ამის დარდი სრულებით არ მაწუხებს, მე ინსპექტორი ვარ, ინსპექტორი, სხვა არაფერი. თუ ნებით არ შეხვალთ, იძულებული ვიქნები მოსამსახურეს დავუძახო! ეი შენ, შვილიშვილი! — მართლაც დაიძახა ინსპექტორმა, თავი ინდაურივით აიღო და სისხლივით წითელ წვერებზედაც ხელი მოისვა.

— აბა მოვიდეს ვინმე და ხელი მახლოს, — მიუგო შეგირდმა და ოდნავ გალურჯებულმა ბერს ზურგი აქცია და გზა გააგრძელა.

ინსპექტორი ერთ ხანს გამოედევნა, მაგრამ შეგირდმა ისეთი თვალებით მოიხედა, რომ მყისვე შეაჩერა. მისდა საუბედუროდ ეზოში ერთი მოსამსახურე არა ჩანდა. ხან აქეთ იტრიალა, ხან იქით, მაგრამ ვერა გააწყო რა და რაღაც გაუგებარი ბუტბუტით ისევ ეკლესიაში შევიდა.

იმავე საღამოს ოთხივანი, ინსპექტორი და მისი თანაშემწენი სათათბიროდ შეიკრიბნენ და კონდუიტში აღნიშნეს, რომ მაისის 21, როცა სემინარიის ეკლესიაში ლმობიერად სძლისპირს გალობდენ და სემინარიელებიც გულწრფელად ლოცულობდნენ, მეოთხე კლასის შეგირდი ა. დემონსტრაციულად ეკლესიიდან გავიდა. მ. ინსპექტორის მამობრივი დარიგება შეგირდმა არათუ უკუაგლო, პირიქით, სიტყვითაც შეურაცხყო მისი მაღალი ღირსება.

თვის დამლევს შეგირდს ყოფაქცევაში ორი გამოუყვანეს და სექტემბერში სემინარიიდან სულ დაითხოვეს, როგორც მავნე და არასაიმედო პირი.





დრუნჩას სიზმარი

(საახალწლო)

ზამთარია, შუალამე გადასულია, ტიტველ, ტოტებს ტყეში ქარი ნელ-ნელა არხევს და ერთმანეთს აჯახებს. რაღაცა უსიამოვნო ტკაცუნ-შხუილი მოისმის.

ბაკურას ეზოს გვერდით, ტყის პირად, ღორებს საღორეში ტკბილად სძინავთ. შუაგულში ჩალა-ბულაზე ტახი გაწოლილა, ორმოცი დღეა, რაც საგანგებოდ კვებავენ: ყოველ დილით მოზრდილ ჯამ სიმინდს აძლევენ და ზედმეტ ქონისაგან მძიმედ სუნთქავს. გვერდზე დრუნჩა უწევს.

— ღრტ!... ღრტ!.. ღრტ! — მძიმედ დაიღრუტუნა დრუნჩამ დამოიღვიძა. — ტახო, ტახო, ცოცხალი ხარ?! ღმერთო ჩემო! როგორ შემეშინდა?! — წამოიძახა დრუნჩამ და ერთი ორჯელ თავისი დინგი წაჰკრა ტახს.

— ხრ... ხრ! — დაიხრიხინა ტახმა და არეულად ჩაიღრუტუნა: — რა დაგ...მართნია ამ შუა...ღამისას... ძილს ნუ... ხრრ... ხრრ..

— ძილს ნუ... რომელია, შე ცეცხლმოკიდებულო! ისეთი საშინელი სიზმარი ვნახე, რომ ჭერაც გონს ვერ მოვსულვარ, გინდ: ნოგიყვე!

ტახმა კიდევ წაიღრუტუნა, მაგრამ დრუნჩამ ყურადღება აღარ მიაქცია და თავის სიზმარს მოჰყვა.

— ვითომ განთიადის სინათლემ ამ ჩვენი საღორეს ქუქრუტანაშიც შემოიჭყიტა, ჩვენ გამოვიღვიძეთ და საუზმის მოლოდინში მზიარულად ავღრუტუნდით. ამ დროს ღელეს გაღმა კოჩას საღორესთან... ხომ გესმის, ტახო?... ჩვენების საშინელი ხარხარა ატყდა. გამწარებული კივილიც მოისმა. ცხადი იყო, რომ ჩვენ

საძმომი რაღაც უბედურება დატრიალებულიყო. ბევრ ხანს არ გაუვლია, რომ ჯაგარწითელა ბურვაკი მოძუნძულდა, თვალებიდან დაბალუპით ცრემლები დიოდა, კუჭრუტანაში ღინგი შემოჰყო და საშინელი ამბავი შეგვატყობინა: კოჩას ვაჟიშვილები მოუცვივდნენ, სრულიად უმიზეზოდ სტაცეს ხელი ტან ეშვას, გადმოატრიალეს და ყელი გამოსკრეს. ჯაგარწითურას ამ შემადრწუნებელი ამბის თქმა ვერ გაეთავებინა, რომ მათეიას სალორესთანაც ერთი აურზაური ატყდა. არემარე შეინძრა. „მაგრად, ჰო, არ გაგეკცეს, წააქციე, რას უყურებ!“ ისმოდა გახას ჩვეულებრივი ბოხი ხმა. ვიგრძენ, რომ ხეირი არც ჩვენ დაგვეყრებოდა. რაღაც განკითხვის დღე დგებოდა: კარები ჩავამტვრიეთ და ყველანი გარეთ გამოვეცივდით.

— ჰერი, ჰა. გამოსულანო.— მომესმა ჩვენი პატრონის ბაკურას ხმა.

— არიქა, ჩემო ტახიკო! ტყის შუაგულისაკენ მივაშუროთ-მეთქი, გითხარი, მაგრამ ამ დროს ბაკურას ქალიშვილის, ფეხმოსატეხი მაიკოს ხმა მოისმა: — ნეინწ, ნეინწ... ტახო, ტახიკო!“ ხელში სიმინდით სავსე ჯამი ეჭირა და შენ გეძახდა. „შორს, შორს, არ მიეკარო-მეთქი“, მაგრამ, შე მღუღარე გადასასხმელო, შენა, სიმინდის დანახვაზე თვალები აგიჭრელდა. აღრუტუნდი, კუდი რკალივით მოკაკვე. ღინგი აიშვირე. იმისაკენ გაექანე და შენებურად ხარბად ჩაახრამუნე სიმინდი. მაგრამ ოციოდე მარცვალიც არ გექნებოდა დამტვრეული, რომ... ნეტავ მზეც დამიბნელდეს იმის მნახველს!.. თითქო მიწიდან ამოხტათ, გამოიქროლა ბაკურას უფროსმა შვილმა მალაქიამ და უკანა კანკზე ხელი გტაცა. შენც წიხლი მაგრა გააქნიე. მაგრამ გვიანდა იყო... ტახო! გესმის?

— ღრუტ...

— მალაქიამ თვალის დახამხამებაზე მეორე კანტიც დაგიჭირა. ბაკურამაც მოიბრძინა და ყურში ხელი ჩაეჭიდა; მაიკომაც, არც კი შერცხვა შენს მეგობარ პატვიისმცემელს, ქეჩო დაგიჭირა და სხვებთან ერთად გეწოდა. იქვე მსხვილი ქანდრის ძირამდე მიგათრიეს და სულის მოთქმაც ვერ მოასწარა, რომ ყელიდან ალისფერმა სისხლმა ოქრიალით გადმოხეთქა. ჩვენ ყველანი ფულურო მუხასთან მოვეგროვდით და მწარე ღრუტუნით, ამ უსამართლობის მზილველნი, ცრემლის ღვარში ვირეცხებოდით. მოვიწოდებე შენთან მიმერბინა, რომ მეც სული დამელია. მაგრამ ერთი, რომ გოჭები შევეცოდა და მვორე; აბა რა დაგივალო, ტახო! სული ტკბილი ყოფილა. ჩვენი ძაღლებიც მოცვივდნენ და კუდის ქნევით და კბილების კაწკაწით შინ სასხლს შეეჭიკოდნენ. თანაც ერთმანეთს უღრენდნენ ის სა-

პაგლები! მაგათ დაუნდობლობაში სრულიად დაკრწმუნდი, თუმცა ჩვენი მეგობრები ისინი თავის დღეშიაც არ ყოფილან. ხომ გახსოვს, ტახო, როცა ბოსტანში კომბოსტოთი პირის ჩასატკბარუნებლად შევიდოდით, ბაკურას ან იმის შვილების ერთ დასისინებაზე განრისხებული ყეფით და კბილების კრაჭუნით როგორ მოგვესოვდნენ ხოლმე, მაგრამ რას გადავყევი! მერე, ტახო, შე ცეცხლ-პოკიდებულო, ცხელი წყალი მოიტანეს და ტანზე გადაგასხეს. მა-ლაქიამ სახელოები წაიკაპიწა და ისეთი ტყლაშატყლუშუნი გაგადინა გავა-ფერდებზე, რომ მგონი, ასხის მთაშიაც გაიგონებდნენ, მერე შენ ლამაზ, ქოჩორა ჯაგარს რომ მაგრა მოსწია, სულ ბლუჯა-ბლუჯა ავაგლიჯა და იქვე რიგზე დაალაგა. ვერ მოვითმინე და შენსკენ გამოქცევა მოვიწოდებ, რომ კიდევ გამომეღვიძა. მალლობა ღმერთს, რომ სიზმარი იყო, არა, ტახო!

— ღრუტტ... — ჩაიღრუტუნა ისევ ტახმა და უდარდელად ჩლიქით იღლია მოიფხანა.

ირიერაჟა.

— ღმერთო, შენ შემეწყალე! ღმერთო, მრავალი ახალი წელიწადი გაუთენე ჩემ ცოლ-შვილს, ყოველი ალიანი და ჩალიანი ამორე, ისეთი ტახი მყავს დღეს შენს სალოცავად, რომ სწორედ მოგეწონება. ორმოცი დღეა, შვილებს ვფიცავ, რაც საგანგებოდ ვასუქებ. ოთხი თითის სისქე ქონი მაინც ექნება. განა ახირებულ მქლე ჯოკუნას გაგიბედავთ? ოღონდ კი შენ შემეწე იყავი ჩემი, მტრებს ჩემზე ნუ გაახარებ და თითო მსუქანი ტახი ყოველ ახალწელიწად დღეს თუგინდ ხელში გყავდეს! — ლოცულობდა ბაკურა და თან ვალესილ დანას სალესავზე პირს უწყობდა.

ეს სიზმარი კი არა, ცხადი იყო.





რ ე ა ქ ც ი ა

მღვდელ იოანე ბინადრიძეს ფოსტალონმა „საეკლესიო უწყების“ ახალი ნომერი მოუტანა.

— ოო! ამაში ახალი ჭილდოები იქნება გამოცხადებული, — ჩაილაპარაკა იოანემ, საწერ მაგიდას მიუჯდა და ეჟურნალს თვალიერება დაუწყო, — მართლა ყოფილა! აი, არხანგელსკის გუბერნია, დაჯილდოებულ იქნენ მე-4 ხარისხის ორდენით... ეს რაღად მინდა. ვნახო, ჩვენთანებს აბა ვის მოუვიდა! — ბუტბუტებდა იოანე და ეჟურნალს ფურცლავდა, — აი ჩვენთანებიც. „საქართველოს საექზარხოსოში“, ეპ! წრეულს ჩვენთანები ძლიერ ნაკლებად იყვნენ წარდგენილნი. ვინც არიან, მათგანიც უმეტესობა რუსობაა... ჰმ... ჰმ... აი ქართველი გვარიც ურევია: „მღვდელს სოფრომ ადილაშვილს დეკანოზობის ხარისხი“. ოჰო? ეს რა მესმის, თუმცა გასაკვირველიც არაფერია. იყო ის კაცი თავისთვის ჩუმად, არც ავტოკეფალა მოუთხოვნია და არც კონსტიტუცია. მთავრობასაც დაუფასებია, წარუდგენია და დეკანოზობაც მოსვლია. აი, დალაზერა ღმერთმა! მე ხომ სოფრომაზე ექვსი წლით ადრე ვარ ხელდასხმული. შეიძლება მეც წარვედგინეთ, მოძრაობაში რომ არ გავრეულიყავი. დასწყევლის ღმერთი, რა ვუთხრა მაგ ოხრებს, მაგათა, ვინც ჩვენ მაგ საქმეში ჩაგვითრია. აიკვიატეს ავტოკეფალა უნდა აღვადგინოთ, არც არა გამოვიდა რა და ტყუილად მთავრობის წინაშეც სახელი გაგვიტეხეს. ღმერთო ჩემო, როგორ გადაირევა კაცი. წარმოიდგინეთ, მეც, რომელსაც ეპისკოპოსის დანახვაზე მუხლები შეკეცებოდა და შიშით „მამაო ჩვენოც“ მეშლებოდა. ისე გავკადნიერდი, რომ ერთი ორჯერ რეჩის თქმაც განვიზრახე. თითქოს ორატორი ვიყო...

— მაშო, შინა ბრძანდებით, — მოისმა დიაკვან გრიგოლას ხმა.

— შემოდი, გრიგოლა. რა ამბავია, ხალხი მოგროვდა?

— გროვდებიან, მამაო, აი გაზეთშიც კია გამოცხადებული, — თითო დაადო დიაკვანმა სამგლოვიარო განცხადებას: — წმ. კვირიკეს ეკლესიაში გადახდილ იქნება პანაშვიდი გარდაცვალებულს კნენია მართა ჩონგურაძის სულის მოსახსენებლად.

— ჰო, კარგი. — მიუგო მღვდელმა და ჟურნალის სინჯვა განაგრძო.

— მამაო, გუშინ რომ იყო, ის კნიაზი მოვიდა; თქვენი ნახვა სურს!

პობრძანდი-თქო! — მიუგო იოანემ, ზეზე წამოდგა და ტანისამოსის გასწორება დაიწყო.

რამდენსამე წამის შემდეგ სამხედრო ტანისამოსში გამოწყობილი თავადიც შემოვიდა.

— აჰ! კნიაზს ვახლავარ, მობრძანდით, ბატონო, დაბრძანდით!

— გმადლობთ. მამაო! უკაცრაოდ, მაგრამ მე თქვენთან ცოტა საქმე მაქვს.

— ბრძანეთ. ბატონო!

— მე, მამაო, თქვენთან გამომგზავნეს ჩემმა ნათესავეებმა. შარშან განსვენებულ კნენის დასაფლავებაზე, ცოტა არ იყოს, უსიამოვნება მოგვივიდა თქვენს წინამოადგილესთან, აი იმასთანაც მე შემხვდა მოლაპარაკება და იმედი მაქვს თქვენთან მაინც იგივე არ განმეორდება.

— რა ბრძანებაა, ბატონო! ნეტავ რა ყოფილა ასეთი? — გაოკვირვა მამა იოანე.

— მაინცდამაინც საიმისო არაფერია! ამ ეკლესიაში თქვენა წინამოადგილემდისაც ბევრი საპატივცემულო მოძღვარი ყოფილა. მაგრამ თქვენი წინამოადგილესთან დაჟინებული კაცი არ მინახავს. ჩე, მართალი გითხრათ, ტიბიკონისა არა ვიცი რა, მაგრამ ეპისკოპოსის და არქიელის პირიდანაც რამდენჯერმე გამიგონია, რომ პანაშვილზე თავადს თავადად იხსენიებდნენ და აზნაურს აზნაურად თქვენმა წინამოადგილემ დაიჟინა — არ შეიძლება, ტიბიკონში რა წერიაო: იქ მხოლოდ მონა და მხევალი ღვთისა წერიაო. რა არ ვეხვეწყო, რა არ ვეკამათეთ, არ იქნა საშველი. იმდენი პანაშვიდეტი წირვა და ანდერძი ისე აუგო, რომ განსვენებული კნენიობით ელთხელაც არ მოიხსენია. მე თუ მკითხავ, კიოსიუსი იახვანი, მაგრამ ქალები გადაჭრით ითხოვენ, წლის თავზე მაინც უეჭველად მღვდელმა მიცვალებული კნენიობით მოიხსენიოსო.

— ტიბიკონში მართლა არა წერია, კნიაზ...—თავმდაბლა მიუგო იოანემ.

— ეხ, მამო, ახლა თქვენც არ დამიწყოთ ერთი რამე. მე დარწმუნებული ვარ, რომ თქვენი წინამოადგილე უფრო ახალი თაობის გავლენის ქვეშ იქცეოდა, თორემ ტიბიკონის შესრულება რა პარტო იმას მოუხდა, როცა მთელი სამღვდლოება, ერი და ბერი თავადს თავადად იხსენიებს ხოლმე.

— არა, კნიაზ, მე მხოლოდ ტიბიკონზე მოგახსენე, თორემ პოხსენებით კი მოვიხსენიებთ. აბა თქვენ ამაზე როგორ გაგაწბილებთ.

— აბა რა სალაპარაკოა, თქვენგან არ მიკვირს? ასეთ წვრილმანებში თუ ერთმანეთს პატივი არ ვეცით, მსხვილმანებში ზომსულ არ გამოვდგებით... ჰო, იმ თქვენმა წინამოადგილემ ისიც კი თქვა... თქვა კი არა, სამღვდლოება გალანძლა, თუ ვინმე იხსენიებს ლოცვაში თავადს და აზნაურს, სულ თვალთმაქცობითა და ანგარებისმოყვარეობით ჩადისო.

— ეჰ, იმასაც გადაუქარბებია და! — იწყინა იოანემ.—მართლაც და ის ერთი რა წითელი კოჭი გამოვიდა!..

— ის არ მაკვირვებს, მამო, მაშ ასე, მამო, პატივისცემა ჩვენზე დარჩეს. იმედი მაქვს განშეორება არ დასჭირდება.

— რა ბრძანებაა, ბატონო! რა თქვენი საკადრისია! თქვენი გულისთვის თუ გინდა...

— ვა! — ჩაილაპარაკა იოანემ, როცა თავადი გავიდა: — თვალთმაქცობითა და ანგარების მოყვარეობით ჩადიანო?! დიახ, მამა გიცხონდა, შენ კი ჰაერით იკვებები აი! გიყი ხარ? შიმშილით გინდა ათი სული ბავშვი ამომიხოცო? მართლაცა და ტიბიკონს თუ არ გადაუხვიე და კიდით კიდემდე ვსდიე, მე, შვილოსან, კაცი არ მომეკარება და მაშინ ქვას ხომ არ ვაქმევ ამოდენა ხალხს. არ გაიგე, შვილო, რას ამბობდა კნიაზი? არქიელიც იხსენიებს, ეპისკოპოსიცო? თუ ისინი კნიაზობით იხსენიებენ, მაშ საშიშიც კია, რომ მე არ მოვიხსენიო. რა ბევრი უნდა, ბუნტოვჩიკად რომ ჩაგრიცხონ. არ გაგიგონია, წყლის შეშინებული ნამმა შეაშინაო? ახლა ერთობის დრო ხომ არა გგონია, მიტინგები რომ იკრიბებოდა; გაჩაღებული რეაქციაა, შვილო, რეაქცია, ჩვენც რა გზა გვაქვს, იძულებული ვართ ქარი საითკენ ჰქრის, იალქანიც იქითკენ მივაბრუნოთ.

— მამო, მოვიდნენ. დროა! — შემოილაპარაკა დიაკვანმა.


— ახლავე, ახლავე, გრიგოლა! ეჰ, უფალო, ღმერთო ჩემო,

„განსვენებისათვის სულისა მიცვალბულისა მხველისა ღვთისა კნენინა მართასი“... — გალობით ჩაილაპარაკა იოანემ. — მართლა, გრიგოლა! მოდი აქ, გესმის? „წმიდათათანაში“ „კნენინა მართა“ ჩაურიე. „სულთათანაშიაც“ ასევე მოიქეცი. იცოდე, არ დაგავიწყდეს და გალობაც ეცადე ლამაზად გამოგივიდეს. მაინცდამაინც ნუ გააგრძელებ, ჩვენს კნიაზებს გრძელი წირვა-ლოცვა არ უყვართ. შენ ღოგორ ფიქრობ, გაიმეტებენ ვითომ რასმე?

— თავადებმა მიცემა კი კარგად იციან, მამაო, — მიუგო დიაკვანმა, — მ. მალაქიას რომ არ დაეუენა და „კნენინობით“ მოეხსენებია კნენინა მართა, ბლომა ფულს მოგვცემდნენ. ათ თუმანზე მეტი მაინც ავიღეთ მათგან.

— რა ძვირად გვიღირს, კაცო, მოვიხსენიოთ. შენ იცოდე, „კნენინა“ გარკვეულად ჩაურთე ხოლმე, აი! ახლა კი წავიღეთ...





უ ო ღ ტ ი

იერუსალიმის ტაძარში ხმაურობა და ფაცაფუცი აღრიდანვე დაიწყო. ლევიტელნი და სხვა დაბალი მოსამსახურენი აქეთ-იქით დარბოდნენ და ტაძრის შიგნით თუ ეზოში საჭირო ნივთებს აწყობ-
ოლაგებდნენ. დიდ-დიდი შანდლები, სამსხვერპლო, საბანელი და სხვა საღმრთო ჭურჭლეულობა დაწმენდილ-დაფერილი ვარვადებდა.

დღეს დიდი დღესასწაული იყო ებრაელებისა. ხალხი ყოველ კუთხიდან ბლომად აწყდებოდა იერუსალიმს, მოჰქონდათ შესაწირავი ფული, მოჰყავდათ სამსხვერპლოდ დასაკლავი საქონელი. იუარებელი ქალი და კაცი, დიდი და პატარა მიეშურებოდა ტაძრისაკენ სალოცავად, თითქო ღმერთი — შემოქმედი ცისა და ქვეყნისა — მხოლოდ აქ, მხოლოდ ამ კედრონის აყროლებულ ღელის პირად მოისმენს მისდამი გულწრფელად მიმართულ ლოცვა-ვედრებასაო.

მღვდლებიც ადრევე გაეშურნენ ტაძრისაკენ. დღეს ბევრი საქმე ეღოთ წინ და კაი მოგების მოლოდინშიაც იყვნენ.

— კურთხეულ არს ღმერთი ისრაილისა, რომელმან მოსცა მაღლი ესე მღვდელთა მისთა, — გაისმა ტაძარში ახლად შემოსულ მღვდლის ილიას ხმა. იგი ძვირფას აბრეშუმის სამოსელში იყო გახვეული, ხელში კვერთხი ეჭირა და თავზე სამღვდელო აქრელებული ქუდი ეხურა.

— ვითარცა ნელსაცხებელი გარდამომავალი წევრთა ზედა, წევრთა ზედა არონისთა! — გამოეხმაურა ახლად მოსულს მღვდელი რუბენი, რომელიც ადრევე მოსულიყო და ერთს კუთხეში ჩამოქდარიყო.

— რომელი გარდამოვალს სამხართა ზედა დიდებისა შამისა-

სა, — შემოილაპარაკა მესამე მღვდელმა იუდამ. რომელიც ილიას ფეხბაფებს მოდენილიყო.

სამივემ ჩვეულებისამებრ ერთპანეთი გადაკოცნეს და მოიკითხებ.

— მომილოცავს, მამანო, დღესასწაული! — თქვა რუბენმა. — და სასუმელმან შენმან დამათროს მე, ვითარცა ურწყულმან.

— ვითარცა ცრემლითა და საპონითა განძღეს სული ჩემი! — კვერი დაუკრა იუდამ.

— მოითმინეთ საღამომდე. ჯერ ძილი, მერე სიზმარი. ნუ იცით ხოლმე წინდაწინ ალტაცება, წმინდანო მამანო, — შენიშნა ილიამ. — ჯერ დღევანდელი შემოსავალი დავთვალთ და გავიყოთ და მერე მიველოცოთ ერთმანეთს დღესასწაული...

— შენ სულ მაგ შიშში ხარ! — გააწყვეტინა იუდამ.

— კარვობის დღესასწაულშიაც სულ კბილს კბილზე გაცენინებდა: აი, დავიღუპეთ, დღეს მგონი შემოსავალი ნაკლები იქნება და რომიდან ახალ ტანისამოსს ვერ დავიბარებო, მაგრამ ხომ გახსოვს, რამდენი ასი დრაკანი ჩაიხხრიალე ჯიბეში.

— გვეყვდესცა მშვიდობით ჩვენი მღვდელთმთავარი ანნა, ჩვენ მან შიშშილით არ დაგვხოცოს და ტიტველა არ გვატაროს. გაიგეთ ახალი დადგენილება? შესაწირავ ცხოველების ტყავეები და ბეჭები მღვდელების საკუთრება გაუხდია, — თქვა რუბენმა.

— კურთხეულ არს ღმერთი სიონით გამო, რომელი დამკვიდრებულ არს იერუსალიმს და აღდგურძელს ჩვენი მღვდელთმთავარი ანნა! — სასოებით ხელების ზეაპყრობით წარმოთქვა ილიამ.

— ისიც გაიხსენეთ, ღირსნო რაბუნნო, — შენიშნა იუდამ, — რა შფოთი და ალიაქოთი ავუტეხეთ, როცა იგი პირველად გადმოიყვანა იერუსალიმში უცხოეთიდან (ალექსანდრიიდან) იროდი მეფემ; როგორ აღვიძარით ყველანი და ვიძახოდით: არ გვინდა უცხო მღვდელთმთავარი, აქაური, ჩვენებური მოგვეცესო.

— რა უყოთ მერე, თუმცა მღვდლები კი ვართ, მდგომარენი წინაშე პირისა იელოვა ღვთისა ისრაილისასა, მაგრამ გულთმისნები მაინც არა ვართ. მაშინ კი ასე იყო, მაგრამ ახლა, სამაგიეროდ, ხომ ვხედავთ, რა ჩინებული კაცი გამოდგა, რა კარგად მიჰყავს საქმე. თავდაპირველად, რა თქმა უნდა, თითონაც ზორბად ხვეტავს, მაგრამ მღვდლებსაც არ ივიწყებს. ცდილობს მათ უზრუნველყოფას. მტრედებით ვაქრობა როგორ ასწია! საერთოდ ტაძრის შემოსავალი წინანდელთან შედარებით ერთი ხუთად გახადა... სხვა რა ჩვენი საქმეა.

— სჯული მოსესი, ღირსო რაბინო, სჯული? — მწარედ შენიშნა

ნა იუდამ, — განმტკიცება სჯულისა ისრაილსა შორის, დაახლოება ისრაილისა იელოვასთან!..

მღვდელმა რუბენმა მოკრძალებით აქეთ-იქეთ მიმოიხედა, ვინმე ყურს ხომ არ გვიგდებსო, და როცა დარწმუნდა, რომ სიახლოვეს არავინ იყო, მაინც ცოტა თავშეკავებულად მიუგო:

— შენც, საყვარელო რაბუნო, მაგ მოუწვდომელ ოცნებებს თავს რომ არ ანებებ, თითქო პირად შენ ყოფილიყო იელოვასთან და გუშინწინ დაბრუნებულიყო იმისაგან... შე დალოცვილო, რამდენიმე კაცი, აი თუგინდ ჩვენ, პატიოსანნი მღვდელნი, ვერ დავხლოვებდით რიგიანად ერთმანეთს, ხომ კარგად იცი, ტყავები-სა ან ფულის გაყოფის დროს, რა უთანხმოება მოგვდის: ხშირად ერთმანეთის ნაკურთხ წვერებსაც ვწვდებით. ხოლმე და შენ გინდა, რომ იელოვა, ვილაც უხილავი ღმერთი და ისრაილი, იაკობიდან მოყოლებული მუდამ შფოთისმოყვარე ხალხი, ერთმანეთს დაეუახლოვოთ! მაგეებს თავი დაანებე, ღირსო რაბუნო! ჩვენი საქმეა ვასრულოთ მოსეს წესი. აი, იმის ქკუით სავსე შუბლს კი ვენაცვალე! ისე, როგორც წერია საღმრთო წერილში, შეესწიროთ მსხვერპლი, დავაკრევინოთ წინწილ-ებანი, ვაყვიროთ საყვირი, ვატრიტინოთ კეთილხმოვანი ორღანო, ვისიამოვნოთ და ვასიამოვნოთ ისრაელი. ხალხს თავისთავად მტკიცედ სწამს მსხვერპლი, გაიგე მსხვერპლი, ცხოვარი, ძროხა და მტრედი. თუ ცხოვარი დაკლა და იმისი ცმელი სამსხვერპლოში დაწვა, გონია — იელოვას დიდი სამსახური გაუწია და დიდად ასიამოვნა. შენც, აბა მითხარ, რას დაეძებ? ჰო, ასეა, დიახ, იელოვამ მე პირად მიბრძანა-თქო, რა ძვირად გიღირს? ბრიყვ ხალხს ბევრი კი არ უნდა. მართალი თუ უთხარი, ტყუილუბრალოდ გადიკიდებ, მტრად გაიხდი; ტყუილი თუ უთხარი — შენია და შენი იმისი ხორცი და კანი. აგერ მე ჯიბეში ჩემ ბაღში მონაწყვეტი ხურმა მიღვეს. ხალხს რომ გამოუცხადო, ეს ხურმა თვით იელოვამ ანგელოზის ხელით ზეციდან გამომიგზავნა, როცა იმის ტაძარში კრძალვით საქმეველს ვაკმევდი-მეთქი, მაშინვე პირქვე დაემხობა და ერთ უშველებელ ლოცვა-ვედრებას ასტეხავს... აი თუ გინდა ამ ჩვენი ქერუბიმ-სერაფიმით მოქარგულ კრეტსაბმელის იქით, ხომ იცით, ისეთივე სიცარიელეა, როგორც სინედრიონის ზოგიერთი წევრის გოგრაში, მაგრამ ბრიყვი ხალხი მაინც დარწმუნებულია, რომ მოსეს მიერ მოცემული სჯულის კიდობანი ახლაც იქა ძევს, მიდი და გადაარწმუნე!..

— წმინდანო რაბუნო, — შემოილაპარაკა ლევიტელმა: — ამა ესერა ძენი და ასულნი ისრაილისანი მოსულ არიან გალილით და

ბორდანით კერძო, ტვიროსით და სიდონით, ზვარაკები კამებული თან მოუყვანიათ, ეზოთ გარე ტაძრისა დგანან და მოელიან კურთხევასა თქვენგან და შეწირვად ღეთისა მიმართ.

რაბინი რუბენი ერთ წუთს შეერთა, მაგრამ საჩქაროდ გამოერკვა, ხელები ზეცას აღაყრო, თვალები გადმოატრიალა და სასოებით შესძახა:

— შესწირვიდეთ უფალსა შვილნი ვერძთანი!..

— შესწირვიდეთ უფალსა შვილთა ვერძთასა! — ბანი მისცა ოლიამ.

— რამეთუ უკუნისამდე არს წყალობა მისი! — დაუმატა იუდამ მღვდლები შეიმოსნენ. დამკვრელთა და მგალობელთა გუნდმა თავიანთი ადგილი დაიკირა. სამსხვერპლო პირუტყუები თავის ადგილას დაამწკრიეს. ჩამოჰკრეს წინწილ-ებანი. „აქებდით, აქებდით, აქებდით უფალსა, — გალობდა გუნდი, — რომელმან განიყვანა ერი თავისი ზღვასა მას მეწამულსა... შთაანთქა ფარაო და მხედრობა მისი...“

პრიალდა სამსხვერპლოზე ალი. მღვდელ-ლევიტელნი დაფაცურდნენ. მსხვერპლი მსხვერპლზე მოდიოდა. ლევიტელნი გატყავებას ვერ ასწრებდნენ. სოლომონის სტოვაში იმდენი ხალხი ირეოდა, რომ მტრედთა და ხბოთა გამყიდველნი საქმეს ვერ ასდიოდნენ. ზარაფები ფულის დახურდავებას ვერ ასწრებდნენ. ციკანთა კიკინი, მტრედთა ღულუნნი, ხბოთა ბღაველი, ფულის ჩხრიალი, მყიდველ-გამყიდველთა ხმაურობა, სამსხვერპლოზე მოპრიალუ ცმელის ტკაცატყუცი, საკრავთ ხმა და გუნდთა გალობა საერთო გუგუნით ეფინებოდა არემარეს.

— ჩინებული ხბოა, ათ დრაკინისათვის საქმეს ნუ ჩაშლი, იყიდე და შესწირე უფალს! — რჩევას აძლევდა ერთ ადგილას ხბოს გამყიდველი შორი სოფლიდან მოსულ, ჭაფისა და მზისაგან პირის კანგათუთქულ გლეხს.

— მტრედები, მტრედები! — იწვევდა ხალხს მემტრედე. — იედოვასა ღმერთსა ისრაილისასა ისე არაფერი არ უყვარს, როგორც მსხვერპლად შეწირული მტრედი. აბა, თუ ასე არ არის, კითხეთ წმინდა მღვდელმთავარსა ჩვენსა.

უცბად ტაძრის ეზოს სპილენძის დიდი ალაყაფის კარებისაკენ რაღაც ჩოჩქოლი ატყდა.

— არა, გაგვიშვით, შეუძლებელია! — ყვიროდა ვილაცა.

— გაგვიშვით, დროა ბოლო მოეღოს ამდენ საძაგლობას!

— შენ ვითომ რა დიდ კაცად...

— რისთვის?!

— მღვდელმთავარიც ისეთი მსუნაგია, რომ!..

— ღმერთიც გასწყრომია!..

ისმონდა ასეთი გამოურკვეველი ხმები და კიყინა მკიდროდ მოგროვილ ხალხში, რომელიც თანდათან სოლომონის სტოვასაკენ მიემართებოდა.

ჯოხით შეიარაღებულ ასამდე რჩეულ ვაჟკაცს წინ მიუძღოდა ლამაზ-ლამაზი, მოკლე და მოწითალო წვერიანი ვაჟკაცი და ხელში ვეებერთელა თოკისაგან გაკეთებული შოლტი ეჭირა. ცხადყო, რომ ის ასიოდე კაცი იმ შოლტიან ვაჟკაცს მხარს უჭერდა.

შოლტიანი მიუახლოვდა მღვდელ ილიას, რომელიც ტაძრის ეზოს შუა აღმართულ სამსხვერპლოსთან ახლად გატყავებულ ხბოს გარს მოდგომოდა და რაღაც ლოცვას ბუტბუტებდა.

— ვითომ ლოცულობ განა! მაგ თვალთმაქცობით იბრიყვებ ამ დაბეჩავებულ ხალხს, — დაუძახა შოლტიანმა და მღვდლის თავზე ჰაერში შოლტი გაატყლაშუნა.

ახლო ერთი ლევიტი ცხვარს ატყავებდა. მან ცხვარი იქ მიაგდო და მოღერებული დანით გაექანა, მაგრამ მარჯვედ მოქნეული ჯოხი მოხვდა მაჯაზე და დანა დააგდებინა. ვიღამაც მაგრა ჰკრა მუჯღუგუნი, წააჩოთირა და თავის მიერ ნახევრად გატყავებული ცხვრის გვერდით ქვაფენილზე გამშლართა.

მიწყნარდა წინწილ-ებანი. ბავშვები და ქალები დაფრთხნენ. შოლტიანის გარშემო კი თანამგრძობთა რიცხვი თანდათან მატულობდა. ალიაქოთის შიშით ზარათებმა დასტა-დასტად დალაგებულ ფულს საჩქაროდ ვეებერთელა ქისებში დაუწყეს ყრა.

— გეყოფათ მაგდენი, ისედაც გაძვალტყავებულ და რომაელეების ბრკეალებქვეშ დაწნახული ხალხის თვალის ახვევა და უკანასკნელი სისხლის გამოწოვა. — ხმამალლა იძახდა შოლტიანი და სოლომონის სტოვას უახლოვდებოდა: — ეს რა არის? განა ტაძარი ღვთის ზარათხანაა? — დაუყვირა ერთ გრძელწვერა და ცხვირმოკაუქებულ ზარათს, რომელიც გამალეებული ქისაში ფულს აჩხრიალებდა, მაგრამ სულ ჩალაგება ვერ მოესწრო და ჯერ კიდევ მაგიდაზე ფული ბლომად ელაგა. ჰკრა შოლტიანმა ხელი მაგიდას. წააქცია და რომის კეისრის გამოხატულებიანი დრაკან-ქანქარი ქვის იატაკზე მოეფინა.

— ღმერთო მომკალი! ვააიმე, ფული დაიბნა, დავიღუპე! ეინ ოხერი და თავმოძულებულია ეს კაცი! — ერთი ზარათის ყვირალს შეორის და მესამისაც მიემატა:

— ამას რას ვხედავ! — კვლავ გაისმა შოლტიანის მტკიცე ხმა. — განა ტაძარი ღვთისა ბაზარია? მტრედები და ხბორები აქ მოგყვანიან, ამით გინდათ დაიბრიყვოთ უბედური ისრაელი! — კვლავ გაისმა ჰაერში შოლტის ხმა, — თქვენ დააქციეთ სჯული მამა-პაპათა. თქვენ ღორმუცელობას ანაცვალეთ მოსე და წინასწარმეტყველი! — ქუხდა შოლტიანი.

— მართალია, მართალია! — გუგუნებდა შოლტიანის სითამამით წაქეზებული ხალხი. — მართალია, ამ ტაძრის ბატონ-პატრონთა ყოველ წრეს გადასულმა მსუნაგობამ მიწასთან გაასწორა ძე ისრაილისა.

როცა ნახეს აღელვებული და სამტროდ გამზადებული ხალხი, მღვდელ-ღვთისმეტყველები საჩქაროდ აქეთ-იქით ტაძრის კუნძულში პიიმაღნენ.

— შენ ვინა ხარ, კაცო? შენ ვინ მოგცა უფლება ასე იქცეოდე? — ყვიროდნენ თავის მხრივ ზარაფ-ვაჭარნი. — ეს რა ღვთის რისხვა მოგვევლინა! ეს ვინ ეშმაკის შემოჩენილია!

— დააქციეთ ტაძარი ეგე და მე მესამესა დღესა აღვადგინო რგი. — მიუგო შოლტიანმა და ტაძრიდან ერეკებოდა ვაჭრებს. შოლტსაც თავაზობდა.

— ისე დამე ამდგარა შენი გვერდი ხვალ დილით სარეცელიდან. შენ ეს სამ დღეს ააგო! — ყვიროდნენ ზარაფეები, — ორმოცი წელიწადი გვიშენებია, მთელი ხალხი მაგის აშენებამ გაალარბა და შენ სამ დღეს გინდა ააშენო!

— უბედურნო, თქვენი ახალი აშენებული რალა უნდა იყოს, როცა ძველის დაქცევის უნარი არ შეგწევთ. აქაც მე მოგეშველებოთ. მევე დავაქციე, მევე ავაშენებ.

კვლავ ატყდა რალაც ახალი ჩოჩქოლი ალაყაფის კარებთან. რომაელების მხედრობის ასისთავი ამაყად იჭდა ცხენზე, გრძელი მუბი ხელში ეჭირა და ტაძრის ეზოში შემოდის და, უკან შეუბები-თვე შეიარაღებული ჯარისკაცები მოსდევდნენ. წინ მიუძღოდა თავგადაგლეჯილი რაბუნნი რუბენი.

— აბა, თქვენი განათლებული თვალითაც ნახეთ, ღირსეულო რომის მხედარო! — ქაქანით ამბობდა რუბენი: — დიდებული კეისრის ერთგულო ქვეშევრდომო! ეს არათუ ჩვენი წმინდა რჯულის შეურაცხყოფაა, თვით დიდებული კეისრის აბუჩად აგდებაა. შემოგვივარდა, ბატონო, გადარეული კაცი. აი აქ, ბატონო, პატროსანნი მღვდელ-ღვთისმეტყველები ღმერთს მსხვერპლს სწირავდენ, რა თქმა უნდა, კეისარს, იმის სახლობას და მთლად რომის ძლევა მოსილ-

მხედრობასაც გულწრფელად უფალს ავედრებდნენ. შოლტით ყველას თავპირი დაამტვრია. პატიოსან ვაჟარ-ზარაფებსაც — აქ ვაჟრობა, ბატონო, თვით წმინდა მღვდელმთავრის მიერ დაკანონებულია — ფული სულ გაუბნია და მათაც უწყალოდ სცემა.

— აი, ბატონო, — დაიძახა ერთმა ცეცხლივით წითელწვერაკაცმა, რომელსაც ხბოსთვის ყურში დაევილო ხელი და ეზიდებოდა, — ძლივს ვიპოვნე, ხბორები სულ დამიფანტა.

— კეისრის საბრძანებელში ასეთ უკანონობას, ბატონო, ადგილ არ უნდა ჰქონდეს! — თქვა მღვდელმა ილიამ, რომელიც სხვა მღვდელ-ლევიტებთან ერთად რომაელების იმედით საფარიდან გამოსულიყო.

— მე ვუჩვენებ, მე მას ვუჩვენებ, ღირსეულნო რაბუნნო! — ანუ გეშა ასისთავმა, ფეხებით უზანგები დააეღრიალა და ხელით შუბი დააზანზარა. — ვინ იყო ის წესრიგის დამრღვევი, მომგვარეთ აქა.

მღვდელ-ლევიტელნი და ვაჟარ-ზარაფნი დაფაცურდნენ.

— მოგახსენებთ, ბატონო! — სულის ძლივს მობრუნებით ამბობდა მღვდელი რუბენი. — მე ვიცნობ. ის იიშუ ნაზარეველია. დურგლას იოსების შვილი.

— ბიიშუ?

— არა, ბატონო, იიშუ, იიშუ ნაზარეველი. მაწანწალა რაბუნია. პატიოსან დურგლობას თავი დაანება, თავისთანა არამზადა ხალხი აიგოლია და დაბა-სოფლებს მოედო რაღაც ახალი, ღვთისა და კეისრის წინააღმდეგი ქადაგებით. წმინდა მოსეს წვერებს ვფიცავ. ბატონო, ხალხს აღელვებს. ღმერთი არა სწამს, არც ტაძარი წმინდა. მსხვერპლი საჭირო არ არისო ამბობს, ბატონო. მოსემ კი პირდაპირ დააკანონა, ცხვარი, ძროხა და მტრედები შესწირეთო. კეისარს ხარკი არ აძლიოთო, ის ხალხის მყვლუფელიაო, ამბობს. ჯარისკაცები და ომიანობაც არა სწამს, ერთი სიტყვით, აწინდელ დიდებულ, რომის სკიპტრის ქვეშ ჩინებულად მოქმედ წესწყობილების დაუძინებელი მტერია..:

— იცით ნამდვილად რომ ის იყო?

— ნამდვილად, ბატონო. აი პატიოსანი მოწმენი, რამდენიც გნებავთ.

— იიშუ იყო, ბატონო, იიშუ. შოლტი იმას ეჭირა, — თქვა ერთმა კაცმა.

— ის იიშუ ხომ არ იყო, რომელზედაც ამბობენ, უდაბნოში ბალხი გააძლოო? — დაიძახა ვილაკამ.

— არა, ბატონო, — მოთმინებიდან გამოსული კილოთი მოუსწ-

რო მღვდელმა რუბენმა. — სულ მოქორილია. არავინაც არ გაუქლია. სხვისი გაძღომა კი არა, თითონაც ნახევრად მშვიერი დაეხეტება. ხალხის გაძღომა და ქველმოქმედება აქ ჩვენთან უნდა იკითხო, ბატონო, ღვთივ კურთხეულ ტაძართან. აი ამოდენა უამრავი მსხვერპლის წელებს და ფეხებს სულ საწყალ ხალხს ვურიგებთ მუქთად. ეს ალბათ, ღირსეულო მხედარო, თქვენც კარგად მოგხსენებათ, რადგან წყლის პირად წელების გარეცხვისთვის ცოტაოდენი ბაეიცაა დადებული და იქ მუდამ ჯარისკაცია მიჩენილი წესიგის დასაცველად.

— მე იმას ვუჩვენებ, მე ვუჩვენებ, როგორ უნდა წესრიგის დარღვევა! — მტკიცედ ამბობდა ასისტავი.

— ჩაგვიშალა, ბატონო, ჩინებული დღესასწაული. ამდენი ლოცვა-ვედრების მადლი გააქარწყლა.

— აბა სად გაიპარა ის არამზადა, — მოიჭრა აოფლიანებული და გაკეცხლებული მღვდელი ილია.

— ვერა ნახეთ? — ჩუმად დაეკითხა რუბენი.

— ხალხით გაქედილი მთელი ეს ვეებერთელა ეზო შემოვიარე, ვის არა ვკითხე, კანონსაც გადავაცილე, შუბიანი, ურწმუნო ჯარისკაცი სტოვაშიაც ავიყვანე, აველა კუნძული მივქექე-მოვქექე, მაგრამ სულ ამაოდ.

— სად არის რაბუნი იუდა? — წყენით თქვა მღვდელმა რუბენმა.

— შე კაცო, აკი გითხარი ჯაშუში მიუჩინე, არსად არ გაგექცეს-ქეთქი.

— შენ მამო, ისიც მითხარი, ლოცვას თავი არ დაანებო, ხელები მალდა აღაპყრე და ხალხს მხურვალე ლოცვა და თავი მოაჩვენეო, მაგრამ როცა გამწვავდა საქმე, ჯაშუში კი არა, თავი ცოცხალი ძლივს დავადწიე.

— მომგვარეთ აქა, მე ვუჩვენებ იმას! — რიხიანად ამბობდა ასისტავი და შუბს აზანზარებდა.

იიშუ კი არსად იყო.





მ ე ფ ე

I

ძვირფას ხალიჩებით და ოქრო-ვერცხლის სამკაულით მორთულ-ნოკაზმულ დარბაზში, სპილოს ძვლის სავარძელში განისვენებდა ძოწეულით მოსილი, ღრმად დაფიქრებული მეფე იროდი. თუმცა სამოცდაათ წელს მისთვის თავისი კვალი დაემჩნია და შუბლდანაოჭებული და წელში მოხრილი თავს სუსტად გრძნობდა, მაგრამ მისი გული მაინც ძველებურად ტოკავდა. გაუმაძღარი მისი თვალები სივრცეში ისე იცქირებოდა, თითქო მზადაა, მთელი ქვეყანა გასრისოს და კადაყლაპოსო. სისხლით და უანგარიშო მსხვერპლით მოიპოვა მან მეფობა. ბევრი წარჩინებული ისრაელი გამოასალმა წუთისოფელს, რომ უფრო მტკიცედ და უშიშრად დასკუბებულიყო სამეფო ტახტზე. მისი ექვიანობა იქამდე მივიდა, რომ არ დაინდო თავისი მეუღლე მარიამნა და მისი შვილები ალექსანდრე და არისტოული: სამივე მოაკვლევინა. მაინც ვერ იქნა, გული ვერ დაიმშვიდა და თავისი ხანგრძლივი ცხოვრება სულ. შიშში გაატარა, — ვინმე მეტოქე არ გამომიჩნდეს და ტახტი არ წამართვასო. ახლად მოსულმა ქალდეველმა სწავლულებმა ხომ სულ დაუბნიეს დაეთარი... თვალზე ძილი არ ეკარებოდა. საკმლის მადა დაეკარგა.

— გეახლათ, დიდო ხელმწიფე, მონა თქვენი მღვდელმთავარი ანნა, — გულზე ხელებდაკრუფით და მუხლმოყრით მოახსენა მსახურმა.

ფიქრებში გართულმა მეფემ თანხმობის ნიშნად თავი ოდნავ დააქნია.

— ჩემს მწყალობელს, მეფეთ მეფეს, ურიასტანის მბრძანებელს

გიხაროდენ! — შეილაპარაკა მღვდელმთავარმა ანნამ, პურპურით შეღებილ მეწამულ ტანისამოსში გამოწყობილმა, ოქროთი მოჭედ-ილ ყავარჩნით ხელში.

— გმადლობ. მღვდელმთავარო, რომ საჩქაროდ მნახე. აი აქ ჩამოჯექ, ა იმ ბაღიშზე. ორმოცი წელიწადი ვმეფობ და ასეთი სულიერი აღმფრთხილება ჯერ არ გამომიციდია. ხომ შეიტყე? — მოწყენილად და აუჩქარებლად ჰკითხა ირომა.

— მხოლოდ ქორი, მეფეე. — მზაკვრული ჩაცნევით მიუგო ანნა. — სინამდვილეს მეფის პირიდან მოვისმენ.

— ეჰ, მღვდელმთავარო, საქმეც მაგაშია, რომ უფრო მეტა ვნება მაგ ქორს მოაქვს, ვიდრე სინამდვილეს. მე ქორისა უფრო პეშინია, რადგან ბრბო მას უფრო აფასებს, ვიდრე სიცხადეს. ქორში ოცნება ლამაზად და მომხიბლავადაა ჩაქსოვილი და ადამიანს ხომ ისე არაფერი არ უყვარს, როგორც ოცნება.

— დამშვიდდით, მეფეე, შენ გვერდით შენი ერთგული ანნაა...

— მეც იმიტომ მოგიხმე, მღვდელმთავარო. საიმედო ხარ ჩემი. შენ კარგად მიცნობ, რომ ოცნებისა არა მჯერა რა და მხოლოდ სინამდვილის მოტრფიალე ვარ. ეს საქმიანაც დამიმტკიცებია. არავითარი მსხვერპლისა და დაბრკოლების წინ არ შევჩერებულვარ, როცა ამას საქმის ცხადი ვითარება მოითხოვდა... მეოცნებე ხალხი, როგორც ქალდეველები, იმთავითვე მძულდა და, შენც კარგად იცი, რომ ჩემ სასახლეში ერთი მოგვი არ გამიჭაქანებია. ზამთარ-ხაფხულ მინდორში დროსტარებამ და მუდამ ბრწყინვალე ვარსკვლავებით მოჭედოილ ცის ყურებამ ქალდეველები ვარსკვლავთ-მრიცხველობას შეაჩვია და იმდენად გაიტაცა ამ საქმემ, რომ ქვეყანა და მისი სინამდვილე თითქმის გადაავიწყდათ. დედამიწაზე აღმოცენებულს და აქვე გაზრდილ განხორციელებულ საქმეს, ცის მნათობით ხსნიან და აკანონებენ. საკვირველიც არ არის, რომ ამ ოცნების მეოხებით, ერთ დროს მდიდარი ქვეყანა ბერძენ-რომაელების სათარეშოდ გახდა. მაგრამ მე რას დავეძებ, იქ თუგინდ ფრატს უკულმა უდენია. მე ჩემი დარდი მაწუხებს. საქმე ის არის, რომ მათი ოცნება მეც გადამწვდა. მე, ჰიონის ტახტზე მჯდომსაც, არ მასვენებენ და სულიერ სიმშვიდეს მიკარგავენ. რალა გავაგრძელო, მღვდელმთავარო, გუშინ სამი ქალდეველი მოგვი თავზე დამადგა. „სადა არს მეუფე იგი, — მომანსენეს, — რამეთუ ვიხილეთ ვარსკვლავი მისი და მოვედით თაყვანისცემად მისდა“. გარე, მღვდელმთავარო? აბა ერთი დაფიქრო, წმინდა მოშეს

მზემ! კაცო, მე, იროდი მეფეს, ურიასტანის მბრძანებელს, მეკითხებიან: მეუფე ურიათა სად დაიბადაო. პირველად ბუზივით გასრესა განვიზრახე ჩემ თვალწინვე, მაგრამ შენც კარგად იცნობ მეფე იროდის, შორსმკვრეტელობაც არ აკლია. თავი შევიმაგრე, ისე მოვაჩვენე, თითქო ძლიერ გამხარებოდეს მათ მიერ მოძღვნილი ამბავი. „მომითმინეთ, ხვალ მოგახსენებთ პასუხს-მეთქი“ და მოგვები ქალაქგარეთის სასახლეში გავისტუმრე. ბრძანება გავეცე, საგანგებო პატივით მოეპყრან. ახლა, მღვდელმთავარო, ფიცხლავ უნდა შეკრიბო სინედრიონი და უნდა დაადასტუროთ, რომ არავითარი მეფე ურიათა ამ დროებით არ დაბადებულა და არც საქიროა მისი დაბადება, რადგან ურიათა უკვე ჰყავთ დიდებული მეფე იროდი.

— ჩემს მწყალობელს, მეფეთ მეფეს, არ ეწყინოს, მისი მონის მღვდელმთავრის ნათქვამი, — წყნარად. მაგრამ მტკიცედ შენიშნა: ანნამ.

— მითხარ, მითხარ, სიმატლე მითხარ...

— ოცნება ოცნებაა, დიდებულო მეფევ, მაგრამ ვაი რომ წუთისოფლის სინამდვილევ მაგ ოცნებაზეა დამყარებული. სუ. მეფევ. მე და შენა ვართ მარტონი, ყურში გეტყვი, — თითქმის ჩურჩულით წარმოთქვა ანნამ, — თვით მოშე და წინასწარმეტყველები სხვა რაღანი არიან, თუ არ ლამაზი ოცნება... კრება რაღად განდა, ხელ-მწიფევ. სინედრიონი რას გეტყვის ანნა მთავრის გარეშე. რადგან ჩვენ ყველანი საღმრთო წერილს უნდა დავემყაროთ. „და შენ ბეთლემთ ქვეყანა ეგე იუდასი, არა სადა უმრწემეს ხარ მთავართა შორის იუდათა, რამეთუ შენგან გამოვიდეს წინამძღვარი, რომელმან დაამწყესოს ერი ჩემი ისრაილი“. აი რას ამბობს, მეფევ, წინასწარმეტყველი და სინედრიონიც იძულებული იქნება, შენ შეკითხვაზე ასეთი პასუხი გაგცეს...

— როგორ? ბეთლემში, იმ ნახევრად გადაზნექილ-გადმოზნექილ ქოხმანებში, იმ ლატაკთა შორის უნდა დაიბადოს მხსნელი ისრაილისა? მაშ ეს, როგორც ვატყობ. მარტო ქალღვევლების ოცნება არა ყოფილა?!

— ასე ამბობს, მეფევ, წინასწარმეტყველი ანუ, უკეთ რომ ვთქვათ, ასეთია მთელი ერის სულიერი მისწრაფების გამოხატულება. ისრაილის წარმოდგენით, მეფე უნდა დაიბადოს იქ, სადაც დაიბადა მისი დიდება დავით. ეს სასოება ჩაქსოვილია ისრაილის გულში იმ დღიდან, რა დღესაც ნაბუქოდონოსორმა დასწვა სო-

ლომონცის ტაძარი და სამშობლოს ძალით მოწყვეტილი ერი ჩრდილოეთისკენ ეფრატის გზას გაუყენა.

— მაგრამ, — ხმას აუმაღლა მეფე იროდიმ, — ახლა ხომ ჰყავს მეფე ურიასტანსა. მაშ იროდი ვინლაა? ვინ გაამშვენიერა იერუსალიმის ტაძარი?..

— ნუ მიწყენ, მეფეო. გაამშვენო კი არა, ათი ტაძარი საძირკვლიანად რომ აღუშენო, მაინც ვერ გასწევ დავით-სოლომონობას. ნუ დაგავიწყდება, რომ შენ იღუმეველი ხარ. ისავი და იაკობი თუმცა ძმები იყვნენ, მაგრამ ერთმანეთის მტრები იყვნენ...

— კმარა, მღვდელმთავარო, მეტი მოთმენა არ შემიძლია! შენ მაინც შეჰკრიბე სინედრიონი... აქ უსათუოდ რაღაც შეთქმულობაა. კაი ხანია არ უნახავს ურჩ ხალხს ცეცხლი და მახვილი. გადაავიწყდათ ჯვარისა და სახრჩობელას გემო. მე მათ გავახსენებ, მე მათ გავახსენებ, — ბრაზით წარმოთქვა მეფემ და მუშტების მოღერით სავარძელიდან წამოიწია.

II

ძვირფას ძოწეულით მოსილი მეფე იროდი მარგალიტებით მოქარგულ ქოშებს ნება-ნებაზე აბარტყუნებდა ლამაზ ფერადებით აკრელებულ ხალიჩაზე. მის მუდამ დაღვრემილ სახეს დროგამოშვებით კმაყოფილების და იმედიაზობის ელფერიც გადაურბენდა ხოლმე. მის წინ იდგა იგივე პურპუროსანი ანნა.

— რას ამბობს შენი სინედრიონი, მღვდელმთავარო? სანამ ის ძველ ქარტიებს გადაქექავდეს, მე უკვე მივიღე ჩემი ზომები.

— მე ამას წინათაც მოგახსენე, დიდო ხელმწიფევე, რომ სინედრიონი ემყარება...

— ვიცი, ვიცი, რაზედაც ემყარება, — გააწყვეტინა იროდიმ. — ერთი მეც მკითხე, შენმა ლოცვა-კურთხევამ, ვემყარები რამეზე თუ არა? ჩემმა ერთგულმა ჯამუშებმა ბევრი რამ საგულხშიერო ამბავი მომიტანეს. შენ მართალი ხარ, მღვდელმთავარო. მთელი იერუსალიმი და, რა თქმა უნდა, ურიასტანიც ამაზე მსჯელობს თურმე ჩუმ-ჩუმად. ერთ ქოხში მედაბლე ისახარს და მეხამლე ზაბულონს დანით კინაღამ ერთმანეთი გამოუწეღავთ. შეცილებულან — ბეთლემში დაიბადება მეფე ურიათა, თუ სადმე სხვაგანაო. ორივე სახრჩობელით მინდოდა შემერიგებინა, მაგრამ რა მაჩქარებს, ჯერჯერობით ჯურღმულში დავამწყვდევინე. მინდა ვაწამო,

იქნებ გამოვტეხო და ტახტის საწინააღმდეგო შეთქმულება აღმოვაჩინო.

— კეკელიანი მოსაზრებაა, — შენიშნა ანნამ.

— ესეც ცოტაა, მღვდელმთავარო, — წახალისდა მეფე ოროდი, — მოგვებიც ჩუმად გავისტუმრე ბეთლემში. არიქათ, მიჰყევით თქვენს ვარსკვლავს და თუ იპოვნოთ ახლად დაბადებული მეფე, დაუყოვნებლივ შემატყობინეთ, რომ მეც მივიდე და თაყვანი ვცე, როგორც რიგი და წესია-მეთქი. ხა, ხა, ხა! — ჩაიციხა მეფე ოროდი.

— სამივენი გაისტუმრე? — შეეკითხა ანნა.

— სამივენი გავგზავნე, მაშ?

— ჩემს მწყალობელს კი ნუ ეწყინება და აქ ცოტა შეცდომა მოსვლია: კარები დაუქეტია, მაგრამ გასაღებიც შიგ დაუნარჩუნებია — გასაღები ჭიბეში უნდა ჰქონოდა.

— რა?

— ერთ-ერთი მოგვი მძევლად უნდა დაგეტოვებინა. იმ მოგვებს ჰეტად ვერ იხილავ. ვინ იცის, იქნებ დაბადების დღეს სწყველიან, რომ შენთან მოვიდნენ და ესოდენ წინდაუხედველობა ჩაიღინეს.

— როგორ?

— ძლიერ ადვილად, ჩემო მბრძანებელო. ამას წინათაც მოგახსენეთ, აქ უფრო ღრმა მიზეზებია, ვიდრე ჩვენა გვგონია. ის წყლული, ის იარა, რომელიც იუდას დაამჩნია ნაბუქოდონოსორმა, იქნებ შენ გამთვლებული გგონია? არასოდეს, დადო მეფევე. „მდინარეთა ზედა ბაბილონისათა მუნ ვისხედით ჩვენ, ჩვენ, ოდეს მოგიხსენეთ შენ, სიონ“. აი სიტყვები, რომელიც სისხლის ზოლებით აღბეჭდილია ყოველი ებრაელის გულზე. და აღბეჭდილიც იქნება, სანამ არ იხილავს სიონს ისე ამაღლებულს, როგორც გამირის გოლიათიხ დამთრგუნველის იესეს ძის დროს. შენ ნუ გეწყინება, მეფევე, და ხალხის გული ძნელი მოსაგებია. „ეფუცა უფალი დავითს და არა შეურაცხყოს იგი“, — აწერია ებრაელის დროშაზე და ვერაერთარო ცეცხლი და სახრჩობელა ვერ გადაარწმუნებს იმას, რომ უფალმა თავისი მეფური ფიცი გასტეხოს და შეურაცხყოს. ამ აზრით გამსკვალულია არა მარტო ის, ვინც აქა ცხოვრობს, სიონის ირგვლივ. ესევე უღვივის გულში იმათაც, ვინც ეფრატის გაღმა დარჩნენ, ან კიდევ უფრო შორს გოგი-შაგოგის ქვეყანაში გადიხეწნენ. აუშკა მართალია, მოგვები ოცნების ხალხია, მაგრამ მათი ოცნება აღმოცენებულია იმ ნიადაგზე, რომელსაც ყოველი ებრაელი გულთ თან

ატაობს, საცა გინდა იყოს იგი. თქმა არ უნდა, შენთან მოსულა მოკვები ისრაილის ტომის ჩამომავალნი უნდა იყვნენ.

— მაშ ესლა დამრჩენია, მღვდელმთავარო, რომ მართლა და ბეთლემში გავემგზავრო და სათაყვანოდ ვეძიო ის, ვისაც მეფედ სახავს ურიათა ოცნება? — გულნატყენად წარმოთქვა მეფე იროდიმ.

— დამშვიდდი, მეფევ! მე მხოლოდ მოგახსენე საქმის ნამდვილი ვითარება. მე მხოლოდ აღვნიშნე ის, რომ ერის გულში ანთებულ ცეცხლის ჩაქრობა სრულებით, უკანასკნელ ნაპერწკლამდე შეუძლებელია. ნაპერწკალი კი ხშირად გრიგალად იქცევა ხოლმე. გრიგალის დანელება მეფეს შეუძლია, მაგრამ ნაპერწკლის აღმოფხვრა კი ვერა. ახლაც, როგორც ეტყობა, ნაპერწკალი გაღვივებულა და საგრიგალოდ ემზადება. შენი თანხმობით, მეფევ, გადავასხათ წყალი. ჭერჯერობით ცეცხლი ბეთლემში ჩავაქროთ. იმდენად რომ ჩვენ სიცოცხლეში მაინც საშიში არ იყოს და მერე...

— ქვა ქვაზე ნუ დარჩენილა, — შენიშნა მეფე იროდიმ. — გმადლობთ, მღვდელმთავარო. მესმის შენი, სიტყვები. ახლავე შესაფერ ზომებს მივიღებ.

— სამი რამ უნდა მოგახსენო კიდევ, მეფევ, — შენიშნა ანნამ: — პირველი, ერთი წამი დრო არ უნდა დაკარგო. ნათქვამია: სანამ თონე ცხელია, პური დააკარო. მეორე, ზომას არ უნდა გადააქარბო. დღეს შენთვის, ასე თუ ისე, საშიშია ბეთლემი. შენი რისხვაც ბეთლემს და მის მიდამოს არ უნდა გადასცილდეს. მართალია, ესეც მითქმა-მითქმას გამოიწვევს და ახალი მწვალელები, იესეები, ამას ათასგვარ კუდს გამოაბამენ, მაგრამ აქ არა ვართ, მეფევ, შენი ერთგული სამღვდლოება? ჩვენ ხელთ არ არის საღმრთო წერილი? საღმრთო წერილი კი ისეთია, როგორც წყალზე ნავი: საითაც გინდა, იქითვე მიიბრუნებ. სული წმინდა მოშეს და წინასწარმეტყველების სიტყვებით დაუმტკიცებთ მთელ ქვეყანას, რომ მეფეს უფლება აქვს, თუ არსებული წყობილების საწინააღმდეგო აღმოაჩინა, მის მოსასპობად ძალა იხმაროს. ფიქრი ნუ გაქვს, მეფევ: ბრბო ისეთია, როგორც ნიაღვარი. ერთ წამს აბობოქრდება, ასე ჰგონია, ქვეყანა წალეკაო, მაგრამ მზის ორი-სამი სხივი რომ მოხვდება, ისე ჩანელდება, რომ ვერც კი შეამჩნევ. მაგრამ თუ ზომას გადააცილე და ბრბო სასოწარკვეთილებამდე მიიყვანე, მაშინ საშიშია, თვითონაც დაიღუპება და შენც თან ჩავითრევს. მესამე, მეფევ, სისხლმა, ცრემლმა და კვნესა-გოდებამ არ უნდა შეგაზაროს.

— ოჰ! მღვდელმთავარო, შენც კარგად იცი, რომ ამაში მეფე იროდის თვით რომის კეისარიც ვერ შეედრება, — თქვა მეფე იროდემ.

III

შუა ღამეა. ტკბილად ძინავს ურიასტანის ქალაქ ბეთლემს. მისი უსწორმასწორო, ქუჩუჩიან ქუჩებში ჭაქანება არ არის. ცა ვარსკვლავებით მოქედელი საიდუმლო ციმციმით დაჰყურებს ბეთლემის მოტვლევილ-მოხრიოკებულ არემარეს. მიღეული მთვარე ძლივს ანათებს. ირგვლივ სიჩუმეა. მხოლოდ იერუსალიმის გზისკენ რაღაც ჩუმი ჩოჩქოლი და ხმაურობა ისმის.

— სუთ, ჩუმად, ნუ ხმაურობთ! სანამ ბრძანება არ მიიღოთ, თავდაპირვით იყავით, თორემ ხალხი დაფრთხება! ასისთავებო, მომიახლოვდით! — ხმადაბლა ბრძანებას სცემდა ვილაცა. ეს აყო იროდი მეფის ჯაშუშთ უსტაბაში ოსაა.

— გახლავარ, ბატონო ოსია უსტაბაშო! — მიუგეს ასისთავებმა.

— ერთხელ კიდევ გაგიმეორებთ მეფისა იროდის ბრძანებას ჩვენ წინ ბეთლემია, აქ უნდა იყოს ახლად დაბადებულს. ურიათ: მეფედ დასახული, მოსისხლე მტერი მეფის იროდის სახლისა — რომელ სახლში ცხოვრობს, არავინ იცის, ამიტომ მეფემ მღვდელმთავრის მოწონებით გადასწყვიტა, რაც ბავშვია ბეთლემში და მის არემარეში თხუთმეტ უტევანის * სივრცეზე, ყველა ამოსწყვიტოს ამ მოსაზრებით, რომ ურიათა მეფედ დასახულიც შიგ ჩაიღუპოს. მეფე იმედოვნებს, რომ მისი ძლევამოსილი ჯარი პირნალთად შეასრულებს ამ დავალებას და ღირსეულად დაიმსახურებს იმ მოწყალებას, რაც მეფემ კეთილინება და ბრძანა: ვინც ოცი ბავშვის თავს წარმოადგენს, ასისთაობას მივცემო, ისე კი თითო თავში ათათ დრაკანს მიიღებენო. თქვენ კი, ასისთავებო, ათას-ათასი დრაკანი საჩუქარი მოგეცემათ.

— მრავალყამიერ, მრავალყამიერ დიდებული მეფე იროდი! — მიუგეს ასისთავებმა.

— მაშ მზად იყავით. თქვენ თქვენ ხელქვეითებს შესაფერისი დარიგება მიეცით. მზვერავი ჯაშუში უკვე გავგზავნე. როცა იხნიშანს მოგვცემს, მაშინ თქვენ იცით!

აი გაისმა საყვირის ხმა. ერთი წამიც და ბეთლემის უსწორ-

* უტევანი — ზომაა, ახ საყენანდე.

მასწორო ქუჩები გრძელტარიანი შუბებით შეიარაღებულ ჯარისკაცებით გაივსო. მეჩირაღდნეებმა კვარებს მოუყიდეს და გზას იმით ინათებდნენ. ატყდა გულის შემზარავი წივილ-კივილი ქალებისა. მამაკაცებიც არა ნაკლებ ხმაურობდნენ. გამგელებული ჯარისკაცები იკრებოდნენ სახლებში, ეძებდნენ ბავშვებს. თუ უპოვნიდნენ, დედებს უბოდიშოდ სტაცებდნენ ხელიდან, თავს კრიდნენ და პარკში იღებდნენ, ტანს იქვე აგდებდნენ და სხვაგან გარბოდნენ მათი ფოლადის შუბის წვერი მოუერიდებლად სინჯავდა სახლის ყოველ კუნჭულს, ანგრევდა და ამტვრევდა, რაც მოხვდებოდა. ბევრი ძებნაც საჭირო არ იყო. მოულოდნელი ალიაქოთით ძილგატეხილი ბავშვები საშინლად ტიროდნენ და თავიანთ არსებობას ადვილად ამცნევდნენ ჯარისკაცებს.

ქალაქის შუაგულში მოთავსებული იყო ოსია, ჯაშუშთ. უსტაბაში და თადარიგს იძლეოდა.

— რაო? კარს არ ალებენო? ხომ არ მეხუმრები! რა დროს ბოდიშია! შეამტვრიეთ კარები! შეამტვრიეთ-მეთქი! რას ჰქვიან, შეამტვრიეთ, ერთ წამს თუ ვინმე გაგიძალიანდეთ, სახლი ცეცხლს მიეცით! აბა, დატრიალდით. გათენებამდის სულ უნდა მოვრჩეთ. დღის სინათლემ აქ ერთი ჯარისკაციც არ უნდა იხილოს. თავები აქვე უნდა დაითვალოს და მერე გადაიყაროს. მაშ ჩქარა! — ყვიროდა ოსია ჯაშუშთ უსტაბაში.

წივილ-კივილი ცამდე აღიოდა. ზოგი ქალი სამკვდრო-სასიცოცხლო წინააღმდეგობას უწევდა ჯარისკაცსა და შვილთან ერთად მკრელი შუბით განგმირული გმირულად მიწაზე ეცემოდა. ზოგი ქუთაზე შეშლილი, პერანგის ამარა სიცილ-ხარხარით გარბრდა. ზოგი სასოწარკვეთილი სახით ზევით თვალებაპყრობილი, ცისკვხელს იშვერდა და შველას იქიდან ითხოვდა. მაგრამ ამო იყო ყოველი. უბედური ბეთლემი გაეწირა მიწასაც და ცასაც. წივილ-კივილი და ცეცხლის ალი თანდათან მატულობდა, ვარსკვლავები კი ჩვეულებრივ უღარდელად ციმციმებდნენ.

— ბატონო უსტაბაშო! ცხრამეტი თავი მაქვს, არ იქნა მეოცე ვერ ვიშოვნე, — მწუხარებით მოახსენა ერთმა ჯარისკაცმა.

— ეცადე, როგორმე იშოვნო, ისე ასისთაობას ვერ მიიღებ.

— დასწყევლა ღმერთმა... ღმერთო! ერთი თავი, კიდევ ერთი და ასისთავი შევიქნები! — ბუტბუტებდა ჯარისკაცი და შუბმოღერებული კიდევ ერთ უმანკო მსხვერპლს ეძებდა.

— ეს მეექვსე, ეს მეექვსე, ბატონო ოსია! — აღტაცებით იძახდა მეორე ჯარისკაცი.

— სამოც დრაკანს მიიღებ!

— ღმერთო, ოთხსაც რომ მიუმატებდე, ას დრაკანს მომცემენ, — ამბობდა ჯარისკაცი და ისიც საშოვრისაკენ გარბოდა.

— რომ მოგვედე არა სჯობია? ეს რა მომივიდა, ბატონო უსტაბაშო! — მოახსენა მაღალ-მაღალმა ჯარისკაცმა და ცარიელ პარჯზე მიუთითა.

— ეს მართლა რა დაგმართნია? ჰა, ზორობაბელ, შენა? ამას არ მოველოდი.

— დამმართნია რომელია, ბარემ მომკლას ვინმემ, ის მირჩვენია... ეშმაკს ავედევნე, ვილაც თავმოძულებულს და ხელცარიელი კი დავრჩი. — სულის ძლივ მობრუნებით ამბობდა ჯარისკაცი.

— ეშმაკსაო? როგორ თუ ავღევნე?

— ეჰ, ნეტავ ყელი გამომჭრას ვინმემ! მე ელკანა ასისთავის რაზმში ვერიე. ჩვენი რაზმი პირველად აღმოსავლეთისაკენ დაეცა ქალაქს. მე განაპირა სახლის საიერიშოდ მოვემზადე. საუბედუროდ, რაღაც მაგარს, არ ვიცი ქვა იყო თუ ბელტი, ფეხი წავკარ და წავიფორხილე. ამ დროს ვიღამაც ქარივით გვერდით გამიქროლა. მე ერთ წუთს ვინმე ჩვენგანი მეგონა და ბევრი ყურადღება არ მივაქციე, მაგრამ როცა ბავშვის ტირილი შემომესმა, მივხვდა თუ რაში იყო საქმე და დაუძახე ბიჭებს. სამი კაცი გამოვეკიდეთ. ჩვენ წინ თავგანწირვით მირბოდა ვილაც ახალგაზრდა ახოვანი დედაკაცი და თან გულში ჩახუტულ მტირალ ბავშვს ეფერებოდა. ჩემო შვილო, ჩემო ნუგეშო, ჩემო პაწიავ, ეს რა რისხვა მოგვევლინა, შენ თავს უსიკვდილოდ არავის არ დავანებებო...

— მერე ვერ დაიჭირეთ?

— უბედურებაც მაგაშია და! კედრონის გლმელი აბრამა იქვე ახლო კლდეს დაეტაკა და მგონი ცალი ფეხი კიდეც დაიშავა. მე და თარა გაალადელმა ორი უტევანი ვსდიეთ, მაგრამ შუბის სიახლოვეს ვერ დავეწიეთ. მირბოდა კი არა, მიფრინავდა ის ოჯახქორი. თარაც დაიღალა და იქვე ჩაჯდა. მე კიდეც ვსდიე, ერთი უტევანი და მეტი ვერ შევეძელ. რკინის ჩაჩქანით ტანზე, ჩაფხუტით თავზე, შუბი ხელში, მახვილით წელზე სამი უტევანი მაინც გავიბრინე. მეც იქვე ჩავჯექ და მთელი საათი სული ძლივს მოვიბრუნე. ისე მოვიქანცე, რომ იქვე გავთავდებოდი, მეგონა. დედაკაცი კი ბავშვიანად გამექცა და ხელცარიელი კი დავრჩი. თუ ასისთაობას არა, ათ-თორმეტ თავს მაინც მოვაგროვებდი. ჩემი მკლავის იმედი კა

მაქვს. ღმერთო, მომკალი, ეს რა მომივიდა! — მწუხარებით დაუმატა მან.

— იცი, რა გითხრა, ზორობაბელ, შენ ამ ამბავს ნუ გაახმაურებ და აი ასი დრაკანი შენი საჩუქარი იყოს. — ჩუმად უთხრა ჯარისკაცს ჯაშუშთა უსტაბაშმა.

გათენდა. უმანკო სისხლით მოსვრილი, გავერანებული და მინგრეულ-მონგრეული ბეთლემი აუწერელ სურათს წარმოადგენდა. ჯარისკაცები არსადა ჩანდნენ.

IV

ძვირფას ძოწეულთ მოსილი, მაგრამ საშინლად დაღვრემილი იქცა მეფე იროდი თავის ტახტზე. მის წინ იდგა გაფითრებული და აკანკალებული ჯაშუშთ უსტაბაში ოსია.

— მაშ ასე ასრულებთ ჩემს ბრძანებას? — გულისწყრომით წარმოთქვა მეფემ: — ერთი გაიგონე, აბა რასა მწერენ მოგვები: პატივისცემისათვის მადლობას გწირავთ, ვიხილეთ მეუფე ურიათა. უფალმა ყოველივე ხიფათს გადააარჩინაო. ეს რა არის, თუ არ ჩემი მასხარად ავღება, თუ არ ჩემი პირში ჩაფურთხება?! თქვენ კი, თქვენ არამზადებო, კვებხით ყურები გამომიქედეთ: პირნათლად შევასრულეთ თქვენი ბრძანებაო!

— შევასრულეთ, მზის სადარო! ხუთი ათასი თავი...

— მაგ ლათაიებს მაინც ნულა მაგონებ! — მრისხანედ გააწყვეტინა მეფემ. — რად მინდა ხუთი ათასი ბავშვის თავი, მე ერთის თავი მინდოდა! ხუთი ათასი თავი შენა გქონდეს! დიდი გმობობა კი გამოიჩინეთ, თქვენმა მზემ! ბავშვებს მახვილით თავები წარკვეთეთ. ვითომ ბაბილონის კედლები დაგინგრევიათ, ან ტვიროსი და იდონსი აჯლიათ!

— ცდა არ დაგვიკლია, დიღო ხელმწიფევ! ის მხოლოდ ერთი ღედაკაცი გაიქცა ბავშვიან... — ვერ დაამთავრა ოსიამ.

— რაო?! — ისე მძლავრად დაიქეჯა იროდიმ, რომ მთელი სასახლე ააზანზარა. — როგორ? ერთი გაიქცაო. განა ურიათა ოცნება რომ გავღვიდეს, ერთი მუგუზალი არ ეყოფა? ხუთი ათასი მეფის მეტოქე ვის გაუგონია?... ერთიო? — სვიროდა მეფე. — ჩემი ხაზინის ნახევარი მარტო ჯაშუშებს უნდება და ეს საქმეც რიგიანად

ვერ მომიწყვია. დედაკაცის გაქცევა ჩემთვის არავის მოუხსენებია, აუშმა შენზედაც მყავს ჯაშუში მიჩნეული. მაგრამ შენზე მაინც ვიყრი ჯავრს! — ბრინწიანად დაიხრიალა უკვე ღონემიღეულმა: პოხუცმა და კუთხეში მიყუდებულ ოქროსტარიან შუბს ხელი მიატანა, მაგრამ მეტისმეტი სიბრაზისა გამო გული გაუსკდა და აქვე მკვდარა დაეცა.





ქრისტე აღსდგა!

I

— კრება გახსნილია, პატიოსანნო და ღვთივშემოსილნო რაბუნნო, — ყრულ წარმოთქვა თავმჯდომარემ, მღვდელმთავარმა ანანამ, თვალი მიმოავლო ვეებერთელა, გრძელ, ძვირფას ხალიჩა-გადაფენილ ტახტს, რომელზედაც ორ რიგად ფეხმოკეციტ ჩამწყვრივებულყო სამოცამდე მწიგნობარ-ფარისეველი, და დინჯად გააგრძელა: — გუშინწინ მომხდარ შემაძრწუნებელ საქმეს, მე ვგონებ, ბევრი განმარტება არ ესაქიროება. წმინდა სოლომონის სტოვაში მოხდა ისრაილთა ცხოვრებაში უმაგალითო საქციელი. ვილაც მაწანწალა რაბუნმა, იიშუ ნაზარეველმა, შოლტით სცემა მღვდელ-ლევიტელთა, შეურაცხყო წმინდა ადგილი, აშკარად დაჰკემო და აბუჩად აიგდო წმინდა დაწესებულება — მსხვერპლის შეწირვა, გაჰკიცხა და ფეხქვეშ გათელა ის, რითაც ამაყოფს ისრაილი, რასაც შურის თვალით უყურებენ ავგურნი რომისანი და ქურუმნი მეგვიპტელნი. გადატაკებულნი შორიდან პირ ნერწყვმორეულნი ჯავრით სკდებიან. მაგრამ, წმინდანო რაბუნნო, თავი და თავი უბედურება ის არის, რომ გუშინწინდელმა ამბავმა გამოააშკარავა მეტად სამწუხარო მოვლენა. ნათლად დავინახეთ, რომ იიშუს წელს უნაგრებდნენ ძენი ისრაილისანი, სალოცავად მოსულნა იერუსალიმს. ხომ დავინახეთ, რომ შთამომავალნი იმ ისრაილისა, რომელთაც გამოთქვეს: „მდინარეთა ზედა ბაბილონელთაბა მუნ ვისხედით ჩვენ, ოდეს მოგიხსენეთ შენ, სიონო“, სიონისავე ეზოში შეიქრნენ და მსხვერპლის მწირველს ნღვდელ-ლევიტელთ ჯობით დაერივნენ. თუ ასე გაგრძელდა, ე. ი. თუ იიშუ ნაზარეველმა ძველებურად თავისუფლად იპარპაშა, ადვილი საქმეა სამწუხარო მომავლის გათვალისწინება: არ გაივლის ბევრი ხანი, რომ ხამ-

სხვერპლო ჩაჰქრება, ტაძრის კარები გამოიკეტება და გალატაკებულ-
ლი მღვდელ-ლევიტელნი დაბა-სოფლებში გაიფანტებიან. გულ-
დასმით გააარჩიეთ ეს საქმე, წმინდანო რაბუნნო, ძლიერი საფრთხე
წოახლოებულა...

ამ წინადადებამ ერთი ალიაქოთი ასტეხა. აგრიალდნენ ყველა-
ნი. პირველ ხუთ-ექვს წუთს კაცი ვერაფერს გაიგებდა. ყველ
ყდილობდა სხვებზე მეტად დაეხვირა.

—ახლაც მტკიცია, შოლტი რომ დამარტყა,—იძახდა ერთი მღვდელ-
ა ბეჰზე ხელს ისვამდა.

—მთელი სარჩო-საბადებელი შუაზე გამეყო. მე, როგორც
მოგხსენებთ, საზარაფო მქონდა, იიშუმ ფული დამიბნია,—
ყენესოლა მეორე.

—უნდა მოვიშოროთ, უნდა მოვიშოროთ! ან ჩვენ უნდა ვიყოთ
და ან ის! —გაჰკიოდა ერთი წითელწვერა რაბუნნი.

როცა ყვირილით გული იჯერეს, თანდათან დაწყნარდნენ და
ბოცა, ასე თუ ისე, სიჩუმე ჩამოვარდა, ერთმა შეახნის ლამაზმა
და, ეტყობოდა, ნაპატეებმა კაცმა ხმამალლა წამოიძახა:

—წმინდანო რაბუნნო, მომისმინეთ! აჩქარება და აპილბილება
არ შევნიხს ძეთა ისრაილისათა. ბევრია ნაკლულევეანება ჩვენ ცხოვ-
რებაში და თუ მოსალოდნელია სიონის ეზოში სამსხვერპლო ჩა-
ბქრეს, ამის მიზეზი მართო იიშუ ნაზარეველში არ უნდა ვეძიოთ.
სტოვას ამაგრებს არა თლილი ფიქალი, არამედ მტკიცე რწმენა
და ამ რწმენის ალი თავდაპირველად უნდა დუოდეს იმის გულში.
კინც ბუნებრივი ალით ხელში სტოვას გუნდრუქს უკმევს...

—თქვი ბარელამ, შე დალოცვილო, იიშუ ნაზარეველს მოწაფე
ჯარ-თქო და გათავდება! —მიიძახეს რაბუნებმა აქეთ-იქით.

—მომითმინეთ, მამანო, ჯერ მათქმევიანეთ ბოლომდე...

—რალა მოთმენა გინდა! ვიცით რასაც იტყვი: ჩვენ რაბუნები
ურწმუნონი ვართ, იიშუ ნაზარეველი და მისი მოწაფენი და მათ
შორის შენ და თითო-ოროლა წარჩინებულთაგანიც, მორწმუნენი
ბართ... ასე არ არის განა? —კვლავ იგრიალეს რაბუნებმა.

—მომითმინეთ! —დაიყვირა ორატორმა. —ამ შესაკრებელში
თითო-ოროლას გარდა ყველანი რაბუნები ხართ. თუ ასე სხვახ
ორაფერი ათქმევიანეთ, რა გამოვა! ჯერ მომისმინეთ.

—მოვისმინეთ, გავიგეთ... მადლობას მოგახსენებთ, —დაცინ-
ვით ამბობდა ერთი მღვდელი.

—მაშ, მე აქ ადგილი არა მქონია —წყენით წარმოთქვა ორა-
ტორმა და შესაკრებელიდან გავიდა.

ეს იყო იოსებ არიმათიელი, მშვენიერი.

— სხვას რა უნდა დავაბრალოთ, როცა ჩვენ თვითონ ჩვენვე ხელით საფლავს ვითხრით! — ისევ ყრულ წარმოთქვა მღვდელმთავარმა და მიმავალ იოსებს ზიზღით სავსე თვალები გააყოლა.

კვლავ ატყდა ალიაქოთი და გაუგებარი ყვირილ-ყიჟინი. ჭგუფ-ჭგუფადაც მოლაპარაკება გამართეს და ბოლოს თავიანთი ზაერთო მოსაზრება მღვდელმთავარს მოახსენეს: რა ფასადაც დაგვიჯდეს, იიშუ ნაზარეველი წუთისოფელს უნდა გამოვასალმოთ, თორემ ჩვენი ცხოვრება შეუძლებელიაო.

— მეც მაგ აზრისა ვარ, — თქვა მღვდელმთავარმა. — სჯობია ერთი კაცი მოკვდეს, ვიდრე მთელი ერი დაიღუპოს. მაგრამ ახლამეორე საქმეა: როგორ უნდა მოვაგვაროთ ეს... არც ისე ადვილია, როგორც კაცს ერთის შეხედვით ეგონება. დაბალ, ბრიყვ ხალხის ერთი ნაწილი იიშუს მომხრეა, რაბუნს ეძახის და უკან დასდევს. ამჟამად დავაპატიმროთ, ხალხი აგვიჩანყდება. რომაელებს საბაბს მივცემთ, ერთხელ კიდევ ავარჯიშონ ცხენები წმინდა სტოვას ფელაქანზე. ამიტომ იმდენი უნდა ვეცადნეთ, როგორმე იიშუ ჩუმად ხელში ჩავიგდოთ და მერე საშიში აღარ იქნება. მისი მომხრენი ისე დაიფანტებიან, როგორც დამასკელი ცხვრები.

— ვენაცვალე შენს ჰკუას და მოსაზრებას, — მიაძახა ერთმა რაბუნმა.

— ესეც არა კმარა, — ისევ საქმიანი კილოთი განაგრძობდა მღვდელმთავარმა. — ჩვენ მას წმინდა მოშეს სჯულით გავასაპართლებთ, დაუმტკიცებთ, რომ შაბათს არ იცავს, ღვთისმგმობელია, მაგრამ კაცი რომ სიკვდილით დაისაჯოს, რომაელთა პრეტორის თანხმობაა საჭირო და რომაელებისთვის კი ეს დანაშაული კაცის მოსაკლავად არა კმარა. საჭიროა დავეუმტკიცოთ, რომ იიშუ ნაზარეველი კეისრის წინააღმდეგია, ხალხს აჯანყებს და ხარკის გადახდაზე უარს ამბობს.

— ვენაცვალე შენს ჰკუას, იცოცხლე, წმინდაო მამაო! — იძახდნენ ალტაცებული რაბუნები.

როცა კრება იშლებოდა, ერთი რაბუნი მივიდა მღვდელმთავართან და ჩუმად მოახსენა:

— წმინდაო მამაო, ჩვენს საქმეს უეჭველია თვით იელოვა უმართავს ხელს... მე ვიცნობ ერთს იიშუს მოწაფეთაგანს. წუხელიც ჩემთან იყო. როგორც ვატყობ, იიშუსა და მის მოწაფეებთან ცოტა რაღაც უთანხმოება მოსვლია, ფული დაგვკირდება, თორემ ჩემო

ხათრი დიდი აქვს და მიგვასწავლის, თუ სად იმალება იიშუ ნახა-
ჩეველი.

— ეცადე, რაბუნო, ეცადე, ფული რამდენიც გინდა, თუგინდ
ხალაროს ნახევარი წაიღე, — მიუგო მღვდელმთავარმა.

II

ბინდმა მოიცვა იერუსალიმი. მუდამ ამწვანებული ზეთისხი-
ლის მთა შავად ატუზულიყო დასავლეთის მხრივ. ნელი სიო ჰაე-
რის ტალღას ტალღაზე აგორებდა და წალკოტ ველ-მინდვრებს
ზღვის ამბავს შხუილით ეუბნებოდა. ბეთანიისკენ მიმავალი მიკი-
ბულ-მოკიბული გზა, საითკენაც ამ ზირიოდე, დღის წინათ ხალხი
მოზღვავდა და კიცვსა ზედა მჭდომარე რაბი იიშუ „ოსანას“ სიმ-
ღერით ჩამოატარა, ახლა გაცარიელებულიყო.

მაგრამ, აი, გამოჩნდა ვილაც მგზავრი. ყვარჯენს ნელ-ნელა
უხაკუნებდა ქვებს და ბნელში სწორ გზას ეძებდა, რომ ან ქვისა-
თვის ფეხი არ წამოეკრა, ან ციცაბოდან არ გადაჩეხილიყო. მგზავ-
რი გაუსწორდა იმ ადგილს, საიდანაც იერუსალიმი ხელისგულივით
ჩანს. ჰაერში მქრალად იხატებოდა ტაძრის მაღალი ზემო სართუ-
ლი. აქა-იქ მდიდართა სახლებიდან ლამპარის სინათლეც გამოს-
ქვრეტდა. მოახლოვებულ იყო პასეჟი — დღესასწაული ურიათა და
თუმცა ძილის დრო იყო. მაგრამ სადღესასწაულოდ მზადების გა-
მო ბევრგან ფაცაფუცი და ხმაურობა მოისმოდა.

— ოჰ! — წამოიძახა მგზავრმა, — ძლივს მოვალწიე. აი ორიოდ
უტევეანი და დიდებული წალკოტიც. სული მოვითქვა მაინც, თო-
რემ ცალკე შიმშილით და ცალკე სულიერი შეწუხებით ლამის
არის გაღვირიო. განა ასეთი შეურაცხყოფის ღირსი ვიყავი მე?
რა დავაზავე, რა დიდი ცოდო ჩავიდინე! დასაძრახი და ყბად ასა-
ღები რა ვთქვი? ჩინებული სადილი გაგვიმართა იმ კაცმა, სიმონ
ჟარისეველმა, მაგრამ სადაც ლაზარეს დები მართა და მარიკა ჩა-
ერევიან, იქ მშვიდობით სადილი კი არა, საუზნეც არ გათავდება!
მოწერწეტდა მარიკა ალაბასტრით ხელში პურის ჰამის წინ და
ინახით მჭდომ რაბუნს იიშუს ფეხზე ძვირფასი ნელსაცხებელი
დაასხა. ვერ წარმომიდგენია, რა შუაში იყო, რა კიდეში იყო ასე-
თი უადგილო მოქმედება! მე სწორედ გავიკვირე. რად წაწყმიდეთ
მძღენი ნელსაცხებელი-მეთქი. ეს დიდ ფულად გაიყიდებოდა.
დარწმუნებული ვიყავი, რომ რაბი იიშუც ამ აზრისა იქნებოდა.
როგორც არა ერთხელ მსმენია მისგან, მაგრამ ჩემდა გასაოცებლად

ამ შემთხვევაში სულ სხვა პასუხი მივიღე იმისაგან: „რისთვის შტრ-
მასა შეამთხვევ დედაკაცა მას, რამეთუ საქმე კეთილი ქმნა ჩემ-
და მიმართ“. თავდაპირველად ყველანი მხარს მე მიქერდნენ. ის
ორპირა სიმონ-პეტრე დამელრიჯა კიდევ... აბა, კაცო, ერთი უყუღე
და, რა ნელსაცხებელი დალუბესო და მარიკასკენაც ხაორკოფოდ
თვალეები გადააპრიალა. მაგრამ როცა რაბუნისაგან სხვანაირი ხი-
ტყვა გაიგონეს, ყველანი მაშინვე იმას მიემხრნენ. პეტრემაც
კილო შეიცვალა და უტიფრად მომავოლა: შენ ხომ ჩვენი მეგვა-
დრუცე ხარ, ფული ძლიერ გიყვარს და მუდამ მაგაზე ფიქრობო
ღმერთო ჩემო, რა გავიგონე! ღმერთო მომკალი! ჩემ გვადრუცე-
რა ერთხელ გადურჩენია ლატაკი გალილიელნი შიმშილით სულის
ამობდომისაგან და ახლა ასე? თვით ის სიმონ-პეტრე არა ბრძან-
დებოდა, რომ იორდანის გაღმა მხარეს ერთხელ ძლიერ მოშივდა
და რაბუნი საყვედურებით აავსო: სანამ შენ ისრაელელები მეფე
ვახდები და მე ათასისთაობას მომცემ, ჩვენ შიმშილით დავახოცე-
ბით და მერე რა ჯანდაბათ მინდა რამეო. სხვებმაც ყურებო ჩამო-
ყარეს. თვით რაბუნიც არ იყო კარგ გუნებაზე. აი მაშინ ჩემმა
ყბად აღებულმა გვადრუცემა დაიხსნა ისინი. გვადრუცეში ქანქაძე-
აღმოჩნდა. წავედი დაბაში, პური ვიყიდე და თავჩაქინდრული ან-
ხანაგები ავახშაურე. პეტრე პურის დანახვაზე ბებერი ყოჩივი-
კიშმიშზე დგებოდა, გენესარეთულ ლავაშებს ტუჩების ცმაკუნით
ახრამუნებდა და ალტაცებული, მელოტ თავზე ხელებს იცაცუნებ-
და. მაშინ არ იყო დასაციინი არც იუდა და არც მისი გვადრუცი
ახლა კი გამკიცხეს, ქალებმა და კაცებმა ერთად დამცინეს, ანგა-
რებისმოყვარე ხარ, ნელსაცხებელი შეგშურდაო. აბა იქ რა გე-
მაჩერებდა! ჩუმად გამოვიპარე და აქეთ წამოვედი. ახუ იყოხ...
ამ შეურაცხყოფას არავის არ შევარჩენ. მე იუდა არ ვიქნები, თუ
იმით ჰკუთარ ვასწავლე. ეტყობა, ისინი ჯერ არ მიცნობენ. მე გი-
ლილეველი ბრიყვი კი არა ვარ, კარიოტელი ვარ... მაგტამ ჯერ
ერთი დავისვენო და მერე რაბინ იოსიასთან შევივლი და დავნაყრ-
დები, თორემ მეტი აღარ შემიძლია. — ბუტბუტებდა მგზავრი და
წალკოტისაკენ მიეჩქარებოდა.

III

მოვიდა პასექის დღესასწაული. მღვდელმთავარ ანნახ ხახახ-
ლეში გრძელი სუფრა იყო გაშლილი. ჩინებული ვახშამი ვაემად-
თათ. ინახით ისხდნენ ანნას თანამოაზრე რაბუნნი და ფადისეველნა.

ევიპტოსის ღვინო თავზე სასხამი ჰქონდათ. სადღეგრძელო ზადღეგრძელოს მოსდევდა. ყველანი ამკობდნენ და აღიდგბდნენ ინახს შორსმპვერეტელობას, გამოცდილებას და ჰკუას. მართლაც მან იმ დღეებში ფრიად ღირსშესანიშნავი საქმე მოაგვარა.

როგორც კრებაზე გადაწყდა, ისე ჩუმად, ღამე დააპატიმრა იიშუ ნაზარეველი; იმ ღამესვე ხელდახელ შეჰკრიბა სინედრიონის შვერნი და იიშუ გაასამართლა. მეორე დღით, ადრე, რომის პრეტორიცი აიძულა განაჩენზე ხელი მოეწერა და შუადღისას იიშუ ჭვანზე გააკრა.

ამნაირად ამ გამოცდილმა კაცმა ერთი დაკვრით თავიდან მოაშორა საშიში მტერი იერუსალიმის ძირგამომალ ტაძრისა და შემეფებულ მღვდელ-ლევიტელთა უბოდიშო ბატონობისა.

იერუსალიმის ტაძარი წარმოადგენდა უძირო ორმოს, სადაც ზუღობდნენ მღვდელ-ლევიტელნი. მოდიოდა ებრაელი ხალხი ყოველი კუთხიდან, მოჰყავდა ცხვარი და ძროხა, მოჰქონდა ღვინო და ფული და ჰყრიდა ამ ორმოში იმ იმედით, რომ იეღოვა, დმერთი ისრაილისა, ცოდვათა პატიებას მომმადლებს და სასუფეველს ღამიმკვიდრებსო. მღვდელ-ლევიტელნი კი გალობა-ღიღინით თლიდნენ მსუქან ბეჭებს და პირს იმტკბარუნებდნენ; სრულიად აზაწამდათ არც სასუფეველი და არც იეღოვა; სასაცილოდაც არა იყოფნიდათ ბრყვი ხალხის ეგეთი მოქმედება. მაგრამ აი მათ ჰორად გაჩნდა რაბი იიშუ, ძე იოსებისა ნაზარეთით, მან აშქარად გაილაშქრა მუქთამჰამელთა წინააღმდეგ. მისმა გულწორფელმა ჰადაგებამ შეარყია ხალხის გაყინულ-მილულელებული გონება. ჩაგრულისა და დამონებული ხალხის თავშიაც შეინძრა ტვინის ძაფები. იიშუმ თამამად აღიარა, რომ თხის დაკვლა კი არ აცხოვნებს კაცს და არც იერუსალიმის ტაძრის სქელი კედლები; რომ ფიქალ ქვას თავისთავად არავითარი მადლი არა აქვს, — მადლი აქვს მხოლოდ ჭულს, წრფელს და წმინდა სიყვარულისათვის ატოკებულსაო...

ახალი მოძღვრება ელვასავით მოედო ებრაელთა ქვეყანას. ამშუს მიმდევართა რიცხვმა დღითი დღე იმატა. მართლაც დეერუსალიმის ტაძარს და მღვდელ-ლევიტელთა კასტას იიშუს მოძღვრებისაგან საშინელი საფრთხე მოელოდა.

და აი, ეს საფრთხე, ერთი დაკვრით, ერთი დღისა და ღამის განმავლობაში მოსპო შეუპოვარმა მღვდელმთავარმა, და ახლა პაიექის დღეს გამარჯვებას დღესასწაულობდა.

ხადღესასწაულო არ იყო თუ?

— ან შემძლია, ვერ მომიტენია, ერთხელ კიდევ არ დავლიო

ამ თასით, ამ რომიდან მოტანილი ძვირფასი თასით ეს კვიპროსის ვაზის ლალისფერი წვენი და ჩემი უნიჭო პირით ერთხელ კიდევ მადლობა არ გადაუხადო წმინდა მამას, მღვდელმთავარ ანნას! — წარმოთქვა თამადამ—რაბუნმა მატათამ და სავსე თასი ხელში აიღო.

— აა-მიიინ! — დაიგრიალეს სხვებმა.

— აღსდგინ ღმერთი და განიბნით ყოველნი მტერნი მისნი, — დაუკრეს ფსალმუნი მემუსიკეთა.

— აა-მიიინ! — იძახდნენ შეზარხოშებული სტუმრები.

ღმერთმან აბრაამისამან, ისააკისამან და იაკობისამან კვლავ და კვლავ მრავალყამიერ ჰყოს ძვირფასი სიცოცხლე შენი. — განაგრძო თამადამ, — სანამ ნაძვნი ლიბანისანი არ დასკვნებიან და ტალღანი იორდანისანი უკუ არ იქცევიან; იყოსმცა ჯანმრთელი მარჯვენა შენი. ვიდრემდის სპეტაკი მთები არაარატისა ბაბილონის ვაკეს არ დათანასწორებია და ჯავრით მოდუდუნე — ისრაელის ძეთათვის საზიზლარი — ეფრატის მყრალი ძირი არ აღმოჩენილა. არხოსცა ქარბან თეთრი თმა-წვერი შენი!

„მთანი ლიბანისანი, გვერდნი ჩრდილოსანნი, საყდარი მეუფისა დიდისა“, — მწყობრად შეაყოლა მგალობელთა გუნდმა.

— აა-მიიინ! — გრიალეზდნენ სტუმრები.

— მადლობელი ვარ! — ჩვეულებრივად ცივად და მტკიცედ წარმოთქვა მღვდელმთავარმა. — მეც მიხარია, რომ საქმე კეთილად დავაბოლოვეთ, მხოლოდ ნიკოდიმოსის და იოსების საქციელი ძლიერ მალონებს... ეჰ! ნიკოდიმოსი და იოსები ღვედივით გამოქნილნი არიან. ჯაშუშებმა ამბავი მომიტანეს, მართლაც მათ თავიკ ხელით ჩამოუხსნიათ ჯვრიდან იიშუს გვამი.

— შენ ნუ შეწუხდები, წმინდაო მამაო, იმათ ჩვენ ვნახავთ. იმადამ რომ აქ არ გეახლნენ, ეს ცხადი საბუთია იმისა, რომ ისინი იიშუს მიმდევარნი არიან. — კრძალვით მიუგო თამადამ. — ახლა, წმინდაო მამაო, მხიარულების დროა, მაგისტანა მოსაწყენი საქმე გონებიდან გადვიგდოთ, თქვენ გვეყავდეთ ცოცხალი და ვისი უნდა გვეპინოდეს! თქვენ, ეი, დაგეძინათ! — დაუქნია ხელი თამადამ მემუსიკეთ.

„ცანი უთხრობენ დიდებისა ღვთისასა და ქმნულთა ხელთა მისთასა მიუთხრობს სამყარო“.

იგრიალა მუსიკამ.

„დღე დღესა აუწყებს სიტყვასა და ღამე ღამესა მიუთხრობს მეცნიერებასა“, — შეაწყო მგალობელთა გუნდმა.

— შენ, რომელმან სვეტი გაუმაგრე სიონს; შენ, რომელმან კვლავ დიდად აალაპლაჰე უკვე ჩასანელებლად გამზადებული სამ-

სხვერპლო; შენ, რომელმან სძლიე საშიში მტერი, რომლის წინაშე უღონო იქმნენ მკვევრმეტყველებანი და მოხერხებანი ფარისეველ-სადუკეველთანი; შენ, რომელმან ჯვარს აცვი იიშუ, ჩვენი დაუძინებელი მტერი, როგორ არ გშვეენის ქება-დიდება! აბა, კაცო! — ხმას აუმაღლა თამადამ და გადინხარხარა: — როგორ იყო, რომ იიშუ, ჯვარზე მიკრული ამბობდა: „ილი, ილი, ლამა... საბახთანო“, ჰა, ჰა, ჰა, ჰა! კაცო, ილიას ეძახდა.

— ჰა, ჰა, ჰა, — ხითხითებდნენ სხვებიც. — რატომ ელისეს და ისაიძაც არ დაუძახა, რომ მოშველებოდნენ...

— აბა, კაცო, აბა! ქალებიც რომ ამოდიოდნენ და ტიროდნენ... ერთი ისეთი ერია იმათში, რომ... სჯულის მადლმა... ჰა, ჰა, ჰა...

— ის ტუტუცი კაციც, ფული რომ უკან მოიტანა და ტაძარში გააბნია: მე შევცდი, არ შეგონა, რომ მოჰკლავდით, თორემ მოძღვარს როგორ გავცემდით. მამ თავზე ხელს გადუსვამდით, არა?! ჰა, ჰა, ჰა... მე შეგონა ცოტად დასჯიდითო, ჰა, ჰა, ჰა! — ხითხითებდნენ ყველანი.

— ჰილატეც ჩქარა დავაშინეთ. ჯერ იხაზებოდა, ახალთაობას კაცობდა, მაგრამ როცა კეთისარი გავახსენეთ, გწყალობდეს იელოვა, იმან ყული ამოიძუა და საჩქაროდ განაჩენს ხელი მოაწერა! — დაიძახა ერთმა.

— ოი. დედავ, რამდენი ვიციან? — მუცელზე ცალი ხელი დაადო და თქვა თამადამ. მეორე ხელით თასი მოიმარჯვა და მღვდელმთავრის ქება-დიდება უნდა განეგრძო. ამ დროს დარბაზში მღვდელმთავრის გაფითრებული მსახური შემოიჭრა.

— წმინდაო მამაო, წმინდაო მამაო! — სულწასულად მიმართა მღვდელმთავარს, — აი ეს არის, ჩვენ მიერ დარაჯად დაყენებული მხედრები მოიჭრნენ და ამბობდნენ: იიშუ, ქრისტედ წოდებული; მკვდრეთით აღსდგაო!..

— რაო? — დაიძახა მღვდელმთავარმა და გულშედონებული მუთაქაზე მიესვენა.

— აა... — უაზროდ წარმოთქვა თამადამაც. საესე თასი ხელიდან გაუვარდა და იმის წინ ვერცხლის ხონჩაზე დაგებული, თოვლივით თეთრი საპასექო ლავაში წითლად შეიღება.





პ რ ო ტ ე ქ ც ი ა

— ჰარველი დარეკე! დაღმართ-ფერდის სადგურიდან ატაბე-
ბელი გამოვიდა! — ბრძანება გასცა სადგურის უფროსის თანაშემ-
წემ ივანემ და გაშლილ დაეთრებით გადაფენილ მაგიდას მოუჯდა.—
ე...ეხ, დალახერა ღმერთმა! — ფიქრობდა ივანე და თან და-
ხაზულ უჯრედებში სხვადასხვა რიცხვებს და ერთსა და იმავე სა-
ყოველდღეო ჩასაწერს, შაბლონურს სიტყვებს წერდა ჰკინიგზის
ხადგუძის დავთარში. „მატარებელი № 336. გუშინაც ათი წუთით
დავაგვიანე. ერთი ნახე და, მოძრაობის რევიზორმა აუტრბაურს
ატეხობ. გააჩაღებს ერთ მიწერ-მოწერას, თითქო რკინაგზის სვე-
ბელი #2 ათ წუთში იყოს ჩაკერებული. მომთხოვს პანტებს შვე, მო-
ახოვს პანტებს სადგურის უფროსსაც, ჩვენ კიდევ მებისრებს გადავა-
ბნალდებთ. ახლა იმას მოდგებიან. ის კიდევ პასუხის დამწეძის ძებ-
ნას შეუდგება და ერთი-ორი აბაზი მაინც დაეხარჯება. ზოლოს კი
ხაქნე #2-ით ვათავდებთ, რომ მოძრაობის უფროსი მე შემოშითვლის.
ხახნეში გქონდეს ეს შემთხვევაო, და მებისრეს შენიშვნას მისცემს“.

ამგვარ ფიქრებში გართული ივანე თანაშემწე მხოლოდ მატა-
რებლის ქშენა-ბრიგინმა გამოარკვია. საჩქაროდ წითელ ქუდს ხელს
დაავლო და ვარეთ გავარდა. ყინავდა, საშინელი ცივა ქარა უბე-
დავდა. სადგურის ირგვლივ ბუნებით მოტკვლებილი, დამადონებელი
ენტფეროვანი ველი თოვლით იყო დაფენილი.

• ივანე თანაშემწემ სადგურის წინ ქვაფენილზე გაიარ-გაპოიარა.
სადგური მეოთხეხარისხოვანი იყო. მატარებელი ერთი წუთით
ჩებდებოდა. თავისთავად სადგური არაფერს საინტერესოს არ წარ-
მოადგენდა და ამიტომ მგზავრებს ვაგონებიდან თავიც არ გამოუ-
ყვავთ, მხოლოდ რკინიგზის ფორმაში გამოწყობილი, მხიარული ხე-
ხან ვაჟკაცი მეორე კლასის ვაგონიდან მარღად გადმოხტა.

— ვასო, შენა? — მხიარულად შესძახა ივანემ.

— დიახ, მე ვარ. მოგატყუე გეგონა? ე, სად ვადაუხევეწიხათ, კაცო, ძლივს მოვალწიე!

— გმადლობ, გმადლობ, რომ სიტყვა აასრულე. სწოტედ ხუმრობდი მეგონა და არ მოველოდი.

— ეხ, ძმაო, თავი მომაბეზრა ქალაქის ალიაქოთმა, მანდა ახალწელიწადს მყუდროდ მივეგებო.

მეგობრებმა ერთმანეთს ხელი მაგრა ჩამოაბთვეს. მატარებელი წავიდა.

ხალამოს ათ საათზე ივანე თანამემწემ მორიგეობა უფროსს მანდარა და თავი გაითავისუფლა. აღუთქვა, მეორე დღეს იმის მაგივრად იმორიგებდა. მერე თავის ოთახის ბუხარში ცეცხლი გააჩადა, ხასმელ-საქნელა მაგადაზე დააწყო და მეგობრები ახალ წლის პოლოდინში ტკბილ მუსიკაში გაერთნენ.

— ხუთი წელიწადია, რაც ახალ წელს მართოდმართ ვეგებები, — თქვა ივანემ: — ჩინავლეს ამ ჯურღმულში და ყველას მივაფიცვდი. ზოგი უკეთეს ადგილზე გადაჰყავთ, ზოგს სადგურის უფროსობა ძღვევენ, მე კი გავიყინე ერთ ადგილას და ვარ ისე, ანც წინ მწევენ და არც უკან. მერე რა ებედური ადგილია ეს ლახაქცევის ტკინიგზის მოსამსახურეების გარდა, სოფელი არ არის ანლო და დაბა-ქალაქი, ტყე არ არის და ბალი. სასმელი წყალი ან აბის, ინიც ან იშოვება, ოცდაათი ვერსის სიშორიდან მატარებლით ვხიდეზიან. შენ რა გიკირს, ქალაქის მანლობელ სააღებმიცემო ხადგუძეში ხარ: ბალხს მაინც ხედავ?

— მერე, შენ როგორა გკონია, — ძიუგო ვასომ. — მე თანითვე ვიშოვნე ადგილი? შენ ჯერ ჯელი ბიჯა ხარ, რაც გინდა იყო, ხუთი წელიწადია, რაც სადგურის უფროსის თანამემწედ ხარ. ჩემი უნდა იკითხოო რვა წელიწადი ებრალო კანტორშიცვი ვიყავი. ან ზომეცა ხაშველი. ჩემი წინ წაწევა არ იქნა და არა. ტაბიფები შევისწავლე, გამომცადეს, მოწმობა მომცეს, ადგილი კი ანა. ან გიცვი, რამდენ ხანს გაგრძელდებოდა ჩემი ასეთი მდგომარეობა, რომ ერთ მოულოდნელ შემთხვევას ხელი არ შეეწყო. ხა, ხა, ხა, ხა, რომ გამახსენდება, გიუივით გამეცინება ბოლმე.

— მითხარ, კაცო, რა შემთხვევა იყო, იქნებ მეც შემხვდეს ამავე ჰაგისტანა, — შეეხეწა ივანე თანამემწე.

— შენი არ ვიცი და მე კი მიშველა. ხა, ხა, ხა! გეტყვი, გეტყვი, როგორ იყო საქმე, მხოლოდ ახალი წელიწადი კი არ გავეპაპოს. კიქები ავავსოთ, თორმეტს ათი წუთი აკლია.

მეგობრებმა კიქები ღვინით გაავსეს და კედელზე ჩამოკიდებულ საათს ერთ ხანს დააჩერდნენ.

— მერე, მერე! — არ ასვენებდა ივანე თანაშემწე.

— მერე გვეყავდა მოძრაობის უფროსი. მოხუცი იყო, მაგრამ ქალების მოყვარული. ქალების მოყვარული აბა როგორ გითხრა... ქალის დანახვაზე ფიქრდებოდა. კიდევაც, ძმაო, იმის ბატონობის დროს ბევრმა უშველა თავს. ვისაც ლამაზი ცოლი ან და ჰყავდა... აშენდნენ, უღვთოდ აშენდნენ. მაშინ ბევრმა აიკრა კაი ადგილი. მე კი არც ერთი მომეძეოდა და არც მეორე. არც ლამაზი მყავდა და არც ულამაზო.

— ხა, ხა, ხა, — გამხიარულდა ივანე თანაშემწე. — მერე, მერე!

— მერე და როგორც იყო დიდი ქაპანწყვეტით მოვახერხე პარადი. მოლაპარაკება.

— მოძრაობის უფროსთან?

— დიხ, დავედრიჯე ასე, ისე-მეთქი. არაო, ცივად მითხრა. მენზე უფრო დამსახურებულები არიანო. რვა წელიწადია სულ ერთ ალაგას ვარ-მეთქი. აბა რა უნდა გელაპარაკო, უკაცრაოდ, დრო არა მაქვსო. აბა, რა უნდა მექნა. გამოვედი და ქალაქის ქუჩებში ბეტაილი დავიწყე. ისე გაბრაზებული და გონებაარეული ვიყავი. რომ არც კი მახსოვს, სად და რომელ ქუჩაში გავიარე. როცა გამოვერკვიე, მთავარი ქუჩის ქვაფენილზე ამომეყო თურმე თავი. მოსეირნე ხალხი ბლომად დადიოდა. მაშინაც რაღაც დღესასწაულად იყო მოახლოებული და მაღაზიების ყაფაზებში მრავალი ლამაზი ნივთები იყო გამოფენილი. ერთმა მაღაზიამ მიიპყრო ჩემი ყურადღება. მივეუახლოვდი და ნივთებს თვალიერება დავუწყე.

— რა მშვენიერი ალბომია! — მომესმა უცბად ქალის ნაზი ხმა. როცა დე, ჩემ გვერდით ერთი ახალგაზრდა, მაღალ-მაღალი, შეჩვირებული ქალი იდგა და მართლაც ლამაზ მიხაკისფერ ყდამ. ნასიულ ალბომს თვალს არ აშორებდა. ერთ წუთს. დავიბენი, მინდოდა მეც რაზე მეთქვა, მაგრამ ვერ გავებდე. როგორც იყო მოვახერხე: — ალბომიც კარგია და სხვა ნივთებიც-მეთქი. — არა, მე ალბომი ყველაზე უფრო მომეწონაო, — მითხრა. შემდეგ ვიუბნეთ ან მთისა, იმ მთისა და ნახევარი საათის შემდეგ მე და ის ქალი უკვე ვეღარ მეგობრებივით ვსეირნობდით ქვაფენილზე. რა თქმა უნდა, მაღალ-მაღ სიამოვნებით გადავხედავდი ხოლმე მის სახეს. გულწრფელად, ახოვან ტანადობას და ლამაზ პირის სახეს. ისიც თვალს ავალწი გამიყრიდა და, ვითომდა უმანკოდ, ჩაიცინებდა ხოლმე.

უცხად რაღაც აზრმა თავში გამიბრინა და ქალს საგანგებოდ დავუწყე თვალთვლიერება.

— რა გითხრა-მეთქი, — ვუთხარი.

— ჰოო! რა უნდა მითხრაო, — ორაზროვნად მომიგო და ნახად შემომხედა.

— არ შეიძლება, რომ ერთი ორი დღით ჩემი დობა იკისბო?

— რაო? — უცხად გამებუტა ჩემი ანგელოზი. — მე არავინც ნამასხარაო არა ვარო. მე ვიგინდარა კი არ გეგონოთ, მე... — გონილამ გამექცა. დიდი ხვეწნა-მუდარა დამჭირდა, რომ დამეჯერებინა და გამეგებინებინა, თუ რაც მსურდა. როცა ასე თუ ისე დავიყოლიე, წავიყვანე და თავდაპირველად ის ალბომი ვუყიდესულის ქვეშ დანაკონკი ერთი-ორი თუმანი კი აღმომაჩნდა ჭიბჭი და აბა რას დავზოგავდი. აეუხსენი როგორ მოქცეულიყო. ვთხოვე სადა. ტანისამოსი ჩაეცვა და მოძრაობის უფროსთან წასულიყო. როგორც ჩემი და, ჩემი ხარკით მცხოვრები. ღმერთო, შენ აკურთხე მისი შემქნელ-მშობელი. კაცო, ვერ წარმოიდგენ, რა ჩინებულად შეასრულა თავისი როლი. სარა ბერნარი ღმერთმა შეარცხვინოს იმასთან. მივიდა თურმე, კაცო, ეს ქალი, ისეთი მშვიდი და უმანკო სახე მიიღო, რომ ყოველმხრივ გარყვნილ-გათახსირებულ მოძრაობის უფროსსაც ვითომ და გული მოუღბო. იტირა თურმე. ჩემი ძმად ასე, ისეო, ვერ მარჩენსო, წარმატება არავითარც მისცესო. დაფაცურდა თურმე გარყვნილი მოხუცი. დამშვიდდით, დამშვიდდით, ქალბატონო, ყოველივე ზომას მივიღებ, რომ თქვენს თხოვნა შევასრულო. ამ დღეებში კიდევ შემოიარეთო!.. ხა, ხა, ხა!

— ხა, ხა, ხა! — ხარხარებდა ივანეც.

— ეჰ! კაცო, ახალი წელიწადი არ გაგვეპაროს, ორი წუთი უცლესა! — სულის ძლივს მობრუნებით თქვა ვასომ და ჭიქას ხელი მოავლო.

— მერე, მერე, ბოლოს რით გათავდა საქმე? — აბ ისვენებდა ივანე თანაშემწე.

— რით უნდა გათავებულებიყო! თხუთმეტი მანეთი დამეხატჯა. მაგრამ ორ კვირაში სადგურის უფროსის თანაშემწეობა მივიღე.

— ხა, ხა, ხა! — იცინოდა ივანე: — ჰა, მრავალ ახალ წელს დაესწარა. იხ ქალიც ღმერთმა აცოცხლოს! — მხიარულად წარმოთქვა ივანე. მეგობრებმა ჭიქები დასცალეს.





პირუთვნები და ფასება

ის-ის დიდი განტორის ზედამხედველ ალექსი ალექსის ძე გოგ-
რაულს ჩვეულებად ჰქონდა ხოლმე სადილის შემდეგ. ღანდენინე
საათი ქუჩის ქვაფენილზე ესეირნა. მისი აზრით, ეს დიდად ხასარ-
გებლო იყო იმის სუსტ ჯანმრთელობისათვის, თუმცა ეს მოსაზრე-
ბა თუ: თონაც არა სჯეროდა. ქუჩა კი, როგორც ყველა ქუჩა ამ
ქალაქში, განთქმული იყო მოუწესრიგებლობით; ალაგ-ალაგ ჩამ-
ტვრეულ ქვაფენილზე წვიმის წყალი ხშირად გუბდებოდა, ყროლ-
დებოდა და ჰაერს აფუჭებდა. ამიტომ, ცხადია, აქ სეირნობა ჯან-
მრთელობისათვის მაინცადამაინც არ იყო ხელსაყრელი. ნამდვი-
ლად სულ სხვა იყო გოგრაულის სეირნობის მიზეზი. ამ ქუჩაზე
ბევრი კარგი სავაჭრო მაღაზია იყო მოთავსებული და ამიტომ ქა-
ლები აქ დღედაღამ გამოუღეველად მიდი-მოდოდნენ. გოგრაული
კი დიდი თავყანისმცემელი იყო ქალის სიმშვენეირისა. არც ერთს,
ზნე თუ ისე, გვარაიან თვალტანად ქალს, არც ახალგაზრდას და არც
ხანში შესულს არ გაატარებდა, რომ მუშტრის თვალით არ შეეხე-
დნა. გარეგნობისადაგვარად ყველა ქალი რამდენსამე ჭგუფებდა
ჰყავდა დაყოფილი: საუცხოვო, ძლიერ ლამაზი, გვარაიანი და სხვ.

ქვაფენილზე სეირნობის დროს გოგრაული თუ ნაცნობ ქალს
შეხედებოდა, ხომ ცას ეწეოდა; შორიდანვე ქუდს მოუხდიდა და
რომ გასცილდებოდა, მერეც ერთი სამჯერ მაინც თვალს გააყო-
ლებდა.

ერთხელ, ჩვეულებრივ სეირნობის დროს, თვალი მოავლო ერთ
დაბალ-დაბალ, ჩასუქებულ, საკმაოდ ხნიერ, თუმცა კარგად შე-
ნახულ ქალს, რომელიც იმისკენ მიდიოდა. გოგრაულმა, ჩვეულებ-
რივ, ერთ წამს ასწონ-დასწონა ქალის გარეგანი ღირსება-ნაკლუ-
ვანება და გვარაიან კარგთა სიაში ჩაირიცხა. ქალმა კი პირველ

წამსვე რაღაც სხვანაირი თვალთ შეხედა გოგრაულს. გოგრაული ცოტა წამოწითლდა, აღელდა და არ იცრდა, როგორ მოქცეულიყო. ღმრთობად მოულოდნელად ქალი შეჩერდა და თავაზიანად შეეცხა:

— უკაცრად, ბ-ნი გოგრაული არა ბრძანდებით?

— დიახ, ბატონო, მე გახლავართ, — მიუგო გაოცებულმა გოგრაულმა.

— არ შევმცდარავარ, მაშინვე გიცანით... ხომ გახსოვთ, ნათლობაში რომ გავიცანით ერთმანეთი? — მიუგო ქალმა, თანაც ცდილობდა. ღმრთობად შეიძლება, სიტყვები ნაზად და ტკბილად გამოეთქვა.

— დიახ, დიახ, დიდად სასიამოვნოა... მახსოვს, — ნაწყვეტ-ნაწყვეტად ამბობდა გოგრაული, თუმცა არც ნათლობა ახსოვდა და არც ამ ქალის სახე.

შეყვანენ ლაპარაკს. თქვეს ამ მთისა, იმ მთისა, თუმცა ორივენი ფრთხილად იქცეოდნენ, რადგან ეშინოდათ, ისეთი რამ არ ეთქვათ, ღმრთობად ერთმანეთი უხერხულ მდგომარეობაში ჩაეყვანებინათ, რადგან ცხადი იყო, რომ ნათლობაში გაცნობა შემთხვევითების იყო შეთხზული.

— დიდი სათხოვარი მაქვს თქვენთან, ბ-ნი გოგრაული, — შეურია ლაპარაკში ქალმა.

აღექსი აღექსის ძე ცოტად გაოცდა, ოდნავ თავი დაეკრა და, ღმრთობად შეეძლო, თავმდაბლად მოახსენა:

— მიბრძანეთ, ქ-ნო, მზადა ვარ სამსახურისათვის.

— საჭმე ის არის, რომ თქვენ კანტორაში მუშაობს ერთი ახალგაზრდა ყმაწვილი. რომ იცოდეთ, რა კარგი ბიჭია, რა ხანიათისა, რა მეცადინე! ჯერ ჯამაგირი არ ეძლევა, ისე თვალის გასატეხად მუშაობს, სამსახურს ეჩვევა. გთხოვთ, როცა შესაძლებლად ცნოთ, შტატში ჩარიცხოთ და ჯამაგირი დაუნიშნოთ.

— ეგ რომელი ყმაწვილია, ქ-ნო? — შუბლზე თითის მიდებით მიუგო გოგრაულმა.

— მისი გვარია, ბატონო... — ქალი ერთ წამს შეჩერდა. ეტყობოდა, მისთვისაც სხვა ვიღაცას ეთხოვა და გვარი დავიწყებოდა. ბედზე ჩქარა გაახსენდა. — მისი გვარია, ბატონო, ფხალქამაძე, — ხაჩქაროდ წაილულლულა ქალმა. თითქო ეშინია. ხელახლა არ დამავიწყდესო.

„ფხალქამაძე? რომელია ნეტავი?“ დაფიქრდა გოგრაული. — მაღალ-მაღალი, ქერა ყმაწვილი ხომ არ არის?

— ჰო, ჰო, ბატონო, თქვენ უკეთ გეცოდინებათ, ძლიერ კარგი

უკანწვილია. ერთი სიტყვით, დიდად დამავალეობთ. — ემუდარებოდა ჭაღი.

— აბა რა სათქმელია. ქ-ნო, თქვენი გულისთვის... ნაცნობიც ღმრთი არ იყოთ, თორემ...

— იმედი მაქვს, იმედი მაქვს. სწორედ ჩინებულად უკანწვილია. იცოდეთ, არ იხანებთ.

— კარგად ვიცნობ... აბა, ჩემი კანტორის მოსამსახურებ- ახ ვიცნობდეთ? თუმცა მოსამსახურე ბევრი მყავს, მაგრამ ყველახ ვიცნობ. ვიცნობ რომელია, ისიც ვიცი, ვინ რა ზანათისაა, რა მიმართულებისა და ქვეუისა, რა გონების პატრონია, — დაიკვირბა ვოგრაულმა.

— რა ხეკვოა, ბატონო, უფროსობას არც კი მოგცემდნენ ახლანდელ დროში, ღირსი რომ არ ყოფილიყავით. მაშ იმედო შექნება!

— ზა თქმა უნდა! თქვენი გულისთვის... — და ვოგრაულმა ჭაღს აღერსიანად შეხედა.

— დიდად გმადლობთ. ვიცოდით თქვენი კეთილი ბუნებაც ამბავი... უკაცრად კი ვარ, ქუჩაში გაგაჩერეთ.

— რის უკაცრად, ქ-ნო, პირიქით, დიდად მესიამოვნა თქვენი ნახვა. მე, თუ გნებავთ, გაგაცილებთ კიდევ.

— აბა, როგორ შეგაწუხოთ...

ვოგრაულმა ნაცნობი გააცილა.

— ღმრთი იცოდეთ, ბატონო, — გულნატკენად ეუბნებოდა ჭაღს გზა-გზა. — რა გაფუქებულია ახლანდელი ახალგაზრდობა. პატიოსან ჭაღს ქუჩაში არ გაეფლება... ერთი სიტყვით...

— ოჰ! ქ-ნო, როგორ გაირყვნა ქვეყანა. პატიოსნებას გეფიცებით, ისეთი ამბები ხდება და შევესწრები ხოლმე კიდევ ზანდაზან. ღმრთი ქუჩაში გასვლა შეზარება...

— დაა, დიად! — კვერს უკრავდა ჭაღი.

მეორე დილას ვოგრაული ჩვეულებრივზე ადრე მივიდა კანტორაში. კმაყოფილი და მხიარული იყო. არაჩვეულებრივ გულმოდგინეობას და საქმიანობას იჩენდა. მოსამსახურე დარაჯს რამდენიმე შენიშვნა მისცა: ფანჯრები უსუფთაო გაქვს, იატაკიც რიგიანად არ გაგიწმენდიაო. როცა დარაჯმა თავი იმართლა და ჩერების უქონლობა დაიხვია ხელზე, ვოგრაული არ გაჯავრდა, ონდაე შეკრთა: ჩერებს რამდენსაც გინდა გიყიდიო, აღუთქვა და თავის კაბინეტისკენ გაეშურა.

ცხრა საათისთვის ყველა მოსამსახურე მოგროვდა და მუშაობა

გახალდა. ზოგი წერდა, ზოგი ანგარიშობდა, ზოგი მსურველთა სა-
ჭიანო ცნობებს აწვდიდა.

გოგრაულთა კაბინეტიდან მძიმედ გამოვიდა და ამავე კმაყოფი-
ლნი სახით მომუშავეთა მაგიდებს შუა გაიარ-გამოიანა, თან საქ-
ნიან თვალებით აქეთ-იქით ყველას ათვალეერებდა.

ერთ კუთახეში ფართო მაგიდას ეჯდა მაღალ-მაღალი ქერა ყმა-
წვილი და დაკვირვებით საქმეს აკეთებდა. თვალსაჩინო და ცნობილ
კაცთაგან ნაცნობი არავინა ჰყავდა და ამიტომ ცდილობდა გზა სა-
კუთარი მწყაითობითა და შრომით გაეკათა. ხუთი თვე გავიდა, ჯალ
მუშაობდა, მაგრამ ჯერჯერობით ჯამაგირი არ ეძლეოდა. გოგრაულ-
თა, ხხვათა შორის, ქერა ყმაწვილს მიუახლოვდა და თითქო შემ-
თხვევით ამის წინ შეჩერდა. ყმაწვილი უფროსის მიახლოვებაზე
ცოტათ აინჩა, ზეზე წამოიწია და თან ქალაღლებსაც თვალს აბ
ამოჩენდა.

— იმეცადინეთ, იმეცადინეთ, — ტკბილად უთხრა გოგრაულ-
თა. — მე ყოველთვის ეაფასებ ხოლმე ადამიანის პირად ღირსებას.
ჯხედავ, რომ თქვენ კეთილსინდისიერად იქცევით, სამააბურში
ღროზე მოღიხართ. მინდა თქვენც დაგაფასოთ და შტატში ჩაგჭი-
ხოთ, — აუჩქარებლად და ღირსებით დაუმატა გოგრაულთა.

— დიდად გმადლობთ, — აღღვებებისა გამო ძლივს წარმოთქვა
ყმაწვილთა. — ვეცდები გავამართლო თქვენი ჩემდამი ნდობა.


— იმედი მაქვს, დარწმუნებული ვარ... მართლა, თქვენ ფხალ-
ჭამაძე არა ხართ? — შეეკითხა აღღვსი აღღვსის ძე.

— არა, ბატონო, მე გვარტომამე ვარ, ისიც აქ მუშაობა, მაგრამ
ქედ ან მოსულა, — გულუბრყვილოდ მიუვკო ქერა ყმაწვილთა.

გოგრაულს თითქო ცივი წყალა გადაასხესო. ერთ წამს ზაშინ-
ლად გაფითრდა.

— მაშ...პო...არა... ფხალჭამაძე მეგონეთ... მე... ყი... — ატელ-
ლად ბუტბუტებდა უფროსი და ყურებამდე გაწითლებული თავის
ქაბინეტისაკენ მიეჩქარებოდა.





ფ ა რ ი ს ე მ ვ ლ ე ბ ი

გაზაფხულის დილა იყო. ქალაქ იერუსალიმის ერთი ქუჩიბ მოსახვევეში ვიღაც მაღალ-მაღალი, ძვირფას და გრძელ ტანისამოსში გამოწყობილა და დოღბანდით თავშეხვეული კაცი დინჯად მიდიოდა. ქუჩის ბოლოს რამდენამე კაცი გამოჩნდა, ეტყობოდათ, უბრალო მოქალაქენი იყვნენ და სამუშაოდ მიეჩქარებოდნენ. მათ დანახვაზე გრძელ ტანისამოსიანი შეჩერდა. ერთი ხმამაღლა ამოიოხრა, ხელები ზე აღაპყრო და ხმამაღლა წამოიძახა:

— უფალო ღმერთო ჩემო! შემიწყალე მე, მონა შენის მადლობა უნდა შეგწირო, რომ სხვა ვიგინდარასავით არ გამაჩინე და განსაქუთრებულ კარგ პირობაში ჩააყენე ჩემი ცხოვრება. არა ვაპ მტაცებელი, არა ვარ ქურდი, არა ვარ ავაზაკი. არც შთამომავალი ვარ უღირს-ცოდვილებისა, პირდაპირ შენი საყუარელი და ჭრეული აბრაამის შვილი ვარ.

მგზავრების მოახლოვებაზე გრძელტანისამოსიანმა კიდევ უფრო აუმაღლა ხმას, ცალი თვალი კი მათკენ ჰქონდა, აბა მიყუბრებენ თუ არაო. ამ დროს ვიღაც კოკლმა მათბოვარმაც გამოიარა. ხელბაყრობილმა საჩქაროდ ხელები ძირს დაუშვა, ზედა ტანისამოსის მარჯვედ გადასწია, ჯიბეში იკრა ხელი, ნახევარ დრაჰნიანფული ამოიღო და გლახაკს შესთავაზა. თან აღმაცერად ახლო მიმავალ მგზავრებს გადახედა, შეამჩნიეს თუ არაო.

ქუჩაში გამეღელ-გამომღელელთა რიცხვმა იმატა. ზოგხ სავაკრო რამ მიჰქონდა, ზოგი დატვირთულ სახეღარს ერეკებოდა, ზოგი სამგზავროდ მიეშურებოდა.

— ემარხულობ ორგზის შაბათსა შინა, — გააგრძელა მლოცველმა. — ყოველ დიღით ეკლესიაში ლოცვას მთელი ხაათი ვუნდები ხოღმე. აი, ახლაც იქიდან მოვდივარ, მაგრამ შენმა სიყვარულმა არ მომასვენა, რომ აქაც არ შეგასხა ერთი-ორი ქება-დი-

დება. მას შემდეგ, რაც მღვდელი გავხდი, შენა წმინდა ტაძრიდან შემოსავალი დიახ, კარგა ბლომდა მაქვს, მაგრამ კეთილ საქნესაც არ ვიფიქრებ: ათისთავი შემოსავლიდან გლახაკებისათვის მაქვს გადადებულა...

— ოჲ, შენა, ღირსო რაბი იერემია! — მოესმა უცხად მლოცველს. — გიზაროდენ წყალობა უფლისა შენზედა! მეც ახლა მივდივარ ხალცავად.

ახალმოსულიც ისევე ცყო გამოწყობილი. ერთმანეთი გადატკოცნეს.

— რაბუნს აბიას, ჩემს მოძღვარს და გულითად მეგობარს! რა გამიზარდა შენა ნახვა! — აღტაცებით ამბობდა ამას წინათ მაღლა ჰელებაპყრობილი.

— რას მეტყვი ახალს, პატივცემულო რაბუნო? — ჰკითხა იერემიან აბიას.

— ეგებ, მამაო, რა უნდა გითხრა, ყოველ დღეს სულ ახალ-ახალ საშუქხარო ამბავი მოაქვს. პონტოელი პალატე ხომ თავზე დაგვისვენს, ის არ გვეყოფოდა, რომ ვიღაც ახალი ჰირიც გაგვტყენოს ღირსანის უღაბნოში! ვიღაც მქადაგებელი!

— შენი ჰირიმე, მოძღვარო, რას მეუბნები?

— შენს პაღლს ეფიცავ! განა არ გაგიგონია? მთელი ჯაღმა მხარე იმასთან მიდის თურმე მოძღვრების მოსასმენად.

— ვინ არის, რა კაცია... ღმერთო!

— საეალალოც ისაა, რაბუნო, რომ რაბუნის შვილიაო, ამბობენ. ნთანე, ზაქარიას შვილიო, მოგახსენებენ.

— მერე რა ღმერთი გასწყრომია. რაბუნობას და ტყბილ ცხოველებას თავი დაანება და უღაბნოში შაწილ-წყურვილს მისცა თავი? ჭადარბუღა საწყალი...

— ასეა, ჩემო იერემია, ჩვენივე შვილები აფუტყებენ ჩვენ საქმეს, აბა, როგორ მოველოდი, რომ რაბუნის შვილი ასე გაგიყდნოდა ქადაგებს და ქადაგებს თურმე. ყველაზე მომეტებულად რაბუნების წინააღმდეგ არის თურმე ამხედრებულნი. მათ გარყვნიან, დაათაბსირეს მოშეს სჯულით, ამბობს თურმე. კისერიც მოუტეხია. ქარტალოს ენა, რამდენიც მოესურვება, მაგრამ ვაგლახი ისაა, რომ თანამოაზრე ბევრი ჰყავს თურმე. ამას წინათ ღღესასწაულზე, ტაძარში რომ მორიგე ვიყავ, გაღმა მხარიდან მხოლოდ ორმოცი ეხვარი მოვიდა, როცა წინათ ზუთას-ექვსასი მოდიოდა. ტაძრის წმინდა კედლებს გეფიცები, მხოლოდ ორი ტყავი შემხვდა!

— ღმერთო, მომკალი! რა ზარალა მოგხვლია. ამით რა უნდა

ცხადე? — ყალბა თანაგრძნობით მიუგო იერემიამ. — ზეც მკვამრისა და ვაითუ მეც მშრალზე დავრჩე.

— ღმერთმან გამოროს, ღირსო რაბუნო! — მიუგო აბიამ. — იცავსა გითხრა, პატიოსანო მოძღვარო: სინედრიონის პიძეგლსავე ბზღონაზე შეკითხვა უნდა შევიტანოთ, რომ ჭეოვანი ყუჩადღებნიექცეს ამ ფრიად სამწუხარო მოვლენას. ვისი უდაბნო, ხადაუტუდაბნო ვინ იოანე, ვინ ზაქარია? ქადაგება თუ უნდოდა. მან არამზადას, რას დაძრწის უდაბნოში? ის რომ ქვეშარიტი მღვდლის შვილი ყოფილიყო, აქ იქადაგებდა, მანმარილოს სტოგანზე. აქვირფასი სამღვდლო შესამოსელი, აი კაი ვეცბლის საცეცხლური, აი მსუქანი მსხვერპლი. უკმე და უკმე სასოებით, გუნდი მკმოსძახებს ფსალმუნს აღფრთოვანებით, შენც ბანი მიეც, ამას ბზჯობია! მერე მოშეს და წინასწარმეტყველთა ნაწერიდან რამე წაიკითხე. ამას რომელი ქადაგება სჯობია! შემდეგ მხხვცაპლის ხორცს ტუბილად შეექციე. სულსაც ასიამოვნე და ხორცსაც. ეს კაგადარეული, ტანთ, ფეხთ იხდის და უდაბნოში მიდის. კაცო, ხაგაროდ ამბობს თურმე, ფარისეველებმა მოშეს სჯული გასყენესო. ტაძარი პირმოთნეობის ბუდედ გახადესო.

— ნუ მეუბნები, შენი ქირიმე, პატიოსანო რაბუნო! — გააწყვეტინა იერემიამ. — თანახმა ვარ შენი. უსათუოდ პირველსავე სხღონაზე შეკითხვა უნდა შევიტანოთ. ჩემი აზრით, სჯა-ბაასში გაწმთვნილ-დაბელოვნებული, ენამოქარგული რაბუნები უნდა ავიტჩოთ და იორდანის უდაბნოში გავგზავნოთ, რომ იქვე, იმ გონებაბანეულ, ფეხის ხმის ამყოლ ხალხთან შევარცხვინოთ ახალი მქადაგებელი.

— ბალხსაც ნათლავს თურმე, ღირსო მამაო. ცოდვით მიტევებას პირდება. ღმერთო, სული ამომხადე! განა ცოდვით მიტევება, ფეხშიშველ და კუჭმშიერ კაცს შეუძლია? ეყენებით შემკული ნაკურთხი ტანსაცმელი რომ არა აქვს? საცეცხლურა რომ ახაქვს, უმსხვერპლოდ, უსაკმევლოდ, ცოდვის მიტევება განა შეიძლება?!

— ეხ, რაბუნო, ამას თუ წამალი ირ დავადევით, ეყენიან შესონოსელი კი არა, მგონი ფერხით ხამლიც გაგეხადოს, — შენიშნა იერემიამ.


მღვდლებმა ერთმანეთი გადაჰკოცნეს და განშორდნენ.

— ეს კი ძლიერ სასიამოვნოა, — ბუტბუტებდა გზა-გზა იერემიამ. — რაბუნს აბიას მარტო ორი ტყავი შეხვედრია. ღმერთო, შენით, ერთსაც ნუ შეახვედრებ. ზღდება, კანში რომ იმ გტეოდა. ეს

და საზიზლადი ხუნი ამოსდის პირიდან. ქონის კარბად ქამა ზოგ უყვარს, იმიტომ მოსდის ალბათ, ფუ, კირივით მძულს!

— ღმერთო, შენ ისმინე ჩემი ლოცვა! მყრალ რაბუნს იერემიას ოდ ტყავსაც ნუ შეახვედრებ. ვიცი, რომ ესიამოვნა ჩემი ზარალი. აუ იმის მორიგეობიდან ხელცარიელს შინ გააბრუნებ, ერთ ცხვარს შენ შემოგჭინავ! — აღოქმას სდებდა რაბუნი აბიაც და საყდრის. მენ ხალოცავად მიეჩქარებოდა.





უ რ ა ბ ნ ო შ ი

ხელ-ხელა მიაქანებს ზვირთებს მკვდარ ზღვისაგენ პატარა ბღ...
ნაძე იორდანე. ლიბანის მთების კვიპაროზით დაფარულ კალთა-
დან გადმომჩუხჩუხეს და გენისარეთის ტბის ანკარა წყალში და-
ფერილ-განსპეტაკებულ იორდანეს თითქო არა ხურს გაედიოხ-
ნავით და ფისით აყროლებულ მკვდარი ზღვის ტალღებში. მაგ-
რამ სხვა გზა არ არის, ბუნებას იმისათვის ეს ბედი ურგუნებში
და იორდანეც იძულებულია მკვდარ-უსიცოცხლო ზღვაზე გაედიოხ-
და იმის ძალზე მლაშე წყალში გაიხსნას.

იორდანეს შესართავთან მოტვლეპილ-მონხროცებული იდგილი
ნა. ზემოთ კი, მდინარის გაყოლებაზე, სურათი იცვლება და ალაგ-
ალაგ მშვენიერი ქალა-ბუჩქნარია ატეხილი, თუმცა უდაბნოც ბევ-
რია. უდაბნო, ხრიოკი, მთა-გორაკებით დაფარული. იდგალა მეტად
ბევრია იორდანის მარცხენა ნაპირის გაყოლებაზე, ე. შ. აღმოსაფ-
ლეთით. ზოგი ადგილი თითქმის წვდება ქვიშითა და ქვით დაფა-
რულ არაბეთის თვალუწვდენელ უდაბნოებს.

შუა გაზაფხული იდგა. სამხრეთის მზე საგრძნობლად ახურებ-
და წვიმა-ქარისაგან ათასფრად დასერილ და დაღარულ გლდეებს
არგვლივ ერთფეროვანი, მოშავო, უსწორმასწორო ლოდთა გროვ-
ბედებოდა თვალს. ეტყობოდა, ადამიანი ხშირი სტუმარი იმ უნდა-
ყოფილიყო ამ გავერანებულ ადგილებისა, რადგან კაცის ხელით
გაკეთებული ახლომახლო არაფერი ჩანდა. არც ოთხფეხის ქაქანებ-
ყო. მხოლოდ ცქვიტი და მშიშარა ხვლიკები დაბზოდნენ ნაპა-
ლებს შორის და მაღლა პაერში ათასში ერთხელ თუ გამოჩნდებო-
და ზანტად მოცურავე ძერა ან ყორანი.

ამ უსიცოცხლო კუთხის ერთ კლდის ძირში ლოდზე იჯდა ახალ-
გაზრდა კაცი, ძლიერ დაფიქრებული. ტანზე ეცვა გრძელა, შინა

ხოქსოვილი, შალის ხალათი, ფეხზე ქალამნები, თავზე ჩაბალახ-
ქონდა შემოკრული და ხელში ყავარჯენი ეჭირა, რომლითაც ნელ-
ნელა ჩიჩქნიდა ნაპრალებს შორის მოგროვილ თიხა-ქვიშას.

„არა, ასე ცხოვრება შეუძლებელია, — გასაგონად წამოილაპ-
ჩაკა ახალგაზრდამ და ისევ ღრმა ფექრს მიეცა: — უსათუოდ ხა-
ჭიროა, რაიმე ახალ გზას დაადგეს ტანჯული ისრაილი. მაგრამ რო-
ბელი გზა უნდა აირჩიოს? სად არის ეს ახალი გზა? ვინ უნდა უჩ-
ვენოს ეს გზა? აი კითხვები, რომელთაც გადაწყვეტა უნდა და გა-
დამწყვეტი კი ჯერჯერობით არაფერია ჩანს. თუმცა ზაქარიას ძემ
იოანემ დაიწყო ახალი ქადაგება, მეც მოუსმინე ორჯერ-სამჯერ და
ზოგიერთ მის აზრს სავსებითაც ვეთანხმები, მაგრამ არ შემირღია:
ახ აღვნიშნო, რომ იგი უკიდურესობამდე ცალმხრივი კაცია. სურ-
ვილი და მისწრაფება მისი ნათელი და სპეტაკია, როგორც ეს მზის
ახვედნი, მაგრამ იოანეს რიგიანად აწონ-დაწონილი არა აქვს ადა-
მიანის ბუნება. ავიწყდება, რომ ბრბო გმირი არ არის. ყოველ ადა-
მიანს თავის სასწორ-საწომით ფარგლავს და ეს ხომ შეუძლებელია.
ყოველი მომაკვდავი იოანობას ვერ გასწევს, მას ვერ მიაწუდება:
ეს კი უდაბნოს არა შორდება, მკალით და ველური თაფლით იკვე-
ბება. ჩემი აზრით კი, ხალხი რომ ახალ გზაზე დააყენო, არ უნდა
განშორდეს მას. პირიქით, თვითონ უნდა მიხვიდეს მასთან, დაუახ-
ლოვდეს, ჭირში და ლხინში მასთან იყო, მის ზნე-ჩვეულებას ანგა-
რიში გაუწიო. ბუნებაში ხომ მკაცრი თანდათანობაა. ესევეა ადა-
მიანის სულიერ ცხოვრებაში. საუკუნოებით შესისხლზორცებულს
ხალხი ერთი მოსმით ვერ გადაადგდეს. ძველიდან ახალზე ნელ-
ნელა უნდა გადასვლა. ჯერ უნდა მოიძებნოს რაიმე მტკიცე საძირ-
კველი, რომელზედაც უნდა დაშენდეს ახალი ცხოვრების კედლე-
ბი.... მაგრამ მე ვინა ვარ, რომ ამისთანა ფიქრები მომდის თავ-
ში?“ — კვლავ გასაგონად წარმოთქვა ახალგაზრდამ და გაოცებით
მიმოიხედა. ირგვლივ ყველგან ოღროჩოღროები და კლდის ნაპრა-
ლები ბედებოდა თვალს. ხალი კლდის მონაწევრ ლოდის ჩრდილი
ვლივს იფარავდა ახალგაზრდას მზის მწვევე სხივებისაგან.

„პო, მე ვინა ვარ? მე, იოსების ძემ ნაზარეველმა, უბრალო
დურგალმა, შესაძლებელია ვიფიქრო... ვუქადაგო ხალხს ახალი
მოძღვრება? ვაგებდო, გამრევაჟღავნო ის, რაც პატარაობითვე მო-
ყვებნებას არ მაძლევდა და აი ახლა, სახლ-კარს მოშორებული, რამ-
დენიმე დღეა უსმელ-უქმელი ამ უდაბნოში სულ ამაზე ვფიქრობ
და ვოცნებობ? რას იტყვის ქვეყანა? მიიღებს თუ არა ახალ მოძღვ-
რებას? როგორ შევეუფარდო ყველა ჩემი ნაფიქრ-ნაზარი მოშენს

მოდვრებას, იმის სჯულს, იმის კანონს? თოპ! დიდებულ მოშე. დიდია შენი ღვაწლი ისრაილის შთამომავლისათვის სანამ ეს ლაქ-ვარდა ცის კამარა ახურია იორდანის მიდამოებს, შენი სახელის ზსენებაც მარად იქნება. თუმცა რა დაგიმალო: შენი მოძღვრება ზოგიერთმა ნაწილმა დრო უკვე მოიჭამა. ცხოვრება ხომ ერთ წერტილზე არ არის გაჩერებული და ის, რაც აუცილებლად ხაქი-რო იყო და ხელსაყრელიც ამ ათასი წლის წინათ, დღეს უკვე დაძველებულია და გამოუსადეგარი. შენ შემდეგ ბევრი სამ გამოხ-ცადა საერთოდ კაცობრიობამ და კერძოდ ისრაილმა. ახლა ისრაი-ლი ის აღარ არის, მონობიდან გამოქცეული შენის წინამძღოლობით მეწამულ ზღვას რომ მიაღდა. მაგრამ ისრაილი არც ის არის, შენ რომ უიქრობდი და გინდოდა ყოფილიყო შფოთისმოყვარემ, ზუ-რიანმა და ერთობის მოძულე ისრაილმა ჯერ შენსავე სიცოცხლეშ-ვერ გაამართლა შენი იმედები. კბილქვეშ მოიყვანე იგი ქანაანის ქვეყნამდე. თუმცა დაიპყრო და დაესახლა ალთქმის ქვეყანაში, მაგრამ ვერ ისარგებლა ისე, როგორც შენ გინდოდა. ვერ შექმნა ძლიერ-ერი და პირველ შემთხვევისთანავე განხეთქილება და დაქუცმაცე-ბა დაეტყო. არათუ სხვები ვერ დაიმორჩილა შენ მიერ ნაკურთხმა ისრაილმა, პირველსავე მძლავრ შეტაკებაში სხვისი საკბილო შე-იქნა. სხვაფრთადაც ვერ გაგიმართლა იმედები, დიდებულ მოშე! შენ უსახავდი მას ტკბილ ცხოვრებას ლეღვისა და ვაზის ჩრდილ-ქვეშ, მან კი ხელში ადლი და სასწორი აიღო და ფინიკელთა ადა-თი უფრო შეითვისა, ვიდრე შენ მიერ ნაანდერძევი. ყანა და ვენახი.

ვერც შენმა ხჯულმა მიაღწია მიზანს, დიდებულ მოშე! ვერ გასჭრა შენმა ხერხმაც და ისრაილს კერპის თაყვანისცემა ვეჭ-პოაშლევინე. მეგვიპტელთა მონობაში და კერპთმსახურების ზე-გავლენით აღზრდილი ზალხი მაინც მიისწრაფოდა რაიმე ხელთ-ქმნილ კერპისადმი, და თუმცა შენ ნახევრად დააკმაყოფილე მისი ხურვილი: სჯულის ფიცრები ოქროთი მოქედნილ ყუთში ჩააწყე და ზნელ კუთხეში დაუსვენე, რათა, ერთი მხრივ, სცოდნოდა, რომ მასაც აქვს სათაყვანებელი კერპი და, მეორე მხრივ, ეს კერპი და-მალული ყოფილიყო იმისაგან, მაგრამ არ დასჯერდა ამას ისრაილი და პირველ მარჯვე დროსვე ხბოს თავი ჩამოასხა და მას დაუწყო თაყვანისცემა, მეგვიპტელთა ნაყმევი სხვაფრივ ვერც მოიქცეოდა. და დღეს კი... მთლად შენი სჯული, მქადაგებელი უხილავი ღვთი-ხა, ხომ კერპთთაყვანისცემადაა გადაქცეული.

ახა რას წარმოადგენს იერუსალიმის ტაძარი? ეს ხომ აჯივე

ნაქურუმოა, როგორც არა ერთი და ორი აქეთ რომაელთ, ბერ-
 ენთ, მეგვიპტელთ და ასურელთ. მღვდელმთავარი და მღვდლები
 რომ იგივე ქურუმები არიან, ხალხის გონების დამსწველნი, ხალხის
 პიერ მიტანილი მსხვერპლით ჩასუქებულნი, კისერმოღერებულნი
 ზალხსავე დასცინიან, მათ გულუბრყვილობას მასხარად ავღებენ
 ზმამალა გასძახიან დიდებული მეფის ფსალმუნებს, რომ ვჰქული
 და სიპოზე უკეთესად მოინელონ. რას წარმოადგენს ფარიხვეელთა
 ჯროვა? მათი ყოყორობა, მათი ამპარტავნობა? განა ამებში დახუტ-
 დავდა შენი სჯული? განა ამისათვის იძროდა სინას მთა და უკუ
 იქცა შეწამული ზღვა? მაგრამ ოცნება სხვაა, ხინამდვილე კიდევ
 იულ სხვა. განვლილი ათასი წელი გვიმტკიცებს, რომ „რჩეულა ეს-
 ჭაილი“ მტკნარი ოცნებაა. ეს ტურფა დედამიწა გამჩენს მარტო
 აბრაამ და ესააკის ძეთათვის არ გაუჩენია, ეს ლაყვარდი ცახ კამა-
 ჭა, მთა და ბარი, თვალუწვდენელი ზღვები და მდინარეები ზაერ-
 თოა ყველასი, ვინც მეტყველებს, ვინც ხან ტარის და ხან იცინიან,
 ვისაც ხან უყვარს და ხან სძულს, ვინც ხან წუხს და ხან მზიარუ-
 ლობს. ეს დიდებული სხივმომფინარე, მაცოცხლებელი მნათობი
 ზაერთოა ყველა ადამიანისათვის, მაშრიყით ცხოვრობს იგი თუ
 ჭაღრიბით, აბრაამის შთამომავალია იგი თუ ზანგთა ნათესავი...

მაშ ხაქირთა ახალი ისრაილი, არა აბრაამის შთამომავალი, ახა-
 ლედ ადამის შთამომავალი. ვერ შეაკავშირებს ახალ ისრაილს ხინას
 შთაზე მიცემული ორი ქვის ფიცარი? ვეროა მისთვის იერუხალი-
 მბ ტაძარი? მან ხომ ერთი მუჭა ისრაილიც ვერ შეუკავშირა ერთ-
 ჩანეთს და ვერც შეაკავშირებს ადამიანის ხელით შეთითხნილი ქვა-
 თა ჯროვა, ტაძრად წოდებული. პირიქით, ხელთქმნილი ტაძარი
 იუდეა განხეთქილებისა, მტრობისა, ეჭვისა და პირმოთნეობისა.
 იდამიანს შეაკავშირებს, თუმცა პატარა, მაგრამ მუდამ მტოკავი,
 აჭმნობით აღსავსე მხურვალე გული. მხოლოდ წრფელი ბიყვაბუ-
 ლით აღსავსე გულს შეუძლია კაცთა ნათესავი მიიყვანოს ერთ
 ჯაძრად, ჭომლის სიგრძე-სიგანე განუზომელია, რომელსაც არც
 კედლები ეხეთქება, არც სახურავი უცვდება, მის შესაკეთებლად
 მოგროვილ ვერცხლს ვერ მიისაკუთრებენ მღვდელმთავრები და
 მღვდლები, რადგან იმ ტაძარს შეეკეთება არა სკირია... აი დიდ-
 ბული ზაერთო ტაძარი“

წამოიძახა ეს ახალგაზრდამ და ზეზე წამოიქრა. იმიხ დიდრონ.
 შავგვრემან თვალებიდან ცეცხლის ნაპერწყლები ცვიოდა.

„აი დიდებული ტაძარი, — გაიშვირა ხელი ორგვლივ, — რომე-
 ლი ხელი შეჰქმნის შენზე უკეთეს სახლს, რომელი ხელოხანი მო-

ბარათავს ანაზე უკეთეს გუგზათს, — აიშვირა ხელი მალლა. — რო-
მელი საბთელი შეედრება დიდებულ მნათობს, ან მთვართ და ვაბ-
სეულავებთ მოქედელ ცის კამარას! შე უბედურო ადამიანო! რის-
თვისა მტობ შენსავე მოძმეს, რად ეძლევი შურსა და სიხარბეხა?
ზეიუვარეთ ერთმანეთი... მაგრამ მე ვინა ვარ? მე ვინა ვაა? —
ქლავ შეეკითხა თავის თავს.

— შენა ხარ ერთი მათგანი, რომელსაც ძალზე უცემს წრფელ-
სიუვალოთი აღსავსე გული, — ჩასჩურჩულა რაღაც იდუნალიმ
ხმა.

— მერე?

— შენშია დადგმული იმ ხელთუქმნელი ტაძრის საძიჯველი,
რომელმაც უნდა გააუქმოს უკვე ხავსმოკიდებული ქვათა ვროფა,
იორუსალამის ტაძრად წოდებული.

— კიდევ?

— დროა შესწყდეს ვერძთა და ხბოთა უზრო ბლავილი და
უკუნელთა მათთა ტყაცატკუცი რვალის დიდ სამსხვერპლოზე! ხაშუ-
ჯანო! უნდა გადავარდეს ეს ნაშთი უმეცრებთა!

— ხხვა?

— დროა ადამიანის შემაკავშირებელი იყონ მხოლოდ და მხო-
ლოდ დაუშრეტელი სიყვარული.

— ნე რა ვქნა?

— ჰქადაგე ეგე! დაპგმე ფარისეველთა ორპირობა, ნღვდეღა-
ბატყურობა. მოუწოდე ადამიანს სიყვარულისადმი — არ ახვენებ-
და დუნალი ხმა.

— მაგრამ მე ვინა ვარ? მე ვინა ვარ. — მაინც ექვენეულობდა
ახალგაზრდა.

— ვინ უნდა იყო, ძე ხარ კაცისა, — მშვიდად ჩურჩულებდა
იდუნალი ხმა. — დაისახე გულში მხოლოდ გულწრფელი სიყვანუ-
ლი და უშიშრად გასწიე წინ, უძლეველი იქნები.

— შევძლებ კი?

— გამოსცადე თავი შენი.

ახალგაზრდა კვლავ ლოდზე ჩამოჯდა და, ღრმად დაფიქტებულ-
მა. თავი ძირს დაჭიდა...

„ეს რასა ვგრძნობ?... მშია?... მართალია, რამდენიმე დღე
ლუქმაპური არ მიჭამია, ან რა უნდა მეჭამა ამ ხრიოკ უღამ-
ნოში?!“

თვალწინ წარმოუდგა ბალ-წალკოტოვანი კარნაუმი გენიხაბ-
თის ტბის პირად. აი მისი მეგობრის მეთევზის იონას ვენახი. ლა-

ლისფერ, ერთი ერთმანეთზე ჩაკირკიტებულ, მტევნების სამცხით ჭიგო განზე გადაზნექილა. დამწიფებულ მსხალსა და ვაშლსა ტოტები ძლივს იმაგრებენ. ნოყიერი და საუცხოოდ შეზავებული ლედვი კანში ვერ დატეულა, გამსკდარა და გამვლელ-განომგლელთა მოსახიბლავად ვარდისფერი გული განოუჩინია. აი, თონას სტუპარისმოყვარე და პურ-ღვინით ქებული ოჯახი სუფრას მოუხანდა ვაზის ტალავრის ქვეშ. ჩამოარიგეს ახლად გამომცხვარი ლავანში, მამფურზე აგებული შემწვარი თევზები. მოიტანეს ხელადრბიან ჯვინო. ყველანი მხიარულად შეექცევიან.

— აქ კი რა არის? ლოდები და ლოდები, ქვიშა და ჯიბა და ყვავ ლოდები! — გაიფიქრა და პირს ნერწყვი მოადგა. — ხაჯანბანბან, მე ვერ შემაშინებს შიმშილი. ვერ მომხიბლავს მწვანე წალკოტი. ადამიანში ჩაქსოვილი უნდა იყოს სხვა, ზალაც უნადღესა გრძობა, რომელიც ხანდახან ნივთიერ პურსაც დაავიწყებდნან. ზემი გული არ დრკება. მე შიმშილისა არ მეშინია, არა აუბრთა ერთითა ცხოველ იქნების კაცი! — მტკიცედ წამოიძახა და ზეზი წამოადგა.

კმაყოფილებით თვალი გადაავლო მიდამოს. შიმშილს ზოულეზით არა გრძობდა. მისი ყურადღება მიიქცია ერთმა წოწლოკინაბანს მწვერვალმა, რომელიც შორიახლო ამართულიყო. აა, მწვერვალისაკენ გაემართა და რამდენიმე ხნის შემდეგ ზედ მოექცა.

მშვენიერი ვადასახედავი კი იყო აქედან. აღმოსავლეთით ავალუწვდენელი ველი მოჩანდა, დასავლეთით — გველგეფ დაკლახილი იორდანე და მის ნაპირებზე აქა-აქ ატეხილი ჭალა. ხანბანრეთით, მტრედისფერ ბურუსში გახვეული, მკრთალად მოჩანდა ამომწვარი პიდანო და იმის შუა გულში, ჩაღრმავებული მკვდარი ზღვა. მწვერვალის ერთი მხარე პირდაპირ იყო ძირს დაშვებული. მის ძირს თვალი ძლივსა წვდებოდა. ძირში მიმდინაბე პატარა წყალბო მზიხ სხივებზე ვერცხლის ზოლსა ჰგავდა.

„უჰ, რა საშინელი უფსკრულია! — გაიფიქრა, ოოცა ქვეათ ხაბედა. — რა საშინელებაა! აქ რომ კაცი გადავარდეს, ხომ შეუადის ვერ მიადწევს ცოცხალი. რა უძლურია თავისთავად ადამიანი! ქნება კი ისეთი ვინმე, რომ აქედან გადავარდეს და უვნებელი დარჩეს? —“

— ვაჟაკიც ის იქნება და, — ჩაჩურჩულა რაღაც ხნან. — შენ რომ ანას შესძლებდე, მაშინ დანამდვილებით შეგეძლება აქცა, რომ ყველა შენი სურვილიც განხორციელდება. თუ მართლა აბსებობს იელოვა ღმერთი, რატომაც არ უნდა შეგაძლებინოს ეს?

აკი ღაწერილიც არის: „ანგელოზთა მისთა და უბრძანებიეს დაცუა მენთა ყოველთა გზათა. ხელთა მათთა ზედა აღგიპყრან შენ და აუ ზადა წარსცდე ქვათა ფერხნი შენნი“. თუ ზარ რჩეული და მეცაცია. აბა ბედაღ! გადავარდი, — ჩურჩულებდა იდუმალი ხმა.

— შორს, მაცდურო! — უპასუხა მეორე ხმამ. — ვახთვის ან რიხთვის აჩის საჭირო ამ უფსკრულში გადავარდნა? განა რანე ზასწულა ხელს შეუწყობს ადამიანთა შორის სიყვარულს განრტყეობას? სამდენი სასწაულია ჩამოთვლილი ძველათ, მაგრამ სადღაც მათი ნაყოფი? მთა იძროდა, ისრაილი კანკალებდა და ხაუკუნოვან ეზთგულებს ფიცსა სდებდა, მაგრამ მეორე დღეს, იგივე სასწაულის მხილველი ისრაილი ოქროს ხბოს ჩამოსასხმელად ენახადებოდა. სასწაულას სურვილი უბრალო მსოფლიო ამპარტავნიება. ეხეც ერთი მიზეზთაგანი კაცთა შორის შურისა და მტრობის ვაიხინება. არა და ირა, ამპარტავნობა ვერ დანერგავს სიყვარულს.

„მაბთალსა, შორს ჩემგან უშინაარსო, ყალბი თავმოყვარეობად ამპარტავნობა!“ — გაიფიქრა ახალგაზრდა კაცმა და უფსკრულს შველი მოარდა.

მზე გადიხარა, ხომამც დაჰბერა და დასიცხული არემარე ცოტათი გააგრილა. ახალგაზრდას ესიამოვნა და შუბლზე ხელი გაღობვ-გადმოიხევა.

— იი ჭიეთ, ამ მთებს იქით იუდეელთა ქვეყანაა, — ფიქრობდა აკი და ხამხრეთ-დასავლეთისაკენ ხელს იშვერდა. — იქით კიდევ უდაბნოა, კიდევ იქით სინას მთა, მერე მეწამული ზღვა და შემდეგ მდაღარა ეგვიპტე დიდი ნილოსით და უზარმაზარი შენობებით. აქეთ კი, — გაიშვირა ხელი დასავლეთით, — დიდი ზღვაა. ვინ მოხვდის სამდენი ქალა და ქვეყანაა გაბნეული მის წიაღთა შორის. შორს, შორს აქედან კი დიდებული რომია, თავისი ხიმლიდროთ. ხაუცხოო მოხატულ-მოვარაყებული შენობებით, კეისრით, თვალთაქვ კაბინაკაცებით, უსამართლობით და საზიზღარი ცირკით. ფუფუნებაში გაზრდილ-განებიერებულთ უინის დასაკმაყოფილებლად უკთმანეთს დანით ჩხვლეტენ და სისხლისაგან დაკლილნი ეცემიან უკუნუჭები და შეუგნებლები. კეისარი და მისი ამაღა კი იცინის და ზარბაჭებს. რომის გარყვნილი დიდკაცობას თან უკვირს და თან ზარობს, რომ გონებით დაბნელებულ უმრავლესობას ერთი მუქ ბატონები როგორა სწოვენ სისხლს, ამცირებენ და მათ გახანთობად ერთმანეთს...“

— მეტე ამით რა გინდა თქვა? — ჩურჩულებდა იდუმალი ხმა: — რას ვარგავს ან კეისარი, ან მისი ამაღა? ამ ქვეყნის ყოველ-

გვარი ბედნიერება იმათ ხელშია. მხოლოდ ბრიყვები იტანჯებიან, ჯორჯ ჯომი რად გინდა. ვინც ქკუიანია, იერუსალიმშიაც ბედნიერად ცხოვრობს. ბევრი კი არ არის საჭირო ბედნიერი ცხოვრების მოსახვეჭად. ცოტა რამ უნდა, სულ ცოტა! — ისე ნაზად ზღრჩულდება იღუმალი ხმა, რომ ახალგაზრდას სახეზე ღიმილა გადაუბრძინა. — საჭიროა მხოლოდ ძლიერთა ამა სოფლისათა ქედი მოტახლო... მათ მოქმედებას მხარი დაუჭიროო... საერთო გემრიელი ზაქა-პუტის ერთი ნაჭერი შენგანაც შორს ან იქნება. პერწინზე. ეხსია, თუ გინდა სცადე!

— ფე! შორს ჩემგან, მაცდურო! — წამოძახა ახალგაზრდა კაცმა. — ქვეყნად შესაძლებელი ბედნიერებით უფელანა უნდა უკებბოდნენ და არა ერთი და ორა. შორს ჩემგან, ასეთთ ფაქტებო! ნუ იქნება, რომ მცირენი ტუბებოდნენ და ბევრნი კაიტანჯებოდნენ. მე არა მსურს სხვის უმეცრებაზე ავაშენო ჩენა ბედნიერება. მე მსურს, პირიქით, თავი შეეწირო უმეცარ-დაჩაგრულთა თვალების ახილვას... თუნდ მომკლან და ნაწამონ, ვეც დამაზრმავებს ფუფუნებით ცხოვრება. მე შეურიგებელი მტერა ვაა მისი.

მტკიცედ წარმოთქვა ეს და ლოდზე ჩამოჯდა. თავი იცა და-ტკილა და პირისახეზე ხელები მიითარა. ერთ ხანს ამ მდგომარეობაში იყო. მერე ნელა წამოდგა. სახე სრულებით დამშვიდებულია ქმონდა. იმის თვალბში დაუშრეტელი რწმენა და ხულიზ ჰიადლი-ზე განოკროთოდა.

— დავა! დღეიდან მე იმშუ დურგალი არა ვარ, მე ვაა ჩაბი მოშუ! — მტკიცედ წარმოთქვა მან და იორდანისაგენ გზას გაუდგა.





გ ე თ ს ა მ ა ნ ი ა

შეუღამეს ცოტა აკლდა. სხვა დროს ქალაქი იერუსალიმში მინებულნი უნდა ყოფილიყო, მაგრამ დღეს, პასექის დღესასწაულს დაწყების გამო, ბევრგან ცეცხლი ბეუტავდა და ხმაურობაც მოახმოდა. ქალაქის მიკიტნები დიდ ფაცაფუცში იყვნენ, რადგან ახლანდელისთვის მართლმორწმუნე ებრაელები უცხო ქვეყნებიდანაც ბლომად მოდიოდნენ და სამიკიტნოებში კაი ძალ ფულს ტოვებდნენ.

აფხუხალიმის ვიწრო და მოუყირწყლავ ქუჩებში საკმაოდ ბნელადა. ასე რომ ათიოდე ადლის მანძილზე პირუტყვისა და კაცის გაჩჩევა ძნელი იყო. ერთი ქუჩის მოსახვევიდან ჩუმი ხმაურობა მოიპობა და კაცთა რამდენიმე აჩრდილი გამოჩნდა. ეტყობოდათ, ედიღალები ვაცნობილი ჰქონდათ, რადგან, მიუხედავად სიბნელისა, უშიშრად მიაბიჯებდნენ და ქუჩიდან ქუჩაში თამამად უბევედნენ.

მგზავრები აყვნენ ზემო უბანს და ზეთისხილის მთას კალთებზე გაშენებული გეთსამანიის ბაღის კარებს მიადგნენ.

— აქ შევიდეთ, — დინჯად თქვა ერთმა, რომელსაც ხმაზე ეტყობოდა, დანარჩენთა მეთაური უნდა ყოფილიყო.

ბაღში კი უკუენთი სიბნელე იყო. ხშირფოთლიანმა წალკოტმა აღმანათა აჩრდილიც ღამის წყვილიადში თითქო გახსნა, მხოლოდ განტიკუნტად ისმოდა მათი ჩუმი ლაპარაკი.

— იევე ჩვენი გეთსამანია! ჩვენი მუქთი სასტუმრო — თქვა ერთმა. — რამდენჯერ გავკითხვებოდა აქ ღამე. ეს წალკოტი რომ ახ იყოს, ჩვენისთანა ხელმოკლე ხალხს რა ეშველებოდა! ნაცნობთან კი ამდენი კაცის სტუმრობა ხუმრობა საქმეა? ღმერთმან აცურთხოს ამ წალკოტის დამსხმელის მარჯვენა!

— მოძღვარო, დღეს გვიამბობ რასმე? — იკითხა მეორემ, — გუშინდელი შენი ნაამბობი სამარადისოდ აღბეჭდილია ჩემ გულზე.

— ღმერთო, შენით, ეს მეოთხე პასეკს ვატარებთ მოძღვართან ერთად. — ჩაილაპარაკა მესამემ.

— მოძღვარო, რისთვის ხარ მოწყენილი და დაფიქრებული? — ვაკვირვებით ჰკითხა მეოთხემ.

— რაბი, აი იმ წალკოტის ქვიან-ლოდებიან კუთხისკენ წავალთ? შენ რომ გიყვარს ხოლმე სუროთ შექარგულ ლოდზე ჩამოჯდომოდა ქადაგება.

— ჰო, იქ მართო მე წავალ, თქვენ აქ მოითმინეთ. — წარმოთქვა მოძღვარმაც. ეს იყო რაბი იიშუ. — მინდა ჩამდინიე ხნით მარტოდმარტო დავყო. ძმებო, ჩემი სიჩუმე და მოწყენა სხვაფრივ ჩამომართვათ. გული ჩემი საშინლად დღლავს. გამოუთქმელ ხულიერ აღშფოთებას ვგრძნობ, სანამ ცოტად დავმშვიდდებოდე. განმარტოვება მესაჭიროება. თქვენც იფხიზლეთ... ვინ იცის, იქნებ უკანასკნელია ჩვენი ერთად ყოფნა...

თუმცა რაბი იიშუს განმარტოებით ყოფნა ხანდახან ჩვეულებად ჰქონდა, მაგრამ დღეს მაინც იმის კილოსა და ქცევაში ბევრი რაჩარჩვეულებრივი, მათთვის გაუგებარი იყო. ყველა რაღაც შიშმა ზოიცივა. რაღაც საბედისწერო შემთხვევის მოლოდინი მოსვენებაზე არ აძლევდა მათ, თუმცა ამაზე ერთმანეთთან ლაპარაკსაც ვერა ჰქვამდნენ.

ბუნებამ თავისი გაიტანა. ისინი ჩვეულებრივად გაგორდნენ მწვანე მდელოზე და სიამოვნებით შეიყნოსეს გაზაფხულის ნოჩი ბალახის კეთილსურნელება.

რაბი იიშუ მართლაც ბალის იმ კუთხისაკენ გაეშურა, ხადაც ბეჭსა და ბუჩქებს შორის აქა-იქ ეჯარა სხვადასხვა ზომის და სახის ლოდის ნატეხები და ერთ-ერთზე ჩამოჯდა მეტად დაფიქრებულადამარებული.

„შეუძლებელია, მე რომ შევცდე, — გაიფიქრა რაბი იიშუმ, — ვემ მიერ აღებული ალლო მუდამ გამართლებულა და, უეჭველად, ახლაც გამართლდება... ნამდვილად უკანასკნელი დამეა ჩემი ცხოვრებისა, უკანასკნელი წუთებია ჩემი თავისუფლებისა...“

იიშუს მთელ ტანში გააყრუოლა, ხელები აუკანკალდა. ოფლმა დაასხა.

„ბრიყვი ხალხის ზურგზე მობტქნავე სამღვდლოება არაფრამ გზით არ მახატებებს იმის წინააღმდეგ ჩემ მიერ ესოდენ მკაცრად და პირდაპირ გალაშქრებას. ჩემი წუთები დათვლილია, ანას ნათლად ვგრძნობ. ღმერთო, მომეც ძალი, თამამად გადავიტანო ეს საშინელი წუთების ღმერთო, შემადლებინე, ბოლომდე ვიყო მშვიდი“

და მტკიცე, მგონობიერი, მაგრამ სასტიკი ორგულთა ნიმარა. ხულნაძელა, მაგრამ შეურყეველი ჩემს რწმენაში. ღმერთო, ჩამანერგე ღიბხნე, თამამად შევსვა ჩემთვის გაწმადებული სასძელი”

პირველში მძლავრმა მღვღვარებამ გაუარა. ოფლც მონიშნინდა, ზეზე წამოდგა და მოწათეებისაკენ გაემართა.

— მეგობრებო! ხომ ფხიზლობთ? ხომ მაგრად ხაბთ? — ტკბილად, მაგრამ, რაღაც სასოწარკვეთილის კილოთი წარმოთქვა ინიშუმ, როცა იმ ადგილს მიუახლოვდა, სადაც მოწათენი დატოვა.

ზახუბი არავინ არ გასცა.

მძინაძეთა ზვრინვა არღვევდა წყვედიადით მოცულ ჯგემბაბ ხიხუმებს.

— უკვე გძინავთ? — გულნატკენად წარმოთქვა მოძღვარმა. — ვაიღვინეთ, მეგობრებო! შეიძლება ხვალ ამ დროს ყველასაგან თავმანებებული უსულოდ ეგდოს ჩემი გვამი. პეტრე, შენ წაინც დაწოციედა! მღვიძარე იყავ, განსაცდელი მოახლოვებულა.

ინიშუმ კვლავ მიამურა საყვარელ ლოდს. ჯერ კიდევ დღლავდა, ოფლიც წურწურით ჩამოსდიოდა, ლოდზე ჩამოჯდა, იდაცჯზე დაფრდნო და დაფიქრდა.

ელვის სასწრაფით გაირბინა იმის წინ მისმა ცხოვრგანდ.

გაახსენდა ბავშვობა, ხელმოკლე დედ-მამა, რომელთაც თავაჯალ-ლონით ადრევე მიეშველა. პირველი მისი შთაბეჭდილება იტრუხალიმის ტაძარში, სადაც მშობლებმა ჯერ კიდევ ნორჩა ვაბუჯა ხალოცავად წაიყვანეს. მისმა ზეგარდმო ნიქით უხვად დაჯილდოვებულმა გრძობა-გონებამ ერთი თვალის მოვლებით გაითვალისწინა და შესაფერად ასწონ-დასწონა ყოველივე, რაც ამ ტაძარში ხდებოდა. იქ ნანახ-გაგონილისაგან ერთი უცვლელი მანთლოი დასკვნა გამოიყვანა. თვალწინ დაეხატა ორი ბანაკი. ერთე მხრივ ენტუხალიმის სამღვდლოება, ურწმუნო, გარყვნილი და ანგარების რიყვარე. მისი დამქაში ლევიტელები, მუქთახორობას ჩვეულნო, ხაღთაგან ათისთავის აღებით ხახა კმაყოფილნი. მათივე მოხაზნლე ფარისევლები, ეს ებრაელების ყალბი პატრიოტ-ნაციონალიტები. მეორე მხრით ხალხი, მრავალტანჯული ებრაელი ხალხა, მორწმუნე და შრომისმოყვარე, მაგრამ დაუსამართლებულა, დამონებულ-დამპირებულა. პირველი ბანაკი ითელიდა თავეს წვევრათობით და ასობით, მეორე—ათასობით და ათათასობით. პირველ მადლარი იყო, მეორე ნახევარმშიერი, პირველი განცხრომაში იყო, მეორე — ტანჯვაში.

ინიშუმ შეიქნა დაუძინებელი მტერი პირველი ბანაკისა და მშვე-

რად დაიწყო პირველის გაკიცხვა, მეორის ქომაგობა. იცოდა, რომ ასეთ უსწორმასწორობის მიზეზი უპრავლესობის შეუგნებლობა, უმეცრება იყო და ამიტომ იიშუმაც უმთავრესი ყურადღება ხალხის გაწვრთნას მიაქცია, მის სულიერად ამაღლებას, მის განვითარებას. იიშუს წარმოუდგა ყველა თავისი მოგზაურობა სამშობლო ქვეყნის კიდით კიდე. თუ როგორი აღტაცებით უსმენდა ხალხი, თუ როგორ წყუროდდა მას, დაჩაგრულ-დაუძღურებულს, უკეთესი პირობების შექმნა... „მაგრამ ხალხი? უპირო ხალხი, დაჩაგრული ხალხი?—მწუხარედ გააქნია თავი იიშუმ და ორივე ხელით თავი დაიმაგრა, — ერთმანეთის შურიღ და მტრობით გამსჭვალული ხალხი? როდის ეღირსება ხსნას!“

წარმოუდგა გენისარეთის ტბის პირად ქადაგების სასმენად მოზღვავებული ხალხი, მისი აღტაცება, როცა იიშუს ქადაგებით აღფრთოვანებულმა მას მეფედ არჩევა მოუხდომა. წარმოუდგა ოსანას მომღერალი ხალხი, როცა მან იიშუ „კიცვსა ზედა კარაული-სასა“ მჭდომარე ბზა-ბაიას ქვეშეფენით ჩამოატარა იერუსალიმში. წარმოუდგა რჩეული ბიჭებიც, რომელთაც მარჯვე იერიში მიიტანეს ტაძრის ეზოში დაბუდებულ სიყალბეზე და... იიშუს გული ერთ წამს სიხარულმა მოიცვა.

„არა, ცოცხალ არს ერი! შეისისხლხორცებს საერთო ძალის საპიროებას. შეიგნებს, თუ რამდენად დამღუპველია მისთვის ერთმანეთთან შური და მტრობა. ერთხელაც იქნება მათ გზას გაუნათებს, მათ სხვის მოჭვენს დაუშრეტელი სიყვარული...“

„მაგრამ როდის?“ — წასჩურჩულა იიშუს იღუმალმა ხმამ. გაახსენდა, თუ როგორ დაფრთხა აღფრთოვანებული ხალხი ჯარისკაცთა მოახლოებაზე, თუ როგორ მიიმალნენ, გულგახეთქილები გარბოდნენ, დედაკაცთა შორის ერეოდნენ, ვითომ ჩვენ არავითარ საწინააღმდეგო საქმეში არა ვრეულვართო.

რაბი იიშუ ისევ მწუხარებით აღივსო.

— უბედური ადამიანი! როდის... როდის შეიგნებს იგი...—ნაღვლიანად წარმოთქვა მან და ისევ მოწაფეებისაკენ წავიდა.

— ძმებო! იაკობ, იოანე, ხმა გამეციტო! მეგობრებო! — ხმის კანკალით ამბობდა იიშუ. — ძვირფასნო, დღის სინათლეზე იქნებ ვერც კი ვნახოთ ერთმანეთი.

ხმა არავინ გასცა. ყველას ეძინა.

— იაკობ, ძმაო! პეტრე! — უფრო აიმაღლა ხმა რაბი იიშუმ.

— უ...უ...ა...უ! — ნელ-ნელა წამოიკრუსუნა ვიღამაც და ტანი-

სამოსის შრიალზე ეტყობოდა, რომ მეორე გვერდზე გადაბრუნდა. — ა...აპა...პა!.. — ერთიც დაამთქნარა და ისევ ძილმა შეიპყრო.

— ის...ის...ია, ბედსაიდის კარებთან... შენ ესროლე ბადე, შენ ესროლე! — ბოდავდა მეორე.

— თქვე უბედურებო. არა გრცხვენინანთ, რომ ერთი ღამეც ვერ იფხიზლეთ ჩემთან?! ერთი, ერთი, ისიც უკანასკნელი ღამე... აგერ საცაა ჩემი გამცემელიც გაჩნდება. ძმებო, თქვენთან უკანასკნელი ამბოხის ყოფასაც ვერ მოვასწრებ მგონია, მშვიდო...ბით, ძმებო! — მწუხარედ წარმოთქვა იიშუმ და კვლავ განშორდა.

მწარედ ქვითინებდა და თან უბედური ხალხი იმეორებდა.

რაბი იიშუ. ისევ ლოდზე ჩამოჯდა.

„იქნება ამშორდეს განსაცდელი? — გაიფიქრა მან. — არა! ყოვლად შეუძლებელია! სანამ ვაჭრები არ გადამემტერებოდნენ, ასე თუ ისე შეიძლებოდა ხიფათის თავიდან აცდენა. ახლა კი სულ ერთია! რა დღეს, რა ხვალ. დაე შესრულდეს! მოვიდეს, რაც მოსასულელია. მე უკვე მოვიხადე ჩემი ვალი... უეჭველია, გამცა უბედურმა იუდამ. ვერცხლისმოყვარეობამ დააბნელა. ცოტა გულნატკენიც იყო ჩემზე. სვიმონ ფარისევლის სახლში ჩემი ნათქვამისა გამო გული დასწყდა... სწორედ აქ მოიყვანს შემპყრობლებს, უკეთეს დროს და ადგილს ვერ იშოვნის. უბედური ჩემი მოწაფეები, რა გულუბრყვილოები არიან! მათ ვერც კი წარმოუდგენიათ, რა უნდა მოხდეს ამ მოკლე ხანში...“

იიშუ ღრმად დაფიქრდა. ისევ ოფლმა გადაასხა.

„შემდეგ რა იქნება, რა იქნება? — დაეკითხა თავის თავს. — უმნიშვნელოდ ჩაივლის ყოველივე, თუ ფესვს გაიდგამს, გაიხარებს, გაიზრდება, აღზვავდება და ნაყოფს გამოიტანს რაბი იიშუს მოძღვრება?! არა ვგონებ, რომ უკვალოდ გააქრეს ჩემი შრომა და ღვაწლი. არა ვგონებ, რომ კეთილი თესლი ერთი მაინც არ დავარდნილიყოს საღმე კეთილ ნიადაგზე. ყველა ხომ არ გაითვლებოდა, ყველა ხომ არ დაიღუპებოდა. ყველა ხომ არ გამოიშთებოდა. არა ვგონებ, რომ ხალხმა, რომელიც მიუხედავად ათასგვარი გასაკვირისა, ათასობით უკან დამდეგდა, ჩქარა დაივიწყოს რაბი იიშუ და მის მიერ ნამოძღვრევი ურთიერთისიყვარული, არ უნდა გააქრეს ის რწმენა...“

„...ეს რა ფიქრი მომივიდა! — გაოცებით წარმოთქვა რაბი იიშუმ და ზეზე წამოიჭრა. ვითომ ჩემზედაც განმეორდება ის?..“

მაგრამ იიშუს ამისი ფიქრიც არა სურდა. ამ ფიქრის თავიდან მოშორებას ცდილობდა, მაგრამ ამაოდ. იღუმალი ხმა, რომელიც ზშირი სტუმარი იყო მისი, ახლა აშკარად და გარკვევით ჩასჩურჩულებდა:

„გაიხსენე ილია, ისაია და სხვა დიდებული მოღვაწენი, ხალხის საბედნიეროდ თავგანწირულნი. მათ თანამედროვე სამღვდელოება და მთავრობა სდევნიდა... დიდებული ისაია ხომ ხერხით შუაზე გადახერხეს მეფე მანასიას ბრძანებით და მღვდელთა ნება დართვით. რა იყო მიზეზი? მხოლოდ ის, რომ ჩაგრულთა ქომაგი იყო. ხოლო ახლანდელი სამღვდელოება კი, შთამომავალი იმ ძველისა, სისხლი და ხორცი მისი, ისაიას აქებს და აღიდებს წმინდანათ ხდის, მისი ნაწერი კი, საღმრთო წიგნად აქვს აღიარებული. ის ნაწერი, შადაც დიდებული წინასწარმეტყველი უშიშრად ჰქუხს: მძულს. თქვენ მიერ შეწირული მსხვერპლი; ზვარაკები და კამებული თქვენი ეზიზღება ჩემ სულსაო. ვითომ შესაძლებელია, რომ ჩემზედაც განმეორდეს იგივე? შეიძლება, რომ წამებულ იიშუს (მე რომ მაწამებენ უეჭველია და ამისი სრულებით არ მეშინია) სახელიც გაიხადონ ოდესმე მღვდელთა ხალხის საწუწნელ იარაღად, როგორც ახლა მოშეს და მათ წინაპართა მიერ წამებულ წინასწარმეტყველთა სახელი? მათ სახელს გუნდრუკს უკმევენ, რომ ამით ხალხის საუკეთესო ხბორები და ვაცები თავიანთი სუფრის დამამშვენებელი გაიხადონ. ნუ, ნუ იქნება ასე! ცაო, ჩემი უკანასკნელი სათხოვარია ეს. უკეთესია რაბი იიშუს ხსენება სრულებით გაჰქრეს, ვიდრე იმის სახელს ამოეფარნენ ხალხის საყველღავად, იმათი შთამომავალნი, ვინც დღეს მზად არს რაბი იიშუს სისხლი სიამოვნებით მაჭარივით შესვას“.

„დედამიწაზე ერთი კანონია ყველასათვის, არა ვგონებ, რომ შენც აგცდეს სხვათა ბედი!“ — თავისას არ იშლიდა იღუმალი ზმა.

„ჰო, ნუ იქნება ასე! თუ ეს აუცილებელია, მაშინ ჰოი, ცაო, ჯანრისხდი, აორღანევე, უკუიქეც, ვაზო, ნუ მოსცემ მტევანსა, ნაძვო ლიბანისავ, გახმი!“

იიშუ უცბად გამოირკვა ფიქრისაგან. მისი ყურადღება მიიქცია ბაღის კარებისაკენ რაღაც ხმაურობამ და სინათლემ.

— ერთი შენცა, სად მიღიხარ? — მოისმა ვიღაცას უხეში ხმა.

— მან უკეთ იცის, ხელს ნუ უშლით! — თქვა მეორემ.

— ამ ჯოჯოხეთურ სიბნელეში ერთი უმართლოს ვისმე არა ვტაცოთ ზელი, კაცო?

— ვაიმე, ვაიმე, ეს რა ამბავია! — აღრიალდნენ იიშუს მოწაფეები. — მე აქ მხოლოდ მეძინა... მე... არა, იელოვას ვფიცავ!...

— ჯერ ნურავის გაუშვებთ! — ისმოდა აგრეთვე ბრძანების კილო.

რაბი იიშუ საჩქაროდ მათკენ გაეშურა.





ბ ა ს ა მ ა რ თ ღ ე ბ ა

I

ქალაქ სვიქუმის და ბეთაბარის შუა, ერთ ვაკეზე, მღ. იორდანიდან რამდენიმე ვერსის დაშორებით, ახლაც მოჩანს რაღაც ნანგრევი. აქა-იქ ბლომადა ჰყრია ქვები, ზოგან საძირკველიც მოჩანს. ახლომახლო ბუნება მწირია, არც ტყე, არც ხეირიანი ბალახი არსად არის, ამიტომ მახლობლად არც სოფელია. შარაგზაც არ უვლის ახლა ამ არემარეს, მხოლოდ ათასში ერთხელ იქნება იორდანის ქალებისკენ მიმავალმა მეცხვარემ გაიაროს. ცხვრებს აინტერესებთ ნანგრევები, მიცვივდებიან ხოლმე ქვათა გროვას, დასუნავენ და როცა საკბილოს ვერა ნახავენ, საჩქაროდვე მოშორდებიან. ახლა ეს ადგილი მივიწყებულ-თავმინებებულა.

მაგრამ იმავ მეცხვარეს რომ დაეკითხო, რა ნანგრევია ესაო, ერთ წამსაც არ დაფიქრდება და გიპასუხებს: ო... ეს ენიმას ნადარბაზევიაო.

მართლაც, ამ ორი ათასიოდ წლის წინათ ამ ალაგას სიცოცხლე დულდა და გაღმოდლიოდა. აქ გამოქიმული იყო დიდი ქარვასლა ან. ახლანდებურად რომ ვთქვათ, სასტუმრო. დატვირთული აქლემსახედრების ქარავნები ზედიზედ შედიოდნენ დასასვენებლად სასტუმროს ფართო ეზოში და უდაბნოში მგზავრობით დამაშვრალნი იქ ღრმა ქის ცივი წყლით იგრილებდნენ გულს.

ეს ადგილი ჯვარედინ გზაზე მდებარეობდა. აქედან აღმოსავლეთით გზა ქალაქ პალმირაში მიდიოდა. იქიდან თათსაყის ფონით მღ. ეფრატს გადიოდა და ძველი ნინევიით პერსეპოლისამდე გრძელდებოდა. სამხრეთის გზა ეგვიპტისკენ მიდიოდა, დასავლეთით კი ხმელთაშუა ზღვის პირას გაშენებულ ქალაქ კესარიას ზედებოდა და იქიდან ჩრდილოეთით ტვიროსს და სიდონს უერთდებოდა.

ბევრმა წყალმა ჩაიარა მას აქეთ. ბევრი რამ გამოიცვალა ქვეყა-

ნაზე, მხოლოდ ადამიანი დარჩა ისეთივე შურიანი და მტრობით საესე, ვნებათა ღელვის მონა-მორჩილი, როგორიც მაშინ იყო.

მაშინ ამ სასტუმროს პატრონობდა ერთი დედაკაცი, სახელად ენიმა. დიდი სახელი ჰქონდა გავარდნილი ენიმას და იმის სასტუმროს. რომში, სუზაში, ანტიოქიაში ვაჭრებს პირზე ეკერათ ენიმა. სვაძდნენ იმის სადღეგრძელოს და მოუთმენლად მოელოდნენ იმ დროს, როცა შემთხვევა მიეცემოდათ სავაჭროდ გამგზავრებულ იყვნენ, რომ ენიმას სასტუმროში დროს გატარებით დამტკბარი იყვნენ.

მზე დასავლეთისკენ გადაიხარა, შეალისფერებული სხივებით თითქოს ჩაეშვა ხმელთაშუა ზღვაშიო. სიომ დაჰბერა და პაპანაქებისაგან სულმეხუთულ და დამძარებულ პირუტყვსაც დამეტყველსაც ისევ სასიცოცხლოდ გული აუძგერა. სასტუმროს ახლო აქლემების ბლავილი გაისმა. დაღლილმა პირუტყვმა შორითვე იგრძნო ცივი წყლის და ნოყიერი ბზის სიახლოვე. ქარავანი ეზოში შემოვიდა. წინ მოუძლოდა დარახტული აქლემი, რომელზედაც თავმოწონენ წამოსკუებულაყო ერთი შესახედად უშნო, დიდცხვირა ქალარა კაცი.

— მოდის, მოდის ჩემი ნაასონ. სიუხვე და ბარაქა შენს ადლს და სასწორს! — მოისმა ხმა და ერთი უზარმაზარი შავ-შავი დედაკაცი სასტუმროს ეზოში გამოჩნდა. ეს იყო თვით ენიმა.

— ო...ო, ჩემს ენიმას ვახლავარ! ჩემ მამა-პაპათა ღმერთები ასტარტა და თანითა იყვნენ შენი მფარველნი! — შორიდანვე მოაძახა დარახტულ აქლემზე მჭდომმა. ეს იყო ნაასონ, ფინიკიელი სოვდაგარი.

რამდენიმე ხნის შემდეგ ქარავანი უკვე დაბინავებული იყო სოვდაგარი ნაასონ და ენიმა ძვირფას ხალიჩებზე ფეხმოკეცით ისხდნენ, ბროწეულის მარცვალივით წითელ ღვინოს შეეპტეოდნენ და ტკბილად მუსაიფობდნენ.

— ენიმ, ნუ მაწვალებ, ჩქარა მაჩვენე შენ ცოცხალ წალკოტშო ახლად ამოსული და გაფურჩქვნილი ვარდი... არ მინდა არც წითელი ღვინო, არც შემწვარი ბატკანი, არც ახალი კიტრი... ენიმ, არ გესმის? — ეხვეწებოდა სოვდაგარი.

— შენ ჭერ ეს მითხარი, ფული ბლომდა გაქვს თუ არა?

— აი, სულელი დედაკაცი! მარტო ჩემი მოოქრული რახტი ნახევარ ტალანტად ღირს, ორმოცდაათი აქლემი საქონლით და ტვირთული და ოცდაათი შეიარაღებული ვაჟკაცი თან მახლავს და ეს კი მეკითხება, ფული გაქვს თუ არაო!

— აქლემი და სავაჭრო საქონელი შენა გქონდეს, მე ნაღდ დრაკნებს ვარ ჩვეული, — დინჯად მიუგო ენიმამ.

— შენმა მზემ, კოლხიდის ქსოვილი რომ მომაქვს ერთი საპალნე, იმას დაიწუნებ, არა? — უთხრა ნაასონმა.

— სიტყვას ბანზე ნუ აგდებ, კოლხიდის ქსოვილს რად დავიწუნებ, მაგრამ ნაღდი მაინც საჭიროა.

— ერთი შენც, ჩერჩეტობ რაღა! იმდენი რისხვა შენ, რამდენი ფულიც შენთვის მომეცეს! აბა, ვერ მომითმენია, ჩქარა მაჩვენე შენგან ნაქები ახალი ვარდი!

— ჯერ სამოცი დრაკანი ჩამოდი.

— რისთვის?

— ახალი ვარდის საჩვენებელი.

— ეჰე, რას როტავ, დედაკაცო! სამოც დრაკნად დანახვა კი არა, მხევალს სულ მთლად ვიყიდი. მართლაც და ხამი ნუ გგონივარ! რომიდან ინდოეთამდე ქალაქი არ დამიტოვებია, რომ არ მევაჭროს.

— მე კი თუ ქანაანის ქვეყანას არ გავცილებულვარ, გამაცურებ რაღა? ეს შენ ტვიროსელებთან დაიქადე! — მოუქრა ენიმამ.

— კარგი ერთი, შენი სჯულის მადლსა! აი ათი დრაკანი, ათსაც, რომ დავენოსავ, მაშინ მოგცემ. ჯერ ენახო, რა არის, წყალში თევზი ვის დაუფასებია!

— არც ორმოცდაათი! — მშრალად ამბობდა ქალი.

— ერიპა! მართლაც და თქვენ წიგნებში რომ გიწერიათ, ღმერთი უდაბნოში ფქვილს ზეციდან ჰყრიდაო, ისე ნუკი გგონია ფულის საქმე. ვინ იცის, რა ტანჯვის და ათასგვარ ხიფათის ქვეშ არის ნაშოვნი ფული, რამდენი კაცი მომიტყუილებია, რა დავიდარაბა არ გამომიცილია.

— მე ზღაპრებისა არა მრწამს რა, ეგეთი ქადაგება ფინიკიაში გაასაღე.

— ქალბატონო, ქალბატონო! — აღტაცებით შემოილაპარაკა მოსამსახურემ. — ენუქას ქარავანი მოდის პალმირიდან.

— ოჰოჰო, ჩემი ენუქია! — მზიარულად წარმოთქვა ენიმამ. — ახლავე, ახლავე მივეგებები. აი, ხომ გესმის, კაბადოკელი სოვდგარიც კარს მომადგა, შენსავით დრაკნობით კი არ ივაჭრებს...

— ვიცნობ, რაც შვილია, მაგრამ განა მე იმაზე ნაკლები ვარ! — წამოიძახა ნაასონმა და ჯიბეს ხელი იტაცა. — აი, სამოცი დრაკანი, თუ მომეწონა, მაშინ მე ვიცი.

— დიახ, არ მოგეწონება, დამასკელი გომბიო კი არ გეჯონოს

რჩეული ისრაელის ასული. ჩემ საქონელს სინჯვა და ვაჭრობა არა სჭირია, მაზანდა თავის დღეში არ ექარგება! — ჩაილაპარაკა ენიმამ და კარებისკენ გაეჩქარა. — სალომე, ნაასონს ვარდი აჩვენე, იცოდე, შორიდან იყნოსოს, ახლოს არ მიეკაროს.

II

ენიმას სასტუმროს ეზოს ჩამდენიმე დღიური ადგილი ეჭირა. ეზოს ირგვლივ ქვიტიკირის მაღალი გალავანი ჰქონდა შემოვლებული. გალავნის შუა ადგილას ვეებერთელა ალაყაფის კარები იყო ჩატანებული და იმის აქეთ-იქით შიგნიდან გამართული იყო თავლა ჭარავნებისათვის. ეზოს შიგნით ერთ-ერთ კუთხეში ციხე-დარბაზი იყო აშენებული, მრავალი სხვადასხვა ზომის საწოლ ოთახით, სამზარეულოთი და საწყობით. დარბაზის ერთ ნაწილს ენიმა ცოცხალ წალკოტს ეძახდა. აქ ჩამდენიმე ოთახი ძვირფას ხალიჩებით და ბალიშებით საუცხოოდ ჰქონდა მორთულ-მოკაზმული. ცოცხალი წალკოტი სამკლიტულში იყო მოქცეული. იქ შესვლა ენიმას დაუკითხავად არავის შეეძლო. ამ ოთახებში ენიმას ჰყავდა ლამაზი ქალები და ეს იყო უმთავრესი ანდამანტი, რომელიც იზიდავდა იმის სასტუმროსკენ ყოველ მხრიდან ყველას, ვისაც კი ჭიბეში ღრაკენები ბლომად მოეძეოდა.

ცოცხალ წალკოტის ერთ-ერთ საარაკოდ მორთულ ოთახში ოქროქსოვილით მოქარგულ ბალიშებზე წამოწოლილიყო ერთი იშვიათად ლამაზი ქალი და ღრმა ფიქრებს მისცემოდა. მისი დიდრონი შავი თვალები საღდაც შორს, შორს უიმედოდ გაიყურებოდნენ. ცალი ხელი ვარდისფერ მსუქან ლოყაზე მიედო, მეორე ბალიშს ზობდაუჭებდა. ხუთი დიდი ნაწნავი არეულად ეყარა წინ და უკან. მაჯებს დიდრონი ოქროს სამაჯურები უმშვენებდა, ყურებზედაც ოქროსივე, კავლის ტოლა ბუმტები ეკიდა.

„რისთვის გაეჩნდი, ან ამ ყოფაში რად ჩავევარდი? — ფიქრობდა ქალი. — განა ჩემთვის ვერ შეეღია ღმერთი მზესა და ჰაერს? რად მინდა ოქრო და ვერცხლი, ძვირფასი ღვინო და ტკბილი საქმელი? რად მინდა ესენი გალიაში დამწყვდელულს, თუ ჩემი ნებით მზეს ვერ შევხედავ, თუ თავისუფლად ჰაერს ვერ ვისუნთქავ! ღმერთო, რად გაქირდა ჩემთვის ადამიანური ცხოვრება? ღმერთი გულთამხილავიაო, ამბობენ. ჰა, ღმერთო, თუ ეს მართალია, ნუთუ არ ჩაიხედე ამ ჩემ გულში და არ დაინახე, თუ რა ალი გიზგიზებს იქ. ჩამდენი ღარიბ-ღატაკია ისრაილთა შორის, ბევრი დედაკაცო

მთელი წლის განმავლობაში ერთი პერანგის ამარა დადის, მაგრამ ჩემზე ათასწილად ბედნიერია: მზეს თავისუფლად შეჰყურებს, თავის ქოხის სრული ბატონია, საკუთარ შვილებს კოცნის და ეალერსება. უბედურება თუ ეწია, ტირის, მაგრამ ტირის თავისუფლად, აშკარად, ესეც ხომ ერთგვარი ბედნიერებაა. მე კი, გულში რომ ვტირი, პირით უნდა ვიცინო, და თუ ვერ მოვახერხებ და ცრემლებმა დამძლიეს, სადმე უნდა დავიმალო, რომ ჩუმიად ამოვიგლოვო ჩემი უმწურო მდგომარეობა. ჩემთვის არც მამაა, არც დედა, არც ძმები და არც დები. უღვთო იროდი მეფეს მთელი ბეთლემის და მის არემარის ბავშვები დაუხოცია და ჩემი ახლად დაბადებული ძმაც იმათთვის მიუყოლებია. იმ ალიაქოთში მამაჩემიც მოუკლავთ, ხოლო დედაჩემი კეჟიდან შეშლილა და ჩქარა ისიც დაღუპულა. მე მაშინ ორი წლისა ვკოფილვარ და აღარაფერი მახსოვს. დედის ტკბილი კოცნა მე აღარ მიგრძენია, მისი ტკბილი ალერსი ჩემ ყურს არა სმენია. ხუთი წლისა ვიქნებოდი, როცა გონს მოვედი. ვიზრდებოდი ერთ შორეულ ნათესავ ქალის სახლში. ვეზიდებოდი წყალს. ვმწყყესდი თიკნებს, გამდლობას ვუწევდი ბავშვებს. ერთი წუთი მოსვენება არა მქონდა. ნახევარ დროს მშვიერ-მწყურვალი ვიყავი. არსაით ჩემი მანუგეშებელი არ მოიძებნებოდა. მაშინაც ჩუმიად ვტიროდი, რადგან აშკარა ტირილისა მეშინოდა. რაც ვიზრდებოდი, საქმეც მემატებოდა, მაგრამ მადლობა და თანაგრძნობა არავისაგან მესმოდა. პირიქით, მუდამ მაყვედრიდნენ: ობოლი, ოხერი მოგიყვანეთ, გამოგზარდეთ, გარჩენთო. მაშინაც რამდენჯერ მიწყევლია ჩემი დაბადების დღე. თორმეტი წლისა არც კი ვიქნებოდი, როცა სოფლის ბიჭები ამიხიარდნენ. თუ ვინმე დამიმართოხლებდა, მაშინვე ჩემ საკმარად აბორცვებულ გულ-მკერდს წაეტანებოდა. გავიდა დრო და სახლის პატრონმაც სხვანაირად დამიწყო ყურება, ეს დიასახლისმა იწყინა და სახლიდან გამავლო... არ ვიცოდი, სად წავსულიყავი, შიშველ-ტიტველი, მშვიერ-მწყურვალი! გავიდა კიდევ ხანი და, ცოტაოდენ ხეტიალის შემდეგ, აჰ, ამ ამოსაგდებ ოჯახში ამოვეყავი თავი. აჰ ყველაფერი უხვადა მაქვს, მაგრამ რა გამოვიდა! ყოველ ვიგინდარას ეინი მე უნდა დავაკმაყოფილო. ვინ გინდა: ელინი, კაბადოკიელი, სპარსი, რომაელი, ფინიკიელი, ეგვიპტელი, ყოველი პირმყარალი და საზიზლარი არსება თავს შემოპყოფს, თამამად ხელს მომხვევს, მკოცნის... არც კი მკითხავს, მესიამოვნება თუ არა..."

— ხანნა? სადა ხარ? დაგეძინა? — მოისმა ენიმას ხმა და სასტუმროს პატრონი მწოლარე ქალს ზედ თავზე წაადგა.

ქალს, თითქო ჰრელი გველი დაინახაო, გააქრუოლა, მაგრამ საჩქაროდ ზეზე წამოხტა და წაძალადევი ღიმილით ენიმას წინ გამოეკიმა.

— აქა ვარ, ჩემო მბრძანებელო!

— მე კი საჩუქარი მოგიტანე. აი ეს სახალათე, კოლხიდური ქსოვილია, ნასონ ფინიკიელმა გიფეშქაშა. სწორედ რომ თავბრუ დასხმულია შენგან დიდცხვირა სოვდაგარი. მეტისმეტად მოსწონხარ. ღმერთმან ააყვავოს შენი ვარდისფერი ლაწვები! ასი ღრუკანი ავაგლიჯე. თუ მეორედ ჩამივარდა ხელში, შენ მყავდე მშვიდობით და იქნებ ორასიც ავაფუკენა... საჩქაროდ უნდა შეგიკერო ეს კოლხიდური ქსოვილი, ამ დღეებში ეგვიპტიდან მდიდარ სოვდაგარს მოველი, — საქმიანად დაუმატა ენიმამ.

III

გავიდა რამდენიმე წელიწადი და ბუნებამაც თავისი გაიტანა. ხანა ამ ხნის განმავლობაში ძლიერ გამოიცვალა. უღმობელმაცხოვრებამ თავისი მწარე ბეჭედი დაასო. იგი უკვე აღარ იყო წალკოტის დამამშვენებელი ვარდი. იმის დიდრონ თვალებს ირგვლივ ლურჯი რგოლი შემოეველო, ფუნთუშა ლოყა ჩაეკეცა.

ენიმაც გამოიცვალა. წინათ თვალის ჩინივით უვლიდა, საუკეთესო საქმელები და საჩუქრები მოჰქონდა, ახლა კი წინათ მოტანილ ოქროულობას და საჩუქრებს ცოტ-ცოტად უკანვე ეზიდებოდა.

ხანა მანცდამანც დიდ ყურადღებას არ აქცევდა საჩუქრების უკანვე წაღებას. ენიმას ალერსი კი მუდამ ჰირივითა სძულდა. პირიქით, ახლა უფრო მოსვენებულად გრძნობდა თავს. მამაკაცები წინანდებურად ხშირად არ აწუნებდნენ.

გავიდა კიდევ დრო და უამი და ერთ მშვენიერ დღეს ხანნას ოთახში ენიმა შემოვიდა. კარგა ხანი იყო, რაც ენიმა არ სტუმრებია და ხანნას მისი შემოსვლა გაუკვირდა კიდევ. ენიმას სახეზე ეტყობოდა, რომ რაღაც საჭირო საქმეზე იყო მოსული. გამოიქიმა ტახტზე, ხანნაც გვერდით მოისვა და მუსაიფი გააბა.

— ხომ იცი, ჩემო ხანნა, — გაურია ლაპარაკში ენიმამ. — ქვეყნად ყველაფერი წარმაველია, საუკუნო არა არის რა, ერთი დრო არავის შერჩება. შენც ერთ დროს შვენება იყავ ჩემი ცოცხალი წალკოტისა. იყო დრო, როცა ვარდის კოკორი იყავ, მერე ვარდი გაფურჩქენილი, ახლა კი...

— დამკვნარი ვარ არა? — მწუხარედ თქვა ხანნამ და წამოწითლდა.

— არა, რათა... ჯერ კიდევ არა. ერთი და ორი მამაკაცი შემოგაჩერდება და ნერწყვმორეული უკან გამოგედევნება, მაგრამ ჩემთვის კი საჭირო აღარა ხარ.

ხანნას აღმური აედინა და ლაპაღუპით ცრემლები გადმოსკდა.

— ჰო, შეილო, რა გატირებს. მე ძლიერ კარგად ვიცი, შენ ჩემთან ყოფნა მაინცადამაინც არ მოგწონდა.

— ან რა იყო მოსაწონი ამ ჯურღმულში, ამ შეურაცხყოფის და დამცირების სახლში?! — გულამომჯდარი ნაწყვეტ-ნაწყვეტად ამბობდა მტირალი ქალი.

— რაც არის ის არის, შეილო, — დამშვიდებული ამბობდა ენიმა. — მე კი კმაყოფილი ვარ ამ სახლისა. ოცდაათი წლის წინათ ხეირიანი პერანგიც არ მეცვა და ახლა ჩემი უძრავ-მოძრავი ქონება ორმოცდაათ ტალანტს უდრის...

— ჩემისთანა... უბედურთა სისხლითა და ხორციით შეძენილი, — კვითინებდა ქალი.

— არა, შეილო, მეც ბევრი ვიშრომე... ესეც არ იყოს, რომის კეისრიდან მოყოლებული უკანასკნელ ლევიტამდე და მეზვერემდე ყველა ასე აწესრიგებს თავის საქმეს და მეც მათ კვალს მივდექ. შენც მეცოდები, მაგრამ ჩემი თავი უფრო მეცოდება. მდიდარ ხალხს ახლანდელ დროში ხასიათი გაფუჭებული აქვს, სულ ახალ-ახალი უნდათ. ამ ხუთი წლის წინათ როგორც ბუზი თავფლს, ისე გვეხვეოდნენ, ახლა კი... ახლებს მთხოვენ... მეც უნდა ვიშოვნო.

— მე თუგინდ ახლავე წავალ, — თავშეკავებით, მაგრამ მაინც ბრაზმორეული კილოთი წარმოთქვა ხანნამ. — მოვშორდები ამ სახლს, სადაც ამდენი დამცირება და ტანჯვა გამომიცდია, მხოლოდ მომეცი ჩემი ოქროულობა და ფული, რასაც საჩუქრად მაძლევდნენ.

— ოქროულობა და ფული? — უშნო ღრეკით დაეკითხა ენიმა. — სად იყო, შეილო, შენი ფული და ოქროულობა. ის ჩემი იყო, შენი კი არა, მე გინახავდი, გაკმევდი, გასმევდი.

ხანნამ თვალეხი დააშტერა:

— მაშ მამწანწალად უნდა ვიარო... ღმერთი არ არის შენში? ჩემი სისხლ-ხორციით ჯიბე აივსე და ახლა ტიტველი გარეთ უნდა გამაგდო?

— რათა, შეილო, ცოტა რამეს მოგცემ... მეც გული შემტყვა შენთვის.

— რა უსამართლობაა, რა უსინდისობაა, რა უღვთობაა! — ამბობდა ხანა და თან ცრემლები ღაპღაპით ჩამოსდიოდა, როდესაც ენიმა ოთახიდან გავიდა.

IV

კარგობის დღესასწაული იყო. იერუსალიმის ტაძრის ერთ კუთხეში რამდენიმე მღვდელი შემოწირულ ფულს ანგარიშობდა.

— ალილუია, ალილუია! — თქვა ერთმა მღვდელმა. — თუ იქნებ მოწყალე თვალთ მოგვხედა, მგონი წრევანდელმა შემოსავალმა შარშანდელს გადააქარბოს.

— თუ უკანასკნელი არ იქნება წრევანდელი ჩვენი შემოსავალი! — დაიძახა ვიღამაც გულგახეთქილ კილოთი.

— ზორობაბელ, შენა! რა დაგმართნია? — წამოიძახეს მღვდლებმა, ახლადმოსულიც მღვდელი იყო.

— თქვე დალოცვილებო, აქ არხეინად ფულსა სთვლით, ერთი გარეთ გაიხედეთ, რა ამბავია და?

— რა ამბავია?! — შეშფოთდნენ მოძღვრები.

— ცეცხლი ხომ არ წაეკიდა ვისიმე კარავს, არ გაღვიბუგოთ? — თქვა ერთმა.

— ჩვეულებრივი ცეცხლი კიდეც არაფერია. ხელით აშენებულს განადგურებს, მხოლოდ ხელით აშენებულს ისევ ხელი ააშენებს. ნაგრამ ვაი მაშინ, თუ დაიწვა ის, რის აშენებაც ქვითა და კირით არ შეიძლება.

— გაგვაგებინე, რაბუნო, რა ამბავია? — წამოიძახეს მღვდლებმა.

— ისე ღაპარაკობთ, თითქო ეკატანიდან ახლა მოსულიყოთ ვერ გაიგეთ, რას ქადაგებს ის ჩვენი მამა-პაპათა სჯულის დამხობი, ჩვენი მოსისხლე მტერი. მთელი დაბალი ხალხი აგვიჯანყა და აგვირია! ახლა არხეინად მობრძანებულა აქ და წმინდა ტაძრის გვერდით თავისი უღვთო ქადაგება გაუმართავეს.

— ვინ? რაბი იიშუ ხომ არ მოსულა? — თქვეს მღვდლებმა და თოფნაკრავივით ზეზე წამოიჭრნენ.

— თუ გინდა მართლა უბედურება ეს არის! — თქვა ერთმა.

— ქადაგებდა, წმინდანო მამანო, მაგრამ რას ქადაგებდა? მთლად ჩვენ წესწყობილებას ნაცარტუტას აღენდა. მღვდლები და მთლად ბრწყინვალე ფარისევლობა ხომ მიწასთან გაასწორა და ბოლოს თამამად და ხნამალა დაუმატა: ვინც მშვიერია, მოვიდეს ჩემთან და სვას წყალი ცხოველიო. გულუბრყვილო ხალხმაც, რო-

მელიც გარს ეხვია, დაიგრიალა: ესე არს ჭეშმარიტად წინასწარ-მეტყველი, ესე არს ქრისტეო. ამის გამგონეს, რა თქმა უნდა, სული ყელში მომებჯინა, ველარ მოვითმინე, მივედი და გამოვედღავე.

— არიქა, მამაო, სიტყვების რახარუხი კარგი იცი და, ალბათ, ხმაც ჩააწყვეტინე! — უთხრა ერთმა მღვდელმა, სახელად ფარეზმა.

— იმდენი სიცოცხლე პილატეს! — მიუგო ზორობაბელმა. — ისეთები მითხრა, ისეთები, რომ, აბა რა დავმალო, კუდამოძუებული გამოვეჩქარე აქეთ.

— მართლა რომ ცუდი ამბავია! — ნელა წარმოთქვა რაბუნმა რუბენმა. — თუ ასე გაგრძელდა, დავიღუპებით. მთელ ურიასტანს ააჯანყებს ჩვენს წინააღმდეგ. მას შემდეგ, რაც მტრედის ფასმა იმატა და ჩვენ მიერ გამოზრდილ მტრედების ყიდვა მღვდელმთავარმა სავალდებულოდ გახადა, მე ხალხს ვერა ვცნობ, მამანო. ხალხი ისეა აღელვებული, რომ ცოტა რამე უნდა, იფეთქოს. ცეცხლი სახლს ადვილად მოედება, მაგრამ ჩაქრობა ძნელია.

— არა, საკვირველი კია, საიდან შემოგვიჩნდა ეს ქირი! — თქვა რაბუნმა რუბენმა. — იყო, ბატონო, ხალხი თავისთვის. ბევრი აზროვნებით თავს არ იწუხებდა. მოჰქონდა ჩვენთან შესაწირავი. ჩვენც უზრუნველად ვივავით, ისინიც უშფოთველად ცხოვრობდნენ. ახლა გამოვიდა ის კაცი და ხალხს ეუბნება: მოვედით ჩემდა, მაშურალნო და ტვირთმძიმენო, და მე განგისვენებთ თქვენაო, და მართლაც ბევრმა ტაძარს გზა აუქცია და მასთან მიდის.

— კაცო, სად ღურგალი, სად რაბუნი, სად ნაზარეველი, სად მქადაგებელი? — ჰკვირვობდა რაბუნი იონა.

— ათასიც ვიწუხოთ, ვერას გავარიგებთ, — დინჯად წარმოთქვა მღვდელმა ანანიაბ, რომელიც ამდენ ხანს თავჩაღუნული იყო. — ერთადერთი ხსნა ჩვენი მისი თავიდან მოშორებაა. რამდენადაც უნდა დაგვიჯდეს, უნდა მოვიშოროთ. ეს კარგად გახსოვდეთ. მაგრამ დღეს რომ მაგას ხელი წააელო, გაბოროტებულმა ბრბომ, შეიძლება, მართლაც ცეცხლი წაუკიდოს ტაძარს წმიდას და სამუდამოდ მშრალზე დაგვსვას. ხერხით უნდა, მამანო, მოქმედება. იმ იარაღით უნდა ვებრძოლოთ, რა იარაღითაც ჩვენ გვებრძვის.

— უსათუოდ საკიროა, მამანო, მისი რამე სიტყვაში დაქერა, საკიროა, როგორმე ბრბოს წინ გავაწბილოთ, სირცხვილი ვაქამოთ. ბრბო, იცოდეთ, ცვალებადია. დღეს რომ მისია, ერთი თუ წააბოროტიკე, შენკენ მობრუნდება და იმას ქვა-ტალახით გაუმასპინძლდება, — თქვა მეორემ.

— მართალია, მართალი! — წამოიძახეს მღვდლებმა.

— აბა მოვიფიქროთ, მამანო. ისეთი რამ მოვიფიქროთ, რომ ვერც „პო“ გვითხრას და ვერც „არა“. თუ ეს მოვახერხებთ როგორმე, ჩვენი საქმე ნახევრად მაინც მოგებული იქნება, — დაათავა მღვდელმა ანანიამ.

მღვდლები ჩაფიქრდნენ.

— შაბათს არ ინახავს, მამანო, შაბათს. ამაზე დიდი დანაშაული რა იქნება! — წამოიძახა რაბი იონამ.

— გაცვეთილია შენი აზრი. რამდენჯერ მოგვიგო: შაბათი კაცისთვის და არა კაცი შაბათისათვისაო, — მიუგო ანანიამ.

— ხელდაუბანელად პურსა ჭამს, — ფრთხილად თქვა რაბუნმა რუბენმა.

— მაგით რაბი იიშუს შენ ვერ გააწითლებ, — სიცილით წარმოთქვა ზორობაბელმა.

სხვებსაც გაეცინათ.

— მეზვერეებთან მეგობრობა აქვს, — თქვა ფარეზმა.

— კიდევ უკეთესს გეტყვით: ცოდვილებთან სვამს და ჭამს, — მოუსწრო რუბენმა.

— მეძავი ქალების დიდი ქომაგია თურმე, — დაუმატა იონამ.

— ოო, ახლა ვიცი, რა უნდა ვქნათ! — გააწყვეტინა რაბუნმა ანანიამ, თავი მაღლა აიღო და ამხანაგებს ჩუმად მიმართა. — ახლა ვიცი. მოფიქრებულია. მე როგორც გითხრათ, ისე მოიქეცით. მე მღვდელი ანანია არ ვიქნები, თუ რაბი იიშუ ხალხის წინაშე არ გავაწბილო!

— ამინ, ამინ! — წამოიძახეს მღვდლებმა და კვლავ ფულის თვლა განაგრძეს.

V

იერუსალიმის ტაძრის ვრცელ ეზოს ერთ კუთხეში ქვაზე იჯდა რაბი იიშუ. ჩაცმა-დახურვით უბრალო სოფელელისაგან არაფერი არ განირჩეოდა. ხელში მოკლე, სამგზავრო კომბალს ათამაშებდა. ირგვლივ მოზღვავებულიყო ქალი და კაცი, დიდი და პატარა. რაბი იიშუ მოძღვრებდა:

— ვინც ფარეხის კარს გზას უქცევს და ღობეს ებლაუჭება ფარეხში გადასასვლელად, თქმა არ უნდა, ქურდი და ავაზაკია. მწყემ-

სი კი თამამად მიდის კარებისკენ. იმას მეკარე მაშინვე კარს გაუღებს და ცხვრებიც მხიარული კიკინით და ფეხების ბაკუნით მიეგებებიან, რადგან იცნობენ მას. მწყემსი სალამურის საამო სტვენით ცხვარს წინ გაუძღვება, ცხვრები უშიშრად უკან დაედევნებიან, რადგან იციან, რომ სალამურის ხმას ნოყიერ საბალახოსკენ მიჰყავს ისინი და არა მგლის სოროსაკენ...

ხალხი სულგანაბული უსმენდა.

უეცრად რაღაც ჩოჩქოლი ატყდა ტაძრის გვერდით. ქალის გამწარებული კივილიც გაისმა.

— რას გარეტიანდი, მაგრა მოჰკიდე ხელი!

— რათა, კაცო, ასე თმას სულ შემოაგლეჯთ!

— მეორე ხელი შენ დაუჭირე!

— შენც მიეშველე! დაიწით, დაიწით, ნუ შემოეხვევით! — ისმოდა კანტიკუნტად ხმამალლა ყვირილი.

ქალი გამწარებული გაჰკიოდა. რაბი იიშუ ნელა წამოდგა. იმის ირგვლივ მდგომი ხალხი იქითკენ გაეჩქარა, საიდანაც ჩოჩქოლი მოისმოდა, მაგრამ საჩქაროდ ისევ უკან დაბრუნდა, რადგან ეს აურზაური სწორედ რაბი იიშუსაკენ მიემართებოდა.

ოთხიოდ ზორბა ბიკს მაგრა დაეველო მკლავებში ხელი თმაგაწეწილ მაღალ-მაღალ ქალისათვის და ძალით ეზიდებოდა. უკან არეულად მოსდევდნენ მღვდლები, ლევიტელები, მამაკაცები, ბავშვები, ქალები. ზოგი ხმამალლა ხარხარებდა, ზოგი რაღაცას გაჰკიოდა, ზოგი უსტვენდა, ზოგიც სეირს უყურებდა.

ქალი რაბი იიშუს ახლო გააჩერეს. თავი დაღუნული ჰქონდა, ზშირი თმა წინ გადმოჰყროდა და სახე ხეირიანად არ უჩანდა.

— რა ამბავია, ბიჭო?

— იცი ვინ არის? — ისმოდა ხალხში.

— ერიპა, ეს ზომ ხანნაა! ოჰ, რა ლამაზი ქალი იყო ერაღროს! — მუხლზე ხელის დაკვრით თქვა ერთმა ქაღარა კაცმა.

— მეც ვიცნობდი, პატარაობისას ვიცნობდი! — წამოიძახა მეორემ.

— ეს მღვდლები რად დასდევენ?

— სუთ, დაწყნარდით, ნუ ღრიალებთ, სმენა იყოს, სმენა! — თადარიგს იძლეოდა ერთი მაღალ-მაღალი გრძელწვერა მღვდელი და ხელებ მაღლა აშვერილი აქეთ-იქით ტრიალებდა.

როგორც იყო, ხალხი დაწყნარდა.

— მოძღვარო! — მიმართა გრძელწვერა მღვდელმა რაბი იიშუს. — ხალხი დიდ პატივსა გცემს, ალბათ ღირსიცა ხარ... აი, ეს ქალი მოვიყვანეთ, უნდა გაასამართლო. დარწმუნებული ვარ, მიუკერძოებლად განსჯი.

რაბი იიშუ ჩვეულებრივ მშვიდად იყურებოდა.

— აი, დღეს დიდებული დღეა ყოველ ისრაელისათვის. დღევანდელ დღეს ძე ისრაელისა იგონებს ორმოცი წლის მოგზაურობას უდაბნოში. ამ დიდებულ დღეს ყოველი ისრაელი, განურჩევლად სქესისა, ჰასაკისა, ღმერთს მადლობას უნდა სწირავდეს, რომ მან უდაბნოდან აღთქმის ქვეყანა დაუმკვიდრა და წრფელი გულით უნდა შეთხოვდეს შემდეგშიაჲც არ დაევიწყოს მან მის მიერ რჩეული ისრაელი. არავითარი სიბინძურე, არავითარი ცოდვა დღეს ისრაელმა გულშიაჲც არ უნდა გაიტაროს. მაგრამ ხედავთ, ამ დედაკაცს თავისი მაინც არ დაუშლია და აქ წმინდა ადგილშიაჲც მეძაობას სჩადის... წმინდა მოშემ ამისთანა დედაკაცს ქვით ჩაქოლვა დაუწერა. შენ რას იტყვი, მოძღვარო?

რაბი იიშუმ თავი ძირს დაჰკიდა და ჯოხის წვერით მტვერზე წერა დაიწყო.

— წმინდა მოშეს მცნება უნდა აღსრულდეს! ქვით უნდა ჩაიქოლოს მეძავი ქალი! — ხმაურობდნენ მღვდლები და ლევიტელები. მათში ერივნენ იონა, ფარეზ, ზორობაბელ, რომლებიც ყველაზე მალა გაჰკიოდნენ და შურით სავსე თვალებით რაბი იიშუსაკენ იყურებოდნენ.

— ჩაიქოლოს, ჩაიქოლოს! — ბანს აძლევდა ირგვლივ მდგომი ბრბოც.

— აბა თქვენც განსაჯეთ, ძმებო! — თითქმის ტირილით მიუბრუნდა მღვდელი ზორობაბელი ხალხს, წათამამებული მისი თანაგრძნობით. — განა ეს მოსათმენია, განა მთელი ისრაელის შეურაცხყოფა არ არის ესა?

— რაბი იიშუ სდუმდა. ის კვლავ წერდა ჯოხის წვერით მტვერზე. მღვდლები, ლევიტელები და მათი ამყოლი ბრბო განუწყვეტილად გაიძახოდნენ: ჩაიქოლოს, ჩაიქოლოსო. თვით ქალს, ბრძოლისა და კივილისაგან ღონემიხდილს, არც კი გაეგებოდა, რა ამბავი იყო იმის თავს. კაცებს მაგრა რომ არ სჭეროდათ, ალბათ, გულშემოყრილი ძირს დაეცემოდა.

მღვდლები არა ცხრებოდნენ, რაბი იიშუს სამართალს თხოვდნენ. რაბი იიშუმ თავი მალა აიღო, იმწამსვე სიჩუმე ჩამოვარდა.

— დაისაჯოს, — მტკიცედ წარმოთქვა მან. — მაგრამ პირველად ქვა იმან ესროლოს, ვისაც თავისი თავი უცოდველ კაცად მიაჩნია, — თქვა ესა და თავის მწვავე თვალებით მღვდელთა გროვას შეაჩერდა. მღვდლები შეშფოთდნენ, სახეზე აღმური აედინათ და უკან-უკან დაიხიეს. რაბი იიშუმ თავი ისევ ძარს დაჰკიდა და ჯობის წვერით წერა განაგრძო. ირგვლივ სიჩქმე იყო. მღვდლები სათითაოდ ტაძრისაკენ მიიპარებოდნენ.





შ ი შ ი

— ღმერთო აბრაამისაო, ისააკისაო და იაკობ მონისა შენისაო! შენ გადამარჩინე ამაღამ უცნებლად. ოჰ! დედაჩემო, რა მაგრა წამოვკარი ფეხი იმ ძირგასახმობ ხის ფესვს და რა მწარედ დავეცი. უჰ, უჰ, რა მტკივა თქოები! — ჩუმად კენესოდა ვილაცა და ხელების ფათურით, უგზო-უკვლოდ მიეხეტებოდა გეთსამანიის წალკოტის ერთ-ერთ ხშირ, ტყესავით დაბურულ კუთხეში.

შაულამე გადასული იყო. ირგვლივ უკუნეთი სიბნელე გამეფებულიყო. მოშორებით, წალკოტის პირას, ქალაქის მხრივ ჩუმი ჩოჩქოლი მოისმოდა და რამდენიმე ჩირალდანიც მკრთალად ანათებდა. ხმაურობა თანდათან წყდებოდა, ჩირალდანთა მკრთალი შუქიც ნელ-ნელა ილეოდა.

— ვინა ხარ? კაცი ხარ, თუ ქაჯი ვინმე? — მოისმა მახლობლადვე შეფეთიანებულად ამონათქვამი ხმა.

— მე კაცი ვარ, მაგრამ შენ ვინა ხარ? — თითქმის ძაგძაგით მიუჯო პირველმა.

— იელოვავ, შენ შემეწიე! ხმა კი მიუგავს. ნათანაილ, ბიჭო, შენ ხომ არა ხარ?

— აი, დიდება შენდა, იაკობ, შენა ხარ?

— ჰო, მე ვარ, ნუ გეშინია!

— რა ნუ გეშინია, შვილო, კაცი ძლივსდა ვდგევარ ფეხზე... აბა სადა ხარ, აქეთ მოიწი, ერთი ხელი შეგახო. ასე მგონია, თითქო ჯერ კიდევ სიზმარში ვარ-მეთქი.

— შენ თვითონ მოიწი აქეთ. მე თხრილში ვწევარ. არც კი მახსოვს, როგორ მოვალწიე აქამდის. აქ კი მუხლები ჩამეკეცა. ჯერ ფეხის განძრევასაც ვერ ვახერხებ ხეირიანად.

— ა...ა... ჩემი ცოდო, — კრუსუნებდა ნათანაილ, ხელებს ფოთოლ-ბალახებში ფრთხილად აფათურებდა და იაკობისკენ მიწევდა.

— თქვენა ხართ? თქვენა ხართ? მადლობა უფალს! — ჩუმად, ზმის კანკალით წარმოთქვა ვილამაც იქვე მახლობლად. — შიშით კინალამ სული ამომხდა.

— იაკობ, ნუ გეშინია, თომაც აქვე ყოფილა, ჩვენა ვართ, თომა, აქეთ მოიწი.

— თადეოზიც ჩემთან არის, მაგრამ ისე დაშინებულია უბედური, რომ ენა ჩავარდნილი აქვს, ხმასაც ვერ იღებს. — ახლა უფრო თამამად მოსძახხა თომამ. — თუმცა არც მე ვარ უკეთეს ყოფაში. ჩემს სიცოცხლეში ასეთი შიში არ გამომიციდია. ხაშლის თასმაც საუბედუროდ ეკლიან ბუჩქნარს მოედო, როცა მოვრბოდი, წავიჭოთირე და ძალზე დავეცი.

— ჩვენიანთ ხნაა სწორედ! — გაისმა ხშირ ფოთლებში ნაცნობი ხმა.

— ანდრეა! — იმედიანად წამოიძახეს დანარჩენებმა.

— იაკობ, აქა ხარ?

— აქა ვარ?

— შიმონ-კეთა მანდ არი?

— არა, აქა ვართ მე, ნათანაილ, თომა და თადეოზ.

— ფილიპე, ფილიპე, აქეთევენ' გამოეჩქარე, ჩვენები აქა ყოფილან! — ჩუმად ძახხდა ანდრეა. — ძმებო! ვაი ჩვენი ბრალი! — მწარე დაღონებით წარმოთქვა, როცა დანარჩენებთან მივიდა, — დავიღუპეთ, მოძღვარი წაგვართვეს. ჩვენი სასოება რაბი იიშუ დავიპატიმრეს.

— კაცნო, ჯერეთაც გონს არ მოვსულვარ, რა მოხდა, რა ამბავი იყო? სიზმარში მგონია ჩემი თავი, — ამბობდა ნათანაილ. — რაც ბეთანიაში შიმონ ფარისეველი გაგვიმასპინძლდა, მას აქეთ უქეიფოთა ვარ, ტკბილ ღვინოს დავეძალე და მაწყინა. ბოლო დროს სულ უარესად ვგრძნობდი თავს. ამ საღამოს, მოძღვარს ზათრი არ გაუტეხე, თორემ სერობაში ინახით ჯდომის თავი სრულებით არა მქონდა. კარგად არც კი მახსოვს, როგორ ვისერობეთ. მგონი ფეხებიც მოძღვარმა დაგვბანა. წალკოტში თავი შემოვყავით თუ არა, მე მაშინვე მდელოზე გავვორდი და მკვლარივით დაქეძინა... რალაც სიზმარში ვიყავი და უტბად, აი, ღმერთო ჩემო! თვალეებში შემომანათა ჩირალდანმა, რალაც ქახაქუხიც მომესმა... ის არა, ის არაო, ყვიროდა ვილამაც. მოძღვარსაც თვალი მოვკარ იმ

აურზაურში, ვილაცა მოექიდა, თუ მისკენ საცემად მიიწევდა, კარგად ვერ გავარჩიე. ხოცავენ, ხოცავენო, მომესმა, თავს უშველეთ, თავს უშველეთ, და მეც ახალმა ნამძინარეგმა არ ვიცოდი, საით გავრბოდი. გული ჭერაც არ დამშვიდებია.

— არა, რალაც კარგი რომ არ მოგველოდა, ვიცოდი, — სიტყვა ჩანოართვა იაკობმა. — ამ ორი თვის წინათ ისეთი ცუდი სიზმარი ვნახე, რომ მას შემდეგ ჩემ კალაპოტში არა ვარ. შენ კი გაიამბე, მგონი, ანდრეა? მივიღივართ, კაცნო, ვითომ წავით გენისარეთის ტბაზე. ამოვარდა ქარიშხალი, ალელდა ზღვა საშინლად; აქაფებულნი ტალღა ტალღაზე მოგორავს და შხუილით ეხეთქება ჩვენ საცოდავ წავს. ანძას ღრიკინი გააქვს და ეს არის შუაში უნდა გადატყდეს. კეფა კი. საქვს ტართან არხეინად ზის და გაიძახის: ფიქრინუ გაქვთ, მოძღვარი უბრძანებს და ქარიშხალი მყისვე ჩადგებაო. მოძღვარი კი ჩვენ შორის არა ჩანდა. „სად არის მოძღვარი, მოძღვარი“, — ავწუწუნდით ყველანი. ამ დროს წამოვიდა საშინელი გრიალით ერთი უშველებელი ტალღა, ეცა ჩვენს წავს და ვარცლივით თავქვე მოაქცია. მე ვითომ თავით ძირს წყალში გადავიჩხე, ძლიერ გამაყრეოლა და კიდევ გამომეღვიძა. ან სიზმარი რალად გინდა — ცხადადაც აშკარა იყო, რომ ხიფათი კარზე გვედგა. რაც მოძღვარმა შარშანწინ ვაქრები ტაძრიდან იფრინა, იმ დღიდან ამ დასაქცევ იერუსალიმში ფეხის შედგმისა მეშინოდა. რაც მოძღვარმა რაბუნობა დაიწყო, იმთავიდან უკმაყოფილო იყო ხომ სამღვდელოება მისი, მაგრამ ვაქრების ფულის დაბნევამ და მტრედების ტაძარში გაყიდვის წინააღმდეგობამ მეტად გააჩავრა თურმე მღვდელ-ლევიტელნი. თურმე მტრედებისაგან დიდი შემოსავალი ჰქონათ. მოხუც მღვდელმთავარს ეთქვა თურმე: დამაცადოს რაბი იიშუმ, ხალხის ამბოხებას ეწევა, მაგრამ მე ანნა — მღვდელმთავარი არ ვიქნები, თუ ხელთ არ ჩავიგდე და არ დავლუპეო. მას აქეთაა, ყოველ მარჯვე დროს სულ იმას ჩავჩიჩინებდი: მოძღვარო, რა გინდა ამ დასაქცევ და გახრიოკებულ იუდეაში, გალილუას მივაშუროთ. იქ არიან ყველა ჩვენები, იქ ვუყვარვართ, იქ გვისმენენ, იქ გვიმასპინძლებიან. აქ ყოველ ფეხის გადადგმაზე ფარისევლობა და სამღვდელოებაა, დაუსრულებელი კამათი და მუქარაა, თავი დავანებოთ, გავმორდეთ-მეთქი, მაგრამ არ მიჭერებდა. მტერს არ დავეპალები, სამღვდელოებამ გარყვნა ტაძარი ღვთისა, იმათ კრიკაში უნდა უდგეო და აი, აღსრულდა კიდევ.

— ეს ყველა კარგი ვიცით, გვსმენია, — გააწყვეტინა თომამ, — მე ხეირიანად ჭერეც არა მაქვს წარმოდგენილი, თუ რა. მოხდა.

კაცო. მართალი გითხრათ, რაც აქ შემოვედით, მას აქეთ მეც შე-
ძინა. რა იყო, ვინ დაგვესხა თავს? ვინ ან რისთვის დაიპირეს მო-
ძღვარი? მერე ამ წალკოტში ვინ მოასწავლა? თუ ბრალსა სდებ-
დნენ რასმე, რატომ დღისით არ დააპატიმრეს, მთელი დღე ტაძარ-
ში არ იყო? მოძღვარი ხომ არ იმალებოდა? ახლახან არ იყო, რომ
ორი დამსახურებული დეკანოზ-ფარისეველი შეეკითხა: „მოძღვა-
რო, ვიცით რომ ღვთისაგან ხარო, ერთი აგვიხსენი, კეისარს ხარ-
კი უნდა ვაძლიოთ თუ არა...“

— აქა ხართ, სული გიდგიათ, თქვე უბედურებო? — განსმა
ახლად მოსულის მწუხარე ხმა.

— შიმონ, კეთა-შიმონ! — რალაც იმედიანად წაჰოიძახა ყვე-
ლამ. — შიმონ, გვითხარ რამე სანუგეშო, გაგვაგებინე, სად არის
მოძღვარი, რა მოხდა, ვინ წაიყვანა, ან სად წაიყვანეს? — ეკითხე-
ბოდნენ აქეთ-იქით.

— რა მოხდა, როგორ მოხდა? განა მოსალოდნელი არ იყო?
განა მოძღვარი თვითონ არა გრძნობდა? გინახავთ როდისმე ისე
დაფიქრებული, როგორც დღეს იყო? სულ ადვილად მოხდა ყველა-
ფერი. ძმებო, იცოდეთ, ყელი გამოგვეჭრა, შევრცხვით! — ბოლ-
მით ამბობდა კეთა, — კარიოტელმა გვიღალატა, იმან გასცა მოძღ-
ვარი.

— იუდამ, იუდამ? რას ამბობ, შიმონ!..

— ცხადია, იუდამ ყველას ყელი გამოგვეჭრა. ჩემი თვალით ვნა-
ხე, მღვდელმთავრის ბიჭებს წინ მოუძლოდა. ახლა ყველაფერს მივ-
ხედი. თუ შეამჩნიეთ, სერთბაზედაც მოძღვარმა რალაც ექვიანი
თვალით გადახედა, იუდაც ადრე წავიდა. მე მეგონა, დროით სა-
ნოვავის სასყიდლად წავიდა-მეთქი. აკი მეგვადრუცე იყო. თურმე
სასახლეში წასულა შეჩვენებული. მე უბედურს რამდენჯერმე
მითხრა მოძღვარმა, კეთა, მღვიძარე იყავი, განსაცდელი მოახლო-
ებულაო. მე მაინც ღმერთი გამიწყრა და ჩამთვლიმა. ჩირაღდნის
დანახვა და მაშინათვე გამომეღვიძა კი. კარიოტელი უსირცხვილოდ
მოძღვართან მივიდა და მიესალმა, უკან ზორობაბელ მღვდელი
მოსდევდა, ძველი ტანისამოსი ჩაეცო, ვითომ არ მიცნონო. ზორო-
ბაბელმა მოძღვარს კალთაში ხელი წაავლო, სასახლის ბიჭებიც
მიეშველნენ და მოძღვარს ხელებში სწვდნენ. მოძღვარი სრულებით
დამშვიდებული იყო. ერთი ბეწო რამ თავსაშველად არ მოუმოქ-
მედნია. ტუკები და მახვილ-შუბები რალა საჭირო იყო, მე ქურდი
და ავაზაკი ხომ არა ვარ, როდის იყო იჯარს ვატარებდიო, მშვი-
დად უთხრა ზორობაბელს. ის ჩვენ ვიცითო, გეყოფა, რაც შენ

ჩვენი სისხლი სწოვე, ახლა ჯერი ჩვენიაო. არიქათ, ბიკებო, მოდით, ხელები შეუქართო. მე ერთ ხანს დავიბენი, მაგრამ ჩქარა გამოვერკვე და დანითა და მუშტით დავერიე მტრებს, მზად ვიყავ, თავი შემეწირა, მაგრამ რაბიმ ჩვეულებრივი ტყბილი ხმით ჩამჩურჩულა: შიმონ, რას ჩადიხარ, უაზრობაა შენი საქციელი, ამდენ შეიარაღებულ ხალხთან აბა რას უნდა გახდეთ. მერე რა მოხდა, აღარა მახსოვს რა. როცა გონს მოვედი, წალკოტში უგზო-უკვლოდ დავეხეტებოდი და ამ ხეტიალში თქვენ წაგაწყდით.

ყველანი სულგანაბულნი უსმენდნენ.

— ყველანი აქ ზართ?

— შიმონ კანანელი არა ჩანს; მგონია მათე მეზვერეც გვაკლია. — თქვა ერთმა.

— მე აგერა ვარ! — გაისმა მკრთალი ხმა. — მე სულ არაფერი არ გამიგია. დიდი ზეთისხილის ხის ქვეშ მეძინა. ფილიპემ, როცა მორბოდა, ფეხი დამადგა და გამომალვიდა.

— ნეტავ ვიცოდე, იოანე სადღა დაიკარგა? — ნაღვლობდა შიმონ-კეფა.

— შეიძლება ისიც დააპატიმრეს, — თქვა ნათანაილმა.

— არა მგონია, ისინი მხოლოდ საგანგებოდ რაბი იიშუსთან მოვიდნენ. იოანე უსათუოდ ფეხდაფეხ გაჰყვა მათ. ის მოძღვარს შორით მაინც არ მოშორდებოდა.

— ვითომ სად წაიყვანდნენ მოძღვარს? — იკითხა იაკობმა.

— უეჭველია, მღვდელმთავრის სასახლეში. ჯერ მოსულნი არც კი იქნებიან — მიუგო შიმონმა, — ძმებო, ასე გულხელდაკრეფილნი უნდა ვიყვნეთ? მოძღვარს არ მივეშველნეთ?

— მოულოდნელმა შემთხვევამ გზა-კვალი აგვიბნია, — თქვა იაკობმა.

— კაცნო, მართლაც და რამ დაგვაშინა ამ ზომამდე? — წარმოთქვა ანდრეამ. — მოვკალით ვინმე? მოვიპარეთ რამე? თავს დავესხით ვისმე და გავცარცვეთ? ერთი მითხარით, ან რაბი იიშუს, ან ჩვენ ვისმესთან რა დანაშაული მიგვიძღვის? ცოლი წავართვით ვისმე თუ ასული; ყანა მივითვისეთ სხვისი, თუ ვენახი? ვისი უნდა გვეშინოდეს! ეთიოპთა ქვეყანაში ზომ არა ვართ. სჯულით და კანონით ყოველ ნათესავთა შორის ქებულია სახელი ისრაელისა და თუ უკანონობა მხოლოდ ჩვენ მოძღვარზე მოვა, იმ რაბი იიშუზე, რომელსაც აღმერთებს მთელი გალილეა, იუდეა და იორდანის გაღმა მხარე. ტვიროსით და სიდონით განთქმულია მისი ქება და აი იერუსალიმში, ამ ჩვენ მამა-პაპათა სალოცავში, განა წარმოსადგე-

ნია, რომ იიშუს უკანონოდ შეეხოს ვისიმე ბოროტი ხელი? მთელი ხალხი ხომ ჩვენ მხარეზეა. ის ხალხი, რომელიც გუშინწინ ბაია და დანაყის კუდიტ გზას უფენდა და „ოსანას“ ძახილით მოაცილებდა კიცესა ზედა კარაულისასა მჯდომარე მოძღვარს, უეკველია, დღესაც თავს გამოიდებს იმისთვის. ამიტომ ჩვენ ამაღამვე შეგვიძლია მღვდელმთავრის სასახლეში მივიდეთ და კანონის ძალით მოვითხოვოთ, რომ რაბი იიშუ დაუყოვნებლივ გაანთავისუფლონ. ის ხომ -გარიანთა შთამომავალი არ არის, რომ განუსჯელად წარწყმიდონ. მეწამული ზღვის ტალღებით და ცეცხლით განსწმინდა უფალმან მამანი ჩვენნი. ზეცით გამო მანანა უწვიმა და მით გამოზარდა ორმოც წელ, უკუ აქცია იორდანე და დაუმორჩილა სოფლითი-სოფლად ამშონი და მოაბი...

— მართალია, მართალია! — ახმაურდნენ ყველანი.

— რაბი იიშუს ვინ რა უნდა გაუბედოს! ჩვენც თავი უნდა გამოვიდოთ!

— მართლაც და იმდენად როგორ შევშინდით, კაცნო, რომ ერთმანეთის ცნობაც დავეკარგეთ!

— უნდა მივეშველნეთ!

— ჩვენც კაცები. არა ვართ?!

— შერცხვენილი იყოს, ვინც უკან დაიხიოს!

ამ დროს მახლობლად რაღაც ფრინველმა მძლავრად შეიფრთხილა და ერთიკ საზარლად დაიჩხავლა.

ყველამ სული განაბა.

— ალბათ, კოტია... გასაქვავებელი! — მორცხვად დაარღვია ხიჩუმე იაკობმა.

— კაქკაქი უნდა იყოს! — მიუგო თომამ.

— ა...ა, — მძიმედ ამოიოხრა შიმონმა.

სხვები ისევ სდუმდნენ.

— კაცნო, სანამდის უნდა ვიყვნეთ ასე? — თქვა შიმონმა.

— მართლაც და რამე უნდა ვიღონოთ, — გამოეხმაურნენ სხვებიც.

— აი, რა გითხრათ, ძმებო, — დინჯად წარმოთქვა ნათანაილმა. — არა ერთხელ გსმენიათ, რომ მოძღვარი მართლის მთქმელს მეძახდა. ნუკი მიწყენთ, თუ ახლაც გულახდილად ზოგიერთისთვის არასასიამოვნოს ვიტყვი. კაცმა ცოტა უნდა თქვას და ბევრი მოიმოქმედოს. ჩვენ კი ვლაპარაკობთ ბევრს და ცოტას ვაკეთებთ. აი ამ წუთში ჩიტმა ბუჩქებში შეიფრთხილა და ყველას შიშით მუხლები ჩაგვეკეცა. როგორ დამაჭერებს ვინმე, რომ იმდენი გამბე-

დაობა გამოვიჩინოთ, ამ წყვედიად შუალამეში მღვდელმთავრის სასახლეში მივიდეთ და დაპატიმრებულის განთავისუფლება მოვითხოვოთ. ჯერ დავიცადოთ, ხვალინდელი დღე გათენდეს. შეიკრიბოს ხალხი ტაძარში. პასექია, გალილეველნიც ბევრნი მოვლენ. დავტრიალდეთ ხალხში, გავაგებინოთ რაშია საქმე და შეიძლება მღვდელ-ლევიტელებს შარშანწინდელზე უარესი დღე დაეაყენოთ,
— მართალია, მართალია! — მოსძახეს აქეთ-იქიდან.

— მე, თუ გნებავთ, ამაღამვე ბეთანიაში წავალ და ლაზარიათ შევატყობინებ. იქნება იქაურებმაც თავი გამოიღონ. მოძღვარი ბეთანელებს ძლიერ უყვართ. — თქვა მათემ.

— წასვლა თუ არის საჭირო სადმე, ნუ დამზოგავთ, თუ გინდა ორ დღეში დამასკოში ჩავივრებენ, — შენიშნა თომამ, — სხვაფრივ ნუკი მიწყენთ და, ხომ იცით, მორცხვი და გაუბედავი კაცი ვარ. ამაღამ კი არა, ვეკობ, რომ ხვალაც მივიდეთ აშკარად მღვდელმთავრის სასახლეში. საცა გინდათ, მგზავნეთ... მღვდელმთავრის და ფარისევლების მოკამათეთ აბა მე რას გამოვდგები!

ისევ სიჩუმე ჩამოვარდა. სევდამ და მწუხარებამ მოიცვა ყველას გული.

— ყოვლად შეუძლებელია, ამაღამვე უნდა შევიტყო, რა მოუვიდა მოძღვარს. იოანე უეჭველია სადმე იქვე შორიახლო იქნება და უნდა მოვძებნო, — ატირებული ხმით წარმოთქვა შიმონ-კეფამ, — აბა ჩემთან ვინ მოდიხართ?

— შეჩვენებული იუდა! უსინიდიო, გამცემი! — მიუგეს პასუხად.

— მე იუდას ამბავს არ გეკითხებით, ის ჩვენთვის უკვე მკვდარია. ჩემთან ვინ მოდიხართ-მეთქი? — ხმას აუმაღლა შიმონმა.

ყველა სდუმდა.

— ანდრეა, ძმაო, შენ ხომ წამოხვალ!

ანდრეაც სდუმდა.

— არ გესმის, ანდრეა?

— ჩვენ მართო რა უნდა გავაკეთოთ, თუ სხვებიც არ წამოვლენ? — ძლივს გასაგონად მიუგო ანდრეამ.


— რას ამბობ, ძმაო, აკი შენმა სიტყვებმა. ყველას კინაღამ ფრთები შეგვასხა, ასე ჩქარა რამ დაგაშინა? შენგან არ მოველოდი მაგას! — ბრაზობდა შიმონ-კეფა.

— ეი, მანდ ვინ ხმაურობს? ღვთის გულისათვის ძროხა ხომ არ გინახავთ ამ საღამოს? — მოისმა ვილაც უცნობის ხმა წალკოტის მახლობელ მინდვრიდან.

უცნობს სიტყვის დანითავრება არ დასცალდა. წალკოტში რაღაც გაურკვეველი ხმაურობა და ფოთლების შრიალი მოისმა.

— ეს რა ამბავია, მეუფეო ზეცათაო?! თუ კაცები იყვნენ, რატომ ხმა არ ამოიღეს? სად გაიქცნენ!... სწორედ მაცდური მომეკლინა კაცის სახედ... ტყუილად კი არ ამბობენ, გეთსამენია ჭაჭთა ბუდეო. ნავახშმევს აქეთკენ ცეცხლის შუქიც ლაპლაპებდა. სწორედ ჭაჭები იქნებოდნენ!.. — ბუტბუტებდა უცნობი და გულგახუთქილი შინისაკენ მიეჩქარებოდა.





გ ა ც რ უ ე ბ უ ლ ი ი მ ე ლ ი

I

შორიდანვე მოჩანს მთა სიონი და მაზე თავმომწონედ ამართული ციხე დიდებული დავით ისრაელთა მეფისა. სიონს ირგვლივ ქალაქი იერუსალიმი არტყია. აჰა, აღმოსავლეთით, ზეთისხილას მთის მახლობლად, ტაძარი, უთვალავი სტოვებით, ეზოებით და სხვადასხვა ზომის და სახის შენობებით. ამ ტაძრის აშენებას უთვალავი ფული, ბევრი დრო და უზომო შრომა მოანდომეს ძეთა ისრაელისათა. სამოცდაათი წლის მონობით დამცირებულთ, ქონებით გაღატაკებულთ და ეფრატის გაღმა ცხოვრებით ნახევრად გადაგვარებულთ წელზე ფეხი დაიდგეს და კვლავ აალაპლაპეს მტრისაგან აოხრებული და დროებით მიმქრალი სამსხვერპლო. მეფე იროდ დიდმა ტაძარი მაღალ კოშკებით და გუმბათებით შეამკო. თავის დროში იგი ხუროთმოძღვრების ერთ-ერთ უმშვენიერეს ნაშთს წარმოადგენდა. ციხის გვერდით სიონისავე გორაკზე რამდენიმე სასახლე გამოქიმულა. სიონის სამხრეთით კი, თითქმის ქალაქის ზღუდესთან მოჩანს ეულად საფლავი დიდებული გოლიათის მძლის დავითისა. თუმცა დავითი ათას წელზე მეტია, რაც მიწას მიებარა, მაგრამ მაინც დულს და გადმოდის სიცოცხლე ქალაქ იერუსალიმში. გარეგნობით უკეთ გამოიყურება, ვიდრე მაშინ, როცა ბრძანებლობდა ბრძენი სოლომონი. ახლაც ხომ იგვევ ლაევარდოვანი ცა დაჰყურებს და იგივ თბილი, იგივ მოელვარე მზე დანათის, რომელიც ოქროს სხივებით ეგებებოდა ბრძოლის ველიდან დაბრუნებულ ძლევა მოსილ მეფეთ მეფეს.

მაგრამ თუ დააკვირდებით, განსხვავებაც დიდია აწინდელ და მაშინდელ დროს შუა.

ტაძრის გვერდით თლილი ქვისაგან ნაშენ კოპწია სასახლეშპონტოელი პილატე დამკვიდრებულა. ნებივრობის და ქეიფობის

ახლადმოვლენილი ბატონი ურიასტანისა. ოქროს სასმისით შეეგ-
ცევა ტკბილ ღვინოს და რომის კეისრის დღეგრძელობას ღმერ-
თებს ავედრებს.

ტაძარი უფლისა მძარცველთა შესაკრებელი გამხდარა. იქ
ბრძანებულობს უცხოეთიდან საგანგებოდ მოწოდებული მღვდელ-
მთავარი ანნა, კაცი ჭკვიანი, გონებამახვილი, მაგრამ ფლიდი, ურ-
წმუნო და ანგარებით აღესილი.

თუმცა მაღალი და სქელი ციხის კედლები ამაყად დაჰყურებს
მიდამოს, მაგრამ შიგ რომაელთა ლეგიონი გაბატონებულია. ციხის
გალავანზე ნებანებაზე ფრიალებს გამარჯვებას ჩვეული კეისრის
დროშა. ისრაილი დამცირებულა. თუმცა ისმის დავითის ქნარზე
დანამღერი ფსალმუნთ გალობა, მაგრამ ეს ისე არა ჰგავს დავი-
თის გალობას, როგორც ყვავის ჩხავილი ბულბულის სტვენას. აღარ
არის სპეტაკი დრო, დრო ისრაილთა თავისუფლად და ბედნიერად
ცხოვრებისა.

ძენი ისრაილისანი უეიდურეს შევიწროებას და უსამართლო-
ბას განიცდიან: მებათელს ეზიდებიან მღვდელ-ლევიტელნი, ხარკს
თხოულობს კეისარი; ნიადაგი კი ძველებურ მოსავალს არ იძლევა.
ქვეყანა, სადაც სდიოდა რძე და თაფლი, უდაბნოს დამსგავსებია.
წვიმა ნაკლებ მოდის, სეტყვა-მეხი კი გახშირდა, კარგა ხანია აღარ
ჰქურნავს სულთამის საბანელი. მეზვერეთაგან აწიოკებულ ქერივ-
ობლების წივილ-კივილი აყრუებს. სამართალი ბნელში მომწყვ-
დებულია, უსამართლობა თამამად მზის სხივებზე ხარობს. ყველა
დაშინებულა, ხმას ვერავენ იღებს. ყველა უფრთხის, თავის კერას,
თავის ცოლ-შვილს, ცოტა რამ ექვი საკმაოა, რომ სამსჯავროში
დაიბარონ და თუ ერთხელ ჩავარდა რომაელთა ხელში, საქმე მორჩო-
მილია; ადრე ვერ ნახავს ლელვის ხეს, რომელიც მისი ქოხის წინ
ქოლგასავით გაშლილა და რომლის ფართო და სქელი ფოთოლი
მზის მწვავე სხივებისაგან იფარავს მის კარ-მიდამოს და ვერც იგე-
მებს მის ტკბილ ნაყოფს თითო-თითოდ. ყველა უმწეოა, პატივ-
აყრილი, საერთო ძალის შემქმნელი არავინ მოიძებნება. ბრბო შე-
უგნებელი, დაჩაგრული, ბრბო უვიცი ვერ მიმხვდარა მის ამ ზო-
მამდე დაქვეითების მიზეზს. მას ყოველგვარი უბედურების მიზეზი
თავისი ცოდვები ჰგონია. დამშეული, უკანასკნელ ლუქმას იკლებს,
შესაწირავი მიაქვს და იერუსალიმის ტაძრისკენ მიეშურება. მას
ყველგან თავის ცოდვები აგონდება. თვეში ერთხელ არის თუ კარ-
გად გამოძღა, ესეც დიდი ცოდო ჰგონია, ტაძარში მირბის და
ხელბაპყრობილი ზეცას პატიებას თხოვს. ზეცა კი სდუმს. გაქირ-

ვებულ-დაჩაგრულ და უსამართლებულთა მწარე ამონაკენესი მის ყურამდე ვერ აღწევს...

მხოლოდ ტაძარი იერუსალიმისა ახმაურებულა მღვდელ-ლევითელთა ღაღადისით... ალილუიას გალობენ და უხვ შესაწირავისათვის იელოვას გუნდრუქს უკმევენ, მადლობას სწირავენ.

II

დღესასწაულაა, დიდებული დღესასწაული. ქალი და კაცი, დიდი და პატარა, ყველა იერუსალიმისაყენ მიეშურება. საესეა ხალხით ვეებერთელა ეზო ტაძრისა. სოფლის კიდით კიდემდე გაფანტული ისრაელი მოსულა აქ დღეს. ბევრს ზღვა და ხმელეთი გადაულახავს, ათასგვარი ფათერაკი გამოუცდია, რამდენჯერმე სიკვდილს ერთი ბეწო გადარჩენია; მაგრამ მაინც მოუღწევია მამა-პაპათა სალოცავამდის. იქნებ ცოცხალი ვერც კი დაბრუნდეს შინ, კვლავ ვერ ელოჩსოს, გულში ჩაიხუტოს თავისი თმახუჭუჭა გოგონა. იქნებ მის სასამაროდ განმზადებულ გვამს ვერც კი დაეცეს მღუღარე ცრემლები ცოლისა, მაგრამ ის მაინც ბედნიერად გრძნობს თავს, რომ მოაღწია იერუსალიმამდე, რომ თავისი თვალით იხილა „გვერდი ჩრდილოსანი“ მთა სიონისა და ეულად მიღებული საფლავი დავითისა.

— ენუქ, კაცო, რა ხანია შენ დაგეძებ. მთელი ეს უშველებელი ეზო ბარემ ხუთჯერ შემოვირბინე. მერე ასეთ დროს! ერთი წუთი ასრ დრაკანი ღირს. განა საქმის მოცდენის დროა, მადლობა უფალს! ორმოცდაათი მორიგე მღვდელი და ორას-ოცი ლევიტელი ციბრუტივით ვტრიალებთ და ვერ აუდივართ, იმდენი შესაწირავი მოგვაწვა. მოდის, რაღა, ღვთის წყალობა, — აღტაცებით უთხრა ერთმა გრძელწვერამ და გრძელ ტანისამოსში გამოწყობილმა კაცმა მეორეს, ტანით მომცრო, ქოხა და პირდანაოქებულ, ოღნავ აქალარებულ კაცს და ხელი მხარზე დაუცაცუნა.

— მე რაღა ძებნა მკირია. ყველგან ვარ და არსად არა ვარ. აქაც ვარ და იქაც ვარ.

— მე კი იქ ვერა განახე და აქ კი გხედავ. მაგრამ ლათაიებს თავი დავანებოთ. პატივცემულო ენუქ, მღვდელმთავარმა დამაბარა.

— ღმერთმა ნუ მოაქლოს მისი მადლი არაბეთის უდაბნოს!

— შენ კი არ გინდა?

— მადლი შენთვის დამითმია, ღირსო რაბუნო ილია, მე კი

ოქროებით გაკენკილი ქისა მიბოძოს, — ცბიერად უთხრა ენუქამ, — ნეტავ რას მიბრძანებს მისი უწმინდესობა.

— აბა, შენ იციო, დღეს უექველად მოვა აქაო და თუ ამას რამე საწინააღმდეგო სიტყვებში დაიქერ და საიმედო მოწმეებსაც დაისწრებ, მაშინ შენი საჩუქარი მე ვიციო. ხომ იცი ვიზე გელაპარაკები, რაბი იიშუზე, — თითქმის ყურში ჩასჩურჩულა მღვდელმა ილიამ.

— მესმის, მოძღვარო, მესმის.

— თუ მაგას საქმეს ისე მოუწყობ, რომ მაგის თავს დააპერი-
ნებ და საპატიმროში ჩაასმევინებ, ორას ღრაკანს მარტო ჩვენ
მღვდლები დაგითვლით. მაშ ასე?

— მე ორჯერ თქმა არ მინდა.

რაბუნი ილია საჩქაროდ სამსხვერპლოსკენ გაეშურა, ენუქამ
ქი ხალხში უგზო-უკვლოდ ხეტიალი გააგრძელა.

ის მიდიოდა აუჩქარებლად, დინჯად. სახეზე სრული სიმშვიდე
ეხატებოდა. თითქო საგანგებოდ არავის არ ათვალეირებდა, მაგ-
რამ იმავე დროს ყველას და ყოველფერს ხედავდა. ენუქ მიუახ-
ლოვდა ტაძრის გალავნის ერთ-ერთ დიდ, სპილენძით შექვიდილ
ალაყაფის კარებს და იქ ქვაზე ჩამოჯდა. ალაყაფის კარები კედრო-
ნის წყაროს ხრამს გადაპყურებდა. ფერდობზე გველივით დაკლა-
კნილი მიხვეულ-მოხვეული გზა მოჩანდა. დღეს ამ გზაზე უთვალა-
ვი ხალხი მიდი-მოდიოდა და ერთი შეხედვით მთელი გზაც კაცს
რაღაც ცოცხალ არსებად მოეჩვენებოდა.

„რაბი იიშუ? — ფიქრობდა ენუქა, — ჯერ არ მოსულა, ეტყო-
ბა. არა მგონია, რომ გამომპაროდეს. ყველა საექვო და არაკეთილ-
საიმედო პირი, ვინც მოვიდა დღეს აქ, ხომ ანი და ბანივით ხელზე
მიწერია. სვიქემელი ოსიაც შევამჩნიე. თუმცა ჩემი თვალსახვევი
ქსელიც ბევრი გაუბამს: სხვანაირად მორთულ-მოკაზმულა, წვერ-
ულვაშიც შეუკრეკია, ლოყები დაუშურავს, წარბები ბროწეულის
შემწვარი კანით შეუღებავს, მაგრაპ, უკაცრაოდ, ჩემ დახელოვნე-
ბულ თვალებს აბა რა გამოეპარება. მომითმინოს, იმასაც უკან
მივაყოლებ ახლახან შორს ქვეყნებში გაგზავნილ, რჯულის ამრევ-
დამრევ და მთავრობის ურჩ მწიგნობრებს: ზაქარია, ზაქე, ზორო-
ბაბელ და გედეონს. მასაც ვაჩვენებ კირენაიკის უდაბნოს, ან კარ-
თაგენის ნანგრევებს, ან ნილოსის ქაობებს. მე ენუქ ჯაშუშთა უხუ-
ცესი არა ვყოფილვარ, თუ იგი დღესვე არ დავაპერინე და მანე-
რონის ციხეში არ ჩავასმევინე. ას ღრაკანს ხომ მაინც მომცემენ.
მომითმინონ, მე მათ ვაჩვენებ, თუ როგორ უნდა დიდებული კეი-

სრის მიერ დამყარებული წესწყობილების დაწუნება. რაბი იიშუ? ამ ბოლო ხანებში ხომ მთელი იუდეა და გალილეა მაზე ლაპარაკობს. საუცხოო რაბუნიაო, მისი მოძღვრების სმენით კაცი ვერ გაძღებო. საცა მივა, ქალი და კაცი ბუზივით დაესევა ხოლმეო, სამღვდლოების დიდი მტერია თურმე და კიდეც იმიტომაა, რომ კისერს მოსაპრელად სდებენ ჩვენი წმინდა მამები, ოღონდ ციხეში უკრან თავი, ან სადმე შორს გადაასახლონ. ამასთანავე ფრთხილად და წინდახედულია თურმე. ერთი ორჯერ მეც ვნახე ბეთანიაში და სანამ მე იქ ვიყავი, სიტყვა არ დაუძრავს. აქ კი ისე ადვილად ვერ მომიშორებს. ხშირ საზოგადოებაში შეუძლებელია არ იმოძღვროს და მეც ხომ ჩემი ყურით და მზერით იქ ვიქნები. თუ ღმერთმა ინება და ან კეისრის, ან პილატეს ძვირი წამოცდა, ხომ უღვთოდ ავშენდი? ორთავე ჯიბეს ამოვეკენქავ თეთრი დრაკნებით. პილატეც დამასაჩუქრებს და მღვდელმთავარიც. ღვთის წყალობა, ორი ვენახი კი მაქვს ქერბონში, მესამესაც მივაყიდი. ამბობენ, საძაგელი ხელობაა ჯაშუშობაო, უსინიღისო სამსახურიო, რატომ არის უსინიღისო სამსახური? წმინდა მღვდელმთავარი საუზმეზე მპატიუობს. სხვებს რომ პილატეს ნახვა უნდოდეთ, სამი თვე მაინც უნდა იხეტილონ და ათას კაცს ეხვეწონ და ქრთამი ხარჯონ. მე კი თუ მინდა შუალამეს მოვიდე, შემიშვებენ. ფულს მაძლევენ და მასაჩუქრებენ. ბევრს ვეზიზღები მართალია... მოიცა, ეგ რაღაც სხვა კილოზე მომესმა ლაპარაკი, — ოღნავ გასაგონად წაიბუტბუტა ენუქამ და საჩქაროდ ზეზე წამოიქრა.

III

— აი, საყვარელო შვილო, — ეუბნებოდა ერთი მაღალი ტანის და მკვიდრი აგებულების კაცი მის გვერდით მიმავალ საულვაშე ოღნავ ამწვანებულ ვაჟს, — აი, შვილო, ტაძარი, ადგილსამკვიდრებელი ღვთისა მამისა ჩვენისა. ხუთი ერგასი უკვე გავიდა, რაც ჩვენ ირმაზი დავტოვეთ. ნეტავ როგორ არიან ჩვენიანები? დიდ შიშში იქნებიან, ალბათ დავილუპენით ჰგონიათ. ახ! რომ იცოდნენ, ჩვენ ახლა სადა ვართ? ხომ ჩვენი თვალთ ვნახეთ, შვილო, მთა სიონი.

— სანამ მოვიდოდით, მამავ, მოთმენა მეკარგებოდა, ისე ვეტრფოდი აქაურობის ნახვას, — მიუგო ვაჟმა. — ახლა კი, მართალი გითხრა, ჩვენი სამშობლოს ნახვა მენატრება. აქ ბევრი გადამწვარი და ხრიოკი მთებია, ჩვენში კი ტყით დაბურული, ნადირით სავსე. სად

ეს დამპალი რუ, რომელიც ძლივს მილოდავს და სად „მოდუდუნე მტკვარი“ ან ანკარა არაგვი, სადაც მე ძლიერ მიყვარს კალმახების ქერა...

— გიხაროდენ, ძენო ისრაელისანო, — მიესალმა უცხოეთიდან მოსულ კაცს ენუქა, — ლაპარაკის კილოში გატყობ, რომ შორი ქვეყნიდან უნდა ბრძანდებოდე.

— მართალია, შორიდან გახლავარ, მცხეთიდან, არმაზიდან.

— ეს კიდევ რა ქვეყანაა, ეთიოპთა მხარეზე იქნება.

— არა, კეთილო ადამიანო, არმაზი აქედან ჩრდილოეთ კერძოა. პონტოსა და გილანის ზღვათა შუა. მუდამ თოვლით შეგლესილი ზუმბერაზი მყინვარი დაჰყურებს ჩვენს ქალაქს.

— იელოვა, შენ შემეწიე, — სასოებით წარმოთქვა ენუქამ, — მერე როგორ სძლებთ ისეთ ქვეყანაში. განა აქამდი უწევს ძე ისრაილისა?

— რათა, ჩვენში მშვენიერი საცხოვრებელია. ჩვენი მინდვრებში იფქლით, ვაზით, ჭერმით და ატმით გადაბურულია, ტყე ბევრია და იალალი. მთაში ცხვარი ბლომად არის და ბარში ხარ-კამეჩი.

— ღმერთო, ღმერთო, — გაიძახოდა ენუქა. — იქაც კეისრის ხაბრძანებელი იქნება?

— არა, ჩვენში ადერკია მეფედ, კეთილო ადამიანო, — დაიწყო არმაზელმა, მაგრამ ამ დროს ენუქამ საჩქაროდ ყური მოიმახვილა, ცალი თვალი აღმატერად განზე გააცეცა, ერთი წუთიც და მცხეთელ კაცს თვალიდან მიეთარა.

უცხოელი ერთ ხანს გაოცებული იდგა და არ იცოდა, როგორ მოქცეულიყო.

— მეგობარო, შენ რომ გელაპარაკებოდა, იმ კაცს უფრთხილდი, რამე არ წამოგცდეს, საშიში კაცია, — თითქმის ყურში ნელა ჩაალაპარაკა ვილაც ზოლებიან ტანისამოსში გამოწყობილმა კაცმა და თვალეში არც კი შეხედა, ისიც ხალხში გაერია.

უცხოელი კიდევ უფრო გაოცდა. როგორც იყო გამოერკვა, შეიღს ხელი წაავლო და სამსხვერპლოსკენ გზას გაუდგა.

— კაი ხბო მე მყავს, აგერ, გასაყიდი, თუ მსხვერპლისთვის გჭირია, — გზა გადაუღობა ვილაცა წითელწვერა, ცხვირბრუნდე კაცმა, — მე ხელსაყრელ ფასად მოგყიდი, მღვდლებიც ჰყიდიან, მაგრამ ისინი მამასისხლად დაგისვამენ.

— რას ჩერჩებობ, მღვდლების სავაქროში ნაყიდი ხბო მღვდელ-მთავრის ნაკურთხია. არა, მეგობარო, ამ საქაგელმა არ მოგატყუოს, — გამოეკამათა ვილაც უცნობი წითელწვერას.

— იმდენად ჯანმრთელად ადგა შენი გვერდები ხვალ დილით, რაც შენ ვისიმე მადლი გრწამდეს, შე გაიძვერავე, შენა, — ამკობდა თავის მხრივ წითელწვერა უცნობს.

უცხოელი როგორც იყო მაგათაც განშორდა, ტაძრის სტოვას მიუახლოვდა და მოწინებით თაყვანი სცა. მის ყურს წინწილ-ებნის ხმა მოესმა, ხანდაზმით მგალობელთა გუნდიც ტკბილი ხმით აყოლებდა. „აქებდით უფალსა ცათაგან, აქებდით მას მალალთა შინა, ალილუია“.

არმაზელმა კაცმა ტაძარი მოილოცა. ხოც იყიდა, მტრედიც, მსხვერპლი შესწირა, ყულაბებშიაც თავისი წვლილი ჩააგდო. ყველა არმაზელი ებრაელი უფალს შეავედრა და შვილითურთ ისევ ტაძრის ეზოში გამოვიდა.

ერთ-ერთ კუნძულში ხალხი შეჯგუფულაყო.

მცხეთელი კაციც იქითკენ გაეშურა.

გალავნის მახლობლად უბრალო სიბ ქვაზე იჯდა ერთი ლამაზი სახის, ტან მომცრო კაცი, ღარიბად ჩაცმული, გიშრისფერ თვალებიანი და მოძღვრობდა. ირგვლივ ქალი და კაცი სულგანაბულნი ყურს უღებდნენ.

ეს იყო რაბი იიშუ.

— ვაი თქვენდა, მწიგნობარნო და ფარისეველნო, ორგულნო, — ამბობდა იიშუ, — რამეთუ შესჯამთ სახლებსა ქვრივთასა. ვაი თქვენდა, რომელნიც ამბობთ: ვინც ტაძარი დაიფიცოს არაფერი, ვინც დაიფიცოს ოქრო ტაძარსა შინა მდებარე, ის დამნაშავეაო. ცოფნო და ბრმანო, რომელს აქვს მეტი ფასი, ოქროს თუ ტაძარსა, წმინდა მყოფელსა მისსა. ვაი თქვენდა, ფარისეველნო! თქვენ ჰგავხართ კუბოს, რომელიც გარედან დახატულ-მოვარაყებულია, შიგნით კი აყროლებული გვამით სავსეა. თქვენც გარედან ჩანხართ მართალი, ხოლო შიგნით სავსე ხართ ორგულებითა და უსჯულოებითა. გველნო მატყუარნო, ნაშობნო იქედნეთანო! ვაი თქვენდა, ფარისეველნო, ორგულნო, რამეთუ ათეულსა მიიღებთ პიტნაკისასა და ციცეროსასა და ძირაკისასა და დაგიტევებიეს უმძიმესა სჯულისა, სამართალი, წყალობა და სარწმუნოება. თქვენგან ისმის მხოლოდ სიტყვა. აღარა ჩანს მცირედ მაინც საქმე. ვაი თქვენდა, რამეთუ აშენებთ საფლავთა წინასწარმეტყველთასა და შეამკობთ სამარეებსა მართალთასა და უტიფრად გაიძახით: ჩვენ მამა-პაპათა დროში რომ ვყოფილიყავით, წინასწარმეტყველთ არას დავუშავებდით, მათ სისხლში ხელს არ გავისვრიდითო. ღმერთო ჩემო, მაგაზე სიყალბე, მაგაზე უსირცხვილო გადალახვა სიმართლისა განა შესა-

ძლებელია? წინასწარმეტყველი ისაია მღვდელმთვართა დასმენით ხის ხერხით შუა გასკრეს. იგივე ისაია ახლა რომ ცოცხალი ყოფილიყო, ჩვენი მღვდელ-ლევიტელნი ნაკუწ-ნაკუწ დასკრიდნენ და ცეცხლში დასწვავდნენ. განა რისთვის მოჰკლეს ისაია? რას ამხელდა იგი? — ტაძარში და გაბატონებულთ შორის გამეფებულ პირმოთნეობას, უსამართლობას, ანგარებას. რისთვის სძულდათ იგი? სიმართლისათვის. ის ვერ მოისყიდეს. ვერცხლმა მას თვალი ვერ დაუბნელა, ის არავის წინაშე არ შედრკა. ახლა რომ აქ იყოს დიდებული ისაია, განა ის გულგრილად დაუწყებს ყურებას იმ სისაძაგლეს, რაც დღეს აქა ხდება? ტაძარი ღვთისა სავაჭრო სახლად არის გადაქცეული. მღვდლები უიმისოდაც გატყავებულ ხალხს კიდევ სამპირ ტყავს აძრობენ. ნახევრად მშიერ ისრაელს უკანასკნელი თიკანი და მტრედი აქ მოჰყავს შესაწირავად. მღვდლები კი ეუბნებიან: აქ ჩვენთან ნაყიდს უფრო სიამოვნებით იწირავს ღმერთითო. გაუმართავთ აქ სამტრედე და ბაკი და ერთს ხუთად ჰყიდიან. შესაწირავიც თვითონ რჩებათ და აუარებელი ფულიც. ძმანო და დანო; ისაია განა ამას მოითმენდა? ელვასავით გაანათებდა მისი თვლები. ქექა-ქუხილით გაისმოდა მისი მართალი ხმა ამ მუქთახორათა წინააღმდეგ. — იიშუმ ხელი ტაძრისკენ გაიშვირა.

მუდამ მშვიდს რაბი იიშუს აღელვება დაეტყო. ხალხის კალთით ოღნავ აოფლებული სახე მოიწმინდა და განაგრძო: — ძმანო და დანო, ძენო და ასულნო ისრაილისანო, აქ რომ მოვდიოდით და სიონის აღმართს ავყევით, საიდანაც ისე ლამაზად მოსჩანს ეს ჩვენი ტაძარი, ვიღამაც მითხრა: „მოდგვარ, ერთი შეხედე, რა ქვაბია, რა დიდებული ნაშენიაო. მაგრამ რა, ძმებო, განა სოლომონის ტაძარი ამაზე ნაკლები იყო? მას რა მოუვიდა. რამ დაანგრია იგი, ნაბუქოდონოსორმა? არა, ძმანო, შურობამ და მტრობამ ისრაელთა შორის და შიგ ტაძარშივე გამეფებულმა უსამართლობამ. უიმისოდაც ერთი ბეწო ისრაელი განა ორ სამეფოდ უნდა დაყოფილიყო? იუდა და რუბენ, განა ორივენი იაკობის ძენი არ იყვნენ? მაგრამ ვაი ჩვენდა. შური და მტრობა დღესაც არ ჩამქრალა ჩვენ შორის. უსამართლობა და ანგარება დღესაც გაბატონებულია ტაძარში. უექველია, ამასაც ვერ იხსნის ვერავითარი ზედნაშენი გუმბათი, ჩუქურთმა და ვარაყი. ამასაც სოლომონის ტაძრის ბედი მოელის, დაინგრევა, ქვა ქვაზე აღარ დარჩება. ქვა უსულო საგანია, უქკუოა, მას კაცის არც გაბედნიერება შეუძლია და არც გაუბედურება. თვით ადამიანმა შრომით და სიყვარულით...

— კმარა, კმარა. ეს წმიდა სჯულის შეურაცხყოფაა, — დაიყვი-

რა ვილამაც. — ორმოცი წელიწადი ვაშენებდით ამ ტაძარს, ისრა-
ელმა ნახევარი ქონება მას შეაღია და ახლა ეს ტაძარი უნდა და-
ინგრეს? ქვა ქვაზე არ უნდა დარჩეს? ეს ზომ ღეთის გმობაა.

— მართალია, მართალი, — გაისმა აქა-იქ ხმები.

— მართალი კი არა, მეტიცაა, — გაჰკიოდა პირველი ხმა, — ქვა
მაგას, ღეთის მგმობს. ისრაილ, იცან ღმერთი შენი!

— ჩვენი სამღვდელეობა, რომ...

— ქვა მაგას...

— არა, მოიცათ...

— თქვენ თვითონ ხართ ჩასაქოლი.

— ჯობია დავიჭიროთ, პილატეს მივეგვართ...

— ჯერ ჩვენებმა უნდა გაასამართლონ...

— არა, არა... აქ მოდი... აბა ახლა აქ იყო, — ამგვარი გაუგე-
ბარი ხმები კანტიკუნტად გაისმოდა საერთო უთავბოლო ჩოჩქოლ-
ში. აუარებელმა ხალხმა თავი მოიყარა, ყველა ყვიროდა, ყველა
ბქობდა, ზოგი ილანძღებოდა, ზოგი საერთო დაშოშმინებას და
წესრიგის ჩამოგდებას ლამობდა.

IV

ტაძრის ერთ-ერთ ბნელ კუთხეში ჩვენი ნაცნობი ენუქა ვილაც
მდიდრულად ჩაცმულ კაცს შეტად აღშფოთებული ეკამათებოდა.

— ამას სიკვდილი მიჩვენია. რა ხალხი ხართ, რა მოუხეშავი
და ბოტი ხალხი ხართ, სულ ყველა მღვდელ-ღვთისმეტყველები! არავი-
თარი მიხვედრა თქვენთან არ არის. ხბოს გატყავება და მოხარშუ-
ლი ბექის მოთლა იცით მხოლოდ და სხვა არაფერი. მართლა რომ
ამოსაგდება ხართ. კაცო, ღმერთო მომკალი! მაგისთანა შემთხვევა
ხელიდან გამაშვებინეს. ასე თამამად რაბი იიშუს ჯერ არ უმოძღვრ-
ნია. ვინ მოსთელის, რამდენი თქვა სჯულის და კანონის წინააღმდე-
გი. ოციოდ ჩემი დამქაში აქა-იქ ჩასაფრებული მყავდა, რომ დრო-
ით შესაფერი ყვირილი გაებათ. გააბეს კიდევ, ხალხთაგან ბევრი
აიყოლიეს, მაგრამ თქვენ კი დაგვესოთ თვალები! ხუთჯერ ზომ
გითხარი შენ, შენ, უფროს რაბუნს, ტიტეს; ახლავე კაცი აფრინე
მღვდელმთავართან: — ციხის ათასის თავს მისწეროს და ოციოდ
ჯარისკაცი მზად გყავდეთ აქ სადმე ტაძრის ოღროჩოღროში ჩასა-
ფრებული-მეთქი. ათი ჯარისკაციც რომ მყოლოდა, იიშუ ახლა და-
ტუსაღებული იქნებოდა. კეისრის ძვირის ხსენებაშიაც გავამტყუ-

ნებდი; ხუთი მოწმე ფიცქვეშ იტყოდა, ოც-ოც დრაკნად მყავდა მისყიდული, მაგრამ რად მინდა, თქვენმა უთავობამ და...

— პატივცემულო, ენუქ, ჩვენ მივწერეთ...

— კარგია, მაინც ნულარ ამბობ, როდის მისწერეთ? როცა იიშუ თავიანთებმა იერიქოს გააცილეს, მაშინ? მადლობა მომიხსენებია... სამასი დრაკანი დაეკარგე... არ ვიცნობ მღვდელმთავარსა, რა შეილია, ორ გროშს არ მომცემს... ღმერთო, მომკალი, რა შემთხვევა გაუშვი ხელიდან.

• •

ასოც აქლემისაგან შემდგარი ქარავანი ქალაქ სიღონის გალავანს უახლოვდებოდა. დღეს გემი უნდა წასულიყო როდოსისაკენ და მექარავნენი აქლემებს აჩქარებდნენ, რომ გემისათვის მოესწროთ.

— ეხ, საყვარელო შვილო, — დაღონებულად უთხრა ერთ-ერთ აქლემზე მჭდომმა მეორე ახალგაზრდა კაცს, — დიდი შეცდომა ჩავიდინეთ, რომ იერუსალიმში შემოვიარეთ. წავსულიყავით პირდაპირ ჩვენ საყვარელ სამშობლო არმაზში. შორიდან იერუსალიმი, ეს ჩვენი მამა-პაპათა სალოცავი, რალაც საუცხოო რამედ, შარავანდედით შემოსილად მეჩვენებოდა, ჩემი გული სიმდაბლით და მოწიწებით იყო აღვსილი ტაძრისადმი, მღვდელთადმი და ისრაელთა ერისადმი. ჩვენ თანაშემწემთ ქართლოსიანების ქურუმებს დავცინოდნი, არმაზობას რომ შეიკრიბებთან ხოლმე. თქვენ კერპთაყვანისმცემლები ხართ. აი ქეშმარიტი ღვთის თაყვანისცემა იქაა, სიონის მთაზე. თქვენში შური და მტრობაა მუდამ, შესაწირავის გაყოფის დროს ჩხუბობთ-მეთქი. უსამართლო ყვედრებაა, შვილო, აქ სიონის მღვდელთა შორის იგივეა, თუ არა უარესი. ყოველ მღვდელს დალალი ჰყოლია, დალალს კიდევ ხელის შემწყობი. ისე ფეხს ვერ ვადადგამ ტაძრის ეზოში, რომ არ მოგატყუონ, რამე არ წაგვინცლონ და გულის დამწველი ისაა, რომ ყოველივე ეს ხდება მეწამული ზღვის გამყოფი იელოვას სახელით. ერთადერთი სასიამოვნო რაბი იიშუს მოძღვრება იყო და ისიც კინაღამ ჩემ თვალწინ ქვით არ ჩაქოლეს მაგ უსინდისობებმა!


— მამა, მე მისვლისთანავე არ მომეწონა იქაურობა, — მიუგო ყმაწვილმა კაცმა, — ყველას რალაც შიში ეხატება სახეზე. ყველა ცბიერობს. შენ რომ გელაპარაკება, ცალი თვალი განზე უჭირავს, თითქო ფრთხილობს, ყურს ხომ არავინ მიგდებსო. იმ ერთმა კაცმა მეტისმეტად გამაოცა, ტაძრის ეზოში შესვლისთანავე რომ შეკვხვდა. რანაირად იღმიკებოდა. მერე რალაც აურზაური რომ ატყ-

და, იქაც ვნახე. დედა, დედა, რას ჩადიოდა. ხან ერთთან მივიდოდა და ყურში რაღაცას ჩასჩურჩულებდა, ხან მეორესთან, აქეთაც იყურებოდა და იჭითაც...

— იმედები გამიცრუვდა, შვილო, — ამოოხვრით უთხრა შვილს. არმაზელმა კაცმა. — სამაგიეროდ კარგად ვივაჭრეთ. კოლხიდის ქსოვილი კაი ფასში გავასაღეთ. მეორე გზობას თუ დაგვცაღდა, ეფესოდან პირდაპირ ალექსანდრიაში წავილოთ საქონელი, სანამ ცოცხალი ვარ, შვილო, მინდა გაგაცნო სავაჭრო ადგილები. ახლაკი ღმერთს ვთხოვოთ შინ მშვიდობით მიგვიყვანოს. ღმერთო, კვლავ მაჩვენე ჩემი ვენახი არაგვის პირას, ღმერთო, დამასწარადიდი კაკლის ხის ძირში ტკბილად პურის ქამას!

ქარავენმა აღმართი ავლო, მგზავრების თვალწინ ჯერ ხელისგულივით სწორი ქვიშნარი გაიშალა, მის იქით ფირუზის ფერა ზღვა ტალღას ტალღაზე აგორებდა.





წ ე ს ღ ე ბ ა

I

სემინარიის რექტორი, არქიმანდრიტი აგათანგელი, ახალი ნა-
ბადილევი თავის კაბინეტში იჯდა და სტამბიდან ახალგამოსულ პა-
ტარა წიგნაკს ათვალეირებდა. ასეთივე წიგნაკები, დას-დასად
შეკრული, იქვე ახლო მაგიდაზედაც ბლომად ეწყო. წიგნაკში ორ-
მოცდა ათიოდ გვერდი თუ იქნებოდა. სიგრძით წიგნაკი სამი გოჯი
იყო, სიგანით უფრო ნაკლები.

— მამაო რექტორო, მამა ინსპექტორი გეახლათ! — მოახსენა
შოსამსახურემ, რომელიც სახით ძალიან წააგავდა რექტორს და
ამიტომ სემინარიელები მეტ სახელად „ყალბ რექტორს“ ეძახდნენ.

— მობრძანდეს! — მიუგო მამა რექტორმა და ზეზე წამოდგა.
ინსპექტორი ბერმონაზონი იყო. ბერები ერთმანეთს მიესალ-
ვენ და თუმცა ორი საათის წინათ ერთმანეთს ხელაუდნენ, მაინც
აღათისამებრ ერთმანეთი გადაკოცნეს.

— აი, მამაო ინსპექტორო, — მისალმებას ზედ მიიყოლა მამა
რექტორმა: — ჩემ მიერ დაწერილი ახალი წესდება სემინარიელე-
ბისათვის, ეს არის სტამბიდან მივიღე. გთხოვთ, თქვენი თანაშემ-
წეების საშუალებით დაურიგოთ მოწაფეებს. ვთხოვ თანაშემწეებს
ზომები მიიღონ, რომ მოწაფეებმა კარგად შეითვისონ წესდების
შინაარსი და მით იხელმძღვანელონ. მაღალ კლასელებს, მეხუთე და
მეექვსელებს, ყველას სათითაოდ დაურიგეთ, ხოლო დანარჩენებს
სამ კაცში ერთი. ერთს მიეცით, ხელი კი მოაწერინეთ, რომ წიგნა-
კი არ დაიკარგოს, ორ სხვა ამხანაგსაც წასაკითხად მისცეს და მო-
თხოვნის დროს უეჭველად ხელთაჰქონდეს.

— მესმის, ახლავე განკარგულებას მოვახდენ, რომ თქვენა
ბრძანება უკლებლად შეასრულონ, — თავმდაბლად მიუგო ინსპექ-
ტორმა.

— ეს ასე... ჰო, რა მინდოდა მეტყვა... მაგრამ უკაცრაოდ, მობრძანდით, მამაო ინსპექტორო, — მოიპატიეა მამა რექტორმა და სავარძელზე მიუთითა. ორივენი ჩამოსხდნენ. — ჰო, ის მინდოდა მეტყვა, — განაგრძო მამა რექტორმა: — ჩემი წინამოადგილის, რექტორ ათანასეს დროის წესდება თუ ვისმე აქვს, უბრძანეთ, უსათუოდ უკანვე დააბრუნონ. რანაირი წესდებაა, ღმერთო ჩემო! თქვენ მაკურთხებელს ვფიცავ, წავიკითხე და სახტად დავრჩი. როგორც ვატყობ, კიდევ იმ წესდებას გაურყვნია ეს ხალხი, თორემ ეკლესიაში ყველა ქალები ენთოს, ოთხი შემოსილი მღვდელი სასოებით დაუჯდომელს კითხულობდეს, სამპირი გუნდი გალობდეს და მოსწავლენი კი გარეთ გარბოდნენ და კუნჭულებში იმალებოდნენ. ეს ვერ წარმომიღგენია! წესდებაში რომ ისეთი მუხლები ჩამერთო, როგორიც ძველშია, მაგალითად: მოსწავლეთ ნება აქვთ თეატრში იარონ და ესთეტიური გრძნობა დაიკმაყოფილონო, სუსტებს და ნერვიანებს ოთხშაბათ-პარასკეობით სახსნილო ექმევათ და სხვა, არაფერი სიკეთე არ გამოვიდოდა. ერთი გრძნობის დაკმაყოფილების სურვილს მეორე უფრო მწვავე გრძნობის დაკმაყოფილების სურვილი მოსდევს. ახლანდელ დროში თითქმის ყველა სისხლნაკლები და ნერვებიანია და ასე თუ მიეყვებით, ტაძრები თეატრებად უნდა გადავაკეთოთ, წმინდა მამათა დაკანონებული მარხვები მოვსპოთ და შემდეგ ანაფორებიც გავიხადოთ! — პათეტიურად დაათავა რექტორმა.

— მამა ათანასემ, ან უკვე ყ-დ სამღვდელომ, შართლაც და, ცოტა არ იყოს, აუშვა მოსწავლენი. ეს, ჩემი მდგომარეობა უნდა გენახათ მაშინ! — თავმდაბლა და ზრდილობიანი პირმოფერებით შენიშნა მ. ინსპექტორმა.

— იცით, რას გეტყვით, მამაო ინსპექტორო, მე იმედი მაქვს, საქმეს გამოვაკეთებ. ხუთშაბათობით მინდა ნასადილევეს დაუჯდომელები და საუბრები შემოვიღო, უფრო წმინდათა ცხოვრებიდან. წმინდათა ცხოვრებას სრულებით არ იცნობს, როგორც დავრწმუნდით, სემინარიის ახალგაზრდობა. მერე რა დიდი განძი გვაქ ამ მხრივ. მარტო კიევო-პეჩერის ლავრის პატერიკები რომ აიღო, დიდი, დიდი ზნეობრივი მოძღვრებაა გაბნეული შიგ. ნათლადაა გამოყვანილი, რამდენად ძლიერია საფრთხე ეშმაკისა, მაგრამ იმავე დროს ისიც არ არის დამალული, თუ რამდენად შესაძლებელია კაცმა, სარწმუნოებით გულმხურვალემ, წინააღმდეგობა გაუწიოს მას. ოთხი-ხუთი ფურცელიც რომ წავიკითხოთ ყოველ ხუთშაბათობით, წლის განმავლობაში დიდ ნაბიჯს წარვდგამთ წინ. თქვენ-

იმედი მაქვს, არ დაიზარებთ, მამა მოძღვარიც ხომ იქნება; მამა გერონტიც მივიმხროთ, ხმა ჩინებული აქვს, დაუჯდომელს კარგად კითხულობს... ეს არის ცუდი ზნე სქირს, — ხმას დაუძდაბლა და ვითომ და სხვათა შორის ჩაალაპარაკა მამა რექტორმა: — მამაო ინსპექტორო, თხოვე ჩემ მაგივრად გერონტის, დამავალოს და ხუთშაბათობით... ერთი სიტყვით, ნუ დაითვრება, ფხიზლად იყო. როგორც თქვენს თანაშემწეს, მოთხოვეთ კიდევ. მე, მართალი გითხრათ, ბევრი მოთმენაც არ შემიძლია. ბოლოს იძულებული ვიქნები მათ შეუფებას მოვახსენო, — ცოტა არ იყოს ცხარედ დააბოლოვა მამა რექტორმა.

სემინარიელებს იმავ საღამოთი ახალი წესდების. წიგნაკები დაურიგეს.

II

წიგნაკის ერთი ცალი მამა ინსპექტორმაც წაიღო. შინ რომ მოვიდა საღამოთი, ცხრა საათის ლოცვის შემდეგ, წიგნაკი საწერ მაგიდაზე დააგდო და დაფიქრებული სკამზე ჩამოჯდა. „დაწერა წესდება რაღაც წიგნაკი და ჰკონა, ციდან ვარსკვლავები მოსწყვიტა! — ფიქრობდა მამა ინსპექტორი, — მაგისთანა წესდებს ვითომ მე ვერ დავწერდი? ან რა დიდი ნიჭი უნდა წესდების დაწერას? ყოველნაირი წესდება ერთ შაბლონზე იწერება და ესეც იმნაირი იქნება“. მამა ინსპექტორმა წიგნაკი ხელში აიღო, გადაატრიალ-გადმოატრიალა, გახსნა, ერთი ჩაიხედა, მერე დაკეცა და ისევ მაგიდაზე დააგდო. მერე წავიკითხავო, გაიფიქრა.

„ახ, ღმერთო ჩემო, ღმერთო ჩემო! — ამოოხვრით წარმოთქვა მამა ინსპექტორმა, საკმაოდ კარგად განათებულ ოთახში გაიარ-გამოიარა. — ხუთი წელიწადია ინსპექტორად ვარ, სხვები სამ წელსაც არა მსახურობენ, შეხედავ, არქიმანდრიტობას და რექტორობას აძლევენ. მე კი გულზე საკიდი ოქროს ჯვარი ძლივძლივობით მხოლოდ წლეულს მივიღე. კიდევ ვინ იცის, რამდენი ხანი დამარჩუნებენ ასე. მამა აგათანგელი კი უკვე ეპისკოპოსობას ეთამაშება...“

წესდების ერთი ცალი ინსპექტორის თანაშემწეს ბართლომე ივანიჩსაც ერგო. ბართლომე ივანიჩი ცნობილი იყო, როგორც სემინარიის წესწყობილების თავგამოდებული დამკველი, კაცი სასტიკი და წვრილმანი, სწორედ ტიპური თანაშემწე. მოსწავლეებს არ უყვარდათ, მისი ჩაწერით თუ დაბეზლებით ბევრი მოსწავლე

დაითხოვეს სემინარიიდან. სიარულის დროს სულ აქეთ-იქით იყურებოდა, თითქო პოლიციის მაძებარი აგენტიაო. მოსწავლეებმაც მეტ სახელად „კვარტალნი“ დაარქვეს, ივანიჩს ხშირად ესმოდა ეს სახელი სასადილო ოთახში, ეკლესიაში თუ ეზოში, ისიც იცოდა, რომ ეს სახელწოდება მას ეკუთნოდა და ერთი ორად უფრო ბრაზობდა და ცდილობდა, ჭავრი ვისმეზე ეყარა.

ბართლომე ივანიჩს მამა ინსპექტორმა დაავალა, რომ ახალი წესდება გულმოდგინედ წაეკითხა და თვალყურიც ედევნებინა, რომ მოსწავლენი წესდების მოთხოვნილებებისდაგვარად მოქცეულიყვნენ. წესდების წასაკითხად „კვარტალნიმ“ დაწოლის შემდეგი დრო გადადო და მართლაც, როცა ნავახშმევს ტანთ გაიხადა და თბილ ლოგინში ჩაესვენა, წესდების წიგნაკი მოიმარჯვა და კითხვა დაიწყო.

„თანახმად სემინარიელების მომავალ მაღალ სამსახურის მოთხოვნილებისა, ყველა მოსწავლე მოვალეა, იაროს ეკლესიაში ყოველგვარი ღვთის მსახურების მოსასმენად, როგორც საღამოთი, ისე დღისით“, ეწერა პირველ მუხლში. შემდეგ დაწვრილებით იყო აღნიშნული, თუ როგორ უნდა იდგნენ მოსწავლენი ეკლესიაში, როგორ უნდა იღებდნენ მონაწილეობას საეკლესიო კითხვა-გალობაში, როგორ უნდა ემზებოდნენ სახარებას, ჭვარს და სხვა და სხვა...

ბართლომე ივანიჩმა ორი-სამი მუხლის წაკითხვაც ვერ მოასწრო, რომ თვალეებში სიმძიმე იგრძნო, თანაც რაღაც ერთი მეორეზე გადახლართული რგოლები ელანდებოდა. რგოლები ხან დიდდებოდნენ, ხან პატარავდებოდნენ, ხან იმ რგოლებთან ერთად ივანიჩიც სადღაც უძირო სივრცეში მისცურავდა. კვარტალნის თანდათან ძილი მოერია, წიგნაკი ხელიდან გაუვარდა და ტახტის ქვეშ ნელი შრიალით შევარდა.

მეორე დღეს ივანიჩი მორიგე იყო და ხუთ საათზე წამოხტა, საჩქაროდ პირი დაიბანა და მოსწავლეების გასაღვიძებლად გაიქცა. შემდეგ, ჩაის სმის დროს, სასადილო ოთახებში თვალყურს ადევნებდა, საერთო ლოცვაზედაც იყო და უბის წიგნში ათიოდე მოსწავლე ჩაინიშნა. ოთხს მათგანს რაღაცაზე გაეცინა, ორი ჩუმად მუსაიფობდა, სამს ორი წუთით დააგვიანდა, ხოლო ერთი სარივით იდგა ეკლესიაში, ერთხელაც პირჭვარი არ გადაუწერია.

ნალოცვებს გაკვეთილები დაიწყო და ივანიჩიც ჩვეულებრივ მოსწავლეთა საერთო თვალყურის დევნაში გაერთო. მესამე გაკვეთილის შემდეგ დასვენება თხუთმეტი წუთით გრძელდებოდა და

ამიტომ დარეკეს თუ არა ზარი, მოწაფენი ეზოში გამოიშალნენ. მარტის პირველი რიცხვები იყო, მზე საკმაოდ ათბობდა და ძალაუზნებურად გარეთ ეზიდებოდა ახალგაზრდებს. ზოგს პალტო წამოესხა, ზოგი მარტო ხალათით მირბოდა, ზოგი ხტუნაობდა, ზოგი გაშლილ წიგნს ჩაჩერებული ნელ-ნელა მოაბიჯებდა, ზოგიც დაუქრებული და თავჩაღუნული მიდიოდა.

III

ბარტლომე ივანიჩს ბინა მესამე სართულში ჰქონდა. აქ ერთი ოთახი ისეთ ადგილას იყო მოწყობილი, რომ ამ ოთახის ფანჯრიდან სემინარიის ეზო ხელისგულივით ჩანდა. აქედან მოსეირნე მოწაფეთა დათვლა თითო-თითოდ შეიძლებოდა. ნათლად დაინახავდით ვინ რას აკეთებდა, ცელქობდა თუ მეცადინეობდა, ჩხუბობდა თუ მუსაიფობდა. ეს ადგილი კვარტალნის ჩვეულებრივი საპკრეტურო იყო. ის აქედან ყველასა ხედავდა, იმას კი არავინ არ ამჩნევდა.

დღესაც, დარეკეს თუ არა მესამე გაკვეთილიდან გამოსასვლელი, ივანიჩი წინდაწინ გაიქცა და ოთახში ჩასაფრდა.

„ოჰ, ეს პირველკლასელები მეტად ცელქები არიან, — სწონავდა გულში თვალით ნახულთ ჩასაფრებულთ. — ერთი უყურეთ, იმ ორნი როგორ მამლაყინწებივით ჰიდაობენ. ეს, ეს ჰრილა ხომ სულ მუდამ ჰიდაობაშია! აი მეექვსელი გძელოვით. ზორბა ბიჭია, უკვე დაუკაცებელი. ხელიდან წიგნს არ იშორებს. იმდენი ნიჭით არ გააქვს, რამდენიც მუყაითობით. თანაც ამაყი, ქედმაღალი და თავმოყვარე კაცია. ერთხელაც არ გაიფონია იმისგან რამე საპირფერო სიტყვა. სალამოთი, ერთხელ საათ-ნახევარი რომ დაიგვიანა, მეგონა მოვა და ბოდის მოიხდის-მეთქი, მაგრამ შენც არ მომიკვდე! მეც ავდექი და ლაზათიანად „კონდუიტში“ გამოვქიმე. თვის ბოლოს ყოფაქცევაში კაი ოთხი მიარტყეს. არც კი შემკითხებია. მაგისტანა კაცი მტერს ბევრს გაიჩენს, მუდამ ბრძოლაში იქნება, მაგრამ ცხოვრებაში ბედნიერ წუთებსაც უეჭველად ბევრჯერ განიცდის... აი შველივეიც, პალტო უშნოდ გადაუგდია მხრებზე და დაფარფაშობს, ხან ერთთან მივა, ხან მეორესთან. უდარდელი კაცია. წიგნი იმის ხელში თავის დღეში არ მინახავს. ეკლესიაში კი კარგად დგა, პირჯვარსაც იწერს, თავის დროზე მეტანიასაც არ აკლებს. იქნება თვალთმაქცობს კიდევ, მაგრამ მე რას დავეძებ, ამის მსაჯულად ვინ დამაყენა! მე მხოლოდ ინსპექტორის თანაშემწე ვარ. ვხედავ

კაცი კარგად იქცევა, გულში კი რა უდევს, რა ვიცი, გულთმისანი ხომ არა ვარ, ამას არც კი დავეძებ, კაცი საკონდუიტოდ საქმეს არ იფუქებს, ყოფაქცევაში ხუთი აქვს, მორჩა და გათავდა.

ჰე, ესეც შენი სატატური. ეს ხომ სულ მუდამ სჯა-ბაასშია, უნიკო კაცი არ უნდა იყოს, თუმცა საგნებს ძლივძლივობით სწავლობს. რამდენჯერმე ხელში გაზეთი შევამჩნიე, მაგრამ სანამ მივიდოდი, ყოველთვის სადღაც დამალა. საექვო კაცი უნდა იყოს. უთუოდ სადმე წრე აქვთ შემდგარი და იქ მეთაურობს. მაგრამ სად მართავენ კრებას, ჯერ ვერ მივაკვლიე. ისეთები წამოსცდა ერთი-ორჯერ, რომ უსათუოდ სოციალისტური წიგნები აქვს წაკითხული. თუმცა ფრთხილი კაციც კია, მაგრამ თუ როდისმე ჩამივიარდა ხელში, მე მართლა მაგათი კვარტალნი ვყოფილვარ, თუ არ ვაჩვენებ, როგორ უნდა წრის დაარსება და სოციალისტობა?!

ჰა, ესეც ზებედევი. როგორ დაფიქრებული მოდის. ამ კაცის კი ვერა გავიგე რა. იმისი არ გამიგონია არც ხუმრობა, არც სიცილი, არც სჯა-ბაასი. ჩვენ ხომ სიახლოვეს არ გვეყარება. სწავლობს კარგად. ეკლესიაში მუდამ დადის და სწორედ დგას, თუმცა პირჯვარს ხშირად არ იწერს. იშვიათად თუ გამოისახავს, მაშინაც ისეთ სახეს მიიღებს, თითქო აუცილებელი მოთხოვნილება შეასრულაო. კერპი ხასიათის კაცი უნდა იყოს. გაუგებარი კაცია, მაგრამ ყოველ შემთხვევაში კეთილსაიმედო არ არის. ეს იქიდანაცა ჩანს, რომ ბიბლიოთეკაში სულ ტურგენევის და ტოლსტოის ნაწერებს თხოულობს. ერთხელ ისე გაკადნიერდა თურმე, რომ ბელინსკის თხზულებაც მოიკითხა. დიად, პისარევი არ ნებავს? მიკვირს. როცა ბიბლიოთეკის გამგემ ეს ამბავი გადმომცა, მაშინათვე რექტორს არ მოვახსენე. საერთოდ, — განაგრძო ფიქრი ივანიჩმა: — კეთილსაიმედო ამოდენა ხალხში ძლიერ ნაკლებად ურევია. სასულიერო შინაარსის წიგნებს ნაკლებად ეტანებიან. ჩუმად კითხულობენ რაღაც სხვა წიგნებს. ნეტავ სად შოულობენ, ან სად კითხულობენ?.. მაგრამ მოიცა, ეს ზებედევი სად დამეყარაგა“, — გასაგონად ჩაილაპარაკა კვარტალნიმ და ეზოში გაფანტულ მოწაფეებს გულდადებით თვალღებდა დაუწყო.

ზებედევი პალტოს ჯიბეებში ხელებჩაწყობილი დინჯად ჩადიოდა სასადილო ოთახისაკენ მიმავალ კიბეზე. ივანიჩმა თვალი შეასწრო.

„ნეტავ სად მიდის? ჯერ რა უნდა იქ? იქნებ წაჰკრას ფეხი რამეში“, — გაიფიქრა ივანიჩმა, საათს დახედა და საჩქაროდ იქითკენ გაეშურა.

IV

მამა ინსპექტორი საინსპექციო ოთახში იჯდა. წინ ედო გაშლილი რუსულ-სლავიანური სახარება. მეხუთე კლასში მეოთხე გაკვეთილი უნდა მიეცა საღმრთო წერილიდან და ემზადებოდა. წინა დღეს თავისუფალი დრო საღმრთო წერილთან დაშორებულ სხვადასხვა საქმეს მოანდომა, ახლა კი დრო ცოტა რჩებოდა, თავის თავს რიგიანად მომზადებულად ვერა გრძნობდა და, ცოტა არ იყოს, გაჯავრებული იყო.

— აი, მამაო ინსპექტორო, დამნაშავე, — მშრალად შემოილაპარაკა ბართლომე ივანიჩმა. კარებთან, მოშორებით, მეოთხე კლასის მოსწავლე ზებედევი გაჩერდა. მოსწავლე ჩვეულებრივ დაფიქრებული, ოდნავ თავდალუნული იდგა.

— რაშია საქმე? — უკმაყოფილოდ ჰკითხა ინსპექტორმა და სახარებას თვალი მოაშორა.

— აი, მივიღოდი სამზარეულოსაკენ, მინდოდა დაქვთვალეიერებინა, მზარეული კარგად აკეთებს საქმელებს თუ არა. ჩავედი ძირს, შევიხედე და ჩაის წყლის ასადულებელ ქვაბებთან დგას ჩვენი ზებედევი. სახეზედვე შევამჩნიე, რომ რაღაცას ცუდლუტობდა. მივედი და გამოველაპარაკე. ორი-სამი სიტყვის თქმა ვერ მოვასწარი, რომ ისეთი იგრიალა, ისეთი...

— რას ამბობ, გაისროლა? — აღშფოთებით წამოიძახა ინსპექტორმა და ზეზე წამოიჭრა.

— არა, დამშვიდდით, მამაო ინსპექტორო, — საჩქაროდ მიუგო, თვითონაც კარხალივით გაწითლებულმა კვარტალნიმ: — იარალი კი არ უსროლნია, თურჲე ნაღვერდალში კვერცხი ჩაეფლო და ის გასკდა. ისეთი გასკდა, რომ ნაცარი თვალეებში შემომაყარა. ესეც შენი სამღვდელო კაცი, შუა დიდმარხვაში კვერცხის საქმელად ემზადებოდა...

მამა ინსპექტორს, აღელვებისა გამო ფერწასულს, კინალამ გაეცინა, მაგრამ თავი შეიმაგრა. დინჯი სახე მიიღო და საქმიანი კილოთი წარმოთქვა:

— კვერცხსა სწვავდა, უნდა ეკამა შუა დიდმარხვაში? მკაცრად უნდა დავსაჯოთ ახალი წესდების ძალით.

მამა ინსპექტორმა აქეთ-იქით გაფაციცებით ხელის ფათურძღ დაიწყო.

— ეხ! რა ვუყავი, აქ რომ ახალი წესდება მქონდა! — ამბობდა რგი და ხან სახარებას გადმოშლიდა, ხან მაგიდის უჯრაში იხედებოდა, ხან წიგნებით და დავთრებით სავსე თაროს სინჯავდა. წესდების წიგნაკი კი არსად ჩანდა. — ჰო, მართლა, ჯიბეში მაქვს, — ჯაჳრით წარმოთქვა მან და წესდების წიგნაკი მაგიდაზე დააგდო.

წიგნაკის ფურცლები გაქრილი არ აღმოჩნდა. მამა ინსპექტორმა თითოთ სცადა გაქრა, მაგრამ ქალაღლი სწორად არ გაიხა, ცალმხრივ ჩაიხა და დაბეჭდილ ასოებამდე მიატანა. თანაშემწემ კალმისტარი მიაშველა და, როგორც იყო, წიგნაკის ნაკეცები გასქრეს. მამა ინსპექტორი, რაც შეეძლო, ჩქარობდა.

— ბართლომე ივანიჩ, თქვენ ხომ წაკითხული გაქვთ ეს წესდება, შეიძლება გახსოვთ, რომელი მუხლი შეესაბამება ამის საქციელს? — ჩუმაღ თქვა მამა ინსპექტორმა.

ბართლომე ივანიჩს კი, როცა ზებეღევი დაიჭირა, ახალი წესდება სულ არ გახსენებია.

— დიახ, დიახ, წავიკითხე, — გაუბეღავად მიუგო მან. — ცოტა ბოლოში დამრჩა წაუკითხავი, ვერ მოვასწარი, ამ საღამოს ვაპრობ გულდაღებით შევისწავლო, — ჩუმაღ დაუმატა ივანიჩმაღ.

ამ ღროს მეოთხე გაკვეთილის დასაწყისი დარეკეს კიღეღ.

— ოი, ოი, — წამოიღახა მამა ინსპექტორმა. — გაკვეთილი მაქვს. ათამღე კაცს ნიშანი არ უზის.

— ასე მახსოვს, იქ უნდა იყოს, საღაც მარხვაზეა საზოგადოღ ლაპარაკი, — ივარაუღა თანაშემწემ.

მამა ინსპექტორმა მოსაყეღღეღეღ თვალეღით გაღახეღღა.

— აბა საღა? სჯობია თავიღან მიყყეღ, ერთ წამს გაღახეღეღეღეღ, — თქვა ინსპექტორმა და წიგნაკის მუხლ-მუხლ თვალეღეღეღეღეღს შეუღღა.

„მოწაფენი უნდა ესწრებოღნენ წირვა-ლოცვას... მშვიღად... პარჯერის... წყნარად... სასტიკად აღკრღალულია... სახარეღბის მიხევეღს შემღღეღ...“ — ბუტბუტეღღა ინსპექტორი და თან წიგნაკს ფურცლავღა.

— ხომ ვერ წავწყღით ჯერ? — ნაღვლოღღა ინსპექტორი.

— რა არის, რომ ასე გულმოღღინეღ ეღებთ, მამაო ინსპექტორო? — შემოიღღაპარაკა მაღალ-მაღალმა, ოღნაე კაღარაშერეულმა კაცმა და პატარა ოთახში თავი შემოჰყო.

ახლად მოსულს ხეღში საკლასო დავთარი ეჭირა და ეტყობოღღა, გაკვეთილის მიაღცეღად ემზადეღბოღღა.

— აი, ამ ვაეღატონს სასჯელი მინღა მოუღებნო, — მიუთითა

ქუთხეში მდგომ ზებედევზე, რომელმაც მასწავლებლის დანახვაზე გაწითლებულმა, კიდევ უფრო ძირს დაღუნა თავი.

— ნეტავ რა ჩაუღუნია ისეთი? — გაიკვირა მასწავლებელმა.

— ეს არის ახლა მიუსწრია ბართლომე ივანიჩს, მარხვა გაუტეხია, კვერცხი უქამია.

— ჩაის წყლის საღულეებელ ფეხთან ნაღვერდალში კვერცხსა სწვავდა, — დაუმატა ივანიჩმა.

— სწვავდა? ეს კიდევ არა ნიშნავს, რომ სკამდა, — შენიშნა მასწავლებელმა და ჩაეცინა, სამივეს მომცინარე სახე გადაავლო, უსურვა გამარჯვება და თავის გზას გაუდგა.

თანაშემწემ მუქარით სავსე თვალები გააყოლა.

— როცა ჩქარობ, მაშინ ხომ სულ ვერაფერს იპოვნი, — თავშეკავებული გაჯავრებით წარმოთქვა მამა ინსპექტორმა და წიგნაკი გადაფურცლა.

„მ. მ. მ... სასტიკად აღკრძალულია თეატრში ან ცირკში სიარული... ბანქოს ან კადრაკის თამაში“, — ჩვეულებრივ ბუტბუტებდა მამა ინსპექტორი და ფურცელს ფურცელზე შლიდა. — „სასმელ-საკმელი სემინარიელებს ეძლევათ. თანახმად წინდაწინ შედგენილი ნუსხისა...“

— აქ უნდა იყოს! — სიზარულით შენიშნა ივანიჩმა.

„რესტორანიდან, ან სხვა საიდანმე საკმლის მოტანა აღკრძალულია... შაქარი ეძლევათ...“

— არაფერიც არ არის მგონი, რაც ჩვენ გვინდა, აქ აღნუსხული, — დაღონებით ჩაილაპარაკა მამა ინსპექტორმა.

მასწავლებლები ყველანი კლასებში შევიდნენ. ყველგან სიჩუმე ჩამოვარდა, მხოლოდ მეხუთე კლასიდან, სადაც ინსპექტორს გაკვეთილი ჰქონდა, ჩოჩქოლი მოისმოდა.

მამა ინსპექტორმა წესდების წიგნაკი თითქმის სულ გადაათვალიერა, მაგრამ ზებედევის შესაფერ სასჯელს მაინც ვერ წააწყდა.

— წადი კლასში, — ცივად უთხრა მოსწავლეს და გაისტუმრა, მერე თანაშემწეს მიუბრუნდა: — იცი რა გითხრა, ბართლომე ივანიჩ: სიჩქარისა გამო ვერ ვიპოვნეთ, თორემ საიმისო რამე უსათუოდ იქნება, მერე ვნახოთ. თუმცა უნდა შეგნიშნო, რომ თქვენი ბრალდება დაუსაბუთებელია! მაკარ მაკარიჩმა რომ თქვა, იმისი არ იყოს, ხელში ხომ არ ეჭირა კვერცხი, ხომ არა ჭამდა?

— მამაო ინსპექტორო, აქ ეჭვი და ორაზროვნება ყოვლად შეუძლებელია, მაშ რა უნდოდა იმ ღროს იქ. სიცივე არ იყო და ქარი. ყველა იმისი ამხანაგი გარეთ მზეზე თბებოდა. კვერცხი რომ:

ვასკდა, რად გაწითლდა, თუ მისი ნამოქმედარი არ იყო? ლამაზად შესწავადა, პურს იქვე მზარეულს გამოართმევდა და არხეინად შეექცეოდა. მე ცოტა ავიჩქარდი, თორემ სამი წუთი რომ დამეგვიანებინა, ზედ კაპის დროს თავზე დავადგებოდი.

— ეგ სულ სხვა იქნებოდა, ბართლომე ივანიჩი, მაგრამ ახლა რაც არის, ის არის. რაკი მოიყვანე, პრინციპის გულისთვის, რამენაირად უნდა უსათუოდ დავსაჯოთ, მაგრამ შემდეგში კი უფრო ფრთხილად მოიქეცი. თუ აშკარა საბუთი არა გაქვთ გასამტყუნებელი, ვარაუდით ხელს ნურავის ნუ წაავლებთ. ხომ იცით, რა შფოთიანი ხალხია. უიმისოდაც ათასნაირი ცუდი ხმა მოგვდის და ცეცხლში წავთის ჩასხმას უნდა ვერიდნეთ.

მეხუთე კლასში ისევ ჩოჩქოლი ისმოდა.

— მოდის... მოდის! — გაისმა ამ კლასში.

მამა ინსპექტორი მართლა მიდიოდა.

„ფუ! რამდენი დრო დავკარგე ტყუილა უბრალოდ, — ფიქრობდა გზა-გზა მამა ინსპექტორი და მეხუთე კლასისაკენ მიეჩქარებოდა. — გუშინ და წუხელ ვერაფერი წავიკითხე, სულ ვერ მოვემზადე. დღეს, თუ გინდა, არაფერს არ ავხსნი, სულ ვკითხავ, მაგრამ ადგება რომელიმე მოუსვენარი მოსწავლე და გკითხავს, ეს და ეს ადგილი სახარებიდან ამიხსენით და შენც მოვალე ხარ, აუხსნა... ასე არ იყო, ჩამაცივდნენ ერთხელ მოუმზადებელს და რა არ ვილაყბე, ოდესღაც პროფესორისაგან გაგონილიც მოვიგონე, სხვაც ზოგი აქეთ, ზოგი იქით, მაგრამ არ იქნა, ვერ დავაკმაყოფილე ცნობისმოყვარენი. სახეებზე ეტყობოდათ, რომ ბევრი ვერაფერი შთაბეჭდილება მოახდინა ჩემმა ახსნა-განმარტებამ“.

„დალოცვილები, თვითონ არაფერს ყურადღებას არ აქცევენ, სადარბაზოდ დაბრძანდებიან და შენ კი სწიე ქაპანი! — ფიქრობდა თავის მხრივ ბართლომე ივანიჩი. — მე საქმეს კეთილსინდისიერად ვასრულებ და მადლობის ნაცვლად მეუბნებიან, თუ უტყუარი საბუთი არა გაქვს, ხელს ნურავის დაადებო. უტყუარ საბუთს დამნაშავე მოსწავლეში სამს ვერ უპოვნი. აი, გუშინწინ საწოლ ოთახებში რომ გავიარე, ღამის ორ საათზე, სტვენა დამიწყეს. ნამდვილად საიდან უნდა მცოდნოდა ვინ უსტვენდა. მეც ავდექი და იმ ადგილიდან სამი, ოთხი ავარჩიე, ნაკლებ კეთილსინდისი და „კონდუიტიში“ ამოვავოფინე თავი. სხვა რა უნდა მექნა, უტყუარი საბუთი საიდან მომეტანა? არავინ ჩამეწერა? უკაცრაოდ, ჩემს აბუჩად აგლებას არავის ვაპატიებ!“.

V

სალამოს შვიდ საათზე ბართლომე ივანიჩმა მორიგეობა მეორე თანაშენწეს ჩააბარა და თვითონ მთავარ ქუჩისაკენ სასეირნოდ წავიდა. ღვთის წინაშე, მორიგეობის შემდეგ თავისუფალი გავლა-გამოვლა და სრულიად დამშვიდება ექირებოდა. დაღლილი იყო. საღილიც ხეირიანად ვერ ექამა.

მთავარი ქუჩა მოსეირნე ქალით და კაცით იყო გაჭედილი. ამინდიც ხელს უწყობდა: მარტის თბილი დარი იდგა. ახალი გაზაფხულის სუნი უკვე ტრიალებდა ჰაერში და ზამთრის სუსხისა გამო მიმქრალ-მინელებულ გულს კვლავ სასიყვარულოდ იწვევდა.

ბართლომე ივანიჩიც გაერია მოსეირნეთა შორის. ქვაფენილზე აქა-იქ ქალების კისკისიც მოისმოდა. ქალები, თითქო რაღაც დაუკარგავთო, აქეთ-იქით გაფაციცებით დარბოდნენ. მაგრამ ამ წუთში ივანიჩს ქალები არ აინტერესებდა. მიდიოდა ოღნავ თავჩაღუნული, რაც პატარაობიდანვე ჩვეულებად ჰქონდა გადაქცეული და თავას მომავალზე ჰფიქრობდა.

„საძაგელი ხელობაა, უხეირო სამსახურია, — ამბობდა გულში. — მთავრობას ასიამოვნებ, მოსწავლენი უნდა მოიმღებო, მოსწავლეებს ასიამოვნებ, მთავრობა დაგემღებურება. თვით ის მამა ინსპექტორი, რომელიც მე დღეს საყვედურს მეუბნებოდა, უსაბუთოდ ნურავის წავლებ ხელსაო, ერთი კვირა რომ ვინმე არ ჩაეწერო, უფრო მეტ საყვედურებს მომაცრის: ეგ რა ამბავია, ალბათ თვალყური კარგად არ გიდევნებია, თორემ როგორ დავიჯერებო, მთელი კვირა ოთხას კაცში არც ერთმა არაფერი დაამავაო. მოდი და ჰკითხე მაგათ სამართალი? მაგრამ უკაცრაოდ! ბართლომე ივანიჩი უსუსური ბავშვი არ არის, რომ არ იცოდეს რასა შერება ჩემი ინსტრუქცია. ინსპექტორზე ნაკლებ არ ვიცი. ინსპექტორი ან რექტორი ვითომ რა წითელი კოჭები არიან. მაგათაც აკადემია გაათავეს, მეც. ჩემი დისერტაცია, თუმცა მშრალ თემაზე იყო, მაგრამ ერთი კარგთაგანად იყო აღიარებული პროფესორი მილიტინისაგან. სამსახურში მტკიცედა ვარ, არავისი არ მეშინია, თუმცა ვიცი, რომ მოსწავლეებს არ ვუყვარვარ. ზოგი აშკარადაც მემტერება, რადგან ისინი ჩემი დასმენით სახელმწიფო ხარჯიდან დაითხოვეს. მაგათი ბრალია: შე ფილოსოფიის ბევრი არა მრწამს რა, ნაბძანებია, ასე, ასე უნდა მოიქცეო, მორჩა და გათავდა! თვით მამა რექტორმა გამოუცხადა ყველას: გაზეთების კითხვა აკრძალულიაო. მოკლეა

და გასაგები. ყველას უნდა გაეგონა. იმათ კი ათიოდე ნომერი გაზეთისა ერთად ვუბოვნე. აკრძალულია აგრეთვე საერო-სამეცნიერო ჟურნალების კითხვა, ხელოვს კი არხეინად გაეშალა შიგ საკლასო ოთახში დიდი ჟურნალი და ახალ ნასადილევს ტკბილეულის ნაცვლად შეექცეოდა. ზედ დავიჭირე, თვალის დახამხამება ვერ მოასწრო. რა საშინელი ცნობისმოყვარე ხალხია, ღმერთო? რისთვის ატეხენ თავს საერო ლიტერატურას? აბა სასულიერო რამე შეაძლიე, თუ ხელი მიაკარონ. შარშან რა მშვენიერი თხზულება გამოვიდა ჩემი ნარექტორალის ყოვლად სამღვდელო ისიდორესი. თხზულებაში ნათლად არის დამტკიცებული, რომ მოსემ მართლა გააპო ზღვა და მშრალად განიყვანა ისრაელი, რომ იქ ზღვის ტალღების არავითარ მოქცევასა და უკუქცევას ადგილი არა ჰქონდა. რამდენს მივაწოდე წასაკითხად, მაგრამ არც ერთმა არ წაიკითხა. აბა კარლ მარქსის ან ენგელსის თხზულება გვეჩვენებინა, ერთმანეთს ცხვირ-პირს ჩაამტკრევდნენ“.

ივანიჩი იმდენად გაერთო ფიქრებში, რომ ვერც კი შეამჩნია, თუ როგორ დაეტაკა ერთ მაღალ-მაღალ ჩასქელებულ კაცს.

კვარტალნი გამოერკვა. მიიხედ-მოიხედა. კარგა მანძილი გაეწლო. უკან გამობრუნდა და მაღაზიების გაყოლება გაიარა.

ცხრა საათს კარგა გადაცილებული იყო, როცა ბართლომე ივანიჩი სემინარიის შენობას მიუახლოვდა. მიდიოდა ნელა, თან რაღაც სიმღერას ლილინებდა ჩუმად. პალტოს ღილზე მოწითალო ქალალში გახვეული რაღაც ნავაჭრი ეკიდა.

„ეხ! მოდი ერთი ბერად აღვიკვეცები, — გაიფიქრა ივანიჩმა. — მაშინ ხომ ამდენი ლოდინი არ დამჭირდება. ადვილად შესაძლებელია პირდაპირ ინსპექტორობა მომცენ სადმე. არ გაივლის სამი-ოთხი წელიწადი, რექტორი ვიქნები, სამი-ოთხი კიდეც და ეპისკოპოსი. ჩემი ნაამხანაგარი ბარემ ორი მეგულება რექტორი. ერთს საცაა ეპისკოპოსობას მისცემენ და რომ შემხვდეს, ხელზე უნდა ვემთხვიო. ერთად კი ბევრი გვიქეიფნია... მოდი ერთი მართლა ბერად შევალ!“

ამ დროს იქვე მახლობლად ქვაფენილზე ვიღაც მაღალი, ახოვანი ქალი შეამჩნია. ქალი თავმომწონედ მიდიოდა. კაბის ბოლო კოხტად ეჭირა ხელში, რომ მისი ჩამრგვალებული ტანი უფრო ნათლად და მიმზიდველად გამოჩენილიყო. ქალს გვერდზე კოხტადვე გამოწყობილი პატარა ტანის კაცი მისდევდა.

ივანიჩი შეჩერდა, ერთ ხანს უყურა და მერე ისევ სემინარიისაკენ განაგრძო გზა.

VI

მინ რომ მივიდა, აღუღებელი სამოვარი დახვდა. მოსამსახურე ბიჭი დაითხოვა, შეხვეული ქაღალდი გახსნა, შიგ შემწვარი გოქია ნაპერი აღმოჩნდა. გოქის ხორცი დასკრა, თეფშზე დაალაგა, ერთი ბოთლი ღვინო საადანლაც გამოაძრო, მოსძებნა ყველი, კარაქი და მადიანად შეექცა.

„შევიდე ბერად? — მოდიოდა ფიქრი. — არა. დაიღუპოს მაგათი სახსენებელი! ერთი მხრივ შართლა კარგია, მაგრამ მეორე მხრით არ მომწონს. სჯობია ცოლი შევიერთო. — ცოლის გახსენებაზე ქუჩაში ნანახი ახოვანი ქალი მოაგონდა. — იმ ქონდრის კაცს ისეთი ზორბა ქალი თუ აეკვიატა, მე ვითომ რა იმაზე ნაკლები ვარ? უმადლესი სწავლა მიძილია. მზითვესაც კარგს ავიღებ... არა, ბერობა არ მინდა. ღმერთმა განუხვევინოს ბერებს!“ — წარმოთქვა ივანიჩმა, გაიღიმა და მეოთხე კიქა ღვინო გადაჰკრა.

„ეს ღვინო კი მშვენიერებაა სწორედ აქ. პირველად რომ დავლიე, ძლიერ მეწწარა, შემეზიზნა კიდევ, მაგრამ ახლა უამისოდ ვეღარ ვძლებ... ეპისკოპოსობა დიდი პატივია... დაუქნე ხელი და „ის პოლა“-ს იგალობებენ. შენც აკურთხე, შრეში არ დაგეხარჯენა და ნიშადური... გუბერნატორიც მოწიწებით მოვა და ხელზე გემთხვევა. ახლა კი, ნათლისღება დღეს უბრალო პოლიციელმა, წყალკურთხევის ამბავს რომ ვუყურებდი, კინალამ ზურგი ამიჭრელა... არა... დაიკარგოს. ახლა სასულიერო უწყების მოხელეთაც აქვთ უფლება ფორმის ტანისამოსის ჩაცმისა, სტატსკი სოვეტნიკის დილებს რომ გავიკეთებ, უბრალო პოლიციელი კი არა, პოლიცმეისტერიც პატივით მომეპყრობა. არა, ჯობია ცოლი შევიერთო. ურა... გაუმარჯოს ახოვან ქალებს!“ გასაგონად წამოიბახა კვარტალნიკ და კვლავ გადაჰკრა კიქა ღვინო.

ბართლომე ივანიჩმა გოქის შემწვარ კანს დაავლო ჩანგალი და პირში ჩაიდო. „უჰ! უჰ! რა გემრიელია კანი. ან რა სუფთად და კარგად არის გაკეთებული: ცოტა ძვირი კია, ნახევარ გირვანქაში აბაზი მივეცი“, — ფიქრობდა ივანიჩი და სიამოვნებით ახრამუნებდა.

კიქა ისევ გაავსო. უნდოდა ამ სასიამოვნო გუნებაზე რამე კაი სადღეგრძელო დაეღია და თითქმის კიქასაც ხელი წაავლო, რომ ვიღაც საჩქაროდ შემოიღწრა ოთახში.

— ბართლომე ივანიჩ, ბართლომე ივანიჩ, შინა ხართ? მოვძებნე, მოვძებნე წესდებაში საჭირო მუხლი! აი, ორმოცდამესამე! — იძახდა მამა ინსპექტორი და გაშლილ წიგნაკზე უთითებდა.

— ვ...ვ! — რალაც გაუგებარი წამოიძახა ბართლომე ივანიჩმა, ზეზე წამოიჭრა და ყურებამდე გაწითლებულმა გეპრიელად დაღეკილი ლუკმა უგემურად გადაყლაპა.





მ რ თ გ უ ღ ი

I

გათენება მოახლოებულ იყო. აღმოსავლეთის მხრით ცის კიდეც ოდნავ მოწითალო ფერი გადაჰკროდა. ქალაქ იერუსალიმის განაპირა უბნის ერთ-ერთ ვიწრო და მიხვეულ-მოხვეულ ქუჩაში ჯერ ჰაჰანება არ იყო. პასეჟის დღესასწაულისა გამო ლამენაქეიფარ ხალხს, ეტყობოდა, ტკბილად ეძინა. მოღრუბლული ცა საწვიმრად ემზადებოდა. ქალაქს რაღაც რუხი, უსიამოვნო ფერი გადასცემდა და გარეთუბნის დაბალი მიზნეჟილ-მოზნეჟილი, მიწური ქოხები ამ ულაზათო დილას ერთიორად უფრო საცოდავად და გულსაკლავად გამოიყურებოდა.

ქუჩის ბოლოს ხმაურობა მოისმა. ხუთიოდ თხა წინ გაერეკა ვიღაც მწყემსს და ქალაქგარეთ საძოვრისაკენ მიეჩქარებოდა. მწყემსი ფეხშიშველი იყო, კინკის ნაგლეჯით თავი შეეხვია და ერთმანეთს მიკონკილი ქეჩის ნაგლეჯები ტიტველ მუხლებამდე ძლივს წვდებოდა. ეტყობოდა, იმასაც რგებოდა თავის ბატონისაგან, დღესასწაულისა გამო, ერთი-ორი ჯამი წითელი ღვინო. ამაყად თავი აეღო, კომბალი მხარზე გაეღო და ნელ-ნელა მილიღინებდა.

ერთ-ერთ მოსახვევში თხები ცოტად დაფრთხნენ, მათ წინ ვიღაც შეეჩხა.

— მანდ ვინ არის? — დაიძახა მწყემსმა, კომბალი მოიმარჯვა და ცალი ხელი შუბლზე ჩამოიფარა, რომ ბურუსში უფრო კარგად გაერჩია და დაკვირვებით წინ გაიხედა.

მისგან რამდენიმე ნაბიჯის მანძილზე ვიღაც ახოვანი, მკერდ-ჩამრგვალებული, ჩადრწამოსხმული ქალი იდგა.

— უფალი შენთანა, ძეო ისრაელისაო, — დაღონებულად მიესალმა ქალი და მიწურის კედელს მიეკრა, რომ თხებისთვის გზა მიეცა.

— მე კი ვერ გიცანი, ასულო სიონისა, — მიუგო მწყემსმა, კომ-

ბაღს დაეყრდნო და ქალის წინ გაჩერდა. ტანში რაღაცა მჭარულმა ქრუსანტელმა გაუჩინა.

— არც საკვირველია, რომ არა მცნობდე: მე თქვენი უბნელი არა ვარ. არც იერუსალიმელი ვარ.

— ლაპარაკშივე შეგატყე, გალილეველი უნდა იყო, — ნელი ლიმილით გააწყვეტინა მწყემსმა, — ასე დილა ადრიან საით, სადაო? — ცოტა არ იყოს შეღიზინებული კილოთი უთხრა მწყემსმა.

ქალმა მწარედ ამოიოხრა. ეტყობოდა, მის გულში რაღაც ცეცხლი ტრიალებდა და სახუმაროდ არ ეცალა.

— აგრემც შეგეწევა იელოვა, ზმერთი ისრაელისა, კეთილო ადამიანო, მითხარ, ხომ აქვე ახლოა ელკანა ქვრივის ქოხი. — შეეხვეწა ქალი.

— ბებია დედაკაცისა? ზემო ტუჩსა და ცხვირს შუა დიდი ხალი რომ აქვს, იმისა? ამ ქუჩას დაყევი, რე რომ გაიარო, მარცხნივ აუხვიე. პირველი ქოხი ელკანა ქვრივისაა, — მიუგო მწყემსმა, ერთიც აათვალიერ-ჩაათვალიერა შეთქვირებული ქალი და თავის თხებს დაედევნა.

ქალმა რე გაიარა, მარცხნივ მოუხვია და ერთი დაბალი მიწურის კარები დააკაკუნა.

ქოხის შიგნით სამარისებური სიჩუმე იყო. ქალმა ხელმეორედ დააკაკუნა და სმენად გადიქცა. გულმა ცემას მოუხშირა. ქოხის შიგნით ვიღაცა მძიმედ წამოდგა და კარებისკენ გამოეშურა.

— მანდ ვინ არის? — მოისმა სახლას შიგნიდან მოხუცი დედაკაცის ხმა.

— მშვილობა შენთანა! ელკანა ქვრივი აქა ცხოვრობს? — მიუგო ახალმოსულმა.

ქალის ხმაზე მოხუცმა კარები გააღო და უცნობი შიგ შეიპატოცა.

— რა გაგკირვებია, მშენიერო ასულო? — თანაგრძნობით ეკრთებოდა მოხუცი ელკანა და თან კერაზე ნალვერდალს ჩხრეკდა, რომ ცეცხლი გაეჩალებინა. ელკანას ახალმოსული ორსული ეგონა.

— მსსნელიმცა იყოს შენი უფალი ყოველი გაკირვებისაგან, — თავშაბლად მიუგო ქალმა. — მითხარ ღვთის გულისთვის, შიმონ გალილეველი აქ ხომ არ არის?

— ღმერთო ჩემო! სიზმარში ხომ არა ვარ, ვისი ხმა მესმის, მარჩიამ, შენა ხარ? — მოისმა სახლის ერთ-ერთ ბნელი კუთხიდან მამაკაცის ხმა.

— მე ვარ, შიმონ, — ძლივს წარმოთქვა ახალმოსულმა და მწარედ აქვითინდა.

მოხეცმა ელკანამ კერას საჩქაროდ ფიჩხი დააყარა და ცეცხლი ვააჩალა, რომ სახლში სინათლე ყოფილიყო. მტირალ ქალს მიუალერსა და ტახტზე მიიპატიუა. შიმონ წამოიჭრა, ხალენი მხარზე გადაიგდო და გარეტიანებულებით შუა დარბაზში იღგა. ღრმად შეწუხებულს თვალები აცრემლებული ჰქონდა. პირველად ისევ მარიამი გამოერკვა, ჩადრის კალთით თვალები მოიწმინდა, ტანში ვასწორდა და საყვედურის კილოთი შიმონს მიმართა:

— შიმონ! ხომ იცი ყოვლისფერი, რაც მოხდა?

— მითხრეს, შევიტყვე, მოგიკვდეს შენი შიმონ, ვაიმე რაბი! — დაიღრიალა შიმონმა.

მარიამმა ცოტა დააცადა და მტკიცე კილოთი განაგრძო:

— მე კი ჩემი თვალთ ვნახე ყველაფერი. ვერ წარმოვიდგენდი, რომ ამ ზომამდე სულმდაბალი და დაცემული იყო ჩვენი ერა. ვერ ვიფიქრებდი, ამ ზომამდე მხდალი და ლაჩარი იყო ის ერი, რომელმაც ეგვიპტელთა და ბაბილონელთა მონობას თავი დააღწია. განა, სხვას ვისმე რომ ეთქვა, დავიჭრებდი, რომ იმ ზომამდე გარყვნილნი და უსამართლონი იყვნენ ის მწიგნობარნი და მთავარნი ერისანი, რომელთ ხელთ უპყრიათ სჯული მოშესი, ნაანდერძევი თვით პირისაგან ღვთისა იაკობისა? მორჩა და გათავდა. აღარ სუფევს ერი ისრაელისა. მთავარნი ერისანი, საუკეთესო მამული-შვილნი, მოძღვრის, რაბი იიშუს მტრობით დაბრმავებულნი, საჯაროდ ყვიროდნენ პილატეს წინ: „გაუმარჯოს კეისარს“, „არა გვივის ჩვენ მთავარი. გარნა კეისარიო“. ანას ყვიროდნენ ისინი, ვნსაც თავის თავი აბრაამის ძედ მიიჩნია და ცათა სასუფეველს ეტრფის. იელოვა. ცის და ქვეყნის გამჩენი ღმერთი, განა მარმარილოს ქანდაკების თაყვანისმცემელ კეისარზე დახურდავდა? შურმან და მტრობამ ერთი კაცისადმი ამ ზომამდე როგორ უნდა დაამციროს განსწავლულნი ერის უფალნი? ან მითხარ, სადაა ის ხალხი, რომელიც ოსანას გალობდა და ბაიასა და დანაკის კუდს უფენდა კიცხსა ზედა მკდომარე რაბი იიშუს? სად იყო ის ხალხი, რატომ არ გამოესარჩლა მოძღვარს, როცა იგი ცემულ-გვემული ჭვარზე ჩამოსაკიდებლად მიჰყავდათ უსჯულოთ?!

— მოგიკვდეს შენი შიმონ. — ტირილით ამბობდა შიმონი და მკერდზე ხელს იცემდა. — მითხარ, დამ მარიამ, პირდაპირ მითხარ: შიმონ, შენ სად იყავი-თქო... აი აქ ვეგდე, დამ... მას აქეთაა, მზის სინათლე არ მინახავს... სულ აქ ვეგდე. მითხარ. ნუ მერიდები. შენ რად უარჰყავ, რატომ იმასთან ჭვარზე არ ჩამოეკიდე-თქო... შიმონმა თავი ვერ შეიშავრა და იქვე ჩაიკეცა.

— მე რაღა უნდა გითხრა, აკი შენ თვითონ იძახი. ალტაცება წუთიერი იცი, შიმონ, მაგრამ ხასიათის სიმტკიცე გაკლია... კმარა, მე შენი სამხილებლად არ მოვსულვარ, — რბილად გააგრძელა მარიაშმა, — გამოძეე, შიმონ. უკანასკნელი პატივა მაინც ვსცეთ მოძღვარს, ნელსაცხებელით შევმუროთ მისი გვაში. მე ვიცი ადგილი, სადაც დასდევს იგი. იოსებ არიმათიელის წალკოტშია და მარტო იქ ჩემი მისვლა უხერხულია. წამო, გავეჩქაროთ, სანამ ხალხსა ძინავს. ბითსაგიიდან წამოვსულვარ, იცოდე, მარტოდმარტო, შენა აქ ყოფნა ლუკა მკედლისას შევიტყე, წამო, დაგვიანდება.

შიმონ საჩქაროდ ფეხზე წამოიქრა.

— წავიდეთ, მარიამ, თუნდაც მომკლან, თავს არ დავზოგავ, — ათრთოლებით ამბობდა შიმონ, — მაგრამ ნელსაცხებელი სად უნდა ვიშოვნოთ.

— მე უკვე მზათა მაქვს, — მიუგო მარიამმა და ჩაღრ ქვეშიდან რაღაც მრგვალი ნივთი უჩვენა.

II

ორივენი ქუჩაში გამოვიდნენ. თითქმის გათენებულიყო. ოღნაე საგრძნობელი ცვარი მოდიოდა. შიმონ და მარიამ ფეხაკრეფით მიდიოდნენ.

— სჯობია კაიაფას სასახლისკენ მოვქრათ გზა, ვიწრო ქუჩით შეუხვიოთ და რამდენიმე წუთის შემდეგ იოსების მტილის კარებთან ვიქნებით. — თქვა მარიამმა. შიმონს სახეზე აღშფოთება დაეტყო.

— კაიაფას სასახლისაკენ რა გვინდა, ნეტავ ახლა ცეცხლი წაუციდა, — უკმაყოფილოდ მიუგო შიმონმა, — სულ ერთი არ არის, გზას აქედანაც მოვქრით, ბაზრის ქუჩით რომ ჩავუხვიოთ.

— ბაზრის ქუჩა იერიქოს გზაზე გაგვიყვანს, და მოვქრით კი არა, გზას გავიორკეცებთ!

შიმონი დაყაბულდა.

ვიწრო ქუჩა გაიარეს. აი აგერ კაიაფას სასახლე თლილი ქვით ნაშენი. გარს გალავანი არტყია. სასახლის ირგვლივ მშვენიერი წალკოტია გაშენებული. იქაური ხილის და განსაკუთრებით ლეღვის ქებას დამასკოშიაც გაიგონებ. სასახლის შიგნით და გარეთ სიჩუმეა, არაფერა ჩანს. წუხელ დღესასწაულისა გამო დიდი წვეულება ჰქონდა წმინდა მღვდელმთავარს. ამბობდნენ, მთელი სინედრიონი პიიპატიუაო. მაგრამ დღესასწაული იმდენად არ ახარებდა, რამდენად რაბი იიშუს დამარცხება. აუსრულდათ ფარისეველ-ჰაზარებ-

რებს გულის წადილი. რაბი იიშუ ჯვარს აცევს. სწორედ რომ დიდი სიხარული მართებთ. ამიერიდან მათ უკანონო მოქმედებას არავინ არ ამხილებს. თავისუფლად შეეძლებათ ცხვარივით კრიკონ შეუგნებელი და გულუბრყვილო ხალხი. იქნება ჯერ კიდევ არ გაუთავებიათ ნადიმი და ძვირფასი ხალებით მორთულ, ცხრაკლიტულ დარბაზში წითელი ღვინით სავსე ყანწს ყანწზე სკლიან და რაბი იიშუზე გამარჯვებას ერთმანეთს ულოცავენ.

სასახლის კარი გაიარეს და ზემო ქუჩას აყვნენ. შორიდან უკვე მოჩანდა არიმათიელის ბაღის დიდრონი ხეები.

უცბად რაღაც ხმაურობა მოესმათ. ქუჩის ერთ-ერთ მოსახვევიდან რომაელთა ცხენოსანი რაზმი გამოვიდა. ოციოდე მხედარი იქნებოდა. წინ ასისთავი მოუძლოდა. ყველანი გრძელტარიანი შუბებით იყვნენ შეიარაღებულნი.

მათ დანახვაზე შიმონი შეკრთა და უკან მოიხედა. უკან კაიაფას სასახლე იყო, წინ რომაელთა რაზმი.

— ამ ბილიკში რომ შევეუხვიოთ, ერთიორად უფრო ადრე მივალთ, — ხელი გაიშვირა შიმონმა ერთი სახლის გვერდით მიმავალ საცალფეხო გზისკენ.

— იქით რა გვინდა, გზა პირდაპირ გვიძევს, — მიუგო მარიამმა და შიმონს შეაჩერდა.

უკანასკნელი გაფითრებული იყო.

— შიმონ, რა მოგივიდა? რომაელების ხომ არ გერიდება, მე მგონია, არას დაგვიშაებენ. შენ ხომ არ გიცნობენ?

— სიფრთხილეს მაინც თავი არ სტკივა. რომ გამაჩერონ, ვინაობა მკითხონ, ასე დილაადრიან სად მიხვალო, რომ მკითხონ? — ამბობდა შიმონ და თან თავშესაფარ ბილიკისკენ მიიწევდა.

— ნუ, შიმონ, — ამაგრებდა ქალი. — მე ერთი უმწურო, მაგალეღმა დედაკაცმა შუალაქე ქალაქში შემოსვლა გავბედე და შენ კი დღისით შუა ქალაქში შიმობ?

— არა, არ ვშიშობ, ამ მხრივ გავიაროთ სჯობია.

— შიმონ, ხომ იცი სად მივდივართ...

— მივალ, მივალ, უსათუოდ მივალ, ნახავ თუ არ მივიდე, — ამბობდა შიმონ და ბილიკზე თითქმის გარბოდა.

ამასობაში რაზმიც მოახლოვდა. ლამაზი ქალის დანახვაზე ასისთავმა უნაგირზე გაიწ-გამოიწია და შუბის ტარი ხელში კოხტად შეატრიალა.

— კარგი ქალი არ არის? — უთხრა ერთმა მხედარმა მეორეს.

— მართალი უნდა თქვას კაცმა, ამ ისრაელებში ბევრა ურევია ლამაზი.

— ფო, ფო, რა კარგია! — ამბობდა მესამე, — კეისრის სასახლესაც დაამშვენებდა.

— კეისრის სასახლეს ქარცეცხლი, ნეტავ ორი-სამი ამგვარიტ ჩემი სახლი დაამშვენა, — წასჩურჩულა ამხანაგმა.

მარამი კედლის პირას გაჩერდა, თავი ძირს დახარა და რაზმის გავლას მოთმინებით ელოდა. რაზმმა რომ გაიარა, გაბრაზებული თვალები მიმოავლო ოღროზოღრო ქუჩას, აჩქარებით გზა გააგრძელა.

— ნამაკაცები? ლაჩრები, გარყვნილები, უპირონი, გაუტანელნი, — ბუტბუტებდა ქალი და ფეხაკრეფით მიდიოდა.

„რომაელები ხომ დაუნდობელნი არიან, მაგრამ არც ჩვენები ჩამოუვარდებიან. უსირცხვილო იუდამ ხომ რომაელს კი არა, ეთიოპელსაც გადააქარბა. ჩემი ჯავრი მოძღვარზე იყარა. მე რომ ვერ დამიმორჩილა, მოძღვარი გაყიდა. მე მაშინვე ვიცანი, რაც შვილი ბრძანდებოდა და პირველ დღიდანვე თავი შორს დავიჭირე, ყოველმა ცდამ ამოდ ჩაუარა. სხვებიც შემომიჩინა. მაგრამ ვერც ამით მოაგვარა რა. უგუნურები, მათ დედაკაცი ძროხა ჰკონიათ. მათ ვერ შეუგნიათ, თუ რა არის ქალის გული, წმინდა სიყვარულით აღვზნებული. მათ ატყუებდათ ჩემი წარსული, მართალია, ცნობილი და გზაკვალ აბნეული, მაგრამ რაბი იიშუს მოძღვრებამ გაანათლა ჩემი გული, მე უარყვავ ძველი გზა, ერთხელ და სამუდამოდ დავივიწყე იგი და დავადექ ახალ ცხოვრებას. ახალმა სიყვარულმა, სპეტაკმა, ვით შემოდგომის თოვლმა, დაბუდა ჩემ გულში; გაღვივდა იგი და ვერ წაშლის მას ვერავითარი ძალა უკუნითი უკუნისამდე“.

ქალი არიმათიელის წალკოტის კარებს მიუახლოვდა.

— მოძღვარო, ძვირფასო მოძღვარო. — მწუხარებით წარმოთქვა ნან და თვალებიდან ცრემლი დაპაღუბით წამოუვიდა. — ნუთუ მარტო მე მოვდივარ, შემურვად გვამისა შენისა? მარტო მე, მე ცოლეილი და თითით საჩვენებელი. სადღა არიან ტომნი და ნათესავნი შენნი; სადა არს იაკობ, სადა არს იოანე?.. შიშმან ურიათა-მან შეიპყრო იგინი? მოძღვარო, ვიცი, სიპართლისათვის არ გამიჩავრდები. ვისაც შენ კლდე უწოდე, მეტად რბილი გამოდგა. უმწეო დედაკაცი მარტოდმარტო ქუჩაში დამტოვა და შორიდან მოპაველი რომაელთა შიშით, განზე გაიქცა. რომაელთ რას სჯით ურიათ შორის უთანხმოება, მათ პირაქით უხარიათ ძლიერ, რომ არ არის ჩვენ შორის ერთობა და სიყვარული, რადგან მაშინ უფრო ადვი-

ლად შთანთქავენ გალილუასაც და იერუსალიმსაც... კეთა გაიქცა, მე მარტო დამტოვა.

მოძღვარო, ნუთუ მეტად არ ვისმინო იგავნი შენნი, არა დავბანო ფერხნი შენნი და არა წარვხოცო თმითა ჩემითა? მოძღვარო, ხომ კარგად იცი, რა თვალთ მიყურებდნენ, რა ბოროტი ღიმი გადურბენდათ ხოლმე ბაგეზე, როცა მხედავდნენ ფერხთა შენთა ქვეშე მჯდომარეს და გულმოდგინედ მსმენელს, როცა შენ მოძღვრებდი. მე მაშინ არ ვშიშობდი, არავისი არ მერიდებოდა, რადგან გრძნობა ჩემი იყო სპეტაკი, სიყვარული წმინდა. მე ახლაც თამამად მივდივარ, ვეამბორო გვამსა შენსა, მხოლოდ ვინ გადამიგოროს ლოდი იგი, რომლითაც დაფარეს საფლავი შენი.

ქალი საფლავს უახლოვდებოდა, თანდათან უფრო მწარედ ტიროდა. ცრემლისაგან თვალარეული თითქმის უგზო-უკვლოდ მიდიოდა. ხან ბუჩქნარს მოედებოდა, ხან ხეს დაეტაკებოდა.

„მოძღვარო, ჩემო სასოებაე, გამაგონე შენი ხმა, — მოთქვანდა ქალი, — არცხვინე მხდალთა, ბოროტთ ენა დაუხშე, ამახილე ცრუთა და ამაპარტავეანთა, ანუგეშე მხევალი შენი ეგზომ შენზე მსასოებელი და შენი მოყვარული“.

აგერ, აი იმ მაღალი ნუშის პირდაპირ გამოქვაბული, სადაც გუშინ საღამოთი დაასაფლავეს გვამი რაბი იიშუსი. მარიამი ძლიერ კარგად ხედავდა, რომ გამოქვაბულის კარებში დიდი ლოდი შიადევს. ახლა კი გამოქვაბული პირლია იყო. ვეებერთელა ლოდი განზე ეგდო. ქალი შეჩერდა. ტანთ გააყრეოლა, ფეხის გადადგმას ვერ ახერხებდა. ეს ვინ არის მისკენ მომავალი? „სემატილე იქნება“, — გაუელვა თავში.

მისკენ, მართლა, ვილაც მოდიოდა.

— კეთილო ადა...მია...ნო, — კბილის კბილზე ცეპით, ძლივს წარმოთქვა ქალმა. — მით...ხარ... სადა...და...ს...დევს?... — ქალი შეკრთა, ფერა ეცვალა, მთელი ტანი აუეანკალდა, მის წინ მდგომს სახეს გაშტერებით ჩააცქერდა.

— მოძღვარო! — დაიცივლა, ხელები გაშალა და გულშემოყრილი მდელაზე დაეცა.





ს ა მ ჭ ე დ ღ ო შ ი

I

ქალაქ ბეთსამისის ახლო, პატარა დელეს პირად, ოსტატს სალა-თიელს სამჭედლო ჰქონდა გამართული. ალიონიდანვე გააჩალა მან ცეცხლი ქურაში და თავის მძიმე, მაგრამ ძლიერ საჭირო და სასარგებლო შრომას შეუდგა. ბეთსამისის ახლომანლო სოფლებისა და დაბების მცხოვრებლები, ვისაც რამე რკინეული გასაკეთებელი ჰქონდა, უმეტესობა მასთან მოდიოდა. მჭედლები განა სხვები არ იყვნენ, მაგრამ ოსტატობაში სალათიელს ვერ შეედრებოდნენ. სალათიელის გაკეთებული ნაჯახი ტვიროსშიაც იხსენიებოდა. სამუშაო მართლაც ძალიან ბევრი ჰქონდა. თვითონ სალათიელი და ორი მისი ვაჟი, მათანი და იობედი გარიჟრაჟიდან მიმწუხრამდე გამუდმებით სცემდენ ჩაქუჩს გახურებულ რკინას და საქმეს მაინც ვერ აუდიოდენ.

ოსტატი სალათიელი ხასიათით იყო თავმდაბალი, შესახედავად უმნო, ტანად დაბალი და ხმელ-ხმელი, მაგრამ კვეიან კაცად და სჯულის წიგნებში განსწავლულად ითვლებოდა. ცოლი ჰყავდა: ახოვანი და ძალიან ლამაზი ქალი სალომე, ნაგე მექუტრქლის ასუ-ლი, ნაზარეთიდან, შვილები ღედას ჰგავდნენ: მალალნი, წარმოსა-დეგნი. უფროსი მათანი ოცდარვა წლისა იქნებოდა. შვეწვერა, თმახუქუქა, უმცროსი, იობედი კი მეცხრამეტეში იყო, სიმაღლით და ძალ-ღონით ძმას თითქმის ჯობნიდა. საულვაშე ახლად ემწვანე-ბოდა.

— დაჰკათ, დაჰკათ, ბიჭებო. — გადასძახა შვილებს ოსტატმა სალათიელმა, მაგრამ რა მამის წაქეზება უნდოდათ; ორი ლომივით ბიჭი მარჯვედ უშენდა ვეებერთელა ჩაქუჩს გახურებულ რკინას.

ოსტატს კი მარწუხით რკინა ეკირა და პატარა ჩაქუჩით საქმეს მი-
შართულებას აძლევდა, მძლავრად მოქნეულ ჩაქუჩითა დაგადუგისა-
გან სამკედლოს კედლებს ზანზარი გაჰქონდა.

— პურის ქამად არ დაეჯდები, სანამ ხუთივე ნიჩაბს არ გამოვ-
ქედავ, — არ ცხრებოდა ოსტატი. — ჩემმა ცოლისძმამ და თქვენმა
ბიძამ მელქამ შემიკვეთა. ბეთსადაში ადგილი შეუძენია და ვენახი
დაუსხამს. უსათუოდ ამ დღეებში უნდა გავუგზავნო ნიჩბები.
წიგნსა მწერს, გვეპატიება. წრეულს არ გვაქვს იმისი თავი, შვი-
ლებო, და გაისად, თუ ღმერთმა მშვიდობა ქმნა, ვეწვიოთ, ტკბილი
ბაჭრით და ქიშმიშა ყურძნით გული გავიხაროთ. ისე ჰო, ისე ჰო,
მაგრა, მაგრა, ოჰო... ეყოფა.

— დაუცხრომელი მუშა ხარ, მამა, — სიცილით შენიშნა იო-
ბედმა, როცა კაი ხნის განუწყვეტელ რაკუნ-ხაკუნისაგან ცოტათი
შეისვენეს.

— ახლა გაიგე, ბიჭო; მამიჩვენის ხასიათი, — მიუგო მათანმა, —
მამას საქმელი არც ეგემება, თუ დაწყებული საქმე ცოტად მაინც
არ შეაკეთ-შეალამაზა. სამი სანიჩბე შემოკალაპოტებულია, ორიღა
დაგვრჩა, ჯერ დრო ბევრია, მოვასწრებთ.

— მე მეშინია, ჩამოყალიბებას არ დასჯერდეს და გასალესადაც
არ წაგვაკეციოს ხელები, მაშინ ვახშამი და სადილი ერთად გვექ-
ნება...

— ტყუილად არ ამბობენ: სალათიელი მკედელი და იოსები
ღურგალიო; მათ გაქედნილ-განათალსა მალღით მალღს ფენს უფა-
ლიო, — მზიარულად შემოილაპარაკა ვილაც ქოსა, წითურმა კაცმა
და კარებში გაჩერდა.

— ო...ო, ჩვენს შლომოს, ჩვენს მომღერალს, ჩვენს გამამხიარუ-
ლობილს, — შესძახეს მათანმა და იობედმა. — შლომო, შიგ შემო-
ბრძანდი.

— მბრძანებელი ნუ მოგიშალოთ, შვილო, ღმერთმა, — დინჯად
წარმოთქვა ახალმოსულმა და ისეთი დაღმეჭილი სახე მიიღო, რომ
მულამ დინჯ და დაფიქრებულ ოსტატ სალათიელსაც გაეცინა.

— მბრძანებელი ბევრი გეყავს, შენ სხვა გვითხარი თორემ,
ჩემო შლომო, — ამოოხვრით უთხრა სალათიელმა.

— ამ ჩემს მარჯვენას და იმ შენ ბრუნდეს გამასწორებელს და
ჩლუნგის გამაალმასებელ ჩაქუჩს გეფიცები, ოსტატო, მე მბრძანე-
ბელი არავინა მყავდეს, რომ არა მაბადია რა, ვინ უნდა მიბრძანოს?

— განა ქონებაა მბრძანებელი?

— მაშ არქელაოს იროდის ძე, ან კეისარი გეგონა? შენი მბრძან-

ნებელი, ოსტატო, ეს შენი სამკედლოა, შენი აგარაკია, შენი ოჯახია. იციან, რომ მათ ვერსად წაუხვალ და ამიტომ აქეთ-იქით გწევენ ხან ლევიტელნი, ხან მეფის მოხელენი. შლომოს კი არა აბადია რა და სიტყვასაც ვერავენ ეუბნება. აბა მკადროს ვინმემ! დღეს აქა ვარ, ხვალ იქა ვარ. მაგრამ, ოსტატო, ამას თავი დავანებოთ, ხუთი წელიწადი შესრულდა, რაც შენი გაქედილი დანა მქონდა, გუშინწინ, დავილუბე კაცი, იორდანეს პირას დავკარგე, გამიქედე. ოსტატო, თავს შემოგველე. ახალი დანა გამიქედე, და თუ შლომო ვარ, აი ახლა ზღვისკენ მივდივარ და ერთ კაი მოზრდილ კობრს მოვიტან. ხომ იცი, თევზის ქერაში გალილეელი ზებედე ვერ შემედრება. გამიქედავ?

— გაგიქედავ, — მიუგო სალათიელმა.

— მაშ ნახვამდის.

— ე... სად მიეჩქარები! — დაიძახეს ძმებმა. — ჯერ რამე გვიამბე.

— თევზს მოვიტან, დანა დამახვედრეთ, მაშინ ვილაპარაკოთ! — მოსძახა სამკედლოს უკვე მოშორებულმა შლომომ.

— აი უღარდელი კაცი, — თქვა მათანმა.

— და ბედნიერი. თუ გინდა, — დაუმატა სალათიელმა.

II

— ადე, ბიჭო, დაბერე საბერველი, — თავი დაუქნია სალათიელმა იობედს, — გვეყოფა დასვენება.

— შლომოს დანას მე გამოვქედავ, — თქვა იობედმა და საბერველს მიატანა.

— დაუბერე, დაუბერე, თუგინდ ხუთიც სხვა გამოქედე, — უთხრა მამამ, სანიჩბედ მიჩნეული რკინის შანთს მარწუხი მოუჭირა, ქურაში ჩასდო და ზედ ნახშირი დააყარა.

ნელ-ნელა სწევდა საბერველის ტარს იობედი. მიმქრალი ქურა აშიშინდა. ნაპერწკალი ნაპერწკალს მოსდევდა და ტკაცუნტკაცუნით ზევით ადიოდა, ჩქარა ალიც ავარდა; ფუ, ფუ, ფუ, ფუუ... ფუუ... ფუუფუთებდა საბერველი და სქელი ალი თანდათან მაღლა. მაღლა იწევდა. შანთი რკინა ჯერ გაწითლდა, შემდეგ მეტისმეტი სიმხურვალისაგან მოთეთრო ფერი გადაედო და აქეთ-იქით მამხალეზივით ნაპერწკლებს ისროდა. ოსტატმა ზედ ქვიშაც დააყარა, რომ რკინას ცეცხლი უფრო მხურვალედ მოსდებოდა. რკინა

შერბილდა, მოელვარე ნაპერწკალი უანგარიშოდ სცვიოდა. ზოგი თითქმის სამკედლოს კარებამდე უწევდა.

— ჰე! — დაიძახა ოსტატმა, მარწუხს ხელი მოავლო და შეთეთრებული რკინა ვრდემლზე დაანარცხა. მათანმა დიდი ჩაქუჩი მოიმარჯვა და შანთს დაუშინა. იობედმა საბერველს ხელი უშვა, თავის ჩაქუჩის ტარს მოავლო ხელი და გრდემლისაკენ გაეშურა. ალბათ, ტარს მაგრა ვერ ჩაებლუჯა, რკინის სიმძიმემ სძლია და ჩაქუჩი ხელიდან გაუვარდა, ცოტას დააკლდა, ფეხში არ მოიხვედრა.

— ჰოპ! ვილაც მოეჩქარება! — წამოიძახა მან, ორივე ხელი საჩქაროდ ჩაქუჩის დაავლო, ძმის პირდაპირ დადგა და იმანაც გახურებულ შანთს დაუშინა.

დი, დი, დი, დი, დი! გაისმა ერთგვარი თავისებური ხმაურობა, ძლიერ ხშირი და ჩვეულებრივი სალათიელის სამკედლოში.

— კურთხევა უფლისა თქვენზედა, — შემოილაპარაკა ვილამაც.

— ეე, თურმე ვინ მოეჩქარებოდა! — მიაძახა იობედმა.

— ერთი ამას უყურე, ნაჯახი ისევ მოაქვს, — თქვა მათანმა.

— კოსიმ, შენა? ალბათ გამოგტეხია ნაჯახი... უეჭველია, ქეპა მოახვედრებდი, მეგობარო, — მშვიდად წარმოთქვა სალათიელმა და შებრტყელებული შანთი ხელახლა გასაბურებლად ისევ ნაღვერდალში ჩაფლო.

— აბა რა დაგიმალო, ოსტატო, გული გერჩის და თვალი გიჭრის, ვიცო, რომ ტყუილით შენთან ფონს ვერ გავალ, ბარელამ ახლავე სიმართლეს ვიტყვი, — მიუგო ახალმოსულმა, ილლიდან მოკლე ტარიანი პატარა ნაჯახი გამოიღო და მკედელს გადასცა. — სარის წვერი მინდოდა წამეთალა, ოსტატო, ნახევარ როკზე დავდე, საიდანაც პატარა კენჭი ყოფილიყო ზედ, თუმცა ფრთხილად ვიქნევდი, მაგრამ მაინც მოვახვედრე.

სალათიელმა ნაჯახი დაკვირვებით გასინჯა.

— ოჰ! სამ ალაგას გამოგიტეხია. შეეაკეთებთ, მაგრამ ცოტა რამ სიმაგრეს მოხედეს, ისევ თავისი დაემართება. თუ გახსოვს მე მაშინაც გითხარი, ფოლადი დალეული აქვს-მეთქი. პირზე ფოლადი უნდა დაედოს. უპიისოდ, სულ ერთია, რაც გინდ ფრთხილად იხმარო, მაინც გამოტყდება.

— რა გაეწყობა. ოსტატო, დაუდე ფოლადი, თეთრს ვერ გიშოვნის. და ერთ კარგ გოდორ ნახშირს მოგიტან.

— კარგი, გაგიკეთებ, მხოლოდ, კოსიმ, იცოდე, ამ სამ დღეში ვერ მოვიცლი.

— შაბათისთვის ზომ იქნება!

— უეჭველია.

— შენი კირიმე, ოსტატო, როგორც შენი იმედი მქონდეს, ნაჯახი, ბაბაია, ხომ იცი, ჩემი მარჯვენა ხელია.

— კარგი. გავაკეთებთ, ისეთს გაგიკეთებთ, რომ თავისით სკრიდეს, — უთხრა მათანმა, — სხვა, კოსიმ, ახალი რა იცი?

— რა უნდა ვიცოდე, შვილო, მეფე არქელაოსს არა ვწვევივარ იერუსალიმში და მასთან პური არ გამიტეხია, სიღონში სავაჭროთ არ წავსულვარ და რომის კეისარს არ დაუუბარებია! ვარ ერთა საწყალი კაცი, მუღმივ შრომა-ტანჯვაში. გუშინწინ იოსია ლევიტელმა ჩამოიარა და ათის თავში ერთი გუდა თაფლი წამართვა. ის თაფლი იყო ჩემი ავლადიდება. რა ვქნა, ასე ხელცარიელი კადამტოვა.

— კაცო, ათის თავში რატომ ხორბალი არ მიეცი? — დაეკითხა იობელი, რომელიც ისევ საბერველს უბერავდა.

— ცოლ-შვილს რა ვუყო, ყმაწვილო, ცოლ-შვილს. ბაღნებს სიმშვილით ხომ ვერ ამოვწყვეტ. თაფლი თაფლია, სასიამოვნოა, მაგრამ ჯანდაბას მისი თავი, უთაფლოდ, როგორც არის, კიდევ გაძლებს კაცი და უპუროდ ხომ ყოვლად შეუძლებელია... მოსავალი წრეულს, ოსტატო სალათიელ, ძლიერ ნაკლები იყო. იელოვას გეფიცები, რასაც მოველოდი, იმის ნახევარი არ მიმიღია. ძნა თითქოს ბევრი ჩანდა, ყმაწვილო, მაგრამ როცა გავლენე, მარცვალი ძლიერ ცოტა დარჩა. რაც არის ისიც, რაღაც ნაბიჭვარივითაა. ეხ! მადლობა უფალს, ყველაფერში, ეტყობა, დაივიწყა მან თავისი რჩეული ისრაელი, პურის მოსავალში ჩვენს კუთხეს ეგვიპტე არ შეედრებოდა და ახლა ამ ჩვენ ახლომახლოს ორი კაცი ვერა ვნახე წრევანდელი მოსავლით კმაყოფილი. ალბათ, დიდი ცოდვები მიგვიძღვის მის წინაშე, კურთხეულიმც იყოს მისი სახელი.

— ეხ! კოსიმ! კოსიმ! — მიუგო ოსტატმა და ჩაქუჩი გახურებულ რკინაზე კვლავ აახმაურა, — ღმერთს იელოვას... ჩვე...ნი ცოდვებისაგან არც შესცივა და არც დასცხება... ჩვენი ცოდვები ჩვენვე გვიმტკრევს ცხვირ-პირს... და... დაპკარ პირს. და... დაპკარ, დაპკარ, შვილო, აი აქ, — ჩაქუჩით უჩვენებდა ოსტატი, — დედავ, კიდევ ოოჰ, ეცოფა. აბა ახლა, შვილო იობედ, ერთი კარგად დაუბერე, — მიუბრუნდა უმცროს შვილს ოსტატი და უკვე ნიჩბის სახე მიცემული რკინა ისევ ქურაში შედვა. — ჩვენი ცოდვები, კოსიმ, — განიმეორა ოსტატმა, — ჩვენე, გვილეწავს ცხვირ-პირს და გონს თუ არ მოვედით, შეიძლება სულ მიწასთან გავგასწოროს... ჯერ ერთი ეს მითხარი, ცოდვა რა არის? შაბათს თხები

საძოვარში გაირეკო, ან გამონგრეული ლობე შეაკეთო? შენი ნკელელი ვიყო, თუ ეს ცოდო იყოს! ან იქნებ მარხვა არ შეინახო, ყველი, ან ხორცი ქამო? ამათი სატალღი მენახოს,—მიუთითა შეილებზე,—თუ ეს ცოდო იყოს! ამგვარები სულ წვრილმანი რამეებია, ამათი გაზვიადებული მნიშვნელობის მიცემა, სჭულის წიგნების გაუგებრობაა. ჩვენი დამლუპველი ცოდო ჩვენი ხასიათის სიმჩატეა, ერთმანეთ შორის შური და მტრობაა. თავი და თავი ცოდო კი ჩვენი შეუგნებლობაა, ჩვენი უვიცობაა. აი რა უცარავდა სულს მუდამ ისრაელის სიძლიერეს და კეთილდღეობას. კაცო, მოსავლის ზიმციერეს ჩივი და ის კი გავიწყდება, გქონდა კი საშუალება დროით მოგეხნა? დროზე დაგეფარცხა, დროზე მოგემკო, დროზე გაგელეწა? რამდენი ხანია ჩვენი ქვეყანა შფოთავს, რაც იროდიმ ბეთლემს უმანკო ბავშვთა სისხლის ზღვა დააყენა, მას აქეთ ყანა და ბოსტანი ვის ახსოვს. საცა მშვიდობიანი ცხოვრება არ არის, იქ ხეირიანად ნაყოფს მიწაც ვერ მოსცემს. ჩვენში რომ იმთავითვე შურსა და მტრობას არ ეჩინა თავი, ისრაელთა შორის ერთობა რომ ყოფილიყო, ახლა სულ სხვა პირობებში ვიქნებოდით. მითხარ, კოსიმ, სულის ქვეშ მითხარ, ვინ ჰძლია ისრაელი? ნაბუქოდონოსორმა? არა, ისკანდერ მაკედონელმა? არა, ანტიოქ ეპიფანემ? არა, ისრაელი სძლია თვით ისრაელმა, შინაურმა ურთიერთმტრობამ და განხეთქილებამ. კაცო, იუდას რა ჰქონდა სამტრო რუბენთან, ორივენი ოკობის შვილები არ იყვნენ? ყოფილიყვნენ ერთად მტკიცედ. სიძლიერე ხომ ერთობაშია...

— მამა, მეტი მოუა, კოსიმს მაინც ვერას შეასმენ, — მოსძახა იობედმა და საბერველი შეაჩერა.

— ოი, მართლა, — შესძახა სალათიელმა და აპრიალებული რკინა საჩქაროდ ქურას მოაშორა.

გაიმართა ისევ ჩაქუჩების დაგადუგი. პრიალა ნაპერწკალი ირგვლივ ათასობით სცვიოდა.

— შორს, შორს, კოსიმ, დაგწვავს, — იძახოდა ხუმრობით მათანი.

კოსიმ მართლაც შეშინებული კედელს ეკეროდა და ნაპერწკლის ყოველ მოხვედრაზე, სასაცილოდ ცალ ფეხს მალა იშვერდა.

III

— გიხაროდენ, ოსტატო სალათიელ, მრავალ ჟამს გნახე მშვიდობით, — მოისპა ხმა და ერთი მაღალ-მაღალი, გრძელწვერა, მთლად გათეთრებული და კარგად ჩაცმულ-დახურული კაცი სამკელდოს კარებში გამოჩნდა.

— მანასე! — შესძახეს სამთავე მამა-შვილებმა, ჩაქუჩები დაყარეს და ახალმოხულს საკოცნელად მოეხვიენ.

— საით, როდის, როგორ? — მდაყარეს კითხვები.

— აი დღეს მოვედი იოზედან, ნამგზავრევს ჯერ არც კი გამოვიძინია ხეირიანად... თქვენი ნახვა მომწყურდა, მეგობრებო. ერთი შეხედვით იობედს, საულვაშე ამწვანებია. პატარა ნეემანი როგორა გყავს, ოსტატო, სალომე ხომ მშვიდობით ბრძანდება.

— ღმერთმა მშვიდობაში გიკითხოთ. ვართ ყველანი...

— ჰა, ჰაი, ეს ხომ ჩვენი კოსიმაა, მუდამ ახალგაზრდა, დაუბერებელი, — მიეაღწრსა ახალმოხული კოსიმას.

— შენი მტერი, ბატონო მანასე, მე რომ ვარ. დრომ თავისი გაიტანა, ბატონო, არც ხელშია ძალა, არც მუხლებშია ღონე.

— გული ხომ ჯერ კიდევ მხიარულია?

— გული კი, ბატონო. სიკვდილამდე ასე იქნება.

საერთო ხარხარი ატყდა.

— სხვა, მანასე, ბევრი ქვეყნები მოიარე, რომშიაც იყავ? — დაეკითხა სალათიელი.

— ვერა, ოსტატო, რომამდე ვერ მივაწიე. ანტოქიაში ვიყავ, ეფესოში, სირაკუზაში. არ იყო წრეულს მაინც ხეირიანი ვაჭრობა, ყველგან ქესატობას მოგახსენებენ, მეგობარო.

— მაინც ბევრი გიმოგზაურნია. როგორ ცხოვრობენ ჩვენი საბრალო გადახვეწილი ძმები.

— ზოგან ძლიერ კარგად, ზოგან ასე, ისე. მაინც ისეთ დაბაქალაქს ვერ იპოვნე, რომ ჩვენები არ ცხოვრობდენ. მერე რა ვაჭრობია უნარი აქვთ, რომ იცოდუ. ეფესოში, მაგალითად, საუკეთესო ვაჭრები ჩვენები არიან. ზოგს საკუთარი გემებიცა აქვს.

— აი, უფალო, მოიხსენე ქაბუკი შენი: იაკობი, — სასაოებით წარმოთქვა სალათიელმა.

— მაგრამ რაღათ გინდა, ოსტატო, მაგათი სიმდიდრე. მაგათი გემ-ხომალდები. ჩვენთვის, ჩვენი საშობლოსათვის ჩვენი გადახვეწილი ძმები — ბევრნი გამოსადეგნი არ არიან.

— რატომ, შე კაცო, პირიქით, მე მაგათი დიდი იმედი მაქვს.

— შემცდარი ხარ, მეგობარო!

— ვე?!

— დამერწმუნე!

— ჩვენთვის, ოსტატო, ჩვენი ქვეყნის კეთილდღეობისათვის, ცოლდე, უსარგებლოა ყველა, ვინც ჩვენ გვერდით არ გვიდგას, ვისაც ჩვენი ენა დავიწყებული აქვს, ვისაც ჩვენი ზნე-ჩვეულება არა სწამს. ჩვენია ის, ვინც ჩვენთან ერთად ეწევა ცხოვრების ქაპანწყვეტას. მერწმუნე, ჩვენთვის გამოუსადეგარია ვინმე მდიდარი, ან მიღებული კაცი, თუმცა შთამომავლობით ჩვენი სისხლხორცი, მაგრამ შორს გადახვეწილი; ვისაც დავიწყებული აქვს სამშობლო ენა, ზნე-ჩვეულება. თუ მდიდარია, მისი ყოველდღიური საზრუნავია, როგორმე დრაკანი დრაკანს მიაწებოს, თუ რომის კეისრის მოხელეა, სულ იმის ცდაში იქნება, როგორმე მთავრობას თავი შეაყვაროს. ამისათვის კი თავდაპირველად საჭიროა თავისი ეროვნება დაივიწყოს, რომის მოქალაქედ ჩაეწეროს და რომის განდიდება-გაძლიერების საკურთხეველზე თავისი თავი ზვარაკად შესწიროს. რომაელებს სხვა ხალხი არა სწამთ, სხვა ერის არსებობა ვერც კი წარმოუდგენიათ. ისინი ხომ სხვებს ბარბაროსებს ეძახიან.

— მე კი მათი იმედი მქონდა, ცოტათი მაინც, — ჩუმ-ჩუმად ჩაილაპარაკა ოსტატმა სალათიელმა და თავი ძირს დაჰკიდა.

— მაგათ იმედზე თუ მიდგა საქმე, შენი მტერი! ჩვენი ხსნა, ოსტატო, ისევ ჩვენ ხელშია.

— ამაში კი სავსებით გეთანხმები, ძვირფასო მანასე! ამას წინათ კოსამსაც ვეუბნებოდი: ისრაელის ხსნა ისრაელის შეერთებაში და საზოგადო კეთილდღეობისათვის თანხმობით მოქმედებაშია.

— და სწორედ ყოველი ჩვენი უბედურების თავი ის არის, რომ ძეთა ისრაელისათა არ სჩვევიათ ეს თანხმობა, ეს შეერთებული ძალით მოქმედება. ოსტატო, მოიგონე ისტორიული წარსული დავით დიდებულზე, უკეთესი დრო ურიასტანს ხომ არ განუცდია, მაგრამ აბა გადაშალე მეფეთა წიგნი? რა ტანჯვა, რა ღალატი, რა გაუტანლობა, თავისივე ოჯახში, ღვიძლი შვილისაგანაც კი განიცადა დიდებულმა მეფემ. საუბედუროდ, იმთავითვე რაღაც შუღლი დაითესა იუდასა და ისრაელს შორის, მოტაბიკე ხარებივით უბღვერდნენ ერთმანეთს და ერთმანეთის დაწინხვა-დამცირებით დაბნელებულნი ვერა ხედავდნენ მათ შთანსათქავედ განზადებულ მოსეულ, ურიცხვ მტრებს, ჩრდილოეთ ასურეთს, მაშრიყით ბაბილონს, მალრი-

ბით ბერძნებს. რა ჰქონდათ, ოსტატო, სამტრო, განა იაკობი „თვისად არ გამოირჩია უფალმან?“ ყველასათვის არ გააბო ზღვა მენამული? ყველას არ უწვიმა ზეცით მანანა? იორდანეც უკუ აქცია, რომ მათ მესხიერებაში ერთხელ და სამუდამოდ აღბეჭდილიყო ის მარტივი სინამდვილე, რომ იელოვა არ არჩევს ამიერს და იმიერს, რომ მისთვის ყველა ძვირფასია, ეფრემი და მანასე, სვიმეონ და ლები. ჩვენ კი, ჩვენდა სამარცხვინოდ, პირველ წვრილმან უკმაყოფილების დროს გავიზარდენით: „აღარ გვინდა, არ გვიდეგს წილი იესეს ოჯახთან, ისრაელს გასწი შენ კარავშიო“.

— თქ! შენ კი გენაცვალე, მანასე, მაღალმა ღმერთმა არ მოშალოს შენი ენის მეტყველება, მრავალყამიერ. რასაც მე მუდამ ვფიქრობ, რაც ჩემ გულში გახურებულ ქურასავით გუგუნებს, შენც მაგას ამბობ. ეს ყოველივე ასეა, მანასე, მაგრამ ნუთუ სამუდამოდ უნდა გაწყდეს დავითის ქნარი? — ცხადად წარმოთქვა მკედელმა და ჩაქუჩი გრდემლზე ძალზე დააკაუნა.

— ხა, ხა, ხა, — გაღიხარხარა მანასემ და გრძელ წვერზე ხელი მოისვა. — ვერა გცნობ, მეგობარო, შენ მუდამ მშვიდი, მუშაობას გადალუული კაცი, არ მეგონა, რომ ამ ზომამდე აღიტაცებოდი. ეს ერთ მხრივ ძლიერ სასიამოვნოა... აბა რა გითხრა, ოსტატო, შენ შეკითხვას რა პასუხი გაცევ? სულ უიმედობა ხომ საფლავის თანასწორია; მე კი ჯერ საფლავში არა ვწევარ და სრულებით არა მსურს იმედი ამოვიკვეთო. ვსასოებ, ოსტატო, რომ ისრაელის პატარა ნაპერწკალი მაინც სადღაც ღვივის, სულ არ ჩამქრალა. აი შენი ქურაც ახლა ერთი შეხედვით მიმქრალია, მაგრამ საჭიროა, რომ იობედმა საბერველის ტარს ხელი დაავლოს და ჩვეულებრივ გასწი-გამოსწიოს, რომ ჩამქრალი ცეცხლი კვლავ გაღვივდეს.

— ღმერთო შენით, უფალო აღონაი, მოგვხედე, — ზევით ხელებდაპყრობით წარმოთქვა სალათიელმა.

— მაგრამ, ოსტატო, თუ აღტაცება უკუ ვაგდეთ და საქმის ვითარებას საღი თვალთ შევხედეთ, სანუგეშოს ცოტას ვიპოვნით. ჯერ ერთი, ჩვენი ქვეყანა ერთობ პატარაა. მთელი ქანაანის ქვეყნის სიგრძე-სიგანე ქადესიდან აბელ-ბეთ-ამაქამდე და ზღვიდან უდაბნომდე ახლანდელ რომის საბრძანებელთან შედარებით ისე გამოჩნდება, როგორც ქათამი ძროხასთან და ეს ერთი ბეწო ადგილი სამ სამეფოდ არის გაყოფილი, ეს დაყოფა რომისაგან ხელოვნურად არის გამოწვეული, რადგან ეს საუკეთესო ხერხია მძლავრი ერისაგან წვრილი ერის დასაქსაქსავად. ამიტომაც არქელაოს იერუსალიმში გაამეფეს, ანტიპა გალილეაში და ფილიპე ტრაქონიტ-

თა მხარეში. მეორედ, ოსტატო, თვითეული ამ მეფეთაგანი მეფური თავმომწონეობით არის გატაცებული. მიუხედავად ამისა, რომ ძმები არიან, მათ შორის, როგორც ამბობენ, მეტოქეობამ უკვე იჩინა თავი. მეტოქეობას შური მოჰყვება, შურს მტრობა. ეპ, მერწმუნე, ოსტატო, მე ბევრი მივლია, ბევრი მინახავს და ბევრიც გამიგონია, ვიცოცხლოთ, ვნახავთ. სამწუხარო ის არის, რომ ყველა ამ დავიდარაბის დროს ყველაზე უფრო ძე ისრაელისა დაისჯება, სულ ერთია სვიქემელი იქნება ის, თუ იერუსალიმელი, ქებრონელი, თუ გალილეელი. მაგრამ, ოსტატო, — წვერზე ხელი მოიკიდა მანასემ და ისეთი სახე მიიღო, რომ უნდოდა რაღაც საგულისხმიერო ეთქვა, მაგრამ ამ დროს სამქედლოს კარებს ხტუნვა-როკვით და „მამა, მამას“ ძახილით მოადგა სალათიელის შვიდი-რვა წლის უმცროსი ვაჟი ნეემანი.

— რა იყო, შვილო, რა ამბავია...

— ჰა, ეს შენი პატარა ნეემანია, — მიეაღერსა მანასე.

— ეს გახლავს, ამას ჩაქუჩს არ მიცემ ხელში. ეს შენ უნდა გაგატანო, ისწავლოს ვაჭრობა, ნახოს ქვეყნები.

— ბატონი ბრძანდები, მეც ამოდენა ვიყავი, პირველად გემში რომ ჩამსვეს და ალექსანდრიაში წამიყვანეს.

— მამა, მამა, — განიმეორა ბავშვმა, — ძია იოსები მოვიდა, მარიამიც მოვიდა, იიშუც მოიყვანეს, ისე გაზდილა, ისე დარბის რომ...

— რაო? — წამოიძახა სალათიელმა, — გესმის, მანასე? კაცო, იოსებ, ნაზარეთელი ღურგალი, დაბრუნებულა ეგვიპტიდან. დიდებულო ღმერთო, უკვე დაილუპა-მეგონა. რაც ძლივს თავი დააღწია მტარვალს და თავს უშველა, მას აქეთ მის მნახველს ვერსად შეეხვდი. ნუთუ ცოცხალია ჩემი გულითადი მეგობარი, — აღტაცებით ამბობდა მქედელი.

— მადლობა უფალს, — თქვა მანასემ.

— კაცს ბედი თუ აქვს, არ დაიქარგება, — ამბობდა კოსიმა.

— მეგობრებო... მაგრამ ჰო, რა უნდა შეთქვა... შვილო მათან, — მიუბრუნდა შვილს ოსტატი, — ახლავე შინ აირბინე და აბა შენ იცი, როგორ დატრიალდები. გვერდთეთრა თიკანი ახლავე ხეზე ჩამოჰკიდე... იოსებს უთხარი, მე ჩქარა მოვალ... მეგობრებო... მანასე, კოსიმ, დღეს პური ერთად გავტეხოთ, ვიმხიარულოთ! ყველასაგან პატივცემული და სასარგებლო შვილი დაუბრუნდა დღეს იუდას... მეგობრებო, გაფიცებთ მაღალ ღმერთს, ნურსად ნუ წა-

ხვალთ... მე მხოლოდ ამ ნიჩაბს მივითავებ. ორი გახურება არ მოუნდება. შვილო იობედ, აბა დაჰბერე, აბა ჩქარა!

ოსტატმა ჩაქუჩი მოიძარჯვა და ქურას გვერდით გაჩერდა. თვალები სიხარულის ცრემლით აევსო.

იობედმა დაჰბერა „ფუ, ფუ, ფუ, ფუ“ იძახდა საბერველი და ნაპერწკალს ნაპერწკალზე ტკაცტკაცუნით ისროდა.





იმასაც შეეშინდა

შიმონ-კეფა აღშფოთებული და დანადვლიანებული გეტსამანიის ბალიდან გამოვიდა და პირდაპირ კაიათა მღვდელმთავრის სასახლისკენ გაემართა.

— მშიშრები, უპირონი, მფრთხალები, — ბუტბუტებდა იგი. — არც ერთი არ წამომყუვა, რომ შორიდან მაინც თვალი მოგვეკრა ძვირფას მოძღვრისათვის; შეგვეტყო მაინც, სად წაიყვანენ, რას უზამენ. ფუი ჩვენ საქმეს! ლაჩრები, განა მეტი არა ვყოფილვართ? მაშ რისთვის ვეფიცებოდით მოძღვარს საუკუნო ერთგულებას! რისთვის ვტრახახობდით, რომ ვითომ მზად ვიყავით მისთვის თავი დაგვედო. ზოგიერთებისა რა გამოიკვირდება, იქითაც არიან და აქეთაც, მაგრამ ჩემ ძმა ანდრეასაგან კი ამისთანა სილაჩრეს არ მოველოდი, ის მაინც, თუ არ წამომყვებოდა, ვერ წარმოვიდგენდი... საზიზღრები, ეგღონ იქ ბტილოვანში! მე ვთქვი და ვასრულებ კიდევ. რაც მომივა, მომივიდეს! მივალ და ვიტყვი, ხმა-მალლა ვიტყვი: აი, მეც მისი მოწაფე ვარ. ჰა, მოდით, მეც მასთან დამაპატიმრეთ-მეთქი. რას გვიზამენ ვითომ? ბევრს ვერაფერს. მოძღვარი კაცის მკვლელი, ქურდი და ავაზაკი არ არის... თუ გინდა ციხეშიაც დაგვამწყვდიონ, მაინც არ შეედრკები. რა ვუყოთ მერე, დაგვამწყვდიონ. უმოძღვროდ სიცოცხლეც აღარ მინდა.

კეფა თავისი ქცევით და გარდაწყვეტილებით კმაყოფილი იყო და ამით გულის სიღრმეში, ცოტა არ იყოს, ამაყობდა კიდევ.

ქალაქს ეძინა, ქუჩებში ქაქანება არ იყო, არც სინათლე მოჩანდა, მთვარეც ჭერ არ ამოსულიყო. მხოლოდ ცის კამარა საიდუმლოდ მოლიპარი ვარსკვლავებით მოქედილი, ბნელში გახვეულ ქვეყანას დაკაშკაშებდა.

სიბნელის მიუხედავად, შიმონ-კეფა ნაცნობ ქუჩებში გზას ადვილად არკვევდა.

ერთ-ერთ ქუჩის მოსახვევში მის თვალებს ცეცხლის შუქი ეცა. შიმონ ცოტად შეკრთა და დაკვირვებით წინ გაიხედა. „სწორედ კაიაფა არქიელის ეზოშია ეს სინათლე“, — გაიფიქრა მან და მუხლებში ოდნავ სისუსტე იგრძნო, წინანდებურად მარჯვედ და თამამად ფეხს ვერ ადგამდა. „არქიელის ეზოში, რომ მოვკვდე, მაინც შევალ“, — ფიქრობდა იგი.

აი მიუახლოვდა კიდევ მღვდელმთავრის ეზოს. უზარმაზარი შენობა, არქიელის სასახლე, ეზოს შიგნით გამოჰქიმული, ბნელ სივრცეშიაც გარკვევით იხატებოდა. დიდ ეზოს ირგვლივ ქვიტიკირის გალავანი ჰქონდა შემოვლებული და გალავნის შუა ქუჩის პირას დიდი ალაყაფის კარები ჰქონდა ჩატანებული.

ეზოს შიგნით რაღაც გაურკვეველი ხმაურობა მოისმოდა. ალაყაფის კარები ღია იყო, შიმონ-კეფა შეჩერდა, გული აუფანტკალდა. ფეხებში მეტი სისუსტე იგრძნო. დღე რომ ყოფილიყო და ვისმე შეეხედა სახეში, უსათუოდ ეტყოდა: „კაცო, რამ გაგაფითრაო!“ ამას შიმონიც გრძნობდა. გალავანს მიეყრდნო, სული მოითქვა, მელოტ თავზე და სახეზე ხელი გადაისვ-გადმოისვა. „მეტისმეტი აღელვებისაგან თუ მომდის, ალბათ, ძლიერ დავიძალე, სალამოს აქეთ დავრბივარ“, — თავს იმართლებდა კეფა. „ცოტას შევისვენებ და გადივლის“. მაგრამ სადღაც შორს, გულის სიღრმეში მიმალული პირუთვნელი ეკვი სულ სხვა რამეს ეფუჩუნებოდა. „ეკრძალე, კეფა, შენზედაც არ ახდეს მოძღვრის შიში, სული ტკბილია, ეგ ოხერი“.

„ის წყეული მეკარეც აქვე იქნება ალბათ ატუზული. შესაძლებელია, არც კი შემიშვას. ძალას ხომ ვერ დავატან“, — გაუელვა თავში, მაგრამ, როცა თავს ძალა დაატანა, ერთი ორი ნაბიჯი წინ წარსდგა და ეზოში ხალხი დაინახა, წათამამდა და შესასვლელად გაემართა. ეზოში შუაგულ უშველებელი ცეცხლი ენთო, გარს ხალხი ეხვია და თბებოდა. ცეცხლისაგან ალმაცერად განასროლი სინათლე ალაყაფის კარებსაც ხედებოდა და შიმონმა კარებთან შეამჩნია ქვის სკამზე მოკუზული მჯდომი მეკარე.

მის დანახვაზე კეფა შეჩერდა და ფეხის გადადგმა ვეღარ გაბედა. „ეს რა მემართება! ასე რამ შემაშინა! მეკარეა, მეკარეა, დიდი ვინმე კია სწორედ, არქიელი ხომ არ არის. რამდენჯერ შემიმჩნევია ეს აქ ატუზული, მაგრამ ყურადღებაც არ მიმიქცევია, არაფრად არ ჩამიგდია, ამდენ ხალხში რატომ მე არ უნდა შემეძლოს

შესვლა“, — ფიქრობდა კეთა. მსჯელობა უტყუარი იყო, საუბედუროდ ფეხები წინბიჯის გადასადგომად არ იძროდნენ. მეკარეს, ტყობოდა სთვლემდა, რადგან შიმონი კარგა ხანს ვერ შეამჩნია, მერე ოდნავ შეინძრა.

კეთამ წინ გადასადგამად განმზადებული ფეხი უკან გადმოდგა.

— ჰა, ჰა, დაგიღია პირი ლოქოსავით, შიგ შემოდი, ალბათ დაბარებულთაგანი იქნები, სად ეხეტებოდი? — ზანტად დაიბუზლუნა მეკარემ, ხალათში მაგრა გამოეხვია და ისევ ჩასთვლიმა.

კეთა საჩქაროდ ეზოში შევიდა.

„აქ საშიში რა იყო, — უსაყვედურა თავის თავს, — აი რამდენი ხალხი მოგროვილა. ვის დაბარებული, რის მობარებული, რა იყო, ის მეკარე რომ ბოდავდა... სიზმარში თუ იყო!“

ცეცხლის ირგვლივ ზოგი დამსხდარიყო, ზოგი დამდგარიყო, ზოგიც აქეთ-იქით დადიოდა და მუთსაფობდა, სასახლის ყველა კარებში კი მოსამსახურეები იდგნენ და ეტყობოდათ ბეჯითად დარაჯობდნენ, რომ შიგ არასასურველი ვინმე არ შეპარულიყო.

„სწორედ შიგ. დარბაზში შეუყვანიათ, როგორც ეტყობა, მოძღვარი“, გაიფიქრა კეთამ და ცეცხლის ირგვლივ მოგროვილ ხალხს თვალიერება დაუწყო. ყველა რაღაც ნაყარ ხალხს ჰგავდა, ხეირიანი მოქალაქეთაგანი იშვიათად ერია. გლეხი სოფლიდან, ალბათ, შემთხვევით მოქცეული, გაკოტრებული წვრილი მოვაქრე, ლოთი ხელოსანი, ქუჩის მაწანწალა და სხვა ამგვარი, აი, ვისგან შესდგებოდა ეს ხალხი. ბევრი ათვალიერა შიმონმა, მაგრამ ნაცნობი ვინმე ვერ შეამჩნია.

— ეს შეშა კი თანდათან იწვის და სხვას კი ვერსად ვხედავ. თუ შეშა არ დაუმატეს, ცუდათაა ჩვენი საქმე. თვალი დაუდგეს, მართლა, სიღარიბეს, თორემ, განა ღირს, რომ ორი დრაქნის გულისათვის კაცი აქ სიცივით გაიფიხხოს. შეჩვენებული ვიყო, ერთი კარგი ძილი ორ დრაქნად კი არა, ხუთადაც არ მიღირდეს, — ჩაილაპარაკა ერთმა ცეცხლის პირას მჯდომმა პირყვითელმა, დაგლეჯილ ტანისამოსში გამოწყობილმა კაცმა.

— შეშა, შევილო, — მიუგო მის გვერდით მჯდომმა კბილებჩაცვინულმა მოხუცმა და ფართოდ დაამთქნარა, — იმ არქიელის მოსამსახურეს ეცოდინება. ახლა აქ არ ტრიალებდა ის ბიჭი? ვიღაცას ათვალიერებდა. ა...ჰა... ჰაია, ჩემი ცოდო, რა ტკბილად მეძინა. ის ხუცესი, ის მუცელგაბერილი, არ მომეშვა, წამოდი და წამოდიო. რა მექნა, ხათრი ვერ გავუტეხე, რომ გამიჭირდება, კი-

დევ იმასთან მივრბივარ... თორემ, აქ მე რაღა საჭირო კაცი ვიყავი. არც კი ვიცი ხეირიანად რისთვის მომათრიეს აქ, ამ შუალამისას, ტან-ფეხს მოკლებული კაცი. საჩუქარს მიიღებო, ვნახოთ, აბა რას მომცემენ.

— ნე ის ვიცი, ჩემო ძმაო, რომ სამი ღრუკანი მომცეს, — თქვა ერთმა. — ზოგისთვის, როგორც შევიტყე, ოთხიც მიუციათ. რათაო, შეილოსან, მე რა დამიშავებია... ბაქიბუქი და ყვირილია საჭიროო და აბა მიბრძანონ, ისე ვიყვირო, რომ იერიქოს სახედრები დაეფრთხო.

— მე, ჩემო ივანე, — ცოტა საიდუმლოდ ეუბნებოდა ერთი კაცი მეორეს, შეჯგუფულ ხალხის ცოტა მოშორებით, — რაც ვიცოდი, ის ვთქვი, რაც ჩემი ყურით გამეგონა, ის მოვახსენე უმაღლეს სასამართლოს. გავიგონე კი, იმ წმინდა ტაძარს გეფიცები. რაბი იიშუ თამამად ამბობდა: დაანგრიეთ ეს ტაძარი და სამ დღეში ავაშენებ. მახსოვს ისიც, დიდმუცელა ჩვენი დეკანოზი, რა ჰქვიან, პო, რაბი ზარა, აი ის გამოეკამათა. ჩვენი წინაპარნი ორმოც წელს აშენებდნენ და შენ რა კაცი ხარ ისეთი, რომ სამ დღეში ააშენებო!

— ხომ ყველანი ხართ? იცოდეთ, არსად არ წახვიდეთ, — ხმამალლა გადმოსძახა სასახლის დერეფნიდან არქიელის მოსამსახურემ.

— შენ კი გენაცვალე მაგ ახალ, ქერა წვერ-ულვაშებში. აბა სად უნდა წავიდე, — დაიძახა ერთმა მუცელგაბერილმა ცეცხლის ახლო შეჯგუფებულ ხალხიდან. ლაპარაკში ეტყობოდა, რომ ეს კაცი ნასვამი იყო.

— შენი ბაიასფერი თმის ქირიმე... ისეთი კარგი ღვინო დამალევიანა... ე... მაგას კი ვენაცვალე... ერთი ხელადა რომ დამიდგა... გადავყურე. ახლა, მეორე, უფრო დიდი მომიტანა... ეს ჩვენი მღვდელმთავრის სადღეგრძელო დაღეო... იი... მაგას კი ვენაცვალე, მაგ გრძელ წვერებში-მეთქი... ისეთი კარგი არქიელი არა გვყოლოდა, იერუსალიმი ხომ დაიქცეოდა... მეორე ხელადაც გადავ...ყურე... ახლა, მაგ მამაცხონებულის შვილმა მესამეც მომიტანა... თვალები ყაყაჩოს კოკორივით მიღუოდა, თავში რაღაც მიფუქუნებდა, გული საკირესავით მივარვარებდა... უაჯს როგორ ვეტყვოდი... ეს ჩემი არქიელი მიცოცხლოს ღმერთმა-მეთქი, მაგის მადლი ნუ მომაკლოს იეღოვა შემოქმედმა-მეთქი... ისიც გადავყურე. შენ თუ რამე გკითხონ, იცოდე... რიგიანად ილაპარაკეო... რიგიანს კი არა, შენი გულისთვის, ურიგოსაც არ დავერიდები-მეთქი...

ასე ვუთხარი... თავი ნუ მომიკვდება... იიფ, რა წითელი ღვინო იყო... შენ გგონია აქაური იყო?! სრუ...ლებით... არა... დამასკოდან მღვდელმთავრისთვის საგანგებოდ გამოუგზავნია...

— შენ როგორ გგონია! — გააგრძელა მუცელგაბერილმა და ხელი გააქნია. — მე რისთვისა ვარ აქა... აი ახლა... შე უნდა დაე-
მოწმო... რომ... ის... რა ქვიანა?... სჯულს უღალატაო... ხუცები, რომ ტაძრიდან იფრანა... შენ როგორ იტყვი... რომ მომცა, მეოთხე ხელადას დავლევ თუ არა?... მე მოგიკვდე, თუ არ დავლიო...

— შენ მაგისტანებს ხალხში რას როტავ, ტუტუცო, როცა გკითხონ არქიელმა, ან რაბუნებმა, მაშინ ილაპარაკე, — გააწყვეტინა ჯორემ, იმანაც ცოტა ნასვამმა. — ჯერ ჩუმად უნდა იყო... გლებო, მუცელი რუმბივით რომ გამოგბერვია... ერთს დავლევდი, როგორც მე, ცოტას შევქეიფიანდებოდი, დანარჩენს ხვალ დავლევდი.

— ხვალ დავლევდი! — გააჯავრა მუცელგაბერილმა და თვალე-
ბი გადმოუკარკლა. — ზეგაც არ ინებებ? აზარფეშით მოგართმე-
ვენ, აი, შენ ოღონდ პირი კარგა მოიწმინდე. შენ მასწავლი რაღა... სასახლის ადათებს. ეებს, შვილოსან, აქ როცა საჭირო ხარ, თავზე ხელს გისვამენ, მაგრამ როცა არ ესაჭიროებით, დამასკურ ღვინოს კი არა, სოდომურ ძმარსაც არ გასუნებინებენ, კაი პანჩურსაც ამო-
გკრამენ... ერთ-ორს ბეჭებშიაც წავითაქებენ და ეზოდანაც სულ ქენებ-ჭენებით გაგაბრძანებენ...

— ხა, ხა, ხა, — ხარხარებდა ხალხი.

— კარგი, გეყოფა, ბევრს ნუ ყაყანებ, — მოსძახა ვილამაც, — შე ოხერო, აქ საქმისთვის მოგიყვანეს. შენ კი გამომდგარხარ და რაებს ყაყანებ... იქნებ... უცხო ვინმე... ურევია ამ პატიოსან... სა-
ზოგადოებაში... ვინ რას იფიქრებს.

— მე კი არა ყაყანებ, სწორედ შენ ყაყანებ, თავი ნუ მომიკვ-
დება, — არ ცხრებოდა მუცელგაბერილი.

— შენ რა იცი, ჩემი ცოლი რააბ რა ხასიათის ქალია. დღეს დილით ჩვეულებრივ ჩხუბი ამიტეხა: პასეკი კარზე მომდგარა და არა მოგვეძევება რაო... წადი, ხელი გაანძრიე... რაიმე იშოვნეო... აბა რა დავმალო, ერთი ორიც მითავაზა... წამოვედი... მოვდიოდი ისე უგზო-უკვლოდ, ხელს კი ბეჯითად ვიქნევდი... მოშეს მადლმა, სულ ვიქნევდი და ვიქნევდი... ერთი ჩემ რააბს აჩვენა, ხელებს როგორ ვიქნევ-მეთქი, ვამბობდი... მალ-მალ ვიხედებოდი ხელებში, მაგრამ შიგ არა ეყარა რა...

— აბა რას ყბედობ, შე ტუტუცო! ხომ გეუბნებიან, გაჩუმდიო.

— ხომ გეუბნებიან, გაჩუმდიო! — გააჯავრა მუცელგაბერილმა. —

თუ არ დავჩუმდები, რას მიზამ, ან შენ, ან სხვა ვინმე... სამი ხელა-და ღვინო, შვილო, მუცელში მაქვს, სამი ღრაკანი ჯიბეში... ახლა თუ უნდა ყველამ კისერი მოიტეხოს... შენ კი არა, ამ პატიოსან მოხუცს ველაპარაკები, — მიუბრუნდა ნასვამი შიმონ-კეფას. — შენ, ჰეგობარო, სინიღისის ქვეშ მითხარ, რამდენი ღრაკანი მოგცეს? ორი თუ მოგცეს, გიზარალნია, მოუტყუილებიხარ... სამ-სამი ყოფილა თითო კაცზე გადადებული; თუ ოთხი მიიღე, მარჯვედ ყოფილხარ, ჰეგობარო, ერთი მეტი დაგიძრია... არა უშავს რა, ტაძრის სალაროს ბევრი არ დააკლდება.

კეფა სულგანაბული იცურებოდა. ის გაოცებული იყო ნანახ-გაგონილით.

— მე კი, სიმართლე გითხრა, — არ ეშვებოდა ნასვამი, — სამ ღრაკნის შოვნასაც არ მოველოდი დღეს. მართლა და იელოვას, ვენაცვალე მის სახელს, ერთი ღრაკანიც არ ჩამოუგდია ციდან არასოდეს, ღრაკნებს ზარათხანაში სჭრიან, ქა, ჩვენისთანა ცოდვის შვილები... როგორც გეუბნებოდი, ხელს მაინც ვიქნევდი. ეი, შენ, შეშლილი ხომ არა ხარო, ეშმაკს ხომ არ ეომებიო, მომესმა ხმა. მიმოვიხედე! აი არქიელის სასახლე, აი მისი კარისკაცი. აქ მოდიო. გამიკვირდა კი. აქ ხშირი სტუმარი არ გახლავარ. ოი, მათ თეთრ წვერს ვენაცვალე... სწორედ გულთმისანია ჩემი ცოლი რააბი, ხელი გაანძრეო, რომ მითხრა... რომ მივალ და ვეტყვი: აი, დედა-კაცო, ხელი გავანძრე და სამი ღრაკანი ვიშოვნე-მეთქი, არც კი დამიჭერებს...

— გამოდიან, გამოდიან, სინედრიონის წევრები, რაბუნები გამოდიან, — გაისმა აქა-იქ ხალხში.

დარბაზის კარები გაეღოთ. ძვირფას ტანისამოსში გამოწყობილნი, დაბანილ-დავარცხნილნი, ჩასუქებულ-ჩასქელებულნი, ამაყი გამომეტყველების ფარისევლები და მწიგნობრები ნელ-ნელა გამოდიოდნენ და ფართო დერეფანში იფანტებოდნენ.

„ეს რა ამბავია! — უკვირდა შიმონ-კეფას, — ამდენი დიდებულები ამ შუალამისას? ამდენი ხალხი დაუქრთამავთ? ვაიმე, რაღაც უბედურებაა კარზე მომდგარი, — ფიქრობდა კეფა და სასახლის დერეფანს თვალს არ აშორებდა.

ორი ფარისეველი სხვებს ცოტა დაშორდა დერეფანში.

— მე მაინც ჩემსას ვიტყვი, პატივცემულო, მატათან, — უთხრა ერთმა მეორეს, — ეს უსამართლობაა, უკანონობაა. ერთი რომ, შუალამისას ვის გაუგონია დამნაშავეს გასამართლება, ამისთვის

დღის სინათლეა გაჩენილი. მეორე, კაცი რომ სიკვდილით დასაჯო, რამე არგაგონილი დანაშაული უნდა მიუძღოდეს.

— ძე ღვთისა ვარო, რომ თქვა?

— ამას ყველანი ვამბობთ: მეც, შენც, მღვდელმთავარიც.

— ღირსო რაბუნო, ასე თუ ვილაპარაკეთ, ჩვენივე ხელით საფლავს გავითხრით. აქ სასიკვდილ-სასიცოცხლო საქმე წყდება და შენ ზღაპრებს მეუბნები! გინდა, რომ აი, აგერ ეზოში მაწანწალები რომ მოგროვილან დადღეზილ-დაგლეჯილნი, შენც ისე იარო. თუ რაბი იიშუს ბოლო არ მოუღეთ, უეჭველია, ყველანი ისე გავხდებით. ვისაც ეს არ გაეგება, ის სწორედ მწიგნობარი არაა, გაიგონე, კაცო, რომ მე სრულებით არ მაწუხებს ვისი შვილია მართლაც და რაბი იიშუ? თუ გინდ ზედიზედ ერთის კი არა, ხუთი ღმერთის ძე იყოს. მე მინდა მაწანწალა არ გავხდე. სადილ-ვანშამი კარგი მქონდეს, ტან-ფეხთ მეცვას და თავს მეხუროს. ამის უარს არც შენ იტყვი, ღირსო რაბუნო!

— კი, მაგრამ ყოველ შემთხვევაში, კაცი რომ სიკვდილით დასაჯო, რამე თვალსაჩინო საბუთი უნდა მქონდეს ხელში. შენ კა გამოგიყვანია ვილაც მაწანწალა და ამბობს: ღიახ, მე გავიგონე: დაანგრეთ ტაძარი და სამ ღღეში ავაშენებ, თქვაო.

— მერე ეს ცოტა საბუთია? შენგან, განსწავლული რაბუნისაგან მიკვირს ეს, თორემ სხვა ვინმემ რომ მითხრას, ყურადღებასაც არ მივაქცევ. კაცო, ამაზე უფრო ჩვენ დამქცევ-დამღუპველს კიდევ იტყვის ვინმე? ერთი ცოტა დაფიქრდი, მამა გიცხონდება! შენც ახლა იმ არიმთიელივით დამიწყებ, მღვდელმთავარს რომ შეეკამათა. სირცხვილია, რაბუნო, კაცი, ჩვენთვის, ჩვენი უფლება-ბატონობის შენარჩუნებისათვის იღწვის და ჩვენ კი ვეკამათებით! შენ გგონია ასე აბუჩად ასაგდება ის სიტყვები? დაანგრეთ ტაძარი ესეო, ანგრევენ ყოველთვის, ძველს, ხავსმოდებულს, ნესტიანს, უვარგისს. ჩვენი ტაძარი, როგორც შენობა, წუნდასადები არაა. აქ სულ სხვა ტაძარია ნაგულისხმევი, სახელდობრ, შიგ გამეფებული წესრიგი. ღვთისმსახურება და სხვა. თუ ესენი დაინგრა, გაუქმდა, მაშინ არც მე, არც შენ და ათობით სხვა ჩვენისთანები მკმეველნი და მქადაგებელნი საჭირონი აღარ ვიქნებით. მე სამ ღღეში ავაშენებო. თუ ისეთს ააშენებს, როგორიც იყო, დანგრევა უაზრობაა. უეჭველია, სხვანაირს ააშენებს, სადაც მე იონას, შენ მატათას, ზორობაბულს, ილიას და სხვას არავითარი წილი არ გვექნება. ეს არ არის, კაცო, სახიფათო? ჩინებულად მოიქცა მღვდელმთავარი, ღირსი მსჯავრი დასდო. ყველა ღონე უნდა ვიღონოთ, რომ პილატემაც დაამტკი-

ცოს ჩვენი განაჩენი. რომაელებს ჩვეულება აქვთ:—საქმის გადაწყვეტის დროს ხალხს დაეკითხონ ხოლმე. ამ შემთხვევაშიაც ვიცი ის ხალხს მოგვთხოვს. აი სწორედ ამისთვის გვყავს მოგრძობილი ეს ბრბო, აი ხალხი-მეთქი, ვეტყვი.

ამ დროს დარბაზის ბოლო კარები გაიღო და რაღაც ჩოჩქოლი შეიქმნა.

—გამოჰყავთ, გამოჰყავთ, — გაისმა ხალხში.

ძველი, დაეანგული შუბებით და ტუკებით შეიარაღებულმა მღვდელმთავრის მოსამსახურეებმა რაბი იიშუ ხელბმეკრული ეზოში გამოიყვანეს. ეტყობოდა, ბაწარი უქერდა, რადგან მწუხარე სახეს ჩქარ-ჩქარა იღებდა და საცოდავად მხრებს სწურავდა. ეზოში, სასახლის ერთ-ერთი კუთხის ახლო გააჩერეს და ირგვლივ შემოერტყნენ.

—ხალხთაგანი ახლო ნუ მოხვალთ, მანდ იყავით, შორს, შორს, — იძახდა ერთი მოსამსახურე.

ხალხში ჩოჩქოლი შეიქნა, ყველა წინ მოიწევდა, ყველას უნდოდა ენახა, დაეთვალე რებიანა.

რამდენიმე ტუქოსანი წინ წარსდგა, ტუკები მოურიდებლად გააქნია და ბრბოს უკან დაახვეინა.

—ვაჟო, ეს ხომ რაბი იიშუ, გალილეველი მოძღვარია? — ჰკვირობდა ერთი.

—მაშ ვინ გეგონა, — მიუგო მეორემ.

—აკი ავაზაკს ასამართლებენო!

—აი, სწორედ ეს არის, მეგობარო, ავაზაკი, — გაერია ლაპარაკში ერთი გრძელხალათიანი კაცი. ლაპარაკში ეტყობოდა, უბრალო ვინმე არ იყო.

—რას ბრძანებ, ბატონო, ავაზაკი კი არა, საღმრთო კაცია. ღმერთო, შემეწიე, რა მესმის, ჰკუიდან ხომ არ შევიშალე, — ჰკვირობდა საწყალი კაცი.

—ასე იცით, შვილო, გაუნათლებელმა ხალხმა საქმის გაზვიადება. საღმრთო კაცად სთვლით იმას, ვისაც არა სწამს მოშე და წინასწარმეტყველები და ვინც თქვენი მამა-პაპათა სალოცავის დაქცევას ლამობს, ჩვენ, ჩვენ, შვილო, თქვენმა მაკურთხებლებმა, ღვთისა და მღვდელმთავრის მიერ მადლით მოსილებმა უკეთ არ ვიცით, თუ ვინ არის მართალი და ვინ არის ავაზაკი...?.

—იაკობ, იაკობ, სადა ხარ, აქ მოდი! — დაიძახა ვიღამაც სასახლის დერეფნიდან.

— აგერ, აგერ, — მიუგო, გრძელხალათიანმა, ქადაგება შესწყვიტა და სასახლისკენ გაეჩქარა.

შიმონ-კეფა თითის ფრჩხილებზე დგებოდა, გულმოდგინედ ათვალა იერებდა იმ წრეს, სადაც იდგა მოძღვარი, მაგრამ სიძნელისა, სიშორისა და ირგვლივ მდგომ დარაჯთა გამო მოძღვარს კარგად ვერ არჩევდა. ხან მისი ბაწრით შეკრული ხელები უვარდებოდა თვალეში, ხან სახის რომელიმე ნაწილი. ბევრი ეცადა, მაგრამ მთლად მისი სახე ვერ გააჩნია.

— სხვა განაჩენი შეუძლებელი იყო, იელოვას ვფიცავ, — უთხრა ერთმა რაბუნმა მეორეს. — ნუთუ ჩვენი ათას წლობით განმტკიცებული სჯული და სამართალი იმდენად დაჯინდა, რომ ერთი ვილაც ქარაფშუტა, მოყიალე რაბუნის ალაგმვას და გასამართლებას ვერ შესძლებს!

— მეც ასე მგონია, ღირსო მამაო.

— ორი აზრი აქ შეუძლებელია, ბატონო, ან ჩვენ უნდა ვიყოთ, ან რაბი იიშუ. მე მგონია პილატესთან მეტი ხალხი დაგვეკირდება.

— საჭირო კი იყო მეტი.

— ოცდახუთ კაცს კიდეც ველი, — დაიტრაბახა რაბუნმა, — ამისთანა შემთხვევაში ცოტაოდენი ყაირათი და სიძუნწეც, რაც მართლაც და გვჩვევია ღვთის მმოსავ სამღვდლოებას, მისაღები არაა. არავითარ ხარჯს არ უნდა შეუშინდეთ. ჯერ მტერა და შფოთის ამტეხი უნდა დათრგუნო. ხალხი კი, საწყალი ხალხი, სად გაგეპქევა, მაინც შენი არ იქნება მისი ბატკნები და ციკნები? მე სწორედ ისე მხურვალედ ვეკიდები ამ საქმეს, რომ ვინიცობაა, თუ მღვდელმთავარმა სალაროდან არ ინება მაგ ოცი კაცის დაკმაყოფილება, მაშინ მე მით ჩემი საკუთარი ჯიბიდან გავუსწორდები.

— პატივცემულნო, იცოდეთ არსად არ წახვიდეთ, ჯერ კიდეც საჭირონი იქნები...ა... იმ პილატესთან, — ცოტა ფრთხილად, მაგრამ გასაგონად გაიხმაურა ერთმა კაცმა ხალხში.

— მაგ შენ ვარდივით აფერადებულ შუბლს კი ვენაცვალე, ჩემო ბატონო, — მხიარულად ხმამაღლა მიუგო მუცელგაბერილმა, — თუ კიდეც ერთ ხელადას დამალევინებენ მაგ ბროწეულისფერ ღვინოს, გათენებამდი აქედან ფეხსაც არ მოვიცვლი, ან რა უნდა გაეკეთო შინ ამ შუალამისას.

ზოგს გაეცინა.

— კაცნო, ეს საიდან გამოუთრევიათ, ერთი უყურეთ რაებს ბოდავს, — შენიშნა ერთმა, ეტყობოდა სასახლის კარის კატაგანმა, — ამას წინეთ აქაურობა აიკლო, კინაღამ ქუჩაში მორთო ყო-

ველგვარ უმსგავსო რამეების ყვირილი. მღვდელმთავარმა ხალხთაგანს არავის არ აწყენინოთო, თორემ შე მაგას ვუჩვენებდი. შეიძლება ვინმე რაბი იიშუს მომხრეც ურევია აქ და ყურს უგდებს მის სიტყვებს და მერე რომ წავიდეს და...

— ძლიერ კარგადაც უგდებს ყურს, სჯულის მადლმა, — მიუგო ერთმა პირპორფლიანმა პატარა კაცუნამ, — აი, ის მელოტი კაცი, რამდენჯერ მინახავს რაბი იიშუსთან ერთად, — მიუთითა კაცუნამ კეფაზე.

შიმონს ტანში შიშის ქრუანტელმა დაუარა. ამღვრეული თვალებით პატარა კაცუნას დაუბღვირა, თითქო ეუბნებო, გიჟი ხომ არა ხარ, რას მიედ-მოედებო.

— მეკარედ ვილაც მაძინია დაუსვამთ, შემოიპარებოდნენ არა სასურველი პირები, რა თქმა უნდა, მეკარედ დღეს გამპირიახი კაცი იყო საჭირო, ჩირალდანიც ხელში უნდა მიეცათ, კარგად დაეთვალიერებინა ყველანი და ისე სახის გამომეტყველებით ეცნო არასამედონი და არ შემოეშვა, — ჯავრობდა ერთი ზორბა და კარგად ჩაცმული კაცი. — აი, მართლა ეს თითქო მეცნობება, რაბი იიშუს მოწაფესა ჰგავს, — ანიშნა კეფაზე ზორბა კაცმა.

— მე... — წარმოთქვა შიმონმა და სახეზე ალმური აედინა. — მე... სჯულის მადლმა... იმას არც კი ვიცნობ... — ყლაპავდა სიტყვებს კეფა.

— კი, ნანაია, — საიდანღაც გაჩნდა ვილაც დედაკაცი. — უეჭველია, შეილო, შენც იმისი წრის კაცი უნდა იყო, გალილეველა რომ ხარ, ეს სალაპარაკო არაა. ლაპარაკში გეტყობა ზემოური კილო, განა არ ვიცი, განსვენებული ჩემი მეხუთე ქმარი გალილეველი არ იყო?

— დმერთი გამიწყრეს, მე თუ მისი მოწაფე ვიყო, — მტკიცედ მიუგო შიმონმა.

— თავი დავანებოთ, ახლა დავიდარაბის ატეხა არა ღირს, საქმე უიმისოდაც, იმედია, კარგად დაბოლოვდება, — ჩაელაპარაკა მამაკაცი დედაკაცს და ორივენი სახლისაკენ გაემართნენ.

— უყურე, უყურე, ჰა, ჰა, — აჩოჩქოლდა ხალხი, — დასცინიან, ემასხრებიან. აქეთ მოიხედე, აგერ, იმ მარმარილოს სვეტთან რაბი იიშუ. ბაწარი მოუხსნიათ, დგას, აბა სად გაექცევა ამდენ მღვევით ბიჭებს, — ამბობდა ვილაც ხალხში.

შიმონ-კეფა მარმარილოს სვეტს დააქქერდა, თითის ფრჩხილებზე შედგა, ხალხი გასწი-გამოსწია. ახლა მართლა კარგად გაარჩია მოძღვარი, მოწყენილი და დაფიქრებული. მოძღვარმაც

თვალი მოავლო ხალხს, თითქო შიმონიც შეამჩნია და მოსაყვედურე თვალით გადმოხედა.

შიმონი აკანკალდა, სული ყელში მოებჯინა და რომ იქვე არ დაეღრიალა, საჩქაროდ უკან გამობრუნდა.


ყიულიყო — ჭაისმა მამლის ყივილი.

— აი ღმერთო, თუ ჩქარა გათენდეს, თორემ მეტი აღარ შემოდ-
ლია. ახ, სადმე მისაწოლი ალაგი მაინც იყოს, ამ დედაბუდიანად
ამოსაგდებ ოჯახში, — ჩაილაპარაკა ერთმა ცეცხლის პირას მჯდომმა
კაცმა.

შიმონი უკვე ქუჩაში გარბოდა და მწარედ ტიროდა.

•





მ ა მ ე ლ უ კ ი

I

მდინარე ტეხურას პირას, სოფელ უშაფათის ბოლოს, ორ მთებ შუა, საკმაო ფართე ველია გაჭიმული. ეს ველი ნაყოფია მოუსვენარი მდინარის ათი ათასი წლობით მუშაობისა. უხსოვარი დროიდან ურეცხია მას ნაპირების გაყოლება მარჯვნივ და მარცხნივ ამართული, ხშირი ტყით და მუდამ მწვანე დაფნის ბუჩქებით დაბურული სერები; ეს ხელისგულივით სწორი ველი გაუქეებია, სილა-დანალექით გაუპოხიერებია და ამნაირად ადამიანისთვის მშვენიერი სახნავ-სათესი ადგილი მოუშადავია.

ადამიანიც სარგებლობს ბუნების უხვი წყალობით; ხელისგულის ოდენა ადგილს ვერ იპოვნით ამ ველზე დაუმუშავებელს, მოუხნავ-მოუთესავს.

ამ ერთ-ნახევარ საუკუნის წინათაც ამ ველზე სამარგლავი ღომის ჯეჯილი ბიბინებდა. მკათათვე იყო. მოწმენდილ, ფირუზისფერ ცაზე თავისუფლად მისცურავდა დიდებული მნათობი და ქვეყანას უხვად უგზავნიდა მაცოცხლებელ სხივებს. ფართე ველზე აქა-იქ მოჩანდა ზოგან ერთი, ზოგან ორი, სამი და მეტიც, პერანგისამარა, თოხიანი მომუშავე. ველს აქა-იქ საჩრდილობლად დატოვებულ, ლამაზად ტოტებგაშლილი ბეოლის, იფნის და სხვა ხეც ამშვენებდა.

ერთ ალაგას სამი კაცი მუშაობდა. ერთი მათგანი მთლად ქალარა იყო, მეორე დაწვერულვაშებული, ხოლო მესამეს საულვაშე ოდნავ ამწვანებოდა. პირველი მამა იყო, ორნი კი მისი შვილები.

—დაჰკათ, ვაყებო, დაჰკათ თოხები! სადილობამდე ეს სვე როგორმე გავიტანოთ,—გადასძახა მოხუცმა ახალგაზრდებს,—ღვთის შე-

წევნით, არ ხედავთ, რა ჩინებული დარია? ისე გაუხმეს სინსილასახსენებელი გლენიკაციის და საქრისტიანოს მაწუხებელს, როგორც დღევანდელ მოკრილ ღვარძლს სამუდამოდ ძირი გაუხმეს. ო...ო... შენი გულისა, რა ალ-ცეცხლს უკიდებს მადლით მოსილი!

— მე კი ვერ გამიგია, ბაბა, — შენიშნა უფროსმა შვილმა გიგომ, — საიდან გაჩნდა ჩვენს ყანაში ამდენი ქოქყოტი და დოლოკეტი? მგონია, შარშან ორჯერ გავმარგლეთ ეგ ოხერი, თითქო ღვარძლის ყური არ დაგვიტოვებია და წრეულს, შეხედე, კვალ-ამოსაგდებ თათრის ლაშქარივით დასეგია ისევ ჩვენს ყანას!

— კაი დახსომება გცოდნია, — სიტყვა მოუქრა უმცროსმა ძმამ. მალხაზიამ, — ბიჭო, შარშან ეს კუთხე ერთხელაც არ გაგვიმარგლავს ხეირიანად. აი ჩქ, ქუჩურა კოპიტის გაყოლება, მართალია, ორჯერ გავმარგლეთ და კიდევაც, თუ სქლად ამოსულ დომს დავარიგებთ თორემ, მარგვლა არც კი სჭირდება.

— მართალს ამბობ, შვილო, — დაემოწმა მამაც, — ხომ გახსოვს, ბაბაია, ვერ მოვასწარით მაშინ ამ მუხუროს გამარგვლა, არ დაგვაცალეს ღვთისა და კაცის მიერ მოძულეებულბმა. მიუხედავად ჩემი ქალარა წვერისა და ხელ-ფეხის სისუსტისა, მე, იმერეთისკენ სალაშქროდ წავიხანჩალაკდი. ყველა წმინდა ხთიშობელო, — თვალეზი ზევით აღაპრო მოხუცმა, — შენ მოუსწრაფე დღე ყველა უთავბოლო შფოთის ამტეხს, ძმათა შორის ხოცვა-ჟლეტის მოსურნეს! ღმერთო, შენ გაუმარჯვე სოლომონ იმერთა მეფეს... ზრესილთან კი გვარიან კარგა ჩაუკაქუნა იმ ურჯულოებს, ჩაუძაღლებია ის ძმათა მოღალატე ლევან აბაშიაც. ღმერთო, შენ გაუმარჯვე!

— მართლა, მომამონდა! მაშინ მეც ხომ ორი კვირა გავცდი, სალაშქროდ წამსვლელთა უნაგირების შემკეთებელს ვეხმარებოდი, — ცოტა არ იყოს, დარცხვენით თქვა გიგომ. — ოჰ! რამდენი ვზილე მაშინ აყროლებული ღვედი! დასწყევლის მაგათ ყული და ქიაჩი! ყანა კი გაუმარგლავი მიგვიჩჩა და ახლა ორკეცი შრომა სჭირია.

სამთავემ მარჯვედ დაჰკრეს თოხი. სილანარევე, მსუქან ნიადაგში ბასრმა რკინამ ჩახაჩუხი გაადინა.

— საცა წონა-სამართალია, სადილობის დროც კია, — თქვა მალხაზიამ.

მოხუცმა შუბლზე ხელი მიიღო და მზეს შეხედა.

— მართლაც და შუადღეს ბევრი არ უკლია, — აუჩქარებლად წარმოთქვა მან, მუშაობა შეწყვიტა და თოხის ტარზე დაეყრდნო, — ბიჭო, ივაცია და ფილუია ხომ წავიდნენ სოფლისკენ მესადილე

დედაკაცების თანამგზავრად. ალბათ, საცაა გამოჩნდებიან. ვერ მოასწრებდნენ საწყლები, ვერ მოასწრებდნენ, ბაბაია. ვაი, ახავაი! როცა ბევრთან გვაქვს საქმე, მუდამ ასეა, დროით თავს ვერ მოუყრი. ზოგს რა უქირს და ზოგს რა. ავადმყოფობაც რომ არ გვასვენებს. ქუჩის დედა ხომ ლოგინში მწოლიარე ავადმყოფია და წვრილფეხობით ხელფენშეკრული მისი რძალი მათა დროით ვერ წოცილიდა. ბიტას ცოლიც ავად გამხდარა... თორემ საბრალო დედათქვენი? სადილი რა ხანია დამზადებული ექნება, მაგრამ მარტო ხომ ვერ წამოვიდოდა. იძულებული იქნება სხვებს მოუცადოს.

— მოგვივდა, ბიჭო, ბაბანა! — გაეხუმრა გიგო მალხაზიას, — აი, გაიხარე, მოდიან.

მართლაც, მდინარე ტეხურის გაყოლება მიმავალ სასოფლო გზაზე ორი თოფით შეიარაღებული კაცი გამოჩნდა, მათ უკან თხუთმეტობდნენ მხარზე კალათგადებული დედაკაცი მოსდევდა.

ქალები ველზე თავიანთ მომუშავეებისაკენ გაიფანტნენ. ჩვენ ნაცნობ მომუშავეთქვენაც გამოეშურა ერთი შუახნის, გამხდარ-გამხდარი, მაგრამ მხნე და თამამი გამომეტყველების დედაკაცი. გვერდით შვიდი-რვა წლის ვაჟი მოსდევდა. ბავშვს მხარზე, თუმცა კარგა მოზრდილი დოქი ედგა, მაგრამ მაინც თამამად მოაბიჯებდა, დედას წინ თუ არ უსწრებდა, უკან არა რჩებოდა.

— ეს ვინ მოდის! ეს ვინ მოდის! ჩემი ხვიჩა, ჩემი ბაბაია, ჩემი გულის გამხარებელი? — მიეაღერსა შორიდანვე ბავშვს მოხუცი. — ბაბაია, თხები ხომ არ დააბნიე, შენ შემოგველოს ჩემი თავი?!

— არ დაიჯერა, თოლიგე, საშველი არ მომცა, ყანაში წამიყვანე და წამიყვანეო. რაც თხები, მორეკა, სულ ბუზღუნით თავი მომაბეზრა. მართალი უნდა ვთქვა, ეს დოქი სახლიდან მარტოდმარტო წამოიღო, — სიცილით თქვა ქალმა, ქუჩურა ბეოლის ძირას კალათი მოიხსნა და ჩითის ქრელი მანდილით გაოფლიანებული პირისახის წმენდას შეუდგა.

— კარგი, ბაბაია, კარგი, ჩემო გულის გავლავ, თხები კი არ დააბნიო, შენ შემოგველე, თორემ ყველი და მაწონი, შენ რომ გიყვარს, არ გვექნება, — კვლავ მიეაღერსა ბავშვს მოხუცი, მუშაობას თავი დაანება და ქუჩურა ბეოლისაკენ გაემართა.

ყველანი ბეოლის ჩრდილქვეშ ჩამოსხდნენ.

დედაკაცმა კალათიდან წაბლისა და წიფლის მწვანე ყვერი ამოალაგა და ფხვიერ მიწაზე სუფრის მაგიერად დააფინა. მანვე ახლად ამოღებული, ჯერ კიდევ თბილი ღომი დააწყო; ღომს შიგადაშიგ

ყველის ნაქრები ჰქონდა ჩარქობილი, ერთი მოზრდილი ნაქერა ცალკეც იღო.

— ჩალამკალამი არ მოიტანე? — დაეკითხა ცოლს მოხუცი. — ბეჩა, რად დაგაგვიანდა! ამ შენმა ვაჟებმა კინალამ ყელში ბაწარი კომიპირეს, ყმაწვილები არიან, დროზე ქამა უნდათ, — ხუმრობით ამბობდა მოხუცი... — ჰაი, ჰაი, ღედაკაცო, რაც სიბერე შემეპარა, მას აქეთ აღარაფრად მაგდებ... მაგრამ მომიფრთხილდი! ხშირ კვალვას, ხომ იცი, ქექა-ქუხილი და ეუუენა წვიმა მოსლევს!

— უი, თვალიც დაგიდგეს! რაებს ბოდავს ეს ქვესკნელში ჩასაძრომი, — ხუმრობითვე შეუტია ცოლმა და თანაც ტუჩზე მხიარულმა ღიმმა გადაურბინა, — ჩალამკალამს რაეა არ მოვიტანდი, — ამბობდა ქალი და კალათაში რაღაცას ეძებდა. — აი ჩალამკალამი! რად დაიგვიანეო? ასეთ ყოფაში ისიც კარგია, ამ დროს მოვაწიეთ. ერთს ავადმყოფი უწევს, მეორეს ბატონის სასახლეში ღომი აქვს საცეხეავი, მესამეს იქვე შალი აქვს საქსოვი. სანამ ყველა თავს შოიყრის, დრო და ხანი გადის. ახლა შეიარაღებულ გამცილებლების მოსვლას უნდა უტადო. ღმერთო, ჩვენი ცხოვრება რა ცხოვრებაა! ვითომ მოვესწრებით ისეთ დროს, სადილი ყანაში უთოფ-უიარალოდ მიგვქონდეს? ამ ზღვა-მდინარის გამოსვლაც ერთი ქირაა სწორედ! ვარცლის ტოლა ნავში ყველანი ერთბაშად ვერ ჩავეტიეთ. ხელმეორედ უკან დასაბრუნებელი შეიქმნა ნავი და ერთ ხანს დაეზანდრით...

— კარგი, კარგი, თოლიგე! ნუ მიაყოლე საბაია დიაკონივით, — კვლავ გაეხუმრა ცოლს მოხუცი, — მე და შენ, ბეჩა, მოვრიგდებით! ზეჩა, ბაბაია, ერთი ამ ჩალამკალამში დამისხი ის ძირქურთხეულის მონასხამი. თუ ყელი არ ჩავისველე, ისე ტყუილია, ლუქმას ვერ გადაველაპავ.

სახით ცქვიტმა, თვალეზბრიალა და ნიკაპმოგრძო ბიჭმა დოქს მწევანე ფოთლებისაგან გაკეთებული თავსაცობი მოხადა და ბროწეულის ფერი ღვინო ჩალამკალამში დაასხა.

მოხუცმა სავსე ჩალამი ხელში დაიჭირა, სასოებით ზევით აიხედა და წარმოთქვა:

— ღმერთო, დიდობა მოგეხსენა, ღმერთო, შენ იყავ ჩვენი შფარველი, ჩვენს ქვეყანაში მშვიდობა დაამყარე, შებატონეთ შორის დაუსრულებელ მტრობა-ქიშპობას ბოლო მოჰდე. ურჯულო დაამარცხე, ქრისტიანობა აღამაღლე. გაუმარჯვე და კეთილად წა-

რუმართე ყოველ საქმეში მათა * სოლომონს. მაგას კი ვენაცვალე. ბრძანება გაუცია, ვაყებო, თურმე, ვინც ოსმალეთში ტყვის გაყიდვას გაბედავს, ერი, ბერი, სულ ერთია, თუნდ ქყოინდარიც ** რომ იყოს, არ დავინდობ, თვალებს დავეთხრიო...ო...ოხ! შენ რომ მოგისხა, იმ ბრუნდე ვაზს ვენაცვალე! — აუჩქარებლად წარმოთქვა მოხუცმა, როცა ჩალამკალამი გამოსცალა, წვერ-ულვაშზე ხელი მოისვა და აქა-იქ დავარდნილი ღვინის წინწყვლები მოიწმინდა.

დასხდნენ სადილად მაშვრალნი და მადიანად ჰამას შეუდგნენ. პატარა ხვიჩაც გვერდში მოუჯდა მამა-ძმად და თუმცა შინ უკვე ესადილნა, მაგრამ სხვების წაბაძვით ისე გემრიელად ილუკმებოდა, თითქოს სამი დღე ლუკმა არ გაუღეჭიაო.

— ის ვინ უნდა იყოს, ბაბაია? აბა, შეილო, გიგო, ერთი გაიხედე, იმ შარაგზაზე ცხენოსანი ვინ მიდის? ნეტავ, ვინ უნდა იყოს? ჰეპე გუშა, სადა ხარ დროებავ! ჩოგორ მირბის დრო, თვალსაც დამაკლდა, ეგ სანგარო! ხეზე ჩამოკიდებულ კვერცხს სამოცი ნაბიჯის მანძილზე ტყვიით შუა ვხვრეტდი, — ნალვლიანად ჩაილაპარაკა მოხუცმა, — ახლა კი ცხენოსან კაცსაც ვერ ვარჩევ ხეირიანად.

გიგომ და მალხაზიამ ცხენით მიმავალს თვალები დააშტერეს.

— ე...ს... ვინ უნდა იყოს? მურზაყან რევიას ჰგავს, — თქვა გიგომ.

— უეჭველად მურზაყანია, ნაბდის ტარება ზამთარ-ზაფხულ იმან იცის ხოლმე, — კვერი დაუკრა მალხაზიამ.

— მურზა რევიაო? აბა, ქალო, გაქვს თუ არა კიდევ ღომი კალათაში? ყველი გვაქვს? — საჩქაროდ დაეკითხა მოხუცი ცოლს.

— ღომი ორი ჩოგანი კიდევ მაქვს, ყველიც მაქვს, მაგრამ ასეთი მცირე რამ როგორ გაებღებდა, შე დამწვარო, უცხო სტუმარს. იქით! არ გადაირიო, არ მოიპატიო, — უშლიდა ცოლი.

— შენ რა იცი, უტვინო დედაკაცმა! აბა, ბაბაია, მურზაყანს ერთი ჩალამი ღვინო უნდა დავალევიო. შევთავაზებ, იმედი მაქვს, არ გამაწბილებს. ე...სხე...ხე ნანაია შური, დავდლილვარ, — ჩაიკვნესა მოხუცმა, მძიმე-მძიმედ ზეზე წამოდგა და გზად მიმავალი ცხენოსნის მისაგებებლად გაემართა.

ერთი ორი წუთის შემდეგ ქუჩურა ბჟოლასთან ბედაურმა ცხენმა ჩირათი მოადინა.

— უკაცროდ კი ვარ, ბატონო მურზაყან, კადნიერებისათვის, — ებოდიშებოდა მოხუცი, — მაგრამ ჩვენი გაზრდილი ხარ, იმედი

* მათა—მეფე. ** ქყოინდარი—ქყონდიდელი.

მაქვს ჩვენს ძუძუ-მკერდს არ შეაფურთხებ, პატივს სცემ ჩემს კალარას და ერთ ჩალამკალამ ღვინოს მიირთმევ.

— დიდი სიამოვნებით, ჩემო ტაგუია, ჩემო მორღუ, ძლიერ მოხარული ვარ, რომ მშვიდობით გბედავ შენი ძვირფას ცოლ-შვილიანად, დიდი მადლობელი ვარ, რომ დამიძახე, — თქვა სტუმარმა და ცხენიდან ჩამოხტა; ნაბადი გადაიძრო და უნაგირზე დააფარა. — ამ ოხრის დაკეცვაც დამეზარა, მუდამ ზედ ვათრევ, რას იზამ, ჩემოსთანა მუდამ მოგზაური კაცისთვის მიუცილებელი საქონელია.

— ჭკუიანი მოსაზრებაა, ჩემი ბატონის დღეგრძელობამ, ხომ ვაგიგონია, ბატონო, ჩვენებური არაკი: — თუ ნაბდის ბელით წაღება დაგეზაროს, კავს მოაბი და იმით ათრიეო. მობრძანდი, ჩემო ბატონო! — მოიპატიეა მოხუცმა.

— სალამი, ჩემო ტაგუია, — თქვა მურზაყანმა და კოხტად გამოიქიმა. კაცი იყო ტანად მაღალი, მხარ-ბეჭა; ზურგზე განდაგან ეკიდა მშვენიერი სტამბოლის თოფი. ერთი დამბაჩა უკან ქამარში ერქო, მეორე წინ ეკიდა. წელზე ხმალი ერტყა, სახის გამომეტყველება მამაცი და მხიარული ჰქონდა.

— შენი თავი არ მომიკვდეს იმის მეტი, — მტკიცედ მიუგო ტაგუიამ.

— შენი ჰირიმე.

— არა, შენ არ მომიკვდე.

— მე გთხბე!

— არა, ეს სამივე ბალანა ნუ დამეხოცება.

როგორც იყო, კაი ხნის ხვეწნა-მუღარის და ბოდიშის შემდეგ, მურზაყანი დასთანხმდა სალამის მიცემას, თოფი მოიხსნა და ბელოს ძირას მიაყუდა. იქვე ორი სხვა თოფი უკვე ეყუდა, ერთი ტაგუიასი, მეორე გიგოსი.

მურზაყანიც მიუჯდა მუშის სახელდახელოდ გაწყობილ სუფრას. თბილი ღომი ლამაზად მოტეხა, მშვენიერი, ახალი სულგუნის ყველი შეატანა და სხვებზე არანაკლებ მადიანად ჩამქუძნა.

— უკაცრაოდ, ბატონო, ღმერთო მომკალი... დასაპატიებლად არა ვღირსვართ შენ თავს და ამ გადაშთერებულმა ყაზახმა სად მომიყვანა შენი თავი, ჩემო ბატონო, — ებოლიშებოდა სტუმარს ტაგუიას ცოლი მზეხაც.

— როგორ გეკადრება, ძიძა, ამისთანა სიტყვები. ამ სუფთად გაკეთებული ბაიასფერ ღომს და თოვლი „ატატია“-სავით თეთრ ყველს მე კი არა, დაღიანის შვილი არ დაიწუნებს. ღმერთმა ეს

არ მოგვიწალოს და სხვას ნულარ სწუხარ, ჩემო გამზრდელო ძიძა. ამისთანა ჭანას აქვს გემო, — ამბობდა სტუმარი და ლუკმას ლუკმაზე ანელებდა.

— რომ მცოდნოდა, ქათამს მაინც გავაკეთებდი, ნეტავ გამაქვეავოს...

— ერთი შენც ახლა, დედაკაცო, ქათამი კი არა, კვერცხი არ გახდა! რაც გვაქვს, ის არის, — ამბობდა ტაგუია. — მურზაყანს ჩვენია, არ დაგვძრახავს. ღომი და ყველი კი არა, მარტო ღომის ქერქის მეტი არაფერი მქონდეს, თუკი ეს ღვთივ კურთხეული მექნება, — მიუთითა ტაგუიამ დოქზე, — კაცის დაპატიყების სრულებით არ შემრცხვება, თუგინდ უფლისწულიც მომადგეს კარებზე.

— მართალია, მართალი, ჩემო ტაგუია, საცა ღვინოა, იქ ყოვლისფერია. ჩინებული ღვინო დაგიყენებია სწორედ. შენ ყოველთვის კარგი ღვინოს დაყენება იცოდი. წმინდა ოჯალეშია განა?

— აბა, მურზაყან, როგორ მოგატყუილო, ბიძიჩემის უტასი და ბიცოლაჩემის თათიას გაზრდილი ხარ. აზნაურიშვილი ხარ, ღვინოს გამოცნობა კარგი იცი. შეილებს გეფიცები, ოჯალეში, მართალია, კი ურევია, მაგრამ დიდად მეტი წილი პანეშია.

— მამიჩემის სულს გეფიცები, ეს ღვინო ოჯალეშს არ დაუეარდება. ღვინოს, მართალს ამბობ, გვარიანად გამოვიცნობ, მაგრამ ამ შენთხვევაში, ვინც გინდა მოიყვანე, ამ ღვინოს ოჯალეშად ჩააგდებს.

— შენი ქირიმე, ა? მურზაყან! — გამხიარულდა მოხუცი. — წმინდა ოჯალეში სამიქელგაბრიო ლაგვანში * მაქვს ჩასხმული. დაილოცა მისი სახელი! ამ ნამარიობებს მინდა მოვილოცო. მაშინ რომ მელირსებოდეს შენი თავი, ის იქნება ღვთის წყალობა, თორენ ახლა რაა, მართლაც და ამ ჩვეგერე დედაკაცისა არ იყოს, დასაპატიყებლად ვინ მალირსებს შენს თავს და ახლა კი ამ უვერს მოგიჯდინე. სწორედ თავხედობაა, მაგრამ...

— სწორედ, სწორედ დიდი თავხედობაა, — გააჯავრა სტუმარმა. — კაცო, ეს აფხაზური ბოდში სად გისწავლია! საქმე კეთილი გულაა და არა ბევრი ხორციელობა და ხის ფართე ტაბაკი. მე კი, მართალს თუ მათქმევიწებ, ასეთი გემრიელი საქმელი ერთი ხანია არ მიქამია. თქვენ გვაროვნობით მოგდევთ პურმარილიანობა. თქვენ მიერ მითავაზებული მწარე ბოლოკიც გემრიელია... ჩემო ბაბაია, ტაგუია, — თქვა სტუმარმა და ღვინით სავსე ჩალაში ხელში დაიჭირა. — ღმერთმა და წმინდა გიორგი ხორციელ-

* ლაგვანი—ქვეერი.

მა გიცოცხლოს ჯერ შენი თავი და მერე შენი ცოლ-შვილი. ყოველგვარ აღიანჩალიანს აგაცდინოს... ფო...ფო...ფო!... ამაზე უკეთესი ნამდვილი ოჯალეშიც ღმერთმა დასწყევლოს! ან რა ფერისა დამდგარა, თითქოს გაწურული ბრეწოულიაო. შენ რომ მოგაჩხა, იმ ვაზის ძირს ვენაცვალე, — თქვა სტუმარმა, როცა ჩალამი დასცალა.

— სწორედ ვენაცვალე, — კვერი დაუკრა ტაგუიამ...

— მოიცა, ტაგუია, ეს პატარა ბიჭიც შენია, არა?

— დიახ, ბატონო, ეს ჩემი ბაბაია გახლავს, — მიუგო ტაგუიამ და მოალერსე თვალებით ბიჭს გადახედა.

— ერთი შეხედეთ ამ ბებრუცანას, რა ჩაუდენია ამ სიბერის დროს! — გაიხუმრა სტუმარმა...

— ეს ბატონო, სულ ამ გლახაკი დედაკაცის ბრალია! ბებერი ხარ, ბებერი ხარო, მაცყედრიდა მუღამ და მეც ვუჩვენე ბებერი ვარ თუ არა! ჰა, ჰა, ჰა!...

— იქით დაიღუპე!.. მიწა მოსაყრელი შენი ენა, — დატუქსა ცოლმა, შეწითლდა და ბეოლის ძირს მოეფარა.

სტუმარი იცინოდა, ვაეებიც იცინოდნენ.

— ჯერ კიდევ დამაცადოს. ჯერ სადაა, ერთი მოვრჩე ამ სამარგლავს, — წახალისდა ტაგუია, — მე შენ გიჩვენებ ბებერი ვარ თუ არა!

— არაფერია, ძიძა, ნუ შეგრცხვებათ! ხუმრობს, თორემ მეტს ველარ გაბედავს, ღვთით ტარიელივით ბიჭები გარს გახვევია, რამე რომ გაგიბედოს, ბადიდ-კაცს ცხვირს მოამტვრევენ. ხი, ხი, ხი!.. — ხითხითებდა სტუმარი.

— იმდენი აღდგომა მაგას გათენებია, — ბუტბუტებდა დედაკაცი.

— სხვას თავი დავანებოთ, ძიძა, პატარა ბიჭიკო დაგიფარავს, ბადიდ-კაცს ფეხზე ბაწარს მოაბამს, არა, ჯიჯი? — ალერსიანად დაეკითხა სტუმარი ხვიჩას.

ბიჭმა მოღიმარი სახით სტუმარს შეხედა, მერე მამას გრძნობით სავსე თვალებით დააქჷრდა...

— ჩემი ბაბაია მე არ მილაღატებს, — მიეალერსა მოხუცი ბავშვს და თავზე ხელი გადუსვა.

ყველანი გამხიარულდნენ და ჭამა გააგრძელეს.

— სხვა, ბატონო მურზაყან, შენ ხომ ყველგან დადიხარ, რა ამბავია ქვეყანაზე, ვითომ ცოტა მოგვეშვა? ვითომ ღმერთმა მოგე-

ხედა? ვენაცვალე მის სახელს, — პირჯვარი გადიწერა მოხუცმა, — ვითომ განმტკიცდა ჩვენი დადიასი და მეფის მეგობრობა?

— ასე მოგახსენებენ და საქმიანაც ასე ჩანს ჯერჯერობით, — საქმიანი კილოთი მიუგო სტუმარმა. — ჯერჯერობით, ჩვენი ოტია დადია ერთგულად იქცევა, თუ ეშმაკი არ დააჯდა მხრებზე და არ ულაღატა ფიცსა და ნათესაობას. ამდროებით, მართალი უნდა თქვას კაცმა, ძლიერ შველის მეფეს. გურიელიც თითქოს მოლბა, საშიში არაა. მხოლოდ საქმეს აჭირებს ის როსთოია რაქის ერისაჲე. არ ცხრება და არ ცხრება მაგ ურჯულოს თანაზიარი. თუ ისიც დაამარცხა მეფემ, მაშინ, იცოდე, ტაგუია, რომ ჩვენშიაც ისეთი მშვიდობა დამყარდება, როგორიცაა მეფე ელეკრეს სამეფოში, ქართლ-კახეთში.

— ჰო! ელეკრე მეფე? ის არ არის, რომ სიმღერაში იხსენიებენ?

— დიახ, ის არის. სხვანაირად კიდეც პატარა კახს ეძახიან, — განუმარტა მურზაყანმა.

— შენი გულის კირიმე! — აღტაცებით ამბობდა მოხუცი. ახალგაზრდებმა ჰამას თავი დაანებეს და სმენად გადაიქცნენ.

— ელეკრე მეფე, ჩემო ტაგუ, რას ამბობ, ბაბა, — დინჯად გააგრძელა სტუმარმა, — ციდან მოვლენილი კაცია. საითკენაც ხელი გაისვია, ყველგან მუსრი გაავლო ურჯულოებს. ლეკები გინდა, ყიზილბაშები, თუ ეს წყეული ოსმალები! ინდოეთში რა ამბები ქმნა თურმე! ამბობენ, ბედაურზე რომ შეჯდება, ქარქაშიდან ლეკურს რხაალს გაადენს, შესძახებს და შეუტევს მტერს, ცოდვილ თვალს არ დაენახვება თურმე. საარაკო რამეაო, მოგახსენებენ.

— ბიქიც ის ყოფილა და... — წარმოთქვეს ჯეილებმა.

— ღმერთო, შენ გაუმარჯვე, — ამოიოხრა მოხუცმა და ღვინით საესე ჩალამი ხელში დაიჭირა. — ღმერთო, შენ გაუმარჯვე ყველა ურჯულოთა მებრძოლს, ქვეყანაზე მშვიდობის დამამყარებელს, საწყალი გლეხკაცის გამკითხველს, ქვრივ-ობოლთა შემწეს. ყველას ერთობ, წონა-სამართლის მექონს. ღმერთო, ის დღე მაჩვენე, ისე საფლავში ნუ ჩამყვან, რომ ყანაზე უთოფოდ მივდიოდე, დედაკაცს სადილი მარტოდმარტო მოჰქონდეს და არაფრის შიში და რიდი არ ჰქონდეს.

— ჰაამინ, ჰაამინ, — მიუგო სტუმარმა.

ტაგუიამ ჩალამი დასცალა და სტუმარს დაულოცა.

— ბატონ მურზაყანს დაულოცავ მრავალ წელს, ღმერთმა შენი თავი მიცოცხლოს. შენ სხვა მტაცებელ-ამწიოკებლებს არა ჰგავარა

და იმიტომ სულით და გულით მიყვარხარ. ღმერთმა დიდი დღე მოგცეს.

— მადლობელი ვარ, ჩემო ტაგუია. ახლაც თუ დავაკვირდებით საქმეს, რაც იყო ამ ხუთიოდ წლის წინათ, იმის შედარებით, ბაბაია, მშვიდობიანობაა. ქალს შენ თავი დაანებე, კაცო, მე თვითონ, რაც გინდა იყოს, გვარიან გამოქნილი და მარჯვე ვაჟკაცი ვარ მგონია, მაგრამ ტყუილი რა საჭიროა, უღამბაჩოდ სახლიდან ვერ გამოვიდოდი. ახლა, აქა-იქ, კანტიკუნტად თუ მოხდა რამე, თორემ ისე შიშინანობა არაა. სასტიკი ბრძანებაა გაცემული მეფისაგან ტყვეთა მომტაცებლების წინააღმდეგ.

— ამბობენ, ამბობენ, ბატონო მურზაყან, — სიხარულით წარმოთქვა მოხუცმა.

— ტაგუია, იცოდე, თუ ჩვენმა ოტია დადიამ და იმისმა შვილმა კაცია ამ უღალატა მეფე სოლომონს და თუ გურიელიც დაუმეგობრდა, მე მოთქვამს, ამ შინაურ ჩვენ წუწკებს ხომ ალაგმავს და ალაგმავს, ოსმალეზსაც განდევნის აქედან. იცოდე, ქუთაისსაც დაიბრუნებს, შეიძლება ფოთიდანაც განდევნოს ურჯულოები. ღმერთმა ნათქვამი შეგვისრულოს, — თქვა სტუმარმა და ჩალამი დასცალა.

— ღმერთმა ქნას, იოსე ქრისტემ ჰამენი შეგაწიოს, მაშინ ხომ თრევაც აღარ დამქირდება ყანაში...

— იცოდე, ასე მოხდება, თუ ღმერთმა აცოცხლა სოლომონ მეფე. მე ვიცი, ბაბაია, როგორ არის საქმე. სამჯერ ვიყავი ლაშქრობაში...

— მურზაყან, შენი კირიბე, იმ შარშანდელ ხრესილის ბრძოლაში * იყავი? — დაეკითხა მოხუცი.

— ვიყავი. აი ეს თითი იქ დავიშავე, — მიუგო მურზაყანმა და მარცხენა ხელი უჩვენა. სალოკი თითის ალაგას რალაც პატარა აბორცეებული მოჩანდა.

— ნანა შვილო! — მწარედ წამოიძახა მზეხამ.

— ეს რა არის, ძიძა, ისეთ ადგილას ჩავეარდი, თუ ცოცხალი გადავრჩებოდი, არ მეგონა. ჩვენებმა, ღმერთს მართალი უყვარს, მაშინ სწორედ თავი ისახელეს. ოო, ბაბა ტაგუ, დიდი რამეა ერთი პირი და ერთი გული! საცა ერთი პირი და ერთი გულია, იქ ჯარი უძღვევლია. კარგა ხანია იმერლების და მეგრელების ასეთი ერთსულ-გულოვნობა არ უნახავს კაცს და კიდევაც საშინლად დავა-

* ხრესილის ბრძოლა 1755 წელს იყო.

მარცხეთ მტერი. მტერი მარა, რა მტერი, ჩემო ხვანთქარო. ოსმალები ხომ თმის სისქე იყვნენ, ახლა ჩვენიანებიც, თვალდაბნელებულნი, რამდენი გინდა მათ ზურგს უმაგრებდნენ. ბედუკულმართ ლევან აბაშიას მეთაურობით, მაგრამ, გაქვს ღვთის წყალობა, ჩვენ მაგათ სერიი ვაჩვენეთ. შინაური განხეთქილება ღუპავს, ტაგუ, ჩვენს ქვეყანას, თორემ, მე მაშინ დავრწმუნდი, გარეშე მტერი ერთზე ათიც მოვიდეს, თუ ჩვენ ერთობა გვაქვს, გავუმკლავდებით.

— მერე ვინ არის, მურზაყანის კირიმე, განხეთქილების მიზეზი? ისევ დაღია, მისი კარისკაცები, თავადები, ჭყონდარი და მაგისტანები, თორემ თაარ ანგილოზს გეფიცები, მე და ოკრიბელი, ჩემსავით მხვნელ-მთესველი, თავის დღეში არ ავიშალოთ და ერთმანეთის მოსაკლავად არ მივიწიოთ. საერთო მტრის წინააღმდეგ კი ერთგვარი ხალისით გავალთ ორთავე. მე ერთი უბრალო ძროხა ყაზახი გეუბნები ამას. შფოთის და დავიდარაბის ამტეხი ყოველთვის დიდკაცობაა, თუგინდ მიწყინე ეს სიტყვა, — ცოტა აპილპილდა ტაგუია.

— მწყინს კი არა, მიხარია, რომ მართალს ამბობ, — აღტაცებით მიუგო სტუმარმა.

— მართალს, მამიჩემის სული ნუ წამიწყდება, — წათამამდა ტაგუია. — ჩვენ, დაბალ ხალხს, არაფერი სამტრო ერთმანეთთან არა გვაქვს. ერთხელ, მაშინ ახალგაზრდა ვიყავი, მე და ცხონებული ჩვენი კოჩა დავითაია იქით, შორს, ზემო მხარისკენ მოვხვდით. მივედით ერთ საწყალ კაცის სახლში. მტრობა კი არა, ისე გაუხარდა, თითქოს სათათრეთში გაყიდული და უკვალოდ დაკარგული ძმები დაბრუნებოდესო. თავს შემოგვევლო, საბრალო, რაც შეეძლო, პატივი გვცა, მეორე სოფლამდი გამოგვაცილა. მეც ახლა, თავის ქება კიტრად ღირსო, ნათქვამია, მაგრამ ჩვენი შორეული მოძმე თუ ვნახე ჩემ სახლში, ვუმტრობ კი არა, სხვამ რომ ხელი ახლოს, უსიკვდილოდ არ დავანებებ... ჰაი, მართლა რა გითხრა, ამას წინათ რა მომივიდა, — მხიარულად წარმოთქვა ტაგუიამ. — გავიხედე, კარს მომადგა ორი ცხენოსანი, ისინი სულ იქითური, ქართის * მხრიდან უნდა ყოფილიყვნენ. იმათ უნაგირს, მურზაყან, უკან კომპული სულ არა აქვს, ისეა თალივით გადამრგვალებული.

— კი ვიცი, რამდენი მინახავს, — შენიშნა სტუმარმა...

— აი, მესტუმრნენ. ისეთი გამიხარდა, რომ მამაჩემი ცაქვია აბედია მოსულიყო საიქიოდან, ისე არ გამიხარდებოდა სწორედ;

* ქართი—თბილისი.

მაგრამ საქმე იმაშია, ვაჟო, რომ ისინი თურმე ღმის არა სჯამენ, სულ პურის ქამას ჩვეული ხალხია. აი, თოლიგე, შეიძლება რამე მოავგარო-მეთქი, ვუთხარი დედაკაცს. საბრალოს სადღაც ერთორი ატარი * იფქლის ფქვილი ჰქონოდა, სალოცავი კვერებისთვის შენახული. საჩქაროდ ხაქაპური გამოვაცხობინე. სხვა ცოტ-ცოტა, შენი და მიქამ-გარიოს წყალობა, პურით არ ვიყავი ზურგამაგრებული, თორემ ყოვლისფერი მქონდა. ოჰ! ღმერთმა დასწყევლოს უკეთესი ტაბაკის ხალხი! ისე მოიღვინეს, ისე დაგვლოცეს, ისეთი მრავალყამიერი დასძახეს, თავისებური, მაგათ გრძლად სცოდნიათ, გაქიანურებული, რომ დიდი და პატარა გაგვამხიარულეს... ეს იმას მოვყაოლე, თორემ რა სალაპარაკოა, ჩხუბს და მტრობას დიდკობა სთესავს, თორემ ჩვენ, მხენელ-მთესველი ხალხი მუდამ კეთილგანწყობილებაში ვიქნებით ერთმანეთთან. მაშ, ეს ღმერთმა შური და მტრობა მოსპოს ჩვენს ქვეყანაში. საერთო მტრის წინააღმდეგ ერთი პირი და ერთი გული მოგვეცეს. მაშინ არც ტყვედ გაიყიდება სთამბოლში უბედური ჩვენი კაცის შვილი, — წარმოთქვა მასპინძელმა და სავსე ჩალამი ხელში დაიჭირა. — ოხ, ღმერთმა სწორედ მიცოცხლოს შენი თავი, ღლეს გული გამიმსუბუქე მოხუცებულ კაცს. ჩემო ბატონო მურზაყან, შენისთანა ერთი ასი რომ ერიოს ჩვენ თავად-აზნაურებში, მაშინ ჩვენი საქმე სულ სხვანაირად იქნებოდა.

— გმადლობ, გმადლობ, ჩემო ტაგუა.

— თაარ ანგილოზი იყოს შენი მფარველი ყოველ შარავნაზე, — დალოცა სტუმარი მასპინძელმა და ღვინო დალია. — ოო... მართლა გვარიანი ღვინოა, ღმერთმა უკეთ იცოდეს. ბატონ მურზაყანს სიცოცხლე და გამარჯვება.

— ღმერთმა გაგიმარჯოს! ღმერთმა ეს შენი ვაჟები გიცოცხლოს, მათი წითელი გვირგვინი გაჩვენოს! იცოცხლეთ, ბიჭებო. — გადასძახა ჯეილებს.

გიგომ და მალხაზიამ მადლობა მოახსენეს.

სტუმარმა ღვინო დალია და ჩალამი გიგოს გადასცა. გიგომაც და მალხაზიამაც ხელახლა მადლობა მოახსენეს და ღვინო დალიეს.

— იმ ხრესილის ბრძოლაში, ბატონო მურზაყან, შარშან მეც გამიწვიეს. რავე გგონია? წაეჩანჩალაკდი ამ ჩემი კუნტა ** თოფით. ჭხენისწყლამდე მივედი და ამბავიც მოვიდა, მეფეს და დადიას გაემარჯვაო, და უკანვე გამოვბრუნდიო.

* ატარი—ჯამი. ** კუნტა—მოკლე.

— ოი, შენ რომ სალაშქროდ გაგიწვია, იმას შენი მეტი ჰქუა არა ჰქონია, — შენიშნა მზებამ...

— ჰა, შე ტვენგერე * დედაკაცო, ერთ ტყვიას ხომ მოვიკავებდი, შეიძლება, ერთიც იქით გამესაღებინა...

— რას ამბობ, ძიძა, ტაგუია ჩინებული მსროლელია, — უთხრა სტუმარმა. — ვო, ტაგუია, მახსოვს, მე რომ პატარა ვიყავი და თქვენ ოჯახში ვიზრდებოდი! მაშინ, აღდგომა დილით ადრე, ნაწირვევს ცაცხვის ქვეშ წითელ კვერცხს რომ ჩამოკიდებდნენ და იყო ერთი ნიშანში სროლა! შენ რამდენჯერ ჩამოგიგდია...

— იმდენი, შენ არ გწყევლი, და ამ ჩემს ბაღნებს გაუთენდეს აღდგომა, — თქვა მასპინძელმა.

— იმ ხრესილის ბრძოლაშიო, ამბობენ, ხუტუნია შარაშიამ ისახელა თავიო, — მორიდებით შენიშნა გიგომ.

— ქეშპარიტია, ქეშპარიტია! — დაადასტურა მურზაყანმა. — ხუტუნია ხომ კაცი კი არა, მღევი იყო სულგანათლებული! რომ შევარდა, ყმაწვილო, ოსმალოს ჯარში და რომ მოისვა ლეკურზე, თექვსმეტი კაცი ჰარხალივით მიათალა ერთმანეთს და თვითონაც ზვარაკად შეეწირა საერთო საქმეს.

— ღმერთმა ნათელი აღუდგინოს, — სასოებით თქვა მოხუცმა, ჩალამკალამში ღვინო ჩაასხა, მერე ჩალამს თავი გადუწია და რამდენიმე წვეთი ღომის ნამცეცზე დააწვეთა.

ხუტუნიას შესანდობელი ყველამ ლოცვა-მოხსენებით დალია.

— ახლა კი საკმაოა, ბაბა ტაგუია, — თქვა სტუმარმა.

— ერთი კიდევ, შენი ჰირიმე, ბატონო, ჯერ ღვინო კიდევ არის.

— ნურც გამოლიოხ ღმერთმა, მაგრამ ჩვენთვის კი მეტი რიგი არაა. ყანაში მუშაობის დროს ესეც გადავაჭარბეთ.

— ყველა წინდა ღვთიშობელი იყოს, ბაბაია, შენი და შენი ოჯახის შემწე, — წარმოთქვა სტუმარმა, ჩალამში ცოტა ღვინო დაასხა, დალია და ზეზე წამოდგა. — დიდად გმადლობ, ბაბაია: ასეთი გემრიელი საქმელი, მგონია, ხშირად არ მიჭამია, ნუ მოაკლოს ღმერთმა ბარაქა შენს ოჯახს.

— მომკლას ნეტავ ღმერთმა, სული ამომხადოს, მოგატყუილეთ, ბატონო, — უანგარიშო ბოდიშს მოჰყვა დიასახლისი.

სტუმარმა ერთხელ კიდევ მადლობა გადაუხადა, თოფი გადიკიდა, ცხენზე შეჯდა და თავის გზას გაუდგა.

* ტვენგერე — გამოჩერებულნი.

მზეხა და ხვიჩა სხვა მესადილე ქალებთან ერთად ისევ შეიარაღებულ მამაკაცების თანხლებით შინისკენ წავიდნენ.

— აბა, ბიჭო, ხვიჩა, შენ ჭკუიანად იყავი, — დააბარა გიგომ, — მარტო არ გარეკო თხები, არც შორს წახვიდეთ. ბეკოს ნაფუზართან მალალი ანწლია, იქ ხუთასი თხაც რომ იყოს, გაძლება. ჭკუიანად იყავით. ჩიტის ბუდეს ნუ შლით ხოლმე.

— ჭკუიანად, ჩემო ბაბაია, ჩემი გულის გაშხარებლო ბაბაია, — დააბარა მოხუცმაც.

II

ტაგუიამ და მისმა შვილებმა ნასადილეცს ჩრდილ ქვეშ ცოტა წაიძინეს. მზე გადიხარა თუ არა, წამოცვივდნენ, დაავლეს თოხს ხელა და მუშაობას შეუდგნენ.

სამხრობის დრომ მოაწია. მწევანე ჯეჯილით აბიბინებულ ველს მოწმენდილ-მოკრიალებული ფირუზის ფერი ცა დაჰყურებდა. არსად ერთი ბეწო ღრუბლის ბულული არ მოიძებნებოდა. თითქოს ჰაერი ერთ ალაგას გაიყინაო, არსაიდან სიო არ ჰქროდა.

— ოჰ, მეტისმეტი ცხელა, ლამის სული შემიგუბდეს. ვო შური საყვარელი, ერთი კაი ბორია ახლა ათას ქისა მარჩილად ღირს, — ინატრა უმცროსმა — მალხაზიამ.

— მაინც რა გადაცემული დღეა ეს დალოცვილი, — დაეთანხმა გიგოც.

— მართალია, ბაბაია, ცხელა, — აუჩქარებლად წარმოთქვა მოხუცმა, — სიცხე ჩვენ გვაწუხებს, მაგრამ ჭირნახულისთვის კი დაუფასებელია. ყველასთვის სასიამოვნო იმ დალოცვილ ღმერთსაც რომ ვერ შესძლებია! ჩვენ გვასიამოვნოს, ჭირნახულს არ ესიამოვნება, ჭირნახულს ასიამოვნოს, ჩვენ არ ვართ კმაყოფილი.

— ჰეჰე, რაღა გაეწყობა! — წამოიძახა გიგომ. — გავვიძლია, კიდევ გავუძლოთ, სხვაფრივ არ იშოვება მაგრად ჩასალუკმებელი. ჰე, ბიჭო! — გადასძახა მალხაზიას და თოხი მარჯვედ მოიქნია. მალხაზია აყვა. არც მოხუცი ჩამორჩა უკან და კვლავ გაისმა თოხის აჩქარებული ჩახაჩუხი.

— ეს სვე. როგორმე, ბიჭებო, და მერე ცოტა შევისვენოთ, არც მაინცდამაინც თავის გადაყოლება ვარგა, — თქვა მოხუცმა.

— სიცხეს კი გავუძლებ, რაც გინდა იყოს, სანგარო, სხვანა-

რადაც არა ვარ კარგად, რადაც მთელი ტანი დაბეჭილივით მაქვს, — ჩიოდა გიგო.

— ალბათ, ბელტზე დაწოლილხარ, შვილო, უხერხულად, — მიუგო მამამ.

— არა, დილიდანვე უხასიათოდ ვარ, მთელ ტანში სიმძიმესა ვგრძნობ, ვაითუ ცივება დამიწყოს...

— სუთ, სუთ! — გააწყვეტინა მალხაზიამ. შეჩერდა, თოხის ტარს დაებჯინა და სმენად გადაიქცა.

— რა იყო, ბაბა? — დაეკითხა მამა.

— რადაც კივილივით მომესმა.

სამივენი შეჩერდნენ და ყური დაუგდეს.

— თითქოს რადაც მეც მესმის, — თქვა გიგომ.

— ძალლი ყუფს, მგონია, — შენიშნა ტაგუიამ.

— ძალლის ყუფაც ისმის, ნამდვილია.

სხვა მომუშავენიც შეჩერდნენ ველზე და ყურს უგდებდნენ.

სოფლიდან რადაც ხმაურობა მართლა მოისმოდა, ქალების კივილსა ჰგავდა.

— ავააა! მოკვდა ვილაცა, — გაუბედავად თქვა მალხაზიამ.

— ვაი, საბრალო, თუ ქუჩუს დედა გარდაიცვალა. ხანში შესული ადამიანი იყო საცოდავი, — შენიშნა ტაგუმ, — მე რომ, ბაბაია, პატარა ბიჭი ვიყავი, იმას მაშინ ხუთი შვილი ქე ყავდა. კაცი, სანგარო, ერთი გუდა სისხლია, რა ბევრი უნდა, რომ მოკვდეს.

— არა, ქუჩუს დედა გუშინწინ ვნახე, სასიკვდილო პირი არა აქვს, — დაფიქრებით თქვა გიგომ. — ალბათ, გარეშე სოფლიდან ვისმე სიკვდილის ამბავი თუ მოიტანეს. უეკველია ქალების კივილია. ე! უყურე, ხმაურობა თანდათანა ახლოვდება, თითქოს აქეთკენ მოდიანო.

ხმაურობამ იმატა. ახლა ქალების წივილ-კივილი ნათლად მოისმოდა. ერთი ქალი განსაკუთრებით საშინლად გაჰკიოდა.

შვილებმა იცნეს დედის ხმა.

— ეჰე, ჩვენი ცოდვა! რადაც სახეირო არ არის ჩვენს თავზე, — წამოიძანა გიგომ, თოხი იქვე დააგდო და ქუჩურა ბეოლასთან მიიღბინა, თოფს ხელი დაავლო და სოფლისაკენ გავარდა. ტაგუია და მალხაზიაც იმას მიჰყვნენ. სხვა მომუშავეთაც დაყარეს თოხები და თოფებს მიაშურეს, ზოგი ახალუხს იცვამდა, ზოგი პერანგის ამარა თოფით გარბოდა.

მდინარის გაღმა რამდენიმე თმაგაწეწილი ქალი წივილ-კივილით მორბოდა, მათ შორის მზეხაც გულსაკლავად ღრიალებდა.

— ნანა შვილო, ნანა შვილო, მოგიკვდა დედაშენი, ხეიჩა ნანა! ზი...შეე...ლეთ...

— რა ამბავია, რა მოუვიდა! ჩემი ბიჭი ახლა აქ ხელში არა მყავდა? — დაიყვირა წყალგამოღმიდან საბრალო ტაგუიამ, მაგრამ მისი ხმა უცებ გაწყდა, ფეხები აუკანკალდა და იქვე ჩაიკეცა.

მუშებმა, საცა მოხვდათ, წყალში შეტოპეს და ერთი კიყინით და ხმაურობით გაემართნენ.

ნახევარი საათის შიგნით მთელი სოფელი ფეხზე იდგა. ქალების წივილ-კივილი, ძაღლების ყეფა, მამაკაცების კიყინა, ერთად შერეული, რალაც გულშემზარავ ხმაურობას აყენებდა... სოფლის ბოლოდან მოისმა თოფის ხმაც. გავარდა ერთი... ორი... სამი...

• • •

მზის ჩასვლას ცოტადა აკლდა. დასავლეთიდან სიო საგრძნობლად უბერავდა, ცაზე აქა-იქ ღრუბელიც მოჩანდა. ერთი პაწია სერის კალთაზე მოთავსებული ტაგუია აბედიას კარ-მიდამო ქალით და კაცით სავსე იყო.

მკვარტლისაგან გამურულ ფიცრული სახლის დერეფანში ქალები მოგროვილიყვნენ და ერთი ტირილი და ვაება გაემართათ. მამაკაცები, თითქმის ყველა მოხუცებული, სახლის წინ, ვაშლის ხოს ქვეშ დამსხდარიყვნენ და მოწყენილ-შეშფოთებულნი მსჯელობდნენ.

ტაგუიას ცოლი მზეხა ლოყებდაკაწრული და გასისხლიანებული ჯერ კიდევ ვერ დამშვიდებულიყო და ცხარედ გაჰკიოდა. სხვა ქალები მას ძლივძლივობით ამაგრებდნენ.

— ხეიჩა ნანა, ხეიჩა ნანა, ჩემი ბიჭი, ჩემი საფლავის გამთხრელი... საით წავიდეს... საით გეძებოს... ვის მიმართოს... სად მოგნახოს... უბედური დედაშენი! — მწარედ მოთქვამდა გამწარებული დედა.

— მზეხა, მზეხა, ცოტა დამშვიდდი, ადამიანო! ჯერ კიდევ არ ვიცით, რა ამბავს მოგვიტანენ, ვისაც თოფის დაქერა შეეძლო ჩვენ სოფელში, ყველანი დაედევნენ. გზა-გზა კიდევ რამდენი მამშველებოდა, ის ვილაც უღვთო და უსულგულო, კაცია, ალბათ, ცაში ხომ ვერ აფრინდებოდა; უსათუოდ დაეწევიან და დაადებიანებენ, — ანუგეშებდა მზეხას ერთი სხვებზე უკეთ ჩაცმულ-დახუჭული მანდილოსანი; ეტყობოდა, ვინმე აზნაურის ცოლი უნდა ყოფილიყო.

— ხეიჩა ბაბა! ხეიჩა ბაბა! ჩემი მოხუცებულობის მანუგეშე: ბელი ბაბა, — მოთქმით ლულულელებდა თავშიშველი და გულხელდაკრეფილი ტაგუია და ეზოში უთავბოლოდ დადიოდა.

— ესეც შენი ქვეყნის დამშვიდება და დაწყნარება! ჩვენი საშველი მაინც არ ყოფილა. ქე მაინც ყველანი ერთად ამოვწყდებოდეთ, — ნაღვლიანად ამბობდა ერთი მელოტი, ქალარა გლეხი.

— ასეთ გაძალღებულ ცხოვრებას თუ სიკვდილი არ სჯობდეს, ღმერთი გამიწყურეს, — მიუგო მეორემ.

— კაცო, ქე მაინც არ გვაიმედებდნენ, — თქვა ისევ მელოტმა. — ამას წინეთ ნოქალაქევში ტაია ბატონიშვილის სასახლეში გაიხელგერიე სახუცესი იქ ბრძანდებოდა. — რა ამბავია, უჩარდია, როგორ ცხოვრობო? — თოლი, რა ცხოვრებაა, ბატონო, ჩვენი ცხოვრებამეთქი, ქათმებივით გვიჭერენ და ოსმალეთში გვყიდნიან-მეთქი.

— ეს წინეთ იყო, ჩემო უჩარდია, თორემ ახლა ხომ მშვიდობააო. ბარელამ ოციოდ გლეხი კი ვიყავით. ნუ გეშინიათო, გვიბრძანა გერიე სახუცესმა, კაცის სული კი არა, უსამართლოდ ერთი თიკნის ყურიც არ დაგაკლდებათო. დადიამ და მათამ ერთი პირი შეკრეს, ჯვარზე და სახარებაზე შეფიცეს ერთმანეთს, რომ სათათრეთში ტყვე არ გაყიდონო. ყველამ პირჯვარი გადავისახეთ, ღმერთს მადლობა შევწირეთ. არხეინად იყავით, ნუ გეშინიათო, ბარემ ხუთჯერ გვითხრა...

— სულ ტყუილიც არ არის, ბატონი ნუ მომიკვდება, — ბრინწიანი ხმით სიტყვა ჩამოართვა მეორე მოხუცმა, — აგერ მეორე აღდგომა გავიდა, რომ ჩვენ სოფელს მართლაც და თიკნის ყურიც არ დაკლებია. რასაკვირველია, ძალით, აბრაგის მოტაცებით, ეს რალაც ჯიბრის საქმე უნდა იყოს.

— საჯიბრო ვის რა უნდა ჰქონდეს საწყალ ტაგუიასთან! ამისთანა გულკეთილი და მართალი კაცი მეორე არ გვირევიო, — წამოიძახეს მოხუცებმა.

— ხეიჩა ბაბა! ხეიჩა ბაბა! ხეიჩა ბაბა!.. — მოისმოდა ტაგუიას მწუხარე მოთქმა.

— ბატონმა იცის ნეტავ? — იკითხა ერთმა.

— როგორ არა. საშინლად ეწყინა თურმე. ეს ტაგუიას აგდება კი არა, ჩემი აგდებაა, მაგრამ მე თუ ვამეხი ვარ, მაგას არ შევარჩენო, უთქვამს და მაშინათვე თავისი ვაჟი ტარიელი ცხენით დაუდევნებია, — თქვა ერთმა ქოსა მოხუცმა.

— მაშ, ჯერ კადევ იმედი დაკარგული არაა. ტაგუია, ბაბა, აქ მოდი, — თანაგრძნობით მიმართა მელოტმა მოხუცმა, — არც იხე

ცუდადაა საქმე, როგორც კაცს ეგონება. ტარიელ ბატონიშვილი დასდევნებია, მთელ სოფელში რამედ რომ ვარგა ისეთი, ყველა დაედევნა. მართლაც და ქვესკნელში ხომ არ ჩაძვრება. გული დაიმშვიდე, შე კაცო! შენ სხვა რამდენი გინუგეშებია და თვითონ ასე ჩქარა რამ მოგტეხა, შე ძაბუნო! — ხმამალლა დაათავა მგლოტმა მოხუცმა.

— ხეიჩა ბაბა! ხეიჩა ბაბა! მოგიკვდეს მამაშენი, — მწარედ წარმოთქვა ტაგუიამ და მსხვილ-მსხვილი ცრემლი გადმოყარა. — ნეტავ, ღმერთო მომკალი, დღეს მაინც ხელში არა მყოლოდა! დიდი დოქი ღვინო მხარზე გადაედო და დედამისთან ერთად ყანაში მოგვიტანა. რომ გენახა, ის რომ ვაჟკაცურად ფეხს მიაბიჯებდა, სწორედ გაგიკვირდებოდა, — ტირილით ამბობდა ტაგუია. — მე შევ დღეში გაჩენილს, დღედაღამ მაგის შიში მქონდა, მაგრამ რა მექნა, კაცო, რა მექნა, ქრისტიანებო?! ბავშვს ხულაში ხომ ვერ დავამწყვდედი? ქაპა გვინდა, სმა გვინდა! რა შიმშილით მოვმკვდარვარ, რა აბრაგს მოუტაცნივარ, სანამდი უნდა ვიმალოთ... ათიოდ თხის გარეკვაში მალხაზია, ვაჟკაცი, როგორ გავაცდინო-მეთქი, ვამბობდი და ის ბალანა ერეკებოდა და მერე რა ქკუიანად ერეკებოდა... უი... უი... მოგიკვდეს მამაშენი... აჰ... აჰ... აჰ... აჰ... აჰ... აჰ... აჰ... დაღია მე მწიწკნის, მებატონე მე მწიწკნის, ურჯულო მე მწიწკნის და რჯულიერი... სად არის ღმერთი, სად არის სამართალი! რით უნდა ვინუგეშო თავი მე უბედურმა? უქანასკნელი ყოფილა, შვილო, დღეს ჩვენი ერთმანეთის ნახვა. შეიძლება, შენ კიდევ ბევრ ხანს იცოცხლო, გაიზარდო და ბევრიც მხიარული დღე ნახო... მე კი, სიბერეგაძაღლებული, საფლავში უნდა ჩავიდე! უი ჩემს თავს! უი ჩემს თავს! — ბლავილით ამბობდა ტაგუია და შუბლში ხელს იცემდა.

ყველას ცრემლი მოერია. სანუგეშო სიტყვას ვერავენ პოულობდა. ყველა ერთ ტაფაში იწოდა.

„ვაი, ახავაი, ჩვენი ცოდვა!“ — ისმოდა მწარედ ამოძახილი.

— ღმერთო დიდებულო! რად მოგვიძულე ამ ზომამდე! — მალა ხელემაპყრობით წარმოთქვა ერთმა ღრმად მოხუცებულმა გლეხმა კაი ხნის მწუხარე ღუმელის შემდეგ, — რა შეგცოდეთ ისეთი, შე სახელკურთხეულო! კვირაში სამი დღე ბატონის სახლში ვმუშაობ. დანარჩენი სამი დღის ნამუშევარსაც, როცა მოესურვებათ, მაშინ წამართმევენ... ცხენს მტაცებენ, ძროხას მტაცებენ, ქათამს მტაცებენ... ჯანდაბას, რა გაეწყობა... ისე მოაწყვი ჩვენი ცხოვრება, რომ შვილი მაინც არ მოგვტაცონ და ურჯულოებში არ

გაგვიყილონ! კაცნო! — მიუბრუნდა მოხუცი გლეხებს, — ამ ხნის კაცი ვარ, ასი აღდგომა როგორ არ მეხსომება და ერთი წელი არ მახსოვს, რომ შიშინანობა არ ყოფილიყოს. ახლა სადაა, ბაბა, შიშინანობა. შიშინანობა ამ ორმოც-ორმოცდაათი წლის წინათ უნდა გენახა! ლოგინიდან იტაცებდნენ ხალხს. საკვირველებაა, სულ როგორ არ ამოწყდა საწყალი ჩვენი ხალხი?! მხოლოდ ე... განსვენებული მამაჩემი ცაკვია, ისე, ზღაპარით იტყოდა: ვაი, ახავაი, სად არის ახლა ან გიორგი ლიპარტია, ან ლევან დადიანო. იმათ დროს ვინ გაბედავდა ტყვის გაყიდვასო! მე კი, რაც გავჩნდი, სულ შიშინანობა მახსოვს.

— ხეიჩა ბაბა! ხეიჩა ბაბა! — მოთქვამდა ისევ მოხუცი...

— დამშვიდდი, დამშვიდდი, ტაგუია, ჯერ იმედს ნუ გადაწყვეტ, — მტკიცედ უთხრა ერთმა გრძელწვერა ქალარა, მაგრამ ვაჟკაცური გამომეტყველების გლეხმა, — მე, ბაბაია, პატარაობისას ბარემ ორჯერ მომიტაცეს, მაგრამ, ხომ მხედავ, აქა ვარ და იმედი მაქვს ჩემი ძვლებიც ჩემ წინაპრების საძვალოში დაიმარხება...

— მართლა, სეფანე! შენ ხომ ორჯერ ხარ მონატაცები, — ცოტა არ იყოს, ხალისით წამოიძახეს მოხუცებმა.

— ორჯერ, აბა, რავა გგონია პირველად რომ მომიტაცეს, აქეთკენ წამათრიეს, აი! — ხელი გაიშვირა დასავლეთისაკენ, — ამ ეკით, საწულეისქირით და თეკლათით...

— ფეხით მიყავდით? — ჰკითხა ვილაცამ.

— ფეხით, აბა, ცხენით კი არა! კარგა მოჩიტული ბიჭი ვიყავი და ერთი კაცი, ტყუილია, ცხენზე ვერ დამიმაგრებდა. ორ კაცს ვეპირე ხელებით იქით-აქეთ და მიმათრევდნენ, სულ ტყე-ტყე, სულ ტყე-ტყე. სად უფსკრულში რობუ და ჩქოფუში არ ჩამიყვანეს, სად მთის წვერზე არ ამათრიეს, კაცო, რომ გამახსენდება, კაცი ძალღი ყოფილა-მეთქი, ვამბობ! ან მე როგორ გადავრჩი მამინ ცოცხალი და ან ოსინი! ისინიც რა კაცები იყვნენ, დევები ხომ არ იყვნენ!

სეფანეს არა ერთხელ ეამბნა ეს ამბავი, მაგრამ ყველანი მაინც დიდი სიამოვნებით ყურს უგდებდნენ. ტაგუიამაც თითქმის შესწყვიტა მოთქმა-გოდება და ისიც სულგანაბული ყურს უგდებდა.

— წირვის დადგომის დრო იყო, რომ მომიტაცეს და ისე დაღამდა, რომ არც ლუკმა ჩავსვლია პირში და არც მოგვისვენია. მივედით თეკლათში და იქ მდინარე ცივის პირას ვილაც მოსახლე კაცის სახლში თავი შეაფარეს. მე სხვა არაფერი მახსოვს. იქ მივედით თუ არა, სადღაც დავეგდე და მკვდარივით დამეძინა. გათენებული არ იყო, რომ გამალვიძეს. რალაც ორი ლუკმა მაქა-

შეს და, მართალი უნდა ვთქვა, ცხენზე შემსვეს, მხოლოდ ფეხები აბეანდებთან მიმიკრეს, სხვაფრივ, ხელები თავისუფალი მქონდა, ბურთიც ამომაცალეს პირიდან, ან რა საჭირო იყო? იქ რომ მე-ყვირნა, აბა ვის რას გავაგონებდი.

— მოიცა, ჩვენები იყვნენ, არა? — ჰკითხა ერთმა.

— ჩვენები, კაცო, მაშ თათარი აქ ჩემ სახლში ბავშვის მოსატაცებლად მოსვლას როგორ გაბედავს? თათრები იქა სხედან ციხე-სიმაგრეებში! მეც ხერხი ვიხმარე, იცოდე, ისეთი მხიარული სახე მივიღე, ისე შევეჩვიე, რომ რიონის პირას გამოვედით თუ არა, ფეხებიდანაც მომხსნეს ბაწარი. მხოლოდ ჭალადიდში შემოგვიერთლა ორი ცხენოსანი თათარი. ეტყობოდათ, ვილაც კაი კაცები იყვნენ. ჩემი მომტაცებლები დიდი პატივით ეპყრობოდნენ. ერთ უღაბურ ტყეში დასასვენებლად ჩამოვხტით. ჩვენიანებს მაშინვე დაეძინათ. რა გასაკვირია, კაცო, დაღლილები იყვნენ, ძლივს ქაქანებდნენ. მეც მაშინათვე მივეგდე და ვითომ დაეძინე. ერთმა თათარმაც დაიძინა, მაგრამ იმ მეორემ, გაგონილა?! დიდი ეშმაკი ვინმე უნდა ყოფილიყო მაგ სახეძალდი! თვალებს დახუჭავს, ვითომ ძინავსო, გაჩერდება, გაჩერდება ასე და მერე უტბად გაალებს და ჩემკენ მოიხედავს. მე კი ვწევარ გატრუნული გოჭკვიით და ხანდისხან ფრთხილად შევხედავ ხოლმე. იმასაც. მართლაც არ ჩაეძინა?! ისეთი ხერხივა ამოუშვა, რომ აქედან ჯიხაფერდში გაიგონებდი. მოგეცა ღვთის წყალობა, წამოვხტი და მოვკურცხლე. ჩემ ბედზე ერთი ცხენი ცოტა მოშორებით მივბათ ხეზე. ფრთხილად მოვხსენი, ჯერ ოციოდ ნაბიჯი წინ გავუძეხი, მერე მოსართავეები მოვუპირე, შევჯექი და მოვუსვი, მარა რა მოვუსვი!

— ჰა წიე! — სიცილით წამოიძახეს მოხუცებმა.

— მაშ ცხენიც დაინარჩუნე? — ჰკითხა ერთმა.

— ეხ! რის ცხენი! რა მეცხენებოდა! — მიუგო სეფანემ. — ცხენი ვაქნე, სანამ ფეხის გადადგმა შეეძლო, მერე მივადე იქ და ტყეს შევაფარე თავი. მერე ეშმაკი ვერ დამიჭერდა.

— გამოქნილი ყოფილა ეს მიწაში ჩასაძრომი, — გაიხუმრა ერთმა.

— მეორეჯერ როგორ იყო, სეფანე, მეორეჯერ! — მოსძახეს აქეთ-იქით.

— მეორეჯერ ბევრი არაფერი! მომიტაცეს თუ არა, ჩქარა შეუტყვეს, მთელი სოფელი დაესია და ჩემი თავიც დააგდებინეს.

— ვაი, ახავაი! დღესაც რომ დროზე შეეტყო კაცს, მაშინათვე დააგდებინებდა, — თქვა მელოტმა მოხუცმა.

— ჩემ ბედზე ყოვლისფერი შეიკრა, — მწუხარედ თქვა ტაგუ-
ნამ, — სანამ თხები აბნეულად არ უნახავთ ტოტიას სახლის ქვე-
მოთ, ყურადღება არავის მიუქცევია. მერე აუტეხიათ წივილ-კივი-
ლი, მარა გვიან იყო. ჩვენ რომ შევეტყვეთ, მაშინ ის კაცი სორტას
ქალას გაცილებული იქნებოდა.

— ვაი, აწავაი, ვაი, ახავაი! — მოწყენით ამბობდნენ მოხუცები.
დალამდა. მღევრები ჯერ არ მობრუნებულყვნენ. საქმის არც
ავი და არც კარგი სოფელში არავინ იცოდა. მოხუცნი თავიანთ სახ-
ლებში წავიდნენ. ტაგუია და მზეხაც გაურკვეველ მომავლის მო-
ლოდინში ჯერჯერობით მიწყნარდნენ.

III

ულრან ტყეში, უშველებელ ფულურო მუხის გვერდით, მდლო-
ზე, ნაბადი იყო გაშლილი. ზედ წამოწოლილიყო ვიღაც თავით ფე-
ხებამდე შეიარაღებული კაცი. თოფის ლულა ფეხებ შუა დაემა-
ლა, ხოლო კონდახი მკერდში ჩაეხუტებინა. წელზე შავი რქისტა-
რიანი ხმალი ერტყა, ხელში დამბაჩა ეჭირა. იქვე ახლო ხის ტოტზე
მიბმული იყო გიშერივით შავი ბედაური ცხენი. ერთი შეხედვით
ნაბადზე მწოლი თითქოს სთვლემდა, მაგრამ ყოველ ფოთლის
შრიალზე, ან სხვა რამე გახმაურებაზე ტყეში, ფრთხილად, გველი-
ვით თავს მალა აიშვერდა, დამბაჩას მოიმარჯვებდა და აქეთ-იქით
მიიხედ-მოიხედავდა.

კაცი იყო ტანად ჩასკვნილი, პირად — სახე ოდნავ, დანაოქე-
ბულს, მოყვითალო ფერი დაჰკრავდა. ნიკაპს უფარავდა ნახშირი-
ვით შავი, მოკლე, აქა-იქ ქალარაშერეული, ქოსა წვერი. მრისხანე
გამომეტყველების დიდრონ შავ თვალებს აქეთ-იქით მოუსვენრად
აბრიალებდა.

— ფიტ, ფიტ, ფიტ! — გაისმა ტყეში ლარქემის ხმა. ნაბადზე
მწოლი საჩქაროდ წამოდგა, თოფსა და დამბაჩას ფალია გაუსინჯა
და სმენად გადაიქცა.

— ფიტ, ფიტ, ფიტ! — ახლა უფრო გარკვევით მოისმა ხმა.
ნაბადზე მჯდომი ზეზე წამოდგა.

— ფიი...ტ, — გაისმა ტყეში ერთხელ კიდევ, მაგრამ გრძლად. —
ფიიი...ტ, — გაისმა კვლავ ცოტა სიჩუმის შემდეგ.

კაცმა თოფი ზურგზე გადიკიდა, ახალუხის ჯიბეში ხელი ჩაიყო,

ლერწმის პატარა ნაქერი ამოიღო, პირზე მიიღო და დაუსტვინა.

„ფიტ!“ მოკლედ და მკაფიოდ გაისმა უღრან ტყეში.

გავიდა დრო. მახლობელი ბუჩქნარი მძლავრად შეიძრა და ტოტების შრიალი მოისმა.

— ქუჩუია! — დაიძახა ხის ქვეშ მდგომმა, მუხას ოღნავ მოეფარა და დამბაჩა წინ გამოიშვირა.

— მე ვარ, ფიქრი ნუ გაქვს, — მოისმა ნაცნობი ხმა.

— სანგარო, რამდენი სიფრთხილეა საქირო, — ჩაილაპარაკა შავ-შავმა კაცმა, თავისუფლად ამოისუნთქა, დამბაჩა ქამარში ჩაიკო და მოლოდინში ერთ ალაგას გაჩერდა.

ცოტა ხნის შემდეგ თბილის ბუჩქებში ვიღაც დაბალ-დაბალი, ჩასქელებული, წითური კაცი გამოჩნდა. რა თქმა უნდა, იმასაც ხელში თოფი ეჭირა.

— თენგიზ, მარტო ხარ? — ფრთხილად დაიძახა მან და ხელი რაღაცნაირად გააქნია.

თენგიზმა მარცხენა ხელი პირზე მიიღო და მარჯვენა ხელის პალკით მუხის ფულურო უჩვენა.

ახალმოსული ფეხაკრეფით მივიდა და ფულუროში შეიხედა. ფულურო დიდი იყო. აედრის დროს სამი-ოთხი კაცი თავისუფლად მოთავსდებოდა შიგ.

— ეპე! — ჩუმად თქვა ახალმოსულმა და თავი კმაყოფილებით ვააქნია.

— სუ, სუ! ძინავს, ძინავს! — ფრთხილად ჩაულაპარაკა თენგიზმა.

ორთავენი მუხის ცოტა მოშორებით ჩამოსხდნენ.

— ნელა ვილაპარაკოთ. ჯერ არ მინდა გაიღვიძოს, საშინლად დაღლილია, — თქვა თენგიზმა.

— წარმომიდგენია, — მიუგო ქუჩუიამ, — კაი ბიქსა ჰგავს, აი! რამდენი წლისაა, ნეტავ?

— აბა, რა ვიცი, მის დაბადებას არ დავსწრებივარ და ნათლობას. გარეგანი შეხედულებით ასე შეიღირვა წლისა უნდა იყოს.

— ბიჭო, ბიჭო, შე ღმერთგამწყრალო, როგორ მოახერხე?! სწორედ რომ ეშმაკი ხარ, ეშმაკი!

— ეხ! ნუ გამახსენებ ქე მაინც! ეშმაკი კი არა, კინალამ ანგელოზიც დამავიწყდა. მოხერხება კი არა, კინალამ თავიც ზედ გადავაგე. რასაც ერთხელ დაეჩვევა კაცი, რაშიაც ერთხელ ხელს გაისვრის, მერე მისი მოშლა შეუძლებელი ყოფილა, კაცო, თორემ ამისთანა სახიფათო და აშკარა საშიშ საქმეს კაცი როგორ უნდა ჩაღი-

ოდეს. ეს შემთხვევა მაინც სულ სხვა იყო. ჩემ სიცოცხლეში, ქუჩუა, აბა შენც ხომ იცი, რამდენი ბავშვი მე მომიტაცნია. რაღა ბავშვი გინდა, რამდენი გასათხოვარი ქალი! ხომ გახსოვს, ამ ათი წლის წინათ რას ჩავდიოდით, მაგრამ ამდენი შიში და ჯაფა, რაც, ახლა გამოვცადე, არ გამომიცდია. მე თვითონ მიკვირს, აქამდის ცოცხალი როგორ მოვალწიე.

— ვახ! ვახ! — ამბობდა ქუჩუა. — მოტაცებით კი ადვილად მოიტაცე?

— კაცო, უცაბედად შემეხეჩა... მე, მართალი გითხრა, საგანგებოდ სხვაგან მივდიოდით. შევიხედე ერთ ალაგას, საისლეს გვერდით, დაღმართზე, მალლა ანწლიანში თხების ფრუტუნი მომესმა. იქვე სკვინჩასავით პატარა ბავშვი შევამჩნიე, ხელში პატარა ჯოხი ეჭირა და რაღაცას თამაშობდა. საისლეს გვერდით, დაღმართშივე კვამლი ამოდიოდა. ეტყობოდა, ვიღაცა ესახლა. დედაკაცის ხმაც მომესმა: იქით მიაბრუნეო. ჩემ დანახვაზე ბავშვი სრულებით არ შეშინდა, გამიღიმა კიდევ, ალბათ, ვისმე მიმამსგავსა. მე მაშინვე მარჩილით სავსე ქისა ამოვიღე, დავეჯღარუნე და ვუჩვენე, ა, ჯიჯი, შენ გქონდეს-მეთქი. მაშინათვე მოირბინა. მეც, ხომ იცი, პირველი შემთხვევა არაა ჩემთვის ამისთანები, ხელი ვტაცე, ბურთიც პირში მარჯვედ ჩავჩარე და ბაწრით ნაბდის ქვეშ ზურგზე შემოვიკარ. მერე მოკეურცხლე, მაგრამ შენს მტერს, რაც დღე მე დამადგა...

— შეგიტყვეს ჩქარა, ა?...

— რის შეტყობა! შეტყობით გვიანამდე არ შეუტყვიათ. შეტყობა კი არა, ბავშვმა გამიჭირა, კაცო, საქმე. ცხვანტივით * დაიწყო ტრიალი! კინალამ ბაწრიანად გამიძვრა. საცა ხელი დამავლო, ამ მუშტისტოლა ბავშვმა, ისე მაგრა ჩამჭიდა, რომ ახლაც მტკივა. იმ ზომამდე მივედი, ქუჩუა, რომ, ეს, ჯანი გავარდეს, დავსცხებ ამ დამბაჩას შუბლში ამ ლაწირაკს და მოვრჩები და მოვისვენებ-მეთქი. არ იქნა, ვაჟო, მისი საშველი! სანამ ღონე სრულებით არ გამოვლია, არ მოისვენა. აღმართ-დაღმართი რომ გავიარე და როსთოს ქალას მოვატანე, თოფის ხმა და კიყინა მაშინ მომესმა. ისეთი ამბავი იყო, რომ მეგონა, დიდი და პატარა ერთად მომდევს-მეთქი. რომ მომწეოდენ, შენი მტერი, ბოლოკივით ამთლიდნენ, მაგრამ რას გეტყვი, იცი, ქუჩუა, ამ ქვეყანაზე არაფერი არ ინატრო... ინატრე მხოლოდ კარგი ცხენი. კარგი ცხენის ფასს, იცოდე, ენა ვერ გა-

* ცხვანტი—ყველის მატლი. გადატანით მოუსვენარ ადამიანზე იტყვიან.

მოთქვამს. ღმერთმა აკურთხოს ამის გამზრდელი. ეს ის ცხენია, გურიიდან რომ მოვიყვანე შარშან. ეს ცხენი არა მყოლოდა, ახლა ლუკმა-ლუკმა დაკეპილი ვეგდებოდი სადმე. აბაშაში ისე გამოვედი, არ შეუსვენია, მერე ღამემაც მომასწრო და, როგორც არის, ჯერჯერობით სული კბილით გადავარჩინე.

— ახლა როგორ ექნათ? — დაეკითხა ქუჩუია.

— ორპირთან ნავი არის?

— ვითომ ორპირით წახვალ?

— საით ჯობია?

— ორპირისაკენ არ გირჩევ, ძლიერ საშიშია. ყოველ სანაოზე და შარაგზაზე მეფის ყარაულები დგანან. თუ შეგამჩნიეს რამე მაგგვარი და ხელში ჩაგიგდეს?!. ავა ვაია... არავითარ წირვა-ლოცვას არ მოგაშველიებენ. მოკვლით, მართალია არ მოგკლავენ, მაგრამ სიკვდილი ათას წილად მირჩევნია მაგნაირ სიცოცხლეს: თვალებს დაგთხრიან და გაგიშვებენ. იარე, რამდენიც გინდა და საით-ქენაც გინდა...

— ოჰ! მაგას ცხრაჯერ სიკვდილი მირჩევნია... მაშ საით ჯობია წავიდე? ვითომ სუჯუნისკენ?

— აბაბა! იქ უკვე, ალბათ, მარაგად იქნებიან, გზები ახლა ყველვან შეკრული იქნება. შენ გგონია ჩვენ ჰკუიანები ვართ და სხვები ტუტუცები?

— მაშ, როგორ?

— მომითმინე, — აუჩქარებლად მიუგო ქუჩუიამ და შუბლზე ხელი მიიდო... — იცი რა გითხრა?

— კო!

— ფართე ჩქონი იცი?

— ვიცი.

— აი იმის პირდაპირ, ახლო, გამოლმა შავი ღელე ერთვის რიონს; მიუვალი ადგილია. ცხენით, ტყუილია, იქ ვერ მივადგებით. ისეთი ჭაობები და პაპანწყვილია, რომ თუ ფეხითაც გავედით, ღმერთს ათჯერ თავი დაუკარი. მე წავალ, სადმე პატარა ნავს მოვიპარავ და ასე შუალამისთვის იქ დაგხვდება. თუ ამაღამ ნავი ვერ ვიშოვნე, სხვა რა ჩარაა, ხვალ სალამომდეც ტყეში უნდა შევინახოთ თავი.

— მაშ, აბა, შენ იცი, ქუჩუია! როგორმე იშოვნე ნავი. თუ რიონს გავედი, მერე არა მიჭირს რა... ცხენი კი, ქუჩუ... შენი ხელით ყელი არ გამომჭრა და თვალიდან არ მოიშორო ჩემს მოსვლამდე. კაი საბალახობზე დააბი, ომბალე არ შეყვეს... შენ იცი, აბა, ჩემი საკუთარი თავივით ჩამიბარებია.

— შენ მაგის დარდი ნუ გაქვს, ქუჩუს მაგისთანების დარიგება არა სჭირია. შენ კი, იცი, რომ მიუახლოვდე ფართე ჩქონს, ორჯერ ზედიზედ დაისტვინე. ხანი გამოუშვი და კიდევ ორჯერ დაისტვინე. თუ პასუხი მიიღო, იცოდე, საქმე გაჩარხულია, თამამად მომიახლოვდი. ახლა კი — ჰა, ეს ცოტა რაღაც მოგიტანე, ჯერჯერობით ეს წაისაუზმე, — თქვა ქუჩუამ და ჩოხის აკეცილი კალთიდან კვანხის ფოთლებში გახვეული რაღაც ამოიღო და თენგიზს გადასცა. — რომ შებინდდება, ერთ ღოჭ ღვინოსაც მოგიტან და ცხენსაც მაშინ წავიყვან, — დაუმატა მან, ფრთხილად გზას გაუდგა და ხშირ ფოთლებში მიიმალა.

IV

მღვდელმა მარკოზ დაბაძემ ბოსტანში მუშაობა გაათავა, ხელპირი დაიბანა და თავის პატარა, მაგრამ კოპწია ფიცრული სახლის დერეფანში, გრძელ და ფართე სკამზე ჩამოჯდა. ხვალ კვირა იყო და წირვისათვის მომზადებას დღეს საღამოდანვე უნდა შესდგომოდა.

მღვდელი მარზოკი მთელ გურიაში განთქმული იყო, როგორც ღრმად მორწმუნე, სიმართლის მოყვარული, პირში მთქმელი, კადნიერი, ჩინებული მწიგნობარი და ტკბილი მგალობელი. ორი ვაჟი მღვდელი ჰყავდა სხვადასხვა სოფელში, სამი ქალიშვილი გათხოვილი და, ახლა უკვე სამოცდაათ წელს გადაცილებული მოხუცი, სახლში მარტო დარჩენილიყო თავის მეუღლესთან, ყველასაგან პატივცემულ, მისი ქირის და ლხინის გამყოფ მოხუც მარიკასთან.

მღვდელი მარკოზი აზნაურთაგანი იყო. მამისაგან რამდენიმე მეკომური ყმა ერგო მემკვიდრეობით, მაგრამ იმან აღრიდანვე ცოტაოდენი სასყიდელი აიღო მათგან და ყოველგვარი გადასახადებისა და სამსახურისაგან გაანთავისუფლა. სახლში ჰყავდა მხოლოდ ერთი ნაყმევის ასული ლერწამისა, აწ უკვე ხანში შესული დედაკაცი. ლერწამისა პატარაობითვე მათ ოჯახში იყო აღზრდილი, მერე გათხოვილიყო, მაგრამ ქმარ-შვილი დახოცოდა და სამუდამოდ მღვდელ მარკოზასთან დაბინავებულიყო.

მღვდელი მარკოზისთანა კაცი იმ ჩვენი ქვეყნისთვის ავად სახსენებელ დროს* მართლაც და სანუგეშო მოვლენა იყო. იმ დროს მთელი საქართველო, ამერ-იმერი შინაურ და გარეულ მტრებას

* მეფრამეტე საუკუნის პირველი ნახევარი.

მიერ აწიოკებულ-აოხრებული, საზარელ სურათს წარმოადგენდა. მაშინდელი ქართლ-კახეთის მდგომარეობის დასასურათებლად საქირთა მხოლოდ გავიხსენოთ სახელოვანი მგოსნის დავ. გურამიშვილის სიტყვები:

ქართლის კირსა ვერვინ მოსთვლის, თუ არ ბრძენი, ვნა-შევერი!
იფქლი ღვარძლად გარდაიქცა, ზედ მობრუნდა ცეცხლის კვერი.
ერთმა მტერმან ათს მათსა სცის, ორმან წარიქცივის ბევრი,
მცირედ დარჩა ცოდვისაგან კაცი ღვთისგან განაწვერი.

უარეს მდგომარეობაში იყო იმერეთის მხარეც. იმერეთის მეფე და მთავრები: გურიისა, ოდიშისა და აფხაზეთისა და მათი მიმყოლი დიდებულები ერთმანეთის მტრობაში, მიხტომ-მოხტომაში და სისხლის ღვრაში ლევდნენ სულს. ეს ვაებატონები თითქოს ერთმანეთს ეჯიბრებოდნენ, ვინ უფრო მეტ სისაძაგლეს ჩაიდენდა ერთმანეთის დარბევა-აწიოკების საქმეში. მაგრამ ყველაზე უფრო საზიზღარი ამ ხანაში იყო ტყვეების მოტაცება და ოსმალეთში გაყიდვა. გაქვთ ღვთის წყალობა, მშვიერი მგელივით მღრინავი ოსმალეთი ჩინებულად სარგებლობდა ჩვენ მაშინდელ მესვეურთა გრძნობა-გონების დაბნელებით. თითქმის ყველა, ასე თუ ისე გამოადეგი ციხეები, როგორც ქუთაისი, ფოთი, შორაპანი, ოსმალებს ეჭირათ. ათასობით გზავნიდნენ სტამბოლში ტყვე ქალს ოსმალთა დიდკაცების ჰარამხანების დასამშვენებლად და ტყვე კაცებს მათ სხვადასხვა ჭარების გასაძლიერებლად.

ასეთ შემთხვევაში ყოველთვის თავს იჩენს ხოლმე შიში, უნდობლობა, ორპირობა... ამდენი უბედურება ყველაზე მეტად თავს ატყდებოდა საწყალ დაბალ ხალხს, გლეხკაცობას, ამიტომ იგი უკიდურეს გაჭირვებას განიცდიდა. ყველა მას წიწწნიდა, ყველა მას სთლიდა, ხოლო შემწე და შემბრალე არავინ იყო.

ასეთ საშინელ პირობებში მღვდელი მარკოზი გამოვიდა უსამართლობის მამხილებლად, ჩაგრულის მფარველად, შურისა და მტრობის ნაცვლად ძმობისა და ერთობის მქადაგებლად. ის არავის ერიდებოდა, არც თავადიშვილებს, არც თვით გურიელს... სასტიკად გმობდა და წყევლა-კრულვას უთვლიდა ტყვეთა გამყიდველებს. ვინ იცის, რამდენი ტყვე დაუხსნია, სტამბოლში გასაგზავნად გამზადებულ! დაბალი ხალხი „მარკოზ ხუცესს“ აღმერთებდა. დიდებულებს, თუმცა არ უყვარდათ, მაგრამ მის უანგარობას, კაცთმოყვარეობას და სიმტკიცეს ძალაუნებურად ჰატივსა სცემდნენ. ამასთანავე მარკოზ ხუცესი იშვიათი მუშაკაცი იყო და ქო-

ნებითაც შეძლებულ კაცად ითვლებოდა. მარკოზ ხუცესს არათუ გურიაში, იმერეთ-სამეგრელოშიაც ქება-დიდებით იხსენიებდნენ.

მაგრამ აი, თითქოს ბედმა გაულიმა ბედკრულ საქართველოს. როგორც საშინელი ქექა-ქუხილის და წამლეკ ნიაღვრის შემდეგ გამოიღარებს ხოლმე, ბრწყინვალე მზე მოლიმარ სხივებს ისვრის და მილეკილ-მოლეკილ მიდამოს ხელახლა აღორძინების იმედს ჩაუსახავს, ისე გაობრებულ-დაუძლურებულ აღმოსავლეთ საქართველოს ამ დროს მოველინა იმედი, სახელოვანი გმირი, პატარა კახი, მეფე ერეკლე. ერეკლეს „ელვარე ხმალი“ ისე საგრძნობლად გაუშასპინძლდა სულ მტრად გარს მომდგარ თურქ-სპარს-ლეკ-ყიზილ-ბაშებს, რომ ისინი არათუ გარეკა საქართველოდან, თავიანთ სახლშიაც შიშისაგან ააძაგდავა. 1752 წ. მეფე ერეკლემ ათას-ხუთასი კაცით საშინლად დაამარცხა ერევნის ახლო მის წინააღმდეგ ათჯერ უფრო მეტი ჯარით და ზარბაზნებით გამოსული სპარსეთის ტახტის მაძიებელი აზატ-ხანი. ამ გამარჯვებით თავისი ხმალი და ჯარი ახალი შარავანდედით შემოსა და მთელ აზიას დაანახვა, რომ შაჰ-აბაზისაგან აობრებული და სასიკვდილოდ გამზადებული საქართველო უკვე მოლონიერებული და წელში გამაგრებული, კვლავ აპირებს სიცოცხლის განგრძობასაო.

ამავე დროს ბედმა თითქოს დასავლეთ საქართველოსაც გაულიმა. სწორედ იმავე წელს, რა წელსაც მეფე ერეკლემ აზატ-ხანზე ასე ბრწყინვალედ გაიმარჯვა, იმერეთში გამეფდა სოლომონ პირველი, მრავალგვარი სიკეთით და სათნოებით აღჭურვილი. ის დაემოყვრა სამეგრელოს მთავარს ოტია დადიანს, დაიმორჩილა ურჩი და თავგასული თავადები. ზოგი მათგანი დასაჯა, ზოგი გააძევა, ზოგს მოეფერა, სასტიკი ბრძანება გასცა ტყვეთა გაყიდვის წინააღმდეგ. ბრძოლაში რამდენჯერმე საგრძნობლად დაამარცხა ოსმალები და თუმცა სრულებით მათი გაძევება ყველა ციხე-სიმაგრეებიდან ვერ მოახერხა, მაგრამ მათი პარპაში და ბატონობა ძლიერ შეამცირა. საერთოდ მთელი იმერეთის მხარე გამოაფხიზლა, გამოაცოცხლა და განახლების გზაზე დააყენა.

საქმის ასე მოგვარება ვის უნდა გახარებოდა, თუ არ მღვდელ მარკოზ დაბაძეს. ჯერ როცა ერეკლე მეფის გმირობის სახელი გავარდა, მღვდელი მარკოზი სიხარულით ცას ეწია, უსურვა მტრებზე გამარჯვება და დღედაღამ მის საკეთილდღეოდ ლოცულობდა. მაგრამ, როცა იმერეთის მხარესაც მოველინა ღირსეული მეფე სოლომონი, მღვდელ დაბაძეს გულმა ვერ მოუთმინა და სიხარულით აღსავსემ თვით მეფეს გუმანი მიართვა; მიულოცა მეფობა,

აუწერა იმერეთის საშინელი მდგომარეობა და იმედი გამოთქვა, რომ აღმოსავლეთით ერეკლე და დასავლეთით სოლომონი ერთმანეთს მხარამხარს მისცემენ და ამჟამად დაუძლურებულ საქართველოს ისევ ძველ ღირსებას და სახელს აღუდგენენო.

მეფე სოლომონს წინათაც გაგონილი ჰქონდა მღვდელი დაბაძის ამბავი და ახლა მის მიერ გამოგზავნილმა გუმანმა ძლიერ ასიამოვნა, მით უფრო, რომ, საუბედუროდ, მაშინდელი სამღვდელოება გონებრივადაც და ზნეობრივადაც სახარბიელო არ იყო. თვით მღვდელმთავრებიც ერივნენ სტამბოლში ტყვეთა გაყიდვის საქმეში და ადვილი წარმოსადგენია დაბალი სამღვდელოება რაღა იქნებოდა.

მეფემ სახლთხუცესს უბრძანა, მადლობის ბარათი მიეწერა მღვდელ მარკოზ დაბაძისათვის, გაემხნევებინა, აღეთქვა მფარველობა და საჩუქრად გაეგზავნა ერთი კაი მაუდის კაბა და ქალაქიდან მოტანილი თბილი ყელიანი ჩუსტები.

ამ ამბავმა მღვდელი მარკოზი და მისი მომხრე საწყალი, გაკირვებული ხალხი ძლიერ გაამხნევა და გაახარა, მაგრამ მისი მტრები, ტყვეთა ყიდვა-გაყიდვის მოტრფიალე თავადები და მათი დამქაშები ძლიერ შეაშფოთა და მარკოზ ხუცესის წინააღმდეგ შურითა და მტრობით აღავსო. პირადად შეხვედრის დროს ძალაუვნებურად ანგარიშს უწევდნენ მაღალი მფარველობის ქვეშ მყოფ ხუცესს. პატივით ეპყრობოდნენ, ეფერებოდნენ და თითქოს თანაუგრძობოდნენ. მღვდელი მარკოზი კარგად იცნობდა ყველას და თავის არჩეულ გზას მტკიცედ ადგა. არც არავის ქება-დიდება ასხამდა თავბრუს და არც არავისი მტრობა-მუქარის ეშინოდა.

— მარიკა! — დაუძახა მღვდელმა მარკოზმა ცოლს.

— რა გინდა, — მოისმა სახლიდან ხმა.

— ე მანდ რას აკეთებ?

— ბეჩა, როდის მნახე უსაქმოდ მჯდარი. საჩოხე მატყლს ვწეწავ. განა ვერ დაინახე, რომ პაქიკები სულ მთლად გაგცვეთია?

მღვდელმა პაქიკებზე დაიხედა. მართლაც, ერთიც და მეორეც. რამდენიმე ალაგას ამოგლეჯილიყო. მარკოზს სრულებით არ შეუმჩნევია პაქიკების გაცვეთა და თუ შეამჩნია, ყურადღება არ მიუქცევია. მუდამ სხვადასხვა ფიქრებში და მუშაობაში გართულ მღვდელს სად ეცალა პაქიკებისათვის.

— კაი დაგემართოს, კაი ფიქრი შენ მოგსვლია, — კმაყოფილებით მიუგო მღვდელმა. — მაშ საშარობოდ ახალი პაქიკები მექნება! ლერწამისა სად არის?

— წყალზე წავიდა.

— ჰო, კარგი მამ იცი, რა გითხრა, ერთი გაისარჯე და ეფუთი მომიძებნე, მინდა შევიტყო რა ხნისაა დღეს მთვარე, ამ დღეებში ზეხილის დამყნობას ვაპირობ.

რამდენიმე ხნის შემდეგ კარებში გამოჩნდა სანდომიანი სახის ტანდაბალი მოხუცი დედაკაცი. ერთ ხელში მატყლის ფანტელი ეჭირა, ხოლო მეორეში კარგა მოზრდილი, შავ ყდაში ჩასმული წიგნი. წიგნი მღვდელს მიაწოდა და ისევ თავის საქმეს მიუბრუნდა.

მღვდელმა წიგნი გადაშალ-გადმოშალა:

— იანვარი, თებერვალი, მარტი, აპრილი... — წარმოთქვა მან, — ნიადაგი და თვის თავი, ზედნადები ოცდასამი... ოთხი, ხუთი, ექვსი, შვიდი...

— შენდობა მოძღვარს, — გაისმა ამ დროს ხმა და მის წინ მხარზე მოკლე თოფგადაკიდებული გლეხი გამოჩნდა.

— თედორიკა, რა ამბავია, შვილო, ხომ არა გიჭირს რა? — ჩვეულებრივ ტკბილად მიეგება მღვდელი.

ახალმოსულმა მღვდლისაგან ლოცვა-კურთხევა აიღო.

— არა, მამაო! — ცოტა არეულად მიუგო თედორიკამ. — სასახლიდან გამომგზავნეს. ქალბატონი როდამი უქეიფოდ გახლავთ და გთხოვეს... საზიარებლად მობრძანდითო.

— აჰა, ბიჭო, ქალბატონს რა დამართნია? იქით კვირას წირვაზე ბრძანდებოდა და ისე ყოჩაღად იყო, რომ...

— იქით კვირას კი არა, დღეს დილითაც კარგად გახლდათ და შერე უცბად ცუდი გული შეექმნა.

— ბატონი გიორგი შინა ბრძანდება?

— არ გახლავთ, მამაო, ჯუმათში წაბრძანდა.

— ოო... — გაკიანურებით წარმოთქვა ხუცესმა და თოვლივით თეთრ და გრძელ წვერზე ხელი მოისვა.

— კარგი, კარგი, შვილო! წავიდეთ, წავიდეთ! — მიუგო მღვდელმა, წიგნი დაკეცა და წასასვლელად მზადებას შეუდგა.

— ჯორი მოგიძებნო, მამაო? — დაეკითხა თედორიკა.

— არა, შვილო, არა, ფეხითაც ავირბენ, მაგის მოძებნა-შეკაზმვაში ბევრი დრო წავა, ხვალ კვირაა, წირვა-ლოცვა მიჭირს, — აუჩქარებლად მიუგო მღვდელმა მარკოზმა, სიწმინდის კოლოფი გულზე გადიკიდა და თედორიკას გაჰყვა.

V

ნიგოთის ერთ-ერთ, ზამთარ-ზაფხულ ამწვანებულ სერზე, თავადი გიორგი ქორიშვილის სამოსახლო იყო გამოკიმული. თავადის ეზოს ორასამდე ქცევა ადგილი ექირა. ეზოს ერთ მხრივ საუკეთესო, სწორე და ამალღებულ ალაგას იდგა ყავრით დახურული დიდი ოდა — ბატონების საცხოვრებელი და მახლობელი სტუმრების მისაღები. იქვე მახლობლად იდგა მეორე პატარა ოდა, საზოგადო სასტუმრო. იქვე ცოტა მოშორებით სხვადასხვა ზომის, — ზოგი ფიცრული და ზოგიც დაფაცხული: ისლით დახურული შენობა სამზარეულო, საჯინბო, საბაზიერო და სხვა. ეზოს მეორე მხრივ დაბლობზე, წყაროს პირას, ოციოდ პატარა სახლი და ფაცხა რყო გაფანტული. იქ მოჯალაბეთა მოსახლეობა იდგა.

მზე უკვე ჩადიოდა, როცა მღვდელი მარკოზი თედორიკას თანხლებით თავადის ეზოში შევიდა. მას მოეგება თავადის ვაჟიშვილი ალექსანდრე და თავაზიანად სახლში შეიპატიჟა, მაგრამ მღვდელმა მარკოზმა ერთი შეხედვითვე შეატყო, რომ მისი მოსვლა ბატონიშვილს არათუ არ ესიამოვნა, ძლიერაც ეწყინა.

მღვდელმა მარკოზმა თავადიშვილს პირდაპირ თვალეში შეხედა და თითქოს ანიშნა: რა ვქნათ, შვილო, ეტყობა, არა გსურდა ჩემი აქ მოსვლა, მაგრამ მე მაინც ეს არის გეახელიო.

— რა დაემართა ნეტავი ქალბატონს? ძლიერ საწყენად დამირჩა, — მიებოდიშა მღვდელი მარკოზი თავად ალექსანდრეს, — ქრისტე შეუფეს ვთხოვ მის ჩქარა განკურნებას.

— გმადლობთ, მამაო, — ზრდილობიანად მიუგო თავადიშვილმა, — რაღაც უქეიფოდ გახდა დღეს, არ ვიცი, აწყინა რამემ, თუ გაცივდა.

გაუბედავი კილო თავადიშვილისა ძალაუნებურად ექვს უბადებდა მღვდელს, რომ არც ერთი მიზეზი სწორი არ იყო.

— რა აწყენდა, ბატონიშვილო, ან სად გაცივდებოდა? — სიცილით მიუგო ხუცესმა, — მე შენ გეტყვი და ცივი ღომით საუზმობს, ან კოკით წყალს ეზიდება.

თავად ალექსანდრეს ბრაზით ფერი ეცვალა, მაგრამ თავი შეიკავა, იცოდა მღვდელი მარკოზის მოურიდებლობა ლაპარაკის დროს და ღიმილითვე მიუგო:

— ეხ, მამაო, ცივი ღომის მქამელი და კოკით წყლის მზიდავი ხშირად უფრო ჯანსაღია, ვიდრე ფუფუნებაში გაზრდილი...

— ეს სწორედ ქეშმარიტი ბრძანებაა, — კმაყოფილებით მოუსწრო ხუცესმა, — ღმერთი წონა-სამართალია ღარიბი და დაჩაგრული კაცის ერთადერთი ნუგეში მისი ჯანმრთელობაა, შრომა-გარჯით და ზომიერი ცხოვრებით მოპოვებული. გამჩენს ასე განუწყესებია.

— სიმაართლე რომ ვთქვათ, მამაო, დედაჩემი, თუმცა ფუფუნებით გაზრდილი ადამიანია, მაგრამ ძლიერ გამრჩელია. დილიდან საღამომდე არ ისვენებს და ხშირად ისეთ საქმეებში ერევა, რაც მას სრულებით არ შეეხება...

— ვიცი, ვიცი, შეილო! განა არ ვიცი ვიხუმრე, თორემ ქალბატონ როდამს მარტო დღეს ვიცნობ? შენ ქვეყანაზე არც კი არსებობდი, როცა მე მას ვიცნობდი. ჯვარი მე არ დავწერე?.. როგორ მიზრძანებთ, პირდაპირ შეიძლება შევიღეთ?

— უკაცრავად, მამაო, მაგრამ ცოტა უნდა დავიცადოთ, მგონი, ახლახან ჩაეძინა...

— რა საბთღიშოა, შეილო! — გააწყვეტინა ხუცესმა, — იყოსმცა მისთვის ძილი განმკურნებელი. მე მანამდე აქ დერეფანში ჩამოვჯდები. ჯდომას და აქედან ყურებას რა ჯობია. იფ, რა მშვენიერებაა! მთელი რიონის დავაკება, გაღმა-გამოღმა და თითქმის მთელი ოღიში ხელისგულივით მოჩანს. ახ, ცხონებულ ბაბუაშენმა ქაიხოსრომ აირჩია ეს ადგილი სამოსახლოდ... რა წყალი, რა ჰაერა! გურიასი ამის ბადალი ალაგი მეორე არ მოიძებნება.

მღვდელი დერეფანში გრძელ სკამზე ჩამოჯდა, თავადი ალექსანდრეც შორიახლო მოუჯდა.

ცოტა ხანს სიჩუმე სუფევდა.

ორთვენი ცოტა უხერხულად გრძნობდნენ თავს. მღვდელი ატყობდა, რომ თავადიშვილს მასთან დარჩენა არ უნდოდა, მაგრამ ზრდილობის გულისათვის არ მიდიოდა და თვითონ ხუცესს კი — წადი, მომშორდი, ვერ ეთქვა...

ბოლოს სიჩუმე ისევ თავადმა ალექსანდრემ დაარღვია.

— რას ამბობს, მამაო, შენი ეფუთი? როგორი წელიწადი იქნებაო, როგორი მოსავალი, როგორი სიმრთელე?

— ჰო! — ჩაახველა ხუცესმა. — ეფუთი რაღათ გვინდა, შეილო, — აუჩქარებლად, მაგრამ ჩვეულებრივ მტკიცედ მიუგო მღვდელმა მარკოზმა, — როცა უეფუთ-უკარაბადინოდაც ჩვენი ცხოვრება და მისი ბედ-იღბალი დღესავით ნათელია! თვალთ ვხედავთ, ყურით გვესმის, რაც ხდება ირგვლივ. გული კი სწუხს და შფოთავს. მოსავალი კარგი საიდან იქნება, თავადიშვილო, როცა

მხნელ-მთესველი შიშით თავისუფლად ვერ გამოსულა სამუშაოდ. სიმრთელეს ვინ მიანიჭებს შიმშილით კუჭ გამხმარ ხალხს. ან ეს მიბრძანეთ, თვით ხალხი სად არის? სად არის ხალხი? ან სად იქნება, როცა ჩვენი ქვეყნის საუკეთესო ძენი და ასულნი ასობით და ათასობით შავ ზღვას გაღმა ბატონებივით და თიკნებივით იყიდებიან. კემმარიტად დიდია სულგრძელობა უფლისა, თორემ, საკვირველია, რატომ ამდენ ხანს არ მოგვივლინა, როგორც საღმრთო წერილში წერია: „ცეცხლი და წუმწუშა და სული ნიაფ-ქარისა“ და სრულებით არ აღგავა პირისაგან ქვეყნისა ჩვენი ცოდვილი კუთხე. მე მიკვირს, რატომ ზღვად და პალეასტომად არ გადიქცევა მთლად ჩვენი ქვეყანა, საცა ამდენი შესაზარი უსამართლობა მომხდარა და კიდევ ხდება, საცა... მაგრამ, ჰოი, უფალო შეგცოდე! მაშინათვე აღამიანური სულმოკლეობა მომიტაცებს ხოლმე და სრულებით მავიწყდება, რომ შენ სულგრძელი ხარ და მრავალმოწყალე. არა ცოდვათა ჩვენთაებრ მოგვაგებ ჩვენ და არცა საქმეთა ჩვენთაებრ გვასწავლი ჩვენ. შენ უკეთ უწყი უმჯობესი... ახლა მგონია არ გავგწირავ სრულიად, რადგან მოავლინენ ჩვენდა შემწე წმიდით შენით და სიონით გამო ხელი აღგვიპყარ ჩვენ... რამეთუ შენ ერი მდაბალი აცხოვნო და თვალნი აჰპარტავანთანი დაამდაბლო. არა, თავადიშვილო, — ხმას დაუშვა ხუცესმა, — ჩემი ეფუთ-კარაბადინი ხელისგულივით ჩვენს წინ გადაშლილი ჩვენი ცხოვრებაა, თუცმა სახარბიელო არაა, მაგრამ არც სულ უნუგეშოა. აწ გულის ხმა ვყავ, რამეთუ აცხოვნა უფალმან ცხებული თვისი... უფალო, აცხოვნე მეფე და ისმინე ჩვენი ღლესა მას, რომელსაცა გხადოდეთ შენ... ესენი ეტლებითა და ესენი ჰუნებითა, ხოლო ჩვენ სახელითა უფლისა ღვთისა ჩვენისათა ვხადოდეთ. ივინი შებრკოლდეს და დაეცნეს, ხოლო ჩვენ აღვსდევით და აღვემართებით.

თავად ალექსანდრეს პირისახეზე აღმური აედინა. ის ძლიერ კარგად მიუხვდა, თუ რა ქარაგმებით უბნობდა მარკოზ ხუცესი. საქმე იმაში იყო, რომ თავადი გიორგი ტყვეთა ყიდვა-გაყიდვაში მხურვალე მონაწილეობას იღებდა. ყველა წვრილმან მტაცებელს, — გურულს, იმერელს თუ მეგრულს, თავადის სახლში მყუდრო ბინა ჰქონდა, რადგან თავადი დიდი გავლენიანი კაცი იყო და მის სახლში შექრას, ან რაიმე პასუხის მოთხოვნას უბრალო ვინმე კი არა, თვით გურიელიც ადვილად ვერ გაბედავდა. თავადი გაცნობილი იყო ფოთის ციხეში მჯდომ ოსმალთ ფაშასთან, ოსმალეთის მდიარ სოვდაგრებთან. ისინი თავად გიორგის დიდად აფასებდნენ და პატივსა სცემდნენ. ერთი სიტყვით, ტყვეთა ყიდვა-გაყიდვის საქმე

თავადმა ძლიერ კარგად იცოდა და ამით კაიხალ ქონებასაც იძენდა. ვინ იცის, რამდენჯერ მოსვლია უსიამოვნება მარკოზ ხუცესს თავად გიორგისთან ტყვეთა გაყიდვისა გამო. ბევრი უქადაგნია ხუცესს თავადისთვის, ბევრი უხვეწნია, ბევრი უმხილებია აღუქვეთა ეს საზიზღარი საქმე, მაგრამ ვერა გაეწყო რა. თავის მხრივ თავადს მღვდელი მარკოზი, რასაკვირველია, სძულდა, უნდოდა მასთან ყოველივე კავშირი გაეწყვიტა და სახლშიაც არ შემოეშვა, მაგრამ ვერ მოეხერხებინა, რადგან ქალბატონი როლამი დიდი პატივისმცემელი იყო მარკოზ ხუცესისა და სხვა მოძღვრის არჩევანზე არასგზით არ თანხმდებოდა. თავადი გიორგიც გულის სიღრმეში, უექველია, გრძნობდა ხუცესის პირად ღირსებას და თუმცა არ ესიამოვნებოდა მულამ მამხილებელი კაცი, მაინც ვიგინდარა ყურმოჭრილ ყმა-მღვდელს ერჩივნა. რას დავეძებ, ილაპარაკოს რამდენიც უნდაო, მე მაინც ჩემსას ვიზამო, ფიქრობდა თავადი, მაგრამ როცა მარკოზ ხუცესი თავის მფარველობის ქვეშ მიიღო თვით მეფე სოლომონმა, საქმე შესამჩნევად შეიცვალა. მღვდელი მარკოზი ახლა ტყვეთა გამყიდთათვის საშინი კაცი შეიქნა. ხუცესს შეეძლო თავის მომხრენი, რომელთ რიცხვი, განსაკუთრებით დაბალ ხალხში, მრავალი იყო, აემხედრებინა, მეფისთვის მიემართნა, ისიც ძალას მოაშველებდა და ტყვეთა გაყიდვის საქმეში მხილებული სასტიკად დაისჯებოდა. თუმცა ხუცესი ჭერჯერობით ჩვეულებრივ ტყბილ სიტყვებს და იგავების თქმას სჯერდებოდა, მაგრამ ადვილი შესაძლებელი იყო სხვა ღონისათვის მიემართნა და თავადი გიორგისთვის საგრძნობელი უსიამოვნება მიეყენებინა. ამიტომ თავადმა ბოლო დროს ხუცესს მოფერება და უფრო პატივით მოპყრობა დაუწყო, თანაც ეფიციებოდა, რომ ახლა ტყვეთა ყიდვა-გაყიდვის საქმეში ჩარევას სრულებით თავი დავანებო. ერთი მხრივ ეს ტყუილიც არ იყო. აშკარად მოყვანა ტყვეებისა თავადის სახლში, რაც წინათ ჩვეულებრივი მოვლენა იყო და რისთვისაც თავადი გიორგი არავის ერიდებოდა, შესამჩნევად შემცირდა.

სხვა დროს თავად ალექსანდრესაც მღვდლის იგავებზე შეიძლება პასუხიც გაეცა, მაგრამ დღეს საუკეთესოდ სცნო გაჩუმებულისყო, ხუცესისადმი უკმაყოფილებას მხოლოდ თვალებით გამოთქვამდა და მით კმაყოფილდებოდა. მღვდელმა კი ძლიერ კარგად შენიშნა, რომ თავადიშვილს მისი სიტყვები არ ესიამოვნა, მაგრამ თითქოს არ შეუმჩნევიანო, კვლავ განაგრძო ლაპარაკი:

— იცოდე, თავადიშვილო, ჩვენ აღვსდგებით და აღვიმართებით?

სძლევს სიკეთე სიბოროტეს, მაგრამ შურს არ იძიებს. ქრისტიანულ სიკეთეს შურისძიება არ უყვარს. რაც იყო, შეილო, იყო! — უკვე პირდაპირ თქვა ხუცესმა, — მას ნულარ გავიხსენებთ. ყოვლად მოწყალეს ვთხოვოთ შენდობა და დავადგეთ ახალ გზას. მაშინ ნახავ, რომ ცაც დროზე წვიმას მოგვცემს და ქვეყანაც უხვად აღმოაცენებს ნაყოფსა თვისსა, მოსავალიც კარგი იქნება და სიმრთელეც ხალხში სანატრელი.

— ღმერთმა ქნას! ღმერთმა ქნას! — ამბობდა თავადი, მაგრამ ზედვე ეტყობოდა, გულწრფელი არ იყო ეს მისი სურვილი.

— დროა, გონს მოვიდეთ, სიტყვით ნათქვამი საქმითაც შევასრულოთ, ხელი ხელს მივცეთ და წარმოვთქვათ სიტყვა იგი მეზვერისა, — მტკიცედ თქვა მღვდელმა მარკოზმა, მაგრამ სიტყვა ველარ დაათავა, ოღნავ შეერთა და ეზოში რალაცას დააკვირდა.

ეზოში საჭინიბო სახლისაკენ ვილაც შეეწვერა ჩასქელებული. ყაბალახით თავშეხვეული კაცი მიდიოდა, უკან ქამარში განდაგან დამბაჩა ერქო და რალაცნაირი რხევა-ზნექით მიდიოდა. გაცოდილ მღვდელს ეს კაცი მაშინათვე თვალეში ჩაუვარდა.

— ეს კაცი ვერ ვიცანი, ბატონიშვილო! — მიუთითა ხუცესმა ეზოში მიმავალ კაცზე.

თავადმა ალექსანდრემ გაკვირვებით აიხედა, სახე ცოტა გაუფითრდა, მაგრამ შეეცადა სრულებით დამშვიდებული სახე მიეღო.

— ესა? ჰო, ჩვენი მოკეთე კაცია.

— აქაური არ უნდა იყოს.

— არა, ოდიშელია, — მიუგო თავადმა ალექსანდრემ ცოტა სიჩუმის შემდეგ.

— ოო!.. — მრავალმნიშვნელოვნად წარმოთქვა ხუცესმა და სასტიკი თვალთ თავადს შეხედა.

— მამაო, დედას უკვე გაეღვიძა, — მოიბოდიშა თავადიშვილმა, საჩქაროდ წამოდგა და სახლში შევიდა. სხვა გზა არ იყო, ხუცესის მრისხანე თვალს თვალი ვერ გაუხსწორა.

„ოო... ახლა კი მივხვდი! აქ რალაც საქმეა, — გაიფიქრა მღვდელმა და თეთრ წვერზე ხელი მაგრად მოისვა. — სახეზე ვატყობ იმ შავ-შავ ყაზახს, კეთილი სული არ უნდა იყოს. ვითომ ახლაც გაბედეს და ვინმე უბედური მოიყვანეს? მოიცა, ვნახო ქალბატონი, ყოვლისფერს გამოვავაშკარავებ. მაშინ გაუხმებს ხელი მარკოზ ხუცესს, თუ მან ვისმე ზიარება მიაწოდოს, სანამ დწვრილებით არ შეიტყობს, თუ რაშია საქმე. თავადიშვილს მე არასოდეს გულზე არ ვეხატე. მამის შვილი არაა! მაგრამ დღეს კი რალაც განსაკუთრე-

ბული არეულობა შევატყვე. დმერთო, მწუო ჩემო და მფარველო ჩემო, განმისწავლენ გზანი ჩემნი!“—ლოცულობდა გულში ხუცესი. მის ყურაპდე სამზარეულო სახლიდანაც კანტიკუნტად საგულისხმიერო სიტყვებმა მოაღწია. მღვდელს ესეც არ გამოეპარა.

— ვაი, ვაი, დედაი სულო! უღმერთობები, უღმერთობები, — ამბობდა მოხუცი გაღია... — მიპი ცოდო... კაცის გული... და...

რამდენიმე ქალი ერთად ლაპარაკობდა. სამზარეულო სახლიც კარგა მოშორებით იყო და მღვდელმა მარკოზმა დალაგებით ვერ გაიგონა მოხუცი გაღიას ნათქვამი, მაგრამ რაც გაიგონა, ისიც საკმარისი იყო, ექვი აელო, რომ ამ სახლში რაღაც საიდუმლო საქმე იმალეობდა, რომელიც დაკავშირებული უნდა ყოფილიყო იმ შავწვერა მეგრელის მოსვლასთან.

— ვითომ რაც თავადმა შემომფიცა, მაგისტანები აღმოგვეთეთო, კიდევ გაბედეს? — თავისთვის წარმოთქვა ხუცესმა. — დამაცადეთ, განკითხვის დღე მოახლოებულა, — იმუქრებოდა მღვდელი მარკოზი.

VI

ქალბატონს გამოეღვიძა. აღეკსანდრე არსად ჩანდა. გამოვიდა მოახლე ქალი და მღვდელი სახლში შეიპატიჟა. მღვდელი მარკოზი შევიდა.

ოთახი, სადაც იწვა ქალბატონი, დიდი არ იყო. კედელში გამოკრილი პატარა ფანჯარა სახლს საკმაროდ ვერ ანთებდა. ერთ-ერთ კედელთან, ტახტზე, ძვირფას აბრეშუმეულობა გადაკრულ ქვეშაგებში იწვა ქალბატონი როდამი. ტახტის წინ ძვირფასი, სტამბოლიდან მოტანილი ხალიჩა ეგო. ავადმყოფის საარეცელთან მაღალი სამფეხა სკამი იდგა, რომელზედაც მხედრულად დაწერილი პატარა დაუჯდომელი და ვერცხლის პატარა შანდალი იდგა. შანდალში შინ ჩამოქნილი ყვითელი თაფლის სანთელი ერქო. ოთახში, ავადმყოფს გარდა, არავინ იყო.

მღვდელმა მარკოზმა ოთახში ფეხი შედგა თუ არა, მცირე ლოცვა წარმოთქვა და მერე ავადმყოფს აუჩქარებლად მიესალმა.

— იაგუნდისა, — მილეული ხმით დაიძახა ქალბატონმა, — მოძღვარს სკამი მიართვი.

მოახლემ სკამი შემოიტანა. ხუცესი ჩამოჯდა. ოთახს თვალი მოავლო, ერთიც დაუჯდომელს გადახედა და ავადმყოფს თანაგრძნობით დაეკითხა:

— რა დაგმართნია, ქალბატონო? ძლიერ ვწუხვარ, სასო ღვთის-
მშობელს შევთხოვ შენს ჩქარა განკურნებას.

— გმადლობ, მოძღვარო! ძლიერ ცუდად ვიგრძენი თავი და შე-
გაწუხე. ვინ იცის, სიკვდილ-სიცოცხლე ხომ ერთი წუთის საქმეა, —
ნელ-ნელა წარმოთქვა როდამმა.

მღვდელმა თავისი გამომცდელი თვალებით ახედ-დახედა ავად-
მყოფს და ტკბილად მიუგო:

— კეთილი, ქალბატონო! მოხარული ვარ, რომ გაქირვების
ღროს ღმერთს მიმართავ ხოლმე. და ხმა ჰყოს ჩემდამი და მე ვის-
მინო მისიო, ბრძანებს უფალი. უეჭველია, შენც გისმენს იგი, თუ
კი გულწრფელად მიმართავ მას.

— მოძღვარო, ძლიერ სუსტადა ვარ.

— უფალი განამტკიცებს უძლურთა და დაამხობს ძლიერთა.
აუარებდით უფალსა, რამეთუ კეთილ, რამეთუ უკუნისამდე არს
წყალობა მისი, — თვალების ზეაპყრობით აამბობდა მღვდელი მარ-
კოზი.

— ეხ! მოძღვარო, უფალსაც მოსწყინდა, ალბათ, ჩვენი ცოდ-
ვები... ჩვენი...

— ჩვენი ცოდვები, ქალბატონო, რაღა საკითხია... დასამალი
არაა, აშკარაა, — გააწყვეტინა ხუცესმა, — მთანი და ბორცენი, მდი-
ნარენი და ველნი, ზღვა და ხმელეთი, უსჯულოთა ბანაკი და ქვრივ-
ოხერთა თავშესაფარი ქოხი სულ ჩვენ ცოდვებზე არ ღალატებენ?

— მოძღვარო, მე ხომ მიცნობ? მრავალჯერ მითქვამს ხომ გულ-
წრფელი აღსარება შენთვის... ჩემი სულიერი ტანჯვა, ჩემი წუხი-
ლი... უფალმა ხომ... უწყის... — ქალბატონს ტირილი მოერია და
სიტყვა ველარ დაათავა.

— მგონი, მეც მიცნობ, ქალბატონო! ორმოცი წელიწადი გავი-
და, რაც ჯვარი დაგწერე. კარგად იცი, რამდენი უსიამოვნება შემ-
ხედრია ამ ხნის განმავლობაში, თვით შენ ოჯახშიაც რამდენჯერ
ყოფილა ჩემ დასაღუპად შეთქმულობა, მაგრამ პირადად შენი ყო-
ველთვის მადლობელი ვიყავი, რადგან დარწმუნებული ვარ, თუ არ
შენ, ბევრი ხნით აღრე ცოცხალთა რიცხვში არ ვიქნებოდით. უფალ-
მან მოგაგოს მაგიერი. მრწამს ისიც, რომ გულწრფელად იტანჯე-
ბოდით, როცა ხედავდი აშკარა უღმრთოებას შენ ოჯახშივე შენს და-
ახლოებულთა მიერ. მართლაც და დიდი უნდა იყოს ის მწუხარება,
რაც უნდა განეცადა პატიოსან ცოლსა და დედას, როცა ხედავდა,
რომ მისი ქმარი და შვილი ძმათა მტაცებელს და უსჯულოში გამ-
ყიდველს თავშესაფარს აძლევდნენ. მაგრამ დაგვიდგა სხვა დრო.

ღმერთმა ზეცით გარღმობიხედა. მოგვივლინა მხსნელი. ხომ შეიტყვე-
რა სასატკი ბრძანება გაუცია მეფეს ტყვეთა გაყიდვის წინააღმ-
დეგ. იმედი მაქვს, ეს ბრძანება არ დარჩება ხმად მლაღადებლისა
ულაბნოსა შინა. კიდევაც ახლავე დაეტყო ამ ხმის ძლიერი გავლენა
ჩვენ ქვეყანას. ახლა მთესველი უკვე მხიარულად გამოდის თეს-
ვად, ხოლო მტაცებელი თავზარდაცემული იმალება. მე იმედი
მქონდა, ასე სანატრელად დროების შეცვლა შენ გაგახარებდა და,
აი, საუბედუროდ, ვხედავ, რომ, პირიქით, დაუძღურებულხარ,
ტირი და გოდებ. გატყობ, რომ შენი ავადმყოფობა რაღაც სხვანა-
ირია, ასოთა ტკივილისაგან არ არის გამოწვეული. მითხარ, რაშია
საქმე, ნუ დამიმაღავ!

ქალბატონი მწარედ ქვითინებდა.

— პასუხის მოცემა გეძნელება, ცრემლი ნებას არ გაძლევს? —
გულდამშვიდებით გააგრძელა ხუცესმა. — არა უშავს რა, ცრემლი
დიდი ნუგეშია, მწუხარე გულის დამამშვიდებელია. შეიძლება,
ჩემ შეკითხვას პასუხიც მე მივცე? კარგი, შენ არ შეგაწუხებ, მე
თვითონ გიპასუხებ. ხომ იცი, ქალბატონო, ჩემ გამოცდილ თვა-
ლებს არაფერი არ გამოეპარება, მაგრამ ერთი მაინც უნდა მიბრ-
ძანოთ: ვინა ბრძანდება ის შავწვერა მეგრელი, თქვენს სახლში
დღეს სტუმრად რომ არის? უეჭველია, კეთილი სული არ უნდა
იყოს!

ქალბატონი ცრემლით სავსე თვალებით მღვდელს დააშტერდა.

— ნუ გიკვირს, ქალბატონო, მე ის უკვე ვნახე! თუმცა შობი-
დან, მაგრამ მაინც ვნახე და ჩემთვის ესეც საკმარისია. დანარჩენი
ხომ ცხადია, მე და შენ მაინც განმარტება აღარ გვჭირია.

— მოძღვარო, ვფიცავ იესო მაცხოვარს... — წამოიძახა ქალბა-
ტონმა.

— აბა, შენი ფიცი მე რაღათ მინდა... განა არ ვიცი, რომ მისი
სტუმრობა შენც ისე გაგიხარებოდა, როგორც მე დღეს მისი
ნახვა? რას ვამბობ, მე თუმცა არ მესიამოვნა მისი ნახვა, მაგრამ
ავად არ გავუხდვიარ და იმედი მაქვს, არც გამხდის, შენ კი, აი,
სარეცელში წევხარ.

— მოძღვარო, გულთმისანი ხომ არა ხარ? — ისევ წამოიძახა
ქალბატონმა.

— გულთმისნობა რაღა საქროა! ისედაც მივხვდებით, სირ-
ცხვილიცაა მარკოზ ხუცესისთვის, მაგისტანები გამოეპაროს.

— რა ვქნა, მოძღვარო, ორ ცეცხლშუა ვარ ჩავარდნილი, —
საცოდავად წარმოთქვა როდამმა და ცრემლი მოიწმინდა. — ეტო-

ბელ დაჩვეულის ერთი მოსმით გადაგდება ძნელი ყოფილა. შენც ხომ იცი, რომ ჩემმა ქმარმა და შვილმა გურიელთან ერთად მცხვეს შეფიცეს, რომ ფაშისთვის ტყვეები არ მიეწოდებინათ და, მართალი უნდა ვთქვა, სხვა დროსთან შედარებით, ძლიერაც შეამცირეს ეს საძაგელი ხელობა, ეს შენც იცი, მაგრამ სრულებით მაინც ვერ აღმოკვეთეს. მე ცალკე ქმარს ვეჩხუბე, ცალკე შვილს და მხოლოდ ის მოვახერხე, რომ აქ, ამ ჩემს ოჯახში, ჩემ თვალწინ მაინც არ უნდა მომბდარიყო ეს საზიზღრობა. ორთავემ პატიოსანი სიტყვა მომცეს და, მართლაც, სამი თვე გავიდა, რაც ჩემ ეზოში ტყვე არ შემოუყვანიათ; მოწმე იყოს თვით ქალწული უბიწო! დღეს დილით კი მოეთრია ის ავაზაკი, ის იუდა გამცემლის თანაზიარი, ის დაუნდობელი და ერთი პატარა ყმაწვილი მოიყვანა... ისეთი ლანაზი, ისეთი კარგი, რომ... ვაი დედამისს გამწარებულს, ცეცხლ-გენია მოკიდებულს! მე მაშინათვე ყვირილი მოვრთე, თავი მოვიკალი... ბატონი შინ არ იყო, არც ახლა გახლავთ... ჩემმა შვილმა კი ჩვეულებრივ მანუგემა, ეს უკანასკნელიაო. დანაპირი ვართ ფოთის ფაშასთან, სასტიდელი წინდაწინ გვაქვს მიღებულნი. მე ეს არ დავიჭერე, გავცოფდი, გადვირიე. ბავშვი გამოვტაცე და ჩემს ერთგულს გადაიას და მოსამსახურეებს ჩავაბარე... მერე საშინელი თავის ტკივილი ამივარდა... გონებაც დაკვარგე...

— მესმის, მესმის, ქალბატონო, ყოვლისფერი მესმის, დამშვიდდი! შენი სათნოებით და სიყვარულით სავსე გული მეოხ ეყავნ შენ ქმარ-შვილს დღესა მას განკითხვისასა, — თანაგრძნობით მიუგო მოძღვარმა. — არ დაგიმაღავ, მე ამას მაშინათვე მივხვდი. თავადიშვილს ალექსანდრეს თვალებში შევატყე, რომ ჩემი ნახვა არ ესიამოვნა. რა ვქნა! მე მაინც ღვთისადმი ვითხოვ მის კეთილ გზაზე დაყენებას. დრო კი არის, ქალბატონო, შენმა ქმარ-შვილმა აღმოკვეთონ ეს საზარელი საქმე. ნუთუ არ კმარა, რაც მდულარე ცრემლი დაიღვარა უბედურ ჩვენი ქვეყნის დედათაგან მთელი საუკუნის განმავლობაში! დაე, ჩვენი ქვეყნის ტურფა ძენი და ასულნი ჩვენ ქვეყანაშივე დარჩნენ, აქვე დაიზარდნენ, აქვე იზრომონ, აქვე განვლონ დღენი ცხოვრებისა, მოიხადონ მოვალეობა სამშობლოს წინაშე და აქვე მიწას მიებარონ. გარდაეცი ბატონს ჩემ მაგივრად, რომ ფიცი მტკიცედ შეინახოს. ნუ ჰკადრებს თავის ქალარას არასაკადრისს, თორემ მოახლოებულია დღე განკითხვისა. ხომ იცის, ისმინა უფალმან ტირილი და გოდება ხალხისა და მოუკლინა მას მფარველი. ეკრძალოს, მე გამიფრთხილებია.

— ახლა როგორ იმოქმედებ, მოძღვარო, ბავშვს რა ვუყოთ? — დაეკითხა როლამი.

— ბავშვი ჭერჭერობით მე მომეცი. გავზრდი, შევასწავლი რასმე და მერე პატრონი მოვძებნოთ და ჩავაბაროთ. რა თქმა უნდა, უკეთესია ამ საქმეში ხმა არავინ ამოილოს. არც შენ და არც ჩემ წინააღმდეგ, თორემ ბოლოს სასინანულოდ დაუტრიალდება. მარკოზ ხუცესი თავმდაბალია, მაგრამ, თუ გაკვირდა, ქუდმალაღზე უარესს ეზამს. შენ კი, ღირსო ადამიანო, უფალმა მოგანიჭოს დღეთა სიგრძე. დამშვიდდი, ზიარება არ გეჭირვება.

VII

დაღამდა. მოღრუბლულ-მოღუშული და საწვიმრად გამზადებული ცა ქვეყანას მრისხანედ დაჰყურებდა. მთვარე ჭერ არ ამოსულიყო და ირგვლივ სიბნელე სუფევდა.

მღვდელი მარკოზი ორი შეიარაღებული კაცის თანხლებით თავად გიორგის სასახლიდან გამოვიდა და თავის სახლისაკენ გაემართა. გვერდით ანათორის კალთაში გამოხვეული ბავშვი მისდევდა. თუმცა ზაფხული იყო და ცხელოდა კიდეც, მაგრამ ბავშვი მაინც ძაგძაგებდა.

— ნუ გეშინია, ჩემო ბიჭიკო, — ალერსიანად უთხრა მღვდელმა, — შინ ჩქარა მივალთ, საქმელს გაქმევ, დაგაძინებ... შენი სახელი?

— ხეჩა, — ტირილით მიუგო ბავშვმა.

მღვდელმა ხელი მაგრა მოხვია და ტანზე მიიკრა.

— უღმერთოები, უსვინდისოები, — ბუტბუტებდა იგი, — ბავშვისთვის პერანგი მაინც ჩაეცვათ ხეირიანი. ან ღმერთს რას ეტყვიან, ან კაცს ეს უსჯულოები!

— ეხ, ეხ, ჩვენი ცოდვა, — ოხრავდნენ მღვდლის მსლებლები.

მარკოზ ხუცესის სახლის კერაზე ხმელი ფიჩხის ცეცხლი კაშკაშებდა და მთელ სახლს საკმაოდ ანათებდა. მარიკა და ლერწამისა კერას აქეთ-იქით შემოსხდომოდნენ და მღვდლის მოლოდინში საჩოხე მატყლს ართავდნენ.

— მარიკა, მარიკა, აბა, გამოიცანი ვინ მოგიყვანე, — სახლს მიუახლოვდა თუ არა, დაიძახა ხუცესმა. მისი ხმის გაგონებაზე ქალებმა თითისტარები განზე გადადეს და ზეზე წამოიჭრნენ. ამასობაში მღვდელი სახლში შევიდა, ანათორის კალთა გადასწია და თმახუჭუჭა, შავგვრემანი ბავშვი წინ წამოაყენა. ბავშვი თითქმის ტიტ-

ველი იყო, დაქერილ მხეცევიტ შეშინებულ თვალებს აქეთ-იქით აცეცებდა.

— ეს ვინ არის? — გაოცდა მარიკა.

— ვინ უნდა იყოს, დედაკაცო, — მშვიდად მიუგო ხუცესმა, — თუ არ ნაყოფი ჩვენი კეთილი გზიდან ცთომისა, ჩვენი გათახსირებისა, გულგაქვავებისა და გონების დაბნელებისა.

მარიკა მიხვდა, შეშინებულ ბავშვს მიუახლოვდა, ნაზად ხელი მოხვია და გულში ჩაიკრა.

— ნანა, შვილო, ნანა, შვილო, ბედდამწვარი შენი მშობელი დედა, ბედდამწვარი შენი მშობელი დედა...ოი, ნანა, შვილო! რა მწარეა შვილის დაკარგვა... უღმერთობმა რა იციან, რა მწარეა დედის გულ-მკერდი! ნანა, შვილო, უბედურ მთვარეზე დაბადებული შენი მშობელი დედა... იმას ვინ ანუგეშებს? იმას ვინ გაუმრთელებს დაქრილ გულს? იმას შენ მაგიერობას ვინ გაუწევს?... საფლავში უნდა ჩაიტანოს უბედურმა შენი სიმწარე, — მოთქმით ამბობდა მარიკა, ბავშვს თავზე ხელს უსვამდა, ჰკოცნიდა და თან ქვითინებდა.

ალერსით და დედის გახსენებით გულაჩვილებული ბავშვი მწარედ ატირდა. ატირდა ლერწამისაც. მღვდელი მარჯოში შორიახლო იდგა და ცოლის ქცევით კმაყოფილი და აღტაცებული, ისიც აცრემლებული, გრძელ წვერზე ხელს ისვამდა.

— კარგი, გეყოფა, დედაკაცო! — უთხრა ბოლოს ხუცესმა. — უიმისოდაც გულჩათუთქულ ბავშვს დედის გახსენებით კიდევ უფრო გულს ნუ უკლავ. აკამე რამე და დააძინე. შეხედე, რავე ცოცხლად დაუხრჩვიათ მაგ უღმერთობებს.

მარიკა გამოერკვა, ბავშვი კერის პირას დაბალ სკამზე დასვა და ვახშმის თაღარიგს შეუდგა.

— აკი ამბობდი, ხუცესო, მაგისტანა სამარცხვინო საქმეები მოისპოო, ამდენ სამადლობელ პარაკლისებს ტყუილად იხდიდი? — ამბობდა მარიკა.

— განა ასე ადვილია, ქალო, ძაღლის კუდის გასწორება? ჯერ კიდევ დროა საჭირო, სანამ ასეთი საძაგელი ჩვეულება სრულებით აღმოიფხვრებოდეს. ყველა ბოროტებაში გასვრილი ხელი ჯერ უნდა სამარეში დაიმარხოს, რომ კაცის შვილთა მოტაცება და გაყიდვა საზღაპრო ამბად გადაიქცეს, მაგრამ ასეთი სამწუხარო მოვლენა იშვიათი რომ განდა, ესეც დიდი ნუგეშია, ესეც ღირს იმად, რომ სამადლობელი პარაკლისი გადავიხადო და გადავიხდი კიდევ, — მხიარულად მიუგო ხუცესმა.

ნავახშმევს ლერწამისამ სპილენძის ქვაბით წყალი გაათბო. ქალებმა ბავშვი დაბანეს, მარკოზის ერთ-ერთი პერანგი ჩააცვეს და ლოგინში ჩააწვინეს. მერე მღვდლის ძველი კაბა მოსძებნეს და მისგან ბავშვის ჩასაცვამ ახალუხის გამოკერვას შეუდგნენ.

— უღმერთოები, უსულგულოები, დედას შვილს სტაცებენ და უსაჩულოებზე ყიდიან! არ აქმევენ, არ აცმევენ... ღმერთო, მიაგე პაგიერი, — ბუტბუტებდა მარიკა და გაჩქარებით კერავდა.

მღვდელმა წმინდა სანთელს მოუცილა, კუთხეში მიყუდებულ პატარა ხატის წინ წარსდგა და ლოცვას შეუდგა.

— ნანა, შვილო, ნანა, შვილო, ბედდამწვარი შენი მშობელი დედა, — სლოკინით წამოიძახებდა ხოლმე დროგამოშვებით მუშაობაში გართული მარიკა.

— ვითარ განდიდენ სახელი შენი, უფალო, და ყოველივე სიბრძნით ჰქმენო, — ლაღადებდა ხუცესი.

ლერწამისა საჩოხე მატყლს ართავდა, ხოლო პატარა ხვიჩას ლოგინში ტკბილად ეძინა, ოთხი დღე და ღამე გავიდა, რაც მას ასე ტკბილად მოსვენება არ ღირსებია.

* * *

— არა, ღმერთს გეფიცები, თავადო ალექსანდრე, თუ მართლა ვინმე კუდიანია ქვეყანაზე, სწორედ ეს მარკოზ ხუცესი უნდა იყოს, — ამბობდა აზნაური ყარაჩანი, თავადი გიორგი ჭორიშვილის ძლიერ ერთგული და დაახლოებული პირი.

— კუდიანი კი არა, გულთმისანია მაგ ჩამოსახრჩობი, — მიუვო თავადმა ალექსანდრემ.

— წავგართვა, მარა რა ბიჭი წავგართვა, მაგ წვერით ხეზე თხასავით ჩამოსაკიდებელმა, — სწუხდა ჩვენი უკვე ნაცნობი თენგიზი, ხვიჩას მომტაცებელი და თავადის სასახლეში მომყვანი. — რამდენი ტანჯვა და ბრძოლა გამოვიარე იმის აქ მოყვანაში.

სამთავენი კერის პირას ისხდნენ და საუზმის მოლოდინში მუსაიფობდნენ.

— მართალი რომ ვთქვათ, დედაჩემმა წავგართვა, იმას არ ეთქვა, ხუცესი ასე მაგრად ხელს ვერ ჩაგვკიდებდა, — ამბობდა თავადი ალექსანდრე, — მაინც, კაცო, დამელაპარაკა თუ არა, მაგ ჩასაძალღებელმა, მაშინათვე იჭვიანი თვალებით აქეთ-იქით ყურება და აწყობ, თათქოს მექებარია და ნადირს სუნავსო. თენგიზი რომ შეამ-

ზნია ეზოში, მაშინათვე პირში მომახალა ებოდნოდ: ეს ვილაცა კეთილი სული არ უნდა იყოსო.

— ჰა, მაგი ყოფაგაქუცული... — შეაგინა თენგიზმა.

— იმის შეხვედრას ხომ კრელი გველის შეხვედრა მირჩევნია, — ვააგრძელა ალექსანდრემ, — მერე, კაცო, მომიყვა სხვადასხვა იგავებს! ეს საღმრთო წერილიო, ეს ესაო, ეს ისაო... დედაჩემი ხომ ხელში ჰყავს, რასაც ეტყვის, იმას აქნევიანებს... ის, ალბათ, როგორც გულუბრყვილო დედაკაცი, ყოვლისფერს უამბობდა და, რაკი ერთხელ ყური დაეხვრიტა მენცარს, მერე ხომ არ მოგვეშვა და არ მოგვეშვა, თორემ დედაჩემს მარტო ჩქარა დავამშვიდებდი... ერთი ორი დღე რომ დამცლოდა, ბავშვს ისევე წყნარა გამოვტყუებდი... ახლა კი არ ვიცი, რა პირით დაეხვდე ან მამაჩემს, ან ხელცარიელი როგორ ვეახლოთ ფოთის ფაშას. შეიძლება, თენგიზ, შენებურად კიდევ მოაგვარო რამე?

— ვეცდები, ბატონიშვილო, განა ცოტა მომიყვანია, მაგრამ საძნელო კი არის, ოხერი! შეიცვალა დროება, — ნაღვლიანად ამბობდა თენგიზი. — თუ დადიას მოხელეებმა ხელთ მიგდეს, შენი მტერი! თვალებს დამთხრიან. ხალხიც გაჰაგრდა. ყოველ სოფელში ყარაულები მორიგეობენ.

— კიდეც იმიტომაა, რომ მარკოზ ხუცესმაც ფრთები შეისხა და ახლა მუჭარასაც არ ერიდება, — ბრაზით ამბობდა ალექსანდრე.

— ტყუილად დარღობ მაგ ამბავს, ბატონის მზემ, — გაერია ყარამანი. — ერთი მეც მკითხე და, თავადიშვილო, იმ ხუცესმა ბავშვი ხომ თავის სახლში წაიყვანა?

— კი.

— ხომ არ გაყიდის?

— ათასი ჭისა მარჩილი რომ მისცე, არ მოგცემს, მაგის ხასიათი კი ვიცი, კერპი ვინმეა.

— მაშ, ყავდეს, ბატონო, ჯერჯერობით ასევეს და აქამოს. თვალი გაუტყდეს, აქაურობას გაეჩვიოს. მე ყარამანი არ ვყოფილვარ, რს თუ ბოლოს ისევე ჩვენი არ იქნეს. მერე უფრო მეტი ფასი არ ექნება თუ?

— ერთი შენცა!

— ჩემი თავი მოგიკვდეს, თავადიშვილო, თუ მე ეს არ შევასრულო.

— ეხ, ყარამან! შენ ხუცესს ნუ ეხუმრები. მთელ ქვეყანას შესძრავს. პირდაპირ მეფესთან წავა. შეიძლება ხალხიც ააჯანყოს.

ერთი რომ დაუძახოს და წინ წაუძღვეს, შენ რაეა გგონია, პირველად თვით ჩვენი ყმები ცეცხლს მისცემენ ჩვენ სახლ-კარს.

— შენი მოლაღატე ვიყო-მეთქი, ვაჟო, თუ შენ ოჯახზე ვისმე ეჭვიც კი შევატანინო... ისე მოვაწყობ საქმეს, თავი და ბოლო ვერავინ გაუგოს. ჯერ დამაცალე, მიჩქმალდეს ეს საქმე, გავიდეს დრო და ხანი.

— თუ შენ მაგას იზამ, ყარამან, და თუ იმ ხუცესის ჯავრს ამომაყრევენებ, — მიუგო თენგიზმა, — ლეჩაქი დამეხუროს, თუ ერთი კაი ყირიმის თოფი არ მოგიტანო ფეშქაშად.

— იცოცხლე! კარგად იყავი, უფეშქაშოდაც ვიზამ მაგას. შენზე ნაკლებ ჩვენ არ გვიმწარებს სიცოცხლეს მაგ გასატყავებელი. რაც ზარალი მაგას ჩვენთვის მოუცია, ა, თავადიშვილო?

— ოი! სასხენებელ ამოსაგდები! — ჩაილაპარაკა ალექსანდრემ.

— შენ, თენგიზ, მხოლოდ ის იცოდე, რომ, — გააგრძელა ყარამანმა, — აქ, სასახლეში მეტი არავინ მოიყვანო. აქ ისეა საქმე, რომ ვერ დაიძალე. დიდი იყოს თუ პატარა, თუ ღმერთმა ხელში ჩაგიგდო, ჩემ სახლში მოიყვანე. მე ახლა შავ ღელეს სათავეში დავსახლდი. ირგვლივ უდაბური ტყე მარტყია, კაცის ჭაჭანება იქ არ არის.

— კაი დაგემართოს, ვეცდები, — მიუგო თენგიზმა და უღვაშები გადიგრიხა. — მე მიკვირს, ამდენ ხანს ცოცხალი როგორ ატარეთ მაგ ფეხმოსატეხი. ისეთი ოხერი და ხელისშემშლელი უნდა მოსპო, თორემ, რასაკვირველია, საშველს არ მოგცემს, საქმეს ყოველთვის დაგიხლართავს.

— კარგი, მაგაზე მერე ვიფიქროთ. ახლა ერთი გემრიელად ვისაუზმობთ. აგერ ყაზახს მოაქვს კიდევ შემწვარი ბატკანი, — მაღინანად წარმოთქვა თავადმა ალექსანდრემ.

სამთავენი გემრიელ საუზმეს მოუსხდნენ.

* * *

ხვინა ჩქარა გაეჩვია მარკოზ ხუცესთან. გულკეთილმა მოპყრობამ და საქმელ-სასმელმა თავისი ქმნა. ბავშვი გამხიარულდა, მოლონიერდა, შვლის ნუკრივით დახტოდა. ხუცესს ძლიერ შეეჩვია. საყდარში დაჰყავდა, საცეცხლურს უბერავდა, სანთლებს უკიდებდა. შინ შეშა-წყალი მოჰქონდა და სხვა წვრილმან რამეებს აქეთებდა. ორ-სამ თვეში ბავშვს სულ სხვა სახე დაედო. ტირილისაგან ჩაცვივნულ-ჩალურჯებული და საშინლად გამომყურე თვალები

დაუმრგვალდა, აუხიარულდა, ლოყა ამოებორცვა და ვარდისფერი დაეღო.

— ხეიჩა! — დაუძახებდა ხოლმე მღვდელი მარკოზი.

— პატონი! — ცქვიტად ეტყოდა ბავშვი.

— ჰა, კიდევ ვერ გამოტყეხე! ბატონო-თქვა, ბა...ტონო!

— ბა...ტო...ნო!

— ჰო ასე. აბა გაიქე, ერთი დაათვალიერე, ბბორები ხომ არ გაიქცნენ შემოლობილიდან.

ბავშვი ელვის სისწრაფით გარბოდა.

— აბა, თქვი, ბიჭო: „დიდება შენდა“, — ასწავლიდა მღვდელი ლოცვას.

— დიდობა შენდა, — ამბობდა ბავშვი.

— ჰა? მეგრულ კილოზე ნუ უბნობ, ბიჭო, წმინდა ქართულიაპარაკე. „დიდება შენდა“.

— დი...დე...ბა შენდა.

— ჰო, ემაგრე.

— წმიდაო ღმერთო.

— წმინდანო ღმერთო.

— კიდევ თავისებურად გადაუხვია! ბიჭო, კარგად გამოხატე!

— წმი...და...ო ღმერ...თო.

— ჰო, ემაგრე, — გულშეუწუხებლად უსწორებდა მღვდელი და ბავშვს ლოცვებს ასწავლიდა.

ლოცვებიდან მღვდელი ანბანზე გადავიდა. ბავშვი საოცარ გულსწყურვილს იჩენდა. ჩქარა დაისწავლა წერა-კითხვა, გალობა; დავითნს, სამოციქულოს კითხულობდა. მღვდლის აღტაცებას საზღვარი არა ჰქონდა, ბავშვს თვალიდან არ იშორებდა და როცა სამრევლოში წავიდოდა, მუდამ თან დაჰყავდა.

VIII

გავიდა წელიწად-ნახევარი. ხეიჩა სრულებით შეეჩვია მარკოზ ხუცესის ოჯახს. მოხუცი მას საკუთარ შვილებისაგან არ არჩევდნენ. ბავშვი ძლიერ გაიწაფა როგორც ხუცურში, ისე მხედრულ კითხვაში. — ერთი წელიწადი კიდევ და დიაკვნობასაც შესძლებსო, ხუმრობდა მღვდელი.

ერთხელ მღვდელი მარკოზი სამრევლოდან შინ ბრუნდებოდა, ხეიჩაც თან მოსდევდა. მაღალ სერზე მოექცნენ. ამ სერიდან მშვე-

ნიერი გადასახედავი იყო. ირგვლივ დიდ მანძილზე ბევრი ადგილები ჩანდა. დაბლა გამწვანებული იყო უშველებელი, ხელისგულივით სწორი, ტყით დაბურული ადგილი, სადაც შუავულ მისდევდა ფართე, დაკლავნილი მდინარე. ჩრდილოეთ მხარეს — შორს, შორს, თვალუწვდენელ ტყის ბოლოს, მტრედისფერ ბურუსში გახვეული პორცეები მოჩანდა და მათ თავზე თოვლით შელესილი ბუმბერაზი ბიები დაჰყურებდა.

— აჰ, ის, ფართე ზოლივით რომ მისდევს, შვილო, დაბლა გამწვანებულ ხშირ ტყეს, მდინარე რიონია, — აუხსნა ხუტესმა. — იმ მდინარეს რომ ქვევით ჩავეყვით, თვალუწვდენელ ზღვას მივადგებით. ეს მდინარეც იქ შეწყდება, რადგან ზღვას უერთდება. რიონის ზღვასთან შესართავთან არის ციხე ფოთი. იქ ახლა ურჯულთ ფაშა ზის, მაგრამ ღმერთი გაუმარჯვებს ჩვენს მეფეს და იმ საზიზღარს იქიდან განდევნის. მაშინ ქვეყანაზე ნამდვილი მშვიდობა დამყარდება. ავაზაკ-მტაცებლებს საბუდარი მოეშლება.

აი, აქეთ კი, ჩრდილო მხარეს, მტრედისფერად სერები რომ მოჩანან, იმ სერებს შორის შენი სოფელია, შენი დედ-მამა და ძმები იქ ცხოვრობენ. ნუ გეშინია, ცოტა ხანს კიდევ, მივაწყ-მოვაწყობ საქმეებს, შენც მანამდის წიგნში გაიწაფები და მერე უსათუოდ წაგიყვან, — ალერსიანად დასძინა მღვდელმა.

მარკოზ ხუტესის ნათქვამმა ბავშვს ნორჩი გული აუტოკა, შიგ დამალული და გარედან ვითომდა მომთელებული წყლული გაუღვივა. ბავშვმა თვალები გააციალა ბურუსში გახვეულ სერებისაკენ და სიშორის გამო ნაცნობი ადგილები თუმცა კარგად ვერ გაარჩია, მაგრამ გონებაში მაინც ნათლად წარმოუდგა ტყით დაბურული მთები, მათ შუა ფართე ველი და იქვე მოჩუხჩუხე მდინარე ტეხური. მოაგონდა სახლ-კარი. აი მათი ეზო, თითქოს თვალწინ უდგასო. აი დიდი ვაშლის ხე, იმათ სახლის წინ რომ დგას; მერე რამდენი წაყოფის მოსხმა იცის, ან რა გემრიელი წითელი ვაშლები? აი უზარმაზარი კაკლის ხეც! აი მამა, აი ძმები... აი ისიც... მაგრამ მის გახსენებაზე ბავშვს საშინლად გული დაეწვა, სახე გაუწითლდა, თვალები გაუდიდდა და ძალაუნებურად მღუღარე ცრემლები გადმოყარა... ის ხომ მუდამ ახსოვს, მუდამ თვალწინ უდგას... ოხ! ამ დღეებში რა კარგი სიზმარი ნახა! სიზმარი ნახა?! სიზმარი კი არა, სულ ცხადივით იყო. ვითომ თავიანთ სახლის გვერდით იდგა ის, ხელში რალაც ეჭირა, მაგრამ ზვიჩას დანახვაზე გადაადგო და მისკენ ხელებგაშლილი გამოექანა. ზვიჩასაც უნდოდა მიგებებოდა და გაშლილ ხელებში ჩავარდნოდა, რაც არა ერთხელ უქნია ხოლმე,

მაგრამ, რაღაც საუბედუროდ, ვერ მოახერხა, ადგილიდან ვერ დაიძრა, მთელი ტანი აუთრთოლდა და გამოეღვიძა კიდევც.

— ნანა, ნანა! — მწუხარედ წამოიძახა გულდამწვარმა, მაგრამ „ნანა“ არსად იყო. თვითონ კი, მთლად გაოფლიანებული, ქვეშაგებში იწვა, ტანში ქრუანტელი უვლიდა და დამძიმებული თავიც თითქოს უტრიალებდა. ჰერ ვერ გამოერკვა, არ იცოდა, თუ სად იყო, შიშის ზარმა აიტანა, მერე ცოტ-ცოტად გონს მოვიდა და ჩუმად ტირილი დაიწყო. ოჰ, რამდენი იტირა! „შეიძლება ახლა ნანა ერთ-ერთ იმ სერადან აქეთკენ იყურება, მაგრამ მე აქედან ვერ ვამჩნევ. ალბათ, არც მე მაჩნევს“, მოსდიოდა ბავშვის ფიქრი და მწარე ცრემლით იმდუღრებოდა.

— ნუ გეშინია, ჩემო ბიჭიკო, — აღერსიანად განიმეორა მარკოზ ხუცესმა, თუმცა ბავშვის ცრემლების მნახველი თვითონაც აღელვებული იყო, — უსათუოდ წაგიყვან შენს სახლში. სხვა ვისმე არ გაგატან, მე თვით წაგიყვან. აი შემოგისვამ ამ ჯორზე და გავსწვეთ. არც იმდენი შორი გეგონოს, დიდი-დიდი ერთი დღის სავალია, დილას ადრე გზას რომ გავუდგეთ, საღამოთა იქ ვიქნებით. მოდი, ახლაც შემომიჯექი ჯორზე.

— არა, მე ფეხით სიარული მირჩევენია, — მიუგო ბავშვმა. ეტყობოდა, ცდილობდა ტირილი შეეწყვიტა და ჩვეულებრივი სახე მიეღო.

მზე უკვე ჩავიდა, ზვიჩა დამშვიდდა. მალლობიდან დაბლობში ჩამოვიდნენ.

— აბა, თუ მეტყვი, ბიჭო, ამ დაბლობს რა ჰქვია, ახლა ჩვენ რომ მივდივართ? — მხიარულად დაეკითხა მღვდელი.

— ტახოვანი, — ცქვიტად მიუგო ბვიჩამ.

მღვდელს ძლიერ გაუხარდა.

— ყოჩაღ, გცოდნია. ამას რომ ფერდობი მოსდევს?

— ის გვერდოულია, — სიტყვის გათავება არ დააცალა ბავშვმა.

— ჰა! ჩემო ბიჭიკო, — მხიარულად თქვა მღვდელმა მარკოზმა. — კარგი, გვერდოულს იქით?

— შავი ღელე ჩამოუღის.

— იქით?

— ტყუა...

— ტყეს იქით?

— ვაკე კარი. იმას მოსდევს ხულადგმულას სერი, სადაც საყდარი ღვას და იმის თქით ხომ ჩვენი სახლია, — ჩამოთვალა ბავშვმა.

— ეს ადგილები რა კარგად დაგიხსომებია, ჩემო ბიჭიკო, —

კმაყოფილებით ამბობდა ხუცესი. — მაშ ახლა შინ რომ გაგიშვას კაცმა მარტოდმარტო, მიხვალ?

ბავშვი ცოტა შეჩერდა.

— ცოტა უფრო ადრე რომ იყოს, წავიდოდი, — გაუბედავად წარმოთქვა ბავშვმა.

— ხა, ხა, ხა, ხა! — ხარხარებდა მღვდელი.

მარკოზს უფრო ის ახარებდა, რომ ოჯახის მოგონებით გამოწვეული მოწყენა ბავშვს ასე ჩქარა გაუქარდა. მღვდელი შეეცადა, რაც შეიძლებოდა გაემხიარულებინა ბავშვი.

— აბა, შენ თუ კაი ბიჭი ხარ, ბაიობის სამოციქულოსაც მომიყვები, აი, გუშინწინ რომ გაკითხებდი?

— სულ თავიდან დაიწყო? — ცქვიტად დაეკითხა ხვიჩა.

— სულ თავიდან დაიწყე! — აღტაცებით მიუგო ხუცესმა.

— „და სულისადა შენისა თააანა“, — გაისმა ბავშვის წკრიალა ხმა ტყეში.

— ჰო, ემაგრე, ემაგრე! — ამხნევებდა ხუცესი.

— „წარდგომა, ფსალმუნი დავითისი: კურთხეულ არს მომავალი სახელითა უფლისათა, ღმერთი უფალი და გამოგვიჩნდა ჩვენ“, — წართქმით ამბობდა ბავშვი.

— ნუ ჩქარობ, სიტყვები მკვეთრად გამოტეხე, — ტკბილად ეუბნებოდა მღვდელი მარკოზი.

— „ფილიპელთა... მიმართ ეპისტოლე... წმი...დი...სა...ბავლე...მო...ცი...ქუ...ლისა...საკით... ხაააავი“, — ჩააგალობა ბავშვმა.

— ემაგრე, ემაგრე, — ამხნევებდა მღვდელი.

— „ძმააანო! გინა...როდენ... მარა...დის უფლისა მიერ...კვა... ლად გეტყვი გი...ხა...რო დევენ!“

— ჰო, ასე, ერთი მუხლი დაბლა კილოთი უნდა ჩააგალობო, — შენიშნა ხუცესმა.

— „სიმდაბ...ლე თქვენიც ცხად იყავნ ყოველთა კაცთა“, — თამამად გააგრძელა ხვიჩამ.

— ოჰო, ჰო... აქ უნდა მაღალი კილოთი ჩაგაგალობოთ, — ვერ მოისვენა ხუცესმა.

— „უფალი ახ... ლოროს არს“, — ჩაამღერეს ორთავემ.

— ყოჩაღ, ჩემო ბიჭიკო, — აღტაცებით ამბობდა მღვდელი. — აბა, შენ თუ კაი ბიჭი ხარ, შოთას შაირსაც მეტყვი.

— ეგ რომელი? „მაქვს საქონელი“? — მხიარულად დაეკითხა ბავშვი.

— სულ ერთია, თუგინდ „მაქვს საქონელი“ მითხარი.

„მაქვს საქონელი ურიცხვი, ვერვისგან ანაწონები, მიეც გლახაკთა საქურქლე, ათავისუფლე მონები, შენ დაამდიდრე ყოველი, თბოლი, არას .მქონები, მიღვეწიან, მომიგონებენ, დამლოცვენ, მოვეგონები“, — შეუსვენებლად ჩააკაკქაკა ბავშვმა.

მარკოზ ხუცესის ალტაცებას საზღვარი არა ჰქონდა, „ულმერთობა არ იყო, საცოდაობა არ იყო, რომ ეს ბავშვი სამშობლო მიწა-წყლისთვის მოეწყვიტათ და ოსმალეთში გაეყიდათ! — ფიქრობდა მღვდელი. — ჰოი, უბედურო, მამულო! განა საკმარისი არ იყო, რაც შენ შეიღებეს თავი შეუკლავთ გარშემორტყმულ უნგარიშო მტერთათვის, რომ სამშობლოს დაცვისათვის თავდადებულთაგან გადარჩენილნიც, ისევ ჩვენზე გონების დაბნელების წყალობით, ურჯულოთა სათრევი არ გამხდარიყვნენ?“

— აი, შეილო, ეს შაირი ხუთას წელზე მეტი იქნება, რაც გამოთქვა ჩვენმა სახელოვანმა მამულიშვილმა, — გასაგონად თქვა ხუცესმა, — და ჩვენ ანდერძად დაგვიტოვა, მაგრამ, ჩვენდა სამარცხვინოდ, არათუ არ აღვასრულეთ, პირიქით, ამ ანდერძის წინააღმდეგ წავედით. რას იტყოდა ის დიდებული ადამიანი, თავის თვალთ რომ ენახა ყველა ის სისაძაგლე, რასაც სჩადიან ჩვენი ვაჟბატონები?! კინაღამ შენც მაგ სიბოროტის მსხვერპლი გახდი, მაგრამ უფალმა შეგვადლებინა შენი გამოხსნა მტარვალთა ბრკყალები-საგან, — გულდაწყვეტილად დაათვა მღვდელმა მარკოზმა. მაგრამ ჩქარა ისევ მხიარულად წარმოთქვა: — აბა, ჩემო ბიჭიკო, კიდევ თუ მეტყვი შაირს. მგონია, მეორე შაირიც დაგასწავლე?

— მეორე რომელი? „ვაჰ სოფელო“? — ცქვიტად დაეკითხა ბავშვი.

— კარგი, მითხარი „ვაჰ სოფელო“, — ცქვიტადვე უპასუხა მხიარულებულმა მღვდელმა.

— „ვა, სოფელო, რაშიგან ხარ, რას გვაბრუნებ, რა ზნე გჭირსა! .ყოველი შენი მონდობილი ნიადაგმცა ჩემებრ სტირსა; სად წაიყვან სადაურსა, სად აღუფხვრი სადით ძირსა, მაგრა ღმერთი არ გასწირავს კაცსა შენგან განაწირსა“, — ჩააკაკქაკა ბავშვმა.

— ესეც კარგად დაგიხსომებია, — მოუწონა ხუცესმა. — ჭეშმარიტად, შეილო, კაცისაგან განაწირს ღმერთი არ გასწირავს. ჩვენც არ გაგვწირავს, იმედი მაქვს. ღმერთო! — ხელი მალა ალაპრო მღვდელმა, — შენ გაუმარჯვე ერეკლე და სოლომონ ბაგრატივანთ, შეაძლებინე საბოლოოდ დაამხონ მტერი და ძვირის მოქმედი და ადიდონ სახელი შენი! მაგრამ, ეჰ შეილო! — უქმაყოფილოდ თქვა მღვდელმა. — ეს ყოველისფერი კარგი, მაგრამ ჩვენ კი შუაგზაზე შემოგვიღამდა. მერე რა ბნელი ღამეებია! ნეტავ ახლა სადა ვართ?

— შავ ღელეს ვუახლოვდებით.

— კარგი, შვილო, ტყე ჩქარა გავიაროთ, ნუ გეშინია, ჩქარა ვიქნებით შინა... ეხ, საკვირველია ჩვენი ხალხი! რაც გინდ უბედურება დაატყდეს თავს, რაც გინდ გაჭირვებული იყოს, თუ ღვინო ნახა, ყოველგვარი ქირ-ვარამი დაავიწყდება. აბა, რა საჭირო იყო, იმდენ ხანს სმა-ჭამა საბრალო ლუკაიას სახლში? ცოლი რომ მოუყვდა, არ ეყოფოდა, ალაპშვიაც ამდენი უხეირო ხარჯი არ გაეწია? მეც ხათრი ვერ გავუტეხე, დავრჩი და, აი, შუალამე სადღაც ტყეში მიხდება ფორთხიალი, — უკმაყოფილოდ თქვა ხუცესმა.

— აი შავი ღელეც, — თქვა ბავშვმა...

— ხედავ, ბიჭო, რასმე? მე კი ვერაფერს ვარჩევ. მაინც რა უკუნეთი ღამეა! ოი, ძნელია, შვილო, სიბერე! შენ ასაკში მეც ისე ცქვიტად დავხტოდი ყოველგან, თვალი კატასავით მიჭრიდა, მაგრამ დრომ თავისი ქნა. ეეჰ, სადა ხარ, ახალგაზრდობავ! რამდენი ამბები მახსოვს ამ ღელის პირას. ჰე, შვილო, ყური დამიგდე, რომ გაიზრდები, გაგახსენდება ჩემი ნათქვამი ამბები. მე მაშინ მონასტერში სწავლას ვათავებდი, — ჩვეულებრივ ტკბილად დაიწყო ხუცესმა, — ის იყო საღიაკვნოდ ვეშზადებოდი. ახლაც არ არის სახარბიელო დროება და მაშინ ხომ ჯოჯოხეთი იყო. მონასტერში კაცი მოიქრა: არიქათ, გაიხიზნეთ, ოსმალები საცაა დაგვეცემიანო, მა...

მღვდელმა სიტყვა ველარ დაათავა... ერთი დაიკვნესა და ჯორიდან გადმოვარდა. ჯორი გამწარებით ტლინკებს ისროდა. ბავშვმა მოხედვაც ვერ მოასწრო, რომ ვილაცას მაგარი ხელები მკლავებზე ჩაებლაუჭა.

— ჩქარა ბურთი ჩასჩარე და ტომარაში ჩააჯინე, — ყურში მოხვდა ხეჩას ალელებით წარმოთქმული ჩურჩული. სხვა რა მოხდა იქა, ვერ გაიგო რა, რადგან შიშისაგან მაშინათვე გონება დაჰკარგა და, როცა გონს მოვიდა, უკვე ცხენზე დაკრული სადღაც უღაბურ ტყეში ვილაც უცნობებს გაჩქარებით მიჰყავდათ.

მეორე ღღეს მთელი სოფელი შეშფოთებული ერთი მეორეს ეკითხებოდა:

— გაიგეთ, რა უბედურება დატრიალებულა? მარკოზ ხუცესი ჯორს გადმოუგდია და მოუკლავსო.

— ვაი ახავაი! ვაი ახავაი! რა კაცი, რა ანგელოზი კაცი, რა საღმრთო კაცი! — ამბობდნენ გულდამწვარი სოფლელები.

IX

შავ ზღვაში აფრიალებული ხომალდი მისცურავდა. ზღვის ლურჯი, ფაფარაქაფებული ტალღა ტალღაზე მოგორავდა და გემის კედლებს მრისხანედ ეხეთქებოდა — თითქოს დიდებული სტიქიონიც უქმყოფილა გემით და მისი დანიშნულებით. სურს შეანგრეოს სქელი კედლები და უფსკრულში ჩასძიროს ეს მრავალ ცოდვათა მტვირთველიო, მაგრამ კედლის სიმაგრეს ვერ უძლებდა, უანგარიშო წინწყლებად იყოფოდა და იფანტებოდა, რომ ხელახლა ერთ მტკიცე ძალად შეერთებულს, ახალი იერიში მოეტანა და უფრო მძლავრად სცემოდა. თუმცა ჭერჭერობით ხომალდი რჩებოდა გამარჯვებული, ის უშიშრად აპობდა ტალღებს და თამამად მიდიოდა სტამბოლისაკენ; სრულებით ანგარიშს არ უწევდა ტალღათა შხაპუნს და არჩეული გზიდან არ უხვევდა, მაგრამ არც ტალღა ცხრებოდა; გამოცდილებით იცოდა, რომ მოვიდოდა დრო, ამოვარდებოდა ქარიშხალი, ჩაუნერგავდა მას არაჩვეულებრივ ძალღონეს და მაშინ? ფრთხილად, ხომალდო! შავ ზღვას არა ერთი და ორი შენისთანა ამპარტავანი და თეთრ ლეჩაქებით მორთულ-მოკაზმული თავიკვე მოუქცევია და სამუდამოდ დაუსამარებია თავის უფსკრულში.

ხომალდის ერთ-ერთი დიდი ოთახი ძვირფას ხალიჩებით და ნოხებით იყო მორთულ-მოფენილი. სკამების მაგივრად ხვევრდაბრეშუმგადაკრული ბალიშები იყო ჩამწკრივებული. ოთახი კარგად ჩაცმულ-მოკაზმულ ოსმალებით იყო სავსე: ზოგი მათგანა ფეხმოკეცით იჯდა ბალიშზე, ზოგი ყავას მიირთმევდა, ან ყალიონს აბოლებდა, ზოგი წამოწოლილი იყო და სთვლემდა, ზოგიც გემის პატარა ფანჯრიდან თვალუწვდენელ ზღვას გააყურებდა.

ერთი მათგანი, სახით გამხდარი, თეთრწვერა მოხუცი, სხვებისგან განირჩეოდა. ის ხნით ყველაზე უფროსი ჩანდა, სხვებზე უფრო მდიდრულად იყო ჩაცმული და წითელ ოსმალურ ქუდს ირგვლივ თეთრი დოღუბანდი ჰქონდა შემოხვეული. მას სხვები მორიდებით და პატივით ეპყრობოდნენ. ამას თვითონ მოხუციც გრძნობდა და, ცოტა არ იყოს, თავი ამაყად ეპირა, ბალიშზე დაფიქრებული იჯდა და მსხვილ გიშრის კრიალოსანს აუჩქარებლად აჩხაკუნებდა.

— არა, სჯულის მადლმა, სრულებით არა ვარ კმაყოფილი ამ მოგზაურობით, — წყნარად თქვა მოხუცი და კრიალოსანი დააჩ-

ხაკუნა. — რა ხანია ამ გზაზე დავდივარ და ასეთი ხელნაკლები ჯერ არ წამოვსულვარ. სტამბოლში სირცხვილით თვალს ვერ გავახელ.

სხვებმა მოხუცს ღმობიერად შეხედეს.

— ვაჰ, რას ბრძანებ, პატივეცემულ ეფენდი ალი-უსუფ! — მორიდებით მიუგო ბალიშზე წამოწოლილმა, კოხტად ჩაცმულმა ახალგაზრდა ოსმალომ. — შენც რომ წუწუნებ, ჩვენ რაღა გვეთქმის? შენ, პატივეცემულო, ორმოცდაათი ტყვე მაინც მოგყავს და ჩვენ ყველას ერთად იმდენი ვერ გვიშოვნია.

— ჰა, მართლაც და ესეც რომ წუწუნებს, — გამოეხმაურა ერთი შუახნის პირმოპარსული, ნაყვავილარი ოსმალო, — ჩვენზე მეტი რომ მოჰყავს, ეს ხომ ცხადია, და შენ ის იკითხე, იბრაჰიმ, რა რჩეული ქალ-ვაჟები მოჰყავს! ერთი ორი გოგონა ისეთი ურევია. რჯულის მადლმა, რომ ფადიშაჰის ჰარამხანაც არ დაიწუნებს.

— ეხ, იმ დღესაც მოვესწარ, რომ რაღაც ორმოცდაათი ტყვეც შურთ ჩემთვის, — დინჯად წარმოთქვა მოხუცმა ალი-უსუფმა, — აბა, ერთი გემის პატრონს ჰკითხე, რამდენი ტყვე წამისხამს მარტო ამ გემით გურჯისტანიდან სტამბოლში... არ მოგიკვდეს იმის მეტი ალი-უსუფი, რომ მისთვის არც ფადიშაჰის ჰარამხანა იყოს მიუწვდომელი. არა ერთი და ორი ჩემ მიერ მოყვანილი გოგო მოხვედრილა იქ. ფაშებზე და ნაზირ-ვეზირებზე ხომ არას ვიტყვი. ისინი ჩემს სტამბოლში დაბრუნებას ისე შეხაროდნენ, როგორც მართლმორწმუნე წმინდა ალიას დღესასწაულს. მერე რა იაფი იყო მაშინ ტყვეები! ახლა მხოლოდ ფოთის ფაშის ხელიდან გამოდის ტყვეები, მაშინ კი ვინ გინდოდა, რომ ტყვეებს არ ყიდდა: თავადი, აზნაური, კერძო პირი... ერთხელ, წმინდა ყურანს ვფიცავ... რა ქვია ე? მაგათ მოლათ-მოლას, თავზე დიდ კოთხოს რომ იხურავს... მგონი, ქყოინდელს ეძახიან... იმას, ყმაწვილო, ერთი ქარვის კრიალოსანი ეუფეშქაშე და ერთი ქალი და ორი ვაჟი გამომიგზავნა. რა იაფობა, რა იაფობა იყო! ალლაჰ, ალლაჰ! განა შენ თვითონ არ გახსოვს, ზაიდოლ, — მიუბრუნდა მოხუცი ჩოფურას, — ერთხელ იმდენი ტყვე წავასხით, რომ ტრაპიზონში, სამსუნში და სტამბოლშიაც ყავახანებში, ნაღდის მაგიერად, ტყვეებით ვუსწორდებოდით. ახლა რაა? განა ეს ვაჭრობაა? ზარალის მეტი შიგ არა ყრია რა. რაც მიჰყავს, ესენი თუ დაეასაღე, ვფიქრობ, სულ ხელი ავილო ამ ხელობაზე.

— შენ კი სულაც ხელი აიღო, არა გიციხს რა მაჰმადის იმედით, ჰაგრამ ჩვენი უნდა იკითხო, — შენიშნა ახალგაზრდა იბრაჰიმმა.

— რათ გამახსენდება მაინც ის წინანდელი დროება! — გულდაწყვეტილად თქვა ჩოფურა ზაიდოლამ. — ორი წელიწადი რომ დამელოდა, ეფენდი რომ ბრძანებს ისეთი, მეტი მეც არ მინდოდა, ვაი, გაუწყრა ალლაჰი, რა დროს გაფუქდა საქმე!

— მართლაცდა, რა მიზეზია, მართლმორწმუნენო? — იკითხა ერთმა ბალიშზე წამოწოლილმა, კბილებჩაყანგებულმა ქალარა ოსმალომ. — რათ გაფუქდა ასე უცბად საქმე? შარშან ხომ იმდენი ტყვეები იყო სტამბოლის მოედანზე, არც კი ეტეოდა. ეს სულ ჩემ ჯინაზე მოხდა, მე რომ წამოვედი სავაჭროდ, ტყვეც გაძვირდა.

— ჰაი, ჰაი, სხვა მიზეზი რომ არა იყოს რა, ამას ჩვენც დაედებით წამალს, სხვა რომ არა ყოფილიყო რა, შენ ქრთამს მაინც მოგცემდით, მაგრამ სავალალო ისაა, რომ ნამდვილი მიზეზი ძნელი ვასაქრობია და — მოწყენით თქვა ალი-უსუფმა.

— ეს სულ მაგ იმერეთის მეფემ სოლომონმა გაგვიფუქა საქმე. ჩვენ ჰირად, ლეთის რისხვად გაჩენილა სწორედ ის გიაური, ისა!! — ამბობდა ზაიდოლა.

— ალლაჰ, ალლაჰ, — თავს აქნევდნენ ოსმალები, — ღმერთო, შენ ნუ დააცლი, ღმერთო, შენ ნუ დააცლი!

— ფოთის ფაშა მის სახელის გაგონებაზე ხან ფითრდებოდა, ხან წითლდებოდა. სადღაც ორ-სამ ციხეშია კიდევ მართლმორწმუნეთა ჯარი გამაგრებული, თორემ სხვაგან ისედაც ვერ გაივლიანო, — ბრძანებდა ფაშა...

— ოჰ! შარშანწინ დიდი სირცხვილი აქამა მაგ ჩამოსახრობმა ჩვენს მხედრობას, საშინლად დაგვამარცხა და კიდევაც აქედან დაიწყო ტყვეთა სიძვირე, — მოწყენით თქვა ალი-უსუფმა.

— ვაჰ, ვაჰ, ვაჰ, — ამბობდნენ და თავს აქნევდნენ ოსმალები.

— იმას მაინც რა ღმერთი გაუწყრა, იმ ოდიშის მთავარს დადიანს? ის ხომ ჩვენი მეგობარი იყო? ტყვეთა ყიდვას გვიშლიდა კი არა, ხელსაც გვიწყობდა, — გაერია ლაპარაკში ერთი წითური ოსმალა.

— ის ახლა იმ წყეული სოლომონის მოკავშირეა, — მიუგო ზაიდოლამ, — რასაც ის ეტყვის...

— რის მოკავშირე, ყურმოჭრილი ყმაა, — გააწყვეტინა ალი-ეფენდიმ. — ახლა მთელა ქვეყნის, მთელი დასავლეთ გურჯისტანის ბატონი სოლომონია. სანამ ის არ დამარცხდება, ჩვენი საქმე წაგებულა!

— ვაი დედასა, ალლაპ, ალლაპ! — ბრაზით თავს აქნევდნენ ოსმალები.

— არა, მომითმინეთ! კეშმარიტებას თუ მათქმევიანებთ, აქ კიდევ სხვა მიზეზიცაა. წყეულ სოლომონს აღმოსავლეთ გურჯისტანიდანაც აქვს ზურგი გამაგრებული. იქ ხომ ახლა ერეკლე მეფობს. იმან ხომ ლეკთა და ყიზილბაშთა ძალა გაანადგურა, განჯა და ერევანი დახარკა, ტყვეთა გაყიდვა სრულებით აღმოკვეთა და, ღმერთი არ დააცლის, თორემ, თუ ასე მიპყვა, შენი მოსისხლე მტერი, შენ როგორ გგონია, სრულებით უბოდიშოდ ფადიშაჰის მხედრობის წინააღმდეგაც გამოილაშქრებს.

— ალლაპი არ დააცლის, ალლაპი არ დააცლის! — ხმაურობდნენ ოსმალები.

— ასეთ პირობებში რა გასაკვირალია, რომ ტყვე ნაკლებ მოგყავდეს; რაც მოგყავს, იმაზედაც მადლობა უნდა შეეწიროთ დიდებულ ალლაპს, — თქვა კბილებჩაყანგებულმა ოსმალომ.

— კიდევ ღმერთმა აკურთხოს ის ზოგიერთი თავადები, მიუხედავად სიმნელისა და შიშისა, კიდევ ახერხებენ ჩუმ-ჩუმად. თურმე ნუ იტყვი, კაცნო, მაგ გიაური სოლომონი, თუ შეატყო ვისმე ტყვეთა გაყიდვა, დააქერვიანებს და თვალებს დაათხრევიანებს ხოლმე! ის ამენებულები თავს მაინც არ ზოგავენ და ცოტ-ცოტად მოკყავთ ტყვეები ფოთის ფაშასთან და ისიც ჩვენზე ჰყიდის, — თქვა ჩოფურამ.

— ალლაპმა აკურთხოსთ, ალლაპმა აკურთხოსთ! საკვირველია, რატომ ისინი მართლმორწმუნეობაზე არ გადმოვლენ! — ამბობდა კბილებჩაყანგებული.

— ეხ! ალლაპმა ადღეგრძელოს, რა თქმა უნდა, ფოთის ფაშაც, მაგრამ ძვირად კი ყიდის ტყვეებს! ეს მეტრამეტია, ძმაო! ახლა ჩვენ რომ ჩავალთ, უეჭველია, ფასიც დიდი უნდა დავადვათ. აბა, ისე მუქთად თუ გავყიდეთ, რა გამოვიდა, ვირის მხედნავი ხომ არ ვართ. შენ ნახე, რა ალიაქოთი ატყდეს სტამბოლის ბაზარზე, — წარმოთქვა იბრაჰიმმა.

— ეჰ, რაც არის, არის, მართლმორწმუნენო! — ანუგეშა ყველანი ალი-უსუფმა. — დიდებული წინასწარმეტყველი არ დაგვიფიცებს, შეირყევა წესრიგი, დაგვიდგება ისევ ძველებური დრო. მე, აგერ ორმოცი წელიწადი გავიდა, რაც ტყვეთა ყიდვის საქმეში ვარგართული. თქმა არ უნდა, დიდი გამოცდილება მაქვს მიღებული. მხოლოდ ერთი რამ მაკვირვებს, ალლაპს ვფიცავ! კაცნო, ამდენი ტყვე ჩვენ გავზადეთ გურჯისტანიდან. ამდენი ეხოცებათ ურთიერთ-

ბრძოლაში, ამდენი იელიტება გარეშე მტერთან ბრძოლაში და მაინც რომ არ ამოწყდნენ სრულებით ეგ სავერანენი?

— გიაურს რი ამოწყვეტს, გვიმრასავით მრავლდება, — შენიშნა კბილებჩაქანგებულმა ოსმალომ.

— რას ამბობ, ალლაჰმა უკეთ არ იცის? — მიუგო იბრაჰიმმა. — სრულებით რომ ამოწყდნენ, მაშინ ტყვესაც ვერ ვიშოვნით საყიდლად...

— კიდეც ვიმეორებ, მართლმორწმუნენო! წინასწარმეტყველს მიანდეთ თქვენი საქმე და ის უკეთ წარმართავს, — თქვა ალი-უსუფმა, — მე კი, ჩემი თავი და ჩემი საქმე კვლავაც იმისთვის მივინდვია... მან...

— ჰეშმარიტად! ჰეშმარიტად! — კვერი დაუკრეს სხვებმა.

— ახლა კი ერთი თვალი უნდა მოვატყუო, წუხელ ძლიერ ცუდად მეძინა. აღმასხან! — მიუბრუნდა ერთ-ერთ ოსმალოს, — წადი, თუ ძმა ხარ, და ტყვეები დაათვალიერე. იმ პატარა ბიჭს, ფაშამ რომ მიფეშქაშა, პური აუტანე, არ მოაშიო. მაინც სულ ტირის ის შეჩვენებული! რომ დამშვიდდებოდეს ის წყეული, ფერ და ხორცილი მოვა და უეჭველად კაი ფასად გაყვიდი. იმას უსათუოდ ეგვიპტელი მამელუკები იუიდიან. ძარღვიანი და მაგარი ბიჭია, ამასთან ისეთი ცქვიტი და მარჯვე, რომ ერთი წამოუძახო, ამ ბაქანიდან ზღვაში გადაფრინდება. ქორივით თვალებს აბრიალებს. ფაშამ მითხრა, კინალამ ციხიდან გამეპარაო.

— საჭურისად გაყიდე, ეფენდი, კაი ფასს მოგცემენ, — შენიშნა კბილებჩაქანგანმა.

— რას ამბობ! საჭურისად კი არა, ბავშვს ნამდვილად მეომარი მამელუკის სახე აქვს. კაცი დავბერდი ამ ხელობაში და ყმაწვილს არ ვცნობ, ვინ სად გამოდგება? — მიუგო ალი-უსუფმა, ბალიში თავქვეშ ამოიღო და მიისვენა.

რამდენიმე ხანს სიჩუმე ჩამოვარდა. ზოგი ყავას მიირთმევდა, ზოგი ყალიონს ეწეოდა, ზოგს ეძინა...

— შესამჩნევად კი გვარწევს, აი, იბრაჰიმ, — მიმართა ჩოფურა ზაიდოლამ და გემის პატარა მრგვალი სარკმლიდან ზღვაში გაიხედა, — ერთი შეხე, რა დიდი ტალღები ადის და ჩადის!

— არა უშავს რა, — გულდამშვიდებით მიუგო იბრაჰიმმა, — ზღვის ღელვის მეტი რა გამოგვიცდია, რაც გავჩნდით, სულ ზღვაში არ დავცურავთ? ზღვა და ღელვა, მეგობარო, ისეთი განუშორებელია, როგორც ქუხილი და ელვა.

— ეს მეც ვიცი, მაგრამ ამ ცოდნაში სანუგეშო ბევრი არაფერია! მე სრულებით არ მინდა ხელმეორედ გამოვცადო ის, რაც ერთხელ, ამ ხუთიოდ წლის წინათ გამოვცადე სამსუნ ქალაქის ახლო. თუ ეს ზენაქარი არ ჩადგა, შენი მტერი, დღესაც უარესი მოგვივიდეს. საძაგელი ზღვა კი არის ეს პონტის ზღვა.

— შენ ამ სიბერის დროს რაღაც ზღვის შიში ჩაგვარდნია, ზაიდლო! გინდა ერთი გადაგიყარო სევდა და დარდი? მოდი, ვითამაშოთ ნარდი.

— ყაბული მაქვს, — მიუგო ზაიდლოამ. — რაზე ვითამაშოთ?

— რაზეღაც გინდა.

— თითო ყურუში?

— ვა, ყურუში რაღა! გლახაკები ხომ არა ვართ?

— მა რა გინდა?

— თუ ვითამაშებთ, რამე რიგიანზე ვითამაშოთ.

— მაინც?

— თუ მოგიგე... მხარბეკა ვაქკაცი რომ გირეგია ტყვეებში, ახალციხელი, ის ჩემი იყოს.

— ვა! გაგიყდი? რას ამბობ, გონზე მოდი! ის ერთადერთი მიმყავს თვალსაჩინო და ისიც ნარდში წავაგო?

— ჯერ გაიგე, და! არ გესმის, რას გეუბნები? თუ მოგიგე-მეთქი. განა არ შეიძლება შენ მომიგო?

— მე თუ მოგიგე, რას მომცემ?

— ჩემი გრძელთმიანი ცირა შენი იყოს.

— პახ, პახ, პახ, — წამოიძახა ჩოფურამ და თვალები გაულღვივდა.

— ჰა? მოგწონს განა? არ არის ბარი-ბარი თუ შენს ახალციხელთან?

— ე... იფ, თუ თვალები დაგთხარე, მოგიგე და ხელში ჩავიგდე! შენი გულისა, როგორც კაცი, არ გავყიდი. მე თვითონ ჩემ პარამხანაში წავიყვან, — ალტაცებით ამბობდა ჩოფურა ზაიდლოა, — მაგრამ თუ წავაგე? ვაი, მაშინ ხომ ფუქად წამივიდა ეს მოგზაურობა... ცუდი საქმე მომივა, სჭულის მადლმა, ზარალ, ზარალ! — საორჭოფოდ თავს აქნევდა ზაიდლოა.

— შენმა მზემ, ერთი ჩემი ზარალიც იკითხე და, თუ წავაგე! ვითომ შენზე ნაკლებ ვიზარალებ? ამ სიძვირეში ცირას ფასი უკანასკნელი ათასი ყურუშია.

— ეეხ, მოდი, რაც იყოს, იყოს! დავხუკო თვალები და გავბე-

დო? ახ, ბედო, თუ სადმე? ააღლაპ! — ხელებ ზეაპყრობით წამოი-
დახა ჩოფურამ.

— ააღლაპ! — შეევედრა იბრაჰიმიც და კამათლები ხელში აიღო.

— ვინ უნდა დაიწყოს?

— ვისაც ნაკლები მოუვიდეს, — იბრაჰიმმა კამათლები გადა-
აგდო.

— აპ! დუ! — დაიძახა მან.

— პოპ! შაში — ამბობდა ზაიდოლა. — შენ ნაკლები მოგივი-
და. დაწყება შენია.

— კარგი, მოდის! — თქვა იბრაჰიმმა და კამათლები გააგორა, —
ჩარუ-ფანჯი, ოო... ეს ჩარუ, ეს ფანჯი.

— შაშ-ბეშ! — იძახდა ზაიდოლა. — ეს შაში, ეს ბეშ!

— დუ-ბარა! ვა, ეს რა ნავსი კამათლები მოდის! — უკმაყოფი-
ლოდ თქვა იბრაჰიმმა.

— დუ-შაში! ერთი მოდი და, შე გიაურების სათრევეო! — წახა-
ლისდა ზაიდოლა და კამათლები გააჩხაკუნა, — ე... ეხ! ფანჯუ-იაქე
მომივიდა, ნავსად დასარჩენი, — იმედგაცრუებულად დაუმატა მან.

— პაპ! ერთი შეხედე და, — წამოიძახა თვალებგაბრწყინებულ-
მა იბრაჰიმმა. — დუ-შაში! შენ კი გენაცვალე, მაჰმად, სულში!

— ვაპ, არ უყურებ მაგ ყურუმსალსა! — შურით წარმოთქვა ჩო-
ფურამ, როცა დარწმუნდა, რომ იბრაჰიმს მართლა დუ-შაში მოსე-
ლოდა.

— მოდი, შე ოხერო, რაღა! პა! შაშ-ჩარი! პო, აქსაც არა უშავს
რა, — გული დაიძედა ზაიდოლამ.

— ვითომ ჩემ ცირაზე ხელი ამაღლებინო გინდა რაღა?

— წინასწარმეტყველის იმედით, — სასოებით ამბობდა ჩოფურა:

— წმინდაო ალია, თუ შენ შემეწევი და იმ ახალციხელს ხელში
ჩაწიგდებ... — აღთქმას სდებდა იბრაჰიმი.

— პა, კარგი, ითამაშე, — აჩქარებდა ზაიდოლა.

— დამაცადე ერთი, არც შენა გაქვს დაკვანწული ჯაქმე, — მშვი-
დად მიუგო იბრაჰიმმა და კამათლები გააგორა.

— შაში-ფანჯი! ეს შაში, ეს... იქ... მოცა, საშიშია... და-
მიკეტავს მაგ პირდალლი... არა, ასე იყოს... აპა, ესეც ფანჯი!

— ახლა, თუ დუ-შაში მომივიდა, ხომ გამოგიბრიცე თვალები! —
აღიზიანებდა ზაიდოლა. — სე-დუ, ლჰერთიც გასწყრომი. ვაპ, მარ-
თლაც და, არ მომიგოს მაგ გიაურების სათრევემა!

— მაშ, რა გგონია! თავის ქება ბრძოლის შემდეგ უნდა! პა, იფ!

ერთი შეხედვით და, დუ-შაში. ალია, შენ კი გენაცვალე სულში, — სიხარულით წამოიძახა იბრაჰიმმა, — ახლა როგორ გინდა? დავ!

— მოვიდეს. შეგიშინდები გგონია, თუ? — მიუგო ზაიდოლამ.

— რამდენი მოვიდეს?

— რამდენიც გინდა.

— ორმოცი ყურუში!

— ყაბული მაქვს... სე-დუ, ფუ შენს გამომთლელს!

— შაში-ჩარი!

— დუ-შაში? ვაჰ, ალლაჰ, ალლაჰ! — ისე მძლავრად წამოიძახა ჩოფურამ, რომ მძინარე ალი-უსუფი შეინძრა და რალაც ჩაიწმუკუნა.

— დავბა-სე, გინდა? — დაეკითხა ჩოფურა.

— ზაიდოლ! ძლიერაც ნუ თავხედობ! — გაკვირვებით შენიშნა იბრაჰიმმა.

— დავბა-სე-მეთქი, — განიმეორა ზაიდოლამ.

— კარ...გი, თამაშობა ხომ ჩემია. ესეც ჩარი-სე.

— ფანჯუ-სე.

— დუ-შაში.

— ჰოი, შე შეჩვენებულო! — წყენით წამოიძახა ჩოფურამ, ერთ-ერთი კამათელი აიღო და ნარდის ფიცარზე დაანარცხა...

— ჯერ რას ცხარობ, ბოლო ვნახოთ, და! — მშვიდად ამბობდა იბრაჰიმი.

— ალი-უსუფი! ზაიდოლ! იბრაჰიმ! — ყვირილით შემოიჭრა ამ დროს გემის უფროსი. — ტყვეები ჩხუბობენ. შენ რომ სქელ-სქელი კაცი მოგყავს, რა ქვიან... ახალციხელია, თუ რა ჯანდაბაა, დიდი შფოთის მოყვარე ვინმე ყოფილა. რატომ მაგისთანებს ხუნდს არ ადებთ, კაცნო!

ყველანი წამოიშალნენ.

— რა მოხდა? რა ამბავია? ესენი ხომ... — ბუტბუტებდა ალი-უსუფი და თვალებს იფშენებდა.

— ალი-უსუფი! მიშველე... ტყვეები აჯანყდნენ. — ალეღვებით ამბობდა გემის უფროსი.

ყველანი საჩქაროდ გემის ბაჰნისაკენ გაემართნენ.

— რა დროს შემოშალეს ხელი მაგ წყეულებმა, უეჭველია, მოვიგებდი, — ფიქრობდა იბრაჰიმი და უკმაყოფილოდ თავს აქნევდა.

— ალლაჰ! ალლაჰ! რანაირად შესცდება კაცი? როგორ აყყვი მაგ ცხოველ ეშმაკს და კინაღამ არ ვიზარალე? სწორედ ბეწვზედ

კვილა ჩემი საქმე, ერთი ორი თამაში და მოიგებდა მაგ პირდაღლი, — ფიქრობდა ჩოფურა ზაიდოლა. — ყოჩაღ, ჩემო ახალციხელო! რა კაი დროს აუტეხია აურზაური! მე შენ დაგათასებ, თუ ბიჭი ვარ. ორ-ორ პურს ზედმეტს მოგცემ ყოველდღე.

X

გემის ფართე ბაქანზე ტყვეები უთავბოლოდ ეყარნენ. მათში რამდენიმე ქალარაც ერია. უმრავლესობა კი, ქალი თუ კაცი, ახალგაზრდობა იყო, ათიდან ოცდაათ წლამდე. ზოგს ფეხზე სრულებით არაფერი ეცვა. ზოგს რალაც ჰინკებში ჰქონდა ფეხები შეხვეული, ზოგს ზედატანიც რალაც ნაფლეთებით ძლივძლივობით ჰქონდა დაფარული. აქ-იქ, ტყვეებს შორის, წითელქუდიანი ოსმალებიც მოჩანდნენ, უშველებელი შოლტით ხელში. ესენი ტყვეთა მეთვალყურენი იყვნენ. თავიანთ შოლტებს ისინი ხშირად ძლიერ მარჯვედ ხმარობდნენ. სულ მცირე რამ მიზეზისათვის, ზოგჯერ ისე, თავშეაქცევადაც, გადაუტყლაშუნებდნენ ხოლმე უბედურ ტყვეებს ტიტველ მხარ-ბეჭზე.

სიცივისა, შიმშილისა და ხმელ იატაკზე პირუტყვივით გდებით არაქათგამოლეულნი და ბევრი ტირილისაგან თვალეზაღორჯებულნი ეყარნენ თავისთვის, ვინც სად მოხვედრილიყო. დაღვრემილნი, გულმოკლულნი და სასომიხდილნი, დამფრთხალი ნადირივით აქეთ-იქით იყურებოდნენ, თითქოს თავიანთი მდგომარეობა თვითონაც არა სჯერათო... ხანდისხან ზოგიერთთა თვალეზაღორჯებში იმედის ნაპერწკალიც ანათებდა, ალბათ, ეს იყო ნაყოფი ან მხურვალე ლოცვისა, ან ტკბილი ოცნებისა. მაგრამ დრო მიდიოდა, შეეღა კი არსადან ჩანდა და მოსალოდნელიც არსადან იყო. ირგვლივ პირქუში, მოუსვენარი, წამდაუწუმ ამავალ-დამავალი ზღვა ჩანდა. წინ წყალი, უკან წყალი, მარჯვნივ წყალი და მარცხნივ წყალი...

მაღალი ანძის ძირს ახალგაზრდა ტყვე ქალი იჯდა. ტანთ ეცვა შედარებით სუფთა, შინ მოქსოვილი ბამბის კაბა. თვალეზაღორჯებზე ლეჩაქი ჩამოეფარა და თითქმის სულ ტიროდა.

ტიროდნენ და მოთქვამდნენ სხვებიც. ოხერი კაცის გული ყოველგვარ მდგომარეობას, ყოველგვარ უბედურებას შეეგუებ-შეეთვისება. ზოგმა უკვე გამოიტირა თავისი თავი. ინაღვლა, იტირა, თავი ქვას ახალა... ბოლოს ხელი ჩაიქნია და მომავალს გულგრილად დაუწყო ყურება.

განსაკუთრებით ჩქარა შეეჩვივნენ თავიანთ ახალ მდგომარეობას ახალგაზრდები. თავდაპირველად ისინი სხვებზე მეტს წუხდნენ. ბლაოდნენ, ხელებსა და ფეხებს აქნევდნენ; მაგრამ ისევ ჩქარა დაემშვიდნენ და ჩქარა სიცოცხლე-თამაშიც დაიწყეს, თუმცა ხანდისხან გადაეკროდა ბინდი მათ პირისახეს, გაახსენდებოდათ მშობლები, სახლ-კარი, სამშობლოს ველ-მინდვრები, აუტოკდებოდათ ახალგაზრდა გული, აემღვრებოდათ თვალები და ცრემლი, ცრემლი. ერთადერთი მათი ნუგეში, კამკამით ჩამოვარდებოდა იმაზე ლოყანიკაპზე.

— ჰასან, რა ვუყოთ, სულ ტირის და ტირის ის წყეული ქალი? მესამე დღეა, რაც ფოთი დავტოვეთ, და კიდევ არა ცხრება ის გიაურის შვილი, — სიცოცხლით უთხრა ერთმა მეთვალყურემ მეორეს, — სჯულის მადლმა, ყურთანსმენა წაიღო მაგის მოთქმა-წუწუნმა.

— გინდა დავამშვიდო? მაგის ვაი-ვუი მეც არ მაძლევს მოსვენებას. წუხელ ისეთ დროს გამომალვიდა მაგის გოდება, ისეთი კარგი სიზმარი გამაწყვეტინა, რომ კინალამ მივედი და გადავუქირე ე. წ. ჩემი მათრახი.

— ალბათ, ქმარი თუ აგონდება. ო...ხო, ხო, ხო!.. — უშნოდ დაიღრჩია ოსმალს.

— ჩვენ აქ რა ვართ? ვითომ ჩვენზე უკეთესი ვაჟკაცი იქნებოდა მისი ქმარი? მართლმორწმუნე პირისახით რაც გინდ უშნო იყოს, ვიაურს მაინც სჯობიან, — ამაყად წარმოთქვა ჰასან მეთვალყურემ და მტირალ ქალს მიუახლოვდა.

— ეი, შენ, ჰაანუმ! ა, ჰაანუმ! თირილი რა თირილი, გაჩუმდა, გაჩუმდა... შენი არ... ესმის? — დამტკრეული ქართულით მიუბრუნდა ოსმალს მტირალ ქალს.

ვაოცებულმა ქალმა პირისახეზე მიფარებულ ლეჩაქს გადასწია და შავგვრემანი, ცრემლით დანამული თვალებით ოსმალს შემოხედა.

ვნებათა დელგით გაბრუებულმა ჰასანმა ერთი ხელი ქალს მხარზე უბოდიშოდ დაადო და მეორე ძუძუებისაკენ წაიღო.

ქალმა შეჰკრვლა, მოძალადეს ხელი ხელში სტაცა და ასადგომად წამოიწია, ოსმალს კი ხელი კისერზე მაგრად შემოჰხვია და საკოცნელად მიიწია, მაგრამ ამ დროს ვილაცას ხელი ისე მძლავრად მოხვდა ბეჭზე, რომ საჩქაროდ ქალს ხელი უშვა და გაცოფებულმა უკან მოიხედა. მის გვერდით ტყვე იდგა — ასე ოცდაათი წლის კარგა ჩასკვნილი ვაჟკაცი. ტანზე დახეული ჩოხა ეცვა, თავზე ნაბდის პატარა ქუდი ეხურა.

— შე ურჯულოვ, შენა! მაგას თავისი მწუხარება და დამცირება არ ეყოფა, რომ შენც ნამუსი არ ახალო? მაგის ლეჩაქი შენთვის დამიხურავს ე მაგისთანა ვაჟკაცობისათვის, — დასპყვივლა თვალბანთებულმა ტყვემ.

— ოჰ, გიაურ! ვის უბედავ ხელის მიკარებას, — წამოიძახა ოსმალომ და ქამარში გარკობილ შოლტისაკენ ხელი წაიღო, მაგრამ ტარზე ხელის მოკიდება და მომარჯვება ვერ მოასწრო, რომ გემის ბაქანზე პირადმა გამწლართული იწვა.

შეიქმნა ერთი ალიაქოთი. ტყვე ქალებმა წივილ-კივილი აატეხეს. საჩქაროდ მოცივიდნენ მეთვალყურეები და უწყალოდ მოუერთეს შოლტი მოჩხუბარ ტყვეს. გამწარებულმა ხელი გაიქნია, სწვდა ერთ-ერთ მეთვალყურეს, წაართვა შოლტი და თვითონაც გადუქირა მარჯვნივ და მარცხნივ. რა თქმა უნდა, ტყვესაც ბევრი მოზღადა, ნახევრად ტიტველი ზურგი ბევრგან ლურჯად აებურთა, მაგრამ ორი-სამი მეთვალყურე მაინც კიდევ მიაწვინა. ამის შეწყურე დანარჩენმა ტყვეებმაც ვერ მოითმინეს, წამოიშალნენ, დააუღეს ხელი, რაც მოხდათ...

ჩქარა გემის უფროსი, ვაკრები და სხვა შეიარაღებული ბიჭებიც გამოჩნდნენ.

— რა ამბავია? რა მოხდა? დაწყნარდით, დაშოშინდით! — იძახოდა ალი-უსუფი.

მათ დანახვაზე ტყვეები ცოტ-ცოტად დამშვიდდნენ.

— აი ამან, აი ამან, ეფენდი! — უთითებდა ერთი მეზღვაური ოფლში გაწურულ ზურგ გასინხლიანებულ ტყვეზე, — ამან ასტეხა ჩხუბი, მეთვალყურე ჰასანს სულ ცხვირიდან ძმარი აღინა.

— ეს ხომ ზაიდოლას ახალციხელია! — გაისმა რამდენიმე ხმა.

— უეკველია, მაგი იქნება ამბოხების თავი... — ყვიროდა იბრაჰიმ. — დაჰკათ მაგას ასი შოლტი!..

— მოიცა, ნუ ჩქარობ, გავიგოთ, რაშია საქმე, — აუჩქარებლად წარმოთქვა ალი-უსუფმა.

— ასი კი არა ორასი უკვე დაურტყამთ... მიზეზი უნდა ვიცოდეთ, — უკმაყოფილოდ ამბობდა ზაიდოლა.

— რაც გინდა იყოს, ასეთი მოვლენა გემზე მოსათმენი არაა! ერთი ორი ჩემი მეზღვაურთაგანიც ნაცემია, — ყვიროდა გემის უფროსი...

— შფოთის ამტეხს და უნამუსოს რატომ ორასიც არ ერკება? — დაიყვირა მოთმინებიდან გამოსულმა ერთმა ქაღარა ტყვემ. — ოსმალებო, თავს ნუ ირცხვენთ! უსამართლოდ ნუ ირჩებით! გვაკ-

მარტო ამდენი დამცირება, თორემ იცოდეთ, ჩვენც დავიღუპებით, მაგრამ თქვენც ამოგაყოფინებთ თავს ამ ზღვის უფსკრულში! სულ ერთია, რაღა დაგვრჩენია ამის მეტი! მაინც დაღუპულნი არა ვართ ღვთისა და კაცისაგან განწირულნი და მოძულეებულნი?

ქალარას სხვებიც მიჰყვნენ. ქალმა და კაცმა, დიდმა და პატარამ, ყველამ თავი წამოჰკყო.

— დაე ყველას სათითაოდ ყელი გამოგვეკრან. რა დაგვეკარგვია, ამ ქვეყნისა მაინც ხომ აღარა ვართ! — ყვიროდნენ ტყვეები.

— დაჩუმდით! დაწყნარდით! გამაგებინეთ, რაშია საქმე? — იძახდა ალი-უსუფი, მაგრამ არც ისე ადვილი იყო მოთმინებიდან გამოსულ, გაათრებულ ტყვეთა დაცხრობა. როგორც იყო, ცოტ-ცოტად გამოირკვა შფოთის ატეხის ნამდვილი მიზეზი.

— არც ასე შეიძლება, ალლაჰს ვფიცავ, — დინჯად ამბობდა ალი-უსუფი, — ყოველნაირ საქციელს საზღვარი უნდა ჰქონდეს... ამ შემთხვევაში ჰასანი შემცდარია. დედაკაცს ისე აშკარად, ისიც დღისით, ამგვარად არ უნდა მოპყრობოდა.

— მოპყრობოდა კი არა, ხელითაც არ უნდა მიჰკარებოდა! — ცხარობდა ჩოფურა. — ჰასან ხომ ჩემი მეთვალყურე არ არის! რა უფლებების ძალით ერეოდა სხვის საქმეში? მაგრამ ვიცი, ეს სულ იბრაჰიმის ოინებია!

— ერთი ჭკუაზე მოდი და! — წამოჭარხლდა იბრაჰიმი. — ჩემი კი არა, თუ მათქმევინებ, შენი ოინებია. ორი წუთი კიდევ რომ დამცლოდა, შენს ახალციხელს ნარდში მოგიგებდი...

— მე მითხოვნია, შენმა მეთვალყურეებმა ჩემს ტყვეებს ხელი არ ახლონ, — ყვიროდა ზაიდოლა და ქამარში ჩარჭობილ ფიშტოს მალ-მალ სინჯავდა.

— გაგონილა? იწამეთ ალლაჰი! — ცხარობდა თავის მხრივ იბრაჰიმი. — კაცნო, ვერ გამოგია, რა ოინებს მწამებს ეს ადამიანი! ჩვენ ნარდს აი იქ, გემის დარბაზში ვთამაშობდით, ფეხი იქიდან არ მომიცვლია...

— ერთი ახლა თქვენცა... როგორ გეკადრებათ, სოვდაგრებო! — ჩაერია გემის უფროსი. — პირველად მეც ტყუილად ავჩქარდი. სრულებით დამაეიწყდა, რომ ეს გურჯები დაუცხრომელი ხალხია და მათთან სიფრთხილეა საჭირო. ღვთის გულისთვის, დაარიგეთ მეთვალყურეები, თორემ ხუმრობა იქით იყოს და ნუ გავალიზიანებთ, თორემ საშიშია. როგორ გგონიათ? არ ყოფილა მაგალითი, რომ ტყვეებს გემი დაეღუპოთ?

— აი ჭკუა! მაშინ რად არ გახსოვდა, როცა ხალხს ტყვეების

საცემრად იწვევდი? — დინჯალ შენიშნა ეფენდი ალი-უსუფმა. — შენც ფიცხი კაცი ხარ. იცოდე, არავითარ საქმეში აჩქარება და აღელვება არ ვარგა. რამდენს მეტს იყვირებ და იშფოთებ, იმდენს უფრო გააფუქებ საქმეს. მეთვალყურეებს სასტიკი ბრძანებუნდა მიეცეთ, დედაკაცებთან განსაკუთრებით ძლიერ თავდაპერილად იყვნენ. მივიდეთ, ბატონო, სტამბოლში, ფეხი დავდგათ დედამიწაზე და მერე, ვისაც როგორ მოესურვოს, შენს ტყვეს თუ გინდ სცემე, თუ გინდ ტყავი გააძრე, ვინ გიშლის? იქ ქე მაინც შენ მიერ ჩადენილ საქმეზე შენვე აგებ მარტო პასუხს, აქ კი, შენგერო, რას ამბობ, ერთი მრუდედ გადადგმული ნაბიჯით შეიძლება თავიც დაიღუპო და ამოდენა ხალხიც დაღუპო.

ალი-უსუფმა გემის უფროსთან ერთად ტყვეები დაიარა, ზოგს უსაყვედურა, ზოგს მოეფერა, ზოგს დაემუქრა და ერთ-ორი საათის განმავლობაში ყველანი დაამშვიდა.

XI

თამამად აპობდა ხომალდი ზღვის ტალღებს და წინ ნიეჩქარებოდა. მაისის მზემ გამოანათა და ერთნაირი პირუთენელი ღიმილით მიესალმა ზღვასაც, გემსაც და ბედკრულ ტყვეებსაც.

გუშინ ჰასან მეთვალყურის მიერ შეურაცხყოფილი ქალი ჩვეულებრივ ანძასთან იჯდა. თავზედ გადაადებული ლეჩაქი პირისახეს სანახევროდ უფარავდა. დღეს ის არ ტიროდა, მხოლოდ მოწყენილი გაპყურებდა თვალუწვდენელ ზღვის სივრცეს.

მის გვერდით ათიოდ წლის ბიჭი იჯდა და გამხმარ პურის ქერქს კვნეტავდა. ბავშვს ტირილისაგან თვალები ჩალურჯებოდა, სახე ძლიერ გამხდარი ჰქონდა. თავისებური მოგრძო ცხვირი და ნიკაპი. მოგაგონებდათ, რომ ეს ის ხვიჩა იყო, რომელიც ასე ვერაგულად მოიტაცეს უცნობებმა შავი ლელეს პირას და იმავე ღამეს ფოთის ფაშას მიჰგვარეს. ფოთის ფაშამ კი ბავშვი ეფენდი ალი-უსუფს უფეშქაშა. გეშვე ასვლისთანავე ბავშვი ქალს მიეჩვია და არ შორდებოდა. ალი-უსუფსაც ჯერჯერობით ამის საწინააღმდეგო არაფერი ჰქონდა.

— კიდევ გინდა ქერქი? — ალერსიანად დაეკითხა ქალი ხვიჩას.

— ქერქი კი არა, რბილ პურს მიეცემ, — გაისმა ხმა და მათ წინ ახალციხელი გამოიქიმა. ხელში ორი მრგვალი პური ეჭირა.

ქალი შეერთა, წამოწითლდა და თვალები ძირს დაჰხარა.

— შენ რად სწუხდები... მეც... — არეულად მიუგო ქალმა.

— შესაწუხებელი რა მაქვს. შესაწუხებელი რეზოს გუშინ ჰქონდა, როცა შავი დღე აღდა, თორემ დღეს რა მიშავს. ზოგი ჭირი მარგებელიაო, რომ იტყვიან, ისე მომივიდა, ქალო სალომე, — აღტაცებით ამბობდა რეზო. — გუშინ, მართალია, ცოტა ამიწვეს ზურგის კანი მაგ ძაღლებმა, მაგრამ სამაგიეროდ დღეს ჩემმა ბატონმა ერთის მაგიერად, ორი პური მომცა. შემდეგშიაც დამპირდა, ყოველ დღე ორ-ორ პურს მოგცემო... ვერ გამიგია! მე დამტუქსავდა მეგონა. ის კი ისე მომეფერა, რომ... გაოცებული ვარ! გამიხმო ცალკე და ყოჩად, ყოჩადო მეუბნებოდა და ხელს მხარზე მიცაცუნებდა... საცა თავისი დაიკვებონ, იქ ჩემიცა თქვან მაგ წუნკალებმა, — თავისთვის ჩაილაპარაკა რეზომ, პურის კარგა მოზრდილი ყუა მოსტეხა და ბავშვს გაუწოდა.

— ჰა, ხეჩა, შვილო, ჭამე! — ტკბილად უთხრა მან, — შენ კიდევ არა გიშავს რა, ჯერ პატარა ხარ. ახალ ადგილას, ხალხს და ენას შეეთვისები. ვინ იცის, შვილო, რა კარგი ბედი გიძევს წინ. შეიძლება ისეთი კაცი გახდეს, რომ შენ სახლში ისეთი კაცობა სიზმარშიაც არ მოგლანდებოდეს. ჩვენი საქმე უნდა იკითხო, ჩვენ უბედურების! ათასი წელიც რომ ვიცოცხლო, ოქრო-ვერცხლში რომ ვიჯდე, მაინც როგორ დამავიწყდება ჩემი სახლ-კარი, ჩემ მიერ დამყნობილი, ყრველწლივ აუარებელ ნაყოფის მომცემი ხე-ბილი... ჩემი პატარა, ერთი ბეწო ნუცა... პატარა დოქით წყალს რომ ავომიტანდა ბაღში და თავისი მოტიკტიკე ენით დამიძახებდა: „მამა, მამა, ტყალი მოგიტანე...“ ვაი, მოგიკვდეს, შვილო, მამაშენი, — მკერდში ხელი ჩაიკრა ვაჟკაცმა და თვალებიდან მსხვილი ცრემლები გადმოუცვივდა...

— ნანა, შვილო, მოგიკვდეს დედაშენი! — მწარედ დაკვნესა ქალმაც.

ხეჩაც ატირდა. თვალებიდან ლოყებზე ნაკადულად წამოსული ცრემლები ნიკაპთან ერთდებოდა და მსხვილ-მსხვილ წვეთებად პურის ყუას ეცემოდა.

— ე...ეხ! მინდოდა რამე სანუგეშო მეთქვა, — თავშეკავებით თქვა რეზომ, — მაგრამ მაინც სამწუხაროზე გადავედი. ჩვენი მდგომარეობა ისეთი საცოდავია, ისეთი უმწეოა, რომ რაც გინდა გამაგრდე, მაინც საკაემნოზე უნდა გადახვიდე, მაინც ცრემლით და ტირილით უნდა გაათავო.

— რეზო, ღმერთს გეფიცები, — თან ტირილით, თან ბრაზით წარმოთქვა სალომემ, — პირდაპირ თათრებს მოვეტაცე, იმდენს არ ვინაღვლიდი. გულს ის მიკლავს, კაცო, ის ვერ მომინელებია, რომ

ისევ ჩვენებმა, ჩვენმა ნათელ-მირონებმა მილაღატეს. ყოვლად წმინდაო, ნუ მისცემ ნურაფერს სიკეთეს და წარმატებას თავად აღმასხან წვერაძეს და მის ჩამომავალს... ოოხ! შხამად შეარგე მას ჩვენი პურ-მარილი...

— თავადის სახლში თუ მოხვდი, ქალო, რა გამიკვირდება, არ დაგინდობდა, — მიუგო რეზომ, — ჰაი დედასა, მძინარე მომიმწყვდიეს მთაში, თორემ მე მაგათ დედას აუტირებდი, მაგრამ რალა ღროსია! მადლობა ღმერთს, ეს ყოფილა ჩემი ბედისწერა!..

— ეს საცოდავი ბავშვი ორჯერ არის მონატაცები თურმე, — ამბობდა სალომე, — ერთხელ დედ-მამის სახლიდან და სანამ თათრებს ჩაუვარდებოდა ხელში, ვილაც ლეთისნიერ ხუცესს გამოუსყიდნია და თავის სახლში დაუნარჩუნებია. შვილივით ეპყრობოდა თურმე, ზრდიდა, ასწავლიდა, თვალისა და იშორებდა, სულ თან დაჰყავდა თურმე. მაგრამ უღმერთოები ღამე გზაზე მიმავალს თავს დასხმიან და ბავშვი მოუტაცნიათ.

— თათრებსა?

— რის თათრებს, ვაჟო, ჩვენებურებს! იქნება იმ ხუცის მეზობლებიც იყვნენ.

— ჰაი დედასა, — თავს იქნედა რეზო.

— თათრები ახლა, ბოშო, ჩვენში ბევრს ვერაფერს გაბედავენ. ისევ ჩვენიანები იკლებენ ქვეყანას. მელა-ტურასავით დაეხეტებიან დაუნდობლები და თუ სადმე მოხერხებულ ალაგას მოინწყვდიეს ენამე, შებორკავენ, პირში ბურთს ჩასჩრიან და ოსმალებთან მიჰყავთ. აშკარად ახლა ჩვენებიც ვერაფერს გაბედავენ. მეფემ რომ შეუტყოს, თვალებს დასთხრის.

— სხვა არა მინდა რა, ერთი ეს ვიცოდე... ცოცხალია თუ არა ნარკოზ ხუცესი. — ტირილით თქვა ბავშვმა.

— ბიჭო, შენ რომ მოგიტაცეს, არაფერი დაიძახა?...

— ერთი კი დაიკვნესა და ჯორიდან გადმოვარდა... სხვა არაფერი დაუძახნია... ბნელი ღამე იყო... მე დამიჭირეს... სხვა არაფერი მახსოვს.

— მოჰკლავდენ ის უსეინდისოები, — უკმაყოფილოდ თავი ჩაიქნია რეზომ, — კაცი რომ გამბედავდება, ნადირზე უარესია... ჩვენში კი, ქალო, მეფე ერეკლეს საბრძანებელში, ემაგისტანებში ვის გაუგონია. ყმის ტყვედ გაყიდვას იქ ვინ გაბედავს. მე სულ შენთხვევით მოვეყვი, გაუწყრა ღმერთი... მე ბორჯომის ხეობიდან ვარ. შარშან ზაფხულ ახალციხის მთებში მოვეყვი და იქ სულ უტაბედად უსჯულოთ ხელში ჩაუვარდი... ეეხ! დამშვიდდი, ქალო, — ღმობი-

ერად უთხრა რეზომ... — აი ეს პური გაღეკე, ათასიც რომ ვიღარ-
დოთ და თავში ქვა ვიხალოთ. ვერას გავხდებით. ჩვენი საქმე მორ-
ჩომილია.

ქალმა პურის ნატეხი ნელა გამოართვა და რეზოს შეხედა,
რეზო ოდნავ გაფითრებული იყო.

— დიდი მადლობელი ვარ შენი, რეზო, — მორცხვად ჩაილაპა-
რაკა სალომემ, — გუშინ შენ არ ყოფილიყავი... — ქალმა სიტყვა
ვერ დაამთავრა, ტირილი მოერია და ლეჩაქი თვალებზე მიიფარა...

— ნუ გეშინია, ქალო, — მტკიცედ უთხრა რეზომ, — სანამ
პირში სული მიდგა, შენთვის ხელს არავის ვახლებინებ.

ქალმა თავი მალა აიღო, ლეჩაქს გადასწია, მათ ერთმანეთს
შეხედეს და ორთავეს სახეზე ღიმილა გადაურბინა.

— ნეტავ როდის მოელება ბოლო ჩვენს ტანჯვას. ამ საზიზღარ
გემს მაინც მოვშორდებოდეთ როგორმე! ვნახო ქე მაინც ჩემი სა-
ბოლოო ბედი.. ალბათ, სადმე ადამიანებთან ვიქნები... ხეზე ხომ არ
ჩამოშვებენ... თუგინდ ჩამომკიდონ, დამახრჩონ, ოღონდ ამ დამ-
ცირებას, ამ შეურაცხყოფას, რასაც ამ გემზე გვაყენებენ, მოვ-
შორდე.

— გადავრჩებით, გადავრჩებით, ქალო, — მოწყენით მიუგო რე-
ზომ. — მეზღვაურები ამბობენ: თუ ზღვა ძლიერ არ გაფუქდა,
ორ-სამ დღეში მივალთ სტამბოლშიო. ეეზ. სახარბიელო იქაც არა-
ყრია რა! აქ ჩვენ ენაზე ხმას მაინც ვცემთ ერთმანეთს, იქ კი გა-
გვთიშავენ და სააღდგომო ბატკნებივით თითო-თითოდ დაგვყდიან.

— ვაიმე, ეს სრულებით არ გამხსენებია! — მწარედ წამოიძახა
ქალმა და რეზოს თვალებში შეაჩერდა, — მერე ისე ვერ მოხერ-
ხდება, რომ ერთმანეთს არ დაგვაშორონ... რეზო?.. — ამბობდა
ქალი და გაფითრებული ვაჟკაცს თვალს არ აშორებდა.

— ვეცდები, თუ გამოვიდა რამე, ჩემი ბატონი, რაც ის წუწკი
აქ გავშოთე, კარგად მიყურებს. მივალ, შევხვებწები, არ დაგვაშო-
როს ერთმანეთს...

— მეც თქვენთან მინდა ყოფნა, მე თქვენ არ მოგშორდებით! —
წამოიძახა ბავშვმა და იმედით აღსავსე თვალებით რეზოს და სა-
ლომეს შეხედა.

— ხეჩა, ნანა შვილო, ბედდამწვარი დედაშენი! — მიეალერსა
ქალი და ბავშვი გულში ჩაიკრა. — რეზო! გესმის, რას ამბობს ეს
ჯერ უსუსური ყრმა, ესეც ჩვენსავით უღმერთოთაგან ძალად დაობ-
ლებული და დამცირებული, მეც თქვენთან მინდა ყოფნაო! ჩვენ
ერთომ რა სიკეთეს მოველით. რა ბედნიერ დღეს შევხვართ, მაგრამ

ერთადერთი ნუგეში მაინც ერთად ყოფნა დაგვრჩენია, ხედავ, ეს ბავშვიც ამით ნუგეშობს, თურმე... ღმერთო... — ძლივს წარმოთქვა ქალმა, ბოლმა მოაწვა, სული ყელში მოებჯინა და მწარედ აქვითიხდა. ატირდა რეზოც, სამთავენი ტიროდნენ.

ირგვლივ კი მრისხანე ზღვა თავისებურად შხუოდა, ფაფარგათეთრებული ტალღა ტალღას მოსდევდა, გემის კედელს ეხეთქებოდა და ზედ აკვდებოდა.

XII

სტამბოლის ტყვეთა მოედანზე ხალხი ირეოდა. სხვადასხვა ქვეყნებიდან გასაყიდად მოყვანილი ტყვეები აქ იყო თავმოყრილი. ვინ გინდოდა აქ რომ არ გენახა, შავკანიანი, წითელკანიანი თუ ყვითელკანიანი. წინა წლებში უმრავლესობას კავკასიიდან მოდენილი ტყვეები შეადგენდნენ: ქართველები, აფხაზები, ოსები, ჩაჩნები... წრეულს კი მათი რიცხვი ძლიერ მცირე იყო, რაც საერთო ყურადღებას და გაკვირებას იწვევდა.

ზოგი ტყვეები მინდორში ჰყავდათ გამოფენილი, ზოგიც სახელდახელოდ გაკეთებულ ფარდულეებში. მყიდველები მოდიოდნენ, ტყვეებს ათვალეირებდნენ, სინჯავდნენ, ზომავდნენ, ანჯღრევდნენ. ტყვეთა პატრონებთან ვაჭრობდნენ, ჩხუბობდნენ, ილანძლებოდნენ და, როცა ფასში მორიგდებოდნენ, ნაყიდ ტყვეს კისერში ბაწარს ან ჯაქვს ხბოსავით აბამდნენ და შინ შიჰყავდათ. ეს ჩვენ დროში წარმოუდგენელი სისაძაგლე მაშინ ჩვეულებრივი მოვლენა იყო. მდიდარი სოვდაგრები ათობით ყიდულობდნენ ტყვეებს სხვადასხვა საქორეობისათვის. ზოგს ჯარისკაცად, ზოგს მიწის მომუშავედ, ზოგს ხელზე მოსამსახურედ; ლამაზ ქალებს კი, რა თქმა უნდა, დიდკაცობის გასართობად და სასიამოვნოდ.

— დიდება ალლაჰს, დიდება ალლაჰს, — სასობით ამბობდა და ნელ-ნელა, დინჯად ფეხს მოაბიჯებდა ჰუსეინ-ალა, მდიდარი სოვდაგარი და განთქმული ტყვეთ მყიდავ-გამყიდავი. ჰუსეინ-ალას მრავალჯერ მოულოცნია არაბეთის წმინდა ადგილები, ნაკითხ კაცად და სჯულის მცოდნედ ითვლებოდა. თავი მუდამ თოვლივით თეთრი დოღბანდით ჰქონდა შემოხვეული. ტანზე ჩინეთიდან მოტანილი ფარჩა ქსოვილის გრძელი ხალათი ეცვა და ხელში ოქროთი მოჭედილი ჯოხი ეჭირა. ჰუსეინ-ალას თითქმის მთელი სტამბოლი იცნობდა.

— ჰუსეინ-ალა მოდის, ჰუსეინ-ალა მოდის! — გაისმა აქეთ-იქით ტყვეთა მოედანზე.

სხვათა შორის, ჩვენ ნაცნობ ეფენდი ალი-უსუფსაც აქ მოეყვანა თავისი ქართველი ტყვეები.

— არ ვიცი, რა ვუყო, ეფენდი, რომ არა ცხრება ის შეჩვენებული? ვერაფრით ვერ დავამშვიდე, — მოახსენა ერთ-ერთმა მეთაულურემ.

— რომელი?

— აი პატარა ბიჭი, ფოთის ფაშამ რომ გიფეშქაშა, ხვინა რომ ჰქვიან.

— რის ხვინა! — გაჯავრდა ეფენდი, — მე ხომ მაგას მახმუტი დავარქვი, მახმუტი დაუძახე. განა კიდევ ტირის?.. მიფეშქაშა!.. ისე ამდგარა დილა აღრიან ფოთის ფაშის გვერდები, რაც მე იმან რამე მიფეშქაშოს! კარგი ფეშქაშაია, შენ არ მომიკვდე... იმის ფასად, რაც მე მაგას საჩუქრები მივართვი, ხუთ ტყვეს ვიყიდელი... რა მინდაო, ბიჭო, რა ატირებს?

— თავს იკლავს, რატომ ზაიდოლას დედაკაცს არ გამაყოლებო.

— ვა, გაგიუდა? ხუმრობს თუ! ერთი მაგ ლაწირაკს უყურე და! ბიჭო, ხომ არ შიან?

— თავზე საყრელს ვაძლევ, ეფენდი, მაგრამ დღეს პურისთვის ზედაც არ შეუხედავს. გემიდან გამოსვლისას, შენც კი უყურებდი. ეფენდი, კინალამ ზღვაში გადრიგხა. ამსიმსხო კაცმა ძლივძლივობით დავიმაგრე. ისე ლონიერად გამწია მაგ სარივით წვრილმა ბიჭმა, რომ ჯათარა არ მომშველებოდა, ორთავენი ტყლაშუნს მოვადენდით წყალში.

— ჰა, შეჩვენებული! ეგ სულ მაგ ზაიდოლას გაღიზიანებულია. მაგის ოინებს ეშმაკიც ვერ გაუგებს თავ-ბოლოს. არ გამიკვირდა? ჯერ კიდევ გზაშივე ჩამაცივდა, ბიჭი მოწყიდეო. არ ვყიდი-მეთქი. ორ დიდრონ ტყვეს მოგცემო, კაცო, თავი დამანებე-მეთქი. ის მასწავლის, რომელ ტყვეს რა ფასი აქვს?

— მართლაც და, იმ ზაიდოლას ტყვე დედაკაცს ძლიერ შეეჩვია ბიჭი. გემზე სულ მასთან იყო. ერთმანეთს რომ დავაშორეთ, ის ჭალიც საშინლად ატირდა, თითქოს საკუთარ შვილს აშორებენო.

— ეხ! რაღა დროის მაგისთანებია! დალოცვილები, მაგათი გულის ასაყოლად ვისღა სცალია... მაშ, დღეს პური არ უქამია? ეს სასიამოვნო ამბავი ვერ მითხარი სწორედ... სახეზედაც ძლიერ გამხდარი იქნება.

— არც ისე, მაგრამ...

— სალამ-ალეიქ, სალამ-ალეიქ ჩემს ალი-უსუფს! როგორა ხარ? მე და შენ ხომ მუდამ უნდა ვიცხოვროთ, — გაისმა ჰუსეინ-ალას ხმა, — რა ცოტა ტყვეები ჩამოგიყვანია, ეფენდი, გურჯისტანიდან. რა ამბავია? შარშანწინ, მახსოვს, ამ მოედანზედ არ ეტეოდნენ და წრეულს საგანგებოდ უნდა ეძებო, რომ შეამჩნიო.

— ეხ, ალაჯან! გურჯისტანში არ მიდის საქმე კარგად, იღვიძებენ, მგონია, გაიურები. რაც ჩამოგიყვანია, ისიც დიდი წვალებით, აჭულის მადლმა. მთელ დასავლეთ გურჯისტანში ახლა ერთი კაჟ-შირია იმერთა, მეფის სოლომონის მეთაურობით. შეიტყობდით, რა სირცხვილი აჰამა მაგ ურჯულომ მაჰმადის სახელს, რა საშინლად დაამარცხა მართლმორწმუნეთა მხედრობა... ისე გაძლიერდა, რომ ყველა მთავრები, ბეგები თუ ალები მისი სახელის გაგონებაზე კანკალებენ... ტყვეთა გამყიდველებს სასტიკად სდევნის, მოურიღებლად თვალებსა სთხრის...

— სამწუხარო, ძლიერ სამწუხაროა, ფადიშაჰის დღეგრძელობამ, — დარბაისლად თქვა ჰუსეინ-ალამ.

— ლამაზი ქალები ხომ თავის წონა ოქრო გახდა, — განაგრძო ეფენდი-ალიმ.

— ეჰ, მაგ ლამაზი ქალების დავიდარაბას კარგა ხანია თავი დაეანებე, ჩემო ეფენდი. ზარალია, სწორედ ზარალი მათი ყიდვა-გაყიდვა. დღეს შეხედავ, ლამაზია, ლოყა ბრეწოულის მარცვალივით ულუის, ახალ გაშლილ ვარდს ჰგავს, ხვალ შეხედავ, მომაკვდავს დამსგავსებია... ზარალია, ზარალი... მე ახლა ქალების დავიდარაბის თავი არა მაქვს... ეხ, ეფენდი, ხათრი, ჯანიც არ არის საიმისო. ყოველ საქმეს თავისი დრო ჰქონია... გული მოდრკა, მოდუნდა, სიბერე შემეპარა... მე ახლა, ჩემო ალი-უსუფ, მიწის მუშები მინდა და, თუ რიგიანი ვიშოვნე, მეომრები... სამწუხაროა, ალლაჰს ვფიცავ, გურჯისტანში ტყვეთა ყიდვა-გაყიდვის საქმე ასე რომ შეფერხებულა. წინათაც მქონდა იქაური ამბები გაგონილი...

— რა ექნათ, ალა, რაც არის, ის არის. ალლაჰის მადლით ცოტ-ცოტა მაინც გვყავს, დიდიც და პატარაც, ქალიც და კაციც...

— ალლაჰის მადლით, ალლაჰის მადლით! — ამბობდა ჰუსეინ-ალა და ტყვეებს ათვალეირებდა. გაიარ-გამოიარა ტყვეებს შუა, გახედ-გამოხედა, ზოგი გასინჯა, ზოგს დაელაპარაკა. — კარგი, კარგი, ძლიერ კარგი, მაგრამ ძლიერ ცოტაა. ასეთი ქესატობა ჯერ მართლაც და არ მინახავს, — აუჩქარებლივ ამბობდა ჰუსეინ-ალა და ოქროთი თავმოკედილ ჯოხს მიწაზე ახაკუნებდა.

უეცრად მისი ყურადღება რაღაც ხმაურობამ მიიპყრო,

— გაჩუმდი! გაჩუმდი, შე კისერმოსატეხო, თორემ სულს გაგან-
თხევინებ! რა მიზეზიანი რამ ყოფილა ეგ ღორის შვილი! — უჯავრ-
დებოდა ვილაც მტირალ ბავშვს.

ჰუსეინ-ალას გამოცდილ ყურებს ეს არ გამოეპარა.

— ეს ვინ ტირის იმ ფარდულში, ეფენდი-ალი? — დაეკითხა
ჰუსეინ-ალა. — ის ტყვე ბიჭი იქნება.

— ჰა, კიდევ ტირის მაგ წყეული! — თავისთვის ჩაილაპარაკა
ეფენდიმ, — ტყვე ბიჭია, დიახ, კისერმოსატეხი. ხომ მოგეხსენე-
ბათ მაგათი ჭინიანობა, აიტეხა რალაც მიზეზი და არ ცხრება.

— შეიძლება ვნახო?

— აჰ მოვაყვანინებ, ალა! აღმოსხით, აჰ მოიყვა ეგ გიაურის შვი-
ლი. ჰა, კიდევ არ გაჩუმდა?

ბავშვი გამოიყვანეს.

ჰუსეინ-ალას კრელი ტანისამოსის და თოვლივით თეთრი დო-
ღბანდის დანახვაზე ბავშვი მართლაც გაჩუმდა.

— რისთვის ტირი, ბიჭუნია? ტირილი როგორ გეკადრება, —
ტკბილად უთხრა ალამ და თავზე ხელი გადუსვა. ბავშვმა გაოცე-
ბით შეხედა, ოსმალთგან ცემისა, გინებისა და ყვირილის გარდა,
ასეთი ტკბილი სიტყვა ჯერ არ გაეგონა.

— გურჯია, არა?

— გურჯია. ფოთის ფაშისაგან საგანგებოდ ვიყიდე, — მიუგო
ეფენდიმ.

— სახელი რა ჰქვია?

— მახმუტ!

— მახმუტ? მახმუტ! კარგია, კარგი — ამბობდა ჰუსეინ-ალა და
თავზე ხელს უსვამდა. — ნეტავ რისთვის ტიროდა?

— მისი სისულელე! გზაზე ერთ ტყვე დედაკაცს გადაეკიდა,
გინდათ თუ არა, იმას გამაყოლეთო. გიჟია ეგ ოხრის შვილი? ის
დედაკაცი ჩოფურა ზაიდოლასი იყო. ჩამოვედი თუ არა გემიდან,
ის დედაკაციც და მეორე ტყვეც იმ კაცმა ანდრიანობოლელ ვაჭარს
მიჰყიდა და მყიდველმა ნაყიდი ტყვეები, რა თქმა უნდა, თან წაას-
ხა. ამანაც იმათკენ გაიწია და, რომ არ გაეუშვით, დაუღია პირი და
ბღავის...

ჰუსეინ-ალა დაფიქრდა.

— კარგი, კარგი! — ჩუმად ჩაილაპარაკა მან. — ეხ, მახმუტ,
მახმუტ! შენისთანა ბიჭს როგორ არ გრცხვენია, რომ ტირი. — აღან
აუჩქარებლად ხალათის ჯიბეში ხელი ჩაიყო, მუჭით ჩამიჩი ამოიღო
და ბავშვს გაუწოდა.

ბავშვმა საჩქაროდ ორივე მუჭი ერთად გაუშვირა, ნაწილი ჩამიჩი უბეში ჩაიყარა და ჭამას შეუდგა.

ირგვლივ სიცილ-ხარხარი ატყდა.

ჰუსეინ-ალამ ბავშვი გასინჯა — მკლავში ხელი მოუქცირა, პირი გაუღო და კბილებში შეხედა, შეანჯღრ-შემოანჯღრია და სახეზე კმაყოფილების ღიმმა გადაურბინა.

— კაი აგებულობის ბიჭია! წმინდა სამამელუკოა, — უთხრა ეფენდი-ალიმ.

ჰუსეინ-ალამ ცბიერად შეჰხედა და ტუჩები ჩაიკვნითა.

— საგანგებოდ მომიყვანია სალექ ეფენდისათვის. საცაა, ალბათ. ისიც გამოჩნდება, — დინჯად ამბობდა ეფენდი-ალი.

ჰუსეინ-ალამ ორაზროვნად გადახედა, თითქოს ეუბნებოთ: ხომ იცი, შვილო, ორთავენი ვაჭრობის ძაღლები ვართ, ჩვენ შორის მაინც ტყუილი რაღა საკიროაო.

— კეთილი, კეთილი, ეფენდი! — დინჯად მიუგო მან და ბავშვი ბელახლა უფრო დაკვირვებით გასინჯა. მერე ცოტა ხანს დაფიქრდა.

— შენ, პაწიავე, კილაობა იცი? — ტკბილად მიუბრუნდა ჰუსეინ-ალამ.

ბავშვმა ვერ გაიგო შეკითხვა. სხვებმა გააგებინეს. მაშინ ბავშვმა საპოიოდ თავი დააქნია.

— კარგი. მაშ, ეფენდი, მოდი, დავკვიდოთ ვისმე.

— რას დავეძებ, — მიუგო ეფენდი-ალიმ. — ვის დავკვიდოთ? ტყვეთაგანს?

— არა, არა, ქუჩის ბიჭს... აბა, გაიქეცით, მომგვარეთ ვინმე, — თქვა ალამ.

მეთვალყურენი აქეთ-იქით ეცნენ და ცოტა ხნის შემდეგ თორ-პეტ-ცამეტი წლის ოსმალთ ბიჭი მოიყვანეს.

— ეს შესაფერი არაა! — ითაკილა ეფენდი-ალიმ. — ეს ხომ დიდია!

— მახმუტ, დაეკიდები მაგას? — დაეკითხა ჰუსეინ-ალამ.

ბავშვმა გაუღიმა და თავი დაუქნია. ეს მისი თითქმის პირველი ღიმილი იყო იმ უბედური ღამის შემდეგ.

— შენ თუ მაგას დასცემ, აი შენი საჩუქარი, — შეაგულიანა ალამ და ჯიბიდან ვერცხლის ფული ამოიღო.

ოსმალთ ბიჭი თუმცა სიმალლით არა სჭარბობდა, მაგრამ თვალსაჩინოდ უფრო ხნიერი და მსხვილიც იყო.

ოსმალომ მედიდურად გადახედა ტყვე ბიქს და დაუბღვირა.. ტყვეც თავისი მიმინოსებური თვალებით დააჩერდა.

— ჰა, დაეკიდოთ? — წახალისდა მოხუცი ალა...

— თანასწორი ძალა არაა, ჰუსეინ, — კოკმანობდა ალი-უსუფი, — სად ეს თითისტოლა ბიქი, ზღვაში მოგზაურობით გალახული, და სად ეს კაბუკი, ჩამრგვალებულ-ჩასუქებული.

— ბიქი თანახმაა. ალბათ, თავის იმედი აქვს, პ? გაბედე! — აძალებდა ჰუსეინ-ალა.

ეფენდი-ალი დასთანხმდა.

მეტოქენი ერთმანეთს დაეტაკნენ. ოსმალომ სტაცა ხელი მახმუტს და თავისუფლად ზეით ისროლა. ყველას ეგონა, ეს არის ძირს დაანარცხებს და დაამტკრევსო.

— მე ზომ ვთქვი, ბარი-ბარი კიდაობა არაა! — უკმაყოფილობას უცხადებდა ეფენდი-ალი უსუფს.

მაგრამ ბავში, ყოველი მოლოდინის გარეშე, თუმცა წაბარბაცდა, მაგრამ არ დაეცა, თავი შეიმაგრა, საჩქაროდ გასწორდა და მოპირდაპირემ შემოხედვა ვერ მოასწრო, რომ გულდაგულ ეცა. ხელები ირგვლივ წელზე შემოჰხვია, მოსდო კაჭა და იმსიმსხო ბიქი მიწაზე გააგორა.

შეიქნა ერთი სიცილ-ხარხარი. ეფენდი-ალის სიხარულს საზღვარი არა ჰქონდა.

— კარგი, კარგი! მე ჩემს პირობას შევასრულებ, — ჩვეულებრივის აუჩქარებლობით წარმოთქვა ჰუსეინ-ალამ და ბავშვს ფული გაუწოდა. — ახლა როგორ? — დაეკითხა ეფენდი-ალის და რალაცნაირად ტუჩები დაქმუქნა.

ეფენდი-ალიმ მხრები აიჩეჩა და იმანაც ტუჩებით ანიშნა, თითქოს ეუბნებო: ხომ ხედავ; რაც არის, რა საჭიროა მიკიბულ-მოკიბული ლაპარაკი, ჩვენ ხომ ორივენი ერთ დარჯაკში ვართ ჩამოყალიბებულნი და რისთვის უნდა ვცადოთ ერთმანეთის მოტყუება, მაინც ხომ არა გამოვა რა.

— ხომ მოგახსენეთ, ალა, რაც დროება დადგა, დღითი დღე მატულობს საქონლის ფასი. სალექ ეფენდიც...

— ზღაპრებს თავი დაანებე, ალლაჰი ნუ გაგიწყრება, — მოუქრა ჰუსეინ-ალამ, — შენ ვაჭარი ხარ, მეც, აგერ საქონელი, აგერ ფული!

— სოვდაგარო, იცოდე, უკანასკნელია, — ჩუმად უთხრა ეფენდიმ და თითები უჩვენა.

— ალლაჰ! რას ამბობ? — გაიკვირვა ალამ. — ამდენი ფულით მთელ რაზმს შევადგენ.

— ნება შენია. ქება მეტია. საქონელი ხომ თვალწინაა. ვიცი, ვისთვის გინდა. უკეთესი ძნელი მოსაძებნია.

„მართლად, ეს რა მომივიდა, რომ ქუჩის ბიჭს დავეკიდე, — ფიქრობდა ჰუსეინ-ალა, — მაგრამ ესეც კარგია, დარწმუნებული მაინც ვარ საქონლის სიკარგეში... ასი და ორასი ყურუში ჯანდაბას!“ — გულს იმაგრებდა ალა.

— ეფენდი-ალი! — მიმართა ალამ და თითები უჩვენა.

— ოო! ყოვლად შეუძლებელია. ჭერ გემის პატრონს რამდენი ფული მივეცი.

— გემით ის ერთი ხომ არ მოგყავდა?

— ყოველ შემთხვევაში...

— მაინც.

— ერთი ყურუში არ დააკლდება.

— ჰა, ესეც.

— რას ბრძანებთ, ჰუსეინ-ალა! მარტო ფოთის ფაშას ფარჩის ქსოვილი რომ ვუფეშქაშე, ორმოცდაათი მეჭიდიე მაინც ღირდა.

ჰუსეინ-ალამ ბავშვი ხელახლა გასინჯა. გაატარ-გამოატარა, ახტუნა, არბენინა...

— კარგია, კარგი! ჩინებული მამელუჯი გამოვა! — ამბობდა გულში სოვდაგარი და ოქროთი თავმოკედელ ჯოხს მიწაზე სცემდა. მერე ჰუსეინ-ალამ განზე გაიხზო, მთელი ქისა ოქროები გადასცა და ბავშვი თან წაიყვანა. ბავშვი სიხარულით გააჟყვა.

ჰუსეინ-ალამ სხვა ტყვეებიც ბევრი იყიდა, გემი დაიქირავა და ორი დღის შიგნით ეგვიპტისკენ გზას გაუღდა.

XIII

ალი-ბიი, მამელუჯთა სახელოვანი სარდალი, ოქროთ მოვარაყებულ და ლალ-ფირუზით მორთულ ტახტზე ფეხმოკეცით იჯდა. ყალიონის ტარი პირში ჩაედო და ნელ-ნელა აბოლებდა. ღრმა ფიქრებში იყო გართული ალი-ბიი და, ღვთის წინაშე, საფიქრებელიც ბევრი ჰქონდა. მთელი ეგვიპტის უმთავრესი გამგე ახლა ის იყო. მან მიიყოლია მამელუჯთა დანარჩენი ოცდასამი ბიი ეგვიპტის სხვადასხვა კუთხეთა მმართველ-გამგებელნი, და სტამბოლის სულთანისა და მის მიერ ეგვიპტის უფროსად დაყენებულ ფაშისაგან თავის თავი სრულებით დამოუკიდებლად გამოაცხადა. რა თქმა უნდა, ეს ამბავი ძლიერ საწყენად დაურჩა სტამბოლის სულ-

თანს და მით უფრო ეგვიპტის ფაშას, რადგან მისი უფლება არა-რაობამდე ჩამოვიდა, მაგრამ ვერც ერთმა და ვერც მეორემ ვერა გააწყო რა. ძალა მამელუქთა ხელში იყო და ძალა ხომ აღმართსა ხნავს.

მამელუქთა რიცხვი იმ დროს * ათი-თორმეტი ათასი იქნებოდა. ისინი გაფანტულნი იყვნენ მთელ ეგვიპტეში, სათავეში უდგნენ მხედრობას, ეჭირათ თანამდებობის ადგილები, ერთი სიტყვით, მთელი ქვეყნის განუსაზღვრელი ბატონ-პატრონნი იყვნენ.

„მამელუქი“ არაბულად ნაყიდ ტყვეს ნიშნავს. მეცამეტე საუკუნეში ეგვიპტის სულთანმა მალეკ-სალეჰმა მონგოლებისაგან რამდენიმე ათასი ტყვე თურანელები და კავკასიელები იყიდა და იმათგან თავისი მცველი გვარდია ისე გააძლიერა, რომ თვითსულთანისათვის საშიში შეიქმნა. როცა 1250 წელს, ქრისტეს დაბადების შემდეგ, ეგვიპტის სულთანმა თურმან-შაჰმა მათ დაუკითხავად ზავი დასდო ჯვაროსანთა წინამძღოლ ლუდოვიკ მეცხრესთან, მამელუქები საშინლად გაბრაზდნენ, მოჰკლეს თვით თურან-შაჰი, იმის ნაცვლად თვის შორის ამოირჩიეს ვინმე ჰეიბევი და გააბატონეს. ამ დროიდან დაიწყო მამელუქთა ბატონობა ეგვიპტეში. 1517 წელს თუმცა სულთანმა სელიმ პირველმა დაიპყრო ეგვიპტე და ქვეყნის მთავარ გამგედ ფაშა დაუყენა, მაგრამ იძულებული შეიქნა პროვინციების გამგედ მამელუქთაგან არჩეული ოცდაათხი ბიი დაენიშნა. ბიებმა მთელი ქვეყნის მართვა-გამგეობა ჩქარა ხელთ იგდეს. ალი ბიის მეთაურობით ხომ სულთან ფაშისაგან სრულებით დამოუკიდებლად გამოაცხადეს თავისი თავი და იმდენად გრძნობდნენ ძალას, რომ არავისი შიში და რიდი არა ჰქონდათ.

თავიანთ მხედრობის შესავსებად ისინი ახლაც სიამით ყიდულობდნენ ახალგაზრდა ჯანსაღ ბიჭებს, ზრდიდნენ და მეომრებად წვრთნიდნენ. უპირატესობას ამ მხრივ კავკასიელებს აძლევდნენ.

შემოვიდა კარისკაცი და ალი-ბიის მძიმედ თავი დაუკრა.

— მბრძანებელო, — მოწიწებით მოახსენა მან, — სოვდაგარი გე-ახლათ.

ალი-ბიიმ ყალიონის ტარი ტუჩს აუჩქარებლად მოაშორა.

— ჰუსენი-ალა? ოხ, ჩქარა, აქ დამიძახე! — ბრძანა ალი-ბიიმ. — ის, ალბათ, სტამბოლიდან ჩამოვიდა... ერთი რა ამბები ჩამოიტანა! — ოღნავ გაიღიმა ალი-ბიიმ და ყალიონი განზე გადასდო.

— სალამ ალეიქ, დიდებულო მბრძანებელო! — შემოილაპარაკა

* მეთვრამეტე საუკუნის მეორე ნახევარი

ჰუსეინ-ალამ, ხელი გულზე და შუბლზე მიიღო და მძიმედ დაუკრა თავი.

— ოჰ! მობრძანდი, ჩემო ჰუსეინ, ჩემო ძველო მეგობარო! ამ ბოლო დროს რა იშვიათი და სანატრელი გამიხდა შენი ნახვა, აქეთ, ჩემო ალა, ამ ბალიშზე ჩამობრძანდი, — მხიარულად უთხრა ალი-ბიიმ და ძვირფას ხალიჩაზე დაგებულ, ოქრომკედით მოქარგულ ბალიშზე მიუთითა.

ჰუსეინ-ალა ჩამოჯდა.

— სხვა, მეგობარო, სტამბოლში იყავ?

— ეს არის იქიდან გიახელ, მბრძანებელო!

ალი-ბიიმ კოპი ოდნავ შეიკრა.

— რა ამბებია, ჩემო ჰუსეინ? ფადიშაჰი როგორ ბრძანდება? ალბათ, ძლიერ გაჭაგრებულია ჩემზე!

ჰუსეინმა თავი საორკოფოდ ჩააქნია და ჩაიცინა.

— რასაკვირველია, მადლობელი არ იქნება. აქ დასამალი რა არის, ქვეყანამ კიდით კიდე იცის.

— რა ვქნათ, ალა, რა ვქნათ! — დინჯად გააგრძელა ალი-ბიიმ. — დრონი მეფობენო, ნათქვამია. ჩვენ ყველანი დროებით ვართ ამ ქვეყანაზე. ჩემი აზრი ასეთია — ან უნდა ვიყვნეთ. როგორც რიგია, ან სულ არ უნდა ვიყვნეთ. თუ ეგვიპტის ბატონ-პატრონი ჩვენა ვართ, ჩვენ უნდა ვიყვნეთ, უგამდლოთ, უხელმძღვანელოთ. მადლობა ალლაჰს, ჰასაკით სრულნი ვართ. თუ ბატონი ფადიშაჰი და მისი ფაშა, ისინი უნდა ბრძანდებოდნენ, მამელუკები რაღა საჭიროა? შენ კარგად იცი, ჩემო ჰუსეინ, რომ მამელუკს საბოდიშო, პირმოსაფერებელი არავისთან არაფერი აქვს; მისი უტყუარი მეგობარი მისი ბასრი ხმალია, რომელსაც მუდამ თან ატარებს და სწორედ ნამდვილი მამელუკი ისაა, ვინც სისხლით შეღებილი ხმლით ხელში სულს განუტეევებს. ამიტომ ჩვენ არავისთან და არც ფადიშაჰთან საბოდიშო არა გვაქვს რა. ვცოცხლობთ, — ვცოცხლობთ, მოვეკვდებით, — მოვეკვდებით. მე აგერ სამოცდაათი წლის მოხუცი ვარ, თხუთმეტი წლიდან ბრძოლის ველზე ხმაღს ვატრიალებ, ახლაც ნალარის ხმას რომ გავიგონებ, ამიფართხალდება მოხუცი გული. გაქრება ჯან-ლონის სისუსტე, მინდა ტაიქს მოვახტე და ხმაღამოწვდილს მწადიან ჩემ ძმებთან, უშიშარ მამელუკებთან შევანავარდო მკვეთრი მახვილი და, თუ საჭიროა, მათთან სულიც დავლიო, — თანდათან აღტაცებით თქვა მოხუცმა. — სხვა, მეგობარო, როგორი ვაჰრობაა, როგორ იმოგზაურე? — ტკბილად დაეკითხა ალი-ბიი.

— კარგად, მბრძანებლო! უბედურობა არა შეგვხვედრია რა ზღვა მშვიდობით გავცურეთ. ვაქრობა კი ძლიერ ნაკლებია. საქონელი არ არის, ბატონო! გურჯისტანიდან ტყვეთა დენა ძლიერ შემცირდა, — მოწყენით დაუმატა ჰუსეინ-ალამ.

— რათაო? — გაიოცა ალი-ბიიმ.

— მოგახსენებენ, მბრძანებლო, რომ გურჯთა მეფეები გაძლიერებულან. არც სპარსელებს აძლევენ თურმე ახლა ხარკს და არც ოსმალებს. შაჰ-აბაზის გალაშქრების შემდეგ გურჯისტანი საუკუნოდ დამარხული ეგონა ყველას და, დახე მათ ბედსა, დამარხვა კი არა, განახლების გზას დასდგომიან. ყიზილბაშები ზედიზედ სასტიკად დაუმარცხებიათ და... ჰოი, ალლაჰ! ოსმალთა მართლმორწმუნე მხედრობაც... — ვერ დაათავა ჰუსეინ-ალამ.

— ძლიერ სამწუხაროა, — წარმოთქვა ალი-ბიიმ და წყენის ნიშნად შუბლზე ხელი დაიკრა. — რა თქმა უნდა, თუ მომჯობინდნენ, ტყვეებს არ გაიმეტებენ. ტყვეების გაყიდვა, ჩემო ჰუსეინ, როგორც შენც კარგად მოგეხსენება, ერის შინაური გახრწნილების, უწესრიგობისა და უმეთაურობის ბრალია, თორემ საცა ხალხს ცოტადენი ძალა შესწევს, ერთი მეორეს უჯერებს და საერთო კეთილდღეობის საქმეების გემო აქვს გავებული, ის ერი განა ტყვეს მოგვყიდის? რომელი დედა ნახე შვილის გამყიდველი, თუ არ სრულებით ზნეობით დაცემულ-გათახსირებული?.. მაგრამ ჩვენთვის კი სამწუხაროა, ძლიერ სამწუხაროა, სჯულის მადლმა, — აუჩქარებლად დაუმატა ალი-ბიიმ და ყალიონის ტარს ხელი წაატანა.

— მაგრამ მე შენთან, მბრძანებლო, შენ ამომავალ მზეებზე გაბრწყინებულ სახესთან, რაც გინდა იყოს, მაინც ხელცარიელი ხომ არ მოვიდოდი: ერთი გურჯის ბიჭი მოგიყვანე.

— პატარა ბიჭი? — მხიარულად დაეკითხა ალი-ბიი და თვალეზი გაუბრწყინდა.

— დიახ, მბრძანებლო, პატარა ბიჭი, ცხრა-ათი წლისა.

— აბა, სადაა? ყოჩად, ჩემო ჰუსეინ, ვიცოდი, რომ ხელცარიელი არ მოხვიდოდი...

— თქვენ საფარეშოში გახლავს.

— ბიჭი საჩქაროდ მომგვარონ აქ, ახლად მოყვანილი ბიჭი, — მოუთმენლად ამბობდა ალი-ბიი.

ცოტა ხნის შემდეგ მდიდრულად მორთულ ოთახის კარებში ჩვენი მახმუტად მონათლული ზვიჩა გამოჩნდა. ბავშვი დაბანილ-დავარცხნილი იყო, ტანზე კრელი ხალათი ეცვა და თავზე წითელი

ქული ეხურა. რიგიანი მოვლის მეოხებით სახითაც შევსებულ-შელამაზებულყო და ამ კარგ ტანისამოსში სასიამოვნო შთაბეჭდილებას ახდენდა.

შემოჰყო თუ არა თავი ოთახში ბავშვმა, ორივე ხელი გულზე დაიკდო და ალი-ბიის მძიმედ თავი დაუკრა.

— ოო, ჩემო პატარა გურჯო! ყოჩაღ, ყოჩაღ! — დაიძახა ალი-ბიიმ. — გმადლობ, სოვდაგარო, ძვირფასი ძღვნისათვის, გმადლობ იმისათვისაც, რომ ახლავე ჩვენი ზნე-წესები წვეტიანებისებრია. ან რა კარგად გამოგიწყვია! სახელი რა ჰქვიათ ჩემს პატარა ბაჰს?

— მახმუტ, მბრძანებელო, — მიუგო ჰუსეინ-ალამ.

— მახმუტ! — დაუძახა ალი-ბიიმ.

ბავშვმა ხელები ისევ გულზე დაიკდო და მძიმედ თავი დაუკრა. ალი-ბიის აღტაცებას საზღვარი არა ჰქონდა.

— ერთი შეხედეთ, რა ჩქარა შეუთვისებია ჩვენი წესრიგი! — ევირობდა მოხუცი.

— ეს სულ გზაში ვასწავლე, — მოახსენა ჰუსეინ-ალამ. — მაინც ეს გურჯები, მბრძანებელო, ნიჭიერი ხალხია. ერთს რომ ეტყვი, განმეორებდა არა სჭირია. ოთხი-ხუთი თვე არ იქნება, რაც ეს ბავშვი თავის ქვეყანას მოშორებია და უკვე კარგად ესმის ჩვენი ენა...

— გმადლობ, გმადლობ, ჩემო ალა, — კმაყოფილებით ამბობდა ალი-ბიი, — შენ სოვდაგარი კი არა, ოსტატი ხარ, ალაჰის მადლმა! შენ სადმე სასწავლებლის გამგე უნდა იყო... აბა, ჩემო ბიჭიკო, ახლო მოიწი ჩემთან, — ალერსიანად მიმართა ალი-ბიიმ მახმუტს.

ბიჭმა ფეხი მოკრძალებით წინ წადგა. ასე მდიდრულად მორთულ-მოვარაყებული ოთახი თავის დღეში არ ენახა და, ცოტა არ იყოს, ფეხის თამამად გადადგმას ვერა ბედავდა.

ალი-ბიიმ ბავშვი გასინჯა, თავზე ხელი გადაუსვა, შეანჯღრ-შემოანჯღრია. ბავშვი თავისი მიმინოსებური თვალებით პირდაპირ შეჰყურებდა.

— ჰა, სოვდაგარო, მეომარია რაღა, მეომარი! წმინდა მამელტყა-დაა დაბადებული, — მხიარულად ამბობდა მოხუცი და ბავშვს მკლავებს უსინჯავდა.

— მხედველობაში ისიც უნდა მივიღოთ, დიდებულო, რომ ბავშვი ძლიერ გალახულია, ბევრი ნათრევ-ნაწამებია. ჩემ ხელში მოჰჯობინდა ცოტა, თორემ ძვალი და ტყავი იყო. არ იციან, მბრძანებელო, ზოგიერთმა ვაჰრებმა ტყვეთა მოვლა. განსაკუთრებით ბავშვებს დიდი ყურადღებით მოპყრობა სჭირია... უკმეხად ექცევიან, სცემენ, რიგიანად არ აჰმევენ, არ აცმევენ. რაც გინდა იყოს, კაცის

შვილი ძროხის შვილისაგან უნდა გაარჩიო, ესეც არ იყოს, პირდაპირ ანგარიში ითხოვს, ვაჟარმა საქონელი მუშტარს რიგიანი სახით უჩვენოს. ჩვენს ვაჟრებს ესეც არ ესმით!

— სწორია, სწორია, ალაპის მადლმა! მე ხომ გითხარი, ოსტატი ხარ-მეთქი, — კმაყოფილებით მიუგო ალი-ბიიმ.

— ცხენზე ჯდომა იცი, ჩემო ბიჭიკო? — დაეკითხა მახმუტს ალი-ბიი.

— ვიცი, — თამამად მიუგო ბავშვმა.

— ისეთ ცხენზე შეგსვა, რომ იმის ბადალი ქვეყანაზე არ იყოს. ძვირფას ხალათს ჩაგაცმევ, საკმელ-სასმელი ხომ ულევია გექნება. შენ მხოლოდ ჰკვიანი ბიჭი იყავ. დიდად გმადლობთ, სოვდაგარო, სასიამოვნო ძღვნისათვის, — მიუბრუნდა ალას ალი ბიი. — ბიჭი ძლიერ მომწონს. ამას უეჭველად ჩემ სახელობაზე გავზრდი. მამელუკთა მხედრობას ერთი მეომარიც მიემატება. არც შენ დაგრჩები უმადური, მეგობარო, კარგი ძღვნისათვის კარგ საჩუქარსაც მოგართმევ. ბიჭო, მოლარეთ-უხუცესი დამიძახე! ახლა როგორ მირჩევ, ალა? არ სჯობია, რომ ამთავითვე მოლა-ალაფიჯის მივაბარო, რომ მაჰმადის წმიდა მოძღვრებაში გაწრთვნას?

— ჩინებული აზრია, დიდებული! სამხედრო ვარჯიშობასაც ამთავითვე შეაჩვიოთ, ემჯობინება.

— ეს ხომ ჩვენი ხელობაა, ოსტატო! ხვალვე ჩემს ჯაბადარბაშს ეუბრძანებ, შესაფერი იარაღი მოუმზადონ და მის ტარებასა და ხმარებას შეაჩვიონ. შენ კი, მახმუტ, ძლიერ ფრთხილად უნდა იყო. აქ უშველებელი მდინარე რომ მიდის, ის თქვენებული პატარა მოჩუხჩუხე წყაროები არ გეგონოს. იქ ისეთი ბასრკბილა ნიანგები ბუდობენ, რომ ა... ჰა, ჰა, თუ კბილი დაგავლეს, ჩაგახრამუნებენ.

მოჩუხჩუხე წყაროს გაგონებაზე ბავშვს მდინარე ტეხური გაახსენდა... გაახსენდა იქაურობა. — „ნეტავ სად არიან ახლა ჩვენი თხები, — გაუელვა ბავშვს თავში. — ნეტავ ვინ ერეკება მათ ახლა?... ნანა და ბაბა როგორ არიან? მე ვახსოვართ თუ არა? მარკოზ ხუცესი ცოცხალი გადარჩა თუ არა?... მარკია... ლერწამისა...“. ბავშვს თვალწინ წარმოუდგა სამშობლო ქვეყნის მთები, ველ-მინდვრები, ტყეები... გაახსენდა პატარა ნაწყენი მსხალი მარკოზ ხუცესის სახლში, ეს მსხალი ძლიერ უხეარდა. ყოველ დილით მივიდოდა ნორჩ ზეხილთან და აღამიანივით ემუსაიფებოდა, მიესალმებოდა, გამოეთხოვებოდა ხოლმე. გაახსენდა გემით მოგზაურობაც, სალომე და რეზო, როგორ შვილივით ეფერებოდნენ, უკანასკნელ ლუკმას მას უყოფდნენ... რა მწარე იყო მათთან გაშორება... უჰ, რამდენ

იტირა ზაშინ!.. ისეთი სიმწარე, პირველად როცა მოიტაცეს, მაშინაც არ უგრძვნია... წარმოუდგა ბავშვს თვალწინ ყველა ეს და თვალეები ცრემლებით აევსო. ალი-ბიიმ ეს შეამჩნია... თითქოს მის სახეზე აღმოიკითხა მისი გულისწუხილიო. ნაზად მიეალერსა და დაეზე ხელი გადაუსვა.

ბავშვი კი მწარედ აქვითინდა.

XIV

ქალაქ ქაირის განაპირას, აღმოსავლეთით, მოკატტანას ხრიოკ. მთის კალთაზე ამაყად ამართულა სალაღინის ციხე თავისი მაღალი კოშკებით და სქელი გალავნებით. გავიდა ოცდაათი წელიწადი ზემოთ მოთხრობილი ამბის შემდეგ. ერთ დღეს სალაღინის ციხის გარშემო ფართე მოედანი ხალხით გაივსო. ეგვიპტის ყოველი მხრიდან მოგროვდნენ აქ მამელუკთა საუკეთესო წარმომადგენელნი. იყვნენ ბიიები, ათასისთავეები, ასისთავეები და რჩეული მხედრობა. შეკრებილნი მოედანზე მიდი-მოდიოდნენ, ჯგუფ-ჯგუფად იკრიბებოდნენ, მსჯელობდნენ, ზოგი ცხარობდა, ზოგი დინჯად მუსაიფობდა... ეტყობოდა, რაღაც მძიმე საქმე ჰქონდათ გადასაწყვეტი.

ციხის ერთ-ერთ კოშკზე მამელუკთა სათაყვანებელი დროშა აიშარტა. ამ დროშას იშვიათ შემთხვევის დროს გამოიტანდნენ ხოლმე. დროშის დანახვაზე მთელმა საზოგადოებამ, ნიშნად სიხარულისა, ერთი დაუსრულებელი კიყინა დასცა. მსჯელობა-კამათი. ცოტ-ცოტად მისწყდა და ხალხმა მოედანზე გალავანთან რაზმებად დამწყრივება დაიწყო. შუაგულ ქვეითები დარაზმდნენ, იქით-აქით ცხენოსნები. რა თქმა უნდა, ყველანი შეიარაღებულნი იყვნენ.

ბევრი ხანი არ გასულა, რომ ციხის გალავანზე ძვირფას ტანისამოსში გამოწყობილი ბიიები გამოჩნდნენ და მხედრობას მიესალმნენ. ჯარმა აღტაცებული ყიყინა დასცა.

მაგრამ აგერ გამოჩნდა მოოქრული ტახტრევანი. ხალხმა სული განაბა. ტახტრევანი გალავანზე მოწინებით დაასვენეს და ფრთხილად კარი გააღეს. იქიდან აუჩქარებლივ გამოვიდა თეთრწვერა ხმელ-ხმელი მოხუცი. ტანზე სადათ შეკერილი ჭრელი ხალათი ეცვა, თავზე თეთრი ჩაღმა ეხურა და წელზე ოქროთ შეკედილი, ჩვეულებრივ, მოღუნული ხმალი ერტყა. ეს გახლდათ მოლა ომერბი-საიდი, მამელუკთა მეთაური, მთავარი ბიი, ერთხმად არჩეული:

ალი-ბიის სიკვდილის შემდეგ *. ომერ-ბიიმ ხელით ანიშნა მოსამსახურეებს ტახტრევანი წაეღოთ, წელზე ხმალი გაისწორა, გალავანზე გადმოდგა და მხედრობას მხიარულად მიესალმა.

— გაუმარჯოს მოლა-საიდს! გაუმარჯოს მამელუკთა უძლეველ მხედრობას! — გრიალებდა ჯარი.

ომერ-ბიის აქეთ-იქით დანარჩენი ბიიები მოუღვნენ. ომერს თვალები გაუბრწყინდა და ღიმილით გახედა მის წინ დარაზმულ რამდენიმე ათას ცხენოსან და ქვეით მხედრობას. კრელ ხალათებში და წითელ ქულებში გამოწყობილი ჯარი რალაც საარაკო სანახავი იყო.

— დიდება ალლაჰს, შემოქმედსა და მოწყალესა. — სასოებით წარმოთქვა ომერ-ბიიმ და ხელები მალა ადაპყრო. საკმაო მკაფიო და საამო მოსასმენი ხმა ჰქონდა.

— დიდება ალლაჰს! — ბანი მისცა ჯარმაც.

— გაუმარჯოს მამელუკთა მძლეთა მძლე მხედრობას, — დაიძახა ომერ-ბიი-საიდმა და კისერი ამაყად მოიღერა.

ჯარის აღტაცებული ყიჟინა წუთს არ შეწყვეტილა.

ომერ-ბიი მოთმინებით აღიჭურვა და, როცა ყველანი ცოტა-ცოტა დამშვიდდნენ, აუჩქარებლად, რაც შეეძლო, ხმამაღლა წარმოთქვა:

— მამელუკნო! — ხალხმა ხმა გაკმინდა, თითქმის ცხენების ფრუტუნიც აღარ ისმოდა. — დიდებულის წინასწარმეტყველის დროშის ქვეშ შეკრებილა მისი უძლეველი მხედრობა. ბევრს გულს უმღერევს და სულს უშფოთებს მისი გმირობა და მამაცობა. ბევრი მტრობს, არ მეგობრობს... ფადიშაჰიდან მოყოლებული ხართუმის ველურ თემთა მთავრამდე, ყველანი ბრაზით კბილებს აკრაჭუნებენ, მაგრამ ჯერჯერობით არავის არ ებუება, შესაფერ პასუხს აძლევს ყველას. მისი დროშა თამამად ფრიალებს და, უეჭველია, კვლავ იფრიალებს, თუ არ მოაკლდა ერთსულოვნება, სიმამაცე და ბრძოლის ველზე თავგანწირულება, რაც დღემდე გვჩვევია, ძმანო, საყვარელნო მამელუკნო.

— გაუმარჯოს ომერ-საიდს! გაუმარჯოს მამელუკთა მხედრობას! — დაიგრიალა ჯარმა.

— მამელუკნო! — განაგრძო ომერ-ბიი-საიდმა. — ყველამ ვიცით, საყვარელნო, რომ ჩვენი იმედი, ჩვენი სასოება ალლაჰისა და წინასწარმეტყველის შემდეგ, ჩვენი მარჯვენა და ჩვენი ხმალია.

ისიც გამოცდილებით ვიცით, რომ მაგარი მკლავი და ბასრი ხმალი, მრავალთა უმრავლესიც რომ იყოს, უღონოა და სუსტია, თუ ღირსეული მეთაური წინ არ მიუძღვის და გზას არ უჩვენებს. მამელუქნო, სხვათა შორის, ჩვენს საერთო ღირსებას ის შეადგენდა, რომ ვიცოდით ღირსეული წინამძღოლის არჩევა... ჩვენ სრულებით არა გეკირია ანგარიში ან ხათრი გავუწიოთ ვინმეს ჩამომავლობას და გვარიშვილობას! პირადი ღირსება: ქუა, სიმამაცე და მამელუქთა ერთგულება — აი რას ვეძებთ ჩვენ მეთაურში. მოგეხსენებათ, დღეს გლოვობს მამელუქთა მხედრობა. წინასწარმეტყველმა ინება და სახელოვან სარდალს, თავდადებულ მამელუქს, ფიბის მაზრის გამგეს, ბაგირ-ბიის ზეცად მოუწოდა. ახლა მისი სული იმქვეყნიურ სიტკობებაშია. მარად ქალწულ გურიებთათანა განიხარებს მისი განახლებული არსება. ჩვენ კი, აქ დარჩენილთ, დიახ გვესაქიროება მისი მაგიერი სარდალი. მამელუქნო, უნდა ავირჩიოთ განსვენებულის ბაგირ-ბიის მოადგილე. დაასაზელეთ, ძმანო, ღირსეული კაცი. იყოსმცა მფარველი ჩვენი დიდებული ალლაპი და მისი წინასწარმეტყველი, სანამ ეს მუდამ ფირუზისფერი უღრუბლო ცა ეგვიპტეს დაჰყურებს და სიგრძე-სიგანე განუზომელი ნილოსი მასაზრდოებელ ტალღებს უძირო ზღვისაკენ მიაქანებს! დიდება ალლაპს, მოწყალესა და შემწყალებელსა ჩვენსა! — ისევ ხელების მალღა აღპყრობით დაათავა ომერ-ბიი-საიდმა.

— დიდება ალლაპს! — დაიგრიალა მხედრობამაც.

„ცოტა ხანს ჩუმი ჩოჩქოლი შეიქმნა. „სულ-ერთია... იმან... კარგია... თქვას...“ — ისმოდა კანტი-კუნტად ხალხში.

— მამელუქნო! — გაისმა მკექაეი ხმა და ერთი შეეტაიქოსანო ქალარა მხედარი დაწინაურდა.

კვლავ სიჩუმე ჩამოვარდა.

— მამელუქნო, ოცი წელიწადი გავიდა მას აქეთ... მაშინ... ეს! მეც ჭილი ვიყავ. სეუტელებმა ხარკის მოცემა მოგვისპეს. გამარები და სხვა შეკვანიანთა თემები მოიწვიეს და ჩვენი გამკლავება განიზრახეს. მათ წინააღმდეგ ორი ათასი მხედრობა გაიგზავნა. მეც მათში ვერიე. სეუტის ალყა შემოვარტყით, გვინდოდა ერთი დაკვრით აგველო, მაგრამ ეს არც ისე ადვილი შესასრულებელი შეიქმნა, როგორც გვეგონა. ურჯულომ ჩირან-ბეიმ, შუბოსანთა წინამძღოლმა, ჩვენ მარცხენა ფრთას შემოუტარა და სეუტის გალავანსა და ოღროხოლორო კლდეებს შუა მოგვამწყვდია. ჩვენმა ცხენებმა ფეხი ვერ მოიკიდეს, გალავნიდან კი ცეცხლსა და ქვას წვიმასავით გვაყრიდნენ. მწარე გასაპირი გვადგა. მამელუქნო, ვინ შეახტა მა-

შინ მარჯვედ მტრის გალავანს, მარჯვნივ და მარცხნივ აკატა მტერი? გმირს სხვებიც უკან მიჰყვნენ, ციხეში შეიჭრნენ, კარი გაგვიღეს და გაგვამარჯვებინეს. იმ მამელუკმა მაშინ ასისტაობა მიიღო. ის ვინ იყო?

— მახ... მუტ! მახ... მუტ! — დაიგრიალა ჯარბა.

— მამელუკნო! — გაისმა ხმა ცხენოსანთა მეორე მხრიდან და ვილაც წითური, შესაზარი შესახედაობის კაცი დაიძრა. უშველებელი ულაცი ცხენი მხედრის ქვეშ ბორგავდა, თავს აკანტურებდა და საჯირითოდ მიიწევდა. ჯარმა გზა უტია და მხედარი წინ წარსდგა.

— ემედია, ძმებო და თანამოაბჯრენო, მეც მომიხვენთ. ეს მშვენიერი, ვიწროდ და გრძლად გაჭიმული წალკოტი ამ ვერან და ხრიოკ უდაბნოს შორის, ვით მწვანე ფირუზი კლდის ნაპრალში გდებულნი, ეს ძველთაძველი ჩარდახებით, ტაძარ-გალავნებით, უზარმაზარ წოწლოკინა სასაფლაოებით, ეს ვაზით, ფინიკით და ხორბლით გალალბულ-გაპოხიერებული ქვეყანა — ეგვიპტე, დიდებულმა წინასწარმეტყველმა, ჰოი, მამელუკნო, ჩვენს ხმაღს და ჩვენს დრომას დაუმორჩილა! ზღაზენით მიგორავს ნილოსი, მიაქვს ქვეით ჩვენი ამბები, რომ განუზომელ ზღვას და იქიდან მთელ ქვეყანას ამცნოს და გააგებინოს ჩვენი სიმტკიცე, ჩვენი ერთობა და ჩვენი შეუდრეკელი გამბედაობა. სხვა რაღა უნდა მიქოს ნილოსმა? პაპას ვერ მიქებს დიდებულს და პაპის პაპას ჩინებულს! შე არც კი ვიცი, ვინა ვარ, სადაური ვარ, მხოლოდ ვიცი, რომ მაშელუკი ვარ! ხმალი ჩემი — დედ-მამაა ჩემი, მკლავი ჩემი — სიმტკიცეა ჩემი, თქვენთან, ძმებო, შეურყეველი კავშირი — გამარჯვებაა ჩემი...

— ვაშა, ვაშა! — გრიადეზდა ჯარი.

— სრულებით ვეთანხმები ჩვენს მბრძანებელს, მეთაურს და მასწავლებელს ომერ-ბიის, — გააგრძელა წითურმა კაცმა, — რომ კარგ ნეომარს კარგი მეთაური სჭირია. უშიშარი და გამბედავი მეთაური ტოლია მთელი მხედრობისა! მახსოვს და ბევრს თქვენთაგანსაც ახსოვს, სულ ათი წლის საქმეა, ასუანთან მოგვიხდა ბრძოლა. ზანგები ყიყინით და კბილის კრაქუნით წამოიშალნენ ჩვენზე. ჩვენც მედიდურად ვეკვეთეთ. ჩვენი ხმაღთა ელვა-კაშკაში მზის სხივებს ეცილებოდა. ხელჩართული დიდხანს გაგრძელდა. უთვალავი მტერი, კალიასავით მოზღვავებული, წინ მოდიოდა. ათასი ვძლიეთ, ორი სხვა აღმოჩნდა. ისიც გავანადგურეთ, ხუთი კიდევ მოზღვავდა. დაიქანცა, შედრკა ჩვენი მხედრობა. თითქოს გვღალატობს ბედით, ოღნავ განზე გადიხარა ჩვენი ამაყად მოფრიალე დროშა. მკლავში

ტკივილი ვიგრძენ, ხმლის ტარს ხელი ვერ მოვუჭირე... ხელისგულზე დავიხედე, წითელი ზოლები შევაჩინე... ჩვენიანების გულზეიადი ურთიერთის გამხნელება ყურთასმენას არ მიტკობდა. შევიხედე, ჰოო, თვალები დაჰიდგეს! მამელუკთა მხედრობის სიამაყე, სწორუპოვარი სარდალი ბათირ-ბიი ზანგის შუბით განგმირული ცხენიდან ჩამოეშვა... შევეკრით, დავძაბუნდით. ერთი წამი და მტრისთვის ზურგი უნდა გვეჩვენებინა. მამელუკო, გახსოვთ ანისთავი, ხამალა რომ შეჰკვილა? ისეთ ხმას მხოლოდ მაღალი მთის მწვერვალზე მობინადრე არწივები გამოსცემენ ხოლმე. ხმალი შეათამაშა და, ვით შავარდენი მტრედთა გუნდში, მტრის რაზმში შეიქრა. ჩვენები გამხნევდნენ, შურდულივითი უკან დაედევნენ, მტრის ჯარი შუა გააპეს, სძლიეს და ჩვენი დროშა კვლავ ამაყად დაფრიალეს. ვინ იყო ის ასისთავი?

— მახ... მუტ! მახ... მუტ! — იგრილა ჯარმა.

— მამელუკო! — გაისმა მესამე ხმა, — ფიბას ნანგრევების ქვემოთ ჩვენი რაზმი იდგა. გარს მტერი ერტყა, ატბართა და ჰოტენტოტთა თემები შოას ნეგუსის, ჩვენი დაუძინებელი მტრის იმედით ზურგგამაგრებულნი, ჩვენზე თავხედურ იერიშს ლაშობდნენ. ჩვენდა სამარცხვინოდ, აწ უკვე განსვენებულმა საღირ-ბიიმ (ალლაჰ, იქ მაინც ნუ მოაკლებ სახელსა და ნეტარებას). ვერც ერთი მხრივ შეტევა ვერ გაბედა. მტერმა თითქოს იგრძნო ჩვენი გაზურგება, რკალივით შემოგვერტყა და ისე შეგვევიწროვა, რომ გასაქანი არა გექონდა. ორში ერთი: ან იარაღი უნდა დაგვეყარა, ან მტერი გაგვერღვია. მაშინ ვინ იყო, მამელუკო, რომ დაიძახა: ჩემთან, ძმებო! ტაიჭი გააქანა და ჰოტენტოტთა მეთაურს, გუთხარ-ხათუს ხმალდანხალ ეძგერა და ერთი დაკვრით თავი გაავდებინა?

— მახმუტ! მახ...მუტ! — იგრილა ჯარმა.

მოხუცი ომერ-ბიი-საიდი კვლავ გალავნის მოაჯირზე გადმოდგა. თან სხვა ბიიები ახლდნენ.

— დიდება ალლაჰსა, გამჩენსა და აწყალობელსა ჩვენსა, — ხელაწყობით წარმოთქვა მან. — საქმე გამორკვეულია. ხმა ერსა და ხმა ხეთისა! სურს შენზე მონდობილს მამელუკთა მხედრობას და იქმნას ასე: გვყავს მახმუტ-ბიი, ძმა და თანამოაბჯრე ჩვენი.

ჯარის მხიარულ კეიხის დასასრული არ უჩანდა. ომერ-საიდი მოოქრული ხმალი მოიხსნა და ხელში დაიჭირა. დააცადა, სანამ ჯარი დაწყნარდებოდა, და მერე ხამალა დაიძახა:

— მახმუტ-ბიი!

ჯარში ჩუმი ჩოჩქოლი შეიქმნა.

ცოტა ხნის შემდეგ რაზმა გაიწვა-გამოიწია, გზა უტია და გამოჩნდა ერთი ახოვანი, კარგა აქალაქელებული ვაჟკაცი. ის ოქროსფერ ბედაურზე იჯდა, აბრეშუმის ქრელი ხალათი ეცვა და თავზე წითელი ქუდი ეხურა. ტიპიური, ოდნავ ხუჭუქა წვერ-ულვაში, მოგრძო ცხვირი, ზომიერი თვალები და თეთრი პირის კანი ექვეშ იყო შეიყვანდა კაცს, რომ მაღალ ხარისხზე არჩეული მამულუკი შთამომავლობით არც ოსმალთა იყო და არც არაბი, თორემ სხვაფრივ წმინდა წყლის მაკმადიანსა ჰგავდა.

მახმუტს სახეზე აღელვება ეტყობოდა. მან კობტად მოახტუნა ცხენი და გალავნის ძირს შეჩერდა. ბედაური კი არ ისვენებდა, კიშმიშზე დგებოდა.

— ჰა! — დაიძახა ომერ-საიდმა და ხმალი ისროლა. ყვითლად შეიკაშკაშა მზის სხივებზე ოქროთი მოქედილმა მრუდე ქარქაშმა. მახმუტ-ბიიმ ხმალი დაიჭირა.

კვლავ იგრილა ჯარმა და მახმუტ-ბიის ფუტკარივით გარს შემოეხეია.

XV

ქაირის ფირუზის სასახლეში ყველა ოცდაოთხივე ბიი შეკრებილიყო.

ომერ-ბიი-საიდმა, მეთაურთ-მეთაურმა, დიდად აღელვებულმა და აღშფოთებულმა, კრება გახსნა.

— წარჩინებულნო, წინამძღოლნო! — მიმართა მან ბიიებს. — უკვე გაგონილი გექნებათ, რა მოულოდნელი და არასასიამოვნო ამბავი მოგვივიდა. ალექსანდრიაში უკვე გადმოუსხამს თავისი ლაშქარი ფრანგთა ფაშათ-ფაშას ნაპოლეონ ბონაპარტეს და გაჩქარებით მოდის თურმე ჩვენკენ საომრად. გვიახლოვდება მტერი ძლიერი, მრავალ ბრძოლაში გამობრძმედილ-გამოწვრთნილი, მტერი ბრწყინვალე გამარჯვებით გულ-გაზვიადებული და გაამაყებული. რა უნდა გითხრათ, მამულუკნო, სიყრმიდანვე ბრძოლას ჩვეულნო? ძლიერი მტერი მოდის. პასუხი ერთადერთია: გალესილი მახვილი უნდა დავახვედროთ, მამულუკნო! დასამალი რა არის, შინაც არა გვაქვს მტკიცედ საქმე. ფელახებში დიდი მოძრაობაა, თურმე. ზოგნი ფრანგთა ტანმოკლე ფაშათ-ფაშას ჩვენზე გამარჯვებას წინდაწინვე დღესასწაულობენ — იქნებ გვეშველოს და მამულუკთა ბატონობას ბოლო მოეღოსო, ამბობენ, თურმე. მაშ, მსწრაფლი მზადება, მამულუკნო, ქვეიანი თადარიგი, ბედგარი დახვედრა, სახელოვანი სიკვდილი...

ბიიებმა სულგანაბულად მოისმინეს თავიანთი წინამძღოლის სიტყვები. ყველანი გრძობდნენ საქმის არაჩვეულებრივ სიართულეს.

— ვერ გამიგია, — დაარღვია სიჩუმე ყველაზე უფრო ახალგაზრდა ასლან-ბიიმ, — რისთვის მოდის ტანმოკლე ფაშათ-ფაშა ჩვენზე? რა უნდა ჩვენგან? რა დაგვიშავებია მისთვის? სად ჩვენ და სად საფრანგეთი. მასთან და მის ჯართან თავის დღეში შეტაკება არ მოგესვლია. საიდან მოგეწვდა ამ სიშორეზე?

— ადვილი ასახსნელია, ჩემო ასლან, — მიუგო სალეკ-ბიიმ, გრძელწვერა, ჭადარა კაცმა, — ფაშათ-ფაშას ახლომახლო უცხო ტომთა ჯარები დაუძლევია და ახლა უკვე მოხვეჭილი სახელის შარავენდელის მოსაფენად ჩვენკენ გამოილაშქრა. ეს ხომ ყველა გულადი მეომრის თვისებაა.

— რა ვუყოთ, მობრძანდეს, აგერა ვართ, — თქვა ხაირ-ბიიმ. პირმოპარსულმა, შავ-შავმა კაცმა.

— ეს ხომ ასეა, აბა, სად უნდა გავექცეთ? ნამელუქს სიკვდილის როდის შეშინებია, მაგრამ საქმე ისაა, ყოველ გალაშქრებას და, მით უფრო, გალაშქრებას ასეთ შორეულ ქვეყანაზე, რამე პატივსადები მიზეზი უნდა ჰქონდეს. მე მგონია, უმიზეზოდ არც ეს გალაშქრება უნდა იყოს. ხომ მოდიოდა ამბები, მამელუქნო, ნაპოლენონ ფაშათ-ფაშა ინგლისელებზე აპირებს გალაშქრებასაო, მაგრამ, როგორც ეტყობა, ეს მძიმე საქმე იმასაც ვერ გაუბედნია. ინგლისელებს შინ რომ ვერა დააკლეს რა, გარედან სურთ უკბინონ. ჩვენსკენ გამოლაშქრებით უნდათ ვნება მიაყენონ ინგლისელთა ვაქრობას... მისი, ასე ვთქვათ... ალებ-მიცემობა შეაფერხონ, — ჩაერია ლაპარაკში ქიღმა-ბიი, შეახნის თვალტანადი კაცი.

— ადვილი შესაძლებელია, ასეც იყოს, მხოლოდ ამ ნიშნითა გამოკვლევა ჩვენ ბევრს ვერაფერს შეგვძენა. წარმოვიღვიწით. ამ წუთში გაჩნდა აქ თვით ტანმოკლე ფაშათ-ფაშა და თავისი პარით დაწვრილებით აგვისხნა და განგვიმარტა, თუ რამე აძებლა. ჩვენსკენ გამოელაშქრა. მე მგონია, ამით საქმის მდგომარეობა ნამცეცისოდენად არ შეიცვლება, ჩვენი მდგომარეობა ამ მიზეზის ცოდნით სრულებით არ გაუმჯობესდება. თავი და თავი მიზეზი, რაც ყველამ უკვე ვიცით, მაინც უცვლელი დარჩება — ბიჭი ვარ და მოვდივარ, ბიჭები ხართ და დამხვდითო, გვეუბნება ის კაცი, — თქვა მახვიტ-ბიიმ.

— დაეხვდებით, — წამოიძახეს ბიიებმა და ოწრითი მოქედით აპლებზე ხელი იტაცეს.

ელვის სისწრაფით მოედო მთელ ეგვიპტეს ფრანგთა შემოსევის

ამბავი. ყოველი მამულეკი, ვისაც ტანის განძრევა შეეძლო, საბრძოლველად მოემზადა. რაც ჯარი ჰყავდათ, სულ საბრძოლველად გაიწვიეს. მამულეკები კარგად გრძნობდნენ, რომ საქმე ჰქონდათ არა იმ ნახევრად ველურ აფრიკელებთან, ვინც უთანასწორო ბრძოლაშიც არა ერთხელ სახელოვნად დაუმარცხებიათ, მათ წინააღმდეგ მოდიოდა მთელ ქვეყანაზე განთქმული, იმ დროის მიხედვით საუკეთესო თოფებით და ზარბაზნებით შეიარაღებულ, ევროპის შიშის ზარის დამცემი დიდებული ნაპოლეონ ბონაპარტე. მამულეკებს კი ზარბაზნები თითქმის არ ჰქონდათ. ისინი ნაქები იყვნენ, როგორც ცხენდაცხენ ხმლით მეომრები. სიკვდილის არ ეშინოდათ და ბრძოლაში შეუდარებელ სიმამაცეს იჩენდნენ, მაგრამ ხმალი ზარბაზნის წინააღმდეგ, რაც გინდა მამაც კაცს ეკიროს ხელში, მაინც სუსტი იარაღია. მამულეკები ძლიერ კარგად გრძნობდნენ, რომ ახლანდელს გამარჯვება-დამარცხებაზე იყო დამოკიდებული მათი ბატონობა ეგვიპტეში და შეიძლება მთლად მათი არსებობაც, ამიტომ გადაწყვიტეს მთელი თავიანთი ძალ-ღონით დახვედროდნენ მოულოდნელ საშიშ მტერს.

ბონაპარტემ გადმოსხა თუ არა ჯარი გემებიდან ქალაქ ალექსანდრიაში, პირდაპირ ქაირისკენ გაემართა.

ქალაქი ქაირი დედაქალაქია ეგვიპტისა. არაბულად მისი სახელია მაზ-ულ-კახირა, რაც ნიშნავს ძლევამოსილს. გაშენებულია მდინარე ნილოსის მარჯვენა ნაპირზე. ქაირი დაარსებულია მეშვიდე საუკუნეში ქრისტეს შემდეგ არაბთა სარდლის ამრუ ფოსტატის მიერ. შემდეგ მეთვთავე საუკუნეში სარდალმა გოპარმა ძველი ქალაქის მახლობლად ახალი ქალაქი გააშენა. შემდეგ ორივე ქალაქი — ძველი და ახალი — შეერთდა. ქაირის ირგვლივ ძველ ეგვიპტელთა ოღესმე დიდებული და აწ უკვე დამარხული კულტურის ნაშთები ახვევია. ქალაქიდან სამხრეთით ათი-თხუთმეტი კილომეტრის მანძილზე მოჩანს ძველ ეგვიპტელთა სატახტო ქალაქის მემფისის ნანგრევები, ჩრდილოეთით კი რამდენიმე კილომეტრის მოშორებით ძველ ქალაქის ჰელიოპოლისის ნანგრევებია, ხოლო დასავლეთით, მდინარე ნილოსის გაღმა ათი-თხუთმეტი კილომეტრის მოშორებით, ხრიოკ უდაბნოთა მიჯნაზე, ამართულია სამი უზარმაზარი, თავწოწლოკინა შენობა, ეგრეთ წოდებული პირამიდები, აშენებული ორი ათას ხუთასი წლის წინათ ქრისტეს დაბადებამდე. ამ შენობებს თავისი სიდიადით დღემდე განცვიფრებაში მოჰყავს კაცობრიობა. ყველაზე უფრო დიდს — ქეოპსის პირამიდს, მაგალითად საძირკველთან,

სიგრძე აქვს 227 მეტრი, ამდენივე სიგანე. ხოლო სიმაღლე 137 მეტრი.

სწორედ ამ პირამიდების ცოტა ჩრდილოეთით, პირამიდებისა და მდინარე ნილოსის შუა, დარაზმდნენ საბრძოლველად გამზადებული მამულუკები. კრელი ხალათები ჩაიცვეს, ბედაურებზე შესხდნენ, მრუდე ხმლები გალესეს და, გამოჩნდა თუ არა ფრანგთა ჯარი, თავგანწირულად ეკვეთნენ.

მახმუტ-ბიის განკარგულებაში იყო ხეთი ათასი მეომარი. ის სარდლობდა ჯარის მარცხენა ფრთას და ექირა ადგილი მდინარე ნილოსის ახლო. მას წილად ხვდა შეტაკება ფრანგთა ცხენოსან ჯართან. ფრანგთა კავალერია პირველად, ცოტა არ იყოს, მოუხეშავად იტყეოდა. მამულუკთა კრელი ტანისამოსის დანახვებზე ფრანგთა ცხენები დაფრთხნენ და აირივნენ. ამით ისარგებლა მახმუტ-ბიიმ, ბედაური წინ გააგდო, იშიშვლა ხნალი და ათასი მეომრით ფრანგთა კავალერიის შუაგულში შეიჭრა. მახმუტს განზრახვა ჰქონდა ფრანგები შუა გაერღვია, ერთი ნაწილი როდას კუნძულის ბოლოს, მდინარის მოსახვევითან მოემწყვდია, ახალი ძალები მიესია მათთვის და გაენადგურებინა. ნილოსის ლერწმოდან და კაობიან ნაპირებზე ფრანგთა ცხენები, ადგილმდებარეობას უჩვეულო, ფეხს ვერ მოიმარებდნენ და საკირო სიმაღლეს ვერ გამოიჩენდნენ. ამ მოსაზრებით შეუტია ასე ცხარედ მახმუტმა.

ფრანგები თითქოს მიუხვდნენ მახმუტ-ბიის განზრახვასაო, ცხარე შეტევაზე ცხარედვე არ უპასუხეს, პირიქით, უკან დაიწიეს; იმავე დროს შეეცადნენ არ არეულიყვნენ, შემტყიცდნენ და თავიანთი მთავარი ჯარისაკენ აღმაცერად გაიწიეს. ფრანგთა შუაგულ ჯარში კი ზარბაზნები ქუხდა და გრგვინავდა.

ბრავალ ბრძოლაში გამობრძმედილ-გამოჩეჩკილმა მახმუტ-ბიიმ პირველ შეტაკებისთანავე შენიშნა, რომ საქმე ჰქონდა ჯერ მისთვის უნახავ და უცნობ წესრიგთან. ფრანგების ყოველ მოძრაობას, ყოველ ფეხის გადადგმას ეტყობოდა მოფიქრება, მდგომარეობის წინდაწინ აწონ-დაწონვა, აუჩქარებლობა და სასტიკი დისციპლინა. მამულუკთა ყოველ შეტაკებაზე ისინი მწყობრად უკან იხევდნენ და მსწრაფლ მოქნეულ ხმლებს აუჩქარებლად, მაგრამ საოცარი ოსტატობით იგერიებდნენ.

— ხასან! — დაუძახა მახმუტ-ბიიმ მის გვერდით მებრძოლს ერთ-ერთს ასისტავს. — ხომ ხედავ, შვილო, რომ ჩვენ წინ ზანგები, ან კორდოფანელები არ არიან! ხომ ხედავ, რა ოსტატურად იგერიებენ ჩვენ შეტევას, როგორ ცოტ-ცოტად გვიტყუებენ თავი-

ანთ მთავარი ძალებისაკენ? აბა, ჩქარა გაიქე ასლან-ალასთან: ათასი კაცით საჩქაროდ ნახიდარისაკენ გავარდეს, გიზეხის ქვემოთ ლერწმომთან ჩასაფრდეს და ელოდეს ჩემს განკარგულებას. მე მახსოვს არა ვყოფილვარ, თუ ფრანგებს მათი ეშმაკობა თავზე არ დაკატეხე.

ხასანმა ცხენი მოაბრუნა, მათრახი შემოჰკრა და გავარდა.

მანმუტ-ბიიმ ჯარს უკან დახევა უბრძანა. დაიხიეს. ახლა კი ფრანგებმა შემოუტყეს. მათი ცხენებაც მიეჩვივნენ მამელუქთა ქრელ ტანისამოსს, იმ ზომამდე არ ფრთხილდნენ, კიშმიშზე აღარ დგებოდნენ. მანმუტმა ჯარს კიდეც უკან დახევა უბრძანა. ფრანგები სქალად მოაწვნენ. მანმუტმა პირი იბრუნა და ჰენებ-ჰენებით უკან დაიხია. ფრანგები დაედევნენ. ორას ნაბიჯამდე გაიბრძინა მანმუტმა და მერე სწრაფად მოტრიალდა და შეუტია. ფრანგები ამას აღარ მოელოდნენ, თავი ველარ შეიმაგრეს და დაიქსაქსნენ. მანმუტმა მედგარი იერიში მიიტანა, ფრანგთა კავალერია გაარღვია, რამდენიმე ასი კაცი დანარჩენ ჯარს მოჰგლიჯა და ნილოსის ნაპირისაკენ გაირეკა. სამხრეთ-აღმოსავლეთით ტრიალი მინდორი მოსჩანდა, მაგრამ ფრანგები იქით გაქცევას მოერიდნენ. ჩრდილო-აღმოსავლეთით ბუჩქნარი და ლერწმომანი იყო. რაღაც მოსაზრებით აქით უფრო ხელსაყრელად მიიჩნიეს ფრანგებმა თავის შეფარება და კიდეც გაქუსლეს ცხენები.

მანმუტ-ბიისაც ეს უნდოდა. სწორედ აქ იყო ჩასაფრებული ასლან-ალა. ასლან-ალა საფარიდან გამოვიდა, ათასი ახალი ჯარისკაცით გაქცეულ ფრანგებს გზა გადაუღობა, უკან კი ფეხდაფეხ მანმუტი მისდევდა.

სწორედ ორ ცეცხლს შუა ჩავარდა ფრანგების რაზმი, მაგრამ არ შედრკა, არ დაიბნა, ორად გაიყო. ერთმა პირი უკან იბრუნა და მანმუტის რაზმს შეუტია, ხოლო მეორე ასლანის რაზმს შეებრძოლა. შეიქმნა საზარელი უთანასწორო ელტა. ფრანგთა მომწყვდეული რაზმი ყოველ წუთობით თხელდებოდა, მაგრამ ისინი მაინც მტკიცედ იდგნენ და თამამად იბრძოდნენ. მანმუტმა ახლა მთელი თავისი ძალა შემოიკრიბა და ფრანგთა მთავარ კავალერიას მიუტყია, რომ მომწყვდეულებთან კვლავ შეერთებისათვის ხელი შეეშალა. თქმა არ უნდა, ნახევარ საათს მაინც თუ გაგრძელდებოდა ასეთი მდგომარეობა, ფრანგთა რაზმი უკანასკნელ ჯარისკაცამდე ბრძოლის ველზე დაწვებოდა. მაგრამ აი იგრაილა ზარბაზნანვა. უშველებელი ყუმბარა მანმუტ-ბიის შორიანლო გასცდა და რამდენიმე მინელუკი იქვე გააგორა.

ტანმოკლე ფაშათ-ფაშას, თურმე, არ ეძინა. მისი არწივისებური თვალები ყველაფერს ხედავდა, მისი გამჭრიახი, არაჩვეულებრივი გონება ყოველგან იყო. კავალერიის ზიანი რომ შეამჩნია, საჩქაროდ ზარბაზნები და ქვეითა ჯარი მიამშველა.

ზედიზედ დაიქუხა ზარბაზანმა და ოციოდ ახალი მსხვერპლი შეიწირა. „რა ყოჩაღად უმიზნებენ ეგ სახედალლები“, — გაიფიქრა მახმუტ-ბიიმ და თავის მხრივაც შეუტია.

მაგრამ, აი, გაისმა ბარაზნის ხმა და მომწყვდეულთა საშველად წამოსული ხიშტიანი თოფებით შეიარაღებული ქვეითი ჯარიც გამოჩნდა.

ახლა კი მამელუკთა რაზმი შეიქმნა მომწყვდეული, სწორედ ის რაზმი, სადაც თვითონ მახმუტ-ბიი იმყოფებოდა.

— ხასან, ეს ქვეითა ჯარი რა ჯურის ხალხია, მწვანე მაუდის, ყვითელ გრეხილშემოვლებული მოკლე ტანისამოსი რომ აცვიათ, წმინდა წყლის ფრანგებს როგორღაც არ გეანან? — დაეკითხა მახმუტ-ბიი თავის ასისტავს.

— ესენი ვენეციელები უნდა იყვნენ. ვითომ მივცეთ გზა და მერე მათ მარჯვენა ფრთას შეეუტიოთ?

— რას ამბობ! ალლაჰმა დაგვიფაროს, ჯერჯერობით, რაც უნდა მოგვივიდეს, უნდა გავმაგრდეთ და მერე ან სიცოცხლე, ან სიკვდილი. ახლა ყოველი ღონე უნდა ვიღონოთ, რომ ქვეითა ჯარე მომწყვდეულ ცხენოსნებს არ შეუერთდეს, თორემ ხომ ტყუილებრად დაიკარგა ჩვენი შრომა. გავუძლოთ როგორმე, მივცეთ ასლან-ალას შეძლება ის რაზმი გაანადგუროს... სახსოვრად მაინც დარჩება... ყოჩაღ, ასლან-ალა! ჩინებულად იბრძვის! მეოთხედი საათი თუ დასცალდა, იმ პირმოპარსულ, ქუღზე ცხენის ძუა გარკობილ ფრანგებს სათითაოდ ამ ველზე გავოსკიშავს. ეს თუ მოხერხდება. მერე ასლან-ალაც ჩვენ შემოგვიერთდება და თავგანწირვა... სიკვდილი... ჩემო ხასან!..

ქვეითა ჯარს აქა-იქ ცხენოსნები მოსლევდნენ. ტანსაცმელზე ეტყობოდათ, რომ ისინი ასისტავები უნდა ყოფილიყვნენ. ერთმა მათგანმა, შუახნის ლამაზმა კაცმა ზურგს უკან გადაკიდებული თოფი საჩქაროდ მოიმარჯვა და მახმუტ-ბიის თვალწინ ერთი მამელუკი მიწაზე უსულოდ გააგორა. თოფი საჩქაროდ ისევ ზურგს უკან გადადიგლო, მარჯვედ ხმალი იშიშვლა, რაღაც დაიყვირა და საიერიშოდ წამოვიდა.

— ახ, გაიურ, არ შეგარჩენ, ეცოდე! — დაიძახა მახმუტ-ბიიმ, მიზანში ეს ასისტავი ამოღო და ჰირდაპირ მისკენ მიიწია.

მანხუტ-ბიის ერთი პატარა მათრახი ჰქონდა. ამ მათრახს ხელიდან არ იშორებდა. მუდამ ხმლის ქარქაშზე ეკიდა. ეს მათრახი ხათუმის თემთა ერთ-ერთმა მთავარმა უფეშქაშა. ტარიწმინდა სპილოს ძვლისა ჰქონდა, ხელმოსაკიდი კი ოქროთი მოქედილი. რასაკვირველია, მანხუტ-ბიი ისეთ ბედაურზე იჯდა, რომ მათრახის დაკვრა არ ესაჯიროებოდა. მათრახს ატარებდა მხოლოდ როგორც სახსოვარს, მეგობრისგან მიძღვნილს. ცხენზე გაქნევე-გამოქნევის დროს. რალაც მიზეზით. ეს მათრახი ქარქაშს მოშორდა და მიწაზე დავარდა. მანხუტმა ამას თვალი შეასწრო და ძლიერ ეწყინა. ჯანდაბას. რაღა დროს მათრახზე დარდიაო, გაუელვა თავში, მაგრამ გულმა ვერ მოუთმინა, საჩქაროდ ჩამოიწია ცხენიდან, მათრახს დააფრინდა, აიღო და ისევ უნაგირს ზედ მოექცა. აღშფოთებული მამელუკები გარს შემოერთყენენ.

— ვაიჲ, მოგკლეს?.. განგემირეს მაგ...— იძახდნენ მამელუკები...

— რა მოხდა? — გულგრილად დაეკითხა მანხუტ-ბიი.

— განა ტყვია არ მოგხვედრია ახლა? — ხმის კანკალით დაეკითხა ხასანი.

— ჯერ არაფერსა ვგრძნობ.

— როგორ? აქვე შენ უნაგირზე მტრის ტყვიამ გაიზუზუნა, შუა გახვრიტა და ჩამოგაგდო, გვეგონა.

— ჰაიტ! — დაიკვივლა მანხუტ-ბიიმ. — ბედი ამასა ჰქვიან! ტყუილად კი არ მიყვარს ჩემი მათრახი! ჯერჯერობით ზომ სიკედლის ამაცდინა... თუკცა სულ ერთია... საბედისწეროა დღევანდელი დღე... მამელუკნო, წინ... მომყევით! — დაიძახა მან და ვენეციელთა რაზმში ხმალამოწვილი შეიჭრა. მოხდა საშინელი ხელჩართული შეტაკება. ორივე მხარე მშვიერი მგლებივით ეძგერნენ ერთმანეთს. ცხენი, ხმალი, ხიშტი, კაცი ერთმანეთში აირია. მანხუტი თავვანწირვით იქნევდა ხმალს მარჯვნივ და მარცხნივ. მისი გამოცდილი ხელი ერთხელაც არ მოცდენილა.

ამ სასიცოცხლო შეტევის დროს მანხუტ-ბიის ისევ ის ვენეციელი ასისთავი მოელანდა. მანხუტმა ღამბაჩას ხელი იტაცა, ვენეციელი მიზანში ამოიღო და მისკენ გაეჭანა. იმანაც შეამჩნია, ცხენი შეაყენა და უკან, თოფისკენ ხელი წაივლო, მაგრამ საჩქაროდ ისევ უშვა, ალბათ გატენილი არ ჰქონდა*, ცხენი მიაბრუნა და გაჰქუსლა. მანხუტ-ბიი გამოუდგა.

* მაშინ კვიანი თოფებით ომობდნენ.

„თოთქოს მეცნობება! სადღაც მიწაბავს ეს კაცი!“ — ფიქრობდა მახმუტი, მაგრამ ვერ მოეგონა, თუ სად ენახა.

— მოითმინე, ყმაწვილო! შენ ბრძანდებოდი, რომ ჩემ თვალწინ ჭარისკაცი მომიკალ, მე მოგიკვდი, თუ საპაგიერო არ გადაგიხადე! — წაიბუტბუტა მახმუტ-ბიომ, დამბაჩა გასინჯა და მარჯვე წანს ეძებდა, რომ ვენეციელი ასისთავი ნიშანში ამოეღო. მაგრამ ამ დროს მის ცხვირწინ ხიშტიანი ჭარისკაცი აიტუზა. ხიშტი აიქნია და მახმუტისათვის ბარძაყში უნდა ეთხლიშა. სხვა რა გზა იყო! მახმუტის უკვე ფეხზე შეყენებული დამბაჩა გავარდა და ჭარისკაცი ჩქვე უსულოდ ჩაიკეცა.

ასისთავმა ეს შენიშნა, საჩქაროდ ცხენი მოაბრუნა, ხმალი იშისვლა და პარდაპირ მახმუტ-ბიისაკენ წამოვიდა. ორთავემ ანთებული თვალებით გაზომეს ერთმანეთი.

— ჰაიტ, გიჟურ! — დაიძახა მახმუტ-ბიომ და, სანამ ვენეციელი ხმალს მოიმარჯვებდა, ელვის სისწრაფით მოქნეული ხმლით მკერდი გატუპო.

— ვაი, ნანა! — გარკვევით წამოიძახა მწარე კენესით, ვენეციელის ხმალი ხელიდან გავარდა და ხის მოჭრილი ტოტივით ნელ-ნელა ცხენიდან ჩამოეშვა. აღისფერი სისხლით შეიღება მისი მწვანე მაუდის კოხტად შექერილი და ყვითელი გრეხილებით მორთული ნოქარგული ტანისამოსი.

XVII

• მახმუტ-ბიი გაფითრდა, მთელი ტანი აუცახცახდა. არც კი ახსოვდა, თუ რამდენი კაცი მოეკლა ბრძოლის ველზე ამ ორმოცი წლის განმავლობაში, ხოცვა-ელეტა ჩვეულებრივ უბრალო მოვლენად გადაეცა, მაგრამ ასეთი სულიერი აღშფოთება ჯერ არ განეცადა.

„ვაი, ნანა!“ ჩასძახოდა მას ყურში რაღაც ხმა და ეს ხმა გულის სიღრმემდე სწვდებოდა და აშფოთებდა. შეიჩყა მთლად მისი არსება. იგი თითქოს უცბად მოსწყდა იმ სინამდვილეს, რაც მის გარშემო ხდებოდა. ირგვლივ თოფების ტყაცატყუცი, ხმლების ჩახაჩუხი, ზარბაზანთა გრიალი დედამიწა აზანზარებდა. მახმუტ-ბიის კი არაფერი არ ესმოდა. ის უძრავად, გარინდებული იჯდა ცხენზე და სულგანაბული, სულთმობრძავ ვენეციელს თვალს ველარ ამოორებდა.

ახლა კი გაახსენდა მახმუტ-ბიის, თუ სად ენახა ასეთი კაცი. ეს თვალეები, ეს ცხვირი, ეს შუბლი... ეს ხომ სალომეა! ეს წვერ-ულვაში, ეს ტუჩები ხომ რეზოსია!.. სწორედ ამნაირად, როგორც ახლა ეს მომაკვდავი, კრეკდა რეზო კბილებს, როცა მას ოსმალები უწყალოდ მათრახს უშენდნენ... „ვაიმე!.. ვითომ ეს მათი შვილია?“ — გაუელვა თავში საშინელმა აზრმა. „შუქილებელი რა არის?.. ღმერთო, რა საშინელებაა!..“ მახმუტ-ბიის გონებაში ელვის სისწრაფით გადაიბინა მისმა განვლილმა ცხოვრებამ, მოჩუხჩუხე, მუდამ ამწვანებული ტეხურის ნაპირიდან, ფართე, უზარმაზარი ნილოსის ნაპირამდე. გაახსენდა ბავშვობა, გაახსენდა სახლ-კარი, დედ-მამა, ძმები, მარკოზ ხუცესი, სალომე, რეზო... ნუთუ ეს ყოველისფერა ცხადი იყო?.. „ცხადია! ცხადია!“ — ეფუჩუნებოდა ყურში რაღაც ხმა. „ღიახ, ცხადია! — სულ ყოველისფერი ცხადია!“ — პასუხს აძლევდა მეორე ხმა. „განა არ გახსოვს, ამ შორეულ ქვეყანაშიაც ბევრჯერ მოგგონებია ისინი! ბევრი ცხარე ცრემლი დაგიღვრია ცხადლივ თუ იღუმალ მათ გახსენებაზე. არ გახსოვს, ერთხელ ვილაცამ, შენსავით მოტაცებულ-გაყიდულმა, ხელით გიჩვენა, თუ საითკენ უნდა ყოფილიყო შენი საყვარელი, ის შენთვის და შენ მისთვის სამუდამოდ ცოცხლადვე დამარხული სამშობლო. შემდეგში ხომ გულდამწვარი და თვალეა-ცრემლებული ბევრჯერ იყურებოდი იქით, გულმოდგინედ ათვალეიერებდი ნილოსის გაღმა გაქიმულ, თვალუწვდენელ ხრიოკ უდაბნოს? თითქო გსურდა, ოღნავ მაინც გაგერჩია იმ უდაბნოს იქით ტყით შემოსილი სერები და მათ შორის შხუილით ჩამომდინარე ანკარა ტეხური. მაგრამ ამაოდ! ხრიოკი, კვლავ ხრიოკი! უდაბნო, კვლავ უდაბნო, ერთფეროვანი და უსიცოცხლო გზვდებოდა თვალეებში! ხომ ბევრჯერ მოგსვლია ჭაბუკობაშიაც ფიქრი. ახ, ნეტავ როგორ ცხოვრობენ იქ, ცოცხალნი არიან თუ არა? სულ ყველანი როგორ დაიხოცებოდნენ... მე ვახსოვართ თუ არა?.. შენ კი ვახსოვდა ყველა, ვახსოვდა... ადამიანი კი არა, რამდენჯერ გაგხსენებია თქვენი ცხარედ მოყეთარი ძალდი ამგერია და რქამოლუნული ვაცი ოჩაგა, რომელიც ყველა თხებს ურქენდა და ექიდებოდა... მაგრამ მიდიოდა დრო, წელიწადი წელიწადს მისდევდა... შენ შეეჩვიე ახალ ცხოვრებას... ბედმა გაგიღიმა... საუცხოვო პირობებში ჩავარდი... არაფერი არ გაკლდა — კარგი გარეგნობა, სიმდიდრე, სახელი, სიამოვნება... ყველანი გაქებდნენ, პატივით გეპყრობოდნენ. ჩაგითრია ცხოვრების ახალმა პირობამ... განვლო ბევრმა დრომ და ამ ხნის განმავლობაში ახალი ცხოვრებთ ტალღის დანალექმა დაჰფარა შენი გული, თუმცა გულის სიღრმეში

ერთი ბეწო რამ მაინც დარჩენილიყო, რაც ვერავითარმა დრომ, ვერავითარმა დანალექმა ვერ დაჰფარა და ვერ გააქვავა. ის „რალაც“ ხანდისხან მოულოდნელად ამოძრავდებოდა, გაგახსენებდა ძველს, დამალულს, დავიწყებულს, საგრძნობლად გიკბენდა და სეფდით მოცულს დაგაფიქრებდა.

„ვაი, ნანა!“ ალბათ ჩურჩულებდა მომაკვდავის ოდნავ მოძრავი ტუჩები. ეს ხომ პირწავარდნილი რეზოა?.. ნუთუ? ღმერთო, რად დამსაჯე ამ ზომამდე! განა ჩემი ბრალია!.. ნამდვილი მაინც ვიცოდე... ვითომ ყურმა მომატყუა? შეუძლებელია! „ვაი, ნანა!..“ — არ ცხრებოდა ხმა.

ვენეციელმა ერთიც გაიწვა-გამოიწია, კბილები დააკრაქუნა და გაშეშდა.

მახმუტ-ბიის თმა აებურძგნა, მთელ ტანში ერუანტელმა დაუარა. თავის გასისხლიანებულ ხმალს თვალი მოავლო, ტარს ხელი მოუჭირა და ნელა გადააბრუნ-გადმოაბრუნა. ბასრი რკინა მზის სხივებზე ელვარებდა; სისხლის ერთი პატარა ნაკადულა ხმლის ყუის ღარს ჩაპყლოდა და ერთ ალაგას შემდგარიყო.

— მახმუტ-ბიი! ალლაჰ! ცოცხალი ხარ? — დაიყვირა ვილაყამ.

მახმუტი გამოერკვა. მის წინ სისხლში ამოსვრილი, ტანისამოს-შემოგლეჯილი მამელუკი იდგა. მისი აქაფებული ცხენი საცოდავად ქშინავდა. ველზე უთავებლოდ ეყარნენ მკვდარი ცხენები, მამელუკები, ფრანგები. ხმაურობა და ტყაცატყუცი პირამიდების მხრიდან ისმოდა. მახმუტმა ახალმოსულს შებედა, იცნო — ეს ათასისთავი ახმეტი იყო, მაგრამ თავისი თავი კი ველარ იცნო. ორმოცი წლის დანალექი მისი გულიდან თითქოს ამ ერთ წამს გადაირეცხა, გასუფთავდა. ის უკვე მამელუკი აღარ იყო.

— მახმუტ-ბიი! — ათრთოლებით განიჰეორა მამელუკმა, — რა ექნა, მოჩვენებაა, თუ სიცხადე? კაცო, ცოცხალი ხარ? აქ ასე გაქვავებული რამ გაგაჩერა? ხედავ, გვძლევენ ფრანგების ასლან-ალას რაზმი განადგურდა. შენი რაზმი სადღაა? ომერ-საიდმა შენს საძებნელად გამოგზავნა, საჩქაროდ გვიზარებს, — მოუთმენლად ამბობდა ათასისთავი.

მახმუტ-ბიი თითქოს დამუნჯდაო, გარინდებული იყურებოდა. ათასისთავს უაზროდ შემოხედა და ბერე ისევ ვენეციელის გაციებულ გვამს დააჩერდა.

მოისმა ცხენების თქარათქური და ათიოდ მამელუკი მოიჭრა. ზოგი მათგანი ათისთავი იყო, ზოგი ათასისთავი.

— მახმუტ... აქა ხარ?.. ეს რა ამბავია? ახმეტ, აქ რას უდგა-

ხარ?... დავილუბეთ! ტანმომცრო ფაშათ-ფაშამ ჩვენი გვარდია გაანადგურა... ომერ-საიდმა გმირულად თავი შესწირა მამელუქთა სახელს! მახმუტ, კაცო, ბიიები შენ გეძებენ, არ იციან რა ქნან, როგორ მოიქცენენ! ფრანგები გარს გვერტყმიან, ყოველ წუთს უბედურობაა მოსალოდნელი! — სხაპასხუბით აყრიდნენ მამელუქები.

მახმუტი სდუმდა. ბიის გონებაში სულ სხვა სახეები, სულ სხვა პირები იხატებოდნენ.

— იქნებ დაკრილია? — შენიშნა ერთმა.

— კაცო, რას გაჩერებულხარ? — მედგრად დაეკითხა ახმეტი. — ვერ გაპიგია, რას დასჩერებიხარ ამ გაიაურის ლეშს! ახლა ნახე? ვენეციელი ასისთავია, ვიღაც ძალი ძალღურად ჩაძალღებულა!

— ვინ არის ვენეციელი? — დაიძახა მახმუტ-ბიიმ და თვალები კაკლის სისხო გაუხდა. მამელუქებმა ერთ-ორი ნაბიჯი უკან დაიხიეს.

— ალლაჰ! ალლაჰ! რა ამბავია, მახმუტ, შენ თავს? — გარცებით წაწოდებდა მამელუქებმა.

— ეს ისეთი ვენეციელია, როგორც მე არაბი! — ხმას აუწია მახმუტ-ბიიმ.

— ალ...ლაჰ! ალლაჰ! წინასწარმეტყველო, შენ დაგვიფარე! ხომ არ შეშლილა ნეტავ? — ჩაილაპარაკა ერთმა.

— შენს წინასწარმეტყველსაც და შენს ალლაჰსაც... სად არის ან ერთი, ან მეორე?! უსამართლობაა ქვეყნის ალლაჰი და ძალმომრეობა მისი წინასწარმეტყველი! — დაიქექა მახმუტ-ბიიმ.

შეშფოთებულმა მამელუქებმა კიდევ უკან დაიხიეს.

— მახ... მუტ?! — შეჰყვირა თავის მხრივ ათასისთავმა ახმეტმა, — ეს რა გვესმის? შენ რჯული დაჰგმე?... მამელუქთა ფიცს უღალატე?!

— თქვენს რჯულსაც და თქვენს ფიცსაც...

— მახ... მუტ?! ეს რა ამბავია... იქნებ ფრანგების მოსყიდულია? შე მოღალატე, შენა! — დაიძახა ერთმა ათასისთავმა ისმაილმა.

— ადვილი შესაძლებელია, — კვერი დაუკრეს სხვებმა.

— არა ჰგავს თუ? ამისი რაზმი დაიქსაქსა, ეს კი სრულებით უვნებელი აქ გამოვიჩულა...

— მაგრამ, გაიურ. არ შეგარჩენ იცოდე! — დაიყვირა ახმეტ ათასისთავმა და ხმაზე ხელი დაიდო.

მახმუტ-ბიი, თითქოს ამას ელოდებოდაო, ცქვიტად შეტრიალ-შემოტრიალდა უნაგირზე.

— არ იკადრო, ყმაწვილო, — მწარე სიცილით წარმოთქვა და

სანამ ახმეტ ხმალს ქარქაშიდან ამოიღებდა, უკვე შიგ კისვრში უთაეაზა ბასრი რკინა.

— ჰა, გიაურ! ჰა, მოლალატე! — წამოიძახეს მამულეებმა და ხმლებზე ხელი მოისვეს.

ერთ ხანს ელავდა მზის სხივებზე სწრაფად მოქნეული ხმლები.

— ვაი, ნანა! — გაისმა მწარე კენესა და სასიკვდილოდ დაჭრილი მანმუტ-ბიი ვენეციელ ასისტავის გვამს ზედ დაეცა.

ზარბაზნების გრიალი და თოფების ტკაცატკუცი ცოტ-ცოტად მიწყდა, სამაგიეროდ ბარაბნის და საყვირის ხმას დასასრული არ უჩანდა.

ფრანგთა ჯარი უზარმაზარ პირამიდის ირგვლივ მოგროვდა და გამარჯვებას დღესასწაულობდა.

საზარელ ბრძოლის ველზე, ურიცხვ გვამთა შორის, ორი ერთმანეთს გადაჰდობილი გვამიც ეგდო, ერთს ძვირფასი არაბული ხალათი ეცვა, მეორეს ვენეციელი გვარდიელის მუნდირი.

ღმერთმა ხომ იცოდა, რომ არც ერთი იყო არაბი და არც მკორე — ვენეციელი.

ორივენი ბედკრული საქართველოს შვილები იყვნენ.





მღვდელი და ღიაკვანე

(ნანყვეტა მივინყებუდი მოთხრობიდან)

I

მკათათვის საღამო იყო. ხშირი ტყით დაბურული ხევის დაკლანილ ბილიკზე მოწითალო ჯორი მითოხარიკობდა. ჯორზე ახალგაზრდა მღვდელი იჯდა. ახლად შეკერილი ანაფორის კალთები წელზე შემოეკრა, ხოლო ზოლებიანი კაბის კალთები კი ძირს დაეშვა, თავზე შავი მაუდის ქუდი ეხურა, ხელში მათრახს ნება-ნებაზე ატრიალებდა და თანაც რაღაც სიმღერას თუ გალობას მილილინებდა.

ახალგაზრდა პირისახე, ახალი ტანისამოსი და შეკრეჭილი თმაწვერი უმტკიცებდა, რომ მოძღვარი ახალი ნაკურთხი უნდა ყოფილიყო. სადმე უცხოეთში ჯორით მიმავალი მღვდელი, შეიძლება, საარაკო რამედ მოჩვენებოდათ, მაგრამ აქ, შუაგულ ოდიშში, ეს ჩვეულებრივი მოვლენა იყო. პირიქით, ადგილობრივ მკვიდრთ ვერც კი წარმოედგინათ, ჯორა უმღვდლოდ და მღვდელი უჯოროდ.

ერთ-ერთ მისასხვევში ბილიკი აღმართ-აღმართ აემართა, ტყე შეთხელდა, მწვანე მინდორი გამოჩნდა, ძაღლის ყუფა მოისმა; ეტყობდა, ამ ადგილას ვიღაც მოსახლეობდა. მართლაც, სამხრეთით, აღმართს ოდნავ დაქანებული ვაკე მოსდევდა, და ამ ვაკეზე თხმელის წნელისაგან დაწნული მაღალი ღობე იყო გაყოლებული. ღობეს შიგნით, უკვე დატარული, მაღალი სიმიინდი იდგა. სიმიინდებ შორის მკვარჯლისაგან გამჟღავნებული ისლის სახურავის კუნჭულიც მოჩანდა.

ძალის ყეფაზე ჯორი შეკრთა, ყურები ცქვიტა და ჩვეულებრივი ჩიუტობით გან-განზე გაიწია.

— ჰო! ერთი შენებურად, არ მოიშალო! — გაუჩაყრდა მხედარი, აღვირს მაგრა მოსწია, ჯორს დეზები შემოკრა, მათრახიც მიაშველა და ისევ სწორ გზაზე დააყენა.

— ნეტავი მომკლას, ყელი გამომჰკრას ვინმემ, — მოისმა ვიღაცას მწარე ჩივილი, — ღობე სამ ალაგას გამოუწგრევიათ მაგ დინგმოსატეხებს. ღმერთო, მომკალი, ჩემი გაპირებული ცოლ-შვილი ამის შემყურე იყო, აღდგომის წითელი კვერცხივით მივეხაროდი: აი ახლა, აი ახლა მოგვასწრებს-მეთქი და შეხედე, რა მიყვეს მაგ შეჩვენებულებმა. ახლა რა მეშველება! რაღად მინდა ერთ აღვილას შევაკეთო, მეორე ალაგას უარესად გამოანგრევენ. რაკი ერთხელ იგემეს ჰყლინტი სიმინდი, უკანასკნელ ტარომდე ამიოხრებენ ეგ ზეაპუს გასაქვევებლები.

ახალგაზრდა მღვდელმა მიიხედა. ღობესთან ქალარა შერეული კაცი იდგა, ფეხშიშველი, ძველთა ძველი, ათას ალაგას დაკონკილ ახალუხით, ერთ ხელში მსხვილი წნელი ეჭირა, მეორეში წალდი და წნელს თავს უსწორებდა. მღვდლის დანახვაზე კაცი ოდნავ შეკრთა და ტანზე მორცხვად დაიხედა.

— გამარჯობა შენი, ძმაო, — გრძნობით უთხრა მღვდელმა.

— ღმერთმა გაგიმარჯოს, ბატონო, — იყო პასუხი.

— ეტყობა ღორებზე ჯავრობ, მეგობარო, ღობე ალბათ ღორებს გამოუწგრევიათ?.. აი მაგათ, — თქვა მღვდელმა და ჯორი შეაჩერა.

— დასწყევლის ჩემი გამჩენი მაგათ სახსენებელს! ღორი, ბატონო, რამდენად სასარგებლოა, ორი იმდენად მავნებელია, როცა კაცი საიმისოდ მოწყობილი არა ხარ. მაგათ მოსამტვრევ დინგს ფოლადის ღობეც ვერ გაუმაგრდება, მაგრამ დღემდე, როგორც იყო, ვდარაჯობდი. ვიცოდი მაგ წუწუკების ხასიათი, რომ ჰყლინტი სიმინდზე სული მისდიოდათ. როგორც თქვენი ბედნიერი თვალით ხედავთ, ბატონო, ასეთი შემოსული სიმინდი ჯერ იშვიათია და მეც ამის იმედით ვიყავი. ხომ მოგეხსენებათ, მარტოხელა, ოჯახის პატრონი კაცის საქმე, მუღამ შიმშილი, მუღამ წყურვილი... და ეს საქმე დღეს არ მომივიდოდა, რომ გუშინ არ მოვეცდინე მაგ ჩემი ცოდვით ავსებულს.

— ვინ გაგაძდინა, მეგობარო? — დაეკითხა მღვდელი.

— ვინ, ბატონო, და, ხომ მოგეხსენებათ, დაბალი ღობე აღვილს გადასახტომია... გუშინწინ კარს მომადგა ჩვენი მამასახლისი. ბარცხენ ღელეზე ბოგირი შესაკეთებელია, პრისტავის მოწერილობა

მაქვს, ვეზ ნაჩალიკი მობრძანდება და უსათუოდ უნდა წახვიდეთ. რა ჩეზზე მოიცალე. მარტოხელაზე, სამნი-ოთხნი არიან, რატომ მათ არ ერეკები-მეთქი, მაგრამ რას გავაწყობდი, ვის შესჩივლებდი, ქომაგი ვინ იყო, ძალა აღმართსა ზნავსო, იტყვიან, დავემორჩილე. წავედი. მთელი გუშინდელი დღე იქ ვიპუშავე, წუხელ შუაღამოსას შინ მოვჩანჩალაკდი, დღეს ალიონზე ისევ იქ გავეშურე, გუშინ ვერ მოვთავეთ მაგ ოხრად დასაჩინი და შინ რომ მოვბრუნდი, აი, რა დამხვდა. ნუ გიკვირთ, ბატონო, რომ ასე ვწუხვარ. წრეულს მარტიდან მოყოლებული ჩემი სიცოცხლე შიგ ჩამიტოვებია, რამდენი ოფლი დამიდვრია! დამშეული ცოლ-შვილით ამას შევეყურებდი.

— გასაკვირი არ არის, მეგობარო, — თანაგრძნობით უთხრა მღვდელმა, — განა არ ვიცი? შე კაი კაცო, მე სტამბოლელი ხომ არა ვარ... სამწუხაროა, ძლიერ სამწუხაროა, მეგობარო, მაგრამ ისიც უნდა მოგახსენო, რომ ეს შენი ღობე ძლიერ დაძველებულია. შარშანდელი გაკეთებული უნდა იყოს და მეორე წელიწადს მურყნის წნელის ღობე ალალი ბეღია, საკვირველიც არაა. ღორის დინგს ველარ გაუძლოს.

— ოჰ! თქვენ პირს შაქარი, ბატონო, — მწარე სიცოლით მიუგო გლეხმა. — ვინ ოხერს არ უნდა, რომ ქვიტყირის გალავანი ჰქონდეს ეზოს ირგვლივ შემოვლებული. არ იკითხავთ, მე ესეც როგორ მოვახერხე? რამდენი შრომა და ჯაფა გავწიე ამ ფუქსავატ მურყნის წნელის შოვნაში? მართალია, ჩემი საცოდავი ქოხის და ეზოს ირგვლივ მშვენიერი მუხის და წიფელის ტყე შრიალებს, მაგრამ მე ერთი ტოტის მოქრა არ შემიძლია. ის სხვისია, ბატონო. მე მხოლოდ ვუყურებ. ეს ეზოც ჩემი საკუთრება რომ იყოს, რალა მიჭირს. ესეც სხვისია. თხუთმეტი წელიწადი იქნება, რაც აქ ხიზნად დავესახლე. ნაბატონარის მოხელემ ოთხი ქცევა მიწა მომიზომა. ერთი კაი ჯაყელა* ფეშქაშად იმას მივეყვანე მაშინ და ყოველ შობა-აღდგომას კიდევ მოსაკითხი მიმაქვს იმასთან. ბატონის სასარგებლოდ მიწის იჭარის ფული კიდევ სულ სხვაა.

მღვდელმა ვერა მიუგო რა. გლეხის გამხმარ, ჩაყვითლებულ და მწუხარე სახეს თვალი ვერ გაუსწორა და განზე მიიხედა. იჭვე ხის ბირას შეამჩნია ორი ბავშვი ქალ-ვაჟი. უმცროსი ვაჟი სამი წლისა იქნებოდა. ტანზე სრულებით არაფერი ეცვა. მზისა და მტვერ-ტალახისაგან კანი თითქმის გაშავებოდა. მკუხზე ხილის ქამით კი მუცელი ძლიერ გამობეროდა. ახლაც ხელში ეჭირა უკვე ჩაკბეჩილი

* ჯაყელა—უმობელი.

ვეებერთელა მსხალი, ალბათ, იქვე მდგომ უშველებელი და ნაყოფით დახუნძლულ ხეხილის მონაწივეტი.

ქალი ექვსი-შვიდი წლისა იქნებოდა. ტანზე ცალი სახელო ჩამოგლეჯოდა, ქუჭყიანი პერანგი ეცვა. ორივენი ახალმოსულს დიდი ცნობისმოყვარეობით ათვალეირებდნენ. მღვდლის მოხედვაზე გოგო შეკრთა და ტიტველი ხელი ხეს მოაფარა.

— ეს ბავშვები შენი იქნება, მეგობარო? — დაეკითხა მღვდელი.

— გახლავთ, ბატონო, მაგრამ გაჭირვებული და დაჩაგრული კაცის არც შვილია სასიამოვნო და არც ცოლი, — ისევ გულმოკლულად მიუგო გლეხმა.

— რათა, ძმავ, საწყალი და დაჩაგრული კაცის ერთადერთი ნუგეში და მისი უფერული ცხოვრების გამამზიარებელი ცოლ-შვილია. გაჭირვებულ კაცს თუ ესეც წავართვით, რაღა დარჩება, — რაც შეიძლებოდა თანაგრძნობით უთხრა მღვდელმა.

— ეჰ! ბატონო, ნათქვამია: რომ ვთქვა, მამა მომიკვდებო, რომ არა ვთქვა, დედა მომიკვდებო, ისეა ჩვენი საქმეც. დღე არ გავა, რომ რამე გადასახადზე არ მომაკითხონ, ფული თუ არ მივეცი, უკანასკნელ ქათამს გამიყიდიან. მეც პირად, როცა საჭირო ვიქნები, როგორც გუშინ და დღეს, უბოდიშოდ სამუშაოზე მერეკებიან. შემბრალებს და მომხმარებს კი არსაიდან ვხედავ. ვლოცულობ ქუდგადაგლეჯილი: ღმერთო, მიშველე, მომხმარე-მეთქი, მაგრამ შველა კი არსაიდან არის. მგონი მაგ დალოცვილსაც დავავიწყდით ჩვენ, საწყალი ხალხი.

მღვდელს გული დაეწვა. უნდოდა რათიმე ენუგეშებინა მასთან მოსაუბრე, მაგრამ უცბად ვერა ეთქვა რა.

— გულს ნუ გაიტეხ, მეგობარო, სულ ერთფერობა არ იქნება, — მიუგო მღვდელმა ცოტა სიჩუმის შემდეგ, — ერთხელაც არის საწყალი კაცისკენაც იზამს პირს მზე, დადგება უკეთესი დროება, მხოლოდ ამ უკეთესი დროების შექმნა ისევ ჩვენგან არის დამოკიდებული. ამისთვის საჭიროა შეგნება, ცოდნა, თანხმობით მოქმედება, ურთიერთდახმარება.

— კარგი დაგემართოს, ბატონო, მაგრამ ჩვენ როგორ უნდა შევქმნათ უკეთესი დროება. მე, მაგალითად, ლატაკ და დამშეულ კაცს რა შემიძლია, თუ ისევ ღმერთი იზამს რასმე თორემ, — მიუგო გლეხმა, წნელი ძირს დაავდო, წალდის ტარი ჯოხივით მოიმარჯვა და ცალი ხელით დაებჯინა.

— ღმერთი იზამს, რა თქმა უნდა, ის მფარველობას გაგვიწევს, დაწყებულ საქმეს წარგვიმართავს, ჰაერს კეთილად შეგვიზავებს,

მისცემს სიუხვეს ჩვენს შრომას, მაგრამ თვით შრომა და გარჯა ჩვენგან არის დამოკიდებული. ხომ გაგიგონია, მეგობარო, ჩვენებური ანდაზა: კაცი იხრჩობოდა და ღმერთო, ღმერთო, ყვიროდაო, — ხელი გააქნიე და მეც მოგეშველებიო, გადმოსძახა თურმე ღმერთმა. შენ ამბობ გაქირვებული ვარო, გეთანხმები. შენისთანა სხვაც ბევრი იქნება ამ თქვენ სოფელში. შეგიძლიათ თუ არა, ვთქვათ, თქვენ, მიუხედავად თქვენი სიღარიბისა, გააკეთოთ რამე, საერთოდ თქვენთვისვე სასარგებლო საქმე? მე სულ უბრალო მან-ლობელ მაგალითს მოგიყვან. თქვენი ბედნიერებით, მე ამ სოფელში პირველად მომიხდა დღეს გავლა. აი აქვე, შენი ეზოს გვერდით გზა აღმართზე ამოდის. ურმის ნაკვალევიც ეტყობა. უეჭველია, ამ გზით ეზიდები შენც და ეზიდება ბევრი შენი მეზობელი ჭირნახულს, შეშას, ფეკილს. წარმომიდგენია, რა ვაი-ვაგლახი სქირდება დატვირთული ურმის აქ ამოყვანას. ვინ იცის, რამდენი ხარ-კამეჩი მოშლილა ტვირთის ამ აღმართზე ამოთრევით, რამდენი ურემი დამტვრეულა, რამდენი დრო დაკარგულა, რამდენი უყვირნია და უსიამოვნო წუთები გამოუტყდია ბევრ შენს მეზობელს და შენც...

— ჰაი, ბატონო, გზა კი არა, ჯოჯოხეთია. შარშანწინ ისეთი კაი ბიჭი მოყვა ურემქვეშ აქა და დაიღუპა, რომ მთელ სოფელში მაგისთანა ყმაწვილი კაცი არ მოიძებნებოდა, — ნაღვლიანად შენიშნა გლეხმა.

— აი, ავაშენოს ღმერთმა, — წახალისდა მღვდელი. — ახლა წარმოიდგინეთ, მოხდა ასეთი საქმე: ერთ მშვენიერ დღეს შეიკრიბეთ ოციოდ მეზობელი, შეიარაღდით ბარ-ნიჩაბ-თონებით, გადათხარეთ ეს ფერდობი და იმდენად დაავაკეთ, რომ ურემს თავისუფლად შეეძლოს ამოსვლა. დამერწმუნე, აქ შეუძლებელი არა არის რა. ბევრი-ბევრი ორი საყენი მიწის აღებაა საჭირო ათი-თხუთმეტ საყენის სიგრძეზე. შენთვის მარტო ეს დიახ ძნელია, მაგრამ ოცი ორმოცი კაცისათვის არც იმდენი სამძიმოა, როცა გული გულობს, როცა საერთო სურვილი და წადილი არის. დიდი-დიდი დაგეკარგებათ ამ საქმისათვის ერთი კვირა. ახლა წარმოვიდგინოთ რამდენი სარგებლობის მოტანა შეუძლია მაშინ ამ გზას თქვენთვის. ახლა ერთი ურემი შეშის ამოტანაში რომ დაბანდდები, იმდენ ხანს ორ ურემს ამოიტან, ამნაირად მოზოგვილ დროს სხვა რამე საქმეს მოახმარ, არც შენ შესწუხდები, არც პირუტყვი გაგიფუჭდება და არც ურემი დაგემტვრევა. უეჭველია, ეს საერთო ძალით გაკეთებული საქმე თვალსაჩინო სარგებლობას დატოვებს ერთობ თქვენს სამეზობლოში. აი, დღევანდელი დღე, როცა აქ სახიფათო ამოსასვლელია,

დროებაა, დროება იქნება მაშინაც, როცა ამ გზას გააკეთებთ და ამ ორ დროებაში უკეთესი იქნება სწორედ მეორე, როცა შეგე-
ძლებათ აღმართზე ურმის ამოყვანა თავისუფლად და უშიშრად.
ხოლო ამ უკეთესი დროების შექმნელი ვინ იქნება? — უეჭველია
თქვენ თითონვე, თქვენი შეგნება, თქვენი ერთმანეთის მიყოლა, სა-
ერთო სასარგებლო საქმის გასაკეთებლად. დამერწმუნე, მეგობარო,
რომ სიღარიბე ამ საქმის გაკეთებას ხელს ვერ შეუშლის და გა-
კეთებელი საქმე კი სიღარიბეს ერთ ჩარევე ძალას მაინც წაართმევს.

— კაი დაგემართოს, ბატონო, კაი ეს იყოს, — იმედიანად წარ-
მოთქვა გლეხმა და მღვდელს დააკვირდა.

— ეს ერთი უბრალო მაგალითი მოგიყვანე, მეგობარო, თორემ
სხვა რამდენი ათი და ასი სასარგებლო საქმე გაკეთდება თანხმო-
ბით და ერთმანეთის მიყოლით. მაგრამ უკაცრავად, მეგობარო, ლა-
პარაკში გავერთეთ და გაგაცდინე. შეაკეთე, ძმაო, შეაკეთე შენი
ღობე. მე კი ერთი გამაგებინე, გზას ხომ არ გადავსციდი. ფერდო-
ბანში მივდივარ.

— ეს გზა პირდაპირ მიგიყვანთ, ბატონო, — მხიარულად მიუგო
გლეხმა, — მხოლოდ, ბატონო, ამ ბეგს რომ გასცილდებით, ბრუნვე
მუხასთან, გზა ორად იყოფა; აუხვიეთ მარცხნივ, ივლით სულ
ქვიტკირის დუქნამდე, იქ დაღმართისკენ მიმავალ გზას დაჰყვებით
და ჩახვალთ პირდაპირ ფერდობანში.

— გამადლობთ, ღმერთმა გაკურთხოს. ეს კი თქვენ, პატარებო, —
აღერსიანად წარმოთქვა მღვდელმა. ჭიბიდან თეთრი ორუხალთუ-
ნიანი ამოიღო და ბავშვებს გაუწოდა.

ბავშვებმა ერთი გაოცებით შემოხედეს, მაგრამ ადგილიდან არ
დაიძვრნენ. ვაჟმა თავი ძირს დაღუნა და ფრჩხილით აწყალეებულ
მსხალს ფხაჭნა დაუწყო, ქალმა კი თავიც ხეს მოაფარა.

— მოდი, მოდი, გოგონა, ნუ გრცხვენია, გამომართვი, — გაიმეო-
რა მღვდელმა, მაგრამ გოგო სულ მთლად ხეს მოეფარა.

— ნუ სწუხდებით, ბატონო, — მორცხვად შენიშნა გლეხმა და
წინელის თავ წასათლელად წალდი მოიმარჯვა.

— რახან ასეა, პა, თქვენ თვითონ აიღეთ, — თქვა მღვდელმა,
ფული მდელიოზე დააგდო, ჯორს დეზი ჰკრა და თავის გზას გაუდგა.

მის ყურამდე კარგა ხანს მოისმოდა ბავშვების ალტაცებული
ვივილ-ხივილი.

II

მღვდელი ალექსი ნოზაძე ჯერ ერთი თვეც არ იყო, რაც ეკურთხა; სწავლაც იმ წელს გაათავა, ოცდასამი წლისა ძლივს იქნებოდა.

არასასურველ პირობებში აღიზარდა მღვდელი ნოზაძე. ადრევე დაობლდა. საკმელ-სასმელი და ტანისამოსი მუდამ აკლდა, მაგრამ რის ვაი-ვაგლახით საშუალო სასწავლებლის კარამდე მაინც მიაღწია. აქ ერთი მხრივ ბედმა გაუღიმა. როგორც ობოლი, საერთო ხარჯზე მიიღეს. მუდამ თვლებიან ქალამნებს ჩვეულს, წაღები ჩააცვეს, ლუკმაპურის სამყოფად მონატრულს, ყოველდღე ორ-ორთავ საკმლის ძლევა დაუწყეს. მაგრამ, მეორე მხრივ, ზნეობრივად დიდ სატანჯველში ჩავარდა უმაწვილი კაცი. სასწავლებლის ბატონ-პატრონნი ყოველ ნაბიჯზე, დილა-სალამოთი, ალაგ-უალაგოთ, შინთუ გარეთ, სულ მუდამ გაიძახოდნენ, კეთილზნეობაზე, სვინილისზე, სარწმუნოებაზე, პატიოსნებაზე, ხოლო საქმე მადი სულ წინააღმდეგის ცხადმოყოფელი იყო. ისინი ძლიერ ნაკლებ ფიქრობდნენ მოზარდთა გონებრივ განვითარებაზე, ჰემმარიტს და ცხოვრებაში გამოსადეგ ცოდნას მათ ნაკლებად აწვდიდნენ, ხოლო გამოუსადეგარს. გონების დამაბნელებელს და საერთოდ სწავლისადმი გულის ამცრუებელს ჩენჩივით აყრიდნენ, ამას ზედ ერთოდა ერთი ცუდი გარემოება, ვგონებ ყველაზე უფრო მავნებელი და აუტანელი: აღმზარდელთა და მოსწავლეთა შორის არ სუფევდა არავითარი სულიერი კავშირი. მათ არ აერთებდა ენა, ზნე-ჩვეულება, წარსულის მოგონება, აწმყოს შეწონ-შეფასება და მომავლის იმედი.

მიუხედავად ასეთი სამწუხარო პირობებისა, ნოზაძე სრულებით არ გაფუჟდა. ცოდნა თუმცა ძლიერ მცირე შეიძინა, მაგრამ ლტოლვა მის შეძენისადმი და რაღაც საქმიანობისადმი არ ჩაუქრა. სასწავლებელმა არა თუ არ გარდაქმნა-გადაავარა, რასაც ასეთი მეცადინეობით ელტვოდნენ მისი ბატონ-პატრონნი, პირიქით, ნოზაძე უფრო განმტკიცდა, მის გულში გაღვივდა, დროთა ვითარების გამო დაჩაგრულ მოძმეთა სიყვარულის ნაპერწკალი და გადაწყვიტათვისი მცირე ძალ-ღონე მათ სასარგებლოდ შეეწირა.

ნოზაძე პატარაობითვე კარგად იცნობდა გლეხს, მის ჰირ-ვარამს, მის უმეცრებას, მის ყოველმხრივ დაჩაგვრას, მის ცრუმორწმუნეობას. ყმაწვილ კაცს სწამდა, რომ გულწრფელი ხელმძღვანელის.

მეოხებით შესაძლებელია სოფელშიაც შევიდეს შეგნება, გაიფანტოს უმეცრება და ხალხი წარმატების გზას დაადგეს.

სულით და გულით მოწადინებული იყო ახალგაზრდა კაცი, შეძლებისდაგვარად შეზმოდა სოფელში გამეფებულ უმეცრებას და თავის შრომით და მეცადინეობით იქ ცოტაოდენი ნათელი შუქი შეეტანა. ყმაწვილი კაცი აღტაცებული იყო ხალხის სამსახურით და მოუთმენლად მოელოდა იმ წამს, როცა შეძლება მიეცემოდა ხალხის ხელმძღვანელ-დამრიგებელი გამხდარიყო. არსებულ პირობებში ამ განზრახვის სისრულეში მოსაყვან საშუალებად მღვდელობა მიაჩნდა და ამიტომ სასწავლებლის გათავებისთანავე შეუდგა მზადებას და გავიდა რამდენიმე თვე და კიდევ მღვდელი გახდა.

აი, დღეს პირველად მიდიოდა ის თავის სამრევლო ფერდობანში და უახლოვდებოდა რა მომავალ სამოქმედო ასპარეზს, რალაც სასიამოვნო, ჯერ მის მიერ გამოუცდელ აღელვებას განიცდიდა.

ნატვრა უსრულდებოდა. დგებოდა დრო, როცა ოცნებიდან სინამდვილეში გადადიოდა. ახლა ის უკვე მოძღვარია, — ნდობა-უფლებით შემოსილი. შეუძლია დაარიგოს, ასწავლოს, შეასმინოს, უსაყვედუროს არა გულფიცხობით და ამპარტავნობით, არამედ სიყვარულით, თანაგრძნობით და გულწრფელობით.

პატარაობითვე სწამდა მას ყოვლად შემძლებელი ძალა სიყვარულისა და ამ ძალით აღტურვილი ის სასოებდა, რომ უეჭველად დაასხამდა ვენახს, შემოზღუდავდა ყანას, აღუზრდიდა უფალს სულიერ ცხოვრებას. დღეიდან ალექსი ნოზაძის ცხოვრებაში ახალი ხანა იწყებოდა და ამ ძველისა და ახლის შეყრა-გაყრის წამს თავისთავად აგონდებოდა განვლილი დრო და მომავალზე ოცნებობდა.

განვლილ ხანაში სასიამოვნო ბევრი არა ახსოვდა რა. უკვე ცხოვრებაში გამოსულია, უკვე მღვდელია. აი, ამ დღეებში წარუდგება თავის მრევლს, სწირავს მათ წინაშე. ბევრი ხანია ოცნებობს ამ დღეზე. ოცნებობს იმაზედაც, თუ როგორ იტყვის მრევლის წინაშე მისასალმებელ სიტყვას. სრულებით არ ეცდება რამე მჭევრმეტყველობა გამოიჩინოს, სიტყვების რახარუხი აადინოს და ამით ვისმე თავი მოაწონოს. არც რვეულს დაიქერს ხელში, აქრელებულს სხვადასხვა მქადაგებელთა ამონაწერებით. არა, სულ სხვანაირად მოიქცევა. აიღებს სახარებას ტრაპეზიდან, მიუბრუნდება ხალხს, გაშლის წიგნს და წაუკითხავს. წაუკითხავს მარტივად, ბუნებრივად, არა კეთილხმოვანებისათვის, არამედ ადვილი გაგებისათვის. მას სურს ცოცხალი სიტყვა. ცოცხალ ხალხს ცოცხლად ამცნოს. მხოლოდ შიგა და შიგ აუხსნის გაუგებარ ადგილებს. ეტყვის,

რომ სიყვარული, ურთიერთპატივისცემა, დათმობა, მოთმინება არის ქვეყნთხედი, რაზედაც დამყარებულია ქრისტეს მოძღვრება. ამ სიყვარულით აღჭურვილი წარსდგა იგი მათ წინაშე. შეევედრება, ფიცით ეტყვის, შეიგნონ, შეითვისონ და გულში დაიმარხონ ეს სიწმინდე. და ისინი, უბრალო სოფლები, უეჭველია მიხვდებიან მის გულწრფელობას, შეისმენენ. ხალხი უსათუოდ გაარჩევს ხელოვნურად შეთხზულ-შეკონკილ სიტყვას გულის სიღრმიდან თავისთავად ამოხეთქილ სიტყვებისაგან. ისინი, თქმა არ უნდა, მოვლენ მასთან, მოძღვართან ცხოველი სიტყვის მოსასმენად. და თუ ერთხელ მოიჩვია ხალხი, თუ პირველ დღიდანვე გაიდო მის და ხალხს შორის სიყვარულის და ნდობის ხიდი, საქმე სამუდამოდ მოგებულა. მაშინ შეძლება მიეცემა სისრულეში მოიყვანოს, ჩამოაყალიბოს ბევრი რამ ხალხის საკეთილდღეოდ განზრახულ-მოფიქრებულად.

„ჩვენი ხალხი არ არის, როგორც ზოგს ჰგონია, ხებრე, შეუსმენელი, გაუტანელი, შეუგნებელი,—ოცნებობდა ახალგაზრდა მღვდელი,— მცირე გამოწაკლისი სათვალავში მისაღები არაა; უმრავლესობა უეჭველია გაარჩევს ავს კარგისაგან, ტყუილს სიმართლისაგან, სასარგებლოს უსარგებლოსაგან, თუ დაინახა გულწრფელი ხელმძღვანელი. დაუჯერებელია, გვერდით არ ამოუდგეს, უკან არ გაყვეს. აი ეს გლეხი, ამას წინათ რომ ველაპარაკებოდი, კაცი სიღარიბით და უსამართლობით წელმოწყვეტილი, თითქმის სასოწარკვეთილებაში ჩავარდნილა. რაღაც ორი-სამი სიტყვა ვუთხარი გულწრფელი და კაცი გამოცოცხლდა, სულ სხვა ფერი გადაედო, მის მიმქრალ და დაღონებულ თვალებში რაღაც სასოების ნაპერწკალმა იელვა. წარმომიღგენია, რამდენი მაგისტანა დაჩაგრული და ბედის მომდღურავი იქნება ჩემს სამრევლოში და თუ შეეძელი მაგათი დაახლოვება, მოვინადირე მაგათი გული, მომყვენ და დამიჯერეს, ვეცდები შრომა გავწიო და მათ ცხოვრებაში რამე ახალი სასარგებლო ცვლილება შევიტანო. რა კარგი იქნება! რა დაუფასებელი ჯილდო იქნება ჩემთვის, თუ მართლა ასე მოხდა“, — გასაგონად წარმოთქვა მღვდელმა, რაღაც სასიამოვნო გრძნობამ მთელ ტანში დაუარა, შეავგვრემანი თვალები აუციალდა, უნაგირზე გაიწ-გამოიწია, მათრახი ჰაერში მძლავრად გააქნია და ჯორს, დეზი მაგრა შემოჰკრა.

მხედრის ამ მოულოდნელმა საქციელმა საბრალო ჯორი ძლიერ გააკვირვა. თქმა არ უნდა, თავის მხრივ ჯორიც ოცნებობდა, მაგრამ მისი ოცნების საგანი სულ სხვა იყო, მას სულ სხვა ქირ-ვარამი-

აწუხებდა. „ნეტავ როდის მოელება ბოლო ამ დაუსრულებელ აღმართ-დაღმართზე ჩაქჩაქს,—ფიქრობდა ჯორი,—ერთი მივიდეთ და, სადაც მისასვლელია ერთი დროებით მაინც მომშორდეს ეს საძაგელი კეხი, ეს ბრტყელი მოსართავეები, ეს დაუსრულებელი დეზის ჩხვლეტა და მათრახის ტლაშუნი. ერთი გამიშვან თავისუფლად მინდორში! რა სიამოვნებით გავგორდები მწვანე მინდორზე, რა მზიარულად დავიყოფინებ! ეხ! მაგნაირ ცხოვრებასაც რა ვუთხრა! რაც ჩემი თავი მახსოვს, ერთი დღეც არ გამომიცდია, რომ დილიდან საღამომდე ჩემ ნებაზე მინდორში მენავარდოს. მუდამ უნაგირი, მუდამ მათრახი, მუდამ დეზი“. ჯორსაც თავის სიცოცხლეში ბევრი მწუხარება გამოეწვლო ბევრი სხვადასხვა მღვდლების ხელში ეწია მძიმე ჯაფა, მაგრამ ყველაზე უფრო ერთი გრძელ-თეთრწვერა მღვდელი აგონდებოდა. მის ხელში ხომ კეხი და უნაგირი მის ზურგს დღედაღამ არ შორდებოდა. სოფელში თუ ქალაქში იმ სიმძიმე კაცს ატარებდა, წელიწადში სამჯერ მისი შვილები სასწავლებელში მიჰყავდა და მოჰყავდა, კვირაში ერთხელ მაინც ორ ვეებერთელა ტომარა სიძინდს წისქვილზე ეზიდებოდა. მერე ის წუწუკი, მღვდლის მოჯამაგირეც არ იწობდა. არც მას ეყარა ხეირი, მასაც ჯორზე ნაკლები ჯაფა არ ჰქონდა, მაგრამ მაგ უსინიღისოს საკუთარი გამოცდილებით უნდა ცოდნოდა, თუ რა არის აუტანელი შრომა და თავის მხრივ მაინც ჯორისთვის შეღავათი მიეცა.—„აბა, ივაკია, გაეჩქარე წისქვილში,—გადასძახებდა გრძელწვერა მღვდელი მოჯამაგირეს, — დროით დაბრუნდი, ბლალოჩინთან უნდა გაგგზავნო. მერე შეშა უნდა მოიტანო, მერე წყალი უნდა მოზიდო, ძროხა მოწველო, ვახშამი გააკეთო, გესმის, ემაგრე, ჯორს წინ გაუძებო, ზედ იუ შეჯდები, ბარემ რვა ფუთ სიძინდს მიათრევს“.

— კი, ბატონო, — ცქვიტად მოსძახებდა ივაკია მოჯამაგირე, მაგრამ გასცილდებოდა თუ არა მღვდლის ეზოს და საყდრის ქვემოთ ტყეში თავს შეაფარებდა, ისკუპებდა და მოურიდებლად ტომარებზე არხეინად გადაჯდებოდა. მიათრევდა საბრალო ჯორი ტომარებსაც და მოჯამაგირესაც, ზურგი ეწოდა, მუხლი ეკეცებოდა, ოფლში იწურებოდა, მაგრამ რა ექნა, ვის შესჩივლებდა, იცოდა, რომ პირუტყვი იყო და არას ამბობდა. მღვდელს ალექსის ხელში თუმცა ბევრი ხანი არ იყო, მაგრამ ცოტათი მოისვენა. მღვდელს მათრახ-დეზის მწვავედ ხმარება არ უყვარდა და ამ უმიზეზოდ და მოულოდნელად შეთავაზებულმა დეზმა საბრალო ჯორი, ცოტა არ იყოს, შეაშფოთა, თუმცა დაქანცული იყო, ძალა მოიკრიფა, კული გააქან-გამოაქანია და მარჯვედ გათოხარიკდა.

მზე უკვე ჩასულიყო, როცა მღვდელი ნოზაძე სოფელ ფერდობანში შევიდა.

III

ფერდობანში მღვდლისთვის საეკლესიო სახლი არ იყო. ნაცნობ-მეგობრები მღვდელ ალექსი ნოზაძეს არავინ ჰყავდა. დღეს პირველად იყო ამ სოფელში და ამიტომ გადაწყვიტა, ჩამომხტარიყო დიაკვანთან, დათა ხარაშვილთან.

დიაკვანი დათა ხარაშვილი, ანუ როგორც სოფლელები ეძახდნენ „დათაია დიაკონი“, ადგილობრივი მკვიდრი იყო. დათაია დიაკვანს ჰქონდა ოციოდ ქცევა მიწა, ზოგი მის მიერ კეთილშეძენილი, ზოგიც შხამომავლობით გადმოსული, ედგა სოფლის პირობაზე გვარიან კარგი ოთხი თვალი ოდა; ჰყავდა ხარ-ფური, ცხენ-ჯორი, თვითონ იყო გამრჩელი, შრომისმოყვარე, თამამი და ენიანი, ასე რომ, სოფელში ჰკუთის საკითხ და გამოცდილ კაცად ითვლებოდა.

დათაია დიაკვანი ქვრივი იყო. ორი ვაჟი სასულიერო სასწავლებელში ეზრდებოდა. შინ ოჯახის მეთვალყურედ და დიასახლისად ჰყავდა დედა, თუმცა მოხუცი, მაგრამ ჭერ კიდევ ჯანსაღი და იშვიათი გამრჩელი ადამიანი.

ახალ მღვდელს დათაია დიაკვანი დიდი აღტაცებით მიეგება. ჯორიდან მოწიწებით ჩამოიყვანა, სახლში მიიწვია, ჯორს უნაგირი მოხსნა და საბალახოდ გაუშვა, ვახშმის თავდარიგი დაიჭირა, ერთი სიტყვით დაფაცურდა.

— დიდად მოხარული ვარ, მამაო, თქვენი მოსვლისა, დიდათაც გმადლობთ, რომ პირველად, აქ, ჩემთან ინებეთ ჩამოხტომა, — მხიარულად უთხრა დათაია დიაკვანმა, როცა ყველაფერი მოაწესრიგა და ვახშმის მოლოდინში სტუმრის შესაქცევად ოთახში შემოვიდა.

— მეც დიდად სასიამოვნოდ მიჩება თქვენი გაცნობა, — მხიარულადვე მიუგო მღვდელმა, — ღმერთმა კეთილჰყოს ჩვენი თანამსახურების დაწყება, სიმშვიდით და სიმართლით, თანხმობით და ერთსულოვნებით შეგვაძლებინოს უფალმა საზოგადო სამსახური, სადიდებლად ღვთისა და სასარგებლოდ მოყვასთა ჩვენთა.

— გმადლობ, მამაო, თქვენი მობრძანების ერთობ მოხარული ვარ, — განიმეორა დიაკვანმა, — მამიჩემის სულს გეფიცები, ეს ორი დღეა თვალი სულ შარაგზისკენ მექირა. ვიცოდი, რომ ჩამობრძანდებოდით. გუშინწინ სატირალში გახლდით, აქ ერთი აზნაურიშვილი გარდაიცვალა, ღეჯანოზიც ბრძანდებოდა და მიბრძანა:

ზეალ ან ზეგ მამა ალექსი უსათუოდ მობრძანდებაო, მართლაც ასე გამოვიდა.

— უკაცრაოდ კი ვარ, დათაია, მაგრამ აქ ჯერ ნაცნობი არავინა მყავს, — მოიბოდიშა მღვდელმა.

— შენ მტერს ღმერთი გაუწყრა, აბა, რა ბრძანებაა, — ითაკილა დიაკვანმა, — ბატონო, ტრაპიზონში ხომ არა ვართ. აბა ვისთან უნდა მისულიყავით, თუ არა ჩემთან. სხვა რა შემიძლია მე საწყალს, თორემ წვიმისაგან კი დაგიფარავთ, მგონია. ამ ჩემს ქოხში, მამაო, ისე იგულეთ თავი, როგორც საკუთარ სახლში. ანათორა ვაიხადეთ, მამაო, ნამგზავრევი ბრძანდებით, წამოწეკით.

მღვდელმა ანათორა ვაიხადა, დათაიამ ბალიშ-მუთაქა მიართვა და ალექსი ტახტზე ნება-ნება წამოწვა.

— კაი სოფელი ყოფილა ფერდობანი, ძლიერ მომეწონა. ბუნება ერთობ მდიდარია, ხალხიც მკვიდროდაა ქუჩა-ქუჩა დასახლებული, რაც ჩვენ ქვეყანაში, ამ ოდიშში მაინც, იშვიათია, — თქვა მღვდელმა.

— კარგი სოფელია, ძლიერ კარგი სოფელია, სწორედ არა უშავს რა, — ხმის თანდათან აწევით მიუგო დიაკვანმა, — თუ აქ ერთხელ მაგრა ფეხი მოიკიდეთ, მერწმუნეთ, არ ინალვლებთ. უკეთესი მრევლი ახლომანლო არ მოიძებნება. ორასი კომლი, ბატონო, აი თუგინდ, აღსარების მთქმელთა სია გასინჯეთ, წმინდა ბინადარი მცხოვრებია, ორი-სამი თუ ურევია აზნაური, თორემ დანარჩენი ყველა მედრამეა. ეს კარგი. ახლა ხაზინიდან ჯამაგირი სამასი მანეთი; მიუმატეთ სხვადასხვა შემოსავალი, რა თქმა უნდა... თუ გაისარჯეთ და მარჯვით მოიქეცით, მერწმუნეთ. რომ სასინანულოდ არ დაგრჩეთ ჩვენი სოფლის არჩევა.

— ღმერთმა ქნას. ჩემი მხრივ ვეცდები, რაც შემიძლია შრომა და ჯაფა არ დაეზოგო, რომ საზოგადოებას პირნათლად ვემსახურო. ცხოვრებაში, მართალია, ჯერ გამოუცდელი ვარ, მაგრამ ღმერთი მოწყალეა, თანდათან მივეჩვევი...

— მიეჩვევით, მამაო, მი...ე...ჩვევით, — გააგრძელა დათაია დიაკვანმა, — ნათქვამია, ბატონო, თევზს თავიდან დაიჭერენო. ყველაფერ საქმეში ასეა. ყველაფერი საქმე თავიდან უნდა დაიჭირო. ამასთან ხერხი უნდა ყველაფერს, ყოველ საქმეს ხერხი ესაჭიროება. თქვენ, მამაო, მართალია, ნასწავლი კაცი ბრძანდებით, მე კი... ჰა! სადღაც ნამარნევის მონასტერში ერთი ორი ალილუისთვის მომიკრავს ყური, მაგრამ გამოცდილებით, აკი თქვენც მეთანხმებით... ოცდახუთი წელიწადი გავიდა, რაც აქ პრიიტნიკად ვარ და რაღა გასაკვირველია, რომ აქაური ამბები მამაო ჩვენოსავით ვიცოდე.

თქვენი მაკურთხებლის წმინდა მარჯვენას გეფიცები, რომ ჩემისთანა სიძარტლეს აქ არავინ გეტყვის. არც გასაკვირველია! ჩვენ ორივენი ერთ საქმეს ვემსახურებით... ჩვენი ინტერესები, ბატონო, ა...ასეა,— დიაკვანმა ორივე სალოკი თითი მოკაკვა და ერთმანეთს გადააბა,— შე აქ, მამაო, თვით სატანა რომ ამოიყვანოთ ქვესკნელ-ჯოჯოხეთიდან, ის ვერ გამაცურებს... ოცდახუთი წელიწადი ოცდახუთი დღე არ არის... განსვენებულის თქვენი წინა მოადგილის მამა იოანეს მამის პატიოსანი მღვდლის გაიოზის დროსაც მიმსახურნია. ამიტომაც მოგახსენებთ, რომ ამთავითვე თუ საქმე მტკიცედ და მაგრა დაიჭირეთ, ამთავითვე თუ ხერხიანად შეაყოლოთ საქმე, შემდეგ ცხოვრება წავა და წავა; არც ჩვენ ვიზარალებთ და ხალხშიც არეველარევა არ შევა.

ახალგაზრდა მღვდელს დიაკვანის ასეთი გრძელი წინასიტყვაობა, მაშინათვე ანგარიშებზე ლაპარაკის ჩამოგდება და რალაც უკვე არსებული წესრიგის დაცვა, რაც ჭერჭერობით ქარაგმებით იყო წარმოთქმული, ცოტა არ იყოს, არ მოეწონა და შეეცადა ლაპარაკი სხვა საგანზე გადაეტანა.

— რასაკვირველია, რასაკვირველია, ყველაფერს მივეჩვევით, — ანგარიშშიუცემლად მიუგო მღვდელმა, — მითხარ, გეთაყვა. დათა, ეკლესია ამ შენი სახლიდან შორს არის, თუ არა?

— არა, მამაო, აგერ არის, ნახევარი ვერსი არ იქნება.

— ძლიერ კარგი. სხვა, თვით შენობა როგორია?

— ხის შენობის პირობაზე ერთ დროს გვარიანი იყო, მაგრამ ახლა დაძველებულია. ხის შენობა, რაც გინდა იყოს, საშვილიშვილოდ ვერ გამოდგება. საძირკველი გული მუხა ჰქონდა, მაგრამ დროთა განმავლობაში მაინც დალბა და შიგნით გამოფულუროვდა. ისეთი ვირთაგვები დარბიან შიგ, რომ გოჭები გეგონებთ, ხანდახან, თითქო აქ არაფერიცაო უსირცხვილოდ შიგ საყდარშიაც დაბტუნავენ მაგ წყეულები. ერთხელ, ერთი უშველებელი ვირთაგვა განსვენებულს მამა იოანეს შიგ საკურთხეველშიაც შეუფარდა... აბა გასაწყვეტი აი ამ სიგრძე კუდს მიათრევედა, თითქო მოქსოვილი მათრახნიაო.

— არასასიამოვნო მოვლენაა. — დინჯად შენიშნა მღვდელმა.

— ოღონდაც რომ სასიამოვნო არაა, მაგრამ რას გააწყობ... რამდენჯერ გამოუცხადეს, ბატონო, მრევლს. ორჯერ, სამჯერ ჩვენმა პრისტავმა ბესარიონ ქველიძემაც შეკრიბა მრევლი... კაი დაგემართოს, კაი ბიჭი ის იყო. ახლანან სრული პრისტავობა მიიღო. ერთი ბეწო ბიჭი მინახავს, დახეული ჩუსტებით დადიოდა... ახლა ოქროს

აპილატებით აქვს მხრები გაბრწყინებული. ბევრი უქადაგა, ღვთის წინაშე, საზოგადოებას ახალი ეკლესიის აშენებაზე, მაგრამ ჭერჭერობით ვერა შეასმინა რა. ზოგი იძახდა: ისევ ეს შევაკეთეთო, ზოგი, — ახლის აშენება იჯარით გადავცეთო. ზოგი, — რა მესაყდარ-მეეკლესიება, სახლში წვიმა ჩამოვდის, ისლით ვერ გადამიხურავსო. მოდი და ასეთ კორიანტელში გაართე თავი... მე, მამაო, ამას წინათ იმიტომაც მოგახსენეთ, ხერხია ამთავითვე საქირო-შეთქი. სოფელი თავისთავად კარგია, ე. ი. ღარიბი არაა, მაგრამ რომ რიგიანად ისარგებლო, მაგრა უნდა გეჭიროს სადავე, თუ ერთი მოუშვი, შენი მტერი...

— ახალი ეკლესიის აშენება მართლაც და სახუმარო საქმე არაა, — შენიშნა მღვდელმა. — მარტო გამოცხადებით, თუნდ სრული პრისტავმაც გამოაცხადოს, არა გაკეთდება რა. ამისათვის ბევრი შრომაა საქირო. თავი და თავი კი ნიღაგი უნდა იყოს ამისთვის მომზადებული თვით ხალხში. თვით ხალხი უნდა გრძნობდეს ეკლესიის საქიროებას, მაშინ ყოველნაირი დაბრკოლება ადვილი დასაძლეველია...

— ე... ეხ! ბატონო, ჩვენ ხალხთან, — სიტყვა მოუჭრა დათაია დიაკვანმა. — ჩვენ ხალხთან კიდევ მუშტით და ტყვიით თუ გაიტან რასმე, თორემ სხვაფრივ ვერას გააწყობ. შენი მაკურთხებელის მარჯვენა არ გამიწყრეს იმის მეტი, ჩვენმა ხალხმა ნებაყოფლობით და თავისი გულკეთილობით ახალი საყდარი არ აგვიშენოს. მაგრამ ამას ჩვენ თავი დავანებოთ... სხვა უბრალო საქმეშიაც მათთან სიმაგრეა საქირო. ერთხელ თუ მოუშჩატე, ერთხელ თუ მოურბილე, იცოდე, მამაო, წახდა საქმე! აკი ამიტომ მინდოდა თქვენთვის მომეხსენებინა... განსვენებული ივანე მღვდელი, ღმერთმა სასუფეველი დაუმკვიდროს, და... იშვიათი კაცი იყო სწორედ. კაცი კი არა, მამალი მგელი იყო სულ განათლებული. სოფლელების ხერხი იცოდა, ანი და ბანივით იცოდა, მაგრამ იმასაც კბილით ეჭირა მრევლი. ახალგაზრდა მღვდელმა დიაკვანს გაოცებით შემოხედა.

— აბა როგორ გგონიათ, მამაო, — გააგრძელა დიაკვანმა. — მაშ როგორ გინდათ იცხოვროთ ამ ქვეყანაზე! ქვა უნდა იყოს, ჩემო ბაბაია, სალი კლდე უნდა გახდეთ მიუდგომელი, ფოლადი უნდა გახდეთ გალესილი, რომ ცხოვრებაში თავი რიგიანად გაიტანოთ, თორემ, მერწმუნეთ, თუ ერთხელ დაგიბრვიყვეს, თავზე წამოგაჭდებიან, და თუ წამოგაჭდნენ, გასაქანს არ მოგცემენ. ეს იმიტომ მოგახსენეთ, რომ განსვენებული თავის თავს დასაძლევად არავის არ აძლევდა. წინდაწინვე გამოზომილი ჰქონდა, ვისთან როგორ მოქცე-

ულიყო! დაიწყო სამსახური თუ არა, მაშინათვე ერთ გარკვეულ გზას დაადგა და მთელი ოცდაორი წელიწადი არ გადაუხვევია. ცხვირით მიწას ახვნევენებდა, ვინც გინდა ყოფილიყო, და თავის მართებულს უქანასკნელ მარჩილამდე გადაახდევინებდა. ღარიბი, საწყალი და მაგისთანები იმან არ იცოდა. ამ მხრივ მართლაც და ყოჩაღი იყო განსვენებული. სხვაფრივ არ შეიძლება, მამაო! ხალხი? თუ ხალხს ყური უგდე, ავა...ვანა, წასულია ჩვენი საქმე! ხალხი დიდი ქვეშევეშა რამ არის, სულ მუდამ სიღარიბეზე და გაჭირვებაზე ბუზღუნებს, სულ მუდამ ტირის და გაიხედავ: ამან კაი ცხენი იყიდა, იმან კაი უნაგირი გააკეთებინა, აგერ ამან კაი ხმალ-ხანჯალი მოაჭედინა, აგერ იმან კაი ოღა გამოჭიმა. საერთოდ კი ყველა ტირის, ღარიბნი ვართ, ღატაკნი ვართო. განსვენებულმა იცოდა მაგათი ამბავი, წესრიგის ფულის გულისათვის არავის მოერიდებოდა.

— ამაში ვერ დაგეთანხმები, — გააწყვეტინა მღვდელმა, — ღმერთმა ქნას, რომ ყველას ცხენიც ჰყავდეს და ხარიც, სახლიც კარგი ედგას და ყანაც კარგი ჰქონდეს, მაგრამ საუბედუროდ ამ საერთო ბედნიერებას ჩვენ ქვეყანაში ჯერ ვერ ვხედავთ. მე დღეს ხუთი-ექვსი სოფელი გამოვიარე! გულის წუხილით უნდა აღვნიშნო, რომ სიღარიბე, სიმშლილი და ნაკლულევანება უფრო მეჩხირებოდა თვალში, ვიდრე სიღალე და სიუხვე. შეიძლება ეს თქვენი სოფელი გამონაკლისს შეადგენდეს, მე ჯერ აქაურობა არ დამითვალიერებია. ბნელოდა, რომ შემოვედი, მაგრამ არა ვგონებ, უმეტესობა აქაც შეძლებული და უზრუნველყოფილი იყოს. რამდენად გამიგია, აქეთკენ მიწის საშინელი სიძვირეა თურმე. ჩვენი ხალხის ცხოვრების ერთადერთი წყარო ჯერჯერობით ხომ მიწის დამუშავებაა და საცა მიწა ძვირია, იქ, უექველია, სიღარიბეც იქნება. განსვენებულზე მე არაფერს ვიტყვი, ღმერთმა სასუფეველი დაუმკიდროს, ხოლო ჩემი აზრით მოძღვარ-მოწაფის დამოკიდებულება მამა-შვილური უნდა იყვეს, რამე სასყიდლის მიცემა ნებაყოფლობითი და ყოველ შემთხვევაში მრევლის ნიეთიერ შეძლებასთან უნდა იყოს შეთანხმებული, თორემ რას ამბობ, დათა, მართალია, ჩვენც ცხოვრების სახსარი გვინდა, მაგრამ შემძლებელი და ღარიბი თუ არ გავარჩიეთ, რა გამოვა...

— ოი, მამაო, დამერწმუნე მაგის გარჩევა ჩვენთვის არავის მოუნდვია. უბედურება სწორედ ამნაირად საქმის დაყენებაშია. თუ ასე მოვიქცებით, სიმშლით ამოვიხოცებით. თუ ნებაყოფლობაზე შიგავდეთ საქმე, გროშ გახვრეტილს არავინ მოგვცემს და დავრჩებით ხელცარიელნი. ეს საქმე მე, ბატონო, ძლიერ კარგად ვიცი და

ამიტომ მინდოდა თქვენი გაფრთხილება; თქვენ, რა თქმა უნდა, დიდი განათლებული, მაგრამ მე როგორც გამოცდილი, ოცდახუთა წელიწადი აი ამ გაცულ თიბათეში შესრულდა, რაც ამ წმინდა გიორგის ეკლესიასთან პრიჩეტნიკადა ვარ და ვიცი ჩვენი ხალხის ხასიათი, თუ ხელი არ მოუქირე, ისე ვერაფერს დასძრავ. სიღარიბე — სიღარიბეა, მაგრამ კრებულსაც ხომ ცხოვრება უნდა. სახლი, კარი, კერძი, მოყვარე, ცოლი, შვილი, ამას ყოველისფერს ხომ პასუხის გაცემა უნდა.

— ალბათ, შენ ვერ გაიგე ჩემი ნათქვამი, ან მე ვერ გამოვთქვე გასაგებად, — ცოტა არ იყოს, ხმას აუწია და წამოწითლდა მღვდელი. — კაცო, ცოლ-შვილი, სახლ-კარი და ამისთანები რომ საქიროა და დასაკმაყოფილებელი თავისთავად ცხადია, ამაზე ვინ რას ამბობს; ჩვენ რომ ცხოვრება გვინდა, ამას მე უარს არ ვყოფ. მე ვამბობ მხოლოდ, რომ მრევლსა და კრებულს შორის თავდაპირველად უნდა სუფევდეს ნდობა და სიყვარული არა მხოლოდ ლიტონი სიტყვით, არამედ მხურვალე გულით, ქეშმარიტად საგრძნობელად. მაშინ ყოვლად წარმოუდგენელია, რომ ორასმა კაცმა, ღარიბებიც რომ იყვნენ, ერთი და ორი კაცი, მათთვის საქირო და სასარგებლო, სიმშლით ამოხოცოს. მე ვერაფრის გზით ვერ დავიჭერებ, რომ თუ კეთილი, მამაშვილური გრძნობა და მეგობრობა სუფევს მოძღვარსა და მრევლს შორის, იქ საქირო იყოს წესრიგის ფულის გადახდევინების დროს ძალა, ჩხუბი, ტუკი და მაგისთანები. ყოველგვარი ფულის გადახდა ნებაყოფლობით და თანხმობით უნდა ხდებოდეს. წინააღმდეგ შემთხვევაში მოძღვარ-მოწათფობას ადგილი არ ექნება. ეს იქნება რალაც ძალადობა, ეკზეკუცია, უსამართლობა. კანონითაც რომ გავსინჯოთ საქმე, მღვდელს უფლება არა აქვს წესრიგის ფულის თაობაზე მრევლთან იჩარჩოს და ძალა იხმაროს: სხვა არა იყოს რა, მთავრობის ყურამდ; თუ მივიდა, კრებულს დიდი საყვედური მოუვა და შეიძლება საყვედურსაც არ დააჯერონ. ეკლესიური კანონმდებლობა სასტიკად უკრძალავს მღვდელს ჩარჩობა-ვაკრობას, — მტკიცედ წარმოთქვა ახალგაზრდა მღვდელმა და ზეზე წამოღვა.

IV

დათაია დიაკვანიც ფიცხლავ ზეზე წამოიჭრა, გულზე ხელი მიიღო და აუჩქარებლად შეაყოლა:

— არ გამიწყრეს თქვენი მარჯვენა, მამაო, არავითარი უკალო-

ნობა თავის დღეში ჩვენ არ ჩაგვედინოს. განსვენებული? ღმერთო მომკალი! კალონს ერთ ღრამასაც არ გადააცილებდა. მართალია, სემილარია, ლემლაზიაში სწავლა არ მიელო, მაგრამ თავისი საქმეში? ციდან ჩამოსული ანგელოზი ვერ აჯობებდა. მე შენ გეტყვი და სხვაზე ნაკლებ მიღებული, ან სხვაზე ნაკლებ პატივცემული იყო! სახელგანთქმული და დაჯილდოებული არ იყო თუ? კამილაკა უკვე ჰქონდა, ოქროს ჭვარზე წარდგენილი იყო და, რაღა გგონიათ, სიკვდილს რომ არ ესწრო, არ მოუვიდოდა თუ? ინგურისა და ცხენიწყლის შუა ვისთვის გინდა გეკითხა მღვდელი ივანე ქარბავა, ყველა სიამით გეტყოდა, სწორედ კაი კაციაო. უკალონო იყო კი არა, ბატონო, მართებლობა ხელისგულზე ყავდა. პრისთავი გინდა, მირონ პოსტონიკი გინდა, ვეზნაჩალიკი გინდა, სულ მასთან მოდიოლდნენ, ჰამდნენ და სვამდნენ, თავზე ევლებოდნენ. სხვა რა გინდა, ბატონო, თვით ჰყოინდარს თვალ ნაკაკაზე * არ დაუვარდებოდა, ისე უყვარდა. ღმერთი გამიწყყრეს, ხვალინდელი დღე არ გამითენდეს, თუ თვალით ნახული და ჩემი ყურით გაგონილი არ გითხრა.

შარშანწინ, ბატონო, ჰყოინდარი სარევიზიოდ დაბრძანდებოდა. ამ ჩვენი კუთხისაკენ პირი ქნა თუ არა, პირდაპირ მამა ივანეს სახლისკენ გამოეშურა. ესტუმრა. ბარელამ ოციოდ წარჩინებული პირი ახლდა თან. ჰყოინდარი, თან დიდი კაცის შვილი, ბევრი ვინმე ახლდეს, რა გამიკვირდება. რომ თქვას კაცმა, ჩვენთვის რევიზია არც კი გაუკეთებია. თეოფილე ბერი და თავისი არქიდიაკონი გაგზავნა საეკლესიო დოკუმენტების დასათვალიერებლად. ისინიც შუა გზიდან უკან გამობრუნდნენ. ამ სიციხეში სად ვეთრიო, ბიჭო, ამსისხო კაციო, — თქვა თეოფილე ბერმა. ხომ ყველაფერი რიგზეაო. — დიახ, ბატონო-მეთქი. ეს იყო და ეს.

დაფაცურდა ცხონებული მამა ივანე, ძალიან პურმარილიანი კაცი იყო. ისეთი დეკეული დაჰკლა, რომ სწორედ ორი თითი სისქე ქონი ზედ ედო. მოხსნა ათეოკიანი საგანგებოდ დაყენებული ღვინო. გაჩაღდა სადილი, მაგრამ რა სადილი! ჩიტის რძეო, რომ იტყვიან, ის არ აკლდა. სუფრაზე ორმოც კაცზე მეტი იჯდა. თამადად, რა თქმა უნდა, ჩვენი თავადი ოთარი აირჩიეს. უკეთესი სათამადად კაცი მთელ დუნიაში არ მოიძებნება; მხიარული, მომღერალი, მოლაპარაკე... ან რამდენ ღვინოსა სვამს ეგ ოჯახქორი, რვა ბოთლ ღვინოს ისე დალევს, თითქო ერთი ჭიქა გადაუკრავსო და საქმე

* თვალს ჩინზე.

ისაა, არ დათვრება, ისე ცოტა შექეიფიანდება და ისევ თავის კალაპოტში ჩადგება.

გამხიარულდნენ, შეექცნენ, მოილხინეს, გადაჰკრეს. მე სულ იქვე ვტრიალებდი, ვენსახურებოდი.

მერცხალო მშვენი...ე...ერო...უ! რომ შეაკრიალა ხმა ჰაერში ოთარმა, იადონო პატიოსანო, რომ მოსძახა გელა ფონიშვილმა, მტრედისფერი და ო...ო...ქრო...ოვანო... რომ დააგუგუნა ბანი არჩილ ხათრიგურმა, ოცი წლის მიცვალებული რომ განდაგან გამოლტილი გდებულებო იქ, სწორედ თვალს გამოაჰყვებდა,

თვით მათი მეუფებაც გამხიარულდა. კაცნი ვართ, მამაო, ყველანი! მამა ივანეს სადღეგრძელოს მიერთმევა ყოვლად სამღვდელმ ვერცხლით მოქედით ყანწით ინება. მამა ივანეს პატივსაცემად ყველანი ზეზე წამოიქრენ. საყვარელო და ძვირფასო შვილოო, მიმართა ჰყოინდარმა მამა ივანეს. — სულით და გულით მოხარული ვარ, რომ ამდენ პატივცემულ პირებთან ერთად, შენ ჰერქვეშ, შემთხვევა მეძლევა შენი სადღეგრძელო დავლიოო. მე შენ გიცნობ, როგორც პატიოსანს, გულკეთილს, საქმის აღმასრულებელს და მტკიცე კაცსაო. ასე უთხრა, ჩემი ორი ბალანა ნუ დამეხოცება. — შენ სამსახურს, შრომას და ღვაწლს ჯერ ღმერთი არ დაივიწყებს და მეც არ დაგივიწყებ, სახეში მეყოლებიო. მერე ამბობდნენ, ალბათ ყოვლად სამღვდელს მამა ივანეს გაბლალოჩინება უნდა. რავე გგონია, მამაო, სიკვდილს რომ არ ესწრო, არ მისცემდა თუ? — აღტაცებით დაუმატა დათაია დიაკვანმა.

— ბიჭო, ბიჭო, რა ამბები გქონიათ, — წამოიძახა დიაკვნის ნათქვამით დაინტერესებულმა მღვდელმა.

— აბა რა გგონია, მამაო! უკალონო, უსამართლო იყო კი არა... სხვა დროსაც, თუ გინდა, მაღლობის და ტუბილი სიტყვის მეტი მის ყურს არ სმენია არც მღვდელმთავრისაგან, არც დეკანოზისაგან. თავის საქმეში კი ძლიერ მტკიცე იყო ცხონებული, — თითქო თავის თავს ელაპარაკებო, გააგრძელა დიაკვანმა ცოტა სიჩუმის შემდეგ. — ვთქვათ, მოვიდნენ ჯვარისსაწერად. ორ თუმანს ეტყოდა. სხვაფრივ ჩვენ ხალხთან არ შეიძლება, ბატონო! დაიწყებოდა ერთი მოციქულობა, ღრიჭინი, აი აქეთ, აი იქით, მაგრამ უმაღლ მოკვდებოდა საწყალი და თუმანზე ჰვევით მაინც არ ჩამოვიდოდა.

მღვდელს სახეზე რაღაც მწუხარება აღებუქდა, ჩუმად ამოიხრა, კაბის ჯიბეებში ხელები ჩაიწყო და თავდაღუნვით ოთახში გაიარა-გამოიარა.

— განა მარტო ცხონებული იქცეოდა ასე? — ცოტა არ იყოს, გაუბე-

დავად წარმოთქვა დიაკვანმა.—შორს წასვლა რა საჭიროა. ავიღოთ თუ გინდ მამა ბლალოჩინი. კაცი დეკანოზია, აქედან აქამდის, — ხელი მოისვა დიაკვანმა გულ-მკერდზე, — კაცი ბროწეულივით წითელ ჯვრებითა და მენდლებითაა დახლართული. აბა გაბედოს ვინმემ მასთან ხელცარიელი მისვლა? ჯვრის წერა და მაგისთანებს თავი დაანებე, ისე ტყუილად. როგორ არა! არც ცოცხალს და არც მკვდარს უფულოდ საყდრის ეზოშიაც ცხვირს არ შეაყოფინებს.

„რა რთულია, რა დახლართულია, რა გაუგებარი და მიუწვდომელია საერთოდ ცხოვრება, — ფიქრობდა მღვდელი და თავდალუნული ოთახში დადიოდა, — რამდენი ცოდნა, გამოცდილება, ხასიათის სიმტკიცე, გულკეთილობა და სხვადასხვა ამისთანებია საჭირო, რომ კაცმა ასეთ პირობებში ნაყოფიერად იშრომო, თანამოსამსახურებთან თანხმობა შეინარჩუნო, ხალხიც დაიმეგობრო და მათ საკეთილდღეოდ რამე კულტურული მუშაობა დაიწყოს. სად არის ცოდნა! რა მასწავლეს ცამეტი წლის განმავლობაში სასარგებლო და ცხოვრებაში გამოსაყენებელი? არაფერი. ცოდნას თავი დაანებე, კარგია, რომ სულით ავადმყოფთა სახლში თავი არ ამოვყავი. ღმერთო, სად დაიღუპა, რამდენი ძვირფასი დრო! სად არის გამოცდილება. ორი თვე არ არის, რაც თავისუფლად ამოვისუნთქე. ვინ არის შემწე, თანამგრძნობი, დამხმარე? არავინ. ხელის შემშლელი, არ თანამგრძნობი? ათასი“. ახალგაზრდა მღვდელს გონებაში წარმოუდგა მთელი გროვა სხვადასხვა ფერის და სახის ტანისამოსში გამოწყობილ პირთა, რომელთ სათავეში ქვეყნიურ შარავანდელით მოსილი ჰყოინდარი იდგა და ბოლოში დათაია დიაკვანი. თავი მალა აიღო და დიაკვანს დაეკითხა:

— ეს კარგია, დათა. მითხარ, გეთაყვა, ხალხი, ჩვენი მრევლი, დადის კი ეკლესიაში?

— ხალხი ეკლესიაში? — განიმეორა დათაია დიაკვანმა. — შობას, აღდგომას და აქა-იქ დიდ ღღესასწაულებში კი და სხვა დროს, ქუდიც რომ შეუგდო შიგ, გამოსატანად არ მოგვეკარება. ხომ მოგეხსენებათ, ბატონო, ბრიყვი ხალხია.

— წირვა-ლოცვას კი უკლებლივ ასრულებდით?

— კი, მამაო, ვასრულებდით. თუმცა განსვენებული უბრალო კვირიაკეებს გამოტოვებდა ხოლმე, მაგრამ რა ექნა, ავადმყოფი კაცი იყო... და ესეც არა... ხალხი არ დადიოდა ეკლესიაში და ქაჩებისათვის ხომ არ უნდა ეწირა. ეე...ხ, მამაო, ისეთი ჩიუტი ხალხია, რომ... თქვენა ბძანეთ, რომ გულკეთილობა, მამაშვილობაო! გულკეთილობა კი არა, რაც დავიდარაბა და თავის ტეხა უნდა მათში

დრამის ფულის მოგროვებას. ვერ წარმოიდგენთ. განსვენებულმა იერზი და საშუალება აქაც გააოსძებნა, სოფლის მწერალ პინასთან გააკეთა საქმე. ერთ სუთმანეთიან ოხარკალაიას იმასაც მიუტღებდა. მაგრამ დრამის ფულს კი უკლებლად დროზე ჩიბეში ჩაიღებდა. მისა მწერალი, ბატონო. კაცი კი არა, თილისმანა. ჩვენ მამასახლისს და სუდიერებს საით უნდა იქით მოატრიალებს. მამასახლისს ჯამათა ბუგა ყაზახს ბევრსაც არ მოერიდება: აი აქ დასვი ბეჭედიო. ეტყვის და მორჩა და გათავდა. მახამ თუ მოინდობა. უკანასკნელ სქიბუეს (ხელსაფქვავი) გაუყიდის გლეხს და დრამის ფულს ერთ თვეში მოაგროვებს.

— ეს კი პეტისმეტია. კაცო. — ვერ ნოითმინა მღვდელმა და ცოტა არ იყოს. გულმწყრალად წარმოთქვა. — ესღა მაკლია. ვიღაც მწერალს ქრთამი ვაძლიო და დრამის ფულის მოკრეფას დროს ირველი ავაწოოკებო.

— ქრთამს არ გავიღებთ და მწივრები. დავრჩებთ. ეხ! მამაო. თქვენ ახალგაზრდა კაცი ხართ. ქვეყნის ამბები წიგნებიდან იცით და თვით ცხოვრებაში ჯერ ჩახედილი არა ბრძანდებით. იცოცხლეთ და თვითონვე გამოცდიეთ. ახლანდელს დროში. შე დალოცვილო. ქრთამს ვინ არ იღებს, ან ქრთამით საქმეს ვინ არ აკეთებს... ახა როგორ გინდა, როცა სხვაფრივ ცხოვრება შეუძლებელია. ვინ გინდა, ბატონო, ქრთამით საქმეს არ აკეთებდეს. სული გინდა თუ ნაჩალიკი. ბლალოჩინი თუ დეკანოზი. ჩვენ შორის დარჩეს. რასაკვირველია, და მოგახსენებენ: კაი ძღვენსა და მოსაკითხსა მათი მეუფე-ბაც არ იწუნებსო...

— სხვის საქმეში მე არ მიხდა გავერიო. — გააწყვეტინა მღვდელმა. — ან ეს როგორ იტყვევ, ან ის, მე სრულებით არ მეკითხება. ჩვენი ხელმძღვანელი უნდა იყოს ჩვენი სჯული და სინდისი.

— თქვენი მტერი, მამაო, თუ ჩვენ მიხა მწერალი არ მოვიშველიეთ, ისე დრამის ფული დროით ვერ ავიღოთ. — გაიძახოდა მაინც დიაკვანი. — ნახევარზე მეტი დაგვეკარგება, გამოცდილებით ვიცი, მამაო, წირვა-ლოცვის მადლმა. მაგრამ კარგი, ბატონო, ვიცოცხლოთ და როცა თვით თქვენი ბედნიერი თვალთ დაინახავთ როგორ მიდის საქმე, დაწმუნებული ვარ, ბრძანებთ: დათაია დიაკვანს ცოდნია და მე არ ვუჯერებდიო.

მღვდელი ისევ ტახტზე წამოწვა. დათაია დიაკვანი ოთახის შუაგულ მდგომ გრძელ მაგიდასთან სკამზე ჩამოჯდა.

— კალონისთვის რომ გვეყურა, ბატონო, და იმის სამართლიან

განაჩენის მოლოდინში გულხელდაკრეფილი შინ ვმსხდარვიყავით, პო... უ, ეი...ეი! ბატონო ჩემო, ფერდობანის წმინდა გიორგის სამრევლო ახლა გროშ-კაპეიკად არ ეღირებოდა, — მარილიანად დაიწყო დათაია დიაკვანმა ცოტა სიჩუმის შემდეგ. — აი, იქით, მამაო. — ხელი გაიშვირა დათაიამ, — ჩვენი სამრევლოს ერთ-ერთ კუთხეს სახელად რაქას ეძახიან. ისე ცალკე სოფელივით არის გამოყოფილი, ერთ-ერთ დაბალ სერზე მდებარეობს. ოცდაათი კომლი იქნება. კაი გამრჩელი, კაი შემძლებელი ხალხი, სწორედ წუნი არ დაედება. ორი ისეთი ქვიტკირის ღუქანია იქ გაშენებული, რომ ნახო, გაგიკვირდება, ქუთაისის მალაზიებს არ ჩამოუყარდება. რა ფართალი, რა აბრეშუმობა, რა მაუდი გინდა იქ ვერ იშოვნო. რაც ღმერთს, ბატონო, ქვეყანა გაუჩენია და ფერდობანს ფერდობანი დარქმევია, რაქელები წმინდა გიორგის მრევლი ყოფილან. ეს ასა წლობით დაკალონებული, ტყვიან შედუღებული საქმეა... მაგრამ ამ თუთხმეტით წლის წინათ წამოგვედავენ ვაკეგანელი მღვდლები თევდორე და ანანია. ატყდა საჩივარი. ხომ მოგეხსენებათ, ორპირა და ტრელი ხალხი ყველგან ურევია. მორთეს ძახილი: ვაკეგანი უფრო გვეახლოვება, ჩვენთვის უფრო ხელსაყრელია, იქ უნდა მივეწეროთო. სხვები ამბობდნენ: არ შეიძლება, რის ვაკეგანი, ფერდობანის წმინდა გიორგთან დედ-მამა მიმარხია, რაც გინდ შორს იყო, მათ საფლავს ვერსად ვერ წავუვალო. ატყდა ერთი განგაში, ერთი გამოძიება, ერთი დავიდარაბა. ეს ბლალოჩინი ვარო. ეს პრისტავი ვარო, ეს ნაჩალიკი ვარო: ეს ჩვენი სოფელი სიგარძესიგანეზე მგონი ცხრაჯერ გაზომეს. ათ წელზე მეტი ირჩეოდა საქმე კანტორაში. მამა ივანე, რაც შეიძლება, ფაცურობდა, მაგრამ თევდორე და ანანიასაც არ ეძინათ. აქეთ, იქით და, რალა გავაგრძელო, საქმე იქამდე მივიდა, ისე დატრიალდა, რომ ეს-ეს არის, რაქელები ვაკეგანელებისათვის უნდა მიეწერათ. აი შენი კალონიც.

ერთ დღეს, ოი, საწყალი მამა ივანე, რა კაცი იყო ცხონებული, სწორედ მამალი ბიჭი იყო. ვო, დათაიო, მითხრა განსვენებულმა. ბატონო-მეთქი, მივუგე მე. რომ შევხედე, ვნახე, რომ ეს კაცი ისე დაღონებულა, ისე დაფიქრებულა, სალავათი დაჰკარგვია!

— ეჰე გიდიო, ეს არის რალა, გაგვეცალენ ხელიდან რაქელებიო, ნელა წარმოთქვა ცხონებულმა. — კისერზე უნდა დამაჯდენ ანანია და თევდორეო? ხომ გახსოვს, დათაია, ბეკო ჭგერინიას ქერივმა ასანდამ თავის ქმრის სულის საოხად ლაფშა ცხენი რომ გამოგვიყვანაო.

— როგორ არ მახსოვს, მამაო, ის ცხენი თავად იოსებ ბაქიბუქა-

ქეს არ მიპყიდეთ ცხრა თუმნად-მეთქი? ო...ო... კაი დაგემართოს, კხსომებიო. ეო, დათაიო! ბატონო-მეთქი.

— ხო გახსოვს, ტუტურუა მოსიამ ცოლის სულის საოხად დე-
კეული რომ გვაჩუქაო.

— როგორ დამავიწყდება, მამაო, იმის მოგებული ორი მეწველი
ქროხა შენ ახლაცა გყავს და ერთიც მეც მყავს-მეთქი.

— ო...ო... ღმერთმა გატოცხლოს, არ დაგვიწყებიაო.

— ხომ გახსოვს, ბახვამ ჯვარი დაიწერა და ორი კრილა წითე-
ლი ქალაღი გადავახდევინეთო.

— რა დამავიწყებს, მაშინ იმ ფულით ჩაგუს რომ ჩექმა შევა-
კერინე, ახლაც მაქვს-მეთქი.

— აგაშენა ღმერთმა, კაი დამახსოვრება გცოდნიაო.

— გუღულამ რომ ჯვარი დაიწერა?

— თხუთმეტი არ გვალაპარაკა-მეთქი.

— მართალია, მართალიაო.

— გვაძი რომ საიქიოსკენ აპირობს გამგზავრებას, მისი ჯუკა
ზარი ვის ერგებაო.

მე შევაჩერდი.

— რას მიყურებ! თევღორე მღვდელი მოავლებს ხელსაო.

— ზაქარა მელუქნე რომ ჯვარს დაიწერს, ოცდახუთიანს ვის
მისცემენო?

მე ვსდუმდი.

— რატომ არას ამბობ? ანანია მღვდელი ჩაიჩხრიალებს ჯიბე-
შიო.

— ტოტია რომ ქალიშვილს, სალომეს, გაათხოვებს, ღერბის
ჯასს ვის მისცემენო?

— ნუთუ? ვაკებარელ წმინდა თეოდორე ტირონის ეკლესიის
კრებულს-მეთქი, — წამოვიძახე.

— ნუ გეშინია, სირცხვილით არ დაგეწვებიანო... მაგრამ...
ჰააიტ შეე, ძაბუნო შენაო, კაცმა იმედი თავის ღლეში არ უნდა
ამოიკვეთო. ხომ გაგიგონია: ჰირსა შინა გამაგრება ეგრე უნდა
ვით ქვიტკირსაო.

— იცი რა გითხრაო, — ცქვიტად მითხრა განსვენებულმა, შეე-
ხედე, კაცი გამოცვლილა! ამსისხო თვალებს ატრიალებს, სახეზე
ალმური ადას, — ხვალვე დილაადრიანად აღიღე სათხვეელი, გასწი
წისქვილის ქვემოთ, ახსენე ღმერთი და უკუღმა დატრიალებული
ააქმის წაღმა მოსაბრუნებლად გადააგდე წყალში ბადეო. თუ რა-

ბე თვალსაჩინო მოყვა. ჩენსკენ გამოეჩქარე, იმედია, უფალს არ დავერწყებივართო. რაღაც აზრმა გამიელვა თავში, აბა, შენ იციო.

იმ ღამეს, როგორც თქვენ არ მობრძანებულხართ ამ ჩემ კარავში და არ დაგიპინათ, მე თვალში ლული არ მომსვლია. იალონზე წამოვხტი. მოვაველე სასროლ ბადეს ხელი და გავწიე. შევხედე, სქელ ბურუსში გახვეულა ეს უშველებელი მდინარე. აჭყებულ კინერტებით მიგორავს და მიგორავს გულმოსული დათვივით, რაღაცას მიდუღუნებს, თითქო თევდორე და ანანიას ემუქრებაო. ავთვალეირ-ჩავთვალეირე ადგილები. პირჯვარი გარდევწერე; წისკვილს ქვემოთ, ბრუნდე ტირიფის გვერდით, მოვამარჯვე... მოვიმარჯვე ბადე, ავწიე და გადავაგდე. ჰოი! უფალო იესო! შენ უკეთ იცი, რომ ზღაპარს არ ვამბობ! გადავაგდე და მოვწიე ნელ-ნელა ბადეს, მაგრამ რას მოვწიე?! „წინა“ გიორგის გეფიცები, ახლაც რომ გამახსენდება, სიზმარში ვარ მგონია. ამხნის კაცი გავიზარდე. დაბადებიდან სულ წყალში ვეყუმბალობ და ამსიდიდე კალმახიც არ მინახავს. სრული ადლი იყო თითქმის სიგრძით, ერთი გოჭიდა აკლდა. მოვლენაო. რომ იტყვიან, სწორედ ის მომივიდა.

— ბიკო, ბიკო! — წამოიძახა მღვდელმა.

— მერე, რა ღამაში, ბატონო, თითქო კალმით საგანგებოდ დუხბატავთო, ალისფერი ბეჭდებით აქრელებული ჰქონდა მთლად ტანა. ოხ! შენი სულის კირიზე, რომ ამოვართიე, გავწი-გამოვწიე ბადეს და ხელი მივაკარე თუ არა!?!.. იმსიგრძე კუდით შხლართან მოადინა. შენ კი გენაცვალე, ნუ გამიჯავრდები-მეთქი, დავწყვიტე და იმ წამსვე მამა ივანესთან გავარბენინე.

კაცი სიხარულით ცას დაეწია. იმავ დღესვე თბილისისკენ გავწიეთ. ჩამოვხტით პურ-ღვინოს გასლიცაში. კაი დაგემართოს. კარგი სასტუმრო ის იყოს. რა მოწყობილობა, რა ოთახები. რა ნოსამსახურე ბიჭები. სულ ელი და ვალივით * დასრიალობენ.

დაფაცურდა განსვენებული. დაპატიჟა არხიმანტები, დეკანოზები, ჩილონიკები, სეკლანტრები, რა ვიცი, ვინ და ვინ. გაუშართა სადილი. მე შენ გეტყვი და დაგაკლდება რაზე თუ? ენა-პირ შუარაც გინდა ყოვლისფერს კი იზოვნი იმ დასაქცევში. ეს ჩემი კალმახი ისე მთლად შეეწვათ მაგ ყურუმსალებს. ვერცხლის ხონჩაზე დაედოთ და ისეთი ფოკუს-მოკუსები შემოეწყოთ იველივ. რომ ვერც კი ვიცანა ხეირიანად.

მოიღხინეს მარა, რა მოიღხინეს. ისეთი კახური მრავალჯამიერე

* ელვასავით.

დასაბხეს, რომ ციდან მარსკვლავს მოგლეჯდა. უკეთესი სმა-ჭამის ხალსი ღმერთმა დასწყევლოს. ბერები კი არა. ჩვენებური ბატონი-შვილები არ მინახავს ისეთი ოხუნჯი და მხიარული.

კალმახის ისტორია რომ გაიგეს, ატყდა ერთი სტილი-ხარხარი. საჩქაროდ. რიგს გარეშე. ჩემი სადღეგრძელო დალეს: ზოგი პეტრე შოვიჭელს მადარებდა, გენსარეთის ზღვაზე რომ სასწაულებრივ თევზი დაიჭირა. ზოგი მღვდლობას მისჯრებდა. ზოგი კი ცოლს, ზოგი რას და ზოგი რას.

მეორე დღეს კიდევ გაიარ-გამოიარა ცხონებულმა, აქ-იქ. ანე, ისე და ქისაც საკმაოდ შეათხელა. მაგრამ საქმე კი თითქმის წაგეზული მართლაც და წაღმა მოატრიალა. რაქელები სამუდამოდ ჩვენ მოგვაკრეს და დარჩნენ ხელცარიელი თევდორე და ანანია. ახლა გააჩივ, ბატონო, სად არის კალონი და სად არის უკალონობა.

მე ერთი ყრუ კაცი ვარ. მამაო, მაგრამ დაკვირებამ და განოცდილებამ ერთი რამ დამასწავლა. ქვეყნიური ცხოვრების საქმე კალონი კი არა. ხერხი და დარღობანობაა. თუ მოხერხებული კაცი ხარ, ყოველგვარ კალონს, როგორც შენ გინდა, ისე მიატრიალებ.

— მე არ გეთანსმები ამაში, მაგრამ მართლაც რომ ყოჩაღად მოქცეულხარ. ექვი არაა, — სიცილით უთხრა მღვდელმა. — ახლა ეს მითხარა, ქადაგება და მაგისტანებს ჩვეულია თუ არა ჩვენი მრევლი?

— ზის უნდა უქადაგო, მამაო, როცა ხალხი საყდარს არ ეკარება. შეიხედავ და მოვა წირვაზე სვიმოია შერეკილი, როდიაა ქუჩუს ქვრავი და ჩვენი მნათე ბასა. აი ჩვენ წირვაზე მოსიარულე ხალხი.

ამათ თუ გინდ უქადაგე და თუ გინდ არა, მაინც ხელში გეყავს. გალიაში დამწყვედული მოშისასვეთ. რომ უქადაგო, რა გამოვა, ქადაგებისას რას გაიგებს ყრუ ხალხი. მაგრამ უკაცრაოდ, მამაო, ლაპარაკით თავი მოგაბეზრეთ და სულ დამავიწყდა მიმეხედნა, მოხლცი დედაკაცი გვიმზადებს რასმე თუ არა.

V

ვანშავი შემოიტანეს. ჩინებული საქმელი მოვმზადებინა დათა-ას დედას. ჩახოხბილი ქათამი, შეწვარი გოჭი, ახალი პულგუნა, საქაბურო... ყველაფერი სუფთად და შნოიანად გაკეთებული.

მღვდელს ალექსის კამის მადა სრულებით არ ჰქონდა, მაგრამ

მასპინძლის პატივისცემისათვის სუფრას მაინც მოუჭდა და შეეცადა გარეგნობით მხიარული სახე მიეღო.

მღვდლის გულში კი ნამდვილი ცეცხლის ალი ტრიალებდა. — ე...ე! — ფიქრობდა მღვდელი, — პირველი შთაბეჭდილება არ არის სახარბიელო, ჩემს აღფრთოვანებას ცოტათი ფრთა შეეკვეცა, პირველი იმედი გამიცრუვდა. ცხადზე უცხადესია, რომ მე და დათაია ერთიმეორის მოწინააღმდეგე წერტილზე ვდგევართ. ჩვენ არა გვაქვს საერთო ნიადაგი და იმავე დროს იძულებული ვიქნებით ერთად ვიმსახუროთ, ერთ საერთო საქმეს ვემსახუროთ. ვერც კი წარმომიდგენია, შეიძლება თუ არა ამ პირობებში თანხმობით სამსახური! რა ამხანაგობა და დახმარება უნდა გამიწიოს იმ კაცმა. ვისაც ჩემი არა გაეგება რა და მე მისი. სად ვეძიო, ვისთან ვეძიო თანაგრძნობა და დახმარება?!“

1 — მიირთვით, მამაო, მიირთვით, — ეპატყებოდა დათაია დიაკვანი, — არაყს სრულიად არ მიირთმევთ? რისთვის, მამაო! შინაური გაკეთებულია, მაგრამ მერწმუნე, ქალაქურს არ ჩამოუვარდებაოთხჯერ გამოხდილია, წმინდა ქაქაა.

— გმადლობთ, ეტყობა ჩინებულია, მაგრამ მე ბუნებით არაყს არ გეახლებით, — ზრდილობიანად მიუგო მღვდელმა.

— მე კი უარაყოდ საქმელი არც კი მეგემება, — თქვა დათაიამ და ერთი ჭიქა არაყი გადაჰკრა.

„სად ვეძიო, ვისთან ვეძიო თანაგრძნობა?“ — არ შორდებოდა ფიქრი მღვდელს.

— მამაო, თქვენ რაღაც ფიქრებში გაერთეთ და არათერს მიერთმევთ, — არ ცხრებოდა დიაკვანი.

— ღმერთო მომკალი, ალბათ არ მოსწონს, ან საიდან მოეწონება ჩვენი სოფლური შეთითხნილი ვახშამი ლოჯოდში გაზრდილ კაცს, — თავმდაბლა შენიშნა დათაიას დედამ.

— ბატონო, როგორ გეკადრებათ, მე კი არა, ხელმწიფე არ დაიწუნებს ისეთი ვახშამია, დიდად გმადლობთ, ჩემო ბატონო, ღირსი არა ვარ ამდენი თქვენი შეწუხებისა. საუბედუროდ, რაღაც დაღლილი ვარ და მართლაც და ქამის გუნებაზე არა ვარ, — რაც შეიძლებოდა ღმობიერად მიუგო მღვდელმა.

— სწორედ რომ დაღლილობის დროსაა საჭირო ბლომად საქმელ-სასმელი, რომ კაცის სხეული გამაგრდეს, — ამბობდა დიაკვანი და ლაზათიანად შეექცეოდა ჩახოხბილ ქათამს. — ქამა—ქამაა და სმა? თუ თქვენ, მამაო, ამის მეტს ღვინოს არა სვამთ, ეჭვ გიდი, დაველუპულვართ კაკალი კაცი. ისე წრუპავთ, თითქო ქაშნიკი გინდათ გასინ-

ჯოთო. თქვენი მაკურთხებლის მადლმა, მამაო, ჩვენში ასე არ შეიძლება. საცა მიხვალ, ლოცვა-კურთხევაც უნდა გადასცეთ და თამაღობაც უნდა იკისროთ. უამისობა არ შეიძლება, ხალხი ასეა მღვჩეული და თუ ხათრი გაუტეხე და ხასიათი არ გაუსწორე, ძლიერ საწყენი დაურჩება. დალიეთ, მამაო, ფიქრი ნუ გაქვთ, ნაყიდი ღვინო არ გეგონოთ. ჩემი ხელით დავკრიფე ყურძენი, საგანგებო ავარჩიე, მე თვითონ დავწურე და ჩემი ხელითვე ჩავასხი, ჩემ მიერვე გარეცხილ ქურში. ტრაბახობაში ნუ ჩამომართმევთ და ჩემისთანა სუფთად ამ ახლომანლო ღვინის დაყენებას, ტყუილია, ვერავინ დაიჩემებს. დალიეთ, მამაო, ყურძნის წმინდა წვენია, მთელი კოკაც დალიოთ, არ გაწყენთ.

— რა სათქმელია, ჩინებული ღვინოა. მართალი გითბრა, მე ასეთი კარგი ღვინო ჩვენში არც კი მინახავს. რას ამბობ, მე ეს ორი ჭიქა ზედიზედ დავლიო, უეჭველია, დამატრობს, — მიუგო მღვდელმა.

— რა ვუყოთ, მამაო, თუ დაეთვრებით. ბედნიერად, ჩემო ბატონო. მადლობა ღმერთს გადახურულში ვართ. სახლი ჩემი საკუთარია, მოვალე არ მაწუხებს და მოვანსე, დაეთვრებით, დაეძინოთ.

— უჰ! რას ამბობ, სიმთვრალე როგორ შეიძლება, თავდაპირველად ზომიერებაა საჭირო ყოველგვარ საქმეში. ტყუილად არ გვეცინიან ჩვენ საერთოდ ქართველ ხალხს, რომ ყაირათი არ იციანო, — დარიგების კილოთი თქვა მღვდელმა.

— შენ არ გწყეელი, და იღენი ჩემ ორ ბალანას ღმერთმა უდროოდ რამე ფათერაკი ნუ შეახვედროს, რამდენი დოქი ღვინო უგზო-უყვლოდ და უთავბოლოდ დაიხარჯოს ჩემ სახლში, მაგრამ ღვთის წყალობა, რაც ჩემ თავს მოვესწარი, ღვინო არ მიყიდია. დალიეთ, მამაო. ეს ღმერთმა გატოცხლათ, აგაბედნიეროთ, ცოლით, ყოველი თქვენი კეთილით, ღმერთმა თქვენი ვაჟიშვილი გვაჩვენოს. შეგაყვაროს ჩვენი სოფელი...

— გამდლოძთ, ვპადლობთ, — მხიარული სახით მიუგო მღვდელმა და ნახევარი ჭიქა ღვინო დალია.

— ეს როგორ შეიძლება, ეს ერთი მაინც უნდა დასცალო, — გულიანად ამბობდა დათაიკ დიაკვანი. — მომითმინე, აგერ, თუ ღმერთმა მშვიდობა ქმნა, მაქარი მოგვასწრებს. გაჩაღებული კერა, ქყლინტი სიმიინდი, ახალი ნიგოზი და გვერდზე დოქით ახალი მაქარი. ე...იჰ! შენი ჭირიმე, რა კარგი იქნება. დალიეთ, მამაო, სამადლობელო მაინც უნდა გამოცალოთ.

— გმადლობთ. ცოტას კიდევ მოვსვამ და დაცლა, რა მოგახსენა. არ შემიძლია, ისევე მაგარი ღვინოა, დამათრობს. მეტი ღვინოს სმა ცოდვაა. კანონის წინააღმდეგია, — სიცილით თქვა მღვდელმა.

— ეჰ, მამო წმიდაო, თქვენ ნაინც, თქვენი განათლებული პირით როგორ ბრძანებთ ამისთანა სიტყვებს, — ვითომ და გაოცებით მიუგო დიაკვანმა. — მე ერთმა უსწავლელმა, ტყეში გაზრდილმა კაცმა როგორ უნდა გასწავლოთ ისტორია. რამდენად ცოდვილი, რამდენად ბოროტის მოქმედი უნდა ყოფილიყო, ერთის მხრივ, ის ხალხი, ვიზღვაც უფალმა თვისი მართლმსაჯულების უკიდურესი ზომა იხმარა და წარღვნით დასაჯა, ხოლო რამდენად მართალი და ღვთის სათნო ყოფილიყო, მეორეს მხრივ, ის ერთადერთი კაცი, ვინც ამ საერთო ცოდვის მორევის დროს უცოდველი და ღვთის მშობელი აღმოჩნდა, და წარმოიდგინეთ, რომ ეს უშაგალითო ღვთის სათნო კაცი ღვინოსა სვამდა რომელია, თერებოდა, მაგრამ უფალი არ უჯავრდებოდა.

— ხა, ხა, ხა, — ჩაიციხა მღვდელმა. — არ გაჯავრებია, მაგრამ არც მოუწონებია ქარბად ღვინის სმა...

— თქვენი მაკურთხებლის მადლმა, არც დაუძრახავს. პირიქით, ვინც ის დასძრახა, ღმერთმა ის დასაჯა. ეკვი არაა, ღვინის სმა ღვთის მიერ ნაკურთხ-დადასტურებულია, ამიტომ, მამო, ღმერთმა გიეოცხლოს მშობელი დედა. დედისთანა კაცისათვის ხომ არა-უნ იქნება ამ ცოდვილ ქვეყანაზე, სხვა ყველა იტყუის, ცოლიც, შვილიც, დაც, ძმაც. გულწრფელი და ნამდვილი გულშემატკივარი მხოლოდ და მხოლოდ დედაა. აი, ეს დედაჩემი, მამო, სამოცდაათი წლის მოხუცია, მაგრამ ეს არა მყავდეს, ამდენხანს ათჯერ დავიდუბებოდი.

— გმადლობთ. გმადლობთ, — გრძნობით მიუგო მღვდელმა, — მეც სულთ და გულით ვუსურვებ დედათქვენს კიდევ ბევრი ხნის საცოცხლეს.

— გმადლობთ. ბატონო, დღეგრძელი გამყოფოს მამა ზეციერმა, — თავმდაბლა შენიშნა მოხუცმა და ამოიოხრა.

ნავახშმევს მღვდელ ალექსის სუფთა ქვეშაგები დაუგეს, აბრე-შუმის საბანი დახურეს და მოასვენეს.

ახალი ნახულ-გაგონილის გავლენის ქვეშ მღვდელს დიდხანს არ დაეძინა.

..დათაია დიაკვანი თავისთავად ცუდი კაცი არ უნდა იყოს. — ფიქრობდა იგი, — პურ-მარხილი, პატივისცემა ჩინებული, მაგრამ

სხვა ნაწილზე, როგორც თანაშემწე სამსახურის დროს, როგორც იდეური ანხანაგი, არ ვიცი, რამდენად შევეგუებოთ ერთმანეთს. იქნებ რამე შევაგნებინო? თუმცა ფუქი ოცნებაა. კაცს ოცდახუთი წელიწადი უმსახურნია. ამ ხნის განმავლობაში ერთგვარი ფიქრით და აზრით ეყურებს საქმეს და ახლა მისი ახალ გზაზე დაყენება, მგონი, ყოველად შეუძლებელი შეიქნეს. ყოველ შემთხვევაში. ეცდები ხელი არ შემოშალოს.

არა, უეჭველია, ბევრი დაბრკოლება გადამეღობება წინ, მაგრამ მე მაინც იმედი მაქვს, ადრე თუ გვიან, ჩემი განმარჯვებს. ყველაფერი ხალხისაგანაა დამოკიდებული. არა ვგონებ, ისეთი იყოს ხალხი. როგორც დათაიას გონია“.

VI

— ამ დილა ადრეან რა მოგარბენინებდა, კაცო, ჩიტი ხომ არა სარ, ხის ტოტზე ხომ არ იჯექა. კაცი წუხელ შუალამისას მოვიდა, შორი ნგზავრობით დაღლილია, ძინავს და ახლა როგორ უნდა გავაღვიძო. საკვირველია, წაინდა გიორგის მადლმა, კაცს ჯერ ფერღობანში ფეხიც არ შემოუღვამა ხეირიანად და მამაჯირებივით უკვე თავს დაეცნენ.

— რა ექნათ, დათაია, — მოისმა უცნობი ხმა. — გაკირვებამ მობარბენ-ნა. მონუცი დედაკაცა, მაგრამ ისიც ქრისტიანი სულია, უზიაროდ მოკვდეს ცოდოა.

— მოკვდება კი არა, არ გინდა გარდაიცვლება, ბიცოლა შენს რა მოკლავს, მენცარ * ქალს...

— ეხ: დათაია, გვეყოფა, რაც ფერღობანელებმა უმღვდლობით გაკირვება ვნახეთ! მამა ივანე ღმერთმა აცხონოს და ვერაფერში ვერ დაგვემდურებოდა; ჩვენ კი, ქუდი რომ დაგვედო და სამართალი მოგვეთხოვა, ბევრ რამეში ვიყავით გულნატენი, მაგრამ ნეტავ არ მოჰკვდარიყო უბედური და ჩვენ კიდევ ავიტანდით, ჩვენ ხელში გაზრდილს არ შევარცხვენდით. ახლა კი ცოტა რიგი და წესა უნდა დამყარდეს ჩვენში. მიწას რომ ვჩიქნით სოფელში და მამინა-დედეუენებით რომ არ დავბრვიგინობთ, იმატომ სულ ყრუ კი არა ვართ, დათაია.

— ერთი შენცა, დაიწყებ ახლა ისტორიას, — მკვახედ გააწყვეტინა დათაიამ.

* როკაპი, კლდიანი.

— ისტორიას კი არა, მართალს ვამბობ, მამიჩემის სული ნუ წამიწყდება, — მშვიდად გააგრძელა უცნობმა. — ქუჭია უზიაროდ გარდაიცვალა, პეხუ უზიაროდ გარდაიცვალა, ივა, როდამი, აბრამდენი ჩამოეთვალო. არ მოვიდა, ყმაწვილო, სხვა მღვდელი, არა, როცა გაგვიჩერდა და გავიქეცით. თქვე ამოსაწყვეტებო, ანჩხლი რძალ-დედამთილივით ერთმანეთის ჯინი გქირთ. ანანიასთან რომ მივირბინეთ, ოცდახუთი დაგვიქყვივლა, გიორგი მღვდელთან რომ მივედით ქალაში, კინაღამ ძაღლებით გამოგვეკიდა. გვეყოფა, დათაია, თუ ახალი მღვდელი ჩამობრძანდა, თხოვე, რომ უსათუოდ წამობრძანდეს...

— ჰო, კარგი, კარგი, წამობრძანდება... ამისთანებში კი მარჯვე ხარ, მაგრამ მამიშენის სულის საოხად ერთი მოზვერის მეტი არა მოგიცია რა, ამაზე კი რას ამბობ, — არ ცხრებოდა დათაია დიაკვანი.

მღვდელსაც გამოელევიდა ამ ხმაურობაზე. მიხვდა, რომ საზიარებლად იწვევდნენ.

— მღვიძარე ვარ, არა მძინავს, დათაია, ახლავე გამოვალ, — გასძახა მან ლოგინიდან, წამოხტა და საჩქაროდ ტანთ ჩაცმა დაიწყო.





მოსუცემბუღები და ღეკამერონი

(ცქრიაღა გოგონას ნაამბობი)

სასწავლებლიდან რომ შინ მოედოდი, ლუდის ქარხნის გვერდით ჩვეულებრივი მუცელგუდა შემხვდა. ამ სახელს მე ვარქმევ. თორემ ნამდვილი მისი სახელი არც კი ვიცი. ხელში ვერცხლით მოქედილი ლამაზი ჯოხი ეჭირა და სწორად გაგებულ საქვეითო ქვაფენილზე რიტმიულად უკაკუნებდა. მე როცა დაუპირდაპირდი, ჯოხი მალლა ასწია, თითქო ჯარისკაცი თოფს იმარჯვებსო. „მე ხომ არ მაძლევს სამხედრო სალამს-მეთქი“, გავიფიქრე, მაგრამ ჩქარა შევამჩნიე, რომ ქუჩის გაღმა მხარეს, ღია ფანჯარასთან გაშლილ წიგნით ხელში მჯდომ მანდილოსნისაკენ იყო მისი ყურადღება მიქცეული.

— თქვენ კი, ქალბატონო, — არხეინად დაიყვირა მან, თითქო პოლიციელი შოფერს უჯავრდებაო, — მანდ რას იცინით. „ღეკამერონს“ ხომ არ კითხულობთ.

— ოჰ, შენა, ძალღი ახსენეო და ჯოხი მხარზე მოიდევით, აქ მოეთრიე, — სიცილით მოსძახა მანდილოსანმა და მუცელგუდაც იქითკენ წაჩანჩალდა.

მე ჩემი გზა განვაგრძე, პატარა ბალი გავიარე და წმინდა იოსების საყდრის პირდაპირ საწიგნოებს ჩამოუარე.

— „ღეკამერონი“ ხომ არა გაქვთ? — დავეკითხე ერთ-ერთ მე-

წაგნეს. ის თავის პატარა დუქნის კარებთან იჯდა და არხეინად ავლემდა.

მედუქნემ თვალები კყიტა და დაკვირვებით ამათვალ-ჩაჩა-თვალა.

— მგონია სადღაც მაქვს, — ულაზათოდ მომიგო მან და წიგნებში ისრეკა დაიწყო. — სრული არა მქონია, ქალიშვილო. აი, თუ გნებავთ მეორე ტომი. ამაშიაც ბევრი კარგი ამბები წერია.

წიგნი უყლო იყო, სათაური სანახევროდ ჩამოგლეჯილი და საკმაოდ კუჭყიანი. მე მინდოდა გზა განმეგრძო, მაგრამ შევჩერდი.

— რა უნდა მოგცეთ მაგაში? — დავეკითხე მე.

— რას მიბოძებთ, იათად მოგართმევთ, სამოცდაათი სანტიმად ვნებეთ.

წიგნი ვიყიდე და შინსაკენ გამოვსწიე.

— ეგ რა წიგნია, ეს კუჭყიანი წიგნი? — თვალი მოჰკრა წიგნს დედაჩემმა, როცა სახლში შემოვიდა, — ვაიმე! შეხე ერთი, დედი, — მიმართა ჩემ დიდედას, რომელიც თავის განშორებულ სავარძელში ჩვეულებრივ, როგორც ის ამბობდა „განსვენებდა“, — შეხედე ლუიზას. „დეკამერონი“ მოუტანია, ძველ საწიგნოში შეუქენია, ეყვი არაა.

— რაო? „დეკამერონიო“? — გაიკვირვა დიდედამ. — ახ, ჩემო გამიგეო! ჯერ ბავშვს თავი არ გადაშრობია და „დეკამერონი“? აქ პოიტა. აქა, მე მაგას ჩემი სკივრის ფსკერზე მოვაქცევ და საუკუნო ტყვეობას მივუსჯი. ცეცხლში დავწვავდი, მაგრამ აუტო-დაფეს მომხრე არა ვარ, მე ჰუმანისტურ პანსიონში მიმიღია განათლება.

აბა რას ვიტყვოდი. ცოტა წინააღმდეგობის გაწევა დავაპირე, მაგრამ მამაჩემთან დასმენით დამემუქრნენ და მეც ჩაეჩუმდი.

— ნეტავ ვაცოდე, თუ რა წიგნია „დეკამერონი“, — ვამბობდი ჩემს ვულში.

* * *

კვირა დღეობით, ნააღილევს, ჩემ ბიძაშვილთან მივიდიოდი სოლზე. მისი დეიდა „ხნიერი ბერწი“, როგორც მას ეძახდენ (არა მის გასაგონად) ჩვენთან ერთად ქალაქის ტყეში სასუიროდ მოდიოდა, მერე ტბის შუაგულ ხელოვნურად გაშენებულ ქალაქს ვინახულებულით და იქ გამართულ ყავახანაში თითო ჰინჯა რძეს აუცილებლად დავლევდით. „დეიდა ანა“, როგორც ეძახდენ მამას დეიდას (მის კი მის გასაგონადაც). გვარწმუნებდა. ქალაქის რძეს

დიდი ჰიგიენური მნიშვნელობა აქვსო, ადამიანს ფერ-ხორცს მატებსო, თუმცა უნდა ვთქვათ, რომ „დეიდა ანას“, მიუხედავად იმისა, რომ ბევრს სვამდა ქალაქის რძეს, არა აჩნდა რა.

— ოპ. ღვთისმშობელი ქალწულო, რა ჯოჯოა. — ჩემად იტყოდენ ხოლმე ჩვენიანები, როცა „ხნიერ ბერწზე“ ლაპარაკი ჩამოვიარდებოდა.

გზა თითქმის სანახევროდ გავიარე და მხოლოდ მაშინ შევანჩინე, რომ ჩემი პატარა ხელპარკი თან არ მომქონდა. ერთ ხანს დამეზარა შინ დაბრუნება, მაგრამ უხერხელად ძეჩვენა მთელი დღე უცხვირსაბოცოდ და უფულოდ ყოფნა, საჩქაროდ შემოვტრიალდი და შინისკენ გავეჩქარე. გადავწყვეტე იქაობას ტრამი ანგლო და ბიძისას მაინც დანიშნულ დროს მივსულიყავი.

ჩვენი პატარა ბალის კარები შემოვალე; იქ ქვაკანება არ იყო. სახლში შევივალ დერეთანში ჩემი დედ-მამის პალტოები და ქუდები არა ჩანდა. ალბათ, ისინი წააქულან ავადმყოფი ბ-ძაშვილის სანახავად, როგორც სადილის დროს ამბობდენ, გავიფიქრე მე. დიდედას სძინავს, ხელს არ შევტშლი. მომივიდა კეთილი აზრი. მაგრამ კარი მაინც ფრთხილად შევალე. ჩემი პატარა ოთახი დიდედას ოთახს ეკედლებოდა. შემეძლო მეორე მხრივ მომეარა, მაგრამ დრო მსურდა მომიგო.

კარი შევალე და სახტად დავრჩი. დიდედას სავარძელი ცარიელი იყო. თვითონ ის მაგიდასთან სელზე გამოკვიმულიყო ყოჩაღად და მაგიდასზე გაშლილ წიგნს გულწოდგინედ კითხულობდა — მის მიერ საუკუნით დაპატიმრებაჩისჯილს! კარის ნელ ქრკიქინზე დიდედა არ განძრეულა. ერთხანს ვუყურე. სახეზე ჩემი ღიმი უქროდა. ასეთი განსპეტაკებული სახით მე ის თავის დღეში არ ვენახა, კარი ჩემადვე მივკეტე. ხმა არსაიდან მომსმენია, სახლში სამარისებური სიჩუმე სუფევდა. საჩქაროდ მეორე მხრივ შემოვიარე, ფრთხილად ჩენს ოთახში შეველ. ხელპარკი ავიღე და საცდელისკენ გავეწართე.



ტყეში, როცა „ხნიერ ბერწი“ ერთ-ერთ გრძელ სკამზე ჩამოჯდა და ჩვეულებრივ წიგნს კითხვა დაიწყო. მე და მამოპი ჩვე, მახლობელ მწვანეზე ბუჩქთის თაპაშობა გავმართეთ. მე, რასაკვირველია, მამოს ყველაფერი ვუთხაბე „დეკამერონზე“. მამო ძლიერ დაინტერესდა.

— იცი, ლუიზ, — მითხრა მან, — მოდი შენ ის წიგნი მე მომიტანე და ერთად წავიკითხოთ. მე ჯერ არ წამიკითხავს „დეკამერონი“, მაგრამ კარგი რამ უნდა იყოს, თუკი დიდდაც ამ ზომამდე გაართო.

— საქმეც ის არის, მაშო, რომ დიდდამ მე ის წიგნი წამართვა, თავის სკივრში ყავს დატყვევებული, როგორც ის ამბობს...

— ეხ, ლუიზ, — ეშმაკურად მითხრა მან, — ეტყობა არ დაუტყვევებია. ან თუ დაატყვევა, ისევ გაუნთავისუფლებია, თუკი თვითონ კითხულობს, იმას სკივრში არ შეინახავს, იქვე სადმე მაგიდაზე ექნება. იხელთე, როგორმე, მარჯვე დრო და...

შევეცადე ჩვეულებრივ დროზე უფრო ადრე დავბრუნებულვიყავით ტყიდან. ტრამი ავიღე და პირდაპირ სახლისაკენ გავეშურე. დერაფანში სიცარიელემ და სახლში სიჩუმემ გამაგებინა, რომ ჩვენები ჯერ არ დაბრუნებულყვნენ. ცნობისმოყვარეობამ გამიტაცა და დიდდას ოთახი წყნარად შევალე. დიდდას სავარძელი ისევ ცარიელი იყო. თვითონ კი მაგიდას ეჯდა, თავი ზედ დაედო და ეძინა. ჩემი „დეკამერონი“, გაშლილი, თითქმის მის ტუჩს ხვდებოდა და დიდდას ტუჩებიც იმგვარად იყო მომარჯვებული, თითქო ვისიმე კოცნას აპირებდნო. ერთი წამის დაკარგვა შეუძლებელი იყო. უკეთეს მარჯვე შემთხვევას ძნელად თუ ვიშოვნოდი. ფეხაკრეფით ოთახში შევიბრბინე. წიგნს დავაფრინდი, ვით ქორი წიწილას და ისევ გამოვიბრბინე. დიდდა არ განძრეულა. მას ღრმად ეძინა. წიგნი ჩემს ოთახში ძლიერ საიდუმლო ალაგას შევინახე და ისევ ქუჩაში გამოველ. შევუხვოე ჩვენ გვერდით ვიწრო ქუჩისაკენ. დარწმუნებული, რომ იქ ჩვენთანებთაგანის არავინ შემხედებოდა. ასე ხეტიალში გავატარე თითქმის ერთ საათამდის და ისევ შინ დავბრუნდი. ახლა კი, იმედი მქონდა, რომ შინ ვინმე დამიხვდებოდა.

ჩვენები მართლა დაბრუნებულიყვნენ და სასადილო ოთახში ყავას მიირთმევდნენ.

— ფრთხილად, ლუიზ, — მითხრა დედაჩემმა, — დიდდა რაღაც უქეიფოდ არის, შენ ხომ არ გაგიჯავრებია; შენებურად ცელქობით არ შეაწუხო.

— აბა მე რათ, ან როდის გავაჯავრებდი, — ცოტა წყენით მივუგე და მაშინათვე ტკბილად დავუმატე, — ნეტავ რა დამართნია, ცუდად ხომ არ ეძინა?

— აბა როგორ გითხრა, საიმისო არაფერია, მგონია რაღაც ნა-
წყენი სახით ვნახე, ყავის მირთმევაზე უარი განაცხადა, საზოგადო
შქეიფობას ასახელებს.

• • •

მეორე კვირას, არ მახსოვს რომელ დღეს, მგონი პარასკევი
იყო, ჩვენ ყველანი შინ ვიყავით. ჩემი უფროსი ძმა, უკვე ახალ-
ვაზრდა ვექილი, ერთ-ერთ მახლობელ ქალაქიდან, სადაც მუშაობ-
და, საქმეებისა გამო შემთხვევით ჩამოსულიყო და ისიც იქ გახლ-
და. უნდა მოგახსენოთ, რომ ჩემი „დეკამერონი“, მართალია, მა-
შოს მივუტანე, მაგრამ წიგნის კითხვის გეგმის საწინააღმდეგო რჩე-
ვაც ზეირიანი ჯერ ვერ მოგვეხდინა.

ერთიც ვნახოთ, ვილაცამ ჩვენი სახლის ზარი დააწყარუნა. გავ-
ხედეთ და „ხნიერი ბერწი“ შემოვიდა გულმოსული სახით და, ჰოი
საშინელებავ, ჩემი „დეკამერონიც“ ხელში ეჭირა.

მცირე მისალმების უმალ „დედა ანამ“ სწორედ რომ ყუმბა-
რასავით იფეთქა და ერთბაშად გაღმრთებია ჩემკენ მომართული
საყვედურები. შემდეგ ცოტა სული მოითქვა და პროკურორის
ტონზე გადავიდა:

— მე, ბატონებო, ბოდიშს ვიხდი, თუ ფიცხედ დავიწყე, მაგრამ სა-
ქმის ვითარება ცხადპყოფს, რომ ჩემ მხრივ ეს ბუნებრივია. თქვე-
ნი ქალიშვილის დამრიგებლობას მე სრულებით არ ვკისრულობ.
აქ პირად ჩემი და ჩემი დის ოჯახის კეთილდღეობა გახლავთ სას-
წორზე დადებული. ჩვენ ოჯახს საშიშროება მოელის და ყველა-
ფრის მიზეზი, აი, ეს წიგნაკი გახლავთ, რაც ჩვენს ოჯახში თქვენი
ქალიშვილის მიერ მოტანილი აღმოჩნდა. ეს ჩვენ გავიგეთ აი ამ
დღის სამი საათის წინ და იმიტომაცაა, ამ ამბის მიერ გამოწვეული
აღელვება ჯერ არ დამცხრომია. კიდევ ბოდიშს ვიხდი, ბატონებო,
მაგრამ გთხოვთ მომისმინოთ თავიდან. აი, ბატონებო, საქმე როგორ
იყო: ხუთიოდე დღე იქნება, რომ ეს წიგნი მაშოს ხელში უნახეს.
როცა ჰკითხეს, საიდან ჩაუვარდა მას ხელში, ვილაც თავისი ამზა-
ნაგი, ჩვენი უცნობი, დაასახელა.

ამ ამბავმა ბიძია თადემდე მიაღწია (ბიძია თადე გახლავთ ჩემი
ბიძის ცოლის ბიძა, მოხუცი, უცოლშვილო, მდიდარი, ინდუსტრიე-
ლი), ის საშინლად გაჭავრდა:

— ნეტავ ვიკოდე, თუ რა დროებას მოვესწარი. თითისტოლა
ვოგოები „დეკამერონს“ კითხულობენ. ვოგოები კი არა, ჩვენ, ვა-

ვიწვილები, პოლიტექნიკუმის სტუდენტობის დროსაც ვერ ვხე-
დავლით „დეკამერონის“ კითხვას. — წორე გითხრა, არც კი წახსოვს
რა ხნის ვიყავი, როცა ის წავეკითხე... — და ამნაირად აპილპოლდა
ეს კაცი. ასე ჰგონია ოთხმოცდაექვსის წლის მოხუცი კი არა, ოც-
დახუთმეტის წლის ვაჟაკიაო. — აქ მოიტათ, აქ მოიტათ, — თით-
ქმის ყვიროდა იგი. — მე ვიცი მაგას თუ რას ვუზამ, მე რომ შეით-
ხო, მაგ სისაძაგლეს ნაფლეთ-ნაფლეთებად ვაქცევდრი და ღუმელში
შეკვებახებდი, მაგრამ მე სრულებით ვიწრო შეხედულების კაცი
არა ვარ, პარზბაროსობა თავის დღეში არ ჩამიდენია და ისე პატრო-
ნნად, ჩემი შრომით და მუყაითობით ჩემი ცხოვრება ჩამიტარე-
ბია. ოცდახუთის წლისას ოცდახუთი ფრანკიც არ მომძებოდა და
შეზღვევ. ჩემ ძმასთან ფილიპესთან ერთად, ოთხი ქარხნის პატრონი
კი გავბდით. რატომ თორმეტი არ გვექნებოდა, ფილიპე რომ
მფლანგველი კაცი არ აღმოჩნენოდა. აქ მოიტათ, აქ, ის საზოზღარი,
მე ვიცი მაგას სად ვეკრავ თავსა. მას ჩემს საგანგებო ქალაღდე-
ბის რკინის ყუთში დავმალავ.

ბიძია თადეს აბა სატყვას ვინ შეუბრუნებდა!

— მერე ავ წიგნაკის გულისთვის ამდენი აურზაური? — მიწ-
ყენილი ღიმილით, ფრთხილად შენიშნა დედაჩემმა.

მაშაჩემი მუდამ აულელევებელი და სულ თავისი მეცნიერულ
კითხვებში გართული ჩუმად იჯდა. ჩემი ძმა კი თვალეგაბარწყინე-
ბული პირში ღამით „ხნოერ ბერწს“ თვალეებს არ აშორებდა.

— მოითმინეთ, ბატონებო, აურზაური ჯერ სად არის. აურზაუ-
რა და საშიში საქმე მერე მოხდა, — გააგრძელა „დეიდა ანა“. —
ვნახოთ, ეს ორი სამი დღეა ჩვენმა ბიძია თადემ თავი უქეიფოდ
იკრძნო, რიგანად საქმელს არ იღებს. დღისით მისი ძილი არ გა-
გონილა. ეს ორი დღეა სულ თვლემს. სულ ეძინება. „სწორედ რომ
საშიში სიმპტომებია, ნეტავ რა დაემართა, ასე უეცრად და უპი-
ზეზოდ“, — შეფიქრიანდა ჩემი ბიძე. და მართლაც. ხუმრობა საქ-
მე ნუ გგონიათ, ბატონებო, ჰასაკე ისეთია, რომ ბევრი რა? არაა
საქირო კატასტროფისათვის. თქვენც მოგეხსენებათ, რომ თუ ბი-
ძია თადეს რამე მოუვიდა მოულოდნელად, მაშინ სრულ და ერ-
თადერთ შემკვიდრედ ფილიპე გამოცხადდებოდა. ეგებ ისიც მოგეხსე-
ნებათ, ბატონებო, რომ ანდერძი ისეა დაწერილი, რომ ვინც უკ-
ნასკნელი გადარჩება, ყოველზე უძრავ-მოძრავი მისია, და ნუ გა-
გიკვირდებათ, თუ ბიძია თადეს უძღურებამ ჩვენ ასე დაგვა-
ფრთხო. თუ ფილიპე შემკვიდრე გახდა, ის იმ წამსვე ყველაფერს
გაიძვერა ვეჭილს პეტრეს დაუმტყცებს.

— ვეჭილები ლანძღვას მე ჰერ მოვითმენ, — ძალდატანებულ-
ლი წყენით შენიშნა ჩემმა ძმამ.

— ბოდინი მომიხდია, — ვითომდა ნაზად წარმოთქვა „დეიდა
ანამ“, ნამდვილად კი მისი უშნო სახე კიდევ უფრო დაიმანჭა.

— ახლა კი მაგათ კული ეწვით, ფილიპე თუმცა ხნით ორი
წლით უმცროსია ბიძია თადეზე, მაგრამ დამეთანხმებით, ოთხმოც-
დაოთხი წელიც საკმაოა, რომ ერთი ცოტა რამე და სამწუხაროდ
საქმე გათავდეს, მით უფრო, როცა კაცი ავადმყოფობს, როგორც
ბ-ნი ფილიპე. ძლიერ, ძლიერ ცუდად გრძნობს თურმე თავს ბ-ნი
ფილიპე. მაგ... ბ-ნს პეტრეს პარიზიდან ვილაც ცნობილი დოსტა-
ქარი დაუბარებია, მაგრამ მას დიდი იმედები არ მიუცია. ამნაირად,
თქვენც მოგეხსენებათ, რომ ორი მოწინააღმდეგე ბანაკია გაჩა-
ლებული და სამკვდრო-სასიცოცხლოდ ერთი-მეორის პირისპირ გაშ-
მაგებულნი დგანან. თუ ღმერთი გაწყრა და ბიძია თადეს რამე შე-
ემთხვა ბ-ნი ფილიპეზე ადრე, ჩვენ წყალწმინდად დაღუპულები
ვართ, ერთი სანტიმი ჩვენ არ მოგვეცემა. ამის შემდეგ სრულებით
ბუნებრივია ჩემი სიძის შიში და ჩემიც, მეც ხომ მემკვიდრე ვარ,
სულ ერთნაირად ხომ არ იქნება, ბატონებო, მეც გარკვეული გზა
და ცხოვრება მწყურია. ამიტომაც სრულებით ბუნებრივია, ჩემმა
თვალმა წუხელის, ლამის სამ საათზე თუ პოზიციები დაზვერა, ე. ი.
შეიხედა ბიძია თადეს ოთახში, მოსვენებით სძინავს თუ არაო...
და ღმერთო, შენ დამიფარე! რას ხედავს! თურმე ეს კაცი, ბიძია
თადე მაგიდასთან გამოქიმულა ისე მხნედ და ყოჩაღად, როგორც
ამ ორმოცი წლის წინეთ თავის მეტალურგიულ ქარხნის „ბიურო-
ში“ და კითხულობს აი ამ „დე-კამე-რონს“.

• • •

ყველას სიცილი წასკდა, თითქმის მამაჩემიც ხითხითებდა. მეც
ვიცინოდი, მაგრამ უფრო მიბაძვით, ვიდრე გულით და თან ვფი-
ქრობდი: ნეტავ ვიცოდე, თუ რა წიგნია „დეკამერონი“.

— მართალია, ბატონებო, კაცს სასაცილოდ მოეჩვენება, მაგ-
რამ ადვილი შესაძლებელი იყო, რომ ამ უბრალო რამეს დიდად
სამწუხარო შედეგი მოჰყოლოდა. იმ ღამეს ჩემი სიძე აბა რას
ეტყოდა, ჩუმადვე განშორებულყო ბიძია თადეს ოთახს. დღესაც
ანგარიშს ვერ მოსთხოვდა „დეკამერონის“ კითხვის შესახებ.
ჩვენ მხოლოდ პატრონის მიერ თავისი წიგნის მოთხოვნა მოვიმი-

ზეზეთ და როგორც იყო წიგნი გამოვართვი. მერე მაშოზე მოვი-
მიზეზე, მივიტანეთ იერიში, ნამდვილი ეთქვა, თუ ვისი იყო წიგნი,
ჯერ გამაგრდა, მერე დიპლომატია გააბა, მაგრამ ჩვენ არ მოვეშვიით
და იძულებული შეიქნა წყალწმიდად იარალი დაეყარა და გამოტე-
ხილიყო.

— რა ვქნა, აკი დედან თავის სკივრში დამალა ეს უბედური
წიგნი, — მორიდებით შენიშნა დედაჩემმა.

— რა ვუყოთ, დედი, ეს წიგნი ისეთი მოუსვენარი ვინმე ყოფი-
ლა, რომ სკივრიდან კი არა, ზღვის ფსკერიდანაც ამოვიდოდა, —
იოხუნჯა ჩემმა ძმამ.

ამ დროს კარები გაიღო და დიდება ყავარჯენზე დაყრდნობილი
კარებში გამოჩნდა.

— ნეტავ რა ხმაურობა იყო, ახ! მადმუაზელ! „დეიდა ანა“, —
მიესალმა დიდება „ხნიერ ბერწს“.

— აა... დიდებამაც მოგვასწრო. დიდი ანბავი მომხდარა, —
მხიარულად მიაძახა ჩემმა ძმამ, — ბიძია თადე შეყვარებულა.

— ვისზე ნეტავ, ჩემო პატარავ.

— რა საკითხავია, დიდედი? ვისზე იქნება შეყვარებული, თუ
არ შენზე, მდიდარი სასიძოა, რა სათქმელია. აი მადმუაზელი ანა
შუამავლად გაშოუგზავნია და შარნად „დეკამერონი“ გამოუყო-
ლებია.

— უი, თვალიც დამიდგება, სად დავკარგე-მეთქი, რომ ვეძებ-
დი. ერთ დღეს სკივრიდან სხვა ნივთებთან ამომყვა და ჩემს მაგი-
დაზე მედო, მერე საღდაც გაქრა. ალბათ, ამ ცელქმა მომპარა, —
ხელი გაიშვირა ჩემსკენ დიდებამ.

— კარგი დარაჯი არ ყოფილხარ, დიდედი! ასეთი საშიში ტუსა-
ლის აშვება შესაძლებელია? მან ლამის ბიძია თადეს ცოლის თხოვა
გააბედია, ვინ წარმოიდგენს ამას, რა შედეგი ნიჰყვება, რა დიდი
უბედურება დატრიალდება, რამდენი იმედები გატრუებული დარ-
ჩება, რამდენი კეთილი სურვილი დაუკმაყოფილებელი...


— კეთილი, კეთილი, ჩემო პაწაწავ: მაგის უარყოფას ვინ გა-
ბედავს, რომ ბ-ნი თადე იშვიათი სასიძოა. სწორედ მოჯადოებულ
ვარ ამ საამაყო წინადადებით! მაშ აქ მოიტათ ჩემი შარნა, ხოლო
ბ-ნს თადეს გაუგზავნი ნაზ გრძნობას და მოკითხვას.

დეიდა ანამ დიდებას წიგნი გადასცა. ყველა იცინოდა.

— ახლა კი უფრო ფრთხილად ვიქნები, რიგით ამგვარ წიგნს

დაწვა ერგება, აუტო-დაფეს მომხრე არა ვარ, მე ჰუმანისტურ პანსიონში მისწავლია, — გულშეუწუხებლად ამბობდა დიდედა და თავის ოთახისკენ მიდიოდა. ბრძოლის ველი უბრძოლველად მას ეკუთვნოდა. ნეტავ რა წიგნია „დეკამერონი“, ვეუბნებოდი მე ჩემს თავს და იმედს არ ვკარგავდი, რომ ოდესმე მას ისევ ხელთ ვიგდებდი.





ღ ა მ ა ზ ი ა ?

სამგლოვიარო განცხადების საშუალებით ყველამ შეიტყო ღარია ივანეს ასულის დაქვრივება.

— საწყალი ბეჟან სიმონის ძე, — ამბობდა ერთი.

— საბრალო დარიკოს შველებია, ღმერთმანი შველებია. გადაჩენია ერთ ჭირს და დავიდარაბას, — ამბობდა მეორე.

— ე...ეხ, რაც გინდა იყოს, ადამიანი იყო. უკილო და უცოდველი არავინ არ არის. ავადმყოფი კაცი იყო, ღვინის ჭარბად სმას სხვა ვინ არ გაუფუჭებია, — ბრძნობდა მესამე.

თვითონ დარიკოს კი მოწყენილი სახე ჰქონდა. შავები ეცვა და თავზეც სამგლოვიარო დოღუბანდი ჩამოეფრიალებია. მიცვალებულის გასვენების დღეს დარიკო თავჩალუნული, კუბოს უკან მისდევდა. ერთი ორჯერ მდულარე ცრემლებით იტირა კიდევ.

გულის სიღრმეში კი სრულიად დამშვიდებული იყო. ხუთი უკანასკნელი წელიწადი, რაც მისი ქმარი ლოთობისათვის სამსახურიდან გამოაგდეს, მისგან არავითარი შემწეობა არ ახსოვდა და ხელს კი დიდად უშლიდა. მუდამ მთვრალი, მუდამ მოჩხუბარი ქმარი სცემდა დარიკოს, ართმევდა ოფლით მოპოებულ ორიოდ გროშს და ღვინის სარდაფისკენ მიჰქონდა. არა ერთხელ ჩავარდნილა საბრალო ქალი სასოწარკვეთილებაში, არა ერთხელ განუზრახავს თავის მოკვლა, მაგრამ მაინც გადაძლია სულმოკლეობას. ყველაფერს ითმენდა უფრო იმიტომ, რომ მარტო არ იყო. ერთი ვაჟი და ორი ქალი — სამივე მცირეწლოვანი ჰყავდა. შრომობდა,

საქმიანობდა დედაკაცი. კერავდა, სხვებს სადილებს აძლევდა და ამით იოლად გამოდიოდა.

ქმრის სიკვდილის შემდეგ ერთიორად უფრო გამხნედა ქალი. უკანასკნელი გროში ახლა საქმეზე მიდიოდა და ძველებურად მიკიტნის დახლის კერძი არა ხდებოდა. გავიდა ათი წელიწადი. დარიკოს შვილები წამოიზარდნენ. ვაჟმა სახელოსნო სასწავლებელი გაათავა და ერთ-ერთ ქარხანაში მუშაობა დაიწყო.

უფროსმა ქალმა კი საშუალო სასწავლებელში პირდაპირ მეოთხე კლასში მოახერხა შესვლა და თუმცა იქ შვილის ყოლა ხელმოკლე ქალისთვის ძლიერ გასაჭირი იყო, მაგრამ დარიკომ ყოველ დაბრკოლებას სძლია და ქალიშვილს საშუალო სასწავლებელი გაათავებინა.

უმცროსი ქალიშვილიც ქალაქის პირველდაწყებითი სასწავლებელში დადიოდა. ამრიგად, ცოტ-ცოტა გზაზე გამოიყვანა დარიკომ თავისი ოჯახი, მაგრამ ერთი მხრივ ქმრის სიცოცხლის დროს გამოვლილმა შავმა დღეებმა და მეორეს მხრივ მოუსვენარმა და ზომამზე გადაჭარბებულმა ჯაფამ ქალს თავისი ბეჭედი დაასვა. ორმოცდახუთი წლის ის სამოც წლისაზე უფრო ღრმა მოხუცი და სახედანაოკებელი ჩანდა. მხოლოდ თვალებიღა შერჩენოდა ძველებური, — სავესე სიმხნევეითა, გულადობითა და შრომისმოყვარეობითა.

— ახლა კი ცოტა შვება უნდა მოგცეთ, დედი, — უთხრა უფროსმა ქალიშვილმა ნუცამ, როცა სასწავლებლის გათავების მოწმობა მოიტანა. — ვეცდები სადმე ადგილი ვიშოვნო, თორემ ამდენი ჯაფის ატანას ვერ შესძლებ. როგორმე ბოლო უნდა მოუღოთ სხვისი ქურჭლის რეცხვას. ერთი თავისუფალი წამი შენც უნდა იგემო ამ წუთისოფელში.

დარიკოს თვალებიდან ცრემლები წასცდა, ქალიშვილი გულში ჩაიკრა და მაგრად გადაჰკოცნა.

ამ დღიდან დარიკოს საფიქრებელი შეიქმნა ნუცასათვის სადმე სამსახურის შოვნა.

— ჰო, მართლა, ნუცა, რატომ ახლალა გამახსენდა, — უცბად წამოიძახა ერთხელ დარიკომ. — მე, მე საწყალს ტვინი სულ გამომიღია ცხოვრების სიღუბეში.

— რა არის, დედა? — დაეკითხა ნუცა.

— აკი იოსებ სქელაძე მამაშენის ნაამხანაგარია. სკოლაში ერთად სწავლობდნენ თურმე. იოსებს ახლა კარგი სამსახური

უკირავს. მასწავლებლების დანიშვნა იმისი საქმეაო. ერთი მივალ, შევეხვეწები, იქნებ შენთვის სადმე ადგილი მიშოვნოს.

ნუცას სიხარულისაგან თვალები გაუბრწყინდა, მორგვალებულ ლოყებზე აღმური აედინა.

— აი ნეტავ, დედი, მეშველებოდეს რამე...

* * *

მეორე დღეს დარიკო ერთ-ერთი უზარმაზარი შენობის კარებთან მივიდა და ელექტრონის ზარის ტარს ხელი დააჭირა.

გამოვიდა მოსამსახურე და, ცოტა არ იყოს, მედიდურად აათვალღიერ-ჩაათვალღიერა სადად ჩაცმული გამხდარი დედაკაცი.

— დედაშვილობას, იოსებ სქელაძე მინდა ვნახო, შინა ბრძანდება?

— სძინავს.

— როდის შეიძლება ნახვა?

— საათის შეიღზე, თუ საჩქაროდ სადმე არ წავიდა.

მართლაც, შეიღ საათზე ვერ მიუხსრო დარიკომ, მაინც იმედი არ დაჰკარგა და მეორე დღეს როგორც იყო ინახულა.

— ო, ო... ბეჟან სიმონის ძე, მახსოვს, მახსოვს, ერთად ვსწავლობდით, — ამბობდა სქელაძე და ლამაზად გადაეარცხნინო თმაზე და ჩასუქებულ პირისახეზე ნელ-ნელა ხელს ისევამდა.

ილაპარაკეს ამ მთისა, იმ მთისა. ბოლოს დარიკომაც მოახსენა, თუ რისთვის იყო მოსული.

— აგრემც ღმერთი გადღეგრძელებს, თუ ჩემ ქალიშვილს სადმე ადგილი აღმოუჩინოთ, მარადეამს შენი ბედნიერების მლოცველი ვიქნები! — შეეხვეწა დარიკო.

— გიმნაზია გაათავა?

— დიახ, ბატონო, კარგადაც გაათავა.

— ლამაზია? — რალაც უშნო ღიმილით დაეკითხა სქელაძე.

დარიკო შეწითლდა.

— ბატონო, ო... უ. — რალაც გაუგებარი ხმები წამოსცდა დარიკოს და მორცხვად თავი ძირს დახარა.

— ვეცდები, ვეცდები, ბატონო, თუ რამე გამოვიდა, თავს არ დავზოგავ, — გული გაუკეთა სქელაძემ.

დარიკო გახარებული შინ წამოვიდა.

ამ დღიდან დარიკო კვირაში ერთხელ მაინც შეივლიდა სქელაძესთან, ხან შინ მიასწრებდა, ხან არა. სქელაძე კი მუდამ ვეცდები,

ვეცდებით ისტუმრებდა. კვირა კვირას მისდევდა, თვე — თვეს და ნუცასთვის ადგილი კი არსად ჩანდა.

— დედი, მგონია არაფერი გამოდინდება იმ სქელაძის დაპირებისაგან, — უთხრა ერთხელ ნუცამ. — იმის მოლოდინში მეც გულდადებით ვერ გეხმარები საქმეში. შენ კი სხვა ჯაფასთან სქელაძესთან ხეტიალიც ზედ დაგერთო.

— მეც ასე მგონია, შვილო, — ნაღვლიანად წარმოთქვა დარიკომაც.

* * *

— უი, დამიდგეს თვალები! — წამოიძახა ერთხელ დარიკომ. — შენი მამიდაშვილის ტასოს მაზლი, ვასო, რუსეთში თუ საღდაც იქით რომ ისწავლა, უკვე ჩამოსულა და დიდი ჯამაგირიანი ადგილი აქვსო, ინჯელერია, მოდი, ერთი შევეხვეწო, იქნებ რამე იმან გვიშეელოს.

— აბა შენ იცი, დედი, — უთხრა ნუცამ.

მეორე დღეს დარიკომ ინჟენერი ვასოც გამოსძებნა, მაგრამ ნახვა კი ვეღარ მოასწრო, ვასოსთან მისვლა არც ისე ადვილი გამოდგა, როგორც დარიკო ფიქრობდა.

ამ სახლში, სადაც ვასო მსახურობდა, კარებში ხიშტიანი ჯარისკაცები იღვნენ დარაჯად. დარაჯებმა დარიკო უსიტყვოდ შეუშვეს, თუმცა დარიკოს კი მათი ძლიერ შეეშინდა. შიგნით კი, ერთხანს ვერა გაიგო რა, ვისაც მიმართა, ყველამ ერთიმეორეზე მიუთითა. ბოლოს ერთ გახუნებულ სერთუკიან კაცს მიადგა, რომელმაც უთხრა, რომ ინჟენერის მნახველი წინდაწინვე უნდა ჩაეწეროსო, დღეს გვიანაა, ხვალ თორმეტ საათამდე უნდა მოხვიდეთ.

მესამე დღეს, როგორც იყო, ეღირსა დარიკო ინჟენერ ვასოს ნახვას. ვასომ დარიკო ზრდილობიანად მიიღო მშვენივრად მორთულ კაბინეტში და როცა გაიგო მოსვლის მიზეზი, კიდევ უფრო მოსიყვარულედ დაუწყო მუსაიფი.

— თქვენი ჰირიბე, რაკი ღმერთმა თქვენი თავი ახლო შაჩვენა, იმედი მაქვს უმწეოდ არ დამტოვებთ და ჩემი ნუცასთვის სადმე ადგილს მომიძებნით.

— ვეცდები, ბატონო, ვეცდები. ბევრი მთხოვნელი კია, უნდა მოგახსენო...

— შენი სულის ჰირიბე...

— რაც შემეძლება, ცდას არ დაეაკლებ... თქვენ ეს მიბრძანეთ...

პო... ვიცი გიმნაზია გაათავაო... კაი საქმეა... პატარაობისას მინახავს, ლამაზი გოგო გამოვიდოდა.

— ჰმ... ბატონო, — მორცხვად მიუგო დარიკომ. — ჩემ შვილზე რა ვიცი, რავე ვთქვა, თქვენ შორებელი არა ბრძანდებით... არა დაგეძრახებათ მგონი მისი ნათესაობა, რომ ნახოთ.

ორი სამი დღის შემდეგ თვითონ ვასო ინჟინერი კარებში მოადგა დარიკოს და თან ვეებერთელა თაიგული მოართვა ნუცას.

დარიკო სიხარულით ცას ეწია. აი ჩაი, აი მურაბა, ერთი და მეორე, უკანასკნელი კაპეიკი არ დაზოგა ქალმა, რომ უცხო სტუმრის წინაშე პირშავად არ დარჩენილიყო. თქვეს ამ მთისა, იმ მთისა. ვასო მეტად ზრდილობიანად იქცეოდა და ადგილის შოვნას ხომ უზურში ჰპირდებოდა. ერთი-ორჯერ კიდევ ინახულა დარია და ნუცა ინჟინერმა ვასომ და შემდეგ ნუცა და დარიკო სასეირნოდ მიიპატიჟა.

— მე რა მესეირნება, შვილო, — თავმდაბლად თქვა დარიკომ, — თქვენ კი ჭელები ხართ, თქვენ ყველაფერი დაგშვენდებათ.

ვასო და ნუცა სასეირნოდ წავიდნენ. ორი საათის შემდეგ ვასომ ეტლით უკან მოიყვანა ნუცა, ზრდილობიანად გამოემშვიდობა და თავის სახლში წავიდა.

— უჰ! რა პატიოსანი, რა კარგი კაცია, რომ იცოდე, დედა, ვასო, — ამბობდა აღტაცებული ნუცა. — რა ამბები არ მიაპბო. ერთი სიტყვით... ადგილს კი უეჭველად გიშოვნისო, დამპირდა.

— აი, ღმერთო. იქნება მოწყალებით მოიხედოს ჩვენსკენ, — სასოებით წარმოთქვა დარიკომ.

— ახლაც მეგულება ერთი ადგილიო, ვილაც მოსამსახურე ქალი გათხოვდა, სხვაგან გადასახლდა, მის ადგილის შოვნას შევეცდებითო.

— აი, ღმერთო, აი, ღმერთო, — ლოცულობდა დარიკო. გავიდა დრო და ჟამი. ვასო და ნუცა ერთი-ორჯერ კიდევ წავიდნენ სასეირნოდ. მოსალოდნელი ადგილი ვილაც მეორე ინჟინერის დისთვის მიუციათ. ვასო მაინც იმედს არ ჰკარგავდა და ახლო მომავლისთვის ადგილს უეჭველად ჰპირდებოდა.

ერთ დღეს ვასო კონტად გამოწყობილი მივიდა და ნუცა თეატრში მიიპატიჟა. ნუცაც სიხარულით დასთანხმდა. გამოეწყო და გაყვა.

შუალამე გადაცილებული იყო, რომ დარიკოს კარებს ეტლი მოადგა. დარიკო საჩქაროდ მიეგება. ცოტა ვახშამიც მოემზადებინა

და უნდოდა ამაღამ ვასო უსათუოდ ვახშამზე მოეწვია, მაგრამ როცა ეტლს მიუახლოვდა, მარტო ნუცა მოეგება, ქალი უსიტყვოდ გაღმოვიდა ეტლიდან და ძლივს-ძლივს ქაქანით ოთახში შევიდა.

ორთავე, დედა და შვილი მთელი ღამე ტიროდნენ.

— ამას ვერ წარმოვიდგენდი, ამას ვერ წარმოვიდგენდი, ღმერთო, რა გაფუჭებული ყოფილა ქვეყანა, — ხელის ზევით აპყრობით ამბობდა დარიკო.

— კინალამ მტკვარში გადავვარდი, დედი, მაგრამ შენ გამახსენდი და ისევ თავი მივანებე.

— ღვთისმშობელო, ღვთისმშობელო, სასო გაქირვებულთაო, — იმეორებდა მოხუცი.

— რომ ისე ოსტატურად არ მოვქცეულვოყავი და ხელიდან არ გავსხლტოდი... ოჰ... დედი, ვირბინე კი ბევრი, კინალამ გული შემიღონდა... რომ ვასოს თავის მიზნისათვის მიელწია მე, რა თქმა უნდა, თავს მოვიკლავდი.

— როგორ მოვიფიქრებდი, როგორ მოვიფიქრებდი, შენ შემოგვევლოს ჩემი თავი. კაცი ნათესავი მეგონა, დანით ყელის გამოსაქრელად რომ მომადგებოდა, გულში რაღა გავივლებდი.

ნუცა მთელი კვირა ამ ამბის შემდეგ ქუჩაშიაც აღარ გასულა. დარკოსაც არავისთან კრანტი არ დაუძრავს. მხოლოდ ახლა უფრო გაფრთხილებული იყო და ზოგიერთი ნაცნობ-მეგობრების ღიმილს და ტკბილად მისალმებას დიდი სიფრთხილით ზომავდა და ერთ რიგ ნაცნობთ შინაც არ მიიპატიჟებდა. და თუ ვინმე თავისიანი მოვიდოდა, თუმცა ზრდილობიანად, მაგრამ ცივად იღებდა და ნუცას იშვიათად თუ გამოაჩენდა.





„მოაზროვნე „ტრილობიტი“

A mon cher maître, monsieur
le professeur Dauis Dolleo.*

ახალგაზრდა სტუდენტი ლაბორატორიაში მაგიდასთან იჯდა. დილა იყო. ის დღეს ადრე მოვიდა სამუშაოდ; ამ ორ დღეში გამოცდა უნდა ჩაებარებია და ამიტომ გულმოდგინედ ემზადებოდა. მის წინ, მაგიდაზე, რამდენიმე პალეონტოლოგიური ნიმუში, ოდესღაც ყოფილი ცხოველების ნაშთი ეწყო. ერთი ნიმუში მან ხელში აიღო. ეს იყო ტრილობიტი კიბოს მაგვარი — უუძველესი გეოლოგიური ხანის ცხოველის მოლურჯო თიხნარ ქვაზე აღნაბეჭდი. „ეს არის ტრილობიტი, — დაიწყო სტუდენტმა და თან რვეულში იხედებოდა, — ტრილობიტი იმიტომ ჰქვია, რომ სამ ნაწილად, სამ აბორცვალად იყოფა როგორც სიგრძეზე, ისე განზე. ეს ნაწილებია, სიგრძეზე: თავი, ტანი და ბოლო, ხოლო: ეს, ღმერთიც დასწყევლის! ამის სწავლაც ერთი ხათაბალა კია... რა უხეირო პროგრამაა... მე, მომავალ ექიმს, ესენი აბა რად მეჭირვება, უამისოდ კი კანონით შეუძლებელია, თუ არ დავისწავლე, გამოცდის დროს ჩავიჭრები... ჩვენი პროფესორი სასტიკი კაცია, ყოველგვარი უმეცრების მიმართ შეუბრალებელი... ეს! ერთი ჩქარა მოვრჩებოდე აქაურობას“, — ამბობდა გულში ყმაწვილი კაცი და სიხარულის ნაპერწყმებით

* ჩემს ძვირფას მასწავლებელს, ბატონ პროფესორს დუი დოლეოს. — რედ.

თვალეები ეწვეებოდა. მან თავისთავი უკვე ექიმაღ წარმოიდგინა... და მერე, როგორ ექიმაღ, ერთ კარგ ექიმაღ. აი, ის უკვე ექიმაღ, სოფელში... არა... რატომ, სოფელში კი არა, ქალაქში... პატარა სამაზრო ქალაქში კი არა, დიდ... სატახტო ქალაქში. მას უკვე ბევრი იცნობს, მასთან ბევრი ავადმყოფი მოდის, ასე გასინჯეთ, შორეული უბნებიდანაც კი მოდიან მასთან, თუშცა ქალაქში ექიმი ქვიშასავით ყრია. მან უკვე რამდენიმე ძლიერ პასუხსაგები ოპერაცია ჩინებულად გააკეთა და დიდი სახელიც მოიხვეჭა... ის უკვე სახელოვანი დოსტაქარია, მას უნივერსიტეტში პროფესორად იწვევენ... კაცი საკმაო ქონების პატრონი უნდა იყოს, რომ ის მოიწვიოს; ას ფრანკზე ნაკლებს მას ვერ შესთავაზებ...

* * *

„ემშაკს წაუღია, ოცნებამ გამიტაცა, — გამოერკვა ყმაწვილი კაცი და ისევ ტრილობიტს მიუბრუნდა: — თავის შუა მოგრძოდ აბორცვილს გლახელი ჰქვიან, ის ხშირად დაღარულია განდაგან. ასე გგონია ნაოქებიაო... ჰო, მართლაც და ამ ტრილობიტს თავს რომ დაუკვირდეთ, გასაოცარი რამეა... ერთი შეხვთ, რანაირი დანაოქებული შუბლი აქვს, თითქო ფიქრობსო, თითქო აზროვნობსო... ასე გგონია, დიდი რამ ამოცანის ახსნაში იყო გართული და იმის გადაწყვეტის ფიქრებში საუკუნოდ დაუნაქავს თვალეებია... ეებს! ექვსი წელიწადი კიდეც წინ მიდევს გადასაყლაპავი, რამდენი მუშაობა, რამდენი შრომა, რამდენი გამოცდა, რამდენი ძიქვა გაცუდება ამ ხნის განმავლობაში... კარგი ექიმი მაინც გამოვიდოდე ეგ ოხერი... კარგად მოვეწყობოდე, კარგად გავიმართებოდე: ერთი საშუალო, მაგრამ ლამაზი სახლი, კოხტა „ოტო“... მდიდარი და ლამაზი ცოლი... ეს ცოლის არჩევაც ხომ დიდი თავისტებაა. იქნებ ისეთ ანჩხლს ვისმე წააწყდე, რომ სადოსტაქრო ნესტარის სავარჯიშოდ საკუთარი გულ-ჰკერდი აგარჩევინოს...

„ვაჰ! ეგ რა მომდის! დღეს სულ ვვოცნებობ“, — უკმაყოფილოდ თავის დაქნევით წაიბუტბუტა სტუდენტმა და ისევ ტრილობიტს მიუბრუნდა.

„თავი, ესე იგი, წინა ნაწილი ტრილობიტს ნახევრად მრგვალი აქვს, ცოტათი ფარს წააგავს. წინა კიდეზე არშია აქვს გამოვლებული. ამ არშიას ლეზბო ჰქვიან... დღეს, ადრე რომ მოვედი ლაბორატორიაში, ეს სწორედ კარგი ვქენი. ჯერ სანამ ჩემი ამხანაგები

არ მოსულან, ტრილობიტები ყველა უნდა გადავსინჯო, თორემ, როცა ყველანი მოგროვდებიან, მაშინ ხომ ერთი ალიაქოთი ატყდება და ბევრს ვერაფერს გავაკეთებ... ტრილობიტები კი არა, მეტი არ იქნება, ბრაკიოპოდებიც რომ განვიმეორო...

ეგ რა მემართება, დღეს ჩემ თავს ვერა ვცნობ, სულ ვოცნებობ, — ჯავრობდა ყმაწვილი კაცი. — არა, ახლა კი ბეჯითად საქმეს უნდა შეუდგე... ტრილობიტს თავის შუა აბორცვილი აქვს, მოგრძო, ამას გლაბელი ჰქვია, ეს ხომ ვთქვი ერთხელ, აი, ესაა, ასე რომ საუცხოოდ დანაოკებულა ტვინივით... ჰაი, ღმერთო! ვითომ ნამდვილად ფიქრობდა რასმე ეს ერთი ბეწო ცხოველი? ესეც ვითომ რასმე სწავლობდა? აბა რას ისწავლიდა ზღვის უფსკრულში... მე კი ნამდვილი საქმიანი სწავლა მაშინ დამეწყება, როცა ადამიანის ანატომიის გაცნობას შეგუდგები და მკედრების გაჭრას დავიწყებ. ცოტა არ იყოს, ჭუჭყიანი სამუშაო კია, მაგრამ დიდად საინტერესო... სხვა გზა არაა, თამამად უნდა მოვკიდო ხელი, არ უნდა შემეწიზლოს რამე. ზიზღი რა ექიმის საქადრისაა. აკი პროფესორმა გვითხრა: ბუნებაში არც სუფთა არსებობს რამე და არც უსუფთაო, წმინდა და ჭუჭყიანი ეს მხოლოდ ფილოსოფოსების მიერ გამოგონილია, ბუნებაში, ე. ი. სინამდვილეში, მხოლოდ ქიმიური შეცვლა-გამოცვლა და კომბინაციააო.

ფუ! ეშმაკსაც წაუღია, ეს მეტისმეტია, — ბრაზობდა სტუდენტი. — დღეს მე თვითონ ჩემ თავს ვერა ვცნობ, ამდენი ოცნებაც არ გამიგონია. ვა! შუაგულ სახარაში ხომ არა ვარ. ეი, შენ, კაცო? ჩემო თავო, ჯერ იმეცადინე და მერე იოცნებე! კი ბატონო, თუმცა დაღლილი კი ვარ, გულის სიღრმეში რომ ჩავიხედო, წუხელაც ცუდად მეძინა... გლაბელის აქეთ-იქით ყბებია, ყბებს შუა მთავარი ნაწიბური გადის და ყოფს მას ორ ნაწილად. შიგნიდან არის ყბა უძრავი, გარედან მოძრავი. ყბა-ყბის შუა არის აგრეთვე თვალი... ზოგს... არა... აქვს... ზოგს ძლიერ... ალბათ კარგად... ხე...დავ...და“.

— ქეშმარიტად, — კვერი დაუკრა ტრილობიტმა. ერთიც წამოხტა და ისეც დადუმდა. კეფის ნაოკები უფრო შეიქმუნა.

ყმაწვილ კაცს ტანში ჟრუანტელმა გაუარა... „შეხეთ, ღმერთო ჩემო, ტრილობიტი ლაპარაკობს“, — გაუელვა მას გულის სიღრმეში.

— ეგ რა ფიქრი მოგდის, რატომაც არ უნდა ვილაპარაკო, რატომაც არ უნდა ვიფიქრო და ვიაზროვნო, — თამამად განიმეორა ტრილობიტმა და მაგიდაზე ახტა და დახტა. — განა გიკვირს? შენ ხომ ლაპარაკობ, ფიქრობ და აზროვნობ.

„როგორ არ მიკვირს, მე თუ ვაზროვნობ, მე ჰომო საპიენსი — ადამიანი ვარ“, — თითქო თავისდა უნებურად გაუელვა ფიქრმა სტუდენტს.

— რაო, რა იფიქრე? ჰომო საპიენსი ვარო? ხა, ხა, ხა, ხა! — ხარხარებდა ტრილობიტი და მაგიდაზე წამდაუწუმ სტოდა, თითქო ლეკურს უვლისო. — ჰომო საპიენსი, სწორედ დიდი ვინმე ყოფილა? — აქ ტრილობიტი საშინლად გაიბერა, ისე გადიდდა, რომ სტუდენტის პირამდე მოახწია. მერე ისევ დაპატარავდა, შეხტა და შემოტრიალდა.

„ღმერთო ჩემო, გულთმისანი ყოფილა“, — ფიქრობდა ყმაწვილი კაცი და სულს ძლივს იბრუნებდა.

— რაო? გიკვირს, რომ გულთმისანი ვარ, — დინჯად წარმოთქვა ტრილობიტმა, თითქო კარგად მომზადებული პროფესორი თავის კურსს შესავალს უკეთებსო. — არა, ჩემო ბატონო, აქ საკვირველი არა არის რა. თქვენ, შვილოსან, ადამიანებს, ჰომო საპიენსებს, — დაცინვით ხაზი გაუსვა ამ სიტყვას ტრილობიტმა, — სულ ტყუილად, გადაკარბებულად მოგწონთ თავი. სულ ტყუილად იბერებით ძველი ტიკჰორასავით. გველაფერი კარგი, გონიერი და მაღალი თქვენ საქუთარ საქმედ და ნამოქმედრად მიგაჩნიათ. მეტყველებათ თქვენ დამახასიათებელ თვისებად გაქვთ წარმოდგენილი. რა ყოყოჩობაა, რა ტყუილია, რა უმეცრებაა!

* * *

„აკი ადამიანი ბუნების გვირგვინაო“, — გაუელვა თავში ყმაწვილ კაცს. ოდესღაც გიმნაზიის რეტორიკის კლასში ყოფნას დროს ამონაკითხი ფრაზა მოაგონდა და მაშინათვე შეეცადა ფიქრი შეეჩერებინა, ტრილობიტი უკვე მიუხვდა.

— ბუნების გვირგვინი, ე. ი. დამავვირგვინებელი. — ისევე დინჯად, სრულებით უკომენტარიოდ გააგრძელა ტრილობიტმა, — ბუნების დავვირგვინებაზე რა მოგახსენო და ბუნების დანგრევაზე რომ ყოჩაღები ხართ, ეს კი ცხადზე უცხადესია. თქვენი საქმე, ჩემო ბატონო, სხვა არა არის რა, თუ არ ბუნების მშვენიერი ნამოქმედების დაქცევა და დანგრევა. ჩეხავთ, უწყალოდ და უაზროდ ანადგურებთ თვალწარმტაც ფიკვენარს, ნაძვენარს, იფნარს, ამტვრევთ და ამსხვრევთ ახოვანად ზე პტუორცნილ კლდეებს, სდევნით და ხოცავთ მაგ კლდეებზე ამაყად მოსიარულე ჭეირნებს და ჭიხვებს. დაოხრებული და განადგურებული ტყე-კლდეების მასალას

მათრევთ და შეხანხლავთ რაღაც ტლანქ ხუხულაკებს, რომელსაც სახლებს და სასახლეებს უწოდებთ და იქ ნახევარ სიბნელეში, მტვერში და სინესტეში ყოფნით იფუჭებთ უიმისოდაც ბუნებით დაზიანებულ ფილტვებს, რომ უღროოდ ჩაბარდეთ პატრონს. ქვეყნას ყველა ცხოველი, ყველა მცენარე და სხვა სიმდიდრე თქვენ საკუთრებად მიგაჩნიათ: მერე რატომ, შვილოსან, რომელი კანონის ძალით. თქვენც ისეთივე ცხოველები ხართ, ისეთივე ბუნების შვილნი, როგორც სხვები. ეს საყოველთაო დარბევის უპირატესობა კი ვინ მოგანიჭათ.

„დალახვრა ღმერთმა, აკი ჩვენ მივალწიეთ გონიერების უმაღლეს საფეხურამდე... შევიგენით თითქმის ძმობა, ერთობა, თავისუფლება“... — მაინც არ ასვენებდა ფიქრი სტუდენტს, თუმცა გაბედულად პირდაპირ წამოძახებას ტრილობიტის წინააღმდეგ ჯერ კიდევ ველარ ბედავდა.

ტრილობიტი კი მის გულზე ისე კითხულობდა, როგორც გამოცდილი დიაკვანი დავითნს. ახალგაზრდამ მოფიქრებაც ვერ მოასწრო, ხოლო ტრილობიტი უკვე სხაპასხუპით, თუმცა გულდამშვიდებულად პასუხს აძლევდა.

— სიყვარული, ძმობა, ერთობა, თავისუფლება? — დასცინა ტრილობიტმა. — შე კი ჩემს თავს ნებას მივცემდი მომეხსენებინა პირიქით: სიძულვილი, გაუტანლობა, ეგოიზმი და მონობა, საცოდავი მონობა, აი რა არის, ბატონო, თქვენში ნამდვილად გამეფებული. ბუნებას ყური გამოუჭედეთ ამდენი სიყვარულის ქადაგებით, სინამდვილეში კი ხოცავთ და ჟლეტავთ უმოწყალოდ ერთმანეთს. რისთვის? ხან ღვთის, ხან მეფეების, ხან თავისუფლების სახელით, მაგრამ სახელი, რაც გინდ, ის დაარქვი, სისხლი კი იღვრება. მკვლელობა ყოველთვის მკვლელობაა, სახრჩობელა ყოველთვის სახრჩობელაა, ბრძოლის ველი ყოველთვის ბრძოლის ველია, საზიზღარი, და თქვენ გარდა ყოველი ცოცხალი არსებისთვის დასაგმობი. სულ ერთია, თუ რა იყო ამ ვერაგობის გამომწვევი მიზეზი, შედეგი მაინც საშინელუბაა.

თქვენი თავი თავისუფლად მიგაჩნიათ. რა სიბეცეა, უბედურნო, იმასაც კი ვერ ამჩნევთ, რომ თავისუფალი კი არა, უძლურნი, თქვენივე მეზობლის მონები, ყმები ბრძანდებით. შენ უკვე მისდევ თვალახვეულად, ბრმად, შენს მეზობელს, მოუფიქრებლად იწყობ შენს ცხოვრებას ასე, როგორც შენი თანამეექობე, რაგინდ მავნებელი და უხერხული იყოს იგი. სხვანაირად რომ მოიქცე, გეშინია, ჩემზე ცუდად იფიქრებენო, ცუდს იტყვიანო: გულში კი ფიქრობ,

თავს იტყუებ, მე აღამიანი ვარ, თავისუფალი მოქალაქეო. ხა, ხა, ხა, თავისუფალი მოქალაქე, — აჯავრებდა ტრილობიტი და პირფართედ იცინოდა.

„ჰაი, ეშმაკს რამსიდიდე პირი ჰქონია, ჩვენთვის კი პროფესორს ტრილობიტის პირზე არაფერი უთქვამს რა“ — ხეირიანად ვერც კი გაუელვა თავში სტუდენტს, რომ ტრილობიტი უკვე პასუხს აძლევდა.

— სტყუი, ბატონო, როგორ არ უთქვამს. ძალიან კარგადაც გითხრათ ბ-მა პროფესორმა, დაფაზედაც დაგიხატათ, მაგრამ შენ იმ დღეს უნივერსიტეტში არ შეგიხედნია, პარკში ვილაც კობტა კაბიანს და ლამაზ, სიფრიფანა წინდებიანს უკან დასდევდი. პირი კი მაქვს, მაგრამ არა თქვენსავით ვაუმაძლარი, — ნაზად დაუმატა ტრილობიტმა.

„ღმერთო, ღმერთო!“ — კანკალებდა სტუდენტი.

— ღმერთი? აი სწორედ სიტყვაზე, ყველაზე უფრო სასაცილოა იმ უბედური თქვენი ღმერთის მდგომარეობა, — გააგრძელა ტრილობიტმა. — ვაი მისი ბრალი! მუხლს იყრით მის წინაშე და ევედრებით, კარისკაცებს ირჩევთ, რომ ღმერთთან საქმე გაჩაზნოს, ქრთამს აძლევთ და ფეშქაშები მიგაქვთ, მერე რისთვის, რასა სთხოვთ? იმას, რომ ისეთივე ცხოველი, თქვენი სასიქადულო, ჰომო საპიენსი დასაჯოს, წააგებინოს. საქმე თქვენდა სასარგებლოდ, ყოველი მისი ქონება თქვენზე გადმოიტანოს. მაგრამ იმავე დროს ის თქვენ მიერ ათვალისწუნებული ჰომოც ფხიზლადაა, ისიც მუხლს იყრის და ღვთის ქურუშთან ქრთამს ამზადებს, რაც შეიძლება მქვერმეტყველურად გამოხატოს ღვთის წინაშე შენი დაქცევის, დამცივების, ხოლო მისი აშენება-ამალღების ღალადისი, და ასე იქცევი, შევილო, არა ერთი და ორი, ათი და ასი, ათასი და ორი ათასი, არამედ ასობით მილიონები. ის კი ერთი, გესმის კარგად, ერთადერთია, ვის გაუგონოს, ვის დაუჭეროს, ვის გაამარჯვებინოს. სწორედ რომ საშინელებაა მისი მდგომარეობა. მე ის სწორედ რომ მეცოდება, მას სრულებით საბუთი არა აქვს, რომ ვისმე დაემღუროს თქვენთაგანს. თუ იტალიელებმა წმინდა პეტრეს დიდებული ტაძარი აღუშენეს, გერმანელებიც არ დამსხდარან გულზელდაკრეფილნი, მათ იმავე ღვთის სადიდებლად კოლნის ტაძარი არა ნაკლებ დიდებული აუგიათ. თუმცა ფრანგებს უღვთოებს ეძახიან, არც იმათ დაუვიწყნიათ ღმერთი, რადგან პარიზის ღვთისმშობლის ტაძარი თავს არსად არ დავალავს. ან თქვენი წმინდა გუდული ვითომ რა ცუდია, წარმოიდგინეთ ქართველებსაც, ერთ-ერთ პატა-

რა ერს წინა აზიაში, მიუხედავად იმისა, რომ ისინი მუდამ სხვისი უხეში უღლის სატარებლად გახლავთ გაჩენილი, მაინც სადღაც მოუძებნიათ დრო, მოუყრეფიათ მხნეობა და მცხეთის ტაძარი აუგიათ. მინგრეულ ქოხმანებს შორის კი არა, სადღაც ახლა დგას, „ბულვარ ანსაკჲე“ რომ გამოქვიმო, მასაც კი დაამშვენებდა. სხვა რამდენი ასი და ათასი გინდა ჩამოგიტვალო. ის კი, ღმერთი, ერთია, რა ქნას, ვისი მხარი დაიჭიროს, ვისკენ უფრო გადაიხაროს. ყველა კი ერთიმეორის დაქვევა-დარბევას თხოვს. აი, ასეთია, შვილოსან, თქვენი ლოლიკა, რაც ყველა ცოცხალი არსების ლოლიკაზე უფრო შეგნებულ და უფრო მაღალი გგონიათ. მე კი მაგისტანა ლოლიკას, გზაზე რომ მენახა, არ ავიღებდი. საცოდავ ლანგულას მუდამ ზღვის ძირში მიკრულს და უტეინოს, იმასაც არა აქვს ასეთი სუსტი ლოლიკა.

• • •

— ეს მკტისმეტი შეურაცხყოფაა, ბატონო ტრილობიტო, — როგორც იყო მოიკრიბა მოქალაქობრივი მხნეობა სტუდენტმა.

— ოო! მადლობა მომიხსენებია, ახლა მეძახით ბატონ ტრილობიტს, როცა მეტყველება დავიწყე და გულთმისნობა გამოვიჩინე, — ჩქარა მოუჭრა ტრილობიტმა. — წინათ კი, შე კაი კაცო, ზიზლით და სრულებით უბოდიშოდ ხელში მათამაშებდი, როგორც უბრალო ლურჯი ქვის ნაჭერს, რა ხანია, თქვენი ლაბორატორიის ბიჭი ლუიაც შეურაცხყოფას მაყენებს და არც ერთი თქვენთაგანი არ გამოჰქომაგებია, რომ მისთვის ეთქვა: „ამხანაგო ლუი, ისიც კმარა, რომ ჩვენ სტუდენტებს უკმეხად გვექცევი“. აი, იმ დღესაც პროფესორმა უბრძანა: ლუი, ამ ტრილობიტს ტუალეტი სჭირია, მეტად გაუჭყყიანებულა ამდენი ხელდახელ ტარებითო, ქლორის წყალქანგში გარეცხე და გაასუფთავეო. ჯერ უნდა მოგანსენო, რომ „ტუალეტის“ გაგონებაზე მე სულ მურივით გაეშავდი, ე. ი. თქვენებურად, ჰომურად რომ ვთქვათ, გაეწითლდი და ეს სრულებით საკვირველი არაა, რადგან გამოვეტყდები, რომ იმ დროს, როცა მე ზღვის უფსკრულებში დავცურავდი, დედრობითი სქესისა ვიყავი, ერთი საუკეთესო ქალიშვილის სახელი მქონდა გავარდნილი ტრილობიტთა შორის. რამდენი ღირსეული და გულადი „paradoxes“-ები შეჯახებიან ერთმანეთს ჩემი გულისთავის და თავიანთი გრძელი ყბის წვერები აუთამაშებიათ. მგონი ნახევარზე მეტი ჩემი

გულისთვის მიაწყდა ერთმანეთს. და აი, ამისთანა ღირსშესანიშნავ ტრილობიტს იმ ტლანქმა ხელი მომავლო და ბუზღუნით წყლით სავსე კასრში გადამისროლა. „მე ხომ ამ ქვის ნატეხის მონად გავჩენილვარ, ბუტბუტებდა ის უხეში ლუი. რაც მე ეს მირეცხია, ბოლო არ უჩანს, გაიქონება მა რა იქნება, მილეთის ხალხი მას ხელში ატრიალებს. ღმერთო, რა დღეს მოვესწარი მე, ცოფილი პოლიციელი: ბევრი ხანი არაა მას აქეთ, რაც მე თავზე ორმაგად ბრტყელი სირმამოვლებული ქუდი მეხურა და ახლა კი ტრილობიტის მეტულაეტე გავხდი. ეანგი? ეანგი კი არა, არ უნდა ფერ-უმარილი? „ტულაეტი“? პორტდანამიურის „კოკოტი“ ხონ არ არის“, ასე ჰამციკებდა ის უხეში და თან მისი დასიებული, დახეთქილი ხელებით მრეცხდა. და ასეთ უხერხულ მდგომარეობაში ვგრძნობდი თავს მე ტრილობიტთა შორის თვალწარმტაცი ქალწული.

• • •

— მაშ, ქალიშვილო ტრილობიტო, — მხარულად და თვალების ანთებული ბრიალით გააწყვეტინა სტუდენტმა და თითონაც ვერ გაეგო, თუ ასეთი სიმხნევე საიდან მოდიოდა.

— ჰო, ახლა შენც არშიყობა დამიწყე, — ნაზად წარმოთქვა ტრილობიტმა და მართლაც გაშავდა, მერე გაწითლდა. სტუდენტი დააჩერდა. ეს ტრილობიტი სრულებით არ იყო, მის წინ მშვენიერი, კოხტად გამოწყობილი ქალიშვილი იდგა. აი სწორედ ის, რომლისთვისაც იმ დღეს იმდენი დრო და გაკვეთილი გააცდინა, მაგრამ მისი ყურადღების ღირსი მაინც ვერ შეიქნა. ახლა კი ქალწული პირდაპირ სახეში შესცქეროდა თავისი დიდრონი, ნაცრისფერი თვალებით. ლმობიერად ეთამაშებოდა.

— შენ დღეს, ჩემო სულიკოვ, ბევრი იმეცადინე, — სიცილით უთხრა ქალმა და წამწამები აათამაშა, — ტრილობიტებიც გაიმეორე და ბრაკოპოდებიც. უჰ! რამდენი იმეცადინე, შენ კი თავს შემოგეველე, უეჭველა, გამოცდაში გაიმარჯვებ და ბოლოს დიდი ექიმში გამოხვალ. ფულს ბევრს იშოვნის ავადმყოფების მორჩენით, ე. ი. მათი საიქიოს დანიშნულ დროზე ადრე გამგზავრებით, და იმ მობოქილ ფულით მე ბრილიანტებს მიყიდი და ცოლად შემირთავ. რომ იცოდე მერე რა ბედნიერად ვიცხოვრებთ? შენ შემცდარი ხარ, ამას წინათ რომ გაიფიქრე, სააპერაციო ნესტარით თავი არ

მომაკვლევინოსო. არა, ნესტარი რათ გავსვაროთ, უბრალო თოკითაც შეიძლება თავის ჩამოხრჩობა და გარწმუნებ, რომ ეს ძლიერ სუფთა და უტყუარი საშუალებაა სასოწარკვეთილთათვის.

ყმაწვილ კაცს თავი ერთობ დაუმძიმდა, სული შეეხუთა, შიშმა აიტანა, თვალები დახუჭა, ისევ გააღო. მის წინ იგივე ტრილობიტი იდგა თავას წვეტიან „ჰიგიდიუმზე“ დამღვარი და მრისხანედ უყურებდა.

— ქალბატონო ტრილობიტო, — ზრდილობიანად მიმართა სტუდენტმა.

— რას მიბრძანებთ... ვიცი, რაც გინდათ მთხოვოთ, მე ხომ გულთმისანი ვარ. გამოცდამდე, ჩემო ბატონო, ერთი დღედა დარჩა, თქვენ კი არაფერი გაგიკეთებიათ. ჩემთვის ტრილობიტის დარქმევა არ კმარა. პროფესორი ამას არ დაგჯერდებათ, უფრო მეტი წვრილმანები უნდა იცოდეთ ჩემზე. ეს რომელი ტრილობიტიაო, პროფესორი რომ გეტყვის, შენი ამბავი რომ ვიცი ფაკოპსად მომნათლავ. ნამდვილად კი მე დალმანაია ვარ, ქვედა სალუზიანისა. ყველა ეს თქვენ ჰომოების მიერ მოგონილი სახელებია, თორემ ნამდვილ ჩემს სახელს თავის დღეში ვერ გაიგებთ, რადგან ჩემი სახელწოდება და დაბადების აღნუსხვა გენეზისის ფიქალზეა აღბეჭდილი და ქვეყნის შუაგულის უფსკრულისაკენაა გადასროლილი. მას შამდეგ სწორედ ას ოცდარვა მილიონი ოთხას სამოცდახუთი ათასი, შვიდას ოცდარვა წელიწადი, შვიდი თვე, სამი დღე, ცხრა საათი და რვა წუთია. ხოლო დანარჩენი რამდენი წუთი გაივლის კიდევ ჩვენ მუხაიფში, ის შენ თვითონ გამოიანგარიშე, საათი ხომ გაქვს, და მიუმატე.

— ქალბატონო ტრილობიტო, — ხვეწნით ამბობდა სტუდენტი. მაგრამ აქ ტრილობიტი ანტა და დახტა, ისე მალლა ხტებოდა, რომ ყმაწვილ კაცს თითქმის ცერამდე წვდებოდა.

ამავე დროს საშინელი ქექა და ქუხილი მოისმოდა.

— ხა, ხა, ხა, — ისმოდა საერთო ხარხარი. — კაცნო, თავი დაანებეთ, იძინოს, რას დაეძებთ.

— ხა, ხა, ხა, ტუჩებს როგორ აცმაკუნებს, თითქოს ლოცულობს! — ისმოდა ხმა.

— ალბათ, ესიზმრება რაღაცა!..

— ხა, ხა, ხა, ხა!..

— ოჰ! — გააზმორა ტრილობიტთან მოსაუბრე სტუდენტს და თვალები ოდნავ გააჭყიტა. — დასწყევლოს ღმერთმა, ტრილობიტი

ლაპარაკობდა, — წაიბუტბუტა მან ჯერ კიდევ ძილისაგან გამოურ-
კვეველმა.

— ტრილობიტი ლაპარაკობდაო? ხა, ხა, ხა, ხა... იცინოდნენ
სტუდენტები.

— პატიოსანი სიტყვა, ცხადი იყო მგონია, ღმერთმანი!





ბ ე რ ნ ი მ რ ე ბ ა

A mon cher maitre, mousieur
le professeur Aug. Lameere*.

I

ქალაქგარეთ, სოფლებსიკენ მიმავალ, ახალშეკეთებულ საურ-
მე გზის პირად რამდენიმე ვერხვის ხე ხარობდა. მათი ისტორია
ბნელით იყო მოცული. ზოგის თქმით, ამ ალაგას ერთ დროს ბალი-
ყოფილიყო; სხვა ვინმე მდიდარი კაცის ნაფუძარს ასახელებდა;
ზოგს კი ხეები, სრულეზათ ბუნებრივად, თავისით ამოსულად მი-
აჩნდა. ვერხვი ყველა ერთი ტანისა არ იყო. ყველაზე უფრო დიდი,
ტოტებ ფართოდ გაშლილი, ზედ გზის პირას ამოსულიყო, კლდის
გვერდით, დავაკებაზე. თვით კლდე, თუმცა საკმაოდ დაქანებული,
მანც არა ციცაბო, სულ ტიტველი არ იყო. ბალახბულახის გარდა
მის ფერდობზე ორი-სამი რალაც ჯაგი მოჩანდა.

საკმაო მაღალი მდებარეობა, ქვეშ ფართოდ გაშლილი ქალაქის
მადამოები ამ ადგილს შორიდანაც და ახლოდანაც მიმზიდველად
ხდიდა. მგზავრი თუ მოსეირნე ამ წერტილს იშვიათად გვერდს აუ-
ხვევდა, შეჩერდებოდა, მიდამოს თვალს მოავლებდა და ერთ-
ორჯერ სუფთა ჰაერს მსუბუქად შეისუნთქავდა.

* ჩემს საყვარელ მასწავლებელს, ბ-ნ პროფესორს აუგ. ლამერს.—რედ.

დიდი ვერხვის მიდამოებში არავითარი ხელოვნური დასაჯდომი არ მოიძებნებოდა, რადგან ქალაქს განაპირა და მოშორებული ადგილებისთვის არ ეცალა. შიგ ქალაქის ეგრეთ წოდებულ ქუჩატროტუარებზე, ალაგ-ალაგ ისეთი ოღროხოლორ გაჩენილიყო, რომ მოქალაქის მისუსტებულ კანკებს დღისით, მზისითაც, ყოველ ფეხის გადადგმაზე საფრთხე მოელოდა. ამ პირობებში ვერხვის ზევისდა გაახსენდებოდა...

სულ ერთია, ვერხვის ხესთან მოსეირნენი მაინც ამ მხრივ იოლად გამოდიოდნენ. აზიელს (ქალაქი აზიაში იყო) მაინცდამაინც არ უყვარს ცხოვრების მოხერხებულად მოწყობისათვის თავის შეწყუბება. მას ოცნება და მუსაიფი უფრო ემარჯვება, ვიდრე სინამდვილეში ჩახედვა და იმისდაგვარად შრომა და გარჯილობა. ის როგორმე ჩამოჯდება, ან წამოწვება, ან სრულიად დაწვება ხან პირადმა, ხან პირდალმა, ყველგან: კლდეზე, მწვანეზე, მტვერზე, მხოლოდ საშუალება ჰქონდეს იოცნებოს ან იმუსაიფოს, იმუსაიფოს და იოცნებოს დაუსრულებლად.

სამაგიეროდ, თვით ხეს და კლდეს ეზრუნა ამ ნაკლის გამოსაწორებლად. ვერხვის ხის ერთი დიდი ფესვი, თუმცა უსწორმასწორო და მიგრეხილ-მოგრეხილი, გზის მაღალ კიდეზე ისეთნაირად გამოჩნბირულიყო, რომ ზედ სავარძელივით ჯდომა შეიძლებოდა. ადამიანსაც ეს არ გამოპაროდა და მართლაც ფესვის ზედაქერქი ხშირი ჯდომისაგან გადახეხილიყო. იქვე, შრეებად დალაგებული კლდის ერთი კუთხე, დროთა ვითარებისა გამო ჩამონგრეულა, ერთგვარ პატარა ტახტს წარმოადგენდა, სადაც ორი ადამიანი, ასე თუ ისე, მოთავსდებოდა. მიუხედავად მუდმივი მტვერ-ტალახისა, ეტყობოდა, მუშტარი ამ ტახტსაც არ აკლდა.

ჩვენ ზემოთ ვთქვით „ახალ შეკეთებულ საურმე გზაზე“. ეს მთლად სწორი არ არის. გზა კი არ შეუქეთებიათ, მხოლოდ დიდ ვერხვის ხესთან კლდოვანი მთის ერთ-ერთი კალთა გასჭრეს ამ ზომამდე, რომ ზედ ურემს გასვლა შესძლებოდა. საცალფეხო გზა კი აქ უხსოვარ დროიდან იყო, მხოლოდ ურემი ვერ გაივლიდა: დატვირთული ცხენისთვისაც აქაური გასვლა ერთგვარ სიძნელეს წარმოადგენდა. წინათ, ქალაქისკენ მიმავალ, სოფლებიდან სანოვგით დატვირთულ ურემებს შორიდან უნდა მოეელოთ, სანამ ქალაქს მიაღწევდნენ; ამ კლდის გაქრამ კი საურმე გზა სამი კილომეტრით მაინც შეამოკლა. სხვაფრივ კი ეს გზა ყოველად მოუწესრიგებელი, წვიმა-ქარის კეთილ მზრუნველობაზე იყო მიგდებული.

კლდის გაქრის შემდეგ ვერხვის ხის მიდამოს დიდი გამო-

ცოცხლება დაეტყო. მგზავრებმაც და მოსეირნებმაც მოუხშირეს აქეთკენ მისვლა-მოსვლა. მათი კვალი ხესაც და მის გვერდით გზის გაჭრის შემდეგ, დიდი ზვინივით ცალკე ამართულ კლდესაც დაეტყო.

ვერხვის ხის ქერქი თანდათან აჭრელდა სხედასხვა ენაზე დანით ამოჭრილი წარწერებით. ზოგს თავისი სახელ-გვარის დასაწყისი ამოეჭრა, ზოგს სრულად და ზოგს თარიღიც მიემატებინა, რომ მომავლისათვის თავისი ამქვეყნად არსებობის რაც შეიძლებოდა პეტი და სწორი ცნობები მიეწოდებინა. ვიღაც, ალბათ ტრფობის აღმოდებულს, ვერხვის ხის განზე გაშვერილ მსხვილ ტოტამდეც მიეღწია და ზედ ლამაზად ამოეჭრა: „გელოდი, მ.“

გზისთვის გაჭრილი და კედელივით შვეულად დამდგარი კლდე ხომ სულ აჭრელებული იყო წარწერებით, რადგან წერის სიადვილეც და სივრცეც ძლიერ ხელს უწყობდა. აქ მთელი ლიტერატურა იყო წარმოდგენილი. ზოგს უბრალო ფანქრით ევარჯიშნა, ზოგს ფერადი საღებავიც მოეტანა და ფუნჯით მიეწერა თავისი ვინაობა, ან მისი გულისწოდებები, რომ დიდხანს უზრუნველყო მომავლადგთა შორის თავისი ჭახელი და სულისკვეტება. საბრალო ადამიანი! აგვარი ფუქსავატი რამითაც გულს იჯერებს და იმკაცოფილებს! შინაარსის მხრივ, რა გინდა რომ აქ არ ყოფილიყო წარმოდგენილი: სიყვარულის გამოცხადება, იმედგაცრუებული მწუხარება, მეტოქის მუქარა და გაბედნიერებულის შვება-სიხარული. ბოლოს ისიც არ აკლდა, რასაც წესიერ ოჯახებში უწმაწურობა ეძახიან და ჩვეულებრივი ბაასის დროს არ გამოთქვამენ ხოლმე. აქ კი მწერალი ამ უწმაწურობასაც არ დარიდებოდა გამოეთქვა თავისი სურვილი და აზრი ისე, როგორც მას თავში დაებადა; ტლანქად, ტიტვლად, უმბრონ-ზეთცხებულად.

ღვინობის თვეა. ვერხვის ხის საკმაო ფართო ფოთლებს ოქროს ფერი გადაჰკრავს, კლდეზე ბალახი გახმა, ერთიც და მეორეც რუხად, მოწყენილად გამოიყურება.

„შრ, შრ“, — შეირბა ვერხვის ხე, ფოთლები საუცხოოდ ააფრიალა. ბევრი მათგანი ყუნწს მოსწყდა, ფრიალით ძირს წამოვიდა და კლდეზე გადაეყარა.

— რა მოსაწყენი დრო დადგა, ამხანაგო, — წასჩურჩულა ხე კლდეს.

— რა ვქნათ, — მიუგო კლდემ და მწყობრად დალაგებულ და ერთ მხრივ ოდნავ დაქანებულ ფენებს შორის ნელი ქანუნი მოადინა. — შემოდგომაში შევიქვერით, სულ მუდამ ზაფხულ-გაზაფხუ-

ლი ხომ არ იქნება. იმითაც ბედნიერი ვართ, რომ ზაფხული ძლიერ კარგად გავატარეთ. მას აქეთ მაინც, რაც მე გამაცალკევებს და იმ უზარმაზარ, უშნოდ ახრახნილ მთას მომამორეს და დამოუცილებელი ცხოვრების საშუალება მომცეს, ერთობ ბევრი ხალხი მოგვაწყადა სანახავად. ჩვენც უკეთ მორთულ-მოკაზმულნი ვუხვდებით სტუმრებს და ეს ადვილი ასახსნელიცაა. წინათ წვიმის წყალი ჩემში ერთ წუთსაც არ ჩერდებოდა, მაშინათვე, იმ ღორბუტელა გაუშაძლარ მთის ფენებისკენ გაქანდებოდა. ახლა კი, გზის გაქრის შემდეგ, წვიმამ უამრავი თიხის ნამცეცები ჩამოიტანა, ჩემი მთისკენ დახრილი ფენების ქუქრუტანები გაგლისა და ჩემი წყალი მევე პრჩება. კიდეც ამიტომაც, რომ წრეულს უფრო მეტი ბალახებითაც დავმწვანდი და აქა-იქ ჩემს ზურგზე ბუჩქებმაც იჩინა თავი. დამაცადე რამდენიმე წელიწადი კიდეც და ჩემს კალთას სქელ ყვავილ-ბალახით და ბუჩქნარით შევამკობ-შევახავერდებ.

— წარმოიდგინე, ამხანაგო, — მიუგო ვერხვმა, — ფოთლები შეამრიალა და კაი ძალი კლდეს ზედ გადააყარა, — მთის გაქრის შემდეგ მეც უკეთ ვგრძნობ თავს. ჩემი ფესვები უკეთ წუწნიან სიღრმეს და წყალშიაც მეტი და უფრო ნივთიერი საკვები მასალა გახსნილი.

— ესეც იგივე მიზეზის შედეგია. ნიადაგი, რომელზედაც შენ ხარობ, ეს ხომ ჩემი ზედაპირიდან წვიმის მიერ ჩამონარეცხი ანდა დავაკებაზე დაგროვილი ჩემივე ნამცეცებია. ნიადაგქვეშ კი ჩემი ფენებია დალაგებული, ასე, რომ შენ ჩემ ხელისგულზე ხარ ამოსული. რამდენად ჩემი ფენები წყლით მდიდარია, იმდენად შენ მეტი საზრდო გაქვს, სიგრძე-სიგანეში გაიწევი და ტოტებ-ფოთლებით დამშვენდები.

— სრულებით გეთანხმები. განა მე თვითონ არ ვატყობ, რომ უფრო ჯანსაღად ვარ, ვიდრე წინათ. მხოლოდ ეს კი არის, რომ მოსიერიან ხალხმა დანით სულ ქურჭი დამიფხაქნა. ზოგი შორს მიდის, ცილამდე მწვდება, დამზადებულ სანოვაგეს — ცილა-შაქარს მიფუჭებს.

— სამწუხაროა, ამხანაგო, ძლიერ სამწუხაროა, მაგრამ სხვა გზა არ არის. ადამიანი ხომ ბუნებით დამზარევი და დამქცევი არსებაა. მეც ხომ არ მასვენებენ. ხშირად მთელი ხროვა ადამიანი ჩაქუჩებით შეიარაღებული ჩემ ახლო რომ გაივლის, შეჩერდებიან, დამიშენენ სრულიად უპიზეზოდ ჩაქუჩს და გვერდებს ჩამომიმტვრევენ, რათა? რისთვის? ვისთვის რა დამიშავებია? მაგრამ ერთი შეხედვით, მოდიან, ეტყობა, დღესაც სტუმრები არ მოგვაკლდება.

ვერხვის ხემ შრიალი შეწყვიტა, მისი მუდამ მოფარფაშე ფოთ-
ლები თითქო გაიყინა.

ქალაქისკენ ჩამავალი გზიდან ერთი ქალი და ერთი კაცი ნელ-
ნელა ამოდიოდა. ორივენი სუფთად, თითქმის კოხტად იყვნენ ჩა-
ცმულნი. შორიდან ქალი ძლიერ ლამაზი მოჩანდა, ახლო კი საიმო-
სო შთაბეჭდილებას ვერ ახდენდა. მიზეზი ის იყო, რომ პირისანე
წვრილად დაფქული ბრინჯით სქლად ჰქონდა დაფარული და ტუ-
ჩებზედაც რაღაც წითელი, მყვირალა ფერი წაესო. ამის გამო მისი
სახე საფრთხობელას უფრო წააგავდა, ვიდრე ადამიანის ნშვნეიერი
სკესის წარმომადგენელს. ვაჟს წვერება არულგბით მოეპარსა,
ხოლო უღვაშები სანახევროდ. ამგვარად, პირისახის მორთვა
ერთმა ორმა დაიწყო, სხვამ წაბაძა და ბოლოს უმრავლესობამ ხში-
რი განმეორებით ჩვეულუბად გახადა.

— ეგ სად ამოიყვანე, კაცო, — თაკილობდა ქალი, როცა ისინი
ვერხვის ხეს მიუახლოვდნენ.

— რატომ, განა ცუდი ადგილია? ნუთუ ჯერ აქ არ ყოფილ-
ხართ?

— მე? — გაიკვირვა. ქალმა.

— ვთქვით, თქვენც, მაგალითად, რატომაც არა! აქ სათაკილო
ალაგი სრულებით არ არის, ყოველ წრიდან მოსეირნეს აქ იპოვ-
ნით, განსაკუთრებით ზაფხულობით.

— ვხედავ, ამჩნევია კიდევ. აი, ეს ხის ღერო, როგორ წარწერე-
ბით აუჭრელებით, „რე“ და „ტარ“, „გან“ და „ბან“, „სან“ და
„ცან“, — ჩუმად კითხულობდა ქალი ხის ქერქზე ამოჭრილ ასო-
ებს.

— გარშემუნებ, ბევრი პატიოსანი ხალხი ამოდის აქ. ჰაერი სუფ-
თაა, გადასახედავი საუცხოო. ამბობენ ჩვენი პოეტები, თავიანთ სა-
უკეთესო ნაწარმოებს აქ ამოსვლის შემდეგ წერენო. ეტკობა, რომ
პოეზიის უჩინარი და აუწონავი ნამცეცები (ატომები) ამ ალაგას
განსაკუთრებით იყრიან თავსა და რჩეულთა სხეულში, ჰაერის
სუნთქვასთან ერთად, შეიჭრებიან ხოლმე, იქ ფესვს გაიდგამენ,
გაიზრდებიან და პოეტური ნაწარმოების სახით ქვეყანას მოველი-
ნებიან.

— ჰმ... — უგულოდ ჩაიცინა ქალმა.

— დიახ, დიახ. ეს საქმე პირად მე სრულებით მწამს, მხოლოდ
ამჟამად ის მაწუხებს, რომ ადგილი საშინლად მოუწესრიგებელია,
აი, აქამდის ამოგიყვანე და დასაჯდომი ალაგი არსად ჩანს.

— ეს კი მართალია. მე კი დავიღალე და არც კი ვიცი, სად ჩამოვჯდე.

— იქნებ ამ ფესვზე ინებოთ..... ესეც ერთგვარ პოეტურად არის ჯამოშვერილი.

— პოეტურად თუ პროზაიკულად ამაზე რა მოგახსენო. ეტყობა, რომ ბევრი მჯდარა ზედ. მე კი გმადლობთ, მაგრამ ვერ გავბედავ. ჩემი კაბა ძლიერ ნაზი ქსოვილია და იმ ფესვის ჭირკვლებში სულ ერთიანად გაფუჭდება.

— მაშ, ამ კლდეზე მოვახერხოთ როგორმე, — დაფაცურდა ვაჟი, სწორედ ჩამოტეხილ ფენაზე ქვის ნატეხები მიჰყარ-მოჰყარა, ჭიბიდან გაზეთი ამოიღო და ზედ გაფენა.

— აქ კი, შესაძლებელია. — გამხიარულდა ქალი.

— მობრძანდით, ეს ტახტი გახლავთ, ის ფესვი კი სავარძელი.

— ხა, ხა, ხა, ჩინებულთა, მხოლოდ იმუხათა სამყოფს უკეთესი მოწყობილობა შეშვენის.

ორივენი ჩამოსხდნენ. დღე მზიანი და თბილი იყო.

— მართალს ბრძანებთ, დიახ, უკეთესი მოწყობილობა შეშვენის. მე რომ რამე დიდი თანამდებობა მეჭიროს (და თავის დროზე რომ დავიჭერ, უეჭველია), აქ ადგილას ასე ვერანად არ გავუშვებდი. ამ ორ-სამ რაღაც საცოდავ, მრუდე ხეს მოვჭირიდი და მის ალაგას ხეივნებს გავაშენებდი, ასე, ასე და ასე, — ხელით სიგრძე და სიგანეზე გადაზომა კაცმა ვერხვის ხეებიანი დავაკება, — საყვავილოებს გავმართავდი, ლამაზ-ლამაზ ფანჩატურებს დავდგამდი და შიგ ხელოვნად გაკეთებულს და ფერად-ფერად შელებილ დასაჯდომებს გამოვჭიმავდი. საყავეს მოვაწყობდი, ტკბილ მოსასმენ მუსიკას ავახმავებდი. ამასთან სხვა გასართობებსაც არ დავივიწყებდი. აღამიანს სომ გონებასთან გრძნობაც აქვს განვითარებული და ამ გრძნობათ უსათუოდ დაკმაყოფილება სჭირია.....

— ამას იმიტომ ამბობთ, ბატონო, რომ დიდი თანამდებობა არ გიჭირავთ, თორემ, რომ გეჭიროთ, მაშინ ამისთანა მიყრუებულ ადგილისთვის აბა სად მოიცილიდით. — სიცილით გააწყვეტინა ქალმა.

— გარწმუნებთ, მოვიცილიდი. სხვა არა იყოს რა, იმიტომაც მაინც, რომ თქვენ დღეს აქ ამობრძანდით და პირადად, ასე ვთქვათ, აკურთხეთ ეს ადგილი.

— ხა, ხა, ხა, ხა, — გადიკისკისა ქალმა. — აი, თურმე რა ყოფილა, მე კი მეგონა, რომ თქვენ უფრო ფართო მოსაზრება გასულდგმულლებდათ.

— უეპველად კი ფართო, ე. ი. საზოგადო მოსაზრებასაც ერთი წუთით არ ვკარგავ გონებრიდან... გადაწყვეტილი მაქვს პირად ჩემი სიამოვნებისათვის ერთი წუთიც არ დავკარგო და სულ საზოგადო, სასარგებლო საქმეებს შევწირო მთელი ჩემი სიცოცხლე. მაგრამ ეს სრულებით ხელს არ უშლის, რომ თქვენს პირადობას დიდად ვაფასებდე და საშუალება რომ მქონდეს, თქვენი აქ ამოსვლის სახსოვრად ეს ადგილი მოვაწესრიგო. ამით ხომ საზოგადო საქმე გაკეთდება და სულ ერთი არაა, თუ რა ედვა მახლობელ სარჩულად ამ საქმის გაკეთებას. მაგრამ ბოდიშს ვიხდი, ვიწროდ ხომ არ ზიხართ?

— ჰო, ცოტად, მაგრამ არა უშავს რა.

— ოხ, ჩემთვის კი, თქვენთან ასე ახლოს ყოფნა მეტიანეტი სასიამოვნოა. სწორედ რომ ბედნიერი ვარ, განუზომელად ბედნიერი, — აღვლევებით წარმოთქვა კაცმა და ქალისაკენ უფრო მკიდროდ მიიწია.

— მამაკაცებმა სულ ასე იცით პირმოფერება და წუთიერი აღვლევება.

— განა მე თქვენ სხვა მამაკაცებს მადარებთ?

ქალმა იქვენულად გადახედა და ტუჩები შეიკმუხნა.

— მე თქვენ დაგიმტკიცებთ, ქალბატონო, რომ მე სხვა მამაკაცებს სრულებით არა ვგავარ. მე ჩემი ნათქვამის სრული ბატონპატრონი ვარ. სიტყვებს წარამარა არ ვისვრი. პოეტს, მაპატიეთ გულახდილობა, სრულებით არ შეშვენის ტრაბახი. მისი სიტყვა უნდა იყოს, როგორც ბეჭედი, მტკიცე და შეურყეველი. მე უკვე მქონდა კანდიერება გამომემკლავნებია თქვენთვის ჩემი მწუხარება, გამამეშალა თქვენთვის ჩემი გულის ტკივილი. მას აქეთ ბევრი ვებრძოლე ჩემს თავს, ბევრი ვითმინე... მაინც არა ეშველა რა. ბოლოს მაინც, ეს არის, გასკდა დაგუბებული ჩიხი... პირდაპირ გითხრათ მირჩევნია... მე თქვენ გაგიუებით მიყვარხართ. — ამის თქმისთანავე კაცმა ქალის ხელს ხელი სტაცა და ტუჩებით ზედ დაეყრდნო.

— მოიცათ, ნუ ღელავთ, ახ! რა სულმოკლენი ხართ... — დინჯად ამბობდა ქალი და ცდილობდა, ხელი გაეთავისუფლებინა, თუმცა ცოტაოდენი აღვლევდა მის სახეზედაც იბეჭდებოდა.

— აბა რას ბრძანებთ, აბა რას ბრძანებთ! — ათრთოლებით ამბობდა კაცი, — განა შესაძლებელია ადამიანი თქვენთან ასე ახლოს იყოს და არ აღვლდეს, თქვენს მშვენიერებას უყუროს და გულგრილი დარჩეს, თქვენი სიახლოვე იყნოსოს და თავბრუ არ

დაესხას, — და ვაჟმა კვლავ გაშმაგებული კოცნა დაუწყო ქალის ხელს.

ქალის ხელი მართლაც და გამაღიზიანებელ სურნელებას სცემდა. მას ხელზე, და იქნებ სხვაგანაც, კეთილსურნელოვანი ნელსაცხებელი ჰქონდა წასმული, ეს სურნელოვნება ლამაზ შუშაში მოთავსებული, შუშაზე ლამაზი წარწერებით და სურათხატებით მორთული, მას თავის საპირფარეშოში, მაგიდაზე, თვალსაჩინო ალაგას ჰქონდა მოთავსებული. შუშაზე დაკრულ ქალაღზე ეწერა: „აღმოსავლეთის ია“, თუმცა იმ მოყვითალო სითხეში, რაც შუშაში იდგა, იის წვენი ერთი წვეთიც არ ერია, და მხოლოდ ფისისაგან იყო ხელოვნურად გამოხდილი. ქალი ისევ შეეცადა ხელი გაენთავისუფლებინა.

— ღმერთო ჩემო! — უკმაყოფილოდ წარმოთქვა მან, — აქ რომ ვინმე ნაცნობმა მნახოს, სომ ყელი გამომეკრა!

— რატომ? ნუთუ მე იმ ზომამდე საზიზღარი ადამიანი ვარ!

— აჰას ვინ მოგახსენებთ!

— ნუთუ არავითარი კეთილი გრძობის ნაპერწკალი ჩემდამი არა ღვივის მაგ თქვენს გულში!

— ეს სხვა საქმეა.

— ნუთუ ის ყინულებით ცივია?!

— ყინულებით ცივი რომ იყოს, მე ამქამად აქ არ ვიქნებოდი.

— მაშ ნაცნობების რისთვის გერიღებათ. ან თქვენ მიერ მოსარიღებელ ნაცნობებს აქ რა უნდა? დღეს აქ თუ ვინმე მოვიდა, ისიც ჩვენისთანა გაჭირვებული, ტრფობის წყურვილით გაშმაგებული, სამოთხის ნამის ჰკურების მაძიებელი იქნება და იმის, აბა, რად მოგვერიღება?

— ხუმრობა იქით იყოს. განა თქვენ წელან არა თქვით, რომ აქ ბევრი რიგიანი ხალხი მოდის ყოველ წრიდანაო?!

— დიახ, ბევრი რიგიანი და ურიგოც, იმისდა მიხედვით, თუ ვის როგორ ესმის და ვის როგორ სურს გაიგოს ეს სიტყვა. ეს სულ სხვა საქმეა. ერთია მხოლოდ მართალი, რომ არა ჩვენ დასაზვერავად, არამედ ლამაზი ბუნების თვალგადასავლებად, სულის ასამაღლებლად და წმინდა გრძობით შეპყრობილი გულის ფართოდ გასაშლელად ამოვა და ასეთი ვინმე კი ჩვენ ხელს არ შეგვიშლის. პირიქით.

ქალს გაეცინა. ორივემ ერთ ხანს იცინეს.

— არა, თუ ღმერთი გწამთ! განა მართალს არ ეამბობ? აბა ერთი გადახედეთ, რა ღიადი სანახაობაა! ჯერ ჩვენ ქვევით გაშლილი

ველი, მერე ხშირი ტყე, შემდეგ მთელი რიგი ერთი მეორეზე ამაღლებული მთებისა. პირველ ხაზზე ყველაფერი ნათელია, ცოტა მოშორებით კი ტყეს მტრედისფერი ბურუსი ოდნავ გადაკრავს, კიდევ უფრო შორს მთა მოლურჯოა, ხოლო უკანასკნელ ხაზზე მაღალი მთა სანახევროდ ღრუბლებშია დამალული. ამ სიმშვენიერის მნახველი. აბა რომელი გული არ ატოკტება, თუკი ის ოდნავ მაინც ფეთქავს... ეს ცოტაა. პოეზიის საღერდლის ასაშლელად უკეთესი ადგილი წარმოუდგენელია. უნდა გამოგიტყდეთ, რომ მეც პირველად, ასე ვთქვათ, აქ ვეკუთხებ პოეტად.

— თქვენ პოეტი ბრძანებულხართ? დიდად სასიამოვნოა.

— გმადლობთ, მჩვევია ეგ ავადმყოფობაც. მასალა ჯერ ბევრი არ გამომიქვეყნებია. რაღაც ხუთიოდ ჩემი ლექსი დაისტამბა დღემდე. მაგრამ უნდა ვიქონიოთ სახეში, რომ ორმოცდაჩვიდმეტი უკვე მაქვს გამოთქმული და ჩაწერილი.

— დიდად სასიამოვნოა, დიდად სასიამოვნო, — ნაზად შენიშნა ქალმა.

— გმადლობთ. ეს ჯერ მხოლოდ დაწყებაა. კრიტიკოსებმა ახლავე შემომიტიეს, მაგრამ კარგად ვიყოთ და მე მათ ჩქარა ჩავაჩუმებ. ერთმა ჩემ ლექსებში გაუგებრობა და უაზრობა აღმოაჩინა... მას ავიწყდება, თუ ადვილი გასაგებია, ეს ხომ საბავშვო მოთხრობა იქნება და არა პოეზია. ნამდვილი პოეზიის თვისება სწორედ რომ ბინდუნდოვანებაა. ნამდვილი პოეზია უნდა იყოს გასაგებად ძნელი და სანახევროდ ბნელი, ვით იერუსალიმის ტაძარი... მაგრამ, ოხ, ჩემო გამჩენო! სად მოეძებნო უკეთესი პოეზია, თუ არა თქვენი ყუყუნა თვალების გამომეტყველება, სად ვიპოვნო უკეთესი ჰარმონია, თუ არა თქვენი ლოყა-ნიკაპ-ტუჩების თანხმობითი მოხაზულობა, სად გავიგონო უკეთესი ზეადმატებული ჰანგები, თუ არა თქვენი ნაზი სამოთხისებური ხმა, — აღტაცებით წარმოთქვა ვაჟმა და ქალის სურნელწასმულ ხელებს კვლავ ტუჩებით დაეწაფა. ცალი ხელი ფრთხილად წელზე მოხვია და ტუჩებზე საკოცნელად წაეტანა.

— რას ჩადიხართ! გონს მოდით! — მთელი ტანის ოდნავ ცახცახით წარმოთქვა ქალმა, ზეზე წამოიჭრა და ფრთხილად ირგვლივ მიმოიხედა. — როგორ შეიძლება ასეთი აჩქარება. დიდი შეცდომა მომივიდა, რომ ამ სიშორეზე და ასეთი უდაბურ ადგილისკენ წამოგყევი... რომ ვინმემ გვნახოს... — გაფანტულად, ნაჭერ-ნაჭერ ისროდა სიტყვებს ქალი.

— თქვენ სულ ერთსა და იმავეს იმეორებთ.... მოვიდეს, გვნა-

ხოს, ვისაც უნდა. ჩვენ ხომ არაბუნებრივ რასმე არ ჩავდივართ. ჩვენ ხომ ქვეყანაზე ხალხს ვერ ამოვწყვეტთ, — გულმტკიცუნულად ამბობდა ვაჟი.

— ოჰო! მადლობა მომიხსენებია. ესლა მაკლდა.... მაშ, აბა წავიდეთ!

— სად?

— შინ, რა თქმა უნდა.

— მიბრძანდით, ბატონო.

— მე მარტო? თქვენ კი აქ დარჩებით?

— მე?... მე.... სულ ერთია გაიგებთ. მე ამ კლდიდან ხევში გადავეარდები, — მოწყენით მიუგო ვაჟმა.

— ხა, ხა, ხა, — მხიარულად გადაიხარხარა ქალმა.

— დამცინეთ, დამცინეთ, ბატონო, — სევდიანად გააგრძელა ვაჟმა. — როცა ჩემს საცოდავ ლეშს, ათასფრად დასახიჩრებულს, და, ვინ იცის, სანახევროდ გახრწნილს ამ ხევიდან ამოათრევენ, საანატომიო თეატრში წაიღებენ და იქ საექიმო დარგის მოსწავლეთა საფხეკ-საძიძგნავად გახდიან, როცა ჩემს უკვე გაცივებულ და დამქვანარ გულს დოსტაქრის უღმობელი ნეშთერი ათასფრად მისერ-მოსერავს, იქნებ ფიქრშიც არ გაუელვოს იმ საძაგლს, თუ რანაირად თრთოდა და ღელავდა იგი ერთ დროს შენი განუზომელი სიყვარულით აღტაცებული.

ქალი თავჩაღუნული და ოდნავ მოღიმაჩი სახით ვაჟს ზევიდან დაუურებდა.

— კარგი, გეყოფა ხუმრობა, ახლა წავიდეთ, — ლმობიერად უთხრა მან.

— მე ვხუმრობ? კარგი, ვნახოთ, — მიუგო ვაჟმა, თავი მალა ასწია და მოელვარე თვალები ქალს შეანათა. — მე ვხუმრობ? მე უთქვენოდ ცხოვრება არ შემიძლია!

— მართალს ამბობთ? — დინჯად დაეკითხა ქალი.

— ეს ჩემი მტკიცე გადაწყვეტილებაა.

— მაშ მოდი, საქმიანად ვილაპარაკოთ, — თქვა ქალმა და ისევ ჩამოჯდა — თქვენ ამბობთ, მიყვარხართო, გულახდილად გეტყვით: არც მე მძულხართ, მაგრამ ერთი ჩემს მდგომარეობაშიაც უნდა შეხვიდეთ. მეც აღამიანი ვარ, საზოგადოებაში ვცხოვრობ, ერთგვარ წესრიგს ვემორჩილები... ერთგვარი გარკვეული ხაზით მინდა ვიარო ცხოვრებაში. ამიტომ ჩემი თავმოყვარეობა ნებას არ მომცემს, რომ... ერთგვარი სათამაშო გავხდე. ჩვენს დაახლოებას კი, არა-

ხელსაყრელი პირობები წინ ელობება: თქვენ ცოლიანი კაცი ბრძანდებით... და, როგორც გინდათ თქვით, მაგრამ აჩქარებით ნაბიჯს ვერ გადავდგამ...

— ეჰ! ერთი თქვენცა, რა უბრალო რამეზე ჩივით, — გააწყვეტინა ვაჟმა.

— უბრალო სრულებით არ არის, პირიქით...

— ჩემს მზეს ვფიცავ, უბრალოა. ვითომდა ობერპროკურორის პობედონოსცევის დრო ხომ არა გგონიათ, როცა განქორწინებას სრული ორმოცდაცხრა წელიწადი, თერთმეტი თვე და ოცდარვა დღე უნდებოდა? სულ ერთია, თქვენც რომ არ იყოთ, მე ჩემს ცოლს უნდა გავეყარო... ეს გადაწყვეტილი საქმეა, ჩვენი ერთად ცხოვრება შეუძლებელია. აგერ წელიწადზე მეტია, რაც ჩვენ სახელით ვართ მხოლოდ ცოლ-ქმარნი; ჩვენი ხასიათი ერთიმეორისას სრულებით არ უდგება. მე ალთას ვცემ, ჩემი ცოლი ბალთას და ამისთანა ჯოჯოხეთურ ცხოვრებას — კიდევ გავიყაროთ, ის ემჯობინება. პრინციპში ჩემი ცოლიც არაა ამის წინააღმდეგი.

ქალი სდუმდა, ვაჟმა მოალერსე თვალით გადახედა, ცალი მკლავი ნელა ზურგს შემოავლო და ოდნავ გასაგონად ჩასჩურჩულებდა:

— თავს შემოგველე, შენ გენაცვალე, მე შენ მიყვარხარ, ჩემო სულის დგმავ. ნუთუ შენი გული იმდენად ცივია, რომ ჩემი ალერსი მას ოდნავად არ ათბობს. მითხარ, თუ ის სრულებით გაყინულია. მითხარ, თუ ის ჩემ სასარგებლოდ ოდნავაც არ ტოკავს, მაშინ სიცოცხლე არ მინდა, მაშინ მე ამ ქვეყნიდან აღვიგვები. ოხ, რა უბედური კაცი ვარ, — აქვითინდა ვაჟი და თავით ქალის მკერდს ჩაეკონა.

ქალი სდუმდა. წინააღმდეგობას არ უწევდა. ვაჟმა მკლავი უფრო მაგრა მოხვია. პირისახე ქალის მკერდში სრულებით დაძალა და გაახარებული ღულუნებდა:

— ოხ, რა ბედნიერი ვარ, მზად ვარ ამ მდგომარეობაში მოვკვდე კიდევცა.

— მართლა ამ ზომამდე გიყვარვარ? — ჩასჩურჩულა ქალმა.

— ოხ! მიყვარხარ, მე უშენოდ ცხოვრება არ შემიძლია!.. მაგრამ სრული ბედნიერი მაშინ ვიქნები, როცა შენც გეყვარები... სამწუხაროდ, ვგრძნობ, რომ შენ არ გიყვარვარ. — ამბობდა და ქალის მკერდს სახით უფრო და უფრო მაგრა ეკვროდა.

— მე არ მიყვარხარ? — ჩუმადვე ჩასჩურჩულა ქალმა და ვაჟს ხელი თავზე დაადო.

ყმაწვილი კაცის სხეულში ელექტრონივით რაღაც მწვავემ გა-
ირბინა.

მათი ტუჩები ერთმანეთს მოხვდნენ და ერთიმეორეს მაგრა მი-
ეკვრნენ.

„შრ...შრ...“ — შექანდა ვერხვის ხე და ყვითელი ფოთლები
მათ თავზე გადააყარა.

„ბრ...ბრ...ბრ...“ — მოისმა უცბად დატვირთული ურმის ქვიდან-
ქვაზე გადახტომით გამოწვეული ბრაგუნის და ამავე დროს მამაკა-
ცის უხეში ყვირილი:

— ეი, შე საყორნევ, შენა, აბა საით სწევ, შე რჯულ... თედო!
ეი, ბიჭო, სადა ხარ. ჩქარა იქით სახრე შემოუქნიე, ბორბალი მაგ
დიდ ქვაზე არ აისროლოს, თორემ გადაბრუნდება... მო, მო... შე
ტიალო, შენა... ჰა! ცოტას არ გადასცდა, კინაღამ დავიღუპე კაცი!

ქალ-ვაჟმა გასწორება ძლივს მოასწრეს, რომ თივით და-
ტვირთულმა ურემმა მათ ცხვირის წინ გაუარა.

მალა-მალალი, შავულვაშა წვერ გაპარსული, დაგლეჯილი, რა-
ღაც გაურკვეველი ჯურის ტანისამოსში გახვეული კაცი კამეჩე-
ბისკენ პირ მობრუნებული ხელნის ბოლოს მაგრა ჩასკიდებოდა
და ზურგით წინ მიბაჯბაჯებდა. შვიდი-რვა წლის ერთი ციდა ბიჭი,
თავზე პატარა ნაბლის ქუდით და ხელში გრძელი სახრით, ურემს
გვერდით მედგრად მისდევდა და კამეჩის სახრეს უშენდა.

— მო... მო... თედო, კარგი, ეყოფა. ახლა არა გვიჭირს რა, ბედ-
ნიერი ვართ... კინაღამ არ გადამიბრუნა ურემი მაგ საყორნემ,
მაგანა... მაგ დალოცვილებმა ეგ გზა რომ გაჭრეს აქა, ძლიერ კარ-
გია, მაგრამ ერთი კარგად გაეჭრათ და! შე კაცი, მადლსა შერები,
ერთი მარლიც მოაყარე და! ნეტავ რისთვის არი, რომ ჩვენ კურ-
თხეულ ქვეყანაში ყველაფერი სანახევროდ კეთდება?!

— მო... მო... ეგ ქალაქის დედაკაცებიც ღმერთმა აღდგერძე-
ლოს და რანაირად ირთვებ-იკაზმებთან, ასე გგონია ყვინობა არისო.
კამეჩი კი არა, ეშმაკიც დაფრთხება, — ბუტბუტებდა გლეხი და
ახლა კი ჩვეულებრივ კამეჩებისკენ ზურგმობრუნებული ურემს
წინ მიუძღოდა.

— აბა, ახლა წავიდეთ, — მოუთმენლად ამბობდა ზეზე ამდგარი
ქალი.

— მოიცა, რა გაჩქარებს!

— როგორ თუ რა მაჩქარებს... სირცხვილია, ის მუტრუკიც
თავზე წამოგვადგა.

— იმას რა ბრალი აქვს, ის თავის გზაზე და საქმეზე მიდის. ჩვენ კილევ ჩვენი გზით ვიაროთ!

— წავილეთ, წავილეთ ჩქარა!

— სად?

— შინისაკენ, რასაკვირველია, მე ძლიერ საკირო საქმე მაქვს.

— ცოტა ხანს მოითმინეთ, ბატონო, აი ავიაროთ კილევ ზემოთ, ისეთი ლამაზი ადგილები გიჩვენო, რომ თვალი ვერ მოაშორო.

— არა, არა, წავილეთ, — ჭიუტობდა ქალი.

— მოითმინე, ბატონო, აი ავიაროთ ცოტა კილევ ზემოთ და ქალაქში მეორე მხრივ შემოვიდეთ. სეირნობის დროს იმავე გზით შინ დაბრუნება კარგი არაა.

— ეს ვინ გითხრა?!

— ბებიანიჩემისაგან გამიგონია...

ქალს გაეცინა:

— ტყუილი უთქვამს, ნაცნობი გზით უფრო საიმედოა შინ დაბრუნება, ვიდრე უცნობ, სახიფათო გზაზე დადგომა.

— დამიჯერე, ბატონო, აი ცოტა მაინც ავიაროთ. გარწმუნებ, ძლიერ კმაყოფილი დარჩები.

— სხვა დროს, სხვა დროს, ახლა კი, შენი ჭირიმე, შინ წავილეთ, იქნებ სხვა ვინმე კილევ მოვიდეს.

— რად გერიდება სხვებისა, დაბრძანდი, დამშვიდდი.

— მხოლოდ ერთი წუთით, სანამ ის მხეცი ცოტას მოგვეშორდება.

— მაგ საწყალ კაცს რას ერჩი, ბატონო, ჩვენს საქმეში ის სრულიად უდანაშაულოა. ჩვენთვის მას ყურადღებაც არ მოუქცევია.

— როგორ არ მოუქცევია, აკი კარგად გავიგონე ქალებიო, ეშმაკიო.

— ხა, ხა, ხა, ეს არაფერია.... მე მაინც გორჩევდი ავიაროთ ზემოთ, მანამ ის ურემიც ქალაქს ჩავა.

— არა და არა, სხვა დროს, — ჭიუტობდა ქალი.

ვაჟი ნებას დაყვა.

ვერხვის ხემ კვლავ ტოტები ააშრიალა და მოყვითალო ფოთლები კლდეს გადააყარა.

— როგორ ფიქრობ, ამხანაგო, ეგ მერამდენე ქალია ამ ვაჟს აქ რომ მოჰყავს? — დაეკითხა ვერხვის ხე კლდეს.

— მეთერთმეტე უნდა იყოს, — ააქახუნა ფენები კლდემ.

— მე კი მეთოთხმეტე მგონია, — შესწორება შეიტანა ვერხ-

მა, — აღსანიშნავია ის, რომ ყველას ეფიცება: მე უშენოდ ცხოვრება აღარ შემიძლიანო.

— ამასთანავე ამ ხრამიდან გადავარდნილთაც ემუქრება. — დაუმატა კლდემ.

— ზოგიერთებს ჩემი განზე გაწეულ მსხვილ ტოტზე თავის ჩამოხრჩობითაც აშინებს. ერთხელ ხომ ჯიბით ბაწარიც თან მოეტანა.

— ხი, ხი, ხი, — კვლავ შეაქანუნა ფენები კლდემ. ერთი მსხვილი ლოდი კლდეს მოსწყდა და ხრამში ბრახაბრუნხი მოადინა.

II

— მოიცა, მიხო! ამ ხის ძირში თუ ცოტა სული არ მოვითქვი, მოკვდი, ნეტი არა ვარ, — ძლივს წარმოთქვა ერთმა შუა ხნის, მაგარი აგებულობის კაცმა და ვერხვის ძირში პირდაპირ მტვერში გაგორდა, სახეზე მას წურწურით ოფლი ჩამოდიოდა.

— ვა, შე კაი კაცო, რაღა დროს აქ მოსვენებაა, ჯობიან ისევ ქალაქს მივაშუროთ, აქ ხალხი ხშირად მიდი-მოდის.... გიგო, ჰა! აბა ადე.

— რაც მოვიდეს, მოვიდეს, ძმაო, და სანამ მე ცოტას არ დავისვენებ, აქედან განძრევა არ შემიძლია. უჰ! ჩემოდენა შენ რომ გერბინა..... მაშინ.... არ მეტყოდი. როცა გაქირვება მადგა და აღმართზე შეველივით მივხტოდი, ამოდენა დაღალვას არ ვგრძნობდი. ახლა კი, ოხ! სული მეხუთება, — ნაჰერ-ნაჰერ ისროდა სიტყვებს პირაღმა გაგორებული კაცი.

— კარგი, შენი ნებაა, — მიუგო მიხომ და ვერხვის ფესვზე ჩამოჯდა.

— ვა, ერთი შეხედე, რა მოხერხებულია და? თითქოს საგანგებოდ ჩემთვის გაუკეთებიათო. ხედავ, კაცო, ამ ხესაც ჭკუა ჰქონია, სავარძელში ვზივარ მგონია.

— ოხ, ვენაცვალე, ვენაცვალე ამ სიოსაც, აი ჭკუა სად არის, როგორ შემომისისინა ამ გახურებულ გულ-მკერდზე, — ამბობდა მიწაზე მწოლიარე გიგო.

მიხომ ფეხი ფეხზე გადაიდო და აუჩქარებლად პაპიროსი ამოიღო.

— ერთი მომე, ერთი მომაწევიანე, — მოუთმენლად მიმართა გიგომ.

32. უიარაღო

— კარგი, კაცო, დამშვიდდი, ახლა ხომ გადარჩი. ახლა არა გიშავს რა. აი პაპიროსიც. ახლა ერთი მომიყე, თუ როგორ იყო საქმე. მე რატომ ადრე არ მითხარი? მე დღეს იქ ვყოფილვითყავი, ეს საქმე ასე არ დატრიალდებოდა.

— მეტყვა კი არა, მე შენ გითხრა, მაშინათვე გიპოვნიდი. მთელი გუშინდელი დღე შენ დაგეძებდი, მაგრამ შენ ხანდისხან ისე გადიკარგები, რომ მწვეარ-მეძებრითაც ვერ მოგაგნებს კაცი... ახ, მიხო! რა ბედნიერია ვარ, რა ბედნიერი. სწორედ რომ ბედი მქონია. რომ დავეჭირეთ, თქმა არ უნდა, დამხვრეტავდნენ... ახლა კი თანდათან ვსულიერდები... ჩემ ჭკუაზე მოვდივარ.

— შენ რომ ვერა გნახე და ვერა გნახე. ვერც პეტოს, ვერც ზაქარას ვერსად წავაწყდი... ჰოდა... გადავეყიდე იმ ჩერჩეტ ფიდუას. რა მექნა, ვინმე ხომ უნდა გყავდეს, კაცო, გვერდით?

— წავედით! ხალხია, კაცო, ხალხი, აბა რა გითხრა, ზღვა... ბაზრობა ისეთი ჰა, რა გინდა, სულო და გულო. ძველი საქონელი გინდა თუ ახალი, სულ ბლუჯა-ბლუჯა ფული გადადის ხელიდან ხელზე. მერე რა ფული, სულ ღირა და დოლარი. გაწურული ოქროა, რაღა, სინდისს გეფიცები, მარჯვე კაცი ერთი დაკვრით დასცლის ხუთ-ექვსს ჯიბეს.

— აბა, ბიჭო, ფიდუა, — ვეუბნები მაგ ოხერს, — იყავ, ბიჭო, კამეჩივით ცქვიტი, მერცხალივით ზანტი, ბუსავით გამპკრიახი, არწივივით ბეცი, ვირივით მოუსვენარი, ხვლიკივით ღინჯი, სოვდაგარივით პატროსანი, აბა რამდენი ჩამოგითვალო, იყავ, შვილო, ნამდვილი ჯიბგირი. ესა ვთქვი, ვახსენე ღმერთი და გზას გავუდექით. გავუდექით კი არა, ცხრა მთა ხომ არ იყო გადასასვლელი!.. გადავდგით ერთი-ორი ნაბიჯი და ბაზარში ჭიანჭველასავით მოფუსფუსე ხალხის ტალღაში შევევრეთ. დავსუნე, ჩემებურად, აქეთ-იქით: თითი ჩაეყავი მარჯვნივ, ხელი ჩაეყავი მარცხნივ. ბევრი არათერი, სულ წვრილმანები — სალაპარაკოდაც არა ღირს, პაპიროსის ფასი, რაღა.... სხვათა შორის ერთ მზარეულ ქალსაც დავუმჩატე ჯიბე. ჯერ არავითარი სანოვავე არ ჰქონდა ნაყიდი, დიდი კალათა კი, ცარიელი ხელში ეჭირა. ვინმე ჩასუქებული ოჯახის მზარეული უნდა ყოფილიყო. უნდა ვიფიქროთ, რომ მისი „ამხანაგი-ქალბატონი“, თავის კონტად მოწყობილ საპირფარეშო ოთახში გახურებული შანთით თმების დახუქუქებაში გართული, ამ ამბით დიდად ნასიამოვნები არ დარჩებოდა. მაგრამ იმედი მაქვს, რომ დღეს თავს მაინც არ დაიმშვივებდა და გემრიელ სადილს არ დაიკლებდა.

სიომ დაბერა, ვერხვის ხემ ფოთლები აათარათა. მოყვითალო-
ები ძირს ცვიოდნენ.

— ოხ, მიხო, რა კარგია ეს სიო, ეგ დალოცვილი. ახლა უკვე
ჭოსული ვ რ გუნებაზე. რა ბედნიერი ვარ, რომ გადავრჩი. დამაცა,
უბედური მეც არა ვარ. ისეთი კელაპტარი ავანთო ამ ქესატობა
ღროშიაც, რომ შუქურ ვარსკვლავით ბრწყინავდეს, ისეთი ლოც-
ვა ავაგალობინო, რომ ეშმაკი და ანგელოზი ერთად ბუქნავდეს.
ხომ იცი, მიწო, ქრთამი ყველგან და ყოველთვის სჭრის, ყველგან
კარისკაცებია საქირო. დალოცვილ ღმერთს რომ ფეშქაშები არ
კვარებოდა, კაცი აბა საიდან დაისწავლიდა?!

— ჰო, მერე, მერე, შენ საქმეზე ილაპარაკე, — გააწყვეტინა
მიხომ.

— მერე, ჰა, ავიარ-ჩავიარეთ. სულ წვრილმანები. ავიარე კი-
დევ, ვხედავ, დადის ერთი კაცი, მალალ-მალალი, წელში გამართუ-
ლი, სახე კვაყოფილი, ექვი არაა, ან კაი ცოლი ყავს, ან კაი საყუ-
რელი. ტანზე რაღაც გრძელი, წმინდა ინგლისური შალის წამოსას-
ხამი აცვია. უბის ჯიბიდან ერთი ტყავის, ძვირფასი, კობტა, დიდი
ოთხკუთხი საფულე ამოიღო, გადაკეცა და შიგ რაღაცის ძებნა
დაიწყო. რას ნახავ შიგ, გატენილია რაღა სულ უცხოეთის ფასი-
ანი ქაღალდებით. ისე სავსეა, რომ საქალაღეს გვერდები გამო-
ბერვია. ეს უეჭველია, ვიღაც სტამბოლიდან ახალი ჩამოსული უნდა
იყოს. კარგა ხანი ეძება. ბოლოს პატარა ქაღალდის ნაგლეჯი. ოთ-
ხად გაკეცული ამოიღო, გახსნა, წაიკითხა, რაღაც უკმაყოფილოდ
თავი გააქნია, საფულე ისევ დაკეცა და ჯერ კიდევ ამ ახალი რა-
ღაც ფიქრით გართულმა უბის ჯიბის მაგიერად წამოსასხამის გვერ-
დის ჯიბეში ჩაიღო. სამაგიეროდ იმ ჯიბიდანვე მშვენიერი, ვერცხ-
ლის საპაპიროსე ამოიღო, ერთი პაპიროსი პირში ჩაიღო, საპაპი-
როსე ისევ გვერდის ჯიბისკენ გაღისროლა და სხვადასხვა ჯიბეში
რაღაცის ძებნა დაიწყო. ხალხიც. ვხედავ, ჯვუფდება. უკეთესი შემ-
თხტევა წარმოუდგენელია. ეშმაკი და ანგელოზი ორივე ერთად
მწყალობს რაღა. გული ამიჯახტაღდა, ამგვარი რამის მნახველს
ყოფილიად აბა რა გამაჩერებდა?!

რა თქმა უნდა, ვახსენე ღმერთიც და ეშმაკიც. საქიროების
ღროს ყოველგვარი ძალა უნდა გამოიყენო. ბოროტს თავს რომ
დაუტკავ, კეთილს ქუდი უნდა მოუხალო. ჩემად, ჩემებურად გავა-
ქანე ორი თითი, ერთი წამიც და თუ ორივე არა, ერთ-ერთი მაინც
ჩემ ცოდვილ ჯიბის ფსქერს ეამბორებოდა. საფულე ხომ ყანწით
წიარება იყო, მაგრამ გაქირვების ღროს ვერცხლის საპაპიროსეც

არ იყო დასაწყენი. ჰა... ერთი, ორი... და იმავე წამს კაცმა ხელი რჩავ ჯიბეში იკრა. ჩვენი თითები ერთმანეთს შეეჩხხნენ... ოხ, ნეტავ მომკლას ვინმემ. კაცს ნაცრის ფერმა გადაკრა, მთელი ტანი აუცახცახდა. საფულე საჩქაროდ ამოიღო და გულის ჯიბეში შეინახა.

შეშინებული აქეთ-იქით თვალებს ქვეტავდა. მე კი ჩემი ცალი ხელი პატიოსნად ჩემ ჯიბეში მედო და მეორე ხელით ვილაყ დედაკაცის მიერ გაასახიდლად გამოტანილ ნაქსოვს ვათვალთვლიერებდი, თუმცა ცალი თვალი მაინც მისკენ მეჭირა. ვერცხლის საპაპიროსეც ამოიღო და სხვაგან შეინახა. თურმე იმ წყეულს ასანთიც იქ ჰქონოდა, ნელა ამოიღო ასანთი, პაპიროსს მოუკიდა და ასანთის კოლოფი იმ წყეულ ჯიბეში უგემურად ჩააგდო, თითქო ნიშნს მოგებს. მობრძანდი, წაიღეო... დავრჩი პირლია. ხალხიც შეთხელდა, თითქო გიგო ჯიბეგირის ასეთი მარცხით უკმაყოფილოაო.

— კაცო, შენ ის მითხარი, თუ რად გამოიქეცი, ვინ მოგსდევდა? შენ ისეთებს შეუბნები, რაც მე კაი ხანია ვიცი. შენ ის მითხარი, რატომ გიჭერდნენ? — გააწყვეტინა მიხომ.

— დამაცა, შენც მაგ გამოლენიებულ ფიდუასავით ჩქარობ, ყური დამიგდე, ხომ რიგზე უნდა მოგიყვე! — დავრჩი ამრიგად ხახამშრალი. ვამბობ ჩემ გულში: „ჰეი, გიგო, ეს რაღაც კული ნიშანია. უუქველად დაგნავსა ვილაყ! თავს უფრთხილდი, თორემ...“ ეხ! რა გაეწყობა. ფიდუას თვალი დაუქნიე. წამო, ბიჭო, ცოტა დაენაყრდეთ. გული გავიმაგროთ-მეთქი. ორი არაყი მე გადავკარ, ორიც იმ მკვდარძაღლს ჩავაცეცხლე. ლოყები შეუწითლდა, წამწამები აუთამაშდა. დავბრუნდით. ხალხი? მოდის და მოდის. „ბიჭო, ფიდუა, გამიგონე, მე ხომ დაენავსდი და ახლა შენი ჯერია, აბა, შენ იცი. როგორც მითქვამს, შვილო, იყავ კუსავით სწრაფი, ხვლიკივით ნელი. ხომ გესმის, რაშია საქმე: როცა სხვები, შვილო, ცეტობენ და მუტობენ, შენ უნდა მინელდე, გაშრე უდაბნოს ნაკადულავით და როცა სხვები მიიძინებენ და ყურებს ჩამოყრიან. თუნდაც ერთი წამწამის გახამხამებაში, შენ უნდა ბორბალივით დატრიალდე“.

— დავხვერეთ, დავსუნეთ, აქეთ-იქით, ავაგდეთ ერთი „ხოხობი“. საფულე აქვს? ერთი კი არა, სამი. ესეც უცხოელსა ჰგავს. კარგა აქალარებული კაცია, ტანში მოხრილი, მოწყენილი, იქნებ ცოლთან ექვიანობს! სულ კარგ და ძვირფას ნივთებს ათვალთვლიერებს. უშველებელი ოქროს საათი ამოიღო, დახედა. ჯერ ხომ ადრეა, ის სრულებით არ ჩქარობს. თითზე აღმასის თვლებიანი ოქროს ბე-

ვედი აქვს ჩამოცმული. აბა, ფილო, შე წყალწასაღებო. ხომ ხედავ, რა ლუკმაა, გაბედე-მეთქი. შემოუტრიალა. ეი, ოხერო, — თვალი დაუქნიე, — ბიჭო, არ აჩქარდე, აცალე, ჯერ მკიდროდ მოგროვილ ხალხში შევიდეს. პა, შევიდა კიდევ, ღროა! ვა, ტუტუცო, რას შერები, ერთი წამია საქირო, დაყოვნება არ შეიძლება! ვაიმე! ეს ბრავეი კი სულ უვლის და უვლის ლაჩარი ძაღლივით. პა, გიეია, ოხერი! რას შერება ეგ ღმერთგამწყრალი? კაცი ძლიერ დაფიქრებულია, ქისები, ალბათ არც კი ახსოვს, იქნებ ლამაზი ცოლი ელანდება, ან მისი ჯეილი საყვარელი. ღმერთო! კაცი ლამია არის გაცალკევდეს... ვაი, გაუხმეს თავი ფილუას, წახლა საქმე, ძვირფასი წამი მოუბრუნებლად დაკარგა. ახლა მოთმენაა საქირო, მოცდა მეორე ხელსაყრელ წუთამდე. ეგ ვირისთავი კი, შეხედე, მაინც ეტანება, შეიშალა ეგ მკვდარძაღლი?! კაცო, მინდა თვალი თვალს მოვახვედრო. ვანიშნო: ეი, ოხერო, გაეცალე, მიუშვი! სხვა, ეკეთესი წამი მოვძებნოთ-მეთქი, მაგრამ სწორედ ამ წამს გაუწყრა მას წმინდა თელეთი, და ჩაუყო კიდევ უცნობს ჯიბეში ხელი. — ეი, ეი, ხელი ჯიბეში ჩაიყვესო, მიამახა ვილაცამ.

— ვხედავ, გენაცვა, გმადლობო, — სრულებით გულშეუშვოთებლად მიუგო ქალარამ და ფილუას ხელი შიგ ჯიბეშივე დაუქირა და ისე მაგრად მოუქირა, ეტყობოდა, რომ ფილუამ მომაკვდავივით გადმოაბრიალა თვალები. ესეც ცოტაა, გაიქნია ქალარამ მეორე ხელი და ფილუას ყბაზე კარგა ლაზათიანად გააწნა. ნეტავ იქვე მოკვდეს მაგისტანა ოხერი! ფილუამ კი სხვა რამე ღონის მაგიერ ჩემსკენ გამოაშტერა თვალები და მორთო ღრიალი: ვაიმე, გიგო, მიშველეო.

— აი გაგიწყრეს სურფ სარქისი-მეთქი, — გავიფიქრე და საჩქაროდ ვიბრუნე პირი.

— ჰკა მაგას, არ გაუშვავ, ის არის ბელადი, არაქათ, არ გაუშვავთო, — ყვიროდა ვილაცა.

ატყდა ერთი ალიაქოთი. მაგრამ, როგორც ყოველთვის ამისთანა შემთხვევაში, ჩვენდა საბედნიეროდ, პოლიცია იმ წამს იქ არ აღმოჩნდა. მე კი გავხტი ჯეირანივით. არ ვიცო, რამდენი კაცი, ქალი, თუ პურქელი წაჰაქციე. გარკვეულად ვერაფერს ვხედავდი, ყურში კი კანტიკუნტად მომვარდებოდა ხოლმე: აი დაგწვევლოს, გიეია ოხერი... აი, ფეხი, სტაცეთ... არა... არ ესროლო, სხვას მოხედება; იქით გაიქცა... ვა, ეს რა საშინელებაა."

ასე თუ ისე, ზეინკლების გასაველამდე მივალწიე. ხომ იცი, აქ თუ შშვიდობით გავიდოდი, სულ სხვა მხარეს ამოეყოფდი თავს და

სანამ ჩემ ვინაობას შეიტყობდნენ, მე უკვე კარგა მანძილზე ვიქნებოდი დაშორებული. საეშმაკოდ დამპალი ვაშლი გდებულყო ზედვე გასავალთან. ზედ დავახტი, ფეხი ქვაფენილზე გამისრიალდა. თავი ველარ შევიმაგრე და სამჯერ მაინც ზედიზედ გადავტრიალდი; რეზინას ბურთავით იმ წამსვე წამოვხტი.

— გეთია, რა მიაჩვენებებს, — იძახდა ვილაც გულდამშვიდებული.

— არ გაუშვათ, ჯიბგირია, — წიოდა ვილაც უკან მოშორებით.

ეს გასავალი გავიბრინე და სანოვაგით მოვაქრე ხალხში შევიქცარი. აქ უკვე არ მივრბოდი, ფეხაქრეფით მივდიოდი, ეცდილობდი, ვისმეზე რამე ზიანი არ მიმეყენებინა, თორემ აქ რომ ანშლოდა ხალხი, ჩქარა ჩამბლუჯავდნენ; თახაბ-მაგიდებს შორის უსათუოდ გაიჩხირებოდი.

სანოვაგეთა რიგი გავიარე და უფრო სუფთა ქუჩებში ამოვყავი თავი, თითქოს ყოველგვარი ჩემს საწინააღმდეგო ხმაურობა მიწყდა. ყველა თავის თავზე ზრუნავდა და მე ყურადღებას არავინ მაქცევდა. ცოტა მშვიდად ამოვისუნთქე და ნელა გავიარე. კობტად გამოწყობილი, მოსეირნე ხალხი ქუჩაში მიდი-მოდიოდა. ეს არის გადავრჩი, ვფიქრობდი, მაგრამ ერთხელ მაინც უკან მიხედვა მომინდა. მივიხედე და მთელ ტანში ყრუანტელმა გამიარა. ქუჩის მეორე მხარეს ასიოდ ნაბიჯის სიშორეზე დაბალ-დაბალი პოლიციელი, ისარივით ჩემკენ მოდიოდა. თოფი მომარჯვებული ჰქონდა. ჩვენი თვალები იმ წამსვე ერთმანეთს შეხვდნენ.

— ეგ რომელი, ბიჭო? — დაეკითხა მიხო.

— დაბალ-დაბალი, კაცო, შარშან შენ რომ დაგიჭირა ფეხსაცმელების ძირას ქურდობაში.

— ჰო, ისა, შეჩვენებული, დიდი გამოქნილი ვინმეა.

— ამბობენ, როცა პოლიციის სამსახურში შესვლა დააპირა, აქ მიიღეს თურმე. პატარა ხარო, პოლიციელი ზორბა, ანოვანი კაცი უნდა იყოსო, რომ ერთი შეხედვით ავი კაცი შეაშინოსო.

— რა კარგი აზრია! მერე რად მიიღეს ის წყეული?

— მიუღიათ დიდი ხვეწნის და თვალტანადი ქალების დანმარებით. ღმერთი გეწყალობს, რომ პოლიციელების ერთი მესამედიც მაგისტანა არ არის, თორემ გასაქანი აღარ გვექნებოდა. სიმშლით სული ამოგვძვრებოდა.

— აი ის! ვიცი, რომ შეენიშნა, მომსდევს. სიტყვა არ დასძრა, არ დაიყვირა, პირიქით, თავი ისე მომარჩენა, თითქო არც კი დაუნახავარ. ეხედავ ცუდად არს საქმე. გავები მახეში. აქ თოფის სროლას

ვერ გაბედავს, მაგრამ ცოტა ზემოთ, თითქმის ცარიელ ქუჩაში, თუ გაქცევა გავაპირე, ადვილად შეიძლება, არც კი დაინდოს. ოხ! სურფ კარაპეტ! ვამბობ გულში, მაგრამ რად გინდა, სული მიმდის, რაღა? მაინც მივდივარ, რაც მოსახდენია, მოხდეს, ფეხს ავეჩქარე. გავიხედე, კაცო, მარჯვნივ, რაღაც ქრიაშულია. ხალხი მოგროვილა, „პოლიციელი, პოლიციელი!“ იძახიან. ვა, ეგ რა ამბავია, რას ვხედავ? ორი კოხტად გამოწყობილი ქალი დასკიდებია ერთი მეორეს. ჩაუვლიათ ერთმანეთისთვის თმაში ხელი და ერთი შენი მოწონებული ცემა-ტყევა გააქვთ. ხალხი სულ გროვდება და გროვდება მათ ირგვლივ. ზოგი იცინის, ზოგიც ჭავრობს: „სად არის ერთი პოლიციელი, ასეთი საქმის ქუჩაში დაშვება ყოვლად შეუძლებელია“. — აი, აგერ პოლიციელი, პოლიციელიო. შეზოსძახეს მხიარულად. ოხ! სურფ კარაპეტ, შენ მუხლებს შემოვევლე, ვამბობ გულში და მივდივარ.

სანამ ქუჩის ბოლომდე არ მივედი, მოხედვა ვერ გავხედე. მოვიხედე, არავინა ჩანს. მაშინ კი იცოცხლე, მოვკურცხლე და ერთი თვალის დახამხამებაში დანგრეულ სახლთან გავჩნდი. იქ ხომ მრავალი ხერხელები ვიცი, გავძვერი ერთ-ერთში და რამდენიმე წუთის შემდეგ უკვე კლდეზე ამოვდიოდი. ახლა კი ამოვისუნთქე თავისუფლად, მიმოვიხედე, სრული სიჩუმე სუფევდა. ცოტა შევისვენე, მერე დავტოვე გზა და ხეებში გადავეშვი. მოვკურცხლე, გაგიხარიან, სიფრთხილეს ხომ თავი არა ტყივა. ეგ ოხერი ყურში კი ჭერ კიდევ მიზუსუნებდა: არიქათ, არ გაუშვათ, ჯიბგირია, ჯიბგირიაო! ბოლოს ის იყო, დიდ შარაგზაზე გამოვედი, სული მეხუთებოდა, საშინელი დაღალვა ვიგრძენი. ერთი მიხო მაჩვენა ახლამეთქი, გავიფიქრე, და ვხედავ, შენც იქ არ მოდიხარ? ოხ, ღმერთო, ისეთი კელაპტარი დაგინთო, რომ საყდრის გუმბათამდე უწევდეს.

— კარგი, კაცო, შენ, ვხედავ, გადარჩენილხარ. მაგრამ იმ ფილუას რაღა მოუვიდა.

— დაიჭერდნენ, აბა რას გაუშვებდნენ.

— ვაითუ გავცა ყველა?

— შენ ეს მითხარი და.

— მე მაგას სულ ეჭვის თვალით ვუყურებდი. თავის დღეში მისი იმედი არა მქონდა. ბაზარში იმასთან ფეხს როგორ გადავდგამ. მისი საქმე კიდევ დუქნებშია, მარტოდმარტომ წვრილმანები რამე აწყაპოს. ჯიბის საქმეს და ისიც მსხვილი ჯიბის საქმეს მაგისთანა ჩერჩეტს როგორ მივანდობ. ახლა კი დიდი სიფრთხილეა საქირო, აქედანაც ჩქარა უნდა წავიდეთ.

— მე კი, მიხვო, ქალაქში შესვლას დღეს ვერ გავებედავ.

— რატომ, კაცო, ქალაქი დალოცვილია, ქალაქისთანა დასამალი ქვეყნად არ მოიძებნება.

— არა, ძმაო, ის წუწკი პოლიციელი იქ მიცდის, მგონია. არა, მე ავეყები ისევ ამ გზას. გადვივლი სოფლებსაყენ, იქ ქათმებს და კვერცხებს ვიყიდი, ვაჭარი ვარ, რაღა, და როცა იქიდან ჩამოვალ, თუ მშვიდობა იქნა, ერთი მამაპაპურად გადავკრათ ისეთი, რომ ხუთი ზურნა უკრავდეს ერთად.

— მოიცა, მე დამიჯერე, ქეიფი ჯერ ადრეა, აქეთ წამოდი, ჯერ შევიდეთ ქალაქში, ამბავი გავიგოთ და შემდეგ იმისდაგვარად მოვიქცეთ.

— არა ძმაო, „ამან“, „ამან“, — ჯიუტობდა გიგო. — მეშინია, რაც მართალია, მართალია, ხედავ, ვილაცები მოდიან კიდეც, თავს ეუშველო, სჯობია.

— ეგ ქალები მოდიან, კაცო, ქალაქიდან, მოსეირნე ხალხია.

— ქალებიო? რატომ გადაცმული პოლიციელი არაა? ახლანდელ დროში რამე სანდოა? ერთი მოგიახლოვდეს, მაგ კაბის ქვეშიდან მაუზერი ამოაშანშალოს და ცხვირზე მოგადვას, მერე რას მეუბნები?

— შენც ერთი, ახლა სულ ყველგან პოლიციელი გელანდება, წამო-მეთქი, დამიჯერე, — ამბობდა მიხვო.

— არა, — თქვა გიგომ, გაქრილ კლდისაყენ საჩქაროდ აიბრინა. მიხაკო ქალაქის გზას გაუდგა.

III

ქალები ვერხვის ხეს მიუახლოვდნენ. ერთი მათგანი ძლიერ აღელვებული ჩანდა, მეორე კი კმაყოფილი და დამშვიდებული. ორივენი სუფთად იყვნენ ჩაცმულნი. თუმცა ბრინჯის ფხვნილით პირისახე ამათაც შეეთეთრებინათ, მაგრამ ტუჩები კი ბუნებრივ სიწითლეზე მიეშვათ.

— დამშვიდდი, ბაბაღე, აი ამ ხის ძირს ცოტა დავისვენოთ. უჰ! რა კარგი გადასახედავია აქედან! რა სუფთა ჰაერია ამ მაღლობზე! აღელვებული ნერვების დასამშვიდებლად უკეთესი ადგილი წარმოუდგენელია, — ტკბილად უთხრა დამშვიდებულმა აღელვებულს.

— სრულებით დამშვიდებული გახლავარ, ჩემო მარო, სრულებით დამშვიდებული. დამშვიდებული კი არა, ჩემს სიცოცხლეში

ასეთი ბედნიერი წუთები არ გამომივლია. აჰა? ვაცხონე სწორედ ჩემი დედ-მამის სული, — კბილების კრაქუნით და მუშტის მოღერებით მიუგო ადღელებულმა.

მაროს გაეცინა.

— კარგი, ქალო, დამშვიდდი. მე აქეთკენ განგებ წამოგიყვანე, რომ ქალაქის ფილტვების მომშხამველი მტვერისა და გულის დამამძიმებელი ერთიმეორეზე ამართულ ახლახნილი სახლებისათვის რამდენიმე წუთით მაინც მომეშორებინე. გულისმოსვლის დროს გაშლილი ადგილი და სუფთა ჰაერი საუკეთესო დოსტაქარია.

— ვაცხონე მამაჩემის სული. რა ბედნიერი ვარ, რა ბედნიერი, — გაიძახოდა მაინც ბაბაღე. ვერხვის ხის გამოჩხირული ფესვი აათვალიერ-ჩამოათვალიერა, ერთიც ხელი გაუსვ-გამოუსვა, ბარელამ არ მოეწონა, მაგრამ. მაინც ფრთხილად ჩამოჯდა.

მარომ კი კლდეს მიატანა.

ორივენი შედარებით ახალგაზრდები იყვნენ. მარო საკმაოდ გამხდარი და სუსტი აგებულობისა. თუმცა მას აშეამად კმაყოფილების ელფერი გადასცემდა სახეზე, მაგრამ მისი თვალების სიღრმეში მაინც რაღაც სევდიანობა იხატებოდა; თითქო ვისმე რაღაცას ეხვეწებო. ასეთი გამომეტყველება იშვიათი არაა იმ ქალების თვალებში, რომელთაც თავის დროზე, ე. ი. ახალგაზრდობისას გათხოვება არ ღირსებით. მაროც სწორედ ოცდაათ წელს გადასული იყო და ჯერ გაუთხოვარი.

ბაბაღე კი ჯანმრთელი აგებულების ქალი იყო, არც ძლიერ ჩასუქებული, მაგრამ გამხდარიც არ დაერქმეოდა. თუმცა აშეამად ადღელებული იყო, მაგრამ მისი თვალები სევდიანად არ ჰკვრებდნენ, არავისაგან არაფერს ითხოვდნენ, ელაყდნენ, ცეცხლს აფრქვევდნენ, საომარ გუნებაზე იყვნენ.

ბაბაღემ თავი ძირს დახარა. დაფიქრებული, ფეხსაცმლის წვერით მტვერს ხაზავდა, მარო კი — დაკვირვებით მას შეეყურებდა. ერთ ხანს ისე იყვნენ. ბოლოს ბაბაღემ თავი მაღლა ასწია, მათი თვალები ერთმანეთს მოხვდნენ და ორივეს სიცილი წასკდათ.

— რა გაცინებს, ქალო? — დაეკითხა ბაბაღე მაროს.

— შენ რა გაცინებს? — დაეკითხა მაროც. — ხუმრობა იქით იყოს და რა ჰქენი, ქალო, — გააგრძელა მარომ, — ახ! ჯერაც სიზგარში ვარ მგონია.

— არა, სიზმარი სრულებით არ გახლავთ. ყველაფერი ჩაივლინე.

დღისა სიცხადით გულდაჩაგრულმა. — მშრალად მიუგო ბაბულემ.

— მაინც, ქალო, რა საშინელება ვინმე ყოფილხარ? ან რატომ მოეწყო ისე, რომ უსათუოდ მე შევხვდი იქა? რაც გინდა იყოს. ანტელიგენტი ადამიანისათვის ეს მეტისმეტია!

— რაო? მეტისმეტო? მე კი ცოტაა მგონია. გოგირდის სიმყავნე ხელში მქონოდა, აღარ დავზოგავდი და ორივეს ააზმასავით ვასხურებდი პირსახეზე. წარმომიდგენია, თუ როგორ დაამშვენებდა ლამაზად შეღებილ ტუჩებს.

— ჰა, ჰა, ბაბო, ასე შორს ნუ მიდიხარ, დაწყნარდი.

— დაწყნარებული ვარ, გენაცვა, დაწყნარებული. მაგას კი ვუწვევებდი ინტელიგენტობას. ინტელიგენტობა აქ რა შუაშია, როცა გარყვნილებასთან გვაქვს საქმე... აქ მეტოქეობაა, აქ ბრძოლაა გაჩაღებული. ბრძოლის დროს ხომ იარაღია საჭირო. ადამიანს კი ბრძოლის დროს ყოველგვარი იარაღი დასაშვებად მიაჩნია. მეც ვიბრძვი, ვიცავ ჩემ პატივს და ღირსებას... ვითომ რაო, თქვი, თუ ღმერთი გწამს, მე, როგორც ქალს, რით მჯობნია ის პირთხუპნია, თვალად, ტანად, ქკუით, დიასახლისობით?

— არა, ბაბო, საქმე ამაში არაა. ვთქვათ შენ სრულებით მართალი ხარ. მე ორივეს გიცნობთ, ის შენ არაფრით გჯობია. ისიც მართალია, რომ შენ შენი პატივი უნდა დაცვა, მაგრამ პატივღირსების დაცვის სახე, როგორც დღეს შენ გვაჩვენე, მე, ჩემ თავად, უხეშად, მიუღებლად მიმაჩნია. ეს, ბაბო, დამიჯერე, უკიდურესობაა, — ტყბილად დაუმატა მარომ.

— შეიძლება უკიდურესობა იყოს, მაგრამ მე სხვანაირად არ შემეძლო მოქცევა. ერთობ ბევრი ნაღველი დამიგროვდა გულში, ჩემო მარო! ეს გუშინდელი საქმე როდია? კარგა ხანია, მე რომ ვას ეს ოინები შევატყვე, მაგრამ ის რომ სულ უარზე იღვა, ჭორებია, ტყუილებიაო—მარწმუნებდა. დღეს კი, იცოცხლე, ორივენი ერთად დავიჭირე. ხელიხელ გაყრილები არხეინად მიბრძანდებოდნენ. ჩემ არსებობაზე არც კი ფიქრობდნენ, მით უფრო, ჩემი იქ შეხვედრაზე ექვიც არა ჰქონდათ. ეტყობა მათ არა ცოდნიათ ჩემი, საკუთარი, საიდუმლო პოლიციის არსებობა და მისი ჩემ სასარგებლოდ მოქმედება. მართალია, ბევრჯერ გამისხლტნენ ხელიდან. მაგრამ დღეს კი დავიჭირე, მოულოდნელად გზა გადავუღობე. „ესეც ჭორია-მეთქი“. მკვახედ მივახალე ჩემ ვაჟბატონს. სანთელივით გაყვითლდა, მაგრამ საჩქაროდ ისევ გონზე მოვიდა, თავი

მალა ასწია, თავის მზითუნახავისთვის ხელი არ გაუშვია, ისე მკვახედვე მომადახა: მერე რა გინდაო?

აქ კი, დამეთანხმები, ყოველგვარი მოთმინების ძაფი გაწყდა: ჩემში. მე უკვე ჩემ თავს აღარ ვეკუთვნოდი. არ ვიცოდა რა მექნა, ვის ვცემოდი. ასმა სხვადასხვა, ერთიმეორეზე მოწინააღმდეგე აზრ-პა ელექტრონის სისწრაფით გამირბინა თავში: თვალში ჩავაფურთხო და გავშორდე? მე შენ გეტყვი და ჭავრით მოკვდებიან; ჩემ ხარჯზე ერთი ორჯერ გადიხარხარებენ და მორჩა. შენ კი, მიწასთან გასწორებულმა, თავი ქვას ახალე. პოლიციას დავეძაპო? ეს სულ თავის აგდება იქნება, უბრალო და თუგინდ უფროსი პოლიციელიც იყოს, რას გიშველის, დიდი-დიდი, რამე სულელურა ოქში შეაყენოს. სწორედ ავშენებულვართ! ხალხს მივმართო და მათზე მიუთითო? თავს გაიმასხარავებ: ზოგი გიჟად ჩაგაგდებს, ზოგი გაიცინებს, თითო-ოროლა თავს უკპაყოფილად დაიქნევს. „ვანი, საწყალო“, ჩაიბუტბუტებს და შენ მართლა საწყალი და გულო ბოღმით აღსავსე, შენ გზაზე წაჩანჩალაკდები. „არა, შური უნდა იძიო იმით, რომ შენი მეტოქე და მოღალატე ორივე შეაწუხო, ახლავე, ამ წამსვე, ცუდ გუნებაზე დააყენო“, — ჩამძახოდა ვიღაცა ყურში. მეც აი ეს მინდა-მეთქი, — მივუგე და დაუყოვნებლივ ვსწვდი ტუჩებშეღებილის, სირაქლემის ფრთით მორთულ ქუდს და წონისებურად კობტად დაწნულს, ზოგი თავისი და უფრო მეტ სხვის თმებს! გაგიხარიათ, რომ საკმაოდ ავაფორიაქე იქაურობა. გაუწყრათ ღმერთი, არ დამაცადეს, ქვეყანა დამესია...

— აო, ბაბო, — წამოიძახა მარომ, — რა იყო, რა სერი იყო! ხა, ხა, ხა, ხა... მაინც ეს ქუჩა რა გადაჩეულია. „ბიჭოს, რას ვხედავ, დედაკაცი დედაკაცს დასკიდებია? პა, ალბათ, ქმრის საყვარელი იქნება“, — იძახდა ერთი. „ვა, ქალების ჩხუბი და ისიც ქუჩაში? ღმერთმა სასიკეთოდ ჩაატაროს“, — ოხუნჯობდა მეორე, „პა, პა, პა, რა სერიია, მამა ნუ წამიწყდება, ციხეში უკეთეს სანახაობას ვერ ეღირსები და მერე სრულებით მუქთად“, — ამბობდა მესამე. ბავშვები სიხარულისაგან ხტოდნენ. მე ძლიერ თავს ვარიდებ ხოლმე ქუჩის აყალმაყალს. მინდოდა გზა ამეხვია, მაგრამ ჩემ ირგვლივ ნათქვამ-გაგონილმა იმდენად ცნობისმოყვარეობა აღმიძრა, რომ შეგჯუფებულ ხალხს მეც მივუახლოვდი. ღმერთო ჩემო, რას ვხედავ! თურმე ეს ცირკის მეტოქე ხალხის გართობაში ყოფილხარ შენ, ხა, ხა, ხა, ჩემ თვალს არ ვუჭერებდი. მე მაშინ მივედი სწობედ, როცა პოლიციელი მოვიდა და შუაში ჩაგიდგათ.

— ეს ასე! — ნიშნის მოგებით თქვა ბაბალემ. — მა რა გეგონა?

ვაცხოწე მაშაჩემი! ასეთი ბედნიერი ჯერ არ ვყოფილვარ, ამ ზომამდე გამარჯვებას არ მოველოდი!

— ქალო, ეს გამარჯვებად მიგაჩნია?

— ნა რა გგონია. შენს მეტოქეს როცა აშკარად ბრძოლას გამოუტყბად და ამ ბრძოლას შედეგად მოყვება მისი დამცირება, მისი შეწუხება, მისი გულის მოკვლა, აი ამას ჰქვია გამარჯვება. ეს არის ბრძოლის აზრი ყოველთვის, სულ ერთია, ორი კაცი იბრძვის, თუ ორი სახელმწიფო.

— ნე მაინც ჩემსას ვიტყვი, ბაბო, ამ ზომამდე დავიდარაბის ქუჩაში გამოტანა ზედმეტად მიმაჩნია. მე მგონია, რომ აქ ორივე მხარეა დამცირებული და, მაშასადამე, საექვოა, თუ საითკენაა გამარჯვება გადახრილი. მე ჩემ თავად ამას არ ჩავიდენდი, მგონია, ჩხუბს აშკარად არ ავტესდი, იმიტომ, რომ ჩემი ქმარი ვილაც ქალს ეარშაყება.

— შენ ახლა ამბობ ამას, თორემ, იყო გათხოვილი და დაინახო შენი ქმარი სხვასთან, მაშინ მინდა გნახო, თუ რა ამბავს მომიყვები, — ფიცხლად გააწყვეტინა ბაბალემ.

— მოითმინე, ნუ ცხარობ. მიზეზიც არის და მიზეზიც. ქუჩაში ერთად სიარულიდან...

— ხელიხელ გაყრილად, — შესწორება შეიტანა ბაბალემ.

— კარგი, ქუჩაში ერთად სიარული, თუგინდ ხელიხელ გაყრილი, კიდევ არ ნიშნავს სრულ ღალატს, მამაკაცის სხეულში არშიყობა, ასე ვთქვათ, ბუნებით ჩანერგილია და ასეთი წვრილმანების ამ ზომამდე გავივება, ვიმეორებ, მეტი მგონია, — დინჯად ამბობდა მარო.

— რას ამბობ, ქალო, წვრილმანს ხომ ყოველთვის მსხვილმანი მოყვება. — აპილბილდა ისევ ბაბალე. — ან რას მიქვიან სიყვარულის საქმეში მსხვილმანი და წვრილმანი. მე ამ მხრივ ვერ დაგეთანხმები. მე მინდა სიყვარულის სრული ტაბლა და არა ნასუფრალი. ან ყველაფერი, ან არაფერი. რაკი საქმე ამ ზომამდე მივიდა, ახლა მშვიდობით, ჩვენ შორის ყოველგვარი კავშირი გაწყვეტილია.

— მგონია, როგორც ვატყობ, ისიც ძლიერ არ დაგემღუროს, თუ ასეთ სიკეთეს უზამ.

— წავიდეს, მომშორდეს, ისიც მეზიზღება და ყველა მამაკაცი, ყველანი საძაგლები არიან, — ცხარობდა ბაბალე.

— რატომ ყველანი. მამაკაცებშიაც ურევია რიგიანები, ეპვი არაა, როგორც დელაკაცებშიც ურიგოები.

— წავიდეს, მომშორდეს, თავი ქვას ახალოს, — ბრაზობდა ბაბა-

ლე. — მე ჩემი თავის რჩენას ჩემი ხელითვე შევძლებ. შორს, შორს. ყველა მამაკაცი.

— ასედაც ნუ ფიცხობ, — მშვიდად მიუგო მარომ. — მაინცდამაინც სასტიკი განაჩენს ნუ გამოიტან. იქონიე მხედველობაში, რომ მამაკაცი მრავალცოლობის მოტრფიალე ცხოველია. სადღაც წამკითხავს, მამაკაცი ორანგუტანის ბიძაშვილიაო.

— კაი საპატიო სახელია, ჩემმა მშემ, — მწარე ღიმილით მიუგო ბაბალემ, — ორანგუტანის ბიძაშვილი? ეს რომელ ხარისხს უღირს, კანკერ იუნკრობას, თუ სტატსკი სოვეტნიკობას?

— ორივეს ჯობია, მგონია, — სიცილით თქვა მარომ.

— სრულებით მართალი ხარ. ორივეს ჯობია. ჩინებული შედარებაა, — დინჯად გააგრძელა ბაბალემ. — ორანგუტანი ხომ ერთერთი აღამიანის მაგვარი მაიმუნია, ძლიერია, ჯან-ღონით სავსე. მას, ასე ვთქვათ, თავის ცხოვრებაში განხორციელებულა აქვს ერთგვარი ანარქიზმი. ოჯახი არა სწამს, ცხოვრობს მარტოდმარტო. როცა სურვილი აღუძრება, წავა, მოსძებნის დედალს, სურვილს დაეკმაყოფილებს და შემდეგ მშვიდობით. შედეგებზე ის სრულებით არ ფიქრობს. მისი დედალთან დაახლოებამ თუ ნაყოფი გამოიღო, ამაზე მამალი ორანგი ნაკლებ ზრუნავს, ამაზე ზრუნვა უფრო ორანგის საქმეა. თვითონ კი, მამალი ახალი ბედნიერი შემთხვევის მოლოდინში თავის ბუნავს მიაშურებს და მორჩა.

— სწორია. აქი ამას შენვე ამბობ? მამ რისთვის ჯავრობ? ამით შენ ქმარს შენვე აცლი ბრალდებას, სანახევროდ მაინც.

ბაბალე დაფიქრდა. თავი ძირს დახარა, მისი პირისახე თანდათან მწუხრდებოდა.

— ამ შედარებით, — გააგრძელა მარომ, — თუ მამაკაცი მამალი ორანგის მსგავსია, დედაკაცმა დედალი ორანგის როლი უნდა იკისროს და როცა დუხჭირ ცხოვრების სინამდვილეს დააკვირდები, არა ერთსა და ორს მსგავს მაგალითს შეამჩნევ აღამიანის ცხოვრებაში. რამდენია დედაკაცი, წვრილი შვილების პატრონი, ქმრის მიერ თავმინებებული, ზოგი ქმარი მართლაც მარტო დასაძინებლად მოდის შინ, სხვა დროს სმა-თამაშში და სხვა გართობაში ატარებს. მოდი და ამ შემთხვევაში ორანგის ბიძაშვილობაზე ნუ დაიწყებ მსჯელობას. საკითხი რთულია, ძნელი გადასაწყვეტია, ძნელად მოსაწესრიგებელი და თუ გნებავთ მოუწესრიგებელი, სანამ ძირითადად არ აღმოიფხვრება, არ გარდიქმნება, ორანგის ბიძაშვილის სულიერი მიდრეკილება. ამას კი ვერ გარდაქმნის ვერათარი კანონმდებლობა, ვერავითარი პარლამენტის განაჩენი და

მკვერმეტყველთა ბრტყელი სიტყვები, საჭიროა თვით ადამიანის, როგორც ბიოლოგიური ერთეულის ხასიათის გადატეხა. ეს კი მოხდება? ან როდის? ყოველ შემთხვევაში, ერთი რამ შეიძლება ითქვას, რომ როგორც ყველაფერი ბუნებაში, მამაკაც-დედაკაცის ურთიერთდამოკიდებულებაც ვითარდება და შეუმჩნევლად ახალ სახეს იღებს. შენ ამას წინაც წამოიძახე, წავიდეს, მომშორდეს, ჩემი თავის რჩენას მე თვითონ შევძლებო. დამეთანხმები, რომ ამ სამოციოდ წლის წინათ იშვიათად თუ შეიძლებოდა ამისი მთქმელი ქალი, ახლა კი შენთან ერთად ამას არა ერთი და ორი გაიმეორებს. გავა კიდევ სამოცი წელიწადი და ალბათ ახალი, ჩვენი დროისთვის ვითომდა შეუძლებელი, სურათი გადაგვეშლება თვალწინ.

— და მამაკაცის ბუნებაშიც გარდატეხა მოხდება? — ჩუმაღ შენიშნა ბაბალემ.

— შეიძლება.

— საუკეთესოდ?

— ესე იგი...

— ორანგის ბიძაშვილობაზე ხელს აიღებს?

— ვინ იცის, იქნებ პირიქით, მის ძმადაც ჩაეწეროს.

ბაბალემ გაიცინა, თავი მალა აილო, წელში გასწორდა და ანთებული თვალებით იქით-აქეთ მიიხედა.

— არა, ჩემო მარო, — მტკიცედ თქვა მან. — მე ახლა ოცდათხუთმეტი წლისა ვარ, დანამდვილებით ვიცი, რომ სამოც წელიწადს კიდევ ვერ ვიცოცხლებ, და რომ ვიცოცხლო და ორანგის ბიძაშვილის სასიკეთოდ გარდაქმნას მოვესწო, ამ გარდაქმნის ტკბილი ნაყოფის შედეგებით ვერ გავიხარებ. მე ვცხოვრობ დღეს და დღეს ვდგავარ ცხადი სინამდვილის წინაშე. მას ვუყურებ თვალებში და დროს და ადგილისდაგვარად მას ვუსწორებ ანგარიშს. მე ამ წუთში ბედნიერი ვარ.

— ნეტავი შენ, რომ ასეთი ბეჯითი და გულმაგარი ხარ, ბაბალე, — უთხრა მარომ, — მე კი, გამოგიტყდები, სუსტი ვარ. ასეთი ნაბიჯის გადადგმას ვერ გავბედავ. ამიტომაც გეუბნები: ქმარი რომ მყავდეს და შენს მდგომარეობაში ჩავეარდე, მოთმენას ვაჩაობინებდი, ვიდრე ასე აშკარა ბრძოლას. სულ სხვაა, გენაცვალე, მსჯელობა, თეორია და სულ სხვაა პრაქტიკა, მოქმედება.

სიომ დაბერა, ვერხვის ხე შეარყია, ფოთლები ააშრიალ და მრავალი ყვითელი ფოთოლი მოსაუბრე ქალებს ზედ გადააყარა.

ზემოდან რალაც ჩოჩქოლი და ხმაურობა ისმოდა. თითქო რაჟდენ-
ჯერმე თოფის ხმაც გაისმა.

— ბაბალე, შენი კირიმე, წავიღეთ აქედან, — თქვა მაკოზ.

— მოიცა, ქალო, რა გაჩქარებს.

— თოფის ხმა ისმის.

— მერე ჩვენ რა!

— ვინ იცის, რა ამბავია, ათასი თავზეხელაღებული ვინმე დაი-
რება, — შიშობდა მარო.

— ძლიერ კარგი, ჩვენც ავიღოთ ხელი თავზე.

— შენ დღეს ბრძოლის გუნებაზე ხარ.

— ბრძოლა გადავიხადე და მოვიგე კიდეც. ბედნიერი ვარ, ბედ-
ნიერი, — თქვა ბაბალემ და ზეზე წამოდგა.

IV

ქალების წასვლის შემდეგ ერთ საათსაც არ გაუვლია, რომ
ვერხვის ხეს და კლდეს ახალი სტუმრები მოადგნენ. ზემო გზიდან
ორი კაცი ჩამოვიდა. ერთ მათგანს გვერდზე უშველებელი დამბაჩა
გკიდა და ზურგზე თოფიც ჰქონდა გადაკიდებული. ტანისამოსის
შიხედვით, მისი გამოცნობა ძნელი არ იყო, ეს გახლდათ ქალაქის
პოლიციელი. ხოლო მეორე, იმავე ტანჩაცმულობის მიხედვით სამო-
ქალაქო, წვრილი მოხელე უნდა ყოფილიყო.

პოლიციელი ვერხვის ხესთან შეჩერდა, თოფი ზურგიდან მოა-
ხსნა.

— მოიცა, აქ ცოტა დავისვენოთ, — თქვა მან და პირდაპირ მი-
წაზე გაგორდა.

— მოვისვენოთ, წინააღმდეგი არა ვარ, — მიუგო მეორემ და
ვერხვის ფესვს მიატანა.

— ახ, რა დაღლილი ვარ, — ამბობდა პოლიციელი, პირაღმა
დაწვა და მთელ სიგრძეზე გაიჭიმა. — აზღუნა შრომამ რომ ასე
ხასაცილოდ ჩაგიაროს, განა ღვთის რისხვა არ არის?

— შენ რას სწუხარ, კაცო, ჯიბიგირი ზომ დაიჭირეს. ისე მაგრა
შებოქილი მიჰყავდათ, რომ კბილებს აკრავუნებდა. შენ რა გაფიქ-
რებს, მას ახლა ასე ადვილად აღარ გამოუშვებენ, მით უფრო, რომ
ხშირად ყოფილა შენიშნული მაგგვარ საქმეში.

— ერთი შენც ლაპარაკობ, — რალაც უქმყოფილოდ მიუგო პო-
ლიციელმა. — ვთქვათ, შენ სანადიროდ წახვედი, კურდღელს მია-

კელიე. ბუჩქიდან გამოაგდე და აი, ეს არის ხელთ უნდა იგლო, ამ დროს. თოფმა გიმტყუნოს და სხვამ უცაბედად შეხვედრილმა მოარტყას, სწორედ ასე დამემართა. თვალს ქვეყანაში ვერ გავახელ სირცხვილით.

— მე, ჩემო ძმაო, ნადირობის კანონების არა ვიცი რა. არც შველ-კურდღლებზე და მით უფრო ქურდ-ბაცაცებზე თავის დღეში არ მინადირნია. ჩემი საქმეა საქმის ქალაქები დაწერო: „გიგზავნით რა ამასთანავე, ან გაახლებთ ამა და ამ მიწერ-მოწერას. წინადადებას გაძლევთ, ან გთხოვთ (იმისდა მიხედვით, თუ ვას ვგზავნება; უფროსს თუ უმცროსს დაწესებულებას), სათანადო განკარგულებას“, ბექედს დაეკრავ, განყოფილების უფროსი ან მისი მოადგილე ხელს მოაწერს და ქალაქი შემოსავალ-გასავლის მაგიდას გადაეცემა, ეს არის და ეს ჩემი საქმე, მაგრამ მე მაინც მინდა ვიცოდე, თუ როგორ იყო თქვენი საქმე! ამბობ, კვალდაკვალ მივსდევდით, სხვამ დაიჭირაო, კარგად ვერ გავიგე.

— გამიგონე, კაცო! შენ, ეტყობა, კანცელარიის ქალაქების გარდა არაფერი გინდა წარმოიდგინო. ახლა გაიგე, რომ არსებობს მთელი ჯგუფი ხალხისა, რომელსაც ხელობად გაუხდა ქურდობა, ჯიბგირობა, რამე ნივთის მოტაცება და სხვა ამგვარები. მათი აღმოფხვრა, რანაირი გინდა წესრიგი შემოიღო, შეუძლებელი ყოფილა. ამგვარ ხალხს ძალაუვნებურად ვეცნობებით ჩვენ, პოლიციელები. ბევრი მათგანი არხეინად დასეირნობს ქუჩაში, იცი, რაც შეილი ზრძანდება, მაგრამ უმიზეზოდ ხელს ვერ მოკიდებ. რომ ხელი სტაცო, ზედვე დანაშაულზე უნდა დაიჭირო. თუ ქურდობაზე მიასწარი, მაშინ კი, იცოდე, ერთი-ორსაც წაუთაქებ, სულ უიმისოდაც არ შეიძლება, და თუ გაქცევა დააპირა და საქმეც ასეა, რომ ატყობ, სულ ხელიდან წაგივა, ესერი კიდევაც.

და აი, ერთი ამისთანა დახელოვნებული ჯიბგირი დღეს გაება ბადეში. ჯერ დანამდვილებით არ ვიცი, თუ როგორ იყო საქმე, მაგრამ, როგორც სახელდახელოდა გავიგე, მთავარი ჯიბგირი კი არ დაუჭერიათ ქურდობაში, არამედ მისი ამხანაგი, ასე ვთქვათ, მისი შაგირდი, რომლის შორიახლო, უეჭველია, ისიც იდგა და ხელმძღვანელობას უწევდა. ნამდვილი ქურდი — ჯიბგირი დაუჭერიათ, გაიგე? და ხელმძღვანელი კი გაქცეულა, და სწორედ, როცა ატყდა ერთი აურზაური, სტვენა, კიყინა, მე ბაყლების რიგში ვიდექი და თვალი შევასწარი, რომ მირბოდა. მე მას ვიცნობ, ძლიერ დახელოვნებული ჯიბგირია, ძლიერ მონერხებულად ზეინკლების რიგსაგან გზას იკვლევდა. მე ნელ-ნელა ავედევნე. ახალგაზრდებმა და

გამოუცდელმა ამხანაგებმა ასტეხეს ერთი განგაში: „არიქათ, არ გაუშვათ, არიქათ, დაიპირეთ“ და სხვა აპკვარი, სრულებით გამოუსადეგარი და უმიზნო ფართიფურთი.

ქურდ-ჯიბგირის გაქცევას არაფერი ისე არ უწყობს ხელს, როგორც ეს ყოყინა და ჩოჩქოლი. ამის გამო ხალხი გროვდება. ცნობისმოყვარე კაცი თუ ქალი მორბის ყოველ მხრივ და ჯიბგირიც შიგ ითქვიფება და სამშვიდობოს ადვილად აღწევს.

მე აუჩქარებლად ავედევნე. ნავთის საწყობის ბოლოს მას მაინც მოგვარი თვალი. ჯიბგირმა ზეინკლების გასაველისაყენ ქნა პირი და ჩინებულადაც მოისაზრა. იქიდან გამოსული უკვე სხვა ქვეყანაშია. თუ ვინმემ მაშინათვე ხელი არ დასტაცა და რამდენიმე წამი მოიგო, ისეთ ადგილას ჩავარდება, რომ მერე მისი პოვნა ერთობ ძნელი საქმეა. მაგრამ იმან თუ ერთი ხვრელი იცოდა, მე მეორე ვიცოდი და მართლაც ორივენი, თითქმის ერთ და იმავე დროს გამოვედით ფართო და სუფთად ჩაცმულ მოსეირნე ხალხით სავსე ქუჩაში. თვალი შევასწარი. ის ახლა დინჯად მიდიოდა, თითქო რწყილიც არ აფრენიაო. გამოიხედა. მის გამოცდილ თვალებს, რასაკვირველია, მე შეუმჩნევლად ვერ დავურჩი. ცოტად შექანდა. ცულ მდგომარეობაში იყო ჩავარდნილი. თუ მას ფეხები ჰქონდა, მეც მქონდა; გაიქცეოდა, გამოვედევნებოდი, სულ დიდი-დიდი სამოციოდ მეტრი მანძილი გვაშორებდა ერთიმეორესა, ის ქუჩის გაღმა იყო, მე გამოღმა, რაც მე, მდევნელს, დიდ უპირატესობას მაძლევდა, რადგან თვალყურის დევნებას მიადვილებდა. შესახვევი ქუჩა ჩემ მხრივ უფრო ახლო იყო, ვიდრე მის მხრივ და იქითკენ გაქცევას თუ დააპირებდა, ქუჩა განზე უნდა გადაეჭრა, რაც ჩვენ კიდევ დაგვაახლოვებდა, მის მხრივ შესახვევი ქუჩა შორს იყო და, ჩემი ანგარიშით, სანამ ის იქამდე მიაღწევდა, მე მას სადამბაჩო მანძილზე მაინც მივუახლოვდებოდი. ერთი სიტყვით, მეც და ისიც ერთგვარ ცოცხალ ქადრაკს ვთამაშობდით რაღა. ჩემის აზრით, მას გასაქანი უკვე აღარა ჰქონდა, ხუთი წუთი კიდევ და ის უთუოდ ჩემ ხელში იქნებოდა. აი, მივუახლოვდით კიდევ შესახვევ ქუჩას. გული ვერ ითმენდა, აქ მინდოდა ქუჩა გადამეჭრა და ჯიბგირს პირდაპირ უკან დავდევენებოდი. ქუჩის განზე გადაქრა დავაპირე კიდევ და ამ დროს მესმის ერთი ყვირილი: „პოლიციელი, პოლიციელი, აი, აგერ პოლიციელი“. „რაშია საქმე, რა ამბავია?“ ვკითხულობ. ვხედავ ხალხი მოგროვდა. „აბა აქ მოდი, კაცო, რა საშინელებაა; ქუჩაში ასეთი საქმე დაუშვებელია. ამ ჩვენ უბანში სულ ასეა,“ — საყვედურობს ხალხი.

— რა მომხდარა?

— რა უნდა მომხდარიყო. მე შენ გეტყვი და ზეციდან აღმასები გადმოცვივდებოდა. ვილაც ქალს თავისი ქმარი უნახავს მეორე ქალთან მოსივრნე, ექვი აულია და თავის მეტოქეზე პირდაპირ იერიში ნიუტანია. გამართულა ქალების ცემა-ტყევა შუა ქუჩაში. გული ამემღვრა, ერთი კარგა შევეუქურთხე ჩემ გულში მოჩხუბრებსაც და მაყურებლებსაც. სხვა გზა არ იყო, უნდა შევჩერებულავიყავი. ერთი მაინც მივიხედე ჯიბგირისკენ. ის მშვიდობიანად აგრძელებდა თავის გზას, ალბათ, ძლიერ გახარებული. თითქო ეს ქუჩის ჟრიამული არც კი შეუმჩნევია, აქით-იქეთ არც კი იხედებოდა. „მაინც სად წამიხვალ, ირმის რქის წვერზე რომ აცოცდე, იქ მიგაგნებ-მეთქი, ჩავილაპარაკე და მივედი მოჩხუბრებთან საშინლად გაჭავრებული. გავაშველე. უსაქმო, სეირის მაყურებელა ხალხი პიერუე-მოვრეკე. ბრბოს მაინც გააქვს ერთი განგაში. ზოგს მე ვგონივარ კანონმდებელიც, აღმასრულებელიც, მდივანიც და ჯალათიც. ვინ რა რჩევას მაძლევს, ვინ რა წინადადებას. იქვიანი ცოლი საქმიდან ლანძღვა-გინებაზე გადავიდა. ათასი არამითზე საქმეში ერევა. მე ყველას ჩემ გულში ჯანდაბისკენ ვაგზავნი. რას იზამ, სრული ნახევარი საათი გავიდა, სანამ მე განეთავისუფლდებოდი. ამდენ ხანს რომელი ჯიბგირი დაგიცდის ერთ ალაგას. ვიფიქრე საითკენ უნდა წასულიყო? ალბათ სადმე ქალაქგარეთ გავიდიოდა. ქალაქის შიგნით ის დღეს შემოსვლას ვერ გაბედავდა, რადგან იცოდა, რომ მრავალი თვალი დარაჯობდა.

წავედი, უფროსს შევატყობინე. ორი კიდეც სხვა ამხანაგი გამომაყოლეს. მოვიაზრეთ, როგორ გვემოქმედნა და სხვადასხვა გზით გავიფანტენით. მე ჩემ მხრივ ბევრი ვეძებე მთელი არემარე, მახლობელ სოფლებამდე გადმოვატრიალე ყოველი კუნძული, კვალს ვერ მივაგენი, თითქო გაქრა, მიწამ ჩაყლაპა. დავბრუნდი უკან. ისეთი დაღლილი ვიყავი, რომ ფეხები მეკეცებოდა. ჯვარედინა გზატკეცილამდე მივაღწიე და იქ ქვაზე ჩამოვჯექი. ქვა გაშლილ ბუმბულად მომიჩვენა. ნელ-ნელა ზურგით კლდეს მივესვენე, თოფი კი ფეხზე შუა ჩავიდევდი და ორივე ხელით გულში ჩავიხუტე. ოხ, ვერ წარმოიდგენ, რა სიამოვნებას ვგრძნობდი. თურქე მაშინათვე ჩამძინებოდა. რაღაც გაუგებარ სიზმრებში გავებო. გაპომეღვიძა. დიდი-დიდი ნახევარი საათი მძინებია. შევხედე, დიდება შენდა ღმერთო! აი, ჩემი ჯიბგირთუხუცესი თვალწინ კი არ მიდგას, ორმოციოდ ნაბიჯის მანძილზე, — შუა გზატკეცილზე. თვალებზე ხელი მოვისვი. სიზმრად ხომ არა ვარ-მეთქი. იმანაც შე-

მამჩნია, ერთიც ტანში გააზმორა, მაგრამ, ჰაი გილი! საჩქაროდ ახტა და მოკურცხლა, პირდაპირ გზატკეცილით, ალბათ, მახლობელ ტყით დაბურულ ხევსიკენ. იცოცხლე, იმ წამსვე მეც წამოვხტი და ავედევნე. ჩემი დაღლილობა ერთი დაკვრით საღდაც გაქრა. თოფი მოვიმარჯვე. „გაჩერდი, შე წუწკო, თორემ აქვე დაგაწვენ-მეთქი“. არ შეჩერდა. „კარგი, მამ ასე-მეთქი“ და გამოვწიე ჩახმახს, სხვა გზა არ იყო. ხუმრობა საქმე გგონია? ჩვენი მთელი დღის ქადრაკობიას, ასე თუ ისე, ბოლო უნდა მოღებოდა. „წკაპ“, — მოადინა რკინამ და სხვა არაფერი, თოფმა მიიტყუნა. საჩქაროდ ვიშიშვლე დამბაჩა და სამჯერ ზედიზედ დავახალე, მაგრამ ის უკვე შორს იყო, თავგანწირვით მირბოდა. ერთი წუთი თუ დასცლოდა, ტყეში თავს შეათარებდა და იქ ისეთი ჯურღმულებისკენ გადავარდებოდა, რომ მისი პოვნის იმედი ძლიერ მცირე რჩებოდა. მე კი ანგარიშშიუცემლად ვყვიროდი: „არიქათ, ქურდია, ჯიბგირია, არ გაუშვათ, დაიჭირეთ-მეთქი“. და მართლაც რა გგონია, იქვე ოთხი შეიარაღებული ხალხით ავტომობილი გამოჩნდა. ერთ წამს მოიაზრეს, თუ რაში იყო საქმე, რამდენჯერმე თოფი შესაშინებლად დაახალეს და იქვე ცოცხლად დაიჭირეს. გავიხედე და ორი ჩემი ამხანაგიც გამოჩნდა. არაკად რომ იტყვიან: ურემი რომ გადაბრუნდება. გზა მას უკან გამოჩნდებოდა, სწორედ ისე მოვიდა.

მე, მართალი გითხრა, ამ უღიბლობამ ისე გული დამწვა, ისე შემრცხვა, რომ მათ თან არ გავყევი ქალაქში. მხოლოდ ის ორი ჩემი ამხანაგი გავაყოლე.

— ეხ, კაცო, გაიგონე და! ხუთი თვეა, ჩემმა მზემ, ქალაქგარეთ ფეხი არ გადამიდგამს. ცოლი მეუბნება, წადი, კაცო, გაიარ-გამოიარე, ამდენი საქმის ქალაღებში ჩიჩინით ობი მოგეკიდებაო. მეც მობდი, ერთი გავისეირნებ-მეთქი და ავეყევი გზატკეცილს. მართლაც რომ კარგია ქალაქგარეთ. ეს იყო ძლივს თავისუფლად ამოვისუნთქე და ატყდა ერთი: „ტრახ და ტრუხი“, თოფის სროლა. ხომ გაგიგონია, მთვრალს წაჭიკაეება არ ექირეებაო, უიმისოდაც მოგვებზრდა უკვე ამდენი თოფ-ზარბაზნების ქახაქუხი და ახლა კიდევ ასე მოულოდნელმა ხმაურობამ მთლად ამაკანკალა. მადლობა ღმერთს, ჩქარა გამოვერკვიე და შენც იქ დამინახე. კარგი ამბავი კი იყო, მართალი გითხრა, როცა დაიჭირეს ის ჯიბგირი, თვალეზიდან სულ ცეცხლსა ყრიდა. განა ის ჯიბგირია, კაცო, მე ეს კაცი ქუჩაში ხშირად შემხვედრია? — თქვა ვერხვის ფესვზე მჯდომარემ.

— ეხ, ჩემო ძმაო, ამ ერთის შებორკვა რას უშველის, როცა ორი და ორმოცი სხვა დათარეშობს, — უკმაყოფილოდ თავის დაქ-

ნევით თქვა პოლიციელმა, წამოჯდა და თოფი ხელთ აიღო. — ერთი ამ საჯანდაბეს უყურე, როგორ შემარცხვინა დღეს. როგორც თოფი, ჩემო ძმაო, ცუდი არ არის, ინგლისური სისტემის უნდა იყოს. მხოლოდ დღესვე, სწორედ, გაქირვების დროს მიმტყუნა ამ საძაგელმა... ამ უჯიგრომ ამანა. ალბათ გაფუქებულია, ზეინკალთან უნდა წავილო, — ამბობდა პოლიციელი და თან თოფის ჩახმახს აქეთ-იქით სწევდა. ამ დროს უტბად იგრიალა თოფმა და ვერხვის ფესვზე მჯდომი კაცი მწარე ყვირილით ზეზე წამოვარდა. პოლიციელი გაშეშდა, გაფითრდა, მაინც თავი არ დაკარგა, საჩქაროდ გამოერკვა და დაქრილს საშველად მივარდა. ტყვია ბარძაყში მოხვედრილიყო და მეორე მხრივ გასულიყო.


— ოხ, ნუ გეშინია, ძმაო, მოგიკვდეს ჩემი თავი, ძლიერ გტკივა? ძვალს არსად მიკარებული არაა, რა ბედნიერი ხალხი ვყოფილვართ, — ათრთოლებით ამბობდა პოლიციელი და ქრილობას შინჯავდა. — არაფერია, გენაცვალე, უჰ, რა ბედნიერი ვყოფილვართ, აბა მე გვერდით ამოგებიჯები და ნელ-ნელა წავიდეთ. პირველ სახლშივე ქრილობას შეგიხვევ.

ვერხვის ხის ძირი კვლავ დაცარიელდა. უკვე საღამო უაზი იყო. ქარმა საკმაო მძლავრად დაბერა და ვერხვის ტოტები ააშრიალა. ყვითელი ფოთლები აუარებელი ძირს ცვიოდა.


— დღეს სულ ბედნიერი ხალხი მოდის ჩვენთან, — ტოტების შრიალში ჩაატანა ვერხვის ხემ.

— განა უბედურებაზე მომჩივანი ცოტა მოდის, დაე ათას უბედურს ერთი ბედნიერი დღეც გაერიოს, — მიუგო კლდემ.





საკვებები
და
ფეხილეები





გედერულთა მემობარი ექიმი გააზი

(პეტროვიანი)

კთილ საკმეს დაეჩარეთ..

1853 წელს, აგვისტოს შუა რიცხვებში, ქ. მოსკოვს ერთ მიცვალებულს არაჩვეულებრივ ასვენებდნენ. პოლიციის წყვილი გაძვალტყავებული ცხენი უბრალო ჭაგვით ძლივს მიათრევდა საღაკუბოს, რომელსაც უკან აუარებელი, ოცი ათასამდე, მოსკოვის მდაბიო ხალხი და საზოგადოება მიხდევდა. ბევრი მათგანი მწარედ ქვითინებდა. კუბოში განისვენებდა პატიმართა ექიმი, თევდორე პეტრეს ძე გააზი.

თევდორე პეტრეს ძე მოსკოვის ღვიძლი შვილი იყო. ის დაიბადა და აღიზარდა საზღვარგარეთ, მხოლოდ ბედმა შემთხვევით რუსეთში გადმოასახლა. ერთხელ რუსთ ხელმწიფის კარისკაცი, თავადი რეპნინი, საზღვარგარეთ საექიმოდ წავიდა და იქ, სხვათა შორის, ახალგაზრდა, ოცდაროი წლის ექიმი გააზიც გაიცნო; მისი რჩევა-დარიგება შესამჩნევად მოუხდა და როცა თავადი რუსეთში დაბრუნდა, ექიმი გააზიც თან წამოიყვანა და მოსკოვში მოიყვანა. მოსკოვში გააზს, როგორც ჩინებულ ექიმს, ჩქარა სახელი გაუვარდა; საუკეთესო და მდიდარ სახლებში მიიწვიეს და მცირე ხნის განმავლობაში ღიდი ქონებაც შეიძინა. იყიდა სახლი, ადგილ-მამული, მოაწყო საუკეთესო მათუდის საქსოვი ქარხანა; წყვილ-წყვილ ბელაურშებმული ძვირფასი კარეტით დაბრძანდებოდა...

გარეგან შეხედვით ეს კაცი სრულიად კმაყოფილი და ბედნიერი უნდა ყოფილიყო. ის იყო ახალგაზრდა, მდიდარი, ნიჭიერი, ყველგან და ყველასაგან მიღებული და პატივცემული. სხვა რაღა უნდოდა? მაგრამ მისი გული მაინც არ იყო კმაყოფილი. ის უფრო ფართო ასპარეზს ეძებდა სიყვარულისათვის, რაც მართლა ჩქარა აპოვა.

როგორც მოგეხსენებათ, ავადმყოფები, მდიდრად მორთულ ღარბაზებს გარდა, გატუქყიანებულ, ნესტიან სარდაფებში და მიხგრულ-მონგრულ ქონხახებშიც ბლომად მოიპოვებიან. და ექიმმა გააზმაც სწორედ ამ ღატაკ ავადმყოფებს მიაქცია ყურადღება. დანიშნა დრო, როცა ყოველ ღარიბ ავადმყოფს შეეძლო მასთან მისვლა და შემწეობა-ღარიგების მიღება უსასყიდლოდ. ღარიბებმაც ბევრი არ დააყოვნეს და დაესივნენ გულკეთილ ექიმს. მათ მისაღებად დანიშნული დრო თავდებოდა და მთელი ჯგუფი ავადმყოფებისა ჯერ კიდევ თავის რიგს უცდიდა. საჭირო შეიქნა, მათი მისაღები დრო მეტი ყოფილიყო. გარდა ამისა, მომსვლელ ავადმყოფებს შინაც ისეთები ჰყავდათ, თურმე, რომ არათუ ექიმთან წასვლა, ტახტიდან წამოდგომა აღარ შეეძლოთ. იმათი ნახვაც საჭირო შეიქნა. ამნაირად ექიმ გააზს მდიდრების მისაღები დრო ძლიერ შეუმცივდა.

ბოლოს ექიმი დაფიქრდა და თავის გუნებაში ამნაირად გადასწყვიტა: „მდიდრები კი ფასით ექიმს ყოველთვის იშოვნიან და ჩემს ღატაკებს კი, ტყუილი არ არის, მუქთად არავინ ეახლება. საწყლები მე მელოდებიან და მათი უპატრონოდ დატოვება განა შეიძლება?“

გააზმა მართლაც მდიდრებს სულ თავი მიანება და მთლად ღარიბ-ღატაკების მწუხარების შემსუბუქებას შეუდგა. არათუ ავადმყოფების სანახავად მიდიოდა, თან წამალიც მიჰქონდა და ხერიანი საჭმელის საყიდელ ფულსაც ურიგებდა.

ღარიბი ავადმყოფები, რა თქმა უნდა, მომეტებულ ნაწილად ბინძურ და ნესტიან სადგურებში ცხოვრობდნენ და მათი იქიდან გამოყვანა აუცილებელი საჭირო იყო. ამისათვის გააზმა შეამდგომლობა აღძრა, სადაც ჯერ იყო, რომ პოლიციის მახლობლად მისთვის სახლი დაეთმოთ ავადმყოფთა სამკურნალოდ. აქ მან პატარა საავადმყოფო გააკეთა. ხალხმა შემდეგ ამ საავადმყოფოს „გააზის საავადმყოფო“ დაარქვა. ავადმყოფ ტუსალებსაც ამ საავადმყოფოში აწვედნენ. ამათ გააზი განსაკუთრებული ყურადღებით ეპყრობოდა, როგორც სულიერად და ხორციელად უძღურთ. რამდენა-

დაც უახლოვდებოდა, იმდენად მეტ სიყვარულს გრძნობდა მათდამი. ხედავდა, რომ უბედურები ცხოვრებისაგან დატანჯულნი იყვნენ. ყოველივე ადამიანური გრძნობა მიძინებული იყო მათ შორის. გარეშეთა მათდამი გულგრილობას და გულქვეაობას უბედურები გაესასტიკებინა. გულკეთილი ექიმი ამჩნევდა, რომ ტუსალებიც ადამიანები იყვნენ, იმათაც ჰქონდათ სინიღისი, იმათში ჯერ სულ არ გამქრალიყო ღვთის მადლას ნაპერწკალი, მხოლოდ ყოველივე ეს ცხოვრების სიბინძურით სქლად იყო დაფარული, ასე ჰგონია, ღმერთი და ღვთიური რამ მათში თითქოს თავის დღეში არა ყოფილიყოსო! კაცთმოყვარე ექიმს გულწრფელად ეცოდებოდა ისინი და ცდილობდა სიყვარულით, ღმობიერი მოპყრობით და ძმური მზრუნველობით ადამიანური გრძნობა გაეღვიძებინა მათ გულში.

„თუ ექიმისათვის დიდად სასიამოვნოა მომაკვდავი ავადმყოფის მობრუნება და ფეხზე წამოყენებაო, — მსჯელობდა გააზი, — რამდენად მეტად სასიამოვნო უნდა იყოს, სულიერად დაცემული ადამიანის გაცოცხლება, განახლება“.

უნდა ვთქვათ, რომ იმ დროს პატიმრებს მეტად სასტიკად და უღიერად ეპყრობოდნენ; მძიმე ბოკილს ადებდნენ, მათრახებით უწყალოდ სცემდნენ, სასაცილოდ თავს ცალ გვერდზე პარსავდნენ და, ერთი სიტყვით, მათ ადამიანურ ღირსებას ყოველმხრივ აპყრობდნენ.

თვით მაშინდელი საპყრობილე ერთგვარი ჯოჯოხეთი იყო, სადაც ტუსალები საშინლად იტანჯებოდნენ. მხეცური მოპყრობით ისინიც გამხეცებულნი იყვნენ. განსაკუთრებით მძიმე იყო კატორლაში გასაგზავნ პატიმართა მდგომარეობა. ერთ რკინის გრძელ ჯოჯოხზე ბორკილით მიაბამდნენ ათიოდე ტუსალს და ვირებივით წინ გაირეკავდნენ. ამნაირად ვირებივით ერთ ჯოჯოხზე მიბმულთ უნდა ევლოთ მთელი უშველებელი გზა მოსკოვიდან ციმბირამდე. სუსტი და უძლურიც ჯანსაღს უნდა დამხარდამხარებოდა, სხვა გზა არ იყო, ეს კიდეც ცოტაა, ძნელი ის იყო, რომ რკინის ბორკილის რგოლებს პირდაპირ შიშველ ტანზე აცვამდნენ. რგოლის მუდმივი ხახუნი კანს გადააფხრეწდა, ძვლამდი ჩაღრღნიდა და ამით გაჩენილ იარაღს, ციმბირის საშინელ სიცივეში, რკინაც ზედვე მიეყინებოდა. საუბედუროდ, ამ დაუჯერებელ სიმკაცრეს ყველანი ისე მიჩვეოდნენ, რომ მისი მოსპობა შეუძლებლად მიაჩნდათ, თითქო ბუნებით ასე უნდა ყოფილიყო.

ბედკრულთა მეგობარმა ექიმმა გააზმა ეს რომ გაიგო, კინაღამ

ელდა ეცა. მაშინათვე წევრად ჩაეწერა იმ დროებით ახლად და-
დაარსებულ საპრობილეთა მზრუნველ კომიტეტში. ყოველთვის,
როცა ტუსალებს ციმბირს გაგზავნას უპირებდნენ, ესწრებოდა და
დაჟინებით თხოულობდა, რომ პატიმართა რკინის ჯოხზე მიბმა
მოესპოთ.

— თქვე კაი კაცებო, ისედაც ხომ რკინის ბორკილგაყრილნი
არიან და კიდეც რკინის ჯოხზე მიბმა ნეტავ რაღააო! — ამბობდა
გაკვირვებული ექიმი. — ზედმეტი მათი შეწუხება ვის რა სარგებ-
ლობას მოუტანსო?!

მისმა მუდარამ გასკრა. რკინის ჯოხი გააუქმეს.

თევდორე პეტრეს ძემ ახლა ახალი შუამდგომლობა აღძრა.
თხოულობდა, რომ ბორკილებს შიგნიდან ტყავის სარჩული ჰქო-
ნოდა, რომ რკინას პირდაპირ კანი არ ეხება. ესეც შეუსრულეს.
ექიმი ამასაც არ დასჯერდა, რკინის ბორკილის ძიმძიმის შემცირე-
ბაც მოითხოვა. მაშინდელი როგორც ხელის, ისე ფეხის ბორკილი
ცალ-ცალკე 5-6 გირვანქას იწონიდა. თორმეტი გირვანქა რკინის
ტარება ხელ-ფეხით ქვეითი ტუსადისათვის დიად რომ მეტად
ძნელი იყო. ბედკრულთ მოსარჩლე კი თხოულობდა, რომ თითო
ბორკილი სამ-სამი გირვანქა ყოფილიყო.

მისი მუდამ ამნაირი შუამდგომლობა კომიტეტს თანდათან თავს
აბეზრებდა.

— თქვენ, თევდორე პეტრეს ძე, კატორღა გადაწყვეტილ
პატიმრებს პატარა ბავშვებივით ელოლიავენით. ნუ დაგავიწყ-
დებათ, რომ ისინი ბოროტმოქმედებისათვის დასჯილი დამნაშავე-
ნი არიან, — ეუბნებოდნენ გააზს.

— მაგათი განკითხვა თქვენი საქმე სრულებით არ გახლავთ, —
პასუხს აძლევდა ექიმი. — ისინი უკვე გასამართლებულნი არიან.
თქვენი საქმეა, გახსოვდეთ მხოლოდ, რომ ისინიც თქვენსაებრ
ადამიანები არიან. იმათაც თქვენსაებრ მდულარე ცრემლები აქვთ.
ისინიც ხომ ჩვენი უმცროსი ძმებია და მათი დახმარება ჩვენი მო-
ვალეობაა. შეიძლება, ბევრი ბოროტება ჩაედინოთ, მაგრამ ერთი
ეს მიბრძანეთ: სიკეთეს ვინ, ან როდის ასწავლიდა? ვთქვათ, რომ
ბოროტნი და დამნაშავენი არიან, მაგრამ რა ნება გვაქვს მოვთხო-
ვით კეთილი მოქმედება, როცა ჩვენ თვითონ მათდამი არავითარ
გულკეთილობა-შებრალებას არ ვიჩენთ. დამნაშავენი არიან, მაგ-
რამ კანონისა და არა ჩვენ წინაშე. ისინი მხოლოდ ჩვენი გაუბედუ-
რებული ძმებია.

ასეთი სიტყვები კომიტეტს არ მოსწონდა. კომიტეტის ზოგი-

ერთი წევრი უკმაყოფილოდ ამბობდა, რომ გააზმა გადამეტებულ გულკეთილობით ტუსალები გააფუქა, ნებიერობას მიაჩვიაო. მაინც მისი შუამდგომლობა ბორკილების სიმძიმის შემცირებისათვის შეწყნარებულ იქნა. იმ დროს მოსკოვის გენერალ-გუბერნატორად ბრძანდებოდა თავადი გოლიცინი, კაცი გულკეთილი და პატიოსანი. კომიტეტის მეორე დღეს თვითონ მივიდა ექიმ გააზთან, გაიარა ერთი ოთახი და მეორეს რომ მიუახლოვდა, რაღაც უცნაური ტოკინი და ჟღარუნის მოესმა. შეაღო კარები და სახტად დარჩა! თურმე გააზს თვითონ ხელ-ფეხზე გაეყარა ბორკილები, გაფითრებული და დატანჯული, ოთახს გარშემო უვლიდა და თან რაღაცას ჩუმ-ჩუმად თვლიდა.

— თევდორე პეტრეს ძე, რას ჩადიხართ? — ჰკითხა გაოცებულმა თავადმა.

— მაპატიეთ, თქვენო ბრწყინვალეზავ! — მიუგო გააზმა. — უკვე გამოვიანგარიშე: რამდენჯერ უნდა შემოუარო ამ ჩემს ოთახს, რომ იმდენი მანძილი გამოვიდეს, რამდენსაც რიგით გაგზავნილი ტუსალები ერთ დღეს გაივლიან ხოლმე. ახლა მინდა გამოვცადო: რამდენად ძნელია ექვსგირვანქიანი ბორკილებით ამ მანძილის გავლა.

თავადს ამ სანახაობამ გული აუჩვილა და ცრემლები მოერია. ბორკილების სიმძიმე დაუყოვნებლივ შეამცირეს. ახალ ბორკილებს ტუსალებმა „გააზის ბორკილები“ დაარქვეს.

თევდორე პეტრეს ძეს სურდა, პატიმრებს, რაც შეიძლებოდა, მეტად დაახლოებოდა. ამიტომ იმდენს ეცადა, რომ მოსკოვის საპყრობილის უფროსი ექიმობა მიიღო. ახლა კი არც ერთი ჯგუფი ტუსალებისა კატორღაში ისე არ გაიგზავნებოდა, რომ მათთვის ექიმ გააზს რაიზე მეგობრული მზრუნველობა და დანხმარება არ გაეწია. მთელი რუსეთის ტუსალობა იცნობდა გააზს. ჩვენი ექიმიო, ამბობდნენ სადმე სმოლენსკში, ან კიდევ კურსკში, გამოთხოვების დროს, ტუსალები ჯერ მოსკოვისკენ წასაყვან საციმბირო ამხანაგებს ასე ანუგეშებდნენ ხოლმე:

— ყოჩაღად იყავ, ნუ გეშინია! ჯერ ხომ მოსკოვში მიგიყვანენ, იქ „ჩვენი“ ექიმი დაგეხმარება.

ექიმი გააზი ტუსალის ყოველ სულის მოძრაობას უკვირდებოდა, მთელი საათობით მათთან მუსაიფობდა და მცირეოდენ სინანულის ნაპერწკალს მათ გულში მოუთმენლად დარაჯობდა. დანადგლიანებულებს ანუგეშებდა, სულით დაცემულებს ამხნეევებდა, თავს არ დაზოგავდა, მხოლოდ კი ცოტაოდენი ნათელი შუქი შეეტანა ამ ბედ-

კრულთა უკუნეთს სამეფოში. ცოტა რამ უქეიფოდ გახდებოდა ვინმე, ან შინაურებზე დარდს დაიწყებდა, მაშინვე საავადმყოფოში დააწვენდა: უხაროდა, რომ რამდენისამე დღით მაინც შეეძლო მისთვის ბორკილი მოეხსნა. სატუსალოს უფროსებში კი ამნაირი მისი ქცევა ხშირად უსიამოვნებას იწვევდა. ესაყვედურებოდნენ: ეს როგორ შეიძლება! ტუსალების გაგზავნას აქიანურებ, რიგს და წესს არღვევო და სხვ. მის მზრუნველობას ტუსალებისადმი სამასხაროდ იგდებდნენ, „მავენებელ სათუთობად“ მიიჩნდათ. თვითონ იმასაც დასცინოდნენ: უცნაურ კაცს — „ჩუდაკს“ ეძახდნენ! უსიამოვნო, აბეზარ კაცად სახავდნენ. ექიმი კი არავის ყურადღებას არ აქცევდა და სიმართლის გზაზე უშიშრად წინ მიდიოდა.

ერთხელ ციპბირისკენ უნდა გაეგზავნათ სხვა პატიმრებთან ერთად ორი გასათხოვარი და, სავალალოდ, ერთი მათგანი ავად გახდა და იძულებულნი შეიქნენ დაეტოვებინათ, მაგრამ ავადმყოფი მარტო არ იცდიდა. მეორე დამ ითხოვა, ავადმყოფის მომვლელად დაეტოვებინათ, მაგრამ ცივი უარი უთხრეს. გასაგზავნთა სიაში ჩაწერილი ხარ და უსათუოდ უნდა წახვიდეო. მაშინ ავადმყოფმა გადაწყვიტა, რაც გინდ დამართოდა, თუნდ რომ დაუყოვნებლივ მომკვდარიყო, მაინც დას გაჰყოლოდა. ექიმი გააზი ამ საქმეშიაც გაერია და მოითხოვა, რომ ორივე დები დაეტოვებინათ.

— ავადმყოფის გაგზავნა ხომ შეუძლებელია, — ამბობდა ექიმი, — მომაკვდავი ქალისათვის დის უკანასკნელი ალერსის მოკლება ხომ უღვთობაზე უღვთობააო.

— თავი დაანებეთ მაგეებს, თუ ღმერთი გწამთ! აქ კატენიზმოს ქადაგება სრულიად უადგილოა და არც საჭირო გახლავთ, სია უკვე შედგენილია და ვილაც პატიმარ დედაკაცის გულისათვის ახლა ისევ ხომ ვერ შეცვლიან, — მოუპრეს სიტყვა ექიმს.

გააზი შეელაპარაკა ამის მოქმელს:

— ყოველ შემთხვევაში, — თქვა მან, — ადამიანობაა საჭირო და არა მხეცობა. რაც შეეხება სიას, მე მგონია ზეცაშიაც უნდა იყოს სია, სადაც პატიმართა დანაშაულთან მათი უფროსების მხეცური ქცევაც აღინიშნება.

დები, როგორც იყო, დაარჩინეს, მაგრამ უფროსები კი გადაემტერენ ექიმს, დაუწყეს დასმენა და თითქმის პირდაპირ ხელმწიფესთანაც უჩივლეს.

ერთხელ იმპერატორი ნიკოლოზ პირველი მოსკოვში ბრძანდებოდა და საპყრობილევ ინახულა. გააზის მტრებმა ხელმწიფეს წარუდგინეს ერთი 70 წლის ღრმა მოხუცი ტუსალი, რომელსაც განა-

ჩენით ციმბირი გადაწყვეტილი ჰქონდა. ექიმი გააზი საავადმყოფოდან არ უშვებდა. ექიმი იქვე იდგა. ხელმწიფე პირად იცნობდა. შეხედა და მრისხანედ დაეკითხა:

— ეს რა ამბავია?

თევდორე პეტრეს ძემ დაიჩოქა და თავი დაბლა დაუკრა.

— მაპატიეთ, ხელმწიფეო, — შეეხვეწა გააზი.

ხელმწიფე შეშფოთდა.

— ადექ, მე არა ვჯავრობ, ადექ, თევდორე პეტროვიჩ!

— ხელმწიფეო! გთხოვთ მონუცს აპატიოთ, — ამბობდა დაჩოქილი ექიმი. — მცირედი ხნის სიცოცხლედა დარჩენია. უბედური გამოქცეულთაგანია. მთელ სიცოცხლეში დასდევდნენ, მგელივით ეტყეებოდნენ, საპატიმროდან საპატიმროში დაათრევდნენ. თქვენო უდიდებულესობაე! ნება დართეთ, რომ აქ, საავადმყოფოში მაინც ამოხდეს სული.

— კარგი, შენს სინიღისზე მომინდვია, — ცოტაოდენი ფიქრის შემდეგ უბრძანა იმპერატორმა.

ექიმი გააზი არავითარი დაბრკოლების წინ არ შეჩერდებოდა, ოღონდ კი უბედურთ ხვედრი ცოტად მაინც როგორმე შეემსუბუქებინა. შუამდგომლობდა, სთხოვდა, უარს თუ ეტყოდნენ, გულგრილად ითმენდა, ისევ თხოულობდა და მანამდე არ მოეშვებოდა მთავრობას და არ დამშვიდდებოდა, სანამ არ დააკმაყოფილებდნენ. ერთხელ ტუსალების გულსათვის მძლავრ და სახელგანთქმულ მოსკოვის მიტროპოლიტ ფილარეტთანაც მოუხდა დიდი და საშიში შეჯახება. მიტროპოლიტიც კომიტეტის კრებას ესწრებოდა და გააზის დაუსრულებელი ხვეწნა-მუღარა უდანაშაულოდ გასამართლებულებისათვის, ალბათ, იმასაც მობეზრდა. მიტროპოლიტმა უბრძანა:

— რა დაგეპართა, თევდორე პეტრეს ძევ! რა უდანაშაულოდ გასამართლებულები გაგიჩნდათ. უდანაშაულოდ გასამართლებული ვინ გაიგონა! თუ კაცი გაასამართლეს, მაშ დამნაშავეც ყოფილა და ეს არის!..

ბუნებით ფიცხი გააზი პილპილივით აენტო და საშინლად გულნატკენმა ხრინწიანი ხმით საჩქაროდ მოუქრა სიტყვა მღვდელმთავარს:

— ქრისტე მაცხოვარი დაგავიწყდათ, ყოვლად უსამღვდელოესო მეუფეო?!. ისიც ხომ გაასამართლეს, მაშ, ისიც დამნაშავე ყოფილა?!.
ყველანი შეშფოთდნენ. მიტროპოლიტმა თავი ძირს დახარა. ყველანი შეწუხებულ-შეშფოთებულნი ერთმანეთს შეჰყურებდნენ და

ხმის ამოღებას ვერავინ ბედავდა. გავიდა რამდენიმე საშინელი, სევდისმომგვრელი წამი. ბოლოს წარჩინებული მიტროპოლიტი წამოდგა და მშვიდად წარმოთქვა:

— არა, თევდორე პეტრეს ძე! ქრისტე კი არ დამვიწყებია, როცა უგუნური ლაპარაკი დავიწყე, თვითონ ქრისტე განივლტო ჩემგან. ანაირად, დრო მიდიოდა, წელიწადი წელიწადს მისდევდა და ექიმი გააზიც ბედკრულთა და მოძულებულთათვის თავგანწირულად შრომობდა. და ამ შრომას მისი ძალ-ღონე და ქონებაც თანდათან უკან მიჰყვებოდა. ცხოვრობდა გააზი ძლიერ ხელმოკლედ. თავის-თავზე კაპეიკობით ხარჯავდა. მისი სახლი და მაუდის ქარხანა საღ-ლაც გაჰქრა, კარეტაც გაიყიდა. შერჩა მხოლოდ ორი დავარდნილი ძვალტყავად გამხდარი ცხენი, ერთი გაპარტახებული დროჟა და ძველებური, გახუნებული ტანისამოსი. ჩაჯდებოდა ხოლმე თავის დამტვრეულ დროჟაში და მიაღახლახებდა მოსკოვის ქუჩებში ვორობიოვის მთებისაკენ, სადაც საპატიმროები იყო გაშენებული. ხანდისხან მძიმე კალათებს და სხვადასხვა ბოხჩებს თან მიათრევდა: შიგ იყო სხვადასხვა ტკბილეულობა, ქადა-ნაზუქი, ხილი და სხვა სანოვაგე. მისი მრავალბ ნაცნობ-მეგობრები და მდიდარი ნაავად-მყოფარნი უგზავნიდნენ სხვადასხვა სანოვაგეს. ის კი ყოველსავე აგროვებდა და ტუსალებთან ან „თავის უბედურებთან“ მიჰქონდა. მთელი თავისი ხანგრძლივი სიცოცხლე ექიმმა გააზმა ამ უბედურებს შესწირა.

სხვაგანაც სადმე თუ შეხვდებოდა გაქირვებულს და თუ რამენაირად მისი ხვედრის შემსუბუქება შეეძლო, სწორედ თავს არ დაზოგავდა. ერთხელ სიკვდილის წინ რამდენისამე ხნით, შემთხვევით, მოსკოვის ერთ საავადმყოფოში შეიხედა და ერთი იშვიათი ავადმყოფი, საბრალო თერთმეტი წლის გოგო შეამჩნია. საცოდავს პირისახეზე საშინელი უკურნებელი სატკივარი, „წყლის კუ“ (Ишачья жидкость) გასჩენოდა. სენი ისეთი სისწრაფით მოსდებოდა, რომ ოთხი დღის განმავლობაში პირისახე ნახევრად მეტი შეეჭამა. უბედური აუტანელ ტკივილებს გრძნობდა და ცოცხლად დამპალ პირიდან ისეთი მყრალი სუნი ამოსდიოდა, არათუ ექიმი, ფერშალი და მოსამსახურე ქალი, თვით მწუხარებით გულმოკლულ ავადმყოფის მშობელი დედაც ორ-სამ წუთს ვერ სძლებდა იმ ოთახში, საცა ავადმყოფი იწვა. ახლო მისვლას, ან მის გვერდით ჯდომას კი ვინ შეძლებდა? ექიმმა თევდორე გააზმა შეუძლებელიც შეძლო! ყოველდღე შედიოდა ამ ავადმყოფთან, გვერდით მოუჯდებოდა, თავზე

ხელს უსვამდა, ჰკონცინდა და სამი-ოთხი საათი ამრიგად ანუგეშებდა.

1853 წელს ექიმი გააზი გარდაიცვალა. მან სული დალია სიღატაკეში და პოლიციის ხარჯზე გაასვენეს. აუარებელი სამკვიდრო დარჩა. ეს გახლავთ სამკვიდრო სიკეთისა და ყოველ უბედურთ და გაპირვებულთადმი უღვეელი სიყვარულისა.

კეთილ საქმეს დაეჩქარეთო, — ანდერძად დატოვა გააზმა. — იცოდეთ მიტევება, გსურდეთ შერიგება, ბოროტი სიკეთით დაძლიეთო. მცირე წვლილისა ნუ შეგრცხვებათ, თუნდაც ჰქონა წყალ იყოსო. მეგობრული მიგებება, სიტყვიერი ნუგეში, თანაგრძნობა, შებრალება, ესეც ბევრი რამეაო. ეცადეთ, დაცემული აღადგინოთ, გაბოროტებული დააცხროთ, დაამშვიდოთ. არ არის ისეთი ადამიანი, ვის გულშიაც სიყვარული და შებრალება არ სუფევდესო. მე არათუ არა მსურს, ვერც მომიფიქრებია, რომ ადამიანს ადამიანის ტანჯვა განგებ უნდოდესო. ალბათ, არ იციან რასა იქმანო. სპეტაკი და გულს მოსახვედრი სიტყვები ერთს დანაშაულს უმსუბუქებს, მეორეს ნუგეშს სცემსო... ამიტომაც, უწინარეს ყოველისა, შებრალებაა საჭიროო. მიდრეკილება შებრალებებისადმი სათნობა კი არ არის, უბრალო სამართლიანობააო.

ექიმი გააზის გულწრფელი და ღრმა სიყვარულით შეზავებული სიტყვები ბედკრულთა შორის ძლიერ მოქმედებდა და თითქმის თავზარდამცემ ავზაყთაც იმორჩილებდა. ექიმ გააზის საპყრობილეში მისელა შიგ მცხოვრებთათვის ზეციდან ანგელოზის ჩამოფრენა იყო. მისი ნათელი სახე ტუსალთ არათუ იქ, მოსკოვში ყოფნის დროს ანუგეშებდა, მისი სახის გახსენება შორეულ ციმბირის მადნებში მუშაობის დროსაც გულს უსპეტაკებდა. ქ. ნერჩინსკის კატორღის საპყრობილეში, როცა გააზის სიკვდილის ამბავი მივიდა, კატორღელებმა გვირაბებში ტანჯვით ნაშოენი გრომები მოაგროვეს და მათ, „მფარველ ექიმის“ სახსოვრად, წმინდა თეოდორე ტიხონის ხატი იყიდეს და დაასვენეს. იმ ხატის წინ იმავ ტანჯვით ნაშოენი ფულით განუქრობელი ლამპარი აანთეს.

ამგვარსავე განუქრობელ ლამპრად ანათოს ყოველი რუსის — და ჩვენ მიუმატოთ — ყოველი ადამიანის ხსოვნაში თევდორე გააზის ნათელმა სახელმა, იმ ადამიანის ხსოვნამ, ვინც თავისი ნიჭი, ძალა, ცოდნა და მთლად სიცოცხლეც ბედკრულთ და მოძულებულთ თავს შემოავლო და მოახმარა. ასეთი ადამიანის ხსოვნა მართლა რომ განუქრობელი ლამპარივით უნდა იქნას დაცული. ეს ხსოვნადა იქნება ერთადერთი ჯილდო მისი თავგანწირული უნაგარო შრომისა.

ეს სხვა მოღვაწესაც გაამხნევებს და ცხოვრების მწარე წუთის გამოცდის დროს, ვინიცობაა, თვით სიმართლე-სიკეთის ამქვეყნად არსებობაზე იქვი შეეპარა, გონს მოიყვანს და დამძიმებულ გულს შეუმსუბუქებსო, — ამბობს ა. ფ. კონი, რომელმაც მშვენიერი წიგნი დაწერა გააზზე. გააზის მსგავსი ადამიანები გზის მანათობელნი ვარსკვლავნი არიან; მათ კვალდაკვალ სიარული ჩვენც თანდათან დაგვიახლოებს სინათლისა, სიყვარულისა და სიკეთის სამეფოს.





ტფილისიდან ჭუღუამდე

ერთი თვალის გადავებით

(მგზავრის წერილები)

ნაშუადღევს პირველი საათი იქნებოდა, როდესაც მატარებელი დაიძრა და ქშინვა-კენესით ნღლ-ნელა განშორდა ტფილისის სადგურს. ვაგონის ბაქანზე ვიდექ. ჩემ წინ მთელი ქალაქი გაშლილიყო.

აი. კრწანისის ველიც — უკანასკნელი სცენა საქართველოს დიდი ტრაგედიის უკანასკნელი მოქმედებისა. მშვენიერი მზიანი დარი იდგა. კრწანისის ველს რაღაც თხელი მოლურჯო ბული გადაჰფენოდა. უნებლიეთ გამახსენდა პოეტის სიტყვები კრწანისის ბრძოლაში დახოცილ გმირებზე თქმული: „ბევრთ ქართველ ყრმათა, ნუგეშთა ქართლის, დასდევს აქ თავი მამულისათვის. სადღა არიან აწ ესე კაცნი, ჰაერში გაჰქრა მათი სახელი“. მეც ჰაერს დავაჩერდი, თითქო იქ უნდა დამენახა გმირთა, თავდადებულთა სახეები. მაგრამ ამოდ. ჩემ თვალს მხოლოდ იგივე თხელი ბული ხედებოდა. ყურებშიაც ქალაქის ხმაურობისაგან ავარდნილი საერთო გუგუნნი მესმოდა. გამაჩსენდა, რომ ხვალ დიდა დღესასწაული იყო, დახოცილ გმირთათვის არავის ცხელოდა. დღეს ყველას დახოცილი ინდაური და გოჭი აინტერესებს, რომ ხვალ ჩვეულებას არ უღალატოს და სუფრაზე, რაც შეიძლება, მეტი სანოვაგე დააღაგოს. თავდადებულთა სანუგეშოდ იმავე პოეტის სიტყვებმა გამიელვა: „ქარ-

თლი თქვენ სახელს არ დაივიწყებს, ალა-მაჰმად-ხანს ვიდრე ახსენებს“.

„ღიახ ასე, ღიახ ასე, სწორედ, სწორედაო“, — გამომებანა მატარებელიც ბორბლების ქახაქუხით და ორთქლმავალმაც დაიკივლა. მატარებელმა თანდათან ფეხი აიდგა და ბრიგინ-ბრიგინით გაგვაქანა.

გავცილდით ნავთლულს. ტფილისის დიდრონი სახლები დაპატარავდნენ. მამადავითი არწივის ბუდესავით მოჩანდა, კრწანისიცი მიგვეფარა. მატარებელმა მარჯვნივ, სამხრეთისკენ იბრუნა პირი. გავედით მტკვარზე, იქ, სადაც თავდება უკანასკნელი კალთა თრიალეთის მთებისა და მთვალეკით სადგურ სოღანლულს. ჩვენ თვალწინ გაიშალა თვალუწვდენელი ფართო ველი, რომლის შუაგულზე ხშირ ტოტებად დაშლილი მიიკლაკნება მტკვარი. ეს გაშლილი ველი, ეს ღია კარი ორი ათასი წლის განმავლობაში თავისუფლად უშვებდა აზიის უანგარიშო ურდოებს ტურთა საქართველოს ასაკლებ-ასაოხრებლად. ამ ღია კარმა გაუადვილა საქართველოს უკანასკნელ აშკარა მტერს ალა-მაჰმად-ხანს პირდაპირ ტფილისს მოსდგომოდა და შინ და გარეთ ღალატით მოშხამული მოხუცი გმირი — პატარა კახი დაემარცხებინა. ამ მიდამოების ერთი გადახედვა დაარწმუნებს კაცს, რომ ტფილისის აშენებას მარტო გორგახლანის ქორ-ხოხობის ლეგენდა არ ედო სარჩულად. აღმოსავლეთით საქართველოზე მოსულ მტერს ბუნებრივ სიმაგრედ პირველად ტფილისი უხვდება, და ერს, რომელიც ასე თუ ისე მომწიფებულა პოლიტიკურად, უსათუოდ მტკიცედ უნდა გამემაგრებინა ხელოვნური ციხითაც ეს მტრის შემოსასვლელი კარი. ეს მხარე რომ გეოგრაფიულად სხვანაირად ყოფილიყო მოწყობილი, საქართველოს ბედიც, ალბათ, სულ სხვა იქნებოდა.

სოღანლულიდან მატარებელმა სამხრეთ-დასავლეთით იბრუნა პირი. შავნაბადა, რომელიც ასე ლამაზად წამოკიმულა თრიალეთის მთის კალთაზე, ქალაქიდან რომ უყურებ, მთის სწორ ზეგანზე გგონია აშენებული. ნამდვილად კი შავნაბადა შაქრის თავივით წოწლოკინა პატარა გორაკზეა გაშენებული. ეს გორაკი ძუძუსავით ამობურთულა მთის ზურგზე. ახლა ჩვენგან იგი ჩრდილოეთისაკენ იყო. აქედან მართლაც და საუცხოო სანახავია. ადვილად შესაძლებელია, რომ ეს კონუსის მსგავსი პატარა მთა ვულკანი იყოს და ერთ მშვენიერ დღეს მოქმედებაც დაიწყოს...

გავიარეთ რამდენიმე ვერსი და ჩვენ წინ გაიშალა კუმისის ტბა. კუმისის ანუ სხვანაირად კოდის ტბა გვარიანად მოზრდილია,

ვერს-ნახევარი იქნება სიგრძე-სიგანით. წყლით ეტყობა მდიდარია. ვახუშტი ამბობს: „ტბა კუმისისა, მლაშე, შესდის წყარო კოდისა, კვალად ერთვის კოქრისა და გუდელისის ხევის წყალი“ *. ბევრი ვათვლიერე, მაგრამ ეს ხევეები ვერ შევამჩნიე. ალბათ, მატარებლის სინქარისა და ტბის დასავლეთი ნაწილის ჭიშორისა გამო ვერ დავინახე. ტბას ნაპირები სუფთა და მშრალი აქვს და ამიტომ ადვილად მისასვლელია. სამხრეთის ერთ-ერთ კუთხეში ორი პაწია კუნძულიც შევამჩნიე. ქარი საშინლად ქროდა და ეს ერთი ბეწო ტბაც თავის წესზე ღელავდა. ზვირთს ზვირთზე ნაზად აგორებდა. მისი ტალღები მზის სხივებზე ზოგან ლურჯად, ზოგან მტრედისფრად და ზოგან კიღევ მწვანედ მოჩანდა. წყალს სამკურნალო თვისება აქვსო, მითხრეს.

განათლებულ უცხოეთში ასეთი დიდი ქალაქის მახლობლად (ტფილისიდან 20 ვერსია), ალბათ, ასე არ გაუშვებდნენ ამ ტბას: ირგვლევი აგარაკები და ბაღები გაშენდებოდა და ტბაზე ლამაზი ნაგებობით მოსეირნეთა მზიარული კისკისი არემარეს გააღვიძებდა, მაგრამ ჩვენში ქალაქგარეთ ნავით სეირნობა კი არა, შუაგულ ქალაქში, ალექსანდრეს ბაღშიაც აკრძალულია თავისუფლად სეირნობა. მითხრეს, ვილაც ექიმი აპირებს ამ ტბასთან სამკურნალო აბანოების გამართვასაო. ვნახოთ.

ამ ტბიდან ჩრდილოეთ-დასავლეთით, ხუთი-ექვსი ვერსის მანძილზე გახლავთ ცნობილი თელეთის საყდარი.

კუმისის ტბიდან პირდაპირ სამხრეთით ვიბრუნეთ პირი და მიუახლოვდით სადგურ სანდარას. ამ ალაგას ჩამოდის მდ. ალგეთი.

მდ. ალგეთი ქსნის ტოლა არ იქნება. გამოდის შუა თრიალეთიდან, მანგლისის დასავლეთით. იმის სათავეს მახლობლად გაშენებულ იქნა კლდეკარის ციხე ლიპარიტ ორბელიანის მიერ მეთერთმეტე საუკუნეში. ალგეთი ჯერ დასავლეთით მიმდინარეობს, ჩამოხველის მანგლისს, შემდეგ სამხრეთ-აღმოსავლეთით იკვლევს გზას, სანამ ბარად არ ჩამოვა და პირდაპირ მტკვარს არ შეუერთდება რკინიგზის ხიდიდან რამდენიმე ვერსს ქვემოთ, ს. მულანლოში. ალგეთის სიგრძეზე ძველად ბევრი მაგარი ციხე-სიმაგრე და ეკლესია იყო აშენებული.

სადგურ სანდარს აქებენ ღვინის სიაფით. დამარწმუნეს, კაი ღვინო ვედრო მანეთი და ექვსი აბაზი ღირსო. მართლაც, გაჩერდა აუ არა მატარებელი, ზოგი მგზავრი ბოთლით ხელში მახლობელ

* ვახუშტი, „საქართველოს გეოგრაფია“, გვ 63.

დუქნებისკენ გაეშურა. ბოთლებით ორ-ორ შაურად ეყიდათ. ტფილიდან სანდარამდე 34 ვერსია.

ტფილისიდან სანდარამდე ბუნება ერთფეროვანი და მოსაწყენია. სულ მინდვრები და ალაგ-ალაგ ხრიოკი კლდეები. სანდარიდან ბუნებას სხვა ელფერი ედება. მინდორი უფრო მწვანეა, ბალახიც უფრო მაღალია. აქა-იქ ბაღებიც მოჩანს.

გავიარეთ მდ. ხრამი, რომელიც ლიახვის ტოლა იქნება. მდ. ხრამი გამოდის ყარაჯაიას მთის ძირში, ს. ციხისჯვრის მახლობლად. სიტყვა ხრამი საზოგადო სახელი უნდა იყოს. ამ მდინარეს ვახუშტი უწოდებს ქციის ხრამს, მაშასადამე, სხვა ხრამიც ყოფილა. ქციის სათავესთან ძველად იყო მოდინახის ციხე. არ ვიცი, თუ რა მოსაზრებით, ვახუშტი ამბობს: „ახალქალაქიდან დის ქცია სამხრეთით დაბის ქციისამდე“. ნამდვილად კი ქცია ანუ ხრამი სათავედანვე აღმოსავლეთით მიმდინარეობს. ახალქალაქი კი ძვეს ქციის სათავედან სამხრეთით დაახლოებით 25-30 ვერსის მანძილზე ხრამის სათავე თითქმის ბორჯომის მერიდიანზეა. ბორჯომიდან ხრამის სათავემდე რომ სწორი ხაზი გავატაროთ, ოც ვერსზე მეტია არ იქნება. ხრამი ჯერ აღმოსავლეთით მიმდინარეობს თავკიდელის და კენჭიკარის მთების გვერდ-გვერდ. თავკიდელას მთის ბოლოს ს. რეზანთან მაგარი კლდეები ელობებიან წინ და იძულებულია სამხრეთისკენ იბრუნოს პირი. წალკის დასავლეთით ისევ აღმოსავლეთისკენ ბრუნდება, ჩამოდის წალკაზე. წალკის ბოლოს ხალეკის მთის ფერღობები უხვდება და პირს ისევ სამხრეთით იბრუნებს, მაგრამ პირველ მარჯვე ალაგას ისევ აღმოსავლეთით ბრუნდება, ნახევარ წრედ უვლის ხალეკის მთას და პირდაპირ აღმოსავლეთისკენ მიემართება, ათ-თორმეტ ვერსს ვერ გაივლის, რომ ლისას მთასოლივით გაეჩხირება განდაგან და აიძულებს ისევ სამხრეთით მობრუნდეს. ჩაპოივლის ს. დიდგომარეთის აღმოსავლეთით, ლისას მთასაც ნახევარ წრედ შემოევლება; მაინც თავისას არ იშლის და ისევ აღმოსავლეთით იკვლევს გზას, ჩამოდის ციხე სამშვილდეზე, რომელსაც წინათ ორბეთი ეწოდებოდა, აღბულახის (ბელი კლიუჩი) მახლობლად ხრამი მედგრად ებრძვის ღრე-კლდეებს, ჩადის ბარად და უერთდება მტკვარს ალგეთის შესართავს ცოტა ქვემოთ.

ხრამის შესართავთან იყო ქართლოსის მიერ აშენებული მტკვრის ციხე, რომელსაც შემდეგ ხუნანი დაერქვა, ხოლო როცა იმის არემარეში მაჰმადიანები გაბატონდნენ, ყიზ-ყალა (ქალის ციხე) დაარქვეს. ეს ერთი შესანიშნავი ადგილთაგანი იყო მთელ საქართველოში. ტფილისზე მიმავალი მტერი ჯერ ხუნანს მიადგებო-

და და თავისთავად ცხადია, რომ ტფილისის წინ, აობრება-ღარბევას ჯერ ხუნანი იკემებდა. მეფე ფარნავაზმა საერისთაოდ გახადა. რო-სტომ მეფეს აქ ქვიტკირის ხიდი გაუდგია. ვახუშტი ასე აწერს ამ ხიდს: „დიდ მშვენიერი, რომლისა სვეტსა შინა არს სახლა მშვენი-ერი, მკვრეტი ამიერ და იმიერ მდინარისა. სივრცე ხიდისა ათი მხარი“ *.

მდინარე ხრამს საერთოდ მიმდინარეობა აქვს ჩრდილოეთ-და-სავლეთიდან სამხრეთ-აღმოსავლეთისკენ. სათავედან ხალეკის მთა-მდე უტყეო ადგილებზე მიდის, ხალეკის მთიდან საშვილდემდე ტყით დაფარულ ადგილებში მიმდინარეობს. ამ ადგილებში ხრამი საშინლად დაკლავნილია. საშვილდეს შენდევ შესართავამდე ისევე ტიტველა ადგილებში უხდება დენა. მდ. ხრამის ხეობაშიც ბევრი შესანიშნავი ციხე-სიმაგრე და ეკლესია-მონასტერი იყო აშენებულა. სხვათა შორის, აქ იყო შესანიშნავი ფიტარეთის მონასტერი სოფელ გომარეთის მახლობლად, აგებული საქართველოს მეფე გიორგი ბრწყინვალის დროს, მეთხუთმეტე საუკუნეში. იმის მოხატულობას და ჩუქურთმას ახლაც განცვიფრებაში მოჰყავს თურმე მნახველი. ზემოხსენებული ორბეთი ანუ საშვილდეც ერთი შესანიშნავი ადგილთაგანი იყო. საშვილდე ქართლოსმა აღაშენა. ფარნავაზმა ქალაქად გახადა და სვიმონ მეფემდე (1558-1600) ქალაქი ეწოდებო-და. ხრამი, როგორც ვიცით, მდიდარია თევზით. სიტყვა ხრამულა აქედან წარმოსდგა.

ხრამგალმა, ერთ მწვეანე სერის ძირას, რკინიგზის სადგური აშაგა-სერალია გაშენებული. აქედან ძლიერ ახლოა დაბა შულავე-რი და ამიტომ შულავერში მიმავალი მგზავრები, რომელნიც ჩვენ მატარებელშიაც საკმაოდ აღმოჩნდნენ, აქ ჩამოხტნენ. ეტლებიც ბლომად დაუხვდათ. მგზავრები საჩქაროდ ეტლებში გადასხდნენ და ჩვენი მატარებელი ჯერ დაძრული არ იყო, რომ მათ ეტლება ცხენები მძიმე-მძიმედ მიათრევდნენ სერის კალთაზე გაყვანილ უხეირო სასოფლო გზაზე. ტფილისიდან აშაგა-სერალამდე 47 ვერ-სია, დაახლოებით იმდენი, რამდენიც ტფილისიდან კასპამდეა.

ტფილისიდან აშაგა-სერალამდე, როგორც ვთქვით, ტყე არ არის, მაგრამ საძოვრები და სახნავ-სათესი ბევრგან ძლიერ კარგია. აქედან კი სურათი იცვლება. ახლო პორიზონტში ტყით დაბურული მთა გელანდება. გზის მარჯვნივ და მარცხნივ ხშირად გვხვდება მწვეანე წალკოტებში ჩაფლული სოფლები. აქა-იქ მდიდარ მემა-

* ვახუშტი, „გეოგრაფია“.

მულეთა ორსართულიანი და ფართო, ბალ-ვენახებით მორთულ-მოკაზმულ ეზოებსაც ამჩნევ. ალაგ-ალაგ პატარა ქართული ეკლესიების ნანგრევებიც გვხვდება თვალში, ეს უხმო მოწმენი ერთ დროს საქართველოს სიცოცხლით სავსე მაჯის ცემისა ამ მხარეში. ცხვრის ფარა გროვა-გროვა დგას და აქა-იქ სერზე მწვანე ნორჩი ბალახით პირს იტყპარუნებს. მათ წინა დგას გრძელი კომპლითხელში მწყემსი თათარი. ამ მხარეში მეტი წილი სომხობა და თათრობა სახლობს. ქართველობა მცირეა.

გზა სულ სამხრეთით მიდის. მივუახლოვდით სადგურ სადახლოს და მდინარე დებედას ჩუხჩუხი მოგვესმა. მდ. დებედა ერთვის ხრამს 12-14 ვერსით დაშორებით მტკვრის შესართავთან, სიდიდით დებედა მე უფრო დიდად და მრავალწყლოვნად მომეჩვენა, ვიდრე ხრამი. ქართლის საზღვრად ძველად ეს მდინარე ითვლებოდა და ურიგო არ იქნება, მაზე ცოტა შევჩერდეთ.

მდ. დებედას ძველად სამი სახელი ერქვა: ბედრუჯი, საგიმი და დებედა. პირველ სახელწოდებას ვახუშტი ხსნის დაბა ბედრიკით, ხოლო უკანასკნელს „დაბადა“-თი. „დაბადა ამ მდინარემ ნაყოფინი“-ო *, შაჰ-აბაზმა ამ მდინარის მიდამოებში მაჰმადიანთა ბორჩალოს ტომის ხალხი დაასახლა და მის გამო ამ მდინარეს მეოთხე სახელიც დაერქვა — ბორჩალა. ეს სახელი მთელ კუთხეზე გადავიდა.

ბედრუჯა ანუ დებედა გამოდის (ვახუშტით აბოცის მთებიდან) თოფარავანის ტბის სამხრეთ-აღმოსავლეთით 15-20 ვერსის მანძილზე. ამ მთაგრეხილს ახლა მცირე კავკასიის ქედს უწოდებენ. ეს ქედი უკვე ჩვენ მიერ ნახსენებ ქციის სათავედან პირდაპირ სამხრეთით მიემართება. წინათ ეს ქედი საზღვრავდა ქართლს სამცხე-საათაბაგოსაგან. ეს ქედი თავიდან ბოლომდე ტიტველია, მასზე ტყის ქაჭანება არ არის. მდ. ბედრუჯა ჯერ აღმოსავლეთისკენ მიმდინარეობს. იმის ზემო წელს და უთვალავ პატარ-პატარა შენაკადებს ახლა რუსულ-თათრული სახელები ჰქვია, როგორც მაგალითად კამენკა, კოტურ-ჩაი და სხვ. იმის ნაპირას გაშენებულია რუსთა სოფელი ვორონცოვკა. მარჯვნივ ბედრუჯას ანუ დებედას უერთდება მდ. ბამბაკი, რომელიც წყლის სიუხვით სჭარბობს დებედასა. გეოგრაფიულის სამართლით უპირველესობა ბამბაკს უნდა მისცემოდა. ბამბაკის სათავე ბედრუჯის სათაგიდან მაინცდამაინც შორს არ არის. ბამბაკი ჯერ აღმოსავლეთით მიმდინარეობს კარა-

* ვახუშტი, „გეოგრაფია“, გვ 40.

კლისაჲმდე, კარაკლისიდან ჩრდილოეთით უზვეეს და ერთვის ბედ-რუჯას. ბედრუჯ-ბაჰბაკის შესართავთან ძველად იყო ციხე ლორი, რომელსაც, როგორც საზღვარზე აშენებულს, დიდი სტრატეგიული მნიშვნელობა უნდა ჰქონოდა. ვახუშტით ეს ციხე აშენებული იყო ორ მდინარეს შუა, კლდესა ქარაფოვანსა. დასავლეთით კლდოვანი მინდორი უძევს და ამ მხრივ ბევრჯერ აუღიათ მტრებსაო. ლორის ციხიდან დებედა ჩრდილოეთით მიმდინარეობს. სანაინთან ჩრდილო-ეთ-აღმოსავლეთისკენ ბრუნდება და მიდის სულ ასე, სანამ ხრავს შეუერთდება.

მდ. ბედრუჯის ხეობა ერთი საუკეთესო ადგილთაგანია მთელ საქართველოში. როგორც სიმშვენიერით, ისე ბუნების სიმდიდრით, მაგრამ ახლა ქართველობისა არათუ. სახრავი, სახელიც აღარ დარჩა მას. ორივე მდინარის ქვემო წელი გაშლილია და ყანებით, ბალ-ვენახებით და ხშირი სოფლებითაა მოფენილი.

დაეშორდით სადახლოს და შევედით ბედრუჯის ხეობაში. აყევით მდინარეს. ბუნება საუცხოვოა. თავი ძირულის მიდამოებში მეგონა. ტყეს სცვლის მწვანე სერი, სერს მინდორი, მინდორს ჩირგვნარი, ჩირგვნარს ისევ ტყე და მათ შორის ვეებერთელა ფიქალი კლდეები, ზოგი ბუნებით ჩამორეცხილი და ათასფრად დაღარულ-დასერილი და ზოგიც ხელოვნურად ჩამონგრეულ-ჩამომტვრეული რკინიგზის გაყვანის დროს.

ბუნება მდიდარია, თქმა არ უნდა, მაგრამ იმერეთის მცენარეთა სიუხვე მაინც არ არის. აქაური ტყე ხელოვნურად დარგული გგონია. იმერული ტყე კი თითქო გეუბნება: რა ვქნა, ამოვდივარ, მაგრამ ადგილი აღარ მყოფნისო. სათავედან სადახლომდე დებედას სულ ვიწრო ხეობაში უხდება დენა. იმისი ხეობა უფრო ვიწროა, ვიდრე ჩხერიმელას ხეობა.

აყვეთ ხეობას. შეჰყურებ ამ კლდე-ღრეებს, სხვადასხვა ზომის, სისქის, ფერის და მოყვანილობის ქვებს, უთავბოლოდ გადახლართულს თიხასთან, ქვიშასთან, კენჭებთან და ძალაუნებურად კითხულობ მათ ამგვარად გარდაქმნის დიდად შორეულ ისტორიას.

აი, სალი კლდე, რომლის ფიქალ კედელსაც თავს ატეხს აქაფებული დებედა. კლდეს ზემოთ ერთი არშინის სისქეზე კენჭთა გროვა ფართო ნაკეცადაა მოთავსებული, ისე სწორად, თითქო კალატოზების გაკეთებულიაო. იმის ზემოთ სხვადასხვა ზომის ქვა და თიხა ერთმანეთში არეულა, უფრო ზევით კიდევ წმინდა თიხა მოჩანს, სქლად ნაკეცად გადასხმული, ზემოთ კი, შორს მაღლა, რაღაც შავი გელანდება ზოლივით — ეს არის ნიადაგი, რომელზედაც

მცენარეა ამოსული. ალაგ-ალაგ ძირიდან კენწერომდე სულ სალა კლდეა აპართული.

შეპყურებ ამათ და ფიქრით შორს გარბიხარ. გადადიხარ იმ დროში, როცა მდ. დებედას ხსენებაც არ იყო. არც ეს მწვანით მოსილი მთები იყვნენ აქ აყუდებულნი. აბობოქრებული ლურჯ-ფეროვანი ზღვა ჰქუხდა და ლელავდა ამ ადგილებში. აი იქ, მთის შუა სისქეზე, სადაც კენჭთა ნაკეცი მოჩანს, ზღვის ტალღა შხუილით გადი-გადმოდიოდა და თევზთა გროვა ბოლოს ნაზი ქნევით ზედ დასრიალებდა. მერე როდის იყო ეს? რა ვიცი. მაშინ დროს არ ანგარიშობდნენ, რადგან მოანგარიშე არავინ იყო, თუმცა მზე ამოდიოდა და ჩადიოდა ისე, როგორც ახლა, მთვარეც ღამ-ღამ ანათებდა და ვარსკვლავებიც ციმციმებდნენ. მხოლოდ ადამიანი არსადა ჩანდა. მას შემდეგ გავიდა ასი ათასი წლები. ზღვა ცოტ-ცოტად დაშრა. კენჭზე ზღვის ტალღამ ქვიშა დაჰყარა და ისე მქიდროდ მიამაგრა ერთმანეთს, რომ სალ კლდედ გადააქცია. ბოლოს ზღვა სულ დაშრა და ზღვის ძირზე კუს ზურგივით ამობურთულ ზეგანი გაჩნდა. მოვიდა წვიმა, თოვლი, გაჩნდა უანგარიშო ნაკადული და ათასფერად დაღარა ჩვენი ახლად გაჩენილი ზეგანი. ნაკადულმა ცოტ-ცოტად კლდე ჩამორეცხა, გაჩნდა ნიადაგი, თავი ამოპყო მცენარემ. ამ ნაკადულთა შეერთებისაგან გაჩნდა ჩვენი დებედა მდინარეც და იმ დღიდან შეუდგა თავის დამქცევ მუშაობას. რაც ზღვამ თავისი მრისხანე ტალღის ცემით ააშენა, იმას დებედამ თავუნასავით ცოტ-ცოტად ხრა დაუწყო. ნელ-ნელა გააპო ზღვის მიერ გაშენებული კლდე და იმ ადგილამდი ჩაქლიბა, რა ადგილსაც ახლა ვხედავთ. მისი ურაცხვი შენაკადებიც ასევე მოქმედებდნენ და მათმა დაუღალავმა და ასი ათას წლობით შეუწყვეტელმა მუშაობამ შექქმნა ის უანგარიშო სხვადასხვა ზომის და სახის მთა, რასაც ვხედავთ ამ არემარეში. ადამიანი, საბრალო ადამიანი კი გაჩნდა მაშინ, როცა დებედა თითქმის ახლანდელ ღონეზე მიდიოდა. ის დრო, რაც ადამიანმა თელა ისწავლა და დროთა აღრიცხვა დაიწყო, იმ დროსთან შედარებით, როცა მდ. დებედა მუშაობას შეუდგა, სასაცილოზე სასაცილო გამოვა...

ავყევით ღობრუჯას. წყვილი ორთქლმავალი ამ აღმართ-აღმართ კაპანწყვეტით მიათრევს რამდენსამე მოძრავ სახლს, ვავონებად წოდებულს. გავარეთ პატარა სადგური აირუმში. სადგური ღობრუჯის პირას პატარა ვაკეზეა გაშენებული. იმ ერთბეწო ვაკეზედაც კაობი გაჩენილა. რომელიც, როგორც გადმომცეს, ზაფხულობით საშინელ ციებ-ციხელებას აჩენს თურმე. ამბობენ, რკინიგზის ვერც ერთი მოხელე ერთ წელიწადს ვერ გასძლებს აქა: ან საიქიოს გა-

კვზავრება, ან საუკუნოდ დასნეულდებაო. ვგონებ იმ პატარა ქაობის ამოშრობას არც ისეთი ბევრი რამ უნდა. ჰოლანდიელები ხომ ზიულდერზეს ამოშრობას ფიქრობენ.

სად. აირუმს მოსდევს ახტალა. სადგურ ახტალიდან ორ-სამ ვერსის მანძილზეა ახტალის მონასტერი. ვახუშტი ახტალას აგარაკის ეკლესიას უწოდებს. ამ ეკლესიაში გორგასლანს დაუსვამს ეპისკოპოსი, რომელსაც შემდეგში მიტროპოლიტის ხარისხი მიუღია. ვახუშტის დროს იქ მხოლოდ ერთი მღვდელი ყოფილა. ახლაც რუსის ბერები ცხოვრობენ. ახტალის ტაძარს, როგორც ხუროთმოძღვრების ნაშთს, განცვიფრებაში მოჰყავს რუსის ისტორიკოსი მურავიოვი: არ იცი, როგორ დასტკებ მისის ცქერითაო. ამბობს ოგი*.

სად. ახტალას მოსდევს ახპატი, ხოლო ახპატს სანაინი. ვახუშტი ორივე ადგილს იხსენიებს: „ხოლო არს ახპატი და სანაინი მეფეთა ქართველთათა აღშენებულნი, ეკლესიანი გუმბათიანი... გარნა აწ სხენან სომეხნი. არაჲდ მეფე ქართლისა დასვამს ეპისკოპოსსა მიწერითა ოქივატერისათა (სომხის ქათალიკოზი)**“.

ადგილმდებარეობა ორივე სადგურს საუცხოვო აქვს. სანაინი მოზრდილი სადგურია. ტფილისში შებმული ორთქლმავალი სანაინს იქით არ მიდის, ამიტომ აქ არის დეპო — ორთქლმავლის გამოსაცვლელი ადგილი, ამიტომ მატარებელიც კაი ხანს ჩერდება. კარგა ხანი ვუყურე დებედის ამწვანებულ და ალაგ-ალაგ ჩამოგლეჯილ ნაპირებს. შემდეგ დასაუღეთით მივბრუნდი. ჩემ წინ ტყით და ბუჩქნარით დაბურული ლამაზი გორაკი აყუდებულყო. მატარებლიდან ჩამოვედი, ამ გორაკისკენ გასეირნება განვიძრახე, მაგრამ წინ ხიშტიანი ქარისკაცი შემეჩეხა და, სიმაართლე უნდა თქვას კაცმა, ზრდილობიანად მითხრა: აქეთ სიარული არ შეიძლებაო. რატომ-მეთქი, დავეკითხე, — ამ მხრივ არავის უშვებენო. მიშოვიხედე. ლიანდაგის გასწვრივ ოცი-ორმოცი ნაბიჯის მანძილზე შეიარაღებული ქარისკაცები იდგნენ. სულ არ გამხსენებია, რომ აქაც სამხედრო წესებია. მე კი ქალაქს რომ თავი დავალწვიე, ჩემი თავი თავისუფალ ქვეყანაში მეგონა. ბოღიში მოვიხადე, ისევ მეორე მხარეს გადავედი და დებედას შხუილს მიუბჰყარ ყური.

ტფილისიდან სანაინამდე 103 ვერსია, დაახლოებით იმდენი, რამდენიც ტფილისიდან ხაშურამდე.

სადგურ სანაინში მშენიერ აღუღებულ რძეს ჰყიდიან. ტფილი-

* მურავიოვი, „Грузия и Архивия“. ** ვახუშტი, „გეოგრაფია“, გვ. 41.

სის წყალნარევი და ცივი ბორშით გამოკვებილი ძროხის რძის ნაჩვევმა, რაღა გასაკვირველია, რომ სანანის რძის მირთმევის დროს სულ სხვა გემო იგრძნო. სამ-სამი ჭიქა ზედიზედ გადავხუხეთ მე და ჩემმა თანამგზავრმა და გზას გავუდექით.

ახლად შებმულმა ორთქლმავალმაც ახალი ძალით გასწია მატარებელს და სრიალ-სრიალით გაირბინა ბედრუჯის დაკლანჯული ნაპირები.

— კაცო, ეს რა ციხეა? — მეკითხება თანამგზავრი.

— სად არის ციხე?

— აი, ამ მთის გაყოლებაზე.

— ეს, ჩემო კარგო, ციხე კი არაა, ბუნებრივი კლდეა. ამ სიგრძეზე გავიშული ციხე აქ კი არაა, ნინეფიაშიაც არ იქნებოდა.

— რას ამბობ! — მაინც არა სჯეროდა ჩემს თანამგზავრს, — განა ეს ხელით გაკეთებული ციხე არ არის?

მართლაც, ერთი შეხედვით ბედრუჯის მარცხენა ნაპირის ქედზე გაყოლებული ბუნებრივი კლდე ხელით გაკეთებულ გალავანს მოგაგონებს. სიმაღლე, სიშესრულება სულ გალავანს მიუგავს. ალაგ-ალაგ ასე გეგონება, თითქო კოშკებია ამართულიო, იმ სახით ამოჩხორულან ციცაბო კლდის ნაწილები.

სად. სანანის შემდეგ სადგური კალაგერანია. მათ შუა 15 ვერსი მანძილია. ბუნებას თანდათან სხვადასხვაობა და მცენარეთა სიუხვე ეტყობა. განსაკუთრებით მდიდარია ბედრუჯის მარჯვენა ნაპირი. მარცხენა ნაპირი უფრო მწირია. აქ ბევრგან შეხვედებით სალ კლდეებს და მინდვრებს, ტყეც თხელია, სამაგიეროდ ამ მხარეზე ორგან-სამგან შევნიშნე მშვენივრად გაშენებული ვენახ-წალკოტი. აქაურ მინდვრებზე ბევრი ჭანსალი საქონელია გაშლილი საძოვრად. კალაგერანის მახლობლად, იქით მიმავალი, ბედრუჯის მარჯვნივ ტოვებს. ის აქ ათასფრად დასერილ ოღრო-ჩოღროებში იკარგება და რკინიგზის ლიანდაგი ბამბაკის ნაპირებს მისდევს. აქ ზედიზედ რამდენიმე გვირაბია გათხრილი, ბამბაკის კალაპოტი ვეებერთელა ლოდებითაა სავესე, რომელზედაც მდინარე აქაფებულა, საშინელი შხუილით გადადის. მისი შხუილი მატარებლის ხმაურობასაც აყრუებს და ვაგონშიაც მკაფიოდ ისმის. ბამბაკი თითქო ნიშნს გვიგებს: ათასი მანქანა მოიგონოთ, ამ მხარეში მაინც მე ვარ ბატონიო.

ლიანდაგი თანდათან მალღდება, უფსკრული უფრო და უფრო ღრმადდება, როგორც ჩხერიმელას ნაპირზე, მხოლოდ აქ ხევი უფრო ვიწროა და ამიტომ უფსკრულიც კაცს უფრო ღრმად და საში-

შრად ეჩვენება. აი ჩვენმა მატარებელმაც სიარულს მოუშვა, ნელ-ნელა მიიზღაზნება, თითქო კამეჩებშებმული ურემიაო. ხიფათის დროს, შენი მტერი, რა მოგივა: წარმოდგენაც კი ძნელია, თუ რა უბედურება დატრიალდება. ვზა ზედ ციცაბო კლდის პირასაა გაყვანილი, რომლის ძირში 50—60 საყენის სიღრმეზე ბამბაკი დულს და გადადის. მშვიდობით გავიარეთ ეს ადგილი, ციცაბო ნაპირი ფერდობად შეიცვალა, ლიანდაგ ქვეშ ნაადაგი უფრო მკვიდრი გახდა და მატარებელიც აჩქარდა: დუ, დუ, დუ, დუ, დუ, დუ, დუ, დუ... იძახის ორთქლმავალი და უფრო ცქვიტად აბრუნებს ვეებერთელა ბორბლებს.

კალაგერანს მოსდევს შაგალი. აქ თავდება ტფილისის გუბერნია და, მამასადამე, საქართველოც. ის მთის ქედი, რომელიც ზემოთ მოვიხსენიეთ და რომელიც საზღვარი იყო ძველად ქართლისა და სამცხე-საათაბაგოს შუა, ბედრუჯის სათავესთან აღმოსავლეთით უხვევს. ამ ქედს აქ სხვადასხვა სახელი ჰქვია — აგლაგანი, ავარდახი, ლობანი და სხვა. ბამბაკამდე ეს ქედი შეუწყვეტელია. აქ კი იძულებულია ცოტა ადგილი ბამბაკს დაუთმოს, შემდეგ ისევ გრძელდება და რამდენიმე მანძილის შემდეგ ორ ტოტად იყოფა, ჩრდილოეთისას ჰქვია დაშკაში და სამხრეთისას ახარზამანი. ეს ქედი საზღვარია, ჩრდილოეთით ტფილისის გუბერნია, სამხრეთით ერევნისა.

შაგალს მოსდევს კარაკლისი. ამ ორ სადგურს შუა ბუნება როგორც სიმშვენიერით, ისე სიმდიდრით საუცხოვოა. ბამბაკის მარცხენა ნაპირზე აპართული მთები მთლად დაბურულია ტყით. აქა-იქ ხშირ ტყეს ნაძვნარიც ურევია, რომელიც ალაგ-ალაგ ზოლივით არის ჩატანებული დანარჩენ ტყეში, თითქო ხელოვნურად დაუურგავთ და შორიდან თვალწარმტაცი შესახედავია. ამ ვიწრო ხეობაშიაც მოუხერხებია ბამბაკს საკმაოდ ჩამოერეცხა მთის ფერდები და აქა-იქ ერთი ბეწო ქალებიც გაუკეთებია. მაღლიერ ადამიანსაც შემთხვევა ხელიდან არ გაუშვია, მოუხნავა და იმ პატარა მუხუროზე რაღაც მწვანე ჭეჭილიც მოჩანს. წყლის პირადვე ორგანსამგან საუცხოვო საფუტკრეები შევნიშნე. მთელი დღიური ფერდობი ხეხილით იყო დამშვენებული და ხეების ძირას ახოებით მოჩანდა ლამაზად გაკეთებული დადანას სისტემას სკა. მეფუტკრეობისთვის ეს ადგილი მართლაც და ხელსაყრელი უნდა იყოს. ბამბაკის მარცხენა ნაპირი შედარებით აქაც უფრო მწირია და თუმცა ტყეც გაცილებით თხელია, მაგრამ სამაგიეროდ ხეები უფრო დიდრონებია, ვიდრე მარჯვენა ნაპირებზე.

რაც უფრო ზევით ვიწვევდით, ბამბაკი მით უფრო ჩქარი ხდებოდა. ერთ, ალაგას ჩანჩქერად ვარდება ორ-სამ საუენის სიმაღლიდან.

აი, უახლოვდებით კარაკლისს და სურათიც მთლად იცვლება. ბამბაკის შარცხენა ნაპირი სულ ტიტველი ხდება, მარჯვენა ჯერ კიდევ დაბურულია ტყით, მაგრამ თვალი უკვე ანჩნევს ადგილს, სადაც ტყე თავდება და იმ მხრივაც ტიტველი მინდვრები იწყება.

კარაკლისი მოზრდილი დაბაა. არის საკმაო დუქნები, ლამაზი სააგარაკო სახლები. ორი გუმბათიანი ეკლესია და მოკირწყლული ქუჩები. ერთ დროს ეს დაბა ქალაქობასაც მოინდომებს. კარაკლისი სწორედ იმ ადგილასაა, სადაც ბამბაკი ჩრდილოეთისკენ უხვევს. ეს დაბა რკინიგზის გაყვანამდისაც მნიშვნელოვანი იყო. ამაზე გადის გზატკეცილი, რომელიც ტფილისიდან ჯერ მტკვრის გაყოლებაზე მიდის მდ. აქსტაფამდე. აქსტაფის გაღმა ეს გზატკეცილი ორად იყოფა, ერთი მიდის განჯაში, მეორე უხვევს სამხრეთით და მდ. აქსტაფის ნაპირს მისდევს დელეენამდის. აქაც გზატკეცილი ორად იყოფა: ერთი მიდის ერევნისაკენ, ხოლო მეორე ბრუნდება დასავლეთით და კარაკლის-გუმბრით მიიმართება ყარსისაკენ. კარაკლისის შემდეგ რკინიგზის ლიანდაგიც გვერდით მისდევს ამ გზატკეცილს.

კარაკლისი ერთი საუკეთესო ალაგთაგანია და ზაფხულობით აქ ბევრი ხალხი იკრიბება. ტფილისიდანაც ბევრი მოდის. უფრო მეტიც მოვიდოდა, ცოტა ახლო რომ იყო. ტფილისიდან კარაკლისამდე 141 ვერსია, დაახლოებით იმდენი, რამდენიც ტფილისიდან მარულისამდე. კარაკლისის ახლომახლო სამკურნალო მყავე წყლებსაც ამბობენ. ბამბაკში ბევრ კალმახს იჭერენ. კარაკლისი კაცს დაბლობზე მოეჩვენება, ნამდვილად კი ზღვის ზედაპირიდან 614 საუენის სიმაღლეზეა, ე. ი. თითქმის კოჯრის სიმაღლეზე.

კარაკლისთან მდ. ბამბაკი, როგორცა ვთქვით, აღმოსავლეთიდან ჩრდილოეთით უხვევს. გასცდები თუ არა კარაკლისს, ბუნება იცვლება: ტყე ჰქრება, ხეობა ფართოვდება. მდ. ბამბაკი, რომელიც ერთი კისერტეხით გადადიოდა ლოდიდან ლოდზე და შხუილით აყრუებდა არეს, ახლა დინჯად მისრიალებს. ხევი ველად იქცა, რომელიც თანდათან ფართოვდება და ალაგ-ალაგ მისი სიგანე რამდენიმე ვერსამდე უწევს. ეს ველი სახით ძირმომრგვალო ნავსა ჰგავს. გაგრძელებულია კარაკლისიდან დასავლეთით მცირე კავკასიის გადასავალამდე 41 ვერსის მანძილზე, ჩრდილოეთით და სამ-

ხრეთით შეზღუდულია საკმაოდ დიდრონი მთებით, რომელიც თავის კალთებით თანდათან უერთდება ამ ველს. ამ ფერდობებზე ნახევარი წლის განმავლობაში თოვლი ძვეს, მიუხედავად ამისა, ნიადაგი მეტად ნაყოფიერია და ხვნა-თესვას ძლიერ მისდევენ. მოთხრეს, მაისის დამლევსაც ალაგ-ალაგ ვერ მოასწრებს თოვლი დადნობასაო. ერთგან რომ მწვანე ჯეჯილი ბიბინებს თურმე, მეორეგან იქვე გვერდზე გრძელ ნაჭრად თოვლი ძვეს ხოლმე.

ამ ველზე ჰცირე კავკასიის გადასავალამდე ორი სადგურია და ორიც ნახევარსადგური. კარაკლისს მოსდევს ამამლი. კარაკლისიდან ამამლამდე 18 ვერსია. ამამლის სიმაღლე ზღვის ზედაპირიდან 711 საეენია, ე. ი. 96 საეენით უფრო მაღალია, ვიდრე კარაკლისი. მიუხედავად ამისა, ბამბაკი საკმაოდ მდორედ მიდის. ამამლის ახლომასლო უდაბნო ხრიოკი ადგილებიც არის. ხე-ტყის ხსენება ხომ სულ არ არის, მაგრამ სადგურთან მშვენიერი ბალი გაუშენებიათ და მცენარეს კარგადაც გაუხარია. ალუბალი საკმაოდ გაზრდილია და მისი თეთრად გაშლილი ყვავილი არეს ამშვენებს.

ამამლისთან გამოვეთხოვეთ მდ. ბამბაკს, რომელიც ჩრდილოეთით რჩება. გავიარეთ პატარა ხევი ხრიოკმთებიანი და ველი ზევ გაფართოვდა. აქა-იქ ქალებიცაა ატეხილი. ჯერ თოვლი სულ ვერ აულია. მაგრამ ზაფხულში ჩინებული სძოვრები უნდა იყოს აქ. მინდორი, საცა თოვლი დამდნარია, ნაწი მდგლოთი გადახვევრდებულა და ზედ მრავალი ცხვრის ფარა სძოვს. აგერ პატარა ბატკნებიც ხარბად დასწაფებიან ნორჩ მღელოს. ერთ სასაცილო სცენასაც მოვკარი თვალი. რკინაგზას ლიანდაგის შორიხლო ერთ მწყემსს ოციოდე გვარიანად წამოჩიტებული ბატკანი შეეყოლებინა საბალახოდ. მატარებლის მიახლოებებზე ბატკნები დაფრთხნენ და გარეტიანებულები სქლად შეჯგუფდნენ და მატარებლისკენ გამოექანნენ. მწყემსს, ზორბა ბიჟს, ალბათ კარგად სცოდნოდა, რა ქკუის პატრონ პირუტყვებთან ჰქონდა საქმე და მსხვილი მათრახი წინდაწინვე დაემზადებინა. მარჯვედ გადაელობა წინ გროვად მომავალ პირუტყვებს, თან ცალი ხელით იქერდა და თან მეორეთი რაც ძალი და ღონე ჰქონდა ბატკნებს მათრახს ცხვირ-პირში სთავაზობდა. მიუხედავად ამისა, ბატკნები მაინც თავისას არ იშლიდნენ, მთელი ძალ-ღონით ერთმანეთს აწვებოდნენ და მატარებლისაკენ მიეშურებოდნენ. მწყემსს მთელი თავისი ძალ-ღონე დასქირდა, რომ უგუნური პირუტყვები აუცილებელ დალუპვისაგან გადაეჩინა.

ველი ძლიერ გაფართოვდა. შუაში რაღაც პატარა ღელეც მოჩანს. მივიღივართ თანდათან მაღლა. ამამლიდან 18 ვერსის მანძილ-

ზეა სად. კალტიხნი. ამაზე მალა არც ერთი სადგური არ არის ტფილის-ჯულფას გზაზე. კალტიხნი ზღვის ზედაპირიდან 833 საყენის სიმაღლეზე მდებარეობს. ბალი აქაც გაუშენებიათ. ირგვლივ მდიდარი საყანე და საბალახე აღვილებია. ჩვენ წინ უკვე მოჩანს მცირე კავკასიის ქედი, რომლის ქვეშაც დიდი გვირაბია გაყვანილი.

კალტახნიდან დავიძარით. უახლოვდებით დიდ გვირაბს. მთის ფერდობებიდან აქა-იქ ანკარა წყაროები მოწანწყარებენ. საათი მოვიმარჯვე, ერთი წამიც და გვირაბში შევყავი თავი. გვირაბი საკმაოდ დიდია. ოთხ-ნახევარი წუთი მოუხდა ჩვენი მატარებელი იმის გავლას. მცირე კავკასიის ეს მთა წყლის გასაყოფელია მტკვრისა და არეზს შუა. ამ მთის აღმოსავლეთით ყველა წყალი მტკვარში ჩადის, ხოლო დასავლეთით არეზში, მამსადამე, ტფილის-ჯულფის გზის უმაღლესი წერტილია ამ გვირაბის შუაგული, რომელიც დაახლოებით 840 საყენის სიმაღლეზე იქნება შავი ზღვის ზედაპირიდან.

მთა, რომლის ქვეშაც გაყვანილია დიდი გვირაბი, შინცადა-შინც მალალი არ არის. მაისის დამდეგს მთა თავისუფალია თოვლისაგანაო, მითხრეს. გზატკეცილი მიხვევ-მოხვევით ზედ ამ მთაზე გადადის. ეს მთა უღელტეხილივით ძეგს ორ დიდ მწვერვალ შუა, ჩრდილოეთით არის მწვერვალი მულატენეჟი და სამხრეთით კაპანაკი. მათ შორის ოც ვერსამდე იქნება. კაპანაკი საკმაოდ მაღალი მთაა. იმის მწვერვალზე თოვლი ზაფხულშიაც არა დნება.

გავიარეთ დიდი გვირაბი და ჩვენ თვალწინ გაიშალა ფართო ზეგანი, რომლის აღმოსავლეთითაც კაპანაკია ამართული, ჩრდილოეთით ტიშტაპის მთის გაგრძელება, სამხრეთით და დასავლეთით უთვალავ პატარ-პატარა უთავბოლოდ მიყრილ-მოყრილი სერ-გორაკები. ზეგანი საკმაოდ სწორია. რასაც თვალი უწვდება, ხე-ტყის ჰაჭუნება არ არის, თუმცა ყველგან საშინელი ერთფეროვნებაა, მაგრამ ამ ერთფეროვნებასაც თავისი მიმზიდველობა აქვს და სიამოვნებით შეჰყურებ ამ ფართოდ გაშლილ არემარეს. ზეგანზე ბევრი დიდი სოფელია გაფანტული. თუგინდ თითზე ჩამოთვლი ყველას, ისე ნათლად ჩანან აქედან. ზეგანის შუა გულში კი ქალაქი გუმბრი (ალექსანდროპოლი) * გაჰიმულა, რომელიც დიდი გვირაბიდანვე კარგად ჩანს. დიდ გვირაბიდან გუმბრამდე ერთი სადგურია, — ჯაჭური, რომელიც გვირაბის მახლობლადაა, და მეორე პატარა სადგური — ორთაილისა. ამ პატარა სადგურიდან გუმბრამდე სულ

* ახლა ლენინაკანი. — რედ.

ვერსია. გვირაბის შემდეგ გზა დაღმართია. ჩვენმა მატარებელმა ციკლი იტალია. სახანინიდან აღმართ-აღმართ იკუნესა, ახლა კი სამაგიეროდ ციკლიტად გაქანდა და თა-თა-თა, ა-თა-თა-თა-ს ძახილით გუმბრისკენ გაგვაქანა.

გუმბრი მოზრდილი ქალაქია, ოცდაათი ათასზე მეტი მცხოვრები იქნება. შორიდან საკმაოდ ლამაზი მოჩანს, აქა-იქ გუმბათიანი ეკლესიაც ამშვენებს ქალაქს, მაგრამ ახლო რომ მიხვალ, ხელში შეგრჩება მოუკირწყლავი ქუჩები, სადაც წვიმის დროს გაუვალა ტალახი ჩნდება თურმე, და ქოხმახები. ათიოდ გვარიანი სახლი საერთო სურათს, რასაკვირველია, ვერა სცვლის. რკინიგზის სადგური და სხვა მისი შენობანი კარგად და რიგიანდაც არის მოწყობილი.

გუმბრი შეუერთდა რუსეთს 1828 წელს თურქმენჩაის ხელშეკრულებით, ხოლო 1829 წელს, ანდრიანოპოლში დადებული ზავის შემდეგ, გუმბრში გადმოსახლდნენ ოსმალეთიდან სომხებო. 1837 წელს რუსებმა აქ გააშენეს ციხე, რომელსაც ალექსანდროპოლი დაარქვეს და მას შემდეგ ეს სახელი ოფიციალურად მთელ ქალაქზე გადავიდა. თავდაპირველად გუმბრი „საქართველო-იმერეთის“ გუბერნიის სამაზრო ქალაქი იყო და მხოლოდ 1850 წელს ერევნის გუბერნიას შეუერთეს.

გუმბრის ირგვლავ, როგორც ვთქვით, ხელისგულივით ტიტველი მინდვრებია, მშვენიერი საძოვრები და სახნავ-სათესი. ამიტომ რძე აქ იაფია და კარგი თვისებისა. გუმბრს დასავლეთით ჩაუდის მდ. არფაჩაი, რომელიც გამოდის არფალელის ტბიდან. არფალელში ირგვლივ მდებარე მთებიდან ბევრი ნაკადული ჩამორბის. არფაჩაი ჭერ აღმოსავლეთით მიმდინარეობს, შემდეგ სამხრეთით ბრუნდება და ჩამოდის გუმბრზე. გუმბრიდან არფალელის ტბამდე, პირდაპირ რომ გავზომოთ, 40-45 ვერსი იქნება.

არფალელის ტბა დიდი არ არის, რამდენიმე ვერსი იქნება სიგრძე-სიგანით. იმის დასავლეთით საკმაო დიდი მთებია, რომლის შორე მხარესაც გაშლილია მოზრდილი ტბა პალაკაციო, რომელსაც ოც ვერსამდე სიგრძე ექნება ჩრდილოეთის მხრივ და ათ ვერსამდე სიგანე. სამხრეთით კი ტბა თანდათან ვიწროვდება. ამ ტბას ახლა ჩალდირგელს ეძახიან.

ამ ორ ტბის ირგვლივ არემარეს ძველად აბოცი ერქვა და შეადგენდა ჯავახეთის სამხრეთ კუთხეს. აბოცის აღმოსავლეთის საზღვარს შეადგენდა ის მთა, რომელშიაც ახლა დიდი გვირაბია გაყვანილი და რომელსაც ძველად ირჯანის მთა ანუ ყარაღაჯი ეწოდებო-

და. ამ მთის აღმოსავლეთით, როგორც წინათ მოვიხსენიეთ. ბამბაკის საკმაო ფართო და დასახლებული ხეობაა გაკიპული. ამ ხეობას ძველად ტაშირი ერქვა. ესეც უკანასკნელი კუთხე იყო ქართლის მიჯნაზე.

ეს ორა პროვინცია, აბოცი და ტაშირი, ვახუშტს საქართველოს ნაწილად მიაჩნია. იგი ამბობს: „ამ ადგილთა შინა მოსახლენი არიან სარწმუნოებით სომეხნი და მცირედად ქართულის სარწმუნოებისა, არამედ ქცევა ზნითა ქართულითა“ *.

სწორედ ამ ორ, პურიტა და პირუტყვით საკმაოდ მდიდარ, პროვინციის სამხრეთით გასასვლელ კართან იყო გაშენებული გუმბრა და, უეჭველია, ძველიდანვე მნიშვნელოვანი ადგილი იქნებოდა როგორც სავაჭროდ, ისე სტრატეგიული მხრივ. გუმბრს დღეს უფრო მეტი სტრატეგიული მნიშვნელობა აქვს. გუმბრიდან ჯერ მდ. ბამბაკის და შემდეგ ბედრუჯის ხეობით ადგილი გასასვლელია ქართლ-კახეთში, ხოლო არფაჩაის ხეობით ჯავახეთის მდინარის ხეობამდე და იქიდან ახალქალაქით მტკვრამდე, შემდეგ ახალციხემდე და ბორჯომამდე. გუმბრიდან სამხრეთ-დასავლეთით გზა მიდის ყარსისკენ, ხოლო სამხრეთ-აღმოსავლეთით ერევნის და ჯულფისაკენ. ამნაირად გუმბრი შესაყრელი გზაა ტფილის-ყარსის, ტფილის-ერევნის, ერევან-ახალციხეს და ყარს-ახალციხეს შორის. ტფილისსა, ბორჯომსა და გუმბრს შუა სწორი ხაზი რომ გავატაროთ, მივიღებთ წოწლოკინა, გვერდებ სწორ სამკუთხედს. თავში გუმბრი იქნება, ძირს, იქით-აქეთ, ტფილისი და ბორჯომი. ტყუილად კი არ ამბობენ, რომ მთავრობა ბორჯომიდან გუმბრამდე რკინიგზის გაყვანას აპირებსო. მაშინ ორის მხრივ შესაძლებელი იქნება ერთსა და იმავე დროს გუმბრში ჯარის ჩაყვანა. ამჟამად გუმბრში საკმაო ჯარი დგას, როგორც კავალერია და არტილერია, ისე ქვეითი.

დავიძარით გუმბრიდან. ყარსისა და ერევნის გზები ჯერ ტყუპად მიიძარებინან. გავიარეთ რამდენიმე ვერსი და ყარსის გზამ მარჯვნივ მოუხვია, ჩვენ კი არფაჩაის ნაპირებს გავყევით, ირგვლივ არემარე მწვანე ჭეჭილითაა გადაბიბინებული. მივალწიეთ იმ ადგილამდის, სადაც ყარსჩაი და არფაჩაი ერთდებიან და ბუნებასაც შესამჩნევი ცვლილება დაეტყო. გაჰქრა მწვანე ველ-მინდვრები, სამაგიეროდ გაჩნდნენ ხრიოკი მთა-გორები. გუმბრს მისდევს სადგური აგინი, რომელიც ზღვის ზედაპირიდან 674 საყენის სიმაღლეზეა, ცოტად მაღალია კარაკლისზე; მაგრამ გუმბრზე 37 საყენით

* ვახუშტი, „გეოგრაფია“ გვ. 46.

დაბალია. ამ ადგილამდი სოფლებიც ხშირია, მიწაც დამუშავებულ-
ლი, აქა-იქ სოფლებში პატარა ხეებსაც მოჰკრავ თვალსა. მაგრამ
ქვემოთ კი ზედიზედ სამი სადგური: ანი, ალაგეზი და ყარამურუნი
სადგურ არაქსამდე, 65 ვერსის მანძილი... ღმერთმა დაიფაროს!
არა მგონია, სადმე კიდევ მოიძებნებოდეს ამ ადგილზე უფრო
მწირი და მოსაწყენი რამ. უნდა შევნიშნოთ, რომ კარაკლისიდან
აგანამდე თითქმის სულ სომხობა სახლობს, აქედან კი ეს ხროვი
და ვერანი ადგილები ქურთებს დაუქერიათ.

ტფილისში ხშირად შემხვედრიან მეეზოვე ქურთები. მიკვირდა
მათი აშკარა ჩამორჩენა და უხალისობა წინმსვლელობისადმი. ერთ-
მა, როდესაც უთხარი — წერა-კითხვას გასწავლი-მეთქი, გადაჭრით
მითხრა: არა, არ მინდა, წერა-კითხვა რა საჭიროაო. მაშინ მიკვირ-
და, მაგრამ როცა თვალი მოვაველე იმ ადგილებს, სადაც ისინი ცხოვ-
რობენ, დავრწმუნდი, რომ აქ დაბადებულ და გაზდილ კაცს მეტს
ვერათფერს მოსთხოვ. მაღლა აიხედავ — მზე, თუ მზიანი დარია,
დაბლა დაიხედავ — ქვა, განზე გაიხედავ — კლდე, მარჯვნივ —
ქვა, მარცხნივ — ქვა, ახლო — ქვა და შორს — ქვა... ალაგ-ალაგ
ხავსივით რალაც ჭაგრის მსგავსი, გამხმარი ბალახი ამოჩხირულა
გულსაკლავად ლოდებს შუა. მცენარე ხომ არ არის და არ არის.
ეძებ თვალით სადმე ან წყაროს, ან მდინარეს — შენც ნუ მომიკვ-
დები. მაგრამ აი, რალაც ხილივით მოჩანს. მართლაც ხილია, მკვიდ-
რად და ლამაზად გაკეთებული. გიხარიათ, წყალს დავინახავო და
თვალებს სტყუტავ, მაგრამ იმედი გიცრუვდება: ხილზე მართლა გა-
დიხარ, მაგრამ წყალს კი ხილქვეშ წამლად რომ გინდოდეს, ერთს
წვეთსაც ვერ იპოვნი. აქ წყალი მხოლოდ ნიაღვრის დროს მიდის
და ერთი-ორი საათით, სხვა დროს მდინარის მაგივრად მშრალი კა-
ლაპოტია პირდაღებულს. უწყლო მდინარე ხომ იგივეა, რაც უფუ-
ლო ქისა...

ექვს გარეშეა, ამ ადგილებში, როგორც სხვაგან კავკასიაში,
ერთ დროს წყალი იდგა. ალაგ-ალაგ აქ შეხვდები საინტერესო სხვა-
დასხვა ზომის, ქვაბივით ჩაღრმავებულს ადგილს; ზოგს რამდენიმე
ვერსი სიგრძე-სიგანე აქვს, ზოგსაც რამდენიმე ათეული საყენო.
ეს ჩაღრმავებული ადგილები სხვადასხვა ზომის ქვებითაა ამო-
ხორცილი, რაც ნათლად ამტკიცებს, რომ ეს ადგილები დამშრალი
ტბის ძირებია. კარგად რომ დაუკვირდები მათ მიდამოს და მოხა-
ზულობას, ასე გეგონება, ახლახან იდგა აქ წყალიო. ქვებიც შორი-
დან ჭერ კიდევ სველი მოგეჩვენება. ნამდვილად კი, ადვილად შე-
საძლებელია, მილიონი წელიწადი გავიდა მის შემდეგ, რაც აქ წყა-

ლი იდგა. მხოლოდ სხედასხვა მიზეზისა გამო ნიადაგი და მცენარეულობა ვერ გაჩენილა და ასე ხრიოკად დაჩრჩენილა. მიუხედავად ალაგ-ალაგ საკმარის მალალ, რა თქმა უნდა, მიწის და ხრიოკ მთებისა, ეს ადგილები გაგრძელებათა გუმბრის ზეგანისა. ზეგანი თანდათან დახრილია სამხრეთისაკენ. სადგური ანი, მაგალითად, 662 საყენის სიმაღლეზეა ზღვის ზედაპირიდან. ალაგები — 587-ზე, კარაბურენი — 510, ხოლო არაქსი — 422-ზე.

მივიღებთ. შევეყურებ ამ ერთფეროვან მოსაწყინარ ბუნებას. ამ მშრალ ქვებს და ასე მგონია, მთვარეზე ვარ-მეთქი. ვიცი კი, რომ ამ არემარეშიაც ცხოვრობს ადამიანი. თვალს მოჰკრავ ადამიანების ქონებას ზოგან შორს რკინიგზის ლიანდაგიდან, ზოგან ახლო. ვხედავ ამას და უნებურად ვეკითხები ჩემ თავს. უეჭველია, ამ კუთხეში ცხოვრობს ადამიანი, კბილები და კუქიცი, დარწმუნებული ვარ, ექნება, მერე ნეტავ, თავს რითი ირჩენს? არა მგონია, რომ ამ შავი ქვების ჩახრამუნებით იმტკბარუნებდეს პირს. მაგრამ ქვეყანა განგებას არც ისე უპატრონოდ მიუგდია. აი მარჯვნივ ქვებით ჩახორგილი ჩაღრმავებულია. იმის გვერდით საკმარის მოზრდილი ფერდობი ჩანს. ქვა აქაც საკმარის, მაგრამ რაღაც ბალახის მსგავსი ამოჩხირულა აქა-იქ. ამას აქ თამამად მინდორი დაერქვა. თუმცა გულისამრევი რუხი ფერი ადევს ამ მინდორს, მაგრამ ამ ერთი ბეწო ცვლილებამაც ცოტაოდენად წამახალისა, სახეზე ღიმმა გადამირბანა და მინდორს დავაკქერდი. შორს მოთეთრო წერტილები გავარჩიე. ეჰ! დალახვრა ღმერთმა, იქაც ქვები ყოფილა, გამოიღვა თავში. მაგრამ ამ წერტილებს მოძრაობა შეეცყო. ბედზე ლიანდაგმაც იქითკენ გაუხვია, წერტილები გადიდნენ და ჩქარა ჩემ თვალწინ გაიშალა მშვენიერი ცხვრის ფარა, რომელსაც დაგლეჯილ ტანისამოსში შემოსილი მწყემსი დარაჯობდა. მწყემსის და ცხვრების ყურადღებას ახლა ჩვენი ქექა-ქუხილით მიმქროლავი მატარებელი იქცევდა. ყველანი ჩვენ შემოგვჩერებოდნენ, თუმცა ისიც უნდა შევნიშნოთ, რომ აქაური ცხვრები უფრო ჰკვიანები გამოდგნენ, ვიდრე ტაშირის მათი ამხანაგები და მწყემსსაც მათი ასალაგმავი მათრახი არ გააჩნდა. აი თურმე რა არჩენს აქაურ კაცს. გამახსენდა, რომ ცხვარს ასეთ ხრიოკზე ამოსული ბალახი ძლიერ უყვარს. მოგახსენებენ, რომ კასტილიის ზეგანიც, ესპანიაში, ასეთი ხრიოკებასაგან შესდგება, მაგრამ იგი ძვირფას მატყლოვან მერინოსის ჯიშის ცხვრის სამშობლოდ ითვლებოდა.

ამ ზეგანის აღმოსავლეთით თოვლით შელესილი ალაგებია ამართული.

აი მივალწიეთ სადგურ არაქსს, და ბუნებას ისევ ცვლილება დაეტყო. თვალწინ გადაიშალა უზარმაზარი ველი, მდინარე არეზის ნაპირზე გაჭიმული. ამ დაბლობს სიგრძე დასავლეთიდან აღმოსავლეთამდე დაახლოებით 160 ვერსი ექნება, ხოლო სიგანე მაქსიმუმში ეჭვიაწინთან 50 ვერსი და მინიმუმი რუსეთ-სპარსეთის საზღვართან, არარატის აღმოსავლეთით, ათი ვერსი. ზოგან კი, როგორც მაგალითად ნახჭევანის ჩრდილოეთით, მთის კალთების ნაწიწვეტები არეზის მარცხენა ნაპირამდისაც კი შექრილა, მაგრამ ეს გორაკები ერთი რომ მაღალი არ არის და მეორეც, ისეა დასერილი ხევ-ველებით, რომ ჩვენც საერთო დაბლობს ვაკუთვნებთ.

ერთხელ კიდევ გადავავლოთ თვალი განვლილ ადგილებს. კუმისიდან (ტფილისის მახლობლად) დაწყებული ადგილი თანდათან მალღდება დიდი გვირაბის შუაგულამდე 160 ვერსის მანძილზე. კუმისი, მაგალითად, 229 საეენის სიმაღლეზეა ზღვის ზედაპირიდან, ხოლო დიდი გვირაბი, ყარაღაჯის მთის ქვეშ, როგორც ვთქვით, 840 საეენის სიმაღლეზე. მაშასადამე, დიდი გვირაბი კუმისზე 611 საეენით მაღალია, თითქმის სამჯერ მეტი. ეს ორი სიმაღლე ერთ ადგილას რომ ავმართოთ, განსაკვიფრებელი უფსკრული წარმოგვიდგება ერთიდან მეორემდე, მაგრამ 160 ვერსი სიგრძე ისე ათანდათანებს ამ განსხვავებას, რომ ორთქლმავალს, თუმცა კენესით, მაგრამ მაინც თავისუფლად მიაქვს ათობით ბარგი, საქონლია და ადამიანი დატვირთული მოძრავი სახლები და მიაქვს საათში 25 ვერსის სიჩქარით. გვირაბის შუაგულიდან კი, როგორც ვთქვით, დაღმართთან გვაქვს საქმე. და 840 საეენი სადგურ არაქსთან 422 საეენამდე ეშვება. გვირაბიდან არაქსამდე კი 114 ვერსია.

ამრიგად, საერთოდ იმ ამობურთულს, რომელიც მცირე კავკასის უკირავს და რომელიც ათასფრად არის დასერილი სხვადასხვა ზომის, სიმაღლის, სახის და აღმონაცემის მით, განი 274 ვერსამდე ექნება.

მდინარე არეზს რუსები, როგორც ვიცით, არაქსს ეძახიან. სადგურისათვის არაქსი იმიტომ დაურქმევიათ, რომ ამ ადგილიდან სწორედ არეზის სამფლობელო იწყება, ხრიოკი ადგილები წყლის და კარგ ნიადაგის შემწეობით მწვანე მინდვრებად და ბალ-წალკოტებად იცვლება. თვით მდინარე არეზი სადგურიდან ჯერ კიდევ შორს არის. მდ. არეზამდე აქედან თუთხმეტ-ოც ვერსამდე იქნება. ასევეა სადგურები ალაგეზი, ანი, ეჭვიაწინი, არარატი. არც ერთი ჩამოთვლილი ადგილები სადგურის მახლობლად არ არის.

არეზის ზემოხსენებული ველი ყოველმხრივ შემოზღუდულია

მაღალი მთებით. ეს ველი ერთ საუკეთესო ადგილად უნდა ჩაითვალოს მთელ ერევნის გუბერნიაში. ნიადაგს მოთეთრო, ფერფლისფერი ადევს და საკვირველიც არ არის, რადგან სწორედ ფერფლი უნდა იყოს. ამ დაბლობის ნიადაგი უნდა შემზადებულიყო იმ დროს, როცა ჩრდილოეთით ალაგეზი, ხოლო სამხრეთით არარატი უხვად აფრქვევდნენ ფერფლს და ერთ მშვენიერ დღეს იქნება კედევ გაიმეორონ კარგა ხნით მივიწყებული მოქმედება. მაშასადამე, არეზის ველის ნიადაგი ვულკანისაგან ამონაფრქვევი ფერფლია და რაღა გასაკვირველია, რომ ძლიერ ნაყოფიერი იყოს. მართლაც, მთლად ეს ველი ერთ განუწყვეტელ ბალწალკოტს და სახნავ-სათეს მინდორს წარმოადგენს. აგერ სქლად ბიბინებს თვალუწვდენელ სივრცეზე ფირუზივით მწვანე ხორბლის ჯეჯილი, იქ რაღაც ათასფრად დაღარული, სუფთად გადაფარცხული ადგილი მოჩანს, ზოგან დაღარულ ნახნავზე სარწყავი წყალი მიუშვიათ და მთლად წყლით დაუფარავთ. ეს გახლავთ ბრინჯის სათესად გამზადებული ნიადაგი. ბევრი შრომა სჭირდება ამ ბრინჯს. აგერ წყალში ჩამდგარა მუხლამდე ფენშიშველა ჭაღარა გლეხი და რწყავს მინდორსა. არა ვგონებ, ამ მარტის დამლევს მაინცდამაინც დიდ სიამოვნებას გრძნობდეს ამ ძალაუნებურ ჭყუმპალაობით, მაგრამ სხვა გზა არ არის, ასე რომ არ მოიქცეს, ფლავსაც ვერ მიირთმევს.

აქაურ ნიადაგს ძლიერ ხელს უწყობს წყლის სიუხვე. ჯერ ველის შუაგულში მიიზღაზნება თვით არეზი, ყარადაგის მთებით შევიწროებული აქ ფართოდ იშლება და უანგარიშო არხებია გაყვანილი აქეთ-იქით მინდვრების მოსარწყავად. ჩრდილოეთიდან ჩამორბის მდინარე ავარანსუ, რომელიც ექმიწინს დასავლეთით ჩაუდის. ავარანსუს შესართავიდან შვიდი-რვა ვერსის მანძილზე, აღმოსავლეთით, არეზს ერთვის ზანგა. ზანგა გამოდის გელაქუნის ტბიდან. ეს ის ზედმეტი წყალია, რაც გოქჩის ანუ გელაქუნის ტბაში არ ეტევა და მდინარე ზანგის სახით ტბიდან გადადის. ერევნის ქვემოთ მდინარე დინჯდება. აქედანაც ბევრი სარწყავი არხია გაყვანილი ზანგის შესართავიდან აღმოსავლეთით 6-7 ვერსის მანძილზე. არეზს ერთვის გიარნიჩაი, რომელიც გამოდის ახალ ბაიაზეთის დასავლეთით ხრიოკ მთებიდან.

სამივე ჩამოთვლილი მდინარე წყლით საკმაოდ უხვია. ავარანსუ და გიარნიჩაი ლიახვს არ ჩამოუვარდებიან, ზანგა თითქმის არაგვსაც დაეტოლებს. ამ ჩამოთვლილ მდინარეთაგან გაყვანილი არხები და არეზის არხები ერთმანეთშია თითქმის შერეული და ამიტომ მთლად ეს მიდამო ერთ ვრცელ არხთა ბადეს წარმოადგენს..

ამიტომაც მთელ ერევნის გუბერნიაში ყველაზე უფრო სქლად ეს ადგილია დასახლებული. აქ დიდი სოფლები ზედიზედ მისდევენ ერთმანეთს. ბუნებრივი ტყე აქ არის მხოლოდ. აქა-იქ მოჩანს ხელოვნურად გაშენებული ალვის და ვერხვის ტყესავით რალაც. სამაგიეროდ, სოფლები შემორტყმულია მშვენიერი ბალ-წალკოტებით და ზვრებით. აქაური ხილი ხომ განთქმულია. რკინიგზის შემწეობით აქაურ ატამს ქალაქშიაც ვეგმობთ.

აქაური ზვრები თავისებურია. ვაზი მიწაზეა გაშლილი, ვის გაუგონია ან ქიგო, ან საარი. მაღლარისა ხომ ხსენებაც არ არის. ვენახს ეტყობა ძლიერ უვლიან. ყოველი ძირი სუფთად გასხლილი ცალკე ოთხკუთხედ, დაბარულ, გათოხნილ და მწვანისის სათეს დაღდაგივით განზადებულ ალაგზეა გაწოლილი. სიმართლე უნდა თქვათ კაცმა, საითაც კი მიიხედავ, ყველგან დამუშავებულ ადგილს ხედავ. ერთ ნაჭერს ვერ იბოვნის, რომ კაცის ნაოფლარი არ ეტყობოდეს, კაცი შრომას არ ზოგავს, სამაგიეროდ ბუნებაც, როგორც ეტყობა, ერთი ორად აჭილდოებს. ვიმეორებ, ამ ველის მობიბინე საღი ჯეჯილი ახლაც თვალწინ მიდგა.

ამ ადგილებში ერთი ხალხი არა ცხოვრობს, აქ ერთმანეთში არიან არეულნი ქურთები, სომხები, თათრები. ამიტომაც ერთგან რომ სადღესასწაულოდ გამოწყობილი ხალხი (აღდგომა იყო) საყდრისკენ მიემთრებოდა, იქვე ქურთი ან თათარი, ბელ-ფეს წაკაპიწებულნი, ან ბრინჯს რწყავდა, ან უღელ კამეჩშებულ იმერულ კაცის მსგავს სახნისით დიკა პურის ადგილს ხნავდა. მაგრამ ერთი დიდი ნაკლი კი აქვს ამ დიდ ველს, ნიადაგი ნოტიო და ციებ-ციხელებიანია, თუმცა ერთი წერტილიც არ მოიძებნება აქ, რომ ტფილისზე ასი საყენით მაინც უფრო მაღალი არ იყოს. არხები და ბრინჯის ყანები ხელს უწყობენ ციებ-ციხელებას.

დავიძარით სად. არაქსიდან. ფანჯარას არა ვშორდები. მარჯვნივ კარგი ჰანახავებია, მარცხნივ კიდევ უკეთესი. ზოგან ისე რიგზეა ჩამორიგული ალვის ხეები და ისე ხშირად, რომ ჩემი თავი სამეგრელოს სოფელ ხორგაში მეგონა, მხოლოდ ხორგას ორგვლივ უდაბური ტყე არტყავს, აქაურ სოფლებს კი ორგვლივ თვალუწვდენელი ველი შემორტყმია. ზოგან სოფლებში კარგ სახლებს შეხვდებით. არჩევ ფანჯარას, ბუხარს. მომეტებულ ნაწილად კი ქოხმახებია, კიანჭველის ბუდესავით ერთმანეთზე მიყრილი. სომხებისა და თათრების სოფლებს შორიდანვე გაარჩევ. რამდენადაც პირველი სუფთა და მწიანია, იმდენად მეორე უშნო და უსუფთაოა. საშენ მასალად აქ თიხას ხმარობენ, კედლებიც თიხისაა, სა-

ხურავიც, გალავანიც, სადაც მიიხედავ, სულ თიხაა. მოსაწყენი ერთფეროვანებაა. სოფელში ბევრგან ნახავ თიხისაგან აშენებულ კოშკის მსგავს რაღაცას. მისი მნიშვნელობა დანამდვილებით ვერაინ ამიხსნა. ზოგმა მითხრა საბძელიაო, ზოგმა საყარაულო, ზოგმა კიდევ ჰარამხანაო და სხვა. ზოგ დიდ სოფელში ათობით დათვლით ამისთანა კოშკს. ზოგი საკმაო მაღალია. ორი-სამი სართულიცა აქვს.

მივდივართ. არეზ გაღმა შორს თოვლით შევლესილი მთები მოჩანს. ვიცი, რომ იმ მთებს იქით ოსმალეთია. მაგრამ ეს რაღა სამხრეთისკენ ვეებერთელა თეთრად რომ ამართულა? ეს გახლავთ ნოეს კილობნის მტვირთველი, დიდებული არარატი. ჯერ კიდევ შორსა ვართ, მაგრამ მისი უზარმაზარი ძირი ისევე მკაფიოდ მოჩანს სხვა მეზობელ მთებში, რომ ახლო გეგონება, ძირი მოჩანს, შუაწელიც, მაგრამ ზემო ნაწილი ბურუსშია გახვეული. ბევრი ვაჟყიტე თვალეები, მაგრამ ამოდ: არარატმა თავისი საუცხოვო მწვერვალ არ მაჩვენა. თავზე ლილასავით ლურჯი ცა დაგეყურებდა, იქ კი მტრედისფერი ღრუბელი მოგროვილიყო.

პატარა არარატი კი ასე გგონია, შაქრის ვეებერთელა თავიან, ლარივით სწორად ამართული, თეთრად ლაპლაპებს მზის სხივებზე. მხოლოდ ჯულფიდან რომ გამოვედით, რამდენიმე წუთით თვალ მოვკარ დიდი არარატის მწვერვალს. მაგრამ ჯერ ერთი, მეტად შორს იყო და მეორე, მაშინ მე მის აღმოსავლეთის ნაწილს ვუყურებდი და მოჩანდა მხოლოდ პატარა არარატი, დიდზე მიყუდებული.

არარატის მთა ჩვენი ძველი ნაცნობია. შორიდან დიდი ხანია ვიცნობთ. შვიდი წლიდანვე გვასწავლიან, რომ ნოეს კილობანი არარატის მთაზე გაჩერდაო. მე აქ, რასაკვირველია, არ გამოუდგები ამ ზღაპრის ამბავს, მაგრამ ვიტყვი კი, რომ კარგი იქნება, ლეგენდი ნაცვლად არარატზე რამე ნამდვილი ამბავი მოგვითხრონ ხოლმე. ეს ბუმბერაზი ბევრი მხრივ არის საინტერესო და შესანიშნავი.

არარატს სომხები მაზოის ეძახიან, რაიც ნიშნავს დიდებულს, ხოლო სპარსელები კუგი-ნუხს, — ნოეს მთას. არარატს უქირავს ძირში 1020 ოთხკუთხი კილომეტრი და სხვა მთებისაგან განცალკევებითაა ამართული, ე. ი. სხვა მთებისაგან ღრმა ხევეებით იყოფა. არარატს აქვს ორი შაქრის თავის მსგავსი მწვერვალი. დასავლეთისას ჰქვიან დიდი არარატი, აღმოსავლეთისას — პატარა. მათ შორის საკმაოდ მაღალი ქედია, რომელსაც ვერს-ნახევრამდე სიმაღლე ექნება, სიგრძე კი ათ ვერსამდეა. დიდ მწვერვალზე თოვლი ზამთარ-

ზაფხულ არა ღნება, პატარა კი ზაფხულობით თოვლისაგან თავისუფალია.

არარატი ტიპიური ვულკანია და თუმცა ამ ღროებით არ მოქმედობს, მაგრამ მისი ერთ ღროს მოქმედების კვალი კი ძლიერ ბევრია მიდამოში. ისტორიულ ხანაში არარატის მოქმედებაზე ძლიერ კოტა ცნობა მოიპოვება.

ედესის ეპისკოპოსის წმ. ეფრემის სიტყვით, 341 წელს ქრისტეს შემდეგ სომხეთში დიდი მიწისძვრა მოხდა. მთები ჯერ განშორდნენ ერთმანეთს, მერე მიუახლოვდნენ საშინელი ქაბუხით და მათი გულიდან ბოლი და ალი ამოვიდაო. უეკველია, ამ შემთხვევაში არარატი მეორეხარისხოვან როლს არ ითამაშებდა. 1319 წელსაც მოხდა დიდი მიწისძვრა. არარატის არემარეში ბევრი სოფელი და ქალაქი დაიქცა. სხვათა შორის, მაშინ დაიქცა დიდი ქალაქი ანი. არარატმა თავი მოკლე დროშიაც არ დაავიწყა ქვეყანას. 1840 წელს მოხდა საშინელი მიწისძვრა. არარატს მოსძვრა უზარმაზარი ზვაგი თოვლისა და ქვისა და მთის ძირში მდებარე სოფლები გაანადგურა. მორ ვაგნერს (სწავლული მოგზაური, გარდაიცვალა 1887 წ.), რომელმაც ინახულა არარატის მიდამოები, ამ უბედურების შემდეგ ეს შემთხვევა წმინდა ვულკანურ მოვლენად მიაჩნია. აი როგორ ასწერს ამ მოვლენას ვაგნერი:

„1840 წელს 20 თიბათვეს მზის ჩასვლის წინ, თითქმის მთელი სომხეთი შეაშინა საშინელმა ქუხილის მსგავსმა გრგვინვამ. გრგვინვა ყველაზე უფრო საგრძნობელი იყო დიდი არარატის მახლობლად. თითქმის ორი საათი ქანობდა ტალღასავით დედამიწა. დიდი უბედურება დატრიალდა, განსაკუთრებით შარურისა და ნახიქვენის მახრებში. წმ. იაკობის ველის ბოლოს, არგურიდან 6 ვერსის მანძილზე, გაჩნდა დიდი ნაპრალი, საიდანაც ორთქლი და გაზი ამოდიოდა. თან ქვებსა და მიწას ისროდა. ორთქლი არარატის წვერამდღე უწევდა. ამოდიოდა თუ არა ნაპრალიდან ცეცხლის ალი, დანამდვილებით ვერ შევიტყვე. თვალთ მნახველებმა ამაზე გადაჭრილი პასუხი ვერ მომცეს. მიწის ქვეშიდან საშინელი ქაბუხნი და გრიალი ისმოდა. დიდი ქვები იქვე ვარდებოდნენ, პატარები შორს მიგორავდნენ. როცა ორთქლის დენა შექწყდა და ქვის წვიმამაც გადილო, ადამიანის თვალს საშინელი სურათი წარმოუდგა. არსად ჩანდა არც დიდი სოფელი არგური, არც დიდებული მონასტერი, არც მინდვრები, არც ბაღები. არარატის მიერ ამონასროლ ქვის ქვეშ დაიღუპენ მცხოვრებნიც. მთელ დიდ სოფელში დარჩა ცოცხალი მხოლოდ 114 სული. ნახიქვენის, შარურის და ორდუბათის მახრებ-

ში მიწისძვრამ მაშინ დააქცია 6.000 სახლზე მეტი. გავიდა ოთხი დღე არარატის ამ საშინელ ამოხეთქის შემდეგ და დატრიალდა მეორე უბედურება. იმ ადგილას, სადაც გაჩნდა დიდი ნაპრალი და საიდანაც ორთქლმა და ქვამ ამოხეთქა, გაკეთდა დიდი და ღრმა ამოქვაბული, რომელიც დამდნარ თოვლისა და წვიმის წყლით აივსო და ამნაირად გაჩნდა ტბა. შიგ ჩარეცხილ ქვისა და თიხისაგან საკმაო მაგარი ზღუდე გაკეთდა, რომელიც კარგა ხანი იმაგრებდა მეტ წყალს, მაგრამ ახალ-ახალ მოწოლილ წყლის ძალას ვერ გაუძლო და ზღუდე გაირღვა. ტალახნარევა წყალმა და თხელმა ტალახმა გადმოხეთქა მთის ფერდობებზე, ქვემოთ დაეშვა, მდ. კარასუს შეუერთდა და ალაგ-ალაგ გაგუბა კიდეც ეს მდინარე. გზაზე რაც შეხვდა ამ თავისებურ ნიაღვარს, ყველაფერი გაანადგურა. თან მიჰქონდა ხეები, დამხრჩვალ ადამიანები, ქვები... ამ არემარეში ბევრ ხანს გავლა ვერავის შეეძლო: ტალახისაგან დიდ მანძილზე გაკეთდა ღრმა და გაუვალი ქაობი. თითქმის პირველ ჟამს ფრინველებიც ახლო ვერ ეკარებოდნენ ამ ადგილს, სანამ ცოტ-ცოტად ქაობი არ გამაგრდა და თანდათან არ გახმა“.

ასეთი საქმე ჰქნა არარატმა თითქმის ახლახან და ჩვენ კი არარატი მხოლოდ ნოეს მყუდრო ნავსაყუდელი გვეგონია. მომავალშიაც არ დაივიწყებს ალბათ ქვეყანას მისი აბობოქრებული გული. უფრო გულსაკლავი და დამაღონებელი ის არის, რომ ამნაირ მოვლენასთან ადამიანი ყოვლად უძლური და უმწეო არსებაა. ნოეს კი არა, მათესალასაც რომ მოუწოდო, ვერ გააჩერებს მის აბობოქრებულ გულს, ერთხელ თუ აიშალა.

გავიარეთ სადგური ეჯმიაწინი, საიდანაც თვით მონასტერი შაშვის თავის ოდენა ძლივს მოჩანს (12 ვერსია) და მივედით ულუხანლუში. არაქსიდან ულუხანლუმდე 42 ვერსია.

სადგური ულუხანლუ ისეთ როლს თამაშობს ჯულფის გზაზე, როგორსაც რიონი ფოთის გზაზე. აქაც ერევანს ის მოსვლია, რაც ქუთაისს მოუვიდა. რამდენიმე კერძო პირის ინტერესმა და გავლენამ რკინიგზის გაყვანის დროს ქუთაისი განზე დასტოვა, მიუხედავად იმისა, რომ გზა უფრო გამრუდდა. აქაც იმნაირი ისტორია განმეორებულა. და უფრო უარესიც, როგორც გადმომცეს.

ულუხანლუდან შტო მიდის ერევანმდე, მაგრამ ერევანი იმ ერევანობას ვეღარ გასწევს, რასაც მაშინ გასწევდა, როცა ტფილის-ჯულფის გზა პირდაპირ მასზე გაივლიდა. ულუხანლუში სხვა მატარებელში გადავსხედით და ერევნისაკენ გავსწიეთ. ულუხანლუდან ერევანმდე 13 ვერსია. ულუხანლუ გზატკეცილობის დროსაც ფოს-

ტის სადგური იყო. ზევეთაც მოვიხსენიეთ, რომ ის გზატკეცილა, რომელიც თბილისიდან ყარსამდე მიდის, დელეჯანთან ორად იყოფა. ერთი შტო კარაკლისით და გუმბრით ყარსში მიდის, ხოლო მეორე გელაქნურის გზისკენ. სოფ. ელენოვკასთან (ტბასთანაა) გზატკეცილს ახალ ბაიაზეთისკენ მიმავალი შტო გამოეყოფა, ხოლო მთავარი გზატკეცილი ერევნისაკენ გრძელდება.

ერევანი გაშენებულია იქ, საცა ჩვენ მიერ მოთხრობილი ველე ყურეს მსგავსად სოლივით შეჭრილია მთებში, მდ. ზანგას ნაპირზე, ასე რომ, ერევანი აღმოსავლეთით და ჩრდილოეთით საკმაოდ მაღალ მთებითაა შეზღუდული, დასავლეთითაც გორაკები აქვს აფარებული, ხოლო სამხრეთით ხელისგულვით გაშლილი ადგილია...

მივედით ერევანში. სადგური და რკინიგზის შენობები აქაც კარგია, განსაკუთრებით მოსამსახურეთათვის სადგომი თეთრი სახლები, ლამაზი და ფართო ეზოებით. ქალაქიდან სადგური კარგა მოშორებითაა, ორ ვერსამდე იქნება. მისვლა-მოსვლის გასაადვილებლად ტრამვაია გაყვანილი, თუმცა ტრამვაიც არის და ტრამვაიც. სადღაც უშოვნიათ დაძველებული გაფხეკილ-გადაზნექილი ვაგონები, დაუგიათ მიღრანჯულ-მოღრანჯული რელსები, შეუბამთ წათლახი ცხენები და ტრამვაი დაურქმევიათ. მისვლისთანავე ამგვარი ტრამვაით სარგებლობის ღირსიც ვერ გავხდით, რადგან დღესასწაულებისა გამო, დილით ტრამვაი არ მუშაობდა, ტრამვაით ჩვენ ვისარგებლეთ საღამოთი, უკან დაბრუნების დროს. ერთი შენიშვნაც ტრამვაიზე. ბევრ ქალაქში მინახავს ტრამვაი, მაგრამ მარტო აქ შევხვდი, რომ კონდუქტორი „ნაჩაის“ ფულს თხოულობდა და ძლიერაც გამოიკვირდა. ღეთის წინაშე, გადაკრულში კი იყო.

სადგურიდან ფეხით გავწიეთ. ქუჩა ფართოა, მაგრამ მოუკირ-წყლავი და ზედ ნახევარი არშინის სისქე მტვერი იყო. მტვრის მეტა რა მინახავს, მაგრამ ამსისქე და ასე უხვად არსად შევხვედრივარ. ფეხსაცმელი მტვერში ისე იფლობოდა, როგორც თოვლში. რაც აქ წვიმის დროს იქნება, ადვილი წარმოსადგენია. ჩემი თანამგზავრი აქ ერთხელ ყოფილიყო წინათაც. ავღარი შეხვედროდა, მაშინ ტრამვაი გაყვანილი არ იყო და მაშინდელ აქაურ გასეირნებას ხმის კანკალით იგონებდა. ქუჩის იქით-აქეთ ხან ნახევრად დანგრეულ თიხით შეთითხნილი სახლი გვხვდება, ხან თიხისავე მაღალი გალავანი. ეს თიხის გალავნები კი საინტერესოა. უტყუობას აქ აღამიანი თიხის რიგიანად მომზადებისათვის მიუჩვენვია. თიხას, ალბათ, ზელავენ და ისე აშენებენ კედელს. ზოგ გალავანს ორ საეწამდე სიმაღლე აქვს. მერე ისეთი მაგარია, რომ ყუმბარა ვერ გაატანს. გა-

კეთება მართლა ბევრ შრომას და დროს თხოულობს. სამაგიეროდ, თუ რივიანად გააკეთა კაცმა, მთელი სიცოცხლე ღობე მოსაგონებლად არ ექნება. ათასში ერთხელ ცოტა შეკეთება სახსენებელი არაა. დასწყევლა ღმერთმა, იმერეთში მარტო ცარიელი თიხის და ისიც: სანი-ოთხი არშინი სიმაღლე გალავანი კაცს შეუძლებელი ეგონება. მაჰაჩეჰმა მთელი თავისი სიცოცხლე ღობე-მესერს და ჯებირებს გადააღია და მაინც არ იქნა, ბოსტან-ყანას ღორი ვერ გადააჩვია; იმათ დინგს მაინც-ვერ გაუძლო ვერც წნელმა და ვერც მუხის როკმა. აქაური თიხის გალავანზე კი ჩიტი თუ გადაფრინდება, თორემ ღორი რას გააწყობს!

აი, შევედით ქალაქში. პირველი, რაც კაცს თვალში ეჩხირება, უსუფთაობაა. საითაც მიიხედავ, ნაგავი და ტალახია. ჯერ ასეთი უსუფთაო ქალაქი არ მინახავს. ერთი კი არის, აქაური ნიადაგი მეტიანეტი ნესტიანია, თლილი ქვაც სველია სინესტისაგან. სინესტე თავისთავად ძლიერ ხელს უწყობს და თითქმის აჩენს უსუფთაობას და ამისთანა ალაგას სისუფთავის დასაცველად კარგი თანხა და შეგნებაცაა საჭირო.

ქალაქის შუაგულ ოთხკუთხი ფართო მოედანია, მოედნის შუაგულ ვეებერთელა თლილი ქვის სვეტებზე აგებული ფარდული, სადაც დიდი ყაფნებია მოთავსებული. ალაგ-ალაგ ლამაზი თლილი მოწითალო ქვის ორ-სამ სართულიანი სახლიცა დგას, მაგრამ ამათ გვერდით და უმეტესობა ისეთი ქონმახებია, რომ გული აგერევა. ეზოების სისუფთავეზე ხომ ნურას იტყვი. შუა მოედნის გვერდით დიდებული ხუთთავიანი საკრებულო ტაძარია ამართული. ტაძარი შავი თლილი ქვისგანაა აგებული, ძლიერ მაღალია და რაღაც მტკიცე შთაბეჭდილებას ახდენს. კარგი თვალი ამ საყდარს უღუხანღუდანაც გაარჩევს. ეს საყდარი რუსებს თავიანთ სახელისთვის უფრო აუშენებიათ ალბათ, ვიდრე საჭიროებისთვის, რადგან აქ რუსობა მხოლოდ მოხელეობაა და ისე მცხოვრები ბინადარი მოქალაქე არა ვგონებ ბევრი იყოს. საყდრის გვერდით ბაღია, მოუწესრიგებელი. უხვირო გზებით და ღარიბი მცენარეულობით. თუმცა ზოგიერთი ხის ახვნობა ამტკიცებს, რომ ბუნება აქ ხეს გაზრდის და უფრო ნაყოფიერი შრომა საუცხოვო სასეირნო ბაღს გააშენებს. არის ერთი ქუჩა, ხილკოვის ქუჩას ეძახიან, რომელიც ელექტრონითაა განათებული. საერთოდ ერევანმა ჩემზე კარგი შთაბეჭდილება ვერ მოახდინა. ადგილმდებარეობაც სრულებით არ უყარგა.

ერევანი ერთი ძველი ქალაქთაგანია. მეშვიდე საუკუნეში, არაბების შემოსევის დროს, ერევანი ქალაქად იხსენიება. 1582 წელს

მდ. ზანგას ნაპირზე ოსმალებმა ციხე ააშენეს. 1604 წელს ციხეში სპარსელები ბატონობდნენ. მეთვრაპეტე საუკუნის დამლევს ქართლ-კახეთის მეფე და სრულიად საქართველოს მეთაური ერეკლე II დიდი მოგერიებიდან იერიშზე გადავიდა. რამდენჯერმე ბრწყინვალედ დაამარცხა სპარსელ-ოსმალები, არა ერთხელ მიესალმა მისი ელვარე ხმალი თეთრჩაფხუტა არარატსა და ერევანიც ერეკლეს მოზარკე გახდა. შემდეგ ისევე სპარსელები გაბატონდნენ ერევანში. 1828 წელს რუსმა გენერალმა პასკევიჩმა ერევნის ციხეზე იერიში მიიტანა და წაართვა სპარსელებს. ეს ციხე მიუვალად ითვლებოდა და იმის დაპყრობისათვის პასკევიჩის გვარს „ერევნელი“ მიუმატეს. ამ ციხის გალავანი ახლაც არის. ბევრი ვათვალიერე, მაგრამ ვერ გავიგე, რა უნდა ყოფილიყო იქ მიუვალი. დასავლეთით, მართალია, ციხეს ჩაუდის მდ. ზანგა, რომელსაც ღრმად ჩაუქლიბავს ფიქალი კლდეები და ძლიესძლივობით გზა გაუკვლევეია, მაგრამ ხეობა ისეთი ვიწროა, რომ წყლის გაღმოდან უბრალო ზამბურაკიც მტერად გადააქცევს რაღაც საცოდავად შეთითხნილს დაბალ გალავანს. უნდა ვიფიქროთ, რომ მაშინ გალავანი უფრო მაღალი და შნოიანი იქნებოდა და თოფ-ზარბაზნებითაც გამაგრებული, თუმცა მიუვალი ადგილის ნაკეთს მაინც არა ჰგავს აქაურობა. ნაციხარის ერთ კუთხეში ჩრდილოეთის მხრივ რაღაც მკვიდრი და მაღალი, შავი, თლილი ქვისაგან აგებული სამსართულიანი სახლი შევამჩნიე. ეს სახლი სწორედ რომ ბატონობს იმ არემარეს. დავინტერესდი, ახლო მივედი. კარებზე მსხვილ მოვარაყებულ ასოებით ეწერა: Шыгуч II К°. შუსტოვს, როგორც ეტყობა, მაგრა მოუვალათნია აქ, იმას უფრო მტკიცე საძირკველი ჩაუყრია, ვიდრე ძველი ციხის ააშენებელს. შუსტოვის ვეებერთელა შენობა ამაყად გადაჰყურებს ღრმა ხევში შხუილით მიჰავალ ზანგას ნაპირებს და თამამადაც შეუძლია დაიკვებოს: მე ვარ და ჩემი არაყი დამართობელი ხალხისაო. ამბობენ ერევანში ციებ-ცბელება ხშირიაო, მე კი მიკვირს, რაც იქ უსუფთაობაა, რატომ შავი ჭირიც არ გაჩნდება.

ერევანში ბევრ ხანს არ გავჩერებულვარ. ბევრი ხანია, რაც მწყუროდა ეჯმიანის ნახვა და რაკი ასე ახლო გავლის შემთხვევა მომეცა, გადავწყვიტე, ერთი საათით მაინც შემეარა და იმისთვისაც თვალი გადამეელო. მითბრეს, მისვლა-მოსვლა ერევან-ეჯმიანის შუა ადვილია, სულ ექვსი შაური ან ორი აბაზი ღირს დილიენითაო, მაგრამ ჩემდა საუბედუროდ, დღესასწაულის გამო დილიყანი არ მუშაობდა. მოვძებნე ერთი მეეტლე, მაგრამ იმან საქმე მეტისმეტად გააჭირა. ძალიან ბევრი გვთხოვა. მივმართეთ ფოსტის სადგურს და

საფოსტო ეტლი დავიჭირავეთ. ეჭმიაწინი ერევნის დასავლეთითაა 18 ვერსის მანძილზე. მათ შუა საკმაო კარგი გზატკეცილია, მაგრამ საფოსტო ეტლზე კი რა მოგახსენოთ. იქაურ ეტლს საჯდომად მხოლოდ დაბანდული ბაწარი აქვს. სად არის ან ბალიში, ან თივა მინც. თქვენს მტერს, რაც ჩვენ გამოვცადეთ 18 ვერსის მოგზაურობის დროს. ეჭმიაწინის გზა სწორედ შუსტოვის არყის ქარხნის გვერდით მიდის. ზანგაზე ქვის მკვიდრი ხილია გადებული. მდინარის გაღმა სწორი ზეგანია, რომელიც მთლად ბაღებითაა მოფენილი. ბაღებს თიხის გალავანი არტყია. იმ დროს ხეხილი ახლად ჰყვოდა და მთლად არემარე თეთრ-ნათლად იყო გადაპენტილი. ბაღები სარწყავია, წყალი ბევრგან მოჩუხჩუხებს. ზეგანი საკმაო დახრილ ფერდობს წარმოადგენს ჩრდილოეთიდან სამხრეთისაკენ. რამდენიმე ვერსი სულ გალავნებშუა მიდიხარ. მარჯვნივ და მარცხნივ სულ ბაღებია. ცხენის მაგივრობას აქ, ეტყობა, აქლემი ასრულებს. წამდაუწუმ გვხვდება წინ სხვადასხვა სანოვაგით დატვირთული აქლემი. აუშევირია მალლა თავისი უშნო თავი და მიბაჯბაჯებს უშნოდ.

გავიარეთ რამდენიმე ვერსი, ბაღებიც გათავდა, და დაღმართს მივადექით. ჩვენგან სამხრეთით გაიშალა უკვე ნაცნობი თვალუწვდენელი ველი. ბაღებიდან გამოსული წყალი შხუილით მირბოდა დაღმართზე, გზატკეცილის გვერდით, დაბლობზე, მარცხნივ უხვევდა და ხშირ ქალაში იკარგებოდა. წყალი საკმაო იყო, ორ თვალ წიქვით თამამად დააბრუნებდა. ამ დაბლობზე ჩრდილოეთით საკმაო ფართო, ხელისგულივით სწორი ველი ძევს, ირგვლივ ხრიოკი გორაკებით შემოზღუდული. ეს ველი ამომშრალი ტბის ძირი უნდა იყოს. საშინლად მწირი ადგილია, სულ პატარა კენჭებითაა მოფენილი და თუმცა აქა-იქ ბალახი ამოსულა, მაგრამ სიცოცხლის ნიშან-წყალი არსად ჩანს. ვერსად ვერ მოვკარი თვალი ვერც ცხვარს, ვერც რამე შენობას.

— კაცო, აქ რატომ არა თესია რამე, არც მოსახლეობაა? — დავეკითხეთ მეეტლეს.

— წყალი არ არის! — მოგვიგო დამტვრეული რუსულით დაღერემილმა და ბუნებით უხალისო მეეტლემ.

გავიარეთ კიდევ რამდენიმე ვერსი და მივადექით საკმაო დიდ სოფელს პარაკარს. აქ სურათი ისევ გამოიცვალა. ამ სოფელში ბაღებიც არის, წისქვილიც. ხშირად ორ-ორ სართულიანი თლილ ქვის სახლსაც შეხვდები. სოფელში უმრავლესობა სომხობაა, თუმცა თათრებიც არიან. ერთ ალაგას შევნიშნე პატარა, მაგრამ სუფთა შენობა — სოფლის სასამართლო. იმის მახლობლად შევამჩნიე თუმ-

ცა ძველი, მაგრამ საკმაოდ დიდი ქვის შენობა, — ეს იყო სამინისტრო სასწავლებელი. სოფელი ბალ-წალკოტებშია ჩაფლული. გზატკეცილი სოფლის შუა გულზე გადის. დღესასწაულის გამო ხალხი ქუჩაში იყო გამოთენილი. ზოგს გვარიანად სუფთად ეცვა, მაგრამ საერთოდ ეტყობა მაინცდამაინც ჩაცმა-დახურვას არ მისდევენ. სახეზე ყველას რაღაც მოწყენა ეტყობოდა. არც სიმზიარულე, არც ცეკვა-თამაში. ისხდნენ ისე, ჯგუფ-ჯგუფად, თითქოს ეს არის სასაფლაოდან დაბრუნებულან მიცვალებულის გასვენების შემდეგო. წარმოიდგინეთ, ბავშვებიც კი არა ცელქობდნენ. ამ სოფლიდან გზა ვაკეზე მიდის. მე სულ დაკვირვებით წინ ვიყურებოდი. სულ იმას ვაკვირდებოდი, მოჩანდა თუ არა ეკმიაწინი, მაგრამ ვერაფერს ვარჩევდი. ჩემ წარმოდგენაში ეკმიაწინი მალლობზე უნდა ყოფილიყო და ამიტომ უფრო ჩრდილოეთისკენ, საიდანაც მტრედისფერი გორაკები მოჩანდა, მექირა თვალი.

— ამდენი გავიარეთ და მაინც არა ჩანს, სად არის ეკმიაწინი? — ვუთხარი მეეტლეს.

— ვაპარშაპატ? — აუჩქარებლად წარმოთქვა მეეტლემ და ხელი წინ გაიშვირა.

დავაკვირდი. ჩემ თვალწინ, სივრცეში, ტრიალი მინდვრის ბოლოს რაღაც კოშკივით შევამჩნიე, ცოტა მოშორებით, დასავლეთის მხრივ ალვის ხეები და რაღაც შენობანი, მათ შორის მოწითალო გუმბათიც მოჩანდა. რამდენიმე ხნის შემდეგ ეკმიაწინს მივუახლოვდით.

ეკმიაწინი სამაზრო ქალაქად ითვლება. დიდი არ არის, სულ ერთი-ორი ქუჩაა. აქა-იქ ორსართულიანი საკმაოდ ლამაზი სახლებიცა დგას. არის მალაზიებიც, წიგნების სავაქროც, სამაზრო დაწესებულებანი. მაგრამ შესანიშნავი ეკმიაწინში საპატრიარქო მონასტერია, სადაც ცხოვრობს სრულიად სომეხთა კათალიკოსი. ჩვენ, რამდენადაც დრო ხელს გვიწყობდა, მხოლოდ ეს მონასტერი დავათვალიერეთ და ამიტომ საერთოდ ეკმიაწინზე ბევრს ვერას ვიტყვი.

ეკმიაწინი გაშენებულია ხელისგულივით სწორ ვაკეზე. როგორც წინათაც მოვიხსენიე, ეკმიაწინს დასავლეთით ჩაუდის მოზრდილი მდინარე არავანსუ. ნიადაგი ნაყოფიერია, ხე მალალი იზრდება, განსაკუთრებით ვერხვი და ალვის ხე, მაგრამ სინესტე საშინელია. სიტყვა ეკმიაწინი, ჩვენებურად რომ გადმოვთარგმნოთ, ნიშნავს ძე-ღვთის გამოცხადებას. იქ, სადაც ეკმიაწინის ტაძარია, გროგოლ განმანათლებელს ძილში მაცხოვარი გამოეცხადაო, ამიხ-

სნეს იქაური აკადემიის სტუდენტებმა, შემდეგ იქ ტაძარი ააშენეს და ეს ადგილი სომხებისათვის მთავარ სიწმინდედ გადაიქცაო. თვით ქალაქს და განსაკუთრებით ახლანდელ ოფიციალურ დაბა ეჭმიაწინის ახლო მდებარე ძველთაძველ სოფელს სომხები ვაჰარშაპათა ეძახიან.

ჩამოვხტით თუ არა ეტლიდან, მაშინვე მონასტრისაკენ გავეჩქარეთ. მონასტერს საკმაო დიდი ადგილი უჭირავს. ირგვლივ შემოზღუდულია ოთხი-ხუთი არშინის სიმაღლე კარგად შენახული ქვიტკირის გალავნით. შესავალი კარი აქვს დასავლეთის მხრივ. აქ, მარჯვნივ, გალავნის ერთსართულიანი მოწითალო, თლილი ქვისაგან აგებული, ლამაზი პატარა შენობა შევამჩნიე. სახლის წინ თუნუქის ფართო ფიცარზე დიდი მოვარაყებული ასოებით ეწერა რუსულად და სომხურად „ეჭმიაწინის სომეხ გრიგორიანთა სინოდი“. რა დიდი სახელი და რა ერთი ბეწო სახლია-მეთქი, გასაგონად წამოვიძახე. ეს შენობა სულ რამდენიმე ოთახისაგან შედგება. ფანჯრის მინის შემწეობით შორიდანვე გავარჩიე მაგიდაზე დადგმული „ზერცალო“, ეს აუცილებელი საგანი ყოველგვარ ოფიციალურ დაწესებულებებისა რუსეთის იმპერიაში. გავიარეთ ძველებური ბჭეკარი და შევედით ტაძრის ეზოში. ბჭეკართან გარეთ ელექტრონის შუშა შევნიშნე. მთლად მონასტერი და აკადემია ელექტრონითაა განათებული. საკუთარი საელექტრონო სადგური აქვთ.

ეჭმიაწინის ტაძარი, მთავარი სიწმინდე სომხებისა, მოწითალო თლილი ქვისაგანაა აგებული, თუმცა ძლიერ ძველი უნდა იყოს, მაგრამ კედლები გარედან საკმაოდ კარგად შენახულა. სიგრძესიგანით მცხეთის ტაძრის ტოლა არ არის, თუმცა ბევრად არ ჩამოუვარდება, სიმაღლე კი დიდი არა აქვს. თითქმის დაბალია. საზოგადოდ, სომხებს, როგორც ეტყობა, მაღალი ეკლესიების შენება არა ჰყვარებიანთ. ტაძარს ერთი დიდი გუმბათი, ჩვეულებრივ ქართულ-სომხურ ტიპისა, შუაში აქვს და ამგვარი ოთხი პატარა კუთხეებში. დასავლეთის მხრივ სამრეკლოსთვის პატარა გუმბათია ცალკე აყვანილი და ლამაზ გრეხილ ჩუქურთმებით მორთული. შედარებით პატარა ზარები ჰკიდია.

შევედით ტაძარში. აღდგომა დღის წირვა გამოდიოდა. * ეკლესიას შიგნით ოთხი საკურთხეველი აქვს, ერთი უმთავრესი, ჩვეულებრივ აღაგას, ორი აქეთ-იქით ჩრდილოეთ-სამხრეთით კედლებზე და ერთიც ტაძრის შუაგულ. აქ შუაგულ ოთხ სვეტზე გამაგრე-

* აღდგომა დღეს სომხები დღისით სწირავენ და არა ღამე, როგორც ჩვენები.

ბულია პატარა გუმბათი და შიგ ტრაპეზია გამართული. ეს არის მთავარი სიწმინდე სომხებისა. როგორც მითხრეს, ამ ალაგას სძინებია წმ. გრიგოლს და აქ გამოცხადებია მაცხოვარი. მაშ ნამდვილი ეკმიაწინი სწორედ ეს საყდრის შუაგულში აშენებული საკურთხეველია. აქ მხოლოდ დიდ დღესასწაულებში სწირავენ ხოლმე. დღესაც ერთი ქალარა ეპისკოპოსი იდგა ამ საკურთხეველზე შემოსილი და ხალხისკენ პირამბრუნებული რალაც ლოცვას კითხულობდა. ალბათ, ჩამოლოცვა იყო, რადგან ერთი-ორი წუთიც და წირვა გათავდა. ხალხი საყდარში არც მაინცდამაინც ისე ბევრი იყო. მიმოვიხედე. აბა ჩემი ნაცნობი იქ ვინ იქნებოდა. ვარაუდად მივმართე ერთ ევროპიულად ჩაცმულ ახალგაზრდა კაცს და ვთხოვე აქაურობის დასათვალისწინებლად ჩემთვის პატარა „პროტექცია“ გაეკეთებინა. საუტხოვო არჩევანი მომივიდა. ეს კაცი აღმოჩნდა აქაური ფოტოგრაფი, ძლიერ ახლო ნაცნობი ბერ-ეპისკოპოსებისა, მაშინვე წავიდა ეპისკოპოსთან, მოელაპარაკა და ორი-სამი წუთის შემდეგ ეკმიაწინის სალაროში ვიდექით მე და ჩემი თანამგზავრი და იქაურობას ვათვალისწინებდით. ფოტოგრაფიც ჩვენთან დარჩა და თარჯიმნობას გვიწვედა. ნიეთებს გვაჩვენებდა მთავარდიაკვანი, ოღნავ ქალარა, გრძელწვერა, სანდომიანი სახის კაცი. ის მწირველი ყოფილიყო. სტიხარას და ოლარის გახდაც ვერ მოესწრო. მთავარდიაკვანმა წინდაწინვე ბოდიში მოიხადა: უხერხულ დროს მოგიხდათ მოსვლა. დღეს ყველანი შინ ვეჩქარებით. ბევრი რამ დაკეტილია და თქვენ ცნობისმოყვარეობას აქაურობის ნახვით სავსებით ვერ დაიკმაყოფილებთ.

სალაროში საეკლესიო სამკაული და შესამოსელი ეწყო. თავდაპირველად ჩემი ყურადღება მიიქცია საიაზმეს მსგავსად გაკეთებულმა, უშველებელმა, ვერცხლითა და ოქროთი დაფერილმა ქვამა. ეს ქვაბი მირონის სახარშავია. ქვაბი იმდენად დიდი, რომ მოსული ვაქაც იგი შიგ რომ ჩაქდეს, მოთავსდება. ძლიერ ლამაზადაც არის გაკეთებული. წონით, თავსახურავიანად რამდენიმე ფუთი იქნება. ამბობენ, რომ ეს ქვაბი მირონის ხარშვის დროს თავისით დუღსო. ჩემთვის კი ამ ზღაპარზე სიტყვა არ ჩამოუგდიათ. მხოლოდ მითხრეს, რომ ეს ქვაბი ნახიქვენელმა ვაჭრებმა შემოსწირეს და სამოცდარი ათასი მანეთი დაუქდათ ამის გაკეთებო. ეს კი მართალი იქნება.

მიჩვენეს ერთი ხელი შესამოსელი, ოლარი, ფილონი და საეპისკოპოსო ომოფორი: სამივე ერთ ყაიდაზე და, ალბათ, ერთ ხელოსნის მიერ უნდა იყოს გაკეთებული. შესამოსელი სულ ერთიანად

ამოქარგულია აბრეშუმის ფერად ლაზლისაგან. სარჩულადაც წმინდა აბრეშუმი უდევს. ოლარზე ამოქარგულია ისააკის ძსხვერპლად შეწირვა, ფილონზე ხარება, სამება და ოთხი მახარობელი, ომოფორზე იაკობის მიერ იღუმალი კიბის ხილვა. გინდ შორიდან უყურე და გინდ ახლოს, სანამ ხელს არ მოჰკიდებ, ვერ დაიჭერებ, რომ ამოქარგულთან და არა მხატვრის მიერ წამლებით დახატულთან გაქვს საქმე, იმდენად სისწორით და ხელოვნურად არის გაკეთებული. სამივე შესამოსელი გუშინდელ გაკეთებულსა ჰგავს, სულ ახალთახალია. ნამდვილად კი ოლარზე მშვენიერი თანამედროვე დეკადენტური ხელით აწერია 1250 და მერე რალაცები სომხურად. რა თქმა უნდა, რიცხვი და სიტყვებიც ამოქარგულია. ჩემს გაცემაზე მოთხრეს: საქმეც ის არის, ამდენი ხნისაა და გუშინდელსა ჰგავსო. ამ შესამოსლების ისტორია მოკლედ ასე გადმომცეს. როგორც წარწერა აშობს, გაკეთებულია ჩინეთში მეცამეტე საუკუნეში მდიდარი სომხის ისააკ მურადიანის საფასით არქიმანდრიტის ვართანესა აშტარასკისთვისაო. ვართანესა ჩინეთში მისიონერობდა და იქ სავაჭროდ წასულ სომხებსაც მწყსიდაო. ისააკს ჯერ მისთვის ოლარი და ფილონი უძღვნია და როცა ვართანესა ეპისკოპოსად უკურთხებიან, ომოფორიც მიურთმევიანო.

ეჭვი არაა, რომ სომხები ძველ დროიდანვე, როგორც ვაქარი ხალხი, იცნობდნენ ინდოეთ-ჩინეთს. მეცამეტე საუკუნეც ჩინეთში ლიბერალური ხანა იყო. მაშინ იქ სონების გვარეულობის (960 — 1280 ქრ. შემდეგ) მეფეები ბატონობდნენ, რომელთაც ჩინური კარდანშულობა გაარღვიეს და უცხოელებს ნება მისცეს ჩინეთში მოგზაურობისა და მისვლა-მოსვლისა. ევროპამაც დაახლოებით ამ ხანებში გაიცნო ჩინეთი. შესანიშნავი მოგზაური და გეოგრაფი ვენეციელი მარკო პოლოც ამ დროს იყო იქ და დაწვრილებით აღწერა იქაურობა. მე მაინც გულახდილად უნდა ვთქვა: ვეპეობ, რომ ის შესამოსელი შვიდასის წლის წინათ გაკეთებული იყოს; არაბული ასოები ხმარებაში კი იყო მაშინ, მაგრამ არა მგონია, რომ ქორონიკონი და წელთა აღრიცხვა იმ დროს არაბული რიცხვებით ეწერათ. უკანასკნელი სიტყვა ამ საქმეში სპეციალისტებისათვის მიმინდვია.

— ახალი იმიტომ არის, რომ ჩქარ-ჩქარა ვამზეურებთ, რიგიანად ვინახავთ, წელიწადში ერთხელ ვაცმევთ ეპისკოპოსსო. აი დღეს, აღდგომის გულისთვის ამოვიღეთ, თორემ სხვა დროს შენახული გვაქვსო.

მაჩვენეს სახარება, 1253 წელს გადაწერილი, ძვირფას ვერცხ-

ლის ყდაში ჩასმული; ჯვარი, ენქერი, მოქსოვილი 1776 წელს. ენქერზე ამალეებაა ამოქარგული, მიტრა ძვირფასი ქვებითაა მორთული.

ვნახე ძველი დროშა; რომელზედაც გამოხატულია მეფე თრდატი, გრიგოლ განმანათლებელი და წმ. მოწამე რიფსიმე. დროშა 8-9 საუკუნეს ეკუთვნის (ეს უეჭველად ასეც უნდა იყოს, ამას მისი გარეგნობა ამტკიცებს). ამ დროშას დიდი როლი უთამაშია ძველად. ვის ხელშიაც ეს დროშა იყო, სომხეთის ბატონიც ის იყო, მითხრეს. ამიტომ ამ დროშის გულისთვის სომხის მეფე-მთავრები ერთმანეთს თავ-პირს ამტკრევდნენო.

მაჩვენეს პატრიარქ-ქათალიკოსის და ეპისკოპოსების ხელში დასაპერი კვერთხები, ზოგი ვერცხლისა, ზოგი სპილოს ძვლისა, ზოგიც ხისა, ჩუქურთმა-სახეებით მორთული.

მაგრამ განსაკუთრებით ჩემი ყურადღება მიიქცია ერთმა ხელთნაწერმა სახარებამ. სახარება შედარებით სულ ახლახან გადაწერილია, სახელდობრ 1872 წელს. სიდიდით ყოველკვირეული გაზეთის „ფასკუნჯის“ ფორმატისა იქნება, დაწერილია მსხვილად, საუკეთესო სქელ მოყვითალო ქაღალდზე. როგორც გადმომცეს, გადუწერია ვიდაც ქალს, მარგარიტა ალექსიანცის ასულს შუშაში. ხუთი წელიწადი წერდა თურმე... უნდა ვაღიარო, რომ ხელთნაწერი ბევრი მინახვს, მაგრამ ასეთ ლამაზ და გარკვეულ დაწერილს არ შევხვედრივარ. დაწერილი კი არა, ასეთი სუფთა და ლამაზი დაბეჭდილიც არ მინახვს. ვუყურებდი, ვათვალთვალებდი და არა მჯეროდა, რომ ხელთნაწერი იყო. მხოლოდ დიდი დაკვირვების შემდეგ ვამჩნევდი სავარცხლით ოდნავ გატარებულ ხაზებს სტრიქონებისათვის. თავში იმავე ხელით აქვს შესავალივით წარწერა სომხურად, რუსულად და ფრანგულად, სადაც მოხსენებულია,—სად, ვისგან და როდის გადიწერა ეს სახარება. უნდა შევნიშნო, რომ რუსულ-ფრანგულ წერაშიაც გადამწერს ისეთივე ოსტატობა გამოუჩენია, როგორც სომხურში. კარგადაც ინახავენ, ღვთის წინაშე, ამ არაჩვეულებრივ კალიგრაფიულ ნაშთს. წიგნი ძვირფას ვერცხლის მოოქრულ ყდაშია ჩასმული და ინახება შიგნით ამოხავერდებულ კაკლის ყუთში.

თვალი მოვაველე ტაძარს შიგნით. კედლის მხატვრობა ცოტაა დარჩენილა. ეკმიაწინის ტაძრის კედლები, როგორც მცხეთისა, ნახევარზე მეტი გათეთრებულია. გუმბათში და აქა-იქ კიდევ დარჩენილა ძველი მხატვრობა, მაგრამ, არ ვიცი კი რა მიზეზით, და წმიდანების გამოხატულება ბევრი თავის დღეში არა ყოფილა იქა.

გუმბათში, მაგალითად, მხოლოდ არშია გრეხილება, ხოლო ქრისტეს, ან მამა ღმერთის გამოხატულება არ არის. ასეა მომეტებულ ნაწილ კედლებზედაც.

ტაძრის გარეთ, კარიბჭის ახლომახლო, რამდენიმე საფლავია ბოლო დროინდელ ქათალიკოსებისა. აქვეა დამარხული ქათალიკოსი გეურქ (1803 — 1882 წწ.), რომელმაც დააარსა ეკმიაწინის აკადემია. აქვე გვაჩვენებს მკრტიჩ პირველის საფლავი. ჭერ არაერთარი ძველი არ აძევს.

მთავარღიაკვანს და ფოტოგრაფს გამოვემშვიდობეთ. ბოდიში მოვიხადეთ, რომ დღესასწაულ დღეს გავაჩერეთ, ალბათ, მათ შინ ელოდებოდნენ. მე და ჩემი თანამგზავრი აკადემიისაკენ გავეშურეთ.

აქვე უნდა შევნიშნო, რომ კარიბჭიდან დასავლეთით გალავნის კედელთან ერთი ძველი უშნო შენობაა. ეს ქათალიკოსის სასახლეაო, გვითხრეს, ხოლო ტაძრის აღმოსავლეთით, ცოტა მოშორებით, დგას ორსართულიანი მშვენიერი მოწითალო თლილი ქვისაგან აგებული შენობა. ეს ბერების სენაკებია თურმე. თითო ბერს აქვს ორი ოთახი და სამზარეულო. თითო ბინას საკუთარი რკინის მოაჯირი აქვს. ეს სახლი გარეგნობით სასახლეს უფრო მოგაგონებს, ვიდრე დაბალ მოღვაწე ბერების სენაკს.

როგორც წინათაც მოვიხსენეთ, ეკმიაწინის მონასტერს ირგვლივ საერთო გალავანი აქვს. შიგნით კი იყოფა ქვიტკირის გალავნით რამდენსამე ეზოდ. სხვათა შორის, ტაძრის აღმოსავლეთით, ბერების სადგომის იქით, არის გალავანი და ფართო ალაყაფის კარები, რომელსაც აკადემიის ეზო აკრავს. აკადემიის ეზო საკმაოდ დიდია. რამდენიმე დღიური იქნება. გზის ახლო გაშენებულია მთავარი შენობა, მთავარ შენობის ახლომახლო მოთავსებულია სხვა შენობანი. მთავარ შენობის უკან კი ბაღია გაშენებული.

ჩვენ ტაძრიდან ბაღში მოვხვდით. ბაღს საკმაო ადგილი უჭირავს, თუმცა მოუწესრიგებელია. არის ხეხილიც, ყვავილებიც, მაგრამ თავმინებებულს უფრო ჰგავს, ვიდრე მოზარდ თაობის გასართობად და დასასვენებლად გაკეთებულ წალკოტს.

მიუხედავად დღესასწაულისა, რამდენიმე ყმაწვილი სკამზე იჯდა ხეებ ქვეშ, წიგნები გაეშალათ და გულმოდგინედ კითხულობდნენ. ჩვენც პირველ შეხვედრილ ორ ჰაბუქს მივეუახლოვდით და მივესალმეთ. ისინი საჩქაროდ ფეხზე წამოხტნენ და სიამოვნებით გამოგველაპარაკნენ. რუსულად გვარიანად კარგა ლაპარაკობდნენ, თუმც წამდაუწუმ ბოდიშს იხდიდნენ, პრაქტიკა არა გვაქვს და

კარგად ვერ ვახერხებთ რუსულ ლაპარაკსაო. ჩემდა სასირცხვილოდ, მეც არ შემეძლო სომხურად დალაპარაკება. რამდენჯერ მოვიწადინე შემესწავლა ცოტა მაინც სომხური, მაგრამ ცხოვრების უღმობელმა პირობებმა და დღედაღამ ლუქმა პურისთვის სირბილმა ყოველთვის ხელი შემიშალა. ბევრი რამ სხვადასხვა წარწერა ენახე, მწყუროდა წაჰეკითხა მაინც, მაგრამ, საუბედუროდ, ამ შემთხვევაშიაც ბრმა ვიყავი.

ჩვენ მიერ ახალგაცნობილები ორივენი ოსმალეთიდან იყვნენ. შეიტყვეს თუ არა ჩვენი სურვილი, რომ აკადემიის დათვალიერება გვსურდა, ორივემ საჩქაროდ წიგნები დაკეცა და წინ გაგვიძღვნენ.

ჯერ შეგვიყვანეს მთავარ შენობაში. მთავარი შენობა გრძელი, ორსართულიანი სახლია. წინა და უკანა პირი თითქმის ერთნაირი აქვს. შუაგულ გუმბათია ამოყვანილი, სადაც სააქტო დარბაზია მოთავსებული. მთელი შენობის გასწვრივ შუაზე დერეფანი მიდის, როგორც ქვემო, ისე ზემო სართულში და იქით-აქეთ ოთახებია გამართული. სწორედ რომ ვთქვათ, ეჯმიაწინის აკადემია მართო აკადემია როდია. აქ შეერთებულია ერთად სემინარია და აკადემია, სულ ცხრა კლასია. ექვსი სემინარიული და სამი სპეციალური, აკადემიური. ჩვენი ჩიჩერონეები ერთი მეხუთეკლასელი იყო, ხოლო მეორე მეექვსეელი. ქვედა სართულის ერთ ნახევარში საკლასო ოთახებია მოთავსებული. აქ არის პირველი ოთხი კლასი. ოთახები საშუალოა, თითქმის პატარა ზომისაა. საკმაოდ ნათელი. ორ სამოსწავლო მაგიდაზე თითო ასაწევ-დასაწევი ელექტრონის ბურთი მოდის. თვით მაგიდები კი ძველი და დაფხაჰნილია. სურათები თუ რამე სასწავლო სახელმძღვანელოები, ნაკლებად შევამჩნიე. აქა-იქ ჰკიდია გეოგრაფიული რუკა, ზოგი ფრანგული და ზოგიც რუსული, უშნო ძველი გამოცემა. სომხური რუკა ხელით დახატული მაინც ვერა ენახე. შეკითხვაზე, არა გვაქვსო, მიპასუხეს.

ქვედა სართულშივეა მოთავსებული საწოლი ოთახები. საწოლები რკინისაა, მაგრამ ადამის დროისა. გამახსენდა ჩვენი სემინარია და იქაური საწოლები. ლოგინი საკმაოდ სუფთაა.

როგორც მოვიხსენეთ, ეჯმიაწინი ჰაერთოდ ნესტიანი ადგილია და ვერ გაშიგია საწოლი ოთახები ამ ძირს. რად მოუთავსებიათ, სადაც სინესტის სუნი საგრძნობელია. წინათ სინესტეს სიცივეც ზედ ერთოდა თურქე უხეირო ბუხრების გამო. ამ ბოლო წლებში მშვენიერი „კაფელები“ დაუდგამთ და სინესტის ძალა ამით მაინც რამდენადმე დაუტარავთ.

საძილო ოთახების გვერდით პირსაბანიო მოთავსებული. ეს კი,

ცოდნა გამომქლავნებული სჯობს, ძლიერ უყურადღებოდ არის მიტოვებული. მილიდან წყლის ნაჟურს კედელი ისე დაუსეველებია, რომ სოკო მოჰკიდებია. ცემენტის იატაკი ჩანგრეულა. სიფრთხილესა საჭირო, რომ კაცმა ფეხი არ მოიტეხოს. როგორი სინესტის სუნი უნდა აყოს იქ, მკითხველმა თვითონ გასაჯოს...

ზემო სართულში მოთავსებულია სემინარიის უფროსი და საეკლესიო კლასები. სააკადემიო კლასები პატარა-პატარა ოთახებშია მოქცეული. იქ სულ რამდენიმე სასწავლო მაგიდა დგას ძველი და დაფხაპნილი, აქვეა ბიბლიოთეკა. წიგნები უფრო სომხურია. მითხრეს — რუსული, გერმანული და ფრანგულიცა გვაქვსო. ბიბლიოთეკას საკმაო დიდი ოთახი უჭირავს და კაი ძალი წიგნებიცაა. იქ, მაგრამ ვფიქრობ, რომ აკადემიისთვის ცოტაა. თბილისის სემინარიის ფუნდამენტალურ ბიბლიოთეკაში ორჯერ მეტი წიგნია. დიდ-დიდი ტომები და ფოლიანტები ვერსად შევამჩნიე, მაგრამ რაც არის, სუფთად და ლაპაზად აქვთ შენახული და, რაც უმთავრესია, წიგნებით სარგებლობა გაადვილებულია. იქვე მოუწყვიათ მაგილები, საწერ-კალამი, ქაღალდი, ელექტრონი. როცა გინდა შედი, რომელი გინდა წიგნი აიღე, იკითხე, ამოსწერე, იმეცადინე. მიუხედავად აღდგომა დღისა, რამდენიმე სტუდენტი წიგნებით გარშემოხერგული ცხარედ მუშაობდა. ძალაუნებურად გამახსენდა ჩვენი სემინარიის ბიბლიოთეკა. ახლა არ ვიცი რა ამბებია და ამ თხუთმეტითოდე წლის წინათ ველური წესრიგი იყო. წიგნები, როგორც ვთქვით, ბლომად იყო, მაგრამ რად გინდა!.. მეღისა და ყურძნისა არ იყოს, თვალი ხედავდა, მაგრამ კბილებში კი არა ვარდებოდა რა. ბიბლიოთეკა ებარა ერთ დამთხვეულ მასწავლებელს, რომელიც ბიბლიოთეკას აღებდა მესამე და მეოთხე გაკვეთილებს შუა, ხუთი წუთით. ამ ხუთ წუთში ვინ რას მოასწრებდა, მაგრამ ამ მოკლე დროშიაც ბიბლიოთეკის გამგე მთვრალი, დედ-მამას იგინებოდა და რამე საინტერესო წიგნს არც კი მოგცემდა. მახსოვს, მეხუთე კლასში ვიყავი, უკვე დაწვერულვაშებული, ტოლსტოის „ვოინა ი მირი“-ს წაკითხვა განვიზრახე. ჯერ ორი თვე ვუღარაჯე, სანამ ბიბლიოთეკას ღიას ვნახავდი. როგორც იყო, მოვესწარ ბიბლიოთეკის გაღებას. მივედი. არათუ წიგნი არ მომცა, საშინლად გამიჩაგრდა. განვიზრახე უფროსისთვის მიემართნა. იმასაც ერთი თვე ვდიე, სანამ მოსალაპარაკებლად ვნახავდი, მერე ისევ ბიბლიოთეკის გამგეს; ამასობაში გამოცდამ მოაღწია და „ვოინა ი მირიზე“ ვინ მოგაცლევინებდა? ამ მხრივ ქების მეტი არა ეთქმის რა ეჭმიანინს აკადემიის ხელმძღვანელთ.

ვნახე სააქტო დარბაზიც. როგორც უკვე მოვიხსენე, სააქტო დარბაზი შენობის შუაგულ ამართულ გუმბათშია მოთავსებული. დარბაზი წრესავით მრგვალია. დიდი არ არის. შესავალ კარების პარდაპირ მეორე კედელთან საეარძელია ქათალიკოსისათვის, შუა კათედრა რეფერატის ან სხვა რისამე საკითხავად. ოთხ წყებად კედლიდან შუაგულისკენ სამოსწავლო მაგიდის მსგავსი სკამებია დადგმული, ისე კი, რომ სიგრძე სკამებისა თანდათან პატარავდება, ასე რომ, წინა სკამზე მხოლოდ ორი კაცი . დაეტევა, როცა სულ უკანაზე ექვსიც მოთავსდება. შუაში კი კათედრის ირგვლივ თავისუფალი ადგილია.

დარბაზის კედლებს რამდენიმე კარგი სურათი ამშვენებს, სხვათა შორის აკადემიის დამაარსებლის გეურქ ქათალიკოსისა და ამას წინათ გარდაცვლილის მკრტიზ პირველისა. საზოგადოდ, კედლები სულ აჭრელებულია მოსწავლეთა ნახატებით. რა გინდა აქ არ იყოს: უბრალო თაბაშირიდან დაწყებული პეიზაჟებამდე. არის ნახატები ფანქრით, წამლით, მელნით.

1905 წლიდან ბევრი რამ შეიცვალა ჩვენს ცხოვრებაშიო, მითხრეს სტუდენტებმა. წინათ ყველას ანაფორა ეცვა, ახლა საზოგადოდ სტუდენტური ფორმა აცვიათ. წინათ რექტორად არქიმანდრიტი ჰყოლიათ, რომელიც მუდამ დღე ეკლესიაში ერეკებოდა მოწაფეებს თურმე, ახლა ერისკაცია და თავის საქმის კარგადაც მცოდნე, როგორც გადმომცეს. ზემო სართულშივე სააქტო დარბაზის ახლო მათთვის პატარა თეატრიც მოუწავიათ. ჯეილებმაც დიდი ალტაცებით მითხრეს, თეატრი გვაქვსო, და სირბილ-სირბილით გამიძღვნენ, რომ ეჩვენებინათ. საუბედუროდ, დღესასწაულის გამო, დარაჯი, რომელსაც გასაღები ებარა, სხვაგან წასულიყო. აქეთ ეცნენ, იქით ეცნენ, მაგრამ ამოდ, დარაჯი ვერ იპოვეს. ეტყობა, ეს მათი საყვარელი გასართობი ადგილია, და ძლიერ დაღონდნენ, რომ ვერ მაჩვენეს. მე კი, მათ შემყურეს, მიხაროდა მათი ასეთი ალტაცება.

ვნახე მათი სასადილო ოთახიც, რომელიც ცალკე ერთსართულიან სახლშია მოთავსებული. ავეჯეულობა სუფთა და წუნდაუდებელია, მხოლოდ წყლის დასალეუვად მინის გრაფინების მაგივრად, თუნუქის ვმალგადასხმული თუნგები ედგათ. ნუთუ აკადემიელები ისეთი ცელქები არიან, რომ მინის გრაფინებს ჩქარ-ჩქარა ამტვრევენ?

ვნახე საავადმყოფო. ცალკე სახლშია ისიც მოთავსებული. საუბედუროდ, საავადმყოფო ვერც სისუფთავეს და ვერც მოწყობილობას ვერ დაიკვებებს. მთავარი შენობის გარდა სხვა შენობებზე

აკადემიასთან ხელდახელ გაკეთებული ან ძველი და უხერხულია.

აკადემიის მთავარი შენობის წინ ძეგლია ამართული პოეტის ქაშას ქათიბისა, რომელიც დაიბადა 1838 წ., ხოლო გარდაიცვალა: 1892 წ. დღესასწაულის გამო სტამბა დაკეტილი იყო და ვერ დავათვალიერე. გარეგნობით კი სტამბა კარგ, თლილი ქვის შენობაშია მოთავსებული. უკანასკნელ ქათალიკოსის მათეოს მეორის არჩევანი ამ შენობაში მომხდარა. ვერ დავათვალიერე აგრეთვე იმავე მიზეზით მუხეუმი, რაც მეტად შეინტერესებოდა.

გამოვბრუნდით ისევ მთავარ ტაძრის ეზოში, აქედან სამხრეთით შევეუხვიეთ. ჩვენ თვალწინ ჰორიზონტზე არარატი იყო ამართული. თითქო ორი ვერსია იქამდისაო. ისე ნათლად ჩანდა, თავი კი ჩვეულებრივ დაბურული ჰქონდა.

— გუშინ უნდა გენახათ აქედან ურენტი, — მითხრა ერთმა სტუდენტმა. — სწორედ დიდებული სანახავი იყო. ერთი ბეწო ღრუბელი თავზე არ დასცურავდა.

— დღეს რა ღმერთი გაუწყრა, ჩემი ხომ არა რცხვენია-მეთქი, — შევნიშნე.

სტუდენტებს გაეცინათ.

— არა, ხუმრობის გარეშე, აქაურმა ქალებმა არარატისაგან ხომ არ გადიდეს პირის სახის დაბურვა? — ვთქვი მე.

— შეიძლება ასეც იყოს.

მართლაც და იშვიათად გამოაჩენს თავს ეს ჩვენი ბუმბერაზი: მთავარ ტაძრიდან გავიარეთ სამხრეთისკენ ერთი-ორი ეზო. აქ მარცხნივ საკმაო სუფთა შენობაა.

— ეს არის სასტუმრო. თუ ღამე დარჩებით, მიმართეთ და საჭირო განკარგულებას მოახდენენო.

ჩვენ მხოლოდ შადლობა ვუთხარი, რადგან ერთი საათი დრო იყო კიდევ ჩვენს განკარგულებაში. სასტუმროს სამხრეთით ხელოვნური ტბაა ამოთხრილი. სიგრძე ორასი საყენი ექნება, სიგანე — 80. ტბაში წყალი პატარა ხელოვნურად გადმოყვანილ ნაკადულიადაც შედის. გვითხრეს, რომ ტბას სიღრმე ათი საყენი აქვსო, რაც მე არა მჯერა. ათი საყენი წყალი ინგლისურ საუკეთესო ჯავშნოსანს. მოიტივტივებს და ორას საყენიან ტბისთვის ასეთი სიღრმე უაზროა. სტუდენტებმა გვიამბეს, — ეს აუზი შიმშილობის დროს ამოთხარეს, რომ დამშეულ ხალხისთვის სამუშაო მიეცათო. აუზო ოთხკუთხია, ნაპირები თლილი ქვითა აქვს ამოკეთებული. მართლაც და მშვენიერი სანახავია. წყალი წმინდაა. თევზები კი ცოტა

ჰყავთ შიგ. ხელოვნურად კი ბლომად შეიძლებოდა შიგ თევზების გამრავლება. ნავიც არა აქვთ. უბედურებაც ხდება თურმე ხანდინხან. ახლახან ერთი გომნაზიელი ერევნიდან ველოსიპედით წამოსულა სასეირნოდ. აუზთან თავი ვერ შეუმაგრებია და შიგ ჩავარდნილა. საბედნიეროდ, დროზე მიშველებიან და გადაურჩენიათ. რამდენიმე მაგალითი ყოფილა კაცის დახრჩობისა. ნავი, ან ირგვლეჯნოაჯირო, ძლიერ საჭიროა ამ აუზისათვის.

აუზიდან მოგბრუნდით. სტუდენტებს მადლობა გადაუხადეთ და საეტლო სადგურისაკენ გავეშურეთ, რომ ეტლი დაგვექირა და ერევანში დროით ჩავსულიყავით.

ორივე ჩვენი ჩიჩერონე სტუდენტი მეტისმეტ ზრდილობიანად და მოყვარულად გვეპყრობოდნენ, რაც მათ ბუნებით გულკეთილობას და კეთილ აღზრდას უნდა მიეწეროს. მათი ჩვენდაპირ გულწრფელი დამოკიდებულება სრულიად ძალდაუტანებელი იყო, რადგან ჩვენი თითქმის მწირი ჩაცმულობა მათ არავითარ საბუთს არ აძლევდა რამე პირმოთნეულ აზრით ესიამოვნებინათ ჩვენთვის.

ჩავსხედით ისევ იმგვარსავე საფოსტო ეტლში და გამოვეშურეთ ერევნისაკენ. კაცი. ეტყობა, ყველაფერს შეეჩვევა. აქეთობისაც დაბანდულ თოკზე ვისხედით, მაგრამ იმდენი არ გვიგრძენია, რამდენიც იქითობას. ეჭმაწინიდან ერთი ვერსის მოშორებით ცალკე დგას გაიანეს მონასტერი. საყდარი მოწითალო თლილი ქვისაგან არის აგებული და გარეგნობით თბილისის სამხედრო საკრებულო ტაძარს წააგავს ცოტად, დრო არა გვექონდა, რომ შიგნით დაგვეთვალიერებინა.

გვანჯლრევედა გზა-გზა ჩვეულებრივ ჩვენი ეტლი და მიგვაქანებდა ერევნისაკენ. ეჭმაწინი კი თანდათან თვალიდან გვეკარგებოდა. ჯერ კიდევ ნანახის შთაბეჭდილების ქვეშ ვიყავი. რა არის ეჭმაწინი, რა მნიშვნელობა აქვს? ვეკითხებოდი ჩემ თავს. ამასთანავე მაგონდებოდა აქა-იქ გაგონილი ამბები. ეჭმაწინში უთვალავი სიმდიდრეა მოგროვილიო. შეიძლება იყოს, მაგრამ ჩემ მიერ ნანახს მატერიალური სიმდიდრისა არა ეტყობოდა რა. რაც შეეხება აქადემიას, იქ თითქმის სიღარიბეც გამოსჭვავის. შეიძლება შიგ მადლი ტრიალებდეს დიდი, მაგრამ ეს მადლი არა ვგონებ, რომ გულწრფელად ახლანდელ დროში ვისმე სწამდეს. ამაზე სიტყვის გაგრძელება მეტად მიმაჩნია. ეჭმაწინი სხვაფრივ არის შესანიშნავი. იმან თავისი როლი აგერ ორი ათასი წლის განმავლობაში ჩინებულად შეასრულა და ჯერ კიდევ დიდხანს ითამაშებს. ეჭმაწინი ეს ღერძია, რომელიც აერთებს ყველა სომეხს, სადაც უნდა იყოს

იგი, ინდოეთში თუ ამერიკაში, მცირე აზიაში თუ რუსეთში. ის აერთებს ყველას — მდიდარსა და ღარიბს, სწავლულს და უსწავლულს. რა მიმართულების და რწმენისაც უნდა იყოს სომეხი, ყოველად შეუძლებელია, რომ სიტყვა ეკმიაწინმა გული არ აუტოკოს. სომეხმა ადვილად შეიძლება ენაც დაჰკარგოს, მაგრამ ის მაინც ეკმიაწინსაა. ერთი ფესვი მაინც იმ გულთან აქვს და რაკი ერთი ფესვი ცოცხალია, მცენარეც არ არის მკვდარი. გაჩნდება ნიადაგი, ფესვი ფესვს მოისხამს და სხეულიც გაღონიერდება. რასაკვირველია, ეკმიაწინის მნიშვნელობა არ შეუქმნია იმ თლილ ქვას, როპლითაც აშენებულია ტაძარი და არც იმის კედლებზე გამოყვანილ ჩუქურთმებს. ეს მნიშვნელობა შექმნა შორსმკვრეტელობამ და წინდახედულობამ, რომელიც გამოიჩინეს სომხებმა ჭერ კიდეც ამ ორი ათასი წლის წინათ და რაც, საუბედუროდ, ვერ გამოიჩინეს მათ მეზობლად მცხოვრებმა ჩვენმა წინაპრებმა. თუმცა ამასაც თავისი პატივსადები მიზეზები აქვს. ეს მიზეზები თვით სომხისა და ქართველის ხასიათშია. სომეხი ანგარიშით აკეთებს საქმეს, ქართველი გრძნობით. სომეხი არ აჩქარდება, ჩაუკვირდება საქმეს, გამოიანგარიშებს და თუ სახეიროდ ცნო, მაგრა ჩაებლაუქება; ქართველი კი ჩქარა იფეთქებს და, საუბედუროდ, ჩქარადვე დასცხრება. სომეხს ოცჯერაც რომ დაუფიცო, არ დაგიჯერებს, თუ თვითონ არ დარწმუნდა საქმის ხეირში, ქართველს ერთი რომ მოეფერო, საეკუნო სიყვარულს შემოგფიცავს. ამ თავისებურმა გონებაჰარბმა ხასიათმა შექმნა ეკმიაწინი და შეუბღალავად მოიყვანა დღემდე. მიუხედავად იმისა, რომ შვიდასი წელიწადია, რაც სომხებმა პოლიტიკური დამოუკიდებლობა დაჰკარგეს და თითქოს მთელ დედამიწაზე გაიფანტნენ.

სომხებმა ქრისტიანობა პირველ საუკუნეებშივე მიიღეს, მაგრამ მაშინვე ეს ახალი სჯული თავისებურად ჩამოაყალიბეს. მათ ძლიერ ჩქარა გაზომეს და ასწონ-დასწონეს ბიზანტიელები. ბრიყვეულად არ ენდნენ მათ. ექვი შეეპარათ ბერძნების წმინდანობაში და თავიანთ საბედნიეროდ ჩქარაც აეშალნენ მათ. სომხებმა მეოთხე მსოფლიო კრებასვე შეაქციეს ზურგი. სხვაფრივ შეუძლებელიც იყო: მსოფლიო კრებებზე ესა თუ ის საკითხი ხმის უმეტესობით წყდებოდა. უმეტესი ხმა კი იმათ ჰქონდა, ვისაც ბიზანტიის სასახლის კამარილია ჰქონდაობდა. განაჩენზე დიდი რიხით აწერდნენ: სულიწმინდას ასე მოესურვა საქმის გადაწყვეტაო. სომხები აღრევე მიუხედავდნენ და, როგორც ვხედავთ, არც უზარალნიათ. ჩვენ ხალხს კი ბერძნები დღესაც რალაც წმინდად მიაჩნია. თუმცა ჩვენი წინაპ-

რები ბევრჯერ მოტყუებულან მათგან და ბევრს ჩვენ სასულიერო მოღვაწეს, ჯერ კიდევ ძველ დროშივე, გასტრუებია მათში იმედი. განა მარტო ბერძნებში მოტყუედით? განა სომხებს არა სწამო ქრისტი? მათ არა აქვთ სახარება? მათ არა აქვთ ჯვარი? არსებითად რა განსხვავებაა მათ და ეგრეთ წოდებულ მართლმადიდებელთ შორის? არავითარი. ქკუიან გლუხს რომ აუხსნა რა განსხვავებაა სომხის და ჩვენ რჯულს შორის, სიცილი მოერევა. მიუხედავად ამისა, ამ განსხვავებამ დაიცვა ისინი დღემდე, ამ განსხვავებამ ცოცხლად მოიყვანა ერი დღემდე, თუმცა დაჰკარგა ტერიტორია, პოლიტიკური დამოუკიდებლობა და ზოგან თითქმის ენა და ზნე-ჩვეულებაც. და ესა ჰქნა ეჭმიანშია.

— შენ რაღაც ოცნებაში ხარ! — წამკრა მუკლუგუნი ჩემმა თანამგზავრმა.

— ჰო! — გამოვერკვე და უკან მივიხედე. ეჭმიანის ჰორიზონტზე ოდნავ მოჩანდა.

დავბრუნდით ისევ ერევანში. ტფილისიდან დაგვებარეს: კი ქიშიში და ლაბლაბო ხომ ერევანშია და თქვენ იცით, თუ მოიტანათ. ჩვენც გადავწყვიტეთ სახსოვრად წაგველო აქაური ნაქები ქიშიში და ლაბლაბო. მოედანზე აქა-იქ შევამჩნიეთ ხმელი ხილის საეპკროები. მივედით, დავათვალიერეთ. თუმცა ხმელი ხილის სიამეკარგის ბევრი არა გამეგება რა, მაგრამ რაღაც თვალში არ მომეწონა. ჩემი თანამგზავრი ჩემზე უფრო უვიცი აღმოჩნდა ამ საქმეში. ვნახეთ სხვაგან, იქაც უარესი. ალბათ, ასე მეჩვენება, თორემ კარგისა უნდა იყოს-მეთქი, ვაჭერებდი ჩემ თანამგზავრს. არ მოგეწონდა, ჰაშნიკად მაინც წამოვიღეთ რამდენიმე გირვანქა. მაგრამ შინ რომ მოვიტანეთ, სიცილი დაგვავარეს. ჩვენ გვერდით მეწვრილმანე ცამეტ კაპეიკად გაცილებით უკეთეს ქიშიშს ჰყილდა თურმე, ვიდრე ჩვენ მიერ ერევნიდან სამ-სამ შაურად მოტანილი იყო. ესეც შენი ერევანი.

ჩავსხედით მატარებელში და გავემგზავრეთ ულუხანლუსაკენ, აქ გადავსხედით სხვა მატარებელში და ჯულფისკენ გზას გავუდექით. ულუხანლუს შეძლევა სადგური კამარლიუა, რომელიც ულუხანლუდან 16 ვერსის მანძილზეა. კამარლიუ თითქმის ჩაფლულაა ბალ-წალკოტებში. აქედან დიდძალი ღვინო იზავენება ყველგან და იაფიც არისო, ამბობენ. სადგურთან საკმაო დუქნებია, იქვე ახლო ზაზარი. სახლები ევროპიული ტიპისაა, ასე რომ, ახლო მომავალში აქ კარგი დაბა გაინარჩუნება.

კამარლიუდან რკინიგზის ლიანდაგი მდ. არეზს აუხლოვდება და

ისე მიდის ჭულფაჲდ. სად. კამარლიუს მოსდევს სად. არარატი. ეს სადგური არარატის მთის აღმოსავლეთითაა. სადგურიდან არარატის ძირამდე ოცი-ოცდახუთი ვერსი იქნება. კამარლიუდან არარატამდე 17 ვერსია. როგორც წინათაც ვთქვი, აქ არეზის დაბლობს შესამჩნევად ავიწროვებს ერთის მხრივ არარატის მთა და მეორის მხრით გლანლუს მთა, მაგრამ ნიადაგი მეტად ნაყოფიერია, თუმცა ალაგ-ალაგ ქაობებიც არის და საერთოდ ადგილი ციებ-ციხელებიანი უნდა იყოს. ამ ადგილებში ხშირად გვხვდება შეკაზპული აქლემები. შეუსვამს თათარს ერთ აქლემზე რამდენიმე ქალი, ალბათ მთლად მისი ჰარამხანა, მეორეზე თვითონ შემჭდარა. თან უკან ვაჟიშვილი მოუსვამს და სადღაც მიეჩქარება. აქლემსაც აუშვერია მალა კისერი და თითქო ეჯიბრება ჩვენს მატარებელსაო, მითხარაკობს. ამ ადგილებშიაც ერთი რომელიმე ერი არა ცხოვრობს, სომეხობა და თათრობა ერთმანეთშია არეული. არეზი ზოგან საკმაოდ განიერია, ალაგ-ალაგ შუაში მალალი ლერწმით დაბურული კუნძულებიც მოჩანს. სად. არარატი 378 საევენზეა ზღვის ზედაპირიდან.

არარატის შემდეგ რამდენიმე პატარა სადგურია შახტახტამდე, მაგრამ შესანიშნავი არა არის რა, მხოლოდ სად. არარატის ცოტა ქვემოთ რუსეთ-სპარსეთის საზღვარია. შახტახტი მოზრდილი სოფელია. აქ არის საყარაულო და დამოქნა. სპარსეთის მხარესაც მოჩანს სახლები. არეზზე დიდი ბორანია, რომლის შემწეობით არა მისვლა-მოსვლა და ალბათ სავაჭრო საქონლის გაცვლა-გამოცვლა რუსეთ-სპარსეთს შორის. ამიტომ ამ სადგურზე შესამჩნევი მოძრაობაა. რამდენიმე სავაჭრო დუქანიც არის. სხვათა შორის ერთხ გარეთ ქართული გვარი ეწერა და დახლშიაც ჩვენებური ზორბა ვაჟკაცი გამოქიმილიყო, წინ თეთრ ტილოფარებული. არარატიდან შახტახტამდე ორმოცი ვერსია.

შახტახტს მოსდევს ნახჭევანი. სადგური ქალაქიდან ერთი, ერთ-ნახევარი ვერსითაა დაშორებული. შორიდან ნახჭევანი ერევანზე უფრო ლამაზი შესახედავია, შიგნით კი მოუწყობლობა-უსუფთაობას იქაც საარაკოს ამბობენ. ქალაქის შუაგულ რაღაც ვეებერთელა ოთხკუთხი კოშკია ამართული. ვერ გავიგე ეკლესიაა თუ მეჩეთი. ნახჭევანი ერთი უძველეს ქალაქთაგანია. აშენებულია მეექვსე საუკუნეში, სომეხეთის მეფის ტიგრან პირველის დროს. ახლა ნახჭევანი ერთი საუკეთესო სავაჭრო ქალაქია აღმოსავლეთ კავკასიაში, რადგან სპარსეთიდან ამიერკავკასიაში შემოსასვლელ გზაზეა. ნახჭევნიდან დაწყებული მთები თანდათან უახლოვდება

მდ. არეზს. გავიარეთ რამდენიმე მანძილი ნახჭევანიდან, გავედით მდ. ნახჭევან-ჩაის და მივადექით ტურულაგის მთას. აქ გაშლილ და ფართოდ მომდინარე არეზს ფრთები ეკვეცება, აკვანივით იმწყვდება მთებს შუა და იმდენად ვიწროვდება, რომ კაცს ეგონება — ვისკუპებ და გაღმა გადავხტებით. რკინიგზის ლიანდაგი ზედ მდინარეს მისდევს და ისეა ათასფრად დაკლაქნილი, როგორც მდინარე. ჩვენ მიერ ნაცნობი აბიბინებული დაბლობი თავდება და შევდივართ ისევ ხრიოკთა სამეფოში. საითაც გაიხედავ, მოწითალო ვეებერთელა ლოდთაგან შემდგარი კლდეებია. არც ტყე, არც ბალახი. სულ ასეთი ერთფეროვანი, მოსაწყენი, მაგრამ თავის სიდიდით დიდებული ბუნებაა ჭულფამდის.

აი მიუახლოვდით ჭულფას. ჭულფის ახლო არეზს ერთვის ადგილი-ჩაი, რომელიც ქსნის ტოლა იქნება. ისიც უზარმაზარ კლდეებში ძლივს იკვლევს გზას. მატარებელმა დაიკვილა და სიარულს უკლო, გამოჩნდა მეორე, მესამე სათადარიგო ლიანდაგი და მიუახლოვდა სადგურს. მოვედით ჭულფაში. ამ ხრიოკ მთებ შუა ერთ ალაგას საკმაო ფართო ველი გაჩენილა. აქ არეზიც ფართოდ იშლება, ბუნებასაც ცოტაოდენი სიცოცხლე ეტყობა. ამ ველს ორ ვერსამდე სიგრძე-სიგანე ექნება. ეს ველი გახლავთ ჭულფა. გაღმა აზერბაიჯანია, სპარსეთის საბრძანებელი, ხოლო გამოღმა რუსეთის საბრძანებელი. აქეთა ნაპირზე რუსებს გაუშენებიათ დამოქნა და საჭირო შენობანი, იქითა ნაპირზე სპარსელებს. დიდი ბორნის შემწყობით სწარმოებს მისვლა-მოსვლა ამ ორ ნაპირს შორის. ჭულფის ქვემოთ ორ ვერსზე არეზზე ვადებულია მშვენიერი რკინის ხიდი, მაგრამ ამ ხიდზე ჯერ არავის უშვებენ. ეს ხიდი რკინიგზის გაყვანის დროისათვის არის მომარაგებული. ჭულფის რკინიგზის სადგური საკმაოდ დიდი შენობაა აღმოსავლეთის გემაზე. შიგნით სუფთაა და მოხერხებულად მოწყობილი.

ქართულ ლაპარაკს ჭულფის სადგურზე უფრო ხშირად გაიგონებ, ვიდრე ტფილისში. რკინიგზის მოხელეები ბევრია ქართველი. ბუფეტიც ქართველს უჭირავს. გამოველაპარაკე მებუფეტეს. მითხრა, ჩვენებურები ბევრი მიდიან სპარსეთის მხარესაო.

— მერე როგორ ახერხებენ-მეთქი.

— მაგაზე ადვილი რა არის: ერთი ორი მანეთია საჭირო, რომ გაღმა ამოგაყოფინონ თავიო... ეს, ბატონო, ჭულფა, ჭულფაო. იძახიან, — განაგრძო მებუფეტემ, — სახელი დიდია და სახრაფი კი შიგ არა ჰყრია რაო. ბუფეტი ვერა ხელობს. მოგება აქვს იმაჲ, ვისაც სასტუმრო აქვს.

— სასტუმრო რანაირად მოიგებს, აქ არც სახლები ჩანს, არც ჩამე სავაჭრო.

— ქამა-სჰაში კი არ იგებენ. ფულს ქალებით იგებენ: თათრებს სხვა არა უნდათ რა. ქერა, ევროპიულად გამოწყობილი ქალი აჩვენე და პერანგსაც დააგირავებსო. ან რა უჭირთ დასაგირავებელი! შეხედავ, გახუნებული პალტო აცვია, ჯიბეში კი ათასობით უწყვია.

ამას მეუბნებოდა მებუფეტე გულუბრყვილოდ. მე კი ყურებამდე ვწითლდებოდი. „ესეც კულტურა, — გამიელვა თავში, — ესეც შენი ევროპასთან დაახლოება!“

სადგურს გავშორდი. ირგვლივ მთებ-მთებ შუა ტრიალი მინდორი, კლდეებზე რამდენიმე სახლი, — აი მთელი ჯულფა. მიუახლოვდი მდ. არეზს და დავდექე იმის ნაპირზე დაფიქრებული. გაღმა ერთმა მთამ მიიქცია ჩემი ყურადღება. მთა საკმაოდ მაღალია, კოჯრის სიმაღლე იქნება. და პირამიდის მსგავსად არის ამართული. ძლიერა ჰგავს ინგურის ზეობის ერთ მთას, სოფელ ჯვარის ზემოთ, იმ მთას წულიშის მთა ჰქვია. წულიშს ერთის მხრივ ინგური ჩამოუდის, მეორე მხრივ მდინარე მაგანა. ორივე ჩქარი და მოუსვენარი, სავსე გემრიელ კალმახითა. მაგრამ ამ ორ მთას გარეგან მოყვანილობით მსგავსებასთან ბევრი განსხვავებაცა აქვს. რამდენად მწირი და ხრიოკია ჯულფის მახლობელი მთა, იმდენად ბუნებით მდიდარი და ნაირ-ნაირ მცენარეულობით დაბურულია წულიში. მის წვერზე თვალუწვდენელი ფიჭვი და ნაძვი ხარობს, ფერდობზე წაბლი, დაფნა, წიფელა და სხვა ხეები და ბუჩქები ერთმანეთშია გადახლართული. მაგრამ წულიშის ახლო ხეირიან საცალფეხო გზაც არ არის და მთელი იქაური აუარებელი ბუნებრივი სიმდიდრე უქმადა ძევს. აქ კი, ამ გატრუსულ ხრიოკის მახლობლად რკინიგზაა გაყვანილი.

ვიდექე არეზის პირად. ფიქრმა შორს გამიტაცა, წულიშის მსგავსმა მთამ გადაიარა, გაყვა თავრიზის გზატკეცილს * და შიგ თავრიზში ამოჰყო თავი. იქიდან თვალის დახამხამებაზე მთელი სპარსეთი შემოირბინა. თვალწინ წარმომიდგა შედარებით მცირე გუნდოთავგანწირულ მეზრძოლთა, წესიერების, კანონიერების და მართლმსაჯულების დამყარებისათვის და უამრავი ხალხი, დატანჯულ-მტარვალ მთავრობისაგან. „საწყალი ხალხი, უბედური ხალხი“, — წავიბუტბუტე.

* თავრიზის გზატკეცილი რუსების მიერ არის გაყვანილი. (ავტორის შენ.)

„შენ სწორედ ანდაზასაებრ მოგდის: კუდა ხარი თავისთვის არ იყო და სხვას ბუზებს უგერიებდაო, — გამიელვა აზრმა, — სპარსელებს რომ ჰგლოვობ, ერთი შენ გარშემო მიმოიხედე. ირგელივ მინდორი ქაჩალა ბალახბულახით, შუა საურამე, მოუჟიარწყლავი გზა. აგერ იქ, რამდენიმე სახლი სასტუმროდ წოდებული, რომლას პატრონი როსკიბ ქალებსაგან მოელის გაპდიდრებას“. ფიქრი გაჰყვა ჩრდილოეთის მხარეს. ბევრი მთა, მინდორი, ქალაქი და სოფელი გადაირბინა, მაგრამ სანუგეშო ვერსად ვერა ნახა რა. ყველგან შიმშილი, ტანჯვა და წამება, ყველგან ჩაგვრა და უსამართლობა. აქაც სიბნელე და უმეცრებაა გაჰფებული.

ვიდექ არეზის პირად. ჩემ თვალწინ რალაც მოშაო ფრთოსანმა დაიფრთხილა, ფრთა ფრთას შემოჰკრა, თავისუფლად გააპო ჰაერი და მდინარე არეზი გადასჰკრა. ერთ წამს ისევ უკან მობრუნდა, თითქო რალაცას ეძებსო, გამოლმა ნაპირზე ხან აქ დააფრინდებოდა, ხან იქ, მერე ისევ აფრინდა, ისარივით დაეშვა გაღმისკენ და ცის სივრცეში ნელ-ნელა დაიკარგა. „რა დიდი განსხვავებაა ჩემს და ამ პატარა ფრინველს შორის ამ წუთში, — უნებლიეთ მომდიოდა ფიქრი. — მე გამოლმა დგომისაც მეშინია, ყოველ წამს მოველი, აი მოვა ვინმე და მეტყვის: „აქ რას უდგეხარ, ვინა ხარ. აბა შენი პასპორტი, აქ დგომა აკრძალულია, წადი აქედან. კიდეე კარგი, თუ ამას დაგაჯერა, ხელი არ გტაცა და ვირის აბანოში თავი არ ამოგაყოფინა. ჩიტუნა კი უშიშრად გ-ღმაც გაფრინდა, როცა მოუნდება გამოლმაც გაღმოფრინდება“.

ვიდექ არეზის პირად. მდინარე ჩვეულებრივ მიდუღუნებდა. მისი ამღვრეული ტალღა ერთგვარად სცემდა ორივე ნაპირს, გაღმაც და გამოლმაც. ბუნებით არავეითარი განსხვავება არ იყო ამ ორ ნაპირს შორის, მაგრამ ძალის მქონე ადამიანს კი ხელოვნურად. საზღვრად გაუხდია იგი, აქეთ ნაპირზე დარაჯები დაუყენებია, ჩემს უნებურად გაღმა გასვლა არავინ გაბედოსო. რატომ, რა განსხვავებაა გაღმა-გამოლმას შორის? იქაც შარიათი, აქაც შარიათი, თვისუფალი მიმოსვლა რად არ უნდა იყოს?

— ჰერიჰა! შენ საით წამოსულხარ! — მომესმა ჩემი თანაგზაურის ხმა, — კაცო, საცაა მატარებელი დაიძვის, შენ კი აქ ოცნებობ!

— გაღმაც შარიათი, გამოლმაც შარიათი! — მივეუგე მე.

— ვა! ხომ არ შეიშალე, საცაა მეორეს დარეკენ, ჩქარა წამო! — წავედით სადგურისკენ.



მსოფლიო გამოფენა ქ. განში

(გენტი, ბელგია)

ერთი თვალის გადავლევით

კულტურულ ნაწარმოებთა გამოფენა ერთგვარი ბარომეტრია, დამახასიათებელი ამა თუ იმ ერის ზრდა-განვითარებისა. პატარა, მაგრამ კულტურულად საოცრად განვითარებული ბელგია* არა თუ კერძო, მსოფლიო გამოფენასაც ხშირად მართავს ხოლმე. სამი წელიწადი ჯერა მას აქეთ, რაც ბრიუსელში იყო მსოფლიო გამოფენა და აი წლეულსაც, აპრილის დამლევს გაიხსნა გამოფენა ქ. განში.

როგორც იყო, მოვიცალე ერთ კვირა დღეს და დილით ადრე გავსწიე ბრიუსელის ეგრეთ წოდებულ ჩრდილოეთის სადგურისაკენ. თუმცა აუარებელი ხალხი იყო წამსვლელი, მაგრამ იმდენი მატარებელიც არის დანიშნული, რომ ჩვენში ჩვეულ სივიწროვეს მატარებელში აქ ადგილი არა ჰქონდა.

დაიძრა მატარებელი და ერთი საათის განმავლობაში უკვე განში ვიყავით. გამოფენა ახლოა სახალხო მატარებლების სადგურთან და მეც დაუყოვნებლივ იქითკენ გავეშურე. შევედი ეგრეთ წოდებულ *entrée principale*-ში (მთავარი შესასვლელი). უზარმაზარი, მაღალი და ფართო გუმბათიანი შენობის წინ გაქ-

* ახრადა მაქვს შემდეგ ვრცლად გაეაცნო ქართველ საზოგადოებას ბელგია და ბელგიელები.

ჩულია ფართო, ნაირ-ნაირი ყვავილებით შემკული ეზო. შენობის წინ ამართულია ძროხების, ხარებისა და სხვა შინაური ცხოველების დიდროვანი ქანდაკებანი. შიგნით ეზოს განი ექნება ოცდაათი საყენი, ხოლო სიგრძე ორასზე მეტი. შიგ სამ ალაგას გამართულია სხვადასხვა ქანდაკებით მორთული დიდი აუზები და თვალამკრელებელი ყვავილებით შემოხავერდებული. ერთ-ერთ აუზთან, მაგალითად, აღმართულია ყალბზე შემდგარი რაში. ზურგზე ოთხი ტიტველი ვაჟკაცი აზის; ერთს მშვილდ-ისარი მოუჭიდავს. მეორეს ნაჯახი მოუმარჯვნია, მესამეს—შურდული, ხოლო მეოთხეს—ლახვარი. ცხენ ქვეშ ორი დაქრილი კაცი გდია. ამ ეზოს ირგვლივ აღმართულია ერთი წყება საგამოფენო უზარმაზარი სახლებისა. თავში მარჯვნივ და მარცხნივ ბელგიის განყოფილებაა, დაახლოებით უჭირავს 12 ქცევა ადგილი. ბელგიისას მარცხნივ მისდევს ინგლისი, უჭირავს რვა ქცევამდე ადგილი, ხოლო მარჯვნივ ოცამდე ქცევა ადგილზე გაქიმულია საფრანგეთი. ამ ეზოს ბოლოში განდაგან საქხატვრო განყოფილებაა. ესეც რვა ქცევამდეა. მის გვერდით 200 ოთხკუთხ საყენზე სპარსეთია მოთავსებული. სპარსეთის გვერდით დეკორაციული მხატვრობაა, ორი სპარსეთის ტოლა იქნება, შემდეგ იტალია, ოთხი სპარსეთის ტოლა. შემდეგ გადავიდვართ მეორე უშეელებელ ეზოში მარჯვნივ. აქ არის მოთავსებული: ჰოლანდია, ბელგიელების მანქანათა განყოფილება, საელექტრონო სასახლე, გერმანია, საერთაშორისო განყოფილება, კანადა, კონგო ბელგიელებისა, რკინიგზის მოწყობილობათა სასახლე და სხვადასხვა წერილმანობა. საერთოდ გამოფენას ექნება ორი ვერსი განი და ერთი სიგრძე. ეს თითქმის მთელი ქალაქია და მისი გულდასმით დათვალიერებას ერთი თვეც არ ეყოფა. მე კი დრო ძლიერ ცოტა მქონდა. ამიტომ, როგორც სათაურში მოვიხსენიე, ჩემ მიერ გამოფენის დათვალიერება ერთი თვალის გადავლებითია.

შევედი პირველად ბელგიის განყოფილებაში. მარჯვნივ, კარებში ლამაზ ფორმით გამოწყობილი კაცი იდგა. თუმცა ზრდილობიანად, მაგრამ ყველას სიგარა-პაპიროსებს იქვე მომზადებულ, წყლით სავსე ფაიფურის ქურქელში აგდებინებდა. პირველად ავტომობილების, კარეტა-ეტლებისა და ველოსიპედების განყოფილებაში მოგხვდით. რა და რა ზომის და ჯურის ავტომობილები და კარეტები ან ველოსიპედები გინდა, რომ აქ არ იყოს გამოფენილი. ამას მოჰყვა სასტამბო განყოფილება. სხვადასხვა ზომის კლიშეები, ხელოვნურად ამოჭრილი ხეზე, თითბერზე, თუნუქზე. საბეჭდავი

მანქანები სხვადასხვა ზომისა და კონსტრუქციისა. მექანიკურად ასოთასაწყოები და ზედვე მობმული საბეჭდავი მანქანა, ადგილს სულ ცოტა უკავია. ამას მისდევს სხვადასხვა ოპტიური აპარატები. შემდეგ აუარებელი რელიეფები ქუჩებისა, ფაბრიკებისა, სახელოსნოებისა; ქანდაკებანი ხელოსნებისა, იქვე აუარებელი გაუმჯობესებული სახელოსნო იარაღები.

ამათ მოჰყვა სოციალურ-ეკონომიური განყოფილება. სხვათა შორის თვალი მოვკარ: 1903 წელს ბელგიელებს გაუყიდიათ ქვანახშირი 4,706,033 ფრანკისა. 1912 წ. კი 6,794,876 ფ-სა. სოციალისტების კოოპერატიულ ამხანაგობას უვაჭრნია 1904 წელს 26 მილიონი ფრანკისა, 1911 წელს კი 47 მილიონისა. 1904 წელს კოოპერაციას მოუგია 3,140,000 ფრანკი; 1911 წელს კი 5,124,000 ფრანკი. მასვე ჰქონია უძრავი ქონება 1904 წელს 10,300,000 ფრანკისა. 1911 წელს კი 19,135,000 ფრანკისა. მათვე ჰქონიათ შენახული კაპიტალი 1904 წელს 1,406,000 ფრანკი, ხოლო 1911 წელს 1,900,000 ფრანკი. ამ ციფრებს მგონი განმარტება არა სჭირია.

გამოფენილია ძველებური გეოგრაფიული რუკები, ერთიც ძველი ჩინური თუ იაპონური რუკა ქვეყნიერებისა. მოხაზულობა თუმცა ორიგინალურია და სიცილის გამომწვევია, მაგრამ გვარიან კარგადაა მიმსგავსებული. აქვეა ბევრი ახალი რუკა და „გისომეტრიული“ რელიეფები. ეს უკანასკნელი ძლიერ საინტერესოა. იმედი უნდა ვიქონიოთ, რომ მათი ტექნიკურად გაკეთება გაადვილდება, მაშასადამე, გაიაფდება, მთელ ქვეყანას მოეფინება და დაბალი სასწავლებლებიდან მაინც განდევნის ახლანდელ ბავშვის ნორჩი გონებრივის სრულებით გაუგებარ გეოგრაფიულ რუკებს.

გამოფენილია საექიმო, სააფთიაქო ქრილობათა შესახვევი ნივთები, ხელოვნური ხელები, ფეხები და სხვ. მრავალგვარი ლამაზად და მტკიცედ გაკეთებული. ვნახე საშენი მასალების განყოფილება; აგურები, კრამიტები, ფილაქნები, იქვე ლაძირკველჩაყრილი, სანახევროდ აშენებული სახლი. შევიხედე ბელგიის საგარეო საქმეთა სამინისტროში. თვალი გადავავლე ბელგია-საფრანგეთის ვაჭრობას. 1865 წელს გაუტანიათ ბელგიიდან საფრანგეთში 300 მილიონი ფრანკის საქონელი, ხოლო საფრანგეთიდან შემოუტანიათ 258 მილიონისა. 1912 წელს კი ბელგიიდან გაუტანიათ 520 მილიონისა და შემოუტანიათ 1130 მილიონისა. გამოფენილია სამხატვრო სკოლა ქ. განში. მოსწავლეთა მიერ

გაკეთებული ქანდაკებანი, დახატული სურათები, ხელოვნურად გამოჩუქურთმებული ნივთები ხისაგან, მარმარილოსაგან, სხვადასხვა ლითონისაგან.

ამას მოსდევს დგამების განყოფილება. უთვალავი ოთახები, სხვადასხვა გემოვნებაზე მოწყობილი, სადა გინდა თუ ჩუქურთმიანი, გალაქული თუ მოვარაყებულნი. გასათბობი და გასანათებელი მოწყობილობა გაზით, ქვანახშირით თუ ელექტრონით. შემდეგ ტყბილეულობა, ამას ხომ ბოლო არ უჩანს! ქადების საცხობი. აქვე ხალხის თვალწინ ზელენ, აქვე აცხობენ, ჰყიდიან და სჭამენ. სისუფთავე-სისპეტაკე აუწერელია, გემო საუცხოო და შედარებით იაფი. წარმოდგენილია შოკოლადის მთელი ფაბრიკა. გაცხელებული მუშაობაა. მანქანების ქახაქუხისაგან ყურთასმენა აღარ არის. აქვე ამზადებენ და აქვე ჰყიდიან. რა თქმა უნდა, აუარებელ გამოფენილ ნივთების მეთასედიც ვერ დავათვალიერე და გავედი ეზოს გაღმა ბელგიისავე მეორე განყოფილებაში.

აქ პირველად მდიდართა განყოფილებაში მოვყევი. რა მოვარაყებული დგამები. ან რანაირად მორთული ოთახები! აქვე უნდა შევნიშნო, რომ როგორც ხელოვნური ნაწარმოები, ესენი შეიძლება კარგიც იყოს, მაგრამ ცხოვრებაში სახმარად კი მეტისმეტია. ჩემ თავად საშუალებაც რომ მქონდეს, თავის დღეში ჩემ თავს ნებას არ მივცემდი, რომ ასეთ მორთულ სახლში მეცხოვრა. ამათ მოჰყვა ძვირფასი თვლები. გაკუთხული და გაუკუთხავი ალმასები, მათი გასაკუთხი იარაღები. აქვე ჰკუთხავენ. მარგალიტები სხვადასხვა სიდიდისა. მარგალიტები ლოკოკინაში ისე, როგორც ამოუტანათ ზღვის ძირიდან. გამოფენილია უთვალავი ვერცხლეულობა, წვრილმანი ნივთები, შესაკრავები, ყელსაბამები, სამაჯურები და სხვა პიჭუპაჭუ. დასევა ხალხი და ჰყიდულობს.

მომეწონა ალიუმინისაგან გაკეთებული ქურქლები: ქვებები, ქიქები, ტაფები, საყავეები. ეს ლითონი მომავალში, ალბათ, დიდ ადგილს დაიჭერს ცხოვრებაში. იგი არ ეანგდება, ვერცხლივით თეთრია, ძლიერ მაგარია და ორჯერ უფრო მჩატეა, ვიდრე სპილენძი. ალიუმინი აღმოაჩინეს 1854 წ. პირველად ღირდა კილო (2¹/₂ გირვ.) 3000 ფრ. 1863 წ. უკვე 140 ფრანკამდე ჩამოვიდა; 1898 წელს კი 2 ფრ. 75 სანტ. ფასობდა.

ამას მოჰყვა სახელი და ღიდება ბელგიისა: სხვადასხვა ქსოვილი და ძვირფასი სახეები, რა სიკოხტავე-სინაზე და მასთან სიმტკიცე და სიმაგრე საქონლისა, რა ბევრი და რა იაფი. მე, მართალი გითხრათ, ამ კრუეეებისაც არა მრწამს რა. აქ, ბრუსელშიაც,

ყოველ ფეხის გადადგმაზე თვალწინ მეჩხირება და საჩქაროდ გზა აუხვიე. აი შეეკრილი ტანისამოსები. რა გინდა, სულო და გულო! გამოფენილია დაუსრულებელი გროვა ხელოვნურად გაკეთებული, ჩაცმული მამაკაცებისა და დედაკაცებისა. ტანისამოსის სიიაფე ბელგიაში ხომ საარაკოა.

წავაწყდი საეკლესიო განყოფილებასაც. თუმცა დასავლეთმა ევროპამ კარგა ხანია სინიღისი განითავისუფლა და ვატიკანის უცოდველობა უარჰყო, მაგრამ კათოლიკე სამღვდელეობა ჯერ კიდევ დიდ ძალას წარმოადგენს აქ, ბელგიაში, ასე ვთქვათ, ბატონობს კიდევ. გამოფენაშიც თავი არ შეურცხვენიათ, თუ შეეხედავთ, რა თქმა უნდა, საქმეს ხელოვნურ-ესტეტიური მხრივ. გამოფენილია სამღვდლო ძვირფასი შესამოსლები, სხვადასხვა საეკლესიო და სამონასტრო ნივთები. დედათა მონასტრის (აქ მონასტრები უთვალავია) ნაწარმოები ხელსაქმეები. ამ განყოფილებაში მონაზვნები ბატონობენ. თავზე გახამებული, თოვლივით თეთრი, ფართო ფრთებიანი ქუდები ჰხურავთ, შავი კაბები აცვიათ და წელზე მსხვილი მძივებიანი კრილოსანი არტყიათ, კრძალვით და მოწინებით დადიან და გამოფენილ ნივთებს უთვალთვალავენ. კრილოსანი ძირს ფეხებამდე სცემს და ბოლოს მობმული ლითონისაგან ჩამოსხმული ჯვარცმა ყოველ ფეხის გადადგმაზე ხან წალმა შემოტრიალდება და ხან უკუღმა.

აქვე თვალი მოვკარ ერთ უშველებელ, ტყავზე დაწერილ წიგნს. წიგნი ძვირფას ყდაშია ჩასმული და საგანგებოდ მისთვის გაკეთებულ ხელოვნურად ჩაჩუქურთმებულ ანალოლიაზეა დასვენებული. გვერდზე ვერცხლის ფიცარზე აწერია: „დაწერილია ლათინურად 1608 ქ. ნორიაში (იტალია)“. გამახსენდა ჩვენი მიქელ მოდრეკილი, ამ წიგნზე შვიდასი წლით ადრე დაწერილი, ან ურბნისის ოთხთავი, ამ წიგნზე ათასი წლით ადრე დაწერილი და ერთიც ამოვიოხრე.

გავედი საათების განყოფილებაში. ვერცხლის გინდა თუ ოქროსი, კედლის თუ ჯიბის, დიდი თუ პატარა, ფასი ძლიერ იაფი.

თვალი მოვკარ ფართლეთულობას. ამან დამაინტერესა და ცოტა ხნით შეეჩერდი. ჯერ წარმოდგენილია პრიმიტიული ქსოვა. ხელოვნურად გაკეთებულია ახალგაზრდა ქალი, ფეხებზე ხის ქალამნები (საბო) აცვია, თითის ტარზე ძაფს ართავს, პირზე ღიმი უკრთის. იქვე პრიმიტიული საქსოვი. შემდეგ როგორ თანდათან განვითარდა ეს ხელოვნება. წარმოდგენილია ტიკინებით და ცოცხალი მხატვრობით, თუ როგორ მოჰყავთ ბამბა აფრიკაში, როგორ

გამოაქვთ გემებით ბელგიაში, როგორ ართავენ, როგორ ქსოვენ და გააქვთ გასაყიდად. ამას მისდევს მთელი მთა დამზადებული ფართლეთულობისა.

ბევრი რამ იყო საინტერესო კიდეც, მაგრამ დრო ნებას არ მაძლევდა და ინგლისის განყოფილებისაკენ გავეჩქარე.

ინგლისი

როგორც გულწრფელად მორწმუნე მოწიწებით შედგამს ფეხს სასწაულმოქმედებით განთქმულ ნატის ეკლესიაში, ისე კრძალვით მივადექი ინგლისურ განყოფილებას: გულის ფანქვალათ მოველოდი, თუ რას ვნახავდი იქ! თუ რას მიჩვენებდა ქვეყნიერების კილითკიდემდე დიდებულ, თავის ღირსება-პატივის შედგად დაძველები, მაგრამ იმავე დროს სხვისი უფლებებისა და ღირსებისაც არ დამვიწყებელი ინგლისი. შევედი, ერთ ხანს შევჩერდი და შორიდან დაეუწყე თვალიერება. ინგლისი არა ბზინავს და არა ბრწყინავს. ოქროს ვარაყს აქ ვერ ნახავ. ის მუქია, მოქუშულ-შოდრუბლულია, როგორც მთაზე დამყურე მუდამ ნისლ-ბერუსიანი ცისა კამარა. ის არ ცდილობს ათამაშოს შენი გრძნობა, არც კრილოსანზე მიბმულ ჭვარცმას წაღმა-უკულმა ატრიალებს. ის შოკოლადით არ გიმასპინძლდება, არც იმას ცდილობს, რომ ყალბი თუ ნამდვილი ოქრო-ვერცხლეულობის ზიზილპიპილი მოგაჩეჩოს. ის მოქმედობს ჭკუა-გონებაზე, მას სახეში ჰყავს არა ერთი და ორი, ან ზოგიერთი რჩეული, არამედ ყველა, მთელი კაცობრიობა. ის ცდილობს საერთოდ ცხოვრების გაადვილებას და გაუმჯობესებას. ამიტომ ყველა მის მიერ გამოფენილ ნივთს პრაქტიკულ ცხოვრებაში უსაჭიროესობის ბეჭედი აკრავს.

პირველად მას გახსენებია ის, ვინც სხვას დაეიწყებია, როგორც აქ გამოფენაში, ისე, სამწუხაროდ, ხშირად გამოფენის გარდაც. მას გახსენებია პატივყარილი, სულთ და ხორციით შევიწროებულ, ხშირად უმართლოდ დასჯილი ტუსაღა, პატიმარი. ამნაირად ინგლისელების პირველი განყოფილება პატიმართა განყოფილება აღმოჩნდა. გამოფენილია ნიმუშებით საპატიმროები და მთლად პატიმართა ცხოვრება როგორც თვით ინგლისში, ისე მათ უთვალავ ახალშენებში. რა თქმა უნდა, რუსულ საპატიმროებთან მათ საერთო არა აქვთ რა. მთავარ ყურადღებას იპყრობს სახლები პატიმართათვის; ერთსართულიანი, მრავალ ოთახებად დაყოფილი, ირგვლივ ფარ-

თო მწვანე ეზოთი. სხვადასხვა სახელოსნო პატიმართათვის, — სამკედლო, საზეინკლო, სადურგლო, სახარაზო და სხვ. და სხვ. სტამბა პატიმართათვის, ბიბლიოთეკები, სამკითხველო, ბაღი და სხვ. ერთი შეხედვით ინგლისური საპატიმრო ავადმყოფთა თავშესაფარი გეგონება და არა სასჯელის მოსახდელი დაწესებულება. და მართლაც, როგორც ჩანს, ინგლისელი პატიმარს და საზოგადოებრივ დანაშაულის ჩამდენს ისე უყუარებს, როგორც ავადმყოფს და ამიტომ უფრო მის გასწორებას აქცევს ყურადღებას და არა მის დასჯა-შეწუხებას. თუ მივიღებთ მხედველობაში, რომ ინგლისში ჩვენში ძლიერ განვითარებული ეგრეთ წოდებული პოლიტიკური დანაშაული არ არსებობს, ადვილი წარმოსადგენია, თუ ვის ატყუებენ იქ. რა თქმა უნდა, ქურდს, მოჩხუბარს, კაცის მკვლელს და ამისთანებს. მაგრამ ყველა ეს ძლიერ რთული ფსიქოლოგიური მოვლენაა. მათი მიზეზის გადაჭრა არც ისე ადვილია, ხოლო მათი აღმოფხვრა მსხვილი ბორკილებით, ქუტყიან სახლებში დამწყვდევეთ და თოფის კონდახის ცემით შეუძლებელია. და აი კიდევ ინგლისელს სხვა საშუალებებისთვის მიუმართავს. იგი დამნაშავეს აპატიმრებს, ე. ი. ამორებს დანარჩენ საზოგადოებას, მაგრამ ხელფებს კი არ უტრავს. პირიქით, აძლევს საშუალებას ისუნთქოს წმინდა ჰაერით, აჰმევეს კარგად, აძლევს სახსარს ავარჯიშოს თავისი ხელი, ჰკუა და გონება, რომ გასწორებული, მშრომელი და მშვიდობიანი მოქალაქე კვლავ დაუბრუნდეს საზოგადოებას.

პატიმართა განყოფილებას მისდევს ჰიგიენური განყოფილება. გამოფენილია კაცის სხეულის სხვადასხვა ნაწილი, ზოგი ნამდვილი, სპირტში, ზოგი ხელოვნურად გაკეთებული, დაზიანებული სხვადასხვა სნეულებით. ნათლად წარმოდგენილია, თუ როგორ იბადება რომელიმე სნეულება ადამიანის სხეულის ამა თუ იმ ნაწილში, როგორ თანდათან ვითარდება, ვრცელდება სხვა ნაწილებში, აზიანებს სხეულს და ბოლოს ჰიცოცხლესაც უსპობს. აქვეა ელექტრონით მრმართული მრავალი მიკროსკოპი, სადაც ყველა მსურველს შეუძლია დაათვალიეროს სხვადასხვა სენის მიკრობების სახე, როგორც ხოლერისა, ჰლექისა, ათაშანგისა, შავი ჭირისა და სხვ. გამოფენილია ცხოველები, შინაური და გარეული ფრინველები, რომელთაც გადააქვთ სხვადასხვა სენი ერთი ადგილიდან მეორეზე და მათი ამოსაწყვეტი საშუალებანი.

ხელოვნურად წარმოდგენილია, თუ როგორი უნდა იყოს ჰიგიენური სამოსახლო. გაკეთებულია ფართო რელიეფი. აქ არის ფერობიცი, სწორი ადგილიცი, ნესტიანიცი, ტყიანიცი, წყლიანი და უწყლო..

აი აგერ მდიდრის სასახლე, ორსართულიანი დიდი შენობა მშვენიერი ბაღით და სხვა საჭირო შენობებით; აგერ კიდევ დიდი, მაგრამ ერთსართულიანი შენობა ეზოთი და ყოველგვარი მოწყობილობით, იქ კიდევ უფრო მდარე მოსახლეობა, კიდევ უფრო მდარე და აი საწყალი კაცის ჩაღით დახურული ქოხი. ეს სამოსახლოები სიმდიდრით და მოწყობილობით, რა თქმა უნდა, ძლიერ განირჩევა ერთმანეთისაგან, მაგრამ, როცა დააკვირდები, შეამჩნევ, რომ მათ შორის მსგავსებაც არის. ყველგან, მდიდრის სასახლეა ის თუ ღარიბის ქოხი, ოთხს რამეზეა მიქცეული ყურადღება. სახელდობრ, თუ სად უნდა იდგეს ეზოში საცხოვრებელი სახლი, სად უნდა იყოს ფეხისალაგი, ჭა და ნაგავის გადასაყრელი ორმო. ეს ოთხი უსაჭიროესი რამ ცხოვრებაში ყოველგან ერთ გეგმაზეა მოწყობილი. უნდა შევნიშნო, რომ ინგლისური იდეალური მოსახლეობა ჩვენებურ იმერულს ძლიერ წააგავს. სახლი ეზოს შუაგულ, ფეხისალაგი უკან ერთ-ერთ კუთხეში. იმ მხრივ, საითკენაც უფრო დაბლობია, ეზოში უფრო ამალღებულ ადგილზე ჭა და სხე.

ამას მოსდევს გემების განყოფილება. გამოფენილია გემების უთვალავი ნიმუშები. გემების სიმრავლე-სიყარგით ინგლისს ხომ ვერც ერთი სახელმწიფო ვერ შეედრება მთელი დედამიწის ზურგზე და გასაკვირველიც არაა, რომ ნიმუშებიც კარგი იყოს, მაგრამ ერთი ნიმუში ყოველგვარ მოლოდინს აჭარბებს. მისთვის ცალკე ადგილია მომზადებული მალლობზე, რამდენიმე ალაგას უბებებია მიდგმული, შეგიძლია ახვიდე და ახლო დაათვალიერო. გემის ნიმუში სიგრძით ოთხი საყენი იქნება. იგი შეიდსართულიანია, სამი ჭახრაკი აქვს და ზედ ბაქანზე ორმოცდაათი დიდი ნავია მოთავსებული. ეს გემი კი არა, პირდაპირ მოძრავი ქალაქია. კიდევ ბევრი რამ იყო იქ ახლომახლო საინტერესო, მაგრამ სამწუხაროდ დრო ნებას არ მაძლევდა შეეჩერებულყავი, რადგან აუარებელი მრჩებოდა კიდევ თვალგადასავლებელი, თან ამოძრავებული მანქანების ქახა-ჭუხი თავისკენ მიწვევდა.

შევდგი ფეხი ინგლისელების სამანქანო განყოფილებაში. აბა როგორ ვთქვა! პირველ წუთს არ ვიცოდი საითკენ წავსულიყავი და რომლისთვის შემეხედნა. საითკენაც მივიხედე, თვალს ყველგან ელვის სისწრაფით მოტრიალე სხვადასხვა სიდიდის ბორბლები ხედებოდა. აი, აგერ უშველებელი, ოთხკუთხად გარანდული რკინა, სწორედ მუხის დიდ კუნძსა ჰგავს, ფართო ურემზეა დამაგრებული და წამდაუწუმ გადის და გამოდის, ზედ პატარა, მოკაუჭებული, გარეგანი შეხედვით სრულებით უმნიშვნელო დანა აწევბა და ისე

სთლის, თითქო ნელი თხილის საჩიჩილაკე ხე იყოს. აგერ კიდევ ბურლი, სისქით ექვს გოჯიან რკინას თვალის დახამხამებაში ხვრეტს. აგერ კიდევ ხის სახერხი მანქანები. არავითარი მსგავსება არა აქვს ჩვენში ხის სახერხ მანქანებად წოდებულებთან.

გავიარე მთელი ამოძრავებული ტყე სხვადასხვა მანქანისა და აი ჩემ თვალწინ დიდი, ფარჩის საქსოვი მანქანა. ზედ აწერია: „ბროტპერს მანჩესტერი“. მანქანა ამოძრავებულია. ფერად-ფერადს, ყვავილებგამოხატულ ფარჩასა ქსოვს და ამ უზარმაზარ რთულ მანქანას მხოლოდ ერთ-ერთი პირხმელი და პირმოპარსული ინგლისელი ხელმძღვანელობს. ის ხან აქ დააქერს ხელს, ხან იქ, ხან ამ ბორბლის მოძრაობა შეჩერდება, ხან იმისა, ხან მალა ავა, რომ ქსოვილისთვის სხვადასხვა სახის მიმცემი ფორმა გაასწოროს. უთვალავი ბორბალი მოძრაობს, რკინის სავარძელს ტკაცუნი გაუდის და ყაითნით სავსე მაქო ხტის და გამოხტის.

აქვეა აუარებელი საფეიქრო მანქანა მაუღებისა თუ ხავერდისა. ყველა ამოძრავებულია.

გამოფენილია ინგლისური საყდარი სრული მოწყობილობით და საკურთხევლით. როგორც თავიანთი ტიბიკონით ინგლისელები განირჩევიან ეგრეთ წოდებულ მართლმადიდებლისაგან, კათოლიკეებისაგან და ლუთერანებისაგან, ისე მათი საყდარიც და მისი მოწყობილებაც. განირჩევა, ის თითქო ყველას მოგაგონებს და იმავ დროს არც ერთს არა ჰგავს. აღსანიშნავია, რომ ეკლესიის ნივთებიც არ ბრწყინავს და არ ბზინავს; იქ ყველაფერი სადაა, მაგრამ მკვიდრი და ჭუფთა.

გამოფენილია სხვადასხვა ჭურჭლეულობა და უანგარიშო სხვა რამ, მაგრამ მე უკვე კარებისკენ მივემართები.

ს ა ფ რ ა ნ გ ე თ ი

ინგლისიდან საფრანგეთის განყოფილებაში გავემართე. აქ სულ სხვა ქვეყანაა. აქ ყველაფერი იცინის, ყოველი ნივთი ბზინავს და ბრწყინავს, თითქო ყოველი საგანი გეარშიყება. საითეცნაც მიიხედავ, ყველგან სინაზე და სიკობტავე, შნო, მოხდენილობა, სიკეკლუტე... აგერ მაღალი, მოვარაყებულები ბროლის და ფაიფურის ვაზები. არ იცი, რომელს დააკვირდე, ყველა წერწეტი, ყველა საუცხოვოა. აგერ უთვალავი წვრილმანი ნივთი, რქისა, ხისა თუ ლითონის. დაუსრულებელი წყება მორთული ოთახებისა და დარბაზებისა. აქ ამ გემოვნების მორთულობა, იქ იმ გემოვნების.

ყველგან ოქრო, ვერცხლი, ხავერდი და აბრეშუმი. მორთულ დარბაზებში ხელოვნურად გაკეთებული მორთულ-მოკაზმული ადამიანები სხედან: აქ ბანქოს თამაშობენ, იქ სტუმრობაა, აქ არ-შიყობაა გაცხარებული, იქ მღერიან, აქ ცეკვავენ, იქ ღინჯად მსჯელობენ და ყველა ეს იმდენად ცოცხლადაა გაკეთებული, რომ სანამ კარგად არ დაეაკვირდი, მართლაც ცოცხალი ადამიანები მე-გონა და ახლო მისვლას და გასინჯვას მოვერიდე. ღმერთო ჩემო, რა ძვირფასი და შნოიანადაა შეკერილი ტანსაცმელები როგორც მამაკაცებისა, ისე ქალებისა! ამაებს გვერდით კარიკატურული სურათების განყოფილებაა, აუცილებლად ნახევრად ტიტველი, ან სულ ტიტველი ქალებით, შემდეგ მისდევს ტყავეულობა, უნაგირე-ბი და მისი მოწყობილობა. საოცარია, როგორ გაუუმჯობესებია ამ ხალხს ტყავის მომზადება. უყურებ და არა გჯერა, რომ ეს მშვე-ნიერება ღორის ტყავია.

გავიარე მთელი ქუჩა პირამდე სავსე საფართლო მალაზიებისა, ტილო, ხავერდი, აბრეშუმი, შემდეგ თევზის საჭერი იარაღები და მისი სხვადასხვა მოწყობილობა. თოფები, ხმლები, დაძბაჩები. წა-ლების მექანიკური საკერავო მანქანები. აქ ტყავები აწყვით: პირ-ველი მანქანა საწალო სახესა სკრის, მეორე კალაბოტში აგდებს, მესამე სკიმავეს და ასე მთელი რიგი მუშაობის შემდეგ სრულებით დამზადებული პრიალა ფეხსაცმელი გამოდის.

გამოფენილია სამზარეულო და მისი მოწყობილობა. ამაში ფრანგებს ხომ ბადალი არა ჰყავთ. რა და რანაირი ქურქლეულო-ბაა, რა სისუფთავე, ან მოწყობილობა.

შემდეგ ხე-ტყე — დამუშავებული თუ დაუმუშავებელი. აგერ, სტამბა და წიგნების გამოცემის საქმე, უანგარიშო და დაუსრულე-ბელი. აგერ გემების განყოფილებაც. მრავალი ნიმუში წყალქვეშ მავალი გემებია, დამზარეულთა საშველი იარაღები და ნავები. წყალ-ქვეშ მავალი კაცები (ხელოვნურად გაკეთებული), სრული მათი ჩაცმულობით და რეზინის სასუნთქი მილებით. აგერ რკინეულობა, მრავალი მოტორები და სხვადასხვა მანქანა, ყველა მოხდენილი, ლამაზი და პრიალა. აგერ ხილეულობა და ბოსტნეულობა. ამაშიაც ხომ ფრანგებს ვერაფერ შეედრება. აგერ პურეულობა; ხორბალი, სიმინდი, ქერი, შვრია, რა ლამაზად შეკრულია ძნები, ან სათაე-თავეები. აი, ვენახები პანორამებით: ვაზი, მისი წამლობა, ღვინის მოყვანა და მთელი რიგი დარბაზებისა ბოთლებით გაქედილი. შა-გრამ აი, დიდება და სახელი საფრანგეთისა თანამედროვე ცხოვ-რებაში, მისი საფრენი მანქანები — ჰაეროპლანები. გამოფენილია

ნიმუშები კი არა, ნამდვილი ჰაერობლანები თავიანთი სიგრძე-სიგანით. ყველა საუცხოვოა, არ იცი რომელს დააკვირდე, ან რომელი დაათვალიერო. თვალი მოვკარ ერთ სტატისტიკასაც: „1909 წლის რეკორდი. ლატამი აფრინდა 453 მეტრის სიმაღლემდე. 1913 წელს კი პერეფონი 5.880 მეტრის სიმაღლემდე“. აქ ხომ სინამდვილე ყოველგვარ მოლოდინს აჭარბებს...

მაგრამ კმარა, თვალი დაიღალა, ნერვები აღმეძრა ამდენი ლამაზი სანახაობით. აქ რასაც უნდა შეხედო, ყველაფერი ლამაზი და შნოიანია. თუმცა მეთე ათასედიც ვერ დამითვალიერებია, მაგრამ მინდა ჩქარა მოვშორდე აქაურობას. ვერ მომიწონებია, მახრჩობს ამდენი მშვენიერების სანახაობა.

ქუჩაში გამოვედი და თავისუფლად ამოვისუნთქე. ცოტა დავისვენე, ნერვები დავიმშვიდე და სამხატვრო პავილიონში შევედი. უთვალავი სურათებია გამოფენილი, ძველი თუ ახალი. უფრო კი თანამედროვე, დეკადენტური, აქ თავთავიანთი სპეციალური განყოფილება აქვს ბელგიას, გერმანიას, საფრანგეთს და სხვათა, ოთახები ლაბირინთივითაა დაწყობილი და ისე დავიბენი შიგ, რომ გარეთ გამოსასვლელი გზა სამჯერ შემექნა საკითხავი.

სპარსეთი

აქედან სპარსელებს ვესტუმრე. სხვებთან შედარებით პატარა, მაგრამ ლამაზი პავილიონია. კარებთან ბრუდე ხმალ-ხანჯალიანი სპარსელი იდგა. სწორედ რომ ტიპიური, უშნო პირისახის კაცი. შევედი შიგ. არა უშავს რა. კულტურულ ნაწარმოების მიხედვით სპარსეთი არც ისეთი ფეხწასაკრავი ყოფილა, როგორც ზოგს შეიძლება ჰგონია. სარწმუნოებრივი ფანატიკოსობა რომ ხელ-ფეხს არ უკრავდეს, ის, უეჭველია, ჩქარა მოლონიერდება და ცოტ-ცოტად ჩამოიშორებს მის კარებზე მიმდგარ დაუპატიებელ ოპეკუნებს. უმთავრეს ყურადღებას, რა თქმა უნდა, ხალიჩები იპყრობს. გამოფენილია უშველებელი ხალიჩები ათი და თუთხმეტი საყენისა სიგრძე-განით. ხალიჩების გარდა არის კარგა ბლომად ნაქსოვები, აბრეშუმეულობა, ხმელი ხილი, მარცვლეულობა, ღვინოები. თურმე სპარსელებიც ამზადებენ ყურძნის ღვინოს!

იტალია

სპარსეთიდან იტალიაში გადავედი. აქ უმთავრეს ყურადღებას ქანდაკება იპყრობს. სამი მეოთხედი გამოფენილი ნივთებისა სულ

ქანდაკებაა. ამ მხრივ იტალიელებს, ეტყობა, ვერავინ შეედრება. რანაირი ქანდაკება გინდა, რომ აქ არ იყოს გამოფენილი. შენ წინ მთელი ტყეა სულშობერილი თიხისა და მარმარილოსი. სიხარული, სიყვარული, სიძულვილი, ძლიერება, შიში, მწუხარება, მოწონება, დაფიქრება, სიუხვე, სიძუნწე... ერთი სიტყვით, ყოველგვარი სულიერი მოძრაობა მხატვრის ნიჭიერ ხელს ცივი ქვიშათვის ცოცხლად გადაუცია. საზოგადოებასაც ძლიერ მოსწონს, ეტყობა იტალიური ხელოვნება, რადგან ხშირი იყო წარწერა: „ესა და ეს გაყიდულია“. საყურადღებოა აგრეთვე იტალიური ღვინო. აქვე გაემართათ სასაუზმე, იყო ერთი ფაციფუცი: ხრაკავდნენ, სწევადნენ, სქამდნენ და სქამდნენ. ამ მხრივ იტალიელებსა და ჩვენ, ქართველებს შორის დიდი მსგავსებაა, მხოლოდ აკლდა ჩვენბური მხიარული თამადა და მრავალყამიერი. კარგი იყო აგრეთვე წვრილმანი ვერცხლეულობა, საეკლესიო ნივთები და შესამოსები. იტალია ხომ კათოლიკობის ქვაკუთხედი.

ბელგიელთა სხვადასხვა მანქანის განყოფილება

იტალიელების პავილიონის გვერდით ბელგიელების მანქანათა განყოფილებაა. ეს საგამოფენოდ აშენებული სახლი კი არა, აქ რალაც მუდმივი დიდი ქაზხანა უნდა იყოს. გამოფენილია უმთავრესად მანქანები რკინიგზის საჭიროებისათვის სახმარი. ყველა ამოძრავებულია. მათი სიდიადე და რთული მოხაზულობა და მათი ხმაურობა, რაც გინდ მაგარი ნერვების პატრონი იყოს კაცი. არ შეიძლება, რომ პირველ ხანს არ შეაშინოს. სხვათა შორის გამოფენილია უზარმაზარი რკინის ბორბალი, ღერძგაუყრელი, წონით 5000 კილოგრამი (300 ფუთამდე), ისეა მოწყობილი, რომ ქვეშ გაკეთებული პატარა სახელურის შემწეობით შვიდი წლის ბავშვი თავისუფლად დაატრიალებს.

ჰოლანდია

აქედან ჰოლანდიაში შევიხედე. საყურადღებოა თავისებურობით პავილიონის გარეგანი არქიტექტურა. მაღალი, თანდათან წოწლოკინა და წვრილი გუმბათით დამთავრებული. ერთი შეხედვით საყდარი გეგონებათ. შელებილია წითლად და აშკარად იჩევა სხვა პავილიონებისაგან. შესავალთან გამოფენილია სულის ჩასაბერი საკრავი იარაღები, თეთრი, მოვერცხლილი თუ ნიკელ-

გადაკრული. ეს, ეტყობა, მათი სპეციალობაა. იმდენია გამოფენილი, რომ ეს დარგი ხელოვნებისა იქ ძლიერ უნდა იყოს განვითარებული. ჰოლანდიის პავილიონში რომ შეხვალ, ერთი ზეზეური თვალის გადავლება საკმარისია, რომ ბელგია-ინგლის-საფრანგეთის შემდეგ რაღაც სულ სხვა ქვეყანაში იგრძნო თავი. ზედვე ეტყობა, რომ ეს ქვეყანა ქვანახშირით ღარიბია, რადგან მანქანების ქახა-ქუხი აქ ნერვებს არ გიშლის, არც უთვალავი რკინის ბორბლები თვალს გელანდება, არც საარშიყო ზიზილპიპილებს ხედავ. ამჩნევ, რომ საქმე გაქვს პრაქტიკულ, იშვიათ შრომის მოყვარე ხალხთან. გამოფენილია ნივთები ადამიანის ცხოვრებაში ფრიად საკირო. ბლომადაა სხვადასხვა ჯურის თაფლი, ზეთეულობა, ბრინჯი, ხორბლეულობა, სიმინდი, სიმინდის ფქვილი და სხვადასხვა სასმელი სიმინდისაგან გამოხდილი. სიმინდის ფქვილმა გამომზარდა, მაგრამ წარწერა რომ არ ყოფილიყო, თავის დღეში ვერ წარმოვიდგენდი, რომ სიმინდისაგან ამგვარი ფქვილის მიღება შეიძლებოდა. უსათუოდ წმინდა ხორბლის ან კარტოფილის ფქვილად ჩავაგდებდი.

ჰოლანდია, როგორც ვიცით, ევროპაში პატარა სახელმწიფოა. ბულგარეთზე ცოტა დიდია, მაგრამ მას აქვს მდიდარი და ვრცელი ახალშენები, ეგრეთ წოდებული ზონდის კუნძულები: სუმატრა, იავა, ბორნეო და სხვ. იმ ქვეყნებში ხარობს ბევრი შაქრის ლერწაპი, თამბაქო, რეზინის ხე, მიხაკ-დარიჩინი, ვანილი და სხვადასხვაგვარი ტროპიკული კაკალი. ამ მცენარეების დამუშავება, როგორც ჩანს, ჩინებულადაა აქვე დაყენებული და მთელ ქვეყნიერებაში გააქვთ გასაყიდად. განცვიფრებაში მომიყვანა კაცის თავის სისხო კაკლებმა. თვით ჰოლანდიაში, რაციონალური ხვნა-თესვის გარდა, ძლიერ განვითარებულია მერძეობა და ყველის გაკეთება. გამოფენილია ყველეულობა.

საგულისხმო იყო წიგნების და ეურნალ-გაზეთების სტატისტიკა ფართოდ კედელზე ჩამოწერილ-გამოხატული, მაგრამ წარწერა მხოლოდ ჰოლანდიური იყო და სამწუხაროდ ზეზეური შეხედვით ვერა გაუვგე რა. გამოფენილია საუცხოო ხელოვნებით დაჩუქურთმებული ხის საკურთხეველი და სხვა ძვირფასი საეკლესიო ნივთები და შესამოსლები. „აქაც ოლარი და ფილონი? საცეცხლური და საკმეველი? აქაც არა მშორდება? ვა, საშველი მაინც. არ ყოფილა“. — გავიხუმრე ჩემთვის და კარებისაკენ გავემართე.

გერმანია

გერმანიას, როგორც ევროპის პოლიტიკურ ცხოვრებაში თავისებური ადგილი უკავია, ისე გამოფენაშიც ორიგინალური ადგილი დაუჭერია. მისი პავილიონი სხვებისას არ ეკედლება და არ ემეზობლება, ის განცალკევებულია და გარეგნულადაც სხვებისაგან ძლიერ განირჩევა. მაღალ ციხე-კოშკის მსგავსი ოთხკუთხი შენობა რუხად გალესილი, სადა და სწორი, არსად რაიმე ჩუქურთმან რაიმე დამამშვენებელი.

შედიხარ ჯერ ფართო და მაღალ ვესტიბიულში. შუაში ტიტველი ჩასკვნილი კაცია გამოქანდაკებული. ორივე მუშტი მოუკუმშავს, კობი შეუკრავს და მრისხანე სახისას თვალები გაუშტერებია, თითქო საჩხუბრად იწვევსო, თითქო ყველას ეუბნება: „აბა, ვისაც გული გერჩის, გამოდით. თუ კაი ბიქი ხართ“. ეს ქანდაკება თვით გერმანიის სიმბოლო უნდა იყოს. ვესტიბიულის იქით გამოფენაში შესასვლელ კარების ზემოთ გამოქანდაკებულია იპპერატორის ვილჰელმ II-ის ბიუსტი, ჩვეულებრივი ნახევარ მრისხანე სახით და აწკეპილი უღვაშებით. ქვეშ აწერია: „25 წელიწადია, რაც ევროპაში მშვიდობიანობას იცავს“.

შიგნით გამოფენილია ჯერ სურათები და ქანდაკებანი. აქაც ვილჰელმის დიდი ქანდაკება. შემდეგ ქურკლეულობა; რა თქმა უნდა, ლამაზი, მოვარაყებელი, მოჩუქურთმებული, მაგრამ ფრანგული სინაზე მაინც აკლია. აქ ყველა ნიეთი რაღაც მოღუშული, წარბშეკრულია, როგორც თვით გერმანელი. ქურკლეულობას მისდევს სხვადასხვა ღვინოები და მაგარი სასმელები; ლუდი, მისი მომზადება. ეტყობა სასმელის კეთების საქმე ძლიერ კარგადაა აქ დაყენებული. ლუდის გამობნაში მათ ხომ ვერავინ შეედრება. გამოფენილია ძლიერ საინტერესო მანქანა, რომელიც ჯერ ბოთლს რეცხავს, მერე შიგ ლუდს ასხამს, ავსებს, თავსაცობს უკეთებს და სრულიად დამზადებულს ცალკე დგამს და ყველაფერი ეს სწრაფად, როგორც ერთი, ორი, სამი... გამოფენილია უთვალავი ვერცხლეულობა, მოქრული თუ მოსევადებული; პაპიროსის გილზების საკეთებელი მანქანა, სამზარეულოს მოწყობილობა. თეთრულის სარეცხი მანქანა ძლიერ საინტერესოა, ადგილი ცოტა უჭირავს და თეთრულისაც ჩქარა რეცხავს. ძლიერ საინტერესოა აგრეთვე ტკბილეულობის საბეჭდი მანქანა, საკონფეტო მასალა დამზადებულია ფქვილად, ფქვილი ერთ-ერთ ამოღრმავებულში

ცვივა, მას ზემოდან ფოლადის ბეჭედი ეცემა და ყოველ თვალს დახამხამებაში ორ კაპიკიანის ტოლა თეთრი კონფეტი განზე ვარდება... გამოფენილია აგრეთვე ფართლეულობის საქსოვი ბევრი მანქანა.

ამათ მოსდევს სამხედრო განყოფილება. სხვადასხვა ჯურის თოფები, ხიშტები, ტყვიისმფრქვევლები, ზარბაზნები: მთელი უშველებელი სვეტებია ამართული პატრონებისა. სამხედრო ურმები, მათი მომზადება. ურმის თვალის მექანიკურად გასაკეთებელი მანქანა და სხვადასხვა ნივთები სამხედრო საჭიროებისა.

საერთაშორისო განყოფილება

გერმანელების შორიახლოს უზარმაზარი შენობაა აგებული. ეს დანიშნულია იმ სახელმწიფოებისათვის, რომელთაც კერძო პავილიონები არა აქვთ.

გავემართე იქითკენ. შევედგი თუ არა ფესი, გრამაფონის ხმა შემომესმა. მივხვდი, რომ ედისონის სამშობლოში ვიყავი, ამნაირად აქ პირველად ჩ რ დ ი ლ ო - ა მ ე რ ი კ ი ს შ ე ე რ თ ე ბ უ ლ შ ტ ა ტ ე ბ შ ი მოვხვდი. აქ მთავარ ყურადღებას იპყრობს საელექტრონო, სატელეგრაფო და სატელეფონო მოწყობილობანი. ამაში ხომ ამერიკელებს ვერავინ შეედრება. გამოფენილია უთვალავი გრამაფონები. ყველა ნივთი შნოიანია, მკვიდრი, მოხერხებული და ამასთან გასაოცარი იაფი. აქაც გამოეფინათ წვრილმანი ზიზილპიპილობა და ტკბილეულობა. ხალხი ბუზივით დასევია.

შეერთებული შტატებიდან ი ა პ ო ნ ი ა შ ი გადავედი, გრძნობ, რომ მაღალი კულტურის მქონე ხალხთან გაქვს საქმე. მათი გემების ნიმუშები ინგლისელების გვერდით რომ იყოს, თავს არ შეირცხვენს. მათი მინის ვაზები, აბრეშუმეულობა და ფაიფურის კურკლეულობა ნაირნაირობით, სიმტკიცით თუ სილამაზით საფრანგეთისას არ ჩამოუვარდება. აქვეა მათი სამზარეულო, ორიგინალური საკმელებით. მართალი უნდა ვთქვა, ერთი სახით ძლიერ უშნო იაპონელი გაფაციცებით ერთგვარი ქადების გამოცხობაში იყო გართული. ათი პაწია ტაფა, მარწუხივით გრძელტარიანი დასაკეცი და გასაღები ჩარიგებული ჰქონდა გაზის ცეცხლზე. გამოცხობის დრო იმგვარად იყო გამოზომილი, რომ როცა უკანასკნელ მეთავე ტაფაში თხელ ცომს დაასხამდა და შესდგამდა, პირველი უკვე მზათ იყო და ასე რიგრიგობით. ასე რომ, ქადის მცხო-

ბელს, ერთი რა არის, მოსვენება არა ჰქონდა. სწორედ რომ მანქანასავით მუშაობდა და ამიტომ ცოცხალი ავტომობილი დაეარქვი. ქალებს იქვე ჰყიდდნენ ოთხ წყვილს ათ სანტიმად (4 კაპ.). არა უშავდა რა, გემო კარგი ჰქონდა.

გავიარე ცოტა იქით და აი რუსეთის განყოფილება. რუსეთისთვის მთავარი ადგილი დაეთმოთ, ქუჩის პირას, გარედან მსხვილი წარწერებით, მაგრამ რათ გინდა, შიგნით ხეირიანი წვრილმანიც არ მოიძებნებოდა რა, თუ არ მივიღებთ მხედველობაში უშველებელ, უკანა ტორზე შემდგარ თეთრ დათვს (არა ცოცხალს, რა თქმა უნდა). დათვის ორგვლივ იატაკზე დალაგებული ცოტაოდენი ქურქეულობა, აგრეთვე ორი-სამი ნაქერი ტილოს ქსოვილი, კიდევ რაღაც უფერული წვრილმანობა და აი უზარმაზარი რუსეთიც. მდიდრულად მორთულ სახლიდან ყველა კარგ ნივთს რომ გაიტანენ და აქა-იქ ხარახურა რაიმე რომ დარჩება, სწორედ ასეთ. შთაბეჭდილებას ახდენს ამ ზღვა გამოფენილთა შორის რუსეთის განყოფილება. ამბობენ რუსეთი ოფიციალურად არ იღებს მონაწილეობასაო, მაგრამ კიდევაც რომ მიელო, მეექვსება, რომ ფრანგ-ინგლისელ-გერმანელებთან რაიმე გამოეფინა, ბევრი სახარბიელო ვერა იქნებოდა რა. თვალსაჩინო კულტურას ქმნის თავისუფალი მოქალაქე და არა პოლიციის ზედამხედველობის ქვეშ მყოფი რუსეთის ქვეშევრდომი.

სხვათა შორის ჩვენებური ლეკებიც ჩამოსულიყვნენ. ჩამოეტანათ მათრახები, ჯოხები, კალმისტარები და სხვა მოსევადებულ ნივთები. ისინი, უეჭველია, რუსეთის განყოფილებაში მოთავსდებოდნენ, მაგრამ, ეტყობა, იქ ვერ უხეირნიათ და რუმინელებს მიკედლებიან. მე ისინი რუმინელების განყოფილებაში ვნახე. ძლიერ გამიხარდა ჩოხიანი კაცების ნახვა. გამოველაპარაკე, შემომჩივლეს: ძლიერ ნაკლები ვაქრობა გვაქვსო. თავიანთი საქმის წარსამატებლად ორიგინალური ხერხისათვის მიემართნათ: ბელგიელებისაგან ეყიდათ იაფფასიანი ხის ჩიბუხები და იქვე ხალხის თვალწინ ასევადებდნენ. ხალხს ამათი მუშაობა, მართალია, აინტერესებდა და გარს ბევრი ეხვია, მაგრამ გაყიდვით მაინც ჩიბუხებსაც ბევრს ვერ ჰყიდდნენ. „ოჰ, არ არიან ევროპელები კაი ხალხი“, — შემომჩივლა ისევ ლეკმა. იქნებ თავისებურად თავის გასამართლებელი ლეკებსაც ჰქონდეთ რაიმე, მაგრამ, ნურას უკაცრავად, თუ ავტომობილებისა და ელექტრონის ქვეყანაში მათრახები ვერ გააყიდოს. ხოლო ბელგიელი არც იმდენად უქეუოა, რომ ერთ

ჟრანკიან ჩიბუხში ხუთი მისცეს მხოლოდ იმიტომ, რომ აქა-იქ მის თვალწინ ლითონის პაწაწა ნაქრები ჩაუსვეს.

ყოველ შემთხვევაში კარგია, რომ ისინი მაინც წამოსულან, რა-იმე მაინც ჩამოუტანიათ, ეს უეჭველია, მოსაწონია. ხოლო რაკი ამ სიშორეზე წამოვიდნენ, უკეთესი იქნებოდა, თუ არა მდიდრულად, სუფთად მაინც ჩაეცვათ, თორემ დაგლეჯილი ჩოხა-ახალუხით და კუქყიანი ფაფახით ვერავითარ შთაბეჭდილებას ვერ ასდენდნენ.

რ უ მ ი ნ ი ის განყოფილებაში, რუსეთის მეზობლად, გამოფენილთა შორის თვალსაჩინოა სხვადასხვა ნაქარგი, ხისგან გაკეთებული წვრილმანი ნივთები და ხორბლეულობა.

ავ ს ტ რ ი ის ა შ ი კურკლეულობა და ვაზები. არ ვიცი ფრანგული და არ ვიცი ესენი, რომელი სჯობია მათში.

პ ა ნ ა მ ა ს გამოუფენია ძვირფასი ხილეულობა, განსაკუთრებით ჩინებული ფორთოხალი.

დ ა ნ ი ა შ ი, როგორც ვიცით, ძლიერ განვითარებულია მეურნეობა, კოოპერატიული ამხანაგობა, სწორედ ის, რის განვითარებაც არა თუ საჭიროა, ერთადერთი მხსნელია ჩვენი, ამიტომ ძლიერ შეინტერესებოდა მათი ცხოვრების გაცნობა და გადავწყვიტე, რაც შეიძლებოდა დაწვრილებით დამეთვალეობა მათი განყოფილება, მაგრამ წარმოიდგინეთ ჩემი განცვიფრება, როცა მხოლოდ კურკლის მაღაზიაში ამოვყავ თავი. კურკლეულობა მართლა მოსაწონია. სადა, უვარაყო, ლურჯაყვარიანი, თავისებური სახისა, მაგრამ დანიელებთან კურკლების გარდა სხვა ვერაფერი ფნახე რა.

ი კ ი დ ა ნ გ ვ ა ტ ე მ ა ლ ა შ ი გადავედი. გვატემალის რესპუბლიკა შუაგულ ამერიკაშია, მექსიკის გვერდით. სიერციტ ოთხი საქართველოს ტოლა იქნება. გამოფენილია: შესანიშნავი ხორბლეულობა, კაკაო, ყავა, საინტერესო ხილეულობა როგორც ნედლი, ისე შაქარწყალში შენახული. ამ მხრივ მის მიერ გამოფენილ ნიმუშებს პირველი ადგილი უნდა მივაკუთვნოთ მთელს გამოფენაში.

არა უშავს რა ესპანის განყოფილებასაც. გამოფენილია მრავალნაირი ღვინო. საყურადღებოა მათი ხელოვნურად მოსევა-დებული ვერცხლეულობა. უფრო წვრილმანი ნივთებია გამოფენილი, კაკები, შესაკრავები, ქინძისთავეები და სხვ. ამგვარად, ეტყობა ევროპაში ძლიერ მოსწონთ ესპანური ხელოვნება, რადგან დიდი ვაჭრობა აქვთ..

კ ა ნ ა დ ა

ბევრი დამრჩა კიდევ უნახავი, მაგრამ სხვა ღონე არ იყო, გამოვედი საერთაშორისო განყოფილებიდან და კანადისაკენ გავეშურე. კანადას ცალკე პავილიონი აქვს, ლამაზი, ორიგინალური გარეგნობით, მაგრამ უფრო ორიგინალური შიგნით და ამიტომაც აუარებელი ხალხი დასევია. კარებთან ინგლისის მეფე-დედოფლის სურათია გამოფენილი. შიგნით ორივე მხრივ ასე ოციოდ საყენის სიგრძეზე საუცხოო პანორამაა გაკეთებული სურათებისა და ნივთებისა, იმდენად ხელოვნურად, რომ სინამდვილის ილუზიას ჰქმნის.

აგერ შენს წინ თვალუწვდენელი ველია გაქოპული, შემოსული პურით გადაყვითლებული. ზოგან მოუწყიათ და ძნებად შეკრული აწყვია, ზოგან კი ქალი თუ კაცი დასევია და გაცხლებული მკაა. ზოგან ნამგლებით მკაან, ზოგან კიდევ სამკალი მანქანით. აქა-იქ ყანებშიაც სოფლები მოჩანს, ლამაზი, ორ-სამსართულიანი. კრამიტით დახურული სახლებით. მომკილ მინდვრებზე საქონელი სძოვს, მსუქანი, ჩასკენილი ხარ-ძროხები და ცხენები. ცოტა მოშორებით ტყით დაბურული სერები მოჩანს. კვლავ სოფლები, კვლავ ყანები და ასე სულ ამომავალი თუ ჩამავალი მზის სხივებით გაწითლებული ცის კამარის ბოლომდე. ყანებით გადაბურულ მინდვრებშია რკინიგზა მიიკლავება. აი კიდევ მოშხუის მატარებელი. იგი მიუახლოვდა ამწვანებულ მთის ქვეშ გაჭრილ გვირაბს, დაიკვილა და ნელ-ნელა შიგ დაიმაღლა. გავა ხანი, კვლავ გაისმის კივილი და ახლა იგივე მატარებელი მეორე მხრივ გაკეთებული გვირაბიდან გამოჰყოფს თავს და ველებს შუა გაემართება...

ეს პირველი პანორამა, ასე ვთქვათ კულტურული პანორამა. იქ ხედავთ დედამიწის ზედაპირს, აღამიანის მიერ თავის სურვილის და საჭიროებისდაგვარად გარდაქმნილს. ხოლო პანორამა მეორე მხრივ წარმოადგენს ბუნებას ისე, როგორც თვით ბუნების ძალას შეუქმნია. აქაც არის ველ-მინდვრები, მაგრამ პურის მაგივრად მაღალი ბალახბულახით თუ ეკალ-ბუჩქნარით დაბურული. იქ ირმები, შვლები, ჭიხვები და სხვა გარეული ნადირები თარეშობენ, ზოგი ჭოგებად, ზოგიც თითო-თითოდ. მოჩანს დიდრონი მთები, ჩანჩქერები, მდინარეები, გაუვალი ტყეები და სხვ.

შენობის შუაგულ გამოფენილია აუარებელი სხვადასხვა ნაწარმოები. განსაკუთრებით მარცვლეულობა, ზოგი სრულებით უცნო-

ბი ჩვენში, ფქვილეულობა, მინის ქილებში მშვენიერად შენახული ბოსტნეულობა.

მართალი გითხრათ, ძლიერ დაღლილობასა ვგრძნობდი და ხალხიც იმდენი ირეოდა იქა, რომ გარეთ გამოსვლა დავაპირე, მაგრამ აი, თითქო ყოველგვარი დაღლილობა დამაეიწყდა. სხვაგან არ მინახავს მადნეულობა. ეს მაინც როგორ გამომეპარებოდა!

გამოფენილია საუცხოო ნიმუშები სხვადასხვა საშენებელი ქვებისა, ლითონისა და მადნეულობისა. აი მშვენიერი ნიმუში ასბესტისა ანუ ამიანტისა. ის ბამბასავით რბილია და იწეწება და ერთი შეხედვით მცენარეულობა გეგონება. ნამდვილად კი ამიანტი ძლიერ რთული არაორგანული მინერალია, კაჟიც ურევია შიგ. ის ცეცხლში არ იწვის. ეს მადანი ჩვენში, სვანეთის მთებში უნდა იყოს და უეჭველია მას ქართული სახელწოდებაც ექნება. აი უკეთესი ნიმუშები გრანიტისა, ფელდსპატისა, უბრალო და ფასიანი კორუნდონისა. კორუნდონი ძლიერ საინტერესო მინერალია. იგი შედგება ლითონის ალუმინისაგან და მყავბადისაგან და გარეგნობით მაგარ ქვასა ჰგავს. მაგრამ ბუნება, ეს შეუღარებელი ხელოსანი, თუმცა იშვიათად, კორინდონს ფერად-ფერადსა და გაკუთხულს ამზადებს ხოლმე. წმინდა, უფერული, ბუნებით გაკუთხული კორუნდონი ალმასზე უფრო ძვირია. წითელი ფერისას ლალი ჰქვია, ყვითელს — იაგუნდი, ლურჯს — ფირუზი, მწვანეს — ზურმუხტი, გამოფენილია უბრალო კორუნდონიც და ძვირფასებიც. უკანასკნელნი, რა თქმა უნდა, ყოველ შემთხვევისათვის, შუშაბანდშია მოთავსებული, რადგან ზოგი ადამიანის სუსტი ბუნება ყველგან მოიკოჭლებს და თუ რამე სახეირო დაიმართოხელა, ადვილად წაეტანება ხოლმე.

ამათ მოსდევს იშვიათი ნიმუშები — ეგრეთ წოდებული „მიკასი“, მიკაც ძლიერ რთული მინერალია, თუმცა გარეგნობით ერთგვარი რამ გეგონება, რუსები მას *Миказ*-ს ეძახიან. ის მინასავით გამჭვირვალეა, ერთმანეთს ადვილად მოსაშორებელ ფოთლებად აწყვია, თავისუფლად იღუნება და არა ტყდება. მისი პატარა ნატეხები ნაძალადევის სერებზე ბევრი შემხვედრია და უეჭველად ქართულადაც უნდა იყოს მისი სახელწოდება. მაგრამ აქ გამოფენილი მიკას ნიმუშები ყოველგვარ მოლოდინს აკარბებს. წარმოიდგინეთ თითქმის ერთი არშინი სიგრძე-სიგანე საწერ ქალაღდის სისქე შუშასავით გამჭვირვალე ნივთიერება და, ერთი და ორი კი არა, ამისთანა ასობით და ათასობით ერთი მეორეზე დაწყობილი.

გამოფენილია აუარებელი ნიმუში რკინის და ნიკელის მადნე-ბისა. აი, უზარმაზარი ნიმუში გალენისა (გოგირდნარევი ტყვია), აი მთელი წყება ქვანახშირისა, ვერცხლისა და კობალტის მადნე-ბისა, აი სპილენძი, პირიტი (გოგირდნარევი რკინა), კალკოაირიტი (სპილენძი, რკინა და გოგირდი ერთად), სპატფლორი, ბირიტი, შავი ქვა და სხვა და სხვა. გამოფენილია აგრეთვე ბევრი ღვინო და თამბაქო.

კანადა, როგორც ვიცით, ინგლისელების ახალშენია ჩრდილო ამერიკაში, მას აქვს საკუთარი ავტონომიური მართველობა, როგორც ავსტრალიას და ახალ ზელანდიას. სივრცით კანადა დიდია, ევროპის რუსეთს გადააქარბებს და ჯერ ძლიერ თხლად არის დასახლებული, რაღაც ხუთ მილიონამდე მცხოვრები იქნება. ეტყობა, ის უკვე მაგრად ჩაბმულა კულტურულ ფერხულში და თუ ახლა ძლიერ კარგად დამუშავებულ მცენარეულობასთან დაუმუშავებელი მადნეულობა გამოჰფინა, უეჭველია, ახლო მომავალში იმათაც დამუშავებულს წარმოადგენს. კანადა ცოცხალი მაგალითი იმისა, თუ რამდენად სახეიროა ხალხის წარმატებისათვის, როცა მისი ბედი მონურად არ არის შეკავშირებული მეორე ხალხთან, როცა მას უფლება აქვს მოაწყოს თავისი შინაური ცხოვრება თავის საჭიროებისდა გვარად. კანადის პავილიონი ცალკე, პირამდე საესე თავისუფლება მინიჭებული ერის ნაშრომ-ნაღვაწით, არა თუ არ ქსაქსავს და არ ამცირებს ინგლისის სახელს, პირიქით, ეს შარავანდელით მოსავს და ამაღლებს მას.

კანადამ ჩემზე წარუშლელი შთაბეჭდილება დატოვა. აქ თითქო დავისვენე კიდევცა და როცა გარეთ გამოვედი, თავს უფრო კარგად ვგრძნობდი. ვიდრე შესვლის წინათ.

კონგო

კანადიდან კონგოში გადავედი. კონგო ბელგიელების ახალშენია აფრიკაში. ეს ერთადერთი მათი ახალშენია აქ მოკლე დროში შექმნილი. სივრცით კონგო ბელგიაზე ოცდაათჯერ მეტი იქნება. იგი ცხელი ქვეყანაა: ეკვატორი კონგოს შუა გადის.

ბელგიელებს მისთვის უზარმაზარი ფართო გუმბათიანი პავილიონი აუშენებიათ. შესავალ კარებს აქაც მეფე-დედოფლის ქანდაკება ამშვენებს. შიგ წარმოდგენილია კონგოს ცხოვრება, როგორც ბუნებრივი, ისე ხელოვნური. კულტურული ნაწარმოები თვით კონგოელებისაა და ისიც, რაც ბელგიელებმა შეიტანეს. აქაც

არის გაკეთებული პატარ-პატარა პანორამები. აი კონგოელის ქოხი ჩალით დახურული. ქოხის წინ შავკანიანი ცოლით და შვილით; სამივენი თითქმის დედიშობილა. აგერ ტყე ტროპიკული მცენარეებით, მაღალი კოკო—ბავშვის თავის ტოლა კაკლით. კაუჩუკის (რეზინი) ხე. წარმოდგენილია, თუ როგორ იღებენ რძეს კაუჩუკის ხისაგან, როგორ მზადდება ამ რძისაგან ერთგვარი მუქ-ყვითელი ნივთიერება, ლავაშივით ერთმანეთზე დაწყობილი. გარეგანი შეხედვით ჩვენებურ ტყემლის ტყლაპსა ჰგავს. მერე როგორ ასუფთავებენ თანდათან, სანამ არ დადგება ნამდვილი რეზინი. იქვე აწყვია მთელი გროვა დაუმუშავებელ და დამუშავებულ რეზინისა.

კონგოლების ადგილობრივი კულტურაც არ არის ინტერესს მოკლებული. რკინის ჰედვა მათაც სცოდნიათ. გამოფენილია მათი დანები, ხმლები, მშვილდ-ისრები, ორიგინალური საკრავი იარაღები თარ-ჩონგურის მსგავსი. იმერული საწნახელივით გამოფულურებული ხე. ეს მათი ბარაბანია თურმე, ზოგიერთი წვრილმანი ნივთი ისე ოსტატურადაა გაკეთებული, რომ კარგ ხელოსანსაც დააფიქრებს.

ეტყობა კონგო მდიდარია ხე-ტყით და მადნეულობით. ერთიც და მეორეც ბევრია გამოფენილი.

წარმოდგენილია ხელოვნურად გაკეთებული ტიკინებით სხვადასხვა სცენები კონგოს ცხოვრებიდან. აი, მაგალითად, ბელგიელი ექიმი ახალ დაბადებულ შავკანიან ბავშვს სინჯავს. იქვე მეორე ბავშვი თავისებურად გამოწყობილ კათოლიკე მონაზონს გაპრიანებულ ზეწარგადაფენილ საბანში ჩაუწვენია და ეალერსება. მათი დედ-მამაც იქვე შორიახლო დგანან და ექიმს და მონაზონს სანდომიანი თვალთ შეჰყურებენ. მათ უკვე ტანისამოსი აცვიათ.

ბელგიელების სასახელოდ უნდა ეთქვათ, რომ ისინი შეესევინან კონგოს არა როგორც წურბელები და კრაზანები, არამედ როგორც ფუტკრები და ჭიანჭველები. გაუყვანიათ რკინიგზები, მოუწყვიათ მდ. კონგოზე გემით მიმოსვლა. ახლაც აშენებენ და განზრახული აქვთ მთელი რიგი გრძელი რკინიგზებისა.

წარმოდგენილია რელიეფებით ახლად გაშენებული ქალაქები. ქალაქები ჯერ პატარებია, მაგრამ კულტურული და მშრომელი ხელი ბელგიელისა ახლავე ეტყობა. აგერ ერთ-ერთი პატარა ქალაქიდან მთებისაკენ მშვენიერი გზატკეცილი მიიმართება, აგერ რკინიგზის სადგურიც. ქალაქს შიგნით ჯვარედინად ელექტრონის ტრამვაია გაყვანილი. აგერ წყალსადენი, ლამაზი და მკვიდრი ხი-

დები, პარკები, ბალები, დამუშავებული მინდვრები და იქით დაკებულზე, მდინარის პირას ქარხნის მაღალი მილიც მოჩანს.

პავილიონის ერთი ნაწილი პირამდე სავსეა სხვადასხვა სამეურნეო თუ სახელოსნო იარაღებით, ტანსაცმელ-ფეხსაცმელებით და ფართლელობით. ამ განყოფილებას მსხვილი ასოებით აწერია: „ჩვენი ახალშენისათვის საჭირო ნივთები“. ნივთები და იარაღები ზედ შეწონილია აქაურ ბუნებასთან, ჰავასთან, თავისებურ ცხოვრებასთან და დამზადებულია სპეციალურად ამ მიზნით დაარსებულ ქარხნებში. გამოფენილია თავისებური კონსტრუქციის ორთქლმავალი (ნიმუში კი არა, ნამდვილი, უზარმაზარი) კონგოს რკინიგზებისათვის სახმარი და რკინიგზების სხვა მოწყობილობა.

კონგოდან გამოვედი, უკვე საღამო ეამი იყო. დაღლილ-დაქანცული ვიყავი. გავიარე და ბალის პირას ერთ-ერთ სკამზე ჩამოეჩექი. ჩემ წინ ზღვა ხალხი ირეოდა: ბელგიელი, ფრანგი, ინგლისელი, ესპანელი, პოლანდიელი, შორეული ამერიკელი და კიდევ უფრო შორეული იაპონელი. მთელი ქვეყნის საუკეთესო წარმომადგენლებს აქ მოეყარათ თავი და საჯაროდ გამოეტანათ მათი ქვეყნისა და ხელის ნავარჯიშევი, ნაყოფი მათი შრომისა და გარჯისა.

არაჩვეულებრივ სულიერ მდგომარეობას განვიცდიდი ასე ზეზეურად ამდენი აუარებელი სანახაობის შემდეგ. რაღაც მამძიმებდა, თავიც მტკიოდა.

დავისვენე. შთაბეჭდილება ცოტ-ცოტად დამილაგდა. „აი, მთელი ქვეყნიერება, აბა გამოიციან, რომელი ხალხი სჯობია კულტურახელოვნებით“, გამიელვა ფიქრმა. კითხვა საინტერესოა, მაგრამ პასუხი არც ისე ადვილი. ჩემს გონებაში უანგარიშო ნანახი ნივთების სახე-სურათი უთავბოლოდ ირეოდა.

მაინც გამოფენილი ნივთების მიხედვით მგონია, რომ მთლა ქვეყნიერების კულტურის, ასე ვთქვათ, ტონის მომცემი სამი ხალხია: ფრანგები, ინგლისელები და გერმანელები. ბელგია იგივე საფრანგეთია თავის ნაწარმოების მიხედვით. ეს ერთი ბეწო ქვეყანა საფრანგეთს კვალდაკვალ მისდევს კულტურულად. მას ცრტაა ვუწოდოთ „პატარა საფრანგეთი“, იგი, ასე ვთქვათ, „საფრანგეთის უმცროსი დაა“. შეერთებული შტატები იგივე ინგლისია სულით და გულით, პოლანდია ძლიერ ჰგავს გერმანიას. ხოლო დანარჩენთ თითოეულს აქვს, რასაკვირველია, თავისებურება კულტურაში, მაგრამ მათი ნაწარმოები ან ამ სამი ბუმბერაზის კარგი წაბაძვაა, ან მათი ორიგინალური ნივთები მეორეხარისხოვანია და არა პირველხარისხოვანი კულტურულ ცხოვრებაში. გა-

მოფენილი ნივთების სიმრავლე სხვადასხვაობით აქ ყველას საფრანგეთი აჯობებს.

ფიქრმა გამიტაცა. წაველ შორს, შორს, აღმოსავლეთით, თოვლით შეღესილ მაღალ მთებისაკენ, სუნნელოვან დაფნით დაბურულ სერებისაკენ, ამწვანებულ ველ-მინდვრებისაკენ, მრისხანდ მოშხუილე მდინარეებისაკენ და კამკამა ანკარა წყაროებისაკენ... წაველ შორს, შორს... საყვარელ სამშობლოს მიდამოებისაკენ. გულზე ბოღმა მომაწვა, თვალები ამიცრემლდა (არა გულჩვილობით, ეს ხანა უკვე ბევრი ხანია გამოვიარე), "შურმა გამიტაცა, რატომ ის არსადა: ჩანს, რატომ იმის სახელიც არ იხსენება, რატომ ისიც არ არის ჩაბმული ამ საქვეყნო ფერხულში". ვეკითხებოდი ჩემს თავს. განა იქ უარესა ველ-მინდვრებია, ვიდრე კანადაში? როგორ დავიჯერო, რომ იმ მთებშიაც არ იყოს მადნეულობა, განა ელექტრონი იქაც იმ ბუნების კანონს არ ემორჩილება, რასაც ამერიკაში: ინგურის, ტეხურის, ცხენისწყლის, რიონის, მტკვრის, არაგვის და ალაზნის მუქთი ძალა ხომ მთელ ქვეყანას ელექტრონით გაანათებდა და რკინის ლიანდაგით მოჰფენდა. სხვა არა იყოს რა, ნუთუ იქაური სიმინდი ისე არ დაიფქვევა, როგორც აქ ჰოლანდიელებს დაუფქვავთ. ან იქაური აქაურებზე ნაკლებ თვალტანადები არიან, რად არ ჩანან, რად იმალებიან?! მაგრამ აქ როგორღაც გამახსენდა უკან ტორებზე შემდგარი, მკრელი კბილებით მომუქრე თეთრი დათვი, გამეცინა და ზეზე წამოვდექი.

გამოფენიდან გამოსვლის წინ გულმა ვერ მომითმინა, რომ ერთხელ კიდევ თვალი არ მომეკრა ინგლისელების ფარჩის საქსოვ მანქანისათვის. შევედი: ძლივს გავატანე. ხალხით გაჭედილი იყო იქაურობა. პირხმელი ინგლისელი ჩვეულებრივ აუჩქარებლად, ბეჯითად და დაუღალავად ყოველ მეორე წუთს ადიოდა მანქანის ზემო ნაწილში და ჩამოდიოდა. „სწორედ ამ ბეჯითობა-აუჩქარებლობა-დაუღალავობაშია ამ ხალხის დაწინაურების საიდუმლოება“, — გავიფიქრე და გამოვბრუნდი.

სალამოს ცხრა საათი იყო, როდესაც მატარებელი ბრიუსელისკენ მიგვაქროლებდა. გამოფენა კი ელექტრონის ცეცხლში ცურავდა.





შეზღიდა სამეფოში

(ნერილი ბრიუსელიდან)

ბრიუსელის უნივერსიტეტის საბუნებისმეტყველო ფაკულტეტის ფსიქოლოგიის პროფესორის ბ. ლეის (Lay) ხელმძღვანელობით მოეწყო ექსკურსია ს. ლიერნეს სულით ავადმყოფთა თავშესაფარის დასათვალიერებლად. ბ. ლეი ექიმი ფსიქიატრია, იგი დირექტორია ბრიუსელის გვერდით, ფორ-ჟაკოში არსებულ სულით ავადმყოფთა სანატორიუმისა. სიხარულით ჩავეწერე ექსკურსიაზე, რადგან ასეთი იშვიათი შემთხვევის ხელიდან გაშვება არ მინდოდა. ძლიერ საინტერესო იყო თავშესაფარის დათვალიერება, მაგრამ არა ნაკლებ საინტერესო იყო ქვეყნის გაცნობაც.

შაბათს, 3 მაისს, (ახ. სტილი), დილის თერთმეტის ნახევარზე ყველანი უკვე ბრიუსელის „ჩრდილოეთის“ სადგურზე ვიყავით. სტუდენტების გარდა მოდიოდნენ: პროფესორი ბ. ლეი თავისი მეუღლით და მოზარდი ქალ-ვაჟით და ერთიც მათი ნათესავი მასწავლებელი ქალი. ჩავსხედით ქ. ლიევისაკენ მიმავალ მატარებელში და გავსწიეთ. ეს მატარებელი წინდაწინვე იყო არჩეული, რადგან ბევრი ჩვენთვის ხელსაყრელი თვისება ჰქონდა: იგი იყო სწრაფი (ბრიუსელი და ლიევის შუა ასი კილომეტრის მანძილზე მართო ერთ ალაგას გაჩერდა ხუთი წუთით) და მესამე კლასის ვაგონიც ჰქონდა მობმული.

ბრიუსელიდან ლიევაძემ აღმოსავლეთით მივემართებოდით. ეს გზა ერთფეროვანია. ადგილმდებარეობა ვაჟე, ალაგ-ალაგ აბორც-

ვილი. ეს ეგრეთ წოდებული შუა ბელგიაა. ნიადაგი ბუნებით უნაყოფოა, ქვიშნარ-თიხნარი, მაგრამ გონიერ შრომას და მეცადინეობას სამოთხედ გადაუქცევია. ირგვლივ ყველგან საამური ჩეჭილი ბიბინებს. დარგული ხეივნებით ათასფრად აჭრელებულია არემარე. გზაზე გვხვდება მრავალი სოფელი ორ-სამსართულიანი სახლებით და ფაბრიკა-ქარხნებით.

პირველის ნახევარზე უკვე ლიეჟში ვიყავით. აქ უნდა გამოგვეცვალა მატარებელი, რომ სამხრეთისაკენ გავმგზავრებულყავით. ლიეჟი (ლიუტიხი) დიდი ქალაქია, სიდიდით მესამეა ბელგიაში, ბრიუსელის და ანვერსის (ანტვერპენის) შემდეგ. ჩვენ თბილისზე ცოტა დიდი იქნება. ქალაქში ალებ-მიცემობა და მოძრაობა დიდია. ძლიერ განვითარებულია რკინეულობის ინდუსტრია, რადგან ახლომახლო რკინის მადნებიც ბლომად არის და ქვანახშირიც. არის აგრეთვე ცნობილი უნივერსიტეტი. დავნაყრდით და გავსწიეთ ახლა სამხრეთით: ქ. ლიეჟს შუა გადის საკმაოდ დიდი გემთსავლელი მდინარე მეესი. ის მომდინარეობს სამხრეთ-დასავლეთით საფრანგეთიდან და მიმდინარეობს ჩრდილოეთ-აღმოსავლეთით, ლიეჟთან ახლო მეესს ერთვის მდ. ურტი. ჩვენ ჯერ ან ურტის ნაპირებს ავყევით ზემოთ, რამდენიმე ხნის შემდეგ ურტი მარჯვნივ დავტოვეთ და მის შემაერთს მდ. ამბლევის ნაპირებზე გადავედით. ურტი არაგვის ტოლა იქნება, ამბლევი — ძირულისა. ლიეჟიდან სანახაობა იცვლება. ეს მხარე მთაგორიანია. ძლიერ წააგავს ზემო იმერეთს. ლიეჟი შეიძლება წარმოვიდგინოთ როგორც ზესტაფონი, ხოლო ჩვენი გზა ჯერ როგორც ყვირილის და მერე, ძირულის ხეობა. თუმცა აქ მთები ზემო იმერეთისაზე შედარებით ცოტა დაბალია, მაგრამ სილამაზით არ ჩამოუვარდება. ირგვლივ არემარე ამწვანებულია. ნაძვნარი სცვლის მუხნარს, ნაძვნარს დამუშავებული ველი, დამუშავებულ ველს ფიქვნარი, ფიქვნარს წიფნარი. აქა-იქ უზარმაზარი სალი კლდეებიც მოჩანს: საითაც უნდა მიიხედო, სულ ერთია, მთაა თუ ვაკე, რაღაც თეთრი ზოლები გხვდება თვალში, ხან ათასფრად დაკლაკნილი, ხან ისარივით სწორი. ეს გზატკეცილებია. მე ბელგიელებისა არაფერი ისე არ მეხარბება, როგორც ეს გზატკეცილები. რკინიგზებით მთელი ქვეყანა ხომ ბადესავით დახლართულია, მაგრამ ამასთანავე გზატკეცილებსაც ანგარიში არა აქვს. საცა რკინიგზაა, იქ უსათუოდ გვერდით გზატკეცილიც ახლავს, ხან ორი აქეთ-იქით. საცა რკინიგზაა ცოტა დაშორებულია, იქ ხომ სათვალავი არა აქვს. მერე რა მკვიდრად და ლამაზად გაკეთებული გზები. მატარებლიდან რომ უყუ-

რებ, ისე გზიბლავს, რომ გინდა გადმობტე და ერთი ზედ გაირბინო. კარგი გზების გაყვანა ბელგიელების ერთგვარი სნეულებაა. ამ საქმეში ისინი თავიანთ ქვეყანასაც გასცილდენ. აკი ჩვენ კურთხეულ ტფილისში და რუსეთის ბევრ დიდ ქალაქებში ტრამვაი ბელგიელების მიერ არის გაყვანილი. ამ გზატკეცილების შემყურეს გამახსენდა ახლახან ჩვენ გაზეთში ამონაკითხი, რომ მთავრობის განკარგულებით კახეთის რკინიგზის გაყვანის შემდეგ სიღნაღ-ტფილისის გზატკეცილი უნდა გააუქმონ. ბელგიელები აპირებენ შემთხვევაში არსებული გზის გაუქმების მაგიერ მეორე გზატკეცილის გაყვანას შეუღებოდენ იმ მოსაზრებით, რომ რაკი რკინიგზა გავიდა, მოძრაობა იმატებს და ერთი გზა საკმარისი არ იქნებაო. რას უზამ, ყველგან თავისებური მსჯელობა.

ნაშუადღევის ოთხ საათზე მივედი თ. ტრუპონში (საპი ხიდი), წინდაწინვე გვქონდა განზრახული, რომ დამე აქ გაგვეთენებინა და მეორე დღეს კვირას, დღით ადრე გავმგზავრებულიყავით, ფეხით გადაგვევლო მთა ტრუპონისა და ლიერნესშიც თუთხაპეტი კილომეტრი და ათ საათზე მივსულიყავით თავშესაფარში, სადაც უკვე მიგველოდენ. შეგვეძლო მგზავრობა გაგვეგრძო რკინიგზით ვიელ-სალმამდე და იქიდან ვიწრო ლიანდაგიანი გზით პარდაპირ ლიერნეში მივსულიყავით, მაგრამ მულამ ერთფეროვან ქალაქურ ცხოვრებას თავმობეზრებულებმა ცოტა ფეხით გასაერნებაც მოვიწადინეთ.

ტრუპონი მოზრდილი სოფელია, ადგილმდებარეობა სრულეზით ძირულას მიუგავს. აქაც ორი მდინარე ერთდება: ამბლევი და სალმი. რადგან ამბლევი უფრო დიდია, ქვევით სახელწოდებაც იმისა რჩება. სიდიდითაც ერთიც და მეორეც ძირულ-ჩხერიმელას მოგავონებს. აქაც, როგორც სხვაგან ბელგიაში, ორ-სამსართულიანი ლამაზი ქვითკირის სახლებია, მოკირწყლული ქუჩებით, ტროტუარებით და განათებით. ს. ტრუპონი რუსულ ერთ რიგ ქალაქს აჯობებს.

ხელბარგი მივებარეთ ერთ-ერთ სასტუმროში და წავედით არემარის დასათვალიერებლად... პროფესორი მიგვიძლოდა. ტრუპონის ქვემოთ ორი კილომეტრის მანძილზე მშვენიერი ჩახრიალაა. ეს მატარებლიდანვე შევამჩნიეთ. მდ. ამბლევი ვარდება ათი მეტრის სიმაღლიდან. მივედით და ერთ ხანს ვტკბებოდით დიადი სანახაობით, თუ როგორ თავგანწირვით ეხეთქებოდა უფსკრულში ქაფადქცეული მდინარე. შემდეგ აყვევით ტყით დაბურულ ციცაბო მთას საცალფეხო გზით. მთიდან თვალწარშტაცი სურათი გადაგვე-

შალა. ეს მეორე მდინარე რომელია-მეტეი, წამოვიძახე. ეს მეორე კი არა, იგივე ამბლევიაო, მითხრა პროფესორმა. თურმე ნუ იტყვით, ეს ჩახრიალა ხელოვნურად გაკეთებული ყოფილა. როგორც ვიცით, მდინარე ნიადაგის სხვადასხვაობისა გამო დაკლაკნილად მიდის, კლდიან ადგილებს გზას უქცევს და ფხვიერ ნიადაგისაკენ იკვლევს გზას. ამბლევსაც ამ ალაგას მაგარი კლდე დახვედრია, გზა აუქცევია და შემოუვლია კარგა მოზრდილი, რამდენიმე კილომეტრი წრე და მოსულა დაბლა ისევ, სწორედ თითქმის იმ კლდის ძირამდე, საიდანაც ზემოთ გზა აუხვია. ამ მოსახვევთან ვიწროდ (ოთხიოდ საყენი) გადუტეხიათ კლდე და მდინარე გადაუგდიათ, ახლა მდინარის მომეტებული ნაწილი ამ ახალი გზით ჩახრიალებს. ხოლო მეორე მცირე ნაწილი მიდის ისევ ძველი გზით და ორივე ისევ ერთდება ჩახრიალას ქვემო 60-100 საყენის მანძილზე. ამრიგად ნახევარკუნძულის ალაგას გამართულა კარგა მოზრდილი კუნძული, აღმოსავლეთით საკმაოდ აწეული, ნაძვენარფიქვნარით დაბურული, ხოლო დასავლეთით დავაკებული, სადაც ერთი პატარა კოპწია სოფელიცაა გაშენებული, ჩინებულად დამუშავებული ველ-მინდვრებით გარშემორტყმული.

გადავიარეთ მთა და ჩავედით სოფელ სტაველომდე. ეს სოფელი თითქმის ბელგია-პრუსიის საზღვარზეა. აქედან პრუსიის საზღვრამდე ათი კილომეტრი თუ იქნება. სტაველოელები გერმანულად ლაპარაკობენ, ამიტომ მათი სოფლის რკინიგზის სადგურზე წარწერები გერმანულია. გადავქერით რკინიგზის ლიანდაგი, ჩავედით ქვემო გზატკეცილამდე და გამოვბრუნდით ტრუპაონისაკენ, რომ ადრე გვევანშმა, დაგვესვენა და მეორე დღეს დროით გაემგზავრებულყავით.

ჩვენი სასტუმრო საუკეთესო აღმოჩნდა იმ სოფელში. კოპწია, ზედ მდ. სალმის ნაპირზე, ხიდის ყურთან. სახლის პატრონს სასტუმროც აქვს გამართული, კაფეც და საფართლოც, რა თქმა უნდა, სახლის სხვადასხვა განყოფილებაში, ვახშამსაც არა უშვებდა რა. საზოგადოდ ბელგიაში მოგზაურობა ადვილი და ხელსაყრელია. აქ არ გჭირია ლოგინის და ბარგი-ბარხანის ზიდვა. საცა გინდა მიხვიდე, ყველგან იშოენი მოწყობილ ოთახს ღამის გასათევად და საკმელ-სასმელს და მერე იმნაირადაა მოწყობილი, თითქო ვინმე მეგობართან ოჯახში მისულიყვე სტუმრად. აქაური სასტუმრო დუქნურ შთაბეჭდილებას არ ახდენს. ამასთანავე არც ძვირია. ტრუპაონში, მაგალითად, ჩვენ გვიანგარიშეს სულზე ოთხი ფრანკი (მანეთ-ნახევარი): ვახშამი, ორი თავი ხორცი, ბოსტნეულობა, კიჭა

ლუდი, პური ბლომად, ტკბილეული. დამე მორთული ოთახი, გაპრიალებული ქვეშაგებით და საპონ-პირსახოცით, დილით საუზმე: ყავა, რძე, კარაქი, ყველი, პური და მურაბა. იმნაირად მოწყობილ ოთახს ჩვენ სამაზრო ქალაქებში სანთლით ვერ მოსძებნი. სისუფთავეზე ხომ ლაპარაკიც მეტია.

ნავახშმევს ბიჭებმა ცოტა გასეირნება მოიწადინეს, უპროფესოროდ, რასაკვირველია. მეც ხათრი არ გავუტეხე, თან მეინტერესებოდა გამეცნო აქაური ცხოვრება. ბელგიელები საერთოდ კარგი საამხანაგო ხალხია. ეროვნული კარჩაკეტობა, რაც ასე ხშირია ბევრგან, მათში არ არსებობს, ისინი სიხარულით იღებენ უცხოელს ყოველგვარ თავიანთ წრეში და გულწრფელად უმეგობრდებიან. შევედით ერთ წმინდა წყლის სამიციტნოში, აქაურულად — კაბარეში. ხალხი საკმაო იყო. სვამდნენ ლუდს. ლუდი ხომ აქაური ღმერთია. შკაფივით მაღალი ავტომატური არღანი საცეკვავეს უკრავდა და ერთი ვიღაც მუშურად გამოწყობილი კაცი და ერთი გვარიანი კარგი თვალტანადი ქალი ცეკვავდნენ. შეჩერდა მუსიკა. მოცეკვავე კაცი ლუდს მიუბრუნდა, ხოლო ქალი უკანა კარებისაკენ გაემართა. ახლა ადგა მეორე მუშა, კარგა აქალაქებული, პირის სახე დაღმეკილი, ამოიღო ათსანტიმიანი ფული და ავტომატში ჩააგდო. აქრიკინდა არღანი. მუშამ დაჰკრა ქუსლი იატაკზე და დაიწყო ცეკვა, ჩქარა გაჩნდა ისევ ის ქალი, ჯერ კიდევ სახე გაწითლებული წინანდელი ცეკვით. მუშამ ხელი მოჰხვია, გოგომაც მარცხენა ტუჩით ჩაუცინა და მარჯვენა თვალი სანდომიანად მიანათა, ხოლო მარჯვენა ტუჩი ზიზლით მოკუშა და მარცხენა თვალი სევდიანად შორს, შორს სივრცეში გააციალა. „რიტ, რატ, რიტ, რატ“, იძახდა მუსიკა, მუშა ჩექმების ქუსლს აბაკუნებდა და თან ვნებით სავსე თვალებს ქალს აშტერებდა. ჩვენც მოვითხოვეთ ლუდი. ღვთის წინაშე მწყუროდა კიდევ. დავადე ქიქას ტუჩები, მაგრამ შენი მტერი, ეს ლუდი კი არა, ლუდის ძმარი იყო. ჯერ ლუდი რა არის, და მისი ძმარი რა უნდა იყოს! საოცარია, ნუთუ აქაც ამ მხრავ უქანტროლოა ქვეყანა და შესაძლებელია ასეთი საწამლაეის გაყიდვა? დახლში მიკიტნის ცოლი იდგა, როგორც ჩვეულებება ბელგიაში, და გვერდით დამხმარედ 13-14 წლის ვაჟი ედგა. უკანა კარებისაკენ მივიხედე. ღია კარებიდან მოჩანდა კარგად მორთული ოთახი. ოთახის შუა გულში იდგა და ჩვენსკენ იყურებოდა სახლის პატრონი, კარგად ჩაცმული, პარამოპარსული, თმა ლამაზად გადავარცხნილი, პირში მრუდეტარიანი ჩიბუხი ედო, ცალი ხელი ძიქვის ჯიბეში დაემალა, ხოლო მეორეს გრძელ უღვა-

შებზე ნელ-ნელა ისვამდა. ეტყობოდა ჩვენი მისვლით ძლიერ კმაყოფილი იყო. ცოტა ხნის შემდეგ ავიშალენით და წასასვლელად კარებისაკენ გავემართეთ. შემოვიდა ერთი ძალზე ჩასუქებული ტუჩებ გადმოვარდნილი კაცი. ჩვენ უკვე ქუჩაში ვიყავით, რომ შემოქმედმა ისევ „რიტ რატ, რიტ რატ“. ალბათ იმ მსხვილტუჩამ თუ აახმაურა ხელახლა მუსიკა. წარმომიდგა ლოყაწითელი ქალი, თუ როგორ მიუახლოვდა ტუჩას, მორჩილებით დაუშვირა წელი ხელმოსახვევად, ტუჩამაც მოხვია და ათ სანტიმად ნაყიდი სიამოვნებით დამტკბარმა მძიმედ ააყოლა მუსიკის ხმაზე თავისი დასიყვებული ფეხები. ქუჩაში თავისუფლად ამოვისუნთქე. ცეკვისაგან და თამბაქოს ბოლისაგან სამიკიტნოში საშინელი ჰაერი იყო.

გავიარეთ კიდევ აქეთ-იქით და როცა სასტუმროში დავბრუნდით, ჩვენს დიასახლისსაც თავის კაფეში გვარიანი ვაჭრობა ჰქონდა. ხელში კონიაკის ბოთლი ეჭირა და ბარძიმივით მაღალფეხიან ჭიქაში კონიაკს ასხამდა.

— ქალბატონო, ამ თქვენ სოფელში თითო ოჯახზე მგონი ორი სამიკიტნო მოდის-მეთქი, გავეხუმრე.

— დიახ, ბატონო, — სიცილით მომიგო და კონიაკით სავსე ჭიქა მის წინ მდგომ ერთ-ერთ მუშტარს მიაწოდა.

იმანაც მოწიწებით გამოართვა, თითქო მართლა ზიარება იყო-სო, ერთი აქეთ-იქით მიიხედა, თითქო შენდობას ითხოვსო, იწათა და გადაყურება. „შეგარგოს ღმერთმა“—მეთქი, ჩავილაპარაკე ქართულად და სასტუმროს დარბაზისკენ გავემართე. „როგორც გინდა ისე ილაპარაკე, ბიძია, და იმ სამიკიტნოს პატრონს, პირველად რომ ვიყავით, თავის სამიკიტნოშივე ჩინებულად შეუსწავლია ადამიანის ფსიქოლოგია. — მომდიოდა ფიქრი. — შეუსწავლია და კარგადაც გამოუყენებია. ის მგონი ცეკვით უფრო მეტს ვაჭრობს, ვიდრე ძმარ-ძმარა ლუდით. ქალს დღისით იმსახურებს. საღამომით აცეკვებს სტუმრებთან. ნელ-ნელა, მაგრამ შეუწყვეტლივ გადადის ათსანტიმიანები საჭრიტინებელში, წითელლოყა ქალი ცეკვავს, სტუმრები სიამოვნებით გაბრუებულები ვერც კი ამჩნევენ დამმარებულ ლუდს, მიკიტანი კი მაძლარი კმაყოფილებით უღვაშებზე ხელს ისვამს.

მიუხედავად კულტურული დაწინაურებისა, ჯმა ძლიერ განვითარებულია ბელგიაში. არ ვამბობ ლოთობა, რადგან ლოთობა იმ ზომამდე და სახით, როგორც რუსეთშია, აქ არ არის. აქ სვამენ მომეტებულ ნაწილად ლუდს და ეს ყოველ შემთხვევაში ისე ვერ მოქმედებს, როგორც რუსული ვოდკა, ან ჩვენი კახურ-სვირული.

მაგარ სასმელებში კონიაკი ძლიერ გავრცელებული. საერთოდ ეს სენი მაინც შესამჩნევია. მხოლოდ ერთი კია, რომ ბელგიელმა საზოგადოდ დაუსრულებელი უზომო ქეიფი არ იცის. ის გამრჩეულია, საქმიანია, ამასთან ყაირათიანი, ცოტას წაიქეიფებს და საქმისკენ გაემურება. კონიაკის სასმელად პაწია კიქებია ხმარებაში და ეტყობა ეს პაწია კიქები რაღაც დაკანონებულივითაა. მაგალითად, ერთ-ერთ კაფეში შემოვიდა ერთი კაცი და კონიაკი მოითხოვა, დახლში მდგომმა 15-16 წლის გოგომ პატარა კიქა მოიძარჯვა. ეს არა, აი, ისო, მიუთითა მუშტარმა მეორე კიქაზე, ის ოცა სანტიმი ღირსო, გაოცებულად მიუგო გოგომ. ეტყობა იმ ოცსანტიმიანი კიქის დაცლა ხშირი მოვლენა არაა. მაგრამ ათსანტიმიანის განმეორება ხშირი უნდა იყოს და ჯამი მაინც ერთი და იგივე გამოდის. გარდა ამისა, კაფეებში ქალებიც არხეინალ ქეიფობენ და ბავშვებიც თანა ჰყავთ ძუძუმწოვრიდან მოყოლებული, რაც ჩვენ კაცს აქ მაშინათვე თვალბში საოცრად ჩაუვარდება ხოლმე. ყოველ შემთხვევაში, არ შემიძლია ამას უარყოფითი მხარე არ დავარქვა. ერთმა რუსმა მწერალმა (გვარი არ მახსოვს) ერთ-ერთ მოხდენილად დაწერილ მოთხრობაში ლოთობას სრულიად რუსეთის მწუჭარება დაარქვა (испорченное rope). გონია, რომ მსოფლიო უბედურება დაერქმია უფრო სწორი იქნებოდა.

მეორე დღის დღის ექვს საათზე წასასვლელად მზად ვიყავით. ავეყვით ნელ-ნელა მთას სამხრეთ-დასავლეთით. თუმცა ტრუპონიდან ლიერნამდე გზატკეცილიც მადის, მაგრამ უფრო პირდაპირი საცალფეხო გზით ვარჩიეთ სიარული. დარიც რომ ხელს გვიწყობდა. საზოგადოდ ბელგიაში დარი ძლიერ ცვალებადია, ილიერ ხშირია წვიმა, მაგრამ ეს დღე თათქო საგანგებოდ ჩვენთვის იყო გაქედლი. ლაქეარდი ცა, არხად ერთი ბეწო ღრუბელი და მაისის მოცინარე მზე ზემოდან დაგვეყურებდა. არ ციოდა, თუმცა აქ ადგილი საკმაო მაღალაა, 500-600 მეტრი ზღვის ზედაპირიდან, არც ცხელოდა, ასე რომ ერთი წვეთი ოფლი არ მოგედენია. სწორედ რომ იშვიათი ადამიანია პროფესორი ბ. ლეი. იგი ჯერ კაცია, ამ სიტყვის საუკეთესო მნიშვნელობით, და მერე რაც გინდა: ექიმი, პროფესორი და სხვა. ის ცდილობს ადამიანში აღზარდოს ნამდვილი ადამიანი: თავისუფალი მოქალაქე, ყოველგვარ ვიწრო დოგმას და დახვესებულ აზროვნებას მოკლებული. მის ლექციებზე ხშირად გავიწყდება, რომ აუდიტორიაში ხარ. ასე გგონია, თითქო სადმე სტუმრად იყო და ვინმე კაი მარილიანი მომუსაიფესაგან საინტერესო ანალ ამბავს ისმენდე. თუ ის ასეთია

აუდიტორიაში, აქ მინდვრად, თავისუფალ ჰაერზე რაღა იქნებოდა, და მართლაც, ჩვენ არც კი გვიგრძენია, თუ როგორ გავიარეთ თუთხმეტი კილომეტრი, გადავლახეთ საკმაო მაღალი მთა და პატარა მდ. ლიარის ნაპირებს მივადექით. აქედან ბრიუსელამდე ჩვენ მიერ გამოვლილი გზით ას სამოცდაათი ვერსი იქნება. სოფელი ლიერნე გაშენებულია ამ მდინარის მარცხენა საკმაო მაღალ ფერდობზე, ფერდობის იქით დიდი ზეგანია გაქიმული, ეს ერთ-ერთი მაღალი ადგილთაგანია მთელ ბელგიაში. აქ ბელგიის არდენის მთების თითქმის შუაგულია. ლიერნეს ადგილ-მდებარეობა ზედგამოჭრილი საჩხერეა. არ ვიცი, რომელია უფრო ლამაზი! მხოლოდ აქ ვერ ხარობს ვაზი, ატამი და სხვა ზოგიერთი ხილი, რაც ასე უხვადაა ჩვენი დიდებული მგოსნის სამშობლო კუთხეში.

სოფლის თავში დირექტორმა ფერმალი დაგვახვედრა და აქედან პირდაპირ თავშესაფარისაკენ გავემგზავრეთ.

აქ მინდა გაკვირით შევეხო თვით სულით ავადმყოფობას. სულით ავადმყოფობა ანუ შეშლილობა, საუბედუროდ, არც ისე იშვიათია, იგი არ ინდობს არც ნასწავლს, არც უსწავლელს, არც მდიდარს და არც ღარიბს. როგორც ზღაპრული გადმოცემა, ისე ისტორიაც მოწმობს, რომ შეშლილობა უხსოვარ დროიდან იყო გავრცელებული ადამიანთა შორის. დიდხანს არ იყო ნათლად გარკვეული სულით ავადმყოფობის მიზეზი. ამასაც, როგორც სხვა ბევრს, ცოდვა-მადლს აწერდნენ, ამიტომ შეშლილის მორჩენას ლოცვა-ვედრებით და შესაწირავებით ცდილობდნენ. სამწუხაროდ, ამ ყალბი აზრის მიმდევარი. დღესაც ბევრია. მოიძებნება ზოგიერთი მღვდელიც, ვინც შეშლილის მორჩენას ჩემობს, მაგრამ მეექვება, რომ იმ საშუალებით (ჯაჭვით დაბმით და ჯოხის ცემით) ვინმემ შეშლილი მოარჩინოს. ჩვენ-დროში ნათლად გარკვეულია, რომ შეშლილობის მიზეზი მხოლოდ და მხოლოდ ტვინის დაზიანებაა, როგორც ვიცით, ყოველ ჩვენ სულიერ და ხორციელ ცხოვრებას, გრძობა-გონებას თუ მოძრაობას განაგებს ტვინი. ტვინშია მოთავსებული მთელი სიცოცხლის ძალა. კიდევ იმიტომაც იგი გარემოცული მაგარი ძვლებით, როგორც საუცხოო მზეთუნახავი მიუვალ კოშკში. მაგრამ ტვინი თავში უთავბოლოდ როდი ყრია, იგი გარეგანი შეხედვითაც განიყოფება მრავალ, კასტიკად განსაზღვრულ ნაწილებად, ხოლო მიკროსკოპის ქვეშ მილიონჯერ მილიონი სხვადასხვა ნაწილი მოჩანს. ტვინიდან გამოსული უანგარიშო ძაფები (ნერვები) გაფანტულია მთელ სხეულში და მათი საშუალებით სწარმოებს ის, რასაც სიცოცხლე ჰქვია. ტვინს ამსგავსებენ თა-

ნამედროვე დიდი ქალაქების ტელეფონის სადგურს, ხოლო ნერვებს, ცენტრალური სადგურიდან გაყვანილ მავთულებს და ეს მსგავსებაც საუცხოოა. ბევრი ხანი არაა, რაც ტვინის შესწავლას ჟეროვანი ყურადღება მიაქციეს. ანტიურ დროში ტვინზე ყალბი წარმოდგენა ჰქონდათ. დიდებულ არისტოტელსაც ტვინზე ყალბი წარმოდგენა ჰქონდა. ჩვენ დროში კი ბევრი მეცნიერია, ვინც მთელ თავის სიცოცხლეს მარტო ტვინის შესწავლას ანდომებს. რაც დრო გადის, ტვინის შესწავლა უფრო და უფრო საინტერესო ხდება და ამასთანავე საქმეც უფრო რთულდება. ბოლო დროს ტვინის შესწავლაც ნაწილებად დაიყო. ზოგი მეცნიერი ტვინის რომელიმე ნაწილს ირჩევს შესასწავლად და მთელი თავის სიცოცხლეს იმის შესწავლას ანდომებს.

ამ დაულალავმა და ბეჯითმა შრომამ აღმოაჩინა, რომ ყოველ ჩვენ სულიერ და ხორციელ, სულ უუმცირეს მოძრაობასაც ტვინში თავისი საკუთარი პაწია კუნჭული აქვს. არის მაგალითად ზოგიერთი კაცი, ვინც ხმას „ხ“ ან „კ“ ვერ გამოთქვამს. ესმის ძლიერ კარგად, შეიძლება ძლიერ ჭკვიანი და ნიჭიერი იყოს, მაგრამ ამ ხმებს მაინც ვერ გამოთქვამს. ერთი შეხედვით კაცს გაუკვირდება, მაგრამ აქ საკვირველი არა არის რა. სწორედ ტვინში ის პაწია კუნჭული მოშლილია, ან განუვითარებელი, ან სრულებით აკლია, რაც ზემოხსენებულ ხმებს განაგებს და ათასიც რომ ეწვავლო, ასეთ პირს იმ ხმებს ვერ გამოათქმევიანებ. აბა რანაირად დავლაპარაკებო ცენტრალურ სადგურს, თუ სახლში ტელეფონი გაყვანილი არა გაქვს?

ამას წინათ ბ. ლეისავე ხელმძღვანელობით ვიყავით ფიზიოლოგიის პროფესორის ბ. ლეეეს ლაბორატორიაში. პროფესორმა ლეეემ გვაჩვენა მტრედი გარეგნობით სრულებით საღი, იდგა მხოლოდ ერთ ალაგას უძრავად. პროფესორმა აუქშია, მაგრამ მტრედი არც კი შეინძრა. წინ საკენკი ეყარა. მტრედი არავითარ ყურადღებას არ აქცევდა. პროფესორმა თავში ხელი მოავლო, ნისკარტი საკენკთან მიუტანა, მაგრამ მტრედი მარცვლის მაგივრად თითქო ქვას შეეხო. საქმე ის იყო, რომ ამ მტრედს ხელოვნურად ამოღებული ჰქონდა ტვინის ის ნაწილი, რომელიც განაგებს მოძრაობას და საქმელის არჩევას. მაგრამ როცა პროფესორმა აიღო ერთი მარცვალი, მტრედს ნისკარტი გაუღო და პირში ჩაუგდო, მტრედმა სიამოვნებით გადაყლაპა, რადგან გემოვნების და ქამის გამგე ნერვები მთელი ჰქონდა. მეორე მტრედს, სრულიად საღს, ჩვენ თვალწინ ნემსით ცოტა უჩხვლიტა თავში, სწორედ ტვინის

იმ ნაწილის პირდაპირ, რაც განაგებს ფეხზე ღგომის და სიარულის სისწორეს. მტრედმა მაშინათვე საცოდავად ფართხალი დაიწყო. სხვათრივ არა უჭირდა რა, მხოლოდ ფეხზე ველარ ღგებოდა. ახლა ადვილი მისახვედრია, თუ რისთვისაა, რომ მთვრალი კაცი გზაზე სწორად ვერ მიდის, ხოლო ძლიერ მთვრალი სრულებით ფეხზე ველარ ღგება ხოლმე. ეტყობა ალკოჰოლი მოქმედობს განსაკუთრებით ტვინის იმ კუნჭულზე, რომელიც სიარულის სისწორეს და ფეხზე სწორე ღგომას განაგებს.

ყოველგვარი შეშლილობაც ტვინის ამა თუ იმ ნაწილის მოშლას, თუ სად, ან რა ზომამდე უზიანდება ადამიანს ტვინი, იმისდაგვარად და იმ ზომამდე იჩენს თავს შეშლილობა. მაშ ცხადია, რომ შეშლილის მოსარჩენად ყოველგვარი შელოცვა, ზვარაკები და შესაწირავები სრულებით უნაყოფოა, თითქმის უნაყოფოა სხვადასხვა ბალახბულახისაგან შეზავებული წამლები, ხოლო შეშლილის გაღიზიანება, ცემა და დაბმა ხომ ბარბაროსობაა. ერთადერთი გონიერული საშუალება შეშლილის მოსარჩენად, ჯერ შესწავლაა მისი ავადმყოფობისა, თუ რა ადგილი, ან რა ზომამდე აქვს ტვინი დაზიანებული და მერე იმისდაგვარად მოვლა-პატრონობა. თუ იმდენად დაზიანებულია ტვინი, რომ მისი სრულებით გამთელება შეუძლებელია, გონიერი მოვლით ავადმყოფის სამწუხარო ხვედრის შემსუბუქება მაინც შეიძლება.

მაგრამ აი უკვე შევედით თავშესაფარში.

თავშესაფარი გაშენებულია სოფლის შუაგულ მადლობზე. მთავარი შენობა დიდია, სამსართულიანი. ეზოში ბაღია გაშენებული დიდი აუზით, სადაც ვარსკვლავის მსგავსად სჩქეფს შადრევანი. ვესტიბიულში დაგვხვდა თავშესაფარის დირექტორი — ცნობილი ფსიქიატრი ბ. მასსო, ექიმებით და მოსამსახურეებით. ჩვენი პროფესორი მასსოს კაი მეგობარია. გაცნობის და საღამქალამის შემდეგ ჩვენ მიგვიწვიეს ერთ დიდ დარბაზში, სადაც ჩვენთვის სკამები უკვე დაემზადებინათ. ჩქარა შემოვიდა დირექტორიც და თან შემოიტანა დიდი რვეულები. თითოეულ ავადმყოფზე ცალკე რვეულია შედგენილი. იქ არის აწერილი მთელი თავგადასავალი ავადმყოფობისა, მთელი მისი ცხოვრება და ექიმების დაკვირვება. ამ მხრივ დიდი მასალა უნდა იყოს მოგროვილი ლიერნეს სულით ავადმყოფთა თავშესაფარის არქივში. მართალია, სამხიარულოს და სასიამოვნოს აქ ვერაფერს ნახავთო, მოგემართა დირექტორმა, — სამწუხაროს კი ბევრსა, რა ექნათ, შეუძლებელს ვერ შეიძლებთ, მაგრამ შეძლებისადაგვარად მაინც ვცდილობთ მათი მწა-

რე ხვედრი შევამსუბუქოთო. შემდეგ გაგვიმარტა სულით ავად-
მყოფობა, მისი მიზეზი, გაგვაცნო სხვადასხვა დარგი შესლილო-
ბისა. სულით ავადმყოფებს საზოგადოდ ორ დიდ ნაწილად ჰყო-
ფენ. ერთი, ვინც დაბადებითვე ქუჟანაკლებია, ხოლო მეორე,
ვინც დაბადებით სრულებით საღი იყო, მაგრამ შემდეგ სხვადასხვა
მიზეზისა გამო შეიშალა. ერთიც და მეორეც იყოფა მრავალ დარ-
გებად, იმისდაგვარად, თუ ვის რა ზომამდე აკლია ქუჟა-გონება,
ან ვინ რა ზომამდე შესლილა. იმის გამოსარკვევად, ვის რა ზომამ-
დე აკლია ქუჟა-გონება, სხვადასხვა საშუალებას ხმარობენ. ჯერ
გამორკვეულია გამოცდილებით, რა თქმა უნდა, თუ როგორი უნ-
და იყოს საღი ადამიანი საშუალოდ. გამოკვლეულია, მაგალითად,
თუ რა და რა უნდა იცოდეს გონებით საღმა სამი წლის ბავშვიმ,
ხუთი წლისამ, ათისამ, თხუთმეტისამ და სხვა. საეჭვო პირს დაუ-
სვამენ სხვადასხვა კითხვებს, უჩვენებენ სხვადასხვა ნახატებს და
მიღებული პასუხისდაგვარად სჯიან, ნორმალურია თუ არანორმა-
ლური და რა ზომამდე.

ლიერნეს თავშესაფარში ამჟამად ექვსას სამოცი სულით ავად-
მყოფი ირიცხება თურმე. თავშესაფარს ინახავს ლიევის პროვინ-
ცია (სივრცით ჩვენებური ერთ-ერთ მაზრაზე დიდი არ იქნება) და
უჯდება წლიურად დაახლოებით სამას ათას ფრანკზე მეტი. შე-
სლილები ყველანი არ ცხოვრობენ თავშესაფარში. დღე და ღამეს
იქ ატარებენ მხოლოდ ისეთები, ვისაც განსაკუთრებული მოვლა
სჭირია და ვინც იმდენად დაუძღურებულია, რომ იძულებულია
მომეტებელი დრო სარეცელში ატაროს, ხოლო დიდი უპრავლე-
ლობა სოფელშია განაწილებული მდგმურებად. სოფლელები სი-
მოვნებით კისრულობენ მათ მოვლას და სამსახურს. ეს მათთვის
ხელსაყრელია, რადგან ამაში სასყიდელს იღებენ. სამას ათასი
ფრანკი წლიურად სოფელს კი არა, ერთ რიგ ქალაქსაც ხელს არ
დასწვავს. ცხოვრობენ შესლილები სოფლელებთან სრულებით თა-
ვისუფლად, როგორც მდგმურები. თითოეულს აქვს საკუთარი მოწ-
ყობილი ოთახი. თავშესაფარს მთავრობა შორიდან ადევნებს
თვალყურს და ხშირ-ხშირად ნახულობს მათ ბინებს, ეს უფრო იმი-
ტომ, რომ საზრდო და ჯეროვანი მოვლა არ მოაკლდეთ. ეს ახალი
მეთოდია შესლილთა წაპლობისა და, როგორც ამბობენ, შედეგაც
სანუგეშო მოაქვს. ესენი თავშესაფარში მხოლოდ დროგამოშვებით
იკრიბებიან და რატომ იკრიბებიან, ამას ქვემოთ ვნახავთ. დაარსე-
ბულია თავშესაფარი 1885 წელს.

სულით ავადმყოფობაზე საუბრის შემდეგ დირექტორმა თითო-თითოდ შემოაყვანინა და გვიჩვენა ზოგიერთი ავადმყოფი.

პირველად გვიჩვენა დაბადებიდან „იდიოტი“. ის 40-45 წლის კაცი იქნება. ცოტა წვერ-ულვაში აქვს. საინტერესოა მისი თავის ქალის მოყვანილობა: წვრილი, წოწლოვინა, სახის გამომეტყველება სულელური. აქვს. თავისი სახელი კი იცის, წლოვანება არა. სულ უბრალო კითხვებზედაც ვერა მიუგო რა. ლაპარაკობს ძლიერ ცუდად, თითქმის გაუგებრად. დადის კი კარგად. ცხოვრობს ბინაზე. მეორე ქალია, შუახნისა, შავგვრემანი, ესეც დაბადებიდან „იდიოტია“, სახე და თავის მოყვანილობა ჩვეულებრივი აქვს, ლაპარაკობს გვარიან კარგად, მაგრამ უღმერთოთ ტყუის. თექვსმეტი წლისა ვარო, ქმარი მყავსო. დირექტორმა ათსანტიმიანი რომ უჩვენა, ალტაცებით წაეტანა. რა თქმა უნდა, მიიღო საჩუქრად. თვლა არ იცის. ერთს კი იტყვის და ორს კი ვერა სწვდება მისი გონება. ჩვენი პროფესორი რომ დაეკითხა, მიცნობ თუ არაო? — როგორ არაო, მხიარულად მიუგო. შემდეგი ხელურემით შემოიყვანეს, რადგან დაბადებიდან მკელობელია. მოხუცია, კბილები სრულებით არა აქვს. სახე აქვს ძლიერ გრძელი, ანორმალური, ლაპარაკი არ შეუძლია, მხოლოდ რაღაც ხმებს ისერის, ალბათ, ჩვენი თუ შეეშინდა, ტირილი დაიწყო და დირექტორს შეაჩერდა. იმან რომ დაუყვავა და თავზე ხელი გადაუსვა, სიცილზე გადავიდა. ეს უპატრონოდ, ღვთის ანაბარად რომ იყოს მიგდებული, შენი მტერი, რაღაც ენით გამოუთქმელი საშინელება იქნებოდა, მაგრამ რაკი დებანილ-დავარცხნილია, სუფთად აცვია და საზრდოც დროით და საკმაოდ აქვს, არც იმდენ ცუდ შთაბეჭდილებას ახდენს. შემდეგ შემოვიდა ვაჟკაცი, ასე 35 წლისა, სუფთად აცვია, გახამებული პერანგი ყელსახვევით, როგორც მალებულია დასავლეთ ევროპაში, საათიც ჰკიდია თავისი ძეწკვით. ლაპარაკობს სრულებით ნორმალურად. სკოლაში ვიყავიო, მაგრამ ავად გავხდიო და ამიტომ სწავლას თავი დავანებეო. თვლა იცის ფლამანურად, ეროვნებით ვალონიკია. ფლამანური ლაპარაკიც იცის. ბუნებით ჩქარი და ცქვიტი ბიჭია, მაგრამ, საუბედუროდ, ესეც დაბადებითვე ჰკუთნა ნაკლებია. თავის ქალის შუაგულ რაღაც წყლული აქვს. აი მიშელი. 30 წლის იქნება. ეს მხიარულია. იცინის, ოხუნჯობს. გუშინ რა გააკეთეო, დაეკითხა დირექტორი, — ვისიამოვნეო, პიუგო. — რის სურვილი გაქვსო. — ერთი გომბიო გოგო მინდაო. პიშელს, ეტყობა, პოლიტიკა აინტერესებს. წასვლისას „oi bois la calotte“ (აბა ლა კალოტ — ძირს კამილაკვა), დაიძახა. ეს ბელ-

გიელ მემარცხენეების მიერ კლერიკალების წინააღმდეგ წამოსა-
ძახებელია. ამას მლერიან კიდეც. შემდეგ შემოვიდა ახალგაზრდა,
ასე 25 წლის ქალი. ჩვენი პროფესორი იცნო. თურმე ერთ დროს
მის სანატორიუმშიაც ყოფილიყო. ამას მუშაობაც შეუძლია ცოტ-
ცოტა. პროფესორის მეუღლე და შვილებიც იცნო, მათ სახელები
უწოდა. უცბად ტირილი წასქდა, საჩქაროდ ისევ გაიცინა. აი ახალ-
გაზრდა 17-18 წლის ბიჭიც. ბავშვური ნაზი გამომეტყველება
აქვს. ერთ დროს სკოლაშიაც ყოფილა. წერა-კითხვა იცის. შემდეგ
მეჩქემისთვის მიუბარებიათ და იქ შეუმჩნევიათ, რომ ქკუა ნაკ-
ლებია და იქიდან აქ ამოუყვია თავი. შვიდჯერ ათი რამდენი იქნე-
ბაო, რომ დაეკითხა პროფესორი, გამოიყვანა, მაგრამ შვიდჯერ
თორმეტზე კი ვერა უპასუხა რა.

ახლა ჯერი მიდგა მეორე ჯურის ავადმყოფებზე, ე. ი. ისეთებ-
ზე, ვინც დაბადებით საღნი იყვნენ, მაგრამ შემდეგ შეიშალნენ.
ზოგს მეხსიერება ლალატობს, ზოგს ზნეობა-უზნეობის უნარა
აქვს დაკარგული, ზოგი გაკოტრებული ვაჰარია, ზოგი გალიუცი-
ნაციით არის შეპყრობილი, ზოგს თავი დიდ კაცად აქვს წარმოდ-
გენილი, აი მაგალითად, შემოვიდა მოხუცი, სახელი და გვარი სწო-
რად თქვა, წლოვანება კი აერია. მდიდარი ხარო? — დაეკითხეს. —
ძლიერ მდიდარი ვარო. — აქ რას აკეთებო? — თავს ვირჩენო. ეს
წინათ მადნის სადნობ ქარხანაში მსახურობდა თურმე. აგერ 40 —
45 წლის ქალი. წლოვანება არ ახსოვს. რა დღეაო, რომ დაეკითხენ,
მიუგო, კვირააო. სადაურია, რომელი სოფლისა არ ახსოვს. შენ კი
კარგად გიცნობო, უთხრა დირექტორს, ამათ კი ვერაო, თქვა ჩვენ-
ზე. წასვლისას ყველას ზრდილობიანად თავი დაგვიკრა. აი ერთი
წარმოსადეგი ვაჟაკი. ეს ეპილეპტიკია. ხშირად თავის თავს ედა-
ვება რალაცებზე, თავის თავი დიდ მათემატიკოსად ჰყავს წარმო-
დგენილი. ას ოცდაცხრა სამად გაყო. ქრისტეს დაბადების ქორონა-
კონზე კი ვერა მიუგო რა. აგერ ერთი ქალიც შუა ხნისა. ბევრს
ყბედობს. გალიუცინაციით არის შეპყრობილი, რალაცები ელანდე-
ბა. იცინის, მერე დაიხოქა და ლოცვა დაიწყო; ფრანგულს გერმა-
ნული მიაყოლა. აი მოხუცი, მშვიდი, წყნარი. სიცოცხლეს სიკვ-
დილი მირჩევნიაო, თქვა საბრალომ, რადგან მუცელში თავგები
დამიბუდნენ და მოსვენებას არ მაძლევენო. ეს გალიუცინაციით
შეპყრობილია.

სანამ აქ ეს ამბავი იყო, ფანჯრიდან ეზოში გავიხედე. შემლი-
ლებით სავესე იყო იქაურობა, ზოგი წყნარად იჯდა და მზეზე თბე-
ბოდა, ზოგი ჩიბუხს აბოლებდა. ზოგი აქეთ-იქით დადიოდა, ხე-

ლებს აქნევდა და თავის თავს ელაპარაკებოდა, მაგრამ სხვას კი არაფერს არ ერჩოდა. აგერ ერთი ყმაწვილი კაცი, ხის ძირში სკამზე ჩამომჯდარა, გაზეთი გაუშლია და კითხულობს, ხშირ-ხშირად რალაცნაირ ალტაცებაში მოდის და მის გვერდით მჯდომ ამხანაგს წანაკითხს მხურვალედ უხსნის.

გავიარეთ ეზოში. შეშლილები ბუზებივით ირეოდნენ, მაგრამ საერთო წესრავი საუცხოო სუფევდა. აქაც დირექტორი მიგვიძლოდა. დირექტორი ბ. მასსუ (Masset) შუა ხნის კაცია, სანდომიანი სახისა, შავგვრემანი, დინჯი, წყნარი, უშფოთველი, აულელვებელი, პირის სახეზე მუდამ ღიმი უკრთის, ის ტიპიური ფსიქიატრია. შევედით მწოლარეთა განყოფილებაში. უმეტესობა მოხუცებულია. ერთმა მოხუცმა შეკითხვაზე, ორი წლისა ვარო, — მიუგო. თვალი მოვაველ ერთ ღრმა მოხუცს, საბრალო, ცრემლმორეული შემოგვეყურებდა. ვინ იცის, რა გაახსენა ჩვენმა ნახვამ? იქნებ ერთი წუთით დაუბრუნდა სულიერი სიმშვიდე, მოაგონდა წარსული, მხიარული წამი თავის ცხოვრებისა და გული აუჩვილდა. იქნებ ჩვენ სრულებით ვერ გვამჩნევდა და არ არსებულო, რამე საშინელება ელანდებოდა. გული დამეწო, მზად ვიყავი მეც მეტირნა.

აქედან ქალების განყოფილებაში შევედით. დირექტორმა მიგვითითა ერთ რუმბივით ჩამრგვალებულ, პირაღმა მწოლარე ქალზე. ორმა მოსამსახურე გოგომ ძლივსძლივობით წამოაყენა. ეს ქალი შეშლილია გათხოვების მოლოდინში. შეუთხზავს მშვენიერი სიტყვა თავის ჯვრისწერის სამზადისის შესახებ. დირექტორმა თხოვა, რომ ჩვენთვის ეთქვა ეს სიტყვა. ჯერ გაინაზა: ბევრი რამ დამავიწყდაო, მაგრამ მაინც დაიწყო: „mesdames, messieurs“, თქვა მშვენიერი კრიალა ხმით და კარგი ფრანგულით. მიჰყვა და მიჰყვა. მაგრამ მისი სიტყვის შინაარსის გადმოცემაზე რა მოგახსენო. სიცილი მახრჩობდა და თავის შეკავებაში ვიყავი გართული, ხან ქუდით პირს ვიტენავდი, ხან ამხანაგებს ზურგს ვეფარებოდი. თვალად ამ ქალს არა უშავს რა და მიკვირს, რად არ გათხოვილა, როცა, როგორც ეტყობა, სურვილიც დიდი ჰქონია. ალბათ, დიდი წუენია ვინმე უნდა ყოფილიყო და ახირებულს ვისმე არ იკადრებდა, დიდებს ეძებდა დალოცვილი. აკი თავის სიტყვაშიაც საფრანგეთის რესპუბლიკის პრეზიდენტი პუანკარე და მისი მეუღლე მოიხსენია.

ჯერ ახალგაზრდა 16-17 წლის, ლამაზი, ვარდივით გაფურჩქენილი ქალი წყნარად წევს ლოგინში და იცინის, ესეც ნაადრევი

ბიყვარულის მსხვერპლია თურმე. მაგრამ აი, დიახ, სამწუხარო სცენა. ერთი ახოვანი ქალი, ოჯახის დედა შეშლილი. ქმარი სანაბავად მოსულა და ეალერსება. ქალი კი ტირის. და აი უფრო სამწუხარო სცენაც, ერთი ქალი მომაკვდავი. მისი სარეცელი კუთხეში გადაუტანიათ და ფარდა მიუფარებიათ. მშვიდად განუტევებდა ტანჯულ სულს უბედური.

საბედნიეროდ, ეს მოვლენა ხშირი არ არის, გვითხრა ღირექტორმა.

შემდეგ შევედით ქალების საერთო დარბაზში. აქ მოგროვილიყვნენ თავისუფლად მოსიარულე შეშლილები. ერთი შეხედვით ჩვეულებრივი, სალი ადამიანები გეგონებოდა. ზოგი წყნარად მუსაიფობდა, ზოგი სეირნობდა. ღირექტორი გაჩერდა ერთი ქალის წინ — როგორა ხარო, დაეკითხა. გვარიანად, მაგრამ სული მოსვენებას არ მაძლევსო. ჩიტის სახით მოდის და თავში მიძვრებაო. ნეტავ რა უნდაო? ფულები უნდა მომტაცოსო. გუშინ ჯობს რად იქნევიდიო? მინდოდა მეცემნაო. მერე, მოგშორდაო? დიახაც მომშორდა, ჯობი რომ დავარტყი, დაიმალო. ღმერთო ჩემო! ნეტავ ვის რა დავუშავე, რას მერჩიან, რა უნდათ ჩემგან, თავის ღლეში არავისთვის სიკეთის შეტი ცუდი არ მიქნიაო. ესეც გალიუტინაციით შეპყრობილია. მეორე ქალი, ხშირად თავის თავს ეკამათება. ერთი ახოვანი შავგვრემანი ქალი დარბაზს ნელ-ნელა წრეს უფლიდა და თან რაღაც სიმღერასაც ჩუმიდ ღლიინებდა. ჩვენი მისვლა, ეტყობოდა, ძლიერ გაუკვირდა, ყველანი ყურადღებით აგვათვალიერ-ჩაგვათვალიერა. მგონი არც ერთი არ მოვეწონეთ, რადგან ჩქარა თავი დაგვანება და ისევ თავის სეირნობა-სიმღერას მიუბრუნდა.

უკვე ნაშუადღევის პირველი საათი იყო, სასადილოდ წავედით სასტუმროში. ჩვენი პროფესორიც ჩვენთან იყო. ჩქარა უნდა დავბრუნდეთ ისევ თავშესაფარში, სენსი იქნებაო. — რა სენსი იქნებაო, დავეკითხეთ. გაიცინა, — ნახავთო. ამან ყველანი ღიდად დაგვანტერესა. ერთი საათის შემდეგ ისევ თავშესაფარის ეზოში ვიყავით. მიგვიწვიეს ისევ იმ დარბაზში, სადაც ამაჲ წინათ ვიყავით. დარბაზის ერთი მხარე, სიგრძეზე, შეშლილებით იყო გაჭედილი. მეორე მხარე ჩვენთვის დაეტოვებინათ. იმერული მაყრებივით მიუსხედით ერთმანეთს პირდაპირ. დარბაზის ერთ-ერთ კუთხეში მაგიდაზე უშველებელი ვრამოფონი იყო მოთავსებული. იქვე შორიანლო სკამზე იჯდა კარგად ჩაცმული, ახოვანი კაცი. ეს ღირექტორმა ეზოში შორიდან გვაიყენა. წინათ ჩითის საქსოვ

ფაბრიკაში მსახურობდა თურმე. მას წინ პატარა მაგიდა ედგა და ზედ რაღაც ქაღალდები და საწერ-კალამი ელაგა. მის ცოტა მოშორებით მეორე მაგიდა იყო გამართული და ზედ წიგნები და დავთრები დალაგებული. იქ იჯდა ერთი გამხდარ-გამხდარი კაცი და იქვე მის გვერდით ახალგაზრდა მეჩქემე. საბრალო, პატარძალივით ნაზად გამოიყურებოდა. შემოვიდა ჩვენი ნაცნობი ფერშალი. ის სული და გულია იქაური ცხოვრებისა. როგორც მითხრა, უკვე თორმეტი წელიწადია, რაც იქ მსახურობს და შემლილთა ხასიათი ანი და ბანივით იცის.

ახოვანმა კაცმა მომართა გრამოფონი. დაუკრა რაღაც მარში თუ ჰიმნი. შემდეგ წამოდგა ფერშალი და წარმოთქვა მშვენიერი სიტყვა. განმარტა ლოთობის მავნებლობა საზოგადო ცხოვრებაში და განსაკუთრებით სულით ავადმყოფობაში. სხვათა შორის თქვა, რომ ლიერნეს სიფხიზლის საზოგადოება (კოლონია), აგერ ბევრი ხანია, რაც ებრძვის ამ სენს და ამ ბრძოლასაც ნაყოფი კეთილი მოაქვსო. თამამად შემიძლია ვთქვა, რომ ლიერნეში მაგარი სასმელების ხმარება უკვე მოსპობილია და თუ იხმარება, მხოლოდ ლუდი და ისიც ძლიერ მცირე, ძლიერ განსაზღვრული ზომითაო. მე ბედნიერად ვრაცხ ჩემ თავს აღვნიშნო ეს ამ უცხო სტუმრების წინაშე, და ახლა კი სიტყვა თავმჯდომარეს ეკუთვნისო. წამოდგა გრამოფონთან მჯდომი კაცი და იმანაც წაიკითხა თავის მიერ დაწერილი სიტყვა ლოთობის წინააღმდეგ. რა ვიცი, შემლილობა არც შინაარსს ეტყობოდა და არც წაკითხვას. ახლა კი მივხვდი, თუ რაში იყო საქმე. თურმე ნუ იტყვი, თავშესაფარი წარმოდგენილია, როგორც სიფხიზლის კოლონია. სულით ავადმყოფები შთაგონებულები არიან, რომ ისინი სიფხიზლის საზოგადოების წევრები არიან. ჰყავთ არჩეული თავმჯდომარე, მდივანი, საქმის მწარმოებელი, აქვთ წიგნები, დავთრები, იკრიბებიან, ბჭობენ, ოქმებს ადგენენ და სხვა. ერთი სიტყვით, ყველაფერი ისეა მოწყობილი, როგორც რომელიმე კულტურულ საზოგადოებაში. ამასთან ყველაფერს თვით შემლილები განაგებენ და აწარმოებენ. თავშესაფარის მთავრობა საქმეში არ ერევა, მხოლოდ შორიდან ხელმძღვანელობს, და თუ ვინიცობაა, საქმე ძლიერ განზე მიბრუნდა, მაშინ შეეცდება შეუმჩნევლად ისევ სწორ გზაზე დააყენოს. ფერშალმა იმ დღეს, მგონი, ილაპარაკა უფრო იმიტომ, რომ ჩვენ გაგვევო, თუ რაში იყო საქმე. ის ლაპარაკობდა სრულებით დინჯად, საქმიან კილოთი, მხოლოდ ხანდახან ჩვენსკენ რომ გადმოიხედავდა, ტუჩებზე ოდნავ შესამჩნევი ღიმი გადუბრუნდა ხოლმე.

შემდეგ მდივანმა წაიკითხა წინა კრების ოქმი, რომელიც საზოგადოებამ მიიღო და თავმჯდომარემ ხელი მოაწერა. დაადგინეს, რომ მომავალ კვირისათვის ექსკურსია მოეწყობოთ ერთ მაზლობელ სოფელში წასასვლელად. ამგვარი ექსკურსია ხშირად იმართება ხოლმე. ექსკურსიას, რა თქმა უნდა, ფერშალიც მიჰყვება. მერე როგორ უჭირავთ თავი სეირნობის დროს-მეთქი, ვკითხე შემდეგ ფერშალს.

— ჩინებულადო, — მიპასუხა. — მე ორმოც შემლილთან ვარჩევ საექსკურსიოდ წასვლას, ვიდრე ორმოც ჰქუიანთანაო, რადგან ამათთან დარწმუნებული ვარ, საღამოთი ყველანი შინ მშვიდობით დაებრუნდებით, ხოლო ჰქუიანებთან ამის სიტყვას ვერ მოგცემო. მაგრამ დაუბრუნდეთ ისევე ჩვენ ამბავს. ექსკურსიაზე დადგენილების შემდეგ, ერთ-ერთმა შემლილმა დაუქრა, ხელგარმონზე, არა უშავდა რა, კარგად უკრავდა. შემდეგ წინ წამოდგა ერთი პირხმელი, წვერ-ულვაშ მოპარსული ვაჟკაცი, ტანისამოსი, ცოტა არ იყოს, მოძველებული ეცვა. თუ არ ვცდები, ეს სწორედ ის უნდა ყოფილიყო, ვინც დილით ეზოში გაზეთს აღტაცებით კითხულობდა. წინ წამოდგა, თამამი პოზა დაიჭირა და დაიწყო, მაგრამ რა დაიწყო! გოგოლის შემლილის წერილები თუ წაგიკითხავთ, სწორედ რაღაც იმის მსგავსი, მაგრამ გოგოლის წერილები ხომ ხელოვნურად მწერლის მიერ კაბინეტშია შეთხზული, აქ თვით შემლილი ლაპარაკობდა და მერე სულ რითმთან ლექსად. ამანაც გოგოლის გმირივით შეფეებიდან დაიწყო, მაგრამ ესპანიის მეფის ფერდინანდ კათოლიკის მაგივრად საფრანგეთის მეფე ლუი მეცამეტე ახსენა პირველად. ჯერ კარგად გალექსა ბურბონების გვარეულობა და მხოლოდ შემდეგ გადავიდა ესპანიაში, იქაური მთავრობაც დაამშვენა იამბიკოებით და მერე ისტორიას გეოგრაფია მიაყოლა. მშვიდობით გაიარა გიბრალტარის სრუტე და ხმელთაშუა ზღვით აღმოსავლეთით გაემართა. ამავე დროს მარჯვნივ და მარცხნივ ჩენჩივით აყრიდა საოხუნჯო იამბიკოებს, ხან აფრიკას და ხან ევროპას... მაგრამ რად გინდა, მე კი გავთავდი კაცი, სიცილის შეკავება მოვინდომე, მაგრამ ყოვლად შეუძლებელი შეიქმნა. შეეხედე ჩემს ამხანაგებს, ყველანი ფართოდ იცინოდნენ, შეეხედე პროფესორს, ვერც იმას შეეკავებინა თავი, მაშინ მეც აღვალე პირი ჩემი. ის კი მიდიოდა და მიდიოდა წინ სხაპასხუპით. საბერძნეთს რომ მიატანა, გულმა ვერ მოუთმინა, რომ ძველი დიდებული გმირები და ფილოსოფოსები არ ეხსენებია. მცირე აზიას, ოხ! რა მწარე შეცდომააო, ამბობდა მგოსანი, აზია მცირე კი არა, ხმელეთის ყველა

ნაწილებზე უფრო დიდიაო, მაგრამ თუ მართლს მათქმევეინებთ, აზია სრულებით არ არსებობსო. ელვის სისწრაფით გადაირბინა შუა აზია, ჩინეთი, იაპონია, დიდი ოკეანე, გადალანა ამერიკა, ატლანტიდან და შავარდენივით შემოაფრინდა საფრანგეთის დასავლეთის ნაპირებს, საიდანაც პირველად გაინავარდა. აქ ჩახრუხაული: „თამარ წყნარი, შესაწყნარი“-ვით, შვიდი, რვა, ცხრა რითმა ზედინედ ერთმანეთს დააყარა და გაჩერდა. ატყდა ტაში, მაგრამ რა ტაში! სულელი და ბრძენი თითქმის ყირამალას გადადიოდა. იცოცხლე, რომ მეც არ დავზოგე ჩემი ხელები. შემდეგ ახალგაზრდა მეჩქემემ სია ამოიკითხა. თავიანთი გვარის გაგონებაზე თითოეული იძახდა: აქა ვარო.

ჩვენმა პროფესორმა სიტყვით მიმართა სიფხიზლის საზოგადოებას, უსურვა წარმატება და ლოთობის წინააღმდეგ ბრძოლაში მხნეობა და გამარჯვება. ერთ-ერთმა ჩვენმა ამხანაგმა, ცქვიტმა და მუდამ მხიარულმა დელნერმაც (Delner) სტუდენტების სახელით სიტყვა წარმოთქვა და აღნიშნა ის საუცხოო წესრიგი, რაც სუფევს თავშესაფარში საზოგადოდ და კერძოდ სიფხიზლის საზოგადოებაში. მართლაც, რომ თავი ყველას საუცხოოდ ექირა.

სეანსის გათავების შემდეგ თავმჯდომარემ ჩვენ პროფესორს ფერშლის ხელით სადარბაზო ბარათი გამოუგზავნა. აქეთობას, გზაზე, პროფესორმა გვაჩვენა ეს ბარათი. ზედ ბარონი ეწერა: (ესა და ეს სახელი და გვარი) სიფხიზლის „კოლონიის“ დამაარსებელიაო. იმას თავი ბარონად და „კოლონიის“ დამაარსებლად აქვს წარმოდგენილი და ამას ყველანი ადასტურებენ.

გამოვედით ეზოში. აქ დირექტორი დაგვხვდა. — რა ამბავი, როგორ ისიამოვნეთო? ჩვენ ჩვენი აღტაცება გამოვეუცხადეთ.

შემდეგ გაგვიძღვენ: დირექტორი, ექიმი, ფერშალი და დავათვალიერეთ სოფელში რამდენიმე ბინა, სადაც შეშლილები ცხოვრობენ.

საზოგადოდ ს. ლიერნე ჩვენებურ სამაზრო ქალაქს ბევრად სჯობია. ბელგიელი ვერ წარმოიდგენს იმ ორლობებს და ტლაპოებს, რაც ასე უხვია რუსეთში და ჩვენში. ქუჩები ოთხკუთხი ქვით არის დაგებული (ამას ხომ თბილისიც ნატრობს), არის კანალიზაცია, მთიდან მილით გამოყვანილია წყაროები. ს. ლიერნეში ფაბრიკა-ქარხნები არაა, რაც ასე ხშირია ბელგიაში. აქაური მცხოვრებლები მხოლოდ ხვნა-თესვას მისდევენ და სულთ ავადმყოფებს უვლიან. ეს ადგილი ერთი მაღალ ადგილთაგანია მთელ ბელგიაში. ცნობილია თავისი საღი ჰაერით და კიდევ იმიტომაც აქ გამართული სულთ ავადმყოფთა თავშესაფარი.

ბელგიელს ორ-სამსართულიანი სახლის აშენება უფრო ემარჯვება. ეს ერთი მხრივ იმით აიხსნება, რომ მიწა აქ ძლიერ ძვირია და ამიტომ ცდილობენ შენობას რაც შეიძლება მცირე ადგილი გააცდინონ. გავიხსენოთ, რომ მთლად ბელგია ქუთაისის გუბერნიაზე დიდი არ იქნება სივრცით, ხოლო შიგ რვა მილიონი სული ცხოვრობს.

ს. ლიერნეში ქუჩებისა და სახლების გარდა ხელისგულის ტოლა ადგილს ვერ იბოვნი დაუმუშავებელს, ყველგან ან ყანა, ან ბოსტანი, ან ბაღი.

ბელგიელის სახლის შიგნით მორთულობა ბევრი ჩვენი სამაზრო ქალაქისას ჰგავს, მხოლოდ აქ ავეჯეულობა უფრო ბევრია და უფრო სხვადასხვანაირი. სისუფთავე ხომ საკითხი არაა.

ვნახეთ სულით ავადმყოფთა ბინები. სუფთად და ლაჰაზად მორთული პატარა ოთახები. მომეტებულად ზემო სართულში. მივედით იმ ქალის ბინაზედაც, ვინც დილით თავშესაფარში ჩიოდა: სული ჩიტის მსგავსად თავში მიძვრება და ფულებს მტაცებსო. აქაც იგივე განიმეორა საცოდავმა.

საინტერესო იყო ერთ-ერთი სულით ავადმყოფი და მისი ბინა. იგი ქალია, უკვე ხანში შესული, მაგრამ ახოვანი და ჯანმრთელი. თავის დროზე კაი თვალ-ტანადი უნდა ყოფილიყო. მას თავისი თავი დედოფლად ჰყავს წარმოდგენილი და ყველანი დედოფალს ეძახიან, დირექტორიც ასე მიესალმა. მისი ტანსაცმელიც ეთანხმება მის სულიერ წარმოდგენას. ტანთ აცვია შავი ხავერდის, რაღაც ეპისკოპოსის ბისსონასავეთ, გრეხილებით და ბუზმენტებით უთავბოლოდ დახლართული, კისერზე „დედოფალს“ გიშრის თუ მინის მძივების მთელი მთა აქვს შემოხვეული. უანგარიშო, იაფფასიანი ლითონის ნაქრები აქა-იქ უთავბოლოდ ჰკიდია ტანისამოსზე. ერთი სათამაშო დამბაჩა წინ ჰკიდია, მეორე უკან. ეტყობა, „დედოფალი“ მილიტარიზმის მომხრეა. თავზე ჰხურავს მაღალი კონიკური მოყვანილობის შლაპა, ისიც უანგარიშო ზიზილპიპილებით მორთულია. როცა ჩვენ მივედით, „დედოფალი“ ქვემო სართულში ბრძანდებოდა დიასახლისთან. ყველას მოწყალებით მოგვესალმა. თავი ღირსებით უქირავს. ამას მეორე შლიაპაც აქვსო, თქვა დირექტორმა. გავემართეთ ზემო სართულისაკენ მეორე შლიაპის სანახავად. შევედით „დედოფლის“ ოთახში. მისი ოთახიც განირჩევა სხვა მსგავსთა ოთახებისაგან. ოთახი შედარებით დიდია და უკეთესად მორთული. კედლები აქრელებულია სხვადასხვა ყურნალებიდან ამოჭრილი სურათებით. შლიაპა ორი კი არა, ხუ-

თიკ ჰქონია დედოფალს, მაგრამ აი საუკეთესო, ასე ვთქვათ ვითომ გვირგვინი. ის მოწიწებით ასვენია მაგიდაზე. გაკეთებულია შავი ხავერდისაგან. ძლიერ მაღალია და ფართე, მორთულია უანგარიშო ძეწკვებით, თუ ბუზმენტებით, თუ ლითონის ნაკრებით, შუაგულ ჩატანებული აქვს ორი მუქის სისხო მინის ბუშტი, ეს ძვირფასი ბრილიანტის მაგივრობას უნდა ასრულებდეს, რაც ასე აუცლებელია დედოფალთა გვირგვინების დასამშვენებლად. ცნობისმოყვარეობამ გამიტაცა, ახლო მივედი. — აბა ასწიეო, მითხრა დირექტორმა. ავწიე, ერთი ოყა მაინც გამოვიდოდა სიმძიმით. ამასობაში „დედოფალიც“ შემობრძანდა. დირექტორმა თხოვა ეს დიდი შლიაპა დაეხურა.

— ეს ცოტა მძიმეა, — ნაზი ღიმილით ჩაილაპარაკა მან. მაგრამ თხოვნა მაინც შეასრულა. აუჩქარებლად მოიხადა ერთი და აუჩქარებლადვე ეს მეორე დაიხურა. ჩვენ სიცილს ძლივს ვიმაგრებდით. რა თქმა უნდა, ძლიერ მოუწონეთ.

— ვისაც შევხვდები ამ სოფელში, ყველა შემოილილი მგონია-მეთქი, — ვუთხარი ფერშალს ქუჩაში.

— ვინც აქ მოვა, ყველანი მაგრე ლაპარაკობენ. აი მაგალითად, ის ქალი შემოილილია, — მიმითითა ერთ-ერთ ახალგაზრდა კარგად გამოწყობილ ქალზე, რომელიც ქოლგით ხელში ნება-ნებაზე მისეირნობდა.

— აი ესეც-მეთქი, — მივუთითე ერთ უშნოდ ჩაცმულ, თმა აბურძგვნილ დედაკაცზე.


— არა, ეს ჭკვიანია.

დავათვალიერეთ კიდევ რამდენიმე ბინა და წასვლის დროც მოახლოვდა.

დირექტორმა, ექიმმა და ფერშალმა სადგურამდე მიგვაცილეს და მეგობრულად გამოგვემშვიდობნენ. პროფესორმა ჩვენი მხრივ მხურვალე მადლობა გადაუხადა სამივეს.

საღამოს შვიდ საათზე უკვე ლიეჟში ვიყავით. აქ მატარებელი უნდა გამოგვეცვალა. ჩქარი მატარებელიც მზად იყო ბრიუსელისკენ მიშავალი, მაგრამ ამ მატარებელს მესამე კლასის ვაგონი მობმული არ ჰქონდა. მივგზავნეთ სადგურის უფროსთან ჩვენი ცქვიტი დელნერი, რათა მეორე კლასში ჩაჯდომის ნება მიეცათ. სადგურის უფროსმა მაშინვე ნება დაგვართო. რუსეთის რკინიგზაზე ამისთანა შემთხვევაში კომისია იქნებოდა მოსაწვევი. არხეინად გამოვიჰიმეთ მეორე კლასში, დასძახეს ბიჭებმა სიმღერა და ცხრა საათზე უკვე ბრიუსელში ვიყავით.

ნელ-ნელა მივემართებოდი ნაცნობი ქუჩებით ჩემი ბინისაკენ. არაჩვეულებრივი დარის მეოხებით მთელი ბრიუსელი ქუჩაში ირეოდა. კაფეებში ხომ ტევა არ იყო. გავიარე პარკი, ჩავეუარე მეფის სასახლეს და მივატანე ერთ-ერთ მოედანს, საადანაც მუსიკის ხმა და არაჩვეულებრივი ჟივილ-ხევილი მომესმა. თურმე კერმესი ყოფილიყო. კერმესი ერთგვარი დღესასწაულია, წელ-წადში ორჯერ იმართება. მოედანზე მოეწყობთ უზარმაზარი კარუსელები, მოტორის ძალით დასატრიალებელი, საქანებლები, ნიშანში სასროლები, ლოტარიები და ახვ. მოედნის ირგვლივ კაფეებში ხომ კაცი კაცზე იჯდა. ქალი თუ ვაჟი, დიდი თუ პატარა სვამდა, ცეკვავდა, მღეროდა, ხმაურობდა. დავდექი ერთ ალაგას და დავუწყე თვალიერება. უნებლიეთ წარმომიდგა ორი ქვეყანა, ერთი იქ, ს. ლიერნეში, მეორე აქ, ქ. ბრიუსელში. იქ შეშლილები, აქ ჰკვიანები, იქ შკშლილები სიფხიზლის საზოგადოებას ააჩსებენ, აქ ჰკვიანები ლოთობას ეწევიან. იქ შეშლილთა შორის საუცხოო წესრიგია, სიჩუმე-სიწყინარეა, აქ ჰკვიანთა შორის ყურთა სმენა აღარ არის. ძალი პატრონს ვერა სცნობს. აგერ, ერთი კაცი კარუსელში ჩამჯდარა, კარუსელი ტრიალებს. კაცი ფართოდ შლის ხელებს და რაც ძალი და ღონე აქვს ღრიალებს. აგერ, მთელი გროვა ქალ-ვაჟებისა ხელი-ხელ ჩაკიდებულნი ცეკვა-ხტუნვით მოდიან და თან „მარგარიტა, მარგარიტა“-ს მღერიან. აგერ ერთი სადად ჩაცმული დედაკაცი, ერთ კაცს, ალბათ, კმარს, შინისაკენ ეზიდება და თან „Ferdinand, assez, assez“-ო (ფერდინანდო, კმარა, კმარა) ეუბნება, მაგრამ ის შეზარხოშებული, ჭიუტი მოზვერივით თავს ძირს ღუნავს და კაფესკენ მიიწევს, რომ ერთი ჰიქა ლუდი კიდევ გადაყლაბოს. „სად არის უფრო შეშლილი ხალხი, ლიერნეში თუ აქა?“ ვეკითხებოდი ჩემს თავს. ან ეს ქალების მორთულობა, ეს ნაირ-ნაირი შლიაპები, სრულიად უდანაშაულო ფრინველების ბურტყლით, ფრთებით თუ ბოლოთი მორთულები. რით განირჩევა ლიერნელი - დედოფლის“ ტანაცემელ-შლიაპის მორთულობისაგან? ცოტას თუ დაფიქრდებით, უეპველია, თქვენც დამეთანხმებით, რომ განსხვავება მხოლოდ ფორმაშია, ხოლო შინაარსი იქაც და აქაც ერთი და იგივეა. სწორედ რომ გაუგებარია ცხოვრება. „სადაა უფრო შეშლილი ხალხი, ლიერნეში თუ აქა?“ „სადა არს ბრძენი, სადა არს მწიგნობარი, ანუ გამომძიებელი ამა სოფლისა“ (I კორ. I, 19 — 20). ვეკითხებოდი ჩემს თავს და შინისკენ მივეჩქარებოდი.



ბრიუსელიდან საქართველომდე

ერთი თვალის გადავლებით

მდგომარე წლის ოცდაოთხ აპრილს საღამოს ცხრა საათზე ბრიუსელის ჩრდილოეთის სადგურს ვუახლოვდებოდი. აი, ის მოედანი, სადაც ამ ათი წლის წინათ პირველად ჩამოვხტი თბილისიდან ლტოლვილი. მაშინ ეს ქვეყანა და ხალხი სრულიად უცნობი იყო ჩემთვის. რამდენი ცვლილება მოხდა მას შემდეგ როგორც საერთაშორისო / ცხოვრებაში, ისე კერძოდ, პირად ჩემს მდგომარეობაში! ახლა კი ეს მხარე ჩემი მეორე სამშობლო გახდა. აქ ბევრი რამ გამოვცადე ამ ხნის განმავლობაში, ავიც და კარგიც. მსოფლიო ომის სიღუბკირის მოწმეც ვიყავი. სულიერად განვახლდი. შევეჩვიე აქაურობას, მაგრამ დრო იყო უკან დაებრუნებულისთვის, კვლავ მენახა ჩემი პირველი სამშობლო, ჩემი ტურფა საქართველო. მეგობრებმა გამაცილეს. მატარებელი დაიძრა და გერმანიის საზღვრისაკენ გავვაქანა. რკინიგზის მიმოსვლა აქ სრულიად წესიერია. ვისაც ახსოვს 1918 წლის დამლევს ამ ქვეყნის მდგომარეობა, მას არ შეიძლება არ გაუკვირდეს, თუ რა ჩქარა მოლონიერდა ეს მშრომელი ხალხი და კვლავ ნორმალურ კალაპოტში ჩადგა.

მაგრამ გერმანელებისადმი შიში კი ამ ხალხს ავადმყოფობად გადაექცა. ერთი ამისი ცოცხალი ნიმუში მე თვითონვე გამოვცადე სწორედ ამ მოგზაურობის დაწყებისთანავე. ჩემთან კუბეში იჯდა რამდენიმე ბელგიელი კაცი და ქალი და ერთი შვეიცარიელი. მატარებელი დაიძრა თუ არა, რკინიგზების რუკა ამოვიღე და და-

თვალიერება დაეუწყე. ერთიც ვნახოთ, ვილაც ერთი კაცი, მართალია, როგორც შემდეგ აღმოჩნდა, ცოტად ნასვამი, კარებში აიტუზა და უკმეხად მკითხა: ეს რა რუკაა? შენ ხელახლა გინდა ომების ამბები მოაწყო, აქაურობა დაზვერო და სხვა. მე ჯერ მეგონა შეშლილთან მქონდა საქმე. ის კი გაიძახოდა: მე შენ ძლიერ კარგად გიცნობ, შენ გერმანელი უნტეროფიცერი ხარ, ტყვეობის დროს მე სასტიკად მეპყრობოდით და სხვა. მე კი ჯერ არ მინდოდა ყურადღება მიმექცია, მაგრამ რაკი თავს გავიდა და მუქარით ჩემსკენ მოიწვიდა, იძულებული ვიყავი მიმემართა ვისდამი ჯერ იყო. ის უბედური კი, როცა თავის შეცდომაში დარწმუნდა, სირცხვილით სადღაც მიიმალა.

ნაშუალამევს აახენში (Aix-la-chapelle) მივედი. უკვე გერმანიაა, მაგრამ დროებით ბელგიელების ჯარს უუბრავს ეს ქალაქი. მოვიდა გერმანელი საბაჟოს მოხელე. ბარგი კაი ძალი მომქონდა როგორც ჩემთან ვაგონში, ისე საბარგო განყოფილებაში. საბაჟოს მოხელე საქმის სიტყვიერი ახსნით დაკმაყოფილდა, გაჩხრეკით არაფერი არ გაუჩხრეკავს. უკვე კარგა გათენებული იყო, რომ კელნში მივედი.

გაჩერდა თუ არა მატარებელი, ორ ნომრიან მებარგეს თითო დაუქნიე. მოვიდნენ, ჩემი ბარგი გადმოალაგეს, საბარგო ვაგონში მიცემულის ბარათი გამომართვეს, ბილეთი გერმანია-ავსტრიის საზღვარ პასსაუმდე მიყიდეს. ბარგი მიმიცეს. კვაერკტისკენ მიმავალი მატარებლის წასვლის წინ ათი წუთით მოვალთო, მითხრეს, სწორედ მოვიდნენ. ბარგი ლამაზად ჩამოალაგეს; ორმოცი მარკა ვაჩუქე, სამჯერ თავი დამიკრეს და გამშორდნენ. დამიჭდა სულ კელნიდან პასსაუმდე ბილეთი და ასი კილო ბარგი 540 მარკა, ე. ი. 27 ფრანკი, ხოლო ბრიუსელიდან კელნამდე ზემოთქმული მანძილის ერთი მესამედი დამიჭდა—45 ფრანკი. გავწიეთ ფრანკ-ფურტისკენ. მივსდევთ აღმა რაინის მარცხენა ნაპირებს. ჩქარა შევედით ვიწრო ხეობაში. არც ძლიერ მაღალი, მაგრამ ხრიოკ თუ მცირე ბუჩქნარით დაფარულ მთებშიც რაინი ძლივს იკვლევს გზას. გეოლოგიურად ეს ადგილი ბელგიის არდენის გაგრძელებაა და კიდევაც შევაძინე ნაცნობი ფენები ქვემო დევანანის „შისტი“ და „პსამატი“. გერმანია განაგრძობს მშვიდობიან მუშაობას. გარეგნობით თითქო არაფერიც არ მომხდარიყოს. ომის დროს მის ქარხანა-ფაბრიკებს თუ სოფელ-ქალაქებს ერთი აგურიც არ მოჰკლებია და ამიტომაც ყველგან ფაცაფუცი და მდგარი მუშაობაა.

აუარებელი ქარხნების მილებიდან წყნარად ამოდის კვამლი და პაერში იფანტება. ვიწრო ხეობის აქით ხრიოკები უფრო და უფრო გულსაკლავი ხდება. უარესი, ვიდრე ჩვენი შიომღვიმის მიდამოები. მაგრამ ამას რას ვხედავთ!.. ეს საშინლად დაქანებულ ხრიოკებზე ოთხკუთხიანი, სახლის დასადგამი ადგილის ტოლა მიწებია მოსწორებული და ზედ რალაცა რიგზე დარგული. აი, მივეუახლოვდით ერთ-ერთ მათგანს, თურმე ნუ იტყვი, ვაზია ზედ დარგული. და ესე ხელოვნურად საშინელ ხრიოკზე გაშენებული ვაზი არა ერთი და ორი დღიურია, არამედ ასობით და ათასობით. შევეყურებ გაცილებული ამ წარმოუდგენელ შრომას, რაც დაწყებულია ომის შემდეგ და შეუჩერებლად გრძელდება, და ვეკითხები ჩემ თავს, თუ რა ხალხია გერმანელები (გერმანელები არ მიყვარს). გონებას ვეკითხები! მსაჯულად რომ დამსვან, ერთადერთი განაჩენი უნდა გამოვიტანო. ამ ხრიოკების გამასწორებლების, გერმანელების დამარცხება ყოვლად შეუძლებელია.

მგზავრები ძლიერ ცოტაა. მესამე კლასის კუბეში კონდუქტორი შემოვიდა. ჩემ ბარგს თვალი მოავლო. ცოტა არ იყოს შეკრთა, მაგრამ სხვა არა დაუმატა რა და თავის გზას გაუდგა. შუა დღეა. ფრანკფურტს ვუახლოვდებით.

ფრანკფურტში მატარებელი გამოვიცვალეთ და ნაშუადღევის ორ საათზე გავწიეთ ნიურნბერგისაკენ. მაგრამ მატარებელში კი ნურას უკაცრავად, წინანდელი ხალვათობა არაა. არათუ ცარიელი კუბე, ღერეფანში ძლივს ვიშოვნე ადგილი ჩემი ბარგი-ბარხანით. თუმცა ჩემი ნივთები აქა-იქ გაფანტულად ყრია, მაგრამ რისამე დაკარგვის ნუ გეშინია. ავყევით რალაც უღელტეხილს. უკვე ბოვარიაში ვართ. მთები მაღალი არაა, საკმაოდ ტყით დაფარული. ფრანკფურტში 0-ზე დაყენებული ჩემი ბარომეტრი უკვე 120 მეტრს სიმაღლეს მიჩვენებს. მაინც სულ ზევით და ზევით მივდივართ რალაც ერთი ბეწო მდინარის გაყოლება. აქ ბევრი საინტერესო ფენება ჩანს წითელი ფერისა, ჩემთვის უცნობი, ვფიქრობ, ტრასის სისტემის უნდა იყოს. ახლა მთის მეორე გვერდით დავეშვით და საღამო ეამს ნიურნბერგში მივალწიეთ. აქ სხვა მატარებელზე უნდა გადავსხდეთ, რადგან ჩვენი მატარებელი მიუხხენს მოდის. სამწუხაროდ, ამ საკმაოდ დიდ სადგურზე არც ერთი მებარგე არ აღმოჩნდა თავისუფალი. უშველოს ღმერთმა, თვით მგზავრებმა გაითვალისწინეს ჩემი უმწეო მდგომარეობა და ბარგი თითო-თითოდ მომაწოდეს. ყველა ნივთი გადავალაგე. მაგრამ იქაც ღერე-

ფანში მომიხდა ყოფნა, რადგან შიგ ვაგონში ტევა არ იყო. აქ გავიცანი ერთი ახალგაზრდა გერმანელი აგრონომი, რომელიც კელნიდან სავაში მიდიოდა თავისი ცოლით და პატარა ძეძუმწოვარი ბავშვით. უადგილობისა გამო ისიც დერეფანში მოთავსებულიყო. ბოვარიაში ფაბრიკა-ქარხნები ისეთი ხშირი არაა, როგორც რკინიგზის გაყოლებაზე. სოფელ-ქალაქებსაც შუა საუკუნის ელფერი ადევს. სახნავ-სათესი ბევრი არაა, მაგრამ რაც არის ჩინებულადაა დამუშავებული. პაგრის ყანები ბელგის ჰესბაიეს მინდვრებს არ ჩამოუვარდება. უკვე ნაშუალამევის ორი საათი იყო, რომ პასსაუში მივედით. აქ მეზარეულების მაგიერ მოვიდა ერთი კაცი, ვაგონს ახლო მოაყენა ერთი უზარმაზარი ხელურები, ყველა ჩვენი ბარგი ზედ დააწყო, ჩვენც ვუშველეთ და სადგურის დიდ დარბაზამდე მივაგორეთ და იქ კი, სადაც მოგვხვდა, მივეგდენით.

პასსაუ საზღვარია გერმანია-ავსტრიისა, მათ ყოფს მდ. დუნაი, რომელიც სადგურს ერთი ასეული მეტრის სიახლოვეს ჩაუდის. დილით ადრე ავდექი, ხალხი იმდენი ირეოდა, რომ ბილეთის აღება და ბარგის მიცემა არც ადვილი საქმე იყო. აქ სცენაზე ავსტრიული ფული — კრონა უნდა გამოსულიყო, რაც ბრიუსელიდანვე დამზადებული მქონდა. ავსტრიული ფული ძლიერ დაცემულია.

ჩემმა გაცნობილმა გერმანელმა დიდი სამსახური გამიწია. ბილეთიც მიყიდა და ბარგიც მიმიცა ვენამდე, გერმანელმა მეზარეულებმა კი ადგილი გვიშოვნეს ვაგონში და გავსწიეთ.

დავტოვეთ გერმანია, გადავედით ავსტრიაში. ერთი თვალას მოვლება კმარა ირგვლივ, რომ სხვა რაღაც თავისებური კულტურა შეამჩნიო. სახლები სხვანაირი გეგმისაა. ეკლესიების სამრეკლოები სრულებით თავისებურია. მინდოდა ერთ-ერთი სოფელი გადამელო და ფოტოგრაფიული აპარატი მოვიმარჯვე, მაგრამ ისევ გადავიფიქრე, რომ რაზე სხვაფრივ არ მიეღოთ.

ხასიათით ავსტრიელები უფრო მხიარული ხალხია, ვიდრე გერმანელები. მუსიკაში გაჩაღდა. მე ახალი ევპორის რუკა გავხსენე. ავსტრიელებმა გულმტკიცნეულად გადახედეს თავიანთ ყოველმხრივ ფრთაშეკვეცილ იმპერიას. თუმცა ეხტიბარს არ იტეხდნენ და ხშირად იძახდნენ: ჩვენ მშვენიერ ვენაში მივიდვიართო...

— ბევრი კამათი საქირო არ არის, — თქვა ერთმა მეგობარმა და ევროპის რუკა ფართოდ გახსნა. — ეს სულ ერთი სახელმწიფო უნდა იყოს, — წრე შემოავლო მთელ ევროპას, — ხოლო სატაბტო

ქალაქი აქ უნდა იყოს. — ხელი დაადო ბერლინს. ზოგს გაეცინა, ზოგს კი მოწონება გამოესახა პირისახეზე.

მინდვრები ავსტრიაში კარგადაა დამუშავებული, მაგრამ ბელგიისას ვერ შეედრება. ბოლოს, შუადღისას მართლა გამოჩნდა მშვენიერი ვენა. მართლაც და მშვენიერი ყოფილა ერთ დროს, მაგრამ დღეს კი სატირალ მდგომარეობაშია. მსოფლიო ომის დაწყების აქეთ იქ არაფერი კაცს არ შეუკეთებია. ქუჩებში ოღოროღოროებს უჩენია თავი. უზარმაზარი ექვსსართულიანი სახლები გაძიძგნილ-გაწიწწულია. ქალაქში საშინელი სიძვირეა, ფული მათი დღითი-ღღე ეცემა.

ვენაში ჩამოვხტით ჩრდილოეთის სადგურზე. სერბისაკენ მიმავალი მატარებელი კი სამხრეთის სადგურიდან გადიოდა. ეს სადგური ქალაქის მეორე კიდეზე მდებარეობს. სხვა გზა არ იყო, ვიჭირავეთ ორი ეტლი მე და ჩემმა ნაცნობმა გერმანელმა. მე-ეტლემ თითოს გადაგვახდევინა. ექვსას-ექვსასი გერმანული მარკა, ე. ი. უფრო მეტი, ვიდრე რკინიგზა კელნიდან პასსაუმდე. ვენელმა შეეტლემ ავსტრიულ ფულს არც კი შეხედა: „ნიხტ, ნიხტ!“ — ამბობდა. ვენის სამხრეთის სადგური უზარმაზარი შენობაა. სიდიდით ანტვერპენისას არ ჩამოუვარდება. ერთ დროს ლამაზიც ყოფილა, მაგრამ ახლა ჩამოგლეჯილ-ჩამოფხეკილია. როგორც შიგ მოსამსახურეებს, ისე სადგურის კედლებსაც მოწყენილი ელფერი ადევს. შევიტყვე, რომ ბილეთის ყიდვა ბოსნიის (სერბია) ქალაქ ზაგრებამდე შეიძლებოდა და მეც შესაფერ თავდარიგს შევეუდექი. ჩემი თანამგზავრი გერმანელის ცოლი და ბავშვი ძლიერ დაღლილნი აღმოჩნდნენ და ერთი დღით ვენაში დასვენება გადაწყვიტეს. იშოვეს სადგურის ახლო ერთი ოთახი, ოდესღაც კარგ სასტუმროში (ახლა კი გაფხეკილა, მეკარესაც ტანისამოსი ჩამოგლეჯია) ძლიერ ძვირად და იქ დაბინავდნენ. ცოლ-შვილის დაბინავების შემდეგ ის მაინც მოვიდა სადგურზე და ჩემს დახმარებას შეუდგა. ჭერ ფული იყო დასახურდავებელი. ერთ ფრანგულ ასფრანკიან ქალალღში ოცდათორმეტი ათასი კრონა დაგვითვალეს. ახლად დაბეჭდილი, ლავა-შივით ფართო ბჭყვრიალა ქალალღები. ფული და მისი ანგარიშობა მე ფიზიკურად მეჭაერება. და ეს ამოდენა ქალალღებმა სულ გონება ამირია. მივყევი და საბილეთო თუ საბარგო სალაროში, ან კიდევ მებარგვებში ვარიგე და ვარიგე გულუბრყვილოდ, უანგარიშოდ. ვენამდე მარტო ორ ცალ ბარგს ვაძლევედი ფასგადახდილად. ვენელი მოხელეები უფრო სასტიკები აღმოჩნდნენ, იმათ

ორი სხვაც მიმაცემინეს. როგორც იყო დავიძარით. ვაგონში კი დავძლიე ჩემი სიზარმაცე და ფულის ანგარიშს შევუღდექი. გამოვიდა, რომ ოთხი ათასი სადღაც გადამიყოლებია. შუალაშე იქნებოდა, რომ ახალი სერბიის საზღვრამდე მივედით. შემოვიდა პოლიცია და საბაჟოს მოხელენი. ჭერ ჩვენი ქალაქდები დაათვალიერეს და მერე ბარგების ჩხრეკას შეუდგნენ. ჩემი ბარგისთვის არც კი მიუხედნიათ, მაგრამ იქვე ახლომასლო დაბა-ქალაქებში მიმავლები კი რიგიანად გაჩხრიკეს. სწორედ რომ ააფორიაქეს იქაურობა და წარმოიდგინეთ ჩემი გაკვირვება: აქ რაღაც აბრეშუმის ქსოვილს ამოაყოფინეს თავი, იქ ვერცხლეულობას და მიჰყვა და მიჰყვა. ატყდა ერთი კამათი და ცხარე ბაასი. ლაპარაკიც მეტია, რომ სერბიულ მებაჟეებს თავიანთი საქმე ძლიერ კარგად სცოდნიათ. ახლანდელი ავსტრიის საზღვარს ხორვატების ქვეყანა უძევს. მათი ენა თითქმის იგივე სერბიულია. ძლიერ ჰგავს რუსულს. ყურს უგდებ, თითქო გესმის და იმავე დროს არა გესმის რა. უკვე დილაა. ქალაქ ზაგრებს ვუახლოვდებით.

ზაგრები ხორვატების, ასე ვთქვათ, დედაქალაქია. აქ არის პოლიტექნიკუმი, ავსტრიელების ბატონობის დროს დაარსებული, ეტყობა ვაჭრობა, ალებ-მიცემაც არის, მაგრამ უკვე ეტყობა, რომ დასავლეთ ევროპიდან სლავიანების ქვეყანაში გადადიხარ. ხარაზურა სახლები, ქუჩებში წუმპები და საერთოდ დაუდევრობა ძალაუნებურად თვალში გეცემა.

ბილეთის ყიდვა და ბარგის მიცემა ბევრი არ გამჟირვებია. სერბიელი „დინარი“ გაცილებით უფრო მეტი ღირს, ვიდრე გერმანული „მარკა“. მოვიდა მატარებელი ბელგრადისკენ მიმავალი, მაგრამ, შენი მტერი, ადგილი არათუ მესამე კლასში, მეორეშიაც ვერ ვიშოვნე, მხოლოდ სადღაც მეორეკლასის ვაგონის დერეფნის ერთ-ერთ კუნჭულში ძლივს მოვთავსდი. მოვიდა კონდუქტორი. შევჩვილე უადგილობა. მართალი ხარო, მითხრა ზრდილობიანად ფრანგულად, მაგრამ ყოველ შემთხვევაში ეს მეორე კლასიაო. ამოიღო ჩიბიდან წიგნაკი, ბარათი ამომიწერა და ზრდილობიანადვე ას ოცდახუთი დინარი ზედმეტი გადამანდევინა. ჩვენი მატარებელი მაინცადამაინც არ ჩქარობდა და მთელი დღე და ღამე მონადღემა ბელგრადამდე მისვლას. ვენიდან ზაგრებამდე ჩრდილოეთიდან სამხრეთით მოვდიოდით, ახლა კი ზაგრებიდან ბელგრადამდე დასავლეთიდან აღმოსავლეთით მივდივართ მდინარე სავას გაყოფებით. სავას ნაპირები საკმაოდ ნაყოფიერია, მაგრამ ჭეროვნად არ

არის დამუშავებული, ბელგიის საყანე მინდვრების მიხვეულ თვალს შინც არ მოეწონება. უკვე გათენდა, 29 აპრილია და ბელგრადშიაც მივედით.

ბელგრადში გაჩერებას არ ვაპირებდი და ჩამოვხტი თუ არა, ცარებორდისკენ მიმავალი მატარებლის ბილეთი ვიყიდე (ცარებორდი სერბია-ბულგარიის საზღვარია) და ჩემი ბარგი მოვიკითხე, მაგრამ აღმოჩნდა, რომ ბარგი მე რომ მოვედი იმ მატარებლით არ გამოგზავნათ და ამნაირად ძალაუნებურად მეორე დღემდე ვრჩებოდი. ამავე დროს ნაყიდი ბილეთიც ხელში მრჩებოდა. საჭირო იყო ბილეთზე შესაფერი აღნიშვნა, რომ მეორე დღესაც გამომდგარიყო. აქეთ ვეცი, იქით ვეცი რკინიგზის მოხელეებს. ერთმა მეორესთან მგზავნა, მეორემ მესამესთან და ამრიგად მთელი სადგური შემოვიარე, პოლიციაშიაც ვიყავი და ბოლოს ჩემი ბილეთით ხელში ქუჩაში ამოვყავი თავი, სრულებით დაუკმაყოფილებელი. გასაოცარია ბელგრადის რკინიგზის მოხელეების მიერ თავიანთი საქმის უცოდინარობა, მოვიკრიბე ძალა და დავუარე ხელმეორედ. აქა-იქ იერიშიც დამქირდა და როგორც იყო, ბილეთზე ბექედი დავაკრევი. ამრიგად მთელი დღე თავისუფალი მქონდა და ქალაქის დასათვალიერებლად წავედი.

ბელგრადი მდ. დუნაის მარჯვენა ამალღებულ ნაპირზეა გაშენებული. ამ დროებით თავისთავად როგორც ქალაქი, ბევრს არაფერს წარმოადგენს, მაგრამ თუ ახლანდელი იუგოსლავია განმტკიცდა, მომავალი კარგი მოელის. ნუ დაგავიწყდებათ, ამ რამდენიმე წლის წინათ თუთხმეტი მილიონი ხალხის სატახტო ქალაქად გარდაიქცა. წინათ მდინარის გაღმა ჩრდილოეთით უკვე ავსტრო-უნგრეთის სამფლობელო იყო. ახლა კი გაღმაც კაი ძალი მათია. გავიარე მთავარ ქუჩაზე. წიგნის კარგი მაღაზიები ბევრია. ფრანგული გაზეთები თითქმის ყველა მოდის.

ბელგრადის სასტუმროებში (თუ ასეთი სახელი დაერქმევა), ერთ ოთახს ცალკე ვერ იშოვნე. ყველგან ორი, სამი და მეტიც ლოგინია. თუ მარტო გინდა იყო, ყველას ფასი უნდა გადაიხადო.

სოფლების მდებარეობას არა უშავს რა, მაგრამ სახლები კი პატარა და ღარიბულია. გათენებამდე ბევრი არ აკლდა, რომ ცარებორდში მივედით.

გზაზე ერთი ბულგარელი აგრონომი გავიცანი. ეს იყო ბერლინ-

ში სწავლა გაეთავებინა და შინ ბრუნდებოდა; წინათ რუსეთში ესწავლა და რუსულად ძლიერ კარგად ლაპარაკობდა.

ძლიერ გაჭავრებული იყო სერბიელებზე. სერბიის, ხორვატთა და სლოვენთა სამეფოს სამასხაროდ იგდებდა. „იუგოსლოვაცია“ კარგი შერჩეული სიტყვააო. ხოლო ამ სამ ხალხთა ჩამოთვლა სასაცილოა. დავაცადოთ, ნახავთ მათ სეირს, ჯერ ახლაც შეეტყვოთ უკვე უთანხმოებაო. სოფიაში დილით გვარიან ადრე ჩამოვედით, მაგრამ კვირა დღე იყო და ძალაუწებურად მეორე დღემდე უნდა დავრჩენილიყავი.

დავისვენე და შემდეგ ქალაქი დავათვალიერე. სოფია შნოით თუ მოწყობილობით არც ერთ ევროპულ ქალაქს არ დაუვარდება, მაგრამ ცოტას რომ გასცილდები შუა გულსა მტვერი თუ ტალახი, ხარახურა სახლები და სხვა სიბინძურე არ მოგაკლდება.

მეორე დღეს ორშაბათს პირველი მაისი იყო, დიდ მანიფესტაციას მოელოდნენ მუშების მხრივ.

ნაშუადღევს მართლაც დაიძრა მუშების მანიფესტაცია. მშვენიერი სანახავე იყო. სულ ცოტა რომ ვთქვათ, ოცდაათათას (30.000) კაცამდე კი იღებდა მონაწილეობას. მოდიოდნენ მწყობრად, აუარებელი დროშებით, სიმღერით და მუსიკით. რიგებში ქალებიც ბევრი ერია. იყვნენ მუსულმანებიც. მთავრობასაც თავდარიგი დაეპირა და ცხენოსანი პოლიციელები გამოეგზავნა: ისინი იდგნენ აქა-იქ ჭგუფად ხუთი-ექვსი კაცი და მხოლოდ სეირს უყურებდნენ, ცხენებზე ტომრებივით ეგდნენ და ცხენებიც ისეთი მკლე და პატარები იყვნენ, რომ ასე გეგონებოდა, აი საცაა ჩაიკეცებიან ამ რუმბივით მსხვილი პოლიციელების სიმძიმის ქვეშაო. ბედზე ყველაფერი მშვიდობიანად დასრულდა, თორემ საპირობებას რომ მოეთხოვა, დიდად ვეჭვობ, რომ ტაიპებს ან მათ მხედრებს რამე თვალსაჩინო ვაჟაკობა გამოეჩინათ.

საღამოთი მატარებელი არ იყო და დავრჩი სამშაბათ დილა-მდე.

შემდეგი სადგური ჩემი მოგზაურობისა სვილენგრადი საზღვარაა ბულგარია—ოსმალეთისა, ან, თუ გნებავთ, ბულგარია—საბერძნეთისა, რადგან ახლა აქ ბერძნების ჯარი დგას. მოსვლისთანავე ბილეთი ვიყიდე სტამბოლამდე. აქ უკვე თურქული ლირა გამოდის სცენაზე და მიმოსვლის ფასი საშინელი ძვირია. სვილენგრადიდან სტამბოლამდე რაღაც ასამდე კილომეტრია და ეს გზა უფრო ძვირი დამიჯდა, ვიდრე მთელი გერმანია კელნიდან პასსაუმდე. ერთ-ერთ სად-

გურზე ჩვენ ვაგონში შემოვიდა ერთი გრძელწვერა ქალარა, ძლიერ ახოვანი და ლამაზი კაცი. იმ კაცმა რალაცნაირად შეიტყო ჩემი ვინაობა, წვერზე ხელი მოისვა და „ჩერქეზ, ჩერქეზო“ მითხრა. თურმე ჩერქეზი ყოფილიყო ანაპიდან, — როცა ოსმალეთში გადმოსახლდით, ათი წლისა ვიყავით. საწყალს თვალები ცრემლებით აევსო. ის აქ ცხოვრობს 1878 წლიდან და კავკასიის მთაგრეხილი ჯერ კიდევ არ დავიწყებია. შუაღლე გადასული იყო, როცა სტამბოლში მოვედით.

ჩამოვხტი თუ არა სტამბოლის სადგურზე, შევუდექი ჩემი პატარა ბარგის ძებნას. საბარგო განყოფილებიდან სადღაც საბაჟოში გამგზავნეს, იქიდან ისევ საბარგო განყოფილებაში გამაგზავნეს. შევატყვე, რომ საქმე ცუდად იყო.

თორმეტი დღე ველოდე ჩემს ბარგს სტამბოლში. ეს დრო სულ უბრალოდ დავკარგე ამ ქალაქში, სადაც ცხოვრება ძალიან ძვირია. ეს თორმეტი დღე ძალაუნებურად გავეცანი სტამბოლს.


მისი მდებარეობა საუცხოოა, მაგრამ ქალაქი საშინლად მოუწესრიგებელია. ქუჩები ვიწროა და ცუდად დაფენილი; ყველგან ქუჩყი და ტალახ-მტვერი. სახლები აქა-იქ დიდი და მდიდარი მასალით არის აგებული, მაგრამ უმრავლესობა უშნო, ახმაზი, ან წარმოუდგენელი ხარახურაა. დიდად უარესი, ვიდრე ჩვენი ავღბარი.

ვინახულე ქართველ კათოლიკეთა მონასტერი. წინამძღვარმა, მამა შიო ბათმანაშვილმა ძლიერ მეგობრულად მიმიღო და მთელი შენობა დამატარა. დავათვალიერე წიგნთსაცავი, სადაც მოთავსებულია ყველა დღემდე დაბეჭდილი საეკლესიო თუ საერო წიგნი, აგრეთვე რამდენიმე ხელნაწერი. ქართველ კათოლიკეთა მონასტერი სტამბოლში მოსაწონია. აქ სუფევს თანხმობა, დისციპლინა. შრომობენ, ისე რომ წარმოიდგენ რა ყოფილა იგი ამ სამოცი წლის წინათ, როცა დაუარსებია ცნობილ ქართველ კათოლიკეს პეტრე ხარისქარაშვილს და რაც არის ახლა. ცხადია, რომ ამ ხალხს მოქმედების უნარი ჰქონია და ცხადად ეტყობა, რომ ახლაც აქვთ. პეტრე ხარისქარაშვილის გული კი გარდაცვალების შემდეგ ამოუქრიათ და აკლდამაში ჩაუდვიათ. მას დღესაც ინახავენ ერთ დიდ შუშაში, საგანგებოდ მისთვის განმზადებულ მაგიდაზე, წიგნთსაცავის ერთ-ერთ კუთხეში.

რა ჯურის, მიმართულების თუ ეროვნების ხალხი გინდა, რომ სტამბოლში ბუზივით არ ირეოდეს. განსაკუთრებით ბევრია რუ-

სობა. ძველი ჩინოვნიკობა და ოფიცრობა აქ გადმოხვეწილა. საკვირველია, რუსი ოფიცრობის ფსიქოლოგია. ისინი არასგზით თავიანთ პაგონებს არ იშორებენ. ყოველ ფეხის გადადგმაზე შეხედვებით გენერალს, კაპიტანს, პრაპორშჩიკს და სხვა. ზოგს ტანისამოსი თითქმის შემოხვევია, გახუნებული, სანახევროდ დაგლუჯილი პაგონი მაინც აკერია მხრებზე. ზოგს სულ რომ დახვევია, აუღია მაუდის ნაჭერი, პაგონივით გამოუქრია და ჩამოუყვრებია. წოდების შესაფერი ხაზები თუ ზოლებიც თან მიუყოლებია.

რა ვუყოთ, ვისაც როგორ მოსწონს. ბარგი მივიღე თუ არა, ბათუმისკენ წამსვლელი გემის შოვნის თადარიგს შეეუღლევი. ზღვის პირას გალატაში ვნახე ერთი კონტრაგენტი. ბილეთი მომყიდა, თუმცა გემი რამდენიმე დღის შემდეგ მიდის, მაგრამ დღესვე შევიძლიათ იქ გადახვიდეთო. გემი ნაპირას მოშორებით იდგა. სასტუმროდან გადმოვზიდე ჩემი ბარგი, კონტრაგენტმა მომცა ერთი კაცი და ერთი ნაეი, ჩავეწყვეთ შიგ და გავწიეთ. გავიარეთ ხიდ ქვეშ და კაი ხნის შემდეგ მივედით. ავედი კიბეზე ერთი პატარა ხელბარგით ხელში, კაპიტანის თანაშემწე დამხვდა და ძალიან გაუკვირდა ჩემი ნახვა: ბილეთი ვუჩვენე. გემის წასვლის დღე არ ვიცით, ყოველ შემთხვევაში რამდენიმე დღე არ წავა და მაშინ მოდიეთო. მე თქვენმა კონტრაგენტებმა გამომგზავნა-მეთქი. ის ჩვენი კონტრაგენტი არ არისო. ბილეთი? — დაუყვირე. ბილეთი კი ჩვენიო. მაშ, ეს როგორ მოხდა, რომ თქვენ ბილეთს არა თქვენი აგენტი ყიდის-მეთქი. რალა გავაგრძელო, აგვიტყდა ჩხუბი. ფრანგულად დავიწყეთ და რუსულად ერთმანეთის ლამაზად გამოლანძღვით დავაბოლოვეთ. სხვა გზა არ იყო, უკანვე გამოვბრუნდი იმავე ნავითა. ახლა კი მენავე სულ სხვა ნაპირზე მიაღდა. აქ კი დამესია ცალკე ბარგის გადამტანთა ბრბო, ცალკე საბაჟოს მოხელეები. კონტრაბანდა მოგაქვსო. ცოტას გადაეურჩი, ყველა ბარგი ხელახლა გამიჩხრიკეს. ბარგის გადამტანების თავგასულობის წინააღმდეგ კი ჯოხის მოქნევაც დამჭირდა. როგორც იყო დავბინავდი ისევ ერთ-ერთ ქუქყიან სასტუმროში, ზედვე ზღვის პირად, მეორე დღეს იტალიელების გემი „ადრიან“ მოვიდა და იქ გადავიტანე ჩემი ბარგი. სამი დღე და ღამის მოგზაურობის შემდეგ ბათუმს ვუახლოვდებით. კვლავ მელირსა მენახა ჩემი მრავალტანჯული საქართველო.



ქართული ენისათვის

ქართულ ენას აქვს, რასაკვირველია, ნაკლებოვანება, როგორც ყოველ სხვა ენას და სხვასაც ყველაფერს ბუნებაში, მაგრამ მას აქვს აგრეთვე ბევრი უტყუარი და თვალსაჩინო ღირსებაც.

ბევრსა ჰგონია და მეც მრავალთაგან გამიგონია, რომ ქართული ენა არის მცირერიცხოვანი ერის ენა, რომ საქართველო პატარა ქვეყანაა და არ ღირს მისთვის თავგამოდება და მისი გამაგრება!

ეს ფრიად შემცდარი აზრია. ვინც ასე მსჯელობს, ის ხედავს მხოლოდ აწინდელს, სხვათა და სხვათა გამანადგურებელი შემოსევების გამო კავკასიონის კალთებზე მიჰყლებილ პატარა საქართველოს. წინათ კი ამ ხალხის წინაპარს თითქმის მთელი წინააზია ეჭირა. ის ხალხი იყო მრავალრიცხოვანი და მათი მოდგმის მრავალთმთაგან ხმარებულ კილოკავენისაგან, როგორც ჩველი მასალისაგან, შეისკვნა და გაიჰედა თავისებური, — სხვა ენათა შორის განმარტობული, — ჩვენი ქართული ენა.

წარმოიდგინეთ ხმელეთის დიდი ნაჭერი, სავსე მდიდარი მცენარეულობითა და ცხოველებითა. მოხდეს კატასტროფა, ხმელეთში ზღვა შემოიჭრას და დააქუცმაცოს (სინამდვილეში ბევრჯერ მომხდარა ასეთი რამ და, უეჭველია, მოხდება კიდევ, მაგ. ინდოეთის ოკეანე — ყოფილი დიდი ხმელეთია) და მხოლოდ ერთი პატარა კუნძულია დარჩეს, მაგრამ ისე, რომ ამ კუნძულზე ყოფილი დიდი ხმელეთის მდიდარი ფლორა-ფაუნის ყველა წარმომადგენელი შერჩეს. სწორედ ასეთია აწინდელი საქართველო, ქართველი ხალ-

ბი და მისი ენა თავისი ყოველნაირი თავისებურობით, ყოველ-
 ჰხრივ უცხო თესლებით, ვით მძლავრი და მრისხანე ტალღებით,
 გარშემორტყმული.

მართლაც და საინტერესოა გადახედოთ კავკასიის ეთნოგრაფი-
 ულ რუკას, თუნდაც მიკერძოებით შედგენილს, როგორც ამას ჩა-
 დიოდენ ჩვენი ბატონ-პატრონნი წარსულში, რუკას, სადაც სხვა-
 დასხვა ფერადებით წარმოდგენილია სხვადასხვა ერები. თქვენ
 აუღალწინ ბრძოლის ველისთვის მომზადებული საომარი გეგმა
 გადიშლება. დაჰყურებ ამ რუკას და ასე გგონია. მთავარი შტა-
 ბის მიერ შედგენილი საომარი გეგმა გიდევს წინა. მებრძოლთა
 ერთი მხარე შუაში მოქცეულა. ეს საქართველოა, რუკაზე მწვანე
 ფერადით გამოყვანილი.

ახლა სინამდვილეს რომ გადავხედოთ, დავინახავთ, რომ საქარ-
 თველოს უბრძოლია და იბრძოლებს თავისი არსებობის, თავისი
 თავისებურობის შესანარჩუნებლად. ეს ცხადია, სრულებით ბუ-
 ნებრივი მოვლენაა. ვინც რა უნდა თქვას.

მაგრამ კითხვა იბადება: რით და როგორ უნდა იბრძოლოს
 მან? ხმლით და ხანჭლით? ხმალ-ხანჭალი უბრალო სამკაული გახდა.

იქნებ არც ისე შორს იყოს ის დრო, როცა დიდი ზარბაზნები
 მუზეუმების სამკაულებად გახდებიან. და კიდევაც რომ გასტანოს
 დიდხანს მათი ბრძოლის იარაღად ხმარებამ, საქართველოს ის თა-
 ვის დღეში ვერ ექნება საკმაო ყველა მაზე მოსული მტრების
 მოსაგერიებლად.

დაგვრჩენია სხვანაირი ბრძოლა, ბრძოლა კულტურული, სწავ-
 ლის შეძენა და მისი საქმეში გამოყენება თანხმობით. მკიდროდ
 და ერთად მოქმედება, წინდაწინ გათვალისწინებული გზით სია-
 რული... გარკვეული პრინციპი.

და ყველა ამათი მისაღწევი მკვეთრი და შეუდრეკელი იარაღი,
 ვით მაგარი კარი ციხის კედლის ქვების ერთმანეთთან შემადულებე-
 ლი, არის ქართული ენა.

თუკი დღემდე არსებობს საქართველო, თუკი მისი საერთო
 ბანაკის შევიწროებული შუა გული არ გარღვეულა, ეს მხოლოდ
 ქართული ენის, რუსთაველ-აკაკის თარზე დასაკერელი ენის წყა-
 ლობით. თუ მივიღებთ მხედველობაში ჩვენს გულჩვილობას (გულ-
 უბრყვილობამდე მისულს), ჩვენს ბედოვლათობას, ჩვენს სიზარ-
 ჭაცეს და დაუდევრობას, საქართველოს ხსენება დღეს არ იქნებო-
 და. ქართული ენა რომ არ იყოს.

ებრაელი მოაშორეს მის საყვარელ სიონს, ის შორს, შორს, ცივ პოლონეთის ტყეშია გადახვეწილი. აბრაამის ენა მას დიდი ხანია დაეკარგა და გერმანულ კილოკავზე დაიწყო საუბარი, მაგრამ ის მაინც ებრაელი დარჩა. სომეხი მოაშორდა ექვიაწინს, მან ატლანტიდა გადასცურა და ნიუ-იორკის თორმეტსართულიან სახლში მოაწყო სავაჭრო მაღაზია, მას სომხური დაავიწყდა, ლედების და მილედების ენაზე ლაპარაკობს. ის მაინც სომეხია. ვთქვათ, ქართველმა არ იცის ქართული ენა, ის თქვენ აქვე, ქვაშვეთის საყდრის გვერდით ქვაფენილზე შემოგეყარათ. ბოდიშს იხდის, რომ ქართულად ვერ ლაპარაკობს, რა ქნას, სხვაგან გაზრდილია. დანარჩენი სხვა რომელი ენაც გინდა, სანსკრიტულიც იცის. გეფიცებათ კი, რომ ის გულით წმინდა ქართველია. ნურაფერი ნუ გკერათ მისი! მე მისი არც ფიცი მწამს და არც ბოლო მაკვირვებს!

ვინც ქართული არ იცის, ის ქართველი არ არიხ. ზემი დასკვნა ასეთია.

საკვირველია, რომ იმათაც, ვინც იცის ქართული ენა, ზოგს ლაპარაკი არ ემარჯვება, ზოგი ორ წინადადებას ქართულად რომ გეტყვის, სამს სხვას, უცხოს მოგახლის. ფიქრობ და გადაქრით ვერ გიპასუხნია, თუ რა უნდა იყოს ამის მიზეზი?!

ჩვენ გვგონია, რომ ჯერ ის, ვინც ქართველობს, საქართველოში ცხოვრობს და ქართულად ვერ ლაპარაკობს, ყოველ შემთხვევაში, გაუჩვეველი პირია. შემდეგ ის, ვინც იცის, მაგრამ ლაპარაკი არ ემარჯვება, იმას ან ვერ ჩაუხედია საკმაოდ ქართული ენის შნო და ძალაში, ან ექვი აქვს მის ღირსებაში, ან ჯერ ვერ განთავისუფლებულა იმ ფსიქოლოგიური სენისაგან, რომლის ძალით ყმას თავიანი ბატონისა ყველაფერი კარგი და საუკეთესო ჰგონია. ძნელი ყოფილა, ალბათ, ასი წლის, და ისიც უხეში უღელი, რომ მისი დანაკერი წყლული ასე ჩქარა გადიწმინდოს. ეს უკანასკნელი მგონი სიმართლესთან უფრო ახლოა. ბატონის მიბაძვა მას შემდეგაც როცა ბატონი გადავარდება, ისტორიაშიაც ხშირია. როგორც ცნობილია, გლეხი პუგაჩოვი აუჯანყდა ეკატერინე მეორეს, მომხრეები საკმაო იშოვნა, რამდენიმე პროვინცია ჩამოაცალა მაშინდელ რუსეთს და იქ გაბატონდა. მან მეფური სახლ-კარიც მოაწყო, თუმცა კარიკატურული, მაგრამ ეკატერინეს ყაიდაზე ზედგამოჭრილი. საგულისხმოა ის, რომ კარისკაცებს შორის ზოგს დაარქვა „პოტიომკინი“, ზოგს „ზუბოვი“ და სხვა, თუმცა პოტიომკინ-ზუბოვები „კერძო, განსაკუთრებულ“ მონდობილობას ახრულებდნენ დიდ-

დედოფალთან და ემელიანე პუგაჩოვს ისინი ამ მხრივ სრულებით არ ეჭირვებოდა. ის მაინც ბაძავედა თავის ნაბატონარს, რადგან მისი უღელი კისრიდან გადააგდო, მაგრამ გონებიდან ჭერ კიდევ ვერ წაეშალა.

იქნებ იგივე მიზეზია, რომ ქართულად მოლაპარაკე კაცი „დვადცატ-პიატ-ტისიაჩ“-ს გაურევს, თითქო „ოცდახუთი ათასი“ უფრო ძნელი გამოსათქმელი იყოს. ნამდვილად კი გააგონე ის პირველი ფრაზა დასავლეთ ევროპიელს და ნახავ როგორ ქუდმოგლეჯილი გარბოდეს და თან უკან იხედებოდეს: ეს რაღაც საშინელება აქაც არ მომსდევდესო.

ასეა თუ ისე, ნათქვამიდან ორი დასკვნა შეუძლებელია. ვინც ქართველობს, სწამს ქართველობა, იმას აუცილებლად უნდა სწამდეს ქართული ენაც. იკითხოს, ილაპარაკოს მშობლიურ ენაზე, პირუთვნელად ჩაუკვირდეს მას და ნახავს, რომ ის სხვა, მაზე უკეთ პატენტადებულ ენას არც სალაპარაკოდ, არც სამეცნიეროდ და არც სასიმღეროდ არ ჩამოუვარდება. ხოლო ჩვენ კი ყველას გვმართებს ამ მხრივ სწორი და გარკვეული პრინციპი: დავიცვათ ქართული ენა, გავამაგროთ, გავალამაზოთ და წინ წავეწიოთ იგი, რადგან ჩვენი ენა არის ის უზილაფი გენია, რომელიც თან ატარებს ქართველი ერის არსებობას.





ბიბლიოგრაფიული შენიშვნები

უიარაღოს თხზულებათა შეკრებისა და გამოცემის აზრი მაშინ დაიბადა, როცა მისი საკმაოდ მდიდარი არქივი ამ თხუთმეტრიოდე წლის წინათ. ვადაცა ნაქარ-ველოს სახელმწიფო ლიტერატურულ მუზეუმს. ხელნაწერთა კოლექციებში შეზონახული მონახაზები, ესკიზები, ფრაგმენტები და შეები მოწმობდა, რომ მათი ავტორი მხატვრული სიტყვის დარბაზში დროებითი სტუმარი არ იყო. საჭირო იყო მასალის შესწავლა. საჭირო იყო დაგვედგინა ამ საარქივო მასალათაგან რომელი იყო ბეჭდვით ორგანოებში გამოქვეყნებული და რომელი არა. სიმართლეს მოკლებული არ იქნება, თუ ვიტყვით, რომ გარდა „მამულეისა“ და გაცილებათ გვიან, ავტორის გარდაცვალების შემდეგ „მნათობში“ (1940 წ. № 10, 11, 12, 1941 წ. № 3, 4, 5, 6) გამოქვეყნებული „მძიებელნისა“, უიარაღოს სხვა მოთხრობები მკითხველისათვის ცნობილი არ იყო ამ მოთხრობების შეკრებას კი ერთი მძიმედ გადასალაბი დაბრკოლება ელოებოდა, — 1900-1920 წლების ქართული პერიოდულ პრესის სიმრავლე და ის, რომ ეს ზღვა პრესა დღემდე არ არის ბიბლიოგრაფირებული. საჭირო შეიქნა 20-25 წლის განმავლობაში გამოცემული ყველა ქართული ჟურნალ-გაზეთის კომპლექტების გადასინჯვა.

ხანგრძლივი ძიების შედეგად მოხერხდა დასახელებული პერიოდის გადახედვა და უიარაღოს ნაწერების შეკრება. თუმცა ძნელია იმის თქმა, რომ ეს შეკრება სრული იყოს და მიუკვლეველი რამე არ დარჩენილიყოს სადმე. შეკრებილმა მასალამ, რომელსაც რამდენიმე გამოუქვეყნებელი მოთხრობაც ემატება, ორი მოზრდილი ტომი შეადგინა. პირველ ტომში შესულ მასალათა ბიბლიოგრაფიული შენიშვნები ამგვარ სურათს იძლევა:

„მ შ ე ი ღ ო ბ ი თ!“ — სურათები სამეგრელოს ცხოვრებიდან (გვ. 1—142). გამოქვეყნებული იყო 1895 წელს. ჟურნალ „მოამბის“ № 8, 9, 10, 11-ში, ფსევდონიმით თ-ლი. ეს არის მწერლის პირველი ნაწარმოები, რომელსაც 20 წლის სემინარიელი ბურსაში მალულად წერდა და სხვაგან, ნათესავის ოჯახში ინახავდა, რომ ინსპექტორს არ ჩავარდნოდა ხელში.

ილია ჭავჭავაძის გაზეთი „ივერია“ (1895 წ., № 283) ამ მოთხრობის გამოქვეყნებას სიამოვნებით მიესალმა და აღნიშნა, რომ ჩვენი ქვეყნის ყველა კუთხის ცხოვრება გვაქვს დაწერილებით აღწერილი და სამეგრელოს ცხოვრებას კი არაფერს შეხებია, რაც ამ მშვენიერი ნაწარმოებით იწყებოდა მოთხრობა აქ იბეჭდება „მოამბეში“ გამოქვეყნებული ტექსტის მიხედვით.

„ჩ ე მ ი რ ა ბ რ ა ლ ი ა?“ (გვ. 143—152) პირველად დაიბეჭდა 1896 წ. ჟურნალ „მოამბეში“, № 2, ფსევდონიმით თ-ლი. ავტორის არქივში დატულია ამ მოთხრო-

ბის შავი. ხელნაწერზე გაკეთებული მინაწერი გვამცნობს, რომ ესეც ქაბუკობის-დრაონდელი ნაწარმოებია. იქ ავტორის მიერ აღნიშნულია: „ჩერ კიდევ სემინარიის მე-4 კლასის მოსწავლე, ინსპექტორის თანაშემწისა და გაკვეთილების მოუმზადებლობის შიშით აქანკალებული, სადმე კუთხეში მიმალული ვბლანჩიდი ორ-სამ სტრიქონს“ (ლიტ. მუზეუმი, ხ — 10701). მოთხრობა აქ იბეჭდება „მოამბეში“ გამოქვეყნებული ტექსტის მიხედვით.

„მე და ბიძაჩემი“ (გვ. 153—159) გადმოკეთებულია ფრანგულიდან. პირველად დაიბეჭდა 1896 წელს საბავშვო ჟურნალ „ჩეჩილის“ № 10-ში, ფსევდონიმით კ. თ.-ლი. აქ იბეჭდება „ჩეჩილში“ გამოქვეყნებული ტექსტის მიხედვით.

„ჩაიზე“ (გვ. 159—177) პირველად გამოქვეყნდა 1903 წ. ჟურნალ „კვალის“ № 2, 3 და 4-ში, ფსევდონიმით „კოდრა პატრია“. აქ იბეჭდება „კვალში“ გამოქვეყნებული ტექსტის მიხედვით.

„უსიამოვნო შეხვედრა“ (გვ. 178 — 184) გამოქვეყნებულია გაზეთ „ივერიაში“, 1903 წ., № 72-ში, ფსევდონიმით „კოდრა პატრია“. აქ იბეჭდება „ივერიაში“ გამოქვეყნებული ტექსტის მიხედვით.

„რაბი იიშუ“ (გვ. 185—194). პირველად გამოქვეყნდა 1906 წ. გაზეთ „მეგობარის“ № 75-ში, ფსევდონიმით „უიარალო“. ეს არის პირველი ნაწარმოები მის მოთხრობათა სერიიდან „ბიბლიურ პანგზე“. როგორც კონდრატე თათარიშვილის ბიოგრაფიიდან ვიცით, ამ მოთხრობამ დაბადა ავტორის ახალი და საკმაოდ უცნაური ფსევდონიმი „უიარალო“, რომელიც შემდეგ პოპულარული გახდა. აღნიშნულ სერიას განეკუთვნება 13 ნოველა. „რაბი იიშუ“ აქ იბეჭდება გაზეთ „მეგობარში“ გამოქვეყნებული ტექსტის მიხედვით.

„ერთი მრავალთაგანი“ (გვ. 195 — 199). ესკიზი. დაბეჭდილია 1906 წ. გაზეთ „სიტყვაში“, № 1, ფსევდონიმით „კონი“. ამაზე მიმითითა ცნობილმა წიგნების გამომცემელმა, კონდრატე თათარიშვილის უახლოესმა მეგობარმა ვასილ გადილიამ. აქ იბეჭდება „სიტყვაში“ გამოქვეყნებული ტექსტის მიხედვით.

„დრუნჩასი იშმარი“ (გვ. 200—202). საახალწლო ესკიზი. გამოქვეყნდა 1907 წელს გაზეთ „მეგობარში“, № 1 (13), „უიარალოს“ ფსევდონიმით. აქ იბეჭდება „მეგობარში“ გამოქვეყნებული ტექსტის მიხედვით.

„რეაქცია“ (გვ. 203—206). 1907 წელს დაიბეჭდა გაზეთ „ისარში“, № 160, ფსევდონიმით „უიარალო“. აქ იბეჭდება „ისარში“ გამოქვეყნებული ტექსტის მიხედვით.

„შოლტი“ (გვ. 207—214). გამოქვეყნდა 1907 წლის გაზეთ „ისარში“, № 285, „უიარალოს“ ფსევდონიმით. აქ იბეჭდება „ისარში“ გამოქვეყნებული ტექსტის მიხედვით.

„მეფე“ (გვ. 215—225). გამოქვეყნდა 1908 წელს გაზეთი „დროების“ № 32-ში, „უიარალოს“ ფსევდონიმით. აქ იბეჭდება „დროებაში“ გამოქვეყნებული ტექსტის მიხედვით.

„კრისტე აღსდგა“ (გვ. 226—233). გამოქვეყნებულია 1908 წლის გაზ. „ამირანის“ №35-ში, „უიარალოს“ ფსევდონიმით. აქ იბეჭდება „ამირანში“ გამოქვეყნებული ტექსტის მიხედვით.

„პროტექცია“ (გვ. 234—237). დაბეჭდილი იყო 1909 წლის გაზეთი „დროების“ № 1-ში „უიარალოს“ ფსევდონიმით. აქ იბეჭდება „დროებაში“ გამოქვეყნებული ტექსტის მიხედვით.

„პირუთვნელი დაფასება“ (გვ. 238—243). დაბეჭდილი იყო 1909 წლის გა-

ზეთი „დროების“ № 1-ში, „უიარაღოს“ ფსევდონიმით. აქ იბეჭდება „დროებაში“ გამოქვეყნებული ტექსტის მიხედვით.

„ფარისეელები“ (გვ. 244—248). დაბეჭდილი იყო 1909 წლის გაზეთ „დროებაში“ № 4, „უიარაღოს“ ფსევდონიმით. აქ იბეჭდება „დროებაში“ გამოქვეყნებული ტექსტის მიხედვით.

„ულანოში“ (გვ. 249—253). დაბეჭდილი იყო 1909 წლის გაზეთ „დროებაში“ № 47, 48, „უიარაღოს“ ფსევდონიმით. აქ იბეჭდება „დროებაში“ გამოქვეყნებული ტექსტის მიხედვით.

„გეთსამანია“ (გვ. 254—260). დაბეჭდილი იყო 1909 წლის გაზეთ „დროებაში“ № 69, „უიარაღოს“ ფსევდონიმით. აქ იბეჭდება „დროებაში“ გამოქვეყნებული ტექსტის მიხედვით.

„გასამართლები“ (გვ. 261—173). დაბეჭდილი იყო 1909 წლის გაზეთ „დროებაში“ № 288, „უიარაღოს“ ფსევდონიმით. აქ იბეჭდება „დროებაში“ გამოქვეყნებული ტექსტის მიხედვით.

„შიში“ (გვ. 274—281). პირველად გამოქვეყნდა 1910 წ. გაზეთ „დროების“ № 86-ში, „უიარაღოს“ ფსევდონიმით. აქ იბეჭდება „დროებაში“ გამოქვეყნებული ტექსტის მიხედვით.

„გაცრეხებული იმედი“ (გვ. 282—292). დაბეჭდილი იყო 1910 წ. „სახალხო გაზეთში“, № 193, „უიარაღოს“ ფსევდონიმით. აქ იბეჭდება „სახალხო გაზეთში“ გამოქვეყნებული ტექსტის მიხედვით.

„წესდება“ (გვ. 293—306). გამოქვეყნდა 1910 წ. გაზ. „დროებამ“ სურათებიან დამატებაში, № 10, 11, „უიარაღოს“ ფსევდონიმით. აქ იბეჭდება „დროებაში“ გამოქვეყნებული ტექსტის მიხედვით.

„ერთგული“ (გვ. 307—313). დაბეჭდა 1911 წ. „სახალხო გაზეთის“ № 276, „უიარაღოს“ ფსევდონიმით. აქ იბეჭდება „სახალხო გაზეთში“ გამოქვეყნებული ტექსტის მიხედვით.

„სამკელლოში“ (გვ. 314—324). პირველად დაიბეჭდა 1911 წ. „სახალხო გაზეთის“ № 485-ში, „უიარაღოს“ ფსევდონიმით. აქ იბეჭდება „სახალხო გაზეთში“ გამოქვეყნებული ტექსტის მიხედვით.

„მამელუკი“ (გვ. 336—429). პირველად გამოქვეყნდა 1912 წელს „ქართული სიტყვაჯამბული მწერლობის საზოგადოების“ ლიტერატურულ აღმანახ „გრდემლის“ II წიგნში, თარიღით 1912 წლის 4 აპრილი. გარდა უიარაღოს „მამელუკისა“ რომელსაც რიგით მესამე ადგილი უკავია აღმანახს, მასში მოთავსებულია ქართული მწერლობის მამინდელი საუკეთესო ძალების: ვ. ბარნოვის, ა. შანშიაშვილის, ა. აბაშელის, ჟ. ჭორჭიკიას, ი. ევდოშვილის, ა. პაპეას, ი. გრიშაშვილის, ნ. ლორთქიფანიძის, კიკნა-ფშაველას, ა. კუმბაძის, მ. უზნაძის, ე. გაბაშვილის, გ. ტაბიძის, დუტუ მეგრელის, კ. აბაშისპირელის (კ. გამსახურდიას ფსევდ.) და ნინო ნაკაშიძის მოთხრობები, პოემები, ლექსები, პიესები და სხვ.

ამ აღმანახში მოთავსებულ მხატვრულ ქმნილებებს შორის მამინდელმა ლიტერატურულმა კრიტიკამ განსაკუთრებული თვალთ შეხედა „მამელუკს“ და ნ. ლორთქიფანიძის „მრისხანე ბატონს“. ისინი აღიარებული იქნენ ქართული ლიტერატურის ახალ მიღწევებად, მაღალი ღირსების მხატვრულ ქმნილებებად. ამიტომ „მამელუკი“ რაინდენჭარმე გამოიცა ცალკე წიგნად. პირველად იგი გამოიცა 1935 წელს გამომცემლობა „ფედერაციის“ მიერ პოეტ ტიკაიან ტაბიძის რედაქციით და წინასიტყვიით.

„მაშელუკი“ მეორედ გამოსცა „საბჭოთა მწერალმა“ 1947 წელს მწერალ დემ-
ნა შენგელაიას რედაქციით. მესამედ „მაშელუკი“ სახელგამმა გამოსცა 1954
წელს. ჩვენი წინასიტყვაობით. ავტორგრაფთან შეჭერებაზე და დადგენა-
დაზუსტებაზე სავაო შრომა ვასწია სახელგამის რედაქტორმა პ. ბეზიაშ.
მოთხრობა ამ ტომში თავსდება ამ უკანასკნელი გამოცემის ტექსტის მიხედვით,
მისი მტიოეოდენი შესწორებით დედანთან შედარების საფუძველზე. მოთხრობის
ავტორგრაფული ტექსტის შავები და ვარიანტები დაეულია საქართველოს სახელ-
მწიფო ლიტერატურული მუზეუმის ფონდებში (იხ. ხ—19990, 10698, 10699), აქვეა
დაეული მოგვიანო წლებში ავტორის მიერ პიესად და სცენარად გადაკეთებული
„მაშელუკის“ ტექსტი. ზოგი მათგანი მანქანაზეც არის გადაბეჭდილი. ეტყობა.
ავტორი მათ სავაოდოებაში გამოტანას ვარაუდობდა.

„მღვდელი და დიაკვანი“ (გვ. 430—458). პირველად დაიბეჭდა 1913
წელს „სახალხო ვაზეთის“ სურათებიან დამატებაში, № 186, 187 და 188-ში,
„უიარაღოს“ ფსევდონიმით. აქ იბეჭდება „სახალხო ვაზეთში“ გამოქვეყნებული
ტექსტის მიხედვით.

„მოხუცებულები და დეკამერონი“ (გვ. 459—467). დათარიღე-
ბულია 1917 წლის 17 ოქტომბრით, ე. ი. დაწერილია ბრიუსელში ცხოვრების პე-
რიოდში. პირველად გამოქვეყნდა 1923 წლის ეურნალ „ილიონში“, № 3, „უიარა-
ღოს“ ფსევდონიმით. აქ იბეჭდება „ილიონში“ გამოქვეყნებული ტექსტის მი-
ხედვით.

„ლამაზია“? (გვ. 468—473) ესეიზი. იბეჭდება პირველად. ავტორგრაფული
ტექსტი დაეულია საქართველოს სახ. ლიტ. მუზეუმში (ხ—10718).

„მოაზროვნეტრილობითი“ (გვ. 474—483). პირველად გამოქვეყნდა 1923
წელს ეურნ. „ილიონში“, № 4, „უიარაღოს“ ფსევდონიმით. აქ იბეჭდება „ილი-
ონში“ გამოქვეყნებული ტექსტის მიხედვით.

„ბედნიერება“ (გვ. 484—518). მოთხრობა ქალაქის ცხოვრებიდან. ავტორის
მიერ დათარიღებულია 1924 წლით. ქვეყნდება პირველად. მისი ავტორგრაფული
ტექსტი დაეულია საქართველოს სახ. ლიტ. მუზეუმში (ხ—10712).

„ბედქრულთა მეგობარი ექიმი გააზი“ (გვ. 519—528).
გადმოკეთებულია რუსულიდან პეტროვის ნარკვევიდან „Друг несчастных до-
рог Гаас“. ნარკვევი პირველად გამოქვეყნებული იყო 1903 წ. ვაზეთ „ივერიის“
№ 184-ში, „კოდრა პატრიას“ ხელმოწერით. აქ იბეჭდება „ივერიაში“ გამოქვეყნე-
ბული ტექსტის მიხედვით.

„თბილისიდან ქულფამდე“ (გვ. 529—573) მგზავრის წერილები.
ვაზეთი „დროების“ რედაქციის მივლინებით 1909 წელს ავტორს უმოგზაურნია
თბილისიდან ქულფამდე და ერთი თვალის გადავლებით მიღებული შთაბეჭდილე-
ბანი დაკვირვებულად და ობიექტურად აღწერია ამ მშვენიერ ნარკვევში.
ნარკვევი მთლიანად გამოქვეყნებულია 1909 წლის ვაზეთი „დროების“ № 107,
116, 127, 128, 145, 146 და 148-ში, „უიარაღოს“ ფსევდონიმით. აქ იბეჭდება
„დროებაში“ გამოქვეყნებული ტექსტის მიხედვით.

„მსოფლიო გამოფენა ქ. ვანში“. (გვ. 574—596). წერილი
ბელგიიდან. პირველად დაიბეჭდა 1913 წ. „სახალხო ვაზეთის“ № 978, 979, 984,
986-ში, „უიარაღოს“ ფსევდონიმით. ნარკვევი აგვიწერს 1913 წ. ბელგიაში, ქ. ვანში
ვახსნილ მსოფლიო გამოფენას. ავტორის დიდა ინტერესით დაუთვალაიერებია
ვაშოფენა, როგორც კი შეეძლო აუწერია ის და „სახალხო ვაზეთისითვის“ გადა-

უგზავნია, რომ მაშინდელი ქართველი მკითხველი გასცნობოდა ამ მნიშვნელოვან მოვლენას. აქ იბეჭდება „სახალხო გაზეთში“ გამოქვეყნებული ტექსტის მიხედვით

„შ ე შ ლ ი თ ა ს ა მ ე ფ ო შ ი“ (გვ. 597—617). წერილი ბრიუსელიდან. ნარკვევში აღწერილია ს. ლიერნეს მიერ გამართული სულით ავადმყუთთა თავშესაფარი ფორ-ჯაკოში (ბელგია). პირველად დაიბეჭდა 1914 წელს „სახალხო გაზეთის“ № 1195, 1198-სა და იმავე წლის „სახალხო ფურცლის“ № 3-ში, უიარაღოს ფსევდონიმით. აქ იბეჭდება ზემოდასახელებულ გაზეთებში გამოქვეყნებული ტექსტის მიხედვით.

„ბ რ ი უ ს ე ლ ი დ ა ნ ს ა ქ ა რ თ ე ე ლ ო მ დ ე“ (გვ. 618—627). ნარკვევი ეხება ავტორის მოგზაურობას, როცა ის ბრიუსელის უნივერსიტეტის საბუნებისმეტყველო ფაკულტეტის კურსდამთავრებული, გეოლოგიის დოქტორის ხარისხმიღებული სამშობლოსაკენ მოეუბრებოდა 1922 წლის გაზაფხულზე. პირველად დაიბეჭდა 1922 წ. გაზეთ „ლომისის“ № 1-ში, „უიარაღოს“ ფსევდონიმით. აქ იბეჭდება „ლომისში“ გამოქვეყნებული ტექსტის მიხედვით.

„ქ ა რ თ უ ლ ი ე ნ ი ს ა თ ე ი ს“ (გვ. 628). საგაზეთო სტატიაა შობილიერი ენის სიწმინდის დაცვის საკითხებზე. პირველად დაბეჭდილი იყო 1923 წ. გაზეთ „ლომისში“ (№ 31). აქ იბეჭდება „ლომისში“ გამოქვეყნებული ტექსტის მიხედვით.

ასეთია მოკლედ პირველ ტომში მოთავსებული მასალის ბიბლიოგრაფია და შენიშვნები. მოყვანილ ბიბლიოგრაფიულ ცნობებიდან ირკვევა კონკრეტულ თათარიწილის შემდეგი ფსევდონიმები: თ-ლი, კოდრა პატრია, კონა, და საბოლოოდ განმტკიცებული უიარაღო რაც შეეხება კიდევ ორ მის ფსევდონიმს: მისანი და ო. რომელზედაც ვასო გადილია მიგვითითებს, ავტორს გამოყენებული ჰქონდა პუბლიცისტურ და მამხილებელ საგაზეთო სტატიებისათვის. მაგ. 1906 წელს გაზეთ „სიტყვაში“ (№ 2, 3, 5, 6, 11, 15) ფსევდონიმით „მისანი“, მოთავსებულია მისი რეოლუციური ხასიათის პუბლიცისტური სტატიები საერთო სათაურით „ნაენობი სურათები“, რომლის ქვეშ მოქცეულია სრული და ენამახვილური დასათაურებანი სადღეისო საკითხებზე დაწერილი სტატიებია. ხოლო ო-ს ხელმოწერით იმავე წლის დასახელებულ გაზეთ „სიტყვაში“ (№ 1) მოთავსებულია თვითმპყრობელობის ბიუროკრატიული მთავრობის „საგმირო საქმეების“ მამხილებელი, მეტად მწვავე ტონით დაწერილი სტატია.

უიარაღოს თხზულებათა წინამოდებარე ტომში შესული მასალები, როგორც ვნახეთ, გარდა ორი მოთხრობისა, სხვადასხვა დროს იყო გამოქვეყნებული პერიოდულ პრესაში. ამიტომ ნაწარმოებთა უმეტესობის ტექსტს საფუძვლად დაედო დასახელებულ გამოცემებში დაბეჭდილი ტექსტები. ავტორის სტილი და წერის მანერა ყველგან დატულია. რედაქტორის კალამი მოხვდა მხოლოდ აქა-იქ მოჭარბებულ პროვინციალიზმებს და ისიც პროვინციის ცხოვრების ამსახველ მოთხრობებში. სხვა შემთხვევაში ავტორს პროვინციალიზმები თითქმის არც კი აქვს. მკითხველს რომ ტექსტის ზოგიერთი ადგილის გაგება გაადვილებოდა, აქა-იქ კოლორატისათვის გამოყენებული მეგრული სიტყვები, გამოთქმები და ლექსები ვთარგმნეთ და შენიშვნის სახით სქოლიოში ჩავიტანეთ. უიარაღოს მეორე ტომში შევა: რომანი „მაძიებელი“, რამდენიმე გამოქვეყნებული მოთხრობა შერლის არქივიდან და პუბლიცისტურ ხასიათის სტატიებისა და ნარკვევების შერჩეული ჩვადი.

ს ა რ ჩ ე ჯ ი

უიარაღო (კონდრატე თათარიშვილი) შესავალი წერილი ს. ცაიშვილისა ✚

მ ო თ ხ რ ო ბ ე ბ ი

შვიდობითი	3
ჩემი რა ბრალია?	143
მე და ბიძაჩემი	153
ჩაიხე..	159
უსიამოვნო შეხვედრა რაბი იიშუ	178
ერთი მრავალთაგანი	195
დრუნჯას სიზმარი	200
რეაქცია	203
შოლტი	206
მეფე	215
ქრისტე აღსდგა!	226
პროტეჟია	234
პირუთენელი დაფასება	238
ფარიგეულები	242
უდაბნოში	246
გეთსამანია	254
გასამაროლება	261
შიში	274
გაცრუებული იმედი	282
წყაღება	293
ერთგული	307
სამკედლოში	314
იშასაც შეეშინდა	325
მამულჯი	336
მღვდელი და დიაკვანი	450
მონუკებულები და დეკაპერონი	459
ლამაზია?	468
მოაზროვნე ტრილობიტი	474
ბედნიერება	484

ნ არ კ ვ ე ბ ი და ნ ე რ ი ლ ბ ი

ბედკრულთა მეგობარი ეკიმი გააზი	519
ტფლისიდან ჯულფამდე	529
მსოფლიო გამოფენა ქ. განში	574
შეშლილთა სამეფოში	597
ბრიუი ლიდან საქართველომდე	618
ქართული ენისათვის	628
ბიბლიოგრაფიული შენიშვნები—სოლ. ცაიშვილისა	633